

A photograph of ivy leaves with prominent veins, growing on a dark, textured tree trunk. The leaves are dark green with lighter green veins, and the background is dark.

Juziñamui Ñuera Uai

Minica Huitoto New Testament

Contents

Juziñamui Ñuefue San Mateo Llogafue	1
Juziñamui Ñuefue San Marcos Llogafue	60
Juziñamui Ñuefue San Lucas Llogafue	95
Juziñamui Ñuefue San Juan Llogafue	156
Jesús Orécamací finócafuiái	195
Roma Comínimo San Pablo Orécabe	249
Nanoide San Pablo Corinto Imácimo Orécabe	278
Méifodo San Pablo Corinto Imácimo Orécabe	304
Galacia Enie Imácimo San Pablo Orécabe	322
Efeso Imácimo San Pablo Orécabe	332
Filipo Comínimo San Pablo Orécabe	342
Colosas Imácimo San Pablo Orécabe	349
Nanoide San Pablo Tesalonica Imácimo Orécabe	356
Méifodo San Pablo Tesalonica Imácimo Orécabe	361
Nanoide San Pablo Timotéomo Orécabe	364
Méifodo San Pablo Timotéomo Orécabe	372
San Pablo Títomo Orécabe	378
San Pablo Filemómo Orécabe	382
Hebreo Imácimo Cuegabe	384
Santiago Cuegabe	409
San Pedro Nanoide Cuegabe	415
San Pedro Méofodo Cuegabe	423
Nanoide San Juan Cuegabe	428
Méifoidibe San Juan Cuegabe	434
Iraibe San Juan Cuegabe	435
San Juan Cuegabe	436
Iirairuillaido Iitífuiái Jino Cíotaina	439



Juziñamui Ñuera Uai

New Testament in Huitoto, Minica

Language: Minica Huitoto (Huitoto, Minica)

Provided by: Wycliffe Bible Translators, Inc.

This print-on-demand edition of Scripture is produced and provided at cost by the Digital Bible Society in partnership with the Bible League of Canada, Open Doors International, and other missions and translation agencies. To order additional copies of this or other Bibles, please visit www.dbs.org (USA), www.bibleleague.ca (Canada), and www.opendoors.org (Europe).

Copyright and Permission to Copy

Copyright © 2011 Wycliffe Bible Translators, Inc.

Copyright © 2011 Wycliffe Bible Translators, Inc. Scripture text used by permission.

PDF, ePub, and MOBI Bible covers and design are copyrighted 2017 by the Digital Bible Society (www.dbs.org).

PDF generated on 2017-08-24 from source files dated 2017-08-24.

1df1d6e7-856e-5ad7-ad37-268fdc5e6293

ISBN: 978-1-5313-0289-4

JUZÍÑAMUI ÑUEFUE SAN MATEO LLOGAFUE

El Santo Evangelio Según San Mateo

Jesucristo nánoramaci

(Lc 3.23-38)

1 Benomo cuega mámečiai Juzíñamui Jitó Jesucristo nánoramaci. Jesucristo jaiái illaíma David náiraimona comuídimie. Daje izói afémie David nánoramie Abraham náiraimona comuídimie.

²Afe Abraham Isaac moo, íemo jiái Isaac Jacob moo. Iemo Jacob Judá ie ámatiairi íaioi moo. ³Iemo Judá Fares Zara diga íaillinoi moo. Afe íaillinoi ei Tamar. Iemo Fares Esrom moo. Iemo Esrom Aram moo. ⁴Iemo Aram Aminadab moo. Iemo jiái Aminadab Naasón moo. Iemo Naasón Salmón moo. ⁵Iemo Salmón Booz moo. Afe Booz ei Rahab. Iemo Booz Obed moo. Afe Obed ei Rut. Iemo Obed Isaí moo. ⁶Iemo Isaí illaíma David moo. Iemo illaíma David, Urías tiilla mei Urías ai ote. Iemo David íaillinoi jító Salomón.

⁷Iemo Salomón Roboam moo. Iemo Roboam Abías moo. Iemo Abías Asa moo. ⁸Iemo Asa Josofat moo. Iemo Josofat Joram moo. Iemo Joram Uzías moo. ⁹Iemo Uzías Jotam moo. Iemo Jotam Acáz moo. Iemo Acáz Ezequías moo. ¹⁰Iemo Ezequías Manasés moo. Iemo Manasés Amón moo. Iemo Amón Josías moo. ¹¹Iemo Josías Jeconías naa ie ámatiairi moo. Aféruillaído Israel nairai Babilonia éniemo lláviano uigáiaioi.

¹²Afe mei Jeconías Salatiel moo. Iemo Salatiel Zorobabel moo. ¹³Iemo Zorobabel Abiud moo. Iemo Abiud Eliaquim moo. Iemo Eliaquim Azor moo. ¹⁴Iemo Azor Sadoc moo. Iemo Sadoc Aquim moo. Iemo Aquim Eliud moo. ¹⁵Iemo

Eliud Eleazar moo. Iemo Eleazar Matán moo. Iemo Matán Jacob moo. ¹⁶Iemo Jacob José moo. Afe José, María ini. Aféngomona comuide Jesús. Afémie jiáici Cristo.

¹⁷Be daí Abrahamona Davidmo itígima catorce méidigimaiai. Daje izói David illáigimamona Israel nairai lláviano Babilonia éniemo uilláigimamo catorce méidigimaiai. Iemo jiái afénomona catorce jiáigima Cristo comuíllanomo.

Jesucristo comuíllafue

(Lc 2.1-7)

¹⁸Jesucristo jocoina bie izói joidé. Ie ei María ja jicánogango Josemo iníreilena. Nai José diga íñena llezica, María Juzíñamui Ñuera Joreño ríinodo, ja úruereacade. ¹⁹Ie ini José ñue jaícina itímie, mei íadi uáfodo comini eróicana Maríana oni dotáacañede. Mei jiáifodo báinino buna onóñeno aféngona oni fiéacade. ²⁰Bíemo coméciilla llezica, ie ínia anado ángel dainámie, Juzíñamui abi ímie íemo cíocaide. Iena daide:

—José, David izíe ímie, meáiruñeno o iri. María o aiza o ofri, mei afengo jocolle jító Juzíñamui Ñuera Joréñodo comuídeza. ²¹Afengo jító jócoite; ie mei Jesuna ie mámecei jítaitio. Afémie daí mámeceireite, mei ie comínina íaioi fiénidífueмона jílloiteza, —daide.

²²Nana bie íficaide, jaiái Juzíñamui uai jino llóraima dainana ñue ícoimo fúitallena. Afe uai llóraima bie izói daide:

²³Nai inínide jitaingo úruereacade; íemona jító cómuite.

Afémie mámecei Emanuel daiille.

Afeci daífacade, Juzíñamui cai diga ite.

²⁴José nicáirillamona cazíllano Juzíñamui abi ímie íemo ocuilla izói finode. Maríana ie ai izói ote. ²⁵Mei íadi María jító jócuano, afe íaillinoi ua ini izói inédiailinoi. Jócuano Jesuna ie mámecei jítade.

Magos dainámaci ucúduaido ráfuenta baitádino Jesuna méiñuaibitiaioi

2 Jesús Belén jófuego jococa. Afe Belén Judea éniemo ite. Aféruilaido Herodes aféniemo illáimana ite. Iemo dáamací jitoma billáfene imaci Jerusalem dúcidaiaioi. Afémaci ucúduaido ráfuenta baitádino. ²Dúciillano jicánotiaioi:

—¿Ninomo ite jococa Judfúai illaíma? Mei jitoma billáfenemo ie illano onótate ucúduna ciódicaiza. Afémie cáimadol-lena benomo biticai, —daidíaioi.

³Bífuenta Herodes fídiamona, afémie comeci llícide. Daje izói jíai nana Jerusalem comini afemo comeci llícioidiaioi. ⁴Iemona Herodes nana lletáriraini illaini, íemo ocuica uailai llófuetino diga dáanomo jírillano jicánote. ¿Mei nie jófuego afe Cristo jécille? ⁵Jira íena daidíaioi:

—Afémie Belén jófuego jécille, mei jaiiai Juzíñamui uai llóraini bie izói dáideza:

⁶Belén jofue Judá éniemo ite. Afe éniemo ite jamánomoide jófueмона afe Belén dinó dúeñeite; mei afénomo cue nairai Israel úiñoite illaíma cómuíteza, —daí daidíaioi.

⁷Afe mei Herodes ucúduaido ráfuenta baitádinona báinino uáidote. Uáiduano íaioimo jicánote: “¿Niie monado afe ucúduna ciódiomoi?” ⁸Iaioi llua méifomo, Belemo íaioina orede. Oriano íaioina daide:

—Afénomo omoi jai. Jaillano afézana ñue jaícina omoi jicánori. Afeza omoi báiaí, cuemo lluaíbiri, mei afézana cáimaduaiacadicue, —daide.

⁹Afe illaíma daí íaioina daina mei, ucúduaido ráfuenta baitádino jáidiaioi. Ie mei jitoma billa dibénemona íaioi ciona ucudu, meine abído íaioina ífóicaide. Ífóicaillano afe úrue illánomo mózizaide. ¹⁰Baitádino afe ucudu móz-

izaillana cióillano, iere cáimacaidiaioi. ¹¹Iemo afeco eromo jaillano, afézana ie ei María diga cióidiaioi. Iemona afézamo cañici ana dújuillano, íena cáimadotiaioi. Afe mei íaioi atica raa túiñuano, afézamo fecádiaioi. Ua oro, íemo uguci, íemo “mirra” daina ráifide ziórede raa, afézamo fecádiaioi. ¹²Afe méifomo, Juzíñamui nicáirillado íaioimo lloite; Herodes illánomo íaioi jáiñeillena íaioina daide. Afemona oni jíaiie iodo íaioi éniemo jáidiaioi.

Jesús moo íaillinoi Egíptomoo bótaja

¹³Ucúduaido baitádino meine jailla méifomo, Juzíñamui abi ímie (ángel dainámie) nicai anado Josemo cíocaide. Cíocaillano íena daide:

—¡Náidacai! Náidacaillano úrue ie ei diga Egipto éniemo omoi bota. Afénomo cue daiille dinó omoi iri. Mei Herodes bie úrue fállena jénoíteza, —daide.

¹⁴Mei jira José náidacaillano, úrue naa ie éioiri naio Egíptomoo botádiaioi. ¹⁵Afénomo ua Herodes túille dinó itíaioi. Bie izói íficaide, Juzíñamui uai llóraíma jaiiai daina uai ñue ícoimo fuitállena. Afe uai be niie: “Egíptomona cue Jitó uáidotícue.”

Herodes nana úruiaina fazítate

¹⁶Iemo Herodes ucúduaido baitádino afémie jifánodoiana fidíillano, afémie jamánomo rícaide. Iemona nana Belemo ite mena fimona fuitade úruiaina fazítate. Afe jofue áinodo ite úruiaina daje izói fazítate. Naui ucúduaido baitádino úrue jocóinana Heródesmo llua izói, mena fimona fuitade úruiaina fazítate. ¹⁷Bie izói jaiiai Juzíñamui uai llóraíma Jeremías lloga uai fuite. Be níuiai:

¹⁸Rama jófuego zúurede uai cácaite; cáillicailli eia uai cácaite. Nairai uzuma Jacob ai Raquel báifene jica ia cómutaga úruiairi éhena.

Aféngomona jica ia úruiai cómutatino eia jaca buna fíranide, mei afengo úruiai fazílliaioiza, daí Jeremías daide.

¹⁹ Mei afe Herodes tiilla méifodo Juzíñamui abi ímie nicai anado batí Egiptomo Josemo cíocaide. Cíocaillano fena daide:

²⁰ —¡Náidacai! Náidacaillano úrue naa ie éioiri abido Israel éniemo omoi jairi, mei nauí baie fáiacadino nana ja tíidiaioi, —daide.

²¹ Afemona José afe úrue naa ie éioiri abido Israel éniemo jáidiaioi. ²² Mei íadi Arquelao ie moo Herodes ifomo illáimana íllana fidíllano, José afe Judea éniemo jáillana jacíruite. Iemo Juzíñamui nicai anado afémiemo llúamona, afémie afénomo jáiñeno Galilea éniemo jaide. ²³ Afe Galiléamo dúcia méifodo, Nazaret jófue mo fiébizaide. Bifue bie izói joide, jaii Juzíñamui uai llóraima daína uai ñue ícoimo fuitállena. Be ñíuui: “Jesús Nazaret ímie daírena.”

Juan Bautista táizicimo rafue jino lloste

(Mr 1.1-8; Lc 3.1-9, 15-17; Jn 1.19-28)

3 Aféruído Juan Bautista Judea éniemo ite táizicimo lletámaizaibite. ² Daide:

—Omoi comeci ífuiai mai méidori, mei monamo ite Juzíñamui illáimana ilíruí ja íanori íteza, —daide.

³ Bie Juan jaii Juzíñamui uai llóraima Isaias llogámie. Afémie jica ia bie izói Juaado cuete:

Ficire úritimie uai táizicimo cácaide. Afémie daide: “Juzíñamui bille io ñue fínua izói, omoi comeci ñue omoi fínori.

Afémiemo io jaícina dénuia izói, Omoi comeci íaífuiai omoi féítari”, —daide.

⁴ Aféruíllaido Juan jitáoigaroi camello itíraiai ñíinaroi. Ie ciraiji ífe rille igoi

finoina. Afémie jaca fíuiai rífirede. Daje izói cíiji jófífirede. ⁵ Jerusalén comini afémie úrillamo cacáreizaíbitiaioi, daje izói nana Judea énie imaci, íemo jíái Jordán imani abi comini ie úrillamo cacáreizaíbitiaioi. ⁶ Iaiomo ite fiénidífuiai jino íaioi llua méifomo afe Juan Jordamo íaioina báutizade.

⁷ Mei íadi fariséuaimona, jíái saducéuaimona aillo comini Juan diné ie báutizajanomo bitíaioi. Afémaci bíllana Juan cíoaillano, íaioina daide:

—¡Titade jaióniaimona comuídino izóidiomoi! Ja ánozide duere zefuállífuemona omoi botállena ¿bu omoi llua? ⁸ Omoi comeci ífue méidoiacanana ñúefuedo uáfodo jino ácatari. ⁹ Dani ómoimona “Abrahámona comuídinodicai cai íllamona Juzíñamui íena iticai,” afe izói daíñeno iri, mei táinoza. Mei bie noficiaimona, Juzíñamui jitáiadi Abraham comínina comútaredeza, daí ómoína daídícué. ¹⁰ Fiénide amena tiéllena jata jicaida jóonia izói, fiénidino duere finoille jae ñue mameca. Nana figo llizíñede amena tíano iraimo zocana uillano jobaica. (Tiéfirega zena izóidiomoi.) ¹¹ Uáfuenta bimaci comeci ífue íaioi méidua jira, jáinoido íaioina báutizadícué. Mei jíáifodo cue méifodo bíitímie, comínina Ñuera Joreño úcaítaite. Daje izói iraimo raa ñue zia izói afémie comínina íáinino ñue fínóite. Afémie iere cue baimo ríinorede, cue bie jamáimiedícuéza afémiena dama ñue jacíruiredícué. ¹² Afe cue méifodo bíitímie arroz bíájidímie izói ja ie llocofe llíicabite. Afémie arroz bíamona ícuai oni eneno ua izói, ñúemacimona fiénidinona oni eneno óite. Ñúemacina ie illánomo ñue ráiruite, mei jíáifodo fiénidícuai izóidinona jaca dúíñeite iraimo jóbaite, —dínori Juan úrite.

Jesús báutizaina

(Mr 1.9-11; Lc 3.21-22)

¹³ Jesús Galiléamona imani Jordamo Juan illánomo bite, afe Juan ie báutizalena. ¹⁴ Jesús bítemo Juan íena báutizacañede. Jira Jesuna daide:

—Cue bie odo báutizaregacue. ¿Ñibái mei cue dinena bitio? —daide.

¹⁵ Jira Jesús íena daide:

—Dama daíftadeza, birui cue daina izói fino, mei nana Juzíñamui jítaina izói finóredicocozá. Afe coco finolle cócomo ñue jóbide, —daide.

Iemona Juan ja fairfote. ¹⁶ Afemona Juan Jesús báutizade. Báutiza mei Jesús jáinoimona jino bite. Afe llezica mona raire túijicaide. Afe dáaruído Jesús Ñuera Joreño fíiciri ana billa izói bíllana ciode. Afémiemo ráinazaibite. ¹⁷ Mei íemona monámona daa úrilla uai cácaide. Afe úrilla daide:

—Bie iere cue izíruiga Jitó. Afémiemo jamánomo ióbioidicue, —daide.

Taife Jesús facátate

(Mr 1.12-13; Lc 4.1-13)

4 Afe mei Ñuera Joreño Jesús táizicimo uite, afénomo Taife afémie fiene facátallena.

² Afénomo Jesús cuarenta dígarui güiñeno ite. Mona naio diga afénomo güiñeno ite. Afe mei afémie iere jamánomo jufínaite. ³ Ie jufnáilla llezica, Taife Jesús facátallena áinozide. Iena daide:

—Ua Juzíñamui Jitona o íadi, mai bie nofíicai paana mei fino, —daide.

⁴ Jira Jesús uai ote:

—Jaiái Juzíñamui Cuegáuai daide: “Fia güíllado come ínide, mei jíáfodo nana Juzíñamui lloga uaido írede,” —daide.

⁵ Iemo Taife Jesuna ñuera Jerusalén jófueмо uite. Afénomo ite gairíracó

emódomo caifo jica Jesuna uite. ⁶ Uillano íena daide:

—Ua Juzíñamui Jitona o íadi, benómona ana batí mai ticai, mei Juzíñamui Cuegáuai bie izói dáideza:

Juzíñamui ie abi imácina ona uíñotaite. Iaiói ónoído ona mozíñoitiaioi, o éiba nofíicai mo íziñeilla, —daide.

⁷ Jira Jesús uai ote:

—Jaiái Juzíñamui Cuegáuai nane daide: “O ocuide Juzíñamui mai facátáñeno,” —daide.

⁸ Nane dánomo Taife iere caifóndumo Jesuna uite. Afénomona Taife nana éniemo ite náiraina ie ácatate, naa íaioimo ite ebíredífuiairi. ⁹ Iemo nane íena daide:

—Cañícido cue anamo dújuano cuemo o caimátaiadi, nana bie omo íitícue, —daide.

¹⁰ Mei jira Jesús daide:

—Taife, mai oni jai, mei Juzíñamui Cuegáuai dáideza: “Dama ocuide Juzíñamuimo caimátairena. Dama afémie ocufíregamiéna o iri,” —daide.

¹¹ Afemona Taife Jesús fáicanocailano oni jaide. Afe mei dáarie Juzíñamui abi ímiíai Jesuna cánuaibite.

Jesús Galilea éniemo como fueñe táijizaide

(Mr 1.14-15; Lc 4.14-15)

¹² Jesús Juan Bautista llavéinana fidíillano, oni Galilea éniemo jaide. ¹³ Mei íadi Nazaremo fiébiñeno, Capernaum jófueмо jaide. Afe jofue Galilea jorai fuédamo ite. Iemo afe jofue Zabulón éniemo ite. Daje izói Naftalí énie áinomo ite. ¹⁴ Jaiái Juzíñamui uai llóraima Isaías lloga uai ñue fuitállena, bie izói íficaide. Afe uai daide:

¹⁵ Zabulón énie, Naftalí énie diga áillue jóraimo jóide io áinori ite.

Afémie Jordán ruicáfellemo ite.

Afémie judíoñedinomo dúide Galilea daina énie.

¹⁶ Aféniaimo ite comini jítinomo itino izói Juziñamuina onóñediaioi.

Mei íadi ja birui afémaci como aillo egáiñotena ciódino izói, Juziñamuina uáfodo onódiaioi.

Iemo jái afe tíide izói Juziñamuina ónoñedino jae egáiñogaiaioi, Juziñamui ziiñona illífuena íaioi maiñollena.

¹⁷ Afe mei Jesús jino comínimo ie llófuelle uai fueñe tainede. Daide:

—Omoi comeci ífuiai méidori, mei monamo ite Juziñamui illáimana illirui áinozideza, —daide.

**Jesús cuatro dígamie
facófirefino uáidote**

(Mr 1.16-20; Lc 5.1-11)

¹⁸ Jesús Galilea jorai fuédado macádemo, mena ama íaillinoina baite. Dáamie mámece Simón, afémie jáífodo mameina Pedro. Jiáie baigámie mámece Andrés. Afe íaillinoi facóraini. Afe llezica llóiji jóraimo dotádiaillinoi.

¹⁹ Iemo Jesús íaillinoina daide:

—Mai cuedo bi, comini llófuellena íaioi jénoitímiena ómicoina jóneiticue, —daide.

²⁰ Iaillinoi llóiji fiénocaillano afémiedo jáidiaillinoi.

²¹ Nane afe báifenemo Jesús mena jiáie ama íaillinoina cóizaide. Afe íaillinoi Zebedeo jitó Santiago Juan diga. Afe íaillinoi áillue nocaemo ie moo diga íaioi llóiji ñue finódiaioi. Jesús íaillinoi uáidote. ²² Afe llezica, áillue nocaemo íaillinoi moo fiénocaillano, Jesudo jáidiaillinoi.

**Jesús nágagobiaimo
aillo comini llófuete**

(Lc 6.17-19)

²³ Afe mei Jesús Galilea éniendo nágafenedo jaide. Nana Juziñamui uai llófuerriracuaimo llófuerte. Afémie Juziña-

mui illáimana illirui ñúefuedo jino llócaide. Daje llezica nana jáífodorie irárede comini jíllotate. ²⁴ Nana Siria éniemo Jesús finoca ñúefuiai jalleide. Iemona Jesumo jáíforiede dúcuaimo duere zefuídino atídiaioi. Iemo jáíforie izi cácadino, íemo fiénide jóriai uícaigamaci, íemo chémemo raamo jíridino, íemo tizitaitino, nana bie izóidino Jesumo atídiaioi. Iemo nana afémacina Jesús jíllotate. ²⁵ Iemona diga jáínuiaimona bitíaioi Jesudo jáillena. Galilea éniemona bitíaioi, íemo Decapólis jófuiaimona bitíaioi, íemo Jerusalén naa Judea éniemona bitíaioi. Daje izói imani Jordán ruicáfellemona Jesudo bitíaioi.

Caifónedumona Jesús lloga are uai

5 Jesús afe aillo iedo jáidinona cóoillano, caifónedumo ráinazaide. Iemona ie llófuegamaci afémie abido ofídiaioi. ² Afe mei Jesús bie izói como íaioina llófuete:

Caimare ióbidino

(Lc 6.20-23)

³ “Comeci dinena dúeredicai” daiífiredino ióbidiaioi, mei monamo ite Juziñamui illáimana illarui afémacimo dúideza.

⁴ Comécina zúuredino caimare itíaioi, mei Juziñamui íaioi fráiteza.

⁵ Comécina mánaidino caimare ióbidiaioi, mei Juziñamui jica ia íaioiena mameca énie máiñoitiaioiza.

⁶ Júbiena méinegamie iere güfacana izói, Juziñamui comeci jítaina izói iere íacadino caimare ióbidiaioi, mei Juziñamui afe íaioi íacanana izói íaioi íllena afémacina cánoiteza.

⁷ Jiáimacimo dúecaifiredino caimare ióbidiaioi, mei Juziñamui íaioimo dúecaiteza.

⁸ Comécina íainidino caimare ióbidiaioi, mei Juziñamuina cóoitiaioiza.

⁹Icrafuena oni orédino caimare ióbidiaioi, mei Juziñamui afémacina “Cue jitódiomoi” dáiteza.

¹⁰Juziñamui jítaina íaioi fñuari duere zefuédino caimare ióbidiaioi, mei monamo ite Juziñamui illáimana illarui íaioimo dúideza.

¹¹Comini omoi báinua, omoi duere íaioi fñua caimare ióbidiomoi. Daje izói cue ícoinia taino uailai ómoimo íaioi nitáadi caimare ióbidiomoi. ¹²Afena ná-fueñeno ióbicana caimare omoi iri, mei monamo ite áillue ebíredifue jirídoitio-moiza. Mei jaijai nai omoi íñena llezica ite Juziñamui uai llóraini daí duere finóllena racácaiaioi.

Sal ñue fñua izói, afe izói comini ñue finódinona itíomoi; daje izói bínie egáñotiniomoi

(Mr 9.50; Lc 14.34-35)

¹³Omoi, sal izói, bínie comini ñue finódinona itíomoi. Mei íadi sal ie rñino íñenia güllena caimáretañede. Afe rñinonide sal ¿minicado meine rñiretade? Jaca meine rñiretaninamona jaca ráifñede. Comini zaizíllena macáranomo dotárega.

¹⁴Omoi finoca ñúefuiai fñuamona, bínie comini ñue íllena egáñote raa izóidiomoi. Iemona caifónedumo ite uáfori cíocaide jofue jaca retáidonina izói itíomoi. ¹⁵Uneca mechera nogero mo retáidollena unéñediomoi. Mei jíáfodo caifo uáfori cíoidinomo uneda ráinafirediomoi, jofero mo itínomo ñue egáñollena. ¹⁶Afe izói ómoimo Juziñamui comútaga omoi finóñifrega ñúefuiai jino comini eróicana finócana omoi uiri. Daí omoi ñue finócafuiaina ñue íaioi cíoillesa. Uáfori íaioimo cíotari, monamo ite omoi Moomo ñúefuiai íaioi jónellena.

Jesús Moisés ocuica uai dibénedo llófuete

¹⁷“Moisés ocuica uai cáitajaibite,” daí cuemo omoi coméñeno iri. Daje izói jaijai Juziñamui uai llóraima llófua íeítajaibiñedicue. Jaca afe uailai íeítajaibiñedicue, mei jíáfodo afe uailai ñue ícoimo fúitaibiticue. ¹⁸Uáfua ómoína dáititue, mona naa énie diga nai fúíñeille dño bie ocuica uáillaimona daa uai oni ónide. Nana áfemo lloga íficaitfuijai nai zuñena llezica, afe uailai jaca íite. ¹⁹Ie jira afe ocuica uáillaimona daa uai iere duere íadi dáamie náfueñenia, monamo ite Juziñamui illáimana illáruimo afémie jamáimiena jáite. Daje izói afémie náfueñena izói jíaimacina “Cai náfueñeilli” daííadi, iere jamáimiena jáite. Mei jíáfodo aféuailai náfuetinona íemo jíaimaci afe uaina náfuetadinona, “Bimaci Juziñamui illáimana illáruimo jamánomoidinona,” daíille. ²⁰Mei birui ómoína dáititue: Juziñamui jítainana ñue ícoimo fuitál-lena, ocuica uai llófuetino, fariséuai diga iere áfena nícidotiaioi. Mei íadi íaioi nícidoga baimo omoi fñoñenia, monamo ite Juziñamui illáimana illáruimo dúciñeitiomoi.

Jesús comini icírilla dibénedo llófuete

(Lc 12.57-59)

²¹Omoi jaiáidigimaci dáinana cacádiomoi. Afe daina be niie: “Jíaimana titáñeno iri, mei jíaima titádimie jícanuano duere finolle.” ²²Mei íadi afe emódomo nane dáititue. Ninó dáamie ie aino come diga icírria, afémie áferi jícanuano duere finolle. Daje izói ie ámana íaire daidímie Jamánomo Ráillaini afémiemo jícanuano duere finolle. Iemo jíái ie ámana “O abina onóñedimiedio,”

daíñadi afémie áferi jaca ninomo dúíñede iraimo orérede.

²³ Iemona Juzíñamuimo o úriacana llezica, daje izói afémiemo fia fecáacaga raá o izájacana llezica, o aino come diga o icrillamo o uibíoicaíadi, ²⁴ afe o izájacaga raana izáiñeno iri. Fueñe afémie diga ñue o finori, caimare uái ómicoi íllena. Afe ñue ómicoi fñua méifomo, o izájacaga raana fecáredio. Ja Juzíñamuimo úriredio. ²⁵ Iemo jíáífue mo oí cacai. Íaífue omo mamédímie diga raire o úrizairi, afe íaífue záíllezá. Jicánoracomo nai ona uíñena llezica, mai jino io anamo ñue ómicoi záítari, jicánoraímamo o ie úíñeíllezá. Daí o fñoñenia, afe jicánoraíma fiénidino llaitáfiredinomo ona izájite. Iemo afémaci ona llavéracomo íbaitiaíoi. ²⁶ Uafue ona dáííticue, o llavétatímie jicaca úcube ie jícaja díeze o íbañenia, afécomona jaca jino bíñeítio, —daídúe.

Jesús comini finoca jiruífue díbenedo llófúete

²⁷ Jaíai daináuai cacádiomoíza. Afe be ñie uai. Jíáie ringo diga jiruídoñeno o iri. ²⁸ Mei íadi ómoína daídúe: Omoímona dáamie ringomo eróicana fiéni comeí facáadi, afémie jae afengo diga ie comécido jiruífue finode.

²⁹ Mei o ciona raamo o éroíllamona fiénidífue mo ona baíítaia áfemo eróíñeno o iri. Ua, o uíji nabeji o fítajamona o eróinino o illa izói, afe izói o fiéniruitate raamo eróíñeno o iri. Afe uíji júbene o fítañenia izói, fiénide raamo éroíllano o fáicanocaiñenia o abina nana iraimo dotátaite. Ie jira o abímona daa íeizi íñena izói, nana o abí táinocaille baímo iere ñuera. ³⁰ Daje izói o finóacanaíuiai fiénidífue mo ona baíítaia, aféíuiai finóñeno o iri. O onoi nabezi o jáitajamona aféíuiai o finónino o illa izói, afe o fiéniruitate ráíuíaína o fáicanocairi.

O jáitañenia izói, o fáicanocaiñenia, o abina nana iraimo dotátaite. Ie jira o abímona daa onoi íñenia izói, nana o abí táinocaille baímo iere ñue ite.

Come ai dótaírena díbenedo Jesús llófúete

(Mt 19.9; Mr 10.11-12; Lc 16.18)

³¹ Daje izói jíáie jaíai daina uai bie izói joide: “Ninó daa come ie ai dotáadi, afe bie ringona benómona óñeíticue dainabe aféngomo írena.” ³² Mei íadi birui ómoína daídúe: Dáamie ie ai dotáadi, afémie aféngona jiruíretaite. Mei íadi daa ráfuedo dotárede. Afefue be ñie: Afengo íniredo ia jíáie íima diga íadi afengo dotárede. Daje izói dotácango aina otímie afe úamona afémie afengo diga jiruífue finode, mei Juzíñamui eróicana, afengo nai fuéñeidímie ai.

Jesús táinona uafue daííllena Juzíñamui mámeceí llíínuado llófúete

³³ Daje izói omoi jaíáidígimamona cacádiomoi. Afe be ñie uai: “Juzíñamui eróicana ie mámeceí o llíínuano o dáinana ñue ícoímo záítari.” ³⁴ Mei íadi birui ómoína daídúe: Uafue daííllena jaca mona mámeceí llíínonidiomoi. Mona Moo Juzíñamui illánoza, áfedo iere uafue daííñeno iri. ³⁵ Daje izói énie íbogido uafue daííñeno iri, mei aféñiena Juzíñamuimo jaínáideza; fia ie idai jóonera izóideza. Daje izói o llógana uafue daííllena Jerusalén mámeceí llíínoñeno iri, mei afe jofue Nahíllaimamo, ua Juzíñamuimo dúideza. ³⁶ Daje izói dama o ífócido uafue daííñeno iri, mei o ífótirai úzetiraina méidonidiomoíza, daje izói jíítitiraina orénidiomoíza. ³⁷ Iemona jíáie uaina nabáiñeno “Jíí fñoíticue” daííri. Mei jíáífodo “Jíí fñoíñeíticue” daíírena. Uafue daííllena bie izói o daina baímo jíáie uaina o nabáiadi afe uai Taífémona bite.

Jiáimamo iba úado Jesús llófuete

(Lc 6.29-30)

³⁸ Daje izói jiáie jaii nanómona dáina cacádiomoi. Afe daina be niie uai: “Dáamie jiáimie ui fitáadi afe ibana afémie ui fitárega. Daje izói dáamie jiáimie izido ditáadi afe ibana afémie izido ditárega.” ³⁹ Mei íadi birui ómoína daidicue: Dáamie fieni omoi finóadi, ibana afémiemo riire úriñeno o iri. Mei jiáifodo dáamie o uiéco putáadi daje llezica enéfene putari íena o daíri. ⁴⁰ Dáamie taino omo jítajano, o caifóferoi bairóadi, afe llezica o jinófenemo jítararoi caifóferoi diga naga afémiemo o fecari. ⁴¹ Daje izói dáamie mei policia izóidimie méere de raana daa kilómetro rífuedo o abítaiadi, afe baimo mena kilómetros icíriñeno o uíri. ⁴² Nane dáamie raa ómoimo jicáadi, afe íemo o fecari. Jiáimie “Nano íanori cuemo fia feca” daíadi, afémiemona oni jji-caiñeno o iri.

Cai icíriillamacina izíruiredicai

(Lc 6.27-28, 32-36)

⁴³ Daje izói jaii nanómona daina uaina cacádiomoi. Afe be niie uai: “Omo caimare úrifrenamiéna izírui, íemo o icíriillamiéna éoiri.” ⁴⁴ Mei íadi birui ómoína daidicue: Omoi icíriillamiéna omoi izírui. Omoi faidódimiéna caimare íemo omoi finori. Omoina éoidinona ñue omoi finori. Omoi báinotino, íemo jiái ómoína fieni finóacadino diga afémaci íena Juzíñamuimo omoi jicari. ⁴⁵ Daí omoi íllemona monamo ite omoi Moo Juzíñamui jítótaiina jáitiomoi. Mei afémie ñúemaci ie jítómana egáinotadeza, daje izói jiáie fiénidimaci íena egáinotadeza. Iemo, comécina jaícina jóidinomo afémie nocina bíitate, daje izói comécina jaícina jóinédino íena nocina bíitate. ⁴⁶ Mei

dani ómoína izíruiñono omoi izíruiadi, ¿áfemona minica jíridoitiomoi? Jaca jíridoñeitiomoi. Omoi jánairuiga gobierno rañoca úcube lláinofiredino da afémaci izíruiñono izíruiñoi. Afémaci baimo izíruirediomoi. ⁴⁷ Dama omoi ámatiai caimare omoi uáidoiadi, ¿niie ñúefue finódiomoi? Juzíñamuina onóñedino bie izói illa. Afémaci baimo nana comini caimare uáidorediomoi. ⁴⁸ Monamo ite omoi Moo Juzíñamui íaifuenide comécina figomiéna illa izói, afe izói omoi iri.

Jesús cai finófirega ñúefuiai dibénedo llófuete

6 Jesús nai úrite; daide: Omoi finófirega ñúefuiai comini eróicana afémaci ómoimo cáimacaillena omoi finóñeno iri. Daí omoi finóadi monamo ite omoi Moo Juzíñamui ómoína minícana jírídotañeite. ² Ie jira dúeredino o cánua llezica nana comini lloñeno, uái daí omoi canori. Jino omoi macáramo, daje izói Juzíñamui uai llófueriraco eromo diga táinona abi ínotino bífirediaioi. Afémaci comeci figóñedimaci illa llezica jino finócafuiamona ñúemacina eróidiaioi. Iaioi fñua izói finóñeno omoi iri. Afémaci daí fñofirediaioi jiáimaci íaioido ñue úrillena. Mei uafue ómoína dáititue: Comini íaioido caimare úrillado, íaioi jírídoadaga raana jae íaioi jírídoga. ³ Mei jiáifodo dúeredinomo daa raa o fecalle llezica o izíruiga aino cómemo lloñeno uái daí o fecari. ⁴ O fñofirega ñúefue báinino o finori. Iemona o Moo Juzíñamui o báinino finoca raana cóiteza. Afemona óiena mameca raana o jírídotaiteza.

Jesús Juzíñamuimo úrillado llófuete

(Lc 11.2-4)

⁵ Juzíñamuimo omoi úrilla llezica, abi diné ñue cóidimaci fñua izói finóñeno

omoi iri. Afémaci Juzíñamui uai lloraco eromo caifo naidáillano ficrede uaido Juzíñamuimo úrilla izói finódiaioi. Iemo jofue cígimo ite aillo comini ofíranomo daje izói finófirediaioi, comini íaioina cíoilena. Uáfuea ómoina dáititue, afe bie comini íaioido ñue úrillado, íaioi jirídoacaga raana jae jirídotiaioi. ⁶Mei jíáifodo Juzíñamuimo o úrilla llezica, o jofu eromo jaillano o naze íbairi; íemo afénomo o díga ite Moo Juzíñamuimo o úriri. Afemona o Moo Juzíñamui o báinino úrilla uaina cacáillano, óiena mameca raana o jirídotaita.

⁷Juzíñamuimo o úrilla llezica, Juzíñamuina onóñedino fínua izói, taino uailalai díga icaiño lloñeno o iri. Afémaci bie izói coméciidiaioi: “Are cue úrillado Juzíñamui nibai cuemo cacáreite,” daídíaioi. ⁸Afémaci izói íñeno o iri, mei nai o jitaille raa o jicáñena llezica o Moo Juzíñamui ufcodo onódeza. ⁹Ie jira bie izói afémiemo omoi úrifireiri: Cai Moo Juzíñamui, monamo itio; o mámevido ñúefue nitácaza.

¹⁰O illáimana illirui raire bíiteza. Dinomo monamo o comeci jítaíllafue íaioi fínua izói, afe izói bie éniemo finótaibiteza.

¹¹Cai nágarui jitaiga gülleniai, birui caimo fecari.

¹²Cai finoca fiénidifue iba caimo oñeno iri, mei afe izói jíáimaci fieni caimo finódiaioi íadi, afémacimo íbana oñédicai.

¹³Íaifuemo cai baíñellena caina uíñori. Iemo afe llezica nana fiénidifuiamona caina jíllotari.

Mei bínie comini jaca o illáimana illa anamo itífaioi.

Afémaci illáimaillena ríno jaca omo ite. Daje izói jamánomo ñue ébifue jaca omo ite.

Ja daítadeza.

¹⁴Mei uafue, ómoimo fieni finódino finoca fiénidifuea omoi féitaia, afe izói

monamo ite o Moo o finoca fiénidifuea féitaite. ¹⁵Mei íadi aféfuiai omoi féitañenia, omoi Moo omoi fiénidifuiaina féitañeite.

Jesús comini fímairilla díbenedo llófue

¹⁶Iemo nane Jesús daide: Dama Juzíñamuimo izire omoi comeci facállena güllena güiñeno omoi fímairilla llezica, omoi uíecona zuure finóñeno omoi iri. Jínofene ñue cíoina mei íadi comécina íáiredino daí finódiaioi. Íaioi fímairilla llezica abina iere zuure finódiaioi, comini íaioina cíoilano “Baie fímairitino,” íaioi daíllena. Uafue ona dáititue, afe izoide comini íaioina dánado íaioi jirídoacaga raana jae jirídotiaioi. ¹⁷Mei jíáifodo güiñeno o fímairilla llezica o uíeco ñue jocori; o ífo ñue júiri, ¹⁸ona comini “Baie fímairitimie” dáíñeillena. Iemona o díga ite báinidena cíófirede Juzíñamui, áfena dama cioille, íemona afémie áfena ona jirídotaita.

Monamo cai jirídollena ofítaredicai (Lc 12.33-34)

¹⁹Iemo nane Jesús daide: Bínimo aillo ráaniaina ofítañeno o iri, mei bínimo díga raa ícuai güífregaza, íemo jíáie raana ráataifredeza, íemo jíái merírfiredino merírfredeza. ²⁰Mei jíáifodo Moo Juzíñamui jítainana o finófireiri; caifo monamo íe illánomo ñúefuiai o ofítari, mei afénomo ite raana ícuai güiñédeza, íemo jíái afeno raa zabíñede, íemo afénomo merírfiredino merírnidiaioi. ²¹Mei uáfueza, o gaiga raa ofítajanomo dáanomo daje izói o comeci íiteza.

Cai illafue ñue egáiñote raa (Lc 11.34-36)

²²Ñúefuemo o coméciilla omo ñue egáiñote raa izoide. Jira bobaie

egáioinamona o uído ciónana o ióbitaja izói, afe izói ñúefuiai o jitáigana o comeci ífúena caimare itátaite. ²³Mei íadi ñúefuemo o comeciñenia, fiénidífuedo mácaja izói itio. Nana o comeci ífue zuure íteza. Mei Juzíñamui omo jóonega ñuera comécido dama fiénidífuedo o comeciia nii jamánomo jíitfomo o illa izoide. ¡Nii jamánomo jíitfena!

**Juzíñamuimo cai jainaina
llezica úcubemo jaináinidicai**

(Lc 16.13)

²⁴Daje llezica mena ocuúdimie anamo buna ínide, mei ménamiende anamo o íadi dáamie éoitio, íemo jíáimie izíruitio. Daje izói dáamiemo ñue táijíitio, mei íadi jíáimiena jámairuitio. Afe izói Juzíñamuina abí o náamataja llezica úcubemo abina náamatanidío.

**Juzíñamui ie úruiaina
jáidinona ñue úiñote**

(Lc 12.22-31)

²⁵Jira ómoina dáititue, nágarui omoi jitaiga güille naa jirolle díga áfemo comeci faiñeno omoi iri. Daje izói daa o jitalle incuíromo comeci faiñeno omoi iri. Cai ñue illafue güille baimo ráifide. Daje izói cai caana abí inroi baimo ráifide. ²⁶Mai monamo feede ófocuzaimo omoi coméciiri. Afémaci güílleniaina riñédiaioi. Daje izói llíziena jofo oñédiaioi, íemo jíái güille ñue finóranomo ofitañediaioi. Mei íadi monamo ite omoi Moo afémacina ecáfiredo. Omoi bie ófocuziai baimo iere ráifina. ²⁷Omoi-mona, comeci iere fáiamona ¿mei bu ie zairilla caifomo medio metro zairírena? Buna jaca daií ínide. Dama Juzíñamui ona dínorio o zairítaja. Afe izói o güíllena ócuite, jira áfemo comeci faiñeno omoi iri.

²⁸Iemo jíái ¿nibái mei incuíromo iere comeci fáifrediomoi? Jazícimo ite zá-

fiamo omoi coméciiri. Raamo táijíñediaioi, daje izói iníroina niñédiaioi. Mei íadi iere ebire cóidiaioi. ²⁹Iemona ómoina dáititue jaii illaíma Salomón iere ráarede íadi, bie záfia ebírena izói, ebírediroina jíatáñede. ³⁰Mei Juzíñamui ráitiamo ebire cóitaiadi, afémie ómoimo jeruñeno iníroina jítaite, mei afe ráitiai íanori ebire eróideza. Iemo afe jíáiruido ja jobáicaza.

³¹Iemona nana jíáie raamo comeci faiñeno omoi iri. “Cai güille inédeza, ¿minica güíticai?” daíñeno omoi iri. Daje izói jíái “¿Minica jíroiticai?” daíñeno omoi iri. Iemo jíái, “Iníroinidicaiza, ¿minica jítaíticai?” daíñeno omoi iri. ³²Mei uafue, bíniemo ite Juzíñamuimo íñoñede comini bífuiamo iere coméciidiaioi; mei íadi omoi Moo monamo ite. Afémie bie izoide raana omoi jítaíllana onode. Jira ómoimo inéde raamo comeci fáinidiomoi.

³³Mei íemona Juzíñamui illáimana illáruimo duide raamo raire uécodo járitáifreiri. Daje izói jíáie ie ocuícáfue raire uécodo omo fínofreiri. Afe mei nana bie omoi jitaiga raana óitiomoi. ³⁴Uire jiti cómuitífuedo comeci faiñeno omoi iri, mei uire aferui dama ie comeci uille ráfueniai átiite. Nágaruillaído comuide comeci fáille ráfuijai ja figo báiteza, baimo nabáinide.

Jiáima jánana fiene úriñeno o iri

(Lc 6.37-38, 41-42)

7 Juzíñamui ómoimo izire jícanoñeilena, mai jíáima jánana fiene úriñeno o iri. ²Mei jíáima jánana riire o úrilla izói, afe izói Juzíñamui riire ómoimo jícanoite. Jíáimamo raana fácano omoi feca izói, afe izói afémie ómoimo fácano fécaite. ³¿Mei niie izói o ama uimo ite jéenide ráaruaina códio, mei íadi afe dáaruído dama o uimo jéerie rarúnguai íllana náfuéñedio? (Afena dáii-

acade: Aillo fiénidifue omo illa llezica, ¿ñie izói due jiza oni nibéfodo baíidimie jánana úriredio? Urinidio.)

⁴Iemo afe jéerie rarúnguai dama o uimo íadi o ámana ¿ñie izói daífredio: “O uimo ite jéenide ráaruai cuena otátari”? Daífnidio. ⁵¡Abi dine ñue cioide comécina íáiredimiedio! Fueñe dama o uimo ite jéerie rarúnguai oíri. Afe o ua mei, afe o ama uimo ite jéenide ráaruaina jino óredioza.

⁶Juzíñamui ñue finoca raa, Juzíñamuina íairuitinomo fecáñeno iri; fecádiomoiniadi áfena jámairuillano afémaci ómoína tñbitaitiaoi. Daje izói perla izoide ráifidifuiái meróniai izoide íafuiairedinomo lloñeno iri; llotómoiniadi meróniai rñriifirena izói bimaci ómoína uáitaíbitiaoi. Afe izoide ñúefuiái fiéni íacadinomo llónide.

Juzíñamuimo cai jicalle bie izói jóide

(Lc 11.9-13; 6.31)

⁷Mai omoi jicari, íemona Juzíñamui ómoimo fécaite. Mai omoi jenori; báitioimoiza. Nazémoma caimare omoi uáidori; ómoimo tuizáibiteza. ⁸Mei jicádimie llínoteza. Daje izói jenódimie báiteza; íemo jíái nazémoma caimare uáidotimiemo túigaza.

⁹Mei ómoimona dáamie ie jitó pan jícaya llezica ¿meita nofcina írede? ¡Jaca ínide! ¹⁰Iemo afémie chamu jícaya llezica ¿meita jaiona írede? ¡Inide! ¹¹Mei fiénidinodicai íadi, ñuera raa cai úruiaimo fécajana onódicai. Mei íadi afe baímo monamo ite omoi Moo, afémiemo jicádinomo jamánomo ñuera raa fécajana onode.

¹²Mei íemona omoi jitailla jíáimaci íaioi ómoimo fínua dieze, dájeze afémacimo finórediomoi. Mei Moisés ocuica uai bie izói jóideza. Daje izói jaiái Juzíñamui uai lloraini cuega uai afe izói jóideza.

Rillírede monamo duide io rafue

(Lc 13.24)

¹³Mei afe rillírede monamo duide iodo omoi jai. Niné táinocaitaitinomo jóide io iere áiloo. Daje izói áfeo boilla jamánomo áillue. Afeodo aillo comini jailla. ¹⁴Mei jíáifodo zíñona cai cáailinomo jóide io jaícina jóide íadi rillírede. Daje izói áfeo boilla rillírede. Afeodo jáidino dúemaci.

Naga amena ie llizílledo onórede

(Lc 6.43-44)

¹⁵Diga comini “Juzíñamui dibénedo úriticai” daidíai, íadi taino llotíai. Afe izoide comínimona abí omoi rairuiri. Afe bimaci ebire jíféidino izói ómoimo bitíai. Uáfueza, illáinide ovéjaiai izói ómoimo bitíai, mei íadi comeci dine illáirede jánallari izóidino. ¹⁶Afémaci finócafuaído íaioína uáfodo ónoitiomoi. Mei jíirede ñecñamona jíricue ónegaza. Daje izói jíirede monáigimona jíficollíai ónegaza. ¹⁷Mei daí nana ñuera amena ñue llizide. Daje izói nana fiénide amena fiénidíjaína llizide. ¹⁸Ñuera aménamo fiénide ráajiai llizínide. Daje izói fiénide aménamo ñuera ráajiai llizínide. ¹⁹Nana ñuera ráajiaína llizíñede amena tíano iraimo jobaica. ²⁰Bie izói baie ómoimo bitínona íaioi finócaigafuedo uáfodo ónoitiomoi.

Nana comini monamo ite Juzíñamui illáimana illáruimo jáíñeitiaoi

(Lc 13.25-27)

²¹Nana cuena “Ocuíraima” daíífredino monamo ite Juzíñamui illáimana illánomo jofo jáíñeite. Dani monamo ite cue Moo comeci jítaillana finódino jofo jáirena. ²²Aféruillaímo dúcia llezica, diga comini cuena dáitíai, “Ocuíraima, Ocuíraima, o mámeçido úrifredicai. Daje izói o mámeçido fiénide jóriaina jino

orédicai. Daje izói o mámevido ciórainina raana uaido comuítaticai.”
²³Mei íadi afémacina dáititue: “Jaca ómoina onóñedicue. Diga íaifuiái comuñdiomoiza, cúemona oni ii,” dáititue.

Ménade jofo nillino rafue

(Lc 6.47-49; Mr 1.22)

²⁴Mei afe bie izói joide. Cuená cacádimie íemo cue ocuícana finódimie jofo nállana baitádimie izoide. Afémie mairídinomo ie jofo nite. ²⁵Riire noci biide, íemo ille riire renaide, íemo riírede jairifo afécomo jaiñode; mei íadi afeco jainóñede, mei mairide éniemo nígaza. ²⁶Mei jíáifodo cuena cacádimie mei íadi cue ocuícana finóñedimie jofo nállana figo baitáñedimie izoide. Afémie ídiaídinomo ie jofo nite. ²⁷Afe mei riire noci biide, íemo ille riire renaide, íemo riírede jairifo jaiñode. Iemona aféconá jainode. Nana ana baiállano due fiébiñeno niné táinocaide. Jesús dinori úrite.

²⁸Jesús úrilla méifomo, nana comini ie llófuemarillari caimare fáigacaidiaioi, ²⁹mei ríñoredimie izói íaioina llófujeteza. Jaiái ocuica uai llófuefiredino ríñonide llófuia izói afémie llófueñede.

Jesús chíñaitimie jíllotate

(Mr 1.40-45; Lc 5.12-16)

8 Jesús caifónedumona ana billa llezica, diga comini afémiedo jáidiaioi. ²Iemo irárede chíñaitimie Jesumo ánozide. Afémie Jesús anamo dújuillano daide:

—Ocuíraima, o jítaíadi bie duícóna cúemona oréredio. Cúemona oreri, —daide.

³Iemona Jesús ie ónoído afémiena jétano daide:

—Jii, ona jíllotaiacadie. Benómona ja íainitioza, —daide.

Daíí daina llezica ie iráretade chiie jacáibicaide. ⁴Iemo Jesús íena daide:

—Cácarei, bifue bumo lloñeno iri. Dama lletáriraimamo o abi o ácatairi. Afe llezica Moisés ocuica o abi ja íainide daítate raa afénomo mai o fecari. Afemona nana comini o chiie ja jacáillana ónoítiaioi, —daide.

Romano illaíma

ocuífregamiéna Jesús jíllotate

(Lc 7.1-10)

⁵Capernaum jófuemo Jesús jailla llezica, Romano illaíma Jesumo billano izire jícade:

⁶—Ocuíraima, cue ócuífrega jícome iere irárede. Batí jofomo bíide. Afémie tízieri iere jamánomo izi cácade, —daide.

⁷Jira Jesús íena daide:

—O jofomo jaillano afémiena jíllotaitue, —daide.

⁸Jira illaíma Jesús uai ote:

—Ocuíraima, cue jofomo o jáillena, cue iere jamáimiedie. Jícana o uaido o ocuiri, afémie jílloilieza. ⁹Mei dama cue jáíllaíma uai anamo itie. Daje izói cue anamo cue úiñoga fuirraíni ite. Dáamiena “Bi” cue daíía, afémie bírede. Jáímiena “Jai” cue daíía afémie jaide. Daje izói cue ocuífregamiéna “Bie fino” cue daíía, afémie áfena finode, —daide.

¹⁰Jesús áfena cacáillano, caimare fáigacailano afémiedo jáidínona daide:

—Uáfuena ómoina daidie: Nana Israel náiraimo bie izói ínote come jaca baiñédie. ¹¹Omoína daidie, nágafeniáimona aillo oni jícanemaci bíítiaioi. Afémaci monamo ite Juzíñamui illáimana illánomo jofo ráinazaillano, daane Abraham, Isaac, Jacob diga güítiaioi. ¹²Mei íadi fueñe jáiredino, jino jítinomo dotálliaioi. Afénomo afémaci iere éenaicana murímurítiaioi, —daide.

¹³Iemona afe illáimana daide:

—Mai o jofomo jai. O ínuaze íteza, —daide.

Daí daina llezica afe irárede jitócome jíllode.

Jesús Pedro jífaiño jíllotate

(Mr 1.29-31; Lc 4.38-39)

¹⁴Afe mei Jesús Pedro jofomo jaide. Afénomo Pedro jífaiño abi cuaríllari irare bíinana cíóizaide. ¹⁵Iemo Jesús afengo onoi lílnua llezica ie abi cuarilla líllicaiide. Afemona afengo náidacaillano afémaci jítailla bai atide.

Jesús aillo iráredinuiaí jíllotate

(Mr 1.32-34; Lc 4.40-41)

¹⁶Aferui jitoma jímaicaidemo diga fiénide jóríai ogano Jesumo atídíai. Iemona daade uaido afe fiénide jóríai jino orede. Daje izói nane nana dúíco-taidínuaí afémie jíllotate. ¹⁷Nana bie izói zúide, jaiai uai lloráima Isaías lloga uai fuitállena. Be afe uai: “Cai íraníai afémie uite. Daje izói cai dúícuai afémie oni orede.” Daí Isaías llote.

Jesudo jáiacadino bie izói íredíai

(Lc 9.57-62)

Afe mei jorai fuédamo illa llezica, ¹⁸diga comini Jesús abido nágafene gairíllana cíoillano, afémie “Mai jorai ruicáfenemo cai jai,” daide. ¹⁹Iemo ocuica uai llófueraíma Jesumo billano daide:

—Llófueraíma, nana o jáiacana diné odo jáiacadicue, —daide.

²⁰Jira Jesús ie uai ote:

—Nana jazici ríllenai uái ífireíllino ite. Daje izói caifodo féedínuaí uái íaiói ráiíllino ite. Mei íadi Nanoide Hima Jitódicueza, dáanori uái cue illino íñede, —daide.

²¹Iemo jíáie ie llófuegamacimona dáamie íena daide:

—Odo jáiacadicue, mei íadi fueñe cue ore cue moo tílle dinó cue ílleza,

íemo íena ráiícadicue; afe méifomo odo jáitícue, —daide.

²²Jira Jesús ie uai ote:

—Mai cuedo bi. Juzíñamuimo ná-fueñedino tíide izóidimaci; mai mei jadíe ua tíitimie afémaci ráilleza. O cuedo bi, —daide.

Jesús jairifo naa jorai bagua diga líllicaitate

(Mr 4.35-41; Lc 8.22-25)

²³Ie mei Jesús naa ie llófuegamaci diga áillue nocaedo jáidíai. ²⁴Afe mei jorai ruicáfenemo jáidíai, daa jamánomo rírede jairifo náidacailla. Afe jairíromona jorai bagua afecae acónillaina íbáiacade izoide. Mei íadi afe llezica Jesús inide. ²⁵Iemona ie llófuegamaci ie cazítatíai. Cazítajano íena daidíai:

—¡Ocuíraíma, cai jíllota! ¡Ja buízaidí-caíza! —daidíai.

²⁶Jira afémie uai ote:

—¿Nibái mei iere jacínaitímoi? ¡Omoi nai figo íñoñediímoi! —daide.

Iemona afémie náidacaillano jairifo naa jorai diga lletade. Daí ie daina llezica jorai bagóñeno uái ite. ²⁷Iemona afécaemo ítmíai caímare fáigacaidíai. Fáigacaillano daidíai:

—Bie mei, ¿níie come? ¡Bímie daina uaina jairifo naa jorai diga ínote! —daidíai.

Gerasa éniemo ite fiénide jóríai úicaiga íaíllinoí rafue

(Mr 5.1-20; Lc 8.26-39)

²⁸Afe mei Jesús jorai enéfenemo Gerasa éniemo dúcidemo, mena íima raíáfuaímona Jesús diné bite. Afe íaíllinoí fiénide jóríai úicaiga. Afe íaíllinoí jamánomo jacire illáirede. Afedo jóide iodo buna jáinide. ²⁹Jesús afe íaíllinoí lleta llezica caíllíídiíllinoí:

—Jesús, Juzíñamui Jitódíioza. ¿Nibái mei cócomo jíricaidío? ¿Nai aferui

dúciñedemo benó coco duere fñu-aibitio? —daidíaiillinoi.

³⁰ Afe llezica afe áinori tóica meróniai güitíai. ³¹ Jira afe fiénide jóriai Jesumo izire jicádiaioi:

—Bie come íaillinoimona jino cai o oréadi, táinomo oréñeno baie meróniaimo cai oreri, —daidíai. ³² Jira Jesús íaioina daide:

—Mai afénoimo omoi jai, —daide.

Afe fiénide jóriai afe íaillinoimona jino billano meróniaimo jaide. Afe mei afe meróniai jorai arimo ite íconido jabida jóraimo cocídiaioi. Afénoimo coróbaizidiaioi.

³³ Iemona afe meróniai úiñotino jací-naillano botádiaioi. Jófueimo dúciillano nana aféfuiai llotíai. Daje izói fiénide jóriai uícaiga íaillinoimo finócafue llotíai. ³⁴ Iemona nana afe jofue comini Jesús illánomo jáidiaioi. Afémiena cóillano, afe íaioi éniemona oni jáillena izire jicádiaioi.

Jesús tízitaitimie jíllotate

(Mr 2.1-12; Lc 5.17-26)

9 Afe mei Jesús áillue nocaemo ana jaillano jorai enéferaimo ruica jaide. Iemo dama ie jófueimo dúcide. ² Afénoimo tízitaitimie Jesumo atídiaioi, naa ie bírallu diga. Afémaci ínuana Jesús cóillano, iráredimiena daide:

—Cue izíruigamie, mai caimare ii, mei omo ite fiénidífuiai jae dógaza, —daide.

³ Jira ocuica uai llófuetinomona dáarie comeci anado daidíai: “Bímie baie jíaimie fiénidífuiai dóina dáinado Juzíñamuina icíritade.” ⁴ Jesús afémaci comécido dáinana onóillano daide:

—¿Níbái mei fieni omoi comeci facádiomoi? ⁵ Mei daí daina ménade uáimona ¿ñie uai iere llotáinina? Afe ménade uai be ñie: O fiénidífuie muiñócaza. Iemo jíaie uai bie izói daina: Náidacaillano, maca. (Iiraie uai jamánomo llotáirede, mei omoi

eróicana íficaideza.) ⁶ Ie jira Nanoide íima Jitódicueza, bíniemo cue illa llezica, comínimo ite fiénidífuie cue muiñolle rño jino ómoimo cótaticue, —daide.

Afemona afe tízitaitimiena Jesús daide:

—Mai náidacai, náidacaillano o bírallu llínota o jofomo jai, —daide.

⁷ Afemona tízitaitimie náidacaillano, ie jofomo jaide. ⁸ Nana comini áfena cóillano iere jacínaitiaioi. Afemona Juzíñamuimo ñúefuena nitádiaioi: “Mei Juzíñamui áillue rño bie cómemo fecádeza,” daidíai.

Jesús Mateo uáidote

(Mr 2.13-17; Lc 5.27-32)

⁹ Jesús afénoimona oni jaide. Jaillano Mateo dainámiena ciode. Afémie gobierno ibátaga úcube llínoraima. Ie jira afe úcube oránomo ráiide. Jesús íena daide:

—Mai cuedo bi, —daide.

Ie jira afe Mateo náidacaillano iedo jaide.

¹⁰ Afe jíáiruido Jesús naa ie llófuegamaciri jofu eromo íaioi güilla llezica, aillo jíaie úcube llínofredino naa jíaie fiénidino dáanomo güitíai. ¹¹ Mei íadi Fariséuai áfena cóillano afémie llófueganomo jicánotiaioi:

—¿Níbái mei omoi llófuetimie úcube llínofredino diga naa fiénidinori güite? —jicánotiaioi.

¹² Afena Jesús cacáillano, íaioina daide:

—Íociredino iránidino daje izói manóriraimana jítaíñediaioi, mei jíáifodo iráredino manóriraimana jitailla. ¹³ Bie jaii Juzíñamui Cuegáuai dáinana omoi onóizairi. Afe be ñíuui: “Conímana omoi duéruillena daje izói cuena omoi duéruillena jítaídícuie. Mei íadi omoi fatá cuemo fia fecaca ríllenai jítaíñedicue,” daide. Ie jira

dani ñuemacina abi mamédinona uáiduaibiñedicue, mei jiáífodo fiénidino íaioi comeci ifue méidollena biticue, —daide Jesús.

Íaioi fímaírrillena Jesumo jicánotiaioi

(Mr 2.18-22; Lc 5.33-39)

¹⁴ Afe mei Juan Bautístado jáidino Jesumo dúciillano jicánotiaioi:

—Mei cai bie fariséuai diga ¿nibái fímaírritagacái, mei íadi o llófuegamaci fímaírríñediaioi? —daífaioi.

¹⁵ Jira Jesús uai ote:

—¿Airena rafue llezica afemo uáidogano, meita zúurenari güñidiaioi? Daí inédeza; ringo otímie íaioi cígimo illa llezica caimare güitfaioi. Mei íadi ringo otímie íaioimona báiruaibillirui dúciite. Aféruído comeci zúurenari güíñeitiaioi. Ringo otímie izói birui cuedo jáicadino cígiri itícueza, —daide.

¹⁶ Jesús nane jiáie onótatifue lloste:

—Jaca ninomo dáamie tífoñegaroi-mona jaitada jácaie inícuíromo nitáñediaioi. Daí nitáadi afe cómoroi jácaroina fiéni finode; mei nai jócoñega cómoroi jofo jainánuamona jácaroimo ite cúaidinona aillo oni cuatácana jaide.

¹⁷ Daje izói comue vino jácara igorai finoina iciru izoide raamo totánide. Dámie daí totáadi afe comue vino afe jácara icírúna eroide raana cúataite. Afemona afe iciru naa vino diga táinomo fáifite. Iemona comue vino comue igorai finoina icírúna eróidemo jónefirega. Iemona afe naga ñue éenoga. (Afe bie dáinado Jesús ie comue llófueinafue, íemo íaioi jaiái llófuegafue dáanomo fínonide, dáanomo náfuenide, íaioimo llófuete.)

Jairo jiza íemo jiáingo Jesús iniroi jétaibitingo Jesús jíllotate

(Mr 5.21-43; Lc 8.40-56)

¹⁸ Jesús bífuiaido úrilla llezica, judío illaíma Jesumo dúcide. Dúciillano,

afémie anamo fueco díne bíjicaillano daide:

—Cue jiza ja tíide, mei íadi o bíllaza, mei aféngomo o onoi bítaíbiri afengo jíllolilleza, —daide.

¹⁹ Afe jira, Jesús náidacaillano afémie diné jaide naa ie llófuegamaciri. ²⁰ Afémie iodo jailla llezica, jiáie iráredíngo afémiemo bite. Afengo afe irárenamona doce diga fimona dícotaite. Jesús comini cígido rillire jailla llezica, afengo Jesús jinófene dinena ie iniroi fueda jétaibite. ²¹ Mei afengo comécido daide: “Daa ie iniroi cue jetáadi jíllotitue,” daide. ²² Iemona Jesús meine abído gírecaillano aféngona cíoiillano daide:

—Ízruigango, caimare o iri. O fínua-mona ja jíllodioza, —daide.

Daí daina llezica afengo jíllode. Afemona afengo ja íocirede.

²³ Jesús illaíma jofomo dúcia llezica, aillo comini come tíllari cáillicailli éediaioi. Afe llezica jiáimaci toticái zuure fúudiaioi. ²⁴ Jesús áfena cíoiillano daide:

—Benómona oni omoi jai. Afeza tíñedeza fia inide, —daide.

Afémie dáinari comini íemo zadáidiaioi. ²⁵ Mei íadi Jesús afémacina jino orede. Oriano jofo jaide. Jofo jaillano afe tídíngo ónoído llíinote. Llínua llezica afengo caífo náidacaide. ²⁶ Iemona Jesús finócafue nana afe éniemo itígobi-aido jica jalleide.

Jesús mena uñidímie jíllotate

²⁷ Afénomona Jesús jáidemo, mena uñidímie ie óodana caillícana bite. Daidíaiillinoi:

—Davidmona comuídímie Juzíñamui oreca Mesía ímie, mai cócomo dúceai, —daidíaiillinoi.

²⁸ Afe mei Jesús jofo eromo jáidemo, afe íaillinoi Jesumo dúcide. Iemo Jesús íaillinoína daide:

—Cuemo ómicoi jicácafueña
finóredicueza ¿meita finotiomicoi?
—daide.

Jira afe íaillinoi daide:

—Ocuíraíma, jii finoticoco,
—daidífaillinoi.

²⁹ Iemona Jesús íaillinoi ui jetánota
daide:

—Omicoi ínua dieze, ómicoímo có-
muiteza, —daide.

³⁰ Daíí ie daina llezica, íaillinoi ui
ñue cóide. Afe mei Jesús íaillinoína
riire daide: “Bie ómicoímo cue finócafue
bumo lloñeno ómicoi iri,” daide.

³¹ Afena afémie rairuide íadi, afe íail-
linoi jino billano, nana afénomo Jesús ui
mánuana llócadiáillinoi.

Jesús uáinidímie jíllotate

³² Afe mei Jesús afénomona jáidemo,
fiénide jóríai úicaiga uáinidímie,
Jesumo atídíai. ³³ Iemona Jesús afe
fiénide jóríai jino orede. Afemona
uáinidímie ja úrite. Aferi comini
caimare fáigacaillano daidíai:

—Bie izóidífueña jaca Israel nairai
cígimo ciónedícaí, —daidíai.

³⁴ Mei íadi fariséuai daidíai:

—Jesús dama fiénide jóríai illaíma
rínodo afe úicaigámie fiénide jóríaina
jino orede, —daidíai.

Jesús comínimo dúecaide

³⁵ Afe mei Jesús nana aféniemo ite
jófuiamo naa onífedo itícuaido lló-
fuiaide. Afénuíamo ite Juzíñamui uai
llófueriracuaido llófuete. Afémie Juzíñamui
illáimana illarui ñuera rafue llo-
cana uite. Iemo nana jíáiforiedemo izi
cácade iráredínona jíllotate. ³⁶ Meita
nana daíí itínona cóillano, afémacimo
Jesús dúecaide, mei úíñoñegano izóidi-
aíoi. Ie jira oni ráide ovéjaíai izóidi-
aíoiza. Afémaci duere finócaíai, daje
izóí duere zefuide buna ráiruíñegano

izóí itíai. ³⁷ Afemona Jesús ie llófuega-
macina daide:

—Uáfueza, jacáfaimo ite raa ailla
llezica jofo óitino íñena izóí, birui
Juzíñamui illáimana illánomo jofo órega
comini aillo ite. Mei íadi afémaci jofo
óitino figo íñede. (Afe jofo óitino jíái-
macimo ñúefue llóitino.) ³⁸ Ie jira ja-
cafai Naama izóidímiemo jíáie ñúefue
llóitimacina omoi jicari, afémaci afémie
oréllena.

Jesús doce dígamie ie oni oréllino nizede

(Mr 3.13-19; Lc 6.12-16)

10 Afe mei Jesús doce dígade ie
llófuegamaci uáidote. Uáiduano
fiénide jóríai comínimona oni orelle
ríno íaíoiemo fecade. Daje izóí nana jíái-
foriede duico ogano jíllotalle ríno afé-
macimo fecade.

² Be afe doce dígadímaci oni oréllino
mámecíai: Nánoramie Simón, dáamiéna
Pedro daina, íemo ie ama Andrés, íemo
Zebedeo jíto íaillinoi Santiago Juan díga,
³ íemo Felipe, íemo Bartolomé, íemo
Tomás, íemo gobierno íbátaga úcube
llíinoraíma Mateo, íemo Alfeo jíto Santi-
ago, íemo Lebeo dáamie mámecei Tadeo,
⁴ íemo íere Járídotímacimo jáinídímie
Simón, íemo uire Jesús fécaítímie Judas
Iscariote.

Jesús ie llófuegamaci jíáígoíaimo llófuellena orede

(Mr 6.7-13; Lc 9.1-6)

⁵ Jesús bie doce dígamíena ie oréacana
llezica íai. ⁶ Táijille izóí llote. Daide:

—Judíñoédino éniemo omoi jáíñeno
iri. Daje izóí Samaria éniemo ite
jófuiamo jáíñeno iri. ⁶ Mei jíáífodo
Israel náiraímo ovejai féiraila izóí
féiraitínomo omoi jairi. ⁷ Monamo ite
Juzíñamui illáimana illírui áinozillana
llocana omoi uiri. ⁸ Iráredínuaí omoi
jíllotairi. Tíidínuaí meine abído omoi

caátari. Daje izói íaire chíinaitimiiaina ñue omoi finori. Daje izói comínimo ite fiénide joríai jino oreri. Bie izói omoi táijille ríinona rainñóheno ómoimo fecádicue, íemona áfedo jiáimacina rainñóheno omoi canori.

⁹Jabe omoi jaille llezica úcubena uñeno iri. ¹⁰Omoi cirítico uñeno iri. Jaca daa o abimo jífidiroi diga jairi. Daje izói idai icona uñeno iri, íemo jiái macara jigüida uñeno iri. Mei jiáimacina omoi cánua jira, áfemo táijiraima jaca rainñóheno écafregaza.

¹¹Omoi jáillinomo ite comini jófuego omoi dúcia llezica, ñue ñnofiregamie illano omoi jeno. Afénomo nai oni omoi jáiñeille dino uái omoi iri. ¹²Jofo jaillano, afémaci ñue daíi uáidori. “Caimare uái omoi iri,” afémacina daíiri. ¹³Afe jofo comini caimare omoi llínoiadi, omoi afémaci ie ñue mameca uai afémacimo fiébiteza. Mei íadi omoi daina uaina afémaci náfueñenia, afémacimo omoi mameca ñue uai abido ómoimo bíteza. ¹⁴Mei íadi afémaci ómoina llínoacañenia, daje izói omoi llógamo cacáreañenia, afe jofómona, daje izói afe jófueмона oni omoi jai. Omoi jailla llezica omoi éibamo ite íaie afémacimo teténocairi. Afedo íaioi comécimo ite íaifue nai íaioimo íllana ónoítiaioi. ¹⁵Mei ua ómoina daíiticue, íraicaño riire jicánolliruimo dúcina llezica, bie ómoina ruifruite comini, Sodoma Gomorra diga jofue comini duere zefuilla baimo, iere duere finólliaioi.

Cristo ícoinia duere cai zefuillifue

¹⁶Omoi cacai. Ovejai illáirede jazici jico cígimo ória izói ómoina orédicue. Jaio abi rairuilla onona izói abi omoi noiri. Mei íadi afe llezica fíiciri illáienina izói omoi iri. ¹⁷Ñue abí omoi rairuiri, mei comini jabóidillainimo ómoina fécaítiaioiza. Juzíñamui uai lloraco eromo omoi fáítiaioiza.

¹⁸Iemo ríillainimo, daje izói jamánomo ocuúidillainimo cue ícoinia ómoina uitíaioiza. Iemo afe omoi íaioi úlledo afe illáinimo cuedo úritiomoi. Daje izói afe judfoñedinomo cuedo úritiomoi.

¹⁹Mei íadi illáicomínimo omoi íaioi uille llezica, “¿Ñiie izói úriticai?” dáinamo comeci faiñeno iri; daje izói “¿Ñiie uaillai llóiticai?” daíñeno iri. Mei omoi úrille llezica, Juzíñamui ómoina úritaiteza. ²⁰Afe llezica dani omoi comeci izói úriñeitiomoi. Moo Juzíñamui Ñuera Joreño ómoido úrilleza.

²¹Afe llezica comini dani íaioi nahi ámana Crístomo ínotimiena illa jira, jiáimacimo íena fállena fécaítiaioi. Daje izói móotiai dani íaioi Crístomo ínote jítótiai fállena fécaítiaioi. Iemo jiái jítótiai dani íaioi móotiaido éoicana eróítiaioi, íemo íaioina titátaitiaioi. ²²Nana comini cue ícoinia ómoido éoicana eróítiaioi. Mei íadi fuillínomo fáicanocaiñeno ñue ínoicaitimie dama jíllote. ²³Daa jofue comini omoi duere finóadi, jiáie jófuego omoi jairi. Mei ua ómoina daíiticue, nana Israel jófuaído nai omoi jáiñenia uícodo raire dúciitiecua; mei Nanoide Hima Jitó Crístodicue.

²⁴Llófuegamacimona llófuetimie baimo jamánomoidimie íñede. Daje izói ocuúifiregamie ie ocuúdimie baimo ocuúide. ²⁵Llófuegamie ie llófuetimie illa izói írede. Daje izói ocuúifiregamie ie ocuúdimie illa izói írede. Jofo naama izóidiecua, Beelzebú daina Taife mámece cuemo íaioi jítáadi, jofo ero úruiai mámece dájena jítaitiaioi. Iemo afe úruiaina cue baimo fieni úritiaioiza.

¿Ñimiena jacríuredicai?

(Lc 12.2-7)

²⁶Ie jira comínina jacríuñeno iri. Mei nana báinino daina uaillai jino uáfodo cfozite. Daje izói nana báinino ití-

fuiaina jino uáfodo onoiile. ²⁷ Birui jíti-fomo úrilla izói báinino ómoimo cue llógana, uire uáfodo monari comínimo omoi lloiri. Daje izói ómoína báinino cue daina uai, comini dáanomo uáidota ficire lloiri. ²⁸ Omoi íeizi titáitina jacríuñeno iri; mei omoi joréñona titánidiaioiza. Mei jiáifo boode iraimo cai íeizi naa cai joreño duere finó-taitimiena omoi jacríuri.

²⁹ Onódiomoiza mena duera ófocuizai duera úcubedo ibárega. Mei daií íaioi ráifiñede íadi, afémacimona omoi Moo Juzíñamui daiñenia dácuño tiide izói ana báiiñeite. ³⁰ Mei uafue, omoi ifócimo ifótiraii illa dígatirai facádoga. ³¹ Mei daiítadeza jacríuñeno omoi iri. Omoi, aillo ófocuiñuai baimo ráifidiomoi.

Comini eróicana Jesuna jieruitino

(Lc 12.8-9)

³² Comini eróicana nana cuena jieruitinona monamo ite cue Moo eróicana jieruiticue. ³³ Mei íadi comini eróicana cuena jáanotinona, afe izói monamo ite cue Moo uíecori afémacina jáanoiticue.

Comini conímána ruifruitatallena biticue

(Lc 12.51-53; 14.26-27)

³⁴ Comini dájena uái illifue biniemo lluáibiticueza daiñeno iri. Mei jiáifodo dájena uái illifue lluáibiñeno, fuirilla izoide lluáibiticue. ³⁵ Cuemo ínuamona dáamie ie moo dinena íena ruifruicaite. Afe daií cue bíllamona dájena uái íñeiti-aillinoi. Daje izói ei cuemo ínuua jira afengo jiza dinena ruifruibicaite. Afe daií cue bíllamona dájena uái íñeitiain-guai, íemo jiái cuemo ínuamona mio ie jifaiño dinena ruifruibicaite. Afe daií cue bíllamona dájena uái íñeitiain-guai. ³⁶ Iemona illa dígamie dama ie jofo ero comini dinena éoigamiéna mámeitiaioi.

³⁷ Ninó daa come ie moo, ie eina cue baimo izíruia, afémie cuemo dúinide. Daje izói ninó daa come ie jitona, nibai ie jízana cue baimo ie izíruia, afémie cuemo dúinide. ³⁸ Iemo jiái, comini dama afémie titácanamo náfuiano cuedo jáiacañedimie afémie cuemo dúinide. ³⁹ Ie jira ie cáanano rairuácadimie áfena táinomo fáifitaite. Mei jiáifodo cue ícoina ie cáanano táinomo fáifitimie afe fáifidena baimo ziiño illóna máiiñeite.

Jirídua izóidifuiái

(Mr 9.41)

⁴⁰ Iemo Jesús nai úrillano daide: Omoína caimare uáidotino, daje izói cuena caimare uáidote. Iemo cuena caimare uáidotino daje izói cuena orédimiena caimare uáidote. ⁴¹ Juzíñamui uai jino llóraima Juzíñamui dibénedo bíllado afémiena caimare uáidotimie, dájeze afémie jirídua izói jirídoite. Daje izói núemiena caimare uáidotimie afe jiáimie ñue íllado, afémie jirídua izói jirídoite. ⁴² Daje izói ninó daa come cue llófuegamacimona jabóidimiemo daa due jiza mánaide jáinoina jirótaadi, afémie cuedo jailla jira, afe jirótatimie uáfuenta íeiena mameca raana jirídoite, —dinori Jesús ie oréllimacimo llófuete.

Juan Bautista orécano

(Lc 7.18-35)

11 Jesús ie doce dígade llófuegamaci íaioi táijille izói llófuiana fuilla méifomo, Jesús oni afe éniemo ite jófuiaimo jaide, afénomo ite comini llófuellena.

² Aféruido Juan Bautista llavéracomo illa llezica afémie Jesús finócafuaiéna fidide. Ie jira iedo jáidinomona dáarie Jesumo jicánuaitate. ³ Jesumo dúciillano jicánotiaioi:

—¿Meita o biite Cristo dainámiedio? ¿Ñibai nai jáie bíitímie úíñoredicai? — daidíaiói.

⁴ Jira Jesús afémacina daide:

—Omoi ciona, omoi cacana izói Juaamo omoi lluájiri. ⁵ Bífuiái afémiemo lluájiri: Úínidino ñue ciódiaíoi, macañedino macádiaíoi, iáire chíñaitino íaiói chífiemona ñue jacáitagaíaiói. Iemo jefona cacáñedino ñue cacádiaíoi, íemo dáarie tíidino meine abido cáadinona jáidiaíoi. Daje izói dúredino jillona uaina llogaíaiói. ⁶ Cuemo íinoñeilli uaina bañédímie ióbite.

⁷ Juan orécana meine abido jailla méifomo, Jesús Juaado comínimo úrite; daide:

—Mei táizicimo ¿minícana cióizaidíomoi? Ñibai dáamie ie daína uaina méidofiredimena cióizafiredíomoi. ⁸ Afe izóidimena omoi cóizaiñenia, ¿mei nie izóidena cióizaidíomoi? ¿Meita ñibai ñue cóide ráifide iniroi jítáoidímie cióizaidíomoi? Onódiomoiza ráifide ñúecuiroi jítáofiredino jaca illaini jofomo ífirediaíoi. ⁹ Mei írainomo ¿minícana cióizaidíomoi? ¿Ñibai Juzíñamui uai jino llórainmana cióizaidíomoi? Jii. Uáfueza. Juzíñamui uai llórainma baimo jamánomoidimena cióizaidíomoi. ¹⁰ Juan baie Cuegáuai dainámie. Jaiai úcodo nai cue biñena llezica, aféuaimo Juzíñamui, afémie dibénedo cuena daide:

O bille io ñue finóllena izói, comini íaiói comécido ñue omo jéruillena, cue lluájitimie o úcodo orédicue.

¹¹ Uáfena ómoína dáitícue, nana comínimona ite Juzíñamui uai llórainimona Juan Bautista baimo jamánomoidimena íñede. Mei jáífodo Juzíñamui illáimana illánomona jabóidímie Juan baimo jamánomoide.

¹² Mei íadi Juan Bautista bíllamona ua biruimo aillo comini ríifuedo raa báirua izói, monamo ite Juzíñamui illáimana illánomo iere izire jofo jáiacadiaíoi. Afe ríifuedo afénomo jofo jáiacadino bie izói comécíidiaíoi: “Afe illánona anáfenuano jofo jáitícaí,” daíí comeci facádiaíoi. ¹³ Nana Juan úcomo ite Juzíñamui uai llóraini naa Moisés lloga ocuica uai diga Juzíñamui illáimana illáruído úritiaíoi. Iaíoi úrilla méifodo Juan bite. ¹⁴ Iemo jáífue ómoimo llóitícue. Omoi íinoiacaniadi, bífuena íñoredíomoi. Naui lloga bíite Elías be nímie Juan; mei Juan Elías dainámiena bíteza. ¹⁵ Mai cacárea-cadino, omoi cacai.

¹⁶ Iemo Jesús nai úrillano daide: Biruúllaido itínona, ¿ñie izói íaioína mámeitícue? ¹⁷ Jofue cigi íbírímo jífánote úrue izóidiaíoi. Afémaci conímamo ebírede rúado caimátaiacadiaíoi, mei íadi áfena fairíoñediaíoi. Daje izói conímama zúurede rúado íraacadiaíoi, mei íadi daje izói áfemo cacáreiacañediaíoi. ¹⁸ Afe bie izói ómoimo ite. Mei Juan Bautista billa llezica afémie ímarillano figo güíñede, daje izói ríiji jiróñede. Ie jira “Fiénide joríaí úicaigamiedio” íena daidíomoi. ¹⁹ Afe mei cue, afe Nanoide íima Jitó dainámiedicue bitícue. Billano, jáímaci izói güitícue, íemo jiródicue. Afemona nane bie izói cuena daidíomoi: “Bímie iere güilláredímie, jéerie jíofiredímie. Fiénidino nabáidímie. Daje izói gobierno íbátaga úcube llíñoraini nabáífredímie.” Daíí cuedo úritimoi. Comini Juzíñamui orécana bie izói fieni daidíaiói íadi, Juzíñamui baitácufue dama ie finócafuiaido jino cózite, —dinori Jesús daide.

Jófuiaimona dáarie Jesús uaina cacáreacañediaioi

(Lc 10.13-15)

²⁰ Iemona Jesús jiáie jófuiai comini íaioi íñoñena jira fueñe lletade. Mei afémie uaido daina comuide ciórainina ráamona nabene afémaci cígimo finódeza. Mei íadi afeno comini íaioi comeci ífueña nai méidoñediaioi. Afémie daide:

²¹ —¡Corazín jofue comini nii dúerena! ¡Daje izói Betsaida jofue comini nii duere zefuilla! Mei íaioi cígiri cue finoca ciórainina raa, áfena Tiro comini daje izói Sidón comini cígimo nauí finódicuenia, nibai raire jaiái uícodo íaioi comeci ífueña méidotiaioi. Uafue íaioi comeci ífueña méiduamona, ja diga fimona jaide. Afe llezica zúunaia jítáfirega jítiroi jítácadiaioi. Daje izói aféruimo íaioi zúunailla jino ácatallena jízefo ífomo jutácadiaioi. ²² Mei jíáfodo ómoína dáitícue, íraicaiño riire jicánolliruimo Tiro Sidón diga duere finóbina baimo Corazín íemo Betsaida comini duere finólliaioi, —daí daide.

²³ Iemo Capernaum jofue comini Jesús lletade. Afémaci dibénedo daide:

—¿Meita íaioi ínoga jofue monamo úirede? ¿Daí comeci facádiaioi, ero ua? Mei jíáfodo íaioína daidícue, tíidino illánomo ana dotaca izói niné táino-caitalliaioi. Mei íaioi cígimo cue finoca ciórainina raa nauí Sodoma jófueño finódicuenia, afe jofue nai biruimonia ite. ²⁴ Mei íadi jíáfodo Capernaum comínina dáitícue, íraicaiño riire jicánolliruimo Sodoma comini baimo jicánolliaioi, —aqué izói Jesús íaioína lletade.

Cuomo billano omoi ocózinairi

(Lc 10.21-22)

²⁵ Aféruillaido Jesús daide:

—Mona Ocuíraima Moo Juzíñamui, omo ñúefue jóoneitícue, mei Juzíñamui dibénedo onóigafuiai úrue izoide, comécina níífuenide jamai comínimo jino ciótatioza; mei íadi bínie ráfueña baitádinomona aféfuiai o retáidoga.

²⁶ Jíi, Moo, mei o daí jítáidíoga.

²⁷ Jesús nai úrioido: Cue Moo, nana uafue onóigafuiai ja cuemo llotío. Moo Juzíñamui, o Jitódícue, mei íadi buna uáfodo cuena ñue onóñena. O cue Móodioza, dama o ñue cuena onódio. Daje izói buna uáfodo ona ñue onóñena. Cue, o Jitódícueza, dama ona ñue onódicue. Iemo jíái daje izói o Jitó onótaacagano ñue ona ónoítiaioi.

²⁸ Iemo comínina daide: Omoi ñúefuiai finóacanamona zefuínaitino cue diné omoi bi; íemo jíái fiénidícue ábiana méeruitino daje izói cue diné omoi bi. Omoína ocózinaitaitícueza. ²⁹ Mai cue diga táijífíreña izói ñúefuiaína finóllena omoi onoiri; mei omoi diga táijífíredícueza. Afe dájena táijínana cúemona omoi onoiri. Mei comécina járidoñedícueza. Daje izói comécina mánaidícueza. Afemona omoi comeci uái ocózinainillona báitímoiza. ³⁰ Omoi diga cue táijínana féinide. Daje izói ómoimo cue ocuíllafue jaca ómoína zéfuitaíte, —dinori úrite Jesús.

Jesús llófuegamaci ocózinairuimo trigo íímoiaí dícoiano otá güítiaioi

(Mr 2.23-28; Lc 6.1-5)

12 Aféruído Jesús naa ie llófuegamaciri ocózinairuimo trigo ritino jacafai cígido macade. Afe llezica ie llófuegamaci iere jufinaillano, trigo íímoiaí otá güítiaioi. ² Afena fariséuaí cíoilano Jesuna daidíaioi:

—Ero, o llófuegamaci ocózinairuimo rairuúde táijínamo táijidiaioi.

³ Mei íadi Jesús íaioína daide:

—¿Omoi ico jaii illaíma David finócafue cúegana facádoñediomoi? Afémie naa ie nabáñiairi iere juffnaitiaioi. ⁴Afe llezica Juzñamuimo gairracomo jofo jaillano rairuica panes otá güitíaioi. Mei íadi afe páaniai afémiemona rairuífede, daje izói ie nabáñiaimona rairuífede. Afe pan dama lletáriraini güífede. ⁵¿Mei nane jiáie Moisés ocuica uai cúegana facádoñediomoi? Afénomo daina: Juzñamui gairracomo táijide lletáriraini, ocózinaillaruimo ocózinañediaioi, mei daií íaioi illa fiénidífueñede. ⁶Mei ómoina dáaiticue, birui benomo afe gairraco baimo jamánomoidimie ite. ⁷Bie jiáie Juzñamui Cuegáuai llógana nai onóñediomoi. Afe be nñuai: “Fatá fia fecaca rille baimo cuena izíruillena jitáidicue.” Búuaina omoi onóadi nñfueña finóñedinona “Duere cai finótalli” dáññeitiomoiza. ⁸Mei uáfueza, ocózinaillarui Nanoide íima Jitó Cristo dainámie ocuilla uai anamo ite.

Onoína llirídimie rafue

(Mr 3.1-6; Lc 6.6-11)

⁹Afe mei Jesús afénomona jaide. Jailano Juzñamui uai llorácomo jofo jaide. ¹⁰Afeco eromo ónoína llirídimie ite. Afe comini Jesumo fiénidífue jitállena jenódiaioi. Iemona afémiena jicánodoidiaioi: —¿Meita iráredimie ocózinaillaruimo jillotarede? —daidiaioi.

¹¹Jira Jesús afémaci uai ote:

—Omoimona daa cómemo oveja íadi, afe oveja ocózinaillarui ifomo baííadi ¿meita caifo óñega? ¹²Mei uafue, daa come oveja baimo jamánomo ráifide. Afemona nñufue fñuana ocózinaillarui rairuífega.

¹³Iemona Jesús afe iráredimiena daide:

—O onoi jino zúita, —daide.

Jira ie onoi zúitamona, enéfene izói ñuera. ¹⁴Iemona fariséuai jino jaillano, Jesús fállena mamérizaidiaioi.

Jaii uai llóraima Jesudo daina uai como zuilla

¹⁵Aféfueña Jesús fidíllano, afénomona oni jaide. Ie jailla llezica aillo comini afémiedo jaide. Iemo Jesús nana iráredino jíllotate. ¹⁶Afe llezica afémie íaioina llotáñede: “Cue bie izói íllana bumo lloñeno iri,” íaioina daide. ¹⁷Bie izói zuide jaii uai llóraima Isaías lloga uai ñue ícoimo fuitállena. Afe uai be ñie:

¹⁸Bímie nizada cue oga ocuífiegamie. Afémiena iere izíruiticue, íemo afémieri iere ióbídicue. Cue Ñuera Joréñona afémie úicaitaiticue.

Afémie cue mameca jaícina jóidífuiaina náiraímo jino llóite.

¹⁹Afémie ríífuedo llóñeite.

Daje izói cáillicaiilli úriñeite.

Iemo jíai jofue cigi macáraodo ie uaina cácañeille.

²⁰Comécina náinidinona ruifíruíñede. Afémie íaioi comécina náiretaite.

Daje izói dúiacade uillide mechera meine abido omoi boota izói, afe izói jabo finote comini afémie fáicanocaiñeite. Fáicanocaiñeno ñue íaioina finotaite.

Afe ícoimo nana duéredinona fáicanocaiñeitemo afémie jaícina illáimana illíruimo dúciite.

²¹Iemona nana náiraiai afémiemo ocúritiaioi.

Taife ríino Jesumo illa afémiemo jítdiaioi

(Mr 3.19-30; Lc 11.14-23; 12.10)

²²Afe mei únidimie Jesús diné atídiaioi. Afémie fiénide joríaí uícaiga úrinidimie. Afémiena Jesús jíllotate. Iemona afémie ja ciode, daje izói ñue

úríte. ²³ Ie jira nana comini áferi caimare fáigacaillano daidíaioi:

—¿Meita afe be nímie jaiai illaíma Davidmona comuítagamie? —daidíaioi.

²⁴ Fariséuai áfena cacáillano daidíaioi:

—Bímie fiénide jóríai illaíma Belzebú dainámie ríinodo afémacina jino oréfirede, —daidíaioi.

²⁵ Jesús daíí íaioi comécido dáinana onóillano íaioina daide:

—Ninó daje náiraina ite comini comima diga fuíríadi, afe nairai ráidoizillano niné táinocaite. Daje izói daje jofue comini eneno ráidoiziadi, afe jofue are íneite. Iemo jíái daaco ero comini eneno ráidoiziadi, afémaci are íneite.

²⁶ Iemo daje izói, mei Satanás dama íemo jaináidino jino oréadi, dani Satanás mairídino oni énenorie jáitiaioi. Mei íemona afémie ocuille ríino íneite.

²⁷ Omoi cuena: “Belzbumo ite ríinodo fiénide jóríai jino oréadio,” daidíomoi. Afe omoi daina uáfuedenia, jíáfue ómoimo jicánocitícue. ¿Mei bu ómoído jáidino fiénide jóríai jino orelle ríino iga? Ie jira dani afémaci ñue onóñeno taino omoi llua jino cíotatiaioi. ²⁸ Mei jíáífodo Juzíñamui Ñuera Joréñodo afe fiénide jóríaina jino orédícue. Iemo bifue bie izói daííacana: Juzíñamui illáimana illarui ja ómoimo dúcide.

²⁹ Mei uáfueza, ríiredimiena fueñe o máinena, çniie izói dáamie ie jofomo jaillano ie jofu ero ráaiena bairóredio? Bairónidio. Nano fueñe afémie máirede. Ie mei ie ráaiena bairórede. (Afe daíí Cristo Taifena jaca anáfenorede.)

³⁰ Cue dibénemo íacañedimie cuena uáitate. Cue diga dájena táijiñedimie, cue raana oni jutádimie izoide, mei afémie jíáímaci cuena ínotañedeza.

³¹ Ie jira ómoína dáitícue, naga come ie finoca fiénidícue, Juzíñamuimo jíácadi dórede; daje izói nana ie úrilla fiénidícue dórede. Mei íadi ninó dáamie Juzíñamui Ñuera Joréñona íaire

dáiiadi, afe uai jaca dónide. ³² Iemo jíái ninó dáamie Nanoide Hima Jitó Crístona íaire dáiiadi, afe afémiemo ie lloia dórede. Mei íadi Juzíñamui Ñuera Joreño jánana fieni úritimie afe ie úrilla íaífue birui dónide. Daje izói uire jaca ninomo dónide.

**Naga amena ie llizíllajido
onórena izói, daje izói naga
come ie úrillafuíaído ónorede**

(Lc 6.43-45)

³³ Ñuera aménamona ñuera ráajina llizide. Daje izói fiénide amena jaca fieni llizide. Mei uáfueza naga amena ie llizíllado ónorede. ³⁴ Jaio izóidinodíomoi. Ja fiénidinodíomoi ¿niie izói ñue úriredíomoi? Mei uáfueza, cai fue cai comécimo jebuide raado úrite. ³⁵ Ñuera come ñúefuedo úrite, mei ie comécimo ñúefue íllaza. Daje izói fiénidímie fieni úrite, mei ie comécimo fiénidícue íllaza. ³⁶ Iemo nane ómoína dáitícue, íraicaiño Juzíñamui caimo riire jicánoliruimo, nana ráiruíñega fieni cai úrilla uai, daje izói abi cai rairuíñena úrilla uai diga, jáanoñeno “jíí” daííredicai. ³⁷ Mei uafue, o úrilla dieze Juzíñamui omo izire jicánoiteza. Jíáimiena “O ní-fuenidímiedio” dáití; ie mei jíáimiena “Dama o ícoína daíí ítio,” dáití.

**Fiénide comini cíorainina raa
finóllena Jesumo jícadíaioi**

(Mr 8.12; Lc 11.29-32)

³⁸ Afe mei fariséuaimona dáamie Jesuna daidíaioi, daje izói Ocuica Uai llófufiredino diga:

—Llófueraima, cíorainina raa o fínua cíóacadicai, —daidíaioi.

³⁹ Jira Jesús afémaci uai ote:

—Bigima fiénidino botade jíruíredíngo izoide ja Juzíñamuina zóofetiaioi. Iemo cíorainina raa cuemo jícadíaioi. Mei íadi nauí Juzíñamui uai llóraíma Jonás onótagafue baímo

jiáifuena llóñeilliaioi. ⁴⁰ Mei Jonás daaruíamani íemo daámani naio afe áillue chamu eromo illa izói, afe izói Nanoide Hima Jitó Cristo énie anamo daaruíamani íite, daje izói daámani naio. ⁴¹ Jaiái Nínive jófuego ite comini bigima comínimo riire jicánolliruimo bimácimo fiénidífue jítaitiaioi. Mei Nínivemo ite comini Jonás Juzíñamui uai íaioimo llua llezica íaioi comeci ífuenta méidotiaioiza. Mei íadi birui benomo Jonás baimo jamánomoidimie ite. ⁴² Daje izói sur dibénemo jica ite nairai illaingo, bigima comínimo riire jicánolliruimo, bimácimo fiénidífue jítaitaite, mei afengo jica énie fuédamona Salomón comeci onóigafuemo cacáreizaíbiteza. Mei íadi birui benomo Salomón baimo jamánomo baitádimie illa.

**Jino oreca fiénide jóriai
meine dáamiemo bite**

(Lc 11.24-26)

⁴³ Jesús nai llícaíñeno úrite: Fiénide jóriai cómemona jino jáiadi, táiziciaido ie uái illino jenócana uite. Ie uái illino baiñenamona bie izói comeci facade: ⁴⁴ “Meine abido cue billa cómemo jáitícue,” daide. Afe jóriai meine afe cómemo bítemo, jofo taico izoide baizáibite. Daje izói rafode ñue finócaco izói baizáibite. ⁴⁵ Iemona afémie siete diga jamánomo afémie baimo fiénide jóriai uájide. Afémaci nana afe cómemo jofo jáidiaioi. Afemona afe come nauí ie fiénina baimo biruí jamánomo fiénide. Afémiemo illa izói, afe izói ómoimo íficaite, mei bigima fiénidigimaza.

Jesús ei naa ie ámatiairi

(Mr 3.31-35; Lc 8.19-21)

⁴⁶ Jesús nai comínimo úritemo, ie ei naa ie ámatiairi dúcide. Afémaci jofo jinófecomo itíaioi. Afémie diga úriacadiaioi. ⁴⁷ Afe llezica dáamie Jesuna daide:

—O ei, o ámatiairi jino benomo itíaioi. Afémaci o diga úriacadiaioi, —daide.

⁴⁸ Mei íadi Jesús afe lluaíbitimiena daide:

—¿Mei bu cue eina? Daje izói ¿mei bu cue ámatiaina? —daide.

⁴⁹ Daíí dáinamona afémie llófuegamacina fueo uidánote. Uidánuano daide:

—Bimaci cue eina, daje izói bimaci cue ámatiaina. ⁵⁰ Mei ninó dáamie monamo ite cue Moo comeci jitailla izói finódimie bie come cue ámana, daje izói cue miríngona, daje izói cue eina, —daíí Jesús afémacina daide.

Afémaci onótaitaie ríjifiredimie rafue

(Mr 4.1-9; Lc 8.4-8)

13 Afe monado Jesús jofómoma jino jaillano, jorai fuédamo ráinazaide. ² Iemo afémie illánomo aillo comini ofilla jira, afémie bai nocaemo ráiizaide. Afe llezica nana comini fuédamo fiébidiaioi. ³ Mei áfemona diga ráfuiaina afémaci llófuete. Afémaci onoiga izóidedo afémie íaioi llófuete. Daide:

—Jacáfaimo rífiredimie rizájilla. ⁴ Ricana ie uilla llezica, afe júdaica íjiaimona dáarie iomo baiide. Baiilla mei ófocuíñuai güizáibitiaioi. ⁵ Ie mei jíáijjai énie figo íñena nofciaimo baiide. Aféjjai raire zicode, mei afe énie llíaideza. ⁶ Iemo jáinaonideza jitoma egáiñuamona, zafénaillano tídiaioi. ⁷ Ie mei nane jíáijjai éegiai cígiri cocídino. Afe éegiai móonaillamona aféjjai íracotailano tídiaioi. ⁸ Mei íadi jíáijjai ñuera éniemo baiide. Aféjjai ñue ailla. Dáaride cien diga llizíllajjai comúitate. Jáiri sesenta diga llizíllajjai comúitate. Iemo jíáirimo treinta dígaji comuide. ⁹ Bíemo cacáiacadino mai cacai.

**Nibái mei bie comini onoiga
izóidedo úrilla, Jesús jino llote**

(Mr 4.10-12; Lc 8.9-10)

¹⁰ Iemona ie llófuegamaci billano Jeshumo jicánotiaioi:

—¿Nibái mei comínimo íaioi onoiga izóidedo úritio? —daidíaoi.

¹¹ Jira Jesús uai ote:

—Monamo Juzíñamui illáimana illirui uáfodo ónoñega ráfuiaina, afémie ómoina onótate. Mei íadi baie comini áfeniaina ónotandiaioi. ¹² Mei ua, Juzíñamuina iere onócadimiemo ie báitaja baimo jiáiena írede. Iemona afémiemo aillo íte. Mei íadi Juzíñamui dibénedo onóacañedimiemona íemo ite due jiza onónana bairórede. ¹³ Ie jira afémacimo íaioi onoiga izóidedo úriticue. Mei afémaci nūéfueña ciódiaioi, mei íadi nai cóiñedino izóí itíaoiza. Daje izóí cacádíaoi, mei íadi nai cacáñedino izóí itíaoi. ¹⁴ Mei áfemona Juzíñamui uai llóraima Isaías afémacina jicana daina uai ñue ícoimo fuilla. Be nñuui:

Omoi uáfodo cácaitiomoi mei íadi afe dáinana ónoñeitiomoi.

¹⁵ Mei bimaci comeci rñiredinona abido jaide.

Daje izóí afémaci figo cacáacañediaioi. Afémaci ui ibaica izóí ite. Daií itíaoi íaioi uído cóiñeillena, íemo jiái íaioi jefodo cácañeillena; daje izóí íaioi comécido nūéfuiái ónoñeillena.

Iemona íaioi cue jíllotallena abido cuemo bínidiaioi, daií Isaías daide.

¹⁶ Mei íadi dani omoi uído omoi ciónamona, daje izóí dani omoi jefodo omoi cacánamona ióbidinodiomoi. ¹⁷ Uáfueña ómoina dáititue, diga Juzíñamui uai llóraini bie omoi ciónana cióacadi-
aioi, naa aillo jiáie ñue comíniri. Mei íadi áfena cióñediaioi. Daje izóí bie

omoi cacánana cacáacadiaioi, mei íadi cacáñediaioi.

**Jesús rijífredimie rigájiai
rafue ñue jino llote**

(Mr 4.13-20; Lc 8.11-15)

¹⁸ Jira bíemo omoi cacáreiri. Ríífredimie rafue bie izóí jino daide.

¹⁹ Monamo ite Juzíñamui illáimana illarui uaina dámie cacáadi, mei íadi afémie áfena ínoñeniadi, afémie comeci afe bie io izoide. Jii, afe rigájiai iomo baíídino izoide. Afe izóí comécido jabo ie onoiga ñuera uaina Taife báiruabite.

²⁰ Afe rigájiai nii afe nofciaí emódomo cocídino jana, nūéfuiaina raire cacáillano caimare otino coméciaí.

²¹ Mei íadi afémaci raire zicode raa riire jaináñena izóí, Juzíñamuimo afémaci figo jaináñenamona are íñediaioi. Mei íadi ñuera uai ícoinia jacire facátafuiái, íemo duere finóllena rácafuiái afémacimo comuíadi, nūéfueña fáicanocaitiaioi.

²² Afe éegiaí illano jana Juzíñamui nūéfueña cacádíaoi ía, bínie ráaniaimo comécina fáííredino. Iere ráanaiacana afémacina jífuate. Nana aféfuái Juzíñamui nūéfueña íracotailla izóí ínotañede.

Iemona afe uai afémiemo ñue áide izóí íñede. ²³ Mei íadi afe rigájiai nii afe ñuera éniemo baíídino jana bie izóí ite. Bimaci Juzíñamui nūéfueña cacáillano afe uaina jeire otíaoi, mei áfena ñue onódiaioiza. Uamona iere aite rigájiai izóí afémaci aillo nūéfuiái finófrediaioi.

Afémacimona dáarie jamánomo aillo nūéfue finódiaioi, Iemo jiáimaci aillo nūéfue finódiaioi. Iemo nane jiáie fia jabo aillo nūéfue finódiaioi.

**Riga trigo cígimo fiénide
raróciaí zícua rafue**

²⁴ Iemo nane Jesús bie íaioi onoiga izóidífue llote:

—Monamo ite Juziñamui illáimana illarui bie izoide. Dáamie ñuera íjiaí ie jacáfaimo rite. (Aféruillaido comini diga ráaniaí daane riñeno énenorie ritíai.) Bímie ie jacáfaimo jíaiena jaicuñeno daa trigo rite. ²⁵Mei íadi naama ínia mei ie diga icíritimie trigo cígimo fiénide raróciaí rizáibite. Rillano oni jaide. ²⁶Afe trigo móonailamona ímoiaí comuilla llezica riga fiénide raróciaí cíozite. ²⁷Afemona táijitafiregano jacafai náamamo llujáide: “Ocuíraima, o ritátaga cai ríganíai nibai ñuera. Mei afe cígimo fiénide ráitiaí ¿ninómona comuide?” ²⁸Jira afefai naama daide: “Níbai ninó cue diga icíritimie bie rizáibiga.” Mei jira afe táijitafiregamaci íena daide: “¿Afe fiénide ráitiaí cai áiruailleza meita airótatio?” ²⁹Mei afémie íaioina daide: “Dama íteza, aiñóñeno iri, mei afe fiénide ráitiaí aiñódiomoinia naa trigo diga aiñódiomoiza. ³⁰Dama trigo diga daane móonaiteza, áiñonegania ñuera. Afe mei jofo ollíruimo, cue táijitafiregano óreiticue fueñe afe fiénide ráitiaí óllena. Afe uano afe ráitiaí jobaille eneno icítuaina maitátaiticue. Afe mei cue trígona éenoracomó éenotaiticue.”

Mostaza daina riga raa íjiaí rafue

(Mr 4.30-32; Lc 13.18-19)

³¹Iemo nane Jesús bie jíaié onótaitifue llote:

—Monamo ite Juziñamui illáimana illarui mostaza daina riga raa íjiaí izoide. Dáamie afe íjiaí ie jacáfaimo rite. ³²Uáfueza, afe íjiaí nana jíaié rífiregajiaí jofomo jéenide. Mei íadi móonaila llezica nana juzítofiaí caifomo are zairide. Afe llezica caifo amena dínnori aillo zairide. Afemona áfena ícairuaimo feede ófocuñuai jillaina nizáibitiaí, — daide. (Afe izói Juziñamuimo ínotino

dúemaci íadi, jamánomo aíllocacina jébuioicaitiaí.)

Levadura daina pan fáitara rafue

(Lc 13.20-21)

³³Iemo nane Jesús bie jíaié onoiga izóidífue llote:

—Monamo ite Juziñamui illáimana illarui pan aillo fáitate levadura izoide. Daa ringo daámami julleco harínana orufatjano, áfemo due jiza levadúrana tamede. Iemona nana afe iféllana mullétano oni aillo fáitate, —daide. (Afe izói diga jíaimaci Jesumo ínuamona, Juziñamuimo jaináidino aillo jébutiaí.)

Jaiái daináuai fuitállena Jesús íaíoi onoiga izóidífuaíaido comínimo úrite

(Mr 4.33-34)

³⁴Nana bífuaíai Jesús íaíoi onoiga izóidífuaíaido comínimo llote. Onótaitifue afémie llóñenia comínina níie izói daíñede. ³⁵Jaiái Juziñamui uai llóraima daina uai ñue ícoimo fuitállena, afémie daí llófuete. Afe be níuui:

Onótatífuaíaido jino úriticue. Juziñamui énie fínua llezcacimona figo ónoñegafuaíai jino llóiticue.

Trigo cígimo comuide fiénide ráitiaí ífue Jesús jino llote

³⁶Afe mei Jesús nana comini jino fíiano jofo eromo jaide. Afécomo Jesús llófuegamaci afémiemo jicánuaíbitiaíoi:

—Jacáfaimo comuide fiénide ráitiaí rafue caimo jino ñue llóiri, —daidíaíoi.

³⁷Jira Jesús íaioina daide:

—Afe ñuera íjiaí ritímie jana Nanoide Hima Jító Cristo. ³⁸Afe jacafai jana bie énie. Afe ñuera rigájiaí jana Juziñamui illáimana illáruimo jaináidino. Afe fiénide ráitiaí jana Taífemo jaináidino. ³⁹Afe fiénide ráitiaí rizáibitímie dama Taife. Afe llizíllajiaí jofo otá éenua jana énie fuillíruí. Iemo afe llizíllajiaí jofo

otino jana Juziñamui abi imaci. ⁴⁰ Ie mei afe fiénide ráitiai jobáillena oni eneno jóonia izói, afe izói énie fuil-líruimo fiénidinomo zúite. ⁴¹ Aféruimo Nanoide Hima Jitó Cristo ie abi imaci óre-ite, jiáimana fiénidifue finótatino eneno óllena, naa fiénidifue finódinori. ⁴² Afémacina iraimo dótaite. Afénomo iere éenaitiaioi; iere izi cácaillamona murímuritiaioi. ⁴³ Ie mei Juziñamui jitailla izói finódino íaioi Moo illáimana illíruimo jitoma uíeco meáire egáñua izói íaioi maiñoca Juziñamui ebíredifuenta jino cótaitiaioi. Omoi cacáacania, cacai.

Retáidoga ráifide raa jino onótaitifue

⁴⁴ Monamo ite Juziñamui illáimaitagamacina íacadino bie izói fñoitiaioi. Enie anamo ónonino retáidoga ráifide raa jénua izói fñoitiaioi. Niie monado daa come afe retáidoga ráifide raa baite. Bailla mei, abído dáanomó áfena retáidote. Afe mei jofomo íóbicana jaillano nana íemo ite raa fécajide. Raa fécajano oga úcubedo afe retáidua énie íbajide.

Perla daina iere ráifide zírjii jino onótaitifue

⁴⁵ Nane daje izói monamo ite Juziñamui illáimaitagamacina íacadino perla jenoda fécafiredimie izói fñoitiaioi. Afémie jicado jenode. ⁴⁶ Iere ráifide perla daa ie baía, nana íemo ite ráaniai fécajano, ie ciona ráifidiji íbajide.

Chamu ora llóiji onótaitifue

⁴⁷ Daje izói nane monamo ite Juziñamui illáimana illarui, jóraimo dótafirega chamu ora llóiji izoide. Afe llóiji nana jiáíforiede chámuna ote. ⁴⁸ Afe llóiji oruilla llezica, facódino oni fuédamo jainácana uite. Afénomo raináillano, ñuera chamu diga nizédiaioi. Fiénidino oni dótano ñuera chamu íaioi cirí-gaimo iráidiaioi. ⁴⁹ Afe izói énie fuil-

líruimo comínimo íite. Juziñamui abi imaci billano ñuemaci fiénidimacimona oni eneno ofítaite. ⁵⁰ Iemo fiénidinona iraimo óreite. Afénomo iere éenaitiaioi. Izi cácanamona murímuritiaioi.

Comue ráifide raa naa jácaie diga

⁵¹ Afe mei Jesús íaioina jicánote:

—¿Meita omoi nana bífuiaina onódio-moi? —daide.

Jira afémaci daidíaioi:

—Jii, Ocuíraima onódicai, —daidíaioi.

⁵² Iemona Jesús íaioina daide:

—Cue ocuica uaina ñue llófue-firedimie, monamo ite Juziñamui illáimana illirui díbenedo llófuia llezica bie izói íficaide. Aillue jofo naama ie éenoga ráamona comue raa jino úana onode. Iemo jiáíruido jácara raa mei íadi nai ñuera raa, jino úana onode. Afe izói afe ñue llófue-firedimie nana ie onóigafuiaimona cue cómfue naa jaijai lloga jácafue diga jino llúana onode, —daide.

Jesús Nazaret jófuemo jaide

(Mr 6.1-6; Lc 4.16-30)

⁵³ Jesús nana bie jino ñue onótati-fuiaí llua méifomo dama ie éniemo jaide.

⁵⁴ Dúciizaillano afénomo ite Juziñamui uai llorácomo llófuete. Aferi comini caimare fáigacaidiaioi. Daidíaioi:

—Bímie çninómona diga ráfuiaina onode? Bie cíorainina raa çniie izói finode?

⁵⁵ Bímie baie rabíciaimo táijifiredimie jitó. Ie ei María. Daje izói afémie ámatiai Santiago, José, Simón, Judas benomo cairi ite. ⁵⁶ Daje izói ie miríngotiai cai cígimo itíaioi. ¿Mei ninómona nana bífuena onode? —daidíaioi. ⁵⁷ Iemona afémie llógamo náfueacañediaioi. Mei jira Jesús íaioina daide:

—Nana jiáímaciai Juziñamui uai llóraimana jiéruitiaioi, mei íadi dama ie comuillano comini íena jámauruitaioi,

daje izói naa ie jofo ero comíniri, —daide.

⁵⁸ Ie jira afénomo ciórainina raana aillo finóñede, mei afémaci afémiemo íñoñediaioiza.

Juan Bautista tiilla

(Mr 6.14-29; Lc 9.7-9)

14 Aféruillaido Galilea énie ocuídil-laima Herodes, Jesús jalléinana fídice. ² Fídiano ie diga itónona daide:

—Bímie tíllamona meine abido cáadimie Juan Bautista. Iemona afémiemo ciórainina raa finolle rño ite, —daide.

³ Mei jaii nano Herodes Juaana maitá llavéracomo uitátate. Mei nauí Herodes ie ama Felipe ai Herodías dainango aina ote. Ua mei, Juan Heródesna riire lletádeza. Ie lleta jira íena llavétate.

⁴ Juan daina uai be ñie:

—O bie ringo o ai izói uícainidio, —daide.

⁵ Daií daina jira Herodes Juaana fáiacade. Mei íadi comínina jacíruite, mei “Afe Juan Juzíñamui dibéñedo úrifiredeza,” daidíai. ⁶ Afe méifodo, Herodes ie jocóinamona jíáie fimona fuilláruimo dúcide. Aféruído ie cumpleaños rafue fñua llezica, irázillena llogano eróicana Herodías jiza bai zaizáijide. Afengo záillana Herodes iere ebíruite. ⁷ Afena iere gáinamona Herodes riírede uaido daide:

—Ninó o jicáacanana rairuíño íredicue, —daide.

⁸ Iemona afengo ei uícodo llua izói Heródena daide:

—Juan Bautista ífoci plátomo jóneta cuemo ati, —daide.

⁹ Aferi ocuídillaima Herodes zúucaide. Mei íadi uícodo riírede uaido dáinana nana irázillena llogano cacádiaioi. Jira jíáfodo méidoño nano fueñe ie daina izói ocuide. ¹⁰ Iemona llavéracomo llaveca Juan ífócina jaitátate. ¹¹ Afe mei jáitano plátomo jóni-

ano aféngomo izájidiaioi. Afe méifodo afengo afe ífócina ie eimo ite, afengo Juan ua tíllana onóillena.

¹² Afe mei afe Juan diga jáicadino uillano ie abi raíájidiaioi. Afe mei Jesumo llujáidiaioi.

Jesús cinco mil comini ecade

(Mr 6.30-44; Lc 9.10-17; Jn 6.1-14)

¹³ Jesús Juan fáajana fidíllano dama ruica táinomo nocaedo jaide. Mei íadi comini ie jáillana fidíllano naga jófuiamona ie illánomo arido jáidiaioi.

¹⁴ Iemo Jesús afe nocáemona ari jailla llezica, diga comini ofillana ciode. Cíoillano íaioimo dúecaide. Afémiemo atica iráredínuiaina jíllotate. ¹⁵ Ja nauízaila llezica ie llófuegamaci afémiena daiízaíbitiaioi:

—Ja nauide. Benomo buna íñede. Nana comínina mai jófuemo oreri, afe áinori ite dúegobiaimo íaioi güille íaioi íbajillena, —daidíai.

¹⁶ Jira Jesús afémacina daide:

—Afémaci nai jáinidiaioi. Afémaci dani omoi eca, —daide.

¹⁷ Jira afémaci uai otíaioi:

—Cinco diga páaniai, íemo mena chamu afe baímo jíáiena caimo íñede, —daidíai.

¹⁸ Jira Jesús íaioina daide:

—Mai áfena cuemo ati, —daide.

¹⁹ Afe mei nana comínina daide: “Ráitai emódomo ana omoi ráii,” daide. Afe llezica Jesús cinco diga páaniai mena chamu diga llínota, monamo érocaillano Juzíñamuina “Figora” daide. Daií daina méifodo Jesús afe pan ditada ie llófuegamacimo ite, afémaci nana comínimo fecállena. ²⁰ Afe güillano nana comini ñue jeírediaioi. Íaioi güilla mei, güiga állana ie llófuegamaci doce cirigai oruítatiaioi. ²¹ Afe güitino cinco mil diga íñiaí. Iemo afe baímo ringóniaí naa úruiairi fácadoñega.

Jesús jainoi emódodo macade

(Mr 6.45-52; Jn 6.16-21)

²² Afe mei Jesús ie llófuegamacina daide: “Mai ifódino ruica enéferaimo no-caedo omoi jairi. Afe llezica bie comini ráinoiticueza,” daide. ²³ Comini ráinua mei Jesús caifónedumo dama Juzíñamuimo úrizaide. Nauízailla llezica Jesús afénomo dama ite. ²⁴ Afe llezica íaiói jailla nocáe bai dáaferaimo ite. Mei íadi jorai bagua meine íaioina ñuitáñuitade. Afe llezica jairifo meine íaioina fúuoide. ²⁵ Como monáioicaidemo Jesús jainoi emódodo afémaci diné macácana jaide. ²⁶ Afe jainoi emódodo jáillana cíoilano, caillíoidiaíoi. “Janaba billa,” dainano iere jacínaitiaíoi.

²⁷ Mei íadi Jesús íaioina daide:

—Cueza, jacínaiñeno omoi iri. Abí omoi mame, —daide.

²⁸ Jira Pedro afémiena daide:

—Ocuíraíma, mei ónia, o illánomo mai jainoi emódodo cue mácata, —daide.

²⁹ Jira Jesús íena daide:

—Mai mei bi, —daide.

Iemona Pedro nocáemona ana jail-lano jainoi emódodo Jesús diné macá-cana jaide. ³⁰ Mei íadi jairifo riire jáiñua cacáillano abi jácidote. Afe llezica afémie ja anábaicade. Anábaioicailla llezica afémie caillide:

—¡Ocuíraíma, iñédicueza, cue lliño! —daide.

³¹ Daí daina llezica, Jesús ónoído llínota daide:

—¡Ñi o due íinua! ¿Ñibái mei o íno-gafuena fáicanocaidio? —daide.

³² Nocaemo caifo íaillínoi jailla llez-ica, afe jairifo llícaide. ³³ Iemona afé-caemo itino, Jesús anamo dújuillano íena daide:

—Uáfuenta, Juzíñamui Jitódioza, —daidíaíoi.

Jesús Genesaret éniemo ite iráredino jíllotate

(Mr 6.53-56)

³⁴ Jorai ruica jáitajano Genesaret éniemo dúcidiaíoi. (Afe énie jíáfodo mameina Galilea.) ³⁵ Iemo afeno comini ñue afémiena onónamona, nana afénomo itígobiaimo conímana fidítatiaíoi. Afemona afénomo ite iráredinuiaína Jesumo atídíaíoi. ³⁶ Daa afémie inícuuro fueda jetánollena izire jicádiaíoi. Iemona nana ie inícuuro fueda jetádino jíllodiaíoi.

Cómena íaire finode raa

(Mr 7.1-23)

15 Afe mei dáarie Jerusalémona bite fariséuai naa ocuica uai llófue-firedinori Jesumo jicánuaibitiaíoi:

² —¿Ñibái mei o llófuegamaci cai uzútiái daina uaina oni caitáfirediaíoi? Mei afémaci fiénidífue múiñua jana, nai güiñena llezica onoi jócuana finóñedi-aioiza, —daidíaíoi.

³ Mei afe ibana Jesús íaioimo jicánote:

—¿Mei ñibái omoi Juzíñamui riire ocuica uai oni caitáfirediomoi dani omoi jaiái daina uaimo náfuellena? ⁴ Mei Juzíñamui caina daide: “O moo o ei diga caimare omoi úcairi. Dámie ie moona ie ei diga íaire dáia, afémie títeza,” daide. ⁵ Mei jíáfodo daiífiredio-moi. Dámie ie moona ie ei diga bie izói daiífrena dáifirediomoi: “Moo, ona canónidicue, mei nana cuemo ite raa Juzíñamuimo fecállena cue mamécaza.”

⁶ Iemo ninó dáamie daíí dáiiadi, ie moo ie ei diga canolle afémiemo dúñede, daíí daiífirediomoi. Daíí omoi dáinamona Juzíñamui ocuica uai jámairuitadiomoi, dani omoi jaiái daina uáillaimo náfuellena. ⁷ ¡Comeci diné ráatailla mei, abina ñue cóidinodiomoi! Jaiái Juzíñamui uai llóraíma Isaías ie cuezánicomo omoi dibénedo uáfodo úrite. Be afe uai:

⁸ Bie comini fia fuedo cuemo ñúefue mamé diaioi, mei íadi íaioi comeci diné íáiredeza, cuemo jaináñede.

⁹ Diga ebírede ráfuaido cuemo caimá- taidiaioi íadi, afe caimátailla rái- fiñede, mei afémaci jíaimaci llófuia jamai come ocuica uáillaiza.

Isaías Juzíñamui daináuai bie izói cuete.

¹⁰ Afe mei comini uáidota Jesús íaioina daide:

—Cacáillano ñue omoi onoiri. ¹¹ Come fuedo jofo jaide raa afémiena íáire- tañede. Mei jíáfodo come fuémoma bite uai, afémiena íáiretate, —daide.

¹² Afe jira ie llófuegamaci Jesuna daiízaibitiaioi:

—¿Meita onódioza, o daina uáil- laina cacáillano fariséuai icíritiaioi? — daidíaioi.

¹³ Mei íadi Jesús jíáfodo uai ote:

—Naga Juzíñamuimo uáfueña jaináñedimie monamo ite cue Moo ríñega raa izóidiaioi. Afémaci come gáñega riga raa naa jánaori aiñólle izói táinocaitalliaioi. ¹⁴ Afe baie fariséuai dama daiítadiaioiza; áfemo lloño. Mei afémaci uínidino izóidino. Iemo afe llezica jíáie uínidino ifódiaioi. Uínidimie jíáie uínidimie ifóadi, nágaillinoi dáafomo báitiaillinoi, —daide.

¹⁵ Jira Pedro Jesuna daide:

—Bie uai jino caimo féinino llone, — daide.

¹⁶ Jira Jesús jicánote:

—¿Omoi jíái nai onóñediomoi?

¹⁷ ¿Onóñediomoiza, fuedo jofo jaide raa jébeoimo jaide; afe mei abímona jino faiga? ¹⁸ Mei íadi come fuémoma jino bite uaillai ana comécimona comuide. Afe bie uaillai dama afémiena íáiruitade. ¹⁹ Mei diga íaifuiaí come comécimona comuide. Fieni comeci fácafuiaí comuide. Daje izói daje comécimona jíáima fáiacanafuiaí comuide. Iemo jíáima ai diga íacanafue

come comécimona comuide, naa jíáie iere jiruírenafuiaíri. Iemo jíái merírrillafuiaí come comécimona comuide. Daje izói táinona úrilla uaillai, naa jíáimana íáire daináuailiaíri come comécimona comuide. ²⁰ Afe bífuiaí cómena iere íáiruitanona orede. Mei íadi fiénidifue múiñua jana onoi jócuana finóño dáamie güfadi, áfena cómena íaifueredimiena oréñede, —daide.

Jicánemaci ringo Jesuna íinote

(Mr 7.24-30)

²¹ Afénomona Jesús oni jíáie éniemo jaide. Afénomo Tiro jofue Sidón jofue diga ite. ²² Afénomo Canaán énie ingo Jesús diné caillícana bite:

—Cai ocufírede jaiái illaíma David comuítagamie, cuemo dúecai. Cue jiza fiénide jóríai uícaigaza, iere duere ze- fuidé, —daide.

²³ Mei íadi Jesús aféngona ñíie izói daiíñede. Mei jira ie llófuegamaci íemo izire jícaibitiaioi:

—Mai ie uai fáirio, mei cai méifodo duere caillícana bíteza, —daidíaioi.

²⁴ Jira Jesús daide:

—Juzíñamui dani Israel náiraimona oni féiraite ovejai izóidino mameda cuena orede, mei afémaci Juzíñamui lloga uaillai jeire oné diaioiza, —daide.

²⁵ Mei íadi afengo Jesús diné bil- lano afémie anamo dújude. Dújuillano afémiemo jicade:

—¡Ocuíraíma, mai cue cano! —daide.

²⁶ Jira Jesús aféngona daide:

—Uruiaí izoide Judíuai ónoimona pan bairoda jicóniaí izoide jicánemacimo illa fiénide, —daide.

²⁷ Mei afengo jaca nai daide:

—Cai Ocuíraíma, jíi uáfueza, mei íadi jicóniaí naama gügamona ana baide íruaina güfírediaioi, —daide.

²⁸ Mei jira Jesús aféngona daide:

—O ico iere fínotioza. Cuemo o jícaze, daíí íteza, —daide.

Daíí daina llezica afengo jiza jíllode.

Jesús aillo iráredinuiai jíllotate

²⁹ Afénomona Jesús oni jaillano Galilea jorai fuédado jaide. Afe mei caifónedu ícoimo ráiizaide. ³⁰ Iemo afémie illánomo aillo comini gairilla. Afe jáidino diga jíáiforie iráredino uitíai. Afémiemo fdainidino atídíai, íemo ufnidinuiai, íemo uáinidino, íemo ónoinidinuiai, íemo diga jíáie iráredino afémiemo atídíai. Dieze átiano Jesús anamo jónetiaioi. Iemona afémie nana afémacina jíllotate. ³¹ Afe afémie fínuari comini caimare fáigacaidiaioi, mei eróidiaioimo uáinidino úritiaioiza. Iemo ónoinidino ñue jíllodiaioiza. Iemo fdainidino ñue macádiaoiza. Iemo ufnidino ñue ciódiaioiza. Iemona Israel nairai Juzíñamuimo ñúefue nitádiaioi.

Jesús cuatro mil dígade comini ecade

(Mr 8.1-10)

³² Afe llezica Jesús ie llófuegamaci uáiduano daide:

—Bie comínimo dúecaidicue. Ja daruíamani benó cue diga itíai. Iemo íai. Güíllena ja íñede. Afémacina íai. Jofomo ecáñeno orécañedicue, io anamo íai. Zafénaiza dáii, —daide.

³³ Iemo ie llófuegamaci íena daidíai:

—Mei benomo comini jofue íñédeza, bie aillo comini ecállena zínómona óitícai? —daidíai.

³⁴ Jira Jesús afémacimo jícanote:

—¿Omoimo niga páaniai ite? —daide.

Jira afémaci daidíai:

—Siete diga pan ite íemo due chá-muna ite, —daidíai.

³⁵ Afe mei nana comínina: “Ana omoi ráii,” daide. ³⁶ Daíí daina méifomo siete dígade panes naa chamu diga llínota, Juzíñamuina “Iere figura” daide. Afe

mei díhada, ie llófuegamacimo ite, afémaci nana comínido fecállena. ³⁷ Afena nana güítíai. Íai. Güíllena mei nana ñue jeírediaioi. Afe mei íai. Güílla állana siete diga cirigai orúttatiaioi. ³⁸ Afe güítino cuatro mil dígadimaci. Afe baimo ringóniai naa úruiairi fá-cadoñega. ³⁹ Afe mei Jesús afe gairide comini rainode. Ráinua mei ana no-caemo jaillano oni Magdala éniemo jaide.

Fariséuai naa saducéuai diga ciórainina raa finóllena jícadiaioi

(Mr 8.11-13; Lc 12.54-56)

16 Fariséuai naa saducéuai diga Jesu-
sumo eróizaidiaioi. Iemo afémie fieni facátallena monámona comuide ciórainina raana finótaacadiaioi.

² Mei íadi afe llezica afémie jíáifodo uai ote:

—Nauíacana llezica mona jíairenia uire jiti ñue mónaite daífirediomoi. ³ Iemo jítramo díbenemo mona jíáire nairíadi, bie mona fíénite, daífirediomoi. ¡Comeci íairena mei, jino abi diné ñue cóidindiomoi! Uire jítramo ñue mona mona llo-
te raana ñue onódiomoi. Mei íadi birui omoi cígimo cue finoca onótatíuina onóndiomoi. ⁴ Biruido ite fínoñede fíénidino ciórainina raana finóllena jícadiaioi. Mei íadi naui Juzíñamui uai llóraima Jonásmo zúidífue íai. Onótatífue. Afefue baimo jíáifuen-
a llóneilliaioi, —daide.

Daíí daina mei, afémacina fáicanocail-lano Jesús oni jíáinomo jaide.

Fariséuai taino llófirenafue levadura daina pan aillo fáitate raa izoide

(Mr 8.14-21)

⁵ Jesús llófuegamaci jorai ruícafenemo jailla llezica, pan féideza uíñédiaioi.

⁶ Afe mei Jesús íaioina daide:

—Ero, fariséuai naa saducéuaimo ite levadura daina pan aillo fáitate raa izóidemona abí omoi rairuiri, —daide.

⁷ Mei jira llófuegamaci dani confimana daidíaioi:

—Nibai pan cai atñena jira afémie daí daide, —daidíaioi.

⁸ Jesús áfena comécido onóillano daide:

—¿Nibái mei páanidicai daidíomoi? ¡Omoi ico nai figo fínoñediomoi! ⁹ ¿Nau cinco páaniai ditada cinco mil comini cue écamo jaca ufbaicaiñediomoi? ¿Nai áfena ñue onóñediomoi? Aféruido fiébidinona ¿niga cirigai oruítatiomoi?

¹⁰ Iemo daje izóí siete dígade páaniai cuatro mil comínimo cue feca mei ¿niga cirigai fiébidinona iráidiomoi? ¿Afemo jíái daje izóí ufbaicaiñediomoi?

¹¹ ¿Minícamo jizídiomoi levadúrado cue úrillana nai onóñena? Naui fariséuai, naa saducéuaimo ite levadúramona abí omoi rairuiri cue daina uaina jamai paando úriñedicue; jíáifue lloticue.

¹² Afemona ie llófuegamaci ie dáinana ñue onódiaioi. Pan aillo fáitate levadúramona abí rairuillana lloñédeza. Mei jíáfodo fariséuai naa saducéuai jino lloga taino llófuiamona abí rairuifredeza.

Pedro Jesús Crístona jino jáicina lloste

(Mr 8.27-30; Lc 9.18-21)

¹³ Afe mei Filípomo dúide Cesarea éniemo Jesús dúcina llezica, ie llófuegamacimo jicánote:

—Cue Nanoide fima Jitódicueza. Afe dibéna ¿ñie izóí comini daidíaioi? —daide.

¹⁴ Jira afémaci daidíaioi:

—Dáamierie “Bie Juan Bautista” daidíaioi, jíáimaci “Bie Elías” daidíaioi, íemo nai jíáimaci “Nibai Jeremías, nibai jíáie Juzíñamui uai llóraima,” —daidíaioi.

¹⁵ Mei jira Jesús daide:

—Omoi ¿mei ñie izóí cuena daidíomoi? —daide.

¹⁶ Jira Simón Pedro uai ote:

—Juzíñamui nizeca Crísto daínamedio. Daje izóí caade Juzíñamui Jitódio, —daide.

¹⁷ Jira Jesús afémie uai ote:

—Jonás jitó Simón, o iere ióbidio. Mei ailli o daina uai cómemona omo llónegaza. Mei jíáfodo monamo ite cue Moo Juzíñamui omo lloga. ¹⁸ Ona Pédrodio dáititucue. Mei jae cuena o daina uai rírede oni dotánide nofici izóideza. Iemona afe bie rírede nofici izoide uáitanide dáinamo cuemo fínotinona comuítaitucue. Iemona titáfiredre ríno cuemo fínotinona anáfoñoite. ¹⁹ Iemo jíái monamo ite Juzíñamui illáimana il-lano naze zuitáfiredre llave izoide raa omo íitucue. Iemona bínimo o rairuífucufuena, daje izóí monamo ráruiteza. Afe izóí bínimo o ráruifnegafuena monamo ráruifnelle, —dínori Jesús daide.

²⁰ Afe mei Jesús ie llófuegamacina Crístona ie íllana bummo jino llotátañede.

Jesús ie tñille lloste

(Mr 8.31-9.1; Lc 9.22-27)

²¹ Aféruimona Jesús Jerusalemo ie jáizaillena ie llófuegamacimo jino uáfodo lloste. Iaioina daide: “Jerusalemo cue dúciille mei ocuífiredre éicomini, naa lletáriraini illáiniri, íemo jíái ocuica uai llófuefiredinori nana iere cuena duere fínoitiaioi. Omoimo llotícueza cuena títaitiaioi, mei íadi daruíamani íllemona meine abído cáadimiena íitucue,” daide.

²² Afe jira Pedro Jesús bai uillano íena lletade. Daide:

—Ocuíraima cacai, Juzíñamui afe izóí gáñede. ¡Aféfuiaí jaca omo zúíñeiteza! —daide.

²³ Mei jira Jesús oni gírecaillano afémiena daide:

—Satanás uícaigoza. Cúemona oni jai; cue llótai-dotioza. Juzíñamui comeci

faca izói o comécina facañedio. Jamai come comeci faca izói o comécina facádio, —daide.

²⁴Afe jira Jesús ie llófuegamacina daide:

—Ninó dáamie cuedo jáiacania dama ie comeci jitáillana féitaredede. Féitano cuedo jáirede. Afémie cuedo jailla ícoinia tídena, afémie áfena izire ónide. ²⁵Mei ninó dáamie ie cáananona rairuácadimie áfena táinomom fáifitaite. Mei jáífodo cue ícoinia ie cáananona táinomom fáifitimie afe fáifidena abido máinoite, jaca ninomom ziiñona ie íllena. ²⁶Mei daa come nana bínie ráaniai aillo náamataadi, íemo afe llezica dama ie comeci afémie táinocaitaiadi, nana ie maíñoa ráaniai afémiena jíllotañeite. Mei daa come ie comécina ¿nieze íbárede? ²⁷Mei uáfueza, Nanoide íma Jitódicueza. Cue Moomo ite ebíredinuiaí naa ie abí ímáciri uire bíitícue. Iemona illa dígamie íaiói ínócaza fécaítícue. ²⁸Uáfueña ómoina dáitícue, benó cue díga ítínomona dáarie nai tíñeítiaíoimo illáimana cue bíllana cóitíaiói, —daide.

Jesús abí jíáífo méidoficaide

(Mr 9.2-13; Lc 9.28-36)

17 Seis dígarui jailla mei, Jesús Pedro, Santiago, Juan díga uite. Dígamie dani eneno iere caifónedumo uite. ²Afénomom íaiói eróicana ie abí jíáífo méidoficaide. Ie uíeco jítomam izói queníreficaide. Daje llezica ie ínícuro jamánomom úzereficaide. Luz egáíñua izói úzere. ³Afe llezica, Moisés, Elías, Jesús díga úrillana cóidiaíói. ⁴Jira Pedro Jesuna daide:

—Cai Ocuíraíma, níi cai benó caimare cai illa. O jítaíadi daámam jífóchupi benó cai nílli; daa óochupi, jíáíe Moisés ie, íemo jíáíe Elías íchupi, —daíí daide.

⁵Daíí Pedro úrioina llezica, iere quenírede mona ero uíllie, íaiói

ferínocáide. Afe uílliemona da uai cócacaide. Afe uai daide:

—Bie iere cue izíruíga Jitó. Afémiemo omom cacáreiri, —daide.

⁶Afe uaina cacáíllano ie llófuegamací éniemo fueco díne bíjicaidiaíói. Afémam iere jacínaitiaíói. ⁷Afe méífomom Jesús íaíoína jetánomam daide:

—Jacíruíñeno caífo omom náidacai, —daide.

⁸Afemona érocáidiaíoimo, ja buna cóíñena. Dama Jesús cóidiaíói.

⁹Afe íduaimona fei íaiói bílla llezica, Jesús afémam ocuide:

—Bie omom cionam rafue bumom lloñeno íri. Nanoide íma Jitódicueza, tíllamomom naí meíne abído cue cáañeílle dínom lloñeno omom íri, —daide.

¹⁰Iemona ie llófuegamací Jesumom jícánomam íaiói:

—¿Níbái meí ocuilla uai llófueramí Elías raíre uícodom bírena, daífírediaíói? —jícánomam íaiói.

¹¹Jira Jesús uai ote:

—Uáfueña Elías fueñe bílle. Bíllanom nagam ráaniaína níue íñoite. ¹²Mei íadi: “Elías ja bíte” ómoina daídícue. Meí bímam afémiena onóñediaíói. Afémiena onóñenamom afémam comeci óiacanam izói afémiena ínódiaíói. Iemom bíruí Nanoide íma Jitódicueza, afe izói cuenam duere zefuítaitiaíói, —daide.

¹³Iemona ie llófuegamací, Jesús Juan Bautístadom íaíoimom úrite, comécídom daídíaíói.

Jesús íféníde jóriam úícaíga jítócomenam jíllotam

(Mr 9.14-29; Lc 9.37-43)

¹⁴Ídomomom ana comíni íllánomom bítiaíoimom, dámie Jesús anamom dújuzaíbíte. Dújuzaíbíllanom daide:

¹⁵—Cai Ocuíraíma, maí cue jítomom dúecai. Fíéníde jóriam íenam naíllítáfírede. Aférí afémie iere duere zefuíde. Afémie díga ícaíño íraimom baífírede; jíáíruidom

illemo baiífiredede. ¹⁶ Benomo o llófuegamacimo cue atica, mei íadi afémaci afémiena jíllotanidiaioi, —daide.

¹⁷ Jira Jesús uai ote:

—¡Aiii! ¡Nñiena jamánomo fínofínidíomoi! Nñefuena jamairuítíomoi. Omoi ñue cue rairuúllena, ¿ñiee dinó omoi cígimo íredicue? Afe jítócome cuemo atí, —daide.

¹⁸ Atía mei, Jesús afémiemo ite fiénide jóríai izire rairuide. Rairuúllano jino orede. Afe daíí daina llezica, afe jítócome jíllobicaide.

¹⁹ Afe mei Jesús llófuegamaci bai eneno Jesús diga úrite; jicánotiaioi:

—¿Mei nibái cai afe fiénide jóríai orénidícai? —daidíaioi.

²⁰ Jira Jesús íaioina daide:

—Omoi nai figo fínoñediomoiza, afe fiénide jóríai nai jino orénidíomoiza. Uáfueña ómoína dáííticue, ua due omoi fínoiadi iere juáredífueña finóredíomoi. Omoi fínogafue mostaza íji jamánomo dúena izoide íadi, áfedo iere juáredífueña fínoítíomoi. Bie áillue caifóneduna “Oni jai” o daííadi, afedu oni jíáinomo jáite. Uáfueña omoi fínoiadi, jánaideza finónide raa ómoimo íñeite.

²¹ Mei íadi bie izoide fiénide jóríai dama cai güíllena güíñeno fímaírrillado femo jíái Juzíñamuimo cai úrillado jino orérede.

Jesús nane ie tílle dánomo jino llote

(Mr 9.30-32; Lc 9.43-45)

²² Galilea éniedo íaioi macácailla llezica, Jesús ie llófuegamacimo ie tíllífueña íaioimo llote; daide:

—Nanoide fíma Jitódícueza, nairai duere finóllena uíllícue. ²³ Afe mei cuena títtaitiaioi. Mei íadi daruíámáni íllamona meine abido cáadímiena ííticue, —daide. Aféfuena cacáíllano iere zúucaidiaioi.

Juzíñamuimo gairíracomo dúide úcube Jesús ibade

²⁴ Jesús naa ie llófuegamaciri Capernaum jófuemo dúcidiaioi. Dúcina llezica, Juzíñamuimo gairíracomo dúide úcube jicáfiredino Pédro mo jicánuaidiaioi:

—¿Omoi llófueraima afe raiñoaca úcubena íbainete? —jicánotiaioi.

²⁵ Jira Pedro:

—Jii, íbajte, —daide. Afe mei Pedro jofo jailla llezica, Jesús fueñe Pédróna daide:

—Simón, ¿ómona ñie izóí cóoide? Bínie íllaini ¿ñiee comínimo úcube jicáfirediaioi? ¿Meita dani ie comínimo? ¿Mei jíáífodo jicánemacimo? ¿Ñiee comínimo? —daide.

²⁶ Jira Pedro:

—Jicánemacimo, —daide.

Iemo Jesús íena daide:

—Ie jira dani ie comíni íbánidiaioi. Iemona afe ailli omo íaioi jicaca raiñoaca úcube íbánidícue, ¿ero ua? Jii, íbánidícue. ²⁷ Mei íadi bu cai ícíñeíllena, áfena íbaitícue. Ie jira jóraimo jaillano fácuai. Fueñe riáíbite chamu o írí. Otá ie fue eromo daa úcubetuni báítioza. Afe úcubetuni cócomo jicaca úcube záítaiteza. Afétuni uano afémacimo o íbari, —daide.

¿Ñiee come iere jamánomoina?

(Mr 9.33-37; Lc 9.46-48)

18 Aféruido ie llófuegamaciri dánomo gairíllano Jesumo jicánotiaioi:

—Monamo ite Juzíñamui ílláimana ílláruimo ¿ñiee come iere jamánomoina? —daidíaioi.

² Afemona Jesús daa jíiza uáiduano íaioi cígiri naidánete. ³ Daíí ñiano daide:

—Uáfueña ómoína daidícue, omoi íllafue jamai comécina mánaírede úrue ílla izóí méidoredíomoi. Afe izóí omoi

íñenia jaca monamo ite Juziñamui illáimana illánomo jofo jáiñeitiomoi. ⁴Mei íadi bie úrue izoide dama ie abi jacire maméñedimie monamo ite Juziñamui illáimana illáruimo jamánomoidimie. Iemo daje izói bie nífuenide úrue illáfuenta dama ie illáfuenta méidotimie, afémie jamánomoina. ⁵Daa come cue mámeçido bie izoide dúeza llínoiadi afémie ja dáaruído cuena llínote.

**Fiénidifuemo come
baílla iere jacírede**

(Mr 9.42-48; Lc 17.1-2)

⁶Niie come daa bie izoide cuemo ínote dúeza fiénidifuemo baiítaiadi, afémie jamánomo duere finórede. Monáillaji iere afóredinomo ie cimoi mo áillue nofici cuinada dotalle baimo ñuera. ⁷Jiáie comínina fiéni finótaoicaidino ¡nií dúerena! Oni nibéfodo fiénidifuemo baiítifuiái jaca ífirede; mei íadi afémie afémaci fiénidifuemo baiíta ícoínia afémie ¡nií dúerena!

⁸Iemona, o finócafuedo oni nibéfodo fiénidifuemo o baiítadi, dama o onoi jáitaja izói, afefue finuana fáicanocairi. Daje izói ninó o jáillado fiénidifuemo o baiítadi, dama o idai jáitaja izói, afénomo jáillana fáicanocairi. Mei júbene onoi diga daje izói júbene idai diga izói o íllana ziiñona illínomo o jáiadi iere ñuera, mei íadi nágafezi diga, comini duere finólliraimo o baiítadi iere figóñede. ⁹Daje izói minícamo o eróillamona fiénidifuemo o baiítadi, dama o uíji cuerónota oni jica dota izói, áfeniáimo eróillana fáicanocairi. Mei júbene uina fíidimie ziiñona illínomo o jáiadi jamánomo ñuera. Mei íadi mena ui diga comini duere finólliraimo o dotábiadi iere figóñede.

Oveja oni féiraila izoide rafue

(Lc 15.3-7)

¹⁰Bie úruiaimona daaza jámairuiñeno omoi iri. Mei ómoína daidícueza, afémacimo uínote Juziñamui abi imaci, monamo ite cue Moo uieómo jaca ífirediaioiza. ¹¹Mei Nanoide fima Jitódicueza, oni nibéfodo féiraitino jíllotaíbiticue.

¹²Omoimona ¿niie izói comeci facádiomoi? Daa cómemo cien diga ovéjaiai ia, íemo afémacimona daa oveja féiraiadi, afémie afe noventa y nueve diga ovéjaiai ie cirínoracomo fiénocaite, afe féiraite oveja jénuaillena. ¹³Afe féiraite oveja bailla llezica, áferi afémie jamánomo ióbide. Ua nana jiáie noventa y nueve diga féiraiñede ovéjaiai baimo, afe baiga féiraitimieri jamánomo ióbide. ¹⁴Afe izói monamo ite Moo Juziñamui bie dúezaiaimona jaca daa féiraitaacañede.

**Cai ámatiaimona dámie omo
fiéni íadi, afémiena
caimare uáidorediomoi**

(Lc 17.3)

¹⁵O ama omo fiéni úriadi, uái daií jaillano dama afémiemo úrizairi; afémie fiéni illa afémiemo ñue lloiri. Afémie áfena náfueiadi, ja afémiena ñue cáimacaitadio. Afémie diga ñue nabáiritio. ¹⁶Mei íadi afémie áfena náfueñeniadi o uai nábitena mena come jíriri. Afe mei afémiemo úrizairi, mei afémiemo nana nitácafuai mena come nibai daámami come uai nabáifrenado záitarede. ¹⁷Mei íadi afémie afémacimo cácareacañenia, Juziñamuina ínote aillo dánomo gairídino lloiri. Iemo afémie afémacina nai náfueñenia mai afémie Juziñamuimo ínoñedimiena omoi mameri. Daje izói gobierno raiñoça úcube iáirede jicáfiredinona

omoi jámairuia izói afémiena omoi jámairuigamiena mameri.

¹⁸ Uáfueña ómoína dáititue, bíníemo nana omoi féitañega jáímaci fiénidifuiái, daje izói monamo féitañega. Iemo jiáifodo bíníemo omoi féitaga jáímaci fiénidifuiái, afe izói monamo féitaga.

¹⁹ Nane dáonomo ómoína dáititue, ómoimona ménamie bie éniemo dájena mamede Juzíñamuimo jicáadi, monamo ite cue Moo ómicoi jica izói fñoiteza. ²⁰ Mei mena come, nibai dámani come cue mámedido dáonomo gairiadi, afénomo afémaci cígimo iticue, —daide.

²¹ Iemo Pedro Jesumo jicánote:

—Cai Ocuíraima, cue ama cuemo fiéni ítena ¿négacaiño caimare íena uáidoredicue? ¿Meita siete dígacaiño caimare íena uáidoredicue? —daide. ²² Jira Jesús uai ote:

—Siete dígacaiño daiñedicue. Mei jiáifodo jamánomo aillo dígacaiño íena caimare uáidoredio. Uafue jaca ninomo o ámana caimare uáidoredio, —daide.

Caimare uáidoiacañede táijitafiregamie izoide rafue

²³ Jesús nai úrioicaide; daide:

—Ie jira monamo ite Juzíñamui illáimana illirui bíníemo ite illaíma finócafue izoide. Aféllaíma nana ie táijitafiregano íemo ibáacaga raana záitaiacade. ²⁴ Afe záitalle táinia mei daa táijitafiregamie illáímamo atídíai. Afémiemo jamánomo aillo iballe ite. ²⁵ Mei íadi afémie úcubénide. Ie jira ie ocuídímie daide: “Mai bímie, ie ai naa ie úruiai riire ocuífírellinona feca, cuemo dúide ie ibárega raa záitalleza,” —daide. ²⁶ Iemona afe táijitafiregamie ie ocuífíredímie anamo dújullano íemo izire jicade: “Cue Ocuídímie, cuemo járitaño. Fíaicana nana omo íbaiticue,” daide. ²⁷ Iemo afe ocuídímie

afémiemo dúecaide. Dúecaillano afémie ibárega raa íbátanede. Afe llezica ja afémiena rairuíñeno macátate. ²⁸ Mei íadi afe táijitafiregamie oni jailla llezica, jáie afémie izói táijitafiregamie baizájide. Afe táijitafiregamie fueñeidímie o íballena due ite. Ie jira ie cimoi llínota íena títaite izói finode. Afe llezica daide: “Mai cuemo íbárega raa íba,” daide. ²⁹ Iemona ie llaitádimie anamo dújullano íemo izire jicade: “Cuemo raire járitaño. Fíaicana nana omo íbaiticue,” daide. ³⁰ Mei íadi afémie áfena náfueño llavéracomo íena llavétate, ie íbárega íbañelle dino.

³¹ Jáie táijitagano áfena cíoillano, iere zúucaidíai. Iemona nana afe llezica íficaillafueña íai. ³² Iemona ocuídímie nanóidímie jírítate. Jírillano íena daide: “Iere fiéni táijitafiregamiedio. Mei izire cuemo jicádízoa, nana cuemo o íbárega raana dínó fáicanocaidicue. ³³ Omo cue dúecailla izói, daje izói o nabaimo dúecairedio,” daide. ³⁴ Afe jira afe ocuídímie iere ríicaide. Ríicaillano ie nabaimo dúecaíñedímie riire duere finótate, nana ie íbárega íbañelle dino.

³⁵ Bie izói dánado Jesús ie úrillana záitate. Daide:

—Illa dígamie comécido ñue ie ámana uáidoñenia monamo ite cue Moo afe izói ómoína duere fñoite, —daide.

Íima ie ai dótajado Jesús lletade

(Mr 10.1-12)

19 Jesús bie uaido úrilla méifomo Galilea éniemona jaide. Jaillano Jordán imani ruícafellemo ite Judea éniemo dúcide. ² Dígá comini Jesudo jailla, íemo afénomo aillo íráredínuaína jílloate.

³ Afe mei fariséuaimona dámierie Jesús zanóllena facátaíbitíai. Afémiemo jicánotíai:

—¿Meita daa come ie áina fia come comeci dáinamona dotárede? Afe izoide ¿meita rairuírede? —daidíaioi.

⁴ Jira Jesús uai ote:

—¿Jaiái Juzíñamui Cuegáuaina facádoñediomoi? Afénicomoe bie izói lloite. Fueñe comini comuítatimie ringo iima diga finode. ⁵ Nane dáanomo daide: “Bie izóidemona dáamie ie moo ie ei diga fáicanocaite, afe ie ai diga dájena fáillinoi íllena. Iemona afe fáillinoi daade come izói íite.” ⁶ Afemona ménañe deza, daade come izoide. Ie jira jae Juzíñamui daade come finócaza, comini oni eneno dotánide, —daide.

⁷ Mei jira jicánotiaioi:

—¿Iemo nibái mei Moisés lloga uaimo áina dotárede daide? Dótaitimie ie dotaca aimo cuegábena írena. Afévena aféngomo íllano, afémie aféngona dotárede, —daide.

⁸ Jira Jesús íaioina daide:

—Mei afe omoi comeci ínoacañenamona Moisés omoi ai dotállena rairuíñede. Mei íadi nanómone daií mámeñega. ⁹ Cue ómoina dáititue, daa come ai jiruíreñeniadi dotáadi, jíaie ringo óiadi afémie fiénide jiruífue finode. Daje izói oni dotácango otímie jiruífue finode, —daide.

¹⁰ Iemona ie llófuegamaci íena daidíaioi:

—Mei o lloga ringo iima nabaina jaca íadi, ua ráfueza, ¿meita áireiñeno fia cai jáicaille iere baimo ñuera? —daidíaioi.

¹¹ Jira Jesús íaioina daide:

—Nana comini bífuena ónonidiaioi. Dama Juzíñamui onótallino bífuena ónoite. ¹² Íññaiamona dáamierie áina ónidiaioi. Dáarie fiéni jocóinamona áina ónidiaioi. Jáímiiai comínimona finócari áina ónidiaioi. Iemo jáímiiai Juzíñamui illáimana uai llócaillena jaca áina oñédiaioi. Bie uai jeire óredimie jeire óiteza, —dñori Jesús úrite.

Jesús úruiai ñue íllena finode

(Mr 10.13-16; Lc 18.15-17)

¹³ Afe mei úruiai Jesumo atúdiaioi, ie onoi afézaimo bítano afémie Juzíñamui afémacido úrillena. Mei íadi ie llófuegamaci úruiai atídino rairuide.

¹⁴ Mei jáífodo Jesús daide:

—Dama úruiai cue dine bíteza; afémaci rairuíñeno omoi iri. Mei monamo ite Juzíñamui illáimana illáruimo jáitino bie úruiai izóidiaioi, —daide.

¹⁵ Jesús afe úruiaimo onoi bítano íaioina ézicite. Eziciano oni jáígobemo jaide.

Ráarede jítócome Jesús diga úrilla

(Mr 10.17-31; Lc 18.18-30)

¹⁶ Iemo jáíruido daa jítócome Jesumo úrizaibite. Dúciillano íemo jicánote:

—Ñuera Llófueraima, zíñona cue illino cue mainóllena ¿nie núefue fñoititue? —daide.

¹⁷ Jesús íena daide:

—¿Nibái mei cuena núemiedio daidíoi? Dama Juzíñamui ñuena. Abi diné jíaie núemiena íñede. Mei jáífodo zíñona illnomo o jáiacania, Juzíñamui cai ocuilla uai jeire o oíri, —daide.

¹⁸ Jira afe jítócome íena daide:

—¿Nee mei aféuai? —daide.

Jira Jesús afémiena daide:

—Jáímana titáñeno iri. Jiruíreñeno iri. Meríriñeno iri. Jáie cómemo taino lloñeno iri. ¹⁹ O moo o ei diga caimare jacírui. O abina o izíruilla izói, o jíaie cómena o izírui, —daide.

²⁰ Jira afe jítócome íena daide:

—Nana bífuiaina jíizanamona jeire otitue. ¿Afe baimo nífue nai cuemo fiébilla? —daide.

²¹ Jira Jesús íena daide:

—Nífuenino comécina jácína jóidimie o íacania, mai jaillano omo ite ráania o fecari. Fécano afe íba úcube dúredinodo fecari. Afemona monamo ite zíñona

ráifide raa óiena íteza. Afe nana o felle calle mei, mai cuedo bi, —daide.

²² Mei íadi afe jitócome Jesús daíí daíí nana cacáillano abido zuure jaide, mei afémie iere ráaredeza.

²³ Iemona Jesús ie llófuegamacina daide:

—Uáfuena ómoina dáititue, iere aillo ráaredimie mei íadi ie ráaniaina cue baimo afémie izíruiadi, iere féirede Juzíñamui illáimana illíruimo jáillena. ²⁴ Nane dánomo dáititue, caméllona mameide áillue rille eedo uífodo enéfemo jailla juánide, mei jíáfodo aillo ráaredimie Juzíñamui illáimana illíruimo jaille iere juárede, mei ie ráaniai cue baimo afémie izíruteza, —daide.

²⁵ Ie llófuegamaci áfena cacáillano iere fáigacaidiaioi. Iemo dani jofo conímaiaimo jicánotiaioi:

—Iemona ¿námie jíllorede? —daidíaioi.

²⁶ Jesús íaioimo eróicana daide:

—Comínimona bie izóidífue finónide, mei íadi Juzíñamuimona nana finórede.

²⁷ Iemona Pedro íena daide:

—Cai Ocuíraima, caimo ite raana nana fiénocaillano odo ja jáidicai. Iemona mei ¿mínica máínoitícaí? —daide.

²⁸ Jesús íaioina daide:

—Uáfuena dáititue, uire jíáiruido naga ráfuiái cómofuiaina jáite. Aféruimo Nanoide íima Jitódicueza ebírede illaima ráíiranomo ráititue. Afe llezica omoi cue díga jáicana jira, doce dígade illaima ráíiranomo ráitítomoi. Afénamona doce dígade Israel náiraiái ñue jáicina jicánoitítomoi. ²⁹ Iemo cue ícoina naga jofona fiénocaidimie, daje izóí ámatiaí naa ie móotiairi fiénocaidimie, daje izóí naa úruiairi fiénocaidimie, íemo jíái ie illano zóofenocaidimie, afémaci cien dígacaiño ibálliaioi. Daje llezica afémaci zíñona illínona máínoitiaioi. ³⁰ Mei íadi birui aillo úfcocaidino

aféruimo óodaficaite. Daje izóí birui aillo óodaficaidino úfcocaitiaioi.

Jírícuremo oreca táijiraini izoide rafue

20 Monamo ite Juzíñamui illáimana illirui jírícure naama finoca izoide. Afémie jíítiramo raire ie táijiramaci jénuaide, ie jírícure óllena. ² Afémie ie táijiramaci ibállena afémacimo jáicina llote: “Daarui táijina iba dieze úcube illa dígamie fbaíticue,” daide. Daíí dainano ie jacáfaimo táijillena orede. ³ Afe mei jíitoma nuévemo ítemo oni gairíranomo jíáie táijitino jénuaide. Afe gairíranomo dáarie táijíñeno itino baite. ⁴ Iaioina daide: “Mai batí cue jacáfaimo táijizairi. Nauife díbénemo ómoimo ñue fbaíticue,” daide. Iemo afémaci dínomo táijizaidiaioi. ⁵ Afe jacafai naama jíitoma jáiciri ítemo meine nane jíáie táijitino jénuaide. Daje izóí nane nauife díbénemo jénuaide. ⁶ Iemo nane ja nauízaidemo ocuídime gairíranomo jíáie táijitino jénuaide. Dínomo jíáie táijíñedino baizájide. Iaioina daide: “¿Níbaí mei omoi nágarui táijíñeno benó ífirediomoi?” daide. ⁷ Jira afémaci íena daidíaioi: “Mei bu caina táijitañede,” daidíaioi. Iemona afémie íaioina daide: “Omoi daje izóí cue jacáfaimo táijizairi. Iemona ómoimo dúide dieze ñue fbaíticue,” daide. ⁸ Ja nauídimo, jacafai naama táijitagano úínotimiena daide: “Mai táijidino dánomo uáiduno iba. Iirainomo jáidino fueñe ibari, íemo nano fueñe jáidino méifodo ibari,” daide. ⁹ Iemona nauízaiacademo jáidino dúcidiaioi. Afémacimona illa dígamie ñue íaioi táijina iba llínotiaioi. Daa denario daina úcube illa dígamie llínotiaioi. ¹⁰ Afe mei nano fueñe táijizaidino ducina llezica, “Jíáimaci baimo aillo úcubena llínoitícaí,” daíí

comécido facádiaioi. Mei íadi nana illa dígamie dájerize daarui táijina iba dieze úcube llínotiaioi. ¹¹ Ucube llínuu llezica, ocuídимиemo rícaidiaioi. ¹² Iena daidíaiói: “Bie írainomo dúcidino daa hora táijidiaioi. Mei íadi daa cai o fbaze íaioina íbádio. Cai náamonaze uzíredemo táijidicai,” daidíaiói. ¹³ Mei íadi afe ocuídимиe íaioina daide: “Omoi cacai. Omoimo fieni íñedicue. Fueñe cai úrilla llezica ¿omoimo dáaruina táijina iba dieze úcube fbaiticue daifñedicue? Jii, daidicue. ¿Afe llezica áfena jíeruíñediomoi? Uáfueza, jíeruitiomoi. ¹⁴ O táijina iba llínota, mai jai. Bie írainomo dúcidinona daa o cue fbaze íbáacadicue. ¹⁵ ¿Meita cue úcube cue dotáacana dieze dotánidicue? ¿Meita jíáímie cue dúecaillano aillo cue fécarí úradoidio?” dínori ocuídимиe úrite. ¹⁶ Afe izói fueñeidino óodaficaitiaioi, íemo jíái óodaidino úcoficaitiaioi. Mei uafue, jírigano aillo ite, mei íadi nízcáno dúemaci, —dínori Jesús daide.

Jesús nane dáanomo ie tílle llote

(Mr 10.32-34; Lc 18.31-34)

¹⁷ Jerusalén iodo Jesús jailla llezica, doce dígade ie llófuegamaci bai eneno uillano daide:

¹⁸ —Birui omoi ciona izói Jerusalemo jáidicai. Daje izói Nanoide íima Jitódicueza onódiomoi. Afénomo lletárraini illaíma, naa ocuica uai llófueraini cue titállena mámeítiaioi. ¹⁹ Mámiano onínemacimo cuena fécaítiaioi, cue íaioi jífánodoíllena. Daje izói ráziaido cuena fáítiaioi. Afe mei cuena cruzmo córaítiaioi. Mei íadi daruíamani íllemona meine abido cáadímiena jáíticue, —daide.

Santiago Juan diga íaillinoi ei Jesús diné daa rafue jícanuaíbite

(Mr 10.35-45)

²⁰ Afe mei Santiago Juan diga íaillinoi ei Jesuna daízaíbite. “Mai cuemo dúecairi,” daide. Bíaillinoi moo Zebedeo. Afengo naa afe íaillinoiri Jesús anamo dújuzaíbítiaioi. ²¹ Jira afémie aféngona jícanote:

—¿Minica óiacadio? —daide.

Jira afengo daide:

—Ílláimana o illíruimo dúciille llezica, cue jító íaillinoimona dáamie o nabézimo rainari, íemo jíáímie o jarífezimo rainari, —daide.

²² Jira Jesús íaioina daide:

—Omoi cuemo jícala raana nai figo onóñediomoi. ¿Meita duere cue zefuille izói zefuífrediomicoi? Cue duere íaioi finolle izói ¿meita ocuífrediomicoi? —daide.

Jira afe íaillinoi: —Jii, —daide.

²³ Iemona íaillinoína daide:

—Íere uáfueza. Duere cue zefuilla izói duere zéfuitiomicoi. Daje izói cue duere íaioi fínua izói afe izói duere fínólliomicoi. Mei íadi cue nabezi, cue jarífezimo ómicoi ráinaille cue daíñidicue. Dama cue Moo úcodo mamécamie ráiirena, —daide.

²⁴ Jíáie diez dígade ie llófuegamaci afe jícanuana cacáillano, afe íaillinoimo rícaidiaioi. ²⁵ Iemona Jesús dáanomo nana íaioi uáiduano daide:

—Onódiomoiza náiraíai illaini íaioi úíñoganona ocuíoífrediaioi. Iemo íaioimona íere ocuídíllaini afémacimo ite ríinodo íere jacire ocuífirediaioi. ²⁶ Mei íadi omoi cígiri daí íñeite. Mei jíáfodo ómoimona jamánomoidímiena íacadmie, omoi anamo táijidímie izói írede. ²⁷ Daje izói ómoimona úcofiacadmie omoi riire ocuícámie izói írede. ²⁸ Afe izói Nanoide íima Jitó omoi cígimo ite. Mei jii, jíáímaci cuena

canóllena biñédicue, mei jiáifodo nana comini cánuai biticue. Uafue aillo comini íaioimo ite fiénidifuiai oni dóllena tíza-ibiticue, —dñori Jesús úrite.

Jesús mena uñidimie jllotate

(Mr 10.46-52; Lc 18.35-43)

²⁹ Jesús naa ie llófuegamaciri Jericó jófue mona jino jailla llezica, diga comini afémiedo jáidiaioi. ³⁰ Jáidiaioimo afe io abimo mena uñidimie ráidiaillinoi. Ja Jesús afe íaillinoi abido jáizaillana cacáidiaillinoi; cacáillano riire daidíiaillinoi:

—Ocuíraima, jaiai illaima Davidmona comútagamie mai cócomo dúecai, —daidíiaillinoi.

³¹ Jira comini íaillinoina rairuídiaioi. Afe íaillinoina, “Uriñeno, lliicai,” daidíiaioi. Mei íadi afe íaillinoi lliicañeno jamánomo caillíoidiaillinoi:

—Ocuíraima, jaiai illaima Davidmona comútagamie, mai cócomo dúecai, —daidíiaillinoi.

³² Jira Jesús mózide. Mózillano afe íaillinoi jírillano jicánote:

—¿Nie izói jitáidiomicoi afe izói ómicoi cue finóllena? —daide.

³³ Jira afe íaillinoi uai ote:

—Ocuíraima, cióacadicoco, —daidíiaillinoi.

³⁴ Jira Jesús afe íaillinoimo dúecail-lano, íaillinoi ui jetade. Jeta llezica ñue ciódiaillinoi. Afe mei Jesúoiri jáidiaillinoi.

Jesús Jerusalemo jofo jaide

(Mr 11.1-11; Lc 19.28-40; Jn 12.12-19)

21 Ja Jerusalemo ánozidiaioimo, Betfagé duera jófue mo dúcideaioi. Afe jofue Olivo daina idu áñori ite. Afénomona Jesús ie llófuegamacimona ménamie orede. ² Oriano íaillinoina daide:

—Baie ómicoi uícomo ite duera jófue mo ómicoi jai. Afénomomo cuinaca búrrana cíoitomicoi, naa ie úrue diga. Afe

zuitada cuemo atiri. ³ Afénomomo comini jiáifodo dáiiadi, “Cai Ocuíraima jitáillano jicácaza; bie búrrana raire abido omo óreite,” daiíri, —Jesús daide.

⁴ Bífuiái íficaide jaiai Juzíñamui uai llóraini cuega uai ñue ícoimo fuitállena. Afe uai daide:

⁵ Jerusalema mameide jofue comínina daiíri:

“Ero, o illaima comécina mánaidimie izói billa.

Burra emódomo ráicabite.

Afe méere de raa abífrede burra úrue emódodo bite,” —daide.

⁶ Afe mei ie llófuega íaillinoi jail-lano Jesús íaillinoi ocuilla izói finódiaillinoi. ⁷ Afe burra naa ie úrue atídiaillinoi. Atiano íaioi incuírona afe búrrana jobé diaioi. Afe mei Jesús afe emódomo ráinazaide. ⁸ Afe llezica aillo comini Jesús jáillao incuírona jobé diaioi. Jiáimaci rafóruai jáitajano íemo jobé diaioi.

⁹ Dáarie Jesús uícodo jáidiaioi; jiáimaci óodana jáidiaioi. Nana daje izói riire úritiaioi:

—Jaiai illaima Davidmona comútagamiemo ñúefue mai cai daiíli. Juzíñamui mámecido bitímie caimare íiteza. Juzíñamuimo ebíredífue cai mamelli, —daidíiaioi.

¹⁰ Jesús Jerusalemo jofo jailla llezica afe jofue comini diga rafue júfídotiaioi. Diga comini afémie dibénedo jicánotiaioi:

—¿Bie bu? —daízitiaioi.

¹¹ Jira jiáimaci daidíiaioi:

—Bímie Galiléamo ite Nazaret jofue ímie. Afémie Jesús, Juzíñamui uai jino llóraima, —daidíiaioi.

Jesús Juzíñamuimo gairíraico ráfua izói ñue finode

(Mr 11.15-19; Lc 19.45-48; Jn 2.13-22)

¹² Afe mei Jesús Juzíñamuimo gairíra- como jofo jaillano, afeco eromo ite ráaniai fecádino naa íbároidinori jino ji-

ude. Afénomo ite úcube méidofiredino táijnabani Jesús oni cáicoide. Daje izói fñicirillai fecádino íaioi ráiracuai Jesús oni cáicoide. ¹³ Afémacina daide:

—Juzíñamui Cuegáuai daide: “Cue jofo daa cuemo úrifireracona íite.” Mei íadi bicon merírifiredino jofo izói finódiomoi, —daide.

¹⁴ Afe Juzíñamuimo gairíracomo Jesús illa llezica dáarie uñidimíai, naa í-dainidino Jesumo bitíai. Afémie afémacina jllotote. ¹⁵ Mei íadi lletáiraini illaini, naa ocuica uai llófuetinori Jesús uaido dánamona comúdena cñoillano rñicaidiaioi. Daje izói afe gairíraco eromo ite úruiai Juzíñamuimo caimá-tailla uai cacáillano bimaci iere rñicaidiaioi. Mei afe úruiai daidíai: “Jaiiai illaima Davidmona comútagamie iere ebíredeza,” daidíai. ¹⁶ Jira bimaci rñicaillano Jesuna daidíai:

—¿Baie úruiai úrillana cacáñedio? — daidíai.

Jira Jesús íaioi uai ote:

—Cacádícue. ¿Bie rafue úrilla cúeina uaina facádoñediomoi? Afe jaiiai David daina uai Juzíñamuina bie izói daide: Uruiai ebire nñuefueña óiena jae rotátatio, —afe daíí Jesús íaioimo llote.

¹⁷ Afe mei ie jicánotinona fáicanocail-lano Jesús oni Jerusalémona Betania jó-fuemo íniaide.

Jesús llizíñede higuera daina amena faidode

(Mr 11.12-14, 20-26)

¹⁸ Afe jítiramo Jesús meine Jerusalemo bítemo iere jufñaite. ¹⁹ Afe io abiri higuera daina aménana ciode. Jesús afénomo ánozide, afena llizilla riéllena. Mei íadi llizíllajaiina íñédeza, daa ie íbiaina ciode. Mei jira Jesús afe higuérana daide:

—Jaca benómona llíziñeítio, —daide.

Daíí daina llezica afe higuera dúide. ²⁰ Ie llófuegamaci áfena cñoillano fáigacaidiaioi. Iemo Jesumo jicánotiaioi:

—¿Nie izói ite bie higuera amena raire dúilla? —daidíai.

²¹ Jesús íaioi uai ote:

—Uáfueña ómoína daidícue, ua o ínoiadi daa bie aménamo cue fñua izói finórediomoi, íemo jíai afe baimo aillo finórediomoi. Bie caifóneduna “Caifo á-jicaillano oni monáillaimo báizai” o dáiiadi, afe bie caifónedu o uai jeire uano, oni dínomo baízaite. ²² Juzíñamuimo omoi úrilla llezica, ua o ínoia nana omoi jicácana ñue llínoitiomoi, —daide.

Illáicomini Jesús ocuífírena rñino jicánotiaioi

(Mr 11.27-33; Lc 20.1-8)

²³ Afe mei Jesús Juzíñamuimo gairíracomo jofo jaide. Jaillano afénomo llófueमारite. Afe llezica lletáiraini illaini naa judíuai eicomíniri Jesumo jicánuaidiaioi:

—¿Níe rñinodo o raana finófiredio? ¿Afe rñino bu mei omo fecaca? — daidíai.

²⁴ Jira Jesús íaioi uai ote:

—Cuemo omoi jicánua izói, ómoimo daafue jicánoitícue. Cue jicánolle uai ñue omoi óiadi, bie raa cue fñua rñino ómoimo llóitícue. ²⁵ Mei Juan ¿bu comini báutizallena ocuica? ¿Meita Juzíñamui ocuica? ¿Mei nibai comini ocuica? —daide.

Mei íadi uai oñeno, áfena dani conímamo júfídotiaioi; daidíai:

—Juzíñamui ocuica cai daííadi, Jesús caina dáite: “¿Níbái mei afémiena íñoñediomoi?” ²⁶ Mei jíáfodo, comini ocuica, cai daííadi, comínina jacíruiticai; mei nana comini “Juan Juzíñamui díbenedo úrifírede” daidíai.

²⁷ Iemona bie izói Jesuna daidíai:

—O jicánoga jaca onóñedicai, —
daidíaiói.

Jira Jesús íaióiña daide:

—Daje izói bie raa cue fñua rño
ómoimo llóñeiticue, —daide.

Mena jitó íaillinoi illa izoide rafue

²⁸ Dái daina mei, Jesús íaióiña daide:

—Bena ¿nie izói daidífoimoi? Daa iima
mena jitórede. Iaillinoi moo dámienna
daide: “Cue jitó, mai cue jricore il-
lánomo táijizairi,” daide. ²⁹ Afe jitó
uai ote: “Jáiacañedicue.” Mei íadi afe
mei ie comeci jíáifodo fácano, afénomo
táijizaide. ³⁰ Afe mei afe moo jíáie jitomo
úrizaide. Daje izói éna daide. Iemo bie
jíáito éna daide: “Jíi, táijizaiticue.” Mei
íadi afémie táijizaiñede. ³¹ Meita bie mé-
naillinoimona ¿nie jitó ie moo jitáinana
fñua? —daide.

Jira éna daidíaiói:

—Nanóidimie, —daidíaiói.

Jira Jesús íaióiña daide:

—Uáfueña dáititue, gobierno
jicátáfirega úcube llínotino, naa
ímamo jiruífiredede ringóniari naa
jíáie afe izoide fiénidino Juzíñamui
illáimana illánomo raire omoi úcodo
jáitíaiói. ³² Mei nauí Juan Bautista
ñue omoi llenna llófuiaibite, mei íadi
áfena fñoñediomoi. Mei jíáifodo afe
úcube llínoraini naa jirufredingotíari
ie dánana finotíaiói. Mei íadi omoi
baimaci comeci ifue méiduana
ciódiomoi íadi, afémiemo finollena
omoi comeci itífuiaina méidoñediomoi,
—daide.

Fiénide táijinamaci izoide rafue

(Mr 12.1-12; Lc 20.9-19)

³³ Mai bie jíáie ráfueimo omoi cácarei.
Jacafai naama jricojíai éroide úvaiai
rillino finode. Fñuano afeno nágafene
cirínote. Cirínuano afe úvaiai zaizillico
finode. Afe llezica caifo jica tígicaco nite
nana afe rigániaimo ñue rairuillena.

Afe mei afémie afécaie ie úiñoti-
macimo fecade, ie biñena dino. Afe
dígamona íemo ibádiaíoi. Dái fécano
afémie jíáie éniemo jaide. ³⁴ Afe mei
úvaiai llizille llezica, ie ocufíregano
orede, náamamo dúide dibene jicál-
lena. ³⁵ Mei íadi afe táijidino jacafai
naama órécano llaitádiaíoi. Lláitano
dáamienna rázido fatíaiói. Jáámienna titá-
diaíoi, íemo jíámienna nófienna níjidi-
aiói. ³⁶ Ie mei jacafai naama nane jíáie
ocufíregano orede. Nano fueñe ória
baimo orede. Mei íadi afénomo táijidino
daje izói nane nana afémacina fieni
finódiaíoi.

³⁷ Iirainomo afe jacafai naama ie jitó
orede. “Afémienna nibai caimare ná-
fueítiaíoi,” daide. ³⁸ Mei íadi naama
jitó bíllana cíoillano afe táijidino coní-
mana daidíaiói: “Bímie bie énie uire
máiñoitimie. Mai cai falli. Afe mei bie
énie dani cáieiteza,” daidíaiói. ³⁹ Afe
mei afe jitó llaitádiaíoi. Lláitano jacafai
baimo uillano éna titádiaíoi.

⁴⁰ Mei jira Jesús jicánote:

—Afe jacafai naama billa llezica,
afénomo táijidinona ¿nie izói níbaite?
—daide.

⁴¹ Jira éna daidíaiói:

—Afémie afe táijitatinomo
dúecaiñeno íaióiña títaite. Afe
mei jíáie ñue táijidinomo ie énie
nano íanori fécaite, mei náamamo
dúina dieze llizíllaji raire afémiemo
izájífireítiaíoi, —daidíaiói.

⁴² Jira Jesús daide:

—¿Cue dibénedo Juzíñamui
Cuegáuaina jaca facádoñediomoi?
Aféuai bie izói daide:

Jofo níraini jámairuillano oni fádoica
jáíillirai ja ñuera jáíillirai izóidena
jaide.

(Bie daífacade comini jámairuillano
ruífiruigamie ja ñuera jica jalleide
illáimana jaide.)

Bie cai Moo Juzíñamui finoca.

Afēfue iere caimo ebire cacaide.

⁴³ Mei íadi ómoína dáititue, Juzíñamui illáimana ómoimona oni bairolle. Afe mei Juzíñamuimo duide díbene ízaifiredinomo ie illáimana fécaite. ⁴⁴ Lemo afe nofici dainámiemo éicitaitimie niné tibérotaitē. Lemo afe nofici jíámiemo baiíadi jízefo izói afémiena fñoite, — daide.

⁴⁵ Lletáriraini illaini naa fariséuairi Jesús afe izoide ráfuiai llúana cacáillano daidíai, “Afémie ico caido úrite,” daidíai. ⁴⁶ Iemona afe Jesuna llaitáacadiai, mei íadi comínina jacíruillano llaitáñediai. Mei nana comini, “Jesús Juzíñamui díbénedo úrite,” daidíai.

Airena llezica finoca ráfue mo mameca uai

22 Jesús nane dáanomo úrizaide. Afémie jíáífue mo mameca uaido úrizaide. Iaioina daide:

²—Monamo ite Juzíñamui illáimana illírui bie izoide. Illaíma ie jító áirena llezica rafue fñua izoide. ³ Ie ocuífregano orede, nauí uícodo llogano jírillena. Mei íadi afe uáidogano bícañediai. ⁴ Ie jira afémie jíáie ocuífregano dáanomo orede. Uáidoganona bie izói daíri daide: “Íráiziñi güille ja nana ñue uédeza. Farede juráreto fatfueza. Ja nana ñue finócaza. Airena ráfue mo mai nana omói biri.” ⁵ Mei íadi afemo íráizillena llogano náfueñediai. Afémacimona dáamie ie jacáfaimo jáizaide. Jíámie ie ráaie oni fécajide. ⁶ Jíáimaci illaíma oreca jírízaidino llaitádiai. Lláitano íaioina duere finoda titádiai. ⁷ Jira afe illaíma iere rícaide. Rícaillano ie úiñote fuíríraini orede, ie orécano fatino titállena; afe llezica afémaci jofue jobállena. ⁸ Afe mei nane jíáie ie ocuífreganona daide: “Airenafue nana ñue finoca. Mei íadi fueñe uáidogano fieni itíai.

bínidiai. ⁹ Iemona jofue cígido macáraomo omói jai. Afénomo nana o cóillimacina íráizizaíbiri o daíri,” daide. ¹⁰ Iemona afe ocuífregano jino macáraomo jáidiai. Jaillano nana íaiói ciónamacina: “Íráizizaíbiri,” daidiai. Fíénidino naa ñuemaciri nana dáanomo íaioina gairítate. Afemona íráizillico ja comínina oruide.

¹¹ Afe mei afe illaíma ie jíriganona onóillena jofu daide. Iaióimo eroilla llezica daa áirena ráfue mo jítáfregarói jítáoiñedimiena ciode. ¹² Jira fena daide: “O áirena ráfue mo jítáfregaroina jítáñeno ¿o nie izói jofu bitio?” daide. Mei íadi afémie uai ollúai íñede. ¹³ Ie jira illaíma güírabanimo táijidínona daide: “Bímie riire omói maíri; maíano afémie jino jítifomo dotari. Afénomo afémie duere éheiteza, daje izói izírenari murímuriteza,” daí afe illaíma ocuide. ¹⁴ Iemo Jesús nai úrillano daide: Uáidogamaci iere aillo ite, mei íadi eneno nízcáno dúemaci, —daide.

Gobierno íbátaga úcube rafue

(Mr 12.13-17; Lc 20.20-26)

¹⁵ Iemona fariséuai Jesús úrilla uai féitaiacadiai. Féitajano fíénidífue afémiemo jóoneacadiai. Afe izói finóllena dáanomo maméritiaí. ¹⁶ Iemona afémacimo jaináidino, daje izói naa Heródesmo jaináidinori Jesuna daíllena orédiai:

—Llófueraima, onódicaiza ua rafue daífredio. Daje izói Juzíñamui díne cai jáillio uáfue na llófuefredio. Afe llezica comini daináuaimo náfuefinidio. Iemo jino cóidífuiaina comínimo riire jicánoñedio. ¹⁷ Ie jira o comeci dainafue jino caimo lloiri: ¿Romano jamánomoidillaíma íbátaga úcube íbádicainia ñuera? ¿Níbai fíénide? —daidiai.

¹⁸ Mei íadi Jesús afémaci facátamarillana onode. Jira íaioina daide:

—Comeci íairena mei abina ñue cíoidinodiomoi. ¿Ñibái mei cuena jíitaiacadiomoi? ¹⁹Afe íbátáfírega úcubetuni cuemo ácata, —daide.

Iemona daa denario daina úcubetuni atídíai. ²⁰Afena cíoilano Jesús íaioimo jicánote:

—Afétunimo ¿bu uíeco jana illa? Iemo afétunimo ¿nie come mámecei cúeina? —daide.

²¹Te uai otíai:

—Romano jamánomoidillaima mámecei illa, —daidíai.

Jira Jesús íaioina daide:

—Jamánomoidillaimamo dúide diga mai íemo fecari. Daje izói Juzíñamuimo dúide diga Juzíñamuimo fecari, —daide.

²²Afena afémacei cacáillano iere fáigacaidíai. Iena zóofiano oni jáidíai.

Tiide comini meine abido cáaillena jicánotíai

(Mr 12.18-27; Lc 20.27-40)

²³Aféruído saducéuaimona dáarie Jeshumo úrizaidíai. Saducéuai: “Tíidino meine abido cáaiñeite,” daífíredíai. Afe daí Jeshumo jicánuaíbitíai:

²⁴—Llófueraíma, Moisés caimo cuetá fíecabemo daide: “Daa come tía, afémie ama ie fecíngona órede, afémie úruíai ie tíide ama méifomo comuíllena.” ²⁵Mei nauí caí cígimo siete diga ámaredímíina ite. Nanóidímie áreíllano nai úruenidemo tíide. Tíillano ie méifoide ama afe fecíngo ote. ²⁶Iemo daje izói afémieri ífícaide. Afe mei nane jíáimie daango ote. Afémiemo daje izói ífícaide. Daí fíebiñeno nana fuitíai. ²⁷Afémacei nana tíilla méifomo afengo nane tíide. ²⁸Iemona tíidino meine abido cáailíruimo, mei siete dígamie daango óteza, ¿afengo nie íima aina mámeite? —daidíai.

²⁹Jira Jesús íaioi uai ote:

—Juzíñamui Cuegáuai naa afémiemo ite ríinori omoi onóñenamona fieni

úritíomoi. ³⁰Tíidino meine abido cáailano áinítíai. Daje izói jíáinomo íaioi jízaníai ínreitañeítíai. Mei jíáfíodo monamo ite Juzíñamui abí imaci ízoítíai. ³¹Mei íadi tíidino meine abido caana díbenedo ¿afe Juzíñamui ómoímo Cuegáuaina facadóñeíomoi? Afémie bie izói daide: ³²“Dáaruído Abraham Juzíñamuidíce, naa Isaac, Jacob díga,” mei afémacei Juzíñamui illánomo cáadiáioiza. Mei uáfueza, Juzíñamui tíidino íeñede mei jíáfíodo cáadino ie, —daide.

³³Daí Jesús daínana cacáillano comini ie llófuemaríllari fáigacaidíai.

Iere jamánomo íinorega caimo ocuina uai

(Mr 12.28-34)

³⁴Fariséuai Jesús saducéuai llífcáitajana cacáillano, daánomo gairídíai.

³⁵Afémacimona daa ocuica uai llófueraíma Jesús facátaiacade. Jira íemo jicánote:

³⁶—Llófueraíma, nana ocuica uáillaimona ¿núuaina jamánomoina? —daide.

³⁷Jira Jesús daide:

—“O Juzíñamui nana o comécido ízírúri, naa o joréñori, íemo o ífoci úríllado.” ³⁸Aquíe uai nana ocuica uáillaimona jamánomoina. Afe uai raíre uícode íinorede. ³⁹Afe méifoide uai daje izoide. Aféuai daide: “Dama o abina o ízírúilla izói, afe izói o jíáie cómena ízírúri.”

⁴⁰Bie ménade ocuilla uai nana Moisés ocuilla uáillai jillaci. Daje izói Juzíñamui uai jino llóraini llócaiga uai bíemona comuíde, —daide.

¿Mei bu jíto Cristo?

(Mr 12.35-37; Lc 20.41-44)

⁴¹Afe fariséuai nai daánomo itíaiomoi, ⁴²Jesús íaioimo jicánote:

—¿Cristomo nie izói comécido daidíomoi? Afémie nano ie comútatímie ¿mei bu? —daide.

Jira íena daidíai:

—Afémie Davidmona comuítagamie,
—daidíaiói.

⁴³ Iemona Jesús íaioina daide:

—Mei ¿nie izói David, Juzíñamui
Ñuera Joreño llúado afémie jitona “Cue
Ocuíraima” daiírede? David daií daina
uai cúeina:

⁴⁴ Monamo ite cai Moo Juzíñamui cue
Ocuíraimana daide:

“Bené cue nabézimo o ráiiri, o éoigamací
cue anáfenolle dino.”

⁴⁵ Mei David afémiena “Cue Ocuíraima”
dáiiadi, ¿nie izói Cristo Davidmona co-
muídimiena maméirede? —daide.

⁴⁶ Daií daina uai buna ónide. Iemo
aféruimona jíáie facátalle jicánua uai
maméñediaioi.

Jesús fariséuaimo naa ocuica uai llófuetinori íaioi fiénidifue llote

(Mr 12.38-40; Lc 11.37-54; 20.45-47)

23 Afe jira Jesús nana comínina naa
ie llófuegamaciri daide:

²—Ocuica uai llófuefiredino naa
fariséuairi Moisés ocuica uai jino
llóllena mamécaiaioi. ³ Afemona
afémaci llógana jeire omoi oíri. Daje
izói nana afémaci ómoína dáinana
náfuerei. Mei íadi afémaci illa izói
iñeno iri. Mei comínimo íaioi úrilla
izói inédiaioiza. ⁴ Afémaci comínina
iere riire ocuide. Afe íaioi ocuica
uaina comini finónide. Mei íadi dani
afémaci afe ocuica uaina due jiza
jetáacañediaioi. ⁵ Ñúemaci daiíllena
nana íaioi finócafuiai comini eróicana
taino finófirediaioi. Daje izói ñúemaci
daiíllena Juzíñamui uai cúeina ozócimo
jítajana gáidiaioi. Afe izói afe uai
jíáimaci ie ónoimo maitá úicaillena
gáidiaioi. Iemo jíái íaioi jítáfirega árreroi
fuego ite ebire cóillena jíáimaci baimo
finórfirediaioi. ⁶ Iemo ráfuego íaioi
güüzájadi afémaci ñuera ráiillinuai
jenófirediaioi. Daje izói Juzíñamui uai
llorácomo íaioi jáiadi illaini ráiiranuai

jenódiaioi. ⁷ Afe izói jino jofue cígimo
ite macáraodo íaioi jáiadi, comini
caimare íaioi uáiduana gáidiaioi. Daje
izói “Cai Llófueraimadio” dáinana
gáidiaioi.

⁸ Mei íadi “Cai Llófueraimadio”
daií daiítañeno iri. Mei nana omoi
ámatiai; íemo jíái omoi Llófueraima
jaca daade; afémie Cristo. ⁹ Afe izói
bie éniemo buna cue Móodio daiíñeno
iri. Mei omoi Moo dáadeza. Afémie
monamo ite. ¹⁰ Daje izói jíáimacina
“O cai Illáimadio” daiítañeno iri. Mei
o Ocuídimie dáadeza. Afémie Cristo.
¹¹ Omoimona jamánomoidimiena
jíáimana canófiredimie. ¹² Mei uáfueza,
jamánomo abí jacire mamédimie
jamáimiena jáite. Mei jíáifodo abí
íinoñeno jiba cómedicue daidímie
jamánomoidimiena jáite.

¹³ Ocuica uai llófuetino naa
fariséuairi, comécina íairena mei abina
ñue cóidiomoiza, ¿nií omoi dúerena!
Mei comini jofó jáiñeillena, monamo
ite Juzíñamui illáimana illano nazena
ibáifirediomoí. Mei díga Juzíñamui
ñue ocuífauiai llvano, aféfuaiaina
abido náfueñediomoiza, dani o illafue
ñue jaícina jóiñena jira. O lloga iodo
uáfueña jáiñedioza. Afe llezica afénomo
jofó omoi jáiacañediomoí. Daje izói
afénomo jofó jáiacadino rairuídimoí.

¹⁴ Ocuica uai llófuetino naa
fariséuairi, comécina íairena mei abina
ñue cóidiomoiza, ¿nií omoi dúerena!
Fecíngotiai jofóniai bairófirediomoí.
Afe llezica ñúemaci daiíllena
comini eróicana Juzíñamuimo are
úrifirediomoí. Ie jira omoi jíáimaci
duere zefuille baimo duere finólliomoí.

¹⁵ Ocuica uai llófuetino naa
fariséuairi, comécina íairena mei abina
ñue cóidiomoiza, ¿nií omoi dúerena!
Nágagobiaido jáidiomoí daa come omoi
íinoga uai dibénemo omoi itátallena.
Itata mei, afe come omoi baimo

fiénidimiena orédiomoi. Iemona omoi afémieoiri, comini duere finolle iraimo ziiñona duere zefuillena mamécaomoi.

¹⁶Uina cíoiñede io ifódino izóidiomoiza, jñii omoi dúerena! Comínina bie izói daiífirediomoi: “Daa come iere uafue daiillena, Juzíñamui ico mámece llínoiadi afefue ráañede. Mei íadi afémie afécomo nitaca oro mámece llínoiadi ie daina uai jeire órede,” daidíomoi. ¹⁷Abina onóñede uínidino izóidiomoi! ¿Nñie mei jamánomoina? ¿Meita afe jamai oro? Ieñedeza. Mei afe oro Juzíñamui ico jóniamona ñuera raana jáideza.

¹⁸Nane jiáífue daiífirediomoi: “Daa come iere uafue daiillena, altar daina Juzíñamui íena rille fecárabani mámece llínoiadi afefue ráañede. Mei íadi afémie afénomo fecaca raa mámece llínoiadi ie daina uai jeire órede,” daidíomoi. ¹⁹Abina onóñede uínidino izóidiomoi! ¿Nñie mei jamánomoina? ¿Meita afe fecaca rille? Ieñede. Afe Juzíñamuimo fecárabani afénomo fecaca raana ñue finode. ²⁰Mei jii, Juzíñamui íena rille fecárabani mámece llínotimie daa afe ibani llínoñede, mei jiáífodo nana afébanimo fecaca raana llínote. ²¹Daje izói Juzíñamuimo gairíraco mámece llínotimie daa afe gairíraco llínoñede, mei jiáífodo afeco ite Juzíñamui mámece llínote. ²²Nane daje izói iere uafue daiillena mona mámece llínotimie, Juzíñamui illáimana ráiirano mámece llínote. Daií llínuva llezica Juzíñamui mámece llínote, mei afe Juzíñamui afénomo ráiideza.

²³Ocuica uai llófuetino naa fariséuairi, comécina nai íairena mei abina ñue cíoidiomoi, jñii omoi dúerena! Nana omoi rígniaimona jamánomo jéenide rábiaina Juzíñamui íena oni jónefirediomoi. Menta daina jéenide rábiai, naa anis daina

dúebiai diga, íemo jiái comino daina rábiai facádota oni eneno jónetiomoi. Mei íadi ocuica uáimona jamánomo jitáiredifuiaina náfueñediomoi. Afe jitáirediui ai be ñie: come comeci jaícina jóoinana, íemo jiáimaci dúecaifirena, íemo Juzíñamuimo ínofirena. Nai afe jiáífui ai omoi zóofeña llezica, afe bifui ai raire fueñe jeire órediomoi. ²⁴Táino omoi llúamona uina cíoiñedino io ifódino izóidiomoi. Ráañede uáillaimo iere izire nícidofirediomoi, mei íadi jamánomoi ñuera uaimo náfueñediomoi.

²⁵Ocuica uai llófuetino naa fariséuairi comécina nai íairena mei abina ñue cíoidiomoi, jñii omoi dúerena! Mei jiróraco naa plato diga jinófene ñue jocódiomoi, mei íadi afe ero dinena íairede. Daje izói comini cíoicana abi ñue finódiomoi, mei íadi omoi comeci dine merírilla, naa jiáie comini raa báiruamona ógana oruide. ²⁶Uina cíoiñede fariseo ímie: Mai jiróraco naa plato diga ero jócuva izói omoi illafue ñue méidori. Iemona omoi comeci ñúefuiaina oruíbicaite. Afemona afe jiróraco jinófene íainina izói, afe izói omoi jinófene íainiteza.

²⁷Ocuica uai llófuetino naa fariséuairi, comécina nai íairena mei abina ñue cíoidiomoi, jñii omoi dúerena! Uzeredena biga ñue cíoide tíidino ráillena nigaco izóidiomoi. Jinófene ebire cíoide mei íadi ero dine tíidino ícuruaina oruide, nana jiáifoide íáiredinui ai diga. ²⁸Omoi comeci dine afe izóidiomoi. Comini eróicana jinófenena ñue cíoidinodiomoi. Mei íadi comeci dine jiáimacina fieni jífuefirenana oruide, íemo jiáie fiénide uáillaina oruide.

²⁹Ocuica uai llófuetino naa fariséuairi, comécina nai íairena mei abina ñue cíoidiomoi, jñii omoi dúerena! Mei jai ai Juzíñamui uai jino

llóraini raiáfo ebire finófirediomoi. Daje izói jaiái ñue itino emódomo jónega noñbícina ebire finódiomoi. ³⁰ Daií fñuano daiífirediomoi: “Cai jáiaigima illáruillaído itícaína, afe Juzíñamui uai jino llórainina fatátañedícaí,” daiífirediomoi. ³¹ Daií dáinado afe Juzíñamui uai jino llóraini fatino erófene igímadícaí daidíomoi, —daide. Jira Jesús afémaci díga icírrillano bie izói daina:

³² —¡Omoi jáiaigima taineca fiénidífue ñue ícoimo omoi fuitari! —daide.

³³ Jesús nai afémacimo úrite:

—¡Jaióniaí izóidiomoi! ¡Omoi nairai titade jaizai izoide! ¿Mei ñie izói duere finóbille iráimona jíllóitiomoi? ³⁴ Afe jira Juzíñamui uai llóraini, íemo iere baitáđino naa llófuefiredinori ómoimo óreitícue. Mei íadi afémacimona dámierie títaítomoi. Daje izói jíáimacina córaitíomoi. Iemo jíáimacina Juzíñamui uai lloraco eromo rázido fáítomoi. Iemo jíáimacina naga jófúiaído rácaítomoi. ³⁵ Daií omoi illamona nana jaiái ñúemaci títaífírena ícoiniadi ómoimo daií íficaite. Uáfueza, jaiái Abel fáinamona benomo Berequías jíto Zacarías omoi faja llezica, nana afémaci ícoína duere zéfúitíomoi. Juzíñamuimo gairíraco íemo Juzíñamuimo rille fecárabani dáafenedo afe Zacaríana fatíomoi. ³⁶ Uáfueña ómoína dáitícue, nana bie fagano ícoína birui itino duere zéfúitíai.

Jerusalén jófuerei Jesús eede

(Lc 13.34-35)

³⁷ Jerusalén comínimo dúecaidícue. Juzíñamui uai llórainina fáfirediaíoi. Daje izói Juzíñamui orécánona nófiéna nñjidiaíoi. Díga icaíño átava ie úruiaí íaícona bícuá izói íaíoína ríđoiacadicue. Mei íadi íaíoi cue ríđuana gáñediaíoi. ³⁸ Cacaí,

Juzíñamui ómoína zóofeíteza. ³⁹ Mei ómoína daidícue, meine abido cuena cíoñeítomoi. “Juzíñamui mámedido bitímie ñue finóbilleza,” omoi daílle díno cuena cíoñeítomoi, —díno Jesús úrite.

Juzíñamuimo gairíraco júdaizille Jesús llote

(Mr 13.1-2; Lc 21.5-6)

24 Daií daina mei Jesús Juzíñamuimo gairíracomona jino jaide. Jino jailla llezica ie llófuegamaci: “Bie ebire finoca gairíracomo éroi,” Jesuna daidíaíoi. ² Mei íadi Jesús íaíoi uai ote: —¿Bie nana cíodiomoi? Uáfueña ómoimo llóitícue. Bie niroca nófie daa fiébiñeno nana niné jújicaite. Afeno jofue nana niné táinocaite, —daide.

Enie fúiacana cai onóille rafue

(Mr 13.3-23; Lc 21.7-24; 17.22-24)

³ Iemona Olivo daina ídumo jáidiaíoi. Afénomo Jesús ráinana mei ie llófuegamaci báinino íemo jícanotíai:

—O daina jofue niné táinocaillífue, ¿ñiíruído daií zúite? Afena cai llone. O meine bíllena cai onótaite raa, ¿nie izói eroide? Daje izói énie fúíllena ¿nie izói onóitícaí? —daidíaíoi.

⁴ Jira Jesús íaíoína daide:

—Comini omoi jífueiza abí rairuiri. ⁵ Mei díga comini cue mámedido bíllano “Cristodícue” dáitíai. Afémaci aillo comínina jífueítíai. ⁶ Aillo jobáirillana fídítíomoi. Dáarie áinori cácaítíomoi, íemo jíáiena jíca cácaítíomoi. Mei íadi áferi jacínaiñeno omoi iri, mei daií íficairedeza. Mei íadi énie fuillíruíñede. ⁷ Mei jíi daa nairai jíáie nairai díga fúirite. Iemo daa énie jíáie énie comini díga jobáiritíai. Afe llezica aillo náiraíai júbietítíai, íemo aillo dúicuái íite, íemo ñuizaingo díga ígobíaina ñúite. ⁸ Comini duere zefuíllemona nana bífúiaí como táinéinafue.

⁹Afe llezica ómoina duere finóllena fécaitiaioi. Duere finoda ómoina títaitiaioi. Cue ícoina nana comini ómoina éoitiaioi. ¹⁰Aféruillaido aillo comini Juzíñamuimo finuana féitaitiaioi. Dani conímana éoitiaioi. Daje izói conímana fállena fécaitiaioi. ¹¹Afe llezica taino llotino iere íte. Afémaci: “Cai bie Juzíñamui dibénedo úriticai,” dáitaitiaioi. Afémaci aillo comímana jífuecana uite. ¹²Aféruimo diga fiénidifuiái comuállamona, aillo comini conímana izíruillana féitaitiaioi. ¹³Mei íadi fuitállinomo ñue nífuenino íitimie jílloite. ¹⁴Iemo afe bie Juzíñamui illáimana illano ñuera rafue nágagobiaido llóitaitiaioi, nana náiraiaí áfena onóillena. Afe mei énie fuillíruimo dúciite.

¹⁵Jaiaí Juzíñamui uai jino llóraima Daniel, írairuimo biite íaire fínuai bitimiedo úrite. Afe bíitimie diga ráaniaina táinocaitaite. Afe fienui fínuai bitimie Juzíñamui gairíracero mo ite rairuírede ñúenomo jáillana o cíoadi, jica botárediomo. Bíuai facádotimie afe uaina ñue onoiri. Onóillano abi rairuiri. ¹⁶Afemona Judea éniemo itino oni caifóneduaímo botárede. ¹⁷Daje izói daa come ie jofo caifófebanimo íadi, ie jofo eromo ite raana jofo jaillano bairóñeno afénomona bótaiteza. ¹⁸Daje izói jacáfaimo ítimie abido ie jofomo ite ínícuiruaina uáibiñeite. ¹⁹Aféruillaido namócingotaiina, jñi dúerena! Daje izói monoi jirode úrue lláidingotaiina, jñi dúerena! ²⁰Nocíruillaido jino o bótañeillena, Juzíñamuimo jicari. Daje izói ocózinaiillaruimo o bótañeillena o jicari. ²¹Mei aféruimo iere aillo duere zefuillífuiaí íiteza. Enie comuállanomona bené afe izóidena íñede. Iemo jáí afe méifomo afe izói íñeite. ²²Mei jii, aféruillai Juzíñamui due mozíñoñedenia buna jílloñena. Mei íadi ie nizécanona izíruillano,

aféruillaina afémie nano íanori mozíñoite.

²³Iemona dáamie ómoina: “Be Cristo,” daííadi, daje izói: “Cristo batí ite,” daííadi afémiemo fínoñeno omoi iri. ²⁴Mei Crístona abi mamede jífueridino bíiteza. Daje izói afémaci: “Cai bie Juzíñamui dibénedo úriticai,” dáitaitiaioi. Afémaci uaido dáinamona áillue comuídena fínoitaitiaioi, naa fáigacaitade ráaniairi. Afedo comímana jífueiacadiaioi. Dama Juzíñamui nizécanona jífuefillena facátaitaitiaioi, mei íadi jífueñañeítiaioi. ²⁵Ja nana bífuiaí uícodo ómoimo llotícueza. ²⁶Ie jira: “Ero bai batí táizicimo Cristo ite,” afémaci daííadi afénomomo jáiñeno omoi iri. Daje izói: “Ero, bico eromo Cristo ite,” daííadi afémiemo fínoñeno omoi iri. ²⁷Mei ameo fuiri llairilla llezica jica afáifene ícoímo cíocailla izói, afe izói cue billíruí jica cíocaizaíbite; Nanoide íima Jitódicueza. ²⁸Iemo inóniaí gairízaifírenamona rille rifáillanona ñue omoi onona izói, afe izói abido cue cíocaillemona raire ómoina duere finóllena uáfueña ónoitíomoi.

Nanoide íima Jitó Cristo billíruí nie izoite

(*Mr 13.24-37; Lc 21.25-33;
17.26-30, 34-36*)

²⁹Afe duere zefuillíruí záailla méifomo, jítoma dúite. Daje izói fiui égaíñoñeite, íemo jíái ucúduai monámona ana cóciitaitiaioi. Afe llezica nana monamo ítnuiaí riire mozíoide ráaniaí niráiricaite. ³⁰Afe mei Nanoide íima Jitó Cristo bille jana monamo cíocaite. Afena cíóillano nana énie nairai éenaitaitiaioi. Nanoide íima Jitó Cristo ana bíllana cíoitaitiaioi. Afémie mona ero uílliedo bite, naa íemo ite ríino naa ebíredino diga. ³¹Afe mei ie abi imaci óreite, afémaci riire bainada fúullemona nana Juzíñamui

eneno nizécano nágafeniamona dáanomo jírillena. Iemona jica énie fuédaiaimona, íemo énie enéfeniamona bíitiaioi.

³²Higuera daina aménamo mamécafuena omoi onoiri. Ie onócairo como fueñe zícua llezica, ja fimona áinozide, daidíomoi. Daje izói afe amena rábiai jino firuilla llezica, ja fimona áinozide daiífirediomoi. ³³Afe izói jitoma dúilla, íemo afémonado nana jiáie zuide raa omoi cíoiadi, fírairui áinozillana ónoitiomoi. “Ja dúciacade,” daiífirediomoi. ³⁴Uáfuenta ómoimo lloticue, bigima nai tíñeille llezica nana bie raa jino zúite. ³⁵Mona énie diga fuite, mei íadi cue uaillai jaca fúíñeite. Cue lloga raa nana zúite.

³⁶Mei íadi cue billirui ónoñega. Daje izói cue bille hora buna onóñena. Juzíñamui abí imaci onóñediaioi. Daje izói Juzíñamui Jitó áfena onóñede. Dama Moo Juzíñamui ónoiga.

³⁷Noé illágimamo comini fieni illa izói, afe izói Nanoide Hima Jitó billíruimo comini daif íitiaioi. ³⁸Aféruil-laido aillo noci nai bíñena úcodo, comini Noé llogáuaimo náfueñeno daa güilla llotíaioi. Güillano jirófirediaioi. Afe llezica íaioi fieni illafue meídoñeno, áireoidiaioi, íemo íaioi jízaniai iníre-itaoidiaioi. Jaca daif ítaioi abina Noé áillue nocáe eromo jaide. ³⁹Iaioi duere zefuñllemo due jiza comécíñediaioimo áillue noci íaioimo bíide; áferi coróbaizidiaioi. Nanoide Hima Jitó billirui afe izói íite. ⁴⁰Aféruimo mena iima jacáfaimo illa llezica, afe íaillinoimona dáamie Juzíñamuimo ínotimie caifo monamo uille, ie mei jiáimie fiébicaite. ⁴¹Daje izói mena ringo trigo lláia llezica, daango caifo uiga, jiáingo fiébicaite.

⁴²Caade izói abí omoi onoiri, mei cai Ocuíraima billirui ónoñegaza. ⁴³Mei íadi bífuena onódiomoiza; jofa naama merírizaibitimie bíllana onóadi, afémie

ie jofa rairuillano iníñeno cáaite. Daif afémie merírizaibitimie ie jofona tuíño-tañeite ie raa meríllena. ⁴⁴Ie jira jica ia abí ñue omoi finori. Mei due jiza comeci fácañeitiomoimo, Nanoide Hima Jitó bíiteza.

Ínofirede ocuíferegámie naa ínofinidimie diga

(Lc 12.41-48)

⁴⁵Ínofirede ocuíferegamiemo omoi comécíiri. Afémie ñuefue baitádimie. Ie ocuídimie nana jofa ero comínina uíñotaite. Güille hóramo dúcia llezica afémie afémacina écaite. ⁴⁶Naga ie naama ocuícana ñue finófiredimie afémie billíruimo caimare ite, mei ie ocuica ñue fínuana cíozaibiteza. ⁴⁷Uáfuenta ómoimo dáiiiticue. Afemona jofa naama nana ie jofa eromo ite ráaniaina afémiena uíñotaite. ⁴⁸Mei íadi ocuíferegámie fiénidimiena jáiadi, íemo afe llezica: “Cue ocuídimie are bíñeite,” comécido dáiiadi, afe ocuíferegámie jaca ínofinide. ⁴⁹Daif daina mei afémie jiáie ocuíferegano duere fñoite. Afe llezica afémie jifáidino diga güüzájite. ⁵⁰Iemo ie ocuídimie billíruimo afémie comécíñeitemo, ie naama dúciite. Daje izói ocuíferegámie ónoñega hóramo dúciite. ⁵¹Dúciillano afémiena jamánomo duere fñoite. Afe mei comeci diné nai íáirena mei abina ñue cíoidino iere duere zefuilla izói, afe izói afémiena duere zefuítaitaite. Afemona afémie iere éite. Eiano izírenari murímurite, —dinori Jesús úrite.

Diez dígade jitaíngomo mamécafue

25 Jesús nane jiáifue llote: —Monamo ite Juzíñamui illáimana illirui diez dígade jitaíngo izoide. Aféngotiai iníreille ráfueimo jáidiaioi. Jailla llezica íaioi mechéraiai uitíaioi. Ringo otímie íaioi uáidollena afénomo jáidiaioi. ²Afénguaimona

cinco díngango finóbiñeno ebena jaide. Iemo jiáie cinco díngango ñue finóbillano jáidiaioi. ³Afe finóbiñeno ebena jáidingotiai íaioi mechéraiai fuilla mei méidolle íjina uinédiaioi. ⁴Mei jiáifodo afe ñue finóbidingotiai íaioi méidolle íjina botéllado uitíaoi jíai íaioi mechéraiairi. ⁵Mei afe ringo otímie are biñenamona, nana jitáingotiai ja iníacadiaioi. Iemona ua íniaidiaioi. ⁶Afe mei dáferui llezica riire uáidua uai cácaaide: “Ringo otímie ja bíteza. Raire afémie omoi uáiduairi,” daide. ⁷Afemona nana afe jitáingotiai náidacaillano íaioi mechéraiai unédiaioi. ⁸Afe llezica afe cinco diga finóbiñeno ebena bitínguai, jiáie cinco diga ñue finóbidingotiaina daide: “Cai mechéraiai ja bóoñedeza. Omoimo ite eneno atica íjimonaa cai ine,” daidiaioi. ⁹Mei íadi afe ñue finóbidingotiai finóbiñedingotiaina daide: “Omoimo fecánidicai. Mei ómoimo fecádicainia caimo fiébiñede. Afe izói ómoimo fiébiñede. Batí fecáriracomo dani jenuaidiomoinia ñuera.” Jira aféngotiai jáidiaioi. ¹⁰Mei íadi finóbiñedingotiai oni aceite íbajilla llezica, ringo otímie dúcide. Afe ñue finóbidingotiai afémie diga áirena ráfuego jofa jáidiaioi. Afe mei afémie naze ibaide. ¹¹Íbaila mei aceite íbajidingotiai dúcidiaioi. Dúciillano daidiaioi: “Ocuíraima, naze caimo tuiño,” daidiaioi. ¹²Mei íadi afémie jofona uai ote: “Uáfueña ómoína onóñedicue,” daide.

¹³Iemo Jesús nai úrillano daide: Nanoide íma Jitó Cristo billirui ónonideza, iníñeno abí omoi rairuiri. Ie bille mona ónonideza. Daje izói ie dúciille hora buna ónoñega, —daide.

**Talenta daina ráifide
úcubeo mamécufue**

¹⁴Jesús nane jiáifue llote:

—Monamo ite Juzínamui illáimana illarui bie izoide. Daa ocuífiredimie oni jiáigobemo jáiacana llezica, ie ocuífirregano uáidota íemo ite úcube afémacina úiñotade.

¹⁵Ocuídimie afémacimona daa cómemo cinco mil úcubetuni fecade. Iemo jiáimiemo mena mil dígatuni fecade. Iemo nane jiáimiemo daa milna fecade. Afémacimona illa dígamie ie ifoci onona dieze fecade. Daí fécajano oni jiáie éniemo jaide. ¹⁶Cinco mil dígatuni igámie, afe úcubena afémie níciduamona, afe baimo cinco mil áfemo bai nabaide. ¹⁷Daje izói mena mil dígatuni igámie afe baimo jiáie mena mil áfemo bai nabaide. ¹⁸Mei íadi daa milna igámie ie ocuídimie úcube oni énie ifomo retáidote.

¹⁹Afe mei, are íllamona afe ocuídimie ocuífirregamíiai diné meine bite. Billano íaioi úiñoga úcube onóillena afémacimo jicánote. ²⁰Cinco milna igámie fueñe billa. Billano afe baimo ie nabaica jiáie cinco mil ie ocuídimiemo izáibite. Izájillano daide: “Cue Ocuídimie, o cuemo iga cinco milna baimo jiáie cinco milna nabáidicueza. Be o diez mil dígatuni,” daide. ²¹Jira ie ocuídimie íena daide: “Cue ocuícana iere ínofiredio. Cue ñuera ocuícamedio. Due omo cue fecácana ñue ínotio. Afemona afe baimo jiáiena ona úiñotaiticue. Cue illáimana illánomo mai caimare coco jai,” daide. ²²Afe mei nane mena milna iga ocuífirregamie dúcide. Afémie daide: “Cue Ocuídimie, mena milna cue itio. Afe bai nane jiáie mena milna nabáidicue. Be o cuatro mil dígatuni,” daide. ²³Jira ie ocuídimie íena daide: “Cue ocuícana iere ínofiredio. Cue ñuera ocuícamedio. Due omo cue fecácana ñue ínotio. Afemona afe baimo jiáiena ona úiñotaiticue. Cue illáimana illánomo mai caimare coco

jai,” daide. ²⁴ Mei íadi afe mei, daa mil dígatuni iga ocuífiregamie dúciillano ie ocuídimiena daide: “Cue Ocuídímie, o iere ríimienana onódicueza. O ríñeganomona jaca ófiredio. Daje izói trigo tuiránomo táijiñeno afénomona trigo ófiredio. ²⁵ Ie jira ona jacíruillano o cuemo iga úcube éniemo cue retáidoga. Mei íadi o úcube meine cue atícaza. Be niie,” daide. ²⁶ Iemona ocuídimie íena daide: “Fiénide ocuífiregamiedio. Daje izói ráiraierede ocuífiregamiedio. Cue rírenana onódio ia, ¿nibái mei bie izói itio? Cue ríñeganomona cue ófírenana onódio. Daje izói trigo tuiránomo táijiñeno, afénomona cue ófírenana onódio. ²⁷ Afemona cue úcube jóneranomo fecáredio. Iemo meine cue bíllemo afe úcubena naa jíáie baimo nabáicatuni díga lláinoredicue,” daide. ²⁸ Iemona ocuídimie afénomomo itínona daide: “Bímiemo ite mil dígatuni otá, afe diez mil dígatuni ofítatimíemo ine. ²⁹ Igámie nane baimo írega. Afemona afémiemo baimo aillo íite. Mei íadi ínegamiemo due íemo ite meine bairórega. ³⁰ Iemo bie ráífiñede ocuífiregamie jino jítifomoto. Afénomomo éehteiza. Afe llezica izírenari murímuriteza,” daide. Daí daide Jesús.

Nana náiraiaimo izire jicánollirui

³¹ Jesús nai úrioid: Mei Nanoide íima Jító Crístodicueza, illáimana ana cue bille llezica, nana cue abi imáiciai díga bíiticue. Billano ebire finoca illaíma ráíiranomo ráíizaibiticue. ³² Nana nairai comini cue uícomo gairíalliaioi. Afe íaioi bille llezica, ovejai úiñoraíma chívuaimona ovéjaíaina oni eneno nízia izói, afe izói Nahí Illáimana cue íllemona nana náiraiaina oni enénorie jóneiticue. ³³ Cue nabézimo ovejai izóidino jóneiticue. Iemo chívuai izóidino cue

jarífezimo jóneiticue. ³⁴ Afe mei cue nabézimo itínona dáitícue: “Cue Moo ñue finócamaci, mai omoi bi. Juzíñamui énie comútaja llezica ómoiena mameca illáimana illínomo jofo jai. ³⁵ Mei cue juffruilla llezica, cuena ecádio. Daje izói cue jiróacana llezica cuena jirótatio. Iemo jíái jífocinino cue mácaja llezica cuena jofo inítatiomoi. ³⁶ Iemo cue inícuironina llezica cue itíomoi. Daje izói cue dúicotaila llezica cuena uáidotiomoi. Daje izói llavéracomo cue illa llezica, cuena méiñuaibitiomoi,” daide. ³⁷ Iemona cue nabézimo ite nífuenidino cuena dáitíiaioi: “Cai Ocuíraíma, ¿mei níruí o juffruillana cíóillano ona ecádicai? Daje izói ¿mei níruído o jiróacana llezica ona jirótaticai? ³⁸ Iemo jíái, ¿mei níruído o jífocinino o mácaja llezica ona inítaticai? Iemo jíái ¿níruído o inícuironina llezica o iticai? ³⁹ Iemo jíái ¿níruído o dúicotaila llezica o méiñuaidicai? Daje izói llavéracomo o illa llezica ¿níruído o méiñuaidicai?” daidíaioi. ⁴⁰ Jira Illaíma cue íllamona uai óitícue: “Uáfúena ona dáitícue, nana afe bie comécina mánaide cue ámatiaímo omoi finócafuíai, aféfuíai ja cuemo finódiomoi,” dáitícue.

⁴¹ Afe mei cue Illáimana cue ráíirano ie jarífezimo itínona dáitícue: “Cúemona oni omoi jai. Omoi fieni faidócanodiomoíza. Comini zíñona duere finolle iraimo omoi jai. Afe irai Taífe, nana ie abi imaci díga íena finoca. ⁴² Mei cue juffruilla llezica cuena ecáñediomoi. Cue jiróacana llezica cuena jirótañediomoi. ⁴³ Afe izói jífocinino cue jáicana llezica cuena jofo inítañediomoi. Cue inícuíro íñena llezica cuena inédiomoi. Duico cue ua llezica, daje izói llavéracomo cue illa llezica cuena uáíduai bifínidiomoi,” daide. ⁴⁴ Jira afémaci cuena dáitíiaioi: “Cai Ocuíraíma, mei níruí o juffruillana

ciódicai, daje izói o jiróacanana, íemo jífocinino o macácana, íemo o ínucuro íñénana, íemo o irárenana, íemo llaverácomo o íllana, ¿mei niirúido daí o íllana ciódicai ía, ona canóñedicai?” dáitíaiói. ⁴⁵Íemona afe llezica íaioina dáitíicue: “Uáfúena ómoína dáitíicue, bie comécina mánaide cuemo jaináidinomona dáamiemo omoi fñoñegafuíaina, aféfuíaina ja cuemo finóñediemoi,” dáitíicue. ⁴⁶Afe mei afémaci zíñona duere finolle iraimo jáitíaiói. Íemo Juzíñamui jóonega comécina níifuenidino, caimare zíñona cáallinomo jáitíaiói, —dínori Jesús úrite.

Jesús llaitállena maméritíaiói

(Mr 14.1-2; Lc 22.1-2; Jn 11.45-53)

26 Jesús nana bífuíai llua méifodo, íe llófuegamacina daide:

²—Onódiemoiza benómona ménarui íllamona pascua rafue íiteza. Aféruído Nanoide Íima Jító Crístodicueza cruzmo coráíllena cuena fécaítíaiói, —daide.

³Afe llezica lletáriraini íllaini, daje izói ocuica uai llófueraini, naa judúuai eicomíniri dáanomo gairídíaiói. Lletáriraini caifóidíllaima Caifás ñúeco íbírímo gairídíaiói. ⁴Afénomo Jesús jífuíano llaitállena maméritíaiói. Afe llezica afémie titállena maméritíaiói. ⁵Mei íadi afémaci daidíaiói:

—Nana comini áferi fáíllifaíllíñañeíl-lena, rafue ana íena lláitañeíticai, —daidíaiói.

Ringo zióredíjina Jesús ífo jíllaide

(Mr 14.3-9; Jn 12.1-8)

⁶Jesús Betania jófúemo íte. Afémie, chíñaitímiena maméidímie Simón jofomo íte. ⁷Afe llezica, afénomo daa ringo alabastro daína nofici finoina ícítírudo zióredíji uite. Afeji íere ráífide. Jesús güírabanimo ráiina llezica, afengo afe ziórede cáiredíji Jesús ífomo totade.

⁸Íe llófuegamaci áfena cióíllano ríicaidíaiói. Dani conímána daidíaiói:

—¿Nibái mei áfeji táinomomo fáífitaga?

⁹Afeji aillo úcube óllena fecárede. Afedo oga úcube, dúeredinomo írede, —daidíaiói.

¹⁰Jesús daí íaioi úrillana cacáíllano íaioina daide:

—¿Nibái mei bie ringo jífánodoidíomoi? Bie ringo cuemo finoca raa íere ñuera. ¹¹Omoi cígímo dúeredíno jaca ífírede, mei íadi omoi cígímo are íñeítíicue. ¹²Bie ringo cue abímo totaca ziórede cáiredíjina, cue raíllínomomo dúide. Afedo afengo ñue cuena finode.

¹³Uáfúena ómoína dáitíicue, náganomo bie éniemo bie jíllóille uai jíno llóíadi, bie ringo cuemo finócana jíno llóítíaióiza, afémaci aféngomomo uíbicaífireíl-lena, —daide.

Judas Jesuna íe éoidínomomo fecade

(Mr 14.10-11; Lc 22.3-6)

¹⁴Afe mei doce dígade llófuegamacimona Judas Iscariote lletáriraini ílláimamo úrizaide. ¹⁵Afémacina daide:

—Jesús ómoímo cue fecáíllena, ¿nieze cuemo íbaitíomoi? —daide.

Jira “cuatro fíui táíjina íba díeze, omo íbaitícaí” daínano, treinta díga ráífide úcubetuníllai afémiemo fecádíaiói.

¹⁶Íemo áfemona afe Judas Jesús íaioímo ñue fecáíllino jenode.

Jesús páscuamomo fíraicaiño güíllafue

(Mr 14.12-25; Lc 22.7-23; Jn 13.21-30; 1 Co 11.23-26)

¹⁷Afe rafue nanóídiruímo fáitañega pan güíffredíaiói. Afe llezica Jesús llófuegamaci bíllano jícanótíaiói:

—¿Pascua rafue llezica güíllena, uí-codo nínomomo caí fínuaíllé? —daidíaiói.

¹⁸Afémie íaioína daide:

—Batí jófúemo jaíllano, cue daínámie jofomomo jaí. Afémiena daífrí: “Caí Llófueraíma ona daide: Cúeíena mamé-

caruimo ja dúciizaideza. Pascua rafue güífírenana o jofomo cue llófuegamaciri güíticue,” —daide.

¹⁹ Iemona ie llófuegamaci ie ocuilla izói pascua ráfueмо güíllena fñuaidiaioi.

²⁰ Ja nauilla llezica, Jesús ie doce dí-gade llófuegamaciri afénomo güizájidi-aioi. ²¹ Afénomo íaioi güilla llezica Jesús daide:

—Uáfueña dáititueza, ómoimona dáamie cuena fécaite, —daide.

²² Iemona afémaci iere zúucaidiaioi. Zúucaillano illa dígamierie Jesumo jicánotiaioi:

—Cai Ocuíraima, ¿meita cue? — daidíaioi.

²³ Jesús íaioi uai ote:

—Birui cue diga daje plátomona güitímie, nii cue fécaitimie. ²⁴ Nanoide fima Jitó Crístodicue; jaii Juzíñamui Cuegáuaimo lloga iodo jáiticue. Mei íadi cue fecádimie ¡nii dúerena! Afémie nanómona jaca jéicínegania figura, — daide.

²⁵ Iemona afe fécaitimie Judas Jesuna daide:

—Llófueraima ¿meita cue? —daide.

Jira Jesús uai ote:

—Jii, o. O cue fecalle.

²⁶ Ie güilla llezica, Jesús pan llínota, Juzíñamuina “Iere figura” daide. Daina mei ditada, ie llófuegamacimo fecade. Fécajano daide:

—Bie güi. Bie cue abiza, —daide.

²⁷ Afe mei jiróraco llínota, Juzíñamuina “Iere figura” daide. Dainano ie llófuegamacimo fecade. Feca mei íaioina daide:

—Nana bicúrimona omoi jirori. ²⁸ Mei bie cue díeza. Cue die, dájemo Juzíñamui llínoga comue uai uáfueña daítate. Aillo comini íaifue muiñóllena cue die totale. ²⁹ Mei íadi dánomo bie uva íjina meine jiroñeiticue. Cue Moo illáimana illirui nai dúciñeille dino aféjina

jíroñeiticue. Afe bille llezica cómojina omoi diga jíroiticue, —daide.

Pedro Jesús jáanollena Jesús úicodo llote

(*Mr 14.26-31; Lc 22.31-34; Jn 13.36-38*)

³⁰ Juzíñamuimo íaioi rua fuilla mei, jino Olivo daina ídumo jáidiaioi.

³¹ Afénomo Jesús íaioina daide:

—Bie naio cueri méaicaillano nana omoi cuena feitiomoi. Mei jaii Juzíñamui Cuegáuaimo omoi dibénedo bie izói daide: “Ovejai úiñoraima cue fáitcue, íemona afe ovéjaiai rainólliaioi,” daide.

³² Jesús nai úrite: Mei íadi meine abido cue cáaille mei omoi úicodo Galiléamo jáitcue, —daide.

³³ Jira Pedro uai ote:

—Nana comini ona fáicanocaitiaioi ia, cue ona fáicanocaiñeiticue, —daide.

³⁴ Jira Jesús afémiena daide:

—Uáfueña ona dáititueza. Bie naio átava nai úriñenia, daámani dígacaiño cuena jáanoitioza, —daide.

³⁵ Pedro íena daide:

—O diga cue tíllena iere jitáirede ia, ona jáanoñeiticue, —daide.

Afe llezica nana llófuegamaci Pedro daina izói daidíaioi.

Getsemanímo Jesús Juzíñamuimo úrite

(*Mr 14.32-42; Lc 22.39-46*)

³⁶ Afe mei Jesús naa ie llófuegamaciri Getsemaní mámecciredinomo dúcide. Afénomo íaioina daide:

—Bai batí Juzíñamuimo cue úrizaiilla llezica benomo omoi ráiri, —daide.

³⁷ Daí daina mei Pedro, naa Zebedeo jitó íaillinoiri Jesús bai uite. Afe llezica Jesús iere zúucaide. Zúucailla llezica comécimo duere zefuilla izói cácaide.

³⁸ Iemona íaioina daide:

—Cue comeci iere zúurede. Afe zuufue cuena titade izói finode. Benó omoi

fiébiri. Iníñeno cue omoi úiñori, — daide.

³⁹ Daí daina mei afe baimo íanori jaide. Afénomo éniemo fueco dine bíjicaillano Juzíñamuimo úrite; daide:

—Cue Moo, o finórenia bie duere finóllinomona cue jíllotari. Mei íadi cue comeci jítaina izói finóñeno iri. O comeci jítaina izói finori, —daide.

⁴⁰ Afe mei daámani ie llófuegamaci illánomo meine bite. Inídiaioina cíoizaibite. Iemo Pédrona daide:

—¿Nano íanori omoi cue diga iníñeno cáadino izói inídiomoi? ⁴¹ Fiénidifueмо omoi báiiñelleza, iníñeno abí omoi rairuiri. Daje izói Juzíñamuimo comécido omoi úriri. Uáfuenta omoi joreño jíredeza, mei íadi omoi abí náinide, —daide.

⁴² Afe mei nane Jesús Juzíñamuimo úrizaide. Bie izói daide:

—Cue Moo, bie duere cue íaioi facátallemona cue o jíllotareñenia o comeci jítaina izói fino, —daide.

⁴³ Afe mei nane meine bite. Bítemo ie llófuegamaci inídena cíoizaibite, mei íaioi uimo ínie iere íllaza. ⁴⁴ Iemona nane afémacina fiénocaillano bai Juzíñamuimo úrizaide. Ja daámani dígcaino úrizaide. Ie mei nane daje uaido úrite. ⁴⁵ Afe mei nane ie llófuegamaci illánomo jaide. Afémacina daide:

—¿Nai inídiomoi? ¿Nai ocózinaidiomoi? ¡Cacai! Nanoide íima Jitódicueza, ja cuena fiénidinomo fecalle hórano dúcidez. ⁴⁶ Omoi náidacai; jáiticaiza. Cue fécaitimie ja dúcidez, —daide.

Jesús ja llaitada uitíaioi

(Mr 14.43-50; Lc 22.47-53; Jn 18.2-11)

⁴⁷ Daí Jesús nai úrioina llezica Judas dúcide. Afémie doce dígade llófuega-

macimona dáamie. Afémie aillo comini diga bite. Lloéfaillai naa bigíniari atídiaoí. Afémaci lletáriraini illaini orécaiaioi. Daje izói judúuai éicomini orécaiaioi. ⁴⁸ Fécaitimie Judas Jesús íaioi onóíllena llaitalle uai úcodo íaioimo llote:

—Níimie cacai ñítaiticueza; afémie llaitada omoi uiri, —daide.

⁴⁹ Afemona Jesumo áinozillano daide:

—Llófueraima, caimare itio, —daide.

Afe emódomo Jesuna ñítade. ⁵⁰ Jira Jesús ie uai ote:

—Cue nabai, ¿minícamo bitio? — daide.

Daí daina mei, comini billano Jesús llaitádiaioi. Llaitada llavéllena uitíaioi.

⁵¹ Afe llezica Jesús nabáiniaimona dáamie ie lloefai otá, lletáriraini illaima ocuífuegamie jefo cotade. ⁵² Jira Jesús íena daide:

—Jadí o lloefai oni joone. Mei nana lloéfaido fuirídino, afe lloéfaido tíitíaioi. ⁵³ ¿Onóñedioza cue Móomona doce dígcázie ríduaibitinona jícadicue? Daí jícadicuenia afémie biruimo raire cuemo orérede. ¿Afena onóñedio? ⁵⁴ Mei íadi birui afémaci cue llaitáñediaioinia, ¿nie izói Juzíñamui Cuegáuai daina ñue ícoimo zúite? Aféuai bie íficaidífuiai ie zulle llote, —daide.

⁵⁵ Afe mei Jesús comínina daide:

—¿Nibái mei merífrifredimie izói cue llaitaibitioimoi? Mei lloéfaillairi íemo bigíniari cuemo bitíomoiza. Nágaruillaído Juzíñamuimo gairracomo ráicana ómoina llófuefiredicue. Afénomo jaca cuena llaitáñediomoi. ⁵⁶ Mei íadi nana bie íficaide, jaiái Juzíñamui uai jino llóraini lloga ñue ícoimo fuitállena, — daide.

Afe llezica nana Jesús llófuegamaci afémie fáicanocaillano botádiaioi.

**Jesús jamánomoidillaini
uícómo uitíaiói**

(Mr 14.53-65; Lc 22.54-55,
63-71; Jn 18.12-14, 19-24)

⁵⁷ Afe Jesús llaitada oni uitino Caifás uícómo uitíaiói. Afémie lletáriraini caifóidillaima. Afénomo ocuica uai llófuefredino naa eicomíniri dánomo offídiaíoi. ⁵⁸ Mei íadi afe llezica Pedro Jesús uilla ódana caifóidillaima jofo ibírimo jaide. Afénomo dúciillano jofo jaide. Jaillano afeco úiñotino diga ráiide. Afémie dinomo ráiide Jesús lláitaja ñue ícoimo fúillana cíoullena.

⁵⁹ Lletáriraini naa eicomíniri, íemo nana jamánomoidillainiri Jesumo fieni jónellifue jenódiaíoi. Uafue jónellifue íaiói báinénia “Táinofue nítaiticai,” daidíaiói, “áfedo afémie cai titátalleza.” Afe llezica aillo comini billano taino uaillai afémiemo jónetiaíoi. ⁶⁰ Mei íadi afémiemo íaiói jónellena baiñédiaíoi. Afe mei íirainomo ménamie taino llófiredino íaillinoi dúcide. ⁶¹ Afe íaillinoi daide:

—Baie Jesús bie izói daiífiredo: “Juziñamuimo gairíracona júdairedicue. Afe mei daaruíamani íllamona meine caifo níredicue,” —daidífaillinoi.

⁶² Jira lletáriraini caifóidillaima náidacaillano Jesuna daide:

—¿Nibái mei uai onédio? Bie omo íaiói jónegafue ¿nie izoide? —daide.

⁶³ Mei íadi afe llezica Jesús jaca uaina onéde. Ie jira lletáriraini illaima íena daide:

—Caade Juziñamui mámedido o úritadicueza, uri. Uáfueña daiíllena riire o ocuídícue. O, Juziñamui Jitó Crístona o illa caimo lloiri, —daide.

⁶⁴ Jira Jesús daide:

—Jii, o daina izói nímiedicue. Nane ómoína dáitícue, Nanoide íima Jitó Crístedicueza, ríinorede Juziñamui nabézimo cue ráiillana cíouíomoi. Afe

llezica mona uílliedo ana monámoma cue bíllana cíouíomoi, —daí daide.

⁶⁵ Afena cacáillano lletáriraini caifóidillaima jamánomo rícaide. Daí rícaillana ácatallena ie jítáioigaroi cuatade. Afe mei daide:

—Bie iima ie daina uáillaido Juziñamuina íaire úrite. ¿Nibái mei nai jíaie uai nábitino jítáidicai? Omoi daní ie fiénide dánana cacádiomoi. ⁶⁶ ¿Minica afémiemo dúina? —daide.

Jira afémaci daidíaiói:

—Dama ie ícoinia tírede, —daidíaiói.

⁶⁷ Afe mei ie uiecona tuádiaíoi. Rázido íena fatiaíoi. Jiáimaci ie uieco púcoidiaíoi. ⁶⁸ Daí ñiano íena daidíaiói:

—Mei Crístedioza, ¿nímie o faja? Jino llone, —daidíaiói.

Pedro Jesús onode íadi jáanote

(Mr 14.66-72; Lc 22.56-62; Jn
18.15-18, 25-27)

⁶⁹ Afe llezica Pedro jinófeco ibírimo ráiide. Afénomo ie illa llezica ocufiregango afémiemo billano daide:

—O daje izói Galilea ímie Jesús diga macáfiredo, —daide.

⁷⁰ Mei íadi Pedro comini eróicana afémiena jáanote; daide:

—O dánana onóñedicue. ¿Minica llotio? —daide.

⁷¹ Afe mei Pedro jofo nazemo jáidemo jiáingo íena ciode. Cíoullano afénomo itónona daide:

—Bímie daje izói Nazaret ímie Jesús diga macáfiredo, —daide.

⁷² Afengo daí daina llezica, Pedro nane íena jáanote. Riírede uaido daide:

—Afe íimana jaca onóñedicue, —daide.

⁷³ Afe mei íanori íllamona afénomo itino Pédro mo áinozillano daidíaiói:

—Uáfueza, afémaci ímiedio, mei dama o úrillado onódicaiza, —daidíaiói.

⁷⁴ Afe jira Pedro uafue daiíllena Juziñamui mámedici llínota riire daide:

—Afe báimiena jaca onóñedicue, — daide.

Daif ie daina llezica íftava úrite. ⁷⁵ Afemona Pedro Jesús úcodo íena dáinamo úibicaide. Afe be níuui: “Atava nai úriñena llezica, daámami dígacaño cuena jáanoitioza.” Afemo úibicaillano Pedro jino iere zuure éecana jaide.

Pilátomo Jesús izájidiaioi

(Mr 15.1; Lc 23.1-2; Jn 18.28-32)

27 Mona monáizailla llezica, nana lletáriraini illaini, naa judfúuai eicomíniri, dáanomo gairíllano Jesús titállena nana daje izói maméritiaioi. ² Afe mei Jesús maiáno, afe énie úiñote illaima Poncio Pilátomo izájidiaioi.

Judas tíllafue

³ Judas, Jesús fecádimie, Jesuna íaioi coráiaillana cfoillano comeci ifue méidote. Iemona treinta díga úcubetuni meine lletáriraini illáinimo izájide, ocuide eicomínimo díga. ⁴ Izájillano daide:

—Iere fiénidifue finódicue; nífuenidimie titállena fecádicueza, —daide.

Jira afémaci uai otíaioi:

—¿Afefue caimo mei nibái? Dama ofue, —daidíaioi.

⁵ Ie jira Judas afe úcube gairíracomo ana jutade. Afe mei afémie jaillano dama cimoi cúinajano aménamo ágüicaide. Daif afémie tiide.

⁶ Lletáriraini illaini, afe jutaca úcube iráiano daidíaioi:

—Juzíñamuimo fia iga úcube jóonera como bie úcube jóonenidicai, mei come tftaja úcubeza, —daidíaioi.

⁷ Afe mei afémaci afe úcubedo énie íballena dájena coméiidiaioi. Iaioi íbaca énie mámecei Nógora Orano. Afébiri íbádiaioi jicánemaci tíadi afénomo ráillena. ⁸ Afe jira nai biruimo afébiri Diébirina daifirena. ⁹ Daif íaioi

fínuamona jaii uai llóraima Jeremías lloga uai ñue ícoimo fuite. Be níuui: “Israel nairai cue íaioi fécaja úcube abido llínotiaioi. ¹⁰ Llínuano Nógora Orano íbádiaioi. Daif Juzíñamui cue ocuide.”

Jesús Pilato uiécomo jóonetiaioi

(Mr 15.2-5; Lc 23.3-5; Jn 18.33-38)

¹¹ Afe mei énie úiñotillaima uícomo Jesús uitíaioi. Afénomo afémie Jesumo jicánote:

—¿O meita judfúuai illaima? —daide.

Jira Jesús daide:

—O daina izói níimiedicue, —daide.

¹² Iemo lletáriraini illaini naa ocuide eicomíniri Jesumo fiénide uailai jóonia llezica, afémie jaca uai oñede. ¹³ Jira Pilato íena daide:

—¿Aquie omo íaioi jóonegafuiai cacáñedio? —daide.

¹⁴ Mei íadi Jesús jaca afe llezica uai oñede. Iemona uai ie oñénari énie úiñotillaima fáigacaide. Ie daille uai onóñede.

Jesús titállena mameca

(Mr 15.6-20; Lc 23.13-25; Jn 18.38-19.16)

¹⁵ Aféruillaído afe rafue ana, llaveca fiénidinomona dáamie Pilato zuitáfirede. Afémie comini uaido zuitácame. ¹⁶ Mei afénomo ite mámeceina jica jalleide fiénide maigámie. Afémie mámecei Barrabás. ¹⁷ Illáicomini dáanomo gairilla llezica Pilato afémacimo jicánote:

—Bíaiillinoimona ¿nímie ómoimo jino zúitaiticue? ¿Barrabás, mei nibai Cristo daina Jesús? —daide.

¹⁸ Mei Pilato, comini úradoillamona Cristo íaioi fécajana ñue onode.

¹⁹ Pilato, riire jicánofiredimie ráiranomo ráina llezica, Pilato ai uai orede. Afe be níuui: “Afe jadímie nífuenidimieza afémiemo jírcañeno iri.

Mei ja naio afémiena cue nicáirilla llezica iere duere zefuídícue,” daide.

²⁰Mei íadi lletáiriraini illaini naa ocuide eicomíniri, nana jíáie comini Pilátona daiílluai riire llotíaioi. Barrabás zuitállena Pilátomo jicátatiaioi. Daje llezica Jesús titállena jicátatiaioi. ²¹Afe énie úiñotillaima nane dáanomo jicánote:

—Biaillinoimona ¿nfmiena cue zuitátatiomoi? —daide.

Jira: —Barrabás zuita, —daiífaioi.

²²Iemo Pilato íaioimo jicánote:

—Iemona bie Crístona mámeçiredimie Jesús ¿nie izói nfbaitícue? —daide.

Jira nana uai otíaioi:

—¿Cruzmo corai! —daiífaioi.

²³Iemona Pilato íaioina daide:

—¿Níbái mei? ¿Nie fiénidífue afémie finode? —daide.

Mei íadi comini dáanomo riire daiífaioi:

—Cruzmo corai, —daiífaioi.

²⁴Pilato ie uaina íaioi fiñoñenana ciode. Daje izói nana comini aféfuiairi jamánomo cáilliana cacade. Ie jírari “Onoi cue jocólleza jainoi ati” daide. Jócua llezica daide:

—Afe bie nífuenidimie tulle cuemo jíñede. Dani ómoífueza, —daide.

²⁵Iemona nana comini uai otíaioi:

—Afémie tulle caimo jíite, daje izói cai úruiaimo, —daiífaioi.

²⁶Afe jira Pilato Barrabás zuitade. Afe mei Pilato Jesús rázido fatátate. Fatata mei Jesuna afémacina corátate.

²⁷Afe mei énie úiñotillaima fuiríraini áillue gairácomo Jesús uitfaioi. Afénomo nana jíáie fuirírainiai afémie onífenodo gairídiaioi. ²⁸Afe mei ie iniroi dúiñuano, illaima jítáfírega jáiaicuro afémiemo jítádiaioi. ²⁹Afe llezica ifo icuífoi eegi nínacuifoina afémiemo jítádiaioi. Iemo jíái illaima llíifírega bigina íena llínotadiaioi.

Daií ñiano afémie anamo dújudiaioi. Dújuillano jífánodoiano íena daiífaioi:

—Judíuai Illaima are íitioza, —daiífaioi.

³⁰Afe llezica afémaci ie túallaitiaioi. Afe dáanomo ie llíiga bigi báiruano, ie ifoci púcoidiaioi. ³¹Daií ie íaioi jífánodoia mei, afémiemo íaioi jítaca jáiaicuro dúiñuano, dama ie iníroina jítádiaioi. Afe mei afémie coráiaidiaioi.

Jesús cruzmo coráidiaioi

(Mr 15.21-32; Lc 23.26-43; Jn 19.17-27)

³²Jofue jinomo íaioi coráiailla llezica, Cirene énie ímie baitfaioi. Bailano Jesús uiga cruzna rocátatiaioi.

³³Daií Gólgata mámeçiredinomo dúcidiaioi. Gólgata daina “come ifócorai illano.” ³⁴Afénomo eríredena jaicuica vínona Jesús jirótatiaioi. Mei íadi Jesús áfena due fácano, jirócañede.

³⁵Jesús ja íaioi coraia méifodo, fuiríraini Jesús iniroi illa dígamie íaioi máiñuana onoíllena, onótaraji dotádiaioi. Daií jaiai uai llóraini lloga uai ñue ícoimo fuite. Afe be níuui: “Onótaraji dótajano, cue iniroi conímaiaimo fecádiaioi.” ³⁶Afe mei afémiedo éroillena afénomo ráiiediaioi.

³⁷Ie ifo acónimo cuezábici netádiaioi. Afébicimo níífue ícoinia duere finoca daina cúeina. Afébicimo cuega bie izói daide: “Bie Jesús, Judíuai illaima.”

³⁸Afe llezica afénomo mena merírifredimie coráidiaioi. Dáamie Jesús nabézimo coráidiaioi. Jiáimie ie jarífezimo coráidiaioi. ³⁹Afe llezica áfeodo jaide comini Jesuna íaire úritiaioi. Uaido iere riire íena táigoidiaioi. ⁴⁰Daií fiene ie táigoiano íena daiífaioi:

—Juziñamuimo gairíraco júdaiano daaruíamani ille mei meine níitícue daiífredioza; mai, o abi jíllota. Daje izói Juziñamui Jitona o íadi, jadíe cruzmona ana bi, —daiífaioi.

⁴¹ Daje izói lletáriraini illaini, íemo ocuica uai llófuetino, íemo fariséuai naa ocuífiredede eicomíniri íena áfedeuano conímana daidíaiói:

⁴² —Diga jíáimaciaina afémie jíllotafiredede, mei íadi dama ie abina jíllotanide. “Uafue Israel Illaima o ia, jadíe crúzmona ana bii, áfemona omo cai íinolleza,” íena daidíaiói. ⁴³ Nai ie áfedeuano íena úritiaíói:

—Mei afémie Juzíñamuimo ínoteza, mai mei birui Juzíñamui ie jíllota, Juzíñamui ie jíllotaiacania. Afémie caina “Juzíñamui Jitódicue” daide, —daidíaiói.

⁴⁴ Daje izói ie diga coraica merírifiredede íaillinoi íena íáire úritiaíllinoi.

Jesús tiilla

(Mr 15.33-41; Lc 23.44-49; Jn 19.28-30)

⁴⁵ Afe llezica nániena jíítreficaide. Jit-oma jáiciri íllamona batí ana ítemo jíítreficaide. ⁴⁶ Ja jitoma arífemona ana ítemo Jesús riire caillide:

—Elí, Elí, ¿lama sabactani? —daide. Afe uai daiíacana: “Cue Juzíñamui, cue Juzíñamui, ¿níbái mei cue zóofetio?”

⁴⁷ Afénomo itínomona dáarie áfena cacáíllano daidíaiói:

—Bímie jaiái Juzíñamui uai llóraima Elías jííríte, —daidíaiói.

⁴⁸ Daií daina llezica afémacimona dáamie aizida esponja daina fíllicide raa uájide. Erírede vínomo riáitano Jesús jíróllena caifo rázido níutádiaíói. ⁴⁹ Mei íadi jíáimaci daidíaiói:

—Dama íteza. Jetáñeno, Elías ie jíllotaíbiadi, cai cíoielleza, —daidíaiói.

⁵⁰ Afe mei Jesús dáanommo riire cail- lide. Daií cáíllia méifodo ja tíide. ⁵¹ Ie tiilla llezica Juzíñamui gairíraco eromo fetácaroi caifona ana eróicana atóroido oni cúajicaide. Afe llezica énie do- caide, íemo jíái jéerie nofciaí bócoizite. ⁵² Iemo daje llezica, comíni raiáfuaí tú- coizite. Afe llezica aillo tíide Juzíña-

muimo ínotinuaii meine abido cáadi- macina jáidiaíói. ⁵³ Afe bimaci íaiói raiáf- uaiímona jino bitíaiói. Iemo Jesús abido caana mei, ñuera Jerusalén jófueimo jáidiaíói. Afénomo aillo comíni bie como meine abido cáadimacina cíodiaíói.

⁵⁴ Iemona fuíríraini illaima naa afémie diga Jesús úínotinori, énie docailla, naa jíáie comúdfuíaína cíoiillano, iere jací- naitiaíói. Jacínaillano daidíaiói:

—Uáfueza bie Juzíñamui Jitó, — daidíaiói.

⁵⁵ Afénomo diga ringóniai jícana eróediaíói. Aféngotiai Galiléamona Jesudo jáidiaíói. Aféngotiai Jesuna canófrediaíói. ⁵⁶ Aféngotiai cígimo, Magdalena énie ingo María ite. Iemo jíáie María, Santiago José íaillinoi ei ite. Iemo jíái Zebedeo ai ite. Afengo mena jíitórede.

Jesús raitíaiói

(Mr 15.42-47; Lc 23.50-56; Jn 19.38-42)

⁵⁷ Ja nauilla llezica Arimatea énie ímie José bite. Afémie ráaredimie, íemo jíái afémie Jesudo jáicaífredede. ⁵⁸ Afe jira Pilátomo Jesús abi jícajide. Iemona Pi- lato Josemo afémiena ite. ⁵⁹ Iemo José Jesús abi ana uano ñuera áílloroina junide. ⁶⁰ Juníllano dama ie comue raiáfomo jóonete. Afe raiáfo nofcimo finoca. Raia mei áíllue nofcina naze íbáíllano jaide. ⁶¹ Afénomo Magdalena énie ingo María naa jíáie María diga raiáfo uícori ráíidiainguai.

Jesús raiáfo uínoitinona jóonetaíói

⁶² Afe jíáiruideo, ocózinaiíllaruimo jí- taica raa fínua mei, lletáriraini illaini, naa fariséuairi Pilátomo úrizaidiaíói: ⁶³ —Ocuídímie, afe taino llóraima Jesús dáinamo úibicaídicaí. Afémie caana llez- ica, “Daruíamani ille mei, tííllanomona meine abido cáaiticue,” daiífiredede. ⁶⁴ Ie jira afe raiáfo daruíamani fidi riire o finori, ie llófuegamaci ie abi naio

mériaibiñelleza. Mériano comínna “Ja Cristo tiide meine abido caade,” dáitíai. Ie llófuegamaci daí finóadi, íaiói firainomo lloga táinofue, fueñe lloga táinofuai baimo fiénite, —daí daidíaiói.

⁶⁵ Jira Pilato daide:

—Batí omoi úiñote fuiríraini ite. Afémacido afe raiafo omoi onona izói riire omoi finori, —daide.

⁶⁶ Iemona raiafomo jaillano, afénona riire finódiaí. Afe mei afe raiafo emodo íbaila noñcimo túñoñeilla jana finódiaí. Afe mei jóneoidé fuiríraini afénomo fiiano oni jáidiaí.

Jesús tíllanomona meine abido cáadimiena jaide

(Mr 16.1-8; Lc 24.1-12; Jn 20.1-10)

28 Ocozinaillarui jáíruido, semana fueñediruimo mona monáiacana llezica, Magdalena énie ingo María, jáie María diga raiafo méiñuaidiainguai. ² Afe llezica énie riire docáiricaide. Juzíñamui abi ímie ángel dainámie monámona ana billa énie níraídua. Afémie Jesús raiafomo dúciillano afe íbaila noñci oni tuiñode. Tuñuano afébicimo ráiide. ³ Afémie abi mona borilla izói quenire cioide. Iemo afémie iniroi jaillíci izói iere úzerede. ⁴ Afémiena cíóillano, jónete fuiríraini iere jacínaitiaí. Cuidíridiaí. Afe llezica tídino izói jáidiaí. ⁵ Afe mei Juzíñamui abi ímie afénomo jaide ringóniaina daide:

—Jacínaiñeno. Onódicueza, coraica Jesús jénuaíbitiomoi. ⁶ Afémie ja benó íñede. Omoína ie daina izói, ja meine abido caade. Ie íaiói raiano eróizaíbi. ⁷ Afe mei ie llófuegamacimo omoi llujíri. Bie izói lloiri: “Ja afémie tiide íadi meine abido cáadimiena jáideza. Afémie ja omoi úcomo Galiléamo jaide. Afénomo íena cíóitiomoi.” Be ómoimo cue llóiacagafue, —daí daide.

⁸ Iemona ringóniai afe raiafomona raire abido jáidiaí. Aféngotiai iere íóbicaidiaí íadi, nai jacíruoidimaci.

⁹ Iodo íaiói jailla llezica Jesús íaioimo cíocaide. Cíocaillano íaioina uáidote. Aféngotiai íemo áinozillano íemo cáimadotiaí. Ie ídai meníñotiaí. ¹⁰ Jira íaioina daide:

—Omoi jacíruíñeno. Cue ámatiaimo llujíri, Galiléamo raire íaiói jáilleza. Dinomo cuena cíotiaí, —daide.

Raiafona úiñotaga fuiríraini llogafue

¹¹ Ringóniai jailla llezica, raiafo jónete fuirírainimona dáarie jófuego jáidiaí. Afénomo dúciillano lletáiraini illáinimo nana íaiói cíonana llotíaí. ¹² Aféllaini ocuide eicomínimo ñue íaiói onóillena llujídiaí. Ie jira aillo úcubena afe fuirírainimo itíaiói. ¹³ Illano íaioina daide:

—Bie izói omoi daíri: “Naio cai ínia llezica ie llófuegamaci mériano ie abina uitíaiói.” ¹⁴ Iemo énie úiñotillaíma aféfuena fidíadi, omoi ñue íllena dani cai afémiemo úrizaitícaí. Afemona afémie ómoína duere fñoñeite, —daí daidíaiói.

¹⁵ Iemona afe fuiríraini úcube llínotiaí. Llínota íaioina daina izói fñuaidiaí. Iemona judíuai nai biruimo Jesús meine abido cáanana uáitadiaí; uáitano bie izói daíñfírediaí.

Jesús ie orécamacimo jónega uai

(Mr 16.14-18; Lc 24.36-49; Jn 20.19-23)

¹⁶ Afemona Jesús once dígade llófuegamaci Galiléamo jáidiaí. Uícodo Jesús íaioimo lloga ídumo jáidiaí. ¹⁷ Afénomo Jesuna íaiói cíóillano, afémiemo cáimadotiaí. Mei íadi dáamierie nai figo íñoñede. ¹⁸ Jira Jesús afémacimo áinozillano daide:

—Nana monamo ite ocuilla ríino, naa éniemo ite ríino diga ja cuemo fecaca. ¹⁹ Ie jira nana éniemo ite comínimo omoi jairi. Afémacina cue llófuega-

macina oreri. Afe mei Moo Juzíñamui mámecido, daje izói ie Jitó mámecido, naa ie Ñuera Joreño mámecido íaioina báutizari. ²⁰Nana omoi cue ocuilla uáil-laina afémaci jeire omoi otátari. Afe

llezica bíena omoi onoiri, cue nágarui omoi diga íifireiticueza. Jaca omoi diga ííticuemo énie fuillfruímo dúciite. Daiítadeza; ja niie.

JUZÍÑAMUI ÑUEFUE SAN MARCOS LLOGAFUE

El Santo Evangelio Según San Marcos

Juan Bautista táizicimo lluaíbite

(Mt 3.1-12; Lc 3.1-9, 15-17; Jn 1.19-28)

1 Juzíñamui Jitó Jesucristo lloga ñuefue bie izói tainede.

² Jaiai uécodo Juzíñamui uai jino llóraima Isaías cuete:

Mai cacai, o uécodo cue rafue llotímie orédicue, o jáille io ñue ifóllena.

³ Táizicimo caillídimie uai ñue cacaide; daide:

Mai omoi Ocuíraima jaille io ñue finori; ie macalle io jaícina tuiñori, — daide.

⁴ Afe izói bautizaraima Juan táizicimo cfocaizaíbite. Dinomo comini jitáirede bautizaillena afémie ñue lluaíbite. Iaiñoa daide:

—Omoi comeci ifue ñuefueña méidorediomoi. Ie mei bautizarediomoi. Iemona Juzíñamui omoi comeci fiénidifuiái dóite, —daide. ⁵ Iemona nana Judea énie imaci, Jerusalen comini diga, Juan llógamo cacáreizaidiaioi. Cacáillano íaioi comécimo ite fiénidifuiái uáfodo jino llotíaioi. Daí íaioi llua méifomo imani Jordámo Juan bautizagaiaioi.

⁶ Juan jitaca iniroi camello itíraiai finoína. Ie ciraiği llaitáinafe igorai finoína. Fíuai rite; jazici ie cíji jirófirede. ⁷ Comínimo llócaillano daide:

—Fui cue méifodo bíitimie, iere cue baímo riire ocufíreitimie. Iemona ie idai ico igai zuitánidicue, mei jofófene jamáimiedicueza. ⁸ Jae jáinoido ómoina bautizadícue, ñuera iodo omoi jáiacana jino llóllena; mei íadi afe bíitimie Ñuera Joréñodo ómoina ufcaitaite, ñuera iodo

éicitaiñeno ñue omoi jáillena, —daí daide Juan.

Jesús bautizainafue

(Mt 3.13-17; Lc 3.21-22)

⁹ Aféruillaido Jesús Nazarétnona bite. Afe Nazaret jofue Galilea éniemo ite. Billano Juan illánomo dúcide. Afénomo Juan íena Jordámo bautizade. ¹⁰ Jáinoimona jino billa llezica Jesús mona tújicaillana ciode. Daje llezica Ñuera Joreño fíiciri izói Jesumo ana bíllana Jesús ciode. ¹¹ Afe llezica monámona uai cá-cacaide; daide:

—O iere cue izíruiga Jitódio. Ori iere caimare iticue, —daide.

Taife Jesús facátate

(Mt 4.1-11; Lc 4.1-13)

¹² Afe méifodo raire Ñuera Joreño Jesuna táizicimo orede. ¹³ Dinomo tóíñega rílleniai cígimo Jesús cuarenta dígarui ite. Afénomo Satanás (Taife jíáfodo mámeciredimie) Jesús facátate. Aféruillaido Juzíñamui abi imaci ángeles dainámaci Jesús cánuaibitiaioi.

Jesús Galiléamo llófuiafue táiniaide

(Mt 4.12-17; Lc 4.14-15)

¹⁴ Ie mei illaima Herodes Bautizaraima Juan llavétate. Juan llavébilla mei, Jesús Galilea éniemo jaide. Jáillano Jesús, Juzíñamui ñuera rafue llujáide. ¹⁵ Jesús bie izói daide:

—Ja aféruimo dúcide. Ianori íllamona Juzíñamui nana íemo jaináidimaci dáaziena caimare íllena gairítaibiteza. Iemona jíllonafue omoi ínuano, omoi comeci ífuiái méidori afémacimo dájena omoi jaináillena, —daide.

Jesús cuatro dígamie facóramaci uáidote

(Mt 4.18-22; Lc 5.1-11)

¹⁶ Jesús Galilea jorai fuédado mácajide. Jaillano Simona ciode ie ama

Andrés diga. Facóraigma íaillinoi. Llóiji jórairoi dotáfirediaillinoi. ¹⁷ Jesús íailinoína daide:

—Mai cuedo ómicoi bi. Chámuniaí ómicoi jenófírena izói, afe izói comini jenórainna ómicoína jóoneitícué, —daide. ¹⁸ Raire íemona íaillinoi llóiji fíianona, afémiedo jáidiaillinoi. ¹⁹ Te mei Jesús bai jabo jaillano Zebedeo jitó, Santiágoná ciodé, ie ama Juan diga. Iaiói llóiji cúaidino, nocáe ero ráicana niródi-aillinoi. ²⁰ Jesús íaillinoi jíríte. Iaillinoi moo Zebedeo nocaemo fiénocaillano ie canóraigmaci diga, Jesudo jáidiaillinoi.

Capernaumo fiénide jóriairedimie Jesús jíllotaga

(Lc 4.31-37)

²¹ Ja Capernaumo dúcidiaíoi. Ie mei ocózinaiillaruimo Jesús Juzíñamui uai llófueracomo jofo llófuaide. ²² Afémie llogáfueri fáigacaidiaíoi. Ua nibai ríimie izói ñue llófullofuede. Ocuícafue llófuer-aíni afe daí llófueñediaíoi. ²³ Afe llezica Juzíñamui uai llófueracomo fiénidena jóriairedimie ite. ²⁴ Afémie ja Jesumo caillide; daide:

—Nazaret ímie, Jesús, ¿nífue cócomo illa? ¿Cai fatátaíbitio? Ona onódicue. Juzíñamui íaifuenidimiedio; afémie rafue ñue lluaíbitimiedio, —daide.

²⁵ Iemo Jesús fiénide jóriaimo riire úrite; daide:

—¡Llícaí! Bímie fáicanocaillano oni jai, —daide.

²⁶ Iemo fiénide jóriai afémiena izire docáitate. Ie mei jamánomo caillídemo afémienona oni jaide. ²⁷ Ie jira nana nairai jacínaitiaíoi. Jira conímamo jicánotiaíoi:

—¿Bie minica? ¿Minica bie como llófueinafue? Bie Jesumo riire ocuflafue ite, fiénide jóriai oréllena. Afe fiénide jóriai afémiena ínofirediaíoi, —daidíaíoi.

²⁸ Ie jira Jesús mámece nana Galilea énie fuédado raire jica jalleide.

Jesús Simón Pedro jifaiño jíllotate

(Mt 8.14-15; Lc 4.38-39)

²⁹ Juzíñamui uai llófueracomona jino billano, Jesús, Simón ie ama Andrés íailinoi icomo jaide, Santiago, Juan diga. ³⁰ Dinomo Simón jifaiño abi cuaríllamona ínranomo búide. Afengo irárenana Jesumo llotíaíoi. ³¹ Iemona aféngomo ánozillano, Jesús afengo onoi llínota, íena caifo naidánete. Afe llezica afengo abi cuarilla aféngomona llícaide. Daje llezica jarire íaiói jitaille güille afengo bai íaioimo atide.

Jesús aillo iráredino jíllotate

(Mt 8.16-17; Lc 4.40-41)

³² Aféruido, jitoma ana zójicaidemo, ja nauíoicailla llezica, nana afénomo ite iráredino, fiénidena jóriairedino diga, Jesumo atídiaíoi. ³³ Nana dino jofue nairai afeco naze fue íbírímo gairízitiaíoi. ³⁴ Jesús aillo íaioimo ite diga ie duico jíllotate. Afe llezica aillo fiénide jóriai Jesús jino comínimona orede, mei íadi Jesús afe jóriai úriñeíl-lena íaioimona rairuide, mei afémiena onódiaíoi.

Jesús Galiléamo llujáide

(Lc 4.42-44)

³⁵ Ja monáioicaidemo, nai jítireoidemo, Jesús cazíllano jino jófuemona oni tii daidínomo jaide, dínomo Juzíñamuimo úrilla. ³⁶ Afe mei Simón ie nabáiñiari Jesús jénuaidiaíoi. ³⁷ Baillánona íena daidíaíoi:

—Nana o jenódiaíoi, —daidíaíoi.

³⁸ Iemo Jesús íaioína daide:

—Ainori itícuaímo mai cai jai, dínomo daje izói ñúefue cai llujállena; mei afe jira jino bitícueza, —daide.

³⁹ Daí Jesús nana Galiléado macade. Naga illánuiamo Juziñamui uai llófueriracomo llócaide. Afe llezica comínmona fiénide jóríai jino orede.

Chíinaite izóidimie Jesús jíllotate

(Mt 8.1-4; Lc 5.12-16)

⁴⁰ Jesumo chíinaite izóidimie áinozide. Ana dújuano daide:

—Cue o jíllotaiacaniadi cuena jíllotaredio, —daide.

⁴¹ Ie jira Jesús afémiemo dúecaide. Jira ónoído jétano daide:

—Jii, ona jíllotaiacadícue. Mai o abi jácaiteza, —daide.

⁴² Daí dáinamona afe duico iráredimiemona cióbicaíñena. Jae ñúemie. ⁴³ Iemo Jesús afémie orede. Daje llezica riire ocuállano daide:

⁴⁴ —¡Cacai! Bumo lloñeno iri. Dama lletáriraima sacerdote dainámieo jailano, o abi ácatari. Dáaruido Moisés jaiai ocuica abi dua fue ráana, mai afémiemo izájiri. Iemona comini o abi jíllotana fídiítiaioi, —daide.

⁴⁵ Mei íadi afémie jaillano nana comínimo afe ie jíllonafue llujáide. Iemo aillo comini Jesumo izire gairíoidiaioi. Ie jira ja Jesús bu jófuemo uáfodo jáinide; mei íadi jino jofue iñénanomo mácajide. Mei íadi nágagobiaimona bizájidiaioi afémiena cíoilena.

Jesús tízitaitimie jíllotate

(Mt 9.1-8; Lc 5.17-26)

2 Ie méifodo nano nígarui íllamona Jesús meine abido Capernaumo jaide. Afémie jofomo íllana ja fídídíaioi. ² Iemo aillo nairai ie jofomo gairírdíaioi. Jofu comínina oruállamona iere rilírede; ja naze fuemo íaioi íllino íñede. Íaioimo Juziñamui úrillafue Jesús jino llote. ³ Iemo cuatro dígamie tízitaitimie atídíaioi. ⁴ Iere comini íllaza, Jesús íllánomo dúcinide. Ie jira jofu emódomo

caífo jaillano, Jesús ílla llezícamo jofu emodo íbáicano cúcoídiaioi. Cúcoianona aféfodo tízitaitimie ana agúínetiaioi, naa afémie bírallu díga. ⁵ Afémaci comeci ínuana cíoilano, Jesús tízitaitimiena daide:

—Jitó, o fiénidífue jae ñue dófide, —daide.

⁶ Dáarie ocuífufue llófueraini, dínomo ráiidino, íaioi comeci facáoidiaioi: ⁷ “¿Nibái mei bímie daí úrite? Juziñamuina fiéni úrite. Dama Juziñamui fiénidífueña dua. Abi díne bu Juziñamui izóí fiénidífueña doñena.”

⁸ Mei íadi dama Jesús ie comécido afémaci comeci úrillafueña onode. Jira daide:

—¿Nibái mei omoi comeci daí facádiomoi? ⁹ ¿Ñie iere júanina iráredimiemona daíllena: “O fiénidífue dófite,” nibai jíífodo dáina: “Náídacai, o bíra llínota ui, mai maca?” ¿Ñie iere júanina? ¹⁰ Ie jira jíífueña ómoimo fídítaitícue. Bíníemo comini fiénidífueña oni muiñólle ríno cuemo íte. Nanoide íma Jitódícueza, —daide. Iemo tízitaitimiena juare dáináfuena daide:

¹¹ —Ona daídícue: Caífo náídacai. O bírallu llínota mai o jofomo jairi, —daide.

¹² Ja iráredimie raire náídacaíllano íe bírallu llínote. Llínano dínomo jino jaide. Ie jáíllana nana comini cíodíaioi. Jira áferi fáigacáidíaioi. Daje llezica Juziñamuina cáimadotíaioi. Daidíaioi:

—Jaca daítadífueña cíórainídícaí, Juziñamui o iere jamánomoidímíedio. Mai Juziñamuimo caí íóbilli, —daídíaioi.

Jesús Leví uáídote

(Mt 9.9-13; Lc 5.27-32)

¹³ Ie mei Jesús meine abido jorai fuédamo jaide. Nana comini íemo áinozidíaioimo, afémie íaioina llófufue. ¹⁴ Jesús

mácajilla llezica, Levína ciode. Leví Alfeo jitó. Afémie gobierno ibátaga úcube llínoranomo ráiide afe úcube llínollena. Iemo Jesús éna daide:

—Cuedo bi, —daide. Jira Leví náida-caillano afémiedo jaide.

¹⁵Afe méifomo Jesús Leví jofomo güüzájide. Dinomo aillo jíáie gobierno ibátaga úcube llínoraimaci Jesús dáanomo güírabanimo ráiiediaioi naa fiénidimaciri. Mei iere áillomaci afe izóidino afémiedo jáidino. Afe dáanomo Jesús llófuegamaci ráiidiaioi. ¹⁶Mei íadi dáarie ocucafue llófueraini fariséuai diga, Jesús nana afe fiénidimaci diga naa íáiruiga ibátaga úcube llínoraimaciri dáanomo güíllana ciódiaioi. Iemona Jesús llófuegamacina daidíaioi:

—¿Níbái mei omoi llófueraima afe íáiruiga ibátaga úcube llínoraimaci diga güífiredede, jirófirede? Daje izói, ¿níbái mei jíáie fiénidino diga güífiredede? —daidíaioi.

¹⁷Aféfuenta Jesús cacáillanona duera ráfuedo íaioina daide, nie ícoinia mei íáiruigamaci diga ie güífirenana íaioi onóillena. Be niífue:

—Íranidimaci manóriraimana jitáine-diaioi; dani dúicotaidino da manóriraimana jítaina. Mei nüemacimo cue uáid-uaibiñedicue. Fiénidino uáiduaibiticue afémaci jíllloillena, —daide.

Daa mona güíllena fímairillena Jesumo jicánotiaioi

(Mt 9.14-17; Lc 5.33-39)

¹⁸Jiáiruido Bántizaraima Juaado jáidino fariséuaido jáidino diga nana güiñeno fímairitiaioi. Aféruimo dámierie Jesumo jicánuaibitiaioi:

—¿Níbái mei Juaado jáidino fariséuaido jáidino diga nana güiñeno fímairitiaioi, mei íadi o llófuegamaci fímairiñediaioi? —daidíaioi.

¹⁹Jesús uai uano ráfueemo mámiano íaioi llófuete, afémiedo jáidino finócana jíáimaci féinino onótallena. Daide:

—Airenafueemo uáidogamací ringo otímie íaioimo illa llezica ¿meita fímairirediaioi? ¿Níbái fímairinidiaioi? Ringo otímie íaioimo illa llezica jaca fímainidiaioi. ²⁰Mei íadi ringo otímie íaioimona bairóbicaillirumo dúciite; aféruimo uáfuenta fímairitiaioi.

²¹Iemo daje izói ñue onótallena jíáie ráfueemo mámiano íaioi llófuete; daide:

—Buna jaiáicuiro inícuero cúaidinomo comue jofo gáijicaiñede iniroi nitácapu dájemo jofo jillíñede, mei comue gáijicaiñede nitácapu afe jaiáicuirona onifenedo nane ráataitade. Iemona cúaidino jae iere aillóite.

²²Daje izói comue vino jácara igorai ie finoina botéllamo jóonenide. Jácara botéllamo comue vino jóoneadi, afétella bójicaide. Iemo nana vino táinomo tójicaide. Daje izói afe igorai finoina botella bójicaillano meine finónide. Ie jira comue vino comue igorai finoina botéllamo jóonerede, —daide.

Jesús llófuegamaci ocózinairuimo trigo llizíllaticiai tícoidiaioi

(Mt 12.1-8; Lc 6.1-5)

²³Daa mona ocózinairuimo Jesús ríganíai cígido mácajide ie llófuegamaci diga. Afénodo jaillano ie llófuegamaci arrozna eroide trigo llizíllaticiai ja tícoiaidiaioi. ²⁴Iemo fariséuai éna daidíaioi:

—¡Erocai! ¿Níbái mei o llófuegamaci rairuífede jetádiaioi? Afena ocózinairuimo rairuífede, —daidíaioi.

²⁵⁻²⁶Mei íadi afémie íaioina daide:

—¿Jaca nibai David finócana facádoñediomoi? Afémie naa ie nabáiniári güille iñena llezica, júbietailano Juziñamui jofomo jaide. Ua Abiatar lletáriraini illáimana illáruído, David jofo jaide. Afe jofo eromo Juziñamuimo eneno mameca

rairuírede panes ite. Dani Juzíñamui lletáriraini áfena güirena; jiáimacimona afe rairuírede. Afe panes David uánona güite; ie mei ie nabáiñiaimo fecade.

²⁷ Iemo nane Jesús íaioina daide:

—Hima ocózinaillarui íena fínoñega, mei íadi ocózinaillarui iima íena mameca. ²⁸ Jira Nanoide Hima Jitona cue íllamona, ocózinaillaruína ocúfredicue. Aferui Náamadícue, —daide.

Jesús ónoina llirídimie jíllotate

(Mt 12.9-14; Lc 6.6-11)

3 Jesús dáanomo Juzíñamui uai llófueriracomo jofo jaide. Afénomo ónoina llirídimie ite. ² Afénomo itínomona Jesumo iere eróioidiaioi, ocózinaillaruímo Jesús bímiena jíllotajana onóillena, áfedo Jesumo fiénidífue jíttállena. ³ Ie jira ónoina llirídimiena Jesús daide:

—Náidacai; jofo bené cígimo bi, —daide.

⁴ Dáanomo jiáimacimo jicánote:

—¿Minícana ocózinaillaruímo ómoiri finóredicue? ¿Nibai fiénidífue fínoitícue, nibai ñúefue fínoitícue? ¿Nibai omoi jíllotaitícue, nibai omoi títtaitícue? —daide Jesús.

Mei íadi afémaci ja uai onédiaioi. ⁵ Jira Jesús íaioiri rícaide. Daje izói zuure íaioimo eroide, mei íaioi onóiacañena jira. Iemo afe íimana daide:

—Mai, o onoi zúitacai, —daide.

Ie jira ie onoi zuitácaide. Iemona ja ie onoi ñuera. ⁶ Afe mei fariséuai, naa Herodes imaci diga jino jaillano, Jesús fallífue raire mamédiaioi.

Aillo nairai jorai fuédamo gairídiaioi

⁷ Jesús ie llófuegamaci diga, jorai fuédamo jaide. Iemo aillo nairai Galilea imaci, íedo jáidiaioi. ⁸ Mei áillue ráfuena, afémie finócafuaiaina, fidíllano

aillo Judea énie imaci bite, Jerusalen imaci diga. Daje izói Idumea énie imaci bite; Jordán imani ruicáfelle imaci bite; Tiro, Sidón diga áinori itímaci bite. Nana dáanomo bitíaioi; Jesús eróiza-ibitiaioi. ⁹ Ie jira Jesús ie llófuegamaci ocuide nocáe atíllena, aillo nairai iere rillire íemo íneillena. ¹⁰ Mei iere aillo nairai jíllotate. Iemona nana jiáie iráredino rillire afémie gairídiaioi, ie jetánollena. ¹¹ Iemo afénomo itínomona dáarie fieni jóriairediaioi. Afémiena cíóillanona, afémie uíécomo ana dújudiaioi. Dújuillano caillíoicaidiaioi:

—O Juzíñamui Jitódio, —daide.

¹² Mei íadi Jesús fiénide joriaina izire rairuide; daide:

—Juzíñamui Jitona cue íllana daíñeno iri, —daide.

Jesús doce dígamie nizede, oni íaioi óriano afémaci ie ñúefue llujállena

(Mt 10.1-4; Lc 6.12-16)

¹³ Ie mei Jesús ídumo caífo jaide. Dinomo jaillano Jesús comeci óiacagamie dígamie nizede. Afémie bitíaioi. ¹⁴ Doce dígamie Jesús níziano ote. Afémaci ie oréllimacina Jesús mamede. Ua íaioina ote ie abimo íllena, ie uai llóitina jaíllena. ¹⁵ Dáanomo rínona igáiaioi iráredino jíllotállena, íemo jiái fiénide joríaí jino oréllena.

¹⁶ Afe nízecamaci doce dígamie. Afémaci mámeciai: Simón, nímie mo Jesús jiáie mámecina jitaca, Pedro; ¹⁷ ie mei Zebedeo jitó íaillinoi Santiago ie ama Juan diga. Afe íaillinoimo Jesús jiáie mámecei jíttade, Boanerges. Afe mámecei daina: Iocimie íaillinoi. ¹⁸ Ie emódomo jiáie nízecamaci mámeciai: Andrés, Felipe, Bartolomé, Mateo, Tomás, Alfeo jitó Jacobo, Tadeo, íemo Iere Járidotimacimo jaináidimie Simón, ¹⁹ ie mei Judas Iscariote. Afémie méifodo Jesús ie éoidinomo fécaitimie.

**Fiénide jóríai ríino Jesumo
ite táinona daiífirediaioi**

(Mt 12.22-32; Lc 11.14-23; 12.10)

Afe méifomo Jesús ie llófuegamaci diga jofomo jofa jaide. ²⁰Nane dáanomo aillo nairai gairízitiaioi. Iemona Cristo ie nizécano diga ja guínidiaioi. ²¹Afe-fue fidíllano ie onoiga nabáñiaí bitiaioi ie oni uflena, mei afémie uáritaide daidíai.

²²Daje llezica Jerusalémona bite ocúcafue llófueraini, bie izói íeri úritiaioi; daidíai:

—Bímie Beelzebumo jaináidimie. Afe Beelzebú fiénide jóríai illaima, (jiáici ie mámece Taife). Afe Beelzebú ríinodo fiénide jóríai afémie jino jiude, — daidíai.

²³Ie jira Jesús íaioi jíirite. Jírilla mei, onoiga ráfuaí íaioimo llote:

—¿Nie izói afe Taifedo Taife jiúrede? ¡Jiúnide! ²⁴Daa nairai énenorie jiáiziena oni bójicaillano are íneitiaioi, mei nágazie conima diga fuirífrediaioiza. ²⁵Daje izói eneno dani jofóredino íaioi bójicaíadi, are íneitiaioi. ²⁶Mei jira Taife dama ie diga fuiríadi, íemona dama ie bójicaíadi, afémie are íneite. Ua áfedo fúbicaite.

²⁷‘Máirimie jofomo, buna jofa jáinide, ie ráaie bairóllena. Dama afémie máia méifomo jofa jaillano bairórega.

²⁸‘Uáfúena ómoimo lloticue. Comini fiénidífuiaí nana dórede, daje izói nana íaioi fue borefue diga dórede. ²⁹Mei íadi Juzíñamui Ñuera Joréñomo fieni úritimie ie fiénidífuiaí jaca ua oni dónide. Dama ie ícoínia jaca íemo jíite, —daide.

³⁰Daií daide, mei afémie fiénidena jóríairede daidíai.

**Jesús ei ie ámatiai diga
Jesuna uáiduaibitiaioi**

(Mt 12.46-50; Lc 8.19-21)

³¹Iemo Jesús ei ie ámatiai diga dúcidi-ai, mei íadi jino fiébidiaioi. Dinómona jofa gairídinona daidíai:

—Mai ie jíirizai, —daidíai. ³²Jesús abido ráiiedino íena daidíai:

—O ei, o ámatiai diga jino ite. O jénu-ai bitiaioi, —daidíai.

³³Mei afémie daide:

—¿Buoi cue eina? ¿Buoi cue ámatiaina? —daide. ³⁴Afe mei ie abido ráiiedinomo eróllano daide:

—Be mei cue éitiai. Be mei cue ámatiai. ³⁵Mei Juzíñamui ocúcafúena jeire otónona bie cue ama, bie cue miringo, bie cue ei, —daide.

Ríjiraíma ie ifue

(Mt 13.1-9; Lc 8.4-8)

4 Meine dáanomo jorai fuédamo Jesús llófuete. Ie illánomo aillo nairai gairídiaioi. Jamánomo aillo comini illa jira, Jesús jóraimo ite nocaemo ráiizaide. Nana comini guamáemo fiébicaidiaioi. ²Iemo diga ráfuaí íaioimo llófuete. Ua íaioi onóigafuíaído llote. Ie llogáuai daide:

³—Bíemo cácarei: Ríjiraíma ríjizaide.

⁴Ricana jailla llezica dáarie rillájiaí iodo cocide. Iemo ófocuizai áfena guízáibitiaioi. ⁵Jiáie rillájiaí nofciaímo énie íñé-nanomo cocide. Afe rigájiaí raíre zocade, mei afe énie figo íñédeza. ⁶Mei íadi jitoma billa llezica uzídiaioi. Jáinao íñénamona dúidiaioi. ⁷Jiáie rillájiaí éegiaí cígimo cocide. Afe éegiaí zoca anamo itábicaidiaioi. Meita jaca llizíñediaioi. ⁸Mei íadi jiáie rillájiaí ñuera éniemo baíide. Zocádiaioi; ie mei ñue comúidiaioi. Mei ñue llizídiaioi. Dají rígamona zocano aillo llizide; jiájiaí afe baímo llizide; jiájiaí ie baímo ua aillo jamánomo llizide.

⁹Ie mei íaioina daide:

—Omoimona cacáacadino cacai, — daide.

**Afémie nibai íaioi onóigafuiai
cígido llófuefirede**

(Mt 13.10-17; Lc 8.9-10)

¹⁰Afe mei Jesús dama fiébilla llezica, afémie áinori itino ie doce llófuegamaci diga íemo jicánotiaioi:

—Bie onóigafue ¿nie izói daiíacade? —daiíiaioi. ¹¹Jira íaioina daide:

—Juzíñamui ie uáfodo onónega illáimana illirui rafue ómoimo llóiacade. Afedo ja lollómoioi. Mei íadi jino ite íemo jaináinedino jaca íaioi onóigafuiaido llogáiaioi. ¹²Daí cue llófuegaiaioi, íaioi cióllano nai uina cióñedimaci izói íaioi fiébicaillena. Afe izói cácaitiaioi íadi ónoñeitiaioi. Daí llófuegaiaioi íaioi comeci ífue méidoñeillena; íemo jíái íaioi comeci fiénidifuiuai dófícaíneillena.

**Jesús afe ríjiraíma
onóigafue ja ua jino llote**

(Mt 13.18-23; Lc 8.11-15)

¹³Dáanomo Jesús jicánote:

—¿Omoi bie onóigafue onóñediomoioi? ¿Nie izói daí mei jíáiena ónoitiomoioi?

¹⁴Afe riraíma Juzíñamui ñuefue lloraíma izóidímie. ¹⁵Dáarie comini afe iodo cocide rigájiaí izóidiaioi. Afémaci afe cue llogáfue mo cacáreidiaioi. Mei íadi áfena cacáillanona, Taife íaioi comécimo lloga ráfue na raire báiruabite. ¹⁶Jiáie comini afe nofícaímo énie ínénanomo cocide rigájiaí izóidiaioi. Afe cue lloga uaina cacáillano raire caimare llínotiaioi. ¹⁷Mei íadi figo jánaonide rigájiaí izóidiaioiza, dama íanori íllado ñue itíaioi. Afe mei lloga uai ícoínia facátafuiaí bíadi, nibai duere íaioi zefuíadi, íaioi íñoñenamona íaioímo lloga uaina raire meine

abido zóofetiaioi. ¹⁸Jiáie comini afe éegiaí cígiri cocide rigájiaí izóidiaioi. Lloga uaina cacádiaioi, ¹⁹mei íadi bie éniemo ite raamo comécillano aféfuaímo iere járitaitaioi. Bínie raa íaioina jífue. Iemona jamánomo aillo ráaniaina óiacadiaioi. Nana bie jofo comeci óiacagafue íaioímo lloga uaina niné féitate. Ja mei féitagaza; ja ie comécimo llizilla izói íñede. ²⁰Mei íadi dámerie lloga uaina cacáillano áfena ñue jeire otíaioi. Afémaci ñuera éniemo cocide rigájiaí izóidiaioi. Afe izói íaioi íllamona, ñúefuiaína ñue aite izói finódiaioi. Afémacimona dáarie afe daji rígamona zocano aillo llizilla izóidiaioi. Íaioímona jíáimaci afe baimo llizilla izóidiaioi. Jíáimaci afe ie baimo aillo jamánomo llizilla izóidiaioi.

Mechera iedo cai onóigafue

(Lc 8.16-18)

²¹Jesús nai úrite; íaioina daide:

—¿Nogo anamo jóonellena mechera meita atica? ¡Atíñega! ¿Daje izói ínra-bani anamo rainállena mechera atícaza? ¡Atíñega! Naga mechera caífo jica raináfírega, ñue egáíñollena. ²²Mei ja nana báinino ite raa jino uáfodo cíocaitade. Daje izói nana jáanoga rafue ñue onóigafuena jáite. ²³Omoimona cacáacadino cácarei.

²⁴Afe emódomo íaioina daide:

—Omoi cacánafuena ñue omoi onoiri. Naga raa omoi faca izói, afe izói Juzíñamui íbana ómoimo fácaíteza. Ie mei afe baimo afémie jamánomo aillo ómoímo íite, mei ñue cacádiomoiza. ²⁵Mei íeredímie mo jíáiena ille; mei íadi íénidímie mo, íemo due ite raa meine bairolle.

**Eniemo rigaji zócajamo
mameca rafue**

²⁶Nane dáanomo daide Jesús:

—Juziñamui illáimana illirui bie izoide. Daa iima éniemo rigájiai júdaia izoide. ²⁷Rillano afémie abina íniaide. Ie mei cazide. Naio mona diga jaide. Afe llezica rigájiai zocade; zócano ñue zairide, mei íadi nie izói comuúdeza afémie onóñede. ²⁸Mei ñuera éniemo rigájiai énie zocátaga. Nano fueñe ie ina jino billa, ie mei llizíllachecoi comuide, ie mei afe llizíllachecoi íjiaina oruide. ²⁹Ja ie jeia llezica, riraíma afe llizíllajaina uájide. Mei afe jofo uáruimo ja dúcideza.

Mostaza llizíllaji iedo onoiga rafue

(Mt 13.31-32; Lc 13.18-19)

³⁰Jesús nane daide:

—Juziñamui illáimana illarui, ¿nie izoide? ¿Ñiie onóigafuedo daje izói fácaiticaí? ³¹Juziñamui illáimana illarui mostaza llizíllajiai rilla izoide. Afe íjiai nana énie llizíllajiaimona da jaca iere jéjinide. ³²Mei íadi rígamona, nana raróciai ie baimo áillo nana jaide. Ie ícairuai áarie. Iemona féedino ófocuizai ie ícairuaimo ráinazaidiaioi. Afe jánamo uái ráiiediaioi, —daí Jesús daide.

Jesús jaca onoiga ráfuiaimo mámano llófuefírede

(Mt 13.34-35)

³³Daí Jesús ie jino llóiacagafuiai aillo bie izói onóigafuiaido jóonecana uite. Iaiói onóillinomo daí llócaide. ³⁴Onóigafue llóñeniadi, afémacina llófueñede. Mei íadi Jesús ie llófuegamaci diga oni eneno dani íaiói illa llezica nana áfena jino íaioimo lloste.

Jesús jairifo naa jorai bagua diga llícaitate

(Mt 8.23-27; Lc 8.22-25)

³⁵Aferui nauídemo Jesús ie llófuegamacina daide:

—Jorai ruícafenemo mai cai jai, —daide.

³⁶Ie mei comini fíiano, Jesús uitfaioi. Afémie illácaedo jáidiaioi. Daje llezica jííacaiaido afémiedo jáidiaioi. ³⁷Iemo iere rírede jairifo náidacaide. Iemona jorai bagua nocáe eromo cocide. Uafue, nocáe jáinoína orúbicaide. ³⁸Afe llezica Jesús moífecaemo ifo jobéracadamo bícana inide. Afémie cazítajano íena daidíaioi:

—¡Llófueraima! ¿O caina ráiruiñedio? ¡Buízaidicaí! —daidíaioi.

³⁹Iemo Jesús náidacaillano jairifo lletade. Llétajano jóraina daide:

—¡Llícaí! ¡Uái ii! —daide. Iemona jairifo llícaide. Nana ñue jáfuericaide.

⁴⁰Ie mei ie llófuegamacina daide:

—¿Ñibái mei iere jacíruitiomoi? ¿Ñibai nai Juziñamuimo íinoñediomoi? —daide.

⁴¹Iadi jairifo ie llícaitari iere jacínaitiaioi. Dani conímamo úritiaioi:

—¿Bie nímie? ¡Jairifo jorai diga, afémie uaina jeire ote! —daidíaioi.

Gerasa éniemo fiénidena jóriairedimie Jesús jíllotate

(Mt 8.28-34; Lc 8.26-39)

5 Jae jorai ruicáfellemo ite Gadara éniemo dúcidiaioi. ²Jesús nocáemona jino jáidemo, raíáfuaí illánomo ífírede fiénidena jóriairedimie Jesumo bite. ³Afémie raíáfuaí illánomo ífírede. Aféruillaído afémie jaca buna llójeodo cuinánide. ⁴Diga ícaño llójeodo idai onoi diga íena cuinádiaioi, mei íadi afémie afe llójeona titada jaca jéenino titúbite. Jaca buna afémiena anáfenonide. ⁵Mona naio diga afémie afénomo macáfírede. Iduaido caillícana jaide naa raíáfuaído. Daje llezica nofícaído ie abi bofécade. ⁶Iadi Jesuna jicana ciode; cóoillano, aizícana bite. Billano Jesús anamo afémie ie caíñcído ana dújude. ⁷Jesumo riire lléjecaide:

—¿Ñibái cuemo jíricaidío? O Jesúdio; jamánomo caifoide Juziñamui Jitódío.

Juzíñamui mámecido omo jicádicue duere cue zéfuiñellena, —daide. ⁸Daíí lléjecaide, mei nano fueñe Jesús íena dáideza:

—¡Fiénide jóríai, bie ímamona oni jai! —daide. ⁹Jesús íemo jicánote:

—¿O mei búdio? —daide. Uai ote:

—Cue mámecei Aillo Dáanomo Íraícano, mei áillomacidicaiza, —daide.

¹⁰Iemo fiénide jóríai Jesumo izire jicade, afe éniemona jica íaioina oni óreíñellena. ¹¹Afe íduai áinomo aillo tóica meróníai guífiredede. ¹²Ie jira fiénide jóríai Jesumo jicade:

—Afe meróníaimo cai oreri, dinomo cai ílleza, —daidíai.

¹³Ie mei Jesús fairíote. Iemo fiénide jóríai ímamona jino meróníaimo jáidíai. Mena mil tóiníai ite. Nana afe tóiníai jorai ígodado aizida cocídíai. Iemona jóríaimo coróbaitíai.

¹⁴Ie jira meróníai úñoraimaci jacnáillano botádíai. Afe rafue íaioi jófueemo llujídiái naa jínoidimaci diga. Ie jira afe finócafueemo comini eróizaibitíai. ¹⁵Jesús illánomo dúciillano nauí fiénidena jóríairedimiena ciódíai. Mei íadi ja birui afémie ñue uái ráiide. Ja inícuirona jítáoi. Ja ñue abina onode. Nana comini jacfruitíai. ¹⁶Ie mei ciódino nauí fiénidena jóríairedimieemo finócafueena llujídiái. Daje izói meróníaimo finócafue llotíai. ¹⁷Ie mei Jesumo izire jicajidíai íaioi éniemona afémie oni jáillena.

¹⁸Jesús meine nocáe eromo jailla llezica, nauí fiénidena jóríaina ogámie Jesús diga íllena izire jicade. ¹⁹Mei íadi Jesús fairíñede. Afémiena daide:

—Mai o jofomo jai. O comínimo nana omo cue finócafue o llujíjiri. O Ocuíraímadicueza. Omo cue dúecaillafue llujíjiri, —daide Jesús.

²⁰Ie jira afémie jaillano nana Jesús afémiemo finócafue llujíjide. Uafue nana

Decápolis éniemo llujíjide. Nana comini aféfuerei fáigacaidíai.

Jairo jiza jíllotafue

(Mt 9.18-26; Lc 8.40-56)

²¹Jesús meine jorai ruícafenemo no caedo jáidemo, aillo comini Jesús illánomo gairízaibitíai. Afémie dino jorai fuédamo fiébide. ²²Iemo Juzíñamui uai llófueriraco illáinimona dámie dúcide. Afémie mámecei Jairo. Jesuna cióillano ie ídaímo bíjicaide. ²³Daje llezica izire jicade:

—Cue jiza tíiacade. O onoi cue jízamo bítaibi, ie jíllolleza, ie tíñelleza, —daide.

²⁴Iemona Jesús afémie diga jaide. Ie llezica aillo comini afémiedo rillire jáidíai. ²⁵Afémaci cígimo daa ringo iráredingona ite. Doce diga fimona díco-taite. ²⁶Aillo manórirainimona duere zé-fuide. Afe manórirainimo afengo úcube nana fuite. Iadi jaca íñoñede, mei íadi jamánomo irárede. Ua iere ana jaide. ²⁷Nauí jíaimaci Jesudo úrilla-fuena cacáillano, afe ringo óodana comini cígido Jesumo áinozide. Iemo afémie inícuero jetánuaide. ²⁸Afe uícori afengo comeci anado daide; “Ie inícuero cue jetáadi jíllotíca,” daide. ²⁹Ie mei inícuero jetaa llezica afengo die tótaja llícaide. Afe llezica ie irárena jíllua-mona afengo abi ñue cacaide. ³⁰Ie mei Jesús onóbicaide. Uafue, ie rínodo da come jíllotaga afémie raire fidide. Ie jira comini cígido jino éroicaillano jicánote:

—¿Mei bu cue inícuero jetaa? —daide. ³¹Iemo ie llófuegamaci afémiena daide:

—¿Aillo comini rillire fñuana cióñedio? ¿Nibái mei bu o inícuero jetaa jícanotio? —daidíai.

³²Mei íadi Jesús nágafene erórifide afémie inícuero jetádingona cióillena. ³³Ie mei afengo jágieri cuidírite. Aféngomo finócafueena onóillano, Jesús uíe-

como ana bñjcaizaibite. Afengo rafue nana afémiemo uáfueña jino llote. ³⁴ Jira Jesús daide:

—Eicango, o comécido ñue ínotio, jira jíllo dio. Mai jai. Jaillano uái o iri. O irárenamona ja jíllo dioza, —daide.

³⁵ Jesús nai úritemo, dáarie comini illaima Jairo jofómoma bitíai. Dúengo moomo lluáibitíai:

—O jiza ja tíide. ¿Níbái mei are llófueraima ifoci daidódio? —daidíai. ³⁶ Mei íadi Jesús íai. Uai jeire oñeno, llófuerraco illaima Jáirona daide:

—Jacíruñeno iri. Dama o comécido íñori, —daide.

³⁷ Iemo Jesús nana comini íedo jáiñelena rairuide. Dama Pedro, Santiago, ie ama Juan diga uite. ³⁸ Llófuerraco illaima jofomo dúciillano, Jesús aillo comini faillíñainana cacade; nana cáill-cailli énaillana cacade. ³⁹ Jofo jaillano Jesús daide:

—¿Níbái mei iere faillíñaidiomoi? ¿Níbái mei iere éediomoi? Afeza tíñedeza; fia inide, —daide.

⁴⁰ Iemona afémieri tadáidíai. Ie mei Jesús nana íai. Jino orede. Dama jiza moo, afengo ei, íedo bitímaci diga jofo uite. Jiza illácomo jofo jáidíai. ⁴¹ Jiza onoi llíñuano daide:

—Talita, cumi—. Aféuai dobáicana llote: “Jiza, ona daidicue, náidacai.”

⁴² Daí dáinamona afengo raire náidacaide. Náidacaillano macade; mei afengo doce diga fimona íteza. Aferi comini iere fágacaidíai. ⁴³ Mei íadi Jesús:

—Afeue bumo lloñeno iri, —daide. Daí ocuide. Afe llezica afe ringoza ecállena íai. Iemona ocuide.

Jesús Nazaremo jailla

(Mt 13.53-58; Lc 4.16-30)

6 Dinómoma Jesús ie éniemo jaide. Ie llófuegamaci íedo jáidíai. ² Ocózinai llaruimo dúciillanona

Juzíñamui uai llófuerracomu llófuiaide. Aillo comini íena cacáreidíai. Iemona íena jacíruicana fágacaidíai. Daidíai:

—¿Ninómoma bímie nana bie ráfuiai onode? ¿Mínica bie onónafue íemo ite? ¿Nie izói afémie bie aillo uaido dáinamona comuítaga raa comuítarede? ³ Mei bímie afe aménado táijiraima, ¿ero ua? Afémie María jitoza onódicai, ¿ero ua? Daje izói afémie ámatiai Santiago, José, Judas, Simón dígadeza onódicai. Iemo ie miríngotíai nai cai cígimo íllana onódicai, —daidíai.

Iemona afémaci Jesús uaina náfucañediai. ⁴ Iemo Jesús íai. Iemona daide:

—Nana jíáie comini, Juzíñamui uai jino llóraimana ñue jíeruítai. Mei íadi afe llóraima énie imaci, íezie imaci diga, figo íena jíeruínediai. Daje izói ie jofo imaci íena jíeruínediai, —daide.

⁵ Ie jira afénomo jamánomo aillo fia uaido dáinamona comuítaga ráfuiaina comuítanide. Due iráredinomo ie onoi bítanona jíllotate. ⁶ Mei íadi nabémaci íñoñenari afémie fágacaide. Ie mei Jesús áinori ite jófuedo llófuecana uite.

Jesús ie doce dígamie oni jíáinomo óriano llotátate

(Mt 10.5-15; Lc 9.1-6)

⁷ Jesús ie doce dígade llófuegamaci uáidote. Uáiduano ménamierie íai. Orede. Afe llezica Jesús afe íai. Iemona ie ríno iga, fiénide jóríai jino oréllena. ⁸ Ie llófuegamacina ocuide:

—Omoi jaille iodo ráiñuai jíáie mínica uíñeno iri. Daa omoi jíguída diga jairi. Tura uíñeno iri. Pan úcube diga uíñeno iri. ⁹ Omoi ídai ico jítda jairi. Mena caifófecuiro uíñeno iri, dama o jítaoigacuiro uiri, —daide. ¹⁰ Iemo nane íai. Iemona daide:

—Nícomo o jáiadi, dinó o fiébiri; ua afe éniemona jíáinomo o jáicana llezica dinó o fiébiri. ¹¹ Jíáicomo

omoi jáiadi, ómoina íaioi llíñoñeniadi, afénomona jairi. Daje izói o uai cacáacañenomona jairi. Jaillano, o idai icomo ite eníchoma jino íaioimo teténori, daí íaioi finócafueмо o jíeruiñenana jino llóitio. Uáfueña omoi lloticue: Uire duere finóbilliruiño dúcia llezica, ómoina llíñoñedino jamánomo duere finóbitiaioi. Mei íadi Sodoma comini Gomorra comini diga figo duere finóbiñeitiaioi, —daide.

¹² Temo ie llófuegamaci jino jáidiaioi. Jaillano comini llotiaioi:

—Mai omoi comeci ifue meídori, —daidiaioi. ¹³ Daje llezica aillo fiénide jóriai jino orédiaioi. Iráredinomo cáiredijina due jóonetiaioi; íemona jíllodiaioi.

Juan Bautista tíllafue

(Mt 14.1-12; Lc 9.7-9)

¹⁴ Illaima Herodes aféfuiaina como fídide. Mei nana comini Jesús jalléinana onódiaioiza. Dáarie daidiaioi:

—Juan Bautista tíide íadi meine abido cáadimiena jaide. Iemona bie ríno afémiemo ite, —daidiaioi.

¹⁵ Jáimaci daidiaioi:

—Bie Juzíñamui uai llóraima Elías, —daidiaioi.

Nane jáimaci daidiaioi:

—Jaiai Juzíñamui uai jino llóraini izoide bímie jíáie Juzíñamui uai llóraima, —daidiaioi.

¹⁶ Herodes áfena cacáillano daide:

—Bímie ifona cue jaitátagamie Juan. Ja birui tíllanomona meine abido caade, —daide.

¹⁷ Herodes ama Felipe; ie ofaiño Herodías, mei íadi Herodes afengo ie aina ote. Afe Herodías ícainia Herodes Juan jae llavétate. Afe llezica íena llavéracomo maitátate. ¹⁸ Mei nau Juan Heródemo llógaza:

—O ofaiño o aina ónidio; áfena rairuírede, —daide.

¹⁹ Ie jira Herodías Juamo éoicana eroide. Iena fáiacade, íadi íena fánide.

²⁰ Herodes afémie comécina jaícina ñue jóidimienana onode; iere ñuemienana onode. Ñúfuedo íena jacíruite. Ie jira afengo íena fieni finótañede. Herodes Juan llogafue nai figo onóñede, íadi caimare íemo cacáreide. ²¹ Mei íadi Herodías jíáifuemo uíbucaide. Herodes jocóinamona jíáie fimona fuilláruimo dúcide. Jira aféruído Herodes cumpleaños rafue finode. Nana ie illaini, jabóllaini, Galilea ocúraini diga afénomomo gairídiaioi, mei Herodes uáidogaiaioiza. ²² Dinomo Herodías jiza jofo jaillano zaite. Afengo záillari Herodes íóbide; daje izói nana ie diga güizáibitino íóbidaioi. Iemona illaima Herodes aféngona daide:

—O jícáacaiga raa cuemo jica. Omo ííticue, —daide.

²³ Ríírede uaido nana afengo jicalle raa ie fecállena íaioi uíécomo llote: “Nana cuemo jainaide éniemona júbene o jitailla dieze omo llóiticue,” daide.

²⁴ Afengo jaillano ie eina daide:

—¿Minica jícaíticue? —daide.

Afengo daide:

—Mai, Juan Bautista ifoci jica, —daide.

²⁵ Afe ringoza jarire illaima illánomo jofo jaide; íena daide:

—Raire plato eromo Juan Bautista ifoci jóoneta cuemo ine, —daide.

²⁶ Iemona illaima iere zúureficaide. Mei ja ríírede uaido llógaza afengo jícácana afémie jáanoiacañede. Daje llezica nana ie uáidogamací cacádiaioi. Ie jira jáanoiacañede. ²⁷ Ie jira afe llezica ie abi úiñoraíma raire llavériracomo orede, Juan ifoci atíllena. ²⁸ Afe abi úiñoraíma llavériracomo jaillano, Juan ifoci jáitano plátomo jóoneta atide. Afémie aféngomo izáibite. Iemo ie eimo afengo izájide.

²⁹ Juaado jáidino, fidíllano, ie abi uájidiaioi, ráillena.

Jesús cinco mil dígade íññiai ecade*(Mt 14.13-21; Lc 9.10-17; Jn 6.1-14)*

³⁰ Afe mei Jesús naui oni jino oré-camaci meine Jesumo gairillano, nana íaiói finócafue afémiemo llotíaiói. Afe íaiói llogafue llotíaiói. ³¹ Iemona Jesús íaióina daide:

—Mai bi, oni báinino cai ocózinaili, —daide.

Aillo comini dúcioidiaíói, jáioidiaíói; ie jira Jesús ie imaci díga, güñnidi-aíói. ³² Ie mei Jesús ie imaci díga no-caedo oni eneno tii daidínomo jáidi-aíói. ³³ Mei íadi aillo nairai íaiói jáillana ciode. Jesuna onóillano nana jófue-mona batínomo aizícana jáidiaíói. Ua-fue, Jesús ie imaci díga uícomo dúcidi-aíói. ³⁴ Jesús dúcia mei nocáemona jino jaillano aillo comínina ciode. Cióillano afémacimo dúecaide. Íaióina izíruite nibai úñnoraimanide ovéjaíai izói itíaiói. Ie jira díga ráfuiaina íaióimo llote. ³⁵ Ja nauídemo ie llófuegamaci afémiena daiízaitiaíói:

—Ja nauízaide. Afe benomo comini jofona íñede. ³⁶ Mai comini oni ore áinori itícuaimo jáíie jofue díga, dinomo íaiói güille íbajillena. Mei íaiói güillena benomo íñédeza, —daidiaíói.

³⁷ Jira Jesús uai ote:

—Mai omoi íaiói eca, —daide.

Afémiena daidiaíói:

—¿Cai meita jaillano íbáredicai, do-scientos dígabe fidi pan bimaci ecállena? —daidiaíói.

³⁸ Jira Jesús daide:

—¿Níga pan ómoimo ite? Eroizai, —daide.

Afe fidíillano daidiaíói:

—Jubécuiro díga panes ite, mena chamu díga, —daidiaíói.

³⁹ Ie jira mócorede raitíremo Jesús comini énenorie dázierie raizítate. ⁴⁰ Iemona cincuenta íemo jáíi cien dígamierie raizídaitiaíói. ⁴¹ Iemona

Jesús afe jubeba panes mena chamu díga llínote. Llínuano caífo monamo érocaillano:

—Iere figura, —daide. Daíí dainano afe pan dídade. Dítajano ie llófuegamacimo fecade. Llófuegamaci ja comínimo oni fecádiaíói. Daje izói mena chamu nana comínido fecádiaíói. ⁴² Nana comini güítiaíói. Ua ñue jeírediaíói. ⁴³ Güilla mei panes chamu díga fiébidinona doce dídagai cirigai orúttatiaíói. ⁴⁴ Afe Jesús fecaca panes güítímaci cinco mil dígamíai.

Jesús jainoi emódodo macade*(Mt 14.22-27; Jn 6.16-21)*

⁴⁵ Raire méífodo Jesús ie llófuegamaci nocaedo jorai ruícafenemo orede. Afe llezica íaióina ie uícomo Betsáidamo orede. Dínomo íaiói jailla. Daíí ñeta llezica mei Jesús nana comini díga rainode. ⁴⁶ Íaiói ráinua méífodo Jesús idu emódodo Juzíñamuimo úrizaide. ⁴⁷ Ja naiomo nocáe jorai cígimo ite. Jesús dama éniemo fiébicaide. ⁴⁸ Jesús íaiói taino jáiana ciode. Taino jaitíaiói, mei jairifo meine íaiói fúuoideza. Iemo ja monáizaidemo Jesús íaióimo áinozide. Jainoi emódodo macade. Ainozide, íadi jicado fíiaide izói macade. ⁴⁹ Ie jainoi emódodo mácajana íaiói cióillano comeceí jacíruioicana facádiaíói: “¡Níbai janaba!” daidiaíói. Jira caillíoidiaíói. ⁵⁰ Nana áfena cióillano iere jacínaitiaíói. Mei íadi Jesús raire íaióimo úrite; daide:

—¡Abi omoi mame! ¡Cueza! ¡Jacíruíñeno omoi iri! —daide.

⁵¹ Íaióimo itícaemo jofo jaide. Jofo jáidemo jairifo llíicaide. Iemo jacíruioicana áferi iere fáigacaidiaíói. ⁵² Ua afe daíí fáigacaidiaíói, mei afe duera pan fia uáimona jamánomo aillo comútatena comécido onóñediaíoi; íaiói comeceí nai ríirena jira.

Genesaret éniemo ite iráredino Jesús jíllotate

(Mt 14.34-36)

⁵³ Jorai ruicáfellemo jáitanona Genesaret éniemo dúcidiaioi. Zíjiillano nocáe ari cuinádiaioi. ⁵⁴ Nocáemona jino jailla llezica, aféno mo ite comini raire Jesuna onódiaioi. ⁵⁵ Iemona afémaci nana afe éniemo raire aizícana llujídiaioi. Iemona Jesús illánona fidíllano, afe díno mo iráredimaci duera ínfrabanido atídiaioi. ⁵⁶ Nágagobiaido ie jáiacana izói afe jofue cigimo ite ocózinairanomo iráredino jónefirediaioi. Aillue jofue diné ie jáiadi, dúera jofue diné ie jáiadi, fia jofo inénallegoide ie jáiadi, daje izói iráredino iomo jónetiaioi. Afe llezica Jesús ínucuro fueda íaioi jetánollena daa bie dáarie izire íemo jícadiaioi. Nana áfena jetánotino jíllobicaidiaioi.

¿Minica caina iaire finode?

(Mt 15.1-20)

7 Iemo fariséuai Jesumo áinozidiaioi, dáarie ocuífue llófueraini díga. Afe llófueraini Jerusalémona bitíaioi. ² Nana bimaci Jesús llófuegamacimona dámierie ciódiaioi. Afe llófuegamaci onoi jocóneno güitíaioi, fariséuai afémacina daí daide, mei bimaci onoi jócua ocuica níciduafuemo dúcitáinediaioiza. Afe ícoinia íaioi jánana úritiaioi. ³ Daí daidíaioi mei fariséuai nana judíuai díga íaioi jáiáigima uai nai úcadiaioiza. Aféfuai daide, comini nai bie izói íaioi onoi díga icaño jócoñenia güinidiaioi. ⁴ Daje izói güille fecáracomona meine billano, onoi jócua ocuica níciduafue nai fuitáñenia güinidiaioi. Nai aillo ite afémaci jíáie úcaigafuiai. Uafue, íaioi jíroracuai díga icaño jócófirediaioi. Daje izói íaioi ícruai, cadéruai, jamánomo díga ícaño jócódiaioi íaioi ínfrabanillai díga. ⁵ Iemona

fariséuai, ocuífue llófueraini díga Jesumo jícanotiaioi:

—¿Níbái mei o llófuegamaci cai jáiáigima daináfuiái úcañediaioi? Daí onoi íárededo güitíaioi, —daidíaioi.

⁶ Jesús uai ote:

—Juzíñamui uai lloraima Isaías ñue lloste. Nana omoi abina ñuemaci, íadi comécina íárediomoi. Ie cuia llezica ómoimo lloste:

Bie comini fuedo ñúefue cuemo jítdiaioi.

Mei íadi íaioi comeci cuemo jáináñede.

⁷ Cue ñúefuedo úrilla cuemo gairífirediaioi, mei íadi íaioi úrillafue ráifñede.

Íaioi llófuega Juzíñamui daináuai, fia jámai comini ocuífufuiai.

Juzíñamui uáñede, daí íaioi daina íadi, daide.

⁸ Mei Juzíñamui ocuífue féitatomoi, fia comini daináfuiái jeire omoi óllena. Aféfuai daide: ícruai jocóllena, jíroracuai jocóllena, aillo jíáie afe izóidifuiái omoi finóllena.

⁹ Iemo afe emódomo bie izói zanoda íaioina daide:

—Juzíñamui ocuífucuai iere ebire oni eneno omoi fáicanocaiga, dani omoi daináfuiái úcaillena. ¹⁰ Mei Moisés daide: “Ñue jacíruoicana o moo canori, o ei díga. Ie ei ie moo díga fiénina úritimie uáfueña titáredeza,” daide.

¹¹ Mei íadi jíáifodo daidíomoi:

—Dámie ie moo íaillinona bie daírede, “Ona canónidicue, mei nana cuemo ite ráaie jae ‘Corbán’ itífaioiza”. (Afe uai dobáicana daina Juzíñamui íena mamécaza.) ¹² Damie daí daíadi, ja mei ie ei ie moo díga canónide náfuetiomoi. ¹³ Afe ícoinia Juzíñamui ocuica uaina jámairuitiomoi. Uafue, comini llocana jaide llogafue ínota ñúefueña jámairuitiomoi. Aillo afe izóidifuiái finófirediomoi.

¹⁴ Nane dáanomo Jesús comini jírite; jírrillano íaioina daide:

—Nana omoi cácarei, comeci onoiri.

¹⁵ Nana güüllemo comécina íáirenafue íñede. Mei íadi comécimona jino bitifue come comeci íáiretate. ¹⁶ Omoimona cacáreiacadino cacai, —daide.

¹⁷ Jesús comini fíiano jofomo jaide. Dinomo ie llófuegamaci afe onóigafuedo íemo jícanotiaioi.

¹⁸⁻¹⁹ Iemo íaioina daide:

—¿Daíí jaca óñoñeitiomoi? Nana jinona güüga raa comécimo jáíñede. Jébegimo jaide. Ie jira cómena íáiruitañede. Jébegimo jailla mei, abímona oni dotácaza. ¿Aféfuena fidíñediomoi?

Afedo Jesús daiíacade nana güülle ñuera. ²⁰ Nane daide:

—Íima comécimona jino bitifue dama afémiena íáiruitade. ²¹ Mei afémie erómona, ua ie comécimona jino fieni uibíllafue bite; íemo jiruírenafue bite, naa jíáie jiruífuiái diga; íemo jíáima méiniafue bite, ²² meríllafue diga; íemo jíáima raa bairóacanafue bite, jíáie fíénidífuiái diga; ie mei jíáima jífuiáfue bite, nana íáiredífuiái diga. Iemo úradoíllafue bite, naa táinona úrillafue diga. Iemo táinona abí ínuafue bite, naa abina onóñenafue diga. ²³ Nana bie figóñedífuiái come erómona bite; billano cómena íaire finode.

Jíáizie ingo Jesumo íinote

(Mt 15.21-28)

²⁴ Dinómona Jesús Tiro éniemo jaide, Sidón énie diga. Daa jofomo jaide. Buna óñoñeillaena báinino jaide. Mei íadi afémie retáirinide. ²⁵ Iemo fíénidena jóriairedingo ei, ie íllana raire fidíde. Billano Jesús anamo dújude. ²⁶ Afengo judío ingóñede; jíáizie ingo. Afengo énie mámecei Sirofenicia. Afengo jízamo ite fíénide jóriai óllena Jesumo jícade. ²⁷ Mei íadi Jesús daide:

—Juzíñamui úruiai raire nano fueñe güülleza. Juzíñamui úruiai güille baíroda tóica jíco izoide comínimo ígadenia figóñede.

²⁸ Afengo uai ote:

—Uafue Ocuíraima; mei íadi úruiai güüllamona, ana cocdíjiai, güirábani anamo ite jícótiruai güífirediaioi, —daide.

²⁹ Ie mei Jesús daide:

—Ua llotio. Iemona ja jáiredio, o jízamo ite fíénide jóriai jae oni jáideza, —daide.

³⁰ Afengo jofomo dúcina llezica, iníramo bíde jízana ciode. Fíénide jóriai ja ua aféngomona ñue oni jaide.

Jefona cacáíñede gogódimie Jesús jíllotate

³¹ Nano íanori íllano Jesús ja Tiro éniemona billano, Sidón énie dibénedo jaide. Afe mei Decápolis éniemo ite jófuiái dínedo jaide. Aféniedo jaillano, meine abido Galilea jóraimo dúcide.

³² Afénomo jefona cacáíñede uaina jino figo baííñedimie Jesumo atídiaioi. Iemo izire jícádiaioi Jesús afémiemo onoi bitállena. ³³ Ie jira Jesús náiraimona oni báinino íena uite. Dinomo Jesús dama ie onocai jefona cacáíñedimie jefomo dutade. Ie mei Jesús dama ie onócaimo tuánvano afe úriñedimie iife jetánote. ³⁴ Afe mei Jesús monamo érocaillanona comeci zúurenamona zegóricade. Zegóricailano íena daide:

—¡Efata! —daide. Afe uai jino dobáiñvano daina: túijicai.

³⁵ Afe llezica jefona cacáíñedimie jefo túijicaide; ie iife ñue jíllode. Iemona afémie ja ñue úrite. ³⁶ Iemona Jesús íaioina rairuide:

—Jíáímacimo lloñeno iri, —daide. Jesús afe daíí dígcacíño íaioina rairuide. Mei íadi Jesús iere rairuide íadi, áfena náfuéñeno aféfuena baímo jino llócaidi-

aioi. ³⁷ Iemo nana comini iere jamánomo fáigacaidiaioi. Daidíaioi:

—Nana ñue finode. Afémie jefona cacáñedimie cacáitate; uaina jino figo baiñnedimiena ñue úritade, —daidíaioi.

Jesús cuatro mil diga comini ecade

(Mt 15.32-39)

8 Aféruillaido aillo comini meine dáanomo gairídiaioi. Iaioi güille ñede. Ie jira Jesús ie llófuegamaci jíirita, íaioina daide:

²—Bie náirairi dúecaidicue. Ja daruíamani benó cue diga itíaioi. Iaioi güille jae ñede. ³Güñeno íaioi jofomo orédicuenia, iodo báicana jáitíaioi. Dáarie jicana bitíaiioiza, —daide Jesús.

⁴Ie llófuegamaci uai otíaioi:

—Benó bu ñénanoza ¿minícana íaioi ecáredicai?

⁵Jesús íaioi jicánote:

—¿Niga panes ómoimo ite? —daide.

Jira afémaci daidíaioi:

—Siete panes caimo ite, —daidíaioi.

⁶Ie jira nana comini ana éniemo ráiitate. Iemo Jesús afe siete panes llánuano, Juzíñamuina “Figora” daide. Daina mei, afe panes ditade. Daíí ñeta, ie llófuegamacimo ite. Afe mei llófuegamaci comínido oni fecádiaioi. ⁷Afémacimo due jiza chamu ite. Jesús Juzíñamuina “Figora” dainano afe chamu fecátate. ⁸Nana güitíaioi. Iemona ñue jeñrediaioi. Ie mei güillamona fiébidino siete diga cirigai iráidiaioi. ⁹Afe güitino cuatro milmo ánoziacade. Afe mei Jesús nana íaioi rainode. ¹⁰Ráinua mei afémie raire ie llófuegamaci diga nocaemo jofo jaide. Iemo Dalmanuta éniemo jaide.

Fariséuai uai dáinamona comuide onótate raa jicádiaioi

(Mt 16.1-4; Lc 12.54-56)

¹¹Iemona fariséuai Jesumo júfidu-aióitíaioi. Ie facátaiacadiaioi. Iemona: “Monámoma uaido comuide onótate raa

caimo ácatari,” daidíaioi. ¹²Iemo Jesús comeci zúurenamona izire zegóricailano daide:

—¿Nibái mei bie nairai uáimona comuide onótate raa jicádiaioi? Uáfuenta ómoimo lloticue, jaca onótate raana bu ómoimo finoñeite, —daide.

¹³Jira Jesús íaioi fñiano meine nocaemo jaide. Iemo jorai enéfenemo jaide.

Fariséuaimo ite pan aillo fáitate raa izóidifuedo Jesús llote

(Mt 16.5-12)

¹⁴Jesús ie llófuegamaci diga íaioi jailla llezica, íaioi ráiñuai féitátiaioi. Dinó nocaemo fia daa pan íaioi ite.

¹⁵Iemo Jesús íaioi ocuide:

—Omoi cacai. Fariséuaimo ite pan aillo fáitate raa izóidifuemona abí omoi rairuiri. Daje izói Heródesmo ite pan fáitate raa izóidifuemona abi omoi rairuiri, —daide.

¹⁶Iemo llófuegamaci dani conímamo llotíaioi:

—Nibái cai pan ñena jírari, Jesús caina daíí riire daide, —daidíaioi.

¹⁷Jesús dani íaioi úrillana onóillano daide:

—¿Nibái mei, “caimo pan ñede” dani jofo conímamo daiífirediomoi? ¿Nai fidíñediomoi? ¿Nai omoi comécimo déíñede? ¿Omoi comeci nai iere riírede? ¹⁸¿Omoi údo ciónediomoi? ¿Omoi jefodo cacáñediomoi? ¿Nai cue finócafuena onóñediomoi? ¹⁹Nauí cinco mil íñiaí dígamiedemo afe cinco panes cue fecácamo, ¿niga cirigai fiébidinona iráidiomoi? —daide.

Iemo daidíaioi:

—Doce dígagai cirigai, —daidíaioi.

²⁰Jesús nane daide:

—Daje izói cuatro mil íñiaí dígamiedemo afe siete panes cue fecácamo, ¿niga oruide cirigai iráidiomoi? —daide.

Iemo daidíaioi:

—Siete díagagai cirigai, —daidíaioi.

²¹ Iemo íaioina daide:

—¿Nai omoi comécimo jaca déiñede?
—daide.

Betsaida jófuemo ite uina cióñedimie Jesús jíllotate

²² Ja Betsaida jófuemo dúcidiaioi. Iemo uina ciónedimie Jesumo comini atídiaioi. Iena jetánollena izire jicádíaioi. ²³ Uina ciónedimie ónoído llíinota, jofue jinomo Jesús ie uite. Iemo fue fáicido ie uimo bitade. Afe llezica afémiemo onoi bitade. Afe mei íemo jíacánote:

—¿Ja baca o ui cioide? —daide.

²⁴ Jira uina ciónedimie érocaillano daide:

—Jii, comini mácana ciódicue, mei íadi uáfodo íaioina ciónedícue. Afémaci aménaiai izói cióidiaioi, —daide.

²⁵ Ie jira Jesús nane dáanomo ie uimo ie onoi jóonete. Afe mei afémie riire eroide. Iemo ie ui ja jíllode; ja afémie naga raana uáfodo ñue ciode. ²⁶ Ie mei Jesús ie jofomo ie orede. Iena daide:

—Jófuemo jáiñeno iri. Afénomo ite comínimo, buna lloñeno iri, —daide.

Pedro Jesús Crístona maméinafue jino ñue lloste

(Mt 16.13-20; Lc 9.18-21)

²⁷ Afe mei Jesús ie llófuegamaci diga, Cesarea Filipo éniemo jaide. Afénomo ite jéenide jófuijai dinedo jáidiaioi. Afe iodo íaioi jáillanomo, Jesús ie llófuegamacimo jíacánote:

—Comini cuena ¿nie izói daidíaioi? —daide.

²⁸ Afémaci uai otíaioi:

—Dáamierie Juan Bautístadio daide. Jíáimíiai Elíasdio daidíaioi. Ie jíáimíiai jíáie uai lloráimadio daidíaioi, —daí uai otíaioi.

²⁹ Iemo íaioina jíacánote:

—Omoimona, ¿cuena bu daidíomoi?
—daide.

Ie jira Pedro íena daide:

—O Crístodio, —daide.

³⁰ Iemo Jesús íaioina ocuide, aféfuena bummo llóñeillena.

Jesús ie tíllifue fidítate

(Mt 16.21-28; Lc 9.22-27)

³¹ Iemo Jesús dama ie duere finóllifue como fueñe íaiomo llote. Lluano daide:

—Nanoide hima Jitódicueza íadi iere duere zefuítallicue. Eicomini cuena ruiifruítiaioi. Daje izói lletáiraini illaini, ocuífafue llófueraini diga cuena ruiifruítiaioi. Omoina daidicue, afémaci cuena méneítiaioi. Mei íadi daruíamani íllamona tíllanomona meine abido caifo náidacaiticue. ³² Afefue íaiomo ñue jino llote. Ie jira Pedro eneno oni Jesuna uite. Uillano Pedro Jesús íena lletade. ³³ Mei íadi Jesús meine gírecaillano ie llófuegamacimo eroide. Jesús Pedro llétano daide:

—¿Mai cúemona oni jai! Satanás izóidimiedioza. O comeci Juziñamui mamécana ónoñede. Dama bie éniemo dúidino úrilla izói úritio, —daide.

³⁴ Dáanomo nane Jesús ie llófuegamaci jíirite, nana jíáie comini diga. íaioina daide:

—Cuedo jáiacadimie mai dama ie comeci jítaina féitari. Féitano cuedo biri. Daí cuedo bíllamona nibai afémie tíadi afemo comeci fáinide; cuedo bírede. ³⁵ Jaca ninomo íllena, dama ie abi rairuíacadimie dinó jaca raire llícaite. Mei íadi cue ícoinia abi rairuíacañedimie meine jíllano llícaíñeite; daje izói, cue lloga ñúefue ícoinia abi rairuíacañedimie ziiñona íite. ³⁶ Mei jíáifodo nana éniemo ite raa cai óiadi, mei íadi afe llezica cai ziiñona íllifue niné féiadi, ¿nieze canócacai? ¡Canóñegacai! ³⁷ ¿Nieve íbárede da come ie ziiñona íllafue

abido óllena? Ibánide. ³⁸Mei jii, dáamie cuena meáiruiadi, abido afémiena meáruiticue. Daje izói bie minícana fiñoñede fiénidimaci uícomo cue lloga uaina meáruitimie, fena meáruiticue. Mei Nanoide Hima Jitódicueza. Uire cue Moo aillo ñue máiriedo bíiticue. Nana ie ñuera abi imaci diga bíiticue. Aféruimo bie éniemo ite cuena meáruitinona, daje izói íaioina meáruiticue.

9 Nane Jesús íaioina daide: —Uáfueña ómoimo lloticue. Benomo itímacimona dáarie nai íaioi tññenia Juzíñamui aillo ie rínodo ie illáimana íllana cóitíaoi, —daide.

Jesús abi jíáifodo méidoficaide

(Mt 17.1-13; Lc 9.28-36)

²Seis dígarui íllamona, Jesús Pedro, Santiago, Juan diga uite. Dani dígamie eneno caifónedumo afémie uite. Ja dinomo íaioi eróicana afémie abi jíáifodo méidoficaide. ³Ie inícuero quénicuirona jaide, ua iere úzerede jaiillici izói. Bie éniemo finódino iníroina afe izói úzeretanidiaioi. ⁴Afe llezica Elías, Moisés diga Jesumo úrillana ciódiaioi. ⁵Jira Pedro Jesuna daide:

—Llófueraima, nii cai benomo ñue illa. Daámani jofóchupi ómoiena cai finolli, daa óchupi, jíáie Moisés ichupi, jíáie Elías ichupi, —daide.

⁶Afe dáanomo ie llófuegamaci iere jacnaifcaidiaioi; jacnaillano Pedro nie izói dáinana onóñenano daí daide. ⁷Afe llezica íaioimo mona uíllie ana bite. Billano afémacina ferínote. Afe mona uílliemona daa uaina cacádiaioi. Llote:

—Bie cue izíruiga Jitó. Afémiemo cácarei, —daide.

⁸Afe llezica, nágafene erórioidiaioi íadi íaioi diga buna cióñena, dama Jesús.

⁹Idumona ana bitíaoimo Jesús afe íaioimo ciónafue jíáimacimo llúana rairuide. Íaioina daide:

—Nanoide Hima Jitódicue. Uire cue tññinomona meine abido cáadimiena cue illíruimo afe omoi ciónafuena llóre-itiomoi, —daide. ¹⁰Ie jira aféfuemo dani coméciidiaioi. Mei íadi afémie tññinomona abido cáadimiena illífuena jíacánofirediaioi:

—¿Minícana íite? —conímana dani daidíaioi.

¹¹Ie mei Jesumo jíacánotiaioi:

—¿Nibái mei uicúcafue llófueraíni daífirediaioi, caina illáimate Mesías dainámie uícodo Elías raire biite? — jíacánotiaioi.

¹²Afémie uai ote:

—Iere uafue Elías raire cue uícodo bite. Ua billano nana meine ñue jaícina fñuaibite. Iemo, mei Nanoide Hima Jitódicueza, cue billáfuedo ¿nie izói Juzíñamui Cuegáuai daide? Aféuai bie izói daide: “duere zéfuiticue” daide. Daje izói “comini cuena jámairuitiaioi” daide. ¹³Mei íadi ómoína daidicue, Elías ja bite. Dani afémaci óiacana izói afémiemo finódiaioi. Mei Cuegáuai uícomo daina izói, afe izói ja afémiemo zuíde, —daide.

Jesús fiénidena jóriairede dúemie jíllotate

(Mt 17.14-21; Lc 9.37-43)

¹⁴Ie mei ja jíáie llófuegamaci illánomo Jesús daámani caifónedumo uigámaci diga meine bitíaoi. Billano aillo comini íaioimo gairíllana ciódiaioi. Ocuica uai llófueraíni dáanomo ite. Afe llezica afémaci Jesús llófuegamacimo júfidotiaioi. ¹⁵Ie mei Jesuna cióillano iere fáigacaidiaioi. Afémiemo aizícana uáiduidiaioi. ¹⁶Ie jira Jesús ie llófuegamacimo jíacánote:

—¿Mínica afe ocuica uai llófueraíni júfidotiomoi? —daide.

¹⁷Afénoimo itímacimona daa uai ote:

—Llófueraíma, benó omo cue jíto atídicue. Fiéñide jóriai afémie uáinino

finode. ¹⁸Náganomo ie jáiadi afe jóriai ie uánona ana dotáfirede. Ja dinomo fuedo mulléfirede; afe llezica ízie mutúricaide. Iemona ie abi iere naillílicaide. O llófuegamacimo fiénide jóriai jino óllena jicádicue, íadi afémaci ónidiaioi, —daide.

¹⁹Jira Jesús uai ote:

—¡Aiii, Juzíñamuimo finoñedimaci! ¿Nie dinó ómoiri íitícue? ¿Nie dinó ómoina mozioitícue? Bené dúemie ati, —daide.

²⁰Jira atídiaoioi. Afe jóriai Jesuna cióillano, afe dúemie abi meine cuidítate. Cúidiamona afémie éniemo baiide. Dinomo jabíoicaide. Fuedo mulléoiide.

²¹Jira Jesús ie moomo jicánote:

—¿Ja nié dino daí ite? —daide.

Jira moo daide:

—Jaca ie dúenamona. ²²Diga ícaíño fiénide jóriai afémie iraimo dotáfirede. Daje izói illemo dotade ie titállena. Minícana cairi o finórenia, mai cairi fino. Cairi dúecairi. Cai cano, —daide.

²³Jesús íena daide:

—¿Níbái mei “O finóreniadi cai cano” cuena daidio? Daí daíñeno iri, mei Juzíñamuimo finotimiemo naga raa finóredeza, —daide.

²⁴Ie jira afe úrue moo caillíoicaide:

—¡Hnotícue! Cue cano jamánomo cue finolleza, —daide.

²⁵Jesús aillo comini ofllana cióillano, fiénide jóriai riire lletade. Daide:

—Uáinitade jóriai, cacáitañede jóriai, o jino jáillena ja ocuádicueza, ¡jai! ¡Bie úrue fáinocai! Meine abido íena oñeno iri, —daide. ²⁶Iemona jóriai caillide; cáilliano dúemie meine nane riire cuidítate. Cuidítajano oni jaide, íadi afe dúemiena tíide izói finode. Jira aillo comini:

—Ja tíide, —daidíaoioi. ²⁷Mei íadi Jesús ónoido llínota caifo dúemiena naidánete. Iemona afémie ñue jílloda naidacaide.

²⁸Ie mei Jesús daa jofomo jofo jaide. Afe mei ie llófuegamaci eneno íemo jicánotiaoioi:

—¿Níbái mei fiénide jóriaina ónidicai? —daidíaoioi.

²⁹Jira Jesús daide:

—Bie izói jóriai dama Juzíñamuimo úrillado, íemo fímairrillado jino orérede, —daide.

Jesús ie tíillifue meine fidítate

(Mt 17.22-23; Lc 9.43-45)

³⁰Afénomona íaoioi jaillano Galilea éniado jáidiaioi. Jesús báinino jáiacade bu ónoñellena. ³¹Mei aféruillado Jesús ie llófuegamacimo llófullofuedeza. Afémiemo zúillifue íaioimo llote. Lluano íaioina daide:

—Nanoide fíma Jitódicueza íadi uire náiraímo izájillicueza, cue íaoioi fállena. Mei íadi daruíamani cue tíillanomona meine abido cáadimiena íitícue, —daide. ³²Mei íadi afémaci ie dáinana onóñediaioi. Daje izói íemo jicánuana jacíruitiaoioi.

¿Bu iere jamánomo áillomiena?

(Mt 18.1-5; Lc 9.46-48)

³³Iemo afémaci Capernaumo dúcidiaoioi. Jofomo íaoioi illa llezica, Jesús íaioimo jicánote:

—¿Minícafue iomo júfidotiomoi? —daide.

³⁴Mei íadi jaca uaina oñediaioi. Mei jae iodo júfidotiaoioi, ¿bu cáimona jamánomo áillomiena illa? ³⁵Ie jira Jesús ana ráinaillano, ie doce diga llófuegamaci jíirite; daide:

—Dámie raire uíecodo áillomiena jáiacaniadi, nano fueñe iere jamáimiena írede; daje izói nana comini canóramana írede, —daide.

³⁶Iemona Jesús daa úrue llínuano íaoioi cígimo jóonete. Ie mei ie ónoido íena llirínuano comínina daide:

³⁷—Bie úrue cue mámecido llínotimie dájena cuena llínote. Daje izói cuena llínotimie dama cue llínoñede, mei íadi cue orédimiena cue abido llínote, —daide.

Caina éoñedimie cai dibénemo ite

(Mt 10.42; Lc 9.49-50)

³⁸Iemo Juan Jesuna daide:

—Llófueraima, dámie ciódicai o mámecido fiénide jóriai jino orede. Mei íadi caido jáiñena jira íena rairuídicai.

³⁹Mei Jesús daide:

—Rairuíñeno iri. Mei daí cue mámecido ciórainina raa finódimie ñuémie. Daí finódimie afe fñua méifomo raire cuedo fieni úrinide.

⁴⁰Mei caina éoñedimie ua cai dibéfodo itímie. ⁴¹Jiáie come cue mámecido omoi jirótaadi, mei Crístomo omoi jainaina jira, afe jirótatimie uáfuenta ie jirídolle raa llínoite, —daide.

Fiénidifuelmo baiñena iere jacírede

(Mt 18.6-9; Lc 17.1-2)

⁴²Jiáie come, bie cuena ínote dúemie fiénidifuelmo baiñtaiadi, afe come fiénide. Baiñtatimie mona figura, cimoimo áillue noñcina cúinano monáillaimo dotárede. ⁴³Dama o onoi fiénidifuelmo o baiñtaiadi, afe o jaitari. Júbezi onoi diga ziiño ñue illafue Juzíñamuimona o maiñóadi, iere ñuera. Mei nágafezi onoi íadi “comini duere finolle iraimo” o dotábicaadi, iere figóñede. Afénomo ite irai dúitanide. ⁴⁴Afénomo ite aigíroiai tíñediaioi; afe aigíroi, afeno itímacina ziiñona duere fñoitiaioi. Afe irai jaca dúíñede. ⁴⁵Daje izói o idai fiénidifuelmo o baiñtaiadi, áfena jaita. Júbene ídainide o illa llezica ziiño ñue illafue Juzíñamuimona o maiñóadi, jamánomo ñuera. Mei jiáifodo iraimo o dotábicaadi ñue mena ídairedimie o íadi, iere figóñede. Afénomo ite irai

dúitanide. ⁴⁶Afénomo ite aigíroiai tíñediaioi; afe aigíroi, afeno itímacina ziiñona duere fñoitiaioi. Afe irai jaca dúíñeiteza. ⁴⁷Daje izói o uiji ona íaidaitaiadi, mai afeji cuerónori. Ua júbene ffidimie Juzíñamui illáimana illánomo o jáiadi, jamánomo ñuera. Mei íadi nágaillinoi ujíredimie o illa llezica, iraimo o dotábicaadi iere figóñede. ⁴⁸Afénomo ite aigíroiai tíñeitiaioi; afe aigíroi afeno itímacina ziiñona duere fñoitiaioi. Afe irai jaca dúíñede.

⁴⁹Mei nana fia fecaca Juzíñamui ióbitalle jobaica rñllenaimo salna jóone-firediaioi, afe fecaca rille ñue illena. Daje izói nana raamo cai jirinafuiaido ñue íredicai. Aféfuiai irai come uzilla izírena izói caina izi cácataite, Juzíñamui anamo ñue cai illena. ⁵⁰Sal ñuera; mei íadi afe sal ie cáimana féiadi, ¿minícado afe sal meine abido cáimacaitarede? Mai dani conímaiaina caimátaillafue dibénemo omoi iri. Afe llezica comeci caimare uái illáfuelmo dani conímaiaina ífireiri.

Jesús, naga come ie aina oni dótana rairuide

(Mt 19.1-12; Lc 16.18)

10 Jesús ja Capernaúmona oni Judea éniemo jaide. Ua Jordán ruicáfellemo ite éniemo jaide. Iemo aillo comini ie illano dinó meine abido gairízaíbitiaioi. Iemona Jesús ie ífirena izói íaioina llófue. ²Iemo fariséuaimona dáarie Jesuna fieni facátaíbitiaioi. Jesumo jicánotiaioi:

—¿Mei nibai dáamie ie aina oni dótajana rairuírede, nibai ráiruiñega? —daidíai.

³Iemona Jesús uai ote:

—¿Niie izói Moisés ómoína ocuide? —daide.

⁴Jira íena daidíai:

—Moisés llote, dáamie ie aina oni dotácanamona, afémie dinena aféng-

ona “jae ai oni dotaina rabe” cúrede. Ie mei daíí oni dotárede, —daidíaiói.

⁵Iemo Jesús íaioina daide:

—Moisés afe uaina ómoimo llote, mei omoi comeci ifue iere riíredeza.

⁶Mei íadi nano fueñe, Juzíñamui nana ráaniaina comuítaja llezica, “afémie iima ringo diga faillinoína comuítate.”

⁷“Ie jira naga iima, ie ai úamona, ie moo ei diga fiénocaillano, oni dáanomo fitiaillinoí. ⁸Daíí ie ai onónamona afe faillinoí daa come izóidena jáitiaillinoí.” Ja mena cómeñediaillinoí, dama daa cómedeza. ⁹Ie jira Juzíñamui dáanomo jóonegaiiaillinoí, comini oni dotánide, —dinori Jesús daide.

¹⁰Ja jofomo Jesús naa ie llófuegamaciri dúcinamo, ie llófuegamaci aféfuena Jesumo meine abido jicánotiaioí.

¹¹Jesús íaioina daide:

—Afe ai oni dotádimie jíáie ai óllena, dotaca ringo dibénemo afémie jiruifue finode. ¹²Daje izóí ini oni dotádingo jíáimiemo iníreillena, afengo jiruifue finode.

Jesús úruiaí ñue íllena finode

(Mt 19.13-15; Lc 18.15-17)

¹³Ie mei Jesumo úruiaí atídíaiói, íaioimo ie onoi bitállena. Mei íadi llófuegamaci atídínona rairuide, íaioí átíñeillena. ¹⁴Jesús áfena cióillano rícaide; jira íaioina daide:

—Rairuñeno iri. Fáinocai úruiaí cuemo bílleza. Íaioina llótaidoñeno iri. Juzíñamuimo jaináidino ua afe bie úruiaí izóí itíaióiza. ¹⁵Uáfueña ómoína daidícue, Juzíñamui illáimana íllana jíeruiredicai. Uruiaí áfena jíeruilla izóí jíeruiredicai. Mei íadi nana afe izóí jíeruiñedinona Juzíñamui ie caimare íllínomo jofo óreñeite.

¹⁶Iemo úruiaína llirínuano, ie onoi íaioimo bítano íaioína ñue finode.

Ráarede jítócome Jesús diga úrizaibite

(Mt 19.16-30; Lc 18.18-30)

¹⁷Jesús meine abido jáizaidemo, dáamie aizícana Jesús anamo dújuzaibite. Dújuillano jicánote:

—Ñue Llófueraima, ¿nie izóí ííticue zíñona cue illino cue óllena? —daide.

¹⁸Jira Jesús daide:

—¿Nibái mei cuena fígomie daidio? Íimamona buna fígomierna íñede. Dama Juzíñamui fígomie. ¹⁹Ocuícafuiaina onódio:

“Jíáima ai diga íñeno iri;

come fañeno iri;

meríriñeno iri;

bumo taino lloñeno iri;

jíáima jífueñeno iri;

o moo, o ei diga ñue cacáreiri,” —Jesús daide.

²⁰Afémie uai ote:

—Llófueraima, nana aféfuiaína cue jítócomenamona jeire ófíredícue.

²¹Jesús afémiemo éroicaillano íena izíruite; daide:

—O dafue nai jeire oñédio. Mai nana omo ite raa fécajiri. Fécajano afe iba dúeredímacimo ine. Iemona jamánomo jíridolle izoide raa monamo omo íite. Daíí o finolle mei, cuedo bii. Mei cuedo o bíllamona o tíadi, áfena náfueñeno benó biri. Coco jai, —daide.

²²Mei íadi áfena cacáillano, afe iima zúucaide. Ua zuure oni jaide, aillo ie ráaniai illa jira. ²³Ie mei Jesús abido comínimo éroicaillano, ie llófuegamacina daide:

—¡Níí féirena ráaredímie Juzíñamui illáimana illáruimo jofo jáillena! —daide.

²⁴Jira llófuegamaci aféuairi iere fáigacaidíaiói. Jesús meine nane daide:

—¡Uruiaí, níí féirena úcubena íñotino Juzíñamui illáimana illáruimo jofo jáillena! ²⁵Camello eedo uífodo

jailla jamánomo juánide, mei íadi ráaredimie Juzíñamui illáimana illáruimo jailla iere Juáreze, —daide.

²⁶ Afena cacáillano, jacínaificaidiaioi.

Dani conímamo jicánotiaioi:

—¿Mei bu jíllolle? —daidíaioi.

²⁷ Jesús íaioimo eróillano daide:

—Afena comínimo finónide; mei íadi Juzíñamuimo finórede. Juzíñamuimo finónide raana íneide, —daide.

²⁸ Jira Pedro íena daide:

—Ocuíraima, nana caimo ite raana fiénocaidicai o diga cai jáillena, —daide.

²⁹⁻³⁰ Jira Jesús uai ote:

—Uáfueña ómoína dáititue, naga come cue ícoína íemo cue lloga jíllonafue ícoína diga, ie jofo, ie ámatiai, ie mirínguai, ie moo, ie ei, ie jitótiai, ie jacáfaiai dieze afémie fiénocaiadi, uáfueña meine llínoite. Ja bie éniemo cien dígacaiño afe baímo jofue, ámatiai, mirínguai, éitiai, jitótiai, jacáfaiai llínoite. Uafue, dieze llínoite duere zefuúllafue diga íadi. Ie mei monamo zíñona illino llínoite.

³¹ Aillo biruúllaido nánoraimaci uire ódaidimacina jáitiaioi. Daje izói aillo biruúllaido ódaidimaci uire nánoraimacina jáitiaioi, —daide.

Dáanomo Jesús ie tñillifue llote

(Mt 20.17-19; Lc 18.31-34)

³² Ja Jerusalén iodo jáizaidiaioi. Jesús ie llófuegamaci uícodo jaide. Comeci iere facábicaidiaioi. Jáíe fédo jáidino jacáruioicana afémiedo jáidiaioi. Jira Jesús doce diga llófuegamaci eneno uáidote. Ianori íllamona íemo finóllifueña abído íaioimo llote. ³³ Daide:

—Mai omoi cacai. Nanoide íima Jitódicueza. Jerusalemo jáizaidicai. Mei íadi dinomo lletáriraini illániaimo izájillicue. Daje llezica ocuica uai llófuerainimo izájillicue. Iemo afémaci cue titállena ócutiaioi. Onínemacimo cuena izájitiaioi. ³⁴ Cueri

jífánodoiitiaioi. Cuena tíoitíaiioi. Cue túallaitiaioi. Cue títaitiaioi. Mei íadi daruíamani íllamona tñillanomona meine abído cáadimiena íititue, —daide.

Santiago Juan diga uire uícoinafue Jesumo jicádiaillinoi

(Mt 20.20-28)

³⁵ Afe mei Zebedeo jitó íaillinoi Santiago Juan diga, Jesumo jícajidiailinoi; daidíailinoi:

—Llófueraima, coco jicalle jítaiga-fueña cócomo lloiri, —daidíailinoi.

³⁶ Iemona Jesús íaillinoína daide:

—¿Minica mei ómicoimo cue finóllena jitáidiomicoi? —daide.

³⁷ Iemo íena daidíailinoi:

—Uire o ebírede illáimana illíruído, cócomona dáamie o nabézimo, jáíimie o jarífezimo cócona o ráinatari, —daidíailinoi.

³⁸ Iemona Jesús íaillinoína daide:

—Daií jicádiomicoi íadi abina onónediomicoi. Cue duere zefuúllifue izói, ua erírede jirole júrua izói, ¿zéfúrediomicoi? Daje izói cue izire tñizaillifue izói, ¿tñizairediomicoi? —daide.

³⁹ Iemo uai otíailinoi:

—¡Ie mei! Afena ocuífedicoco, —daidíailinoi.

Jira Jesús íaillinoína daide:

—Uáfueña dáititue, cue duere zefuúllifue izói, duere zéfuitiomicoi. Cue izire tñille izói, tñitiomicoi. ⁴⁰ Mei íadi cue nabéfenemo, cue jarífenemo ómicoi ráinallena, cúemona llónide. Afe ráinal-lino dama Juzíñamui maméinamacimo dúide, —daide.

⁴¹ Jáíe diez diga llófuegamaci afefue cacáillano, Santiago Juan dígamo ícírítiaioi. ⁴² Iemo Jesús íaioína jírrillano, íaioína daide:

—Onódiomoíza, náíraiaimo illáimaífiredino riire ocuúillaini dani

jaídiaioi, comínina náamatallena. Aféllaini cígiri ite ríimaci, íaioi ríinona izire comínimo cácatatiaioi. ⁴³Mei íadi omoi cígiri afe daí íñeitiomoi. Mei jíáfodo omoi dibénemo illáimana íacadimie, omoi canófredimiena jáirede. ⁴⁴Daje izóí ómoimona ocuáícadimiena íacadimie, nana jíáimaci anamo íaioi táijitagamiena írede. ⁴⁵Mei jii, Juzíñamui orea Nanoide íima Jitódicueza. Mei íadi jíáimaci cuena canóllena biñédicue. Mei jíáfodo nana comínina cánuaibiticue. Uafue áíllomaci íaioi fiénidifuemona zuitalle izóí, íaioina cue jíllotallena tízaibiticue, —dínori Jesús llote.

Jesús uínidimie Bartimeo jíllotate

(Mt 20.29-34; Lc 18.35-43)

⁴⁶Jae Jericomo dúcidiaioi. Afe jófue-mona Jesús jino jáidemo ie llófuegamaci diga, naa aillo comíniri, uínidimie io fuemo ráiide. Afémie Timeo jitó, Bartimeo. Dño afémie úcube jícáfírede. ⁴⁷Nazaret ímie Jesús ánozillano fidíillano, uínidimie jíirioicaide:

—¡Jesús, jaiái illaíma David Jitó, cuemo dúecai! —daide.

⁴⁸Aillo comini íena rairuídíaioi ie llícaillena; íadi jaca nai jamánomo jíirioide:

—¡David Jitó, cuemo dúecai! —daide.

⁴⁹Te jira Jesús uái náidaillano daide:

—Afémie uaido, —daide.

Jira uínidimie uáiduanó íena daidíaioi:

—Abi mame. Náidacai. O uáidoteza, —daidíaioi.

⁵⁰Jira ie emódoíroi duínuano iere raire náidacaillano Jesumo bite. ⁵¹Jira Jesús íemo jícánote:

—¿Minica omo cue finóllena jítaídío? —daide.

Jira uínidimie uai ote:

—Llófueraíma, cue uíreacadicue, cue eróíllena, —daide.

⁵²Jesús íena daide:

—Mai o jairi. O ínuamona jae jíllodioza, —daide.

Afe llezica uínidimie ciode. Iemona Jesús jáíllado afémie jaide.

Jesús illáimana Jerusalemo jofo jaide

(Mt 21.1-11; Lc 19.28-40; Jn 12.12-19)

11 Jerusalemo ánozillamona, Jesús mena llófuega íaillinoi uícomo orede. Jae Betfagé jófue, íemo jíái Betania jófue diga áinomo itífaioi. Dánori Olivo daina ídumo itífaioi. Íaillinoi óriano daide:

²—Uícomo ite duera jófueмо ómicoi jai. Omicoi dúcille llezica cuinaca duera búrrona cíotiomicoi. Nai áfedo buna ráíñena. Zúitajano cuemo ati. ³Bu ómicoimo jícánóiadi ¿níbái ómicoi zuitaca? íena dáíitio: “Ocuíraíma Jesús jítailla jira. Ie mei raire meine omo atille,” —daide.

⁴Afe íaillinoi jaillano jino naze fue iori cuinaca búrrona baizájidiaillinoi. Afe zuitádiaillinoi. ⁵Dáamie dño itínomona íaillinoina daide:

—¿Minica ñetfomicoi? ¿Níbái burro zuitádiomicoi? —daide.

⁶Jira uai otífaillinoi Jesús íaillinoina daina izóí. Ie jira:

—Jii, mai ui, —daidíaioi.

⁷Iemona búrrona Jesumo izájidiaillinoi. Izájillano íaioi ínícuiromona burro emodo jobédiaioi. Ie mei dñomo Jesús caifo ránade. ⁸Aillo comini íaioi iniroi iomo jobédiaioi. Jíáimaci íbíairede amena rábailai otá iomo jóonetiaioi. ⁹Uícoídimaci ódaídimaci diga jíirioicaídiaioi:

—¡Ebírede! ¡Juzíñamui mámeçido bitímie caimárefecairi! ¹⁰¡Como íacade illáimana illino caimare comuiri! ¡Ua cai jaiáigíma comuídimie David illáimana illino ñue móonairi! ¡Juzíñamui ebírede rafue daíri! —daidíaioi.

¹¹ Ja daií Jesús Jerusalemo jofo jaide. Jaillano Juzíñamuimo gairíracomo jaide. Nágafenemo eróirioicaillano jino Betániamo jaide, naa ie doce diga llófuegamaciri, mei ja nauídeza.

**Jesús llizíñede higuera
daina amena faidode**

(Mt 21.18-19)

¹² Afe jiáiruido Betániamona jino abido billano, Jesús juffruite. ¹³ Macádiaoimo ñue íbiairede higuera aménana Jesús jicana ciode. Iemona dinomo jaide afénamona nibai ie llizíllajaiina óllena. Mei íadi Jesús dúciillano, hígojiaina baiñede. Afe amena táinona fia íbiairede, mei aféruimo hígonino nai dúciñedeza. ¹⁴ Iemo Jesús afe aménana fáiduanodaide:

—Jaca benómona buna bie amena llizíñenamona ie llizíllajaiina ríeñeiteza, —daide.

Daií ie dáinana ie llófuegamaci cacádiaioi.

**Juzíñamui gairíraco
Jesús duano ñue finode**

(Mt 21.12-17; Lc 19.45-48; Jn 2.13-22)

¹⁵ Ie mei Jerusalemo meine dúcidaioi. Juzíñamui gairíracomo Jesús jofo jaillánona, dinomo ráaie fecáдино ibároidino diga jino júuaide. Ucube méidoraini ibani Jesús caitade, fíicirillai fecáдино ráiiraniai diga. ¹⁶ Afe gairíracomo buna minícana úinellena afémie rairuide. ¹⁷ Iaioi llófuete:

—Juzíñamui Cuegáuai daide: “Cue jofo ua nana náiraimo Juzíñamuimo úrille illácona mameide,” mei íadi meríritino illano jae afénona finódiomoi, —daide.

¹⁸ Lletáriraini illaini, ocuícáfue llófueraini diga afe ie finócafueña fidídiaioi. Iemona afémie fállena jenódiaioi. Iena jacírúitíai, afémie llófueina-

fueri nana nairai iere fáigacaideza. ¹⁹ Ja nauzáidemo Jesús afe jófueмона jino jaide, naa ie llófuegamaciri.

**Nai ciona higuera amena
jae zaférede duíraino jaide**

(Mt 21.20-22)

²⁰ Afe jiáiruido, jítiramo meine abido Jerusalemo íaioi billano, nai ciona higúerana abido ciódiaioi, mei íadi birui afe amena nana ie jáinauairi zaférede duíraino jaide. ²¹ Iemo Pedro comeci ufbicaillano, Jesuna daide:

—¡Llófueraima, erói! O faidoca higúerana ja duíraino zaféreficaide, —daide.

²² Jesús íaioimo uai ote:

—Juzíñamuimo mai omoi íinofíreiri.

²³ Uáfueña ómoina dáitícué, dáamie jizíñeno nana ie comécido íinuamona, bie caifóneduna ocuícana daiíadi, “Benómona oni ii; jóraimo dotábicairei,” afe ie dáinana ua zúite; afémie jeire ua llezica, afefue daií afémiemo íficaite. ²⁴ Ie jira ómoina dáitícué, Juzíñamuimo omoi úrillano jicaca raa, ja nibai o llínoga, áfena mai o íinofíreiri. Iemona afe jicaca raa óitiomoi. ²⁵ Nágáruído Juzíñamuimo o úriadi, jiáimiena o éoiadi, mai íemo o comécimo ite íaifue féitari. Daií o finori, monamo ite omoi Moo Juzíñamui ómoimo ite íaifuiái dólleña. ²⁶ Iadi o abí ímie íba omoi óiadi, monamo ite omoi Moo Juzíñamui, ómoimo ite íaifuiaina dóñeite.

Jesumo ocuille uai ite

(Mt 21.23-27; Lc 20.1-8)

²⁷ Iemo Jerusalemo abido bitíai. Jesús gairíracomo maca llezica, lletáriraini illaini íemo ánozidíai. Afe llezica ocuica uai llófuetino afémiemo gairídiaioi, éicomini diga. ²⁸ Nana íemo jicánotíai:

—¿Bífuiai fñuana, bu o ocuilla? ¿Bu rñinodo bie raa finódio? —daifí daidíai.

²⁹ Jesús íaiói uai ote:

—Omoimo daa rafue jicánoitícué. Cuemo uafue omoi llóíadi, bífuiai cue finoca rñino ómoimo llóitícué. ³⁰ ¿Bu mei ocuica báutizallena Juan? ¿Juzíñamui níbai ocuica, níbai comini? Mai fáirio, —daide Jesús. ³¹ Ie mei afémaci dani júfidotíaiói; daidíaiói:

—Juzíñamui ocuica cai daifíadi, Jesús caina fairíote: “Iemona ¿níbai mei íemo fñoñediomoi?” ³² Mei íadi comini ocuica, daifñidicai, —daidíaiói.

Comínina jacíruillano daifí úritíaiói. Ja onódiaioiza, nana comini Juamo ñue coméciidiaíoi: “Ua Juzíñamui uaido Juan úrite,” daidíaiói.

³³ Iemona Jesuna daidíaiói:

—Onóñedicai, —daidíaiói.

Ie mei Jesús íaióina daide:

—Nie rñinodo bie raa finódicue, daje izói ómoimo llóñeíticue, —daide.

Comini fáfirede táijidino jáífueña caina onótate

(Mt 21.33-46; Lc 20.9-19)

12 Iemona Jesús íaiói onógafuíaído íaióimo úrizaide; íaióina daide:

—Nauí dáamie jíricónai izoide raa rizájide. (Afe jíricue izoide raa rñinano viñédona mameina.) Afémie afe rillano ie abi cirínora finode. Ie mei afe jíricóna eroide úvaíai zaizíracó finode, afe llizilla íji íaiói óllena. Nane are caífo jacafai cigi úñoraco afémie nite, afe rigano ñue úñollena.

‘Ie mei afe énie naama dáarie táijitaganomo ie rigano fecade, áfena íaiói úñollena. Afémie daifí fécano oni jica jíáie éniemo jaide. ² Jíricónino llezica, ritímie ie ocuícamié afe táijitagamacimo orede, íeiena mameide llízillajíai dieze óllena. ³ Mei íadi afe uáíbitimíena llaitádiaíoi; lláitano íaiói faga. Daifí ñeta ria íemo fecáñeno oni íena orédiaíoi. ⁴ Ie

jira afe naama nane jíáie ocuícamié orede. Mei íadi afe orécamiéna nóñedo nñjidiaíoi. Nñjiano ie ifona íaiói bofeca. Iemo fieni íena úritíaiói. ⁵ Daje izói nane jíáimie orede. Afémie íaiói titaca tñide. Afe mei diga icaíño aillo jíáie ocuícamiíai dínomo oréoié. Afe orécamacimona dámierie fia faga; jíáimaci tñcoizítiaíoi.

⁶ ‘Nai dáamie naama dibénemo ite. Daa afe naama jítóna fiébite; iere ie izíruigamié. Iraícaíño ie jító orede. Comeci facade: “Afémaci ñue íemo coméciillano íena ñue fñoitíaiói; ie daina uaina jeire óitíaiói,” daide. ⁷ Mei íadi táijitaganomo dani afémaci úritíaiói: “Bímie níbai ie moo feci raa máíñoitimie. Mai ie cai faa, ie mei cai náamatallena.” ⁸ Ie jira íaiói llaitaca; íaiói titaca tñide. Ie mei ie abi raíñeno afénomona oni dotaca.

⁹ Ie mei Jesús jicánote:

—¿Nie izói bie énie naama afe fiénidinona fñoite? Billano afe táijitaganona tñtaite. Ie mei afe jíricore izóidino jíáie úñoraimacimo fécaite.

¹⁰ ‘¿Jaiái Cuegáuaina nai facádoñediomoi? Afe uai bie izói daide:

Jofo níráníni oni fádoica nóñie, ja ñuera jíáilliráina jaide.

¹¹ Bie cai Ocuíraima finoca.

Iere jamánomo ebire caimo cóide.

Dinori Jesús úrite.

¹² Iemona Jesuna llaitácadiaíoi, llavéllena. Mei ja onódiaioiza, Jesús bie onógafuedo íaióina uáítate. Mei íadi comínina jacíruillano, Jesús jetáñeno íena fiédiaíoi. Fíiano oni jíáinomo jáidiaíoi.

Gobierno íbátaga úcube cai íbállena Jesús llote

(Mt 22.15-22; Lc 20.20-26)

¹³ Afe mei fariseo illáicomini afémacimona dáarie Jesumo orédiaíoi. Daje izói Heródemo jaináidinomona orédi-

aiói, Jesuna úritallena, afe ie uaido taino íeri nitállena. ¹⁴Bimaci billano íena daidíaiói:

—Llófueraima, onódicaiza jiáimaci ie lloga uai íinoñeno, o jaca uáfuenta úrifiredio. Comini jínofene ciona izói riire jicánoñedio. Mei jiáifodo Juziñamui lloga cai ñue illafue jífueño jino llófueto. ¿Mei iere riíredillaíma ocuica úcube íemo fecáredicaí, nibai fecánidicaí? ¿Afe cai fecállifue figura, nibai figóñede? —daidíaiói.

¹⁵Mei íadi Jesús íaiói uáfodo úriñena-fuena onode. Ie jira íaióina daide:

—¿Níbái mei cue jánari táinona úritio-moi, cue llaitállena? Daa úcubetuni cuemo ati, cue eróillena, —daide.

¹⁶Afétuni atídiáiói. Afe eróillano Jesús íaióimo jicánote:

—Bie uiéco jana, ¿bu ie? Benomo cuega mámecei ¿bu ie? —daide.

Afémaci fairíotiaíói:

—Riíredillaíma ie, —daidíaiói.

¹⁷Iemo Jesús íaióina daide:

—Riíllaíma ie raa íemo abido ine. Daje izói Juziñamui ie raa íemo abido ine, —daide.

Afémacina ie dáinari iere comeci jiáifoficaídiáiói.

Tíidino meine abido cáadena íllena jicánotiaíói

(Mt 22.23-33; Lc 20.27-40)

¹⁸Ie mei saduceo imaci dáarie Jesumo úrizaidiaíói. Bimaci tíidino meine abido cáaillena lloñédiaíói. Ie jira bie taino lloga rafue Jesumo jicánotiaíói. Nai jicánoñenia fueñe daidíaiói:

¹⁹—Llófueraima, Moisés jaiáimona caimo cuegáuai daide: Daa íima áiredimie ie úrue nai íñena llezica tíadi, ie ama afe ofaíño óite. Aféngomona daa jító comuírede ie ama tíidimie íena. Daíí daína mei jicánotiaíói:

²⁰Mei nauí siete dígade ámatiaí cai cígimo ite. Nanóidimie árede. Afémie

jitónino tíide. ²¹Nanóidimie emodo ímie ie ama fecingo ote. Daje izói jitónino tíide. Daje izói nanóidiaillinoí emodo ímie afe fecingo uano jitónino tíide. ²²Nana afe siete dígamiaí nanóidimie fecingo otíaíói. Afémacimona daa jítóna comuíñede. Afe ícoimo afe fecingo tíide. ²³Ie jira meine abido cáairuimo ¿bumo afango dúide? Mei siete dígamie daango otíaíoiiza, —daidíaiói.

²⁴Mei jira Jesús fairíote:

—Omoi onóñeno fienci comeci facá-dotiomoi, mei Juziñamui Cuegáuaina onóñediomoiza. Daje izói ie ríinona onóñediomoiza. ²⁵Mei tíidino meine abido cáaille llezica aina óñeitiaíói. Afe izói íaiói jízanaiaina iníretatañeitiaíói, mei monamo ite Juziñamui abi imáciaí izóitíaíoiiza. ²⁶Mei íadi tíidino meine abido cáairífue dibéñedo llogáfuenta ¿nai facádoñediomoi? Afefue Moisés cuegánicomo ite. Aféruimo Juziñamui Moísemo boode raroci cígido úrite. Bie izói íena daide: “Dáanomo Abraham íinoga Juziñamuidicue, Isaac, Jacob díga, mei birui afémaci cue illánomo cue díga cáadiaíoiiza,” daíí Juziñamui daide. ²⁷Iemo Jesús nai daííoiide: Mei ua íñédino Juziñamuiñedeza; mei íadi jiáifodo cáadimaci ie Juziñamui. Daíí bífuena omoi baitáñenia iere féiraitiomoi, —Jesús ja dinomo daide.

Iere jamánomo íinorede caimo ocuica uai

(Mt 22.34-40)

²⁸Afe dáaruido ocuica uai llófuerainimona dáamie Jesumo dúcide. Jesumo gairídino nana Jesús díga úrilla uaina afémie cacade. Daje izói Jesús ñue íaiói uaina fairíuana afémie cacade. Afe uai fairíuana fidíillano Jesumo jicánote:

—Nana ocuica uáimona, ¿nie iere jamánomo íinorena? —daide.

²⁹Jesús ie uai ote:

—Nana ocuica uáimona bie iere íñorede nánora uai: “Israel, mai omoi cácarei. Cai Ocuíraima Juzíñamui jaca daade. ³⁰Mei jira nana o comécido o Ocuíraima Juzíñamuina izíruiri. Daje izói o comécimo ite joreño diga izíruiri. Daje izói nana o ifo úrilla uaido éna izíruiri. Daje izói nana omo ite rínodo éna izíruiri.” Be ññe nánora ocuica uai. ³¹Afe méifoide ocuica uai daje izói jóide. Afe uai daide: “Dama o abi o izíruilla izói, afe izói o aino ímiena mai izíruiri.” Jíáie ocuica uai izoide bie baimo íñede, —daide.

³²Iemona Ocuica uai llófueraima daide:

—¡Ie mei! Llófueraima, ññue daidio. O daina uafue. Uáfúena Juzíñamui daade. Afémie baimo jíáimiena íñede. ³³Daje izói afémiena nana cai comécido izíruillena ññuera. Ie llezica nana cai ifoci úrilla uaido éna izíruillena ññuera. Ie llezica nana cai comécimo itífúiaido éna izíruilla ññuera. Ie llezica nana caimo ite rínodo éna izíruillena ññuera. Daje izói cai abi ímiena dani cai abi izíruilla izói, afe izói éna izíruilla jítáirede. Bie izói cai izíruilla, aillo ráífide. Ua, nana fatá Juzíñamuimo fia fecaca rílleniai baimo ráífide, nana Juzíñamui íóbitallena jobaica rílleniai diga, —daide.

³⁴Iemona baitádimie izói afémie ie fairíua uaina cacáillano, Jesús éna daide:

—Juzíñamuimo dúillena ímiena íanori itio, —daide.

Afe mei jacíruillano buna jíáífúena Jesumo jíacánodiaioi.

¿Bu jító Cristo? Jesús dama jícánote

(Mt 22.41-46; Lc 20.41-44)

³⁵Jesús gairíracomo llófullofuena llezica, comínimo jícánote:

—Onódiomoiza ocuica uai llófueraimi “Cristo David jító” daífirediaioi. ¿Ñie

izói daífiredo? ³⁶Mei dama David Juzíñamui Joréñodo úrite; daide:

—Monamo ite cai Moo Juzíñamui cue Ocuíraimana daide: “Cue nabéximo rainai, o éoigamacina cue anáfenolliruimo,” daí David daide. ³⁷David Crístona “cue Ocuíraima” daífadi, ¿ñie izói afe llezica Cristo ie jítone írede? —daide Jesús. (David emodo imácimona Cristo cómuide.)

Aféruido aillo comini, caimare Jesús úrilla cacáreizaíbitiaioi.

Ocuica uai llófueraimi fieni illafue Jesús jino comínimo llote

(Mt 23.1-36; Lc 11.37-54; 20.45-47)

³⁸Jesús llófullofuena llezica íaioina daide:

—Ocuica uai llófueraimimona abí omoi rairuiri. Afémaci árrera ññuera inícuio jítano comini uiecomo mácafírenana gáidiaioi. Afe llezica íaioi anamo comini fecáracuaimo ññue jacíruioicana íaioi uáiduana gáidiaioi. (Daje izói comini íaioi daináuai jíeruillena gáidiaioi.)

³⁹Afémaci Juzíñamui uai llófueraimo ite ññuera ráíirana raire jíáimaci uiecomo jenófrediaioi. Afe izói comini iráziracomo iráiziadi, afémaci iere ññuera ráíirano uiecomo mainófrediaioi.

⁴⁰Afémaci fecínguai jofue naa íaioi raari bairófrediaioi; mei íadi comínimo jíáífodo afémiai cóillena, are Juzíñamuimo úriodiaioi, comini éroilla llezica. Afémaci iere jamánomo duere finócamacina jáitiaioi, —daide Jesús.

Dúerede fecingo fecaca úcube jamánomo ññuera

(Lc 21.1-4)

⁴¹Iemo Jesús Juzíñamuimo gairíracomo ráíicana eroide. Ucube dotáranu uícomo ráíide. Comini afénomo úcube dótajillamo eroide. Iere ráaredino aillo úcubena dotádiaioi. ⁴²Bie llezica fecingo

dúeredingo mena úcubetuni dótaibite. Bituni íainguai ‘cobre’ ie; iere due ráifide centavo izoide. ⁴³Ie mei Jesús ie llófuegamaci jírillano íaioina daide:

—Uáfuenta ómoimo lloticue. Bie dúerede fecingo úcube jóneracojimo dotaca úcube, iere jamánomo jíaimaci afénomo dotaca úcube baimo jaide. ⁴⁴Nana jíaimaci úcube fiébide államona dotádiaioi, mei íadi afengo duéredingo íadi, nana aféngomo ite úcube ie iga. Afengo güille óllena úcubena nana afengo ja dotaca, —Jesús daide.

Gairíraco uire júdaille Jesús ie llófuegamacimo lloste

(Mt 24.1-2; Lc 21.5-6)

13 Jesús gairíracomona jino billa llezica, ie llófuegamacimona dáamie íena daide:

—Llófueraima, ¡bie iere ñuera nófiemo eroi! ¡Daje izói bie jofo álluemo eroi! —daide.

²Iemo Jesús uai ote:

—Mai bie áillue jófueemo ñue omoi eroi. Benomo daje emódomo nófiema ffebiñeite. Nana oni júdaille, —daide.

Iirairui uícodo íitífuiaí

(Mt 24.3-28; Lc 21.7-24; 17.22-24)

³Afe mei Olívona mameide ídumo jáidiaioi. Gairíraco uíeco dibénemo ite. Afénomo Jesús ráiidemo, Pedro, Jacobo, Juan, íemo Andrés báinino íena daidíaioi:

⁴—Nana bífuiaí o daina júdaille zuíllaruina onóiacadicaí. Mai caimo llone. Nana bífuiaí fúiacana ¿nie izói caina onótaite? —daidíaioi.

⁵Jesús uai ote:

—Bu omoi jífueñellena, ñue abí omoi rairuiri. ⁶Aillo cue mámedido imaci abí jítano bíitiaioi. “Crístodicue” daínano bíitiaioi. Afémaci aillo comínina jífueitiaioi.

⁷‘Mei íadi aillo áinori ite fuirílla-fuena, íemo jica ite fuiríllafue diga omoi fidíadi, omoi jacínaiñeno iri, mei afe daí íredeza. Mei íadi nai íirairuñedeza.

⁸Mei aféruimo daa nairai jíái náiraímo fuirízaite. Afe llezica dáazie jíáziemo jobáirizaite. Aféruillaído diga illánomo énie riire dócaite. Dáaruido aillo júbie diga éniiaído ite. Be aféfuiaí comini duere zefuille táinia raa.

⁹‘Mei jira abí ñue omoi rairuiri, mei riire ocuídímaci gairíllanomo omoi úitiaioiza; Juzínamui uai llófuerracomo ómoina fáziitiaioi. Cue ícoina riíllaini uícomo ómoina óreitíiaioi, jamánomo riiredíllaini diga. Afe daí cue dibénedo íaioimo úritíomoi. ¹⁰Mei íirairui

nai dúciñena llezica, cai jíllonafue uai nana náiraímo jino llóredeza.

¹¹Riiredíllainimo omoi oreille llezica, omoi úrillífueemo raíre uícomo comécido facáñeno omoi iri. Daje izói omoi comécíillífueemo raíre uícomo uibíñoñeno iri. Aféruimo Juzínamui omoi ífomo úrilla izói, mai omoi daíri, mei dani omoi úriñeitiomoi; omoi comécimona Juzínamui ie Ñuera Joreño úrite. ¹²Afe llezica dáamie nahí

ie ámamo fiénidífue nítano jíaimiena ie fatátaite. Daje izói móotíai nahí ie jítótíaina fiénidífuedo izájitaitíiaioi, íaioi titállena. Afe íbana íaioi jítótíai, nahí ie móotíaimo fiénidífue nítano íaioi fáite titállena. ¹³Cue ícoina, nana comini ómoina éoíllano iere íáiruitíiaioi. Mei íadi íirairuimo jaícina Juzínamuimo iere féitañeno ínotimie jíllobicaite.

¹⁴‘Jaiái Juzínamui uai jino llóraíma Daniel daa iere íáiruiga raa dibénedo cuete. Afe íáiruitaite raa nabene jofue júdaítaite. Afe fiénidífueena oruide raa Juzínamuimo gairíracomo ite jeruícacomo jóonia llezica, Judea éniemo itino, árrera íduaímo botáredíiaioi. (Bibe facádímie mai ñue onoiri.) ¹⁵Aféruimo o jofo jinófene

idamo omoi íadi, jofu eromo ite ráaniaina omoi uájiñeno iri; raire botari. ¹⁶Jacáfaimo tájijidimie abido jofomo biñeno iri, ie inícuruai óllena. ¹⁷Aféruimo ite ringóniai namócioredino iere duere zéfuitiaioi, aizínidiaioiza. Daje izói monoi jirode duera úrue lláidingotiai duere zéfuitiaioi. ¹⁸Ie jira Juzíñamui omoi jicari, “Nóci illáruillaído caina botátañeno iri.” ¹⁹Bie izói duere zefuúlliruina jaca jaiai ífinide. Ua, Juzíñamui bínie fínuamona benomo afe izóidena íñede. Aféruillai méifomo afe izói íñeite. ²⁰Juzíñamui afe zúuredirui are jóoneadi buna jílloñeille. Mei íadi afémie nizécanona izíruillano íanori afe zúurediruina afémie jóoneite. Are íñeite.

²¹‘Iemona aféruimo dámie ómoina daiíadi: “¡Erocai, benomo ite Cristo!” áemo íñoñeno iri. Daje izói jíáimie daiíadi: “Eroi, batínomo ite Cristo,” áfena íñoñeno iri. ²²Mei uafue, aféruído aillo jífueritino bíitiaioi. “Cristodicue” dáiiitiaioi. Daje izói “Juzíñamui dibénedo úriticai” dainano comínina jífueitiaioi. Afémaci ciórainina ráaniai fñoitiaioi, jíáie jacredífuiyai diga, comini jífuellena. Uafue, daje izói dama Juzíñamui nizécanona jífueacadiaioi, afémaci daií jífuetareniadi. ²³Mei íadi mai ñue omoi começi facáoiri; mei nana bífuiaina jae uícodo ómoimo llotícueza.

**Monámona bite Nanoide Hima Jitó,
Cristo meine bíllena Jesús llote**

(Mt 24.29-35, 42-44; Lc 21.25-36)

²⁴‘Ie mei aféruillaído, zúurediruillai méifomo, jitoma duíbicaite. Fiui égaíñoñeite. ²⁵Monamo ite úcuai cócítiaioi. Afe llezica mona eromo ite ríno mozídino, mairíñeno jaillano dócaítiaioi. ²⁶Iemo nauí monámona bite Nanoide Hima Jitó Cristo meine abido

ciócaite. Uíllie cígido biite; aillo ríno diga. Jamánomo ebírenafuedo biite. ²⁷Afe mei ie abi imácina óreite, nana ie nizécamaci nana mona fuédamona gairítallena. Ua jamánomo jica ite ígobíai imácimona nizécano nana dáanomo atille. Daje izói énie fueda imácimona nizécano nana dáanomo atílliaioi.

Nai ie llófuegamacimo llófuiano, íaioina daide: ²⁸‘Mai bie higuera amena rafue omoi onoiri. Afe higuera íbiai firuilla llezica fimona ánozillana onódiomoiza. ²⁹Daje izói nana bie zúurediruillai zuíllana omoi cióyadi, írirui ánozillana onótiomoi. Jae iere íanori ite. ³⁰Uáfueña ómoina dáitícue, afe illáruído itino comini nai tíñenia, nana bifue zúite. ³¹Nana mona énie diga fúite, mei íadi cue daina uai jaca ninomo méidonide. Cue llua izói zúite.

³²‘Mei íadi afe illáruina buna onóñena. Daje izói Juzíñamui abi imaci onóñedi-ai. Ua afe izói Juzíñamui Jitó aféruina onóñede. Dama cai Moo Juzíñamui onoiga.

³³‘Ie jira, aferui dúcinana onóñediomoiza, mai ñue figo abina omoi onoiri. Afe llezica mai ñue omoi uíñori. Daje izói Juzíñamuimo úrifreiri. ³⁴Cue meine billífue dámie jica jailla izoide. Afémie nai jáíñenia íemo tájijidinona ie jofu uíñotade. Illa dígamie dáarie tájijillena igáiaioi. Iemo naze uíñoraima jóoniano, íena riire ocuide, jofu uíñollena. ³⁵Afe izói mai omoi abi onóicana uíñori, mei jofu naama billirui óñoñegaza. Nibai nauíoilla llezica biite, nibai dáaferuimo, óñoñega. Nibai atava úrilla llezica, nibai jítiramo afémie biite; óñoñega. ³⁶Mai abi omoi onoiri, afémie raire bíadi, omoi iníllena ie cóñoíllena. ³⁷Ómoina cue daina izói nana comínina daidicue:

—Cue bíllemo abi omoi onoiri, — daide Jesús.

Comini Jesús llaitállena maméritiaioi*(Mt 26.1-5; Lc 22.1-2; Jn 11.45-53)*

14 Nai ménarui ite pascua ráfuemo. Afe rafue llezica afénomo ite comini íaioi pan fáitara jóoneño gúífirediaioi, mei aféruillai fáitañega pan gúífirenafue. Lletáriraini illaini ocucafue llóraini diga Jesús jífuiado llaitállena jenódiaioi, ie titállena. ²Iadi daidíaioi:

—Írazie ana íena llaitánide; áfemo comini ficire júfidoñeilleza, —daidíaioi.

Ringo zióredijido Jesús ifona jillaide*(Mt 26.6-13; Jn 12.1-8)*

³Jesús Betániamo ite. Simón jofomo ite. Afe Simón chíinaitimiena mameide. Güirácomo íaioi ráina llezica, daa ringo jamánomo ráifide ziórediji Jesumo jil-láizaibite. Afe ziórediji duera alabastro daina nofici finoina icítirumo ite. Afe ziórediji mámece nardo. Afeji jíáiena fáinega. Afengo afe icítiru llaillano, Jesús ifomo áfeji totade. ⁴Afénomo itínomona dámierie áferi rícaidíaioi. Dani conímana riire daidíaioi:

—¿Níbái mei bie ziórediji táinomo dotade? ⁵Afeji trescientos romano úcubetuni baimo fecárede, duéredimacina canóllena, —daidíaioi. Aféngomo rícaillano íairuitiaioi.

⁶Mei íemo Jesús daide:

—Mai aféngona fáicanocai. ¿Níbái mei aféngona áífedodiomoi? Bie cuemo afengo finócafue ñuera. ⁷Mei jíi, duéredino jaca omoi cígimo íitiaioi. Omoi jitáiaí afémacina canórediomoi. Mei íadi cue omoi cígimo are íneiticue. ⁸Afengo ñue cuemo finórede raa cuemo fínuaibite. Jíáimaci cue raiájñenia cue abimo zióredijina afengo cuemo jóoniaibite. ⁹Uáfueña ómoína dáititue, náganomo bie éniemo comini jilloille uai jino llóiaí, bie ringo cuemo

finócafue jino llóitiaioiza, áfemona aféngomo úbicaifirellena.

Judas Jesús íena éoidimacimo izájijide*(Mt 26.14-16; Lc 22.3-6)*

¹⁰Ie mei Judas Iscariote lletáriraini illaini dine úrizaide, Jesús afémacimo izájillena. Afe Judas, doce dígamie Jesús llófuega ímie. ¹¹Afe illaini Judas dáinana cacáillano, íóbidiaioi. Afe jira íena daidíaioi: “Jesús caimo o atáí, úcubena omo fbaiticai.” Iemona Judas nie izói Jesús íaioimo fecállena jenode.

Jesús firaifueña güillafue*(Mt 26.17-29; Lc 22.7-23; Jn 13.21-30; 1 Co 11.23-26)*

¹²Fáitañega pan rafue nanódiruimo oveja jiza fáfirediaioi, pascua ráfuemo ríllena. Aféruimo jae dúcide. Aféruido Jesús llófuegamaci íemo jicánotiaioi:

—¿Ninomo pascua rafue úcodo cai fínuaillena óiacadió, afénomo pascua ráfuemo mameide güille cai güillena? —daidíaioi.

¹³Ie jira ie llófuegamacimona ménailinoi óriano daide:

—Jófuemo jai. Dinomo jainoi icíruído úitimiena báitíomicoi. Iedo jairi. ¹⁴Afémie jofo jáillanomo, afeco náamana daíri: “Llófueraima daide, ¿Ninomo ite cue güillino cue llófuegamaci diga? Dinomo pascua rafue llezica güíticai daide.” ¹⁵Jira afécona ómicoimo ácatajite, áiloco. Caifóidicomo iite. Ja fuífide. Dinomo cáiena finori, —daide.

¹⁶Jira llófuega íaillinoi oni jaillano jófuemo dúcidiailinoi. Dúciillano úcodo Jesús íaillinoína daina izói baizájidiailinoi. Pascua rafue ja finódiaillinoi. ¹⁷Nauízaila llezica, Jesús doce diga ie llófuegamaciri dúcidiarioi. ¹⁸Güirábanimo güítíaióimo Jesús íaioína daide:

—Uáfuenta ómoína dáititue, daa ómoimona, cue diga güitnomona cuena fécaite, —daide.

¹⁹ Jira afémaci zúucaidiaioi. Afe llezica daámierie Jesumo jicánotiaioi:

—¿Ñibai cue? —daide.

Jiáimie daje izói daide:

—¿Ñibai cue? —daide.

²⁰ Jira Jesús uai ote:

—Afémie daa ómoimona, bie doce dígamiedemona; ua cue birui diga dáajemona güitmacimona. ²¹ Nanoide fima Jitódicueza Cuegáuai lloga iodo jáidicue; ua cue tállinomo jáidicue. Mei íadi cue fecáimie, ñni iere dúrena! Afe iima jócoñegana baimo ñue jaide, íadi jae comuide, —daide.

²² Güitíaoimo, Jesús pan llínota daide:

—Iere figura, —daide. Daina mei ditade. Ditada íaoimo fécajano daide:

—Mai omoi güi. Bie cue abi, —daide.

²³ Iemo Jesús jiróracuri llínote. Afécuri vínona oruítaga. Ie mei:

—Iere figura, —dainano íaoimo ite. Nana afécurimona áfeji jiródiaioi.

²⁴ Iemo daide:

—Bie cue die; áfedo comue dájemo llínoga uai uáfuenta daiíllena. Aillo nairai jíllollena cue die tóite. ²⁵ Uáfuenta ómoína daidicue, ja biruímona afe uva rao llizilla íji jiróñeiticue. Ua nágaruillaído Juzíñamui illáimana illirui nai biñena llezica jiróñeiticue. Aféruimo comóicana áfeji nane meine daánomo jíroitue, —daide.

Pedro Jesuna jáanuana Jesús uícodo lloste

(Mt 26.30-35; Lc 22.31-34; Jn 13.36-38)

²⁶ Juzíñamui rua íaioi rua mei, jino Olivo dainádumo jáidiaioi. ²⁷ Iemo Jesús daide:

—Bie naio, iomo come écitaila izói, méaicaillamona nana omoi cuena zóofeitiomoi. Cuegáuai daide: “Ovejai

uíñoraimana fáititue; fállemona ovejai oni ráijicaitiaioi.” ²⁸ Mei íadi cáadimiena meine abido cue ille méifodo, omoi uíecomo Galiléamo jáititue, —daide.

²⁹ Jira Pedro daide:

—Nana ona fáicanocaitiaioimo, jaca o fáicanocaitieiticue, —daide.

³⁰ Iemo Jesús uai ote:

—Uáfuenta dáititue, bie naio atava ménacaño nai úriñeniadi dacañoámami cuena jáanoitio, —daide.

³¹ Mei íadi afémie iere afe íeñede úricana daide:

—O diga cue tállena jitáiyadi, nai ona jáanoñeiticue, —daide.

Nana daje izói daidíaoi.

Jesús Getsemanimo Juzíñamuimo úrizaide

(Mt 26.36-46; Lc 22.39-46)

³² Iemo güiracomona jino billano Getsemaní íbírimo dúcidiaioi. Dinomo Jesús ie llófuegamacina daide:

—Bai bené Juzíñamuimo cue úrizaila llezica, benó omoi ráiyi, —daide.

³³ Iemo Pedro, Santiago, Juan diga uite. Jesús ja zuure cácaide; afémie aillo jaci cácade. ³⁴ Jira daide:

—Cue joreño iere zúureficaide; afe zuufue tállena izói cue orede. Benó omoi fiebi. Abí omoi onoiri, —daide.

³⁵ Iemo Jesús jabo baife jaide. Dinomo éniemo bíjicaillano Juzíñamuimo jícade:

—Nana bie cuemo jíriacade raa cúemona oni o oréreadi, mai oni oreri, —daide. ³⁶ Nai Juzíñamuimo úrioicana daide:

—Cue Moo, ómona nana finórede. Bie iere zuure facállinomona cue zuitari. Mei íadi cue oíacana izói finóñeno iri, mei jááfodo o oíacana izói finori, —daide.

³⁷ Iemo daámami llófuegamaci diné jaide. Inídiaioimo dúcide. Pédrona daide:

—Simón, ¿ja o inídiu? ¿Jaca due jiza abí onóoicana uñonidíu? ³⁸ Abí omoi uññori. Juzíñamuimo úriri, fiénidífue mo omoi báññeillena. Uáfueña o joreño iere jiere, mei íadi o abí nánide, —daide.

³⁹ Iemona dáanomo nane, Juzíñamuimo úrizaide. Daje uáillaina daide. ⁴⁰ Ie mei nane bítemo, ie llófuegamaci meine dáanomo inídiaioi. Daí afémaci íniamo, Jesús íaioina cóizaibite, mei íaioi uññi íñie íbáicaza. Íaioi uai ollino íñede. ⁴¹ Ja dacaiñoámami Juzíñamuimo úrillano bite. Billano íaioina daide:

—¿Mei nai birui inídiomoi? ¿Nai ocózinaidiomoi? Jae mai. Nanoide íma Jitódicueza, mei íadi fiénidimacimo cue itábicaillarui ja dúcide. ⁴² Náidacai. Mai cai jai. Cue fecádimie ja bite.

Jesús llaitádiaioi

(Mt 26.47-56; Lc 22.47-53; Jn 18.2-11)

⁴³ Ie llezica Jesús nai úritemo Judas dúcizaibite. Afémie doce dígadimacimona. Afémieoiri aillo comini bitíai. Lloefai bigíñiai diga bitíai. Lletáriraini illáinimona bitíai. Dáarie bie comini ocuícáfue llófuerainimona éicomini diga bitíai. ⁴⁴ Fecádimie Judas bimácimo ónoítara nau lloga. Daide:

—Cue ñitállimie nímieite. Ie llaitari. Ñue maiano, ui, —daide.

⁴⁵ Iemo Judas billano, Jesumo áinozilano uáidote:

—¡Llófueraima! ¡Llófueraima!

Daí dainano ñitade. ⁴⁶ Iemo Jesús llaitada, maiano, bitino íena uitíai. ⁴⁷ Afe llezica dínomo itínomona dáamie lloefai otá daa bitímie jefo ñetade. Afe jefona ñetácami lletáriraini illaima jaiénici. ⁴⁸ Iemo Jesús comínina daide:

—¿Meita meríriraimadícue izói lloéfaillairi bigíñiai diga cuena lláitaibitiomoi maiano cue uíllena? ⁴⁹ Nágari ómoiri Juzíñamuimo gairíracomo llófuecana iticue; íadi jaca cuena llaitáñeidiomoi. Mei íadi

bifue íficaide Cuegáuailai fuitállena, —daide. ⁵⁰ Iemona nana llófuegamaci íena fáicanocaillano botádiaioi.

Da Jesudo jáicaide jitócome botade

⁵¹ Mei íadi da jitócome dama áillue iniroi jitada nai Jesús ódana jáicaide. Ie mei bitino íena llaitádiaioi. ⁵² Mei íadi afémie jarire duñuano aferoi íaioimo fainóicaide. Daí íeta emúfoma jarire botade.

Jesús jicánodoillinomo uiga

(Mt 26.57-68; Lc 22.54-55, 63-71; Jn 18.12-14, 19-24)

⁵³ Iemo judíuai lletáriraini caifóidillaimamo Jesús uitíai. Afe llezica nana lletáriraini illaini, íemo éicomini, íemo ocuica uai llófueraini diga, dáanomo gairídiaioi. ⁵⁴ Pedro, afe jamánomoidillaima jofo abí íbírino, ódana jicado jaide. Dínomo llaizíriraini diga ráide; irai fueño agaide abí uzíreillena. ⁵⁵ Nana lletáriraini illaini jamánomo ocuídmaci diga Jesumo fiéni íaioi facátallena uai nabáidino jenódiaioi, áfedo íena titállena. Mei íadi áfena baiñédiaioi. ⁵⁶ Aillo íemo taino llotíai. Íadi íaioi táinofuíai jáicina jóobiñede. ⁵⁷ Iemo dáarie caifo náidacaillano, afémiemo taino fiénidífue nitádiaioi. Daidíai:

⁵⁸ —Afémie dáinana cacádicai: “Bie comini finoca gairíracu júdaiticue, íemo daruíamami illemona jíai gairíraco comini finónégaco abido níticue,” daide, —daidíai.

⁵⁹ Mei íadi nane íaioi lloga uai nabáilafuíai jáicina jóobiñede. ⁶⁰ Iemo lletáriraini illaima íaioi cígimona jino náidacaillano Jesumo jicánote:

—¿O uai óñeitio? ¿Mínica bie omo nitádiaioi? —daide.

⁶¹ Mei íadi daa uai óñede. Iemona lletáriraini illaima nane dáanomo jicánote:

—¿O Crístodio? ¿Afe cai ñúefuena nítaca Juzíñamui Jitódioza? —daide.

⁶²Jira Jesús daide:

—Jii, ie mei. Nanoide Hima Jitódicue. Uire uáfueña cuena cfoitiomoi. Ua riírede Juzíñamui nabézimo dinomo cue ráinaillana cfoitiomoi. Aféruillaído mona ero úilliedo cue bíllana cfoitiomoi, —daide.

⁶³Lletáriraini illaima jamánomo ríicaillano icfrillamona ie iniroi cúatajano daide:

—¿Nibái mei jiáie uai nabáiraima jí-taiticai? ⁶⁴Ja Jesús ie uáillaido Juzíñamui dibénemo fieni úrillana cacádiomoi. ¿Omoi, nie izói íena daidíomoi? —daide.

Iemona nana íena titállena daidíai.

⁶⁵Iemo dámierie afémiemo túallaitiaioi. Afe llezica ie uiéco iníroina ibáillano, íena fatíai.

—¡Mai bai! ¿Bu o faja? —daidíai.

Iemo llaitádino ie uiéco túcoidiaioi.

Pedro Jesús jáanote

(Mt 26.69-75; Lc 22.56-62; Jn 18.15-18, 25-29)

⁶⁶Pedro ana jofo ibírimo ite. Iemo daa lletáriraini illaima canóraingo afénomo dúcide. ⁶⁷Pedro irai fue agáillana cióillano, afengo afémiemo riire eroide. Iemona daide:

—O daje izói Nazarena ímie Jesús diga macáfiredio, —daide.

⁶⁸Mei íadi Pedro jáanuano daide:

—Aféfuena fidíñedicue. Minícado úritio onóñedicue, —daide. Daina mei afémie naze fuemo jino jaide. Iemo ítava úrite.

⁶⁹Iemona canórraingo íena nane cfoillano afénomo itónona daide:

—Afe iima Jesudo jáidimacimona, —daide.

⁷⁰Mei íadi Pedro meine jáanote. Ja baido afénomo itino Pédróna nane daidíai.

—Uáfueña. O Jesús imaci iéδιο. Galilea ímiedio. O úrilla afémaci úrilla izói jóoide, —daidíai.

⁷¹Ie jira Pedro: “Uáfueña cue llóñenia Juzíñamui cue fáidoiteza,” daide. Dáanomo Pedro ie daina uai nabáillena Juzíñamui mámedido riire mámi-ano daide:

—Afe omoi úrillamiena onóñedicue, —daide.

⁷²Daí daina llezica atava dáanomo nane úrite. Iemona Jesús íena daínafuemo Pedro uíbicaide. Nano uícomo íena daide Jesús: “Atava ménacaño nai úriñenia dacañoámami cuena jáanoitio.” Afemo comeci fácajano éeiaide.

Jesús onínellaíma Pilátomo uitíai

(Mt 27.1-2, 11-14; Lc 23.1-5; Jn 18.28-38)

15 Afe jítiramo lletáriraini illaini íemo eicomíniri gairízaidiaioi, ocuica uai llófueraíni diga; ie emódomo naa jiáie jamánomoidillainiri. Gairíllano Jesumo íaioi finóllifueri dani úritiaioi. Maiga Jesús Pilátomo izájidiaioi. ²Jira Pilato jicánote:

—¿O meita judío illáimadio? —daide.

Iemo Jesús uai ote:

—¡Ie mei! Daí jaca o daina izói, —daide.

³Iemo lletáriraini illaini aillo fiénidifuiái afémiemo nitade. ⁴Jira Pilato dáanomo jicánuano daide:

—¿O uai onéδιο? ¡Cacai! Diga fiéniduiái omo nitádiaioi, —daide.

⁵Mei íadi Jesús uaina onede. Afémie uai onénamona Pilato fáigacaide.

Jesús ie tíllena uáfodo maméritiaioi

(Mt 27.15-31; Lc 23.13-25; Jn 18.38-19.16)

⁶Afe rafue ana naga fimónado comínimona llogámie llaitácamiéna Pilato zuitáfiredo. ⁷Come fatímie

Barrabás jae llavéracomo ite, jiáie come fatímaci diga. Nano jiáiruido illaïma dotátaruiamo comini fatíaiói. ⁸Ja birui comini Pilátomo jícaibítiaíói. Billano Pilato íaíoi mo finófírena izói ie finóllena jícaíaiói. ⁹Pilato uai ote:

—¿Judíuai Illaïma ómoimo cue zuitál-lena jítaídiomói? —daide.

¹⁰Pilato ja lletáriraini illaini Jesús úradoillafuedo fécajana fidide. ¹¹Mei íadi lletáriraini illaini nana comini jeire otímaci. Iaiói úamona iere caillídimaci. Iaióina llófuetiaíói:

—Jesús ifomo mai Barrabás caïmo zuitál-lena izire omói jícarí, —daídiáiói.

¹²Jira Pilato jícanote:

—¿Nie izói oíacadiomói omói mamécamie Judío Illaïma cue finóllena? —daide.

¹³Iemo caillíocana uai otíaiói:

—¿Cruzmo íena coraí! —daídiáiói.

¹⁴Jira Pilato daide:

—¿Níbái mei? ¿Afémie nie fiénidífue finode? —daide.

Nane dáanomó baimo caillíocana daídiáiói:

—¿Cruzmo íena coraí! —daídiáiói.

¹⁵Iemona Pilato nairai uíecomó ñue íacanamona, Barrabás zuitada orede. Iemo Jesús zechétajano llaizfritinomo izájide íena coráïllena.

¹⁶Ie mei afe onínellaiama áillocó jofo íbírímo íena uítíaiói. Afénomó nana fuíríraini gairítatíaiói. ¹⁷Iemo ñue jíairede inícuíro, illaïma íena, afémiemo jítaídiáiói. Aferói uállaiama jítafíregarói. Afe llezica ifo icuífoi eegi níinacuifoína íemo jítaídiáiói. ¹⁸Jítajano janónaioicana riire íena uáidotíaiói; daídiáiói:

—¿Fígo o iri, Judíuai Illaïma! —daídiáiói.

¹⁹Iemo rázido diga icaíño ie ifo butíaiói. Ie túallaitíaiói. Afémiemo caíñici ana dújullano jífánodoicana íena ebírúitíaiói. ²⁰Daí íe íaiói áífedua

méifodo, afe illaïma jítaícarói íemona duíñódiaíói. Dúíñuano dama íecuirona ie jítaídiáiói. Ie mei afénomona jino íaiói uiga íena coráíallena.

Jesús coráïina

(Mt 27.32-44; Lc 23.26-43; Jn 19.17-27)

²¹Jesuna coráíaidiaíoi mo Cirene ímie Simón jinona jófuemo bite. Afémie Alejandro Rufo íaíllinoi moo. Bítemo Jesús coráíillibicina rocátatíaiói.

²²Iemo Jesús Gólgota maméidinomo uítíaiói. Afe Gólgota jíáimaci uaido ífócoraí Illánona mameide. ²³Afénomó vino eríredíji diga jóonegana Jesús jírotatíaiói. Mei íadi áfena afémie jíróñede. ²⁴Afe mei ja Jesuna coráídiáiói. Iemo fuíríraini onótaraji dotáídiáiói, Jesús inícuíro íaiói máíñuana onóillena. Iemona dájerize illa dígamie ie inícuíro uite.

²⁵Jae jíto ma caífo illa llezica Jesús coráídiáiói. ²⁶Jesús coráígabicimo jíáie uai llotíbicina netáídiáiói. Afébicimo nie íaífue ie ífnua jira coraica, daí íaiói cuega. Bíbicimo cuetíaiói: “Bímie Judíuai Illaïma.” ²⁷Afémie diga mena meríriraima íaíllinoi coráídiáiói, dámie ie nabénemo, jíáimie ie jarífenemo. ²⁸Jaiái Cuegáuai daí fúibicaide. Aféuai daide: “Afémie fiénidimacimo jaináitaga.”

²⁹Afe íodo jáídino Jesumo fiene úritíaiói. Fuena iere riire íena zanódiaíói. Daídiáiói:

—Mai, cacai. O Juzíñamui gairíracó ana júdaitimiedioza. Daje izói daruíamani íllado abido afeco níitimedioza. ³⁰¡Mai dama o abí jíllota! ¡Cruzmona ana bí! —daídiáiói.

³¹Daí daje izói lletáriraini illaini, ocuica uai llófueraini diga, Jesuna janónaitíaiói. Dani conímama daídiáiói:

—Afémie jíáimaci jíllotate, íadi afémie dama ie abína jíllotanide. ³²Mei birui Cristo, Israel Illaïma ana cruzmona

bíadi, áfena cai ciónamona afémie uaina ja uáfueña ínoiticaí, —daidíaiói.

Daje izói afémie diga coráicaiaillinoi fieni Jesumo úritiaíoi.

Jesús tílla

(Mt 27.45-56; Lc 23.44-49; Jn 19.28-30)

³³ Jaíciri illa llezica nana énie jítireficaide. Dahoraámani fidi monáíñede.

³⁴ Afe llezica Jesús riire cáilliano daide:

—Eloí, Eloí, ¿lama sabachtani? —afe uai dobáíñuana daide: ¡Cue Moo Juzíñamui, Cue Moo Juzíñamui! ¿Nibái cue zóofetio? —daide.

³⁵ Dámierie afénomo itínomona áfena cacáillano daide:

—Cacarei, afémie Juzíñamui uai jino llóraima Elías jíríte, —daidíaiói.

³⁶ Iemona afémacimona dámie aizida fíllicide raa uájide. Erírede vínona riáitano, áfena ragüizi ícoimo jóonete, áfede Jesús jirótallena. Daií ñeta, íemo ñuitade. Afe llezica jíáimaci íena daide:

—Ína jabe. Mai cai éroi, neca afémie Elías ana ólleza, —daide.

³⁷ Ie mei Jesús riire caillida tíide.

³⁸ Afe llezica Juzíñamui gairracomo zebica jédaciede iniroi, dáfenedo caifófenemona ana cuájicaide.

³⁹ Jesús anamo romano jabóidillaima uíeco dibénemo naidaide. Ie cáilliana cacade. Ie tílla izóidena ciode. Cíuano daide:

—Uafue, bie iima Juzíñamui Jitó, —daide.

⁴⁰ Dáanomo dáarie ringóniai jicana eróidíaiói. Iaiói cígimo ite Magdalena jofue ingo María, íemo Salomé, íemo jíáie María. Afengo Santiago José ei. Afe Santiago jofófene ímiena mameide.

⁴¹ Bie ringóniai Jesudo jáicadino. Naui Galiléamo ie illa llezica, afémaci íena canódiaíoi. Mei íadi bimaci baímo aillo jíáingotíaina, Galilea ingóniai afémiedo Jerusalemo bitíaiói.

Jesús abi raiáfomo jóoniaidíaiói

(Mt 27.57-61; Lc 23.50-56; Jn 19.38-42)

⁴² Ja nauízaiide. Mei aferui ocózinailarui uícodirui íllaza, comini íaiói jítaille raa finóíredíaiói. ⁴³ Jira José Pilátomo Jesús abi jícajide. Afe bie José Arimatea jofue ímie. Afémie caifóidillaimaíaimo iere jaináideza, ie mámeçi jica jalleide. Afémie Juzíñamui illáimana ilíruina ñue uínote. Afémie abi mámino jácicaíñeno Pilato illánomo jaide. ⁴⁴ Pilato ja ie raire tíllari fáigacaide. Jira jabóidillaima uáidote íemo jicánollena meita uafue daíllena. ⁴⁵ Jabóidillaima “Jíi” dáinamona Pilato fairíote Jesús abi José uíllena. ⁴⁶ Jira José iere ñuera iniroi ibade. Iemo Jesús abi ana uáno, aféroido junide. Iemona idu ana nofici ero raigácomo ite raiáfomo íena jóoniaide. Jóoniano raigaco áillue nofícina ibaide. ⁴⁷ Magdalena ingo María, José ei María diga, afe raíanona ciódiainguai.

Jesús tíidemona meine abido cáadimiena jaide

(Mt 28.1-10; Lc 24.1-12; Jn 20.1-10)

16 Ocózinailarui méifomo Magdalena énie ingo María, Santiago ei María, Salomé diga zíoçi íbádiaíoi, Jesús abi recuíllena. ² Jira semana nanóidirui jítiramo raiáfomo jáidiaíoi. Afe llezica jítoma ja ciode. ³ Iemo ringóniai dúciillano conímána daidíaiói:

—¿Bu mei raiáfo uíeco íbaina nofici cairi oni ñuitalle? mei afeci iere áillueza, —daidíaiói.

⁴ Mei íadi érocaillano raiáfo uíeco íbaina áillue nofici oni jóoniana ciódiaíoi. ⁵ Iemo raiáfo ico eromo íaiói jáillanomo jítócome nabézimo ráiinana ciódiaíoi. Afémie árecuero úzerói jítáoiide. Ieri iere jacínaitiaíoi. ⁶ Jira ringóniaina daide:

—Omoi jacínaiñeno iri. Omoi Jesús, Nazaret ímie nauí coráicamie jenódiomoi. Mei íadi ja tídemona meine abído cáadimierna jaide. Benomo íñede. Afémie íaiói jóoniano omoi eroi. ⁷ Ie mei Pédro mo naa jíáie llófuegamaciri llujáiri. Afe bifue daíri: “Omoi ucomo Galiléamo jaide. Dinomo ie daina izói fena cíotiomi,” —daide.

⁸ Jira ringóniai raiafomona botádiaioi. Fáigacaillano cuidfritiaioi. Iere íaiói jacíruillamona bumó lloñediaioi.

**Magdalena énie ingo
Maríamo Jesús cíocailla**

(Jn 20.11-18)

⁹ Semana nanóidirui monáiacana llezica, Jesús meine abído cáadimierna jaide. Afe mei fueñe Magdalena énie ingo Maríamo afémie cíocaide. Nauí afémie aféngomona siete díga fiénide jóriai oni orede. ¹⁰ Iena ciona mei, afengo Jesús díga nauí jáicadinomo llujáide; afémaci naí zuure éenaitiaioi. ¹¹ Afe Jesús meine caade íllana María íaioimo llote, mei íadi aféfuena cacáillano, áfena naí íñoñediaioi. Daje izói afengo “Iena cíodicue” daina uaina íñoñediaioi.

**Jesús llófuegamacimona
ménailinoimo afémie cíocailla**

(Lc 24.13-35)

¹² Bie mei, Jesús llófuegamacimona ménailinoi jofue onimo mácajidiaillinoi. Mácajilla llezica Jesús jíáfodo íaillinomo cíocaide. ¹³ Afe íaillinói jíáie llófuegamacimó abído llujáidiaillinoi, mei íadi daje izói íaillinoina íñoñediaioi.

**Jesús ie uai oni llóllena
orécamacimó ie uai jóonenocaide**

(Mt 28.16-20; Lc 24.36-49; Jn 20.19-23)

¹⁴ Afe jíáiruideo once díga llófuegamací íaiói güíránomo ráiidiaioimo Jesús cíocaide.

Iaioi comeceí ríirena jira, íaioina lletade. Dáanomo íaioi íñoñena jira, íaioina lletade, mei afe íena cíódino íaioimo llógana íñoñediaioiza. ¹⁵ Ie mei íaioina daide:

—Mai nágagobiaido bie jíllolle uai nana comínimo jino omoi llujáiri. ¹⁶ Afe uaina íñoítimie íemo báutizagamie jíllobicaite. Mei íadi afe uaina íñoñeitimie jíllóñeno duere finócamiena jáite. ¹⁷ Cuemo íñoítino bie onótaraíuiái íñoítiaioi, afe lloga uai uafue daíllena. Cue mámeceido fiénide jóriairedimie ite fiénide jóriai oni óreitiaioi. Uícodo óñoñega jíáie uáillaido úritiaioi. ¹⁸ Daje izói titade jaio íaioi llaítada íaioina ainíadi, tíñeítiaioi. Jucúredíji íaioi jíróadi, íránitañeite. Afe emódomo, íráredimacimó íaioi onoi bitáadi, afe íráredino jíllóitíaiói.

Jesús monamo jailla

(Lc 24.50-53)

¹⁹ Afémacimó úrilla mei, caí Ocuíraíma Jesús ffaicana caífo monamo uiga. Iemo Juzínamui nabézimo ráinazaide. ²⁰ Ie mei ie llófuegamací nágagobiaimo comini jíllona uai llocana uitíaiói. Afe dáamie, caí Ocuíraíma, íaioina canode. Afe llezica afémie íaioi lloga uaina cíofinina íaioi finócaíuiaido uáfuena daítate; daje izói díga onótatíuiaido uáfuena daítate. Jae níie.

JUZÍÑAMUI ÑUEFUE SAN LUCAS LLOGAFUE

El Santo Evangelio Según San Lucas

Rafue uiécodo llogáuai

1 Cue ama izóidimie Teófilomo cueticue. Diga comini caimo comuide ráfuiái ñue jaícina cúellena facádiaioi. ²Afe comuídfuiái táinia-mona, áfena ciódino caimo llua izói, cuetiaioi. Afeniaina ciódino ñuefuiái jino llóllena canódiaioi. ³Afe izói nana bífuiaina ñue jicánofiredicue. Uáfueza, bífuiái táiniana iere jicánofiredicue. Ie jira omo cueticue. Iemona bífuiái jaícina omo cue cúellena cuedo ñue jaide, mei ñuefuiairedimie Teófilodioza. ⁴Bífuiaí omo cúeiacadicue, afémaci omo llogafue uáfueza o onóillena.

Juzíñamui abi ímie Juan Bautista jocoille lloste

⁵Herodes Judea éniemo illáimana illa llezica, afénomo Zacaríasna mámeçiredimie ite. Afémie Juzíñamuimo comini dibénedo úriraima. Afe Zacarías jaiái ímie Aarón jító, Abías iziemo dúidimie. Ie ai mámeçi Elisabet. Afengo daje izói Aarón iziemona comuídingo. Afe Aarón nánora Juzíñamuimo úriraima. ⁶Afe íaillinoi Juzíñamui eróicana ñue jaícina itiaillinoi. Juzíñamui ocuica uai jeire ófrediaillinoi. Ie jira afe íaillinoimo buna fiénidena jítánidiaioi. ⁷Mei íadi úruenidiaillinoi, mei Elisabet úrueninide. Iemo jíái jae iere jónaitiaillinoi.

⁸Iemo daarui Abías izíe táiji-naruillaímo dúcina llezica, Zacarías Juzíñamuimo úriraimana íllena afémiemo dúcide. ⁹Iemo afémaci fñofirena izói, íaioi níziamona,

uguci uillítallena Zacaríasmo baite. Ie jira afémie Juzíñamuimo gairaco rairuíredinomo jofo jaide, afénomo uguci uillítallena. ¹⁰Afémie uillíttaa llezica, nana comini jinófenemo Juzíñamuimo úritiaioi. ¹¹Iemo Juzíñamui abi ímie, ángel dainámie Zacaríasmo cíocaide. Afémie uillítarano nabéfenemo cíocaide. ¹²Juzíñamui abi ímie cíoilano Zacarías iere jacínailano ie finóacaigana onóñede. ¹³Iemo Juzíñamui abi ímie íena daide:

—Zacarías, jacríuñeno iri, mei Juzíñamuimo o jícafrenana afémie cacádeza. O ai Elisabet jítóreite. Afémie mámeçi Juaana o jítalle. ¹⁴O ióbitio, daje izói aillo comini o úrue jocólleri ióbitimaciza, ¹⁵mei o jító Juzíñamui uiécomo iere uai finotimiena mámeiteza. O jító comini jífáitaraji vino diga jaca jíroñeite. Afémie nai jócoñenia Juzíñamui Ñuera Joreño úicaite. ¹⁶Afémie Israel náiraimona diga comini comeci ífuiaí méidotaite, afémaci ócuifirede Juzíñamui uaimo meine ñue íaioi jíruillena. ¹⁷Bie Juan Ocuíraima Cristo uiécodo biite. Afémie jaiái Juzíñamui uai lloraima Elías coméçifirena izói coméçiite. Daje izói Elías riire ocuilla izói riire ócuite, ie uaido móotiai íaioi úruiaí diga caimare íaioi itátallena. Daje izói uaina náfueñedino afémie afe uaina jeire otátaite. Bie izói afémie comini ñúemacina íaioi fínoite, Ocuíraima Jesús ñue llínollena.

¹⁸Juzíñamui abi ímie úrilla llícailla mei Zacarías jicánote:

—¿Nie izói bífuenta uáfuenta onóredicue? mei ja iere jónaiticue, cue ai diga.

¹⁹Juzíñamui abi ímie uai ote:

—Gabriéldicue. Juzíñamui ócuifiregamiedicue. Ie orécamedicue omo úrillena, bie ñuefuiái omo llóllena. ²⁰Mei íadi birui omo cue dáinana o

ñinoñenamona uáinitio. Benómona úriñeítio o jító jocóllinomo. Bie Juzíñamui mamécaruimo zúite.

²¹Afe llezica comini jino itíaiói; Zacarías úiñotiaíoi. Afémie are jino gairíracomona biñena jira jacínaioidiaíoi. ²²Iemo Zacarías jino bítemo ja úrinide. Afemona afémie gairíraco eromo rairuícánomo nicáirilla izóí nibái ciode daidíaiói. Afémie onoi níraídua izóí afémacimo úrite, mei afémie úrinideza.

²³Juzíñamui gairíracomo Zacarías táijinaruillai fúillamona, ie jofomo jaide. ²⁴Bie mei ie ai Elisabet ja úruereacade. Afengo jofómona cinco diga fiui uáfori jino cióñede. Afengo comécido daide: ²⁵“Juzíñamui ja bie izóí cuena úrueretade, íemona comini cuena jámairuñeítiaíoi,” daide.

Juzíñamui abi ímie Jesús jocoille llote

²⁶Ja seis diga fiui Juan comuállamona, Juzíñamui ie abi ímie Gabriel, Galilea éniemo ite Nazaret mámecirede jófuemo orede, daa ringo méiñollena. ²⁷Afengo nai inínde jitaingo. Ie mámecí María. Afengo ja jicánogango Josemo iníreillena. Afe José illaima David izíemona comuídímie. ²⁸Juzíñamui abi ímie afengo illánomo jofó jaillano daide:

—¡Ona uáídoticue, Juzíñamui ñue finócangodío! Ocuífírede Juzíñamui o diga ite. Nana ringóniai baimo Juzíñamui caimare omo eroide, —daide.

²⁹Mei íadi afengo Juzíñamui abi ímie cióillano, afe ie uáimona iere fáigacaide. Iemo afengo comeci anado jicánote, “¿Níbái cuena daí uáídoté?” ³⁰Ie jira Juzíñamui abi ímie íena daide:

—María, jacíruiñeno, mei Juzíñamui caimare omo eroide. ³¹Benómona úruereítio, íemona o jító jócoítio. Afémie mámecí Jesuna jítaitio. ³²Afémie ñúefuena iere jálleite. Afémie caífo monamo

ite Juzíñamui Jitóite. Naui Juzíñamui bíníe jaiáidígíma David illáimana ória izóí, bie Jesuna Juzíñamui illáimana óreite, ³³jaca ninomo Israel náiraímo illáimana íllena. Ie illáimana íllana jaca ninomo fúíñeite, —daide.

³⁴Ie jira María Juzíñamui abi ímiemo jicánote:

—¿Níe izóí bie mei ite, mei cue íima diga inédicueza? —daide.

³⁵Juzíñamui abi ímie uai ote:

—Juzíñamui Ñuera Joreño omo itábi-caite. Iemo caífo monamo ite Juzíñamui ie ríinodo ona ráiruíte. Ie jira o jocolle jító jaca Juzíñamui mamécamiéna ite. Iemona comini íena Juzíñamui Jitó dáíitíaiói.

³⁶‘Iemo jíái o onógango Elisabet úruereite, jamánomo ei ringo íadi. Ie jira úruenitíngo íaiói dainango íadi, seis diga fiui íllamona ja úruereacade. ³⁷Juzíñamuiimona jaca finónide raana íñede, —daide.

³⁸Ie jira María daide:

—Juzíñamui ócuífíregangodicue. Mai mei Juzíñamui cuena ie daina izóí cuemo fínoíteza, —daide.

Afemona Juzíñamui abi ímie oni jaide.

María ie onógango Elisabet uáíduaide

³⁹Aféruíllaído María Judea íduai cígiri ite jófuemo raíre jaide. ⁴⁰Dúciillano Zacarías jofomo jaide. Daíí ñeta Elisabet uáídoté. ⁴¹Elisabet daíí uáídua cacáillano eromo ite úrue níráírícaide. Afe llezica afengo Juzíñamui Ñuera Joréñodo úicaitaga. ⁴²Ie jira iere ficírede uaido úrite:

—Nana jíáingotíai baimo Juzíñamui iere caimare omo eroide, ñúefue omo finóllena. Daje izóí o jítomo iere caimare eroide. ⁴³Iere jamáingodicue, mei íadi cue Ocuíraíma ei cue eróizaíbite. ⁴⁴Mei ua, o cue uáídua cacáillano cue eromo ite jító iere ióbíllano níráírícaide. ⁴⁵Juzíñamui ona daina o ínuado iere

ióbinangodio, mei Juzíñamui ona daina ñue zúiteza.

⁴⁶ Ie jira María daide:

—Cue joréñodo cai Ocuíraimamo ñúefue lloticue.

⁴⁷ Cue Jíllotaraima Juzíñamuimo cue comeci ióbicaide.

⁴⁸ Mei Juzíñamui ie dúerede ocuícaingona uibíoicaideza.

Biruímona nana uire íte comini “Iere Juzíñamui ióbitangodio” cuena dáitíiaioi.

⁴⁹ Mei jamánomo ríinorede Juzíñamui iere ñúefuiai cuemo finódeza.

Afémie mámecei ñúefuiaido jacríuregaci.

⁵⁰ Nana íena ñue jacríuitinona afémie jaca dúecaite.

⁵¹ Finónide ráfuiiai afémie finode.

Fiénidena abi ínotinona afémie jae anáfenode.

⁵² Ríillainina jamáimacina Juzíñamui finode.

Mei jíáifodo comécina mánaidino il-láinina orede.

⁵³ Juffruitinona afémie ñúefuiaido imaci jeíritade.

Mei jíáifodo ráaredinona fia duere imácina orede.

⁵⁴ Ie ócuífiregamaci Israel nairai afémie canode.

Iaioina duéruillena féitañede.

⁵⁵ Naui cai móotiaina daina izói jaca duéruífireite.

Ua, Abrahana ie daina izói, íemo ie náiraina daina izói afémie jaca caina duéruite.

Bie izói María úrilla fuite.

⁵⁶ María daámani diga fiui Elisabet diga íte. Afe mei meine ie jofomo jaide.

Juan Bautista jocóinafue

⁵⁷ Afe mei Elisabet úrue jocólliruiimo dúcinamo, jító jocode. ⁵⁸ Juzíñamui ñue aféngomo érocaillano fidíllano, afengo abi imaci naa onógamaciri afengo

uáiduaidiaioi. ⁵⁹ Ocho dígarui íllamona, judúuai fínofirena izói, gairíracomo jáidiaioi úrue bacano icoi quetállena. Afe llezica ie moo mámeceina Zacaríasna jítácadiaioi. ⁶⁰ Mei íadi ie ei daide:

—Íeñeite. Afémie mámecei Juaana jí-talle, —daide.

⁶¹ Aféngona daidíiaioi:

—¿Nibái mei? O comínimo afe bie mámecei íneide, —daidíiaioi.

⁶² Ie jira onoi níraiduado úrue moomo jicánotiaioi, nie izói mámecei jóoneacade. ⁶³ Ie jira afémie daa cuerábici jí-cade afemo cúellena. Llínuano cuete: “Ie mámecei Juan.” Aferi nana comini jacínaitiaioi. ⁶⁴ Afe cuia llezica Zacarías meine nane úrurede. Jira raire Juzíñamuimo ñúefuiai llote. ⁶⁵ Bíeri nana abi imaci jacínaioidiaioi. Iemo nana Judea íduai éniemo bifue llócadiaioi. ⁶⁶ Nana áfena fidídino afemo iere comécidiaioi. Dani íaioi nabáitíai jícanotiaioi.

—¿Bie úrue minícamienna jáite? Mei uafue, Juzíñamui afémiemo iere caimare eróideza, —daidíiaioi.

Zacarías ñue llocana dainafue

⁶⁷ Iemo ie moo Zacarías Juzíñamui Ñuera Joreño úicailamona úrite; Juzíñamui íemo lloga uaido afémie daide:

⁶⁸ Israel nairai cai ócuífirede Juzíñamuimo ñúefue nitárede, mei afémie caimo éroizaibiteza.

Ja ie comínidicai, íemo afémie ja cai jíllotaibiteza.

⁶⁹ Jaiai ie ocuífiregamie David izíemona, daa ríinorede cai Jíllotaraima caimo orede.

⁷⁰ Jaiai ñúefuiairede ie uai llórainido uí-codo ie daina izói afémie cai Jíllotaraimana orede.

⁷¹ Afémie cai fairíconimona caina jíllotaite. Daje izói cai éoidimacimona cai jíllotaite.

⁷² Cai nánoramacina duéruite, afe izói ie íaioina ñúefuiairede daina uai féitañede.

⁷³ Jaiái cai uzuma Abrahana uícodo daina uai Juzíñamui uáfuenta daina. Afe uai bie izói daide:

⁷⁴ Juzíñamui cai fairíconimona caina báiroite, jacíruiñeno ie ócuifíregamacina cai maméillena,

⁷⁵ Iemo jíái ñúefuiaido ie jaícinaidimacina cai llená, íemo daje izói nana cai illáruillaído afémiemo ñue cai jaináillena.

⁷⁶ Ie mei cue duera jító, caifo monamo ite Juzíñamui uai llóraimana o mámeitiaioi, mei Ocuíraima uícodo jáitioza, ñuera uai llocana uillena, comini íemo íinollena.

⁷⁷ Daje izói afémie bíllado ie comini íaífuiaí féitallena fidítaitio.

Afémaci fiénidífuiaí féitalledo afémaci jíllotiaioi.

⁷⁸ Mei ua, cai Juzíñamui caina izíruiilano caimo dúecaide.

Dúecaillano cáimaci jíáimaci íemo íinollirui caimo ite.

⁷⁹ Afedo tíiacade jítinodo macádino Juzíñamuina onóitiaioi.

Daje izói comeci uái illáfuiaimo joide io afémie cai ífoite.

Benomo Zacarías úrilla fuite.

⁸⁰ Temo afe úrue móonaicana jaide. Afe llezica joreño dibénedo onóicana jaide. Comini íñenanomo ífirede. Israel náiraimo abí ie onónanomo afémie dinomo fiévide.

Jesús jocóinafue

(Mt 1.18-25)

2 Aféruillaído énie jamánomoidíllaíma Augusto nana comini mámeiciaí cuiájillena ocuide. ² Siria éniemo Cirenio illáimana illa llezica, bie nánora mámeiciaí cuiájillena ocuica. ³ Naga come ie móotiaí illánomo ie mámeiciaí cuiájirediaioi. ⁴ Ie jira José Galilea

éniemo ite Nazaret jófueмона jaide Judea éniemo. Afémie David izíemona comuídeza, David jocóinanomo Belemo jaide. ⁵ Móotiaí illánomo José María díga mámeicina cuiájidiaillinoi. Afengo jae jícanogango Josemo íniréillena, íemo ja úruereacade. ⁶ Iemo Belemo íaillinoi illa llezica afengo úrue jocólliruiemo dúcida. ⁷ Dinomo afengo nánora jító llíide. Jócua mei íniróido ferínote. Iemo juráreto ecáranomo rallai jóbiano ie bitade, mei afe íaillinoimo comini dúciranomo illino íñédeza.

Juzíñamui abí imaci ovejai úiñoraimacimo cíocaide

⁸ Belén jofue onimo dáarie ovéjaiaí úiñoraini naiona íaioi ovéjaiaí úiñofirediaioi. ⁹ Uái daí itíaioimo raire Juzíñamui abí ímie ángel dainámie íaioimo cíocaide. Afe llezica Juzíñamui quenírie íaioi ábíedo egáínozide. Aferi iere jacínaitiaioi. ¹⁰ Mei íadi Juzíñamui abí ímie íaioina daide:

—Jacíruiñeno iri, mei ñuera rafue ómoimo lluaíbiticueza. Bie ráfuere nana comini iere íóbitiaioi. ¹¹ Birui jaiái illaíma David jófueмо omoi Jíllotaraíma jae jococa. Afémie cai Ocuíraíma Cristo. ¹² Afémiena omoi onóillena afe úrue íniróido ferínoga, íemo juráreto ecáranomo bitaca báitioimo, —daide.

¹³ Afe llezica Juzíñamui abí ímiemo aillo jíaie mona imaci offoide. Afémaci Juzíñamuimo aillo ñúefuiaí llotíaioi:

¹⁴ —Caifoide Juzíñamuimo ite ebírenafuiaí omoi lloiri.

Afe dáaruído afémie caimare eróinamacimo comécina uái illafue íiteza, —daidíaioi.

¹⁵ Iemona, Juzíñamui abí imaci abido monamo jailla mei, ovéjaiaí úiñoraini dani conímana daíízitiaioi:

—Mai mei Belemo cai jai; bie Juzíñamui caimo lloga ie jocóinafue mai cai méiñuai, —daidíaioi.

¹⁶ Jira jarire jáidiaioi. María José diga ciódiaioi. Iemo jíái juráreto ecáranomo bitaca úruena ciódiaioi. ¹⁷ Afena cióillano, Juzíñamui abi imaci afe úrue ífuenta íaioimo llúana jino llotíaioi. ¹⁸ Nana afefue cacáдино afe dáinari iere caimare fágacaidiaioi. ¹⁹ Mei íadi María nana aféfuiai comécimo jóoniano áfemo uibóicaide. ²⁰ Iemo ovéjaiai úiñoraini dinena meine abido jaide. Jailla llezica nana íaioi cacana, íemo íaioi cionado Juzíñamuimo ñúefue llotíaioi. Iemo daje izói ebírenafue Juzíñamuimo nitádiaioi. Mei nana íaioimo daina izói íteza.

Dúemie Jesús Juzíñamui gairíracomo ácataga

²¹ Jócuamona ocho dígarui íllamona, dúemie bacano icoi quetátatiaioi. Afe llezica Jesuna ie mámece jítádiaillinoi, mei afeci nano María nai úruenina llezica Juzíñamui abi ímie aféngomo llóteza.

²² Iemo diga irui íllamona, Moisés ocuica uai llua izói, María abi íainina daíllena níciduafue fúillamo, úruena Jerusalemo uitfaillinoi. Afénomo ite Juzíñamui gairíracomo úruena Juzíñamui fena íllena acátajidiaillinoi. ²³ Daí finódiaillinoi Juzíñamui ocuica uaimo daí cúeina jira. Afe uai daide: “Nana nánora jococa iiza Juzíñamui fena mamérede.” ²⁴ Jira jáidiaillinoi Juzíñamui daina fecalle raa fecállena. “Mena úcugi, nibai mena fíiciri fatá Juzíñamuimo omoi fecari,” aféuai daí daide.

²⁵ Aféruillaído Jerusalemo Simeóna mámece redimie illa. Afémie iere ñúemie; Juzíñamuimo ínofirede. Israel nairai fairíconimona bairolle úiñote. Simeón Juzíñamui Ñuera Joréñodo úicaigamie. ²⁶ Afe Ñuera Joreño, Simeón nai tíñenia Juzíñamui orelle Crístona cíote, daí ie fídítate. ²⁷ Ie jira Jesús móotiai íaillinoi, gairíracomo Jesuna uilla uícodo, Juzíña-

mui Ñuera Joreño afe Simeón gairíracomo jáillena ífode. Iemona José María diga, jaiai ocuica ínofirena izói Jesuna íaillinoi fínuaíbillla llezica, Simeón Jesús ie ónoimo llínote. ²⁸ Simeón fena llínuva llezica Juzíñamuimo ñúefue llocana daide:

²⁹ —Juzíñamui, mai birui caimare tíredicue, mei o ocufíregamiedicue, o cuena daina izói nana ñue fuitádio.

³⁰ Dama cue uído cai Jíllotaraimana ciódicue.

³¹ Afémie jae nana comini eróicana o jóonegamie.

³² Afémie judíuainédino ñúefuina onótaitimie.

Iemo jíái afémie o comini Israelmo ñúefuina nítaite,
—daí daide Simeón.

³³ Jira José María diga Simeón úruena daí ie dáinari fágacaidiaillinoi. ³⁴ Ie jira Simeón uáillaído íaioina cáimacaitade. Iemo Maríana, Jesús eina daide:

—Eroi, bie úrue Juzíñamui mamécamie. Diga Israel comini fena ruifíruillamona táinoficaitiaioi. Iemo jíái aillo comini íemo fínuaamona ñúemacina jáitiaioi. Afémie onótate raa ízoite, íemo aillo comini fena íairuitiaioi. ³⁵ Afedo illa dígamie ie comeci ífue onuille. Mei íadi ómona bie nana, jáirede lloefai izoide, dango o comeci izire fñoite, —daí Simeón daide.

³⁶ Afénori daa ringo illa. Afengo Juzíñamuimona ie oga uai llófuefírede. Afengo mámece Ana; Fanuel jiza. Iemo jíái Aser náiraimona comúdingo. Afengo iere éirogi. Afengo jítáingona illa llezica inírede. Afengo siete diga fimona afémie diga ite. Afe mei afengo fecíngona jaide. ³⁷ Iemo birui aféngomo ochenta y cuatro diga fimona fecíngona ite. Afengo Juzíñamui gairíracomo jaca ífírede, mei afénomo mona naio diga Juzíñamui ocufíregangona ite.

Afengo iere Juzíñamuimo úrifirede, íemo jíái iere fímaíríte Juzíñamui íóbitallena. ³⁸Simeón Jesudo úrilla llezica afengo afénomo bite. Iemo úrue dibéfodo Juzíñamuina “Figora” daina mei, afengo nana Jerusalemo ite jíllollena uíñotínomo úrite. Dúemie Jesús ñúefuíaína afengo íaíoimo llote.

Nazaremo meine jáillafue

³⁹Iemona, nana Juzíñamui ocuica uailla íaíoi fuita mei meine Galilea éniemo jáidiaíoi. Afénomo dani íaíoi jofue Nazaremo fiébizaide. ⁴⁰Afénomo afe úrue iere íocire móonaite, íemo jíái ráfueña baitádimiena móonaite. Afe llezica Juzíñamui afézamo caimare eroide.

Juzíñamui gairíracomo úrue Jesús finócafue

⁴¹Jesús moo íaillinoi naga fimónaiaido Jerusalemo pascua ráfueño jáifirede. ⁴²Jesús doce díga fimona fuita mei, íaíoi finófireña izói afe ráfueño nana jáidiaíoi. ⁴³Afe rafue záillamona, jofomo meine íaíoi jailla llezica, afe úrue Jesús Jerusalemo fiébicaide. Afeza fiébicaillana ie ei, José díga onóñediaillinoi. ⁴⁴Nibai cai onóigamací díga bite, daidíiaillinoi. Daa mona daíí iodo coméciidiaillinoi. Mei íadi íaillinoi onóigamací cígido jenódiaillinoimo ⁴⁵afézana cíñediaillinoi. Jira meine Jerusalemo íemo jénuaidiaillinoi.

⁴⁶Afe mei daruíamani íllamona Juzíñamui gairíracó eromo afézana baitaillinoi. Ocuica uai llófuetino cígimo ráiidena baizájidiaillinoi. Afeza afémaci úrillamo cacáreide. Afe llezica afeza afémacimo jícanofirede. ⁴⁷Nana afeza íaíoi uaillai úana cacádino fáigacaidiaíoi; daje izói ie ráfueña baitari. ⁴⁸Ie moo íaillinoi íena cíozaiilla llezica íaillinoína jacínaitade. Ie ei íena daide:

—Cue jító ¿níbái cócori bifue finódio? Cue o moo díga iere coco comécina líciatatio, ona iere zuure jenódicocoza, —daide.

⁴⁹Mei jira Jesús íaillinoi uai ote:

—¿Mei níbái cue jenódiomicoi? Cue Moo llogáfueño cue járitaiticue; ¿áfena onóñediomicoi? —daide.

⁵⁰Mei íadi afe íaillinoína afeza daínana onóñediaillinoi.

⁵¹Afe mei afeza ie moo íaillinoi díga abido Nazaremo jaide. Iemo íaillinoi ocuillana jeire ófirede. Ie ei nana bífuíai comécimo jónete. ⁵²Afe llezica Jesús ñue zairíoicaide, íemo onócana jaca jaide. Afe llezica Juzíñamui naa comíniri afémiemo jíerúituaíoi.

Juan Bautista táizicimo rafue jino llote

(Mt 3.1-12; Mr 1.1-8; Jn 1.19-28)

3 Romano jamánomoidillaíma Tiberio illáimana illa llezica, Poncio Pilato Judea énie illaíma. Iemo Herodes Galilea énie illaíma. Iemo ie ama Felipe mena énie illáimana ite. Be ñie: Iturea, íemo Traconite. Afe llezica Lisánias Abilinia énie illaíma. ²Afe llezica Jerusalemo jamánomoide lletáiraima íaillinoi Anás Caifás díga. Aféruillaído Juzíñamui Zacarías jító Juaamo táizicimo úrite. ³Iemona Jordán abí comini illágobaiido Juan llócaide. Afémacina bie izói daícade: Omoi comeci ífuíai méidori; áfemona omoi fiénidífuíai dólleza. Iemona omoi báutizatari. ⁴Jaiái uai lloraima Isaiás uícodo cuega uai izói bífuíai íficaide. Be afe uai:

Ficire úritímie uai táizicimo cacacaide.

Afémie daide:

“Juzíñamui bille io ñue fínua izói omoi comeci ñue fino.

Afémiemo io jaícina dénuu izói, omoi comeci íaífuíai féitari.

⁵Nana ana jica ite ítaicoíai ñue jaícina oruíziite.

Nana caifóneduai ana dájena jaícina jóbite.

Jullícana joide io, jaícina tuiñolle.

Daje llezica iñede io, daje llezica jóbite.

⁶Iemona nana nairai Juziñamui caimo orelle jilloillifue mo comécidiao.

⁷Comini Juan dine íaioi báutizailla llezica, afémie íaioina daide:

—¡Titade jaíóniaimona comúidino izóidiomoi! Ja ánozide duere zefuñifue mona omoi botállena, ¿bu omoi lua? ⁸Omoi comeci ifue médoiacanana ñufuedo uáfodo jino ácatari. Dani ómoimona táinona “Abrahámona comúidinocai” daiñeno iri. Mei bie noñciaimona Juziñamui jitáidi, Abraham comínina comúitaredeza, daií ómoina daidicue. ⁹Fiénide amena tiéllena jata jicaida jónia izói fiénidino duere finoille jae ñue mameca. Nana figo llizíñede amena iraimo zocana uillano jobaica. (Tiéfirega izóidiomoi.)

¹⁰Jira comini afémiemo jicánotiaioi:

—¿Mei bie ñie izói íredicai? — daidíaoi.

¹¹Jira Juan uai ote:

—Mena caifóferoiredimie, caifófenidimiemo daa írede. Iemo güñlledimie güñlledimiemo güñllena fecárede, —daide.

¹²Afénomo dáarie gobierno íbátaga úcube llínoraini báutizailla Juaamo jicaíbitiaioi. Afémiemo jicánotiaioi:

—Llófueraima, ¿mei bie cai ñie izói ítícaí? — daidíaoi.

¹³Jira Juan íaioina daide:

—Ocuica uai daina baimo dama raíñoñeno iri, —daide.

¹⁴Iemo dáarie “soldado” daina nairai úiñotino Juaamo jicánuaíbitiaioi:

—¿Mei bie cai ñie izói ítícaí? — daidíaoi.

Jira Juan íaioi uai ote:

—Jácidota, jiáimamona minícana baíróñeno iri. Daje izói jácidoñeno

jiáimamo ie fínoñegafue táinona íaioimo jitáñeno iri. Nano omoi táijina iba dieze uái omoi iri, —daide.

¹⁵Nana comini Juaamo coméci ídiaioi. “Ñibai bímie Crístona,” comécido daidíaoi. ¹⁶Mei íadi Juan nana afémacina daide: Mei uáfueza, cue jáinoina omoi báutizadicue.

—Mei jiáimie ja bite. Afémie Juziñamui Ñuera Joréñodo ómoina úcaite. Daje izói iraimo raa ñue zia izói, afémie ómoina íainino ñue fñoite. Afémie cue baimo rínoírede. Cue bie jamáimedicueza, afémiena dama jacíruedicue. ¹⁷Jabe bíttimie arroz bíaidimie izói ja ie llocofe llíicabite. Afémie arroz bíamona ícuaí oni eneno ua izói, ñúemacimona fiénidínona oni eneno óite. Ñúemacina ie illánomo ñue éenoite. Mei jiáífodo fiénidícuai izóidino zíñona dúíñeite iraimo jóbaite, —daide Juan.

¹⁸Afe bíemona naa aillo jiáie llófuiado Juan ñúefuiai jino comínimo llote. ¹⁹Afe emódomo Juan illaima Heródesna riire lletade, mei ie ama Felipe ai Herodías ie aina ua jira. Daje llezica ie finoca fiénidífuiai Juan íena lletade. ²⁰Mei íadi Juan llétajana fínoñeno afe baimo jiáie íaifuenabaida: Herodes Juan llavéracomo ibaide.

Jesús báutizaga

(Mt 3.13-17; Mr 1.9-11)

²¹Afe uícodo, Juan nana comini báutizaja llezica, Jesús jiái báutizaga. Afe Jesús báutizaja llezica afémie Juziñamuimo úrite. Urilla llezica mona túijicaide. ²²Afemona Ñuera Joreño fíiciri baizáibilla izói, afémiemo comini cíoicana baizáibite. Afe llezica monámona daa úrilla cácaicaide. Afe úrilla daide:

—Cue izíruiga Jitódio. Ori iere íóbioidicue, —daide.

Jesucristo uzúti*(Mr 1.1-17)*

²³ Ja Jesús treinta fimona íllamona Jesús comínina canóllena ie táijina como tainede. Comini coméciilla izóí Jesús José jító.

Iemo afe José Elí jító.

²⁴ Iemo daje izóí Elí Matat jító.

Iemo afe Matat Leví jító.

Iemo afe Leví Melqui jító.

Iemo afe Melqui Jana jító.

Iemo afe Jana José jító.

²⁵ Iemo afe José Matatías jító.

Iemo afe Matatías Amos jító.

Iemo afe Amos Nahum jító.

Iemo afe Nahum Esli jító.

Iemo afe Esli Nagai jító.

²⁶ Iemo afe Nagai Maat jító.

Iemo afe Maat Matatías jító.

Iemo afe Matatías Semei jító.

Iemo afe Semei Josec jító.

Iemo afe Josec Judá jító.

²⁷ Iemo afe Judá Joanán jító.

Iemo afe Joanán Resa jító.

Iemo afe Resa Zorobabel jító.

Iemo afe Zorobabel Salatiel jító.

Iemo afe Salatiel Neri jító.

²⁸ Iemo afe Neri Melqui jító.

Iemo afe Melqui Adi jító.

Iemo afe Adi Cosam jító.

Iemo afe Cosam Elmadam jító.

Iemo afe Elmadam Er jító.

²⁹ Iemo afe Er Josué jító.

Iemo afe Josué Eliezer jító.

Iemo afe Eliezer Jorim jító.

Iemo afe Jorim Matat jító.

³⁰ Iemo afe Matat Leví jító.

Iemo afe Leví Simeón jító.

Iemo afe Simeón Judá jító.

Iemo afe Judá José jító.

Iemo afe José Jonam jító.

Iemo afe Jonam Eliaquim jító.

³¹ Iemo afe Eliaquim Melea jító.

Iemo afe Melea Mena jító.

Iemo afe Mena Matata jító.

Iemo afe Matata Natán jító.

³² Iemo afe Natán David jító.

Iemo afe David Isaí jító.

Iemo afe Isaí Obed jító.

Iemo afe Obed Booz jító.

Iemo afe Booz Sala jító.

Iemo afe Sala Naasón jító.

³³ Iemo afe Naasón Aminadab jító.

Iemo afe Aminadab Admin jító.

Iemo afe Admin Arni jító.

Iemo afe Arni Esrom jító.

Iemo afe Esrom Fares jító.

Iemo afe Fares Judá jító.

³⁴ Iemo afe Judá Jacob jító.

Iemo afe Jacob Isaac jító.

Iemo afe Isaac Abraham jító.

Iemo afe Abraham Taré jító.

Iemo afe Taré Nacor jító.

³⁵ Iemo afe Nacor Serug jító.

Iemo afe Serug Ragau jító.

Iemo afe Ragau Peleg jító.

Iemo afe Peleg Heber jító.

Iemo afe Heber Sala jító.

³⁶ Iemo afe Sala Cainán jító.

Iemo afe Cainán Arfaxad jító.

Iemo afe Arfaxad Sem jító.

Iemo afe Sem Noé jító.

Iemo afe Noé Lamec jító.

³⁷ Iemo afe Lamec Matusalén jító.

Iemo afe Matusalén Enoc jító.

Iemo afe Enoc Jared jító.

Iemo afe Jared Mahalaleel jító.

Iemo afe Mahalaleel Cainán jító.

³⁸ Iemo afe Cainán Enós jító.

Iemo afe Enós Set jító.

Iemo afe Set Adán jító.

Iemo afe Adán Juzíñamui jító;

ua, Juzíñamui nano finócamie.

Taife Jesús facátate*(Mt 4.1-11; Mr 1.12-13)*

4 Jesús diga Ñuera Joreño uaido íllamona imani Jordámona oni jaide. Afe llezica Ñuera Joreño táizicimo ie uite. ² Afénomo afémie cuarenta dígarui ite. Afe dínomo Taife íena fieni facátate.

Aféruillaido Jesús jaca due jiza güiñede. Afe mei iere jamánomo juffnaite. ³Mei jira Taife éna daide:

—Ua Juzíñamui Jitona o íadi, bie nofíciái güíllena fino, —daide.

⁴Jira Jesús uai ote:

—Juzíñamui Cuegáuai daide: “Fia güíllado come índe, mei jiáifodo nana Juzíñamui lloga uaido írede,” —daide.

⁵Afe mei Taife caifónedumo ie uite. Dinómona nana éniemo ite náiraiái dáaruido éna ácatate. ⁶Iemo Taife éna daide:

—Nana bie náiraiái ríino naa ie ebíredinuiari omo íiticue. Mei nana bie cúeieza. Iemona cue fecáacana dieze jiáimamo íredicueza. ⁷Cue anamo o dújuillano cuemo o caimátaia nana bie óeiteza.

⁸Mei jira Jesús uai ote:

—Taife, mai cúemona oni jai, mei Juzíñamui Cuegáuai dáideza: “Dama Ocuide Juzíñamuimo caimátairena. Dama afémie ocuífíregamiena o iri,” —daide.

⁹Nane afe mei Taife Jerusalén jófuemo Jesús uite. Afénomo ite gairáaco emódomo caifo jica uite. Uillano éna daide:

—Ua Juzíñamui Jitona o íadi, mai benómona ana batí ticai, ¹⁰mei Juzíñamui Cuegáuai bie izói dáideza:

Juzíñamui ie abi imácina ona uínotaite. ¹¹Iaioi ónoido ona mozíñoitiaioi, o eiba nofíciáimo íziñeillena.

¹²Jira Jesús uai ote:

—Juzíñamui Cuegáuai nane daide: “O ocuide Juzíñamui mai facátañeno,” —daide.

¹³Ja Taife Jesuna jiáie facátaja raana baiñenamona nano íanori afémiemona fáicanocaillano oni jaide.

Jesús Galilea éniemo fueñe táijizaide

(Mr 4.12-17; Mt 1.14-15)

¹⁴Jesús Galilea éniemo abido bite. Juzíñamui Ñuera Joreño afémiena ñue úicade. Nana afe énie fuédado afémiedo úritiaioi. ¹⁵Nágagobiaimo ite Juzíñamui uai llorácuaido Jesús llófuecaide. Iemona nana comini ñúefuiai afémiemo mamédiaioi.

Jesús Nazaremo mácajide

(Mt 13.53-58; Mr 6.1-6)

¹⁶Mei íemo Jesús ie móonaille Nazaret jófuemo abido mácajide. Iemo ocózinaiillaruimo Juzíñamui uai llorácomo ie fñofirena izói, jofo jaide. Jaillano Juzíñamui Cuegáuai facádollena caifo naidaide. ¹⁷Iemona jaiái uai llóraima Isaías Cuegáuai illabe Jesumo itíaiioi. Afémie afénico túiñuano afe bie uai illano baite. Afe be ñíuui:

¹⁸“Cai ocuide Juzíñamui Ñuera Joreño cue diga jáicade.

Mei dúeredinomo ñúefue cue llóllena cuena ñue mamédeza.

Comécina dúeredinona cue jíllotallena ocuícacue.

Daje izói llavécánona zuitalle uai llóllena orécacue.

Iemo jiái uina cóioñedino uina cóioitallena orécacue.

Iemo duere finócanona zuitállena orécacue.

¹⁹Daje izói Juzíñamui caimo jamánomo caimare érocaillirui llóllena orécacue.”

²⁰Iemona Jesús afénico íbáillano, Juzíñamui uai lloraco ero canófredimiemo abido ite. Afe mei Jesús ana ráinade. Iemo nana afe llorácomo itino Jesumo riire eróiediaioi.

²¹Iemona Jesús íaioina daide:

—Ja birui omoi eróicana bie Cuegáuai ñue ícoimo fuite, —daide.

²²Nana Jesudo ñue úritiaioi. Afémie íaioimo lloga ebírede uáillairi caimare fáigacaidiaioi. Mei jira jicánotiaioi:

—¿Mei bie afe José jitóñede? — daidíaioi.

²³Jira Jesús íaioina daide:

—Uáfueza bie omoi daiífírena uai cuemo mámeitiomoi: “¡Iráredinona manóriacadimie, fueñe dama o abina jállota!” (Comini Jesús Juzíñamui oreca ua Crístona íaioi daiífírenamona, Jesús bie izóí daide. Mei afémie fia José jitó íadi, jíáimana jállotanideza.) Daje izóí nibai cuena dáitiomoi: “Nauí cai cacana Capernaumo ebire o finócafue mai birui dama bie o jófuemo finori.”

²⁴Iemo Jesús ie úrillana moziñoñeno nai jíái uai lloste:

—Mei uáfueña ómoína daidícue, naga uai jino llóraíma dama ie comini cígiri jaca figo íinoñega. ²⁵Omoimo jino uáfodo llóitícue, nauí Elías illáruil-laido Israel nairai cígimo diga fecíngotíai ite. Aféruillaido daámani fimona átuedo noci bíñede. Afemona afeno nairai jamánomo júbietaidiaioi. ²⁶Mei íadi Elías Israelmo ite aillo fecíngotíaimona daingo mamedá oreñega. Mei jíáifodo jica Sarepta jófuemo ite fecingo mamedá Elías oreca daingo canóllena. Afe Sarepta jofue Sidón jofue áinori ite. ²⁷Daje izóí uai llóraíma Eliseo illáruil-laido Israel náiraímo aillo chífnaitinuíai ite. Mei íadi afémacimona dáamie jaca jállotañega. Mei jíáifodo jica Siria énie ímie Naamán jállotaina, —daide.

²⁸Afe uaina cacáillano nana llorácomo itino afe Jesumo iere rícaidíaioi.

²⁹Náidacaillano afe jófuemona jino ie jíúdiaioi. Afe mei afe jofue idu ícoímo íena uitíaioi, afénomona ana ie dotál-lena. ³⁰Mei íadi Jesús afedu ícoimona gírecaillano íaioi cígido abído jaide.

Fiénide jóríai úicaigamie Jesús jállotata

(Mr 1.21-28)

³¹Afe mei Jesús Galilea éniemo ite Capernaum jófuemo jaide. Afénomomo ocózinai lló-fuíaide. ³²Ríire ocuilla uaido ie íaioi lló-fuíari caimare fáigacaidiaioi.

³³Afe Juzíñamui uai llófuerao eromo fiénide jóríai úicaigamie ite. Afémie Jesuna cióillanona ríire caillide:

³⁴—Cai fáicanocai. Nazaret ímie Jesús, ¿nibái mei caimo jíricaidio? ¿Caina niné táinocaitaíbítio? Ona ónodícue Juzíñamui ñúefuíaido jacíruiregamiedio, —daide.

³⁵Jira Jesús fiénide jóríai uai ote:

—¡Uriñeno! ¡Bímie fáicanocai! —daide.

Mei áfemona afe ímana fiénide jóríai comini eróicana ana éniemo dotade. Daiífínuano afe jóríai afe ímana ízitañeno oni jáidiaioi. ³⁶Aferi nana jacínaillano jofo confímaíaina daidíaioi:

—¡Bímie uailai níi mei ríinorena! Afe bímie ríirede uaido fiénide jóríaina orede. Iemo afémaci áfemona jáidiaioi, —daidíaioi.

³⁷Afe énie comini nágagobiaido Jesudo úritiaioi.

Jesús Simón Pedro jífaiño jállotata

(Mt 8.14-15; Mr 1.29-31)

³⁸Afe mei Jesús Juzíñamui uai lló-fueracomona jino billano, Simón jofomo jaide. Afénomomo Simón jífaiño ie abi cuaríllari iere irárede. Jira afengo jállotallena Jesumo izire jícadíaioi. ³⁹Iemo Jesús aféngomo ana ánozillano ie onoi llíínote. Afe llezica ie abi cuarilla llíí-caide. Iemona afengo jállobicaide. Daií daina llezica afengo náidacaillano afémaci jítaica raa bai atide.

Jesús diga iráredino jíllotate

(Mt 8.16-17; Mr 1.32-34)

⁴⁰ Ja jítoma jímaicaidemo, diga jíáiforiede duico ogánuiaina Jesumo atídíaiói. Afémacimona illa dígamíemo Jesús ie onói bitade. Bítajamona afémaci jíllóztíaiói. ⁴¹ Iaiói atíca iráredínuiaimona diga fiénide jóriai jino jaide. Jaillano afémaci riire caillíoidíaiói:

—O Juzíñamui Jítódio, —daídíaiói. Mei íadi, como úrizaidíaióimo Jesús íaióina úritañede. Mei afémaci afémie Crístona íllana onódiáioiza.

Jesús Galilea éniemo uai jino llote

(Mr 1.35-39)

⁴² Afe jíítiramo Jesús jofue baimo buna íñénanomo jaide. Mei íadi comíni íena jenódíaiói; ie íllánona baizájídiáioi. Afémaci afémiena iere jeruídíaiói oni jíáínomo afémie jáíñeíllena. ⁴³ Jira Jesús íaióina daide:

—Jíáíe jófuiáimo Juzíñamui ílláimana íllíruimo ja áinozideza áfena llujíredícue, mei afe jira orécacueza, —daide.

⁴⁴ Afemona daíí Jesús Galilea éniemo ite Juzíñamui uai llorácomo llófuecana uite.

Jesús uaido dáinamona jamánomo aillo chamuníai oga

(Mt 4.18-22; Mr 1.16-20)

5 Afe mei jíáíruido Jesús Genesaret jorai fuédamo ite. (Afe jorai jíáí-fodo mameina Galilea.) Afénomo ie illa llezica diga comíníai afénomo dúcina. Afémiena jamánomo rillíretadíaiói, mei afémaci Juzíñamui uáílláimo iere cacáacadiáioiza. ² Afe jorai fueda áinori mena nocáe táicaena Jesús ciode. Mei afécaemona facóraíni oni jaillano íaiói chamu ora llóiji jocódíaióiza. ³ Iemona Jesús Simón icaemo jaide. Afécaemo jáíllano íena daide:

—Bícae fuédamona bai batí due ñuita, —daide. Afe mei Jesús afécaemo ráinailano nane como bai afénomona comíni llófuete. ⁴ Ie llófuia fúíllamo, Simona daide:

—Bíe nocáe bai batí afóredínomo ui. Afénomo chamu ólleza omói llóiji dota, —daide.

⁵ Jira Simón uai ote:

—Llófueraíma, jae naio náamonana facódícaíza, íadi jaca daa onédícaí. Mei íadi o daina izói mei o ocuícaza llóiji dó-taitícue, —daide.

⁶ Daíí dotádemó, jamánomo aillo chámuníai jíídeza, llóijina cuatáacade. ⁷ Afe jira oni jíáícaemo ite íaiói nabáítíai ónoído jíírítíaiói, ie íaiói cánuabíllena. Jira afémaci cánuabítíaiói. Afe íaiói jíítaga chámuníai íaiói ménacae áíllócaemo oruítatíaiói. Jamánomo oruíllamona afe ménacae buíacade. ⁸ Afena Simón cóíllano Jesús ana dújullano daide:

—Cue Ocuíraíma, cúemona oni íi. Cue bíe fiénídífue finódímíedicueza, —daide.

⁹ Mei ua, afe aillo chamu jíllari Simón naa ie nabáíñíairi jacínaitíaiói. ¹⁰ Iemo jíái Zebedeo jíto íaíllínoí Santiago Juan diga, Simón nabai daje izói jacínaitíaiói. Mei íadi Jesús nane Simona daide:

—Jacíruíñeno. Benómona chamu fácuá izói comínina jénoítíoa, cuemo íaiói íinollena, —daide.

¹¹ Iemona afe ménacae oni fuédamo zítajano, dínomo nana fíiano Jesudo jáídiáioi.

Jesús chíinaitímie jíllotate

(Mt 8.1-4; Mr 1.40-45)

¹² Iemo jíáíruido, Jesús jófueмо illa llezica chíinaitímie Jesumo dúcide. Jesuna cóíllano ana dújuíllano uíéco dí-nena ana éniemo bíjicaide. Daíí ñiano Jesumo izire jícade:

—Cue Ocuíraima o jitáiaidi bie duícona cúemona oréredio. Cúemona oreri, —daide.

¹³Iemona Jesús ie ónoido jétano daide:

—Jii, ona jíllotaiacadie. Benómona ja íainitioza, —daide.

Daíí daina llezica ie irárena chiie jacáibicaide. ¹⁴Afemona Jesús afémiena “Bie bumo lloñeno iri” daide. Afe emódomo nane daide:

—Mai lletáriraimamo o abi ácatari. Afe llezica Moisés ocuica o abi ja íainide daítaite raa, mai fecari. Afemona nana comini o chiie ja jacáillana ónoítiaioi, —daide.

¹⁵Jesús izire íena rairuide íadi Jesús mámecei jamánomo bai jica jalléicaide. Iemona aillo comini ie uaimo cacáreiza-íbitiaioi. Daje izói íaioimo ite duícomona ie jíllotallena aillo bitíiaioi.

¹⁶Mei íadi Jesús bai comini íñénanomo jaide, afénomo ie Moo Juzíñamuimo úrillena.

Jesús tízitaitimie jíllotate

(Mt 9.1-8; Mr 2.1-12)

¹⁷Nane afe jíáiruido Jesús llófuemaritemo, fariséuaimona dáarie afénomo ráiiede. Afe llezica oni jicana bite ocuica uai llófueraíni dáanomo ite. Dáarie Galilea ígobaiaimona bitíiaioi. Daje izói jíáimaci Judea éniemona, íemo Jerusalén dinena jíái bitíiaioi. Aféruimo Juzíñamui ríino aillo iráredino jílluamona jino ácataga.

¹⁸Afe dáaruído diga ímie tízitaitimie naa ie bíralludo atídiaioi. Jofo Jesús uícomo ie uíacadiaioi. ¹⁹Mei íadi iere comínina oruúdeza jofo íaioi jáillino íñede. Ie jira caifo jofo emódomo uitíiaioi. Uillano afeno tuiñódiaioi. Afeno túiñuano afe iráredimie naa ie bírallu diga ana comini cígimo Jesús uícomo agúínetiaioi. ²⁰Jesús ñue íaioi ínuana cíoilano, iráredimiena daide:

—Mii, nana o fiénidifuiái ja muiñócaza, —daide.

²¹Iemona ocuica uai llófueraíni naa fariséuairi, como comeci anado daidíiaioi:

—¿Mei bie bu? baie jíáimie fiénidifuiái dóficailla dáinado Juzíñamuina ícírítaja. Jaca bu comini fiénidifue muiñóñena; dama Juzíñamui fiénidifueña múiñua, —daidíiaioi.

²²Mei íadi Jesús comeci íaioi fácajana onóillano daide:

—¿Nibái mei bie izói comeci facádíomoi? ²³Mei daíí daina ménade uáimona ¿nie uai iere llotáinina? Afe ménade uai be ñie: O fiénidifue muiñócaza. Iemo jíáie uai bie izói joide: Mai náidacaillano maca. Iiraie uai jamánomo llotáirede, mei omoi eróicana íteza.

²⁴Mei jira, Nanoide íima Jitódícueza bíniemo cue illa llezica comínimo ite fiénidifue cue muiñolle ríino jino ómoimo cíotaitícue, —daide.

Mei jira Jesús tízitaitimiena daide:

—Ona dáitícue náidacai; náidacailano o bírallu llíinota o jofomo jai, —daide.

²⁵Daíí daina llezica, afe tízitaitimie comini eróicana caifo náidacaide. Náidacaillano, ie bírallu llíinota, Juzíñamuimo caimátaicana ie jofomo jaide.

²⁶Aferi nana comini caimare fáigacaidiaioi, íemo Juzíñamuimo caimátaidiaioi. Afe mei jacíruioicana daide:

—Ñii birui cai iere ebíredifuiaina ciona, —daidíiaioi.

Jesús Leví jíirite

(Mt 9.9-13; Mr 2.13-17)

²⁷Nane bie méífomo Jesús jofue cígido mácaja llezica, gobierno íbátaga úcube llíinoraímamo riire éroicaide. Afémie mámecei Leví. Afe úcube íbafirenanomo afémie ráiiede. Jesús íena daide:

—Mai cuedo bi, —daide.

²⁸ Iemona Leví náidacaillano nana ie táijina fáicanocaillano Jesudo jaide.

²⁹ Afe mei Leví áillue rafue ie jofomo Jesús íena finode. Afe Leví izoide aillo úcube llínoraini naa jíáimaciri güirábanimo ráiizaibitiaioi. ³⁰ Mei íadi fariséuai naa ocuica uai llófuetinori Jesús llófuegamacimo como meine fieni úritiaioi. Iaioina daide:

—¿Nibái mei baie úcube llínofirede fiénidinori güitfomoi? —daidiaioi.

³¹ Jira Jesús íaioi uai ote:

—Jociredimie mánuamo dúñede. Iráredino manórena. ³² Dani ñúemacina abi mamédinona uáiduaibiñedicue, mei jíáifodo fiénidifuiaredino comeci ifue méiduaibiticue, —daide.

Iaioi fímairillena Jesumo jíacánotiaioi

(Mt 9.14-17; Mr 2.18-22)

³³ Iemona afémaci Jesumo jíacánotiaioi:

—¿Nibái mei Juan dibénedo jáidino, íemo jíái fariséodo jáidino, diga ícaño riire fímaifirediaioi? Iaioi fímairilla llezica Juziñamuimo jamánomo jíáfirediaioi. Mei jíáifodo o llófuegamaci jaca güífirediaioi, jirófirediaioi. ¿Nibái mei daí itíaioi?

³⁴ Jira Jesús íaioi uai ote:

—Mai cuena omoi daí: ¿Airena rafue llezica áfemo uáidogano meita zúurenari güínidiaioi? Daíñañede; ringo otímie íaioi cígimo illa llezica caimare güitíaioi. ³⁵ Mei íadi ringo otímie íaioimona báiru-aibillruimo dúciite. Aféruído comeci zúurenari güñeitiaioi. Ringo otímie izói birui cuedo jáicaidino cígiri itícuéza.

³⁶ Ie emódomo jíáie onótate rafue llote:

—Jaca nino dáamie comue iníroimona jíitano, jácaroimo nitáñede. Daí nitáadi cómoroina fieni cóitate. Iemo jíái jácaroimo nitaca cómoroi figo cóiñede. ³⁷ Iemo nane jíáifue llote. Daje izói como vino jácara igorai finoina iciru

izoide raamo totánide. Dáamie daí totáadi afe comue vino afe jácara icíruna eroide raana cuatade. Afemona afe iciru naa vino diga táinomo fáifite. ³⁸ Iemona comue vino comue igorai finoina icíruna eróidomo jóonerede. Iemona afe naga ñue éenoga. ³⁹ Daje izói jácara vino jiródinomona, buna cómojina jícañena. Mei afémie “Jácaji jamánomo caimárena,” dáideza. (Afe bie dáinado Jesús ie comue llófueinafue íemo íaioi jaiái llófuegafue dáanomo finonide íaioimo llote.)

Jesús llófuegamaci ocózinai llaruimo trigo ímoiaí dícoiano otá güitíaioi

(Mt 12.1-8; Mr 2.23-28)

6 Daa ocózinai llaruimo Jesús naa ie llófuegamaci jacáfaiái cígido íaioi maca llezica, ie llófuegamaci trigo ímoiaí dícoiano otíaioi. Uano íaioi ónoído lléguano aféjiaina güitíaioi. ² Mei jira fariséuaimona dáamierie jíacánotiaioi:

—¿Nibái mei ocózinai llaruimo rairuícamo táijidiomoi? —daidiaioi.

³ Jira Jesús íaioi uai ote:

—¿Omoi jaiái illaima David finócafue cúeinana facádoñediomoi? Afémie naa ie nabáñiairi jufñaitíaioi. ⁴ Afe llezica Juziñamui jofomo jofo jaillano rairuica pániai ote. Uano güite. Afe mei afémiedo jáidinomo fecade. Mei íadi afe pan dani lletáiraini güiga. Abi dine jamai comini güñide.

⁵ Nane dáanomo íaioina daide:

—Nanoide hima Jitódicueza, ocózinai llaruui, cue ocuille ríino ite, —daide.

Onoina jofo nai llidimie rafue

(Mt 12.9-14; Mr 3.1-6)

⁶ Nane jíáie ocózinai llaruimo Jesús Juziñamui uai llorácomo jofo jaide. Jaillano llófuete. Afécomo onoi nabézina jofo nai llidimie ite. ⁷ Afe llezica ocuica uai llófuetino naa fariséuairi Jesumo

báinino éroiediaioi, ocózinaillaruido afe ónoina jofo naillídímie jíllojtajana cíoil-lena. Afémie jíllojtaia áfedo fiénidífue íemo jítaiticai, comeci anado daidíai. ⁸ Mei íadi Jesús íaioi comeci fácajana onode; jira ónoina jofo naillídímiena daide: —Náidacaillano bai cai cígimo bi, —daide.

Iemona afémie náidacaillano bai náidazaide. ⁹ Afe mei Jesús jíáimacina daide:

—Omoimo dafue jícanoiticue. ¿Ocózinaillaruido niie tájina rairuínina? ¿Cai finoca fiénidífue, mei níbai cai finoca ñúefue? ¿Cómiena jíllojtaiticai, mei níbai méineiticai? —daide.

¹⁰ Iemona Jesús nana ie onífenedo gairide comínimo eroide. Afemaci ie uai oñena jira, ónoina jofo naillídímiena daide:

—O onoi jino zuita, —daide.

Jira afémie zuitade. Zuitádemo ñue jíllode. ¹¹ Mei íadi áfemona afe jíáimaci jamánomo rícaidiaioi. Dani jofo conímamo jícanotiaioi, ¿Mei niie izói baie Jesús uáitaredicai?

Jesús doce díga oni oréllimacina nizede

(Mt 10.1-4; Mr 3.13-19)

¹² Aféruillaído Jesús caifónedumo Moo Juzíñamui mo úrizaide. Afénomo afémie Juzíñamui úritemo monaide. ¹³ Ja monáidemo nana ie llófuegamaci jírite. Jíirillano afémacimona doce dígamie nizede. “Oni oréllino” íaioina mamede. ¹⁴ Afe be nímaci: Simón, afémie jíáie mámecí jítaina Pedro, íemo Simón ama Andrés, íemo Santiago, íemo Juan, íemo Felipe, íemo Bartolomé, ¹⁵ íemo Mateo, íemo Tomás, íemo Alfeo jító Santiago, íemo íere Járídotimacimo jaináidímie Simón, ¹⁶ íemo Santiago ama Judas, íemo uire Jesús fécaítímie Judas Iscariote.

Jesús aillo nairai llófuete

(Mt 4.23-25)

¹⁷ Jesús caifónedumona naa afémaciri ana bitíai. Billano ñúenomo nano íanori naidáiediaioi. Afénomo aillo jícanemaci Judea éniemona bitino gairídiaioi. Daje llezica Jerusalémna, íemo jíái Tiro, Sidón díga jica itíniemona bitíai. Bimaci nana Jesús úrillamo cacáreizaíbitiaioi. Daje izói afémaci íaioimo ite dúicomona Jesús jíllotallena bitíai. ¹⁸ Daje izói fiénide joríaí uícaigano jíllotagai. ¹⁹ Afe llezica nana comini Jesuna jetáacadiaioi, mei afémie íemo ite rínodo nana íaioina jílloteza.

Cáimafue zuufue díga

(Mt 5.1-12)

²⁰ Iemona Jesús ie llófuegamacimo érocaillano íaioina daide:

—“Comeci dinena dúeredicai,” dáíífredino omoi íadi, dúerede íadi íóbidiomoi; mei ómoimo Juzíñamui illáimana illano dúideza.

²¹ Júbiena méinegamie íere güícana izói, Juzíñamui comeci jítaina izói íere íacadino omoi íadi, caimare íóbidiomoi, mei Juzíñamui afe omoi íacana izói omoi íllena ómoina cánoiteza.

Birui duere éediomoi íadi caimare itífo-moi, mei uire zádaítiomoi.

²² Nanoide íima Jitódicueza cue ícoinia comini ómoina éoina llezica caimare íítiomoi.

Daje izói cue ícoinia ómoina jino íaioi jíuadí íóbítiomoi. Iemo jíái cue ícoinia ómoina íáire íaioi daíadí, daje izói o mámecina íáirede raa izói íaioi jámairua, íóbítiomoi. ²³ Aféruído íere omoi íóbiocairi. Jamánomo caimare omoi iri, monamo áíllue omoi jírdolle raa íteza. Mei afe izói bimaci nánoidígima Juzíñamui uai llórainina íere duere finódiaioi.

²⁴ Mei jiáifodo omoi ráanaitino nii dúerena, mei omoi caimátailla raana jae otíomoiza.

²⁵ Daje izói omoi jeírede izói itino nii dúerena, mei uire iere juffruitiomoiza.

Afe izói birui ómoimona zadáidino nii dúerena, mei uire dúerenari éeitiomoiza.

²⁶ Daje izói nana comini ómoído ñue íaioi úrilla llezica, nii omoi dúerena. Mei afe izói afémaci jaiáigima taino uai llórainimo caimare úrtiaioiza.

Caina éoidinona izíruiredicai

(Mt 5.38-48; 7.12)

²⁷ Mei íadi cue úrillamo cacáreidionona dáititue: Omoi bacáuai imaci izói dino, nii omoi diga icíritinona mai omoi izírui. Daje izói omoi éoidinona mai ñue omoi finori. ²⁸ Omoi faidódinona mai omoi cáimadori. Daje izói ómoina fieni finócadino, ñue íaioi ílleza, mai Juzínamuimo omoi jicari. ²⁹ Daa come o uieco putáadi, daje llezica enéfenena ie fállena mai o fecari. Daje izói dáamie táinona omo jítajano, o emódoidiroi bairóadi, daje llezica o caifóferoina mai o uitátari. ³⁰ Ninó dáamie raana omo jicáadi mai afémiemo jeruñeno o fecari. Omona bairoca raana abido jicánoñeno o iri. ³¹ Jira jiáimacimo uícodo bie izói finórediomoi. Jiáima omo finóllena o óiacana dieze, áfeze afémiemo mai o finori.

³² Daa ómoina izíruitinona omoi izírui, ¿Mei niie ñúefue finódiomoi? Mei fiénidino afe izói fínuaza. ³³ Daje izói daa omoi ñue finódino ñue omoi finóadi, ¿néemei omoi finoca ñúefue? Mei fiénide comini afe izói fínuaza. ³⁴ Afe izói daa “meine abido cue méidolle cue coméillamiemo” o fecáadi, ¿néemei o finoca ñúefue? Mei afe izói, fiénidino jiáie fiénidinomo méidollena fecádiaioiza. ³⁵ Mei íadi

ómoina éoidinona izíruirediomoi. Abido méidollemo coméciñeno, fia fecárediomoi, afémacimo ñue finóllena. Afe izói omoi íllemona áillue ñúefuiari máiñoitiomoi. Afe llezica caifoide Juzínamui jítótiaina jáitiomoi. Mei afémie daje izói jeruñinidimie. Figora daiñinidinomo, daje izói fiénidinomo afémie jeruñeno dájerize fecade. ³⁶ Omoi Moo comínimo dúecaifiredeza, afe dieze jiáimacimo mai omoi dúecaifireiri.

Jiáima jánana fieni úriñeno iri

(Mt 7.1-5)

³⁷ Jiáima jánana mai fieni úriñeno omoi iri, áfemona Juzínamui riire ómoimo jicánoiza. Mai jiáimana duere finotáñeno omoi iri, afe izói Juzínamui duere omoi fínoiza. Jiáima ómoimo finoca fiénidifue mai omoi féitari, afe izói Juzínamui omoi fiénidifue féitaitenza. ³⁸ Jiáimamo mai omoi ífireiri, íemona Juzínamui ómoimo ífireiteza. Afémie raa omoi ofítara cirígaimo iere ñue fácajano afégaimo jóoneite. Afémie afégaina ñue riire jilloicíteza. Iemo jiái afégaina caifo jica ebena óruitaita. Afémie afegai jamánomo orútajamona ana abido cóciite. Jiáimamo cai facáfirena izói Juzínamui caimo fácaite. ³⁹ Jesús bie onótatífue afémacimo llote:

¿Meita únidimie jiáie únidimie iodo ifórede? Nibai afe íaillinoi jáidiaillinoina ¿meita dáafomo báitiaillinoi? ⁴⁰ Lló-fuegamacimona dáamie ie llófuetimie baimo onóñede. Mei íadi ie llófueina fuilla mei ie llófuetimie illa izói iite.

⁴¹ ¿Mei niie izói o ama uimo ite jéenide ráaruaina eróiredio, mei íadi dama o uimo ite jéerie rarúngaina náfueñedio? (Afena daiíacade: Aillo fiénidifue omo illa llezica; ¿niie izói due jiza oni nibéfodo baiídime jánana úriredio? Urinidío.) ⁴² Mei o uimo

ite jéerie rarúnguaina o náfuēñenia, ¿ñiie izói o ámana “o uimo ite jéenide ráaruaina cue otata,” dáiiitio? Daiínidío. ¡Comeci dine iáirena mei jínofene ñue cíoidimiedio! Fueñe o uimo ite áillue rarúnguái mai o oíri; afe mei o ama uimo ite jéenide ráaruái óllena ñue cíoitioza.

Nana amena ie llíziedo ónorede

(Mt 7.17-20; 12.34-35)

⁴³Ñuera amena fiénide ráajiaina llizínide. Daje izói fiénide amena ñuera ráajiaina llizínide. ⁴⁴Mei naga amena ie llizíllajido onoiga. Jaca jüirede monáigimona jíficollina jofo óñenaza. Daje izói “zarza” daina íanoride rarócimona jíricue jofo óñega. ⁴⁵Ñuera come ñúefuedo úrite, mei ie comécimo ñúefue íllaza. Daje izói fiénidimie fiēni úrite, mei ie comécimo fiénidífue íllaza. Mei uáfueza o comécimo aillo jebuide raa o fuedo úrillaza.

Mena jofo nillino rafue

(Mt 7.24-27)

⁴⁶Cue dáinana fínoñediomoi ia ¿ñibái mei, “cai Ocuíraima, cai Ocuíraima” daidíomoi? ⁴⁷Cuemo cacáreizaitimie, íemo cue daina finófredimie illa izói ómoimo llóitícue. ⁴⁸Afémie jofo nílana baitádimie izoide. Afe ñue nífiredimie fueñe ana jica jáiálliraina raitē; ana mairídinomo jónete. Afe mei ille renaila llezica afécomo jainoi riire dúcide. Mei íadi afe jofona jainóñede, mei afeco mozíoidíllirai mairídinomo jóideza. ⁴⁹Mei jáífodo, cuemo cacárezaibitímie mei íadi cue dáinana finóñedimie, bie jáíifo jofo nitímie izoide. Bímie riire llíiñede éniemo jofo nite. Afe mei ille renaila llezica afécomo jainoi riire dúcide. Afemona afeco jainode. Iemona afeco due fiēbiñeno nine táinocaide.

Romano illaima ocuífregamie Jesús jíllotata

(Mt 8.5-13)

7 Jesús comínimo úrilla fuilla mei Capernaumo jaide. ²Afénomo daa romano illaima ite. Afémie ie ocuífregamiēna iere izíruite, mei íadi afe ocuífregamie iere irárede, tñillanomo dúcide. ³Afe illaima comini Jesudo úrillana cacáíllano, judíuaimona ocuífiredē éicomini orede, Jesumo izire jicállena, ie ocuífregamie jíllotaibillena. ⁴Afémaci Jesumo dúciíllano iere izire jicádiaioi:

—Baie illaima iere canórede, ⁵mei afémie cai náiraímo caimare coméciífiredē. Daa afémie cai Juzíñamui uai lloraco nitátate, —daidíaiioi.

⁶Iemona Jesús afémaciri jaide. Mei íadi ja afe jofomo ánozilla llezica afe illaima dáarie ónoigamiiai Jesumo orede. Illaima daina izói Jesuna daidíaiioi:

—Ocuíraima, ona áifedoacañedicue. Cue jofomo o bíllena dúiñede, mei jamáimiedicue. ⁷Ie jira dama omo úriza-ibiñedicue. Jicana o uaido o daiíri, áfemona cue ocuífregamie jílloteza. ⁸Mei cue jáíie illaima uai anamo itícue. Afe izói cue úiñoga fuíríraini cue uai anamo ite. Afémacimona dáamiēna “Mai jai” cue daiíadi, afémie jaide. Iemo jáámienā “Bi” cue daiíadi, afémie bite. Cue ocuífregamiēna “Bíemo o táijiiri” cue daiíadi, afémie áfena finode, —daide.

⁹Jesús áfena cacáíllano, afémie dáinari caimare fáigacaide. Iemo Jesús afémiedo jáidínomo érocaíllano daide:

—Uáfueña ómoína dáiiitícue: Nana Israel náiraímo bie izói ínote come jaca baiñédicue, —daide.

¹⁰Afe orécano meine jofomo jáidi-aióimo, afe irárede ocuífregamie ja jíllodena cíozaidiaioi.

Jesús daa fecingo jító tílla abido cáadimiena jaitate

¹¹ Bie meífomo Jesús Naína daina jó-fuemo jaide. Ie llófuegamaci naa aillo jíáimaciri iedo jáidiaioi. ¹² Afe jófuemo ja áinozidiaioimo, Jesús tíidimie íaioi raiájillana cide. Afe tíidimie ie éimona daade jító. Afe llezica afengo jae fecingo. Aféruido afe jofue comínimona aillo aféngona nabáidiaioi. ¹³ Ocuíraima Jesús aféngona cíoillano íemo dúecaide. Dúecaillano daide:

—Mai éēno, —daide.

¹⁴ Afe llezica Jesús “ataúd” daina tíidimie illácojimo áinozillano afécoji jate. Jira afécoji uitino moziñotiaioi. Iemona Jesús tíidimiena daide:

—Jítócome, mai náidacai ona daidicue, —daide.

¹⁵ Mei daíí daina llezica, afe tíidimie raináicaillano úrite. Afe mei Jesús ie eina daide, “Be, o jító; mai ómicoi jai; uái ómicoi iri,” daide. ¹⁶ Nana comini áfena cíoillano jacnaitiaioi. Juzíñamuimo aillo nūefue jóoniano daidiaioi:

—Birui cai cígiri jamánomoide uai llóraima cíoacilla, —daidiaioi.

Nane jíáifodo daidiaioi:

—Juzíñamui ie nairai cánuaibilla, —daidiaioi.

¹⁷ Iemona afe bie Jesús finócafue jica jalleide; ua nana Judea éniemo naa afe onífenemo itígobiaido jalleide.

Juan Bautista orécano

(Mt 11.2-19)

¹⁸ Juan nana afe Jesús finócano fidide, mei íedo jáidino afémiemo llógaza.

¹⁹ Mei íemona afémacimona ménamie uáidota Jesús dine orede. Oriano, bie meita ua bite Cristo dáinana óoil-lena jicánotade. Daje izói, meita nibai nai jíáie bíitímie uíñoitícaí, afémie daíí jicánotade. ²⁰ Afemona Juan orécano Jeshumo dúciillano íena daidiaioi:

—O meita ua bite Cristo dainámiedio áfena ñue onóillena Juan cai jicánotade. Daje izói meita nibai nai jíáie bíitímie uíñoitícaí dáinana óoil-lena cai jicánotade, —daidiaillinoi.

²¹ Afe íaillinoi dúcina llezica, Jesús diga comini íaioi íranciaimona jíllotade; daje izói dáaruído íaioi ote duícuaimona jíllotade. Daje izói fíenide jóriai úcaigamacina jíllotade. Iemo jíái diga uínidinuíai uina cíoitate. ²² Afe llezica Jesús íaillinoína daide:

—Omicoi cónafue, naa ómicoi cacánafue diga mai Juaamo llujíri. Bie izói afémiemo llujíri: Uínidino ui ja cíoide, íemo macáñedino ja macádeza, íemo chíinaitino ja nūemacina jaide, íemo jefona cacáñedino ja ñue cacádiaioi, íemo dáarie tíidino meine abido cáadiaioi, íemo dúeredinomo jíllona uai llógaza. Nana bífuiai mai afémiemo llujíri. ²³ Cuemo íinoñeilliuaina baiñédimie íóbite.

²⁴ Juan orécano meine abido jailla mei, Jesús Juaado comínimo úrite; daide:

—¿Mei táizicimo minícana cíoizaidiomoi? Nibai dáamie ie daina uaina méidofiredimiena cíoizaidiomoi.

²⁵ Afe izóidena omoi cíoizaiñenia, ¿mei minícana cíoizaidiomoi? ¿Meita nibai ñue cioide ráifide íniroi jítáoidimiena cíoizaidiomoi? Onódiomoiza, nūecuiroi jítáoiíredino illaini jofomo ífirediaioi naa dani íaioi comeci jítaina izói itínori. ²⁶ Mei íirainomo, ¿minícana cíoizaidiomoi? ¿Nibai Juzíñamui uai jino llóraimana cíoizaidiomoi?

Jíi, ua, Juzíñamui uai llóraima baimo jamánomoidimiena cíoizaidiomoi.

²⁷ Juan baie Cuegáuai dainámie. Jaiái úicodo nai cue biñena llezica, afe uaimo Juzíñamui afémie díbenedo cuena daide:

O bille io ñue finóllena izói, comíni íaioi comécido ñue omo jíeruillena cue lluájitimie o ufcodo óreiticue.

²⁸Nana comínimona ite Juzíñamui uai llórainimona Juan Bautista baimo jamánomoidimiena iñede. Mei jíáfodo, Juzíñamui illáimana illánomona jabóidimie Juan baimo jamánomoidie.

²⁹Afena cacáillano, Juan báutizaga gobierno ibátaga úcube llínoraini, naa jíáie báutizaiganori, “Juzíñamui nífuenidena finódimie,” daidíaioi.

³⁰Mei jíáfodo Juan báutizañega fariséuai naa báutizañega ocuica uai llófuetinori Juzíñamui íaioiena mameca ñúefuiai jámairuillano táinomo fáifitataioi. ³¹Iemo Ocuíraima Jesús daide:

—Bie monado itónona ¿ñie izói íaioina mámeiticue? ¿Mei ñie izói cfoitaiioi? ³²Jofue cigi ibírímo jífánote úrue izóidíaioi. Afémaci conímamo ebírede rúado caimátaiacadiaioi, mei íadi áfena fairíoñediaioi. Daje izói conímama zúurede rúado ffracadiaioi, mei íadi daje izói áfemo cacáreaañediaioi. Afémaci jaca caimátaitanidiaioi. ³³Afe bie izói ómoímo ite. Mei Juan Bautista billa llezica afémie fímaírrillano güílleniai figo güíñede, daje izói vínona jiróñede. Iemona “fiénide joríaí uícaigamiedio” íena daidíomoi. ³⁴Afe mei cue, afe Nanoide fima Jitó dainámiedicue biticue. Billano, jíáimaci izói güiticue, íemo jiródicue. Afemona bie izói nane cuena daidíomoi: “Bímie iere güílláredimie; jéerie jirófiredimie. Fíénidifuiairedino nabáidimie; daje izói gobierno ibátaga úcube llínoraini nabáifiredimie,” cuena dáifiredimoi. ³⁵Comíni Juzíñamui orécanona fieni daidíaioi íadi, Juzíñamui baitaca rafue jíeruitinodo jino comínimo ñue cíotaga.

Fariseo Simón jofomo Jesús güizájide

³⁶Fariséuaimona dáamie Jesús güizájillena llote. Iemona Jesús afécomo güizájide. Jaillano afeco eromo güirábanimo ráinazaide. ³⁷Afe llezica, afe jófuemo ite fiénide ringo, fariseo Simón Jesús güizaíbillana fidíllano afécomo bite. Afengo “alabastro” daina nofici finoina duera iciru atide. Aferu ziore cáiredijina oruide. ³⁸Eebicaillano Jesús idai abimo ráinazaide. Afe llezica ie ui jémedo Jesús idai jocode. Afe mei ie ifótiido dote. Duano ñitade; ñítajano ie uiga ziore cáiredijina afémie ídaímo totade. ³⁹Afe Jesús güíllena uáidote fariseo, afengo finócafuena cíoillano, comécido daide: “Bímie ua uai llóraímania, bie ringo fiéninana ónoite. Afémie abina nibai aféngona jétatañeite. Mei afengo fiénidíngo íllaza afémie aféngomona abí ráiruute,” daí comecei facade. ⁴⁰Afe jira Jesús fariséona daide:

—Simón, cue daa uai omo llóiacadicue, —daide.

Mei jira fariseo uai ote:

—Llófueraíma, mei daini, —daide.

⁴¹Jira Jesús daide:

—Mena come ufcómo íaillinoímo iga úcube daje izói meine fecádimiemo írediaíllinoi. Dáamie quinientos dieze meine írede, íemo jíáimie cincuenta dieze meine írede. ⁴²Mei íadi nágaíllinoi afe úcube fecádimiemo íaíllinoi méidolle íñena jira, afe fecádimie afe íaíllinoi abido írede úcubena féitate. Mei birui cuena daini, mei bíaíllinoímona ¿ñimie fecádimiena jamánomo izíruirena? —daide.

⁴³Jira Simón uai ote:

—Cúemona, jamánomo aillo íllano íféitagamie aillo izíruilla, —daide.

Jira Jesús íena daide:

—Ñue onódio, —daide.

⁴⁴Afe mei, Jesús ringomo érocaillano Simona daide:

—¿Bingona ciódio? O jofomo cue billa llezica, cue ídaina jocóñedio, mei jiáifodo mei ringo ie ui jémedo cue ídaina jocode. Jócuano ie ifótiido zafénaitade. ⁴⁵Iemo o jofomo biticue íadi cuena ñitáñedio, mei íadi afengo jofu cue billa llezica cue idai ñítajana jaca fáicanocaiñede. ⁴⁶Daje izói o jofomo cue dúcina mei cue ifomo cáiredijina totáñedio, mei jiáifodo afengo ziore cáiredijina cue ídaimo totade. ⁴⁷Ie jira ona daidicue, bie ringo aillo cuena izíruillamona, afengo finoca aillo fiénidifue dóinana ácatate. Mei jiáifodo jabo cuena izíruitimie íemo ite íaifue jabo dogu.

⁴⁸Mei afe mei Jesús aféngona daide:

—O finoca fiénidifue jae dófideza, — daide.

⁴⁹Afénomo afémie diga ráiide daane güllena uáidogano dani comána daidíaioi:

—Mei bie ¿ñiie come; comínimo ite fiénidifuiaina dóteza? —daidíaioi.

⁵⁰Afe mei Jesús afe ringona daide:

—Mei daingo o ínuado jae jíllodio; mai uái daí o jairi, —daide.

Jesús canófiredingoníai

8 Bie méifodo, Jesús diga jófuiaido macácaide, naa due illánuiari. Afénuaido Juzíñamui illáimana illa rafue jino llocana uite. Afe llezica ie nizeca doce dígade oréllino afémiedo jáidiaioi. ²Afe dáaruído dáarie dúfcuaimona ie jíllotaga ringóníai afémiedo jáidiaioi. Iemo jiái dáarie íaioi uícaide fiénide jóríaimona jíllotaga ringóníai iedo jáidiaioi. Afémacimona Magdalena énie ingo Maríana mámeciredingo ite. Aféngomona siete dígade fiénide jóríai nauí jino oreca. ³Iemo jiáie canódingo Cuza ai Juana. Afe Cuza illaima Herodes jabóidillaima.

Iemo jiáingo Susana. Iemo jiái aillo jiáie ringóníai, íaioimo ite ráaniaina Jesús canódingotíai.

Ríjifiredimie rafue

(Mt 13.1-9; Mr 4.1-9)

⁴Afe jófuiaimona aillo comini Jesuna cióllena bitíaioi. Aillo comini dánomo ofilla llezica, íaioi onóigafuedo Jesús jiáifue íaioimo llófuete. Íaioina daide:

⁵—Ríjifiredimie ie rillíji rizájide. Rizájilla llezica, ie rigájiaimona dáarie iomo baiide. Afe iomo baídíjiai zaizíbide; jiájíai ofocuizai güiga. ⁶Jiáie rigájíai nofcíai emódomo baiide. Aféjiai zícua llezica jainoi inénari dúizite. ⁷Ie mei jiájíai éegíai cígimo baiide. Afe éegíai jéerie zícuamona aféjiaína írataitano titade. ⁸Mei íadi jiáie rigájíai ñuera éniemo baiide. Ñue zícua mei, jamánomo aite. Dájídemona cien dígaji llizide.

Bie izói úrillano, Jesús ficire daide:

—Cacáacadimie cacai, —daide.

Cacáacaiñedino jánaillena Jesús comini onóigado úrite

(Mt 13.10-17; Mr 4.10-12)

⁹Iemona ie llófuegamaci afémiemo jícanotíaioi:

—Afe llogafue ¿ñiie izói daíacade? — daidíaioi.

¹⁰Jira afémie íaioina daide:

—Juzíñamui ie illáimana illa rafue ónonidifuiái ómoina onótate. Mei íadi jiáimacimo afémaci jánaillena comini onóigado úriticue. Iemona uina cíóñedino izói íítiaioi. Daje izói afe uai afémaci cacana llezica, onóñedino izói íítiaioi.

Ríjifiredimie rafue Jesús jino uáfodo llote

(Mt 13.18-23; Mr 4.13-20)

¹¹Ríjifiredimiedo lloga rafue bie izói daíacade: Afe rigájíai daina Juzíñamui

lloga ñuera uai. ¹²Afe iomo baiðdijiai daina ñuera uaina cacáðino. Mei íadi cacana mei, Taife billano afe ñuera uaina comini íaioi comécimona féitate. Afémaci jílloneillena, Taife afémaci afe uaina ñnotañede. ¹³Afe nofciaimo baiðdijiai daina jíáfodo jóide ñuera uaina cacáðino. Afe uaina cacáillano caimare otíaioi. Mei íadi afémaci raire zicode raa riire jaináñena izói, Juzíñamuimo afémaci figo jaináñenamona are iñédiaioi. Nano íanori ñnotiaioi. Mei íadi izire íaioi facátalliriuimo dúcina llezica ññefuena fáicanocaitiaioi. ¹⁴Iemo afe éegiai cígimo baiðdijiai daina, jíáie ñuera uai cacáðino. Mei íadi cacana llezica dani íaioi comeci jitaina diné jáiacadiaioi. Iemona afémaci comeci oni jíáinomo uilláfuaiaido, nocáe builla izói féiraitiaioi. Daje izói iere íaioi ráareiacanado, íemo jíái biniemo ite caimare cai itátafuiaido anáfenogaiaioi izóidiaioi. Iemona figo llizíñede itíaioi. ¹⁵Mei jíáfodo afe ñuera éniemo baiðdijiai daina ñuera uaina cacáreacadino. Afémaci ñuera comécido cacáillano afe uaina ñue náfuetiaioi. Iemona áfena fáicanocaiñeno ñue aite izói jáidiaioi.

Boode mechera jánaide izóidifue

(Mr 4.21-25)

¹⁶Buna boode mechera retáidoñede. Daje izói buna boode mechera bíra anamo raináñede. Mei íadi jíáfodo boode mechera caifo uáfori cíoidinomo raináfirega, jofu jáidino ñue cíoilena. ¹⁷Mei uáfueza, nana retáidoga ráaniai uáfori jino cíotaibille. Daje izói nana báinide ráfuiai jino uáfori llócailleza. ¹⁸Aquíe izóideza ñue omoi cacáreiri: fere Juzíñamuina onóacadimiemo ie báitaja baímo jamánomo írede, mei íadi Juzíñamui dibénedo figo onóacañedimie, due ie onógafue féitalle.

Jesús ei naa ie ámatiairi

(Mt 12.46-50; Mr 3.31-35)

¹⁹Iemona Jesús ei naa ie ámatiairi ie illánomo dúcidiaioi. Afénomo aillo comini íllaza, afémiemo ánozinidiaioi. ²⁰Jira dáamie Jesumo llujáide:

—O ei, naa o ámatiairi jino benó itíaioi. O diga úriacadiaioi, —daide.

²¹Jira Jesús comínina daide:

—Juzíñamui lloga uaina cacáillano afe uai jeire otino cue eina, cue ámatiaina, —daide.

Jesús jorai bagua naa jairifo diga llícaitate

(Mt 8.23-27; Mr 4.35-41)

²²Afe mei jíáiruido, Jesús ie llófuegamaciri áillocaemo ana jaillano Jesús daide:

—Mai jorai ruícaferaimo cai jai, —daide.

Iemona jáidiaioi. ²³Ruica íaioi jáitaja llezica, Jesús inide. Afe llezica riírede jairifo jóraimo ónonino raire bite. Riire jáíñuamona afe nocáe buíacade. Afécaena jacire anábaitacade. ²⁴Mei jira Jesús cazítatiaioi. Cazítajano íena daidiaioi:

—Llófueraima, Llófueraima, ¡ja buízaidicai! —daidiaioi.

Iemona Jesús náidacaillano jairifo naa jorai bagua diga llícaitate. Afemona nana llícaide; ññifuenino jorai uái ite.

²⁵Afe mei Jesús ie llófuegamacina daide:

—¿Ico nai Juzíñamuimo íñoñedio-moi? —daide.

Mei íadi afémaci jacínaitiaioi. Afémiemo caimare fáigacaillano conímamo jícanotiaioi:

—¿Mei bie ññie cómeita? Afémie jairífona ocuide, daje izói jáinoina ocuide. Iemo afémie uaina ñnotiaioi, —daidiaioi.

**Gerasa éniemo ite fiénide
jóríai uícaigamie**

(Mt 8.28-34; Mr 5.1-20)

²⁶ Jailla ícoimo Gerasa éniemo dúci-diaioi. Afénie Galilea énie ruícaferaimo ite. ²⁷ Como ari aféniemo jáidiaioimo, afe jófueмона dáamie Jesús diné bite. Ja diga fimónaiái afémie fiénide jóríai uícaiga. Afémie inícuiro jaca jitáñede. Daje jofomo uái inede, mei jiáfodo raiáfuaína jofórede. ²⁸ Jesuna cíoillano afémie anamo dújuzaibite. Dújuzaibil-lano ficire daide:

—Caifoide Juziñamui Jitó Jesús, ¿nibái mei cuemo jíricaidio? Duere cue o fñoñeillena izire jicádicue, —daide.

²⁹ Afémie bie izói daide, mei Jesús aféniemo ite fiénide jóríai jino oréllena ocuícaza. Diga ícaíño afémiena fiénide jóríai riire uícade. Afe llezica comini afémie onoi idai diga llojóodo máifire-diaioi. Jiáimaci fiéni fñoñeillena izire íena rairuídiaoí. Mei íadi afémie afe maia llójejina titáfiredede, ie mei afe ie uícaide fiénide jóríai afémiena táizicimo botátafiredede. ³⁰ Jira Jesús aféniemo jicánote:

—¿O mámecei bu? —daide.

Jira afémie uai ote:

—Legiona mámeceiredicue, —daide. Afe “Legiona” daina uai, aillo comini, daíacana.

Afémie bie izói daide mei aillo fiénide jóríaiái íena uícaideza. ³¹ Afe bie fiénide jóríaiái Jesumo izire jicádiaioi duere finótalle íbárafomo afémaci óreiñel-lena. ³² Mei afe llezica afénomo ite íconido aillo meróniai guícaidiaioiza, fiénide jóríai afe meróniaimo jáillena Jesumo izire jicádiaioi. Iemona Jesús áfena fairíote. ³³ Iemona afe fiénide jóríaiái ím-mamona jino billano meróniaimo jáidiaioi. Afe mei afe meróniai ápera íconido jabícana jóraimo cocízitiaioi. Dinomo coróbaitiaioi.

³⁴ Meróniai úiñotino áfena cíoillano jacínaitiaioi. Aferi jacínaillano botádiaioi. Iemona jófueмона llujídiaioi; daje izói oni fuédamo itícuaímo llotíaoi.

³⁵ Iemona jofue comini afe comuífue-mo acárizaidiaioi. Jesús illánomo íaioi dúcina llezica fiénide jóríaina jino orécama Jesús anari uái ráinana cíoizaidiaioi. Afe iima ja iniroi jitáoide; daje izói ie abina ñue onode. Afena cíoillano iere jacíruitiaioi. ³⁶ Afena cíodino nauí fiénide jóríai uícaigamie jíllotaja oni jiáinomo llujídiaioi. ³⁷ Mei bíemona nana afe Gerasa énie comini, afénomona Jesús oni jiáinomo jáillena izire jicá-diaioi, mei áfena iere jacíruitiaioiza. Iemona Jesús ana áillocaemo jáizaide, ruica abido jáillena. ³⁸ Afe llezica afe fiénide jóríaina jino orécama Jesús diga jáillena izire jicade. Mei íadi Jesús áfena fairíñede; afémiena afénomo fiébitade. Iena daide:

³⁹ —Mai meine o jofomo jai. Jaillano nana Juziñamui omo finócafuaína jino lloiri, —daide.

Iemona afémie jaillano, nana jofue comínimo Juziñamui íemo finócafuaí jino llujíde.

**Jairo jiza íemo jiáingo Jesús inícuiro
jétaibitingo Jesús jíllotate**

(Mt 9.18-26; Mr 5.21-43)

⁴⁰ Jesús meine jorai ruicáfenemona dúcina llezica, comini afémiena iere caimare llínotiaioi. Mei nana aféniemo ocuúridiaioiza. ⁴¹ Afe llezica Jáirona mámeceiredimie dúcide. Afémie Juziñamui uai lloraco illaima. Afémie Jesús anamo fueco dine ana bíjicaide. Bíjicail-lamo izire daide, ⁴² “Cue jofomo biri; mei daade cue jiza tízaideza,” daide. Afengo ja doce fimona ite. Iemona Jesús afémiedo jaide. Jailla llezica diga comini íedo jaide; iere rillire jáidiaioi.

⁴³ Afémaci cígimo iráredingo ite. Afengo doce fimona die dícotailari

irárede. Nana aféngomo ite úcube manófirredinomo fuite; mei íadi afémaci aféngona jíllotanidiaioi. ⁴⁴Afe ringo jinófene dinena Jesumo billano ie inícuuro fueda jetánote. Ie jetánua llezica afengo die llícaide.

⁴⁵Iemona Jesús jicánote:

—¿Mei bu cue inícuuro jetánoga? — daide.

Iemo nana comini jáanuano “Ona bu jetánena,” daidiaioi. Jira Pedro naa ie nabáiniari daide:

—Llófueraima, nana comini rillírenari o ñuitádiaioi. ¿Nibái mei, “Bu cue jeta,” daidio?

⁴⁶Mei íadi Jesús daide:

—Ja onódicueza daa come cuena jeta. Mei cue ríino afe come jíllotajana onódicue, —daide.

⁴⁷Afe jétaibitingo ja ie báillana onóillano cuidrícana Jesús anamo dújuzaibite. Iemona afengo jino nana comini eróicana jáanoñeno ie inícuuro jetáacana rafue lloste. Iemo jíái afémie inícuuro jeta llezica ie jíllona lloste. ⁴⁸Mei jira Jesús aféngona daide:

—Cue jiza, cuemo o ínuamona ja jíllodioza. Jaillano caimare uái o iri, —daide.

⁴⁹Jesús nai úrioidemo, daa come Jairo jofómona Jesús diné bite. Afe Jairo Juzíñamui uai lloraco illaima. Afe lluaíbitimie Jáirona daide:

—O jiza ja tídeza. Mai Llófueraimana úridoñeno iri, —daide.

⁵⁰Mei Jesús áfena cacáillano daide:

—O jacíruñeno iri. Dama Juzíñamuimo ínofireiri. Afemona o jiza jílloteza, —daide.

⁵¹Afe jofomo íaioi dúcina llezica, nana comini afe jofo eromo afémie oréñede. Afe jiza moo, ei díga, íemo jíái: Pedro, Santiago, Juan díga jofo uite. ⁵²Nana comini afengo tíllari fícirerie éenaitiaioi. Mei íadi Jesús íaioina daide:

—Omoi éeñeno. Afengo tíñedeza, fia iníde, —daide.

⁵³Daií afémie dáinari zadáidiaioi, mei afengo tíllana onódiaioiza. ⁵⁴Iemona Jesús afengo onoi llínota ficire daide:

—Jitaingo, mai náidacai, —daide.

⁵⁵Afemona afengo meine abido caade. Iemo afe daina llezica caifo náidacaid. Afe mei Jesús, “Mai afengo ecarí” daide. ⁵⁶Afe llezica ie moo íaillinoi iere caimare fáigacaidiaillinoi. Mei íadi Jesús íaillinoina afe ie finócafue bumoo llotátañede.

Jesús doce dígade ie llófuegamacina oni orede

(Mt 10.5-15; Mr 6.7-13)

9 Jesús doce dígade ie llófuegamacina dáanomo gairítate. Gairítanona afémiemo ite ríino íaioimo fecade, nana jíáiforiende fíenide joríaí jino oréllena. Daje izói nana iráredino jíllotalena ríino afémacimo fecade. ²Iemo Juzíñamui illáimana illarui rafue íaioina oni llujítate. Daje izói iráredinona jíllotate. ³Iaioina daide:

—Omoi jaille llezica minícana uñeno, fia omoi jairi. Macara jigüida uñeno iri, daje izói ciríticoi, íemo güllena, íemo úcube uñeno iri. Mena caifóferoi uñeno, daa uiri. ⁴Ninó daa jofomo omoi dúcia, afécomo uái iri, afénomona oni omoi jáíñeille dino. ⁵Niie jofue comini ómoina llínoacañenia afénomona oni omoi jairi. Omoi jaille llezica, omoi eiba íaie afémacimo teténocairi. Afedo íaioi comécimo ite íaifue nai íaioimo íllana onótaitiomoi.

⁶Afemona ja oni nana dúegobiaido jáidiaioi. Jaillano ñuera jíllona uai llocana uitíaioi. Daje izói iráredinona jíllotacana uitíaioi.

Juan Bautista tiilla rafue

(Mt 14.1-12; Mr 6.14-29)

⁷Ocuídillaime Herodes nana Jesús finócafuiaina fidade. Iemona Herodes comeci uibílliuai inede, mei dáarie “Juan tiide meine abido cáadimiena jaide,” daidíaiói. ⁸Jiáimaci, “Juziñamui uai llóraima Elías meine cíocaizaibilla,” daidíaiói. Iemo jiáimaci, “Jaiái ninomo tiide jiáie Juziñamui uai llóraima meine abido cáadimiena jailla,” —daíí llotíaiói. ⁹Mei jira Herodes daide:

—Nauí cue Juan ifoci jaitátaticue. Iemona ¿mei bie níimie? Afémiedo diga ráfuiai cacáfiredicue, —daide.

Afe llezica Herodes iere Jesuna cíocacade.

Jesús cinco mil comini ecade

(Mt 14.13-21; Mr 6.30-44; Jn 6.1-14)

¹⁰Ie orécano abido dúcina mei, nana íaiói finócafuiai Jesumo llotíaiói. Afe mei Jesús afémacina oni eneno Betsaida jofue áinomo uite. ¹¹Mei íadi áfena fidíillano comini afénomo jáidíaiói. Afénomo Jesús caimare afémaci llínote. Juziñamui illáimana illirui rafue íaioimo lloste. Daje izói afénomo iráredínona jíllotate.

¹²Iemo ja nauízailla llezica, doce dígamie orécano Jesumo billano daidíaiói:

—Mai, comini íaiói ocózinaillena oni ore, áinori ite jófuiaido güille íaiói jenólleza. Mei benomo cai illánomo güille inédeza, —daidíaiói.

¹³Mei jiáifodo Jesús íaioina daide:

—Afémaci omoi eca, —daide.

Jira ie uai otíaiói:

—Benomo caimo cinco pániai íemo mena chamu ite. Afe baímo inédeza. ¿Meita nana bie comini ecállena íbajiredicai? —daidíaiói.

¹⁴Mei afénomo cinco mil comini gairí-díaióiza. Mei íadi Jesús llófuegamacina daide:

—Nana bie comini cincuenta dígamierie ana raiziri, —daide.

¹⁵Daíí fínua méifodo nana ana raizí-daitíaiói. ¹⁶Afe llezica Jesús cinco dí-gade pániai, íemo mena chamu llínote. Llínuano monamo eróillanona Juziñamuina afe gülleri “Iere figora,” daide. Daíí daina méifodo, afe díxada, ie llófuegamacimo fecade, afémaci comínimo fecállena. ¹⁷Iemona nana áferi ñue jeíredíaiói. Afe mei llófuegamaci güígamona íébidino doce cirigai oruíatíaiói.

Pedro Jesús Crístona uáfodo jino lloste

(Mt 16.13-19; Mr 8.27-29)

¹⁸Afe mei jiáíruido Jesús oni eneno Juziñamuimo úrizaide. Afénomo ie llófuegamaciri ite. Afémacimo afémie jícanote:

—¿Comini níie izói cuena daidíaiói?

¹⁹Jira uai otíaiói:

—Dáamierie “Bie Juan Bautista,” daidíaiói, jiáimaci “Bie Elías” daidíaiói, íemo nai jiáimaci “Jaiái Juziñamui uai lloraima meine abido cáailla” daidíaiói.

²⁰Jira Jesús jícanote:

¿Omoi níie izói cuena daidíomoi?

Jira Pedro daide:

—Juziñamui nizeca Crísto daínámiedo, —daide.

Jesús ie tíille rafue jino lloste

(Mt 16.20-28; Mr 8.30-9.1)

²¹Iemo afe Pedro llógana afémie jiáie comínimo iere rairuillano ie llófuegamacina áfena bumo llotáñede.

²²Iaioina daide:

—Nanoide íima Jitó Crístodicueza, iere duere finóllícue. Ocuide éinamaci cuena ruífrúitíaiói. Daje izói lletáraini illáini cuena ruífrúitíaiói, íemo jiái ocuica uai llófuefiredino cuena íáirúitíaiói. Cuena títaítíaiói, mei íadi daaruíá-

mani illemona meine abido cáaiticue, — daide.

²³ Afe méifodo nana afémacina daide:

—Ninó dáamie cuedo jáiacania dama ie comeci jitáillana féitaredede. Féitano cuedo jáirede. Afémie cuedo jailla í-coinia tídena afémie áfena izire ónide.

²⁴ Mei ie caana rairuíacadimie áfena táinomo fáifitaite. Mei jáífodo cue í-coinia ie caana táinomo fáifitimie afe fáifidena baimo ziiño illónona máínoite.

²⁵ Mei daa come nana bínie ráaniai aillo náamataadi, mei íadi afe llezica dama ie comeci afémie táinocaitaiadi, nana ie maiñoca ráaniai afémiena jíllotañeite.

²⁶ Ninó daa come cuena meáiruia, daje izói cue uaina meáiruia, afe ibana uire illáimana ana cue billíruimo afémiena meáiruticue. Nanoide Hima Jitódicueza, aféruimo Moo Juzíñamui ebírededo bíiticue naa nífuenide Juzíñamui abí imáciri. ²⁷ Uáfueña ómoina dáaiticue: Birui benó itínomona, dáarie nai íaiói tíñena llezica Juzíñamui illáimana il-larui cóitíaiói, —daide.

Jesús abi jáífodo méidoficailla

(Mt 17.1-8; Mr 9.2-8)

²⁸ Daií daina mei ocho dígarui jailla mei, Jesús Juzíñamuimo úrillena caifónedumo jaide. Afémie Pedro, Santiago, Juan dígamie uite. ²⁹ Nai Juzíñamuimo Jesús úrioina llezica, afémie uieco jáífodo méidoficaide. Daje llezica ie incuiro jamánomo úzere quenire jaide. ³⁰ Afe llezica mena come ie abimo cócaide. Afe íaillinoi afémie diga úrite. Afe bíaillinoi Moisés Elías diga. ³¹ Daje llezica ñue ebire quenire cóide raa afe íaillinoina onífenedo féricaide. Afe íaillinoi Jesús Jerusalemo duere zefuállano tíllífuedo úritíaiói. ³² Afe llezica Pedro naa ie nabáíñiari iere ínie méinegaiaíoi ia, ocuídíaiói. Afémaci Jesumo ite ebire cóidena ciódíaiói; daje izói afémie diga

itíaillinoina ciódíaiói. ³³ Afe íaillinoi Jesúmona oni jáioicailla llezica, Pedro daide:

—Llófueraima, ¡ñii benomo caimare cai illa! Mai daámani jofóchupina cai nii. Daaco óie, jáico Moisés ie, íemo jáico Elías ie, —daide.

Mei íadi Pedro ie daiífacana óñoñede. Jira comeci facáñeno ebena daií daide.

³⁴ Nai ie úrioina llezica, mona ero uflíe íaioina ferñocaide. Mona ero uflíe eromo íaiói íficailla llezica iere jacínaitíaiói. ³⁵ Afe llezica afe uflíemona daa uaina cacádíaiói:

—Bie iere cue izíruiga Jitoza, afémiemo omoi cacáreiri, —daide.

³⁶ Daií daina méifodo Jesumo éro-caidíaióimo, ja dama ite. Afe mei afémaci afe íaiói ciónana bumo lloñédíaiói.

Jesús fiénide jóríai uúcaiga jitócome jíllotata

(Mt 17.14-21; Mr 9.14-29)

³⁷ Afe jíáiruimo afe ídumona ana íaiói billa llezica, aillo comini io anamo Jesús úiñotíaiói. ³⁸ Iemona comínimona dáamie ficire lléjeicaide:

—Llófueraima, dúecaillano daade cue jitomo érocái. ³⁹ Fiénide jóríai riire íena uúcade. Afe jóríai íena caillítacaide, afémiena nano íanori titáfírede. Afe llezica ie fuémona múllecíai bífírede. Iena duere finode; afémiena fáicanocáñede. ⁴⁰ O llófuegamacimo afe jóríai jino orél-lena izire jicádíicue, mei íadi orénidíaiói, —daide.

⁴¹ Jira Jesús uai ote:

—¡Ñii jamánomo íinofinidíomoi! Iemo daje izói ñúefueña iere uáitafíredíomoi. ¿Ñie díno omoi cógímo íredíicue omoi cue ríidollena? O jitó benomo atí, —daide.

⁴² Mei íadi afe jitócome Jesumo ánozilla llezica, fiénide jóríai afémie ana éniemo dotade. Afe llezica afe jitócome íanori titade. Mei íadi Jesús

afe fiénide jóriaia riire dainano oni orede. Afemona Jesús afe jitócome jíllotata. Iemona jíllotano ie moomo abído ite. ⁴³Iemona nana comini Juziñamuimo ite áillue rínori caimare fáigacaidiaioi.

Jesús ie tílle rafue meine nane llote

(Mt 17.22-23; Mr 9.30-32)

Nana comini Jesús finócarí caimare fáigacaila llezica, afémie ie llófuegamacina daide:

⁴⁴Bíemo ñue omoi cácarei. Afena omoi féitañeno iri. Nanoide ñima Jitódicueza, duere cue íaioi finóllena comínimo fécajillicue, —daide.

⁴⁵Mei íadi ie llófuegamaci afe ie dáinana ñue onóñediaioi. Mei afefue afémacimona rairuica. Iemo afe llezica afe-fue afémiemo jicánuana jacírutiaioi.

¿Mei ñie come jamánomoina?

(Mt 18.1-5; Mr 9.33-37)

⁴⁶Afe méifomo ie llofúegamaci dani jofo eróicana conímána “cáimona ñímie iere jamánomoina” daína júfidotiaioi.

⁴⁷Mei íadi Jesús íaioi comeci úrillana onode. Iemona daa úrue uáidota ie abimo naidánete. ⁴⁸Daí naidániano afémacina daide:

—Bie úrue cue mámecido llínotimie cuena llínote. Iemo cuena llínotimie, ana cue orédimiena llínote. Mei uafue, omoi cígiri jabóidimie Juziñamui eróicana iere jamánomoidimie, —daide Jesús.

Caina uáitañedimie cai dibénemo ite

(Mr 9.38-40)

⁴⁹Ie jira Juan Jesuna daide:

—Llófueraíma nauí o mámecido fiénide joríaí orédimiena ciódicai. Afémie cai diga macáñena jira afémiena rairuídicaí, —daide.

⁵⁰Mei jira Jesús íena daide:

—Afe izói finódimie rairuñeno iri. Mei caina uáitañedimie cai dibénemo íteza, —daide.

Jesús Sanatiago Juan diga lletade

⁵¹Jesús monamo jáiacanaruí áinozilla llezica, afémie Jerusalemo jáillena riire mamérite. ⁵²Daí mamérellano uícodo raire uai llóitino orede. Afémaci Samaria éniemo ite duera jófuemo jáidiaioi íaioi dúciillico raire báillena. ⁵³Mei íadi afeno ítmaci Jesús naa uícodo orécanori Jerusalén diné íaioi jáiacana jira, íaioina llínoacañediaioi. ⁵⁴Ie llófuegamacimona Santiago, Juan diga áfena cióillano Jesuna daide:

—Ocuíraíma, jaiái uai llóraíma Elías fínua izói, bimaci fúilleza monámoma iraina cai jíriredicai ¿meita jitáidío? —daide.

⁵⁵Iemona Jesús íaillinoímo éroillano llétajano daide:

—Omicoi jáinaina joréñona onóñediomicoi. ⁵⁶Mei uafue, Nanoide ñima Jitódicueza comini niné táinocaitallena biñédicue, mei jíáfodo comínina jíllotaíbiticue, —daide.

Iemona oni jíáigobaiamo jáidiaioi.

Jesudo jáiacadino bie izói írediaioi

(Mt 8.19-22)

⁵⁷Iodo íaioi jailla llezica dáamie Jesuna daide:

—Ocuíraíma, o jáiacana diné o diga jáiacadicue, —daide.

⁵⁸Jira Jesús afémiena daide:

—Nana jazici rílleníai uái ífireillino ite. Daje izói caifodo féedinuíai uái íaioi ráiillino ite. Mei íadi Nanoide ñima Jitódicueza dánori uái cue illíno íñede, —daide.

⁵⁹Jesús jíáimiena daide:

—Mai cuedo bi, —daide.

Mei íadi afémie daide:

—Fueñe cue moo tílla ráiaitícueza cue ore, —daide.

⁶⁰ Jira Jesús ie uai ote:

—Juzíñamuina jíeruiñedino tíide izóidino; mai mei afémaci jádie ua tíitimiena ráilleza, mei o cuedo bi, billano Juzíñamui illáimana illirui lluájiri, —daide.

⁶¹ Afe mei jíáimie Jesuna daide:

—Ocuíraima, odo bíacadícue, mei íadi fueñe cue jofo ero comini jáillena facád-uaiticueza cue ore, —daide.

⁶² Jira Jesús íena daide:

—Daa come ie táijina ja táinia mei, jíáinomo comeci fácaja fiénide. Ie jira bie izóidimie Juzíñamui illáimana illíruimo táijillena ráifiñede, —daide.

Jesús setenta dígamie ñúefue llujilla orede

10 Bie méifodo, Ocuíraima Jesús nane setenta dígamie nizede. Níziano ménamierie ie úcodo orede. Nana ie jáiacanagobiaimo íaioina orede. ² Íaioina daide:

—Uáfueza, jacáfaimo ite raa ailla llezica jofo óitino íñena izóí, birui Juzíñamui illáimana illíruimo jofo órede comini aillo ite. Mei íadi afémaci jofo óitino figo íñede. (Afe jofo óitino jíáimacimo ñúefue llóitino.) Ie jira cai Ocuíraimamo, jacafai Naama izóidimie jíaie ñúefue llóitimacina omoi jicari, afémacina afémie oréllena.

³ Jira omoi jai. Jaillano bie uaimo omoi comeciiri: illáirede jazici jicóniai cígimo ovejai jiza ória izóí, ómoina orédicue. ⁴ Omoi jailla llezica cirítico uñeno iri, daje izóí úcubena uñeno iri. O eiba icona uñeno iri. Io anamo jíáimaci díga are naidáicana úhuriñeno iri. ⁵ Ninó daa jofomo jofo o jáiadi afeco comínina fueñe bie izóí omoi daiíri: “Caimare uái illífue bie jofomo íteza.”

⁶ Afécomo comécina caimare uái itino ia, afe uai afémaci íaioieite. Mei íadi afe izoide comini afénomo íñenia, omoi daií uáidua uai abido ómoimo bíteza.

⁷ Oni omoi jáíñeille dinó dáacomo uái iri. Omoi íaioi ecálleze güítimoiza. Omoi jirótalleze jirori. Mei jíáimacina omoi cánua jira, nana afemo táijiraíma ie táijinado íbáredeza. Ie jira naga jófuedo güícañeno iri. ⁸ Ninó jófuego omoi dúcia caimare omoi íaioi llínoia, güíllena omoi íaioi ecaa afe omoi güiri. ⁹ Daje izóí afénomo íráredinuiaina omoi jíllotari. Afe llezica afémacina daiíri, “Juzíñamui illáimana illarui ómoimo ja ánozideza,” daiíri. ¹⁰ Mei íadi jíáie jófuego omoi dúcia afeno comini ómoina llínoiacañeniadi, jino jofue cígimo ite macáraodo jairi. Jaillano daiíri: ¹¹ “Cai efbamo aífide omoi jofue íaie ómoimo teténoíticai. Daií finódicai, fiñi caimo omoi fínuana uáitallena. Mei íadi bíena omoi onoiri: Juzíñamui illáimana illarui ja ómoimo ánozideza.” ¹² Omoina dáíitícue, íraicaíño izire jicánollíruimo bie jofue comini Sodoma comini duere finóbina baimo duere finólliaioi.

Náfuefinide jófuiai comini

(Mt 11.20-24)

¹³ ¡Corazín jofue comini, nii dúerena! ¡Daje izóí Betsaida jofue comini nii dúerena! Mei íaioi cígiri cue finoca cíórainina raa, afena Tiro jofue comini naa Sidón jofue comini cígimo nauí finódicuenia nibai jaiái úcodo íaioi comeci ífuenta méidotiaioi. Uafue íaioi comeci ífuenta méiduamona ja díga fimona jailla. Afe llezica zúunaia jítaífrega jítiroi jítaacadiaioi. Daje izóí aféruimo íaioi zúunailla jino ácatallena jízefo ífomo jutáacadiaioi. ¹⁴ Mei íadi íraicaíño izire jicánollíruimo Tiro Sidón díga duere finóbina baimo Corazín íemo Betsaida comini duere finólliaioi. ¹⁵ Daje izóí Jesús Capernaum jofue comini lletade; íaioi díbenedo daide: ¿Meita íaioi ínoga jofue monamo úrede? ¿Daií comeci facádíadiaoí, ero ua? Mei jíáífodo íaioina

daáitícue, tíidino illánomo ana dotaca izói niné táinocaitalliaíoi.

¹⁶ Iemo ie setenta nizécamacina daide:

—Omoína cacáreidímie cuemo cacáreide. Iemo jíái ómoína ruiffruitímie cuena ruiffruite. Daje izói cuena ruiffruitímie cue ana orédimiena ruiffruite, —daide.

Oreca setenta dígadino abido dánomo dúcina

¹⁷ Naui oreca setenta dígadino meine abido caimare dúcidiaíoi. Jesuna daidíaíoi:

—Ocuíraima, nana cai llógamo cacáreidiaíoi, ua daje izói fiénide joríaí o mámecido daina uaimo cacáreidiaíoi, —daidíaíoi.

¹⁸ Jira Jesús daide:

—Jii, Satanás monamona ameo izói baiíllana ciódicue. ¹⁹ Daje izói jaióniaí naa acáduai ómoína izi cácatañelle ríno naui ómoimo cue iga. Daí nana cai bacáuai izóidímie Taife rínona izi cácañeno anáfenodiomoi. ²⁰ Mei íadi fiénide joríaí jino ória ríno ómoimo íllado figo coméciñeno iri. Mei jíáfodo omoi mámechiaí monamo cúeinari omoi ióbiri, —daide.

Dama Jesús cáimacaila

(Mt 11.25-27; 13.16-17)

²¹ Afe llezica, Ñuera Joreño Jesuna ióbitade. Ióbicaillano Jesús daide:

—Cue Moo, mona énie diga Ocuíraimadio, omo ñúefue mámeitícue, mei ráfueña baitádinomona o dibénedo retáidoga onóigafuiaí onótañedio. Mei jíáfodo comécina níffuenide úrue izoide jamai comínimo aféfuiaína jino cótatio. Jii, Moo, mei o daí jítaidíozá, —daide.

²² Jesús nai úrioide: “Cue Moo, nana ráaniaí cuemo fecádio. Moo Juzíñamui, o Jitódícue, mei íadi buna uáfodo cuena ñue ónoñena. O cue Móodioza, dama o ñue cuena onona. Daje izói buna uáfodo

ona ñue ónoñena. Cue, o Jitódícueza, dama cue ñue ona onona. Iemo jíái daje izói o Jitó onótaacagano ñue ona ónoitíai, —daide.

²³ Iemona ie llófuegamacimo érocailano, daní íaioína daide:

—Omoi ciona raana ciónamona jñii ióbirediomoi! ²⁴ Mei ómoína daidícue, diga Juzíñamui uai llóraíni naa illáimaiairi omoi ciona raana cióacadiaíoi mei íadi jaca cióñediaíoi. Daje izói omoi cacana uai cacáacadiaíoi, mei íadi jaca cacáñediaíoi, —daide.

Samaria ímie rafue

²⁵ Afe mei ocuica uai llófueffredímie Jesumo úrizaide, afémie facátallena. Afémiemo jicánote:

—Llófueraima; zíiñona cue íllena ¿ñie izói íredícue? —daide.

²⁶ Jira Jesús uai ote:

—Ocuica uaimo ¿mei ñie uai cúeina? Afena ¿ñie izói facádotio? —daide.

²⁷ Jira ocuica uai llófueffredímie uai ote:

—Afe uai bie izói daide: Nana o comécido o Ocuide Juzíñamuina izíruiri. Daje izói nana o joréñodo, íemo nana o máriedo, íemo nana o ífoci úrillado íena izíruiri. Afe llezica dama o abina o izíruilla izói afe izói o aino cómena izíruiri, —daide.

²⁸ Mei jira Jesús daide:

—Ñue fairótio. Bie izói o finóadi nia are cáaitio, —daide.

²⁹ Mei íadi Ocuica Uai llófueffredímie ie facátalle uai baiñenamona, ñue jicánotímie daííllena jíáie uai Jesumo jicánote:

—¿Ñie come cue abi ímiena jóoneitícue? —daide.

³⁰ Jira Jesús uai ote:

—Dáamie Jerusalémoma oni Jericoma jaide. Ie jailla llezica merírfredino afémie fatíaíoi. Fájano ie ráaniaí bairódiaíoi naa inícuiruaimo. Afémiena iere

ízitatiaioi; jabo ie títano íena fiénocaidiaioi. ³¹Afe méifodo lletáriraima ónonino daje llezica afe iodo jaide. Mei íadi fagámiena cfoillano onido jaide. ³²Afe mei Leví nairai ímie afénomo dúcide. Daje izói afémiemo fia érocailano onido jaide. ³³Afe méifodo Samaria ímie daje iodo jaide. Fagámiena cfoillano afémiemo zúucaillano iere dúcaide. ³⁴Mei íemona fagámie bilano, cáiredíji naa vino diga ie boáfiaí manode. Afe mei afe boáfiaí maíte. Maia méifomo dama ie búrromo caifo rainada dúciracomu uite. Uillano afécomo afémiena uíñote. ³⁵Afe jáíruido, afe Samaria ímie ja jáizailla llezica, mena úcube uano afeco naama íbade. Íbajano daide: “Bie iráredímie ñue o uíñori. Bímiemo omo cue iga úcube baímo o dotáadi, uire meine cue bia omoi cue íbálleza,” daide. ³⁶Mei íemona birui cuemo llone: Bie daámanidemona ¿ñímie ñue finoca bie merířifiredino fagámie aino come finófirena izói? — daide Jesús.

³⁷Jira ocuica uai llófueřiredímie daide:

—Mei afémiemo dúceaidímie fagámie aino cómena, —daide.

Iemona Jesús íena daide:

—Jaillano bímie finua izói o finori, — daide.

Jesús Marta María íainguai jofomo dúcide

³⁸Jesús iodo jaillano duera jófuemo dúcide. Afénomo ite Marta dainango ie jofomo Jesuna caimare llínote. ³⁹Marta ebuño María Jesús anamo ráizabite ie dáinana ñue cáailleña. ⁴⁰Mei íadi Marta diga jetáacaganiaimo comeci llícibite. Iemona Jesumo billano daide:

—Ocuíraíma, cue ebuño nana táijina cuemo fiénocaide, ¿aferi comécíñedio? Cue dine ore, afengo cue cánuaíbillleza, —daide.

⁴¹Mei jáífodo Jesús afengo uai ote:

—Marta, iere o jetáacaga raamo o comeci llícitaitio. Afe táijinamo iere duere zefuíoio. ⁴²Mei íadi daa jitárede raana nai omo íñede. Ie mei María afe baímo ñuera raa jae nizede. Afengo nizeda oga raa bu báiroñeite, —daide.

Juzíñamuimo cai úrífíreillena Jesús llote

(Mt 6.9-15; 7.7-11)

11 Afe mei jáíruido Jesús bai táinomo Juzíñamuimo úrite. Juzíñamuimo ie úrilla llícaillamona ie llófuegamacimona dáamie daide:

—Nauí Juan ie llófuegamacimo ie llua izói, Juzíñamuimo cai úrilla cai llófue, —daide.

²Jira Jesús íaioina daide:

—Juzíñamuimo omoi úria bie izói daíři: Cai Moo Juzíñamui, monamo itio; o mámeçido ñúefue nitácaza.

O illáimana illirui raíre bíteza.

Dinomo monamo o comeci jitáillafue íaioi finua izói, afe izói bie éniemo finótaibiteza.

³Cai nágarui jitailla gülleníai, birui caimo fecari.

⁴Cai finoca fiénidífue íba caimo oñeno iri, mei afe izói jáíamaci fieni caimo finódiaioi íadi, afémacimo íbana oñédicai.

Íaífuemo cai báíñellena caina úñori.

Iemo afe llezica nana fiénidífuaímona caina jíllotari.

⁵Iemo nane Jesús daide:

—Bie fia cue daíille ráfuemo omoi comécíiri. Omoímona dáamie ie onóigamie ite. Afe o onóigamie dáaferui o jofomo jaillano ona daide: “Daámani páaniai fia cuemo feca, ⁶mei cue onóigamie aillí cue jofomo dúcidez. Mei íadi afémie cue ecállena íñede,” daide. ⁷Ie jira nibai jofona bie izói uai óredio. “Cue úrue diga inídícueza, cuena áfedeñoeno iri. Naze

ibáicaza, o jicaca raa omo fecállena jino bínidicue.”⁸ Mei íadi ómoína dáitícue, afe jícaibitímie o nabaina jira fécañeítio, mei íadi afémie are ona áifedoñellena nana ie jitaica ráaniaina jeruñeno fécaítio.⁹ Afe jira ómoína dáitícue: Juzíñamuimo jicari, afémie fécaíteza. Jenori, báitioza. Nazémona jíiriri, íemona afémie tuizáibiteza.¹⁰ Mei uáfueza, jicádimie jaca llínote; jenódimie jaca baite; nazémona uáidotimiemo naze tuiñoça.

¹¹ Omoimona úrueredímie ie jito güllena jicáadi ¿meita nofcína iga? Jaca íniga. Daje izói chamu jicáadi, ¿meita jaiona iga? Iniga.¹² Iemo jíai jígi jicáadi ¿meita acáidona iga? Iniga.¹³ Mei fiénidiomoi íadi, ñuera ráaniaina omoi úruiaimo fécajana onódiomoi. Mei íadi afe baimo monamo ite omoi Moo afémie Ñuera Joréñona jícaítinomo fécaite, —daide.

Fiénide jóriai ríino Jesumo illa afémiemo jítádiaioi

(Mt 12.22-30; Mr 3.20-27)

¹⁴ Afe mei Jesús uáinidimiemo ite fiénide jóriai jino orede. Afe jáillamona afe uáinidímie ja ñue úrite. Aferi comini caimare fáigacaidiaioi.¹⁵ Mei íadi dáarie daidíaioi:

—Bímie Beelzebú daina fiénide jóriai illaima ríinodo, afe fiénide jóriaina jino orede, —daidíaioi.

¹⁶ Jáímaci ie facátallena, “Monámona uai dáinamona comuide ciórainina raa fino,” daidíaioi.¹⁷ Mei íadi Jesús afémaci comeci úrillana onóillano daide:

—Ninó daje náiraina ite comini bozíetaillano conima díga fuiríadi, afe nairai niné táinocaite. Daje izói daaco ero comini bozíetaia, afémaci daje izói are íñeno niné táinocaitiaioi.¹⁸ Afe izói, mei Satanás dama íemo

jaináidinona, dani abina uáitaiadi, ¿mei ñie izói ie ócuifirena ríino are ite? Bie ómoimo llóitícue, mei cuena “Fiénide jóriaina Beelzebú ríinodo jino orédio,” daidíomoiza.¹⁹ Mei íadi daífadena, jíáuaina ómoimo jicánoticue, Omoido jáidinomo ite fiénide jóriai orelle ríino, ¿bu mei fecaca? Ie jira dani afémaci ñue onóñeno taino omoi llua jino ciotatiaioi.²⁰ Mei jíáfodo uáfueza, Juzíñamui ríinodo fiénide jóriaina jino oréfiredicue. Iemo bifue bie izói ómoína dáiacade: Juzíñamui illáimana illirui ja ómoimo dúcide.

²¹ Mei daa mairide cómemo ie ñue fuirira raa ia, ie jofona ñue úiñofrede. Afedo ie uíñuamona buna ie raana bairónide.²² Mei afémie baimo ríiredímie bíadi, ñibai íena anáfenoite. Anáfenuano ie íinoga abi ríidua raana báiroite. Afe mei afe báiruaitimie nana íemo ite ráaniaina úite.

²³ Cuena ruifíruitimie cuena uáitate. Daje izói cue díga dájena tájñedímie, cue ráaie oni jutádimie izoide, mei afémie jíáimaci cuemo ínotañedeza, —daide Jesús.

Jino oreca fiénide jóriai meine dáamiemo bite

(Mt 12.43-45)

²⁴ Jesús nai llíicaiñeno úrite:

—Fiénide jóriai cómemona jino jáiadi, táiziciaido ie uái illino jenócana uite. Ie uái illino baiñenamona bie izói comeci facade. “Meine abido cue billa cómemo jáitícue,” daide.²⁵ Afe jóriai meine afe cómemo bítemo, ñue rafoda finó-caco izói baizáibite.²⁶ Iemona afémie baimo siete díga jamánomo fiénide jóriai uájide. Afémaci nana afe cómemo jofu jáillano itíaioi. Afemona afe come naui ie fiénina baimo birui jamánomo fiénide, —daide.

Uáfueña ióbidino

²⁷ Mei Jesús nai bífuiaido úrioina llezica, comínimona daa ringo ficire Jesudo úrite:

—O jocódingo nii caimare érocaillangona. Daje izói o comútatango nii caimare ióbillangona, —daide.

²⁸ Mei jira Jesús jiáifodo daide:

—Juzíñamui llógamo cacáfiredino, daje izói áfena ñue finotino o ñainango baimo jamánomo caimare itaíoi, —daide.

Fiénide comini ciórainina raa finóllena Jesumo jicádiaioi

(Mt 12.38-42; Mr 8.12)

²⁹ Comini Jesús onífenedo ofídiaioi. Jesús íaioina daide:

—Biruiamo ite comini iere fiénidino. Afémaci ciórainina raana finóllena jicáfirediaioi, mei íadi nauí Juzíñamui uai llóraima Jonás onótagafue baimo jiáífueña llóñeilliaioi. ³⁰ Mei Nínive jófuemo ite comínimo Jonás Juzíñamui orécamierna áioi onóillena afémie jóonega raa izóidimie. Afémie illa izói, biruúllaido ite comínimo Nanoide íima Jitó Cristo afe bie comini onóillena jónellimiena íite. ³¹ Iraíruimo bigímaiaí izire jicánolle llezica sur díbenemo jica ite ñairai illaingo bigímaiaimo fiénidifuaí nítaite. Mei afengo jica énie fuédamona Salomón começi onóigafuemo cacáreizaibiteza. Mei íadi birui benomo Salomón baimo baitádimie illa. ³² Daje izói bigímaiaimo íraíruimo izire jicánolle llezica, Nínivemo ite comini bimácimo fiénidifuaí nítaite. Mei Nínivemo ite comini Jonás Juzíñamui uai íaioimo llua llezica, íaioi começi itífueña méidotiaioi. Mei íadi birui benomo Jonás baimo jamánomoidimie ite.

Cai illafue ñue egáñote raa

(Mt 5.15; 6.22-23)

³³ Uneca mechera bu báinino jóoneñede. Daje izói cajón anamo buna mechera retáidoñena. Mei jiáifodo uneda caifo jica rainaca, jofo eromo jáitino ñue cíoillena. ³⁴ Núefuemo o coméciilla omo ñue egáñote raa izoide. Jira mechera egáioinamona o uído ciónana o ióbitaja izói, afe izói ñúefuaí o jítaigana o começi ífueña caimare itátaite. Iemona ñúefuemo o coméciillado nana o illafue jaícina ñue joide. Mei íadi ñúefuemo o coméciñeniadi, jítifodo mácaja izói itio; nana o começi ífue zuure íteza.

³⁵ Mei jira omo ite mechera egáioina izoide raa, dúide izói meídoñellena ñue rairuiri. ³⁶ Mei nágarui ñúefuaíamo féitañeno o coméciia, mechera egáíñuamo uáfori cíoina izói, nana o illáfueña ñue uáfodo cíoitio, —dinori Jesús úrite.

Fariséuai daje izói ocuica uai llófuetinori imaci fiénidifue Jesús jino llote

(Mt 23.1-36; Mr 12.38-40; Lc 20.45-47)

³⁷ Jesús ie úrilla llíicaillamona daa fariseo ímie ie díga guízajillena Jesumo llote. Jesús jofo jaillano güíránomo ráinazaide. ³⁸ Afémie afémaci fínofirena izói finóñede, mei afémie íaífue múiñua joreño onoi jócua, finóñeno güíteza. Aferi afe Jesús uitímie fáigacaide. ³⁹ Mei íadi Ocuíraima Jesús íena daide:

—Omoi fariséuai jiróraco naa plato díga jócua izói jinófene ñue jocódiomoi, mei íadi jofo erófenena jocóñediomoi. Afe izói nana omoi jinófenena ñue rairuídíomoi, mei íadi jofo começi dínená, merírrillado omoi oga raa ite; daje izói fieni omoi íllado omoi oga raa ite. ⁴⁰ ¡Comécina úriñedinodiomoi! ¿Onóñediomoiza comini jinófene

finódimie, íemo íaioi ero diné comeci finódimie dáamie? ⁴¹Ñúefuiai comécido omoi onónamona ómoimo ite raana jeruñeno dúeredinomo fia fecari. Afemona nana ráaniai ja ómoimo íainino íítiaioi.

⁴²Fariséuai, ¡nii omoi dúerena! Omoi riga ráamona diez dígademona daa Juzíñamuimo dúide raana afémiemo ñue fecáfirediomo. Omoimo ite “menta” daina raróci mona afémiemo fecáfirediomo. Daje izói “ruda” daina raróci mona daa fecáfirediomo. Iemo jíái omoi poróto coduaimona due Juzíñamui íena máme firediomo. Mei íadi comécina jaícina jóidifuego naa Juzíñamuina izíruillana náfuenediomo. Aquíe izói írediomo. Afe llezica omoi jíáie finócaigafuena féitañeno finori.

⁴³Fariséuai, ¡nii omoi dúerena! Juzíñamui uai lloraco eromo jamánomo ñue ráiraniaina jicáfirediomo. Daje izói jofue cígido macáraodo omoi jáia, comini jacírede illaíma uáidua izói omoi íaioi uáidollena iere gáidiomo.

⁴⁴Ocuica uai llófue firedino naa fariséuairi, ¡nii omoi dúerena! Jínofene dine ñue cíoina mei jofona comeci dine ráataitio. Cíõñena énie anamo tíidino ráigano izóidiomo. Comini afe acónido ónonino macádiaioi.

⁴⁵Iemona ocuica uai llófue firedinomona dáamie afe uai ote:

—Llófueraima, jadíe izói o daina nane caina rícaitate, —daide.

⁴⁶Jira Jesús daide:

—Ocuica uai llófuetino, daje izói ¡nii jamánomo omoi dúerena! Mei ocuínide méere de raa izoide jíáimamo jaca llonódacafirediomoiza. Aféfuaiaina buna ocuínide. Afe omoi ríire ocuicanona canófinidiomo.

⁴⁷¡Nii omoi dúerena! Mei jaiiai omoi nánoragima faga Juzíñamui uai llóraini raiafo izoide tíidimie jóoniacona

ébirerie finódiomoiza. ⁴⁸Daíí omoi fínuado jaiiai afémaci finócafueña jíeruitio. Mei afémaci afe uai llóraini titádiaioi, íemo birui afémaci raiafo izoide jóoniacona meine abido nitátatio.

⁴⁹Ie jira Juzíñamui nana ráfuiai onóilano, bie izói daide: “Afémacimo cue uai llórainina óreitice. Daje izói jíáie cue nizécana íaioimo óreitice. Afémacimona dáarie títaítiaioi. Jíáimacina duere finóllena rácaítiaioi,” daide. ⁵⁰Mei uáfueza, birui itínomo, nana jaiiai faga uai llóraini ibana óite. Uafue, énie fínuamona biruimo nana tíidino ibana óite. ⁵¹Faga Abel igímamona Zacarías tíllaruimo ibana óite. Afe Zacaríasna Juzíñamui gairíraco eromo ite altar áinori fatíaioi. Jira ómoína dáaitice, biruimo itínomo Juzíñamui afe titácana ibana óite.

⁵²Ocuica uai llófuetino, ¡nii omoi dúerena! Mei naui Juzíñamui ómoimo fecaca ie ñue báitaja uai ie illáimana illánomo jofo omoi jáillena, áfena ñue náfuenediomoiza. Iemo afe llezica onóiacadinomona áfena rairuítioiza, —dinori Jesús úrite.

⁵³Jesús bie izói íaioína daina llezica, ocuica uai llófuetino naa fariséuairi afémiemo jamánomo rícaítiaioi. Iemona díga jicánoiacaga uáillaido afémiena áifedodiaioi. ⁵⁴Irebai izóidena afémie óllena jífanodoidiaioi. Daíí finódiaioi, ie daina uáillaido fíénidifuiiai afémiemo nitállena.

Comécina íairena mei jinófenena ñue cíoidino Jesús lletade

12 Afe dáaruído díga náiraiai dáanomo iere gairídiaioi. Gairíllamona conímaíaina zaizídiaioi. Iemo Jesús ie llófuegamacina nano fueñe daide:

—Fariséuaimona díga comini comécina íairena mei abina ñue

cíoidino ite. Afémaci daíí íllamona abí omoi rairuiri, mei afe íaioimo ite íaifue pan fáitara “levadura” izóideza. Due jiza jóonega ia, nana afe erona maiñode. ²Nana báinino daina uai jino uáfodo cózote. Daje izóí nana báinino retáidoga raa uáfomo báifite. ³Mei íemona, nana jíitfomo omoi báinino úrilla uaillai jino úzefomo cacaille. Daje izóí jofo eromo báinino omoi daina uai comini dáanomo uáidota afémaci cacáicana ficire llole.

¿Niie cómena jacíruiredicai?

(Mt 10.28-31)

⁴Omoi cue nabáñiaidiomoi, jira bie izóí ómoina dáititue. Fia abi íeizi titáfiredede comínina jacíruiñeno iri. Afe mei afémaci ómoimo íaioi finolle jíí-fuena íñede. ⁵Mei jííáfodo omoi jacírui-limie llóititue. Abi íeizi títaja méifomo boode jóraimo comecei dotáfiredimiena omoi jacírui.

⁶Onódiomoiza, cinco diga ófocuiño mena úcubetunido ibárede. Mei íadi afémacimona Juzíñamui dáamiena féitañede. ⁷Iemo jííí ómoimo ite ífótirai illa dígatirai facádoga. Daíítadeza jacíruiñeno iri. Mei omoi, aillo ófocuízai baimo ráifidiomoiza.

Comini eróicana Jesuna jíeruitino

(Mt 10.32-33; 12.32; 10.19-20)

⁸Omoína dáititue: Nanoide hima Jitódicueza, comini eróicana nana cuena jíeruitinona afe izóí Juzíñamui abi imaci eróicana jíeruititue. ⁹Iemo daje izóí comini eróicana cuena jáanoitnona, afe izóí Juzíñamui abi imaci eróicana jáanoititue.

¹⁰Iemo nane jííáfue, ninó daa come Nanoide hima Jitona íaire dáíia, afémie daina íaifue dórede. Mei íadi ninó dáamie Ñuera Joréñona íaire dáíia, afe jaca dónide.

¹¹Iemo ninó jíííruido Juzíñamui uai llorácomo afémaci omoi uádi afemo comecei llícitaiñeno iri. Daje izóí izire jíicánofiredinomo, naa ocuédillaini diga, afémacimo omoi íaioi uia, omoi daííacana uaimo comecei llícitaiñeno iri. ¹²Mei omoi úriacanamo dúciille llezica, Juzíñamui Ñuera Joreño omoi daííillifuená ómoimo llóiteza, —daide.

Comini ráarena jacírede

¹³Comínimona dáamie Jesuna daide:

—Llófueraima, cócomo fiébide feci ráamona, cuemo dúina dieze cue ama cuemo lleza, o lloiri, —daide.

¹⁴Jira Jesús afémiena daide:

—Ebe, omoi cígimo izire jíicánofire-itimiena, daje izóí fécafíreitimiena ¿bu cue jóonia? Jóoneñegacue, —daide.

¹⁵Jesús nane dáanomo daide:

—Nana úradoillafuaimona caade come izóí, abí omoi rairuiri. Mei come ñue illafue, aillo ráarenamona óñega.

¹⁶Afe mei bie jino onótate raafue llote:

—Nauí iere ráaredimie ite. Afémie jacáfaiái iere áillamona jofo olle llízie iere ite. ¹⁷Afemona iere ráaredimie comecei facade: “¿Mei niie izóí íititue? Afe áillue llízie éenollino íñede.”

¹⁸Nane dáanomo comecei facade:

“Cue finóllemo ja úbicaidicue. Cuemo ite éenoracuai júdaiano jamánomo áillocuaina nitátaititue. Afécuaimo nana jofo cue olle llíziena éenoititue. Daje izóí nana cuemo ite raana afécuaimo jóoneititue. ¹⁹Afe mei dama cue abina dáititue, ‘Ja aillo raa jofo ofítatitue; áfedo diga fimona cáaititue. Nágáruí táíjñeno fia güítitue. Iemona fia uái íititue. Aillo vino júruano, áferi caimare ífíreititue,’” daide. ²⁰Mei íadi Juzíñamui íena daide: “Comécina onóñedimedio. Fui naio títio. Afe mei o ofítaga ráaniai ¿bu náamatalle?” daide. ²¹Mei dama ie abi íena aillo raana ofítaitimie daíí íteza, mei daíí

afémie ofítaja llezica, Juziñamui jítainamo coméciñede. Coméciñeno, afémie Juziñamui eróicana iere dúeredimiena jaide, —Jesús daide.

Juziñamui ie úruiaina ñue rairuide

(Mt 6.25-34)

²²Afe méifomo Jesús ie llófuegamacina daide:

—Jira ómoina dáititue, omoi güíacaga güíllemo comeci omoi llícitaiñeno iri. Daje izói omoi jítáacaga inícuiromo comeci llícitaiñeno iri.

²³Cai ñue illafue cai güille baimo ráifide. Iemo jiái cai abi cai inícuiro baimo ráifide. ²⁴Mai “cuervo” daina cháafona eróidemo comeciiri.

Afémaci jaca riñédiaioi; daje izói llizíllaniai jofo oñédiaioi. Daje izói afémaci güille éenoraco iñede, naa íaioi ofítaranori. Mei íadi Juziñamui afémacina ecade. Ie mei omoi afe ófocuizai baimo jamánomo ráifidiomoi.

²⁵Omoimona, comeci iere llíciamona, ¿mei bu ie zairilla dinori baimo mediio metro zairirena? ²⁶Mei duera raana finónidiomoi ia, ¿nibái mei jiáie raa fñuamo iere comeciidiomoi?

²⁷Raroci záfia zerillamo omoi comeciiri. Afémaci táijiñediaioi; daje izói raana niñédiaioi. Mei íadi jiáifodo ómoina dáititue, jaiái illaíma Salomón ñue cíoide raana jamánomo ráarede íadi, bie záfia ebírena izói, ebírediroina jítáñede. ²⁸Mei Juziñamui daíí raroci ebire cíotaiadi, afémie jeruñeno ómoina iníroina jítaite, jabo ínotinodiomoi íadi. ²⁹Afe jira benómona o güíacaga raa, o jirolle diga zuure jenóñeno iri; daa áfemo comeci llícitaiñeno iri. ³⁰Mei bínie comini daa afe izóidemo járitaidiaioi. Mei íadi omoi Móorediomoi. Afe omoi Moo Juziñamui nana afe ráaniaina omoi jítáillana onódeza. ³¹Iemona Juziñamui illáimana illáruimo dúide raamo raire

áfemo omoi comécioiri. Iemo afémie nana bie raana ómoimo fécaiteza.

Monamo cai jirídollena ofítaredicai

(Mt 6.19-21)

³²Cue izíruiga ovejai izóidiomoiza, jacíruiñeno iri. Dúemacidiomoi íadi, o Moo ie illaímana illano ómoiena maméacade. ³³Omoimo ite raa fecari. Fécajano raana jítáidinomo ine. Daíí omoi finóadi, Moo Juziñamui comeci jítainana fñoitiomoi. Iemona monamo ie illánomo ñuefuiái ofítaitiomoi. Daje izói jaca ninomo fúíñeite ñuefuiái ómoiena monamo ómoimo íite. Afénomo merírifiredimie jaca jáinide. Daje izói afénomo ícuai güíñeite. ³⁴Mei uáfueza, omoi ofítaga raa illánomo, afénomo jiái o comeci íite.

Nágarui ñue finóbiredicai

³⁵Benómona jaca nágarui ñue omoi finóbifireiri. Nauíllamona comini mechera unéfirena izói, abí omoi rairuiri. ³⁶Jofo naama ocuífregano, áirena ráfueмона meine ie dúciacana uícomo íaioi afémiemo ocuírina izói, afe izói cue billfruiimo omoi ocuíriri. Afémaci ñue ocuíridiaioi, afe jofo naama nazémoma uáidoia raire íemo túíñuáibillena. ³⁷Afe izoide ocuífregano jaca iníñeno íaioi naama bíllemo ñue ocuíridiaioi. Daíí íaioi illa afémie cíoizaibilla llezica, afémaci ja ñue íaioi finóbillari íóbicaidiaioi. Uáfueña ómoina dáititue: Afe íaioi naama afémacina güiránomo ráinaite. Raina mei dama afémie íaioi güíllena bai ráiziite. ³⁸Mei nibai dáaferui llezica afémie dúciadi, nibai monáiacademo afémie dúcia, afémaci uícomo iníñeno ocuíridiaioi. Iemona afémaci íóbicaitiaioi. ³⁹Iemo jiáifue dibénedo bie izói omoi onoiri: jofo naama merízizaibitímie bille monana onóia, afémie iníñeno ocuíríte.

Iemona jofo naama merírizaibitina ie jofona tuñotañeite, ie raa íaioi mériñellena. ⁴⁰Afe izói ñue omoi mamériri, mei Nanoide hima Jitó comini coméciñeillirumo ónonino déizaibite, —daide Jesús.

Raire ínofirede ocuífregamie, íemo jíái ínofinide ocuífregamie

(Mt 24.45-51)

⁴¹ Mei jira Pedro Jesumo jicánote:

—Ocuíraima, bífuena, ¿ñie comínimo llotio? ¿Dani caimo, nibai nana comini íena llotio? —daide.

⁴² Jira Ocuíraima daide:

—Mei daa jofo naama ie ocuífrega jabóidillaima eneno mamede. Jofo naama jica jáiacana uícomo, ie jofo ero raana afe jabóidillaimamo llonódacaide. Afe llezica nana jofo ero táijidino ecállena afémiemo jóonenocaide. Daí jónega jabóidillaima jaca nágarui ñue ínofiregamiema írede. Daje izói afémie ñue onódimema írede. ⁴³ Afe izóidimie nana íemo llonódacaiga raa nágarui ñue finófirede. Ie jira jofo naama meine bille llezica, daí ie íllana cízaibite. Iemona afe jabóidillaima iere cáimacaite, mei nana ie ocuica raana ñue ícoimo fuitádeza. ⁴⁴ Uáfuenta ómoína daidícue, jofo naama afe ínofirega ocuífregamiemo nana íemo ite raa, llonódacaite. ⁴⁵ Mei jíáifodo, afe jabóidillaima jofo naama are bíneite dainano, jíáie jofo eromo táijidinona duere finóadi, afe jabóidillaima iere cacáfinidimema jaide. Mei afe llezica afémie jofo ero táijitatingo fieni finódeza. Iemo aillo gúíteza, aillo jiródeza. Jírúa mei jífátateza. ⁴⁶ Daí ie illa llezica, afémie due jiza coméciñeitemo jofo naama dénuaiabite. Onóñeillirumo dúciite. Dúciillano afe jabóidillaimana jofo naama jamánomo

duere fínoite. Nana jíáie ínofinidino duere zefuilla izói, afémie íena duere finótaite.

⁴⁷ Ninó daa ocuífregamie ie naama comeci jitailla táijinana onode íadi, áfemo jaca ñue finóbiñede, daje izói áfemo cacáreacañede, afe ocuífregamie duere finoda iere izi cácatalle.

⁴⁸ Mei jíáie ocuífregamie ie naama jítaillana onóñede íadi, dama fieni ia, afémie jabo izi cácatalle. Bie jíáie uaimo omoi cácarei. Aillo igámieмона aillo jícaítiaioi. Daje izói ñue ínogamiemo diga ñúefue jónefirediaioi. Ie jira afe aillo jónefiregamiemona aillo ócuítiaioi.

Comini énenorie ráinuaibitícue

(Mt 10.34-36)

⁴⁹ Cue bie éniemo irai izói bónuaibitícue. Aferai raire bóllena iere oíacadicue. ⁵⁰ Ja bautismo izoide, izi cácanafuedo facátallicue. Afénomo nai dúciñedemo raire uícomo aferui dúciñenari duere zéfuiíredicue. ⁵¹ ¿Níbai bíniemo caimare dájena uái illifue atídío, cuena daidíomoi? Omoína daíitícue, afe izói biñédicueza; comini énenorie ráinuaibitícue. ⁵² Mei benómoma dáacomó ite cinco dígadimie cue ícoína eneno ráidoizítiaioi. Afémacimona daámani cuemo ínoítiaioi; íemo jadíe enéfenemo ménade ínoñedimaci ráidoizillanona conima diga fúirtiaioi. ⁵³ Cuemo ínuamona da jító ie moo dímena ruifíruille. Daje izói jító ie moo cuemo ínuua jira dájena uái íñeno íena ruifíruillano éoite. Iemo jíái, ei jiza cuemo ínuamona ei dímena ruifíruille. Dájena uái íñeítiainguai. Daje izói jífaiño cuemo ínuua jira mio dímena ruifíruille. Afe íbana mio ie jífaiño diga dájena uái íñeítiainguai, —daide Jesús.

Iirairuillai dúciacana onótaite raa

(Mt 16.1-4; Mr 8.11-13)

⁵⁴ Afe mei nane comínina Jesús daide: —Fuirina nairíadi “noci bíite” daidíomoi. Afe mei ua bíide. ⁵⁵ Daje izói ñue mona monáillado “fimona baizájilla” daidíomoi. Iemona jaca fimónana jaide. ⁵⁶ ¡Omoi comécina iáirena mei abina ñue códinodiomoi! Noci bíllana onódiomoi, íemo fimona baizájillana onódiomoi, mei íadi birui omoi cógimo cue finoca onótaitifuiaina onónediomoi.

O diga icíritimie raire manánaitari

(Mt 5.25-26)

⁵⁷ ¿Nibái mei comeci jaícina jóina izói, dani conímamo jicánoñediomoi? ⁵⁸ Daa come o llógidoiacania, rímacimo ómicoi úrizaiilla llezica, nai ómicoi dúciñena llezica io anamo aféfue ñue o záitari, riire jicánoraímamo o ie izájíñeillena. Izire jicánoraímamo o ie izájíadi, afe izire jicánoraíma fiénidino llaitáfiredinomo o izájite. Iemo afémaci ona llavéracomo íbaitiaíoi. ⁵⁹ Uafue ona dáititue o llavétatimie jicaca úcube ie jícaya dieze o íbainenia afécomona jaca jino bíñeitio, —Jesús dínori daide.

Cai comeci ifue iere raire méidoredicai

13 Aféruillaido comínimona dáarie Jesumo Pilato jíaimaci fienu faaja lluaíbitiaíoi. Naui Galilea imácimona dáarie Juzíñamui íóbillena faga rille fécajilla llezica, Pilato afémacina fate. Fáajano íaíoi die íaíoi fecaca rille die diga Pilato tamede. Daíí ie fínuana ¡ñíí íaire cófoina! ² Jira Jesús daide:

—Omoi bie Galilea comínimo ¿ñíie izói comécíidiomoi? ¿Meita afémaci jíáie Galilea comini baimo fiénidino, jira afémaci raamo jíridiaíoi? ³ Afe izóiñede, ómoína dáititue. Mei jira

omoi comeci ifue omoi méidoñenia, nana daje izói niné táinocaitiomoi. ⁴ Iemo jíáifuemo omoi comécíiri. Naui Jerusalemo iere caífo jica caifóidico ite. Afe iere caifóidico, Siloéna mámeceirede. Afeco díllamona dieciocho diga comini jíitafidiaíoi. ¿Meita afémaci Jerusalemo ite jíáimaci baimo fiénidino? ¿Meita jira daíí zefuódiaíoi? ⁵ Omoina daidícueza, afe izóiñede. Mei jira omoi comeci ifue omoi méidoñenia nana omoi niné táinocaitiomoi, —daide.

Higuera daina llizíñede amena rafue

⁶ Afe mei Jesús bie jíáie íaíoi onóigafue afémacimo llote:

—Da come higuera daina amena ie jacáfaimo rite. Afe mei afena llizíadi daíí eróizaide. Eróizaidemo jaca llizíñede. ⁷ Ie jira afémie jacafai uíñotimiena daide: “Ero, daámami fimona bie amena llizíadi daíí eróizaibífiredicuemo jaca llizíñede. Llizíñedeza, mai o tieri. Fia cue jacafai llótaidoteza.” ⁸ Jira afe jacafai uíñotimie uai ote: “Naama, bie fimónamo mai nai cai tñeñeilli. Afe amena moi ñue fínuano júnaiticue. ⁹ Nibái áfemona llíziteza. Mei íadi áfemona llízíñenia tielle,” —daide.

Jesús ocózinairuimo abina ana jíicadingona jíllotata

¹⁰ Jíáie ocózinairuimo Jesús Juzíñamui uai llorácomo llófuete. ¹¹ Afe llezica afénomo dieciocho fimónamo abina ana jíicaillari iráredingo illa. Naui fiénide jóriaí aféngona daíí finoca. Afengo caífo jaícina jaca náidacainide. ¹² Jesús aféngona cóillano ie jíirite. Daide:

—Ringo, o irárenamona ja jíilloitio, —daide.

¹³ Daíí dainano Jesús ie onoi aféngomo bitade. Bita llezica afengo ñue jaícina náidacaide. Afe dáaruído afengo ñúefue Juzíñamuimo llote. ¹⁴ Mei íadi áferi Juzíñamui uai lloraco illaíma ríi-

caide, ocózinai llaruimo Jesús afengo jíllotaja jira. Afémie comínina daide:

—Seis diga mona tájiredicai, aféruilaido omoi jíllloillena bírediomi. Mei íadi ocózinai llaruimo omoi abina jílllotaibiñeno iri, —daide.

¹⁵ Jira Jesús ie uai ote:

—Comécina íáirena mei abina ñue cfoidinodiomi. Omoi cuinaca burro, íemo juráreto ocózinai llaruimo ¿meita jainoi ie júruaillena zuitáñediomi? ¿Zuitáfirediomi! ¹⁶ Afe izói bie Abrahámona comuídingo ie irárenamona ¿meita ocózinai llaruimo zuitánidicue? Mei aféngona Taife dieciocho diga fimona ja cuinaca izói duere finódeza, —daide.

¹⁷ Jesús daí daina cacáillano, ie éoidino méaicaidiaioi. Mei íadi nana comini afe Jesús finoca áillue ñúefuiairi ióbidiaioi.

Mostaza daina raroci jéenide íji rafue

(Mt 13.31-32; Mr 4.30-32)

¹⁸ Iemona Jesús daide:

—Juzíñamui illáimana illáruina omoi ónoillena ¿mei ñie izói jino cfoitaiticue? ¿Ñie izói afénona mámeiticue? ¹⁹ Afe il-larui mostaza daina raroci jéenide íjiai izoide. Daa come aféjiaina ie jacáfaimo rite. Afe jéenide íjiai rillamona afe jé-jinide zícua caifo amena dinori aillo zairide. Afe ícairuaimo feede ófocuizai jillaina nitíai.oi.

Levadura rafue

(Mt 13.33)

²⁰ Nane Jesús daide:

—¿Ñie izói Juzíñamui illáimana illáruina mámeiticue? ²¹ Afe illáruina “levadura” daina pan aillo fáitate raa izoide. Daa ringo daámani julleco harínana orútajano afemo due jiza fáitarana tamede. Iemona nana afe iféllana mulleda oni aillo móonaitade, —daide.

Rillírede naze izoide rafue

(Mt 7.13-14, 21-23)

²² Jesús Jerusalemo jailla llezica, áfeomo ite jofue comínina llófuete, naa jéenidigobiaimo. ²³ Afénomo dáamie Jesumo jicánote:

—Ocuíraima, ¿meita jíllloitino dúemaci, ero ua? —daide.

Jira Jesús afémie uai ote:

²⁴ —Juzíñamui illáimana illánomo jofo jáirao rillírede naze izoide. Afe rillírede naze izóidedo jofo omoi jáillena riire omoi mamériri. Mei ómoina dáititueza, aillo comini afénomo jofo jáiacaitaioi, mei íadi jáinitiaioiza. ²⁵ Mei jofo naama náidacaillano naze ibaille mei, omoi ja jinófenemo fiébitiomi. Afe llezica nazémoma jjíjiritiomi: “Ocuíraima, naze caimo tuiño” dáitiomi. Afe llezica afémie jofona uai óite: “Omoi ninó comínidiomoiza, ómoina onóñedicue,” dáite. ²⁶ Iemona omoi bie izói dáitiomi: “Cai, o diga güiticaí, daje izói o diga jiródicai. Cai jofue cigi iomo caina llófuefiredio,” dáitiomi. ²⁷ Mei íadi nane afémie uai óite: “Jae ómoina daidicue, ninó comínidiomoiza ómoina onóñedicue. Omoi nana fiénidifue finófirediomoiza cúemona oni jai,” dáite. ²⁸ Iemona afénomo jino éenaitiomi. Daje izói zúrenamona murímuritiomi. Mei Juzíñamui illáimana illánomo Abraham, íemo Isaac, íemo Jacob jofo jáillana cfoitiomoiza, naa Juzíñamui uai jino llórainiri. Mei íadi afe llezica omoi ja jino dotállioimoiza. ²⁹ Mei uáfueza, nágafenaiamona billano, diga ínotino Juzíñamui illáimana illánomo jofo jáillano güizáibitiaioi. ³⁰ Mei afe llezica dámierie óodaficaidino uícoficaitaioi. Daje izói dáarie uícoficaidino óodaficaitaioi, —daide Jesús

Jesús Jerusalén comíniri eede

(Mt 23.37-39)

³¹ Aféruído fariséuaimona dámierie dúciillano Jesuna daidíaiói:

—Herodes o fáiacadeza, benómona oni jairi, —daidíaiói.

³² Jira Jesús uai ote:

—Mai afe iere abi ráiruide egai izoide Herodes omoi llujáiri: “Cacai. Bímonado femo daje izói uire jiti, fiénide jóriaiaina jino óreiticue. Daje izói iráredinona jllotaiticue. Iemo bai ie uire áfemo cue táijina fúitaiticueza,” daíí omoi llujáiri. ³³ Mei íadi birui bie cue bíllaodo nai jáiredicue. Daje izói uire jiti nai jáiredicue, íemo bai ie uire nai jáiredicue. Mei Juzíñamui uai llóramadicueza, Jerusalén jinomo oni jica tñinidicueza, —daide.

³⁴ Iemo Jesús éecana daide: “¡Jerusalén comini! ¡Nii íaiói dúerena! Juzíñamui uai llórainina fáfirediaíoi. Daje izói Juzíñamui íaíoimo oreca uai llujáitino nófiena njífirediaíoi. ¡Diga icaiño íaíoina átava ie átavachingo iaico anamo bícuá izói, íaíoina cue anamo bicóacadicue! Mei íadi áfena jíruiñediaíoi. ³⁵ Ie jira omoi cacai, uire jáíruido omoi jofue zóofegacona mámeite. Omoína daidicue, afénomona are cuena cñoñeitiomói. Mei cuena “Juzíñamui mámeido bitímie caimare íóbidímie” omoi dáiiñelle dinó cuena cñoñeitiomói, —dinori Jesús daide.

Abi fáillari duere zefuúdimie Jesús jllotote

14 Ie mei jíáie ocózinaillarui mo Ie mei jíáie ocózinaillarui mo Jesús fariséuai illaíma díne güüzájide. Afe llezica jíáie fariséuai Jesumo janónaíocana eróidiaíoi. ² Afénomo Jesús uíecori daa abina fáillari duere zefuúdimie illa. ³ Mei jira Jesús ocuica uai llófuefiredinomo jicánote naa fariséuairi.

—Ocózinaillaruido ¿meita iráredímie jllotarede? ¿Níbai jllotanide? —daide.

⁴ Mei íadi afémaci uai oñeno tíi daíí itíaiói. Iemona afe iráredímie bai uáidota jllotote. Jllotajano, “Mai o jairi,” daide. ⁵ Afe mei Jesús fariséuaina daide:

—Omoimona bu ocózinaillarui mo íemo ite burro, níbai juráreto, ífomo baía ¿meita raire naado óñega? ¡Ocózinaillarui íadi jaca raire caífo ófirediomói! —daide.

⁶ Afemona afe uaina jaca ónidiaíoi.

Airena ráfue mo uáidoga comini

⁷ Afe güülláfue mo bite lloga comini illáicomini ráiira izóidino ráiillena izire jenódiaíoi. Nana uícoficaiacadiaíoi. Jesús áfena cíocillano bie izói íaíoina llófuete:

⁸ —Ninó dáamie áirenafue mo uáidoia, illaíma ráiiranomo ráiíñeno iri. Mei o baímo jamánomoidímie níbai dúciíteza. ⁹ Iemona omoi uáidote rafue naama omo llujáibite. “O ráiirano mai bímiemo feca,” ona dáiiite. Afemona íraíe ráiiranomo meáire ráiizaitío.

¹⁰ Mei jíáifodo ninó dáamie iráizillena o jírria, bai ícoímo ite ráiiranomo o ráiiri. Afe mei o uáidote rafue naama billa llezica, afémie ona dáiiite: “Cue onóigamie, bai benó ñuera ráiiranomo bi,” dáiiite. Afe daíí nana güíránomo o díga ráiiedino eróicana afe rafue naama ñúefue omo jóoneíteza. ¹¹ Mei jira naga come dama ie abina jamánomoidena fñoitimie, jamáimiena óreite. Daje izói “Jiba cómedicue” daidímie, jamánomoidimiena jáitaite, —daide.

¹² Afe dáaruido, Jesús ie uáidotimiena daide:

—Güilla rafue o finoa o onóigamací uáidoñeno iri, naa o ámatiairi. Daje izói o comini uáidoñeno iri, naa o ánorí ite ráanaitímacíri. Mei afe íbana ona uáidoitiaíoi. Afe daíí íbaja izói máíñoitío. ¹³ Mei jíáifodo güilla rafue

o finoa dúeredino uáidori naa aidáimaciri. Daje izói júbene ídainidino uáidori naa uina cíoñedinori. ¹⁴ Afemona iere caimare ítíoza. Mei afémaci afe íbana omo finónidiaioi. Mei íadi tíde comécina jaícina jóidino nífuenidino meine abido cáilliruimo o íbaja ízoide raa máíñoitioza.

Aillue güilla ráfuedo jíáfuenta ñue cai onótaite

¹⁵ Afe güilla ráfuedo Jesús diga ráiiedinomona bífuenta cacáillano dáamie Jesuna daide:

—Juzíñamui illáimana illíruimo nabáiritimie caimare ite, —daide.

¹⁶ Mei jira Jesús íena daide:

—Daa come áillue güilla rafue finode. Afe ráfuedo gairíllena aillo comini jíiritade. ¹⁷ Ja rafue mámiaruoimo táijina ñue fuilla llezica, ie ocuífíregamie ie uáidoganomo llujítate, bie izói daíllena: “Ja nana raa ñue finócaza, mai omoi biri.” ¹⁸ Mei íadi afe llezica illa dígamie: “Iere cue jétalle íllaza, bínidicue,” daide. Nanóidimie daide: “Como cue íbaca cue jacafai méíñuacadicueza; bínidicueza. Cuen a icíñeno iri,” daide. ¹⁹ Iemo jíaimie daide: “Ja cinco diga juráreto naa íaioi nabai diga íbádicueza. Aféretuai fueñe fácajiacadicueza. Bínidicueza, cuena icíñeno iri,” daide. ²⁰ Iemo nane jíaimie daide: “Como fueñe ringo otícueza, bínidicue. Eróíñeno iri.” ²¹ Iemona afe ocuífíregamie meine jofomo jaillano ie orédimiemo bie izói íaioi daízia llujíde. Aferi rafue naama iere rícaide. Afe jira ie ocuífíregamiena daide: “Jofue cígimo ite áillue macáraodo naa duera iodo mai raire jai. Aféuaimona dúeredino naa aidáimaci diga bené atiri. Daje llezica júbene ídainidino naa uínidinori benomo atiri,” daide. ²² Afe méifodo íanori íllamona afe ocuífíregamie billano daide: “Cue

naama, o ocuilla izói ja finódicueza. Mei íadi nai ñue oruíñede. Nai ráíillinona ite,” daide. ²³ Iemona afe naama ocuífíregamiena daide: “Mai jofue jinómoma joide íuaído, áillue iodo naa dúeodo o jairi. Aféuaimona cue jofu íaioi oruítaibilleza riire oreri. ²⁴ Mei uáfuenta ómoina dáitícue: Cue diga güizábillena fueñe cue uáidogamona buna cue finoca güíllena güíñeítiaioi,” daide.

Crístodo cai jaillé Juárezde

²⁵ Aféruillaído diga comini Jesudo jáidiaioi. Afe llezica afémie meine gírecaillano íedo jáidinona daide:

²⁶ —Dáamie cuedo jáiacana llezica, ie móotiaina cue baimo ízíruiadi cue llófuegamiena ínide. Daje izói dáamie ie aina, ie úruiaína, ie ámatiaína, daje izói dama ie abina cue baimo ízíruiá, afémie cuedo bínide. ²⁷ Daje izói dáamie cuedo jailla ícoína ie tílla izire oía afémie cue llófuegamiena ínide. ²⁸ Bífuedo comeci facari: ómoimona dáamie jofu níacana uícodo, fueñe comeci facade. Daíí comeci facárede ie ofítaga raa ñue nílana fuite dáinana onóíllena. ²⁹ Dáamie daíí comeci fácañenia, jofu jíaillirai ie naidánia mei, figo ofíñena jira ñue fuitáñeno zoofeite. Iemona afe mei áfena cíoitino afémiena zánoitiaioi. ³⁰ “Bímie jofu níacade íadi fuitánide,” dáítiaioi. ³¹ Daje izói daa illaima jóbairiacana uícodo fueñe comeci ñue facárede. “¿Meita cuemo ite diez mil fuíríraini, baie cai diga fuírízaíbite veinte mil fuírírainina, nibai anáfenoredicai? ¿Nibai nai anáfenonidicai?” daíí comeci raire uícodo facárede. ³² Afémie ñue comeci fácano: “Baie bitino anáfenonidicai” daííadi, afémie afe fuírízaíbitino nai dúcíñena llezica, manánaíllena llujítinona óreite, icíriñeno dájena illífue jicánollena. ³³ Afe izói ómoimona

ninó dáamie nana íemo ite raana zóofeacañenia, cue llófuegamiena jáinide.

Sal ie ríino íñenia jaca ráifñede

(Mt 5.13; Mr 9.50)

³⁴Sal jaca ñuera, mei íadi ie ríino íñenia jaca jáie raamo jóonenide. ³⁵Jacafai éniemo jóonegana canóñede. Daje izói riga raa junáillena fiénide. Jaca énoñeno oni dotárede. Aquíe izóideza cacáacadino mai omoi cacai, —daide.

Oveja oni féiraila rafue

(Mt 18.10-14)

15 Afe mei nana gobierno ibátaga úcube llíinoraimaci naa fiénidifuiairedinori Jesús úrillamo cacárezaibitiaioi. ²Iemona fariséuai naa ocuica uai llófuefiredino Jesús zanódiaioi; daidíaioi:

—Bímie fiénidifuiairedinona caimare uáidota afémaciri güite, —daidíaioi.

³Afemona Jesús bie onótatífue lloste:

⁴—Omoimona dáamie cien diga ovéjaiai ia, afe ovéjaiaimona daa féiraia, áfena riire jénoite. Mei uáfueza, afémiemo fiébide noventa y nueve ovéjaiai ffiano afe daa féiraitena afémie baille dinó riire jénoite. ⁵Afe mei afe féiraitimie baillano caimare ie fecábemo bíitano jofomo uite. ⁶Jofomo dúciillano ie onóigamacina naa ie aino comíniri dáanomo gairítajano íaioina dáite: “Ja féiraite oveja cue báigaza. Mai cue diga caimare omoi iri.” ⁷Mei jira ómoina daidícue: “Afe daje izói daa fiénidifuiairedimie ie comeci ifue méiduari monamo itino jamánomo ióbidiaioi. Mei íadi noventa y nueve diga comeci ifue méidonide Juzíñamuimona oni nibéfedo jáiñedinori jofófemo ióbidiaioi.

Úcubetuni niné baiilla rafue

⁸Bie jáie ñúefuemo omoi cacarei. Daa ringomo diez diga úcubetuni ite.

Afemona dáatuni baiide. Afe jenóllena mechera unede. Afe llezica jofo ero rafode. Afe bie izóidedo afe úcubetuni jenócana uite ie baille dinó. ⁹Afétuni ie báillamona ie onóigangotiai naa ie aino imáciri dáanomo íaioi gairítano íaioina daide: “Jae niné baiíde úcubetuni ja cue báigaza, mai cue diga caimare omoi iri.” ¹⁰Nane ómoina dáitícue: “Afe izói fiénidifuiairedimie ie comeci ifue méiduari Juzíñamui abí imaci iere ióbidiaioi,” —daidícue.

Moo anámoma oni botade jító rafue

¹¹Jesús nane jáífue lloste:

—Daa come mena jítórede. ¹²Afe íailinoimona íiraimie ie moona daide: “O fecalle ráamona cuemo duide díbene cuemo ine,” daide. Iemona afe íailinoi moo íemo ite ráaniai íaillinoimo fecade. ¹³Afe méifodo íanori íllamona íiraimie íemo duide ráaniai jáímamo fecade. Fécajano afe iba úcube llíinota jica jáie éniemo jaide. Afénomo afémie iere fieni illáfuemo jaillano, nana ie llíinoga úcube táinomo dótajide. ¹⁴Iemo ie uiga úcube fuite. Afe llezica afe éniemo aillo júbietaidimaci. Aféruilaido afémie iere jufúruite. ¹⁵Iemona afeno itímiemo tájjina jénuaide. Iemona afe énie ímie ie tóica meróniai uíñolena orede. ¹⁶Afémie iere júbie méiniamona meróniai ecáinamona güíacade, íadi ninó buna ie ecáñena. ¹⁷Afemona afénomo dama comeci facade: “Cue moo jofomo ñue ecaca tájjitagano ¡ñi aillo illa! Íaioi jeírillamona fiébifirede. ¡Cue nibai benomo júbieri títícue! ¹⁸Meine cue moo illánomo jáitícue. Dúciillano íena dáitícue: Moo, omo fiénidífue finódícue. Daje izói Juzíñamuimo fiénidífue finódícue. ¹⁹Cuena cue jító dáíñeítioza. Fia o tájjitagamiema mai cue mameri, dáitícue,” afémie comeci facade. ²⁰Daií ie comeci faca mei, iodo ie moo diné jaide.

Afémie nai jica ítemo ie moo íena ciode. Cáoillano afémieri iere dúecaide. Iemona moo ie jitó dine aizícana jaide. Dúciillano ie jitona iere caimare lláinote. Llínuano íena ñitade. ²¹Afe mei jitó ie moona daide: “Moo, Juzínamuimo fiénidifue finódicue, daje izói omo finódicue. Cuená nibai cue jitó dáíñeitioza,” daide. ²²Mei jíáfodo afémie moo ie ocuífregamacina daide: “Mai raire jamánomo ñúecuuro jenoda atiri, afémie jítálleza. Daje izói ebírede onocai icuífoi jitari. Daje llezica ie eiba ico jitari. ²³Afe dáaruído farede juráreto jiza fatá atiri. Afe ritá cai iráizilleza. ²⁴Mei bie cue jitó tílla izóidinomona meine cáadeza. Daje izói ja niné féiraite baitícaiza,” daide. Afemona caimare iráizitiaioi.

²⁵Bie féiraítimie dúcina llezica, ie ama nánoramie jino jacáfaimo ite. Afénomona bítemo, jofo áinomo dúcidemo íaioi iráizilla naa íaioi rúaniai cacaina. ²⁶Ie jira jofómoma daa táijitafiregamie jítócome uáidota jicánote: ¿Mínica rafue finódiaioi? ²⁷Afe jítócome íena daide: “O ama dúcina. Afe jira o moo farede juráreto jiza fatátate, mei ie jitó ñue iránino meine dúcina jira,” daide. ²⁸Mei áfena fidíllano ie ama nánoramie iere rúicaide. Rúicaillano jofo afénomo jáiacañede. Afe jira ie moo afémie diné llujáide. Jofo bíllena caimare íena bífuiaide. ²⁹Afe llezica ie moona daide: “Onódioza diga fimona o diga ñue táijifiredicue. Jaca o uaina oni caitáfinidicue. Mei íadi jaca ninó daa duera cabrito cuemo fecáñedio, cue nabáñiñairi cue iráizillena. ³⁰Mei íadi birui bie o úcube jirufredingotiaimo dotádimie bíllamo afémie íena farede juráreto fatátatio,” daide. ³¹Jira ie moo afémiena daide: “Cue jitó, o jaca cue diga ífiredio. Cuemo ite raana nana omo dúideza. ³²Mei íadi bie ráfuena cai

fnuana ñue jácina joide, caimare cai íllena, mei o ama tílla izóidinomona meine bíteza. Daje izói ja niné féiraite baitícaiza,” daide.

Aillue jofo jabóidillaima izoide rafue

16 Jesús nane ie llófuegamacina daide:

—Daa aillo ráaredimie ite. Afémiemo ie táijirainina ocuífiredede jabóidillaima ite. Jáímaci afe ráaredimiena lluaíbitiaioi: “O jabóidillaima omo ite ñuera ráaniaina táinomo dotádeza. Afémie figo ocuífne,” daidíaoi. ²Ie jira ráaredimie jabóidillaima uáiduano daide: “O finócafueña cue cacana ¿ñie izói joide? Omo cue iga cue jofo rafue rábiai cuemo izáibiri, mei cue jabóidillaimana íñeitioza. Nana omo cue jóonegafue o záitalleza. ³Iemona afe jabóidillaima comeci facade: “Cue ocuídímie ja oni cue dotádeza ¿ñie izói fínoitícue? Mairíñedicueza, jacafai tiédímiena ínidicue. Comínimo úcube fia jícana meáiruitícue. ⁴Cue tájjina fuille mei jíáie comini cue íaioi llínollena, cue finóllifue ja onódicue.” ⁵Ie jira nana ie ocuídímie ibáredena itímiñai dámierie dáanomo jírrillano daide: “O ibáredena cue ocuídímie ¿nieze ite?” fuéñeidímie jicánote. ⁶Afémie uai ote: “Cien diga látaniai cáiredíji afémiemo cue íballe ite,” daide. Iemo jabóidillaima daide: “Benó o íbállibe ite. Mai benó raire ráíillano, cincuéntana llotíbeta cúdeiri,” daide. ⁷Afe mei jíáima uáiduano jicánote: “O íbállena ¿nieze ite?” daide. Jira afémie íena daide: “Cien diga costales trigo afémiemo cue ibáredena ite,” daide. Jira jabóidillaima íena daide: “Benó o íbállibe ite. Cómobemo ochenta diga costales cúdeiri,” daide. ⁸Ocuídímie áfena fidíllano, afe íbállibe táinona méidotímie iere báitafue nitade. Iemona ja onóigaza, bínie comini dani

íaioi nícidogafuiaina Juzíñamuimo ínotino baimo iere baitádiaioi.

⁹Bie izói omoi íllena llóitícue. Bie fiénide énie ráaniaido, mai omoi nabáiniaina maiñori, ráaniai fuilla méifodo ómoina jofo íaioi llínolleza. Mei ómoimo ite ráaniai ñue omoi uíñuado omoi ñue ínofirenana jino comínimo ácataitiomoiza. Afe izói Juzíñamuimo omoi ñue ínofirenamona Juzíñamui ie zíñona illánomo ómoina llínoiteza.

¹⁰Due jiza ite raana ñue úiñotimie daje izói aillo raa íemo íadi áfena afémie ñue úiñoite. Mei jiáifodo due jiza ite raana figo úiñoñedimie daje izói aillo raa íemo íadi afémie áfeniai figo úiñoñeite. ¹¹Ie jira bie fiénide éniemo ite ráaniai figo omoi úiñoñenia, ¿bu mei zíñona ráifide ráaniai ómoimo fecalle? ¹²Daje izói jiáimacimo jainaide raana figo omoi úiñoñenia, ¿bu mei ómoimo dúide raa ómoimo fecalle?

¹³Dáaruído buna mena ocuúdimiemo jaináinide. Iaillinoimo o jaináiaíi dáamiena éoitio, jiáimana izírúitio. Daje izói dáamie ñue ínoítio, jiáimana jámairúitio. Mei jira onógaza: Juzíñamui o náamataja llezica úcubemo abimo náamatanidío, —dínó Jesús úrite. Daíí Jesús úrilla llezica fariséuai ímíai cacárediaioi.

¹⁴Afe fariséuai úcubena gáidino Jesús úrillana cacáillano uáitano íeri zadáidiaioi. ¹⁵Mei jira Jesús daide:

—Comini eróicana ñúemacina abi mamédiomoi, mei íadi omoi comeci ífuenta Juzíñamui ñue onode. Mei jii, comini mameca jamánomoidimíiaina Juzíñamui éoide.

Juzíñamui illáimana illarui llua uai naa jaiái Moisés ocuica uai díga

¹⁶Jaiáimona Juan Bautista illágimamo, comini Moisés ocuica uaimo dúidiaioi. Daje izói Juzíñamui

uai jino llóraini llógamo dúidiaioi. Iemo aféruimona bené Juzíñamui illáimana illarui ñuera uai llócaiga. Iemo afénomo jofo íaioi jáillena izire nícidotiaioi.

¹⁷Mei bínie naa mona díga niné táino-caiaíi, illa díga ocuica uailai táinomo faiñeno ñue ícoimo fuitárede.

Jesús iima ie ai dótajado úrite

(Mt 19.1-12; Mr 10.1-12)

¹⁸Daa come ie ai dotáadi, íemo dótano jiáie ringo óiaíi, afémie ja jiruífue finode. Daje izói afe dotácango aina otímie ja jiruífue mo baiíde.

Aillo ráaredimie íemo Lázaronamámeciredimie díga

¹⁹Daa iere ráaredimie ite. Afémie iere ñúecuiruai jirófírede; illaíma jítáoi garoillai jítáírede. Afémie nágarui ñue finóbilla rafue finófírede.

²⁰Daje llezica afénomo dúeredimie Lázaronamámeciredimie ite. Afémie abi mallízaina oruide. Ráaredimie naze fuemo ráiizaírede. ²¹Bie dúeredimie ráaredimie güirábanimona dótafírega güille alla güírede. Ie ráiina llezica, jicóniai ie mállie miábíredie.

²²Afe mei díga irui íllamona dúeredimie tíide. Afémie Juzíñamui abi imaci monamo ite paraiso dáina ñúenomo uiga. Afeno afémie Abraham abimo ite. Afe mei jiái, ráaredimie tíilla raitíai. ²³Ráaredimie comini duere finólliraimo duere zefuilla llezica, caífo érocaide. Erocaide íadi Lázaro Abraham díga ráiinana jicana ciode. ²⁴Iemona afe ráaredimie caillide: “Cai jaiái Moo Abraham, cuemo dúecai. Lázaro bené ore, iere due jiza jáinoina cue jirótaibilleza, cue íife manánaitallena. Mei bie iraimo iere duere zefuídícueza,” daide. ²⁵Mei íadi Abraham íena daide: “Nauí o illáfue mo comeci faca. Aféruillaído iere ñue itio. Mei íadi aféruído bie Lázaro iere duere ite. Mei

jiáifodo birui afémie benó iere caimare ite. Afe llezica o duere zefuídio. ²⁶ Bie baimo, coco cígiri jiáie iere afóredino ite, jira benó itino jáiacade ia, jáinide. Daje izói o illánomo itino caifo benó bíacadaíoi ia, bínidiaíoi.”

²⁷ Mei jira ráaredimie fena daide: “Cai jaiái Moo Abraham, Lázaro batí cue moo jofomo o oréllena izire jicádícue. ²⁸ Cue cinco dígade ama benomo bie duere zefuñllanomo íaiói bíñeillena llotátari,” daide. ²⁹ Mei íadi Abraham íena daide: “Afémacimo Moisés naa Juzíñamui uai llóraini diga cúgana ite. Afe uáillaimo náfueítiaíoi,” daide. ³⁰ Jira afe ráaredimie uai ote: “Cai jaiái Moo Abraham, jii, mei íadi tíidinomona dáamie íaiíoimo llujáíadi, íaiói comeci ífueña méidoítiaíoi,” daide. ³¹ Mei íadi Abraham íena daide, “Afémaci Moisés naa Juzíñamui uai llóraini uaina náfueñeña, daje izói tíidinomona jáidino uaina íñoñeítiaíoi,” daide.

Fiénidifue mo come baíilla iere jacírede

(Mt 18.6-7, 21-22; Mr 9.42)

17 Jesús ie llófuegamacina daide: —Jaca nágarui comini fiénidifue mo baíítafue íteza. Jiáimana fiénidifue mo baíítatimie jñi dúerena! ² Trigo llaiéra áillue noñcina afémie cimoimo ícoínota monáillaimo dotácana baimo ñuera; úrue izói como ínotinomona dáamie fiénidifue mo baíítañelleza. ³ Afe izóidemono abí omoi rairuiri.

O ama omo fiénidifue finóadi, afémiena lletari. Afemona afémie illafue ie méidoia, caimare íena uáidori. ⁴ Mei dáaruido afémie siete dígcacaiño o fiéni finóadi, íemo siete dígcacaiño ona “Ja daíí omo íñeíticue” afémie daiízaíbiadi, jaca ninomo íena caimare uáidoítio, —daide.

Juzíñamuimo cai ínuua rífinorede

⁵ Jesús orécana íaiói Ocuíraimana daide:

—Jamánomo cai ínotari, —daide.

⁶ Mei jira afe Ocuíraima íaióina daide:

—Due uáfueña o ínoiadi rírede raana finóredio. O ínogafue díjina eroide mostaza íjai íeenina izoide íadi, bie sicómoro daina aménana bie izói daíredio: “Caifo áijicaillano monáilla-jimo zójozai,” daidíonia afe amena o uaina ínoite.

Táijitafiregamiemo dúidifue

⁷ Omoimona daa cómemo ie táijitagamie íadi, afe táijitagamie jacáfaimona táijiano meine bíadi ¿Meita “Mai ráiizaíbi, o écaíticue” dáíitio? ⁸ Daiñide. Mei jiáifodo afémiena ñue dáíitio: “Mai cue güille finori. Güillano cue jirolle llezica nana cue jitaila raa diga bai atíllena, mamériri. Afe méifomo güillano jíroitioza.” ⁹ ¿Meita nana afémiemo ocuállana fínuana ocuídímie íena “Figora” daírede? Daiñede. ¹⁰ Afe daje izói, nana Juzíñamui ómoimo ocuica omoi fínuua fuilla mei, bie izói daírediomoi: “Ñue táijiraimacíñedicaí. ‘Iere fígomaci’ caina daiñide. Mei dani caimo duide raa finódicaíza. Baimo jiáie finóñedicaí.”

Jesús diez diga chíñaitino jíllotate

¹¹ Jesús Jerusalemo jailla llezica, Galilea énie fuédamo ite duera jófue mo dúcide. Afe jofue daje izói Samaria énie fuédamo ite. ¹² Afe jófue mo dúciacana llezica, diez diga chíñaitino jino bai Jesús diné bitíaiói. Mei íadi afémaci Jesúsmona bai jica fiébidiaíoi. ¹³ Afénomona riire íena daidíaíoi:

—Llófueraima Jesús, caimo dúceai, —daidíaíoi.

¹⁴ Jesús afémacina cóillano daide:

—Batí lletárirainimo omoi abi ácataji, —daide.

Aféno mo íaioi jailla llezica íaioimo ite duícuai jacáibicaide. ¹⁵Iemo afémacimona dáamie ie abimo ite duico jacáillana cíoilano, Jesús diné abido bite. Billa llezica Juzíñamuimo riire cáimadote. ¹⁶Jesumo dúciillano afémie ana éniemo fueco diné bíjicaide, Jesuna figura daíllena. Afe bie izói daidímie Samaria ímie. ¹⁷Jira Jesús daide:

—¿Afe dúcomona jíllotaga diez dígamieñede? ¿Néemei jíáie nueve dígamie? ¹⁸¿Meita dama bie jicánemiena Juzíñamuina abido cáimaduaibilla? —daide.

¹⁹Iemona Jesús afe íimana daide:

—Náidacaillano mai jai. O ínuamona o dúcomona ja jíllodioza, —daide.

Juzíñamui illáimana illirui bíllana nie izói ónoiticaí

(Mt 24.23-28, 36-41)

²⁰Fariséuai Jesumo jicánotiaioi, “¿Níirui Juzíñamui illáimana illirui bíite?” Afémie uai ote:

—Juzíñamui illáimana billirui jaca cíoñena. ²¹Afena “Ba níie” daíñide. Daje izói “Baí batí ite” daíñide. Mei Juzíñamui illáimana illino omoi cígimo ite, —daide.

²²Afe mei ie llófuegamacina daide:

—Uire jíáiruido daa birui cue illa izóidiruina cíocaitiomoi, mei íadi cíoñeitiomoi. ²³Jiáimaci ómoina dáititiaioi, “Be níie,” íemo nibai “Batí ite” dáititiaioi. Mei íadi afénomo jáiñeno iri. Daje izói afémacido jáiñeno iri. ²⁴Mei ameo llairilla mona enéfemona jica jíáinomo cíoina izói, Nanoide íima Jitó billirui afe izói cíocaizaibite. ²⁵Mei íadi aferui nai dúciñeille llezica, afémie fueñe jamánomo duere zéfuite. Daje izói bigímaiaí íena ruiffruitiaioi. ²⁶Noé illágimamo comini iere fieni illa izói, afe izói cue billíruimo comini

fieni íitiaioi. ²⁷Noé ie finoca áillue nocaemo jáiñena llezica, nana comini ie lloga uaina náfueñeno fia guíoidiaioi. Güillano jirófirediaioi. Afe llezica íaioi fieni illafue méidoñeno áireoidiaioi; íemo íaioi jízanai ínfreitaoidiaioi. Jaca daí ítiaioi abina Noé jofo áillue nocaemo jaide. Iemo aillo noci bíide. Jamánomo bíillamona nana afémaci coróbaitiaioi.

²⁸Iemo Lot illágimamo afe izói ite. Juzíñamuimo comeciñeno guíoidiaioi. Güillano jirófirediaioi; íbjano fécafirediaioi. Jacáfaiaina ritiaioi, íemo jofóniaina níoicaidiaioi. ²⁹Mei íadi afe Lot Sodoma jófueмона jino bítemo, monámona réiciaí noci bíilla izói cocide. Afe llezica iere uzire boode ‘azufre’ daina raa cócia. Afemona nana timádímaci. ³⁰Cue Nanoide íima Jitódicueza, cue cíocaizaibillirui afe izoite.

³¹Aféruimo daa come ie jofo caifófe-como íadi, ie jofo eromo ite ráaniaina jofo jaillano báiruainide, afénomona botádeza. Daje izói dáamie jino jacáfaimo íadi, abido ie jofomo bínide. ³²Lot aimo omoi uíbicaí. ³³Ie caana rairuíacadímie áfena afémiemona féite. Mei íadi ie cáanana lloñédimemona afe féiraiñeno, áfena baímo ziiño illóna máíñoite.

³⁴Iemo nane ómoina dáitícue, cue dúciille naio, mena come dájena ínia llezica, íaillinoimona dáamie oni uille. Jiáimie fiébicaite. ³⁵Daje izói mena ringo daane trigo lláia llezica, íainguaímona dango oni uille, jíáingo fiébicaite. ³⁶Daje izói mena íima jino jacáfaimo tájjina llezica, íaillinoimona dáamie oni uille jíáimie fiébicaite, —daide.

³⁷Daí íe dáinana cacáillano, ie llófuegamaci íemo jicánotiaioi:

—Cai Ocuíraíma, ¿mei ninomo?

Jira afémie uai ote:

—Inóniai dáanomo gairízai firenmona, rille rifáillanona ñue onódiomoi. Afe izói fieni finódino oni íaiói úillemona dani íaiói duere finóllinona uáfueña onóigaza.

**Daa fecingo comínimo riire
jicánoraimamo jícajifirede**

18 Afe mei Jesús ie llófuegamacimo daa rafue mamede, nágaruillai fáicanocaiño Juzíñamuimo íaiói jícáfirellena. ²Íaioina daide:

—Jófuemo daa Juzíñamuina náfuefinide comínimo riire jicánoraima ite. Daje izói jíáimacina lloñede. ³Afe daje jófuemo daa fecingo ite. Afengo afe jicánoraimamo úrizabite. “Cue diga icíríacadimiena mai ñue jaícina jicánori,” daide. ⁴Diga ícaño afengo afémiemo jáidemo, afémie afengo uai jeire oñede. Mei íadi méifomo afémie comeci facade: “Juzíñamuina jacríuñedicuena, daje izói comini uaina náfueñedicuena, ⁵mei íadi bie fecingo diga ícaño cuemo zefuire bíbideza, aféngona ríidoitícue. Afemona afengo cue dine bíñeilleza. Daí afengo are cue zéfuinaitañeilleza,” daí comeci facade.

⁶Jira Ocuíraima daide:

—Daí bie fiénide comínimo riire jicánoraima daide. ⁷¿Meita Juzíñamui ie nizécánona, afe ie mona naío diga íemo izire jicádinona ríidoñeite? ¿Raire íaioina ríidoiteza! ¿Meita “Fui ómoimo llóitícue” íaioina dáite? Dáíñeite. ⁸Omoína daidícue, afémie juare dibáñeno raire íaioina ríidoite. Mei íadi Nanoide Hima Jitódícueza meine cue bíadi, ¿meita cuemo ínotino íite? ¿Meita íñeite?

**Fariseo, íemo gobierno íbátaga
úcube llíñoraima izoide rafue**

⁹Jesús nane jíáífue llote, abi ínuana jíáímaci jámairuitinona ñue llófuellena. Daide:

¹⁰—Mena iima íaillinoi Juzíñamui jofomo Juzíñamuimo úrizaide. Dáamie fariseo ímie; jíáíma gobierno íbátaga úcube llíñoraima. ¹¹Fariseo ímie naidáicana bie izói Juzíñamuimo úrite. “Moo Juzíñamui, ona figura daidícue, mei cue bie jíáie fiénidino izoíñedicueza. Jaca merírífinidícue, jíáímaci jífuefinidícue, daje izói jíruñidícue. Afe baimo bie gobierno íbátaga úcube llíñoraima izoíñedicue.

¹²Naga semánamo ménacaiño güiñoño ífiredícue Juzíñamui íóbitallena. Nágarui cue oga úcubemona, Juzíñamuimo dúide raamo afémiemo fecáfiredícue,” daide.

¹³“Mei íadi afe gobierno íbátaga úcube llíñoraima monamo érocaineno oni jica fiébite. Dinó ie illa llezica, iere dúeredícue, dainano ie abi iere zuure finode. Fínuano daide: “Aí, Juzíñamui mai cuemo dúecai. ¿Iere fiénidífuiaíredimíedicueza!” daide. ¹⁴Omoína dáitícue, afe úcube llíñoraima Juzíñamui anamo ñue illano jofomo jaide, mei íadi afe fariseo ímie ñue fínoñega jailla. Mei uáfueza, abi ínota jamánomoíacadimie anáfecaide. Mei íadi abí ínoñeno comécina mánaidimie daidímie jamánomoidimiena jailla,—daide.

Jesús úruiaí ñue íllena finode

(Mt 19.13-15; Mr 10.13-16)

¹⁵Afe llezica comini íaiói jézainidino Jesumo atídíaiói, afémacimo onoi bitállena. Mei íadi áfena ie llófuegamaci cóoillano afe atídínona rairuídíaiói.

¹⁶Mei jíáífodo Jesús ie llófuegamaci uáiduano daide:

—Afe úruiai dama cue diné bitáioiza. Afémacina rairuíñeno iri. Mei Juzíñamui illáimana illíruimo jáitino bie úruiai izóidiaioi. ¹⁷ Uáfueña ómoína dáaiticue, fia comécina mánaide úrue izóinedimie Juzíñamui illáimana illíruimo jaca jofó jáiñeite, —daide.

Ráarede jitócome Jesús diga úrilla

(Mt 19.16-30; Mr 10.17-31)

¹⁸ Illáicomínimona dáamie Jesumo jicánote:

—Ñuera Llófueraima, zíñona cue íllena ¿nie izóí íredicue? —daide.

¹⁹ Jesús íena daide:

—¿Níbái mei cuena “Fígomiedio” daidío? Abi dine jáie ñúemiena íñede. Dama Juzíñamui ñuena. ²⁰ Cai ocuína uáillaina cacádiazoa: “Jiruífueña finóñeno iri, jááimana fañeno iri, meríriñeno iri, jáámamo taino lloñeno iri, o moo o ei diga ñue jacírui,” —daide.

²¹ Jira afémie Jesuna daide:

—Búuallaina cue dúemieniadi jaca nai biruido jeire ófiredicue, —daide.

²² Afena cacáillano Jesús daide:

—Mei íadi omo nai daafue fiébide. Nana omo ite ráaniai fécano, afe iba dúeredinomo ine. Afemona monamo ite zíñona ráifide raa óiena íteza. Afe o ráaniai fecalle mei, mai cuedo bi, —daide.

²³ Mei íadi áfena cacáillano iere zúucaide, mei afémie iere ráaredeza.

²⁴ Jesús ie zúucaillana cíoillano daide:

—Iere ráaredimie mei íadi ie ráaniaina cue baimo afémie izíruiadi, Juzíñamui illáimana illíruimo jofó jáillena ¿ñí juárena! ²⁵ Camello mámecirede áillue rille eedo úfodo enéfenemo jailla juánide, mei jáífodo iere ráaredimie Juzíñamui illáimana illíruimo jaille iere juárede, —daide.

²⁶ Aféfueña cacáдино íena daidíaioi:

—Iemona ¿ñímie jílloille? —daidíaioi.

²⁷ Jira Jesús íaioína daide:

—Comínimona finónide raa Juzíñamui finórede, —daide.

²⁸ Afe mei Pedro íena daide:

—Ocuíraima, odo bíllena caimo ite raana fiénocaidicai, —daide.

²⁹ Jira afémie uai ote:

—Uáfueña ómoína dáaiticue, Juzíñamui illáimana illano ícoína jofó fiénocaitimie, daje izóí ie móotiai naa ie ámatiairi fiénocaitimie, daje izóí ie aí naa úruiairi fiénocaitimie ³⁰ nai bíniamo ie illa llezica aillo baimo llíñoite. Afe mei monamo zíñona illino máíñoite, —daide.

Jesús nane dáanomo ie táillifue llote

(Mt 20.17-19; Mr 10.32-34)

³¹ Jesús oni eneno doce dígade ie llófuegamaci uillano daide:

—Ja birui Jerusalemo jáiticaiza. Afénomo nana jaiái Juzíñamui uai llóraini Nanoide Hima Jitó cuega uai jino zúilleza. Nanoide Hima Jitódicueza.

³² Afeno jicánemacimo cue fécaitiaioi, íemo cuena jifánodoiitiaioi, íemo cuena báíñoitiaioi, íemo cuena túallaitiaioi.

³³ Iemo cuena rázido fáitíaioi. Afe mei cuena táitaitiaioi. Mei íadi daaruiámani íllemona tídinomona meine abido cáadimiena íitícue.

³⁴ Afe bífuiaina afémaci jaca onóñedi-aioi. Daje izóí nímiedo úriteza onóñedi-aioi, mei aféfuiái afémaci baitánide.

Jesús Jericó ímie uínidimie jíllotate

(Mt 20.29-34; Mr 10.46-52)

³⁵ Jesús Jericó jófueño áinozilla llezica daa uínidimie io fueño ráiide. Afémie fia úcube jicáfiredé. ³⁶ Aillo comíniai jáillana cacáillano afémie, “¿Níífue comuilla?” daide. ³⁷ Jira afémiemo llotíaioi, “Nazaret ímie

bíedo jailla,” daidíai. ³⁸Jira afémie jíriroicaide:

—Davidmona comuídímie Jesús, Mesía dainámie mai cuemo dúecai, —daide.

³⁹Uícodo jáidino afémiena “Uriñeno lliicai,” daidíai. Mei íadi afémie nai riire caillide:

—Davidmona comuídímie, Mesía ímie mai cuemo dúecai, —daide.

⁴⁰Iemona Jesús náidade. “Afémie cue diné omoi uaji,” daide. Afémie dúczai-billa llezica Jesús jicánote:

⁴¹¿Minícana jítaidío, omo cue finólleza?

Jira uínidímie uai ote:

—Ocuíraima, meine uído cióacadicue, —daide.

⁴²Jira Jesús íena daide:

—Mai érocai. O íinua ícoina ja jíllodio, —daide.

⁴³Daií daina llezica, uínidímie ñue ciode. Afe mei afémie Juzíñamuimo caimátaicana Jesudo jaide. Daje izói nana afe uínidímie jíllonana ciódino Juzíñamuimo caimátaoidiaioi.

Jesús Zaqueo uáiduaide

19 Afe mei Jesús Jericó jófuego dúciillano, afe jofue cígido jaide. ²Afénomo daa ráaredímie ite. Afémie mámecei Zaqueo. Afémie gobierno íbátaga úcube llínoraimaci illaíma. ³Bie Zaqueo Jesuna cióiacade ie ónoillena. Ua Jesuna cióiacade mei íadi íena ciónide, aillo comini íllaza, íemo jíái afémie iere íámieza. ⁴Ie jira Jesús uícomo aizícaillano, sicómoro daina aménamo caifo llíode Jesuna cíoillena. Afe amena Jesús jáillino áinori ite. ⁵Jesús áfedo jailla llezica, caifo íemo érocaide. Iena daide:

—Zaqueo, raire ana bi. Birui o jofomo fiébiticueza, —daide.

⁶Ie mei Zaqueo raire ana billano Jesuna caimare llínote. Ua Zaqueo jo-

fomo jáidiaillinoi. ⁷Comini áfena cíoilano, nana áferi úrizidiaioi. Daidíai:

—Jesús fiénidímie jofomo fiébizaide.

⁸Iemo Zaqueo náidacaillano Jesuna daide:

—¡Ocuíraima, ero! Cuemo ite ráaniaimona dúeredimacimo átueto fécaiticue. Daa come jífuiano nau merídicuena áfena afémiemo meine abido izájiticue. Nane afe emódomo dacaiñoámáni afémiemo íiticue, —daide.

⁹Jira Jesús íena daide:

—Daií o fínuamona Juzíñamui lloga jíllonafue birui jeire o úana ja onódicai. Naui féiraitio, mei íadi birui ja jíllotagao. Ja Abraham comuítagamiedio. ¹⁰Mei jíi, o izoide ja oni baízaidino jenoda jíllotaibiticue. Nanoide fima Jitódicueza, —daide.

Diez dígade úcubetunimo mameca rafue

¹¹Jesús bífuiaído úrillana comini cacana llezica, afémie daa rafue íaioimo llote. Mei Jerusalemo afémie ánozioicaidemo, afémaci comécido “Juzíñamui illáimana illfrui ja raire dúciacade,” daidíai. ¹²Jira Jesús íaioina daide:

—Daa íima ñúemacimona comuídímie. Afémie oni jica jíániemo jaide, afémaci illáimana afémie íaioi jóoneacadiaioiza. Afe mei afémie nane abido biite. ¹³Nai ie jáíñena llezica, ie tájítaganomona diez dígamie uáidote. Uáiduano illa dígamiemo daa iere ráífide úcubetuni fecade. Feca llezica íaioina daide: “Bie úcubetunido nai cue bíñeille dinó ráaniai oíri. Ua mei, afe fécamo aillo úcubena oni jóoneri,” daide. ¹⁴Mei íadi dama ie illano comini afémiena éoidiaioi. Eoillano afémie óodana llóitino orédiaioi. Llotíai: “Cai illáimana o íllena jítaíñedicai,” daidíai. ¹⁵Mei íadi afémie illáimana

jónega. Jónia mei dama ie éniemo jaide. Dúciillano úcubetunillaina igámiaí bai uáidote. Uáiduano illa dígamie jicánote: “¿Ja nieze úcubena ofítatio?” daide. ¹⁶Nano jírígamié íena daide: “Ocuíraima, o úcubemona diez diga baimo óiena nabáidicue,” daide. ¹⁷Ie jira aféllaíma uai ote: “Iere figura. Ñuera ocuífregamiedio. Omo due cue ígari ñue ínotioza, diez dígade comini jofue illáimana o jóneiticue,” daide. ¹⁸Afe mei nane jíáimie jíríte. Afémie billano daide: “Ocuíraima, o úcubemona cinco diga baimo óiena nabáidicue,” daide. ¹⁹Nane daje izói bímiemo uai ote: “O cinco dígade comini jofue lláimana o jóneiticue,” daide. ²⁰Afe mei nane jíáimie jíríte. Afémie daide: “Ocuíraima, be o úcubetuni. Ñue jacíruioicana cue éenogaza. ²¹Mei iere ríimiedioza, ona jacíruiticue. O jóneñegamona jaca ófiredio. Daje izói o ríñeganomona jaca ófiredio,” daide. ²²Afe jira aféllaíma íena daide: “Fiénde cue ocuífregamiedio. Dama o daina uaido riire omo jicánoiticue. Cue rírenana onódio íadi, ¿níbái mei cue úcubé baimo nabáíñedio? Daje izói cue jóneñegamona cue ófírenana onódio íadi, íemo jíái cue ríñeganomona jaca cue ófírenana onódio íadi, ²³¿níbái mei cue úcubé jíáie úcubé iránomo jóneñedio, abido cue jofomo cue billa llezica afe úcubé íemo afe baimo jíáie úcubé diga cue llínollena?” ²⁴Iemona afénomo itónona daide: “Bímiemo ite dáatuni uano, diez dígatuni otímiemo feca,” daide. ²⁵Mei íadi afémaci aféllaímana daide: “Illáíma ero, bímiemo ja diez dígatuni ite. ¿Níbái mei jíáie úcubena iga?” daide. ²⁶Jira afe illáíma uai ote: “Mei uáfueza ómoina dáíitícue, igámie baimo aillo írede. Mei íadi íñegamie due ite bairórede.

²⁷Iemo afe baie cue illáíma íllana óiacañedino, mai bai bené ati. Atiano cue eróicana afémaci tita,” daide.

Jesús Jerusalén jófue mo jofo jaide

(Mt 21.1-11; Mr 11.1-11; Jn 12.12-19)

²⁸Bie izói daina méifodo Jesús nai Jerusalén diné jaide. ²⁹Ja Betfagé jófue mo, íemo Betania jofue diga, afénomo Jesús dúciacade. Afe jofue Olivo idu ánnori ite. Afénomo illa llezica íe llófuegamacimona ménamie orede. Iaillinoína daide:

³⁰—Batí ánnori ite duera jófue mo ómicoi jai. Dúciillano afénomo cuinaca búrrona cíoitiomicoi. Afe búrrono nai buna ráííñena. Zúitano cuemo atiri. ³¹Daa come ómicoimo jicánoia “Níbái mei uiga” daifadi, “Cai Ocuíraima jítaíllano jíca” ómicoi daifri, —daide.

³²Afe llófuegamaci íaillinoi jaillano nana Jesús íaillinoína daina izói cíoizaidiaillinoi. ³³Afe burro íaillinoi zúitaja llezica burro naama jicánote:

—¿Níbái mei búrrona zuitádiomicoi? —daide.

³⁴Jira afe íaillinoi uai ote:

—Cai Ocuíraima jítaílla, —daide.

³⁵Afe mei ja Jesumo uitíaillinoi. Dúciillano afe burro emodo íaioi ínroína jobédiaioi. Jóbiano afe emódomo Jesús rainádiaioi. ³⁶Afe búrrodo Jesús jailla llezica, íe jáillao comini íaioi ínroíllaina jobédiaioi. ³⁷Olivo daina ídumona ana íaioi jailla llezica, nana afémiedo jaide Juzíñamuimo ínotino íóbillano caillíodiaioi. Daje llezica Juzíñamuimo íere caimátaidiaioi, mei diga Jesús uaido daina comúdena nauí uícodo cíodiaioiza. ³⁸Daidíaoi:

—Ocuíraima mámeçido bite illáíma caimare íri. Caimare uái illáfue monamo íteza. Daje izói Juzíñamuimo ebire ñuefuiaina nitáfíreiri, —daidíaoi.

³⁹Iemo afénomo ite comini cígimo fariseo ímíiaina ite. Afémaci Jesuna daidíaiói:

—Llófueraima, odo jáidinona “Uriñeno” o daíri, —daidíaiói.

⁴⁰Mei íadi Jesús uai ote:

—Omoína dáititue, bimaci úriñenia nofíciái riire úrille, —daide.

⁴¹Afe mei afe Jerusalemo ánozilla llezica, afe jófuena cíoillano Jesús eede.

⁴²Eiano cómemo úrilla izói afe jófuena daide:

—Nífuenino uái o illífuenta iere o onótaacaditue. Birui ñue o illarui. Mei birui afefue ómoimona báinino íteza, aféfuena onónidiomoi. ⁴³Mei uáfueza fiénidiruillai ómoimo biite. Aféruimo omoi éoidimaci omoi illa onido nágafeníai nofbanillaina izói ómoína cirñoitiaíoi. Afe mei ómoiri riire fúiritiaíoi. ⁴⁴Iemo ana éniemo ona dótaitiaíoi. Dótano afe jófuemo ite comínina fáitiaíoi. Afe llezica nana afe jofue finoina nofíciái ana dócoitiaíoi; mei Juzíñamui ómoína caimare uáiduaibillarui onóñediomoiza, —daide.

Jesús Juzíñamuimo gairíraco ráfua izói ñue finode

(Mt 21.12-17; Mr 11.15-19; Jn 2.13-22)

⁴⁵Jerusalemo ie jofu jailla méifomo, Jesús Juzíñamuimo gairíracomo jofu jáillano afeco eromo ite ráaniai fecádino naa íbárioidinori jino jiude. ⁴⁶Iaioina daide:

—Jaiai Cuegáuaimo daide: “Cue jofu cuemo úrifireillico.” Mei íadi afécona merírifiredino jofu izói finódiomoi, —daide.

⁴⁷Nágaruillai Jesús afécomo llófuefirede. Mei íadi afe llezica lletáriraini illaini, daje izói ocuica uai llófuetino, naa jofue illáiniri ie íaiói fallino jenódiaíoi. ⁴⁸Mei íadi afémie fállena baiñédiaíoi, mei nana comini afémie uai iere cacáreidiaíoi.

Illáicomini Jesús ócuifirena ríino jicánotiaíoi

(Mt 21.23-27; Mr 11.27-33)

20 Afe mei jiáiruideo Jesús Juzíñamuimo gairíracomo comini llófue. Afe llezica ñuera jíllona uai afémacimo llote. Daí illa llezica lletáriraini illaini, íemo ocuica uai llófuetino, naa ocuide eicomíniri, afénomo dúcidiaíoi. ²Dúciillano Jesuna daidíaiói:

—Nie ríinodo bie ráaniaina finódio áfena cai lloiri. Afe omo ite ríino ¿bu mei omo fecaca? —daidíaiói.

³Jira Jesús íaioina daide:

—Cuemo omoi jicánua izói ómoimo daafue jicánoititue. Nee mei cue uai omoi ólleza. ⁴Mei Juan ¿bu comini bántizallena ocuica? ¿Meita Juzíñamui ocuica? ¿Mei ñibai comini ocuica? —daide.

⁵Mei íadi uai oñeno, áfena dani conímamo júfidotiaíoi; daidíaiói:

—¿Nie izói mei dáititacai? “Juzíñamui ocuica” cai daííadi, Jesús cai uai óite, “¿Ñibái mei afémiemo ínoñediomoi?”

⁶Mei jiáifodo “Comínimona ocuica” cai daííadi, nana comini nófiena cai njíitiaíoi. Mei afémaci “Juan Juzíñamui dibénedo úrifirede” jaca daííafrediaíoi.

⁷Iemona afe illáicomini Jesuna daidíaiói:

—Juan bántizaibillena ocuídímiena onóñedicaí, —daidíaiói. ⁸Afe jira Jesús íaioina daide:

—Daje izói bie ráaniai cue fínofirena ríino ómoimo llóñeiticue, —daide.

Fiénide táijidino rafue

(Mt 21.33-44; Mr 12.1-11)

⁹Afe mei Jesús comínimo úrilla llezica bifue íaioimo llote:

—Daa come jíricuena eroide úvaíai rillino finode. Afe mei afemo táijíitínomo nano íanori iba llínollena fecade. Fécano oni jiáinomo are íllena

jaide. ¹⁰Afe úvaiai llizilla llezica, ie ocufiregamie orede, námamo dúide dibene afénomo táijidinomona jicállena. Mei íadi afémiemo iñeno fájano ie oré diaioi. ¹¹Ie jira jacafai naama nane jáie ocufiregamie orede. Mei íadi nane afémiena icida fatíaoi. Fájano iñeno fia meine oré diaioi. ¹²Nane afe mei jacafai naama jáimie orede, mei íadi afe táijidino afémiena bó fiano jino oré diaioi.

¹³Irainomo jacafai naama daide: “¿Niie izói fnoiticue? Cue izíruiga jitó óreiticue. Afémaci afémiena cíoilano, nibai afémiena caimare jacruitiaioi,” daide. ¹⁴Mei íadi táijidino afémiena cíoilano, jofa conímaiaina daidíaoi: “Bímie uire bie énie máínoitimie. Mai cai falli. Afe mei bínie cáiena jáiteza,” daidíaoi. ¹⁵Afe mei jacafai jinomo uillano íena titádíaoi.

Jira Jesús jicánote:

—Afe jacafai naama bimácina ¿niie izói fnoite? ¹⁶Afémie billano afémacimo dúecaiñeno títaite. Afe mei afénie jáimacimo fécaite, —daide.

Afena cacáillano daidíaoi:

—¿Afe izói cai ílleza Juzíñamui rairuiri! —daidíaoi.

¹⁷Mei íadi Jesús íaioimo érocaillano daide:

—femona, afe Juzíñamui Cuegáuaina ¿niie izói llóiacade? Afe uai bie izói daide:

Jofa níraini jámairuillano oni fádoica jáíllirai ja nahí jáílliraina jaide. Bie daina daíacade, comini jámairuillano ruifruigamie ja ñuera jica jalleide illáimana jaide.

¹⁸Afe jámairuiga nofici maméidimiemo éicitaitimie niné tibérotaitaite. Iemo jáí afe nofici anamo jíitafitino jízefo izói jáitiaioi, —daí Jesús daide.

Gobierno ibátaga úcube rafue

(Mt 21.45-46; 22.15-22; Mr 12.12-17)

¹⁹Afe llezica lletáiraini illaini naa ocuica uai llófueraíniri Jesuna llaitáacadiaioi, mei afémacido bie rafue afémie llúana onó diaioiza. Mei íadi afémaci comínina jacáruitiaioi. ²⁰Ie jira ñuemaci izói macá dino Jesumo báinino oré diaioi. Jesuna comeci féillamona fieni úritallena oré caiaioi. Afe fieni ie úrillana cacáillano afémie romano caifóidillaimamo fécaite. ²¹Jira afémaci Jesumo bie izói jicánotiaioi:

—Llófueraima, onó dicaiza jaca ñue íllifue llófuefiredio. Daje izói jáicina ñue úrifiredio. Iemo jino cíoidífuiaido izire jicánoñedio. Mei jáí fodo Juzíñamui cai jáíllido uáfueña úrifiredio. ²²Caimo llone: ¿Romano jamánomoidillaima íbátaga úcube íbádicaínia ñuera? ¿Níbai fiénide? —daidíaoi.

²³Mei íadi íaioi ie facátaacanana Jesús onode. Jira íaioina daide:

—¿Níbái mei jíitaja izói cue finó dío moi? ²⁴Daa úcubetuni cuemo ácataibi. Afétunimo ite uieco jana ¿bu ie? Iemo afétunimo ¿nie come mámece cúeina? —daide.

Jira ie uai otíaioi:

—Romano jamánomoidillaima uieco illa, naa ie mámece díga, —daidíaoi.

²⁵Jira Jesús íaioina daide:

—Mei femona romano jamánomoidillaimamo dúide afémiemo fecari. Iemo daje izói Juzíñamuiemo dúide Juzíñamuiemo fecari, —daide.

²⁶Nana afémaci comini cacáicana daina uáíllaido ja Jesuna jaca jíitanidiaioi. Mei jáí fodo ie uai úana cacáillano fáigacaidiaioi. Afe mei íaioi uai ollifue íñédeza úriñediaioi.

**Tíide comini meine abido
cáaille jicánotiaioi**

(Mt 22.23-33; Mr 12.18-27)

²⁷ Afe mei saduceo ímíiai Jesús diné jaide. Afe saduceúai tíidino meine abido cáañeite daiífirediaioi. Jira bimaci Jesuna bie izói daidíaiioi:

²⁸ —Llófueraima, Moisés caimo cuetá fiécabemo daide: Daa come ie ai nai úruenide abina tíia, afémie ama ie fecíngona órede, afémie úruiai ie tíide ama méifomo comúllena. ²⁹ Mei nauí cai cígimo siete díga ámaredimíiaina ite. Nanóidimie áireillano nai úruenino tíide. ³⁰ Afe méifoidimie afe fecingo ote. Ie mei afémie daje izói úruenino tíide. ³¹ Afe mei nane jíáimie daango ote. Uano nai úruenino tíide. Daje izói nana afémie ámatiai daango uano úruenino tíidiaioi. ³² Iirainomo ja afengo tíilla. ³³ Iemona comini tíillano meine abido cáailliruimo, mei siete dígamie afengo óteza, afengo ¿nie iima aina mámeite? —daidíaiioi.

³⁴ Ie jira Jesús uai ote:

—Bie éniemo íñíiai áirediaioi. Daje izói ringóniai inírediaioi. ³⁵ Mei íadi uire monamo jáitena mamécano, daje izói tíidínomona meine abido cáaitena mamécano jaca áinitiaioi. Daje izói afénomo íaioi jízatiaina jíáimamo iníreitañeitiaioi. ³⁶ Mei afénomo buna tíinideza. Iemona afémaci Juzíñamui abi imáciai izóidiaioi. Tíillanomona meine abido cáailledo Juzíñamui jíttíiaina ja mamécaiaioi. ³⁷ Jaiiai Moisés illafue ciegánicomo Juzíñamui tíidino meine abido cáaillana caina onótate. Moisés boode rarócina ciona llezica afe bóodemona Juzíñamui daide: “Dáaruído Abraham Juzíñamuidicue naa Isaac Jacob díga,” mei afémaci Juzíñamui illánomo

cáadiaioiza. ³⁸ Mei uáfueza, Juzíñamui tíidino íeñede, mei jíáifodo cáadino ie. Mei uáfueza, Juzíñamui eróicana nana cáadiaioiza, —daide.

³⁹ Iemona ocuica uai llófueraimona dáarie daidíaiioi:

—Llófueraima, ¡ñue daidio! —daidíaiioi.

⁴⁰ Afe baimo Jesús facátalle uaina baiñediaioi.

Cristo ie nano comuídímie ¿bu?

(Mt 22.41-46; Mr 12.35-37)

⁴¹ Afe mei Jesús íaioina daide:

—¿Nibái mei Crístona David jíto dáiiifirena? ⁴² Mei afe David Salmos rabénicomo dáideza:

Monamo ite cai Moo Juzíñamui cue Ocuíraimana daide:

“Bené cue nabézimo ráii;

⁴³ ona éoidino cue anáfenolle dino.”

⁴⁴ ¿Mei nie izói Cristo David jíto? Mei afe David afémiena ie Ocuífredimiena mamédeza, —daide.

**Jesús ocuica uai llófuefiredinomo
fiénidífue nitade**

(Mt 23.1-36; Mr 12.38-40; Lc 11.37-54)

⁴⁵ Nana comini cacáicana Jesús ie llófuegamacina daide:

⁴⁶ —Ocuica uai llófuefiredinomona abí omoi rairuiri. Afémaci “jácimacidi-cai” daiíllena áreoi jíttáfirediaioi. Afémaci gairranomo jáiadi, iere caimare uáiduana gáidiaioi. Afe izói Juzíñamuimo llófueriracomo ñuera ráiiranuai jénofrediaioi. Daje izói iráizillafue fñua llezica jénofrediaioi.

⁴⁷ Daje llezica fecíngotiai jofona báirofirediaioi. Afémaci comini cíoicana ñúemacina daiíllena, are Juzíñamuimo úrifirediaioi. Afémaci jíáimaci duere finolle baimo duere finólliaioi, —daide.

**Dúerede fecingo
Juzíñamuimo úcube fecade**

(Mr 12.41-44)

21 Jesús Juzíñamuimo gairíracomo illa llezica, aillo ráaredino Juzíñamuimo dúide úcube jóneranomo úcube dótana ciode. ²Afe llezica dúerede fecingo cobre finoína mena úcubetuni dótajana Jesús ciode. ³Cfoillano daide:

—Uáfuenta ómoina dáitucue, bie dúerede fecingo nana jiáimaci baimo dotade. ⁴Mei nana afémaci íaioimo fiévide úcubemona dotádiaioi. Mei íadi bie fecingo dúerede íadi nana aféngomo ite güille íballe úcube dotade, —daide.

**Jesús Juzíñamuimo gairíraco
niné táinocaite, daide**

(Mt 24.1-2; Mr 13.1-2)

⁵Comínimona dáarie Juzíñamuimo gairíraco ero ebire cíoina llotíaioi. Daje izói afécomo ite nofíciai finoína ebire cíoina llotíaioi. Afe izói afécomo fia fecaca ebírede ráaniai llotíaioi. Afe jira Jesús daide:

⁶—Nana bie omoi ciona ebire eróidinuiaí uire dáaruido niné táinoficaite. Bico ero ñuera nofítofiaí illa dígatofiaí oní eneno júdaizite, —daide.

Enie fúiacana cai onóillena lloga uai

(Mt 24.3-28; Mr 13.3-23)

⁷Jira Jesumo jicánotiaioi:

—Llófueraima, o lloga bífuiaí ¿ñiruúdo íite? Bifue zúille úcodo cai onuille raa, ¿nie izói íite? —daidiaioi.

⁸Jira Jesús daide:

—Omoi jífuefiza abí omoi rairuiri. Mei afe llezica diga “Cue bie Crístodícue” dáitino bíitiaioiza. Afe izói “Ja birui aferui” dáititiaioi. Mei íadi afémaci llógamo íñoñeno iri. ⁹Comini jóbairillana omoi cacáiaí aféri jacíñaiñeno iri. Daje

izói jiáie comini íaioi illaíma uáitano jiáimiena méidoiacanari jacíñaiñeno iri. Mei úcodo daí íredeza, mei íadi íirairui nai dúciñedeza.

¹⁰Iemo Jesús nai úrioicaide:

—Daa nairai jiáie nairai diga fúiritiaioi. Daje izói daa zie jiáizie diga jóbairitiaioi. ¹¹Afe llezica diga ígobíaido énie iere riire docáirite. Daje izói aillo nairai júbietaitiaioi, íemo jiái aillo comini dáagoberiedo dúcotaitiaioi. Aféruido monamo aillo cai jacíñaitaite raa cíocaite, naa énie fuille joréñuairi.

¹²Mei íadi nana bífuiaí jino déiacana úcodo, fieni finóllena ómoina lláitaitiaioi. Daje izói ómoina rácaitiaioi. Iemo Juzíñamui uai llorácomo ómoina uillano riire jicánodoítiaioi. Iemo ómoina llavéracomo íbaitiaioi. Afe llezica cuemo omoi jainaina jira, jamánomoidillaini naa jabóidillaini úcomo ómoina úitiaioi. ¹³Daí omoi íaioi uilla llezica cuedo afémacimo ñue úritiomoi. ¹⁴Abí omoi ríddolle uaimo úcodo omoi comécíillena riire mamériñeno iri; ¹⁵mei aféruimo afémaci uailai omoi olle uaina ómoimo llóitícuieza. Afe llezica ómoina ráfuenta ñue baitátaitucue. Afemona omoi éoidino ómoina jaca uáitanidiaioi.

¹⁶Mei íadi aféruimo omoi onóigamací Crístomo omoi ínuia jira ómoina duere finóllena jiáimacimo izájitiaioi. Daje izói omoi ámatiaí Crístomo omoi ínuia jira ómoina fécaitiaioi, íemo omoi móotiaí dáafuedo ómoina fécaitiaioi, daje izói jiái omoi nabáíñiaí dáafuedo ómoina fécaitiaioi. Omoimona dáarie títaitiaioi. ¹⁷Aféruido nana nairai cue ícoinaí adí ómoina éoitiaioi. ¹⁸Mei íadi omoi ífótiraiaimona, daa táinomo báíñeite. ¹⁹Iemo fáicanocaiñeno omoi íñoiaí, zíñona cáallinona máíñoitiomoi.

²⁰Jerusalén jofue fuíriraíni nágafene afeno cirñoia, áfena cíoillano, áfedo

raire táinocaillena ónoitiomoi. ²¹ Afe jira afe llezica Judea éniemo itínuiái caifóneduaimo botárediaioi. Daje llezica Jerusalemó itínuiái afénomona oni jica jáirediaioi. Iemo jacáfaimo itino meine abido afe jófuego jáinidiaioi. ²² Mei afe comini duere finóllirumo ja dúcidez. Aféruillaido nana jaiai Juziñamui Cuegáuái ícoimo ñue fuitárede. ²³ Afe llezica namóciredingotaiána ¡Nii dúerena! Daje izói monói jirode úruena lliídingotaiána ¡Nii dúerena! Mei aféruillaido afénomo aillo izi cácaitiaioi. Afe énie comini jamánomo duere finólliaioi. ²⁴ Afémacimona jiáimaci jóbairillanomo títiaioi. Iemo jiáimaci nana nairai illánomo íaioina llavétaitiaioi. Juziñamui mamécaruillai dieze, jicánemaci Jerusalén anáfenuano júdaitiaioi. Afe mamécaruillai fuille dino afe jófuena fiéni fínoitiaioi.

Nanoide Hima Jitó Cristo billirui niie izoite

(Mt 24.29-35, 42-44; Mr 13.24-37)

²⁵ Afe mei jitómamo, fiuimo, naa úcuairi jacírede raa jánaniai cócaite. Afe llezica náiraiai comeci faca mamérilla uallai niné féite. Iemo monáillaji ficire báguari jacínaitiaioi. ²⁶ Bínemo comuízaide raamo coméciillano iere jacínaitiaioi. Ie jacínaillamona tídino izói íficaitiaioi. Mei afe llezica nana monamo itínuiái riire mozíoide ráaniai niráiricaiteza. ²⁷ Afe mei Nanoide Hima Jitó Crístona cóitiaioi. Afémie íemo ite ríino naa dama íemo ite ebíredifuiairi uílliedo ana bite. ²⁸ Bífuiái jino zuílle llezica, ñue omoi mamériri; íocire omoi érocairi. Mei íanori íllamona omoi jíllotalliomoi, —daide.

²⁹ Daje izói nane bie aménamo mamécáfue Jesús íaioimo lloté:

—Higuera dáina aménamo comeci omoi facari. Daje izói nana jiáie amé-

namo omoi coméciiri. ³⁰ Íaioi íbiai firuíl-lana omoi cónia, “Ja fimona áinozide” daíífirediomoi. ³¹ Afe izói bífuiái zuíllana omoi cónamona, “Juziñamui illáimana billirui ja áinozide,” daíírediomoi.

³² Uáfuenta ómoína daíitícue, bigí-maiaí nai tííneille llezica nana bie raa jino zúite. ³³ Mona énie diga fúite, mei íadi cue uallai jaca fúíneite. Cue lloga raa nana zúite.

³⁴ Omoi comeci ríírelleza abí omoi rairuiri. Mei iere aillo güfacanamona come comeci riire jáite, daje izói jífáífrenamona. Daje izói dani omoi abí ifue níciduamona come comeci riire jáite. Jira cue billíruimo omoi jácinaiñelleza áfena abí omoi rairuiri.

³⁵ Mei rille jíitafirena raa ónonino jíitaja izói, afe izói aferui nana énie comínina jíitaiteza. ³⁶ Jica ia mai ñue omoi finóbiri. Jaca fáicanocaiñeno Juziñamuimo omoi úrífireiri, afe nana bie zúitífuiamona omoi jíllloillena. Daje izói Nanoide Hima Jitó uícomo meáiruiñeno omoi náidaillena, jaca Juziñamuimo úrifireillano, jica ia ñue omoi finóbiri, —daide.

³⁷ Jesús monari Juziñamuimo gairíra-cómo llófufirede. Afe mei naio, Olivos dáina ídumo ínaífirede. ³⁸ Nana comini afémie llófuiana cacárellena nágarui raire jíitiramo bífirediaioi.

Jesús llaitállena maméritiaioi

(Mt 26.1-5, 14-16; Mr

14.1-2, 10-11; Jn 11.45-53)

22 Fáitañeno pan güífirena rafue ja áinozide. Afe rafue jíáífodo mameina pascua rafue. ² Iemo lletáiraini illaini naa ocuica uai llófuetinori Jesús fállena jenódiaioi, mei afe llezica comínina jacíruitiaioiza.

³ Iemo aféruído Taífe Judas Iscariótemo jofo jaide. Afe Judas doce dígade Jesús orécamacimona dáamie.

⁴ Afe bímie lletáiraini illáinimo naa

gairiraco ocuúdinomo Jesús íaioimo fecállena llujáide. ⁵Afena cacáillano íobidiaioi. Iemona, “Ucubena o íbaiticai” daidíaioi. ⁶Iemona ie íaioi íbaja úcube llínote. Iemo Judas aféruimona comini figo iñena llezica Jesús íaioimo izájillena jenode.

Cai Ocuúraima íraicaiño güillafue

(Mt 26.17-29; Mr 14.12-25;
Jn 13.21-30; 1 Co 11.23-26)

⁷Ja fáitañega pan güilláruimo dúcide. Afe llezica aféruimo pascua íena ove-jai fáfirega. ⁸Jira Jesús Pedro, Juan íail-linoína ocuúde; daide:

—Mai pascuamo güífirera izói úcomo ómicoi finori, —daide.

⁹Jira afémiemo jicánotiaillinoi:

—Afena ¿ninomo fínuaíticoco? ¿Ninomo áfena güífacadio? —daide.

¹⁰Jesús íaillinoína daide:

—Batí jófuemo ómicoi jaille llezica, icírudo jainoi uitímie cíoitiomicoi. Afémiedo jairi. Afe mei afémie jofo jáillícomo jofo ómicoi jai. ¹¹Aféno mo afe jofo náamana ómicoi daíri, “Cai Ocuúraima ona daide: Cue güillíco ¿ninomo ite? Afécomo cue llófuegamaciri páscuamo güífirera izói güíticue.” ¹²Afe mei afémie caifóidibanimo ite áillocona ácatate. Afeco ero ja ñue finóbide, afécomo cai güille finori, —daide.

¹³Iemona afe íaillinoi jaillano, nana Jesús íaillinoína daina cíoizaidiaillinoi. Iemona aféno mo pascua rafue ana güífirera izói, güille finódiaillinoi.

¹⁴Ja nauízaidemo güízájilla llezica Jesús naa ie oréllinori dáanomo ráiiziti-aioi. ¹⁵Afe llezica Jesús íaioína daide:

—Nai cue tíñena llezica bie pascua ana güífirera izói omoi díga iere güíacadicue. ¹⁶Mei ómoína dáitícue, bie ie rafue dáanomo meine güíñeíticue. Bie rafue Juzíñamui illáimana illíruimo bíñeille díno güíñeíticue, —daide.

¹⁷Daíí daina mei jiróraco llínota Juzíñamuína “Iere figora” daide. Afe mei íaioína daide:

—Bie llínota, conímamo omoi fecari, ¹⁸mei ómoína dáitícue, Juzíñamui illáimana illíruui nai dúciñena díno, nane dáanomo uva íjina jaca jíroñeíticue, —daide.

¹⁹Afe mei pan llínota, Juzíñamuína “Iere figora” daide. Daíí dainano afe pan dídade. Pan dítano afémacido fecade. Afe llezica daide:

—Bie cue abiza. Tíillíno mo fecállícu e omoi ñue íllena. Cuemo omoi úbicaífiréllena bie izói omoi finófireiri.

²⁰Daje izói güilla fuilla mei jiróraco llínota, íaioimo fécajano daide:

—Bie jiróraco eromo ite íji Juzíñamui ómoína mameca cómue uai ómoína onótáite. Afe ie mameca cómue uai, uafue daííllena cue díe totálleza, mei cue díe omoi ñue íllena totálleza.

²¹Mei íadi cue fécaítímie birui benó cue díga güíte. ²²Mei jíi, Nanoide íima Jitó Crístodicueza, jaiái uícodo cuemo mameca iodo jáíticue. Mei íadi cue fécaítímie, ¡níi dúerena! —daide.

²³Afe jira conímama daidíaioi:

—¿Cáimona bu mei ie fecalle? —daidíaioi.

Conímamo jamánomoidímie júfidotiaioi

²⁴Afe mei dani afémaci cígimona níimie jamánomoidímiena daina júfidotiaioi. ²⁵Mei íadi Jesús íaioína daide:

—Nairai illaini íaioi anamo itínona riire ocuúfrediaioi. Daje izói íaioi ocuúdínona, jíáimaci “Omoi ñue finódino” daíífrediaioi. ²⁶Mei íadi omoi afe izói iñeno íri. Mei jíáífodo omoi cígimo ite jamánomoidímie, afémie jíáimaci baimo jamáimiena írede. Daje izói ómoimona ocuúfiredímie jíáimacina canófiredímiena írede. ²⁷Bífuemo omoi comécíiri. Dámie güírabanimo

güüllena ráiina llezica, jiáimie güille bai atífiredede. Afe íaillinoimona ¿bu mei iere jamánomoina? Mei uáfueza, güürábanimo ráiidimie jamánomoina. Mei íadi cue omoi cígiri ocuífrega táijifiredimie izói iticue.

²⁸ Comini fieni cue facátafirena llezica jaca cue diga ífiredimoi. ²⁹ Ie jira cue Moo illáimana illánona cuemo illa izói, afe izói ómoimo fíticue. ³⁰ Afena ómoimo fíticue, cue illáimana illánomo cue diga omoi güüllena. Daje izói afe llezica afénomo illaima ráiiranomo ómoina ráinaiticue, doce dígade Israel náiraimo izire omoi jicánollena, —daide.

Jesús Pedro ie jáanollena úicodo llote
(Mt 26.31-35; Mr 14.27-31; Jn 13.36-38)

³¹ Ocuíraima Jesús nane daide:

—Simón cácarei. Taife ona facátaiacade. Comini magari izilla izói ona izíacade. ³² Mei íadi Juzíñamuimo ja jicádicue Juzíñamuimo o ínua féitañeillena. Iemo afe facátainamona abido o bille méifodo, o ámatiai canori, íaioi ínogafuena íaioi fáicanocaiñeillena, —daide.

³³ Iemona Simón Jesuna daide:

—Cue Ocuíraima, llavéracomo o diga cue jáillena ja finóbidicue. Daje izói afénomo o diga cue tñillena ja mamériticue, —daide.

³⁴ Jira Jesús íena daide:

—Pedro, birui ona dáititcue, átava nai úriñena llezica daacaiñoámani, cuena jáanoitio, —daide.

Jesús facátalle hora ja áinozide

³⁵ Afe mei Jesús ie llófuegamacimo jicánote:

—Nauí ómoina cue ória llezica, ipécona uiñeno, daje izói úcubena uiñeno, íemo jiái eiba icona uiñeno, fia omoi jairi, daidicue. Aféruimo ¿minica ómoimo nai íñena? —daide.

Jira afémaci daidíaioi:

—Aféruimo ja nana ñue ite, —daidíaioi.

³⁶ Iemona Jesús íaioina daide:

—Mei birui jiáifodo daidicue. Ipécoredimie mai áfena ui. Daje izói úcuberedimie úcubena ui. Iemo jiái llóéfainidimie íemo ite iniroi fécajano afe íbado lloefai oíri. ³⁷ Mei Juzíñamui Cuegáuaimo lloga cuemo ñue ícoimo fuitáredeza. Be nñuui: “Fiénidimaci cígimo cuena mamédiaioi.” Mei uáfueza, nana cue dibénedo cúegana ñue ícoimo fuitárede, —daide.

³⁸ Iemona afémaci daidíaioi:

—Cai Ocuíraima, caimo mena lloefai ite, —daidíaioi.

Afémie uai ote:

—Jadie ja figo baite, —daide.

Jesús Getsemanímo
Juzíñamuimo úrite

(Mt 26.36-46; Mr 14.32-42)

³⁹ Afe mei Jesús oni jaide. Ie jáifirena izói Olivos ídumo jaide. Afe llezica ie llófuegamaci afémie diga jáidiaioi. ⁴⁰ Ie jáillanomo dúciillano daide:

—Fiénidifuemo omoi báiiñeilleza Juzíñamuimo úrifireiri, —daide.

⁴¹ Afe mei Jesús comini nofici bai nitáfirena dino afémacimona oni jaide. Afénomo Juzíñamuimo jicállena ana dújude. ⁴² Daide:

—Moo, o comeci jítaiadi, bie duere cue zefuñllifuemona cue jíllotari. Mei íadi cue comeci jítaina izói finóñeno iri, mei jiáifodo o comeci daina izói finori, —daide.

⁴³ Afe llezica Juzíñamui abi ímie monámona Jesumo cíocaiide; afémie Jesuna mairítaibite. ⁴⁴ Iemo Jesús ie comeci jamánomo zúurena llezica, afémie Juzíñamuimo iere riire jicade. Afemona iere uzínaila izói ie abi úllie iere jino bite. Afe jino bite úllie ie die izoide. Afeji ana éniemo llocode.

⁴⁵ Juziñamuimo ie jícaja fuilla mei, afémie ie llófuegamaci diné jaide. Iní-diaioina cóizaibite, mei zuufue inítaga-iaioi. ⁴⁶ Jira íaioina daide:

—¿Níbái mei inídiomoi? Fiénidifuemo omoi báñnelleza cazillano Juziñamuimo úrifireiri, —daide.

Jesús llaitada uitíaioi

(Mt 26.47-56; Mr 14.43-50; Jn 18.2-11)

⁴⁷ Jesús nai úroidemo aillo comini dúcidiaioi. Afe doce dígadinomona Júdasna mámeciredimie bitino ifode. Ainozillano afémie Jesús ñitade. ⁴⁸ Jira Jesús afémiena daide:

—Judas, ¿Nanoide fima Jitó o ñíta-fuedo fécaibitio? —daide.

⁴⁹ Jesús abimo itino áfena cióillano jícanotiaioi:

—Cai Ocuíraima, ¿bimaci diga lloé-faido fúiriticai? —daide.

⁵⁰ Afe llezica afémacimona dáamie lletáriraini caifóidillaima ocuífirégamie bofede. Ie jefo nabefo ñetade. ⁵¹ Jira Jesús daide:

—Dama íteza. Mai fáicanocai, —daide.

Iemona Jesús afe jefona ñetácamié jefo jetánote. Afena afémie jacáitate.

⁵² Afe mei Jesús lletáriraini illaini naa gairíraco ocuídino, naa ie lláitaibite éi-namacina daide:

—¿Mei nibái merírifiredimiedicue izói lloéfaillairi, naa bigíniairi cuena lláitaibitiomoi? ⁵³ Naui nágaruillaido Juziñamuimo gairíracomo omoi cue llófuefírena llezica, jaca cuena jetáñediomoi. Mei íadi birui omoi jitaica raa finóllirui. Naio comini ibaila izói, ja birui Taife bínie náamatade, —daide.

Pedro Jesuna jáanote

(Mt 26.57-58, 69-75; Mr 14.53-54, 66-72; Jn 18.12-18, 25-27)

⁵⁴ Iemona Jesús llaitada, lletáriraini caifóidillaima jofomo uitíaioi. Afe llezica Pedro bai jícado jaide.

⁵⁵ Afénomo afeco cigi ibírimo irai bonódiaioi. Aféramo agáidiaioi. Iemo Pedro afémaci cigimo agáizaide. ⁵⁶ Iemo afénomo ite ócuífirégango irai fuemo Pedro ráinana ciode. Afe mei afengo daide:

—Bímie jaca Jesús diga ífirede, —daide.

⁵⁷ Mei íadi Pedro jáanuano daide:

—Afémiena onóñedicue, —daide.

⁵⁸ Afe mei íanori íllamona jíáimie íena cióillano daide:

—O bie afémaci iéδιο, —daide.

Mei íadi Pedro daide:

—Ieñede; cue bie afémaci ímieñedicue, —daide.

⁵⁹ Afe mei jabo are íllamona da hora fidi jíáimie riire daide:

—Uáfueza. Bímie afémie diga ífirede mei afémie daje izói Galilea ímieza, —daide.

⁶⁰ Jira Pedro daide:

—O úrillana onóñedicue. ¿Minica llotio? —daide.

Ja Pedro úroidemo átava úrite.

⁶¹ Iemona Jesús Pédro mo érocaide. Afe llezica Pedro afémiena daináfue mo ufbicaide. Be níuui: “Atava nai úriñena llezica dacaiñoámani cuena jáanoitio.”

⁶² Afemona Pedro jino jaillano zuure eede.

Jesús jífánodoidiaioi

(Mt 26.67-68; Mr 14.65)

⁶³ Jesús llaitada úiñotino afémiena jífánodoiano razido íena fatíaioi. ⁶⁴ Daje llezica ie ui ibáillano, ie uieco fátano daidíaioi:

—¿Bu o faaja? ¡Onóillano jino llone!
—daidíai.

⁶⁵ Afe llezica diga jíáifuiaido íena
báíñotiaioi.

Dáanomo gairide illáicomini uícómo Jesús uitíai

(Mt 26.59-66; Mr 14.55-64; Jn 18.19-24)

⁶⁶ Ja mona monáidemo judíuai éi-
comini, naa lletáriraini illaini, naa
ocuica uai llófuetinori dáanomo gairí-
diaioi. Afe gairítaga illáicomini “Junta
Suprema” dainámaci. Afénomo Jesús
uillano, jicánotiaioi:

⁶⁷ —Caimo llone, ¿o meita Crístodio?
—daidíai.

Jira afémie uai ote:

—Afena jii daidícuenia, cuemo
ññoñeitiomoi. ⁶⁸ Daje izói jíáifue
ómoimo cue jicánoia, ibana
uai óñeitiomoi. Afe izói cuena
zúitañeitiomoi. ⁶⁹ Mei íadi benómona
Nanoide íima Jitó Cristo jamánomo
rínorede Juzíñamui nabézimo ráinaite,
—daide.

⁷⁰ Afe mei nane afémiemo jicánotiaioi:
—¿Meita o Juzíñamui Jitódio? —
daidíai.

Jira Jesús íaioi uai ote:

—Jii, dani omoi daina izói
nñimiedicue, —daide.

⁷¹ Iemona afémaci daidíai:

—Ja jíáie uai nábaítinona jítáíñedícaí.
Cai bie dama ie fuémoma ie fienu írillana
cacádícaí, —daidíai.

Pilato uícómo Jesús uitíai

(Mt 27.1-2, 11-14; Mr
15.1-5; Jn 18.28-38)

23 Iemona nana náidacaillano Jesús
Pilátomo uitíai. ² Afénomo diga
fiénidífuiaí íemo jóonetiaioi. Daidíai:

—Bímie cai comínimo ícrafue
comuítajana ciódícaí. Iemona comini
áferi faillíñaicaidiaioi. Afémie “Romano
jamánomoidíllaima íbátaga úcube

íbánidícaí,” daide. Afe llezica afémie
“Íllaima Crístodicue” daíífírede,
—daidíai.

³ Jira Pilato afémiemo jicánote:

—¿Meita o judíuai Ílláimana? —
daide.

Jira Jesús uai ote:

—O daina izói, jii nñimiedicue, —
daide.

⁴ Iemona Pilato lletáriraini illáinina,
naa comíniri daide:

—Bie cómemo fiénidífuena
baíñédicue, —daide.

⁵ Mei íadi dáanomo riire daidíai:

—Nana Judea comínimo ie
llófueinafuiaido ícrafue íaioimo
comuítate. Fueñe Galilea éniemo
daíí finode, íemo birui cai éniemo
nágagobiaido daje izói finode,
—daidíai.

Herodes uícómo Jesús uitíai

⁶ Jesús nauí Galiléamo llófueoína-
fuena Pilato cacáíllano, jicánote:

—¿Bie íima Galilea ímie? —daide.

⁷ Comini daíí daidíaióimo,
Heródesmo íena orede, mei afémie
Galilea illáimana. Aféruillaído Herodes
Jerusalemo íte. ⁸ Herodes Jesuna
cíóíllano íere íóbicaide. Jaiái ninomo
íena cíóíacade. Comini Jesudo dáinana
Herodes cacáfírede. Iemona Jesús
daa cíórainina raa fñuana Herodes
cíóacade. ⁹ Iemo Herodes diga ícaíño
diga ráfuiaí íemo jicájicanode. Mei íadi
Jesús jaca uaina óñede. ¹⁰ Dáanomo
lletáriraini illaini ocúicafue llófuerainiri
itíai. Bimaci Jesumo fiénidífuiaí
riire jóonetiaioi. ¹¹ Iemona Herodes íe
fuiríraíni diga Jesuna ja jámaíruítaioi;
íere íena áífedotiaioi. Afe mei ebírede
íllaima íníroina íemo jítádiaioi;
jítamona daíí afémie jífánodoídiaioi.
Afe meífomo Herodes dáanomo Jesuna
Pilátomo orede. ¹² Aféruído Pilato

Herodes diga daje nabaina mameide. Jaiaí uícodo are conímána eóidiaillinoi.

Jesús titállena mamédiaioi

(Mt 27.15-26; Mr 15.6-15; Jn 18.39-19.16)

¹³Afe jira Pilato lletáriraini illaini, íemo rímaci naa comini dáanomo gairítano daide:

¹⁴—Bie omoi lloga comínimo icíra-fue comútatimie. Mei íadi omoi cacáicana izire íena jicánoticue. Jicánuamona ie fieni finócafuena baiñédicue. Afena cacádiomoi. Daje izói afémiemo omoi nitaca fiénidifuiái cióñedicue. ¹⁵Daje izói Herodes níufuena cióñenano afémie abído cuemo orede. Ja ciódiomoiza, bímie titállena íñede. ¹⁶Afémiena zechétaiticue. Afe mei afémiena zuitada jino óreiticue, —daide.

¹⁷Afe rafue ana comini cáimacaitallena, Pilato daa llavécamiéna zuitáfirede. ¹⁸Mei íadi nana comini dájena riire daidíaiói:

—Bie Cristo oni jica titálleza. Barrabás caimo zuitari, —daidíaiói.

¹⁹Nauí afe Barrabás llavéracomo llavédiaioi, mei afémie jofue comini uáitajano jíáie illaíma jóneacade. Afe llezica afémie jíáimana ie tita ícoína llavédiaioi. ²⁰Pilato Jesuna zuitáacade. Iemona dane dáanomo íaioimo úrite. ²¹Mei íadi afémaci riire daidíaiói:

—¡Cruzmo ie coraí! ¡Cruzmo ie coraí! —daidíaiói.

²²Ja dacaiñoámáni Pilato íaioina daide:

—¿Níbái mei ie títaiticue? ¿Afémie níie fiénidífue finode? Ie cue titalle fiénidífue íemo baiñédicue. Afémiena zechétaiticue. Afe mei afémiena zuitada jino óreiticue, —daide.

²³Mei íadi afémaci Jesús coráillena rírierie jicádiaioi. Jamánomo rírierie íaioi jícajamona, íaioi jitaica otíaioi. ²⁴Iaioi jícajana are illa ícoína Pilato

fairíote. ²⁵Afe jira nana llavécaniuíamona afe nizeca Barrabás Pilato zuitade. Afe Barrabás illaíma uáitano jíáillaíma jóneacana ícoína íena llavédiaioi. Afe izói jíáima ie tita ícoína, llavédiaioi. Mei íadi Pilato afe comini jitailla izói Jesuna fecade.

Jesús cruzmo coráidiaioi

(Mt 27.32-44; Mr 15.21-32; Jn 19.17-27)

²⁶Jesús íaioi coráiailla llezica Cirene énie ímie Simona llaitádiaioi; Jesús uiga cruz íena uitátatiaioi. Afémie jino jacáfaimona jófue mo bite. Jira Jesús rocaca cruz Jesús ódana uitátatiaioi.

²⁷Afe llezica diga comini afémie ódana jáidiaioi. Daje izói diga ringóniai afémieri zúucaillano éecana jáidiaioi. ²⁸Mei íadi Jesús aféngotiaímo érocailano daide:

—Jerusalén ringóniai, mai cueri éeñeno iri. Mei jíáifodo dani omoi abiri eeri. Daje izói dani omoi úruiaímo eeri. ²⁹Mei jamánomo zúurediruillaímo dúciítiaioiza. Aféruimo bie izói dáititiaioi: “Uruena comútañedingotiai, ¡nii caimare illa! Daje izói úruenidingotiai, ¡nii caimare illa! Afe izói úrue mónoína jirótañedingotiai, nii caimare itíaioi.”

³⁰Aféruimo comini caifóneduaina dáititiaioi: “Cai emódomo jaiíri,” dáititiaioi. Afe izói duera íduaina dáititiaioi: “Cai retáidori” dáititiaioi. ³¹Mei birui nífuenidimedicue ia bie izói duere cuena finódiaioi. Iemona jíáiruido fiénidino cue duere zefuilla baimo duere finólliaioi, —daide.

³²Afe llezica mena come, comini fáfiredino Jesús diga daane coráillena uitíaioi. ³³Calavera maméidinomo dúciillano Jesús coráidiaioi. Daje llezica afe mena fiénidimie íaillinoi, dáamie Jesús nabézimo, jíámie ie jarífézimo coráidiaioi. ³⁴Ie íaioi coraína llezica Jesús daide:

—Moo, íaiói fienu finócafue iba oñeno iri; abína onóñediaíói daíí ñíaza, —daíde.

Afe mei fuíríraini onótaraji dotádiaíói Jesús iníroi áfedo dani íaiói maíñól-lena. ³⁵ Afénomo ite comini acárítiaíói. Afémaci naa nairai imaci illáicomíniri afémie áifeduoano daidíaiói:

—Jíáimana jíllotafiredioza, ua o Cristo o íadi, daje izói Juzíñamui nízecamiena o íadi, daje izói Juzíñamui mai o abi jíllota, —daidíaiói.

³⁶ Daje izói fuíríraini íena áifedodiaíói. Ainozillano rochíredijina, figóñede vino íena jírotatiaíói. ³⁷ Jírotano daidíaiói:

—Judíuái Illaima o íadi o abi jíllota, —daidíaiói.

³⁸ Ie ifo acónimo cuezábici jae jóonega. Afébici dazieámani uai cúeina: griego, íemo latín, íemo hebreo díga. Afébicimo daide:

“Bímie Judíuái Illaima.”

³⁹ Coraica fiénide íaillinoimona dáamie Jesús uáitano daide:

—Cristona o íadi, mai o abi jíllota coco díga, —daide.

⁴⁰ Mei íadi jíáimie ie nabáimie llétajano daide:

—¿Níbái mei Juzíñamuina o jacríuñedio? Daje duere finóinafue anamo itífoza. ⁴¹ Coco aillo finócafue ite. Jira dúere finóbídico. Coco finoca fiénidífue iba ua otíaiói. Mei íadi bie íima fiénidífuea finóñede. ⁴² Jira uáitañedimie Jesuna daide:

—Jesús, o illáimana illíruimo o dúciadi cuemo uíbicaíri, —daide.

⁴³ Jira Jesús uai ote:

—Uáfuea ona dáíticue, ja birui cue díga ñue ebíredinomo ítío, —daide.

Jesús tíilla

(Mt 27.45-56; Mr 15.33-41; Jn 19.28-30)

⁴⁴ Ja jíitoma jaíciri illa llezica nánienu nauíbicaide. Afe nauilla are ite. Ua jíitoma arífemona ana ítemo llícaide.

⁴⁵ Afe llezica jíitoma ui duide. Jítirefi-caide. Daje llezica gairíracomo fetá-caroi caifona ana eróicana dáafenedo daingo cúajicaide. ⁴⁶ Afe mei Jesús ficire caillide:

—Moo, cue joreño omo cue ígaza, —daide.

Daíí dainano tíide.

⁴⁷ Romano illaima afe íficaidífue cióillanona Juzíñamuimo caimátaide. Daide:

—Uáfueza. Bímie jaca ñífuenidimie, —daide.

⁴⁸ Daje izói nana afénomo ite comini bie íficaidífuea cióillano afénomona íaiói jófue mo jamánomo zuure jáidiaíói. ⁴⁹ Mei íadi nana Jesús onóigamaci aféfuiaimo jícana acárítiaíói. Daje izói Galiléamona Jesudo jaide ringóniaí jícana acárítiaíói.

Jesús raitíaiói

(Mt 27.57-61; Mr 15.42-47; Jn 19.38-42)

⁵⁰ Judea éniemo ite Arimatea jofue ímie José afénomo ite. Afémie ñue comei jaícina jóidimie. Afe José judíuái ocuide illáicomínimo jainaide. ⁵¹ Afe bie José Juzíñamui illáimana illíruimo ocuífirifrede. Afe jira afémie jíáie judíuái ocuide illáicomíni finócana jíruíñede. ⁵² Ie jira afémie Jesús abi Pilátomo jícajide. ⁵³ Afémie Jesús abi crúzmona ana uano áillue íñiroina junide. Junilla mei, idu anamo nofcímo finóca-cojimo afémie Jesús raite. Aféfomo nai buna ráíñena. ⁵⁴ Nana bífuiaí viernes nauife díbenedo zuíde. Jaca uícodo víernemo ocózinaillarumo jítaica raana íñofirediaíói.

⁵⁵ Afe Galiléamona Jesudo bite ringóniaí Jesús ráinano érozaidiaíói. Afe llezica ie abi tíide bíinana ciódiaíói. ⁵⁶ Aféngotiaí meine jofomo jaillano, zióredíji, naa abi bíraniaíri finódiaíói. Afe mei ocózinaillarumo ocuica uai dáina izói ocózinaidiaíói.

**Jesús tíllanomona
meine cáadimiena jaide**

(Mt 28.1-10; Mr 16.1-8; Jn 20.1-10)

24 Semana nanóidiruido afe ringóniai raire jítiramo Jesús raiáfo éroizaidiaioi. Iaiói finoca zióredijillai uitíaiói. Iemo jáie ringóniai íaioina nabáidiaioi. ²Afe ringóniai afénomo dúcidiaioimo, raiáfo ibailla nofici nano illa izói inede. Oni eneno jóonega. ³Aféfomo jofo jáidiaioi, mei íadi jofo jáidiaioimo cai Ocuúraima Jesús abi cióñediaioi. ⁴Afemona iere jacínaitiaioi. “¿Niie izói íiticaí?” daidiaioi. Daií íaiói daina llezica mena iima aféngotíai áinori naidáinana ciódiaioi. Afe íaillinoi quenírede iniroi jítádiaillinoi. ⁵Afe íaillinoina cíoilano, iere jacínaitiaioi. Jacínaillamona ana éniemo bíjicaidiaioi. Iaiói bíjicailla llezica afe íaillinoi aféngotíaina daide:

—¿Nibái mei cáadimie tíidino cígido jenódiomoi? ⁶Afémie ja benó inede. Ja meine cáadimiena jáideza. Naui Galiléamo ie illa llezica, ómoina ie daina uaimo ufbicairi. ⁷Afénomo afémie bie izói ómoina daide: “Nanoide íima Jitó Cristo fíenide comínimo fecalle. Afémiena cruzmo córaitiaioi. Iemo daruíamani íllemona meine abido cáadimiena jáite,” —daidífailinoi.

⁸Afemona aféngotíai Jesús íaioina daiífírena uaimo ufbicaidiaioi. ⁹Afe mei raiáfomona meine bitíaiói. Billano nana bífuiai once dígade llófuegamacimo llotíaiói. Daje izói jáíimacimo llotíaiói. ¹⁰Bífuiai llocana uitíngotíai mámeciaí be niie: Magdalena énie ingo María, íemo Juana, íemo Santiago ei María, naa jáie ringóniairi. ¹¹Mei íadi aféngotíai íaioina dáinana uáiritaidino úrilla izói cacaide. Jira aféngotíai llógana íñoñediaioi.

¹²Iemo Pedro íñoñede íadi, Jesús raiáfomo aizícana jaide. Jofo eromo éro-

caidemo dama ie juníllaroi dinomo jói-dena cíoizaide. Afe mei Pedro afénomo íficaidemo fáigacaillano meine jofomo jaide.

Emaús jofue iomo Jesús cíocaide

(Mr 16.12-13)

¹³Aféruído afémacimona ménamie Emaús jofue iodo jaide. Afe jofue Jerusalémoma once kilómetros dinó jino ite. ¹⁴Afeodo jailla llezica, nana aféruíllaido itífuiai júfidocana jáidiaillinoi. ¹⁵Iaillinoi úrilla llezica Jesús íaillinoimo ánozide. Dúciillano afe íaillinoi diga jaide. ¹⁶Afémiena ciódiaillinoi mei íadi afémiena onóñediaillinoi. ¹⁷Jira Jesús afe íaillinoimo jicánote:

—Íodo ómicoi jailla llezica, ¿nífue júfidotiomoicoi? ¿Nibái mei iere zuure itíomicoi? —daide.

¹⁸Afe íaillinoimona, Cleofas mámeciredimie uai ote:

—Nana comini biruíllaido Jerusalemo finócafuaíaina fidídiaioi.

Afeno ímiedio íadi ¿meita aféfuíaina jaca nai fidíñedio? —daide.

¹⁹Iemona afémie íaillinoina daide:

—¿Nífue finódiaioi?

Jira fena daidífailinoi:

—Nazaret ímie, Jesús níue riire uai llóraíma aillo ebírede raana uaido finode. Afena Juzínamui eróicana finode, daje izói nana comini ui cíoicana finode. ²⁰Mei íadi lletáriraini illaini naa cai ocuídillaini diga afémiena coráiano titállena fecádiaioi. ²¹Afe llezica íemo ocuúridicai, ua Israel Nairai anáfenodinomona cai jíllotallena. Ja afefue záillamona ja daruíamani íteza. ²²Ie emódomo cáimona ringóniai ja caina jacínaitade. Aféngotíai raiáfomo nai jítiredemo jaillano íaiói cíónana meine caímo lluaíbitiaioi. ²³Ie abina cióñediaioi. Mei íadi Juzínamui abi imaci ángeles daínamacina jae ciódiaioi, daidíaiói.

Afe ángeles ringóniaina daide: “Jesús caade.” ²⁴ Iemona cáimona raiáfomo jáidiaioi. Dinomo ringónaiái llua izói baitíaioi. Mei íadi Jesuna ciõñediaioi.

²⁵ Jira Jesús daide:

—¿Iere féitafirediomoi! Nana uai llóraini daináuaina iere rairuóicana finotiomoi. ²⁶ ¿Uáfueñede Cristo ie ebíredinomo nai jáiñena llezica, afémiemo bie duere finóbillafue jitáirede?

²⁷ Te mei nana Cuegáuaimo afémiedo dainana ñue jino llote. Moisés cuegánicuaimo ite afémiedo úrilla uai ñue jino llote. Daje izói nana jáie uai jino llóraini llogánicomo itino jino ñue llote.

²⁸ Jófueмо dúcidiaioimo, Jesús iodo nai jáiacadena éroide. ²⁹ Mei íadi afémiena jeruúdiaillinoi. Daidíaiillinoi:

—Jae nauízaideza, mai benó coco diga fiebi, mei ua jítireoicaideza, —daide.

Jira Jesús jofo jaide íaillinoi diga íllena. ³⁰ Jae íaioiri jofo güirábanimo ráiillano pan llínote. Llínuano Juzíñamuina:

—Iere figura, —daide.

Daif dainano dítajano íaillinoimo ite. ³¹ Afe llezica íaillinoi ui tújicaillamona íena onódiaillinoi. Afe mei afémie cióbi-caiñena. ³² Conímana daidíaiillinoi:

—¿Uáfueñede iodo cai úricana jailla llezica, afémie caimo Cuegáuai jino llua llezica coco comeci náicaitade? ¿Afe uáfueza!

³³ Iemo afénomo are iñeno meine Jerusalemo abido jáizaidiaillinoi. Dinomo once orécamací naa íaioi nabáiñiari dáanomo gairide baizájidiaillinoi. ³⁴ Afénomo itino íaillinoina daide:

—Uáfueza cai Ocuíraima ja meine abido caade, Simón Pedro ja íena ciode. ³⁵ Iemo afe íaillinoi afémacimo nana iomo íaioi úrillafuena llotíaillinoi. Afemona Jesús pan ditada íllamona

afémiena íaillinoi onónana gairídinomo llotíaillinoi.

Jesús ie llófuegamacimo cíozite

(Mt 28.16-20; Mr 16.14-18; Jn 20.19-23)

³⁶ Afe íaillinoi dáinamo úritiaioimo, Jesús íaioi cígimo náidazaide. Náidacailano íaioi uáidote; daide:

—Jacíruñeno, uái omoi iri, —daide.

³⁷ Afémiena cíoillano, “¿Come joreño caimo billal!” dainano iere jacínaitaioi; cuidíridiaioi. ³⁸ Mei íadi Jesús íaioina daide:

—¿Nibái mei jacínaitiomoi? ¿Nibái jizíreocana cue finotiomoi? ³⁹ Bené cue ónoimo érocai. Daje izói cue ídaimo eroi. Níimiedicue. Cue abi jeta. Cómedicueza ónoi. Ja cue abina ciódiomoiza. ¡Mínica joreño ícurunideza; íeizinide! —daide.

⁴⁰ Daif daina llezica ie onoi ie idai diga afémacimo ácatate. ⁴¹ Mei íadi afémaci íóbidiaioi ia, iere uáinificaidiaioi. Ie jira afémie uáfueña íllana nai figo íñoñediaioi. Jira Jesús íaioina daide:

—¿Benó ómoimo due güíllena ite? —daide.

⁴² Ie jira ruica chamu íemo itíaioi, naa due ciifo iji diga. ⁴³ Afe llínota íaioi eróicana güite. ⁴⁴ Afe mei íaioina daide:

—Nana nauí cuemo íficaidífuiaí, nauí omoi cígimo cue illa llezica, ómoína cue daina be niie. Nana cue dibénedo uícodo cuegáuai daina ñue ícoimo fuitárede: Moisés cuegánicomo cue dibénedo úrite; daje izói jaiái uai jino llóraini cue dibénedo úrite; íemo jái Salmos cuetímie cue dibénedo úrite. Nana afémaci cue dibénedo úrilla uai ñue ícoimo fuitárede, —daide.

⁴⁵ Iemona Juzíñamui Cuegáuaimo dáinana Jesús afémacina ñue onótate. ⁴⁶ Íaioina daide:

—Cuegáuaimo daina izói Cristo jaca tíirede. Daje izói daruíamani íllamona afémie tííllanomona meine cáadimiena jáirede. ⁴⁷ Daje izói Jerusalémona oni

nana jíáie náraiaimo comini comeci ífuiái íaioi méidollena cue mámecido llórede. Daje izóí comeci íaioi méidua-mona íaioimo ite fiénidífue múiñua cue mámecido llórede. ⁴⁸Nana bie cuemo comuídifuiái uai nabáirainidiomoi. ⁴⁹Ie jira cácarei, cue Moo uícodo lloga fecáacaga Ñuera Joreño ómoimo óre-iticue. Afe caifona bille ríno omoi nai llínoñeille dino, benó Jerusalén jó-fuemo omoi iri, —daide.

Jesús ja caifo monamo jaide

(Mr 16.19-20)

⁵⁰Afe mei Jesús afémacina jofue jino uite. Betania áinomo jáidiaioi.

Afénomo Jesús onoi caifo ñúitajano íaioi ñue íllena lote. ⁵¹Daií ie daina llezica afémacimona oni jírecaillano afémie ja caifo monamo uiga. ⁵²Afémiemo íaioi caimátailla mei, abído Jerusalemo iere ióbicana jáidiaioi. ⁵³Afemona afémaci Juzíñamuimo gairíracomo ífirediaioi. Afe llezica aillo ñúefuiái Juzíñamuimo nitáfirediaioi. Daiítadeza. Jae niie.

JUZÍÑAMUI ÑUEFUE SAN JUAN LLOGAFUE

El Santo Evangelio Según San Juan

Juzíñamui Uaina maméidimie íimana íficaide

1 Naga raa táinia uícomo afe Uai dainámie Cristo jaca ite. Afe Uai jaca Juzíñamuimo ite. Afémie Juzíñamui. ²Ua nanóidiruimo afémie Juzíñamuimo ite. ³Afémiedo Juzíñamui bínie naa ráaniairi finode. Minícana íne de afémie finónegana. ⁴Afémie mo cáallino ite. Afe cáallino nana comini egáíñote. ⁵Afe egáíñotino jaca jítiredinomo egáíñote; íadi afe jítiredino afe egáíñotinona jaca dúitanide.

⁶Daa Juzíñamui orécámie bínie mo bite. Afémie mámece Juan. ⁷Afémie uai nabáiraimana bite egáíñotinodo ñue úrilla. Daí úrizabite, afémie daináfuedo nana comini ínollena. ⁸Juan dama egáíñotimieñede. Fia afémie orécámie egáíñotimie uai nabáiraimana úrizabite. ⁹Afe egáíñotimie uáfueña ñue egáíñotimie. Bie egáíñotimie nana caimo egáíñote. Afe egáíñotimie bínie mo dúcizabite.

¹⁰Afe Uai dainámie bínie mo ite; Juzíñamui afe Uai dainámiedo bínie finode, íadi bínie mo itino afémiena onónediaioi. ¹¹Afémie ie énie mo bite, íadi ie comini afémiena llínoñediaioi. ¹²Mei íadi dáarie mei afémiena llínotiaioi; afémiena ínotiaioi. Afe ínotino rínoreduaina igáiaioi, Juzíñamui úruaina íaioi jáillena. ¹³Afe úruiai come móotiai úruiai izói cómuítañega. Come móotiai bie énie comuilla izói, comúttatiaioi. Afémaci íaioi comece jítainafuedo comúttatiaioi, íadi Juzíñamui úruiai dama Juzíñamuimona comuide.

¹⁴Afe Uaina maméidimie cai come abi izói dama íficaide. Ie mei cai cígri nano nie dino ite. Afémie comécimo ñúefuiai illa, ua nana izíruillafue uafue diga. Ie jira afémie mo ite ñue ebírenafue caimo cíocaide; afe ebíredifue dama Moo Juzíñamui daade Jitó ie. ¹⁵Juan afémieri jéerie ñúefuedo úrite. Daide:

—Baie cue úrillamie, ómoimo cue llogámie, cue óodana bitímie. Afémie jae cue uéco dibénemo jaide, cue íneniadi íteza, —daide Juan.

¹⁶Afémie aillo ñuera ráfuiaimona caimo ñue ézicigafuiaina llínoticaí. Ua nana fáicanocaiñeno llínoticaí. ¹⁷Juzíñamui caimo ocuífafue Moisedo oreca, íadi izíruinafue uáfuiiai diga Jesucristodo bite. ¹⁸Buna jaca Juzíñamuina cíóñena; mei íadi dama daade ie Jitó, ua Moo comece áinomo itímie, baie Juzíñamui ífueña cai onótatimie.

Báutizaraima Juan Jesucristodo ñue úrite

(Mt 3.11-12; Mr 1.7-8; Lc 3.15-17)

¹⁹Jerusalemo ite judíuai, dárie lletáraini Levítaniai diga Juaamo orédiaioi. Daí íaioina orede báimie mo jicánollena, “Búdio” daíllena. ²⁰Afémie jáanoñeno llote. Daide:

—Cue Crístoñedicue, —daide.

²¹Nane dánomo íemo jicánotiaioi:

—¿Búdio mei? ¿O Juzíñamui uai llóraima, Elíadio? —daídaioi.

Juan: —Íéñedicue, —daide.

Iemo nane jicánotiaioi:

—¿Nii Juzíñamui uai llóraima bille dainámiedo? —daídaioi.

Jira uai ote: —Íéñedicue, —daide.

²²Ie jira íena daídaioi:

—¿Mei búdio? cai orédinomo fairóga-fueña cai uíllena. ¿Mei nie izói caína o abi ífueña dáíitio? —daídaioi.

²³Juan íaioi uai ote:

—Cue dama jofue iñénanomo caillide uáidimedicue. Bai Juzíñamui io jaícina zitari, jaiai Juzíñamui uai llóraíma Isaías daina izói, —daide. ²⁴ Juan diga úrizabitino jae Fariséuaimona orécaiaioi.

²⁵ Ie mei Juaamo jicánote:

—Mei Cristoñedio, Elfañedio, Juzíñamui uai jino llóraímañedio, ¿nibái mei báutizaibifiredio? —daidíaiioi.

²⁶ Juan íaioina daide:

—Fia jáinoido báutizadicue. Mei íadi omoi cigimo daa omoi onóñegamie ite. ²⁷ Cue óodana afémie bite, íadi cue jinomo baitade. Afémie eiba ico igai zuitánidicue, mei jamáimedicueza, —daide.

²⁸ Nana afe Juaamo jicánollena Betábaramo úritiaioi. Betábara énie Jordán imani ruicáfellemo ite. Ja dínomo nauí Juan comini báutizafirede.

Jesús, Juzíñamui Cordero

²⁹ Afe meífo iruido Juan ja Jesúna ciode. Jesús Juaamo áinozide. Áinozidemo Juan daide:

—¡Eroi! Juzíñamui Cordero daina ie Ovéjana mamécámie. Ua, afémie nana comini fiénidífue oni dóraíma. ³⁰ Nauí afémie cue llogámie “Cue óodana daa iima bite. Ua óodana bitímie cue baimo baitade, mei afémie cue jinófenemo íteza; daje izói cue íñenia afémie jae nano itímieza.” Daí nauí afémiedo úriticue. ³¹ Dama afémiena onóñedicueza, búdimieza. Iadi jáinoido comini báutizaibiticue, Israel nairai afémiena ñue onóillena, —daide.

³² Ie emódomo daide Juan:

—Ja Juzíñamui Ñuera Joreño, Espíritu Santo, bímiemo monámona ana bíllana ciódicue. Fíicirina eroide. Iemo afémiemo fiévide. ³³ Jaca nanómona onóñedicue nibai bu. Mei íadi jáinoido comini báutizallena daí cuena ocuídímie cuena daide: “Ñuera Joreño daa íimamo ana bíllana íemo

afémiemo fiébillana o cióadi, afémiena ónoítio. Afémie Ñuera Joréñona itátatímie.” Daí cuena daide. ³⁴ Ja íena ciódicue. Ie jira ñue llóraímadicue. Uáfúena lloticue. Afémie Juzíñamui Jitó, —daide Juan.

Jesús nano fueñe ie llófuegamaci

³⁵ Afe meífo iruido Juan mena ie llófuegamie íaillinoi diga, meine batí dáanomo ite. ³⁶ Jesús mácajana cióillano, Juan daide:

—Eroi bímie Juzíñamui Cordero daina ie Ovéjana mamécámie, —daide.

³⁷ Iemo Juan llófuegamie íaillinoi ie daináfúena cacáillanona oni Jesumo jáizaidiaillinoi. ³⁸ Ie mei Jesús jino érocaidemo, afémiemo íaillinoi jáizaillana ciode. Iaillinoína daide:

—¿Bu mei jenódiomicoi? —daide. Afe íaillinoi afémiena daide:

—Llófueraima, ¿ninomo itio? —daide.

³⁹ Jira Jesús fairíote:

—Eróizaibi, —daide.

Iemona iedo jáidiaillinoi. Afémie íllánona cóizaidiaillinoi. Ie mei, nibai jitóma ana ítemo, afémieoiri iruido fiébidiaillinoi. ⁴⁰ Daa afe íaillinoimona ua Juan llogáfúena cacádinomona, Jesús diné jáidímie Andrés. ⁴¹ Afémie Simón Pedro ama. Afe Andrés, nano fueñe abido ie ama Simón baizaide. Baizájillano íena daide:

—Mesíana, Juzíñamui mámecigamiena jae baiticai. Cristo jíáifodo mamécámie, —daide. ⁴² Ie mei Andrés Jesús íllánomo Simona uite. Dúcidemo Jesús íena cióillano daide:

—O Simona, Jonás jitódio. Iadi biruímona Céfana mámeítio. Pedro jíáifodo mameína.

Jesús Felipe uáidote Natanael diga

⁴³ Afe meífo iruido Jesús Galilea éniemo jáiacade. Jaillano Felipe baizájide. Afémiena daide:

—Cuedo bi, —daide Jesús.

⁴⁴Afe Felipe Betsaida jofue ímie. Andrés Pedro diga daano imaci. ⁴⁵Ie mei Felipe dinena Natanael baizájide. Baizájillano daide:

—Moisés ocuica uai cuegánicomo llogámie ja ciódicai. Ua Juzíñamui uai jino llóraini llua izóí, afe íaiói llogámiena ciódicai. Afémie Jesús, José jitó, Nazaret jofue ímie, —daide Felipe.

⁴⁶Natanael dinena daide:

—¿Níga ñúefue jadí Nazarémona fídiitio? —daide.

Felipe uai ote:

—Eróizaibi, —daide.

⁴⁷Jesús Natanael ánozillana cióillano daide:

—Benomo bite nahí israelita ímie; jí-fuiafue afémiemo íñede, —daide.

⁴⁸Ie jira Natanael Jesumo jicánote:

—¿Nie izóí cuena onódio? —daide.

Iemo Jesús íena daide:

—Felipe nai ona uáidoñenia, ona ciódicue. Ua higuera anamo o íllana ciódicue, —daí Jesús daide.

⁴⁹Iemo Natanael daide:

—Llófueraíma, O Juzíñamui Jitódio. Israel Illáimadio, —daide. ⁵⁰Jesús ie uai ote:

—¿Dama cue dáinana higuera anamo ona ciódicue iedo daí cuena finotio? —jicánote Jesús. Afe emódomo Jesús íena daide:

—Bie rafue jinomo jíaie áillue ráfuena cíoitio, —daide. ⁵¹Iemo afe emódomo Jesús afémacina daide:

—Uáfuenta ómoimo llóiticue. Mona túiñuana cíoitio moi. Iemona Juzíñamui abi imaci, ángeles dainámaci, cuemo ana bíitíaiói, caífo cúemona jáitíaiói. Mei Nanoide Hima Jitódicueza. Afena cíoitio moi, —daide.

Galilea éniemo Caná jófueмо árenafue

2 Daruíamani íllamona, jadí Caná jó-fuemo, Galilea éniemo, árenamona iráizillafue finódino. Jesús ei afénomo ite. ²Jesús naa ie llófuegamaciri ja afe áireina ráfuemo uáidogamací. ³Afe iráizillafuemo jirórai, vinoi fuilla. Ie ei Jesuna daide:

—Ja vino íñede.

⁴Jesús uai ote:

—Ei, ¿nibái cuena daí daidío? Cue jíeruillaruímo nai dúciñede, —daide.

⁵Mei íadi afengo afénomo ite jirole atírainina daide:

—Mai, nana afémie daina diga fino, —daide.

⁶Dinomo seis diga icíruai, noffruai ráiide. Judífuai afe icíruai oruítajano jíai-maci ñue oréllena nícidofírediaíoi, íaiói abi fiénidífue dóllena. Naga icírumo ochenta o cien litros oruízite. ⁷Iemo Jesús atírainina daide:

—Jadí icíruai jáinoina oruítari, —daide.

Iemona fuemo jibíezidiaíoi. ⁸Iemo Jesús íaíoina daide:

—Due uano rafue náamamo uiri, —daide. Daí finódiaíoi.

⁹Iemo afe rafue naama jáinoi facádemo, jáinoíñede. Jae vino. Rafue naama onóñedemo icíruai jáinoina oruízite. Dani atídino áfena onona. Afe vino nimánuanona, rafue naama ringo óiacadímie uáidote. ¹⁰Iena daide:

—Nágamiíai ñúeji nano fueñe atífire-diaíoi. Ie mei nana uáidogamací aillo jirole mei, jamai vino atífirediaíoi. Mei íadi nai biruido ñúeji ja o éenoga, —daide.

¹¹Afe vino méiduafue ua Jesús nanoide uaido daingo comuítaga raa; afefue Galilea éniemo, Caná jófuemo finoca. Bie uaido comuítaga raado afémie ie ebírede ríno jino cíotote.

Iemona ie llófuegamaci ñue íena ínotiaioi.

¹² Ie meífodo Capernaúmo, Jesús jaide ie ei diga, ie ámatiai diga, ie llófuegamaciri. Dinomo ja bai niga mona itíai.

Jesús Juzíñamui gairíraco ñue duafue
(Mt 21.12-13; Mr 11.15-18; Lc 19.45-46)

¹³ Aféruillaído Judíuai pascua rafue áinozide. Iemona Jesús Jerusalemo jaide. ¹⁴ Afe dinomo gairíraco eromo juráriai, ovejai, íemo fíicirillai dieze fecáriraimacina Jesús ciode. Dáonomo úcube méidoraini ráiidiaioi. ¹⁵ Afena cíoilano Jesús ñécigai móillano jiura finode. Afedo gairíraco erómona nana fecáriraini íaiói juráriai ovejai diga jino jiude. Daje llezica úcube méidoraini úcubetunillai Jesús ana jutade. Iaiói úcube facádorabani Jesús oni caitade. ¹⁶ Fíiciri fecárainina daide:

—Bie raa benómona oni ui. ¡Cue Moo jofo fecáriracona mamériñoeno iri! — daide.

¹⁷ Ie mei afémie llófuegamaci jaiái cuegáuai úbicaidiaioi. Afe uai llote: “O jofo cue ríiduamona cue abi íneite izoide,” daide.

¹⁸ Iemona Judíuai afémiemo jicánote:

—¿Minícado o rínona cai ácatatio? ¿Bie raa o fínuana bu o ocuilla? — daidíaiói.

¹⁹ Jesús íaiói uai ote:

—Cue ríno ómoimo bie izói ácataticue. Bie gairíraco omoi júdai, ie mei daruíamani íllemona meine nane caifo cue raínoile, —daide.

²⁰ Jae judíuai Jesuna daidíaiói:

—Cuarenta y seis fimona niga gairíracoca; ¿íeca daruíamani íllamona meine abído caifo o ráiñoiti? —daidíaiói.

²¹ Iadi afémie daina uai gairíraco, dama ie abi llote. ²² Iemona Jesús tíidinomona meine abído cáailano ie llófuegamaci bie daina uaimo uibíoidi-

aiói. Daje llezica Cuegáuaina ínotiaioi nana Jesús íaióina daina uai diga.

Jesús nana comini comécina onode

²³ Jesús Jerusalemo illano, pascua rafue llezica, aillo comini afémiena ñue ínotiaioi. Ua íaiói cíófinina afémie uaido fínuana cíodiaioi. Afena cíoilano afémiena ínotiaioi. ²⁴ Mei íadi Jesús afe comínimo ie abina nai rairuide. Mei nana imaci comécina onódeza. ²⁵ Jiái come afémiemo comini ífuenta llónide. Dama afémie dinena íaiói comeci ífuenta onode.

Nicodemo Jesumo úrillafue

3 Daa Judíuai illaima mámece Nicodemo. Afémie fariseo. ² Afe bie Nicodemo naio Jesumo úrizaibite. Jesuna daide:

—Llófueraima, Juzíñamui orécao cai llófuellena onódicai. Juzíñamui cómemo íñeniadi bu bie rírede cíófinina fínuana ácatanide. Ua o fínuu izói buna finónide, —daide. ³ Ie jira Jesús íena daide:

—Uáfuenta dáititue: meine nane jéiciñegamie jaca Juzíñamui illáimana illánona cfoñeite, —daide. ⁴ Jira Nicodemo jicánote:

—¡Jae éicomedicaí! ¿Nie izói meine jocóllicai? ¿Meine nane ei eromo come jáirede, dáonomo abído jéicillena? — daide. ⁵ Ie jira Jesús uai ote:

—Uáfuenta dáititue: meine nane jáinoina jéiciñegamie, Moo Joréñomona jéiciñegamie diga, ua Juzíñamui illáimana illánomo jofo jáinide. ⁶ Come móomona jéicigamie jaca come. Iadi Juzíñamui Joréñomona jéicigamie jaca joreño. ⁷ Cue ona daináfueri jacínaiñoeno iri. Uáfuenta nágamie comue jéciafue, ua caifona jéciafue jaca jitáirede. ⁸ Jairifo náganomo ebena jaiñófirede. Ie jáiñuana cacádio, mei íadi ninena bite, niné jaide, onóñedio. Daje izói nana

Juziñamui Joréñomona jéicigano, afe jairifo izói itíaiói, —daide.

⁹ Jira meine nane Nicodemo jicánote:

—¿Nie izói bie iite? —daide.

¹⁰ Jesús uai ote:

—¿Ñibái mei jicánotio? O iere aillo Israel llófueraimana o íadi ¿bie ráfuenta onóñedio? ¹¹ Uáfuenta dáititcúe: cai onógafuedo úriticái. Cai cónafuenta féinino lloticái. Mei íadi cai ómoimo llogáfuenta ñinoñediomói. ¹² Bie énie raado ómoimo cue úriadi nai ñinoñeniadi, ¿nie izói cuena ñinoitio mona ero ráfuedo cue úriadi? ¹³ Buna mona eromo jáiñede. Dama monámona ana bitímie, Nanoide hima Jitó, monamo jáirena; mei naui monamo itímieza. Dáamiedicue. ¹⁴ Naui jaii Moisés jofue iñénazicimo jaio caifo ráiñua izói ua afe izói caifo ráiñobicaíticue. Nanoide hima Jitódicueza. ¹⁵ Ua afe cue ráiñua jitáirede nana cuemo ñinotino fiénidifue mo báiiñeilla. Mei íadi ñinotino ziiñona íitíaiói.

Juziñamui nana comínina izíruillafue

¹⁶ Jesús nai úrillano daide: Juziñamui nana comínina iere izíruite. Afe iere izíruillamona Juziñamui ie daade Jitó caimo ite. Ua, afémie ie caimo ite, nana afémiemo ñinotino jaca ninomo féiraiñeilla; mei jáifodo ñue ziiñona íaiói íllena. ¹⁷ Comini fiénidifue iba otá-taraimana Juziñamui ie Jitona oréñede, mei íadi ie Jitona orede afémiedo comini jíllobicailla.

¹⁸ Juziñamui Jitomo ñue ñinotimie duere finóbiñede. ñinoñedimie jae duere finóbide, Juziñamui daade Jitomo ñinoñena jira. ¹⁹ ñinoñedino jae duere finóbidaíoi. Mei ua ñue egáiñotimie ana bie éniemo bitémo, jítinona jamánomo gáidiaíoi, fiénidifue finódinona íaiói illa jira. ²⁰ Nana fiénidifue finóraini úzefona éoidiaíoi. Jaca úzefomo áinoziñede. Ua íemo

áinoziñediaíoi íaiói fiene finócafuenta ónoñellena. ²¹ Uáfue mo comeci facádino úzefomo áinozifirediaíoi. Íaiói finócafue jaca Juziñamuimo cacádinona íaiói illa izói finódiaíoi. Uzefo íaiói finócafue jaca daíi ñue cíoitate, —daide Jesús.

Báutizaraima Juan Jesudo meine úrizaibite

²² Ie meífomo Jesús Judea éniemo jaiide, ie llófuegamaci diga. Dinó diga irui itíaiói. Dinomo comini báutizadíaíoi. ²³ Daje llezica Juan, Enón éniemo báutizade. Enón Salim áinomo ite. Dinomo báutizade, aillo jainoi illa jira. Iemona comini báutizaibitíaiói. ²⁴ Bifue finódiaíoi Juan nai llavéracomo úiñenia.

²⁵ Juan llófuegamacimona dáarie judíuaimo úrizaide. Comini íaifue oni dollínodo úritiaíoi. ²⁶ Juaana daízaibitíaiói:

—Llófueraima, naui o diga itímie, Jordán ruicáfelle mo itímie, caimo o llogámie, ja comini báutizade. Nana comini afémie diné jáidiaíoi, —daidiaíoi.

²⁷ Iemo Juan afémacina daide:

—Juziñamui cómemo ífue fécañenia, bumo ráfuenta íñeite. ²⁸ Cue naui uáfuedo dainafue dani cacádiomói. “Cristoñedicue” daidicue. Afémie uícodo orécamiedicue. ²⁹ Airenafue mo ringo otímie ua ringo óite. Otímie nabai afe dinó itímie ie úrillana cacade. Cacáillanona íeri iere ióbite. Daje izói biruido cue ióbidicue. ³⁰ Nágarui afémie jamánomo illáimana jáizaide. Ie llezica cue jabómieitcúe. Daíi jitáirede, —daide.

Caifona ana bitímie

³¹ Juan nai úrite; daide:

—Caifona bitímie nana cai jaináinamie. Bie énie ímie ja bíniemo jainaide. Enie ífuenta úrite. Mei

íadi monámona bitímie nana cai baimo jamánomoidímie. ³² Afémie cacánafuedo úrite ie ciónafue diga. Iadi afémie dáinana buna ínoñena. ³³ Da come ie dáinana ínoiadi daií Juzíñamuimo fairíote. Ua daií Juzíñamui uáfueña dainafue uáfuetaita. ³⁴ Juzíñamui orécamie Juzíñamui uáillaído úrite, mei Juzíñamui ie Joreño afe orécamieo facáñeno nana íteza. ³⁵ Moo ie Jitona izíruite. Naga ítnuiaiña afémiemo fecade. ³⁶ Iemo ie Jitona ínotimiemo fúíñeite illánona íemo ite. Mei íadi Jitona ínoiacañedimiemo afe fuiñédinona íñeite. Juzíñamui afémiena iere duere ínoite.

Jesús Samaria ingomo úrite

4 Fariséuai Jesús Juan baimo aillo comíni jáillana fidídiaioi. Daje izói Jesús Juan baimo báutizafirenana fidídiaioi. ² Mei íadi Jesús báutizañede; dama ie llófuegamaci báutizaja. ³ Afena Jesús fidíllanona Judéamona meine abido Galilea éniemo jaide.

⁴ Jesús jailla llezica Samaria énie cígido jáirede. ⁵ Ie mei Samaria jófuemo dúcide. Afe jofue mámece Sicar. Sicar áinori Jacob feci énie ite. Afe éniema ie jító Josemo maiñótate.

⁶ Dánori Jacob jainoi orano ite. Jesús iodo mácajamona zegónaite. Ie jira jainoi orano abimo ráinade ocózinailena. Jae jaíciri íacademo. ⁷⁻⁸ Ie llófuegamaci jófuemo güille jae íbjajidiaioi. Iemo Samaria ringo dúcide. Jainoi uáibite. Iena Jesús daide:

—Jáinoima cue jírota, —daide. ⁹ Ie jira Samaria ringo Jesuna daide:

—¿Níbái mei jainoi cuemo jicádío? Odi judíodio. Cue Samaria ingódicue, —daide. (Ua jaiái dínomona judíuai samarítanuaimo nabáirirainide.)

¹⁰ Ie jira Jesús uai ote:

—Juzíñamui fia fecalli raa o onóadi, ua áfena raire cuemo jícaítio. Daje izói

omo jainoi jicádimiema, o onóadi ua raire cuemo jícaítio; íemona ua cáadijina o íticue, —daide.

¹¹ Afengo afémiena daide:

—Íma, o jainoi olle raa íñede. Jainoi orano afórede. ¿Nínomona cáadijina cue ítío? ¹² Cai jaiáigimie Jacob bie jainoi orano caimo iga. Benómona afémie jírúaide ie úruiaí diga. Ua dájemona afémie tóiníai jírúaide. ¿O iere afémie báimoidío? —daide.

¹³ Jesús uai ote:

—Nana bie jáinoimona jiródimace nane meine abido jiróacaitiaioi. ¹⁴ Mei íadi cue jirótágano jaca meine abido jiróacañeítiaioi. Omo cue ille jainoi ua zíñona ítíji. Nágáruí caimare o ítáitae. Illánona fúíñeítinona omo íficaitae, —daide.

¹⁵ Ie mei ringo afémiena daide:

—Íma, jadíe jáinoima cue ine; ja cue jíróacañeílleza, ua nane meine bie jainoi oránomo cue bíñeílleza, —daide.

¹⁶ Jesús aféngona daide:

—O ini jírízairi ie mei bené bi, —daide.

¹⁷ Ringo uai ote:

—Ínínidicue, —daide.

Ie jira Jesús aféngona daide:

—Uáfueña daidío. Inínidio. ¹⁸ Jae cinco dígcacáño ínreidío; biruí o illámie o ínñede, —daide.

¹⁹ Afena cacáillano ringo afémiena daide:

—Íma, Juzíñamui uai llóraimedio ja onódicueza. ²⁰ Cai jáiaimaci Samarítanuái bie ídumo Juzíñamuina íóbitadiaioi; núñefuedo íemo úrizaiítiaioi. Mei íadi o íemo naa judíuairi jíáífodo daidíomoi. Jerusalemo cai gairíllano Juzíñamuina cai íóbitallena daidíomoi, —daií afengo daide.

²¹ Jesús uai ote:

—Ringo, cuema íno. Jíáiruimo ja dúciizaide. Aféruimo bídumo bíñeno, Juzíñamuina íóbitaitíomoi. Daje izói

Jerusalemo jáiñeno, Juziñamuina ióbitaitiomoi. ²²Omoi ióbitagamienu onóñediomoi. Iadi cai ióbitagamienu onódicai, nibai jíllonafue judíuaimona bíteza. ²³Jae como cue llogáruimo dúcide. Jae birui aferui. Naga Moo Juziñamuina uáfueña ióbitaacadimie afe o joreñodo uáfueña afémiena ióbitaite. Daí Moo Juziñamui cai íena ióbitallena jitaide; ua nana afémiena ióbitaacadino daí bíllana Moo jitaide. ²⁴Juziñamui ua Joreño. Afémiena ióbitadino íaioi joreñodo uáfueña ióbitaitaioi, —daide.

²⁵Iemona afengo íena daide:

—Cue onódicueza Mesías biite. Afe Mesías daina Cristo. Afémie bia nana ñue rafue caimo jino llóite, —daide.

²⁶Jesús daide:

—Ñíimedicue, ori úrilla, —daide.

²⁷Iemo ie llófuegamaci dúcide. Dúciillano Jesús ringomo úrillari fáigacaidiaioi. Mei íadi buna jicánoñena áfena. Ua afémiemo afengo jítáillana jicánoñediaioi; “¿Minícafuedo úritiomicoi?” íena daíñediaioi.

²⁸Ie mei afengo iciru fiénocaillano, jófueño jaide. Dinomo comínimo llujáide:

²⁹—Nana cue finócafue jino llotímiemo omoi éroizaibi. ¿Bie afe Crístoñede? —daide. ³⁰Ie jira jófueñona Jesús illánomo jáidiaioi.

³¹Afémaci bitíaiomoi ie llófuegamaci afémiena jicade:

—Llófueraima, due güi, —daidiaioi.

³²Ie jira afémie daide:

—Cuemo ite güíllena omoi onóñediomoi, —daide.

³³Ie jira ie llófuegamaci como fueñe conímamo jicánotiaioi:

—¿Jíáie come afémie écaibite? —daidiaioi.

³⁴Ie jira Jesús afémacina daide:

—Cue orédimie comeci jítaina izói cue finóadi bie cue güíllena. Daje izói ie táijina cue fuitáadi, güíticue izoide.

³⁵Omoi llua: “Nai riga raa ollfruímo cuatro diga fíui ite” daidíomoi. Mei íadi dáitícue: Erocai. Ja rigánuemo eroi. Ja jéiaruimo ánozide. ³⁶Ollema táijidimie iba llínote. Afe oga llízieniaí jaca ninomo fiébite; ua fúíñeite illánomo fiébite. Ua ríjiraima óraima diga dáanomo camátaillena daí ite. ³⁷Omoi jaiái daina uáfueña llote: “Ríjiraimie dáamie íadi otímie jíáimie.” ³⁸Jae omoi ríñeganomo ómoína orédicue. Jíáimaci táijidiaioi íemo íaioi táijina caimare finotiomoi, —daide.

³⁹Aillo Samaria jófue imaci Jesumo finotiaioi. Ua uafue ringo llogáuaido Jesuna finotiaioi. Afengo daináuai, be ñie: “Nana cue finócafueña cuemo llote.”

⁴⁰Ie jira Samaritánuaí Jesumo billano jicádiaioi:

—Cai diga iri, —daidiaioi. Ie jira Jesús ménarui íaioi diga ite. ⁴¹Afémie dáinana cacáillano aillo jíáimaci finotiaioi. ⁴²Ie jira aféngona daidiaioi:

—Nauí dama o dáinado jabo finoticaí, mei íadi birui ja cai dani afémiena cacáillano áfede como ñue finoticaí. Ja onódicai bie ua Cristo, nana nairai jíllotaraimaza, —daidiaioi.

Jesús gobiérnomo táijiraima jító jíllotate

⁴³Ménarui illamona Jesús Samária-mona jáizaide Galilea énie iodo jáillena.

⁴⁴Jae dama Jesús llote:

—Juziñamui uai jino lloraima dama ie éniemo jaca jámairuiga, —daide.

⁴⁵Galiléamo dúcidemo afénomo itino íena ñue llínotiaioi. Ua caimare íena llínotiaioi, nibai pascua ráfueño Jerusalemo nauí Jesús illa llezica jáidiaioi. Iemo aféuemo nana ie finócafuiaina ciódiaioiza.

⁴⁶Ie mei Jesús meine Caná jófueño, Galilea éniemo jaide. Ua jainoi vínona meíduanomo jaide. Afe llezica Capernaum jófueño gobierno illaíma

táijiraima jító iere irárede. ⁴⁷Afe táijiraima Jesús Judéamona Galiléamo dúciana fídiano, afémiemo éroizaide. Ua ie jító jílloitaibillena jícajide; mei ja ie jító tízaide. ⁴⁸Iemo Jesús íena daide:

—Onótate ráaniai íemo cíofinina finócafuiai diga omoi cíóneniadi ínoñedio-moi, —daide.

⁴⁹Iadi gobierno táijiraima Jesuna daide:

—Ocuíraima, raire bi cue jító nai tíñena llezica, —daide.

⁵⁰Ie mei Jesús íena daide:

—Meine o jofomo jai. O jító jílloiteza, —daide. Afémie Jesús íena daina uaina ínote, jira jaide. ⁵¹Ie jofomo dúcizaidemo ie jaiénizai jino íemo bitíaiói. Dúciillano daidíaiói:

—O jító jae jíllode, —daidíaiói.

⁵²Iemo, —¿Nie hóramo jíllode? — íaióimo jicánote. Jira daidíaiói:

—Nauri jaíciri illa mei ie abi bóua lífi-caide, —daidíaiói.

⁵³Iedo moo bie daje hora Jesús íena daina hora úbicaide. Ua “O jító jílloite” daina hóramo afeza jíllode. Iemona afémie Jesumo ínote, naa ie comini diga.

⁵⁴Daí Jesús Judéamona Galiléamo billano mena onótate raa finode. Bie jíllofafue ua ie meífodo finoca cíofininafue.

Jesús Betzátamo ite tízitaitimie jílloate

5Ie meífomo judíuai rafue ite; jira Jesús meine Jerusalemo jaide. ²Afe jófuemo, ovejai naze áinori jainoi ofíllano ite. Afeno hebreo imaci uaido mameca Betzata. Nane dínomo cinco diga gairírano ite. ³Bie gairira macáranuaimo aillo iráredimaci bíede: uínidimíai, aidáimíai, tízitaitimíai diga. Bimaci jainoi bagua úíñotíaiói. ⁴Daí úíñotíaiói mei dáruinarie Juzíñamui abi ímie ana billano

jainoi bagótafiredeza. Bagota mei nanoide come jáinoimo ana jáidimie, ie irárenamona ja jíllobicaifrede. ⁵Dinomo iráredimie ite. Ua treinta y ocho diga fimona irárede. ⁶Jesús billano ie bíinana ciode. Afémie are jaiái ninómona daí dínomo íllana onóillano, Jesús íena daide:

—¿Jíllobicaiacadio? —daide.

⁷Íraredimie uai ote:

—Ocuíraima, cue cánoitimie íñede, jainoi bagua meífomo jáinoimo cuena ñuitállena. Nágarui cue jáiacana llezica jáíimie nano fueñe jáinoimo dúcide, —daide.

⁸Jesús íena daide:

—Caífo náidacai. O bírallu líino. Mai maca, —daide. ⁹Afe llezica afémie jíllobicaide. Iemo ie bírallu líínuano macáoicaide. Aferui ocózinairui.

¹⁰Jira judíuai jílloitagamiéna daide:

—Birui jae ocózinairui. O bírallu rocánollena omo rairúfrede, —daidíaiói.

¹¹Afémie uai ote:

—Cue jílloatimie cuena daide: “O bírallu líino; mai maca,” —daide.

¹²Iemo íena jicánotíaiói:

—¿Bu ona “o bírallu líino, mai maca” daina? —daidíaiói.

¹³Mei íadi afémie ie jílloatimíena onóñede, aillo comini dínomo íllaza. Ua Jesús jae jáideza.

¹⁴Afe mei Jesús gairíracó eromo íena baizájillano daide:

—Mai eroi. Birui jae jíllodio. Meine fíénidifuena finóñeno iri, jamánomo figóñede raa omo jíriñeíllena, —daide.

¹⁵Iemo afémie judíuaimo Jesús íena jílloatimie llujáide. ¹⁶Ie jira judíuai Jesuna duere finóllena racadíaiói; íena fáiacadíaiói, ocózinairuimo aféfuiai fínua jíri.

¹⁷Mei Jesús íaióina daide:

—Cue Moo Juzíñamui jaca nanómona biruimo táijide, jira cue nane táijidicue, —daide.

¹⁸ Iemona judúuai jamánomo íena fáiacadiaioi; nibai ocózinaiilarui ocuícáfue afémie jáanote. Ie emódomo afémie Juzíñamui izóidimiena dama finótate, “Juzíñamui cue Moo” ie daina jira.

Juzíñamui Jitó rño

¹⁹ Ie mei Jesús íaioina daide:

—Uáfueña ómoína dáititue, mei Juzíñamui Jitódicueza, dama cue jítaina izóí minícana finónidicue. Dama cue Moo Juzíñamui finócafue cue ciona izóí birui finódicue. Nana cue Moo finócafue afe izóí nana fnofiredicue; ie Jitódicueza. ²⁰ Ua Moo Juzíñamui nana ie fnuafue ie Jitomo ácatate, Moo ie Jitó izíruilla jira. Ie emódomo jamánomo áillue finóllifue íemo ácataite, omoi fáigacaillena. ²¹ Mei Moo Juzíñamui tíidino cáadinona itátateza, ua cáallinona íaioimo ite; daje izóí ie Jitó nana afémie oíacaiganomo cáallinona ite. ²² Moo Juzíñamui buna jicánoñede íena duere finótallena, mei íadi nana afe jicánolle rño ie Jitomo iga. ²³ Daií nana comini Moo ñue jacíruilla izóí, afe izóí ie Jitona ñue jacíruitiaioi.

²⁴ Uáfueña ómoína dáititue: cue uaina cacádimiemo, dáanomo cuena orédimiena finotimiemo ja ziiño cáatatinona ite. Afémie duere finóbiñeite, tíillanomona ja bai finona jira; jae cáananomo dúcide. ²⁵ Uáfueña ómoína dáititue: tíidino meine cáallirui áinozioicaide. Aferui birui. Ua tíidino Juzíñamui Jitó úrillana cáaitiaioi; íemona nana áfena náfueñiredino cáaitiaioi. ²⁶ Mei Moo Juzíñamuimo cáatalle rño íteza, daje izóí afe cáatalle rño ie Jitomo afémie itátate. ²⁷ Dáanomo comini duere finóllena jicánua rño íemo iga, afémie Nanoide íima Jitona jira. Afe Jitódicue. ²⁸ Afemo fáigacaiñeno iri. Nana tíidino cue úrillana cacáilliruiemo dúciiteza.

²⁹ Aféruido raiáfuaímona jino bíitiaioi. Ñúfue finódimaci meine cáadinona íitiaioi ziiñona íaioi íllena; mei íadi fiénidifue finódimaci meine cáadinona íitiaioi, duere íaioi finóbillena.

Jesús rño uáfueña daiítatífuiai

³⁰ Dama cue começi izóí minícana finónidicue. Moo cue ocuilla izóí comini fnuafuaíai riire jicánoticue. Cue jicánufue jaícina ñue joide; cue jítaina izóí jicánoñedicueza, mei íadi cue orédimie, cue Moo jítaina izóí jicánoticue, afe izóí finóllena. ³¹ Dama cueri uai cue nabáíadi, cue dáinana figo uáfueña daiíñede. ³² Mei íadi jíaimie cueri uai nabáiraima ite. Afémie cueri dainafue ñue uáfueña facátate. Afena onódicue. ³³ Juaamo jicánuaídiomoi. Afémie ie uai úana jaca uafue. ³⁴ Mei íadi íimamona cueri uai nabáillana jicáñedicue. Daa bíena dáititue omoi jíllobicaillena.

³⁵ Juan egáiñora izóidimie. Afe egáiñora bóocabillamona egáiñofrede. Ie egáiñuanomo nano íanori íllamona íóbicaídiomoi. ³⁶ Mei íadi jíáie cueri uáfueña facátafue ite. Afefue Juan cueri dainafue baimo ite. Afe uáfueña facátafue cue finócafuaíai. Aféfuiai cue Moo cue finóllena ocuícáfuaíai daje izóí jóoideza. Afe jira afe cue finócafuaíai Moo orécacue uáfueña facátate. ³⁷ Ie dáanomo Moo, cue orédimie cueri uai nabaide, mei íadi omoi ie uaina jaca cacáñediomoi; ie abi cíocaillena jaca cíóñediomoi. ³⁸ Ie uaillai omoi ífócimo déíñede, afe Moo orécamiema omoi íinoñena jira. ³⁹ Juzíñamui Cuegáuaillai izire jenoda facádotiomoi; dinomo “Ziiñona illino báititai” comécimo facáoidiomoi. Uafue, Cuegáuaillai cueri ñue úritiaioi, ⁴⁰ mei íadi cuemo bíacañediomoi afe ómoimo ziiñona íllena.

⁴¹ Comini cuemo nitáacaga jalléinafuiai náfueñedicue. ⁴² Mei

íadi ómoina onódicue. Juzíñamuina izíruiñediomoi onódicueza. ⁴³Cue Moo cue ória jira biticue, íadi cuena llíñoñediomoi. Jiáimie dama ie ória izói bíadi afe ímana ñue llíñoitiomoi. ⁴⁴¿Omoi nie izói finotiomoi? Dani ómoimona cáimadua uailai llínofirediomoi; mei íadi daade Juzíñamuimona bitíuai, ie cáimadua uai jenóñediomoi. Jira ínonidiomoi. ⁴⁵Cue Moo uiecori ómoimo fíenidífue cue nitalle comécido facáoñeno iri. Uáfueña Moisés ómoimo fíenidífue nítaite, nii omoi úinogamie. ⁴⁶Moisés daináuai omoi finoiadi daje izói cuemo finoitiomoi, mei Moisés cueri ñue cúeteza. ⁴⁷Mei íadi afémie cuezáuai omoi íñoñeniadi ¿nie izói ómoina cue daináfueña finoitiomoi? ¡íñoñeitiomoi! —daide.

Jesús cinco mil íñiai ecade

(Mt 14.13-21; Mr 6.30-44; Lc 9.10-17)

6 Afe meífodo Galilea jorai ruícaferaimo jaide. Afe jorai jíáfodo mameina: Tiberias. ²Aillo comini íedo jáidiaioi, cíofinina ráaniai ie fñuana íaioi cíonamona. Ua iráredino jíllotana cíodiaioi. ³Ie mei Jesús ídumo ráiizaide ie llófuegamaci diga. ⁴Ja judíuai rafue páscuafue áinozide. ⁵Jesús érocaillano aillo afémie ódana bitínona ciode. Jira Felípena daide:

—¿Ninómona nana bimaci ecállena íbaiticai? —daide.

⁶Afe daií jicánote, Felipe uai úana onóllena. Jesús dama ie finóllífue ñue onode. ⁷Iemo Felipe uai ote:

—Doscientos dígabe fidi pan dúciñeite naga come jéenino óllena, —daide.

⁸Ie jira jíáie llófuegamie Andrés, Simón Pedro ama, Jesuna daide:

⁹—Benó daa dúemiemo cinco diga panes ite mena chamu diga. (Bie pan cebada finoína.) Mei íadi iere duera; aillo comini íllaza, —daide.

¹⁰Ie mei Jesús daide:

—Nana íaioi ráiilleza afémacina omoi daiíri, —daide.

Afémono aillo raitire ite. Iemo cinco mil íñiai raizídaitiaioi.

¹¹Ie mei Jesús pan llínota Juzíñamuina “tere figora” daide.

Dáinamona llófuegamacimo fecade. Afemona llófuegamaci nana ráiiedinodo fecade. Jesús daje izói finode mena chámuna, ua nana ríacadinodo fecade. ¹²Jae íaioi jeírilla mei ie llófuegamacina daide:

—Fiébidinuai nana iráiri, daa báiiñelleza, —daide.

¹³Fiébidinuai doce diga cirigai iraiica. Ua cinco diga panes fiébidinomona diga cirigai oruítaga. ¹⁴Ie mei comini bie cíofinina raa Jesús fñua cíonamona daidíaioi:

—Uafue bímie afe jaijai nanómona lloga ana éniemo bíacade uai lloraima, —daidíaioi.

¹⁵Mei íadi comini íena riire lláitano illáimana jóoneacana Jesús fidíbi-caide. Fidíllanona Jesús dama meine idu caifónedumo jaide.

Jesús jainoi emódodo macade

(Mt 14.22-27; Mr 6.45-52)

¹⁶Ja nauídemo Jesús llófuegamaci ana jóraimo jáidiaioi. ¹⁷Dúciillano nocaemo jaillano, jorai ruícaferaimo Capernaúmo jaitádiaioi. Jae jí tiredemo, mei íadi nai Jesús meine abido bíñede. ¹⁸Iemo aillo jairifo daingo náidacaide. Iemona bagua móonaioicaide. ¹⁹Due bai jáidiaioimo Jesús nocaemo áinozillana cíodiaioi. Jainoi emódodo macade. Iemo jacíruitiaioi. ²⁰Mei jira íaioina daide:

—Cueza, omoi jacíruiño, —daide.

²¹Iemona caimare nocaemo íena llínotiaioi. Iemona íaioi jáillinomo nitaca izói jarire dúcidiaioi.

Comini Jesús jénua

²² Jiáirui meifodo jorai enéferaimo fiébidimaci, llófuegamaci daa ite no-caedo jáillana fidídiaioi. Iadi Jesús afémaciri jáíñede. ²³ Mei íadi biruícana jiáie nocáiai Tiberias jófueмона dúcizaide. Ua pan gülla áinori Ocuíraima Jesús “Iere figura” dáinamona, ua afénomo dúcizaidiaioi. ²⁴ Daíí Jesús dinomo inénana cióillano ie llófuegamaci diga, afé-caiaimo jofo jáidiaioi. Iemona Capernaúmo íena jénuaidiaioi.

Jesús, ziiñona cáaille paana maméidimie

²⁵ Jorai ruícaferaimo dúciillano, Jesús baitfaioi. Baillano íena jicánotiaioi:

—Llófueraima ¿niruido benomo dúcidio? —daidiaioi.

²⁶ Jira Jesús daide:

—Uáfueña ómoína dáititue, güllena omoi jeírillamona cuena jénuaibitíomoi. Cue finoca cíofinina raa omoi onónamona cuena jenóñediomoi. ²⁷ Fúifirede güllemo táijiñeno iri. Mei íadi fúíñeite güllemo táijiiri. Afe güille ómoína ziiñona itátaite. Afe bie güille ómoimo íititue mei Nanoide Hima Jitódicueza. Mei ua, omoi uáfueña finogamiéna jae Moo Juziñamui jónegacueza.

²⁸ Jira jicánotiaioi:

—¿Minícana finoiticaí Juziñamui jitaillé raa cai fuitállena? —daidiaioi.

²⁹ Jesús uai ote:

—Juziñamui orécamiéna omoi finollena jítáirede, —daide.

³⁰ Iemo jicánotiaioi:

—¿Minica onótaite raa caimo ácataredio, afe cióillano ona cai finollena? ¿Minícafue finoitio? ³¹ Cai jaiáidigima zaféredizicimo maná güitfaioi; Juziñamui Cugáuai daina izói: “Juziñamui monámona ana baíttaga gülleniai áfena íaioi güitátate,” —daide.

³² Jesús uai ote:

—Uáfueña dáititue: monámona baiide gülleniai fecárima Moiséñede. Mei íadi uáfueña monámona baiide gülleniai fecárima cue Moo.

³³ Juziñamui fecaca gülleniai, monámona ana bitímie. Afémie cáaille paana maméidimie. Afémie énie itímacimo ziiñona cáallinona itátaite, —daide.

³⁴ Iemo íena daidiaioi:

—Ocuíraima, bie gülleniai nágarui cai ine, —daidiaioi.

³⁵ Jira Jesús daide:

—Cue cáatate gülledicue. Cuemo bitímie jaca júfiruñeite. Cuemo ínotimie jaca ninomo jóroacañeite.

³⁶ Mei íadi ómoína cue daina izói, cuemo finóñediomoi nai cuena cíódio-moi íadi. ³⁷ Nana Juziñamui cuemo fecácamací cuemo bífireitiaioi. Cuemo bífireitinona jino dótañeiticue. ³⁸ Uafue, cue comeci jítaina izói finóllena, monámona ana biñedicue, mei íadi cue orédimie comeci jítaina izói ana finuaibiticue.

³⁹ Cue Moo, ua cue orédimie, nana cuemo igánomona buna oni ninó báiiñeillena jítaide. Ua nana afémaci íirairuido cáadinona itátaíticue. ⁴⁰ Cue orédimie nana Juziñamui Jitona cíódimaci íena finollena jítaide. Daíí íaioi ínuamona ziiñona cáaillinona íaioimo íllana cue orédimie daje izói jítaide; ie mei íirairuido cáadinona íaioína itátaíticue, —daide.

⁴¹ Iemona judíuai Jesuri gugúritiaioi. Ua ie daináfueri: “Monámona ana baiide gülleniaina maméidimiedicue” íeri gugúritiaioi. ⁴² Daidíaioi:

—¿Bímie José jító Jesúñede? Ie moona onódicaí ie ei diga. ¿Nie izói “Monámona ana bitímiedicue” daíírede? —daidiaioi.

⁴³ Jira Jesús íaioína daide:

—Gugúriñeno. ⁴⁴Buna cuemo bñide, cue Moo, cue orédímie nai átiñenia. Ie mei írairuido afémiena cáadimiena itátaiticue. ⁴⁵Uai lloraini cuegáncuai llote: “Nana afémaci Juzíñamui llófuegamaciza ítiaioi.” Daí nana Moomo cacádino, afémiemona fibítagamaci cuemo bitíaioi.

⁴⁶Bie izói cue daina dáarie Moo Juzíñamuina ciona daifacañede. Dama Juzíñamuimona bitímie Moona ciona. ⁴⁷Uáfueña ómoina dáititcúe: cuemo ñnotimiemo ziiñona cáaillinona ite. ⁴⁸Cue cáatate gülledicue. ⁴⁹Omoi jáiairagima zaféredizicimo manana güitíaioi, mei íadi nana jae tídimaci. ⁵⁰Iadi cue daina monámona ana bite gülledicue güitino tíñeitiaioi. ⁵¹Cue dama afe bie monámona ana bite cáatate gülledicue. Bie güille güitímie ziiñona iite. Bie cue ille güille dama cue feizi. Afena íiticue nana énie imaci cáallena, —daide.

⁵²Iemona judúuai dani íaioiri júfidoti-aioi. Daidíaioi:

—¿Nie izói bímie dama ie íeizina caina écaite? —daidíaioi.

⁵³Jesús íaioina daide:

—Uáfueña ómoina dáititcúe: Nanoide hima Jitódicueza; cue feizi omoi rñeniadi, daje izói cue die omoi jiroñeniadi nai omoi cáaillinona ñede, dájena cuemo jaináñena jira. ⁵⁴Cue feizi ritímie, daje izói cue die jiródimiemo comeci ziiñona cáaillinona ite; ie mei írairuido afémiena cáadimiena itátaiticue. ⁵⁵Cue abi uafue güille. Cue die uafue jiróllii. ⁵⁶Cue feizi ritímie, jái cue die jiródimie ja cuemo dájena ite. Daje izói afémiemo dájena iticue. ⁵⁷Cue caade Moo orécacue, jira afémiedo cáadicue; daje izói cue rítímie cuedo cáaité. ⁵⁸Monámona ana bite güilleri úriticue. Bie güille omoi jáiaídigima güiga maná izóiñede. Nana

afémaci tídimaci; mei íadi bie güille güitímie ziiñona iite, —daide.

⁵⁹Jesús Capernaúmo ite Juzíñamui uai llófueriracomo nana bífuiai íaioimo llófuete.

Ziiñona cáatate uaillai

⁶⁰Bie llófuiana cacáillamona, aillo Jesudo jáidimaci daidíaioi:

—Bie afémie daina afe jeire ollfuai iere férede. ¿Bu áfena jeire órena? —daidíaioi.

⁶¹Iemona Jesús íaioi gugúrillana onóbicaide. Onóillano jicánote:

—¿Aféfuiai ómoina íairuificaitade? ⁶²Ie mei Nanoide hima Jitó nano ie il-lánomo caifo ie jáillana omoi cióadi, ¿ñie izói íitiomoi? ⁶³Cai joreño cai cáatate. Feizi cáatañede. Omoina cue daináuaillai joreño izoide uafue uail-lai. Cáataitiaioi. ⁶⁴Mei íadi ómoimona dámierie nai íñoñediaioi, —daide.

Jesús afe íñoñedimaci nanómona onode. Afe llezica íena éoidimacimo fé-caitimiena onode. ⁶⁵Ie mei daide:

—Iemona ómoina dáititcúe, Moo átiñenia buna cuedo bñide, —daide.

⁶⁶Aféruimona aillo Jesudo jáidino íena ñenocaidiaioi. Ja íedo macáñediaioi. ⁶⁷Ie jira ie doce diga llófuegamacimo jicánote:

—¿Omoi daje izói jáiacadiomoi? —daide.

⁶⁸Mei íadi Simón Pedro uai ote:

—Ocuíraima, ¿bumo jáiredicai? Ziiñona cáatate uaillai omo ite. ⁶⁹Ja cai ñnoticaiza. Onódicai caade Juzíñamui Jitódioza. Crístodio, —daide.

⁷⁰Jesús íaioina daide:

—Jae doce dígamie nizédicue; mei íadi omoi cígimona dámie Taife izoide, —daide.

⁷¹Afe dáinado Jesús Júdari úrite. Judas Iscariote Simón jitó. Afémie Jesuna éoidimacimo fécaitimie, mei íadi afémie doce dígademon.

Jesús ámatiai íena ñinoñediaioi

7 Afe méifodo, Jesús Galilea éniado macade. Judéamo íacañede, dinomo judíuai ie íaioi fáiacana jira. ²Ja bizáinillaimo iráizillafue áinozide. Afefue judíuai rafue. ³Ainozillamona ie ámatiai íena daide:

—Benó fiébiñeno. Judéamo o jairi, dinomo ite odo jáidino o finócafuenta cfoillena. ⁴Dáamie nana comini íena íaioi onóillena jitáiadí, ie raana báinino finóñede. Afe áillofuiai o finóadi nana comini ucomo finori, —daidíai.

⁵Bie izói daidíai, mei nai ie ámatiai íena ñinoñediaioiza. ⁶Jira Jesús daide:

—Cue ñue illíruimo nai dúciñede. Mei íadi ómoimona nano nígarui ñuera. ⁷Enie imaci ómoína éoinide, mei íadi cuena éoidiaioi, nibai íaioi fiñi finócafuiuai uai nabáiraimadicueza. ⁸Mai ráfue mo omoi jai. Nai jáiñeiticue, cue ñue illíruimo nai dúciñede.

⁹Daíí daína mei Galiléamo fiébide.

Jesús bizáinillai iráizillafue mo jaide

¹⁰Ie ámatiai jailla mei, Jesús daje izói ráfue mo jaide, mei íadi uáfodo jáiñede. Jabo báinino jaide. ¹¹Judíuai afe rafue ana íena jenódiaioi. Daidíai:

—¿Ninomo mei afe iima ite? — daidíai.

¹²Comini cígiedo aillo afémieri úritiaioi. Dáarie, “Ñúemie,” daidíai. Jiáimaci, “Fiénidimie; mei comínina jífue teza,” daidíai.

¹³Mei íadi judíuaina jacíruillano buna afémieri uáfodo úriñede.

¹⁴Ja rafue cigi iruido Jesús Juzíñamui gairracomo jofo jaide. Jaillano dinomo llófuellena tainede. ¹⁵Iemona judíuai fáigacaillano daidíai:

—¿Nie izói bie iima díga ráfuiaina onode, afémie nai llófueñegamo? — daidíai.

¹⁶Jira Jesús uai ote:

—Cue llófuegauai cúeieñede; mei íadi cue orédimie ie. ¹⁷Dáamie Juzíñamui jitailla izói finóacania, afémie cue llófuegauai Juzíñamuimona bitíuaina ónoite. Afe llezica dama cue jitailla izói llófueñedicuena ónoite. ¹⁸Dama ie comeci jitailla izói úritimie, comini íemo ñuefuena nitállena úrite. Mei íadi íena orédimie mo ñuera ráfue mo nitáacadimie uáfue mo dáite. Afémie mo jífuiafue mo íñede.

¹⁹¿Omoimo ocuica uailai Moisedo ómoimo iga? ¿Ero ua? Mei íadi buna ómoimona aféuai jeire oñena. Aféuai jeire oñédimiedicue izói, ¿nibái mei cue fáiacadiomoi? —daide.

²⁰Jira comini uai ote:

—Omo fiénide jóríai illa. ¿Bu o fáiacana? —daidíai.

²¹Jira Jesús daide:

—Daa raa ocózinaillarumo cue fínuari nana fáigacadiomoi. ²²Mei íadi úrue bacano icoi quétajana facátafue Moisés ómoimo iga. Jira íza bacano icoi quetádiomoi ocózinaillaruido íadi. (Moisés afefue táineñegaza; jáiiragimaci táineca.)

²³Mei jira Moisés ocuica uailai nana ñue fuizáillena, íza bacano icoi omoi quetáadi ocózinaillarui íadi, ¿nibái rícaidiomoi iima abi námiena cue jíllotaia ocózinaillarumo?

²⁴Mai jinófene éroillano comini ífue nitáañeno. Omoi nitáadi jácína uáfue mo nitari.

Jesús ie comuállanodo úrite

²⁵Ie mei Jerusalemo dáarie itínomona jícanuaidiaioi:

—¿Bímie íaioi fáiacagamieñede?

²⁶Mei íadi batíno mo comini cígimo úrite íadi buna nie izói daíñena. ¿Uáfue mo caifóidimaci bímie Crístoza ínotiaioi? ²⁷Mei íadi cai, afémie ninómona ie bíllana onódicai. Iadi

ibana Cristo bíadi, buna ninómona ie billana ónoñeite, —daidíaioi.

²⁸ Afena cacáillano Jesús nai gairíra-como llófuia llezica riire daide:

—¿Cuena onódiomoiza? ¿Ninómona bitfcueza onódiomoi? Mei íadi dama cue comeci izói biñédicue, íadi caade cue orédimiemona biticue. Afémie jaca itímie. Afémiena onóñediomoi.

²⁹ Afémiena onódicue, afémiemona bitfcueza, ie orécacueza, —daide.

³⁰ Temona íena lláviano úiacadiaioi. Mei íadi nai buna íena llaitáñede, nai ie llaitáilliruimo dúciñedeza. ³¹ Mei íadi aillo comini íemo ínotiaioi; daidíaioi:

—Cristo bíadi ¿bímie finoca cíofinina onótafuiaí baimo fínoite? —daidíaioi.

Fariséuai llaizíriraini orede, Jesús lláviano úillena

³² Fariséuai comini Jesuna dáinana cacádiaioi. Jira lletáriraini illaini, gairíraco jabóidillaimaíai orede Jesús llaitada úillena. ³³ Jira Jesús uai ote:

—Omoi cígiri dama íanori nié dino íiticue. Ie méifodo cue orédimie diné jáiticue. ³⁴ Cuena jénoitiomoi mei íadi cuena báíñeitiomoi, cue illínomo jáinidiomoiza, —daide.

³⁵ Ie mei judúuai dani íaioimo jicánuaidiaioi:

—¿Bímie ninomo jáite, íena cai báíñeillena? ¿Judúuai júdaicamací griego éniemo afémie jáite, griego imaci llófuellena? ³⁶ Ie dáinana, “Cuena jénoitiomoi mei íadi cuena báíñeitiomoi, cue illínomo jáinidiomoiza,” ¿nie izói daide? —daidíaioi.

Jesús, jainoi izói cómena cáatate

³⁷ Rafue íirairuimo jamánomoidírui. Aféruido Jesús naidáillanona como aillo uaido úrite:

—Nana jiróacadimie cuemo bi; júruaibi. ³⁸ Cuegáuai daina izói, cuena

ínotimie ie comécimona áillue imani tua izói aillo ñue cáataitífuiaí biite, —daide.

³⁹ Aféfuedo nana afémiena ínotino Ñuera Joreño llínoitiaioi daide. Ua mei, Ñuera Joreño nai biñede, Jesús ie cáima-fue ebíredifue diga nai llínoñena jira.

Comini Jesuna daináfuaí jíáfodorie jóide

⁴⁰ Dáarie comini cígimona aféfueña cacáillano daide:

—Uáfueña bímie uai llóraima, jaiái ninomo bíacadimie, —daide.

⁴¹ Jíáimaci daidíaioi:

—Bie ua Cristo.

Mei íadi jíáimaci daidíaioi:

—¿Nie izói Cristo dino Galilea ímieite? ⁴² Cuegáuai llote: “Jáiaidillaíma David, ie izíe ímiena Cristo iite. Ua Belén ímiena iite, afe jófuemo naui David íteza,” —daidíaioi.

⁴³ Daií nana comini Jesús ícoínia dázierie bózietaidiaioi. ⁴⁴ Dámierie Jesús maíano úiacadiaioi, mei íadi buna daií ñeñena.

Caifoide ríredino Jesuna íñoñediaioi

⁴⁵ Gairíraco jabóllaini abido fariséuai illánomo, daje izói lletáriraini illaini illánomo bitíaioi. Afémaci íaioimo jicánote:

—¿Nibái mei íena atñnediomoi? —daide.

⁴⁶ Jira jabóllaini (jíáfodo mameina llavériraini) uai otíaioi:

—Jaca ninomo buna afémie úrilla izói úriñede, —daidíaioi.

⁴⁷ Jira fariséuai daidíaioi:

—¿Omoi daje izói ja jífuegamacidíomoi? ⁴⁸ ¿Cai illáicomini dáarie íena ja ínotiaioi fariséuai diga? ¡Jaca íñoñediaioi! ⁴⁹ Mei íadi bie comini ocuíca-fuiaí onóñediaioi, ja faidócaiaioiza, —daidíaioi.

⁵⁰ Nicodemo, naio Jesumo eróiza-ibitímie daa fariseo imácimona. Iaioina daide:

⁵¹ —Cai ocuífufue daina izói buna duere finónidicai, nano fueñe íena cai cácañeniadi, ie finócafueña cai ónoil-lena, —daide.

⁵² Mei jira uai otáioi:

—¿O jái daje izói Galilea ímiedioza? Cuegáuai fácado. Dinomo cóitio buna uai llóraima Galiléamona biñede, —daidíai.

Jirúredingo Jesumo atídíai

⁵³ Mei íemona naga come íaioi jofomo jaide.

8 Mei íadi Jesús Olivo daina ídumo jaide. ² Ie jítiramo monáillamona, abido gairíracomo bite. Nana comini íemo ánozidiaioi. Afémie ráinaillano íaioina llófuiaide. ³ Ie mei ocuífufue llófueraíni fariséuai diga jirúredingo Jesumo atídíai. Daí nēcade afengo baitíai. Afe gairíracomo itímaci cígimo aféngona jónetiaioi.

⁴ Jóoniano Jesuna daidíai:

—Llófueraíma, bie ringo afe jirúre-nafue finócade baiticai. ⁵ Afe izoide ringona Moisés ocuífufue cai ocuide nofciaido fállena. ¿O nie izói daidí? —daidíai.

⁶ Daí daidíai Jesús facátallena. Bie facátamona fiénidifue íemo nitáacadi-ai. Iemona Jesús jíjicaillano éniemo onócaido cuete.

⁷ Mei íadi diga icaiño jicánotiaioimo Jesús meine jáicina rainade. Ráinail-lanona daide:

—Omoimona dáamie fiénidifueña íñédímie, mai nanoide nofici aféngomo nitari, —daide.

⁸ Dáanomo nane jíjicaillano éniemo cuete. ⁹ Mei íadi aféfuena cacáillano, nana íaioi comeci úrilla uaido méaicaidiaioi. Méaicaillano oni nana dáarie jáioidiaioi. Ua iere éicomédímie

uícodo oni jailla. Nana ja íaioi jailla mei, Jesús dama dinó fiébide afe atícango diga. ¹⁰ Iemo Jesús jáicina meine rainade. Afe ringo baimo buna ciónenano aféngona daide:

—Ringo, ¿ninomo omo fiénidifue jítádino ite? ¿Buna omo nofcina nitáñena? —daide.

¹¹ Jira afengo daide:

—Ocuíraima, ua buna nitáñede, —daide.

Mei jira Jesús daide:

—Cue ona daí nítaiñeiticue. Mai o jairi. Fieni meine abido daí ñeñeno iri, —daide.

Jesús, bie énie comini egáñoraima

¹² Jesús dáanomo nane comínimo úrite; daide:

—Cue bínie comini egáñoraímadicue; cuedo jáitímie cáataite egáñua iite. Jaca nino jítifodo mácañeite, —daide.

¹³ Ie jira fariséuai íena daidíai:

—Dama o uai nabáidí. Afe uai rái-ñede, —daide.

¹⁴ Jira Jesús uai ote:

—Cue daina uáfueña ráifide, afe dama cuemo uai nabáidicue íadi. Cue ninómona biticue, daje izói cue jáillinona onódicueza. Mei íadi ninómona bitícueza onóñediomoi, cue jáillinona diga. ¹⁵ Bie énie facárado jenócana facádiomoi; cue buna jenócana facáñedicue. ¹⁶ Mei íadi cue facáadi, cue facállifue jáicina ñue jóide. Dama facáñedicueza. Moo, cue orédímie diga dáanomo jenoda facádicoco. ¹⁷ Omoi ocuica cuegáuai daide: “Mena uai nabáiraíma dáanomo daííadi, aféfuena ínoitiomoi.” ¹⁸ Cue dama cueri uai nabáiraímadicue. Cue Moo, cue orédímie jáíie cueri uai nabáiraíma, —daide.

¹⁹ Jira jicánotiaioi:

—¿Ninomo mei o Moo ite? —daidíai.

Jira Jesús uai ote:

—Omoi cuena onóñediomoi. Daje izói cue Moona onóñediomoi. Cuena onóñediomoi nia, daje izói cue Moona onóñediomoi, —daide.

²⁰ Gairíracomo llófuia llezica, afe búuai daide; ua fia fecaca úcube jóneraco illánomo dinomo llófuete. Mei íadi buna íena lláviano uíñede, ie llaitáilliruimo nai dúciñena jira.

Cue jáillinomo jáinidiomoi

²¹ Jesús nane dáanomo íaioina daide:

—Cue jáiticue. Cuena jénoitiomoi, íadi omoi fiénidifue nai donégamo títio-moi. Mei jii cue jáillinomo omoi jáinidiomoi, —daide.

²² Jira judíuai dani conímana daidíaioi:

—¿Mei nibai afémie dama abi títaite, mei “Cue jáillinomo jáinidiomoi” afémie caina dáideza? —daidíaioi.

²³ Jira Jesús íaioina daide:

—Omoi ana bebeco iédiomoi, mei íadi cue caifófeco ímiedicue. Omoi bie énie iédiomoi, mei íadi cue bie énie ímieñedicue. ²⁴ Ie jira omoi fiénidifue nai donégamo títio-moi daidicue. Cue daina izói ítmiedicuena omoi finoñeni-adi, omoi fiénidifue nai donégamo títio-moi, —daide.

²⁵ Jira jicánotiaioi:

—Mei ¿o búdio? —daidíaioi.

Jira Jesús uai ote:

—Jaiái nanómona ómoimo lloticue.

²⁶ Cuemo aillo ómoína cue daíllifuiái ite. Daje izói aillo ómoína cue jenoda facállifuiái ite. Cue orédimie uáfuenta daide. Afémiemona cue cacana izói bie énie comínina áfedo daidicue, —daide.

²⁷ Mei íadi Moodo íaioimo Jesús úrillana figo cacáñediaioi. ²⁸ Jira Jesús íaioina daide:

—Enie acónimo cuena caifo omoi rainóadi cue daina izói ítmiena ónoitiomoi, mei Nanoide íima

Jitódicueza. Afe llezica dama cue comei izói finóñidicueza ónoitiomoi. Dama cue Moo cuemo llogáfuiái daidicue. ²⁹ Cue orédimie jaca cue diga ite. Cue Moo dama cuena fiéñede, afémie íóbitadifuiaina finóñidicueza, —daide.

³⁰ Jesús daíí dáinamona, aillo íena finotiaioi.

Juzíñamui jítóniai fiénidifuedo jeruícamaci baimo ñue ítiaioi

³¹ Afemona judíuaimona íena finotinona Jesús daide:

—Cue ómoína dáinana omoi jaícina jeire oíadi, cue llófuegamacina uáfuenta jáitio-moi. ³² Ie mei uáfuenta ónoitiomoi. Afe uáfuedo jéruínegamacina íitio-moi, —daide.

³³ Afémaci ie uai otíaioi:

—Abraham izíedicai. Jaca ninomo buna jéruínegamacidicai. ¿Nie izói, jéruínegamacina íiticai, daidio? —daidíaioi.

³⁴ Jira Jesús daide:

—Uáfuenta ómoína dáititue, nana fiénidifue finódimaci fiénidifuedo jeruícamaci. ³⁵ Jeruícamie ie naama izíe diga jaca ínide. Mei íadi naama jító aféziemo jaca jainaide. ³⁶ Daíí mei Juzíñamui Jító jeruíñenafue ómoimo fecáadi, uáfuenta jéruínellio-moi. ³⁷ Abraham izíe iédiomoi ja onódicue; mei íadi cuena fáiacadiomoi, ómoína cue daináfuenta omoi llíinoñena jira. ³⁸ Cue Moo cuemo ácataga raado úriticue. Omoi moo daina izói finóñidicue, —daide.

³⁹ Jira uai otíaioi:

—Cai moo Abraham, —daidíaioi.

Mei íadi Jesús daide:

—Uáfuenta Abraham jítóniaina omoi íadi, afémie ínua izói fínoitiomoi. ⁴⁰ Mei íadi Moo Juzíñamui cuemo lloga uáfuenta ómoína cue daina íadi, nai cuena fáiacadiomoi. Abraham jaca

daíí finóñede. ⁴¹ Omoi moo fñua izói finódiomoi, —daide.

Jira afémaci daidíaiói:

—Jaca jiruírenamona jócoñegacai. Caimo daade moo illa, Juzíñamui, —daidíaiói.

⁴² Jira mei Jesús daide:

—Juzíñamui uáfuenta omoi móodena, cuena izíruitiomoi, mei Juzíñamui mona cue billa jira. Ua ie jira benó iticue. Dama cue comeci izói biñédicue, mei íadi Juzíñamui orécacue. ⁴³ ¿Nibái mei cue dainana cacánidiomoi? Cue úrilla uaina cacácañediomoi, jira onóñediomoi. ⁴⁴ Omoi moo Taife. Ie jira afémie iédiomoi. Afémie jitaina izói finóacadiomoi. Taife jaca nanómona fáfiredimie. Jaca uáfueo jaináñede. Jaca uafue daíñede. Táinofuiai afémie llofadi, ie illa izói úrite. Afémie táinofuiairede, ua táinofuiai moo. ⁴⁵ Mei íadi uafue daidícuemo cuena fñoñediomoi. ⁴⁶ ¿Omoimona bu cue fiénidífue jino due cíotarede? Uáfuenta cue daííadi ¿nibái mei cuena fñoñediomoi? ⁴⁷ Juzíñamui iédimie Juzíñamui uáillaina cácafiredede. Mei íadi Juzíñamui íeñediomoi, ie jira fena cacácañediomoi, —daide.

Cristo Abraham nano jae itímie

⁴⁸ Jira judíuái íena daidíaiói:

—Omo fiénide joreño íllana onódi-caiza; íemo Samaria ímiena o íllana, onódicaiza, —daidíaiói.

⁴⁹ Jesús uai ote:

—Cuemo fiénide joreño jaca íñede. Cue finócafue cue Moomo ñúefuena nitade. Omoi cuemo ñúefuena nitáñediomoi. ⁵⁰ Cuemo ñúefuena nitállena jenóñedicue, íadi jíáimie ite cuemo ñúefuena nitállena. Afémie jenoda facade. ⁵¹ Uáfuenta ómoina dáititucue, cue daináfuenta jeire otímie jaca ninomo tíñeite, —daide.

⁵² Jira judíuái uai otíaiói:

—Fiénide jóriai omo íllana ja uáfuenta onódicai. Abraham jaiái tíñe naa uai llóraini diga, niadi jíáifodo daidíoi: “Cue dainana jeire otímie jaca ninomo tíñeite.” ⁵³ ¿Uáfuenta cai moo Abraham baimo jáidíoi? Afémie tíñe. Ua uai llóraini daje izói tíñeíaiói. ¿O comécimo bu o íllana facadíoi? —daidíaiói.

⁵⁴ Jesús dinena íaiomio uai ote:

—Dama cuemo ñúefuena cue nitáadi, cue ñúefuena minícana ráifíñede. Mei íadi ñúefuena cuemo nitádimie cue Moo. Dáamiena omoi Juzíñamui daidíomoi. ⁵⁵ Mei íadi íena onóñediomoi. Cue íena ua onódicue. Afémiena onóñedicue cue daííadi, omoi izói táinofuiairedimiena íititucue. Mei íadi íena uáfuenta onódicue. Ie dainana jeire oticue. ⁵⁶ O jaiáidígima Abraham cue illíruina cíocacade áfemona íóbillena; áfena cíóillano afémie iere íóbicaide, —daide.

⁵⁷ Jira judíuái Jesuna daidíaiói:

—Nai cincuenta fimona íñedio, ¿Nie izói “Abraham cuena cíode” daidíoi? —daidíaiói.

⁵⁸ Jesús uai ote:

—Uáfuenta ómoina dáititucue: Abraham nai íñeniadi cue iticue, —daide.

⁵⁹ Iemona nofíciái llínota Jesumo nitáacadiaíoi. Mei íadi afémie retáiril-lano gairíracomona jino jaide. Afémaci cígido jaillano fñocaide.

Jesús uina cíoiñede jocócamie jíllotate

9 Afénodo jaillano, Jesús uina cíoiñede jocócamiena cíode. ² Ie llófuegamaci íemo jíacánote:

—Llófueraima, ¿nibái mei bie íima uina cíoiñede jococa? Nibái ie moo fiénidífuiái ícoinia daíí jococa. Nibái dama ie fiénidífue fñua ícoinia daíí jococa. ¿Bífuiaimona ní fue uáfuenta? —daidíaiói.

³ Jira Jesús daide:

—Dama ie ícoinañedeza, jíái ie moo ícoinañedeza. Mei íadi afémiemo Juzíñamui finóllifue ñue jino ácatallena, daií íficaide. ⁴Nai monana llezica cue orédimie táijinafue cue fínua jitáiredeza. Ja nauilla llezica buna táijinide. ⁵Nai bie éniemo cue illa llezica, énie comini egáíñotimiedicueza, —daide.

⁶Afe daina méifodo, Jesús éniemo tuánote. Tuánogamona ja énie ídiaide. Afe tuánua ídiaidemona ota, uina cfoíñedimie uimo bitade. ⁷Ie mei íena daide:

—Siloé jainoi ofillanomo jócuai, —daide. Afe Siloé mámecei jino dobáíñua dibénedo “Orécanona” mameide.

Iemona uina cfoíñedimie ui jócuaide. Meine bítemo ja cfoide. ⁸Iemo ie abi comini, daje izói naui uina ie cfoíñenana ciódino diga daidíaioi:

—¿Bímieñede, nii ráicana úcube jícafiredimiñede?

⁹Dáarie daidíaioi:

—Jíi, nímie.

Jíáimaci dinena daide:

—Ieñede, mei íadi afémiena eroide, —daidíaioi.

Mei íadi afémie dinena dama daií daide:

—Jíi, nímiedicue, —daide.

¹⁰Jira íemo jicánotiaioi:

—¿Nie izói ja ciódio? —daidíaioi.

¹¹Jira afémie uai ote:

—Afe iima, Jesuna mámeceiredimie, ídiaidino fínuaño cue uimo bitade. Bítanona daide: “Siloé jainoi ofillanomo o ui jócuai.” Jócuaidicue. Iemona cue jócuaiñamona ciódicue, —daide.

¹²Jira íemo jicánotiaioi:

—¿Ninomo afe iima ite? —daidíaioi.

Iaioina daide:

—Ico mei, —daide.

Fariséuai jíllotaga uina cfoíñedimie jicánodoiaioi

¹³Iemo fariséuaimo naui uina cfoíñedimie uitaioi. ¹⁴Jesús ídiaidino fínuaño, afe ocózinaiñaru. Aféruimo Jesús uina cfoíñedimie jíllotate. ¹⁵Fariséuai afe ífmana nie izói afémie ui cfoinafue meine abido jicánotiaioi. Iemo afémie íaioina daide:

—Cue ui ídiaidinona bitade. Jira jócuaidicue. Iemona ja ciódicue, —daide.

¹⁶Jira fariséuaimona dáarie íena daidíaioi:

—Afe fue finódimie, Juzíñamui ímieñede, ocózinaiñaruina íñoñena jira.

Mei íadi jíáimíai daide:

—Afémie fiénidifue finóraima íadi, ¿nie izói bie cfofinina finócafue fñoite? —daidíaioi.

Comini bózietaillamona ¹⁷meine naui uina cfoíñedimie jicánuaiaioi:

—¿O afémiena nie izói daidio, o ui cfoitatimieña? —daidíaioi.

Jira afémie daide:

—Afémiena uai llóraima daidicue, —daide.

¹⁸Mei íadi judíuai afe uina cfoíñedimie finócafueña ínoiacañediaioi. Ie ja cfoinafueña ínoiacañediaioi. Ie jira jíllotagamie móotiaina uáidotiaioi. ¹⁹Iemo jicánotiaioi:

—¿Afe nii be o jító uina cfoíñede jococamie ómicoi daina? ¿Nie izói mei birui ciode? —daidíaioi.

²⁰Ie móotiai uai ote:

—Onódicaiza bie cai jító; uina cfoíñede jococa. ²¹Mei íadi nie izói afémie como ciónana onóñedicaí. Daje izói bu ie ui jíllotana onóñedicaí. Afémiemo jícano. Jae eicómeza. Aféfuena onódeza. Afemona uai óite, —daidíaiñinoi.

²² Ie móotiai daií úritiaillinoi judíuai jácnaillamona. Judíuai jae nana comini onótataíoi. Daidíaioi:

—Nágamiiai Jesús ua Cristo dainámiena mámeitimie Juzíñamui uai llófueriracomona jino júiticaí, —daidíaioi. ²³ Iemona móotiai daidíaioi, “Afémiemo jícano. Jae eicómeza.”

²⁴ Ie mei judíuai meine nauí uina cfoíñedimiena uáiduano daidíaioi:

—Juzíñamui uíecomo uáfuenta caina daiíri. Onódicaiza, bímie fiénidifuiairedimie, —daidíaioi.

²⁵ Afémie uai ote:

—Afémie nibai figura, nibai fiénidifuiairedimie onóñedicueza. Daa cue onóigafue. Nano fueñe uina cfoíñedimiedicue, mei íadi biruí ciódicue, —daide.

²⁶ Nane dáanomo íemo jicánuaidiaíoi:

—¿Nie izóí ona ñete? ¿Nie izóí o finode o ui cfoillena? —daidíaioi.

²⁷ Jira uai ote:

—Jae omoi lloticue, íadi cuena íñoñediomoi. ¿Nibái mei dáanomo omoi llóiticue? ¿Omoi jíái daje izóí iedo jáiacadiomoi? —daide.

²⁸ Báíñuano íena daide:

—O bímedio jáidio, mei íadi Moisedo jáidicaí. ²⁹ Juzíñamui Moísemo úrillana onódicaí, mei íadi bie Jesús ninómoma bite onóñedicaí, —daidíaioi.

³⁰ Jira afe iima uai ote:

—¡Bí fue nii cácafinina raa! Ie billánona onóñediomoi, íadi cuena ñue cfoitate. ³¹ Fiénidifue fínofiredimacimo Juzíñamui cacáñede ñue onódicaiza. Iemo afémiemo íóbicaítadinomo cacáfírede, ie jítáinafue finódimaci díga. ³² Jaca nanómoma uina cfoíñede jocócamie jíllotatímie dáinana cacáñena. ³³ Bímie Juzíñamuimona bíñedeniadi, minícana ñénide, —daide.

³⁴ Jira daidíaioi:

—O fiénidifuiaimona jocócamiedio. ¿O caina llófueacadio? —daidíaioi. Ie jira íena jino jíñotiaíoi.

Joreño dibéfuiaina onóñedimaci

³⁵ Jesús uina cfoíñedimie jino íaioi jíñuana fidide. Ie baillano íena daide:

—¿Juzíñamui Jitomo íñotio?

³⁶ Jira afémie daide:

—Ocuíraima, cuemo llone bu afémiena íemo cue finolleza, —daide.

³⁷ Jira Jesús uai ote:

—Ja ciódioza. Nímiedicue, o díga úrilla, —daide.

³⁸ Iemona afémie Jesús anari ana dújuillanona daide:

—Ocuíraima, íñoticue, —daide.

³⁹ Ie méifomo Jesús daide:

—Bie éniemo biticue, jáicina jenoda facállena. Ua biticue uina cfoíñedimie eróillena. Dáanomo biticue eróidino uina cfoíñellena.

⁴⁰ Ie mei fariséuaimona, Jesús díga ítínomona, dáamierie afefue cacáillano íena jicánotiaíoi:

—¿Meita cai uina cfoíñedinodicaí? —daidíaioi.

⁴¹ Jira Jesús uai ote:

—Omoi uina cfoíñeniadi, omoi fiénidifuiái icoí íñeite. Mei íadi “Ciódicaí” daidíomoi jira omoi fiénidifuiái icoí íte, mei joreño dibéfuiaina onóñediomoiza, —daide.

Ovejai cirínoraco cai onótate

10 Uáfuenta ómoina dáiticue, ovejai cirínoraco nazedo jáíñedimie ua meríriraima. Enéfenemo táifodo tícaillano jofo jáidímie ua merífirédímie.

² Mei íadi nazedo jofo jáidímie ua úíño-raíma. Níímie ie ovéjaina ñue uíñote.

³ Naze tuiñóraíma naze tuiñode afémie jofo jáillena. Ie uaina ovejai onódiaíoi. Ie ovéjaíai íaioi mámeçido jírite. Daií cirínoracomona jino ófíregaiíoi.

⁴ Nana ie ovejai jino óinana méifodo,

íaioi uícodo ifóicaide. Ovéjaiai ie óodana jáioicaidiaioi mei ie uaina onódiaioiza.

⁵ Mei íadi onóñegamiemo jáioicañediaioi. Mei jíáifodo afémiemona niné botádiaioi, ónoñegamací uaina onóñena jira.

⁶ Bie daje izoide ráfuedo Jesús íaioimo llófuete. Mei íadi daí daífacana uána onóñediaioi.

Jesús ñue ovéjaiai úiñoraima

⁷ Iemona Jesús meine dáanomo daízaide:

—Uáfueña ómoína dáititue: Cue bie ovéjaiai jofo jaira nazédicue. ⁸ Nana cue uícodo bitimaci meríriraíni daje izói bairóriraini. Mei íadi ovéjaiai afémacina náfueñediaioi. ⁹ Cue nazénaza. Cuedo jofo jáidimie jíllobicaite. Afémie cirínoracomo jofo jaide, meine jino bite. Afe jofo jáitímie oveja izóidimiena iite. Ie güille raana báífiredede.

¹⁰ Meríriraíma fia merírizaíbite; fájaíbite, táinocaitajaíbite. Mei íadi cue bititue íaioi cáatallena, ua jamánomo íocire íaioi íllena bititue. ¹¹ Ñue ovéjaiai úiñoraimadicue. Afe ñue ovéjaiai úiñoraima ovéjaiaimo ie cáallinona itátaite.

¹² Mei íadi fia íbaca úiñoraima dama úcube llínollena táijide. Jico izoide bíllana afémie cióillano, ovéjaiai fíanona botade. Afémie botade uáfueña úiñoraimañena jira; daje izói ovéjaiai íeieñena jira. Iemona jico izoide ovéjaiaína llaitade. Iemona nana jíáie ovéjaiai júdaizitiaioi. ¹³ Bie íima botáfirede, daa fia íbállena táijideza. Ovéjaiaína nai lloñede. Íaioína duéruñede.

¹⁴⁻¹⁵ Cue bie ñue úiñoraimadicue. Cue Moo cuena onona izói daje izói cue Moonna onódicue. Afe izói cue ovéjaiaína onódicue, ie izói afémaci cuena onódiaioi. Cue cáallino ovéjaiaimo íititue.

¹⁶ Jíáie ovéjaiai cuemo ite. Bie cirínoraco íeñede. Cue uaina cacáíllanona jeire óítiaioi. Iemona daa cirínoraco íite, daje izói daa úiñoraima íite.

¹⁷ Cue Moo cuena izíruite, cue abí fécaillano meine cue llínua jira.

¹⁸ Buna cue abí báiroñeite, mei íadi dama cue comece izói fécaítitue. Cue áfena fecáredicue, ie mei meine áfena llínoredicue. Afe bie cue Moo cue ocuilla dieze, —daide.

¹⁹ Judíuai afe uaina cacáíllano bócoizitiaioi. ²⁰ Afémacimona aillo daidíaioi:

—¿Nibái mei uai jeire otómoi? Afémimo fíenide jóríai íllaza, íemo uáiritaide, —daidíaioi.

²¹ Mei íadi jíáimaci daidíaioi:

—Fíenidena jóríairedimie jaca afe izói úrinide, —daidíaioi. Fíenide joreño uina cíoiñedimie uina cíoitánide.

Judíuai Jesús llínoacañeno íena ruifíruitiaioi

²² Jae rozíruíllaruíllai. Afe llezica Jerusalemo iráizíllafue finódiaioi, gairíracó Juzíñamuimo oni íficaíllaruí uibíñoicaíllena. ²³ Jesús Salomón macáranodo gairíracomo macade. ²⁴ Judíuai Jesumo ífoína gairíllano daidíaioi:

—¿Nie dinó caina figo onótañeítio? O Crístodio raire uáfodo caimo llone, —daidíaioi.

²⁵ Jira Jesús uai ote:

—Jae llotitue íadi cuena íñoñedio-moi. Cue finócafuaí cue Moo ríinodo finódicue. Afedo ñue jino ácatagacue. ²⁶ Mei íadi cuena íñoñedio-moi, cue ovéjaiaíñedio-moiza. Afena nauí ómoína daidicue. ²⁷ Cue ovéjaiai cue uaina onode. Íaioína onódicue, jira cuedo bitíaioi. ²⁸ Zííñona cáallino íaioimo fecádicue. Jaca afémacimona dáamie niné báizaiñeite. Buna cúemona íaioimona daa báiroñeite. ²⁹ Afémaci cue Moo cuemo iga. Afémie jamánomoidimie. Nana baimo jáidimie. Buna cue Moo Juzíñamuimona afé-

macina bairónide. ³⁰ Cue, cue Moo diga dáamiedicoco, —daide.

³¹ Iemona judúuai meine íena noñciaína nitáacadiaioi. ³² Jira Jesús daide:

—Omoi eróicana diga ñúefuiaina cue Moo ríinodo finódicue. ¿Nifue ícoina noñciaido cue njiitiomoi? —daide.

³³ Jira judúuai uai otfáioi:

—Ñúefuiái o fínuamona ona níjiiñeiti-cai; mei íadi o uáillaido Juzíñamuina báñotio. Fia ímadio, mei íadi Juzíñamuina o abí mamécadio, —daidíaiói.

³⁴ Jira Jesús daide:

—Omoi ocuínafuiaimo Juzíñamui daina jae cuega. Be núuai: “Omoi juzíñamuillaidiomoi.” ³⁵ Cuegáuai dáinana jaca jáanonide, onódicaiza.

Juzíñamui, ie uailai llíñotimíiaina juzíñamuillaina mameide. ³⁶ Juzíñamui jae cuena oni ífícaitajano bie éniemo cuena orede. Ua ie orécamedicue. Jira ¿nie izói dáitio “Juzíñamuina báñotio” cue daííadi “Juzíñamui Jitódicue”? ³⁷ Cue Moo finoca izói cue finóñenia, mai cuena omoi íñoñeno.

³⁸ Mei íadi ie finócafue izói cue finóadi, mai aféfuaiaina iino, omoi nai cuena íñoñenia. Afemona cue Moo cuemo íllana, jabe ónoitiomoi. Daje izói cue, cue Moomo itícueza, ónoitiomoi, —daide.

³⁹ Meine maíano íena uíacadiaioi, mei íadi Jesús oni fñocaide.

⁴⁰ Ie mei Jesús Jordán ruicáfellemo meine jaide. Dinomo fiébide. Ua nauí Juan báutizanomo ite. ⁴¹ Aillo comini íena eróizaidiaioi. Daidíaiói:

—Uáfuena, Juan cófinina onótalle raa finóñede, mei íadi nana Juan bímieri daínafuiái uáfuai, —daidíaiói.

⁴² Dinomo aillo comini Jesuna íñotiaioi.

Lázaro tíide meine cáadimiena jaide

11 Daa iima Lázaro iere irárena. Betania ímie. María ie ebuño Marta diga daje jófuemo itíaiói. ² Afe María iráredimie Lázaro miringo. Afe María nauí Jesús ídaimo ziórede cáirediji totade. Tótanona ie ífótiido zafénaitade. ³ Ja biruí afe miringo íanguai uai Jeshumo orede, Lázaro iere tíacana jira: llote:

—Ocuíraima, o nabai Lázaro irárede, —daide.

⁴ Jesús cacáillano daide:

—Afe duico títañeite, mei íadi jamánomo ñue Juzíñamui ebírenafue ácataite. Ie llezica afe duico Juzíñamui Jitó ebírenafue ácataite.

⁵ Marta ie ebuño ie íio Lázaro diga Jesús íaioina iere izíruite; ⁶ mei íadi Lázaro irárenafuena fidíillanona, Jesús raire jáíñede; nai ménarui ie illánomo ite. ⁷ Ie mei ie llófuegamacina daide:

—Meine Judéamo cai jai, —daide.

⁸ Jira llófuegamaci daidíaiói:

—Llófueraima, nano cómoicana Judúuai dino noñciaido o fáiacadiaioi. ¿Nane meine afe diné jáiacadio? —daidíaiói.

⁹ Jira Jesús ie tíllirui nai áinoziñenana onóillano, íaioina onótatiuaido daide:

—¿Uáfueñede, naga mona doce horas ite? Come monari macáadi éicitaiñede. Bie éniemo ite egáñuana ciode. ¹⁰ Iadi come naio macáadi éicitaide; afémiemo egáñotinona íñédeza.

¹¹ Ie mei Jesús nai úrite; íaioina daide:

—Cai nabai Lázaro inídeza, mei íadi cazítaiticue, —daide.

¹² Jira llófuegamaci daidíaiói:

—Ocuíraima, afémie iníadi ja jíllorcaite, —daidíaiói.

¹³ Mei íadi Jesús jíáifodo daíacade, Lázaro tíide. Llófuemacaci comeci facade Jesús dáinana fia ínia llote. ¹⁴ Jira Jesús jino uáfodo íaioina daide:

—Lázaro ja tíide. ¹⁵Ióbidicue afémie tíillanomo inédicueza. Daí ómoimona ñuera, omoi ñnollena. Mei íadi cai éroizaili, —daide.

¹⁶Iemo Tomás, Guarámie maméidimie, jáie llófuegamacina daide:

—Mai cai jai, afémie diga dáanomo cai tíilleza, —daide.

¹⁷Jesús dúciillano como fidide Lázaro ja cuatro dígarui énie anamo ite. ¹⁸Betania iere Jerusalén áinori ite, mena kilómetro átuado izói. ¹⁹Aillo judúuai jáidimaci Marta María diga uáiduaidiaioi, íanguai ñío tíillari. Íanguaimo ñíraibitiaioi. ²⁰Marta Jesús dúciana fidíillano afémiena jino cióizaide. Mei íadi María jofomo ñéibide. ²¹Marta Jesúna daide:

—Ocuíraima, o ñibai benó itíoniadi cue ñío tíñede. ²²Mei íadi onódicue naga raa Juzíñamuimona o jicáadi afémie omo ite, —daide.

²³Jira Jesús daide:

—O ñío meine cáate.

²⁴Iemo Marta daide:

—Jii, cue onódicueza tíidino cáadinona illíruimo, énie írairuimo afémie meine cáate, —daide.

²⁵Jira Jesús daide:

—Cue tíidino meine abido náidataraimadicue; cáadinona abido itáataraimadicue. Cuená ñínotimie ie tíiadi meine cáate. ²⁶Nana nai cáadino cuená ñínoiadi jaca ninomo tíñeitiaioi. ¿O afefue ñínotio? —daide.

²⁷Jira afengo daide:

—Jii, Ocuíraima, o Crístodio ñínoticue. Juzíñamui Jitó ana éniemo bitímiedioza. Afena ñínoticue, —daide.

²⁸Daí dáina méifodo, Marta ie ebuño María uáiduaide. Báinino aféngona daide:

—Llófueraima benó ite. O jíiritade, —daide.

²⁹Afena cacáillano María raire náida-caillano Jesumo eróizaide. ³⁰Nai Jesús afe jófuemo jofo jáíñede. Marta ie baizájillanomo nai ite. ³¹Jofo ite judúuai afengo ñíraidiaioi. Afengo náidacaillano, raire jino jáillana judúuai cíoilano, aféngodo jáidiaioi. Afémaci comeci facádiaioi, afengo raiafo dinomo éeiaide. ³²Ie mei María Jesús illánomo dúcide. Dúciano afémie eiba abimo caiñicido dújuillano daide:

—Ocuíraima, o ñibai benó itíonia cue ñío tíñede, —daide.

³³Jesús María éeiaana, naa aféngodo bitino judúuairi éeiaana ciode. Cíuano afémie iere zúreficaide. Ie comeci do-caide. ³⁴Jira jicánote:

—¿Ninomo omoi raiga?

Jira daidiaioi:

—Ocuíraima, eróizaibi, —daidiaioi.

³⁵Jesús eede. ³⁶Jira mei judúuai daidiaioi:

—¡Ero, ñii afémiena izíruilla! —daidiaioi.

³⁷Iadi afémacimona dámie daide:

—Bímie uina cíoiñedimiena meine cíoitaraima. ¿Nai afémiemo inede ríino Lázaro títañeillena? —daide.

Lázaro tíillamona meine abido cáadimiena jaide

³⁸Jesús comeci meine iere docaide. Raiáfomo ánozide. Raiafo idu ana ifo. Ie jofo jáirano daa nofcina ibaica. ³⁹Jira Jesús daide:

—Nofici oni ono, —daide.

Tíidimie miringo, Marta daide:

—Ocuíraima, jae íaire jallede. Ráa-mona cuatro dígarui íteza, —daide.

⁴⁰Jira Jesús daide:

—¿Nai ona daiñedicue, o ñínoiadi Juzíñamui ebírenafuena cíotio? —daide.

⁴¹Iemona nofici oni otáioi. Ie mei Jesús monamo érocaillano daide:

—Moo Juziñamui, iere figura cuemo cacáreifredio. ⁴² Onódicueza cuemo jaca cacáreidio. Mei íadi daí daidicue benó ite comini ñueillena, daje izói bimaci o cue óriana ñnollena, —daide.

⁴³ Daí daina méifodo jírite:

—¡Lázaro, dinómona jino bi! —daide.

⁴⁴ Tíidimie jino bite; ua onoi idai diga ferñoraroido maiáno jino bite. Uíeco ínroina ibaica diga bite. Jira Jesús íaioina daide:

—Zuita, zuítanona ie ore, —daide.

Jesús llaitállena jaícina maméritiaioi

(Mt 26.1-5; Mr 14.1-2; Lc 22.1-2)

⁴⁵ Afedo aillo judúuaimona Jesuna ñnotiaioi. Afémaci, María ícoina bitino, Jesús finócafuena ciódimaci. ⁴⁶ Mei íadi afémacimona dáamierie fariséuaimo úrizaide. Ua Jesús finócafuiaí íaioimo lluájide. ⁴⁷ Iemona fariséuai, lletáriraini illaini diga gairídiaioi naa caifóidíllainiri. Daidíaioi:

—¿Nie izói ñéiticaí? Bie iima aillo cíofinina onótalle raana finode. ⁴⁸ Fia daí íena cai fáicanocaiadi nana íena ñnoitiaioi. Iemona romano ríimaci cai gairíraco táinocaitaitaioi naa cai náirairi, —daidíaioi.

⁴⁹ Dáamie íaioimona Caifás mámeciredimie. Afémie afe fimónamo lletáriraini illaima. Afémie íaioina daide:

—Omoi minícana onóñediomoi.

⁵⁰ Daa iima comíniri tíia baimo jamánomo ñuera, nana nairai tíñeillena. Afefue nai figo fidíñediomoi, —daide.

⁵¹ Mei íadi Caifás afefue dama ie comécido lloñede; mei jíáifodo afe fimónamo afémie lletáriraini illáimana íllamona, Juziñamui Joreño daináfuedo afemie daide: “Jesús judío náirairi tízaite.” ⁵² Ua dani afe náirairi tíñeite, mei íadi nana júdaizite Juziñamui jitóniaí dáanommo meine gairíllena

tízaitaie. ⁵³ Daí aféruimona judúuai ríimaci Jesús fállena maméritiaioi.

⁵⁴ Jira Jesús ja judúuai cígido uáfodo macáñede. Judea éniemona oni jaillano, táizici áinori ite jófuemo jáizaide. Afe jofue mámece Efraín. Dinomo ie llófuegamaci diga fiévide.

⁵⁵ Judúuai pascua rafue ánozidemo aillo jofue comini Jerusalemo jáidiaioi, pascua uícomo comecei duáfuaí finóllena. ⁵⁶ Jaillano Jesús jénuaidiaioi. Gairíracomo íaioi illano conímamo jicánoidiaioi:

—¿O nie izói daidio? ¿Afémie ráfuemo biite? ¿Ñibai bíñeite? —daidíaioi.

⁵⁷ Fariséuai lletáriraini illaini diga jae ocuúdiaioi: “Daa come Jesús illánona onóiaí lloíri,” ie cai llaitálleza, —daidíaioi.

Ringo Jesús jillaide

(Mt 26.6-13; Mr 14.3-9)

12 Pascua uícomo seis dígarui ítemo, Jesús Betániamo jaide, Lázaro illánomo. Lázaro ua tíidimacimona Jesús abido cáatagamie.

² Dinomo nauife güillafue finódiaioi Jesumo ñuefuiaina nitállena. Marta güille raizífiredo. Güirábanimo ráicana Jesús diga güitino, Lázaro afémacimona dáamie. ³ Iemo María litro átuedo zóji cáiredena fáñegaji atide. Afeji jamánomo ráifide. (Afeji mámece nardo.) Atiano Jesús eiba emodo jillaide. Daí ñiano ífótiido zafénaitade. Nana afeco ero zúena orúficaide. ⁴ Dinomo Judas Iscariote ráiide. (Judas Simón jitó Jesús llófuegamacimona. Afémie Jesús éoidimacimo fécaítimie.) Afémie daide:

⁵ —¿Ñibái mei trescientos dígabe fidi bie cáirediji fécañega, duéredino cai canoi daí? —daide.

⁶ Mei íadi duéredimaci izíruillamona daí daiñede. Mei íadi afémie meríraima. Nane íaioi úcubellu uícaífiredo.

Aféllumo jónega raana merífírede. ⁷ Ie jira Jesús íena daide:

—Aféngona fáicanocai. Raiáfomo cue raillíruimo aféjina afengo éenote. ⁸ Duéredímaci jaca omoi diga ífírede, mei íadi cue jaca omoi diga are íneiticue, —daide.

Lázaro fállena maméritiaioi

⁹ Aillo judíuái Jesús Betániamo íllana fidídiaioi. Jira dinomo jáidiaioi dama Jesumo éroiñellena, mei íadi daje izói Lázaron a cóillena, tídímacimona Jesús abido cáatagamiéna jira. ¹⁰ Iemona lletáriraini illaini Lázaro fállena mamédiaioi. ¹¹ Ua Lázaro ícainiadi aillo judíuái illáicominiéna jírecaillano Jesuna ínotiaioi.

Jesús Jerusalemo ebire jofo jáillafue

(Mt 21.1-11; Mr 11.1-11; Lc 19.28-40)

¹² Pascua ráfue mo aillo comini Jerusalemo jáidiaioi. Ie méidíruido Jesús jófue mo dúcizaillana fidídiaioi. ¹³ Amena rafóruai jaitada jino Jesús uáiduaidiaioi. Caillícana daidídiaioi:

—¡Juzíñamuina ebífuena daíri! ¡Juzíñamui mámecido bitímie caimare comuiri! ¡Israel Illaíma caimare comuiri! —daidídiaioi.

¹⁴ Iemo Jesús burro baillano afe emódomo ráinade, jaiái Cuegáuái daína izói; be nñuái:

¹⁵ “Sión comini omoi jacíruiñeno.

Erocái, o Illaíma búrrodo ráicabite.”

¹⁶ Nanómona íe llófuegamaci aféfuaiéna cacáñediaioi. Ie méímodo ebírenafue Moo íemo nitaca mei, íe tíllanomoná meíne abido cáatallíruimo, nana afémieri Cuegáuaimo uíbicaidídiaioi. Daje izói íemo daíí finócafue mo uíbicaidídiaioi.

¹⁷ Lázaro jino raiáfomoná uáiduaruido aillo comini Jesúoíri íte. Ua Lázaro tídímacimona abido cáanana ciódino afe íaioi ciónafuena llujídiaioi. ¹⁸ Ie jira

comini Jesuna caimare baizájidiaioi, afe cófinina íe finócafue íaioi fidína jira. ¹⁹ Jira fariséuái dani daidídiaioi:

—Ja ciódiomoi, jaca nie izói nēnide. Erocái, nana comini íedo jáidiaioi, —daidídiaioi.

Dáarie griego imaci Jesús jenódiaioi

²⁰ Rafue illa dino acádoillena Jerusalemo bitímaci cígimo dáarie griego ímiái íte. ²¹ Afémaci Felípemo ánozidiaioi. (Felipe Galilea ímie; Betsaida jofue ímie.) Ainozillano íemo izire jicánotiaioi:

—O onógamie Jesuna cióiacadicaí, —daide.

²² Jira Felipe Andrena daízaide. Iemo afe íaillinoi Jesumo llujíde. ²³ Ie jira Jesús íe abina úrillano daide:

—Nanoide íima Jitomo ebírenafuena nitállíruimo ja dúcide. ²⁴ Uáfue na ómoina dáitícticue, daa güiga raa ido éniemo ríñenia, tíñenia, jaca nai dáajina jóoide; mei íadi afejí ríllamoná tídena eroide zícua mona aillo aite. ²⁵ Daje izói dáamie íe cáaillinona dama íeíena rairuíadi, áfena féítaite, mei íadi dáamie íe cáaillinona bie éniemo jámairuíadi, áfena zíñona cáaillinomo éenoite. ²⁶ Dáamie cuemo jaináiacadimie cuedo jáirede. Cue illínomo dáanomo cuena jaináidimie íite. Dáamie cuemo jaináia, cue Moo afémiemo nñufuena nñítaite, —daide.

Jesús íe tíllífuena jino llote

²⁷ Jesús nai úrillano daide: Biruí cue comecí íere llícitaide. ¿Nie izói cue daíri? ¿Níbaí bie izói dáitícticue: “Moo biruí cuemo zuídífuemoná cue jíllota”? Mei íadi cue afe jira bitícticue. ²⁸ Moo, o mámecimo ebírenafuena jóoneri, —daide.

Iemona monámona daa uai cácaicaide. Daide:

—Afena jae ebire ífcaitadicue. Iemo meine dánomo ebire ífcaitaiticue, — daide.

²⁹ Afénomo ite comini áfena cacáil-lano daidíaioi:

—Mona gírria, —daidíaioi.

Iemo jíaimaci:

—Juzíñamui abi ímie íemo úrite, — daidíaioi.

³⁰ Mei jira Jesús daide:

—Afe uai cuemo cácacaiñede. Omoimo cácacai. ³¹ Ja biruimo bie énie comini jenoda facátalliaioi. Jabe bie énie ocuídímie jino dotácana iite.

³² Enie acónimo titállena cue íaioi raiñolle llezica, nana dama cuemo cue atille, —daide.

³³ Afe dáinamona, ie tílla izói onótate.

³⁴ Jira comini uai otíaioi:

—Cai ocuilla uai ciegánicodo caimo llófuega: “Cristo zíñona iite.” ¿Nie izói daidio: Nanoide íima Jitó titállena caifo raiñóbicaite? ¿Bu mei bie Nanoide íima Jitona? —daidíaioi.

³⁵ Jira Jesús daide:

—Nai omoi cígiri egáínotimiena izói nano íanori iticue. Bie cue egáínuana ómoimo illa dino, mai cue llua izói omoi macari, jítiredino raire omoi éidafiñeil-lena. Jítinodo macádimie ie jáillana onóñede. ³⁶ Uzelfomo íino, nai ómoimo illa dino, egáínogamacina daíí omoi jáill-lena, —daide.

Afefue daina méifodo, Jesús afémaci-mona retáirizaide.

Judíuai Jesuna íñoñediaioi

³⁷ Jesús íaioimo eróicana díga cófini-nafuiaina finode. Mei íadi íena íñoñediaioi. ³⁸ Ua íñoñediaioi, jai ai uai llóraíma Isaías Cuegáuai fuitállena. Isaías daide: Ocuíraíma, ¿bu cai úrillafue ínuua? ¿Bumo Ocuíraíma ie ríinona ácatate? daide.

³⁹ Daíítana jira ínonidiaioi. Ie emó-domo jíáifodo Isaías cuete:

⁴⁰ Juzíñamui uina cóioñedimacina íaioina finode.

Íaioi ífoci jáíaitate.

Daíí finode uído cóñoillena, daje izói ífócido óñoñellena.

Jira cuemo bínidimaci, íaioi cue jíllotallena.

⁴¹ Isaías aféfuiai llote, mei afémie Jesús ebírenafuena ciódeza. Jira afémiedo úrite.

⁴² Mei íadi aillo judíuaimona Jesuna ínotiaioi, illáicomínimona jíai dáarie. Mei íadi uáfodo lloñediaioi, fariséuaina jacíruillano gairíracomona jino íaioi óreñellena. ⁴³ Comini nñéfueña íaioimo nítajana jamánomo gáidiaioi. Mei íadi Juzíñamui nñéfueña íaioimo nítajana jámairuitaioi.

Jesús uailai comínimo riire jicánoite

⁴⁴ Jesús aillo uaido daide:

—Cuena ínotímie, dama cuena íñoñede, mei íadi daje izói cue orédimiena ínote. Ua cue Moona ínote. ⁴⁵ Cuena ciódimie daje izói cue orédimiena ciode. ⁴⁶ Cue egáínotimiedicue. Ana bie éniemo biticue, cuena ínotino jítiredífomo íébiñellena.

⁴⁷ Dáamierie cue uaina cacáadi íadi jeire ie óñeniadi, ie jicánoraimana íneiticue. Cue bie énie comínina duere fínuaiñedicue, mei íadi afémacina jíllotaíbiticue. ⁴⁸ Cuena jámairuitímie, cue uaina jeire onédimie ja ie duere fínotímie ite. Cue daina uailai íirairuillaido duere íena fínotáite. ⁴⁹ Dama cue comece izói úriñedicue. Moo Juzíñamui, cue orédimie cue dáinana llófuellena jae ocuide. ⁵⁰ Moo cuemo ocuícufue zíñona itátate. Afena onódicue. Jira mei, cue daina, jaca cue Moo cue ocuilla izói.

Jesús ie llófuegamaci idai jocode

13 Jae pascua rafue uícodirui. Jesús bie éniena ie fiénocaillana, ie Moo dine jáillirui áinozillana fidide. Ieiena éniemo itfnona izíruite. Ua jaca fáicanocaiñeno íaioina izíruite.

²⁻⁴ Tai fe jae Judas Iscariote comécimo Jesús fecállena llofe. Judas Simón jitó. Afe llezica Jesús Juzíñamuimona bitímienna fidide. Daje izói Juzíñamuimo meine jáillana fidide. Juzíñamui nana rínona íemo fécajana Jesús onode. Ie mei güillano, güirábanimona náidacaillano jinóidicuiro duínode. Dúínuano daa abi doraroi ciráigimo maitade. ⁵Ie mei jainoi icáifemo tótajano, ie llófuegamaci idai jócuai de. Daí ñiano, afe cirai gi maitaca abi dorároido íaioi idai zafénaitade.

⁶ Simón Pedro idai ie jócuai lla llezica afémie Jesuna daide:

—Ocuíraima, ¿cúe ídaina jócoitio?

⁷ Jira Jesús uai ote:

—Birui cúe finócafuena onóñedio, mei íadi fui ónoitio, —daide.

⁸ Mei ie jira Pedro daide:

—Jaca ninomo cúe ídaina jócoñeítio, —daide.

Jira Jesús íena daide:

—Ona cúe jocóñeniadi, cúemo jái-naiñeítio, —daide.

⁹ Jira Simón Pedro íena daide:

—Mai mei, Ocuíraima, daa cúe idai jocóñeno, mei cúe onoi, cúe ifo diga jocori, —daide.

¹⁰ Jira Jesús daide:

—Como nóidimie daa ie idai jócuana dúide, abi nana dóina jira. Ja dogáomoi, mei íadi nánañede, —daide.

¹¹ Iena fécaítimiena onona jira, Jesús jae daide “Nana dóñegaomoi.”

¹² Íaioi idai jócu méifodo, Jesús ie jinóidicuiro meine jítade. Güirábani abimo ráinaillanona daide:

—¿Omoímo cúe finócafuena onódiomoi? ¹³ Omoi jae Llófueraimana, Ocuíraimana cúe mamédiomoi. Daí ñue daidíomoi, ñímiedicueza. ¹⁴ Jae omoi Llófueraimadicue; jae omoi Ocuíraimadicue mei íadi omoi idai jocódicue. Afe izói dani conima idai omoi jocolle jitáirede. ¹⁵ Jae ómoína finócafuena onótaticue, cúe fnua izói omoi finóllena. ¹⁶ Uáfueña dáitícue: Táijitatimie baimo jaide jaiénicina íñede. Daje izói orédimie baimo jaide orécamienna íñede. ¹⁷ Aféfuiai omoi onóadi, íemona afe izói ñiano, íóbificaitiomoi.

¹⁸ Omoiri nana úriñedicue. Cúe nizécamacina onódicue. Mei íadi Cúegáuai daina ñue fuitállena jitáirede. Cúegáuai daide: “Cúe diga güitímie jae cúe ícidote.” ¹⁹ Afefue uícomo ómoímo llotícue afe íficailíruimo Crístodícue cúemo omoi íinollena. ²⁰ Uáfueña ómoína dáitícue, cúe orécamienna llínotimie afe izói cuena llínote. Cuena llínotimie afe izói cúe orédimiena llínote, —daide.

Jesús Judas ie fecállifue jino llofe

(Mt 26.20-25; Mr 14.17-21; Lc 22.21-23)

²¹ Daí daina méifodo, Jesús jamánomo comeci zúucaide. Uáfodo jino llofe:

—Uáfueña ómoína dáitícue, ómoimona dáamie cúe fécaite, —daide.

²² Ie jira llófuegamaci jáímamo eróricaidiaioi, onóñegaza budo úrite. ²³ Llófuegamacimona dáamie Jesús iere izíruigamie. Afe güilláruído Jesús abimo ráiide. ²⁴ Simón Pedro íemo onócaido llofe:

—Mai Jesumo jícano, ¿budo úrite? —daide.

²⁵ Jira jofo áinozillano Jesumo jícanote:

—Ocuíraima, ¿bu llotio? —daide.

²⁶ Jira Jesús uai ote:

—Daa pánllicina cue riáitano afémiemo íitícue. Afe níimie, —daide.

Iemona pánllicina riáitano Judas Iscariote, Simón jitomo fecade. ²⁷ Afe pan Judas llínuamona, Taife ie comécimo jofo jaide. Mei jira Jesús daide:

—O finóllifuenta raire fino, —daide.

²⁸ Júdasna daíí daináfuenta giirábanimo güitínomona buna aféfuenta onónena. ²⁹ Ucubellu Judas úcaiga jira dáamierie comeci facádiaioi: Jesús daíacade ráfue mo jitailla raana fbajitade. Jiáimaci comeci facádiaioi, nibai duéredino úcube afémie íllena. ³⁰ Afe pan güilla méifomo Judas jino jaide. Ja naiona.

Comue ocuúllafue

³¹ Judas jino jailla méifomo, Jesús daide:

—Jabe Nanoide Hima Jitó ebírenafue ácatalle. Afe dainámiedicue. Iemo jiái jabe Juzíñamui ebírenafue iedo ácatalle. ³² Nanoide Hima Jitó Juzíñamui ebírenafue ácataiadi, ibana ie Jitó ebírenafue Juzíñamui ácataite. Afena raire fínoite.

³³ Cue izíruigamaci, omoi diga ja are íñeítícue. Cuená jénoitiomoi. Mei íadi nauí judíuaina cue daina izói biruí ómoína dáitícue: cue jáillinomo jáinidiomoi. ³⁴ Bie comue ocuúcafue ómoimo llotícue: conímana omoi izírui. Cue omoi izíruilla izói afe izói conímana omoi izíruillana jitáirede. ³⁵ Nana conímana omoi izírui, nana comini cue llófuegamacidiomoi fídiítiaioi, —daide.

Pedro Jesuna jáanollifue Jesús uícomo lloste

(Mt 26.31-35; Mr 14.27-31; Lc 22.31-34)

³⁶ Ie mei Simón Pedro Jesuna jicánote:

—Ocuúraima, ¿niné jáidí? —daide.

Jira Jesús uai ote:

—Cue jáillinomo biruí bínidí; mei íadi méifoidíruido cuedo bíitío, —daide.

³⁷ Mei ie jira Pedro daide:

—Ocuúraima, ¿nibái mei biruí odo bínidí? Ja finóbídí? O diga cue tálílena, —daide.

³⁸ Jira Jesús uai ote:

—¿Uáfuenta meita finóbídí? O diga o tálílena? Uáfuenta ona dáitícue: nai átava úriñeniadi, dacaiñoámani cuena jáanoitío, —daide.

Jesús, Moo Juzíñamuimo jaira io

14 Omoi comeci zúucaíñeno. Juzíñamuimo iino; daje izói cuemo iino. ² Cue Moo jofomo aillo illánuiái ite. Bífue táinofue íadi, raire ómoimo llóitícue; íadi jaca uafue. Mei jira omoi illino fínuaidicue. ³ Omoi illino cue fínuaila mei, abido ómoína uáibitícue, cue illínomo dáanomo omoi íllena. ⁴ Cue jáillinona onódiomoi afe io diga, —daide.

⁵ Jira Tomás daide:

—Ocuúraima, o jáillinona onóñedí? ¿Nie izói afe iona ónoítí? —daide.

⁶ Jira Jesús uai ote:

—Cue iódí. Cue uáfuedicue. Daje izói cue cáatatinodí. Ie jira daa cuedo Moo illánomo dúcirediomoi. ⁷ Cuená omoi onóíadi, daje izói cue Moona ónoitiomoi. Ja biruímo íena onódiomoi. Ja íena ciódiomoiza, —daide.

⁸ Jira Felipe daide:

—Ocuúraima, Moo Juzíñamui caimo cíota. Afedo figo baite, —daide.

⁹ Jira Jesús uai ote:

—Felipe, ja are omoi diga itícue, ¿nai cuena onóñedio? Cuená ciódimie daje izói cue Moona ja ciode. ¿Níbái mei Moona cíotalle cuemo jicádí? ¹⁰ ¿Moomo cue íllana nai fínoñedio? ¿Daje izói cue Moo cuemo íllana fínoñedio? Nana cue daináfuiái dama cue comeci izói daíñedí. Cuemo ite Moo dama ie táijina finode. ¹¹ Cue Moomo cue íllana iino; afe izói Moo cuemo íllana iino. Ménaillínoí dáanomo

itícocoza. Daí omoi ñnoiacañenia cue finócafueña iino. ¹²Uáfueña dáititue: cuena ñnotimie cue finócafue izói ñnoite. Nane afe baimo aillo jiáifue ñnoite, cue Moo illánomo cue jailla jira. ¹³Nana omoi cue mámedido jicaca raa ñnoititue, Moo ebirenafue ie Jitó ácatallena. ¹⁴Naga cue mámedido jicalle raana ñnoititue, —daide.

Jesús Ñuera Joreño oréllena uafue lloste

¹⁵Cuena omoi izíruia, mai cue ocuúcafuiái cacáfireiri. ¹⁶Iemo omoi canóraima, omoi ñraraima jicaititue. Moo ómoimo íena oréllena íemo izire jicaititue. Bítimie uafue Joreño. Afe Ñuera Joreñoña jicaititue omoi diga ninomo íllena. ¹⁷Enie imaci íena llínonidiaioi, afémiena ciónidimaci jira; daje izói afémiemona ónoñedimaci jira. Mei íadi íena ja onódiomoi, omoi diga illa jira. Ua uire jaca ómoiri dájena íite. ¹⁸Omoína zóofeñeititue. Abido bítitue omoi diga íllena. ¹⁹Nano nígarui íanori íllamona comini ja cuena cíoñeítiaioi, mei íadi cuena cíoítimoi. Afe jira omoi cáaitimoi, cue caana jira. ²⁰Aféruído cue Moomo cue íllana ónoítimoi. Daje izói cuemo omoi íllana ónoítimoi; daje izói ómoimo cue íllana ónoítimoi. ²¹Cue uaina onódimie, íemo jiái afe uaina jeire otímie uáfueña cuena izíruillana cíotote. Jira cuena izíruitimie cue Moo daje izói izíruite. Cue daje izói íena izíruititue; ie mei afémiemo cuena cíotaititue, —daide.

²²Iemo Judas (íadi Iscarióteñedimie) íena daide:

—Ocuíraima, ¿nibái énie comínimo ácatañeno, dani caimo o abina ácatatitio? —daide.

²³Jira Jesús uai ote:

—Cuena izíruitimie cue daínafue jeire ote, ie jira cue Moo íena izíruite. Afe llezica cue Moo cue diga

bítitico afémie diga íllena. ²⁴Cuena izíruíñedimie cue daínafue jeire oñede. Omoi cacana úrillafue dama cúeieñede. Afefue Moo Juzínamui, cue orédimie ífue. ²⁵Omoiri cue illa dino aféfuaiaina ómoimo llotitue. ²⁶Mei íadi Moo cue mámedido Ñuera Joreño óreite, ómoína canóllena, ómoína ñrallena. Nágaíuaina omoi llófueite. Nana ómoína cue daínana úbicaítaite.

²⁷Comeci caimare uái illifue ómoimo fíeditue cue jailla jira. Cue comeci caimare uái illifue ómoimo ititue, mei íadi énie comini comece illifue izóíñede. Omoi comece zúucañeno. Jacíruíñeno. ²⁸Jáititue, cue daínana cacádiomoiza. Daje izói meine bítitue ómoiri cue íllena. Uáfueña omoi cuena izíruia, cue Moomo cue jáillifue omoi fidínamona cáimacaitimoi, mei afémie cue baimo illa jira. ²⁹Jira áfena uícodo ómoimo llotitue, afefue ñnuaruimo omoi ñnollena.

³⁰Omoiri ja aillo úriñeititue, bie éniemo ocuídímie ja billa jira. ³¹Mei íadi afémie cuena ocuínide. Daí frede, énie comini Moona cue izíruillana íaioi onóíllena. Daje izói Moo cue ocuilla raana cue ñnuana ónoítiaioi. Mai náidacai. Benómona cai jáilleza, —daide.

‘Vid’ daína jíriconá izoide rao ícairuái rafue

15 Afe mei nane Jesús úrite; daide: —Uafue ‘vid’ daína jírícue llizítate rao izóiditue. Cue Moo afe rao úiñotimie. ²Llizíacañede rao ícairo jaitade. Nana llizíacade ícairo ie icoi jáicoide, áfemona jamánomo llizíllena. ³Omoi cue llófuiafuedo jae ñue dóficaidimoi. ⁴Mai cuemo daánomo omoi jainairi ómoimo cue jainaina izói. Daa ícairo fia daingo llizínide. Daje izói cuemo daánomo omoi jaináñenia, ñuefuíai omoi comécimona comútanidimoi. ⁵‘Vid’ daína jírícue

llizítate rao izóidicue; afe rao zitaca ícairuai izóidiomoi. Cuemo dánomo jaináidimie, íemo dánomo cue jainaila llezica, ua jamánomo aite. Mei íadi cue inédicuena minícana finónidiomoi. ⁶Cuemo jaináinedimie jino faille. Fáiamona zafénaite, rao rábiai izói. Afémacina iráida iraimo jobaica.

⁷Cuemo ñue omoi jaináidi, daje izói cue llogáfueña omoi féitañenia, o jitaiga raana jicari. Iemona áfena ómoimo fíticueza. ⁸Aillo llizilla izoide ñúefue omoi finóadi, cue Moomo ñúefueña nítaitio. Afedo cue uáfueña llófuegamacina omoi íllana ácataitiomoi. ⁹Cue Moo cuena izíruilla izói, afe izói ómoina izíruiticue. Omoina cue izíruiticueza; áfedo dinomo omoi jairi. ¹⁰Cue ocuícafuiaina jeire omoi óiadi, daí cuedo izíruilliomoi. Daje izói cue Moo ocuícafuiaina jeire oticue. Iemona afémiedo izíruigacue.

¹¹Cue daí úriticue cue dibénedo caimare omoi íllena. Daí íóbillafueña oruíbicaítiomoi. ¹²Bie cue ocuícafue: Omoina cue izíruilla izói naga come ie conímána izírui. ¹³Dáamie jamánomo izíruillafuedo ie abi ie nabáñiaimo fecárede. Afe baimo iere izíruillafue ñede. ¹⁴Cue ocuícafue omoi finóadi cue nabáñiaidiomoi. ¹⁵Ja jaiénicina ómoina mámeñeiticue, jaiénici ie ocuídímie fñuafueña ónoñena jira. Cue nabáñiaína ómoina mamédicue, nana cue Moo cuena daináfuiái omoi cue onota jira. ¹⁶Omoi cuena nizéñediomoi, mei íadi cue nizécamacidiomoi. Iemona ómoina ocuídícue, aillo llízie izoide ñúefuiaina omoi finóllena. Afe llízie are íllana ocuídícue. Ie jira daí nana cue mámedido omoi jicaca raana cue Moo ómoimo fécaite. ¹⁷Jira bifue ómoina cue ocuállafue: Naga come ie conímána izírui, —daide.

Enie comini Jesuna éoi de ie comini diga

Jesús nai úrillano daide:

¹⁸—Enie comini ómoína éoiadi, nano fueñe cuena íaiói éoillamo omoi uíbicaíri. ¹⁹Enie comínina omoi íadi, afémaci íaiói comínina izíruilla izói ómoína izíruitiaíoi. Mei íadi énie imácimona ómoína nizédicue. Ie jira énie imaci ómoína éoidiaíoi, éniemo íaiói jainaina jira. ²⁰Omoína cue daináfueño uíbicaíri: “Nie jaiénici ocuídímie baimo ñede.” Cue duere finóllena íaiói racáoíadi, daje izói ómoína rácaítiaíoi. Cue llófueñafueña jeire íaiói óiadi, ómoíena jeire óítiaíoi. ²¹Nana aféfuíai cue ícoínina ómoímo fñoítiaíoi, cue orédímiena onóñena jira.

²²Iaíoimo úrizabiñedicuena íaiói ícoínina ñede. Mei íadi birui íaiói fiénidífue ícoínina jae ite. ²³Cuena éoidímie daje izói cue Moona éoi de. ²⁴Jaca bu jíámie íaiói cígiri cue fñua izói finóñede; mei íadi afe jíámie finófinide raana ja íaiói cígiri finódicue. Ie jira íaiói ícoínina íteza. Mei uáfueña aféfuíaina ja cíódiaíoi. Mei íadi afe emódomo cuena éoidiaíoi. Afe izói cue Moona éoidiaíoi. ²⁵Afue daí jaide, íaiói cuega ocuícafuiái uai fuitállena. Afe Cuegáuái daide: “Nífueninanomona cuena éoidiaíoi.”

²⁶Mei íadi Móomona cue oréllímie, afe Ñuera Joreño bíadi, cueri úrite. Afe llezica ómoína cánuano nárecaítaite. ²⁷Omoi daje izói cueri úritiomoi, nanómoma cue diga omoi illa jira.

16 Aféfuíai ómoímo lloticue, fiénidífueño omoi báñíñellena. ²Juzíñamui uai llófueriracomona ómoína jino dótaitiaíoi. Ua uire jamánomo fiéni illíruimo dúciite. Aféruillaido ómoína fáítimaci, “Ómoína fallífuedo Juzíñamui tájijnana fñoíticai” daí daina fñoítiaíoi.

³ Aféfuiaina fñoitiaioi Moona jaca ninomo onónena jira, daje izói cuena onónena jira. ⁴ Afena ómoína dáititue, aféruillai dúcillemo, cue daináfuemo omoi úbicaillena, —daide Jesús.

Ñuera Joreño finóllifuiái

Jesús nai úrillano daide:

— Aféfuena nanómona ómoimo lloñéditue, omoi diga cue illa jira. ⁵ Mei íadi biruímona cue orédimie dinomo jáititue. Omoimona buna cue jáillinona jicánoñediomoi. ⁶ Mei íadi bie cue ómoína daináfuerei iere zúucaidiomoi. ⁷ Iadi uáfueña dáititue: cue jaille ómoimona iere ñuera. Cue jáiñenia, ómoína canoda ffraraima bíñeite omoi diga illena. Mei íadi cue jaía íena óreititue. ⁸ Ie billíruido éniemo itino íaioi fiénidifuiaina uáfueña onótaita. Daje izói dama daa jáicina ñúefuedo cai jáilliona onótaita. Daje izói Juzíñamui íaioína duere finóllena onótaita. ⁹ Afémaci fiénidifuiairedimaci, cuena fñoñena jira. ¹⁰ Afe jáicina jáilliona ónoitiaioi, Moo illánomo cue jailla jira. Afe cue jailla mei cuena cñoñeitiomoi. ¹¹ Juzíñamui facátallifueña ónoitiaioi, bie éniemo ocuídímie jae duere finóbilla jira.

¹² Cue ómoimo lloñífuiái nai aillo ite; mei íadi nai onónidiomoi, nánidiomoi.

¹³ Uafue Joreño bille llezica ómoimo nana uáfuiaina afémie llóite. Dama ie comeci jitaina izói úriñeite, mei íadi ie cacana izói dáite. Uire fítifuiaina ómoína onótaita. ¹⁴ Cúeiemona llíñuano ómoína onótaita; onótamona ñúefueña cuemo nítaita. ¹⁵ Nana Moomo ite raa daje izói cueie. Ie jira dáititue: Ñuera Joreño cúeiemona llíñoite, áfedo aféfuena ómoína onótaita.

Zúurenafue cáimafuena méidolle

¹⁶ Nano íanori íllemona cuena cñoñeitiomoi. Mei íadi jabo bai diga

iruillai íllamona, nane meine cuena cñoitiomoi, mei cue Moo illa dine cue jáillaza, —daide.

¹⁷ Iemona ie llófuegamacimona dáarie jofo conímamo jicánote:

— ¿Afe nie izói daináuai? Caina daide nano nie dino íllamona íena cñoñeiti-cai. Ie mei nane caina daide, báifenemo diga iruí llemona meine íena cñoiticaí, mei ie Moo illánomo ie jáillaza. ¹⁸ ¿Nie izói aféuai daide: “Nie dino íllamona?” Afémie nífuedo úriteza onóñedicaí, — daidíaioi.

¹⁹ Jesús íaioi íemo jicánoiacagafueña onóillano daide:

— Cue daiditue nié dinó íllemona cuena cñoñeitiomoi. Nane ie baimo diga iruí llemona meine cuena cñoitiomoi. ¿Afefue conímamo jicánotiomoi?

²⁰ Uáfueña dáititue: omoi éeitiomoi. Zuure íitiomoi; mei afe llezica énie comini caimare íitiaioi. Mei íadi omoi zúunaillafue cáimafuena méidoficaite. ²¹ Ringo úrue jocóacania izínaillari zúucaite, afengo izínaillaruimo dúcidez. Mei íadi úrue jócua méifodo afe izírenamo úbicaiñede, úrue éniemo jocóinari ie ióbilla jira. ²² Daií birui omoi izire zúucaitiomoi. Mei íadi ómoimo cñoizaititue. Iemona omoi coméciaí cáimafuena óruite. Afe cáimafuiái bu ómoimona báiroñeite.

²³ Aféruído minícana cuemo jicanoñeitiomoi. Uáfueña ómoína dáititue, nana cue mámecido omoi jicaca raa, cue Moo ómoimo fécaite. ²⁴ Biruimo cue mámecido minícana nai jicáñediomoi. Mai jica omoi llíñollena, áferi comeci cáimafuena orúbicaillena.

Jesucristo, Juzíñamuina éoidinona anáfenodimie

²⁵ Bífuiái aillo daje izóidifuiaido ómoimo llotitue, mei íadi daruina daje izóidifuiaido ómoimo úriñeiticue. Aféruimo ja ánozide. Aféruído uáfodo

Moodo ómoimo úriticue. ²⁶ Aféruillaido omoi cue mámecido jícaitiomoi. Moomo ómoiri izire cue jicállena daifñedicue, ²⁷ mei dama Moo ómoína izíruilla jira. Iemo jíái cuena omoi izíruilla jira, ómoína izíruite. Moo dinena cue bíllana omoi ínuua jira, afémie ómoína izíruite. ²⁸ Moo illánomona billano bie éniemo biticue. Birui énie fiénocaillano meine Moo diné abido jáitícue, —daide.

²⁹ Jira ie llófuegamaci daide:

—Ja birui daje izóiduiuido daifñeno, jino uáfodo úritio. ³⁰ Birui naga rafue o onóigana onódicai. Ja jíaimie omo llúana jítáñede. Mei jira Juzíñamui-mona o bíllana ínoticaí, —daidíai.

³¹ Jira Jesús uai ote:

—¿Birui cuemo ja daif ínotiomoi?
³² Omoi enénorie júdaizilliruiamo áinozide. Ja birui aferui. Omoimona nágamie oni eneno júdaizite. Dama cuena fiénocaitiomoi. Mei íadi damañedicue, cue Moo cue diga illa jira. ³³ Nana bífuiyai ómoimo llóitícue, cuemo ínuano omoi comeci uái íllena. Afe bie éniemo duere zéfuitiomoi. Mei íadi, ¡abí omoi mameri! Ja Juzíñamuina éoidinona anáfenodimiedicueza, —daide.

Jesús ie llófuegamaciri Juzíñamuimo jicade

17 Aféfuiai daina méifomo, Jesús caifo monamo érocaillano daide:

—Moo, cue írairuimo ja dúcide. O Jitomo ñúefuena nitari, afe izói o Jitó omo ñúefuena nítaiteza. ² Aillo ríino o Jitomo jae o iga, nana comini náamatallena; daje izói nana cuemo igámacimo zíñona cáaillinona íaioimo cue íllena. ³ Zíñona cáaillino comini ona íaioi onónamona llínotiaioi. O dama uafue Juzíñamuidio. Daje izói zíñona cáaillino, o orécamie Jesucristo íena onónamona llínotiaioi.

⁴ Bie éniemo cue illa llezica ebírenafue jae omo nitádicue. Cuemo o ocuúca-

fue jae fuitádicue. ⁵ Moo, nauí o diga cue illáruimo cue ebírenafue dájena birui o uícori meine cuemo ine. Afe ebírenafue nai énie íñena llezica nauí cuemo ite.

⁶ Enie imácimona doce dígamie otio cuemo íllena. Afémacina búdioza jae onótaticue. Afémaci óie. Cuemo o igano. O úrilla uaina ínotiaioi. ⁷ O nana cuemo igáfuiyai ómona bitfuiyai onódiaioi. ⁸ Jira o cuemo iga úrilla uai bimácimo lloticue. Aféfuena jeire otíai. Uáfuenta ómona cue bíllana onódiaioi. Daje izói o cue óriana ínotiaioi.

⁹ Afe cuemo o igámaciri izire jicádicue. Enie imáciri izire jicáñedicue. Dama cuemo o igámaciri izire jicádicue, ómacina jira. ¹⁰ Nana cueie óie diga. Afe ibana nana óie cueie. Afémacimona cue ebírenano ácataficaide.

¹¹ Cue ja éniemo fiébiñeíticue; mei íadi afémaci afe éniemo fiébitiaioi. Cue o diga íllena jáitícue. Jamánomo ñuera Moo, cuemo o igano o ríinodo uíñori, nana dájena cuemo ñue jaináíllena, omo cue jainaina izói. ¹² Bie éniemo afémaciri cue illa llezica, o ríinodo íaioina úiñoidicue. Íaioi abí ríídoticue. Íaioimona buna féirañede. Mei íadi dáamie jaca féiraitimie, Cuegáuai fuitállena. Afémie nanómona féiraitimie.

¹³ Jabe o illánomo jáitícue. Mei íadi nai éniemo cue illa dino aféfuiaína llóllodicue, cuemo ite íóbillafue afe izói afémaci ñue íóbicaillena. ¹⁴ O úrilla uai íaioimo iticue, mei íadi énie imaci íaioina éoidiaioi, énie imáciñena jira. Daje izói cue jíái énie ímieñedicue. ¹⁵ Eniemona íaioi o óllena jicáñedicue, mei íadi Taifémona íaioi ríídollena jicádicue. ¹⁶ Enie ímieñedicue; afe izói énie ímaciñediaioi. ¹⁷ Íaioina uáfuedo dama óiena rairuiri. O úrilla uai uafue. ¹⁸ Enie imaci cígimo cue o ória izói, daje izói énie imaci cígimo íaioina orédicue. ¹⁹ Afémaci ícoina cue dama

abi rairuídícue. Daií finódicue, uafue uaido afémaci daje izói íaiói rairuállena.

²⁰Daa afémacimo omo izire jicáñedicueza, mei íadi bimaci úrilla uaina cacáillano cuemo ínotinomo izire jicádicue. ²¹Nana afémaci dájena jaináillena omo jicádicue. Ua Moo, afémaci dájena cócomo jaináillena jicádicue. Uáfueña o cuemo itio, nane uáfueña cue omo iticue. Afe izói íaiói cócomo íllena jicádicue. Afémaci dájena jainaille jitáirede, énie comini cue o óriana íinollena. ²²Cuomo o iga ebíredífue izói, afémacimo jae cue iga, dájena íaiói íllena, o diga dájena cue illa izói. ²³Afémacimo cue íllena jicádicue, nane o cuemo íllena jicádicue, nana afémaci dájena íficáillena. Daií íaiói íllena jitáirede, énie comini cue o óriana fidiíllena. Nane áfedo énie comini cuena o izíruilla izói, bimácina o izíruillana ónoitíaiói.

²⁴Moo, bimaci cuemo itio. Cue illínomo cúeoiri íaiói íllena jitáidícue, cuemo o iga ebíredífueña íaiói cíoillena. Nai énie finoñenia úcomo cuena izírúitio. ²⁵Moo, jaícina ñue jónetimiedio. Enie comini ona onóñediaíoi, mei íadi cue ona onódicue. Bimaci cue o óriana onódiaíoi. ²⁶Búdio, jae íaióina onótaticue; íemo nai onótaoicaticue, o cuena izíruilla íaiói comécimo fiébíllena; daje izói cue dama afémacimo fiébíllena, —daide.

Jesús maíano úinafue

(Mt 26.47-56; Mr 14.43-50; Lc 22.47-53)

18 Aféfuiai daina méifodo, Jesús ie llófuegamaci diga jino jaillano Cedrón illétue ruica jáidiaíoi. Dínomo ite ocóznairabirimo jofo jáidiaíoi. ²Judas afébírina onode, Jesús ie llófuegamaciri, diga ícaíño afénomo gáírífirina jira. ³Jira dínomo Judas fuíríraíni diga dúcide. Afe llezica dáarie gáíríaco llaízíraíni Judas jicácamaci

bitíaiói. Afémaci fariséuaimona lletárirraíni illáinimona oreca. Lloéfaillai diga jacire abi mamédiaíoi. Unéraruairi bitíaiói, daje izói lámparaíairi. ⁴Mei íadi Jesús afémiemo fínuailífueña onóillano, jino billano íaióimo jicánote:

—¿Bu jenódiomoi? —daide.

⁵Jira afémaci uai ote:

—Jesús, Nazaret ímie jenódicaí, —daidíaiói.

Jesús uai ote:

—Níimiedicue, —daide.

Afe llezica éoidímacimo fecádimie, Judas dínomo afémaciri ite.

⁶Jesús “Níimiedicue” daina llezica, jinófecaíñona éniemo baíídiaíoi. ⁷Ie mei Jesús dáanomo nane jicánote:

—¿Bu jenódiomoi? —daide.

Jira afémaci:

—Nazaret ímie, Jesús, —daidíaiói.

⁸Mei jira Jesús daide:

—Jae níimiedicue daidícue. Cue omoi jenóadi, bie jíáimaci fáicanocai íaiói jáilleza, —daide.

⁹Afe daií daide Jesús dama ie daina fue fuitállena. Afe dainafue llote: “Cue Moo cuemo igámacimona buna dáamie féiraíñede.” ¹⁰Iemo Simón Pédro mo daa lloefai ite. Otá Malco dainámie jefo nabefo ñetade. Malco lletárirraíni illaíma jaiénici. ¹¹Jira Jesús Pédróna daide:

—O lloefai ie icomo abido meine joone. ¿Cue Moo cue duere zefuítajana llíinoñeiticueza, daií o comeci facádio? —daide.

Lletárirraíni illaíma úcomo Jesús uitíaiói

(Mt 26.57-58; Mr 14.53-54; Lc 22.54)

¹²Ie mei fuíríraíni íaiói ocúraíma diga Jesuna llaítádiaíoi. Nana bimaci judíuai llaízíraíni diga Jesús maíano oni uitíaiói.

¹³Ie méfomo Anás jofomo íena uitíaiói. Anás Caifás jífai. Afe fimona llezica Caifás lletárirraíni caifóidillaíma. ¹⁴Bie Caifás nauí judíuaina bie izói daidímie:

“Daa come nana cai nairai ícoinia tíllena cai baimo ñue jaide.”

Pedro Jesuna jáanote

(Mt 26.69-70; Mr 14.66-68; Lc 22.55-57)

¹⁵ Simón Pedro jíáie llófuegamie diga nai Jesudo jaide. Jíáie llófuegamie lletáriraini caifóidillaíma onóigamie. Jira caifóidillaíma jofo ibírimo afémie jofo jaide Jesús diga. ¹⁶ Mei íadi Pedro jino naze fuemo fiébicaide. Ie jira lletáriraini caifóidillaíma onoi ga llófuegamie jino jaillano, naze úiñoraímamo jicánuaide Pedro jofo oréllena. ¹⁷ Lemo naze úiñoraíma Pédro mo jicánote:

—¿O báimie llófuegamieñedio? — daide.

Pedro uai ote:

—Jii, cúeñede, —daide.

¹⁸ Aféruído rozírena jira, jaiénizai llaizíraini diga irai bonódiaíoi. Dínomo naidáíllano irai fuemo agáidiaíoi.

**Lletáriraini caifóidillaíma
Jesumo izire jicánote**

(Mt 26.59-66; Mr 14.55-64; Lc 22.66-71)

¹⁹ Lletáriraini caifóidillaíma Jesumo jicánuaillano daide:

—¿Nímaci o llófuegamacina? ¿Nífuiaína llófuetío?

²⁰ Jira Jesús daide:

—Cue nana comini uícomo uáfodo úriticue. Juzíñamui uai llófueriracuaimo jaca llófuefiredicue. Daje izói Juzíñamuimo gairíracomo llófuefiredicue. Jaca afénomo judíuai gáirifrediaíoi. Daíí báinino nífuena lloñedicue. ²¹ ¿Níbaí mei cuemo jicánotiomoí? Cue uaimo cacádinomo jícana. Afémacimo cue dáinana jícana. Cue íaioina dáinana onóidiaíza, —daide.

²² Jesús daíí daina llezica, daa dino ite gairíraco llaizíraíma Jesús uieco pútanona daide:

—¿Níbaí daíí lletáriraini caifóidillaíma uai otío? —daide.

²³ Jira Jesús uai ote:

—Fiénidífue cue lloía, áfena cuemo llone; mei íadi cue daina uai ñuera íadi, ¿nibáí mei cuena putádio? —daide.

²⁴ Iemona Anás Caifamo íena maitá orede. Caifás lletáriraini caifóidillaíma.

Pedro nane dáanomo Jesús jáanote

(Mt 26.71-75; Mr 14.69-72; Lc 22.58-62)

²⁵ Due jiza bai jáidemo, Pedro nai náidallano irai fuemo agaide. Afénomo itino íena daidíaíoi:

—¿O báimie llófuegamaci iéñedio? — daide.

Pedro jáanuano daide:

—Jii, iéñedicue, —daide.

²⁶ Dínomo Pedro jefona jaitácamié come ite. Afémie jíáie lletáriraini illaíma jaiénici. Afe iima Pédro mo jicánote:

—¿Báimie diga dínomo ocóz-inairabirimo ona cióñedicue? —daide.

²⁷ Pedro dáanomo nane jáanote. Afe llezica átava úrite.

Jesús Pilato uícomo uiga

(Mt 27.1-2, 11-14; Mr 15.1-5; Lc 23.1-5)

²⁸ Iemona Caifás jofómoma oni romano jabóidillaíma áillocomo Jesuna uitíaiíoi. Ja monáiacademo. Judíuai jofo afécomo jáiñediaíoi, íaiíoi íaicaiñellena. Mei íaicaigamací páscuamo güilláfuena güíndiaíoi. ²⁹ Ie jira Pilato jino íaioimo úrizacillano daide:

—¿Mínica ícoinia bímiemo nitádiomoí? —daide.

³⁰ Jira afémaci uai otíaíoi:

—Afémie fiénidimieñedena omo izájíñedicaí, —daidíaíoi.

³¹ Jira Pilato daide:

—Íena omoi úi. Omoi ocuífue izói afémie omoi riire jicánori, —daide.

Judíuai ie uai otíaíoi:

—Cai judúuaidicai, dani buna titánidicai, —daidíai.

³² Daí Jesús ie tízaillinona daina izóidíuai fuitade. ³³ Pilato áillocomo jofo meine jaide. Jaillano Jesús jírrillano jicánote:

—¿O nii judúuai illáimana? —daide.

³⁴ Jira Jesús daide:

—¿Afeue dama o comeci jítaina izói jicánotio? ¿Nibai jíaimaci cueri ona daina jicánotio? —daide.

³⁵ Jira Pilato úrite:

—¿Cuena judío daidio? O náiraimona lletárriraini illaini cuemo ona fecádiaioi. ¿Minica ñetio? —daide.

³⁶ Jira Jesús uai ote:

—Cue illáimana illano bie énie íeñede. Daí ítenia cuedo jáicadino nia fuirídíai, cuena judúuaimo fécañeillena. Mei íadi cue illáimana illano benó íeñede, —daide.

³⁷ Jira Pilato daide:

—¿Jíi, o daí illáimadio? —daide.

Jira Jesús uai ote:

—Ílláimadicue, o daina izói. Cue, bie éniemo jéiciaibigacue uafue uai llóllena. Nana uáfueo cacáfredino, cue dáinana cacádiaioi, —daide.

³⁸ Jira Pilato jicánote:

—¿Minica uafue uaina? —daide.

Jesús tíllinomo mamértiaioi

(Mt 27.15-31; Mr 15.6-20; Lc 23.13-25)

Afe jicánua meífoto, Pilato meine jino judúuaimo jaillano úrizaide. Iaiaina daide:

—Jaca nífuena bie íimamo baiñédicue. ³⁹ Mei íadi ómoimo cue fínofiregafue ite. Naga pascua ráfuemo ómoiri daa maigámie zútafredicue; mei jira ¿judúuai illáimana ómoiri cue zuitállena jítáidiomoi? —daide.

⁴⁰ Iemona nana meine caillíodiaioi:

—¿Afémiena zuitáñeno iri! ¡Barrabás zuitari! —daidíai. Afe Barrabás meríriraíma.

19 Ie mei Pilato Jesús llínuano zechétatade. ² Iemo fuirírraini ifo icuífoi eegi nínacuífoi Jesumo jítádiaioi. Afe llezica ráifide illaíma iníroina íemo jítádiaioi. ³ Daí ñiano íemo ánozillano, báíñuano daidíai:

—¿Judúuai illaíma, are ii! —daidíai. Iemona íe uíeco fácodiaioi.

⁴ Pilato meine jino billano daide:

—¿Bímiemo eroi! Afémiemo nífuena baiñédicue. Ie jira jino bené cue ógaza, aféfuena omoi onóillena, —daide.

⁵ Jesús eegi icuífoi ífomo jíinari jino bite. Ráifide illaíma iníroina jítaca naari jino bite. Jira Pilato daide:

—¡Benó afe íima ite! —daide.

⁶ Afémie cióillano, lletárriraini illaini, llaizírraini díga caillíodiaioi:

—¡Ie corai! ¡Ie corai! —daidíai.

Iemo Pilato daide:

—Mai íena uillánona omoi corai, mei íadi afémiemo fíenídífueña baiñédicueza, —daide.

⁷ Mei íe jira judúuai uai ótaioi:

—Caimo ite daa ocuica uai. Afedo afémie tíllena jítáirede, dama “Juzíñamui Jitódicue” íe daina jira, —daidíai.

⁸ Afena cacáillano Pilato jamánomo jacánaíficaide. ⁹ Aillocomo nane jofo jailano Jesumo jicánote:

—¿O ninó ímiedio? —daide.

Mei íadi Jesús jaca uaina oñede.

¹⁰ Jira Pilato daide:

—¿Cue uaina fairíñedio? ¿Cuemo ite o tílle ríno onóñedio? ¿Cuemo ite o zuitalle ríno onóñedio? —daide.

¹¹ Jira Jesús uai ote:

—Juzíñamui omo íñenia, o cue ocuille ríno íñede. Ie jira omo cue fecáidino o jinomo afémaci íaífueredino, —daide.

¹² Afe llezícama Pilato, “Nie izói Jesús cue zuitalle” dainano, áfena jende; mei íadi judúuai caillíodiaioi:

—Afémie o zuitáadi, romano jamánomoidillaimamo nábairíñetio.

Naga illáimana íacadimie caifóidillaíma díbenedo éoidimiena jáite, —daidíaiói.

¹³ Mei jira áfena cacáillano, Pilato Jesuna otátate. Ie mei comini riire jicáno-ranomo Pilato ráinazaide. Afeno hebreo imaci uaido Gabátana mameide. Jiáimaci daina Empedrado, mei nófiái ie finoína macáranona íllaza. ¹⁴ Jae pas-cua uícodirui jaíciiri ítemo. Jira Pilato judíuaina daide:

—¡Benomo o illaíma ite! —daide.

¹⁵ Mei íadi afémaci caillíoidiaíoi:

—¡Dama tídeza, oni ui! ¡Iena coraí! —daidíaiói.

Jira Pilato íaioína daide:

—¿Omoi illáimana córaiticue? —daide.

Jira lletáiriraini illáicomini uai otíaiói:

—Jiáie illáimana caimo íñede; dama romano jamánomoidillaíma, —daidíaiói.

¹⁶ Afemona Pilato íena íaioímo ite, afémiena coráíllena. Mei jira íena uítíaiói.

Coráínafue

(Mt 27.32-44; Mr 15.21-32; Lc 23.26-43)

¹⁷ Iemo Jesús jino jaide. Ie coráíllibici rocáioicaide Calavéramo; afe daííacade come ífócoraí. Hebreo imaci uaido daina Gólgota. ¹⁸ Afénomo íena coráídiaíoi. Afe llezica nágafene jiáimie íaíllinoí coráídiaíoi; Jesuna cígiide. ¹⁹ Pilato afémie mámece íbícimo cuetá ie coráínabicimo jóonetade. Afébicimo cuega daide: “Jesús Nazaret Imie, Judíuái Illaíma.” ²⁰ Aillo judíuái afe cuegábici facádotiaíoi, Jesús coráínano jofue áinori illa jira. Afébici daámami comini uáíllaido cuega, hebreo, griego, latín díga. ²¹ Ie jira judíuái lletáiriraini illaini Pilátana daide:

—Judíuái illaíma daíí cueñeno. Mei íadi “Judíuái illáímadicue daidímie” daíí cúeiri, —daidíaiói.

²² Jira Pilato uai ote:

—Jae cue cuegáuai, dama daíí ite, —daide.

²³ Fuiríraini Jesús coraíma mei, ie inícuiro llínuano cuatro fidí tizáruano fecádiaíoi. Afe izóí ie caifóferoi llínuano “íere ñúerarói,” daidíaiói. Ua aferói dájena tífoca, zotáinanona íñede. Caifona aná fuizájide. ²⁴ Jira fuiríraini confmána daidíaiói:

—Dama ite, cúatañeíticái. Bai ñue onótaraji cai dotalle bumó jíiteza, —daidíaiói.

Daíí Cuegáuai daina fuitátatiaíoi. Aféuái daide: “Cue inícuiro dani fecádiaíoi. Afemo onótaraji dotádiaíoi.” Jira mei fuiríraini daíí finódiaíoi.

²⁵ Jesús coráínabici áinomo ie ei ite afengo ebuño díga. Dáanomo Cleofas ai, María ite, María Magdalena ingo díga. ²⁶ Jesús ie eina cíóíllano, íere izíruiuga llófuegamie díga, ie eina daide:

—Ei, batí o jítona como maméidímie ite.

²⁷ Iemo afe llófuegamiena íbana daide:

—Afénomo o eina como maméidíngo ite, —daide.

Mei aféruíllaido afe llófuegamie afengo ie jofomo ñue llíínote.

Jesús tííllafue

(Mt 27.45-56; Mr 15.33-41; Lc 23.44-49)

²⁸ Afe mei Jesús naga rafue fuitáinana fidíde. Fídiano Cuegáuai fuitállena daide:

—Jirócadicue.

²⁹ Afe dínomo íciru rochírede vínona oruítaga rainaca. Ie jira jainoi fííllicide raa afe rochíredijina riáítatiaíoi. Iemo razi ícoímo jóoniano ie fuemo dutádiaíoi. ³⁰ Jesús afe rochíredíi jírode. Jírúano daide:

—Nana ja fuite, —daide.

Daina mei, ífo ana jíjicaílla llezica tíide.

Fuiríraimie ie ducírirado Jesús ciraigi faitade

³¹Ja pascua uícodirui. Judúuai ocózinaillarui coráicano íaioi abi coránabicimo fiébillana jítaiñediaioi. Bie ocózinaillarui iere áillue. Ie jira Pilátomo jicádiaioi coráicano idai ditátallena. Iemona íaioi abi dinómona oni óllena jicádiaioi. ³²Jira fuiríraini jaillano nánoramie idai ditádiaioi. Jiáimie, Jesús diga coráicamie daje izói éna finódiaioi. ³³Ie mei Jesumo ánozillano jae tídena ciódiaioi. Ie jira ie ídaina ditáñediaioi. ³⁴Mei íadi fuirírainimona dáamie ducírirado ie ciraigi faitade. Iemona jainoi die diga tóide. ³⁵Bífue llotímie áfena ciódimie. Uáfuena daide. Afe uáfumo uai nabaide, omoi daje izói ínollena. ³⁶Aféfuiái daí íficaide Cuegáuai daina ñue fuitállena. Afe uai daide: “Bu ie ícuruna dítañeitiaioi.” ³⁷Jiáinomo Cuegáuai daide: “Iaioi bofécamiemo éroitiaioi.”

Jesús raiáfomo jónetiaioi

(Mt 27.57-61; Mr 15.42-47; Lc 23.50-56)

³⁸Afe meífodo José, Arimatea jofue ímie, Jesús abi uíllena Pilátomo jicade. Afe José Jesudo jáicadimacimona, mei íadi judúuaina jacíruillano báinino jaide. Iemo Pilato fairíote; íemona José jaillano Jesús abi uite. ³⁹Daje llezica naui Jesumo naióna úrizabitimie, Nicodemo dúcide. Afémie treinta kilos dieze mérede zíochoma atide. Afé-choma mena zióredena imuica. ⁴⁰Daí José Nicodemo diga Jesús abi uillano, árreroi ínroido ie abi junide. Aferoi ziórena, mei diga zióredena fáigaza. Daí tídino judúuai ráifirediaioi. ⁴¹Jesús coraia áinori ocózinairabíri ite. Dinomo daa comue raiáfo, come nai ráiñenafo ite. ⁴²Aféfomo Jesuna jóoneaidiaillinoi, áinori illa jira. Ua dinomo éna jóone-

tiailinoi, judúuai ocózinaillarui tainéacana jira.

Jesús meine abido cáadimiena jaide

(Mt 28.1-10; Mr 16.1-8; Lc 24.1-12)

20 Semana nanóidiruido Magdalena ingo María jítiramoicana raiáfomo jaide, ua nai jítireoidemo. Dúciillano raiáfo ibaina nofici íñénana ciode. ²Ie jira aizícana jaide Simón Pedro illánomo. Dinomo jiáie llófuegamie Juan ite. Afémie iere Jesús izíruigamie. Iailinoina daide:

—Jae raiáfomona cai Ocuíraima comini bairódiaioi. Ie íaioi jóoniano onóñedicaí.

³Iemona Pedro jiáie llófuegamie diga jino jaillano raiáfo dine jáidiaillinoi. ⁴Dájena aizídiaillinoi, íadi jiáimie Pedro baímo iere rairede; jira uícomo raiáfomo dúcide. ⁵Ie abi ana jjiillano raiáfo eromo eroide. Eróillano juníllaroina ciode, mei íadi jofo jáiñede. ⁶Iemo Simón Pedro afémie óodana dúcide. Dúciillano raiáfomo jofo jaide. Abi juníllaroi dino jóoinana nane ciode. ⁷Iadi Jesús ifo íbáinaroi ie juníllaroi dáanomo jóoiñede. Afe ifo íbáinaroi jabínota oni eneno jóonega. ⁸Iemo jiáie llófuegamie, raiáfomo uícodido dúcidimie, jofo jaide. Afe finócafuena ciode. Cióillanona áfemona ínote. ⁹Mei Cuegáuai dáinana nai figo onóñediaioi. Aféuai daide: “Jesús tíllanomona meine abido cáadimiena jáite.” ¹⁰Iemona afe llófuega íaillinoi jofomo jaide.

Jesús Magdalena ingo Maríamo cíocaide

(Mr 16.9-11)

¹¹Mei íadi María jino raiáfo áinomo éecana ráiide. Eeia llezica abi jjíide raiáfo eromo éroillena. ¹²Dinomo mena Juziñamui abi ímie íaillinoi ángeles daínamací úzerói jítádena ciode. Ua naui Jesús abi illánori ráidiaillinoi; dáamie

ifo illánori, jiáimie idai illánori. ¹³Iemo Juzíñamui abi ímie íaillinoi jicánote:

—Ringo, ¿nibái éedio? —daide.

Jira afengo daide:

—Cue Ocuíraima oni ninomo íaioi uilla jira. Iaioi jónianona onóñedicueza, —daide.

¹⁴Afe daina llezica afengo gírecaillano Jesuna ciode; íadi éna onóñede. ¹⁵Jira Jesús jicánote:

—Ringo, ¿nibái éacadio? ¿Bu jenódio? —daide.

Afengo comeci facade, afémie afébirí úiñoraíma; jira éna daide:

—Íima, afémie oni jiáinomo jae o úi-adi cuemo llone, meine cue uájilleza, —daide.

¹⁶Jira Jesús aféngona daide:

—¡María! —daide.

Afengo ñue gírecaillano hebreo uaido daide:

—¡Raboni! —daide. Afe uai dobáicana daide, Llófueraiima.

¹⁷Iemo Jesús daide:

—Cue abi jetáñeno iri. Cue Moo il-lánomo nai caífo jáiñedicueza. Mei íadi cue ámatiaímo llujáiri: “Cue Moo il-lánomo, daje izói omoi Moo illánomo caífo jáitícue. Ua cue Juzíñamui, omoi Juzíñamui díne jáitícue.” Daí íaioímo lloiri, —daide.

¹⁸Ie jira Magdalena ingo María llófuegamacimo llujáide. Afengo Ocuíraimana cíollana llote, nana bie afémie aféngona daináuai díga.

Jesús ie llófuegamacimo cíocaide

(Mt 28.16-20; Mr 16.14-18; Lc 24.36-49)

¹⁹Aféruído, semana nanóidíruído afe naio llófuegamací gairídíaiói. Naze íbáillano judíuaina jacíruíllamona itíaiói. Iemo Jesús jofo eromo cíocaide. Iaioi cígímo náidazáide. Iaioi uáiduano daide:

—Omoímo comeci caímare uái iri, —daide.

²⁰Daí dainano, ie onoi, ie círaigí díga íaioímo ácatate. Llófuegamací íaioi Ocuíraimana cíóillano íóbicaídíaiói.

²¹Iemo Jesús dáanomo íaioína daide:

—Omoímo comeci caímare uái iri. Moo cue ória izói daje izói ómoína óre-ítícue, —daide.

²²Afe mei íaioímo jágíilli fúunuano daide:

—Ñuera Joréñona mai omoi ono.

²³Naga come ie fiénidino omoi fáicanocaiadi fáicanocáite; mei íadi omoi fáicanocaiñeniadi dóñega izói fiébite, —daide.

Tomás meine abido caade Ocuíraimana ciode

²⁴Iadi Tomás, guarámiena maméidímie, doce dígamiedemona, Jesús cíocáillaruído íñede. ²⁵Ie mei jiáie llófuegamací éna daide:

—Ocuíraimana ja cíódícai, —daídíaiói.

Mei íadi Tomás íaioína daide:

—Ie ónoímo ite boafe, puntilla meífo, cue cíóñenia, cue onocai aféfodo ñuitáñenia, cue onoi ie círaigí meífodo ñuitáñenia, íñoñeítícue, —daide.

²⁶Ocho dígamona íllamona llófuegamací meine gairídíaiói. Afe llezica Tomás afémacíri ite. Iemo jaca naze íbaica íadi, Jesús jofo eromo cíocaide. Iaioi cígímo náidajano uáiduano íaioína daide:

—Omoímo comeci caímare uái iri, —daide.

²⁷Iemo Tomásna daide:

—Benomo o onocai ñúitaíbi. Cue ónoímo éroi. O onoi cue círaigímo ñúitaíbi. Jáanocaiñeno iri. Íñori, —daide.

²⁸Jira Tomás uai ote:

—¡Cue Ocuíraima! ¡Cue Juzíñamui! —daide.

²⁹Jira Jesús daide:

—Tomás, ja cuena ciónamona ñintio. Jamánomo ióbidino cuena ciónedino íadi ñintiaioi, —daide.

Bibénico nibái mei cuega

³⁰ Bífuiuai baimo Jesús aillo jíáie cíofinina raa ie llófuegamaci uícori finode. Aféfuiai bibénico cúeñega. ³¹ Mei íadi ja bie llogáuai cuega, Jesús Crístonana omoi ñinollena; daje izói afémie Juzíñamui Jitona omoi ñinollena. Ua jae cuega, omoi ñnuamona cáaillino ómoimo ie mámecido íllena.

Jesús siete diga ie llófuegamacimo cíocaide

21 Afe mei Tiberias jorai fuédamo Jesús ie llófuegamacimo meine cíobicaide. Bie izói cíocaide. ² Ie llófuegamaci dáanomo itíaiioi. Dinó ite Simón Pedro, Tomás nímie jíáfodo mameina Guarámie, Galilea jofue Caná ímie Natanael, Zebedeo jító íaillinoi, jíái mena llófuegamie diga. ³ Simón Pedro íaioina daide:

—Fácuaidicue, —daide.

Jira daidíaiioi:

—Mai nana cai fácuaili, —daidíaiioi.

Iemo nocáe eromo caifo jáidiaioi. Afe naio chámuniaina onédiaioi. ⁴ Jítiramo monáiacademo, Jesús ja jorai fuédamo náidaide. Mei íadi “Jesús” daíñediaioi, llófuegamaci íena íaioi onónena jira. ⁵ Iemo Jesús daide:

—Omoi, ¿chamuna onédiomoi? —daide.

Uai otaíaiioi:

—Jíi, onédicai, —daidíaiioi.

⁶ Jira Jesús afémacina daide:

—Nocáe nabézimo llóiji omoi dota, afe llóijimo jíiteza, —daide.

Jira daí finódiaioi. Ie ñnuamona llóijina jáinoimona caifo zonónidiaioi, iere aillo chámuniái íllaza. ⁷ Iemo Jesús izíruiga llófuegamie Pédrona daide:

—¡Baie cai Ocuíraima! —daide.

Simón Pedro, Jesús ite dáinana cacáillano, ie jínofecuiro jíitade, nauí duiñoa jira. Jítanona jóraimo tícacaide Jesumo jaillena. ⁸ Jíái llófuegamaci chámuna oruítaga llóijina oni zocana nocaedo uitíaiioi. Afe mei afémaci jorai fuédamo dúcidiaioi, nai are íaioi íñena jira. Afémaci cien metros dinó bai itíaiioi. ⁹ Eniemo dúciillano, chamu pan diga iraimo ruícana cíodiaioi. ¹⁰ Jesús íaioina daide:

—Jae omoi oga chámuniaimona atiri, —daide.

¹¹ Simón Pedro nocaemo jaillano, afe llóijina ari guamáemo zote. Ja ciento cincuenta y tres jéerie chámuniaina oruítaga, mei íadi afe llóiji cuáiñede, níi aillo chámuniái illa íadi. ¹² Iemo Jesús íaioina daide:

—Mai omoi güizábiri, —daide.

Llófuegamacimona buna ¿Búdio? daíñide. Afémie Ocuíraimana onódiaioiza. ¹³ Ie mei Jesús áinozillano afe pan llínota íaioimo fecade. Daje izói chámuna fecade.

¹⁴ Daí Jesús tíillanomona meine abido cáadimiena jáillamona dacaiñoámami ie llófuegamacimo cíocaide.

Jesús Simón Pédromo úrite

¹⁵ Güilla méifodo, Jesús Pédromo jícanote:

—Jonás jító, Simón, ¿baimaci baimo cuena izíruitio? —daide.

Pedro uai ote:

—Jíi, Ocuíraima, ona cue gáinana onódio, —daide.

Jesús íena daide:

—Mei jira cue ovéjatiruai o ecari, —daide.

¹⁶ Jesús meine dáanomo íemo jícanote:

—Jonás jító Simón, ¿cuena izíruitio? —daide.

Pedro uai ote:

—Jii, Ocuíraima, ona cue gáinana onódio, —daide.

Jesús daide:

—Mei jira cue ovéjaiai uñori, —daide.

¹⁷ Ja dacaiñoámani Jesús meine abido femo jicánote:

—Jonás jitó Simón, ¿cuenta gáidío? —daide.

Pedro jae zúucaide, Jesús bie íraicaño íena gáinana jicánua jira. Jira íena daide:

—Ocuíraima, o nana onódioza. Ona cue gáinana onódio, —daide.

Jesús íena daide:

—Mei jira cue ovéjaiai o ecari. ¹⁸ Uáfua ona dáitucue, iere o jitócomena llezica, jaca o comeci jítaina izói iníroina jítáfiredio. Daje izói nana o jáiacananomo jáifiredio. Mei íadi o émaille llezica o onoi oni zítaitio, jíáimie o uíllena o jáiacañenanomo, —daide.

¹⁹ Afe dáinado Pedro nie izói tíitena Jesús daí onótate. Afe ie túlledo Juziñamuimo ñue ebirenafue nítate. Ie méifodo íena daide:

—Cuedo biri, —daide.

Izíruiga llófuegamie

²⁰ Pedro gírecaillano Jesús iere izíruiga llófuegamie Juaana ciode.

Afémie óodana bíllana ciode. Afémie nauí íraicaño güilláruído Jesús abímo ráiidimie. Afémie, “Ocuíraima, ¿bu o fecalle?” daidímie. ²¹ Pedro Juaana ciona llezica Jesumo jicánote:

—Ocuíraima, ¿báimie nie izói iite? —daide.

²² Jira Jesús uai ote:

—Afémie cue billíruimo caadi cue óiacaia ¿ómona mei nibai? O cuedo bi, —daide.

²³ Jira Jesús jaináidinori taino daináfuaena fidfbaicaidiaoi. Afefue daide, “Bie llófuegamie tíñeite.” Mei íadi Jesús afémie tíñeiteza daifñede. Fia dáideza, “Afémie cue billíruimo caadi cue óiacaia ¿ómona mei nibai?”

²⁴ Bímie llófuegamacimona aféfuiai uáfuaena llotímie. Aféfuiai cuetímie. Afémie daina uai uáfuaena onódicaiza.

²⁵ Jesús jíáie finócafuiái nai aillo ite. Nana aféfuiai dámierie cúeiadi jamánomo aillo rabénicuaina zúite. Ua nibai afe rabénicuái jónellino nániena báñeite. Jae ñie.

JESÚS ORÉCAMACI FINÓCAFUIAI

Los Hechos de los Apóstoles

Ñuera Joreño billifue uícodo llogáuui

1 Cue izíruiiga Teófilomo nane omo cueticue. Cue nánoidibemo nana Jesús bie éniemo illa llezica nanómona ie llogáfuiiai ie finócafuiiai diga omo cueticue. ²Ua ie monamo jáillaruiimo finócafuiiai cueticue. Nai monamo ie jáiñena llezica ie orécamacina nizede. Níziano Ñuera Joreñodo íaioina llote nie izói finóllena. ³Ie tilla meífodo, Jesús dáamie cómena íaioimo cíocaide. Cuarenta dígarui uáfori cíocaifirede. Afe cionanuedo ie cáanano ñue uáfuenta daítate. Afe llezica Juziñamui illáimana illíruido íaioimo úrite. ⁴Orécamaciri illa llezica, Jesús íaioina rairuide Jerusalémona oni jáiñeillena. Íaioina daide:

—Cue Moo uafue uai llote: “Ie Ñuera Joreño ómoimo fecáacade.” Afe fecálirui omoi úiñori, naui ómoimo cue llua izói. ⁵Uáfuenta Juan fia jáinoido báutizade. Mei íadi íanori íllamona Ñuera Joreño ótiomoi, —daide.

Jesús caifo monamo jáillafue

⁶Jesumo gairíllano jicánotiaioi:

—Ocuíraima, ¿ua birui Israel nairai illáimaillena meine caimo itátaitio?

⁷Jira Jesús uai ote:

—Moo afefue finóllirui ómoimo ónonide. Dama afémiemo ríno afefue finóllena ite. ⁸Mei íadi Ñuera Joreño ómoimo bíadi, ríno ótiomoi. Iemona cuedo úrizaitiomoi, ua Jerusalemo, nana Judea éniemo Samaria énie diga. Ua jamánomo jica ite itínuiaimo llujaitiomoi, —daide.

⁹Daí daina meífodo, nana íaioi éroillamo, afémie caifo ráiñuano monamo

uiga. Iemo mona ero úillie íena ferínote. Iemona jaca íena cíõñediaioi.

¹⁰Jesús caifo jáidemo monamo eróioidiaioi. Afe llezica mena come úzecuro jitada íaioi abimo cíocaide. Juziñamui abi íaillinoi.

¹¹Daidífaillinoi:

—Galilea íñiai, ¿nibái mei monamo eróioidiomoi? Dámie Jesús, afe ómoimona caifo úilliedo jáidimie, afémie ie jáillana omoi ciona izói daje izói meine ana biite, —daide.

Judas meifo méidollena Matías nizédiaioi

¹²Ie mei Olivo ídumona oni jáillano abido Jerusalemo bitíaioi. Jerusalén áinori afe idu ite. Ua ocózinairuido macácana jailla daa kilómetro dieze izói ite. ¹³Afe jófuemo dúciillano caifófecomo íaioi ífirenenomo jáidiaioi. Bie íaioi mámeциа: Pedro, Santiago, Juan, Andrés, Felipe, Tomás, Bartolomé, Mateo, Alfeo jitó Santiago, Iere Járidotimacimo dúidimie Simón, Santiago ama Judas. ¹⁴Nana afémaci dáanomo gairífirediaioi Juziñamuimo úrillena. Afénomo Jesús ámatiai gairífirediaioi, ie ei María diga naa jáie ringóniari.

¹⁵Aféruillaído Pedro afe ámatiai daínamací cígiri caifo náidaillano úrite. Afe ámatiai ciento veinte dígamiede. Afémacina daide:

¹⁶—Amatai, Ñuera Joreño Cuegáuaimo Davido llote: “Judas meifo cai cígiri méidolle jítáirede,” daide. David cuegáuui uícodo llote: “Judas Jesús lláitaitimaci ífoite.” ¹⁷⁻¹⁸Mei jii, afe Judas dani cáimona. Bie cai táijina afémie dibénemo ite. Mei íadi afe meífodo cimoi cúinano ágüicaillano caifona ífo dínená éniemo baíide. Baíillamona ie jebe bójicaide. Afemona nana ie eromo itínuiái jino cocide. Afe mei ie fiénidifue iba úcubedo ja

ie raillíbiri ibádiaioi. ¹⁹Jerusalén itímaci áfena íaioi fídiano, afébirina “Acéldama” jítádiaioi. Afe mámece íaioi uaido dibénedo “Die illábiri” dáiiacade.

²⁰Mei jírari Salmos ibénicomo daí daide:

Daí o jofu zóofefiteza
Buna afécomo íneilleza.

Jiáifuedo daide:

Afémie táijina jíáima ólleza,
—daide.

²¹Cai Ocuíraima Jesús nana cai diga illáruillaido cairi macádino birui cai cígimo itíaioi. ²²Jesús báutizaruimona, ie monamo jáillaruimo cairi jáicadiaioi. Mei jira afémacimona dáamie cai dájel-lena jítáirede, Jesús meine abido cáailla-fuemo uai nabáillena.

²³Jira dainámacimona mena come oni naidánetaioi. Dáamie daámani mámeceirede: José Barsabás Justo. Jíáimie Matías. ²⁴Ie mei Juzínamuimo úritiaioi; daidíaioi:

—Cai Ocuíraima Juzínamui, nana comini comece onódimiedioza. Bíail-linoimona o nizécamie caimo onótari orécamie táijina finóllena. ²⁵Afe táijina-mona Judas ie fiénidifue ícoinia oni baiíde. Baiíllano dama ie zefuínail-linomo jaide.

²⁶Iemo onótaraji dotádiaioi. Jae Matíasmo níjide. Afe llezícamona afémie once orécamiimo dájena jaináicaide.

Ñuera Joreño billafue

2 Pentecostés irui ráfuemo jae dúcide. (Afe fue güille jofu óinarui rafue.) Afe rafue dúcidemo jae nana dáanomo gairídiaioi. ²Ie mei rairéfeicana minica izói ficire monámona cácaicaide. Jairifo riire jáiñua izói cácaicaide. Nana íaioi ráiñaco eromo cácaizaibite. ³Iemona ífíai izói iráiciai íaioimo cíocaide. Nana illa dígamierie íaioimo níjizaibitiaioi. ⁴Afe llezica nana Ñuera Joreño úcaiga-

iaioi. Iemona jíáie náiraiai uáillaido como úritiaioi; mei afe Ñuera Joreño íaioi úritade.

⁵Aferuillaido Jerusalemo aillo judfuai náganuaimona bitíaioi. Ua íaioi Juzínamuimo jítáirede finóllifuiái finuaibitiaioi. ⁶Afe riire ficrenana cacáillano comini dáanomo ofídiaioi. Níie izói comece fácana onóñediaioi nágazie dani íaioi uáillaido íaioi cacana jira. ⁷Abi fáigacaidiaioi; daidíaioi:

—¿Nana bie úriraini Galiléamona bitímaci; uáfuenede? ⁸Nágamierie dani cai uaido íaioi úrillana ¿níie izói cacáfiredicai? ⁹Benomo nágaziai ite: Partía imaci, Media imaci, Elam imaci, Mesopotamia imaci, Judea imaci, Capadocia imaci, Ponto imaci, Asia énie imaci, ¹⁰Frigia imaci, Pamfilia imaci, Egipto imaci, Africa illánie Cirene batífenemona bitímaci diga. Afe dáanomo áinori ite romano imaci gairídiaioi. Bie romámona dáarie judíona jococa. Jíái romano imaci judfuai Juzínamuimo ínuafuena jeire otíaioi. ¹¹Afe llezica Creta imaci bitíaioi Arabia imaci diga. “Mei íadi Juzínamui caimare llogáfuiái ñue finócafuiái diga, nágamierie dani cai uáillaido cacádicaí,” daidíaioi.

¹²Nana fáigacaidiaioi. Iaioi comece fácana onóñediaioi; jira jicánotiaioi:

—Nana bie caimo comúdfue, ¿níie izói caina daíacade? —daidíaioi.

¹³Mei íadi jíáimaci íaioi uai áifeduanu daidíaioi:

—Bimaci jífáidiaioi, —daidíaioi.

Comínina Pedro dainafue

¹⁴Ie mei Pedro once diga orécamaciri náidaillano comínimo riire úrite; daide:

—Judea comini naa Jerusalemo itánuiairi cácarei. Bie ráfuena omoi onoiri. Dáiticeza ñue omoi cacáreiri. ¹⁵Bie íñiai jífáíñedimaci omoi comece faca ízoi. Jitoma nai fuiri dáidemo. Jítiramo dibénemo comini jaca

jifáifinidiaioi. ¹⁶ Bifue jiáifodo ite. Afe bifue uai lloraima Joel jaiái uícodo llogáuái. Afémie daide:

¹⁷ Juzíñamui ómoína daide:

“Iirairuillaido cue Joreño nana náiraiaina, jainoi tua izói fáicanocaiñeno íaioína úicaitaiticue.

Omoi jitótiaí jízatíaí diga cuedo úritiaioi.

Jitócomini nicaído ciónafuíaí izói cíoítiaioi.

Einamaci ñuera nicaído nicáiritiaioi.

¹⁸ Aféruillaido cue Joreño cue táijitagamiaina naa cue táijitaga ringóniairi ñue úicaitaiticue.

Iemona cuedo úritiaioi.

¹⁹ Caifo monamo jacínaitadinona cótaiticue;

Aféruimo ana éniemo onótajafuena fñoiticue.

Afe onótajafue díena cótaitae; iraina cótaitae, jamánomo irai úilliena cótaitae.

²⁰ Afe monado jitoma jítireficaite, fiui die izói jáite.

Daíí iite caí Ocuíraima Jesucristo bil-líruimo naí dúciñenia.

Afémie billíruí iere ebíreitíruí.

²¹ Nana Juzíñamuimo íaioi canóllena femo jicádino jlllobicaitiaioi.”

Aqufe izói Juzíñamui Joeldo daide.

Iemo Pedro naí úrillano daide:

²² ‘Mei jii, Israel nairai cue daílli-fuemo cácarei. Nazaret ímie Jesús omoi uícóri Juzíñamui ñue facácamié. Uafue aillo fáigatate ráaniaído ñue facátaga. Daíí Juzíñamui omoi cígiri afémiedo finode. Aféfuiaína ñue fidídiomoiza. ²³ Mei íadi afémie omoi fecállíruimo maíáno uítá fatíomoi, Juzíñamui jaiái uícodo coméicitífuíai onótafuíaí diga dáina izói. Uafue fiénidimacido íena corátatiomoi.

²⁴ Mei íadi Juzíñamui afe tílla cuinaca raa zuita izói, zúitano íena meine cáatate. Mei tíllafue jaca íena anáfenon-

ide. ²⁵ Mei illaima David Jesudo úrillano daide:

Ocuíraimana cue uíecóri ciófiredicue.

Afémie cue nabézimo izói ite, minícana cue jácicaíticue.

²⁶ Ie jira cue comeci cáimafuena iere ite, afe llezica cue fuemo ite cáimafuíaído úriticue.

Afe jira daje izói cue íeizi ñue ocózinaitaiticue, mei tíllamona meine cue abina cáataitio.

²⁷ Mei jii cue joreñoña tídinomo fiénocaiñeítio.

Afe izói o izíruiga táijitagamié abi rifáillana ráíruítio.

²⁸ Cáatatínomo jóoide io cue llófuétio.

Cue diga o íllado, cáimafuena cue orúitaitio, —daíí daide David.

²⁹ ‘Amatíai, cácarei. Cai jáiairagima David tíide raíga uáfodo onórede. Afe raírafo naí caí diga íteza. ³⁰ Mei afe David uai llóraima. Jaiái Juzíñamui uícodo uafue llóllena ráífuedo íena daide:

—O emódoidiziemona dáamié Cristoite. Afémie o illáimana illánomo ráinaite, —daide. ³¹ Jira daíí David, uícómo ciona izói Cristo meine abido cáaillafuedo úrite. Afe izói daide:

—Cristo joreño tídinomo fiébiñeite. Ie íeizi rifáillana ráiruícaza, —daide.

³² Mei jii Juzíñamui afe Jesuna meine abido cáatate. Aféfuemo nana caí uai nabáiraimacídicaí.

³³ Daíí Juzíñamui nabézimo Jesús naidánega; naidánia meífodo Móomona uícodo lloga Ñuera Joreño fecállífue llínote. Llínuana nana bie omoi ciona, omoi cacana raa finode. Nana aféfuíai afémiemona bite. ³⁴⁻³⁵ Mei David monamo jáíñedimie, mei íadi dama David daíí dáina:

“Caifoide Ocuíraima cue Ocuíraimana daide:

—Cue nabézimo rainai, o éoidino cue anáfenollíruimo, —daide.”

³⁶ Nana Israel nairai, mai comeci jizíñeno omoi onoiri: bie omoi coraica Jesús Juzíñamui Ocuíraimana itátate: Crístona itátate, —aci dinó Pedro daide.

³⁷ Aféfuena cacáillano, iere comeci llícitagaiaioi. Afemona Pédro mo jicánotiaioi jíáie orécamaci diga:

—Amatiai, ¿niie izói ñéiticaí?

—daidíaiioi.

³⁸ Ie jira Pedro uai ote:

—Omoi illafue Juzíñamui uiécomo meídori. Omoi nágamierie Jesucristo mámedido báutizatari. Omoi íaifuiiai oni dófilleza. Daí Juzíñamui ie Ñuera Joreño ómoína úicaiteza. ³⁹ Afe bie úcodo llogáuai ómoie. Daje izói o jitótiaí ie. Daje izói nana jícarie itino ie; ua aféuai nana cai Ocuíraima Juzíñamui uáidogamací íena, —daide.

⁴⁰ Aféuailaido dáanomo jíáie uáillaido Pedro íaioi lluno daide:

—Bie duere finóbitimacimona omoi jíllloiri, —daide.

⁴¹ Mei daí afémie úrilla uaina jeire otino diga báutizagaiaioi. Aféruído Jesumo ínotimacimo tres mil dígamiaí dáaziena jáinacaidiaioi. ⁴² Nana bimaci orécamaci llófuiafue mo jáicina jáidiaioi. Afe daí conímamo ñue coméciidiaioi. Afe llezica Juzíñamuimo úrifrediaioi, ie mei gairíllano Jesús jae íraicaño güilla izói finódiaioi.

Nano fueñe ínotino illafue

⁴³ Aféruillaido nana jáicaidiaioi; mei aillo cíórainafuiaí naa onótate raa diga orécamaci finódiaioiza. ⁴⁴ Jae nana ínotino ñue dájena itíaioi, íemona íaioi ráaniaí conímamo jeruñeno ífirediaioi. ⁴⁵ Mei jí íaioi illábiri jíáie ráifide raa diga fecádiaioi. Fécanona afe úcube nágamiaí imaci jitailla izói jofo conímamo fecáfirediaioi. ⁴⁶ Nágaruillaido gairíracomo gairírdiaioi. Iaió jó-

fue mo pan fécano dáanomo cáimafuedo, comeci mánainafuedo güitíaioi.

⁴⁷ Juzíñamui ióbitaoidiaioi. Afe llezica nana comini afémacimo ñue coméciidiaioi. Afe daí cai Ocuíraima nágaruido afe ínotimacimo jíáie jíllloizaíbitimací dáamacina itátate.

Aidaima jíllotate

3 Jáíruido jitoma ana ítemo Pedro Juan diga gairíracomo jáidiaillinoi. Afe Juzíñamuimo comécido úrioina llezica. ² Nágaruillaido jocóinamona aidaima dinomo ífirede. Ie comini gairíracomo íena úfirediaioi. Uillano afémiena nazemo ie ráinaífirediaioi, jofo jáioidinomona dúecaillano fecaca úcube jíállena. Afe naze mámece Ebíredize. ³ Aidaima Pedro Juan diga gairíracomo jofo jáillana cíoillano dúecaillano fecaca úcube íaillinoimona jicade. ⁴ Mei jira Pedro Juan diga íemo érocaidiaillinoi. Pedro íena daide:

—¿Caímo érocai!

⁵ Iemona afémie náicaide. Comeci anado daide: “Ñibaí minícana cue iite.”

⁶ Iemo Pedro íena daide:

—Cue úcubenidicue; óronidicue; mei íadi cuemo ítena o ííticue. Nazaret ímie Jesucristo mámedido náidacai. Maca, —daide.

⁷ Iemo Pedro onoi nabézido íena naidánete. Afe daí fnua llezica ie idai mairíbicaide, ie idácoiñuai diga.

⁸ Iemona aidaima caífo tícacai. Caífo náidaillano macade. Afémie íaillinoi jofo gairíracomo jaide. Tícatíacana jaide. Juzíñamuimo ióbitaoidie. ⁹ Nana comini ie mácana cíódiaioi. ¹⁰ Aferi iere jacínaícaidiaioi naa abi fáigacaillafue diga, afémie daí náidacaillari. Afémiena onódiaioiza. Afémie Ebíredize mámediredizemo ráííredimie, gairíracomo úcube jíáfiredimie.

**Pedro comínimo Salomón
jinófenemo macáranomo llófuate**

¹¹ Jíllotaga aidaima Pedro Juan diga íaillinoido nínijicaide. Aféfuerei fáigacaillano nana comini gairíraco dibénemo jáidiaioi. Salomón jinófenemo macáranomo Pedro, Juan, aidaima diga illánomo afe comini aizícana jáidiaioi. ¹² Pedro áfena cfoillano comínina daide:

—Israel nairai, cácarei. ¿Omoi minícarí fáigacaidiomoi? ¿Nibái mei cócomo eróizaibitiomoi? Bie iima dama coco ríinodo jíllotano macátaticoco, nibai daí comécido daidíomoi. Daje izói coco Juzíñamuimo ñue comécinafuedo afefue finódicoco, daí nibai cócona comécido daidíomoi. Iadi aféfuiaido finóñedicoco. ¹³ Mei íadi jíáifodo joide. Cai jáiáiragima Abraham, Isaac, Jacob diga, íaioi Moo Juzíñamui ie Jitó Jesumo baimo ñuefuena nitade. Afe Jesús ríimacimo omoi fecácamié. Pilato ie zuitácana llezica áfena ráiruitiomoiza. ¹⁴ Aféruído jaícina nífuenidimie zuitátajana jicáñediomoi, mei íadi jíáifodo jicádiomoi. Come fatímie zuitátatiomoi. ¹⁵ Afe daí cáatatino fecádimie titádiomoi. Mei íadi Juzíñamui afémiena tíllanomona meine abido cáatate. Aféfuemo uai nabáiraimadicoco. ¹⁶ Bie dáamie Jesús mámecido, ie mámecimo ínuafuedo omoi ciona, omoi onoiaga aidaima jae mairíbicaide. Afe Jesumo ínuafue íena ñue jaícina jíllotate, omoi uíecomo cfocaidimie illa izói.

¹⁷ Amatiái, onódicueza, mei omoi naa omoi illáiniri Jesuna fáiacana llezica omoi finócafueña onóñeno íena fatíomoi. Uáfueña omoi finócafueña onóñenano finódiomoi. ¹⁸ Mei íadi Juzíñamui ie uai lloráimado uícodo daña uai bie izói fuitade. Aféuai daide: “Ie Cristo duere zefuúllifue

jitáirede.” ¹⁹ Mei ie jira omoi mácafuiaí méidori. Omoi illafue Juzíñamuimo ñue jaícina jóoneri. Omoi íaífuiaí oni muiñólleza. Iemona cai Ocuíraíma Jesús caina cánuaífuiaí mánainaruillai izói caimo orérede. ²⁰ Aféruimo nano uíecodo ómoiena mamécamié Jesucristo Juzíñamui óreite. ²¹ Mei íadi birui Jesucristo monamo fiébirede, Juzíñamui naga rafue jaícina nai jóoneñeilleza. Afe daí jaíáidiruillaimo ite ñuera uai lloraini daidífuiaí. ²² Mei daí Moisés cai jáiáiragimana daide: “Cai Ocuíraíma Juzíñamui omoi ámatiaimona nahí uai lloráimana ómoimo óreite, Juzíñamui cue ória izói. Afémie ómoína nana daináfuaí jeire omoi oíri. ²³ Mei afe uai lloraima daínana jeire onédino Israel náiraimona oni táinocaite. Uáfueña íficaite.” Daí daide Moisés.

²⁴ Mei daí nana uai lloraini, Samuélmona batíne ite lloraini diga bie íraíruillaido úrite. ²⁵ Juzíñamui ie uai lloráinido uícodo daináuauillai ja birui ómoiri jino llotátaga. Juzíñamui cai jaíáiragimacimo íbana ñuera raa finóllifue llote ñue omoi íllena. Afefue Abrahamo llote. Daide, “Nana énie nairai o emódomo comuídinodo ñue caimare íficaitiaioi,” daide. ²⁶ Mei Juzíñamui ie Jitó caata meífodo nano fueñe ie Jitó ómoimo orede caimare omoi íllena, ómoimona nágamiaí ie íaífué fáicanocailleña, —daide.

**Pedro Juan diga
ríredino uíecomo uiga**

4 Pedro Juan diga nai comínimo úrioidemo, lletáiraini gairíraco úiñotino illaíma diga bitíaioi. Daje llezica saduceo comini bitíaioi. ² Pedro Juan diga comini llófuetiaillinoi. Iaióina daide: “Comini tíllanomona cáatafue Jesudo ácataga.” Daí llófuiari como bitímaci rícaidiaioi.

³Iemona íaillinoína llaitádiaioi. Lláitano íaillinoína llavéracomo jítiramoidiruimo íbáidiaioi, ja nauízailla jira. ⁴Mei íadi aillo afe úrillauai cacádino ínotiaioi. Afena ínotimaci dani íññiai facádúa cinco mil áinomo dúcide.

⁵Afe jiáiruimo Jerusalemo judíuui illaini, éinamaci, naa ocucafue llófueraíniri gairírdiaioi. ⁶Afe llezica afénomo lletáriraini illaíma Anás ite. Afe dáanomo ite Caifás, Juan, Alejandro naa lletáriraini illaini comíniri. ⁷Iemo Pedro Juan diga atítatiaioi. Atiano íaioi cígimo naidáneta jicánotiaioi:

—¿Nie rínodo bífuiai finódiomicoi?
¿Bu mámecido bífuiai finódiomicoi?

⁸Mei jira Pedro, Ñuera Joreño úicagamienaza daide:

—Nairai illaini, Israel éicomini, omoi cácarei. ⁹Mei afe baie iráredimíemo como finoca ñúefuena jicánotiomoi. Mei ñie izói afémie jíllotaga daí daidíomoi. ¹⁰Mei jira omoi uiécomo jino uáfodo llóitícoco, nana Israel nairai fidíllena. Afémie omoi uíecori Nazaret ímie Jesucristo mámecido, omoi coráicamie mámecido íocire ite. Afe coráicamie (Jesucristo) tíllanomona Juzíñamui meíne abido cáatate. ¹¹Bie Jesús omoi jofo níraini oni dotaca jofocai izóidimie. Mei íadi afecai uálliraina jáizaide. ¹²Nie jiáimíemo jíllonafue íñede. Jesucristo jiáie daítade jíllotaraimana caimo íñede, afémiedo cai jíllloillena. Ua nana éniemo daítade jíllotaraimana íñede, —jaca dínnori Pedro daide.

¹³Iemona ríimaci Pedro Juan diga méaicaiñeno úrillafue cacáíllano, íaillinoi llófueñegaíiaillinoi íllana fídía llezica, iere fáigacaidiaioi, jamáimíeillinoi illa jira. Iemona ríimaci bíaillinoi Jesudo macádino daí íaillinoímo úbicaídiaioi. ¹⁴Afe emódomo jíllotaga aidaima dínnomo íaillinoi abiri naidaide. Ie

jira aféfuena jáanoicana daíñide. ¹⁵Mei jira gairírdinomona íaillinoína oni orédiaioi, dani jofo conímamo íaioi úriacana jira. ¹⁶Daidíaioi:

—¿Bie iima íaillinoína nie izói ñéiticaí? Mei jii, nana Jerusalemo bitino bie cíorainina onótate raa íaillinoi fnuafuena onódiaioi; mei aféfuena jáanonidicaí. ¹⁷Mei íadi mai íaillinoi cai jácidolle, afefue comínido jamánomo jaléíñellena. Afedo íaillinoína ráiruiticaí, Jesús mámecido ja benómoma batíne úríñellena, —daidíaioi.

¹⁸Mei jira íaillinoína jíiritiaioi. Íaillinoi dúcidemo ocuđiaioi:

—Jesús mámecido jii mai due jiza úríñeno iri. Afe daí llófueñeno iri, —daidíaioi. ¹⁹Mei íadi Pedro Juan diga uai ote:

—Juzíñamui uíécomo ñífue baimo ñuena comeci omoi faca: omoína ñue cai cacárellena, nibai jiáífo Juzíñamuína ñue cai cacárellena. ²⁰Mei jii cai cónafue cai cacánafue diga aféfuemo úrillana fáicanidicaí, —daide.

²¹Mei jira ríimaci íaillinoína jáicdotiaioi. Ie mei íaillinoína zuitádiaioi. Íaillinoi duere finóllífue baíñediaioi; nana comini afe fnua jira Juzíñamuimo íóbioidiaioiza. ²²Afe cíoraininafuedo jíllotaga aidaima, afémíemo cuarenta fimona baimo ite.

Ínotino méaicaiñenafue comeci ríino diga jicádiaioi

²³Pedro Juan diga íaillinoi zuitaina mei íaillinoi nabáíñiai illánomo jáidiaillinoi. Dínnomo afémacimo nana lletáriraini illaini éinamaci diga íaillinoína daínana llotíaillinoi. ²⁴Aféfuena cacáíllano nana dáanomo Juzíñamuimo úritiaioi. Daidíaioi:

—Cai Ocuíraíma, O Juzíñamuína; mona, énie, monaillai naga ráaniari finódimiedio. ²⁵O Ñuera Joréñodo, o tájíitagamie Davido daidío:

¿Nibái mei náiraiai caillíoidiaioi?

¿Nibái mei comini tánofuiaimo comeci facádiaioi?

²⁶ Enie illaini Juzíñamuina ie Cristo diga anáfenuaibitiaioi.

Daje izói jofue illaini Juzíñamuimo ofí-diaioi ie Cristo diga áfede afémiemo fuiríllena, —daide.

²⁷ ‘Uafue bie jófuego Herodes, Ponico Pilato diga o nífuenide Jitomo fieni gairídiaioi. Afénomo jicánemaci Israel comíniri fieni gairídiaioi, mei íadi omo jaináidimie Jitó illáimana ja jáitatio.

²⁸ Afe fieni íaioi gairíllafuedo nana o uí-como uaido finócafuiamo dáinana finó-diaioi. Afe daí íficaillena jitáiretadio.

²⁹ Cai Ocuíraima Juzíñamui, mai birui cai íaioi jáciduamo eroi. Jae o táijitaga-macidicai. Afemona ñue méaicaiñenafue caimo fecari, o úrillauai jino jácicaiñeno cai llóllena. ³⁰ Afe llezica omo ite ríinodo comini íaioi dúicomona ñue jíllotari. Afe izói o nífuenide Jitó mámevido ciórainina onótate raa finori, —dínori daidíaioi.

³¹ Juzíñamuimo íaioi úrilla fúillamona afe íaioi gairíllano docáiricaide. Afe llezica nana Ñuera Joreño úi-caigaiaioi. Iemona Juzíñamui úrillauai méaicaiñeno jino llotíaioi.

Ínotimaci íaioi ráaniaina jeruíñeno “Nana caie” daidíaioi

³² Afe aillo irai ca ínotimaci dáaziena nana ñue jaináidiaioi. Ua daje izói dájemo comeci facáoidiaioi; daje comeci jitailla uai íaioimo ite. Buna afémie ráaniaina “Dama cueie” daíñede, mei íadi nana comini íaioi ráaniaina “Nana caie” daidíaioi. ³³ Orécamaci Ocuíraima Jesús cáanafuemo aillo ríinodo uai nabáioidiaioi. Juzíñamui nana comínina iere caimátaitade. ³⁴ Íaioi cígiri jitáiredena ráanidimie íñede. Nana íbácana énieredino jofóredino diga áfeniai fécano afe oga úcube atídiaioi.

³⁵ Atiano orécamacimo izájidiaioi.

Iemona orécamaci nágamieriemo íaioi jítaina dieze fecádiaioi. ³⁶ Afe izói íaioi cígiri Leví izíe ímie finode. Afémie mámevi José. Monáillai zafedu Chípreno jocócamie. Orécamaci íena jíaie mámevina jitádiaioi. Afe mámevi Bernabé daina Fíradimie. ³⁷ Afémie ie illánie fecade, fécano afe iba úcube orécamacimo izáibite.

Ananías Safira diga finoca íaifue

5 Mei jíaimie Ananías, ie ai Safira diga, daa illánie fecádiaillinoi. ² Bímie nano baa nieze úcubena jeruide. Jíaie dájeze úcubena nana ñue ite izoi orécamacimo izájide. Aféfuena ie ai nana ñue onode. ³ Jira Pedro íena daide:

—Ananías, ¿nibái mei Taife o comécina féitate, Ñuera Joréñomo taino o llóllena? ¿Nibái mei o illánie nano nieze feca iba úcubena abimo maiñódio, daí jífueridio? ⁴ ¿Nano fueñe afe énie óieñede? Jíi, óie. ¿Afe o fécaja mei afe úcube óieñede? Jíi, óie. ¿Nibái mei daí afe finóllena comeci facádio? Comínimo taino lloñédio, mei íadi Juzíñamuimo taino llotio, —daide.

⁵ Ie jira áfena cacáillano, Ananías éniemo baíllano tíbicaide. Nana afe-fue fídiaibitino iere jacínaitaioi. ⁶ Mei jira nano ba níga jitócomini bite. Ie abi jabínota ie raíajidiaioi.

⁷ Afe mei tres horas íllamona Ananías ai jofu bite. Nai ie ini tíllana fidíñede.

⁸ Jira Pedro jicánote:

—Cuemo llone, ¿afe ómicoi daina dieze afe énie fecádiomico?

Jira afengo daide:

—Jíi, áfeze.

⁹ Jira Pedro daide:

—¿Nibái mei dáafueritiomico, Juzíñamui Ñuera Joreño o ico facátallena? Jino batí o ini raíajidino bitíaioi. Jabe daje izói ona úitiaioi.

¹⁰ Afe llezica afengo Pedro anamo baíllano tíbicaide. Jitócomini jofu

billano afengo tíllana cfoizaibitiaioi. Mei jira jino uillano ie ini abimo íena raiájidiaioi. ¹¹Nana Juzíñamuimo ínotino nana aféfuiaina fidídimaciri iere jacínaitiaioi.

**Aillo cíorainina raaniai
onótate raa diga**

¹²Aféruillaido comini cígiri orécamací aillo onótate raa, cíorainina ráaniai diga finódiaioi. Nana Salomón jinófememo macáranomo gairídiaioi.

¹³Buna jíaimacimona íaioi diga daane gairíllana jacírúitiaioi; mei íadi comini íaioimo ñue izire comécidiaioi.

¹⁴Aillo comini ííñiai ringóniai dájeze Ocuíraima Jesucrístomo ínuuaibitiaioi.

¹⁵Uafue jamánomo ínotiaioi. Mei jira iráredino jofu abi íuemo, naa íaioi bíiralluairi jino biródiaioi. Afénomo Pedro áfedo jaille llezica afémacimona nano dámierie, Pedro jana anamo itábicaítiaioi. Afedo jíllozítiaioi. ¹⁶Afe llezica aillo áinomo ite jofue comini Jerusalemo bitíaioi. Íaioi iráredinuiaí atídiaioi fiénide joríaído áífedogamací diga. Nana jíllotagaiaioi.

**Ríimací illaini Pedro Juan diga
duere finóllena llaitátatiaioi**

¹⁷Iemona lletáriraini illaíma, afémieoiri ite saduceo imací iere úradoizaidiaioi. ¹⁸Ie jira orécamacina llaitada afe jófuemo ite llavéracomo íbáizaidiaioi. ¹⁹Mei íadi Juzíñamui abi ímie naio llavéraco naze tuizáibite. Jino íaioi uánona daide:

²⁰—Gairíracomo omoi jai. Dinomo naidáíllano comínimo nana bie comeci cáataite uáíllaido úrizairi, —daide.

²¹Aféfuena cacáíllano, afe jíáirui monáidacademo jofu gairíracomo jíidiaioi. Jáíllano llófúiaide.

Afe llezica lletáriraini illaíma afémiemo itíñori, Nahíllaini gairíranomo gairídiaioi. Afe Nahíllaini

Israel nairai éicomini. Gairíllano llaveca orécamací atítatiaioi. ²²Mei íadi llavériraini llavéracomo dúcíllano orécamacina bainédiaioi. Daa fia afefue abido lluaíbitiaioi. Daidíaioi:

²³—Llavéraco ñue riire ibaide naa naze jinófene úíñotinori eróediaioi baizájidicai. Mei íadi cai zuitádicaimo afeco eromo buna íñena, —daidíaioi.

²⁴Aféfuena cacáíllano lletáriraini illaíma, gairíraco úíñoraini illaíma, íemo nanoide lletárirainiri ífo júdaizite; jícanotiaioi:

—¿Bífuiaí ninomo jica jálleite?

²⁵Afe llezica daa íima daízaibite; íaioina daide:

—Llavéracomo omoi íbaicogamíiai jae gairíracomo comini llófuetiaioi, —daide.

²⁶Iemona úíñoraini illaíma naa llavérirainiri íaíllinoi uájidiaioi. Mei íadi duere finóñeno íaíllinoina atídiaioi, “Comínina nófiéna cai níjiite” daínano jacírúitiaioi. ²⁷Iaíllinoi átianona, Nahíllaini uícomo íaíllinoina naidánetaioi. Iemo lletáriraini illaíma íaíllinona daide:

²⁸—Afe mámedido ómicoi llófueñelena jamánomo riire rairuídicaí. ¿Ja minica finódiomicoi? Nana Jerusalén comínimo ómicoi llófúiaífuiaí jica jálleide. Afe llezica afe íima tílla ícoinaí caímo nitáacadiomicoi, —daide.

²⁹Mei jira Pedro jíaíe orécamací diga uai ote:

—Juzíñamui uai jeire cai olle comini llogáuai baimo ñuera. ³⁰Cai jáíairagima Juzíñamui Jesuna tííllamona cáatate. Bie Jesús coráirabicimo aguíñeta omoi fagámie. ³¹Juzíñamui caífo monamo uano nabézimo íena rainade. Afe llezica afénomo Illáímana jóonete. Dáanomo Jíllotaraímana jóonete. Daí Juzíñamui Israel náíraímo íaioi illafue méidollíruí jóonete, íaioi íaífuiaí dóllena. ³²Aféfuemo uai nabáiraimadicaí. Daje izói

Ñuera Joreño aféfuemo uai nabaide. Nana ñue cacáredimacimo afe Ñuera Joreño Juzíñamui iga, —daide.

³³ Aféfuena cacana llezica, rícaidiaioi. Iaillinoína fáiacadiaioi. ³⁴ Mei íadi rímaci cígiri fariseo ímie ite. Afémie mámece Gamaliel. Afémie ocuícafe llófueraima. Nana comini femo ñue coméidiaioi. Afémie náidaillano ocuide:

—Nano dáallegoi bimaci oni jíainomo ui, —daide. ³⁵ Afe ifodo rímacina daide:

—Israel comini, cacai. Baimácimo omoi finóllifue abí omoi rairuri. ³⁶ Jáí-fuemo omoi úibicairi. Naui nígarui íllamona Teudas dúcizaíbite. Dúciillano daide: “Jamánomoidimiedicue. Il-láimaiticue,” daide. Iemona cuatrocientos dígamie afémiedo jáidiaioi. Mei íadi íena fatíaioi. Nana afémiedo jáidino ráidozinaidiaioi. Iemona afefue niné táinocaide. ³⁷ Afe mei comini mámece cuiájillarui, Galilea ímie Judas dúcizaíbite. Aillo comini íedo jáidiaioi. Daje izói íena fatíaioi. Afe izói nana íedo jáidino ráidozinaidiaioi. ³⁸ Ie jira bimácina omoi fáicanocai; afémacina áifedoñeno. Mei bifue íñíai íeza, fuizájite. ³⁹ Mei íadi Juzíñamui ifue, táinocaitanidiomoi. Abi omoi rairuri, Juzíñamui díga omoi fuirízainelleza, —daide.

⁴⁰ Nana jae jíeruificadiaioi. Mei jira orécamací jííritiaioi. Iaiói dúcinamona íaioína zechénotiaioi. Afe meífodo Jesús mámece úrillana íaioína rairuídiaioi. Afe mei íaioína fáicanocadiaioi. ⁴¹ Orécamací rímaci uícomona jino jáidiaioi. Íóbioicaidiaioi, mei Juzíñamui íaioimo ñue comeci facáoillaza. Jesudo jaináinamona méaifuedo duere zefuídiaioi. ⁴² Ie mei nágaruido Jesudo úritiaioi. Afe izói llófueoidiaioi. Gairíracomo, comini jófuedo daje izói llófuiaidiaioi.

Juzíñamui uai llotino canórainina siete dígamie mámecega

6 Aféruillaído ínotino aillo jebufoidiaioi. Griego imaci judío imácina zúucaillafuedo jítdiaioi:

—Nágarui güille fécanomo cai fecín-guai figo íñégaiaioi, —daidiaioi.

² Mei íemo doce díga orécamací nana ínotinori dáanomo íraidiaioi. Iaioína daide:

—Juzíñamui úrilla uai jino llófueredicai. Afena cai fáicanocaillena dani omoi güille cai fecállena figóñede. ³ Mei jira, ámatiai, omoi cígimona siete dígamie nize. Nana comínimona ñue coméidimie izóidena jitaide. Ñue onódimiena jitaide. Ñuera Joreño úicaigamiena daje izói jitaide. Ie mei daítdimíiai güille fecárainina mai jóoneri. ⁴ Mei cai dani Juzíñamuimo comeci facáoiticaí. Afe llezica Juzíñamui úrilla uaido llófueiticaí.

⁵ Nana aféfuemo ñue coméidiaioi. Iemona Ñuera Joreño úicaigamie Esteban nizédiaioi. Afémie Juzíñamui uaina iere ínofiredimie. Daje llezica jíáimíiai nizédiaioi: Felipe, Prócoro, Nicanor, Timón, Parmenas, Antioquía ímie Nicolás, naui nano afémie judíuai íaioi ínoga uaimo dáafueriacadimie. ⁶ Ie mei orécamací illánomo afémacina atfdiaioi. Atia mei orécamací íaioimo onoi bítano Juzíñamuimo úritiaioi. Afedo güille fecárainina mamécaiaioi.

⁷ Iemo Ocuíraima Jesucristo úrilla uai comínido oni móonaiocaide. Jerusalemo ínotino aillo jebuídiaioi. Afe llezica aillo judíuai lletáraini aféfuemo ínotiaioi.

Esteban llaitádiaioi

⁸ Esteban Juzíñamui izói ríñoredimie Juzíñamui ézicigamie. Ie jira comini cígimo aillo cíorainina raa onótate raa díga finode. ⁹ Ie jira Rairuíñegamací lló-

fueriraco ímiiaimona dáarie Estébamo como fueñe ie finócafue júfduaidiaioi. Afe llezica Cirénemona dáamierie, daje izói Alejandríamona, daje izói Asia éniemo ite Cilíciamona: nana afémaci Estébamo afefue júfduaidiaioi. ¹⁰Mei íadi íena anáfenonidiaioi. Ñuera Joreño íemo iga úrillana fibíllafuedo úriteza. ¹¹Ie jira taino lloraini íbajidiaioi. Afémacina llotíai:

—Mai omoi daíri: “Esteban Moisená Juzíñamui diga fiéndiuaina dainana cacádicaí,” —daí daífatiaioi. ¹²Aféfuedo comínina éinamaci diga fáillifaiñeítadiaioi, daje izói ocuífafue llófueraíni. Iemona cirínuano íena llaitádiaioi. Lláitano Caifóidíllaini uíecomo íena uitíai. ¹³Afe izói taino uailíai nabáiraíni jenódiaioi. Afémaci daide:

—Bímie caí ñue rairúrede gairíracomo báíñuano fáicanocaitañede. Jaca báíñofirede, daje izói ocuífafuemo. ¹⁴Afémie dainana cacádicaí. Afe daina daide: “Baie Nazaret ímie Jesús afe gairíraco júdaitaite. Moisés caimo iga finóllífuíai meídotaite,” —daí daídíai.

¹⁵Iemona ríimaci naa díno ráíiedinori, Estébamo eróillano, ie uíeco Juzíñamui abí ímie uíeconá eróidena cíoidiaioi.

Esteban abí íe ríiduafue llote

7 Mei jira lletáiraíni illaíma Estébamo jicánote:

—¿Meita nana bífuíai uáfuiái?

²Jira afémie uai ote:

—Ñue coméíide ámatiaí, móotiaí diga, cue úrillamo cácareí. Caí ebíredinoredímie Juzíñamui caí jaiái nanóidímie Abrahamo cíocaide. Ua Abraham Mesopotamia éniemo illa llezica, afémie naí Haramo jaiáñíñena llezica, ³Juzíñamui íena daide: “O illánie fiénocai naa o comíniri. Afemona omo cue llolle éniemo o jairi.” ⁴Mei jira Abraham Caldea éniemona oni jaide; jáillano, Harán jófuemo nano

nie díno ite. Dínomo íe moo tíilla. Iemona Juzíñamui Abraham afe bie omoi illíniemo atide. Ja birui aféniemo itíomoi. ⁵Mei íadi níie feci raana naí afémie Juzíñamui íena íñede. Afe izói due jiza íe macálliniena íemo fecáñede. Mei íadi Juzíñamui uícomo uáfuenta daide: “Bie énie óieite. O tíilla meífumo o jítótiaí íeite.” Mei íadi aféruíllaido Abraham naí jítónide. ⁶Nane dáonomo Juzíñamui íena daide: “O uícoídígima jíámaci éniemo onínemaci izói íítiaioi. Dínomo afémaci rairúcamaci izói íítiaioi. Dínomo cuatrocientos fimona duere finólliaioi,” daide. ⁷Mei íadi nane dáonomo Juzíñamui daide: “Omoi rairúcamacina finódizie íaioi fiénidífuíai cue jicánolle mei, afémacina duere zefuítaiticue. Ie meífumo o comini afénomona oni jáítiaioi. Oni jaillano, bíníemo cuemo ñue caímare tájizaíbitiaioi,” daide. ⁸Juzíñamui Abrahamo daináuai íbana finóllífue llote. Afe llezica íe jítótiaí bacano ícoi quetállena ocuíllado afe finóllífue uáfuenta onótate. Ie jira íe jító Isaac jócuá mei ocho dígarui íllamona, Abraham íe jító bacano ícoi quetade. Daje izói Isaac íe jító Jacóbona finode. Afe izói Jacob nana íe jítótiaína finode. Afe jítótiaí Israel doce diga nairai moona jáidiaioi.

⁹“Bie Jacob jítótiaí caí nánoragimaciaí. Afémaci íe ama Josemo úradioidiaioi. Afemona afémiena fecádiaioi, Egipto éniemo úillena. Mei íadi Juzíñamui Joseri íte íe canóllena. ¹⁰Nana íe zefuínáillamona zuitade. Ñue úrillana fibíllafue íemo íte. Faraón uíecomo ñue coméíidímiena Juzíñamui Josena itátate. Afe Faraón Egipto nahíllaíma. Afe Faraón Josena Egipto jabóllaímana mamede. Afe llezica daje izói dama Faraón jofó illáímana mameca.

¹¹ Iemona júbietaillafue nana Egipto éniemo baite aillo zefuinaillafue diga. Daje izói Canaán éniemo ite. Ie jira cai móotiai güillenidiaioi. ¹² Mei íadi Jacob Egiptomo trigo íllana fídiano afénomo ie jitótiai orede. Afémaci cai jáiairagima. Bifue íaioi fueñe güille uájillafue. ¹³ Ie mei dáanomo nane jáidiaioimo, José ie ámatiai ie abina onótate. Afe llezica José ie ámatiai Faraómo cíotote afémie íaioina onóillena. ¹⁴ Iemona José ie moo Jacob naa ie comíniri atítate. Afémaci setenta y cinco dígamiede. ¹⁵ Afe daí íaioimo íficaide Jacob Egíptomo jaiánillena. Dinomo afémie tíde; daje izói afénomo cai jáiairagimamona dáríe tíde. ¹⁶ Afe meífodo íaioi ícuruai Siquém illánomo uitá raíájidiaioi. Afe dinomo Hamor jitótiaimona Abraham ie comini ícuruai raillínuaí ibade. Jira afénomo raíájidiaioi.

¹⁷ Jaiái ninomo Juziñamui Abrahamo uire ñue íaioi íllena rírede uaido úafuena llote. Afe uícodo daínauai fuizáil-lirui ánoziacademo, Israel nairai Egíptomo ñue jebuídiaioi; ua iere áillue náiraina jáidiaioi. ¹⁸ Afe llezica Egiptomo jáie Faraón illáimaizaide. Afémie Josena onóñede. ¹⁹ Aféllaíma cai náiraina jífuede; cai jáiairagimacina duere finode. Cai como jococa úruiaína zóofetade íaioi tíllena. ²⁰ Aféruillaído Moisés jococa. Afémie ie dúeza illárui-mona Juziñamuina íóbitade. Afe izói ie moonna ie ei diga íóbitade. Afe íaillinoi daámami fiui jofomo íena móonaitadi-aillinoi. ²¹ Mei íena zóofetarui dúcinamona Egipto illaíma nahí jiza íena abimo ote. Afengo jitó izói afézana comú-tate. ²² Ie jira afe Moisés Egipto comini nana onóigafuena llófuegamie. Iemona ie daínauaillai rírede. Afe izói afémie finócafuaí jamánomoide. ²³ Ja afe mei cuarenta fimona illa llezica, Moisés ie nairai israelita comini méiñuaíacade. ²⁴ Afénomo Egipto ímie Israel náirai-

mona dámie duere finóinana Moisés cíoizaide. Ie jira Moisés ie nairai ímie ríduaibillano Egipto ímie fate afe íba óllena. ²⁵ Moisés comécido daide: “Cue ámatiai israelita comini Egiptomona fáicanocaillifue onódiaioi. Ua Juziñamui íaioi cuedo fáicanocaitafuena fidí-diaioi,” daide. Mei íadi ífena fidíñedi-aioi. ²⁶ Afe jítiramoidiruido Moisés Israel ímiiaillinoi fúirienaillana ciode. Íaillinoi fuiríllafuena llícaitaacanano íaillinoína daide: “Omicoi daje ámadiomicoi. ¿Nibái conímama duere finódiomicoi?” daide. ²⁷ Ie jira nabai duere finódimie Moisés oni ñuitade. Oni ñuita mei íaillinoimona dámie Moisenadaide: “¿Bu o cai cígimo illáimana jóonegao? ¿Bu cai fiénidífue jicánoraimana jóonegao?” ²⁸ ¿Nauri Egipto ímie o faaja izói birui cuena fáiacadio?” daide. ²⁹ Daíí daínana cacáillano, Moisés botade. Bótano Madián éniemo jaide. Dinomo jicánemie izói ite. Afénomo mena jitórede.

³⁰ Cuarenta fimona méifomo, Moisés amena figo íñenazicimo mácajide. Sinái idu áinomo ite. Afénomo Juziñamui abi ímie boode íazaifedinamo cíocaide. Afe irai bóoidinomo cíocaide. ³¹ Afena cíonamona Moisés jabo fáigacaide. Afena ñue cíoillena afemo jofu ánozide. Ainozillano Ocuíraíma Juziñamui úrillana cacade. Afe uai daide: ³² “O nánoídímaci Juziñamuidicue. Ua Abraham, Isaac, Jacob diezze Juziñamuidicue,” daide. Jira Moisés jágieri cuidíricaide. Iemona dáanomo afemo eróillana jacíruite. ³³ Iemona Ocuíraíma Juziñamui íena daide: “O eiba ico duiño, benó o naidáillano cue íllaza jamánomo ñúenoza. ³⁴ Cue comini Egíptomo duere zefuillana cíódicue. Íaioi eehe cáilliana cacádí-cue. Jira ana íaioína zúítaíbiticue. Jira cue daínana cacai. Egíptomo ona óreitícuéza,” daide.

³⁵ ‘Ja nano fueñe nana comini Moisená jámairuitiaioi. Iena jaiái daíñzaidiaioi: “¿Bu illáimana mamécao, caimo jicánoraimana o íllena?” Mei íadi bóodínamo ciode Juzíñamui abi ímieo Juzíñamui Moisená zúitaitimiena orede, íaioi illáimana.

³⁶ Jira Moisés cai jáiairagimaci Egiptomona jino bairódimie. Afémie bie éniemo ciórainina raa onótate raa diga finódimie. Afe izói Jiáirede Monáillaimo ciórainina dánamona comuide raa finode. Afe izói cuarenta fimona íllamona zaféredizicimo íaioi illa llezica ciórainina raa finófirede.

³⁷ Afe dáamie Moisés Israel comínina daidímie: “Juzíñamui dani omoi ámatiaimona uai llórainmana ómoimo óreite, cue ie ória izói. Afémiemo jeire omoi oíri.” ³⁸ Afe Moisés zaféredizicimo comíniri itímie. Afe Moisés Sinaí ídumo itímie. Dinomo Juzíñamui abi ímie íemo úrizaíbite. Afemona Moisés cai jáiairagimamo aféuai jino llotímie. Afe Moisés cáatatuai illaí, afe uáillaina caimo fiénocaillena.

³⁹ ‘Mei cai jáiairagimaci íemo cacárea-cañediaioi. Iena ruiffuillano, meine Egiptomona jáiacadiaioi. ⁴⁰ Jira Aarona daidíaioi: “Cai uícodo ífoite juzíñamuillaina caimo finóllena jítáidicai. Baie Moisés Egipto éniemona cai otímie, íemo itífvena onóñedicai,” daidíaioi.

⁴¹ Ie jira juráreto jiza jana finódiaioi; jáiaie ríllenai fatíaioi afe jízato jánaraina finócamo fia fecállena íena ióbitallena. Mei íaioi ónoido finoca raamo caimá-taioidiaioi. ⁴² Ie jira Juzíñamui íaioimona oni jaide. Afemona Juzíñamui íaioina fiénocaide mona úcuaimo íaioi comeci facáoillena. Mei daíí uai llóraini rabénicomo cuguáui daide:

¡Israel comini, omoi cacai!

¿Cuarenta diga fimona íllamona zaféredizicimo ríllenai fatíomoi cuemo fia fecállena?

⁴³ Ieñede. Jiáifodo finódiomoi.

Taino juzíñamui Moloc ráiicaillacoji abimo máinuano úioicaidiomoi.

Afe llezica jáiaie taino juzíñamui Renfán ucúduna eroide jánaraimo jeire otíomoi.

Afe jánarai dani omoi finoca ióbitalle jánarai.

Ie jira omoi éniemona omoi otá Babilonia batffénemo ómoina óreiticue, daide.

⁴⁴ ‘Cai jáiairagimamo Juzíñamui gairáraco ite. Afénomo noícomo cuega ocuica uailai énotiaioi. Afe gairáraco Juzíñamui Moísemo ocuilla izói niga. Nano fueñe Juzíñamui íena daide: “O ciónaco omo cue ácata izói o nitátari,” daide. ⁴⁵ Cai jáiairagimaci afe gairáraco feci raa izói llínotiaioi. Ie mei Josué diga bitino jáiaie nairai énie báirua llezica afeco atádiaioi. Afe éniemo itínuiai Juzíñamui oni jiuide, íaioi meífomo ie comini illino finóllena. Afeco daíí dinomo ite David illáruillaído. ⁴⁶ Illaíma David Juzíñamuina ióbitade. Iemona Juzíñamui afe Davidna canófirede. Aféruillaído ie jáiairagima Jacob ínoga Juzíñamui illico nitátaiacade. ⁴⁷ Mei íadi ie jító Salomón Juzíñamui jofu ua nitátatimie. ⁴⁸ Mei íadi jamánomo caifoide Juzíñamui, comini ónoido niga gairáracuaimo ífinide. Afe izói uai lloraíma daide:

⁴⁹ Caífo bie mona ua cue illáimana ráirano izoide.

Ie mei bie énie cue idai bitáoinanie izoide.

¿Niie izóidico cúeieena nitátaitio?

¿Nee cue ocózinairano?

⁵⁰ ¿Ua meita nana bie ráaniaína cue ónoido finódicue?

Jíi finódicue, —daíí Ocuíraíma Juzíñamui daide.

⁵¹ Nai Esteban afémacimo úrioicaide. Daide:

—Mei íadi omoi comeci jaca Juziñamuina rairuífiredre. Juziñamuina onóñedimaci izói jefónidiomoi. Juziñamuimo comeciñedimacidiomoi. Ñuera Joreño llétafue jaca jeire onédiomoi. Omoi jáiairagima izóidimacidiomoi.⁵² ¿Ua meita omoi jáiairagima nii uai llórainina duere finódiaoi? Nana íaioina duere finódiaoi. Nii fígomie bíllana uímodo llotínona titádiaoi. Afe fígomie jae dúcide. Iena fécano fatíomoi.⁵³ Omoi Juziñamui abi ímiaido llogámacidiomoi, mei íadi ñue cacáreñediomoi, —daíí dínori Esteban daide.

Esteban tíllafue

⁵⁴ Aféfuiaina cacáillamona, rícaidi-
aioi. Estébamo fuedo gugúricaidiaoi.
⁵⁵ Mei íadi Esteban Ñuera Joreño úi-
caigamie. Afe llezica monamo érocaide.
Dinomo Juziñamui ebírenafuena ciode.
Afe llezica Jesús Juziñamui nabézimo
naidáinana ciode.⁵⁶ Ie jira daide:

—¡Ero! Mona túinana ciódicue.
Nanoide Hima Jitó Jesús Juziñamui
nabézimo naidaide, —daide.

⁵⁷ Mei íadi afémaci jefo íbáidiaoi.
Rífirerie caillíocana illíñana íemo
caízaidiaoi.⁵⁸ Jófueмона oni uitá
nófiena ie níjidiaoi. Níjidino íaioi
emóddiroillai jitócome Sáulona
maméidimiena úíñotadiaoi.⁵⁹ Nai ie
íaioi níjia llezica, Esteban Juziñamuimo
úrillano daide:

—Ocuíraima Jesús, cue joreño oni
lliño, —daide.

⁶⁰ Ie mei ana dújullano, riire caillide.
Daide:

—¡Ocuíraima! Bie fiénidífue ícoina
bímacimo jítáñeno iri, —daide.

Daíí daina meífodo tíbicaide.

Saulo Jesudo gairírani racade

8 Fatímaci izói Saulo afémacimo
comeciioide.

Aféruimona Jerusalemite Jesudo
gairírani duere finóllena como fueñe
judúuai júnuaidiaoi. Ie jira nana ínoti-
maci Judea énie fueñado ráidoizitiaoi;
daje izói Samaria éniado. Dani doce
dígamie orécamaci Jerusalemite fiébiti-
aioi.² Iemona Juziñamui raana duéruiti-
maci Esteban raiájidiaoi. Ieri aillo
éediaoi.³ Afe llezica, Saulo gairíra-
macina nai racáide. Nágacuaido jen-
ode. Afécuaimona íñiaí ringóniaí diga
jino zónuano íaioina llavétate.

Jesucristo ñuera uai Samáriamo llujídiaoi

⁴ Ja birui Jerusalemite oni jáiredino,
Cristo jíllonafue íaioi jáillanuaimo
lluájidiaoi.⁵ Afémacimona dámie
Felipe Samaria jófueмо jaide. Dinomo
Cristo ráfuedo íaioimo úrizaide.⁶ Afe
comini gairíllano Felipe dáinamo ñue
cacáreidiaoi. Felipe finoca cíorainina
onótate ráaniaí ciódiaoi.⁷ Mei jira
aillo fiénide jóriaimona jíllotagaiaoi.
Afémacimona fiénide joríaí caillícana
oni jaide. Afe llezica aillo tízitaitimíai
aidáimaiaí diga jíllotagaiaoi.⁸ Aferi afe
jofue comini iere caimátaioidiaoi.

⁹ Mei íadi dámie Simona
mámeciredimie afénomo ite. Afémie
uícoidiruillaido aimana jaide. Afe jofue
comini jífue. “Jamánomoidimiedicue”
daíífredimie.¹⁰ Nana comini
jabóidinomona ua nahíllaimamo dieze
íemo iere cacáreidiaoi. Daidíaioi:

—Bímie caifoide Juziñamui ríinona
igámie, —daidíaioi.

¹¹ Iere are ie aimánafuedo afémacina
jífue; ie jira íemo jeire otíaioi.¹² Mei
íadi Felipe Juziñamui illáimana illirui
uai Jesucristo mámeci diga, íaioimo
llote. Aféuailaina cacáillano afemo ñue
ínotiaoi. Híniaí ringóniaíri dájerize íno-
tiaoi. Hínuano báutizagaiaoi.¹³ Afe
dama Simón hínuano báutizaga. Iemona
afémie Felipe nabaina jaide. Afémie Fe-

lipe finoca áillue ciórainina raa onótate raa diga, áferi fáigacaide.

¹⁴ Jae Samaria comini Juzíñamui úril-lauai jeire otaíoi. Afe íaioi jeire uá-fuena Jerusalemite orécamací fidí-diaíoi. Fídiano afénomo Pedro Juan diga orédiaíoi. ¹⁵ Dúciillano Samáriamo ite finotíni Juzíñamuimo jicádiaíoi, Ñuera Joreño íaioi llínollena. ¹⁶ Mei afémacimona nñimie Ñuera Joreño nai biñede. Dama Ocuíraima Jesús mámecido báutizaga. ¹⁷ Afemona Pedro Juan diga íaioimo onoi bitade. Iemona daí Ñuera Joreño úicaigaiáoi.

¹⁸ Orécamací bimácimo onoi bíta-mona Ñuera Joreño bíllana Simón ciode. Ciónamona úcube orécamié íaillinoimo íocana

¹⁹ daide:

—Jadí ríno cuemo ine. Afe izói nie cómemo cue onoi cue jóoneadi Ñuera Joreño íemo bílleza, —daide.

²⁰ Jira Pedro íena daide:

—¡Naa o úcube diga o táinocairi! Juzíñamui fecaca raa úcubedo íbárede daídoi; daí comeci facádoi. ²¹ Bífuemo o dúíñedio. Bie coco táíñinafuemo jaináñedio, o comeci jaícina Juzíñamuimo jóoiñena jira. ²² Bie o fiénidífue o fáicanocai. Juzíñamuimo izire o jicari o fiéni comécido daínafue íba omo ñeilleza. ²³ Ja onódicueza o comeci fílliru izói eríredez. Afe íaífuaídoi cuinácamié izói itioza.

²⁴ Jira Simón uai ote:

—Ocuíraimamo cuedo jicari, nana o cuena daínáfuaíaimona dafue cuemo níñeíllena, —daide.

²⁵ Afénomo Crístomo ñúefue nitá-diaíoi. Daje izói Juzíñamui uáillaido úritiaíoi. Ie meífoto, orécamié íail-linoi Juzíñamui jíllolluái aillo Samaria duera jófuaíaimo llófuaiáidaiillinoi. Ie mei Jerusalemite bitaíillinoi.

Felipe Etiopía ímiemo úrite

²⁶ Afefue meífoto Juzíñamui abí ímie Felípna daízaibite:

—Náidacaillano, fuírí batí Jerusalemona Gaza jófueo jóídido o jairi, —daide.

Afe zaféredizicido jóídoi. ²⁷ Iemona Felipe náidacaillano áfeodo jaide. Dinomo uíecodo jaide Etiopía ímie éidajide. Afémie illaingo abí ríimie. Afémie Etiopía illaingo Candace úcube úñoraima. Afe llezica afémie ónima. Naui uíecodo afémie Jerusalemite Juzíñamuimo cáimaduáide. ²⁸ Afémie abido ie éniemo jáizaide. Ie caballo zonóicaiga ráirralloicimo ráicana Juzíñamui uai lloraima Isaías cuegáuai facádoi. ²⁹ Afe llezica Ñuera Joreño Felípna daide:

—Jadíllloicimo áinozillano afénomo nabairi, —daide.

³⁰ Ainozillano, Felipe afémie Isaías cuegáuailai facáduana cacade. Iemona íemo jicánote:

—¿O facádoi uaina meita onódoi? —daide.

³¹ Jira afémie uai ote:

—Cuemo jino llóitímie íñeíza, ¿ñie izói ónoíticue? —daide.

Iemona Felípno caífo íe diga dáanommo ráíllena jicade.

³² Juzíñamui Cuegáuaimona afémie facádoi uai áfena daide:

Oveja izói tízailloimmo uiga.

Oveja jiza abí cuidódoi uíecomo

úrñedímie izói táide,

afe izói afémie jaca níífuedo úriñede.

³³ Afémie íere jámairuigamie; jaícinaidí-fuena íemo rairuáidaiáoi.

¿Ie ñue illáfuedo mei bu úrille?

Mei íe cájano bie éniemona níñe táino-caide, —daide.

³⁴ Jira illaingo abí ríimie Felípno jicánote:

—Cuemo llone, ¿bumo úrite uai llo-
raima? ¿Ñibai dama íemo úrite? ¿Ñibai
jíáimíemo úrite? —daide.

³⁵Jira Felipe afémie facádoga
Cuegáuaimona Jesús úrillauai íemo jino
llote. ³⁶Jainoi illánodo jailla llezica
ríimie daide:

—Benomo ite jainoi. ¿Birui áfejido cue
báutizanidicue? —daide.

³⁷Jira Felipe daide:

—Nana o comécido o ñinoiadi báuti-
zarellio, —daide.

Jira afémie uai ote:

—Jesucristo Juzíñamui Jitoza áfemo
ñnoticue, —daide.

³⁸Iemona jáiralloici mozíñota ille diné
jáidiaillinoi. Dinomo Felipe ie báutizade.

³⁹Illémoma ari abido jáidiaillinoimo,
Juzíñamui Ñuera Joreño Felípena oni
uite. Iemona ríimie íena jaca nane
cíoñede. Mei dama ie éniemo caimare
jaide. ⁴⁰Felipe nane Azoto jófuego cí-
caizaide. Dinómoma naga jófuedo jí-
llonauai llócade. Ua ba Cesarea jófuego
fuizájide.

Saulo comeci jíáifodo méiduafue

(Hch 22.6-16; 26.12-18)

9 Afe llezica Saulo Jesumo ñnotinona
fáiacanafuedo úrioidé. Ie jira lletári-
raini illáimamo jícanuaide. ²Daide:

—Llavétallibiaina cue ine, Damasco
jofue gairíracomo cue jáilleza, Jesús
uaimo ñnotino cue jénuailla. Afemona
íññiai naa ringóniari maitá Jerusalemo
cue atílleza, —daide.

³Mei nai iodo jailla llezica, Damasco
jófuego ánozidemo, monámoma bite
úzefo nágafene ie abimo úzere egáño-
caide. ⁴Iemona Saulo éniemo baííde;
baíílla llezica Jesús íena dáinana cacade:

—Saulo, Saulo, ¿ñibái mei cue
racádío? —daide.

⁵Mei jira Saulo uai otá jícanote:

—Ocuíraima, mei o ¿búdíio? —daide.

Jira aféuái ote:

—Cue Jesúdicue. Dama o
racácamedicue. Aillue juráreto
zaitáacademo jáiredizimo jíide. Afe
izói ízitagamiedio. ⁶Mei íemona Saulo
jágieri cuidide; daide:

—Ocuíraima, ¿ona nie izói
finóredicue? —daide.

Jira Ocuíraima uai ote:

—Náidacaillano baie jófuego mai jofu
jai. Dinomo o finóllifuenta omo llóiti-
aioiza, —daide.

⁷Sáulodo jaide comini aféuaina cacá-
diaioi íadi mei buna cíóñediaioi. Aferi
iere jacínaitiaioi. ⁸Ie meífodo Saulo
éniemona caifo ráinacaillano, érocaide.
Mei ui botáicaide íadi éroinide. Mei
jira daíí ónoído jainátacana Damasco jó-
fuego íena uitíiaioi. ⁹Dinomo daruíá-
mani uina cíóñede. Afénomo minícana
güíñede, jiróñede.

¹⁰Afe Damasco jófuego ñnotimie
Ananías illa, nñimíemo Ocuíraima
nicáirilla izóidedo cíocaide. Iena daide:

—¡Ananías! —daide.

Afémie uai ote:

—Ocuíraima, benó iticue, —daide.

¹¹Jira Ocuíraima íena daide:

—Náidacaillano, Deréchana
mámecirede iodo jairi. Dinomo Judas
jofomo jícanori: “¿Ñinomo ite Sáulona
mámeciredimie, Tarso jofue ímie?” O
dúcina llezica afémie Juzíñamuimo
úrite ¹²Ie úrioina llezica nicáirilla
izóidedo ie uimo onoi bítaíbitimie,
Ananías námeciredimiena ciode;
áfemona nane ie ui ñue cíoite, —daide.

¹³Afe uaina cacáillano Ananías daide:

—Aillo comini baie íimana cuemo
llotíiaioi. Afe llezica omo ñnotinuiaimo
nana Jerusalemo ie ñeni finócafuiái
cuemo llotíiaioi. ¹⁴Ja birui afémie
benomo bite. Lletáiraini illaini
llavétallibiai díga bite nana o námecido
jícafiredino maitá úillena, —daide.

¹⁵Jira Ocuíraima daide:

—¡Mai jai! Afe íimana jae cue nizeca jíáie náiraimo cuedo úrillena naa íaioi illáiniri. ¹⁶ Afémie aillo cue náiraimo llóite. Afémie aillo cue ícoinia duere ze-fuállana íemo ácataitícue, —daide.

¹⁷ Iemona Ananías Saulo illácomo jaide. Jofo jáillano íemo onoi bítajano daide:

—Ama Saulo, Ocuíraima Jesús o billa iomo omo cíocaidímie cue o ui meine abido cíoilena ocuide. Afe dáanomo afémie Ñuera Joreño ona cue úcail-lena cuena daide, —daide.

¹⁸ Afe daíf dáinamona, chamu icogi izoide ie uímona cúcoizite. Iemona nane ie ui meine cíoide. Afemona Saulo náidacaillano báutizatata. ¹⁹ Afe meí-fodo güillano, ie ríno meine comuítate. Afe mei nano nígarui Damáscomo ite ínotinori fiévide.

Saulo Damasco jófuemo jino llófuerte

²⁰ Ie meífodo Saulo garíracomo jino llófuerte. Afénomo daide: “Jesús Juzínamui Jitó.” ²¹ Nana afémiemo cacádino fáigacaillano daidíaioi:

—¿Ua meita bie nímiede, nauri Jerusalemo Jesús mámedido jicáfiredino racádimie? ¿Niie nauri benomo bitímie lletáriraini illáinimo cai maitá úillena? —daidíaioi.

²² Mei íadi Saulo jamánomo riire jino llófuerte. Jesús Crístonana jino uafodo cíótate. Mei jira Damáscomo ite judíuai Saulo ifona íritagaiaioi.

Saulo judíuaimona jillode

²³ Diga iruillai jailla meífomo, judíuai dáanomo comeci fácana Saulo fállena mamértiaioi. ²⁴ Mei íadi aféfuena afémie fidide. Naa mona naio diga jofue jino jáirazemo úiñoidiaioi ie fállena. ²⁵ Mei íadi ínotimaci áillue cirígaimo íena jónetiaioi. Jóoniano afe jofue

jinófene cirínuaila jinomo naio íena agúínetiaioi. Afe daíf afémie botade.

Saulo Jerusalemo illafue

²⁶ Saulo Jerusalemo dúciillano, Juzínamuimo ínotinori gairíacade, mei íadi nana afémiena jacíruitiaioi. Afémie ínogafuena nai jeire onédiaioi. ²⁷ Mei íadi Bernabé íena uáidote. Iemona orécamiíaimo íena ácatajide. Afemona Saulo iomo Ocuíraimana cíonafue íaioimo llote. Ie mei Saulo Damasco comínimo méaicaiñeno Jesús mámedido úrillafue íaioimo llote. ²⁸ Jira Saulo Jerusalemo diga irui ite. Dinomo ínotimaci diga macácaide. ²⁹ Ocuíraima mámedido méaicaiñeno úrite. Griego uaido úritino judíuaimo úrite. Conímamo jicánua uai ua daíf úrite. Iemona ie fállena mamértiaioi. ³⁰ Jíáie ámatiai afefue írdiano, Saulo Cesaréamo uitíaioi. Dinómona Társomo íena orédiaioi.

³¹ Ie meífomo nana Judea éniemo ite Jesús mámedido gairídino írazitiaioi. Ja íaioi ínogafuemo caimare náireoicaidiaioi. Afe izói Galilea éniemo Samaria énie diga ite ínotino írazillamona riire náireoicaidiaioi. Ocuíraima Jesús núe-fueri jácicaidiaioi. Ñuera Joreño íaioi cánuamona jebufoicaidiaioi.

Eneas jae jíllotaga

³² Pedro jíáie ámatiai uáiduaila llezica, daje izói Lida jófuemo ite ínotino éroizaide. ³³ Dinomo Enéasna maméidimiena cíoizaide. Afémie ocho diga ímona bíramo bíide ie tízitaila jira. ³⁴ Iena Pedro daízaide:

—Eneas, Jesucristo ona jíllotaiteza. Náidacaillano o bíra ñue fino, —daide.

Afemona Eneas raire jíllobicaide. ³⁵ Lida jofue naurai aféfuena nana cíódiaioi naa Sarón náirairi. Iemona jaijai nano íaioi ínogafuiai

fáicanocaillano Ocuíraima llogáfue mo
ñnotiaioi.

Dorcás tñide meine abido cáanafue

³⁶ Aféruillaído Jope jófue mo ite
ñnotingo. Afengo mámeçi Tabita. Afe
mámeçi griego uaido Dorcas. Afe
ringo ñúefuedo jáicade. Jitáidinona
canófirede. ³⁷ Aféruillaído afe Dorcas
iráreizaide. Iemona tñide. Ie abi jócua
meífodo oni caifóidicomo jóonetiaioi.
³⁸ Lida áinori ite Jope. Aféruimo Pedro
afénomo nai ite. ñnotino afénomo
íllana fidiámoma, ménamie orédiaioi
íena daiíllena:

—Jópemo jizñeno raire biri, —daide.

³⁹ Iemona Pedro afémie íaillinoído
jaide. Pedro dúcinamona, Tabita abi
jóoinanomo íena uitáioi. Nana fecín-
gotiai abido ífoina naidározzillano éedi-
aioi. Afe llezica nana Dorcas nauí ie
caana llezica tifócaçuiruai íemo ácatati-
aioi. Emodo íroillai naa jíáie íníoillairi
íemo ácatatiaioi. ⁴⁰ Afécomona Pedro
nana jino íaioi orede. Ie mei caññici ífodo
dújuillano Juziñamuimo úrite. Tíidin-
gomo eróillano daide:

—Tabita, mai caifo náidacai, —daide.

Iemona afengo ui botáicaide. Pédro mo
érocailanona caifo ráinade. ⁴¹ Onoído
llñnota ie caifo naidánete. Afe mei
ailli jino oreca fecíngotiai íemo ámatiai
dainámaci díga abido jñrite. Iemona
afengo caade íaioimo izájide. ⁴² Afefue
nana Jope jófue mo jállecaide. Iemona
aillo comini Ocuíraimamo ñnotiaioi.
⁴³ Afe mei Pedro díga irui afe jófue mo
fiévide. Igorai ídiai jinítaraíma Simón jo-
fomo ífirede.

Pedro Cornelio uáiduafue

10 Afe Cesarea jófue mo Cornéliona
maméidimie ite. Afémie
fuiríraíni áillogüelli illaíma. Afe
áillogüelli mámeçi Italiano. ² Afémie
naa dama ie comáñiri Juziñamuimo

começi fácajano caimare úrite. Afe
llezica Juziñamuimo ñue jacíruioide.
Daje izói aillo úcubena judíuaimo
fecáfírede íaioi canóllena. Iemo
Juziñamuimo nágarui úrifírede. ³ Ie mei
daarui jítoma ana ítemo nicáírilla izói
ciode. Afe nicai anado Juziñamui abi
ímie uáfodo cíode. Afe abi ímie jofu
Cornelio illánomo jaide; jáillano íena
daide:

—¡Cornelio! —daide.

⁴ Cornelio afe Juziñamui abi ímiemo
jacíruioicana érocailano jicánote:

—Ocuíraima, ¿bie minica?

Iemona abi ímie íena daide:

—O jicánua Juziñamui jae jeire ote.

Daje izói jítáidino o cánuafuiaína jeire
ote. ⁵ Mei jira Jope jófue mo íññiai
ore, Simón jñrizaillena. Afémie jíái-
fodo mameína Pedro. ⁶ Afe Pedro jíái
Simón igorai ídiai jinítaraíma. Afémie
jofu monáillai fuédamo ite. Afe Simón
Pedro o finóllifue omo llóite, —daií
daide.

⁷ Afe íemo úrite Juziñamui abi ímie
jáidemo, Cornelio mena táijitagamie
jñrite. Ie mei ie abi ímíiaimona daa
ñúefue mo ñnofírede fuiríraíma jñrite.

⁸ Nana Juziñamui abi ímie íemo llogafue
llu meífomo Jópemo íaioína orede.

⁹ Afe jítiramoidirui mo, nai
afémaci iodo jailla llezica, Jópemo
ánozidiaioimo, Pedro jaiciri illa llezica
jofu emodo íbánimo Juziñamuimo
úrizaide. ¹⁰ Aillo jufñañillamona
güíacade. Mei íadi nai güille íaioi
fñua llezica, nicáírilla izoide ciode.

¹¹ Afe nicai anado mona tújijicailana
ciode. Afénomona áillue iniroi izóidena
nágafene zicai ícoínoga ana éniemo
agüínana ciode. ¹² Afe agüínega
íníroimo naga táíide rñllenai ite,
jaióniai féedinuiai díga. ¹³ Iemona daa
uai dáinana cacade:

—Pedro, náidacaillano fatá rii, —
daide.

¹⁴ Jira Pedro uai ote:

—Jii, Ocuíraima, rñeiticue. Bácaca rñllena jaca rññédicue. Daje izói iáirede rñllena rññédicue naa rairuica rille diga, —daide.

¹⁵ Afe uai nane dánomo íena daide:

—Naga Juzíñamui dogá izói finoca rñlleza iáire maméñeno iri, —daide.

¹⁶ Afefue dacaiñoámani íemo íficaide.

Ie meífomo afe iniroi meine abido monamo jaide. ¹⁷ Nai Pedro afe nicáirilla-fuemo comeci facáoide. “Afe cue ció-nafue nie izói daiíacade,” dáidemo, Cornéliomona orécamiiai nazemo náidazaibitiaioi. Simón jofo jicánotiaioi.

¹⁸ Dúciillano aillo uaido jicánotiaioi:

—¿Simóndimie bicomo ite? Afémie jiáifodo mameina Pedro, —daiíaioi.

¹⁹ Nai Pedro nicáirillamo comeci facáoide, Ñuera Joreño íena daide:

—Cacai, damieámani o jenódiaioi.

²⁰ Náidacaillano ana billano jizire úriñeno íaioido jai, mei cue omo orécamiiaza, —daide.

²¹ Mei jira Pedro jofo emódobanimona ana billano Cornelio orécamací, nazemo náidaidinona daide:

—Cue omoi jenócamiedicue. ¿Nibái mei bitómoi? —daide.

²² Jira afémaci uai otíaioi:

—Illaíma Cornelio cai ória jira biticai. Afémie ñúefuena nitácamie. Afémie Juzíñamuimo ñue jacíruioide. Nana judúuai íena ñue llínotiaioi. Iena iere izíruitiaioi. Juzíñamui abi ímie íena daide: “Jópemo comini oreri Pedro uáidollena, afe mei o jofomo Pedro bílleza.” Jira o uáibiticaí. Dínomo Cornelio íena o daiíacallifuenta cácaite, —daiíaioi.

²³ Ie jira Pedro jofo íaioina ote. Afe naio ie diga fiébidiaioi. Afe jiáiruido Pedro afémaci diga jaide. Afe llezica Jópemo ite ámatiaimona íena nabáioicaidiaioi.

²⁴ Afe jiáiruido Cesaréamo dúcidi-
aioi. Dínomo Cornelio íaioina úiñote.

Aféno mo bíllena ie llogámaci ie comí-
mona, ie gaiga nabáíñiaimona dánomo
gairídíaioi. ²⁵ Afécomo Pedro dúcia llez-
ica, Cornelio jino íena llínuaibite. Jino
billano Pedro anamo dújude, ie cá-
madollena. ²⁶ Mei íadi Pedro íena náida-
caitano íena daide:

—Náidacai. Cue o izói énie ímiedicue,
—daide.

²⁷ Nai afémie diga úrioína llezica,
jofo jaide. Jáillano aillo gairídnona
cóizaide. ²⁸ Jira Pedro daide:

—Jae onódiomoi, judío ímie
ie ínuafuiaido jiáizie ímie diga
nabáirinide. Daje izói ie jofomo
jaille rairuírede. Mei íadi Juzíñamui
jae cuena llófuete. Buna jiáimana
comécina iáiredimie daiñide. Daje izói
rofóciredimie jiáimana daiñide. ²⁹ Ie
jira orécamiiai cue jírilla llezica nie
izói daiñeno jarire bitícuéza. Mei jira
nibái mei cue uáidotioza onócadicue,
—daide.

³⁰ Ie jira Cornelio uai ote:

—Jae nagaámarui jáidemo, afe bie
daje hóramo, benó cue jofomo güiñeno
iticue. Aféruimo jitoma ja ana ítemo
Juzíñamuimo comeci faiticue. Comeci
faiano quenírede ínícuro jítáoidimie
cuemo cíocaide. ³¹ Afémie cuena daide:
“Cornelio, o jicánogafuiaína Juzíñamui
cacade. Afe llezica jítáiredinomo o cánu-
afuiaimo Juzíñamui coméciide. ³² Jope
jófujemo ore Simón uájillena. Afémie
jiáifodo mameina Pedro. Afémie jiáie
Simón jofomo biruido ite. Jiáie Simón
igoraí ídiai jinítaraima. Ie jofo mon-
aillai fuédamo ite. Pedro dúcia o diga
úrizaite,” daide. ³³ Daií raire ona jenó-
taticue. Jira o bille ñuera. Birui nana
benomo Juzíñamui uíecomo iticai. Nana
Juzíñamui omo llotátagauai caímo o
daiíllena cacáacadicaí, —daide.

Pedro Cornelio jofomo llófueteza

³⁴ Jira Pedro ja úrillano daide:

—Ja birui Juzíñamui jíáimana daa úradotatañedeza onódicue. ³⁵Mei íadi nizíemo itino íeri jácicaillano ñúefuedo úritinona Juzíñamui íaioina llínofírede. ³⁶Israel cómogimacimo Juzíñamui úrite. Jesucristodo comeci caimare uái illafue íaioimo llote. Afémie nana nairai Ocuíraima. ³⁷Nana judío éniemo comúdifuena ñue onódiomoi. Juan Bautista jino llujáilla mei, comini báutizailla meífodo afefue Galiléamo como fueñe taineca. ³⁸Nazaret ímie Jesumo Ñuera Joreño ríino Juzíñamui ígaza onódiomoi. Afe Jesús ñúefue finócana jáillana onódiomoi. Afe izói nana Taife ríino anamo duere zefuídinona ie jíllotafuiaina onódiomoi. Aféfuiaina daí finode Juzíñamui ie diga jáicana jira. ³⁹Nana Jesús judío éniemo finócafuiái uai nabáiraimacidicaí. Daje izói Jerusalén jófuemo ie finócafuiái uai nabáiraimacidicaí. Ie méifomo cruzmo íena coráiano íena titádiaioi. ⁴⁰Mei íadi Juzíñamui daruíamani íllamona abído íena cáatate. Ie mei afémiena caimo cíocaitade. ⁴¹Nana comínido cíocaitañede mei íadi dani caimo cíocaide, Juzíñamui uícomo nizeca uai nabáiraimacidicaíza. Afe mei afémie tíillanomona meine abído cáanamona ie meífomo, afémie diga güiticaí; ie diga jiródicaí. ⁴²Afémie Jesucristo rafue jino comínimo caina llotátate. Afe izói jíáifue caina ua nabáiritade. Afefue daide: “Juzíñamui afe Jesús tíidino cáadino diga íaioi fíénidifuiái jícanoitimiena ocuide. Cai aféfuemo uaina nabáitagamacidicaí.” ⁴³Daje izói jaiái ninómona nana uai lloraini Jesudo úritiaioi. Daidíaiói: “Nana afémiemo ínotino íaioi íáiredifuemona ie mámecido ñue dóficaitaioi,” daidíaiói, —daide.

Judíuainédino Ñuera Joreño como fueñe úicaigaiáioi

⁴⁴Nai Pedro úrioina llezica, ie úril-lauaimo cacáreidimacimo Ñuera Joreño nana íaioimo ana bite. ⁴⁵Jira Pédro bite ínote judíuái fáiagacaidiaioi. Ñuera Joreño judíuainédino daje izói úicaigafueri fáiagacaidiaioi. ⁴⁶Jae jíáizie uáillaido íaioi úrillana cacádiaioi. Afe llezica Juzíñamuimo íaioi íobioinana cacádiaioi. ⁴⁷Mei jira Pedro daide:

—¿Birui bu mei ráiruille bimaci báutizallena; mei daa cai izói Ñuera Joreño úicaigaiáioi? —daide.

⁴⁸Iemona Jesucristo mámecido íaioi báutizazigaiáioi. Ie meífodo Pédro izire jícadiaioi: “Nano nígarui cai diga iri,” daidíaiói. Dái íena jerudíaiói, nano nígarui íaioi diga íllena.

Pedro Jerusalemo ite ínotinomo llogafue

11 Judéamo ite orécamací ámatiaí diga, cómoicana jíáifuenta fidídiaioi. Afefue daide: Judíonédimaci Juzíñamui úrillauaina jae jeire otíaioi. ²Pedro meine Jerusalemo jáidemo, judíuaimona dámierie ínotino Pédróna zanódiaioi. ³Zánuano daidíaiói:

—¿Nibái judíonédino uáiduaidio? ¿Nibái íaioi diga güitio? —daide.

⁴Ie jira Pedro afefue nanómona nana ie finócafuiái llote; daide:

⁵—Jope jófuemo cue íadi, Juzíñamuimo úrifredicue. Afe llezica nicai anado cíódicue. Afe nicai anado áillue iniroi izóidena monámona ana bíllana cíódicue. Aferoi nágafene zícaino ícoínoga. Dái cue illánomo dúcide. ⁶Afemo ñue eródicue ie eromo itínuaiaina onóillena. Iemona afe eromo ite táicaide rílleniaina cíódicue. Afe dánomo jacírede rílleniaina cíódicue. Daje izói afénomo jáizai, íemo féedinuiaí diga íllana cíódicue. Nana

afe ciona ríllenai bácaziga. ⁷Iemo daa uai cuena dáinana cacádicue. Daide: “Pedro, náidacaillano afe ríllemona fatá rii.” ⁸Mei jira daidicue, “Ocuíraima, dama ite. Jaca nanómona cue fúedo íáiredena riñédicue bácaie diga.” ⁹Ie mei afe monámona cacaide uai dáanomo cuena daide: “Juzíñamui dogarílleza íáirede daíñeno o iri.” ¹⁰Afegue dacaiñoamáni meine íficaide. Afe meífomo dáanomo nana monamo meine jaide. ¹¹Afe llezica daamieámáni cue illánomo dúcide. Afémaci Cesaréamona cue jenóllena orécamaci. ¹²Ñuera Joreño afémacido cuena orede: “Due jiza jizíñeno afémacido jairi,” cuena daide. Daje izói baie seis ámatiai cuedo jáidiaioi. Nana cai daaco jofomo jáidicai. ¹³Afémie Juzíñamui abí ímiena ie jofo eromo ie ciónafue caimo lloste. Afe Juzíñamui abí ímie náidaillano íena daide: “Jope jófuego nano nígamie ore, Simón jírizaillena. Dámie jíáifodo mameina Pedro. ¹⁴Afémie ona dáíteza, nie izói o nana o comini diga jíllotioza,” daide. ¹⁵Cue fueñe íaioimo úrizaiilla llezica, Ñuera Joreño imaci acónimo bite, nano fueñe cai acónimo billa izói. ¹⁶Mei íemona Ocuíraima daináfuego úbicaidicue. Afegue daide: “Uáfueña Juan ía íaínoido báutizade, mei íadi Ñuera Joreño úcaigamacina íitiomoi.” ¹⁷Mei jíi Ocuíraima Jesucristomo cai ínuano Juzíñamui caimo iga Joreño, bimácimo Juzíñamui íacade. Afena fidíillano Juzíñamuido jarífeicana úriacañedicue. Jamai cómedicueza, —Pedro daí daide.

¹⁸Mei ie jira Jerusalemo ite ámatiai aféfuiaína fídia llezica, llícaidiaioi. Llícaillano Juzíñamuimo caimátaidiaioi. Daidíaioi:

—Ua afe izói judíoñedimacimo íaioimo íieni íifue méidollena íaie Juzíñamui íaioimo íecade. Afemona daí íaca zíñona cáaillinona íaioimo ite.

Antioquíamo ite Juzíñamuimo íinote gairídino

¹⁹Esteban íaioi íaie llezica, jíaie íinotimacimo duere íinótatiaioi. Dáarie Fenicia éniemo botádiaioi; jíáimaci Chípreno Antioquía diga botádiaioi. Dinomo afe núefue dani judífuai namácimo llotíaioi. Jíáimacimo llóñega. ²⁰Mei íadi dáarie Chípreno imaci, Cirene imaci diga ínotino Antioquía jófuego dúcidiaioi. Dúciillano judíoñedimacimo úritiaioi. Afemona Ocuíraima Jesús úrillauai íaioimo lloste íaioi jíllloillena. ²¹Afe llezica Ocuíraima ríno íaioimo ite. Mei daí aillo comini nano íaioi íaie íinogafuiai íaicanocaillano Ocuíraima Jesumo ínotiaioi.

²²Afegue Jerusalemo ite ínotinomo jíllecaide. Iemona afémaci Bernabé Antioquíamo orédiaioi. ²³Bernabé dúciillano, Juzíñamui cáimadogamacini izói ciode. Aferi afémie íere íóbicaide. Nana íaioi llófuete; daide:

—Nana cai Ocuíraimana íaicanocaiñeno íe llogáfuego íaícina omoi coméciiri, —daide. ²⁴Afe Bernabé comécina ífigomie, Ñuera Joreño úcaigamie. Afémie Jesucristomo izire ínofredimie. Daí aillo comini Ocuíraima Jesucristo íena náamatade.

²⁵Afe meífodo Bernabé Társomo Saulo jénuaide. Baillano Antioquíamo íena úite. ²⁶Dinomo daa íimona namónaze ínotino cígimo ñue fuitádiaillinoi. Afénomo aillo comini llófuete. Afe Antioquíamo ínotino como fueñe Crístomo íaináidinona ía íamécaiaioi.

²⁷Aféruillaído dámie íe Juzíñamuimona llíinoga uailai lloráimaci Jerusalemona Antioquíamo íaízaide. ²⁸Afémacimona dámie Agábona mámeciredimie. Nana ínotino cígiri náidaillano daide:

—Nana bie éniemo aillo jamánomo jú-bie biite, —daide.

Nuera Joreño ie comécimo llúamona afefue jino llote. Afe júbie daí bite Claudio illáimana illáruillaido. ²⁹Ie jira Antioquíamo ite ínotino comeci facádiaioi Judéamo ite ámatiai canóllena. Naga come íaioimo ite úcube díferize bai jóonetiaioi. ³⁰Afe daí ñeta, Bernabé Saulo íaillinoído afe iraicu úcube Judéamo ite ínotino illáicominimo orédiaioi.

Santiago túllafue Pedro llavéinafue díga

12 Aféruillaido Juzíñamuimo jaináidino duere finóllena illaima Herodes nane jénuaide. ²Iemo Herodes Juan ama Santiago lloéfaido titátate. ³Afémie titátari judíuai iere ióbidiaioi. Aféfuena Herodes fidínamona nane Pedro lláitajide. Ja birui irázillarullai. Afe irázillarullaido fáitañega pan güitíai. ⁴Pedro llaitada mei Herodes llavéracomo íena íbaicuaide. Dinomo cuatro díggüelli íena úínotiaioi. Naga afe güéllimona cuatro dígamirie llaíziriraini ite. Herodes comeci facade pascua rafue meífodo Pédróna jino comínimo cíotallena. ⁵Ie jira Pedro llavéracomo llaveda ñue úíñoga. Mei íadi Juzíñamuimo gairírdino íemo izire Juzíñamuimo jicáoidiaioi.

Juzíñamui Pédróna llavéracomona jino oreca

⁶Herodes Pedro jino comini uíe-como óiacanarui uícodo, afe naio Pedro llavéracomo inide ñue úíñoga. Ná-gafene onoi llóejina maiga úíñoraíma íaillinoi jaináoigari inide. Afe llezica jíáie úíñoraíma íaillinoi jino llavéraco naze úíñoide. ⁷Iemo Juzíñamui abi ímie raire cíocaizaibite. Afe llezica llavéraco ero úzerecaide. Juzíñamui abi ímie Pe-

dro ciraigi teténote íena cazítate. Cazítano íena daide:

—Mai raire náidacai, —daide.

Iemona llóejillai Pedro ónoimona ana cocide. ⁸Afe Juzíñamui abi ímie íena daide:

—Mai o ciraigi tirínorafe jofo riire tirino. O éiba ico jita, —daide.

Pedro daíí abi fñua llezica Juzíñamui abi ímie íena daide:

—O emodo jitaca áreroi jitada, cuedo bi, —daide.

⁹Iemona Juzíñamui abi ímie ódana Pedro jaide. Afe abi ímie finócafue Pedro onóñedeza; nibai uafue nibai táinofue. Comeci facáoid: “Nícaí anado ciona izóidifuenta cíodicue.” ¹⁰Mei íadi fuéñeide jóonetimíemona bai jújicailano báifeicana jóonetimíemo dúcidiaillinoi. Ie mei afémíemona jújicailano bai nazemo dúcizaidiaillinoi. Afe naze íbaira lloébani. Dúcidiaillinoímo afe naze íbaira daíngo tújicaide. Jino jáillano bai iodo daallu macádiaillinoi. Ie mei Juzíñamui abi ímie ie fiénocaid.

¹¹Iemona Pedro ñue onócaillano daide:

—Íco iere uáfueza. Juzíñamui abi ímie cuemo orede Herodes cue llavéinamona cue zuitállena. Afe izóí nana judíuai cue duere finóacanafuemona cuena zúitaibite, —daide.

¹²Aféfuemo coméciillano Juan ei María jofomo jaide. Afe Juan jíáfodo mameide Marcos. Afécomo aillo comini Juzíñamuimo iere úrillena gairírdiaioi.

¹³Pedro afeco abi íbiri llaveca nazemo náidazaide. Náidaillano jofo ero imaci jíirite. Iemona Ródena mámeceirede ringoza bu billa daííllena eróizaide. ¹⁴Mei íadi Pédróna uáimona onóillano, nazena tuiñóñeno, ióbicaillano meine jofo aizida llujáide:

—Pedro nazemo dúcina, —daízaide.

¹⁵Jira íena daídíaioi:

—¡Uáiritaidio!

Mei íadi afengo daide:

—Uáfuenta ñue lloticue; uáfuenta Pedro dínomo ite, —afengo daífoide. Mei íadi afémaci íñoñoeno daidíaiói:

—Pédronedeza; fia ie joreño, —daidíaiói.

¹⁶Mei íaiói úrioina llezica, Pedro nazemo nai jírioi. Afe meífomo naze tuiñoda íemo érocaidiaiói. Erocaillano jacnaitiaíoi:

—Ua meita Pédrodio, —daidíaiói.

¹⁷Mei íadi ónoide:

—Mai omoi úriñoeno, lliicai, —daide. Iemona Juzíñamui llavéracomona ie zúitafue lloite. Iemo íaioina daide:

—Bifue Santiágomo llujíri nana jíáie ámatiaíri, —daide.

Ie meífodo jino jaillano oni jíáinomo jaide.

¹⁸Jae monáizaidemo, llavécano úiño-rainimo aillo riire júfidotiaíói, mei onóñediaioiza; daidíaiói:

—Benó cai úiñoega Pedro ¿niné jaide? —daidíaiói.

¹⁹Herodes Pédróna íaioina jenótate. Iena íaiói baiñenamona, nana úiño-rainimo jíajicanode. Ie mei Herodes afeúñoraini fatátate, Pedro íaiói botata jira. Afe mei Herodes Judéamona jae oni Cesaréamo jaiánite.

Herodes tíllafue

²⁰Jae Herodes Tiro comini Sidón comini diga íaióiri icírioi. Mei íadi afémaci dani comeci facádiaíói ie uíecomo cízoaibillena. Illaima Herodes jabóidillaima Blasto. Afémiena fairíotarediaíói íaióiri ñue nabáirillena. Afémiedo ñue caimare illifue Heródemo jícadiaíói. Ua izire jícadiaíói, íaiói güilleniaí, illaima Herodes éniemona íaiói ófírena jira. ²¹Ie jira Herodes íaióimo úrizaillirui íaióimo lloite. Aféruimo ebírede illaima iníroi jí-tano illaima ráíiranomo ránade. Daíí ñiano are íaióimo úrite. ²²Mei íemona comini caillíocana íena daidíaiói:

—Bie úritimie fia cómeñedeza, afémie juzíñamui, —daidíaiói.

²³Afe llezica Juzíñamui abi ímie Heródena iráretade Juzíñamuimo ñuefuenta nitátañena jíriari. Iemona afe Herodes aiáide tílla.

²⁴Iadi Juzíñamui lloga uai oni jal-léicaide. Afe jalléinamona náganerie fidídiaíói.

²⁵Bernabé Saulo diga íaillinoi afe úcube fíiaillano meine abido Jerusalémóna bitíiaillinoi. Aféillinoi bite dáamie, Juan dainámie. Dáamie mámecei Márcona.

Bernabé Saulo diga como fueñe nágabobai llócaidiaillinoi

13 Antioquíamo ite gairíracomo nano niga uai jino llóraini ite naa llófueraniri. Afémaci mámeceiaí: Bernabé, Simón, Cirene ímie Lucio, Manaén, Saulo dígamiediaíói. Simón jíáífo mameina Negro. Galilea illaima Herodes Manaén diga, dánomo comuídiaillinoi. ²Aféruillaído afémaci güiñoeno Juzíñamuimo caimátaidiaíói. Iemo Juzíñamui Ñuera Joreño íaioina daide:

—Bernabé Saulo diga oni eneno niz-eri, cue ocuica raa íaillinoi jetállena.

³Güiñoeno Juzíñamuimo úrilla meífodo éinamaci íaillinoina ónoide ézícita, daidíaiói:

—Mai, ómicoi jairi, —daidíaiói.

Orécamaci Chipre éniemo llófuaidiaíói

⁴Ie mei daíí Ñuera Joreño íaillinoimo llujíillamona oni Antioquíamona Selúciamo jáidiaillinoi. Dínomona áillocaedo monaillai cígi záfedu Chipremo jáidiaillinoi. ⁵Salamina ígobemo dúcizaidiaillinoimo judío llófueriracomo Juzíñamui uaillai jino llotíiaillinoi. Afe llezica Juan íaillinoi canócana nabáizaide. ⁶Nana Chipre

éniedo llócadiaioi. Iiraínomo Pafó jófuemo dúcidiaioi. Dinomo judío aima Barjesuna mámeçiredímie baizájidiaioi. Afe aima táinona llófuefiredímie. Afémie daiífiredede:

—Juzíñamui dibénedo úriticue, — daide.

⁷Afe aima ocuídillaíma Sergio Paulo dígamie dáanomo itáillinoi. Afe Sergio ráfuena ñue onódímie. Aféllaíma Bernabé Saulo diga jíiritade Juzíñamui uail-lai cacáillena. ⁸Mei íadi afe aima Bernabé Saulo diga llogáuui uáitano zandode. Ocuídillaíma ínuana aima rairuíacade. Afe aima jíáífodo mameina, Elimas. ⁹Saulo jíáífodo mameina Pablo. Afe Pablo Ñuera Joreño úicaigamie. Aima dáinana cacáillano íemo riire érocaillano ¹⁰daide:

—¡Jiáíma jífuetimiedio! Íáiba Taife jítódio. Nana ñúefuíaína uáitaraimadio. ¿Ñibái mei ñuera Juzíñamui lloga uai oni cáitano féitaacadío? ¿Ñibái mei o táínofuíaína fáicanocaiñeno jino llóllodio? ¹¹Mei jabe Ocuíraíma Jesucristo riire ona duere fínoite. O ui nírite. Nano nígarui jítoma egáíñuana ciónéitio, — daide.

Daiíf dáinamona ie ui nirílicaide. Jae jítódine taino mellécade. Dáamie íena ónoído jainátacana úite, ie ui ciónena jira. ¹²Ocuídillaíma Sergio Paulo áfena cióillano, llogáuaina ñue ínote, mei Juzíñamui llófueinamo jacíruoicana aféuaimo ñue eroide.

Pablo Bernabé diga Pisidia éniemo ite Antioquía jófuemo jáidiaillinoi

¹³Pablo ie nabáíñiai diga nocaedo Pafó jófueмона jáidiaioi. Dinómona Panfilia éniemo ite Perge jófuemo jáidiaioi. Afénomo Juan íaioína fiénocail-lano abído Jerusalemo jaide. ¹⁴Pablo ie nabáíñiai diga afe Pérgemo dúciillano, Pisidia éniemo ite Antioquía jófuemo arido jaícina jáidiaioi. Dinomo

ocózinaillarumo llófueriraco eromo ráinazaidiaioi. ¹⁵Ocuícafuiai illánicomona fueñe facádotiaioi. Ie mei Juzíñamui uai jino lloránicuaimona facádotiaioi. Afe facádua fuíllamona llófueriraco illaini íaillinoína daidiaioi:

—Amatiai, ómicoi cacai. Omicoi llóicaigafuiai íadi comini cacáilleza jino ómicoi llóoiri, —daide.

¹⁶Mei íemona Pablo náidacaillano, ónoído comínina llícaítade. Afe mei íaioína daide:

—Israel nairai, omoi cácarei. Daje izói Juzíñamuina jacíruoidino, omoi cácarei. ¹⁷Israel nairai Juzíñamui cai jáíairagima nana íaioína nizede. Iemona Egipto éniemo ónoñegamacina íaioi illa llezica, aillo náiraina afémie jebuítate. Afe mei aféniemona dama íemo ite ie ríinodo íaioína oni ote. ¹⁸Ua mei Juzíñamui comeci jítaínafue nai figo fuitáñediaioi, mei íadi afe táizicimo cuarenta diga fimona Juzíñamui íaioína zófeñeno úiñote. ¹⁹Afe mei Canaán éniemo ite siete nairai Juzíñamui niné táinocaitaga, afe énie cai jáíairagima mainóllena. ²⁰Afe meífodo diga riire jicánoraini cuatrocientos cincuenta fimona ocuíaiaioi. Ua ocuíaiaioi uai llóraíma Samuel illáruimo. ²¹Ie mei íaioína ócuíte ríillaima jicádiaioi. Jira Juzíñamui Saúl cuarenta fimona afémaci illáimana jónete. Afe Saúl Cis jító, Benjamín nairai ímie. ²²Afe mei Juzíñamui Saúlna oni orede. Oni óriano David illáimana ie meífomo jónete. David ífuedo Juzíñamui úrite; daide: “Cuená íóbitadímie David baiticue. Afémie Isaí jító. Nana cue jitaiga raana jetáfirede,” daide. ²³Afe David cómogimamona Jesús jococa. Afe Jesús Juzíñamui uícomo daináuui izói Israel nairai jíllotaitimiena íaioi cígiconi Juzíñamui comuítate. ²⁴Jesús comínimo nai abi báífitañenia Juan nana Israel náraímo jino llote; daide: “Nana omoi báutizaredíomoi. Omoi comeci ífuiai

mai ñúefuena méidoziri.”²⁵ Juan uícodo llófuiaillafue fúiacademo, daide: “Omoi comeci fácamiñedicue. Jamáimiedicue. Mei íadi cue meífodo bitímie cue baimo baitádimie. Afémie idai ico igaina zuitánidicue, (jiba jamáimiedicueza),” daí Juan daide.

²⁶ ‘Cáimaci, omoi cácarei. Abraham nairai urúcidio moiza; mai cácarei. Omoimona Juzíñamuina jacríoidino, omoi cácarei. Bie ñue jllotaituiai ómoie. ²⁷ Mei Jerusalemo itino íaioi illáiniri Jesús nahí ífuena fidñediaioi. Daje izói naga ocózinaillarumo facádoga uai llóraini llogáuailaina cacádiaioi, mei íadi aféuai daináfuaena onóñediaioi. Aféuailaina íaioi onóñenado Jesús duere finótatiaioi. Daí jai ai ninomo mamécafuiai afémiemo fuitádiaioi. ²⁸ Afe Jesús fatátallifuena due jiza jaca baiñediaioi; mei íadi Pilátomo ie fatátallena jicádiaioi. ²⁹ Afe mei nana afémiedo Cuegáuailaimo jai ai ninomo lloga uailai fuitádiaioimo, crúzmona íena ana otá íena raiájidiaioi. ³⁰ Mei íadi Juzíñamui tíllanomona íena meine cáatate. ³¹ Afe mei diga irui íllamona Galiléamona Jerusalemo ie diga jáicadinomo Jesús íaioimo cíocaide. Afe iedo jáicadino ja birui comñimo afémie llócaigafue llotíaioi.

³² ‘Juzíñamui cai jáiairagimamo uícomo llogáuaido úrite. Ñúfuedo úrite. Ja birui afe ñúfue ómoimo lloticai. ³³ Ja cai bie afémaci cómogimadicaí. Ie jira afémie uícodo llogáuai ja caimo fuilla. Afe uai daide: “Jesucristo tídena meine abido cáataticue.” Daí rúanicomo cuega; segundo ruamo cuega; llote: “Cue jítódio. Birui ona cáataticue.” ³⁴ Diga ícaíño Juzíñamui ie cáailifuena llote. Ua tíllanomona íena cáataite, ie feizi jaca ninomo rífaíñeillena. Juzíñamui aféfuena jai ai ninomo Cuegáuailaido daide. Afe uai ie jító Jesuna daide: “Davidmo uícodo cue uafue lloga ñue

cáimafuiai nahí omo jainaide.”³⁵ Ie jira rúanicomo jáíruido daide: “O izíruiga ñue canódimie feizi ráiruitio ie rífaíñeillena,” daide. ³⁶ Afe David ie llezica igímána ñue canode, Juzíñamui ie ocuilla izói. Afe meífomo David tíllano ie uzútiai cígimo íena raiájidiaioi. Iemo ie feizi rifaide. ³⁷ Mei íadi Juzíñamui cáatagamie feizi rífaíñede. ³⁸ Cáimaci, omoi cacai. Afe bie rífaíñaño cáatagamie Jesudo omoi fiénidifuiai iba óñeillifue ja ómoimo jino lloga. ³⁹ Afémiedo nana íena ínotino nana íaioi fiénidifuiaimona dóficaitiaioi. Mei íadi Moisés ocuífafuiai cai fiénidifuiaimona caina zuitáñede, mei cuinaca izói jaináidicaí. ⁴⁰ Ñue abi omoi rairuiri uai jino llóraini cuega mamécafuiai ómoimo báíñeillena. Afe mamécafue daide:

⁴¹ íñoñoeno uáitaoidino, omoi cácarei; cacáíllano áferi omoi jacínaificairi. Iemona niné táinocaitio moiza, aféruillaido jamánomo ñue jácifue cue fínua jírari.

Aféfuena dámie ómoimo lloía, íadi áfena íñoñeitiomoiza, —daide.

⁴² Pablo ie nabáíñiari judío garíracomona jino jáidiaioi. Jáidiaioimo judíoñedino jocócaiaioi íaioimo aféfuena meine abido íaioimo lluaíbillena jicádiaioi. Afe úreite ocózinaillarumo meine lluaíbillena jicádiaioi. ⁴³ Afe llófueriracomo íaioi gairilla záíllamona aillo judíuai Pablo llogafue jéruítiaioi. Iemona Pablo Bernabé diga íaillinoído jáidiaioi. Daje izói aillo judío onóigafuena jeire otino íaillinoído jáidiaioi. Pablo, Bernabé diga íaioimo llote:

—Mai Juzíñamui caina izíruillafuemo nágari aféfuemo ñue omoi coméciiri, —daide.

⁴⁴ Siete dígarui íllamona ocózinaillarumo, nana jofue comini dáanomo gairídiaioi, Juzíñamui uailai cacáreillena. ⁴⁵ Mei afénomo aillo

comini gairíllana judíuái cióillano, úríoina izóí itíaiói. Afénomo Pablo uaillai uáitano íena báíñotíaiói. ⁴⁶ Ie mei Pablo Bernabé diga abi mámiáno íaíoina daíde:

—Judíuái, bie Juzíñamui uai fueñe ómoimo lolle iere jitáirede; mei íadi ja aféfuena óiacañediómoi; afe ícoina zíñona cáallinona llíñoñeitiómoi. Ie jira ja birui judíoñedinomo jáiticaí. ⁴⁷ Mei jira Juzíñamui daí caina llotátate; Juzíñamui daíde:

Cuedo náiraina fidítaraimana o mamédicue.

Nana énie íiraino imaci ñuera jíllonafue llóraitmana ítío.

⁴⁸ Aféfuena cacáíllano judíoñedino ióbicaídiaíoi. Iaiói úrilla fueñe táinia llezica:

—Juzíñamui uáíllaina jamánomo ñuera, —daííaiói.

Afémacimona aféfuena ínotino aillo ite. Zíñona cáatatinona llíñoitínona mamécaíaiói. ⁴⁹ Iemona Juzíñamui uaillai nana afe énie náiraido jae ñue jalleide. ⁵⁰ Afe jófuemo Moo Juzíñamui izire jaináiacade ringóniaimona dáingorie ite. Afe ringóniai illaingo izóidingotíai. Judíuái afe ringóniaimo úrite, Pablo afe jófuemona oni oréllena. Daje llezica judíuái afe jofue illáinimo daje izóí úrizaidíaiói. Iaiói comeci fieni fñua jira, jíaié Páblona duere finóacana-fue comuízailla, Bernabé diga. Afe jófuemona oni íaíllinoi orédaíoi. ⁵¹ Afe ória meífodo afe íaíllinoi eiba ico íaie íaíoi mo teténote; afe teténuafue baimaci comeci íaífuíaimo íteza, daííacade.

Daíí ñiano Iconio jófuemo jáidiaíllinoi. ⁵² Mei íadi Jesús llogáfuemo ínotino iere ióbíoidíaiói. Afe llezica Ñuera Joreño úicaigaíaiói.

Pablo Bernabé diga Icóniomo itíaiíllinoi

14 Icóniomo dúciíllano judío llófueriracommo daane jofu jáidiaíllinoi. Dinomo jamánomo ñue úritíaiíllinoi. Afemona aillo judíuái Jesumo ínotíaiói; judíoñedinomona daje izóí aillo afefue ínotíaiói. ² Mei íadi ínoacañede judíuái jíaié judíoñedino comeci íaire finódaíoi. Daíí Páblona Bernabé diga éocana eródaíoi. ³ Ie jira dinomo diga irui ñue jáicina jacíruiñeno Ocuíraima Jesús mámeçido llófuetaíllinoi. Afe llezica Juzíñamui dama ie ñue ríino íaíllinoimo fecade. Afemona onótate ráaniai cforainina ráaniai diga finódaíillinoi. Aféniaído íaíllinoi lloga Juzíñamui caina izíruíllafue Juzíñamui ñue comínimo fidítate. ⁴ Mei íadi jofue comini bózietaídaíoi. Dáarie judíuái díbenemo jaináiacadaíoi. Jáíimaci Pablo Bernabé diga díbenemo jaináiacadaíoi. ⁵ Afe meífodo ínoacañede judíuái jíaié judíoñedino diga naa íaiói illáiniri nofciaína íaíllinoi njíiacadaíoi. Daíí íaíllinoína duere finóacadaíoi. ⁶ Mei íadi aféfuena orécamaci úicodo fidídaíoi. Fídiano Pablo Bernabé diga Licaónia éniemo botádiaíllinoi. Dinomo ménagobemo macáoidiaíllinoi, Litra Derbe diga naa afe áinori itíniaído. ⁷ Dinomo ñue jíllonafue llotíaiíllinoi.

Lístramo Pablo nofcina njídaíoi

⁸ Iemo Lístramo macáñede aidaima ite. Ie jocóinanomona títzitaite izóí macáñede. Jaca ie macánina jira dinomo ráíide. ⁹ Afémie Pablo daínáfuemo ñue cacáreide. Iemona Pablo íemo érocail-lamona, títzítatímie ñue ínuana Pablo comécido fidíde. Ie ínuamona afémie jílllorede. ¹⁰ Iemona Pablo íena riire daíde:

—O ídaido caifo jaícina naidai, — daide.

Afénomona afémie tícacailano náidacaide; náidacaillano como fueñe mácajide. ¹¹ Daí Pablo finócafuena cóoilano, nana comini Licaónia uáillaido caillfoicana daidíai:

—¡Juzíñamuillai jamai comini izói ana cai cígimo billa! —daidíai.

¹² Bernabena Júpiter juzíñamui daidíai; Páblona Mercurio juzíñamui daidíai, jamánomo ráfuiái llotfmiēna jira. ¹³ Júpiter gairíraco naze fueri ite. Afeco úínotimie juráretuai atide naa amena záfiaiai diga. Afémie naa comini íaillinoimo cáimadoacadiaioi. Juráreto fáillemona íaillinoina íóbitaacadiaioi. ¹⁴ Mei íadi órécamací Pablo Bernabé diga fidíaiailinoi. Aféfuena fidínamona, ínícuro cúatacaillano, comini cígimo jáidiaillinoi. (Afe iniroi cuata daífacade íaillinoi comeci jamánomo rícaide.) Jaillano caillfoicana daidíaiailinoi:

¹⁵ —¡Nana omoi, cácarei! ¿Ñibái bie izói finódiomoi? Coco omoi izói jiba cómedicoco. Núefue ómoimo atídicoco. Afe bie táinofuiái omoi fáicanocaillena lluaíbiticoco. Fáicanocaillano, ua caade Juzíñamui dine omoi jáillena daí lluaíbiticoco. Afémie mona, bie énie, monáillai dieze finode naa íaioimo itínuiairi. ¹⁶ Jáiairagima illa llezica nana nairai íaioi comeci jitáillafodo macáoidiaioi. Aféruillaido Juzíñamui íaioina lletáñede. ¹⁷ Mei íadi Juzíñamui ñúemie ífuena ñue ómoimo finócafuiaido ómoina fidítafirede. Ua ñue nocina ómoimo bítafirede. Nana aménaiai llizíllajiaina ómoiri llizítate. Afedo omoi güille ñue ite, omoi comeci íóbillena, —daí úrite Pablo.

¹⁸ Mei nana afe daináuailalai daina íadi, nana comini íaillinoiri juráretuai nai fáiacadiaioi. Íadi ícoimo afétuai íaioi faana féitataidiaillinoi.

¹⁹ Afe mei Antioquíamona Icóniomona dáarie judúuai dúcizaide. Litra comínimo júfiduano Pablo fállena mamédiaioi. Iemona Páblona noficiaina níjdiaioi. Níjiano jofue jinófenemo íena zonócaidiaioi. Comécido daidíai: “Ñibai tíde,” daide. ²⁰ Mei íadi ínotino íemo gairídiaioimo Pablo náidacaillano meine jófuemo jaide. Afe jítiramoidiruido afémie Bernabé diga Dérbemo jáidiaillinoi.

²¹ Dinomo jílona uailalai jino llotfaiillinoi. Afe jófuemo aillo comini Jesumo ínotiaioi. Afe mei meine abido Lístramo, Icóniomo íemo Antioquíamo dieze jáidiaillinoi. ²² Nana afénuiai jofue ínotinúiai ñue caimare íociretadiaillinoi. Ñue jaícina ínuafuedo íaioi jáillena llófuetaillinoi. Iemo íaioina daidíaiailinoi:

—Juzíñamui illáimana illíruimo cai jáillena, aillo afe facátafuiái iere caimo jítáirede, —daide.

²³ Afe llezica naga gairíracuaimo ócuite illáinina mamédiaillinoi. Afe mei güíñeno Juzíñamuimo iere úrilla meífomo nana como ocuídillainina mamécamiiai Juzíñamui úíñuamo jóonetiaillinoi, Juzíñamuimo ñue íaioi ínuua jira.

Pablo Bernabé diga íaillinoi nano billánomo abido jáidiaillinoi

²⁴ Afe meífodo Pisidia éniemona jaillano Panfilia éniemo dúcidiaillinoi. ²⁵ Perge jófuemo jílloñafue llotfaiillinoi. Afe llua meífomo Atalia jófuemo jáidiaillinoi. ²⁶ Dinómona Siria éniemo ite Antioquía jófuemo nocaedo ruica jáidiaillinoi. Naui afe jófuemo ite ínotino íaillinoina Juzíñamuimo jóonetiaioi. Daí finódiaioi jíáie nairai ñúefuena llófuiaillena. Ja birui afe táijina fuilla. ²⁷ Antioquíamo dúcidiaillinoimo, nana ínotino Juzíñamui garíracomo gairídiaioi.

Gairídiaioimo Pablo nana Juzíñamui íaillinoído finócafuiái jino íaioimo llote. Afe llezica judíoñedinomo Juzíñamui ñue jílloille io como túíñua llotíaillinoi. Afe izói áfemo afémaci íñorediaioi. ²⁸Afe meífomo Pablo Bernabé diga íñotino cígimo are diga irui itíaillinoi.

**Íñotino illaini Jerusalemo
gairídiaioi orécamaci diga**

15 Aféruillaido dáarie íñiaí Judea éniemona Antioquíamo ite íñotino llófuaibite. Iaioina daidíaioi:

—Moisés ocuica íiza bacano icoi quétafuena omoi finóñenia, jílloñeitio-moi, —daidíaioi.

²Ie jira Pablo Bernabé diga íaioimo riírede uáillaido úritiaillinoi aillo júfiduafuiái diga. Iemona Antioquíamo ite íñotino Pablo, Bernabé, jíáimaci diga nizédiaioi, Jerusalemo ite orécamacimo aféfuena jicánuaillena; daje izói Jerusalemo ite Juzíñamuimo gairídino illáinimo jicánuaítiaioi.

³Mei daí nízia mei Antioquía íñotino afe nizécanona orédiaioi. Afe oréinamona, Fenicia éniédo Samaria énie diga jáidiaioi. Jaillano judíoñedinó íaioi jaiái llóinauailalai féitano Juzíñamui dibénedo jáillafue llotíaioi. Nana ámatiaí aféfuena cacáillano iere íóbidiaioi.

⁴Pablo Bernabé diga Jerusalemo dúci-diaillinoimo, Juzíñamuimo gairíndodo caimare uáidogaiailinoi. Daje izói orécamaci naa gairídino illáiniri íaillinoína caimare uáidotiaioi. Dinomo Juzíñamui íaioiri finócafuiái íaioimo jino llotíaillinoi. ⁵Mei íadi fariséuaimona dáarie íñotino caifo naidáillano íaioina daide:

—Íñote judíoñedinomo afe cai izói quetáinafue jitáirede. Afe emódomo Moisés ocuífue ñue íñollena jitáirede, —daidíaioi.

⁶Iemona orécamaci naa íñotino illáiniri aféfuena ñue onóillena gairídi-

aioi. ⁷Aféfuiái are íaioi júfidua meífomo, Pedro caifo náidaillano daide:

—Amatiaí, omoi cácarei. Naui Juzíñamui cuemo finócafueña onódiomoi. Juzíñamui omoi cígimona cue nizada judíoñedino cígimo orede. Ua cuena nizede afémacimo ñue jílloñafue uailalai cue llujállena; áfemona afémaci aféfuaiña íñotiaioi.

⁸Cai comécina onode Juzíñamui cuemo llote: “Afe judíoñedinona ñue llínoitícue,” daide. Afemona Ñuera Joreño íaioimo fecade caimo ie feca ízoi. ⁹Juzíñamui cáimona afémacimo jíáifodo finóñede. Iaioi ínuado íaioi comeci íaifue Juzíñamui oni dote caie ie dua ízoi. ¹⁰Mei birui ¿ñibái mei Juzíñamui finócafue jeire onédiomoi? ¿Ñibái mei baie íñotino jamánomo riire ocuífacadio? Afe ocuínafuena cai, cai jáiairagima diga finónidicai. ¹¹Mei íadi jíáifodo íñotícaí, cai jílloillena. Ocuíraima Jesús caimo dúecaide. Afemo cai ínuamona ibáñeno jíllobicaídicaí. Afe izói judíoñedino Jesumo ínuamona ibáñeno jíllobicaídiaioi, —daide.

¹²Mei jira afémaci llícaídiaioi, Bernabé Pablo diga llogáfuemo cacáreillena. Nana judíoñedino cígimo Juzíñamui finócafuiái llotíaillinoi. Dinomo íaillinoído uaido finoca onótate raa cíórainina raa diga Juzíñamui finode. Aféfuiái jino llotíaillinoi. ¹³Iaillinoi llogafue fúillamona, Santiago daide:

—Amatiaí, cue dáinamo cácarei. ¹⁴Simón Pedro jae Juzíñamui judíoñedinona como fueñe íaioina izire canóinafue caimo jino llote. Juzíñamui jae judíoñedimacimona dáazie como níziaibite dama ie náiraina. ¹⁵Afefue ua Juzíñamui jaiái uai llóraini cuegáfuaímo jáicina dájena jóobide. Afe Cuegáuai daide:

¹⁶Bífue mei, meine bíitícue.

Ua David jaiái nairai, júdaizitaga íadi, meine dáaziena jofu gairítaitícue.

Aféziemona due fiébidino jaiái íaiói íza-ina izói meine jebuítaiticue.

Ríinidimaci jofo dánomo otátaiticue, ñue riírediziena íaiói íllena.

¹⁷Afe daíí fínuaíbiticue nana jíáimaciai Juzíñamuimo comeci fácajano íaiói ínollena.

Daíí fínoíticue nana cuena náamarede judíoñede náiraíai cuemo comeci facada ínollena.

¹⁸Ua jaiái ninómona aféfuíai onótate Juzíñamui daíí daide.

¹⁹‘Ie jira bifue lloticue. Afe como Juzíñamuido jáiacade judíoñedino mai, cai íaióina áfedoñeíticai. Jae íaiói jaiái ínoga táinofuíai fáicanocaidiaíoi Juzíñamui llogáuaina íaiói ínollena.

²⁰Due llétafue íaióimo cai cúellena ja dieze figo baite. Afe bífuíai íaióimo llóitícaí. Mai jánaraimo fia fecaca güllena omoi jetáñeno iri. Mai jiruífuemona abí omoi rairuiri. Dama áiredimie ie aí díga illa ñuena. Mai cimoina cigínoga rílleniaí riñeno iri. Afe izói coróbaitaga rílleniaí riñeno iri. Daje izói díena omoi jíroñeno iri. ²¹Daíí judíoñede como ínotimacimo lletádicaiza, níbai nanómona nana jófuemo Moisés ocuáfue llófueraíni ite. Naga ocózinaillaruido llófueraícomó afe Cuegáuai jino facádotiaíoi. Ací díno Santiago lloste.

²²Iemo orécamací gairídimací, nana íaiói illaini díga, “Jii,” daídíaiói. Iemona íaiói cigímona dámierie nizéllena maméritiaíoi, Antioquíamo oréllena Pablo Bernabé díga íaíllinoí nabáíllena. Judas dainámie nizédiaíoi; afémie jíáífodo mameina Barsabás. Daje llezica Sílasna nizédiaíoi. Afe íaíllinoí ámatiaí cigíri illaíma izóidiaíllinoí. ²³Iaíllinoído cuegabe orédiaíoi. Afébemo daide:

“Cai Antioquíamo ite judíoñede ámatiaímo uai orédicai. Afe izói Siria éniemo ite ámatiaímo, Cilicia éniemo ite ámatiaí dieze nana ómoímo uai orédicai. Nana orécamací, Juzíñamuimo

gairídíno illaini, benó ite ámatiaí díga, ómoímo uai orédicai. ²⁴Cáimona ómoímo nauí bitíno fínócafue jae fidídicai. Caimo lloñeno oni jáidiaíoi. Cai óreñegaiaíoi. Dani imací uáíllaido jae omoi ífoci írinuaídiaíoi. Daíí ómoína áífeduaídiaíoi. Omoi bacano icoí quetáíllifuaí lluaíjidiaíoi; jíáíe Moisés llogáuailái ómoímo ocuáfuaídiaíoi. ²⁵Ie jira cai comécido ñue jaide cai cigímona mena come mamedá ómoímo oréllena. Aféfuena nana jíeruiticai. Bie nizécaíllinoí Pablo Bernabé díga omoi éroizaíbitiaíoi. Pablo Bernabé díga cai iere izíruíga ámaíllinoí. ²⁶Cai Ocuárima Jesucristo ñúefue íaíllinoí llua ícoína, jaci cácatagaíllinoí. ²⁷Daíí Judas Silas díga ómoímo orédicai. Aféíllinoí ómoímo jofo úritiaíllinoí nana bífuíai jino ñue llóllena. ²⁸Mei cáimona ñue cioide; afe izói Ñuera Joréñomona ñue cioide riírede rafue ómoímo cai mámeñeíllena. Dama jítaíredífue mámeíticai. ²⁹Jánaraimo fia fecaca rílleniaína omoi riñeno iri. Daje izói díena jíroñeno iri; cimoina cigínoga ríllena omoi riñeno iri. Nana jiruífuemona abí omoi rairuiri. Dama áiredimie ie aí díga illa ñuena. Bífuiaímona abí omoi rairuíaí, ñue íitiemoí. Jae níie.”

³⁰Daíí Jerusalemo ite ínotino íaióina Antioquíamo orédiaíoi. Antioquíamo dúcidiaímo, díno mo ite ínotino dánomo gairítatiaíoi afe rabe fecállena. ³¹Afebe ámatiaí facáduamona iere íóbidiaíoi. Ua afe caímare llétafueri íóbidiaíoi. ³²Judas Silas díga Juzíñamuimona oga rafue jino llórediaíllinoí. Ie jira íaíllinoí uáíllaido afe ámatiaí ñue náirecaítadiaíllinoí. Afe llezica íaíoina ñue comeci fírazítadiaíllinoí íaiói caímare íllena. ³³Díno mo díga iruí íllamona, Antioquíamo ite ámatiaí comeci jacínaíñenafuedo íaíoina jáítatiaíoi.

Daif íaioina uáidonocaidiaioi meine íaioi orécamaci diné jáillena. ³⁴Mei íadi Silas Antioquíamo fiébicaillena mamérite. ³⁵Afe izói Pablo Bernabé diga Antioquíamo fiébidiaillinoi. Afe meifodo, aillo jiáie llóraini diga, llófuertiaioi. Cai Ocufráima Jesucristo uaillai jino llotíaioi.

Pablo dánomo nane jáizaide ñúefue llujállena

³⁶Diga irui illa meífomo Pablo Bernabena daide:

—Mai dánomo meine coco jai, nauti coco llófuegano coco uáiduauilli. Nana íaioi jófuedo Jesucristo uaillai llófueti-coco, ie jira afémaci nie izói itíaioiza coco eróizai, —daide.

³⁷Bernabé Marcos úiacade íaillinoi jaille dine. (Marcos jiáifodo mameina Juan.) ³⁸Mei íadi Pablo íena úiacañede, nauti Panfilia éniemo íaioina fiéno-cailla jira. Iemo íaillinoi táijicanado jáiñede. ³⁹Afue jamánomo íaillinoi riire júfidua meífodo, dáríe enénorie oni jáidiaillinoi. Ie mei Bernabé Marcos uite. Daif ñiano, nocaedo Chípreno jáidiaillinoi. ⁴⁰Afe llezica Pablo dama íeiena Silas nizada ote. Nízia mei, afénomo ite ámatiai Juzíñamui íaillinoi izíruillena caimare jicádiaioi, daje izói Juzíñamui íaillinoina nabáirillena. Daif jica meífomo, oni jiáinomo jáidiaillinoi. ⁴¹Siria énie, Cilicia éniédo jáidiaillinoi. Afénomo Juzíñamuimo gairide ámatiai náicaitaidiaillinoi.

Timoteo Pablo Silas diga nabáizaide

16 Derbe, Lystra jofue diga dinomo Pablo, Silas diga dúcidiaillinoi. Afénomo daa Juzíñamuimo ínotímie baizájidiaillinoi. Ie ei judúaimona Juzíñamuimo ínotíngo. Mei íadi ie moo griego ímie. ²Lystramo ite ámatiai afémiedo ñue úritiaioi naa Icóniomo ite ámatiairi. ³Pablo Timotéona ie

nabaina úiacade. Ie jira ie bacano icoi quetátate, íaioi jáillinomo ite judúai afémiedo comeci fiéni fácañeillena. Mei afémaci ie moo griego ímienana ñue onódiaioiza. ⁴Nana íaioi jáillado ite jófuedo lletáinafue llotíaioi. Afe lletáinafue Jerusalemo ite orécamaci ocuide éinamaci diga llotátatiaioi. ⁵Daif Juzíñamuimo garídímaci íaioi ínuafue ñue oni mónaioicaide. Afemona nágarui aillo jebufoicaidiaioi.

Pablo Macedonia ímiena nicai anado ciona izói ciode

⁶Asia éniemo Ñuera Joreño ñúefue íaioi llujállana ráiruide. Ie jira Frigia énie, Galacia énie diga afe éniemo oni llujáidiaioi. ⁷Ie mei Misia énie fuédamo dúcidiaioi. Dinómona Bitinia éniemo jáillana comeci facádiaioi, mei íadi Jesús Joreño dinomo íaioi jáillana rairuide. ⁸Ie jira jica Misia énie fuédado jáidiaioi. Dinómona Troas ígobemo jáidiaioi. ⁹Dinomo afe naio Pablo nicáirilla izói ciode. Afe nicáirilla izói Macedonia énie ímiena ciode. Afémie náidaicana Páblona izire jicade; daide: “Bené Macedóniomo cai cánuaibi,” —daide. ¹⁰Daif Pablo nicai anado izói cionamona Macedóniomo cai jáillena mamériticai. Jae Juzíñamui cai jírillaza ua onódicai dinomo ñúefue cai llujállena.

Pablo Silas diga Filipos jófueo illafue

¹¹Iemona Tróasmona nocaedo monaillai cigi idu Samotráciamo jaícina jáidicai. Ie jítiramo Neápolismo dúcidicai. ¹²Dinómona Filipos jófueo jáidicai. Afe Macedonia fueda Filipos jamánomo jalléidígobe. Romano comini afe jofue nauti nitátatino. Dinomo nano nígarui iticai. ¹³Afe ocózinailaruimo afe jofue jinomo jáidicai. Ua imani fuemo íaioi Juzíñamuimo iere

úrizaifirenanomo jáidicai. Dinomo ráinaillano nñufuedo gairídingotiaimo úriticai. ¹⁴ Aféngotiaimona daango Lidia mámeciredingo. Afengo Tiatira jofue ingo. Afengo jáire jítirede ñuera iniroi fecáringo. Afe ringo Juzíñamuimo áinozioidingo Juzíñamuimo caimare úrilla. Iemona afengo afe nñufuena cacárecade. Jae Juzíñamui afengo comécina tuiñode, Pablo llogáuailai jeire óllena. ¹⁵ Afengo naa ie comíniri báutizagaiaioi. Báutiza mei izire jicada caina daide:

—Comeci anado omoi daifadi, Juzíñamuimo ua finotíngodicue, mai cue jofomo omoi bi, —daide.

Iemona aféngodo jáidicai.

¹⁶ Afe Juzíñamuimo úrizairanomo cai jailla llezica, fiénidena jóriarede ringoza baizájidicai. Afe fiénide joriaido come ónoñega éicina raire onófirede. Afengo izire jeruícango. Afe eici báillado aillo úcubena ie náamatiai íena ófirediaioi. ¹⁷ Afe ringoza Pablo diga caido jáizaide. Caillícana jaide; daide:

—Bimaci caifoide Juzíñamuimo dúidiaioi. Omoi jilloille io ómoimo llotíaioi, —daide.

¹⁸ Diga iruillai daif afengo caillide. Are ie caillícana ícoimo, Pablo zefuñnaite. Meine gírecaillano aféngomo ite fiénide jóriaina daide:

—Jesucristo mámecido aféngomona ona oni orédicue, —daide.

Daif daina llezicamona afe fiénide jóriai aféngona fáicanocaillano jaide.

¹⁹ Afe ringoza náamatiai daif ie finónana ciódiaioi. Iemona:

—Jae aféngodo úcubena óñeiticai, —daidíaioi.

Daif dainano Pablo Silas diga llaitada ríimaci uícomo aillo gairírabirimo uitíaioi. ²⁰ Riire jicánorainimo íaillinoína izájidiaioi. Daidíaioi:

—Bíaillinoi, judío ímíai cai jófuego comínina ríicaitaíbite. ²¹ Caimo llúaíbi-

gafuíaia jeire ónidicai. Afe izói cai ínidicai, cai bie románodicaiza, —daidíaioi.

²² Iemona afeno comini íaillinoimo ríicadiaioi. Riire jicánoraini íaillinoi incuírona duiñoda rázido íaillinoína fatátate. ²³ Iaillinoi aillo fáina meífomo, llavéraco íaillinoína láviaidiaioi. Afe llavéraco úiñoraíma riire ocúdiaioi íaillinoína ñue rairuñllena. ²⁴ Afe riire ocúnaífua cacánamona llavéraco úiñotímie llavéraco jamánomo jofóidicomo íaillinoína orede. Dinomo come idai jítara íredamo íaillinoína jítate.

²⁵ Afe naio dáaferuimo Pablo Silas diga Juzíñamuimo úrillano Juzíñamui ruai rotíaillinoi. Afécomo jáie llavécamiiai afe rúana cacádiaioi. ²⁶ Iaillinoi rua llezica afe énie raire iere riire docáiricaide. Nana afe llavéraco jáillirai izói riire mozide nofíciái jaidínocaiga izói íficaide. Afe llezicamona llavéraco náziai túicoizite. Afemona nana llavécamiiai llójeuai tícoizite. ²⁷ Iemona llavéraco úiñoraíma cazide. Cazídemo jae nana náziai túienana ciode. Comeci anado daide: “Nana llavécamací jae nibai botádiaioi.” Ie jira lloefai ota ie abi faitáacade. ²⁸ Mei íadi Pablo íemo caillide:

—¡Dama o abina fiéni finóñeno iri; nana benó itcaiza! —daide.

²⁹ Mei jira llavéraco úiñoraíma bobaie jicade. Iemona Pablo diné aizícana bite. Dinomo afe jágieri abi cuidríocana, Pablo Silas diga íaillinoi anamo dújude. ³⁰ Ie meífomo íaillinoína jino jáínomo uillano, jicánote:

—Pablo, ¿cuemo ite fiénidífuemona cue jilloillena nie izói íitícue? —daide.

³¹ Jira aféillinoi uai ote:

—O jilloillena cai Ocúraíma Jesucrístomo íino. Iemona o dama jíllobicaitío. Daje izói o ai nana o úruiai diga ínuamona jíllobicaitiaioi, —daide.

³² Iemona Juzíñamui uaillai íemo llotíaillinoi naa ie jofe ero itnúáiri.

³³Mei íadi daje naio llavériraima íaillinoi fáina boáfiai jocode. Afemona afémie naa íaillinoi úruiairi báutizaigaiaioi. ³⁴Afe mei aféillinoina ie jofomo uillano ecade. Afémie naa ie comini diga Juzíñamuimo ínuari caimare ióbidiaioi.

³⁵Afe jítiramo riire jicánoraini jíáie llavériraini llavéracomo orede, Pablo íaillinoi zuitállena. ³⁶Iemona llavéraco úñoraima Páblona daide:

—Riire jicánoraini ómicoina cuena zuitátate. Mei ja birui ómicoi nífuenino uái íllena jino jáirediomicoi, —daide.

³⁷Mei íadi Pablo llavérirainina daide:

—Romano ímiedicoco, mei íadi cócomo jicánoñeno razido cócona fatíomoi. Faano cócona llavétatiomoi. ¿Mei íadi ja birui báiñino cócona zuitátatiomoi? Mei feñedeza. Coco llavétatino mai coco zúitaibiri, —daidíiaillinoi.

³⁸Afueue llavériraini jicánorainimo llujáide. Lluájillamona jicánoraini jacnaitiaioi, aféillinoi romano ímienari. ³⁹Ie jira Pablo Silas diga íaillinoimo jicajidiaioi:

—Caimo ómicoi dúceai, —daifzaidiaioi.

Iemona íaillinoi jino uano, íaioi jófueмона oni jáillana izire jicádiaioi.

⁴⁰Afe llavéracomo jino billano, Lidia jofomo jáidiaillinoi. Amatiaina cóillano íaioina ñue náicaitadiaillinoi. Daií ñiano jáinomo oni jáidiaillinoi.

Tesalóñicamo comuide aillo úrioinafue

17 Pablo Silas diga íaillinoi jailano Anfípólís jófuedo jáidiaillinoi. Ie mei Apolonia jófuedo jáidiaillinoi. Afe mei Tesalóñica jófueмо dúcidiaillinoi. Afénomo ite judíuai llófueriraco. ²Pablo ie fibilla izói, afe llófueriracomo jofu llófuerizaide. Daámami ocózinaillaruido íaioimo úrite. ³Juzíñamui jaiai Cuegáuai jino íaioimo llól-

lode. Aféuaimona Cristo duere finóinafue jitáirede, daií íaioimo jino llote. Daje izói Cristo tíida meine cáallena jitáirede daií jino íaioimo llote. Íaioina daide:

—Be ómoimo cue llogámie Jesús dámie Crístona, —daide.

⁴Mei íemona judíuaimona dámierie aféfuemo finotiaioi. Afemona Pablo Silas íaillinoi dibénemo itábicaidiaioi. Afe izói aillo Juzíñamuimo jaináiacade griego ímíiai iere ñue finotiaioi. Afe izói aillo illaingo izóidingotiai aféuaina finotiaioi. ⁵Mei íadi finoñede judíuai aféfuerei úradoilla izói itíai. Iemona cállemo ite fiénide ráiraiedinomo gairídiaioi. Ie mei judíuai cállemo ite itíñori aillo úrioinafue finódiaioi. Daií jofue comini comeci fiени icíritadiaioi. Jasón jofomo ite Pablo Silas diga llaitállena, afeco cirínotiaioi, aféillinoi llaitada afeno comínimo izájillena. ⁶Mei íadi íaillinoina baiñédiaioi. Ie jira Jasón zocana uitíai, jíáie ámatiai diga. Jofue illaini uíecomo íaioina uitíai. Daií caillídiaioi:

—Bíiaillinoi nágagobiaido fiени failíñeinafuiai finódino ja benomo dúcia.

⁷Ie mei Jasón ie jofomo íaioina llíñote. Nana afe bie bitino cai caifoide romano illaima ocuícafuiai uáitaicana daide: “Jíáie ua cai illaima ite, Jesús,” —daidíiaioi.

⁸Aféfuena cacáillano ríimaci naa comíniri failíñeidiaioi. ⁹Jasonmo daidíiaioi:

—Cai o jífueñellena uícomo o úcube caimo ine. Uire aféillinoi o oréadi o úcube meine omo fíticai, —daidíiaioi. Ie jira afe úcube íaioimo fécamona ja Jasón jíái ámatiai diga zuitádiaioi.

Pablo Silas diga Berea jófueмо dúcide

¹⁰Afemona afe naio ámatiai Pablo Silas diga Beréamo raire orédiaioi. Dinomo dúciillano judíuai llófueriracomo jáidiaillinoi. ¹¹Bie

judúuai Tesalónicamo ite judúuai baimo ffgomaci. Caimare afe úrillauaina jeire otfaioi. Nágari Juziñamui Cuegáuallaimo jénofirediaioi, íaioimo llogáuallaina uafue daiñllena.¹² Afemona aillo afémacimona finotiaioi. Daje izói griéguaimona finotiaioi. Dájerize íññiai íemo jiái ñue caimare jacruigangotiai finotiaioi.¹³ Mei íadi Tesalónicamo ite judúuai Pablo Beréamo Juziñamui llogáuui llófueillana fidíllano, dinomo nane comini fieni faillñaitaitaioi.¹⁴ Mei íadi ámatiai dama Páblona raire aféruido monáillai fuédamo orédiaioi. Ie mei Silas Timoteo diga Beréamo fiébicaide.¹⁵ Pablo nabaina jáidino Atenas jófuego íena izáijdiaioi. Iaioi meine jáidinodo Silas Timoteo diga Pablo íaillinoimo uai orede. Daide: “Cue diné iere raire ómicoi biri, dánomo cai gairílleza,” daide.

Pablo Aténasmo illafue

¹⁶ Nai Pablo Aténasmo Silas, Timoteo diga úiñua llezica, afe jófuedo macade. Macádemo aillo íaioi jánaraiiai cióizaide. Aferui Pablo comeci iere zúucaide.¹⁷ Mei jira llófueriracomo judúuairi úrite; daje izói jiáie Juziñamuimo jaináiacadinori. Nágari jofue gairírabirimo itñuiamo llote.¹⁸ Dárie “epicuro” daina llófueinafue facádotino como Pablo diga úrizaidiaioi. Daje izói, dárie “estoicos” daina llogáfuii facádotino Pablo diga úrizaidiaioi. Dámierie daidíaioi:

—Bie aillo úrifiredimie, ¿ñifue caimo llóite? —daidíaioi.

Mei íadi jiáimaci daidíaioi:

—Ñibai jiáie juziñamuillai llotfmie, — daidíaioi.

Daií úritiaioi, Pablo Jesús úrillauai, ie meine cáanafue diga íaioimo llóiacana jira.¹⁹ Ie mei Areópago daina illánomo íena uitíaioi. Dinomo gairífire-

diaioi llófueinafue cacáillena. Dinomo íena jicánotiaioi:

—O atica cómue llófueinafue cai onóacadicai.²⁰ Mei ónoñegafuii caimo llotio. Afe bífuii dánana onóacadicai, —daidíaioi.

²¹ Nana Atenas imaci naa afénomo ite onñemaciri, cómue ráfuiaina cacáillena járitaitaioi. Afe izói cómfuii llóllena járitaitaioi. Jiáie táijinamo járitañediaioi.

²² Ie jira Pablo Areópago comini cígimo náidaillano daide:

—Atenas imaci, omoi cácarei. Aillo juziñamuillaido iere jaináidinodiomoi. Daií omoi íllana ciódicue.²³ Omoi juziñamuillai ánozillena finócafuii illánuiaido éroicaidicue. Dinomo daa omoi juziñamuillaimo comeci facáranociódicue. Afénomo cuega uallai daide: “Bie cai ónoñega juziñamui ie.” Bie omoi onóñeno jaináiacana Juziñamui, ua birui ómoimo cue lluáibigamie.

²⁴ ‘Afe énie finode Juziñamui naa éniemo itñuiairi, afémie bie énie Naama, mona diga. Afémie comini nigácomo íñede.²⁵ Afémiemo cai nífuea finónidicai. Nífuea llónidicai. Mei jira dama afémie nana comínimo cáatatinona fecáfirede; daje izói afémie jáfaicina cai ite. Ie emódomo nana ite ráaniaina afémie caimo iga.

²⁶ ‘Naga náiraii fueñe dáziemona Juziñamui comútaga, naga illa dígano íaioi éniemo íllena. Iemona dájena diédicai. Nana íaioi illnúiai mamede. Daje izói nano nie dino íaioi illfruil-lai mamede.²⁷ Daií afémie finoca afe Juziñamui íaioi jenóllena, nibai are illa ícoinia ie íaioi báillena. Mei íadi uáfuea Juziñamui cai illa dígamiemona jica íñede.²⁸ Mei Juziñamuido cáadicaí. Afémiedo cai jetácaga raana jetádicai. Afe izói afémiedo iticai. Afe daje izói ómoimona dárie rua fñua izoide llote: “Juziñamui comútagamacidicai;

ie izíedicaí.”²⁹ Iemona afe Juzíñamuina fia oro finoína jánarai daíí comeci omoi facáñeno iri, mei Juzíñamui comuítagamacídicaíza. Afe izóí afémiena plata finoína jánarai, ebírede nofici finoína jánarai, daíí comécido omoi daííñeno iri. Nana bie jánaraíaina dani comini comeci faca izóí finódiaíoi.³⁰ Naui jaiáidíruil-laido comini abina onóñediaíoi; daíí íllaza Juzíñamui íaíoi mo nai íbana oñede. Mei íadi birui náganomo itímíiaina Juzíñamui ocuécana daide: “Omoímo fieni itífuíaina méidori,” —daide.

³¹ ‘Nana comínimo itífuíai izire jicánollirui Juzíñamui jae mamede. Aféruillaido afémie nizécamiédo jaícina caímo izire jicánoite. Juzíñamui afe nizécamiéna nana comínimo ñue jino uáfúena onótate; tíllanomona íena meine abído cáatanado nana comínina uáfodo jino fidítate, —daíí Pablo llote.

³² Afe tíidimaci meine cáanafuena cacáíllano, dárie itínomona Pablo jífánodoídiaíoi. Jíáímaci íena daídíaíoi:

—Íco jíáíruido aféfuena meine nane dánomo ómona cácaíticai, —daídíaíoi.

³³ Iemo Pablo íaíoi cígimona oni jaide. ³⁴ Mei íadi dáarie iedo jáidiaíoi. Jaíllano ínotiaíoi. Afe ínotimacimona dámie Dionísio. Afémie Areópago nimáíranimo jaináidimie. Afe ínotimacimona Dámaris mámeceíredíngo íte, nai bai jíáímaciri.

Pablo Coríntomo illafue

18 Afe meífodo Pablo Aténasmona oni Corinto jófúemo jáízaide.

² Dinomo dúcia meífomo Aquila mámeceírede judío ímie baizájide. Afémie Ponto énie ímie. Afe Aquila aí Priscila. Afe íaíllinoí cómoícana Itáliamona botádiaíllinoí; romano caifóidíllaíma Claudio nana judíuái Roma jófúemona oni íaíoi oréina jira. Dinomo Pablo Aquila uáíduaide.

³ Aquila íe aí díga jédaciede íniroi

tífuano bizáínicaífe nitíaíoi. Afe íaíoi níllado úcube otíaíoi. Pablo afe táíjinana fibídímie. Íe jira Pablo afe íaíllinoíri fiebicaíde, dájena íaíoi táíjillena. ⁴ Naga ocózinaiíllaruimo llófueriracomu Pablo llófúiaíífrede. Afemona judíuáimona dáarie ínotiaíoi. Afe dájerize judíoñedimacimona ja ínotiaíoi.

⁵ Jae Macedonia éniemona Silas Timoteo díga dúcíaíllinoímo, Pablo íe bizáínillái nilla fáicanocaíllano, dama Juzíñamui ñúefue jino llóllena íere izire llocana uite. Judíuaina uáfodo daide:

—Jesús omoi úíñogamie Cristo, —daide.

⁶ Mei íadi judíuái íena uáítaoidiaíoi. Iemo fiénide uaíllái nitádiaíoi. Íe jira Pablo íe ínícuro íaíoi mo faíánote. Afe faíánua daide: íaíoi íáire finócafue ícoínia afémie ícoíniañedeza, dani íaíoi ícoínia.

Pablo íaíoi na daide:

—Dani omoi ícoínia tímáritiomoi. Jae ómoíri nífuénidimedicue. Biruímona judíoñedimacimo llúaííticue, —daide.

⁷ Llófueriracomona jino jaíllano, Justo maméidímie jófomo jaide. Justo Juzíñamuímo ánoízillano caímare úritímie. Afémie jófo llófueriraco abímo íte.

⁸ Afe llófueriraco illaíma Crispo. Afémie naa íe comíniri Ocuíraíma Jesucrístomo ínotiaíoi. Afe llezica aillo Corínto jófúemo itino, Pablo lloga ñúefuíaina cacáíllano afemo ínotiaíoi. Ínuamona báutizagaíai. ⁹ Afe mei Juzíñamui Páblona nícaí anado daide:

—Jacíruíñeno iri. Mai ñúefue llícaíñeno lloíri, mei o díga itícuéza.

¹⁰ Fíénidífuena bu omo jíritanide. Nai bie jófúemo aillo cuemo ínoítinona íte, —daide.

¹¹ Iemona Pablo Coríntomo nai daa fimona átuedo Juzíñamui uaíllái comínimo llófullofuede.

¹²Mei íadi Galióna mámeçiredimie, Acaya éniemo illáimana illáruido nana judíuai Páblona uáitaocana gairídiaioi. Iemona íena lláitano, rímaci uiécomo uitíaiioi. ¹³Illáimana daidíaiioi:

—Bímie comini cígido llófuericaide. Jiáifodo Juzínamuimo áinozilli uail-lai llófuecaide. Iemona afe uáillaimo cacáreidiaioi. Mei íadi afefue çaimo ocuica uail-lai uáitaocaiide, —daidíaiioi.

¹⁴Pablo como úrizaidemo, illaíma Galión judíuaina daide:

—¡Judíuai, cue omoi áifedoñeno iri! Bímie mo aillo fiénidífue ícoinia íadi, cómena fájafue izói, come merírinafue izói, ua afémie daií íadi ómoimo cacáre-íticue. ¹⁵Mei íadi fia omoi uáillaído, omoi mámeçiaído júfidotiomo, ómoimo judíuai ocuícáfuiái diga. ¡Mai dani jaícina omoi finori! Aféfuiaímo izire jicánoraímana íacañedicue, —daide.

¹⁶Ie mei afémie nana íaioina jino jicánoracomona orede. ¹⁷Iemona nana griéguai Sóstenes maméidimie llaitádiaioi. Sóstenes llófueriraco illaíma. Iena lláitano, riíllaíma Galión uiécomo íena fáfadiaioi. Mei íadi Galión afe finóca-fuiaina raa daiíñede.

Pablo Antioquíamo meine jaide dinómona ja dacaiñoámami nane llujáide

¹⁸Dino Coríntomo Pablo diga iruillai ite. Ie jáiacanaruimo, ámatiai íraicaiño íena facádonocaidiaioi. Afe mei Pablo nocaedo Siria éniemo ruica jáizaide. Aquila ie ai Priscila diga Pábloiri jáizaidiaioi. Nai Cencrea ígobemona nai jáiñediaioimo, Pablo ie ifo cuidode. Daií finode, jae ie nauí Juzínamuimo llogáuui fuilla jira. ¹⁹Ruica jáillano jae Efeso jó-fuemo dúcidiaioi. Dinomo Pablo, Aquila Priscila diga fiénocaillano, llófueriracomona jaide. Afénomo gairide judíuaimo Pablo úrizaide. ²⁰Afémaci ie íaioi diga are íllena izire jicádiaioi, mei íadi Pablo

fairíoñede. ²¹Iraicaiño íaioina uáidonocaillano íaioina daide:

—Ja Jerusalemo íacade iráizillafuemo raíre jáiacadicue, mei íadi Juzínamui óiacania dáanomo abido ómoína éroiza-ibíticue, —daide.

Iemona nocaedo Efésomona oni monáillaído jaide. ²²Cesarea jófuemo dúciillano, Pablo arido Jerusalemo jaide, dinomo ite Juzínamuimo gairídiño uáidollena. Afe mei oni Antioquíamo jaide. ²³Diga iruillai dinomo illa meífomo, meine nane nana Galacia jófuemo Pablo oni jáizaide, Frigia jofue diga. Naga jófuemo dágoberie llófuecade. Daií Pablo nana Juzínamuimo ínotimaci comécina ñue náirecaítade.

Apolos Efésomo ñúefue jino llote

²⁴Aféruillaído judío ímie, Apólona maméidimie Efésomo dúcizaide. Afémie Alejandría jofue ímie. Afe iima uai jino llúana ñue fibídimie. Afémie Juzínamui Cuegáuaina ñue onode. ²⁵Ocuíraíma Jesucristo llogáuailaina afémie llófuegamie. Aféfuiai jino llúana iere méaicaiñeno caimare llote. Jino uáfodo Jesús ífuiaído llófuerite. Mei íadi dama Juan íaioi báutizafuena onode. Afe izói Juan Jesudo llogáfuaena Apolos onode. ²⁶Apolos llófueriracomona começi jáicaiñenado úrizaide. Mei jira Priscila Aquila diga Apolos llófueillana cacáillano, ie eneno uitíallinoi, Juzínamui uail-lai baimo ñue jino jaícina llóllena. ²⁷Afe mei Apolos Acaya éniemo jáiacade. Iemona ámatiai ie abina jafue oñeno, ñue íena náicaitadiaioi. Daje llezica uícomo rabe afénomo ite ínotinomo cuetíaiioi, íaioi afémiena ñue llínollena. Afémie Acáyamo dúciillano, afénomo ite ínotinona ñue canode. Juzínamui jae íaioimo dúecaillano íaioina ínotade. ²⁸Nana comini eróicana judíuai lloga

taino uai Apolos íaioimo ciotate. Afémaci Apolos jamánomo ñue jaícina jóidiuaina jáanonidiaioi. Afémie Juzíñamui Cuegáuailaido nii íaioi úiñoa Cristo dámie Jesuna jino íaioimo uáfodo llóteza.

Pablo Efésomo meine dúcinafue

19 Apolos nai Coríntomo illa llezica, Pablo Galacia éniemo jaillano, íduai illado jaide. Jáillano Efeso jófuego dúcide. Dinomo ite Juzíñamuimo ñnoti-macina cíozai. ²Íaioimo jicánote:

—¿Meita omoi ínuamona Ñuera Joreño úicaigamoi? —daide.

Jira afémaci uai otíaioi:

—Afe Ñuera Joreño illana, jaca due cacáñedicaí, —daidíaioi.

³Mei jira Pablo nane jicánote:

—¿Mei bu mámecido báutizagamoi? —daide.

Jira afémaci uai otíaioi:

—Juan mámecido báutizagacai, — daidíaioi.

⁴Jira Pablo íaioina daide:

—Juan lloga báutizainafue comini comécimo ite fiénidífuiaí méiduana jino náiraimo ciotate. Mei íadi Juan meí-fodo bitímiemo ñnorediomoí ómoína daidícue. Afe bitímie Jesús; afe Jesús Juzíñamui Nizécamié Cristo, —daide.

⁵Aféfuea cacáillano caí Ocuídímie Jesús mámecido báutizagaiaioi. ⁶Pablo íaioimo onoi bitamona, Ñuera Joreño íaioimo bite. Iemona afémaci jíáimaci uáillaido úritiaioi. Juzíñamuimona oga úrilla uailai jino llotíaioi. ⁷Afémaci nibai doce dígamiediaioi.

⁸Pablo afe llófueriracomo daámani fiui jáicade. Dinomo comeci jácicaíñeno jino íaioimo llófuerite. Juzíñamui illáimana illáfuedo izire íaioimo jino llote íaioi ñnollena. ⁹Mei íadi dámierie comeci rairuillano aféfuena ñnoacañede. Comini eróicana Juzíñamui ñuefuiaido fienui úritiaioi.

Iemona Pablo íaioi cígimona oni jíáicomo jaide. Jaillano Pablo afe Juzíñamuimo ñnotinona jíáie comini llófueracomo uite. Afe llófueraco naama Tiranno. Dinomo Pablo nágaruillaido llófuiaide. ¹⁰Daí dinoma mena fimona llófuerite. Iemona nana Asia énie nairai Ocuíraima Jesús llogáfuaíaimo cacáreidiaioi. Judífuaimona nano diga ímíiai ñnotiaioi. Afe dájérize judíoñedinomona ñnotiaioi. ¹¹Juzíñamui diga áillue cíórainina ráaniai Páblodo finode. ¹²Uiéco dóraroillai Páblomo atídiaioi jinófene jítáaroillai diga. Aféroillai Pablo jétanona iráredimacimo uitíaioi. Afe jetácaroi íaioi llínuamona jíllobicaidiaioi. Daje izói jíáimacimo ite fiénide jóriaí oni jáizitiaioi.

¹³Afe mei macáraini judíuui dárie dúcidiaioi. Afémaci:

—Fiénide jóriaiai comínimona oréredicaí, —daidíaioi. Ja Ocuíraima Jesús mámecido afe fiénide jóriaiai jino oréacadiaioi. Jíáimacimo ite jóriaiaína daidíaioi:

—Pablo lloga Jesús mámecido ja birui ómoína jino orédicaí, —daidíaioi. ¹⁴Afe izói judío ímie Esceva siete diga jítótiai daidíaioi. Afe Esceva lletáriraini illaíma.

¹⁵Afémie jítótiai daí dainamona afe fiénide jóriaí íaioi uai ote:

—Cue Jesuna onódicue. Daje izói Páblona onódicue; mei íadi omoi mei ¿búdiomoí? —daide.

¹⁶Daí daina mei, fiénidena jóriairedimie riire íaioína llaitade. Nana íaioína anáfenuano iere duere íaioína finode. Ja iere jamánomo duere íaioi finóinamona, afécomona émuíromaiai naa boáfiairi jino botádiaioi. ¹⁷Nana Efésomo ite comini, judíuui naa judíoñedinori aféfuena fidíillano iere jacíruitiaioi. Iemona Ocuíraima Jesús mámecina jamánomoideza

daidíai. Afemona aillo nūefue Jesumo nitádiai.

¹⁸ Aillo áfemo ínotimacimona jaiái íaiói finoca fiénidifuiái uáfodo jino llotíai. ¹⁹ Daje llezica aillo nauí aiñínai uaimo fibídino, íaiómo ite fiénino úrilla rabénicuai átiano nairai eróicana jobáidiai. Afe jobáicanicuai comécido facádiaoimo, jamánomo ráifide izoide, daidíai. “Cincuenta mil úcubetunillai dieze ráifide,” daidíai. ²⁰ Daií Juzíñamui lloga uaillai jamánomo oni mónaioicaide. Afedo Juzíñamui ríno jino cfoaicaide.

²¹ Afe meífodo Macedonia éniemo Acaya énie diga dino comini uáiduallena Pablo mamérite. Afeno comini uáidua meífomo, abido Jerusalemo jázaillena Pablo comécido daide. Afe emódomo daide:

—Jerusalemo cue jaille mei, dinómona Rómamo jáiacadicue, —daide. ²² Mei jira Macedóniamo mena ie canóraima Timoteo Erasto diga uícodo orede. Mei íadi Pablo nai Asiamo nano nígarui fiévide.

Efésomo fiénidifuedo faillíneidiai

²³ Aféruillaido Jesús lloga nūefuiári aillo fiéní faillíneidiai. ²⁴ Afe failíneinafue Demetrio como fueñe taineca. Afémie aillo ebírede ráaniai plátamona finóraima. Juzíñamuina íaiói mamé-cango Artemisa, nofici finoina jánarai. Aféngomo gairíraco izói, plátamona ráiracojina finoda, Demetrio fecáfírede. Afedo afémie ie diga táijiraimaci éna aillo úcube otíai. ²⁵ Iemo Demetrio naa jáie daje izói táijinana fibídinori dánomo gairídiai. Dinomo íaioina daide:

—Cáimaci, omoi cácarei. Bie cai táijinado nūe ráaredicai, onódiomoi. ²⁶ Mei íadi baie Pablo llócaigafuena cacádimoi. Afémie daide: “Comini finoca juzíñamuillaina íeñede,” daide. Ie llogá-

fuemo Pablo aillo comínina ínotade. Daa benó Efésomoñede daií ínotade, mei íadi nana Asia éniédo ínotaacade. ²⁷ Afefue iere jacire cacai. Afedo cai fecácaiganiaina táinocaitaibite. Daje izói cai áillue juzíñamui cai dainango Artemisa gairíraco jalléinafuenta féitaite. Afe izói bie juzíñamui dainango jamánomo ebírenafuenta jamairuitaibite. Nana Asia énie naa jáie éniári aféngomo ánozifírediaí, —daií Demetrio daide.

²⁸ Aféfuena cacáillano, iere comécido rícaidiai. Iemona caillíoicana daidíai:

—¡Cai Efeso imaci juzíñamui cai dainango Diana, jaca ninomo záñeno iri! —daidíai.

²⁹ Iemona nana afeno jófuedo aféfuíai iere riire júfidotíai. Aillo afeno comini ifo írínote. Afe llezica mena Pablo nabaide faillínoi llaítadiai. Afe íaillínoi mámece Gayo Aristarco diga; Macedonia ímie íaillínoi. Íaíoi llaíta mei afémaci nairai uícomo íaíoi gairíracomo íaillínoina zocana uitíai. ³⁰ Pablo afeco jófomo comínimo úrizaiacade, mei íadi nūefuena ínotino afe jófo jáillena rairuídiai. ³¹ Afe llezica Asia rímaci Pablo diga caimare úriraini, Pablo afeco jófo jáíneillena uai íemo orédiaí. ³² Íaíoi gairilla llezica, dáríe jáífodo llotíai; jáíimíai jáífodo jírioicana llotíai. Mei aféfuíari jamánomo fiéní faillíneidiai. Ja nabénairai aféfuena onóneidiai, nífuerei gairídiaioiza. ³³ Mei íadi gairídino cígimona dámierie jino Alejándromo aféfuíai llotíai. Afe Alejándrona judíuai, afeno comini uícomo judíuai abi ríduafuedo úrilla, bai éna naidánetaíai. Bai náidailano ie ónoído íaioina, “Mai omoi lliicai,” daide. ³⁴ Mei íadi afémie judío ímienana íaíoi comécido onónamona, mena hora nana caillíoicana daidíai:

—¡Cai Efeso nairai naango Artemisa, jaca ninomo záíñeno iri! —daidíaiói.

³⁵Iemona afeno jofue jabóllaima ícoinia comini llícaitate. Llícaitano íaioina daide:

—Efeso nairai, omoi cácarei. Naga énie náiraiái cai iere jalleide juzíñamui dainango Artemísamo gairíracona úño-tagamacidicái, afe cai úíñuafuena onódiaíói. Afe daje izói aféngona mameca monámona ana baiíde jánaraina úño-tagamacidicaiza onódiaíói. ³⁶Mei bifue buna jaca jáanonideza, mai omoi lliicai. Comeci facáñeno níufuena lloñeno iri. ³⁷Mei bie omoi atica íaillinoi, omoi juzíñamui dainango Artemísari fiénidífueña úriñediaillinoi. Aféngona rícaitañediaillinoi. ³⁸Demetrio zúucaillafue nñimiemo íadi, mai jicánoraimamo llujiri. Daje izói afémieri tájjiraini zúucaillafue íadi llujiri. Jaca ríimaci úícomo meine abido óllena afémaci llórediaíói. ³⁹Mei jííáfodo omoi jicánoiacaniadi, mai ríimaci daina izói omoi gairiri. ⁴⁰Ja birui jácifueño baízaidicaiza. Birui omoi finócafue ícoinia, illaima anáfenuafuena caimo nítaitiaíói. Bie omoi faillíñeinafue caimo íaiói jícánoiadi, íaiói uai cai ollífue jaca due íñede, —daide.

⁴¹Daí daina meífodo, aféno mo gairídino oni rainode.

Pablo Macedóniamo Grecia diga dine jáillafue

20 Afe íaiói faillíñeinafue llícailla meífomo, Pablo Juzíñamuimo ínotino ñue llófuellena jíritade. Daí íaiói llófuia meífomo íaiói llíñuano íraicaiño uáidonocaide. Uáidonocaillano Macedóniamo jáizaide. ²Nana aféno mo itígobíai comini uáiduaide. Ie uáillaido aféno mo ite ámatiaí náicaitade. Afe mei Pablo ja Grecia éniemo dúcide. ³Dinomo

daámami fiui llófuete. Dinómona nocaedo Síriamo jáizaidemo, judíuai íena llaitácanafuena fidide. Ie jira ari éniemo Macedóniamo abido jáillena comeci facade. ⁴Dinómona ie nabáidino: Berea ímie Sópater; Tesalónica ímie íaillinoi Aristarco Segundo diga; Derbe ímie íaillinoi Gayo Timoteo diga; jíaie Asia énie íaillinoi Tíquico Trófimo diga. ⁵Afe bie ámatiaí uícomo Troas jófuemo caina uñuaidiaíói. ⁶Fáitara jóneñega pan güilla irázilla meífomo, Filípomona nocaedo ruica jáidicai. Ja cinco dígarui íllamona Tróasmo dúcidicai. Dinomo daa semana iticai.

Pablo Troas comini uáiduafe

⁷Semana nanóidíruido gairídicai pan ditada fecállena. (Afe pan ditada güíllamona Jesucristo íraicaiño güíllamo úibicaidicai.) Güilla mei Pablo Jesumo ínotino llófuete. Afe jítiramo afémie ja jáiacade. Ie jira úrioidemo ja dáaferui ite. ⁸Caifo jica ite caifóneco ero icomo gairídicai. Afe dinomo aillo unérachecoí bóotatiaíói. ⁹Dinomo ite daa jíto come, Eutícona maméidímie. Afémie jino eróírafomo ráiide. Pablo iere are úrillamona, afe jíto come jamánomo ínietaide. Ícoinia izire íniamona, caifona ana baiíde. Afécomo dabaniámami ite. Dinómona ana éniemo baiíde. Tíide caifo llínoítiaíói. ¹⁰Mei jira Pablo ana afémiemo jáillano, ie acónimo dújuillano íena menínote. Afe mei ámatiaína daide:

—Cáadeza, omoi jacinaíñeno, —daide.

¹¹Daí daina mei Pablo meine caifo jaide. Caifo meine dúciillano, pan ditada güíllano nai íaióimo nane úrite. Da úritemo monaide. Monáillamo oni jaide. ¹²Afe baiídímiena ñue caade uitíaíói. Iemona nana comini ñue caimare íficaidiaíói.

Pablo Tróasmona Milétomo jáillafue

¹³ Ie meífomo Pablo Asonmo iodo jái-acade. Ie jira cai jáíamaci nocaedo ú-como Asonmo jáídicaí dinomo Pablo otá cai úillena. ¹⁴ Afémiena Asonmo cai báil-lamona, dinómona cai nocaedo nana Mitilénemo jáídicaí. ¹⁵ Dinómona jáil-lano jítiramoidiruido Quío jofue áinodo jáídicaí. Afe jáíruido Samos ígobemo zjídicaí. Dinómona Troglíomo ocózi-naídicaí. Afe jáíruido Milétomo dúcidi-caí. ¹⁶ Pablo Asia éniemo are íacañede. Ie jira Efésomo meine jáiacañede. Mei íadi Pablo raire Jerusalemo dúciacade, afénomo íacade Pentecostés ráfuenta cíoilena, íadi nibai cíoiñeite.

Pablo Efeso éinamacimo úrillafue

¹⁷ Nai Mileto jófuemo cai illa llezica, Efésomo Juzíñamuimo gairíraini éina-maci jírítate. ¹⁸ Iaioi dúcinamona Pablo íaioina daide:

—Nano fueñe Asiamo cue dúcinamona cue ífírenana ñue onódiomoi. ¹⁹ Nágaruillaido comeci mánainafuedo éeiafuedo omoi cígiri iticue. Daíí cai Ocuíraima Jesumo táijífiredicue. Afe llezica judíuai iere aillo duere cuena finócadiaíoi. Afedo aillo facátafuiai cuemo nitádiaíoi. ²⁰ Mei íadi fáicanocaiñeno nana ómoimo ñue illífuena llófuefiredicue. Daíí uáfodo omoi gairíracomo ómoimo llófueriticue. Daje izói naga omoi jofomo llófuefiredicue. ²¹ Judíuaimo lloticue; daje izói judíoñedinomo lloticue. Nana íaioina daidicue: “Omoi fíénidífuiai ñúefuina Juzíñamui comeci jitailla izói omoi meídiri. Iemona cai Ocuíraima Jesucrístomo omoi íñori,” daíí íaioina daidicue. ²² Mei birui benómona Jerusalemo jáitícue; afénomo cue jaille Juzíñamui Ñuera Joreño cue ocuilla izói. Dinomo cuemo cómutifuenta ónoñedicue.

²³ Dama dafue cue comécido onóigafue: nana cue jailla jófuedo Ñuera Joreño cue llavébillifue aillo duere cue finóbillifue diga cuena fidítate. ²⁴ Mei íadi aféfuena due lloñédicue. Ocuíraima Jesús cuemo jónega táijinafuena ñue ícoimo cue fuitáadi cue cáanano cúemona ráííñede. Afe táijinafue Juzíñamui ñue caina izíruillafue comínimo llócadicue. Ua comini ázia izóidinomona cue táijina ícoimo caimare ñue dúcitaicadicue.

²⁵ ‘Omoi cígido Juzíñamui illáimana illafue llócadicue; mei birui ua onódicueza, ómoimacimona buna cuena meine cíoiñeite. ²⁶ Ie jira biruido daííacadicue, ja ómoimona nífuenidimedicue. ²⁷ Mei jira nana Juzíñamui caimo llófuegafuiai ómoimo uáfodo lloticue. Nífuena báinino lloñédicue. ²⁸ Ie jira afe izói dani abi omo rairuiri. (Jae einamáciomoi.) Daje izói nana Juzíñamuimo gairídina úíñori, mei jira Ñuera Joreño íaioina úíñotade. Ua Ocuíraima Jesumo gairídino úíñotagaomoi. Afe gairídina Jesús dama ie tállado, ie die tóillamona dama ie comínina meine maiñode. ²⁹ Cue jailla mei jáíamaci Juzíñamuimo gairídina jífueridino bíítiaíoi. Ua rírede jicóniai ovéjaina fázia izói Juzíñamuimo omoi íinogafuena féitaitaíbitiaíoi. ³⁰ Daje izói omoi cígiri táinofuiai llóitina iite. Afémaci uáfuenta féitajano táinofuiai ómoimo llóitíaioi, ínotino afe uai jeire otátallena. ³¹ Mei jira abi omoi rairuiri. Naui omoi diga cue illáfueo omoi uibíoiri. Dafimonaámani, mona naio diga éebicaillano izire ómoimona nágamiiaimo fáicanocaiñeno ómoimo jino lloticue.

³² ‘Mei cue ámatiai, ja birui Juzíñamuimo ómoina jóoneíticue, omoi úíñollena. Daje izói Juzíñamui caina izíruilla uaimo omoi comeci uibíoillena

jitáidicue. Afe uai ómoina náirecaitaite. Afe daje llezica, aféuaido Juzíñamui dibénemo ñue rairuícamacina ja itómoi naa jíáie ie rairuícamaciri. Mei afe rairuícamací Juzíñamuido ñue finócamacidiomoi. ³³ Jiáimiemo ite úcubiairi íaioimo ite iníroillairi dama cúeiena jaca úradoñedicue. ³⁴ Mei íadi jíáifodo, dama cue jitaille raa óllena dama cue ónoido táijidicue. Daje izóí cue diga itino íena oticue. ³⁵ Daíí omoi táijillena lloticue. Afe izóí raana jitáidino omoi canóllena ómoina llófueticue, Ocuíraima Jesús daina uaimo comeci omoi facáoicaillena. Afémie daina uai daíí daide: “Fia iga raa llínotimie baimo, fecáfiredimie jamánomo ióbide,” —daide.

³⁶ Daíí íaioina daina meífodo, Pablo cañici ana dújuillano Moo Juzíñamui nana afémaciri úritiaioi. ³⁷ Iemona nana éenaitiaioi. Afe llezica Páblona menínuano ñitada cáimadotiaioi. ³⁸ Afe llezica Pablo “Ja meine abído cuena cíoñeitiomoi” dánari iere zúucaidiaioi. Afe mei fei nocaemo íraicaíño íena nabáidiaioi.

Pablo Jerusalemo jáillafue

21 Amatiai fuénocaillano, Cos jófuemo nocaedo jácina jáidicai. Afe jítiramo Rodas jófuemo jáidicai. Dinómona Pátara jófuemo jáidicai. ² Afe Pátaramo Feníciamo jáiacade nocáe baiticai. Dinómona afécaedo jáidicai. ³ Jaillano, monaillai cigi idu Chíprena jicana ciódicai. Afe éniena jarífezi dibénemo fíianona Siria éniemo jáidicai. Afe cai jáillacaemo Tíromo fielle ráaniai illa jira afégobemo zíjidicai. ⁴ Afégobemo ite Juzíñamui ñnotinona cióizaidicai. Dinomo siete dígarui íaioi diga iticai. Dinomo Ñuera Joreño llogáiaioi. Ie jira Páblona daidáiaioi:

—Benómona Jerusalemo jáíñeno iri, —daidíiaioi.

⁵ Mei íadi afe siete dígarui illa meífodo jáidicai. Cai jáizailla llezica nana Juzíñamui ñnotino, íaioi ringóniaí naa úruiairi jofue féimo caina nabáidiaioi. Dinomo ite guamáximo ana dújuillano Juzíñamui iere úriticai. ⁶ Te mei menínota íraicaíño íaioi facádonocaidicai. Daíí ñiano nocaemo caífo jáidicai. Afémací íaioi jófuemo meine jáidiaioi.

⁷ Tíromona biticai Tolemáidamo dúcina. Dinomo ite ámatiai uáidollena darui nabáidicai. ⁸ Afe jítiramo Pablo naa íedo jáidinori dinómona Cesarea jófuemo dúcidicai. Dinomo ite ñúefue llóraima Felipe jofomo jáidicai. Afémie siete dígamiede güille fecárainimona Juzíñamui gairírao táijiraíma. Dinomo afémie jofomo iticai. ⁹ Afe Felipe jiza nagaámazade. Nai iníndiaioi. Aféngotiai Juzíñamui cacana uaillai jino llotíaioi. ¹⁰ Afénomo diga irui itícaimo, uai jino llóraima Agabo Judéamona cai uáiduaibite. ¹¹ Afémie Pablo ciraigi ife zuitáicaillano dama ie idai onoi diga maíano daide:

—Ñuera Joreño daide: “Jerusalemo judúuai bie ciraigi ife náamana bie izóí máiiite. Maíano íena jicánemacimo fécaítiaioi,” daide, —daíí Agabo lluaíbite.

¹² Aféfuena cacáillano, Cesarea imaci naa cairi, Pablo Jerusalemo jáíñeillena íemo izire jicádicai. ¹³ Mei jira Pablo uai ote:

—¿Nibái cuena zúucaitaiomoi? ¿Minícarí éedimoi? Cue íaioi maille baimo comécido mamériticue. Juzíñamui jitáidi Jerusalemo cai Ocuíraima ícoínia tíiticeza, —daide.

¹⁴ Afémie mámiafuena jáanonidicai. Ie jira afefue fáicanocaillano daidicai:

—Juzíñamui comeci jitaille izóí omo íficaíteza, —daidicai.

¹⁵ Afe meífodo, Jerusalemo jáillana finóbidicai. ¹⁶ Cesaréamona dárie

Juziñamuimo ñnotino caina nabaide. Afémaci cigimona daa Chipre ímie Mnasón ite. Afémie jae diga fimona Juziñamuimo ñnote. Afémiemo ite Jerusalemo dúciracomo jáidicai.

Pablo Sanatiago uáiduafue

¹⁷Jerusalemo dúcidicaimo dinomo ite ámatiai caimare caina llñnotiaioi. ¹⁸Afe jítiramo Pablo naa cairi Santiago uáiduaidicai. Daje izói nana illáicomini afénomo itíai. ¹⁹Pablo íai. Uáidote. Uáiduano Pablo nana iedo judíoñedinomo Juziñamui finócafui. jino illa dígafui íai. ²⁰Iemona aféfuai cacaíllano Juziñamuimo caimátaioi. Jira Páblona daidíai:

—Mii, o llogáfui iere ñuera, mei íadi judíuaimona diga mil comini afe ñuefue ñnotiaioi ciódioza. Nana afémaci Moisés ocuica uai izói cai íllena iere jitáirede daidíai. ²¹Mei íadi dáarie o nana jica jíainomo ite judíuaimo llogáfua lluíbitiaioi. Afe íai cacánafue daide: “Moisés ocuica uaina jeire omo oñeno iri.” Afe izói íai jitótiai bacano icoi quetáañedio, daidíai. Ie emódomo cai fibíllafuina finóañedio, daidíai. ²²Iemo bífuai cai dibénedo ¿nie izói llóitio? ¿nie izói ñéiticaí? O billáfua comini fidíllano ua dáanomo gáiritiaioi, —daide. Iemo Santiago nai úrillano fena daide:

²³—Cai daínuaí jeire o úamona aféuai izói o finolle jitáirede. Cairi benomo ite nagaámamie. Afémiiai uícomo Juziñamuimo nauí íai. llogáu fuitáacadiaioi. ²⁴Bimaci o uíri. Uillano nana omo comécimo íafue múiñuafue mai omo fñuairi. O úcubemona omo ífue cuidótalle ibari. Iemona daní cuidótaitiaioiza. Afe daí o fñuamona, benó ite ñnote judíuai, o ñue ífrena izói ónoitiaioi. Moisés ocuicafue jeire o úana fidiitiaioi. Daje

izói ja ónoitiaioi nana o rafue benó comínimo jíaimaci lluíbiga táinofui. ²⁵Mei íadi ñnote judíoñedinomo jíáfodo jae cueticai. Aillo judíuai finócafui íai. jéruíneillena lloticaí. Daa bifue íaioimo lloticaí: “Jánarai izóidemo fecaca llíciaina omo riñeno iri. Díena jiróñeno iri, daje izói cimoina cigínoga rílleniaina riñeno iri. Mai nana jiruífuiamona abí omo rairuiri; dama áredimie ie ai diga illa ñuena,” —dinóride Santiago llogafue fuilla.

Pablo gairracomo llaitáinafue

²⁶Ie mei Pablo afe nagaámamie uite; uillano afe jítiramo, íai comécimo ite íafui múiñuafue finódiaioi. Afe meífodo jofo Juziñamuimo gairracomo jáidiaioi. Dinomo íai comécimo ite íafui múiñóilliruillai fuillíruí llujidiaioi. Afe daí íai llúamona illa dígamierie íai raa íai fecálliruí llotíai.

²⁷Afe siete dígarui ja fúiacademo Asia éniemona bite judíuai Páblona Juziñamuimo gairracomo cíoizaibitiaioi. Iena cíoizaibillano nana afeno comínina fieni faillíñaitadiaioi. Iemona Pablo llaitádiaioi. ²⁸Lláitano caillífoidiaioi:

—¡Israel nairai, cai cano! Bímie nágagobiaido nana comíaimo cai nairai uáitaoicana llófuecaide. Daje izói Moisés ocuicafuena uáitaoide. Bie cai Juziñamuimo gairracona uáitaoide. Ie emódomo jae mena griego ímie íaillinoi jofo uite. Daí bie Juziñamuido ñue finócaco ero bácajaibite, —daidíai.

²⁹Nauí Pablo afe jófuedo judíoñedimie Trófimo diga nabáirillana íai cionamona daí daidíai. Afe Trófimo Efeso ímie. Afémaci comeci facádiaioi, nibai Pablo Trófimona gairracomo eromo jofo uite, daidíai.

³⁰Iemona nana afeno comini aféfuai júfídotiaioi; aféfuieri fieni fail-

líñaidiaioi. Afe llezica nana comini áiziaizi bitíaiioi. Billano Pablo llaitádiaioi. Lláitano gairíraco jinomo zocana íena uitíaiioi. Daíñ ñiano afe llezica gairíraco náziai ibáidiaioi. ³¹Ja íena titáacadiaioimo, soldados igüelli illaíma ja afe aillo comini fieni faillíñainana fidide. Daje izói Pablo ja íaioi titáacanafuena fidide. ³²Mei jira afe illaíma ie jabóidillaimaiaí naa ie llaizírainiri jíríte. Jírillano afe comini illánomo aizícana jáidiaioi. Iemona nana comini llaizíraini illaíma naa ie llaizírainiri bíllana cióillano, Pablo fáajana fáicanocaidiaioi. ³³Afe mei afe illaíma Páblomo áinozide. Ainozillano Pablo llaitádiaioi. Lláitano mena llóejina íena maitátate. Afe mei illaíma íena daide:

—O mei ¿búdio? ¿Níífue finódio? —daide. ³⁴Mei íadi comini jamánomo jíáífodo caillíoidiaioi. Jiáímiiaí jíáífodo daidiaioi. Illaíma ífona jamánomo írinote. Jaca jefomo uibíñede, jamánomo íaioi úrioinaza. Jira illaíma llaizíraini gairíracomo íena uitátate. ³⁵Afeco caifo jáirabicimo íaioi dúcina llezica, llaizíraini Páblona caifodo rocádiaioi, comini íena llaitada íaioi fáiacana jira. ³⁶Afémie uilla ódana caillícana daidiaioi:

—¡Pablo dama tídeza! —daidiaioi.

Pablo ie abi ríidollífue comini uiécomo llote

³⁷Afécomo íena uizájidiaioimo, Pablo afe llaizíraini illáimamo griego uáillaido jíacánote:

—¿Meita comínimo úriredicue? —daide.

Jira aféllaíma uai ote:

—¿O griego uai úrillana ónodio? ³⁸¿Mei o egipcio ímieñedio? Afémie nauí jíáie illáimana benó jóoneacade. Táizícimo cuatro mil come fáraini uite, —daide.

³⁹Jira Pablo íena daide:

—Tarso jófuemo jococa judíodicue. Cilicia éniemo ite ñue onórede jofue ímiedicue. Comínimo cue úrilleza cuemo izire cácarei, —daide.

⁴⁰Iemona afe illaíma Páblona fairíote. Iemo Pablo afe caifo jáirabicimo náidailano comínina ónoído llícaítade. Íaioi úrioina llícaíllamona Pablo afémaci uáillaido íaioimo úrite. (Afémaci úrilla uai ‘hebreo’ daina.) Íaioina daide:

22—Cai comini naa illáicomini diga, omoi cácarei. Cue abi ríiduafe jino llóiticueza, —daide.

²Hebreo uaido íaioina dáinana cacáíllano, iere tíi daidiaioi. Iemona Pablo íaioina daide:

³—Cue judíodicue. Cilicia éniemo ite Tarso jófuemo jocócacue. Mei íadi benó Jerusalemo comuítagacue. Afe mei Gamaliel llófuegacue. Cai jaiáidígíma ocuífauiaí llúana iere áfemo jíeruiticue. Jaca Juzíñamuimo táijinafuemo comeci cue facai izói naa cue ríinodo iere járitaífiredicue. Ua ja birui Juzíñamui ocuífauemo omoi járitailla izói jaijai daí járitaífiredicue. ⁴Jaijai Jesumo íinotínona daje izói fállena racádicue. Afe dáruido íñiaí ringóniairi llavéracomo lláviaidicue. ⁵Lletáiraini illaini nauí comini cue lláviafuemo uai nabáiraini itíaiioi. Daje izói nana illáicomini rábiai cue fécamo uai nabáiraini. Afe rábiaido Damáscomo ite cai ámatiai judíuai jénuaidicue. Dinomo ite Jesumo íinotino jénuaidicue, atida Jerusalemo íaioina duere cue finóallena.

Pablo íemo ite fiénidífue méidua jino llote

(Hch 9.1-19; 26.12-18)

⁶Mei íadi Damasco iodo jáidicuemo, ja jaíciri ítemo afe jófuemo dúciacadicue. Afe llezica monámona jamánomo riire cuemo egáínoacade. ⁷Iemona éniemo baíidicue. Afe llezica monámona cuena daina uai cacádicue;

aféuai cuena daide: “Saulo, Saulo ¿nibái mei cue racádio?”⁸ Mei jira jicánoticue: “¿O mei búdio?” Jira afémie cuena daide: “Nazaret ímie Jesúdicue. Daa o racácamiedicue,” daide.⁹ Cuedo jáidino afe egáñuana cióillano jacnaitiaioi; mei íadi cuemo úrite uaina cacañediaioi.¹⁰ Jira íena daidicue: “Ocuíraima, ¿mei ñie izói íiticue?” Jira afémie cuena daide: “Náidacaillano o jailla Damasco jófueo jai. Dinomo o finóllifuiaina omo llóitiaioi,” daide.¹¹ Afe riire egáñua cue ui dúitaga. Ie jira cue nabáñiaí Damáscómo ónoido jainátaoicaigacue.

¹² Afénomo ite Ananíasna mámeciredimie. Afémie iere Moisés ocuícufueo ínofirede. Nana Damáscómo ite judúuai ñúefuena íemo nitáfirediaioi.¹³ Iemo afe Ananías cue uáiduabite. Billano cuena daide: “Cue ama Saulo, o ui meine nane cíoteza,” daide. Daí daina llezica meine cue ui ñue cíoide. Afémiena ciódicue.¹⁴ Mei jira afémie cuena daide: “Cai jáiairagima Moo Juziñamui nizécamedio. Afémie jaiái ninómona ona nizede íemo o táijillifuiái jino omo llóllena. Ua dama Jesús fuémona ie úrilla uáillaina cácaítio. Afe llezica jaícina ñue finófredimiena Jesuna cíoitio.¹⁵ Mei o cacánafuiaí o cíónafuiaí díga nana comini uícomo jino llóitio.¹⁶ Mei birui ¿minícarí jizídio? Náidacaillano o báutizatari. Ocuíraima Jesús mámecimo ñue ínori. Afedo o fienidifue jae muiñócaza,” dinori Ananías daide.

Pablo Judíoñedinomo ie orécáfue jino llote

¹⁷ Pablo nai úrite. Iaiaina daide:

—Jerusalemo meine cue billa llezica, Juziñamuimo gairíracomo úrizaidicue. Dinomo nicai anado ciódicue.¹⁸ Cai

Ocuíraima Jesuna ciódicue. Afémie cuena daide:

—Jerusalémoma mai raire oni jai. Afémaci cuedo o úrillana jéruíñeítiaioi, —daide.

¹⁹ Jira Ocuíraimana daidicue:

—Nana afémaci omo ínotinona lló-fueriracomo cue lláitainafuena onódiaioi. Llavéracomo íaioina fácana cue uilláfuemo uibóidiaioi.²⁰ Esteban o mámecido úrite táijitagamie. Afémie tíde die tota llezica afénomo íticue. Afé-fueo “Jii” daidímiedicue. Ie emódomo Esteban fatímie incuirona oni llíidicue, —daidicue.²¹ Mei íadi Ocuíraima cuena daide:

—Mai jai. Judíoñedino cígimo jica ona óreiticue, —daide.

Pablo llaizíraíni illaima anamo illafue

²² Afe dinó afeno comini íanori tíi daidíaioi. Mei íadi dánomo nane cail-íoicana daidíaioi:

—¡Bie iima dama tídeza! ¡Afémie cáaillinona íñeite! —daidíaioi.

²³ Nai are caillóidiaioi. Iere icríllano dani íaioi incuírui cúacoidiaioi. Afe llezica eníchomaíai caifo táinomo júcoidiaioi.²⁴ Ie jira llaizíraíni illaima Páblona íaioi gairíracomo orede. Oriano dinomo zechénotade ie finócafue jino llóllena, comini riire íemo fieni cail-íoinafuena onóllena.²⁵ Ja maitá fállena naidánega, íemo Pablo dinomo ite jabóllaimana daide:

—¿Jicánoñeno romano ímiena fárediomoi? —daide.

²⁶ Afena cacáillano jabóllaima llaizíraíni illáimamo llujáide; llujáillano daide:

—Bímiemo o duere finóacanafue o jírcaíñeno iri; afémie romano ímieza, —daide.

²⁷ Jira afe llaizíraíni illaima Páblomo jicánuabite; daide:

—¿Ua romano ímiedio?

Jira Pablo:

—Ie mei, —daide.

²⁸ Jira afe illaima daide:

—Aillo cue úcube baiílla baimo romano ímiena jáidicue, —daide.

Iemo Pablo daide:

—Cue jaca romano ímiena jocócacue, —daide.

²⁹ Afe daií ie dáinamona, ie zechénotino afémiemona oni raíddiaioi. Nana afémaci naa aféllaimaoiri jacínaitiaioi ie íaioi llaitari; afémie romano ímienana íaioi fidínamona.

Pablo judúuai Nahí Ríillaini uícomo naidánetaioi

³⁰ Afe jiáiruido afe llaizíraini illaima Páblomo íaioi jitácafuiaina ñue jaícina onóiacade. Ie jira lletáriraini illaini naa íaioi ríillainiri dánomo gairítate. Afe mei Pablo llaveina llóeji zúitano íaioi uícomo bai naidánete.

23 Dinomo Pablo Nahí Ríillainimo éroicaillano daide:

—Cue ámatiai, cácarei. Jaca birui comecei mánainafuedo Juzíñamui uícori caimare iticue, —daide.

² Ie jira lletáriraini illaima Ananías Pablo abimo itino fúena putátate. ³ Jira Pablo íena daide:

—¡Afe izóí Juzíñamui ona fátaite! Jae jinóidíuaido ñue úritio, o comecei fiénide íadi. ¿Jadí ráiidio ocuica uai daina izóí cuemo jicánollena? Iemona ¿nibái mei ocuúcafue uáitano cue fúena putátatio? —daide.

⁴ Iemona afénori itino íena daidíaioi:

—¿Níbái daií Juzíñamui caifoide lletáriraimana báíñotio? —daidíaioi.

⁵ Jira Pablo daide:

—Amatai, afémie caifoide lletárima ie íllana onóñedicue. Onódicueza Cuegúauillai daide: “O jofue ríimacina báíñoñeno iri,” —daide.

⁶ Iemona Pablo Nahí Ríillaini cígimo itínona fidide. Afémacimona dárie fariséuaimo jaináidiaioi. Jiáimaci saducéuaimo jaináidiaioi. Ie jira íaioina riire daide:

—Amatai, cue fariséodicue. Afe emódomo fariseo ímie jitódicue. Ja birui cuemo jicánotiaioi, mei tídimaci meine abido cáilliruimo cue úíña jira, —daide.

⁷ Daií daina meífomo, fariséuai saducéuai diga conímamo jofo afefue riire júfidotiaioi. Iemona afénomo gairídino dázierie bozíetaidiaioi. ⁸ Afe saducéuai tídinona meine cáñeite daidíaioi. Afe emódomo Juzíñamui abi imácina íñede, daje izóí jóriaiaina íñede daidíaioi. Mei íadi fariséuai nana aféfuiaimo ínotiaioi. ⁹ Nana caillídiaioi. Ie mei dárie ocuúcauai llófueraíni naidáidiaioi. Afémaci fariséuai dibénemo jaináidiaioi. Caífo naidáillano daide:

—Bímie fiénidífuiaina caido llócaíñede. Níbái joreño íemo úrilla; nibai Juzíñamui dibénedo úaitañeíticai, —daidíaioi.

¹⁰ Afe júfiduafue riire anado jaide. Iemo llaizíraini illaima Pablo íaioi tibéruari jacínaite. Ie jira aféllaima íaioi cígimona Páblona llaizírainina oni uitátate. Uillano meine íaioi gairíracomo íena orétate.

¹¹ Afe jiáie naio Ocuúraíma Jesús Páblomo cíocaillano daide:

—Pablo, jacíruiñeno, abi mame. Benó Jerusalemo cuedo o úrilla izóí, daje izóí Rómamo úrizaitio, —daide.

Pablo fállena mámiafue

¹² Afe jiáiruido judúuaimona dárie Pablo fállena maméritiaioi. Dani íaioi abi faidódiaioi. Jira fiénide uáillaido daidíaioi:

—Páblona nai cai fáñeille dino güíñeíticai, jíroñeíticai, —daidíaioi.

¹³Afe daíí úritimíai cuarenta baimo jaide. ¹⁴Iemona afémaci lletáriraini illáinimo naa judúuai éinamaciri jáidiaioi. Dinomo daízaidiaioi:

—Dani cai abi fieni daináfuedo faidódicai. Pablo cai fáñeille dino güñeiticai, jíroñeiticai. ¹⁵Mai omoi naa jáie Nahí Ríillainiri llaizíraini illáimamo Pablo uire jiti atállifue jica. Fia daíí íemo lloíri, meine nane íemo itífue izire omoi jicánollena. Afémie nai dúciñeite, afe atica llaitada íena títaiticai, —daíífaioi.

¹⁶Mei íadi Pablo comoma afe Páblona íaioi fáiacanafuena fidízaibite. Iemona afémie llaizíraini gairíracomo Páblona llujáide. ¹⁷Mei jira Pablo jabóllaima jíirillano daide:

—Bie jítócome llaizíraini illáimamo úi. Afémiemo llollífuena íteza, —daide.

¹⁸Afe jabóllaima íena uillano, llaizíraini illáimana daide:

—Afe llaveca Pablo cue jíirillano bie jítócome benó cue atállena jicade, afémiemo da llollífuena íteza, —daide.

¹⁹Afe llaizíraini illaima afémie ónoido oni eneno jicánollena uite; daide:

—¿Níífue cuemo llóiacadio? —daide.

²⁰Jira afémie daide:

—Judúuai jae nana dáfuerrillano meine comeci facádiaioi. Uire jiti Pablo Nahí Ríillaini uícomo meine o atállifue jicaitiaioi, meine íemo izire íaioi jicánollena. ²¹Mei íadi íaioi jicállifue mo ínoñeno iri. Afémacimona cuarenta baimo dígamie báinino Pablo fállena jónetiaioi. Afe fáiacadino dani íaioi abi faidódiaioi. “Pablo nai cai fáñeille dino, güñeiticai; daje izói jíroñeiticai,” daidífaioi. Ja birui afémie fállena ñue finóbidiaioi. Mei íadi o uai ollífuemo nai úiñoidiaioi, —daide.

²²Iemona afe llaizíraini illaima afe jítócomena:

—Mai o jairi, —daide. Afe íemo ie lluaíbigafuena jáíimacimo “Lloñeno iri,” daide.

Caifóidillaima Félixmo Páblona orédiaioi

²³Mei jira afe llaizíraini illaima mena jabóidillaima uáidote. Uáiduano íailinoína daide:

—Mai doscientos díga llaizíraini mácaitinona finóbitari. Afe llezica setenta dígamie cabállodo jáitinona finóbitari. Afe emódomo doscientos dígamie zádaiairi jáitinona finóbitari. Nana afémaci nauilla baido Cesaréamo jáitiaioi, —daide.

²⁴Afe llezica Pablo jaille cabállona finóbitade. Daje llezica Pablo ñue fañeno cáanori caifóidillaima Félixmo uitátate. ²⁵Afémacido cuegabe orede. Afe cuegabe daide:

²⁶“Cue Claudio Lisias mamécacue. Jamánomo cáimafuerede caifóidillaima Félix, o uáidotícué. ²⁷Judúuai bímie lláitano duere finótaacadiaioi. Iena fáiacadiaioi. Mei ie romano ímie íllana cue fidínamona cue llaizírainido íena ríiduaidícué. ²⁸Iemo íaioi jítácafue onóacadicue. Ie jira judío Ríillaini uícomo íena uitátaticue. ²⁹Ie mei aillo íemo júfidogafue záilla meífomo íemo nífuena bainédícué. Dani íaioimo ocuica uai ie jeire ie oñena íemo nitádiaioi. Mei íadi ie cue fallífuena íñede. Daje izói ie cue llavéllifueña íñede. ³⁰Dani afémie íaioi nane fáiacanafuena cue fidínamona, íena omo orédícué. Afe llezica nana íemo fíenidífuiaí nitádinona daidícué: Mai Páblomo nífué o nitáadi caifóidillaima Félix uícomo o daízairi. Mai, jae níie.”

³¹Mei jira nana llaizíraini íaioi illaima ocuilla izói Pablo uitífaioi. Afe naio Antípatris jófuemo íena uitífaioi. ³²Afe jítiramo éfbado jaide llaizíraini meine íaioi ínracomo bitífaioi. Ie mei cabállodo

jáidino Pábloori nai Cesaréamo jáidiaioi. ³³ Dīnomo afe Cesaréamo dúciillano, afémaci uiga cuegabe caifóidillaimo izájidiaioi. Daje izói Pablo íemo fecádiaioi. ³⁴ Afebe facádua meifodo, caifóidillaima jicánote:

—¿O nino ímedio?

Pablo uai ote:

—Cilicia énie ímedicue, —daide.

³⁵ Ie jira íena daide:

—Omo fiénidífena nitádino bíadi ona cácaiticue, —daide.

Afe mei Félix Páblona Herodes illaima illaco áillocomo rairuítatinona uitátate, afécomo íena íaioi ñue rairuífllena.

Félix uícomo Pablo abi ríduafue

24 Jubécuiro dígarui illa meifodo lletáiraini illaima Ananías Cesaréamo bite. Afémiedo dáríe éinamaci bitíaioi. Dáruido, caifóidillaima uícomo raire úritímie bite. Afémie mámece Tértulo. Nana afémaci caifóidillaima Félix uícomo Páblomo jítacafuiai nítaibitíai. ² Pablo íaioi átia llezica, Tértulo íemo jíidífue riire nítade. Félixna daide:

—Cai izíruiga caifóidillaima, ori íóbiacadicaí. Ñue záillafue caimo ite; íemo caimare llícaillafuemo iticaí. O fibíllafuedo nana ñue ocuícacaí. ³ Nana bífuiairi nágagobíaido íóbioidicaí. Félix o íere jamánomo fígomiedio. ⁴ Mei íadi are o cue áifedoñeilleza cai úrillamo o cacáreillena omo izire jicádicue. ⁵ Bímie fiénide duico billa izói bíllana cíódicaí. Naga éniiaido llócaide judíuai oni énenorie bozíetaillena. Afémie Nazaret ímie Jesumo ínotino ífódimie. ⁶ Icoimo cai Juzíñamuimo gairíraco ero bácajide. Ie llaitádicai ñue afémiemo cai ocuina uai daína izói jicánollena. ⁷ Mei íadi llaizáiraini illaima Lisias aféfuemona caína rairuide. Iemona cai anámona íena ríifuedo oni baírode. ⁸ Afe emódomo caína daide: “Bie cómemo bi-

fue jítádino odo bírediaioi.” Dama o afémiemo jicánorena, nana íemo cai jítacafue uáfueíteza. Daíí áfena uáfuenta onóitio, —daide.

⁹ Aféno mo jaide judíuai nana aféfuiaína uáfuiái daídiaioi. ¹⁰ Jira Pablo úrillena caifóidillaima ónoído llote. Jira Pablo daide:

—O uícori cue abi ríduafue jino caimare llóitícue. Jaiaí díga fimona bie nairai o jicánoraimana o íllana onódicueza. ¹¹ Ja doce dígarui íllamona Jerusalemo Juzíñamuimo ánozillano íemo caimare úrillena dúcidicue. Aféfuena dama o jicánorena, ñue o ónoillena. ¹² Bumo riire cue úrillana cacáñediaioi. Daje izói

Juzíñamui gairíracomo comínina fiene faillíñaitañedicue. Iemo jíai Juzíñamui llófueriracomo daje izói júfidogafuiai finótañedicue. Daje izói nairai jófuedo nífuenta lloñedicue. ¹³ Nana bimaci cuena nitácafuiaina bu áfena uafue daínina. ¹⁴ Mei íadi dafue jino llóitícue. Judíuai fiene mameca fiénidiodo jáidicue. Afe como Jesús lloga iodo cue jáillamona cai uzútiái Moo Juzíñamuimo táijidicue. Mei nana cuega ocuica uáillaina ínoticueza. Afe daje izói nana uai jino lloraini Cuegánicuaimo ite uáillaina ínoticue.

¹⁵ Íaioi Juzíñamuimo úínoínafue daide: “Tíidino ñuemaci fiénidimaci díga meine abido cáaitiaioi.” ¹⁶ Ie jira Juzíñamui uícomo nífuenidimiana cue íllena jaca nágarui cue comeci ñue finófiredicue. Afe izói comini uícomo nífuenidimiana íacadícue.

¹⁷ ‘Ja díga fimona jíainuiaimo cue maca meífomo, meine cue éniemo Juzíñamuimo fia fecaca úcubezáibitícue. Afe izói dúeredimacimo dúecaillano úcubena fécaibitícue. ¹⁸ Afe daíí cue fecá llezica, cue comécimo ite íaífuiaí cue múíñuafuemo nícidoticue. Daíí cue comeci nícídua meífodo afe

úcube cue fecalle llezica, dárie Asia énie judúuai Juziñamuimo gairíracomo cuena baitíai. Afénomo nai comínina figo iñena llezica iticue. Afénomo ite comínina jaca buna faillíñaitañedicue. ¹⁹ Afénomo cuena ciódino benomo cuemo jítaibirediaioi, cuemo nifue íaioi nitáadi. ²⁰ Mei jiáifodo nauí judúuai Nahí Ríillaini uécomo cue illa llezica fiénidifue cuemo nauí íaioi báyadi, benomo ite aféfuena cacáidino mai jino lloiri. ²¹ Aféruillaido íaioi cígiri cue illa llezica dafue riire íaioimo lloticue. Daidicue: “Ja birui cuemo jicánotiomi tíidimaci meine abido cáailifue como finua jira.” Dino Pablo úrite.

²² Félix Pablo daí dánana cacáillano, aféfuena dinó fiénocaide. Afe Jesucristo dibénemo itino finócafuiaina Félix ñue fibídimie. Ie jira aféfuena dinó fiénocaide. Fiénocaillano daide:

—Fui llaizraíni illaíma Lisias dúciadi bie ómoimo itifue afémie cuemo ñue jino llóite, —daide.

²³ Iemona Félix, jabóidillaimana ocuúde Páblona nai zuitatáñellena. Mei íadi ie comini ie uáiduaibillena rairuñede. Afe izói ie íaioi cánuabillena jeruñede. Afe daí Félix Pablo figo riire llavétañede.

²⁴ Afemona afe mei dígarui illamona, Félix meine dúcide ie ai Drusila diga. Afengo judío ingo. Félix Pablo jírítade Jesucristo finuafuedo úrillena. ²⁵ Afe finuafuedo úrilla llezica Pablo ñue jaícina jáillifuedo úrite. Afe daje izói ñue comini illena abi rairuínafuiai llote. Ie émodomo firairuimo comini jicánollifue jino llote. Aféfuiaina cacáillano, Félix jacánaite. Jacánaillano daide:

—Mai birui jai, uire cue jitáilliruido nane ona jíriticueza, —daide.

²⁶ Afe jiáifue Félix, Pablo ie zuitalle úcube fecalle úínote. Ie jira diga ícaíno Félix íena jíjiride ie diga úrillena. ²⁷ Mena fimona daí íhidiaioi. Afe mei

Félix ie illáimana illano fáicanocaide. Ie meífomo Porcio Festo illáimana jóonetaioi. Félix judúuai úcori ñue íacanamona llavécamié Páblona zuitáñeno oni jaide.

Pablo Festo úcori abi ríduafue

25 Ie meífomo Festo ja illáimana bite. Afe mei daruíamani illamona Cesaréamona Jerusalem jaide. ² Dinomo lletáiraini illaini naa judúuai rímaciri Páblomo íaioi nitácafuiai nane Féstomo llotíai. ³ Jerusalem abido Pablo oréllena izire jicádiaioi. Pablo io anamo íaioi fallífue maméritaioi. ⁴ Mei íadi Festo íaioi uaimo daide: Pablo nai Cesaréamo llaveca. Nano íanori íllamona afénomo nane jáitice.” ⁵ Jira íaioina daide:

—Ie jira omoi cígiri ite rímaci mai cuedo Cesaréamo jairi. Afémiemo nifue íadi dinomo íemo nítajirediomi, —daide.

⁶ Festo afe Jerusalem nano ocho nibai diez dígarui illa meífodo meine Cesaréamo bite. Afe jíáiruido ie riire jicánoranomo ráinazaide. Páblona atítate. ⁷ Pablo afénomo jofo jáidemo, Jerusalem como dúcide judúuai femo áinozidiaioi. Ainozillano aillo fiénide ráfuiai femo nitádiaioi. Mei íadi aféfuiaimo finollifueña ñede. ⁸ Mei jira Pablo ie abi ríduafueña daide:

—Cue nie fiénidifueña finóñedicue. Judúuai ocuúcafuiai uáitaoñedicue. Iaioi gairíaco ero bácañedicue. Daje izói romano caifóidillaima uáillaina uáitaoñedicue, —daide.

⁹ Mei íadi Festo judúuai cígiri ñue íacade. Jira Páblomo jicánote:

—¿Jerusalem abido jáiacadio omoi nitácafuiai dinomo cue jicánolleza? —daide.

¹⁰ Jira Pablo uai ote:

—Ja birui romano illaíma uícomo náidadicue. Ja benomo cuemo nitácafuiai jicánorede. Mei judúuaimo ní-

fuenidimiedicueza ñue onódio. ¹¹ Cue tí-taite fiénidifue cuemo íadi, áfemona abi jáanoñeiticue, mei íadi nana cuemo íaioi nitácafuiái tánofue íadi, buna íaioimo cuena rífuedo izájinide. Dama romano jamánomo ocuédillaíma cuemo jícano daidicue, —daide.

¹² Iemo ie fidítatimíiimo úrilla meí-fomo, Festo daide:

—Mei “Jamánomo ocuédillaíma cuemo jícano” daidfoza, ie jira afe jamánomo ocuédillaímamo ona óreiticue, —daide.

Pablo illaíma Agripa uiécomo illafue

¹³ Diga irui illa meí-fomo illaíma Agripa ie ai Berenice diga Cesaréamo Festo uáiduaide. ¹⁴ Afénomo diga irui itífaillinoimona, Festo Pablo rafue Agrípamo llote. Iena daide:

—Félix fiénocaiga llavécamié nai benomo ite. ¹⁵ Naui Jerusalemo cue jailla llezica, lletáriraini illaini, naa judúuai éicomíniri íemo íaioi nitácafuiái cuemo llotíaioi. Ie duere cue finótallena cuemo jicádiaioi. ¹⁶ Jira íaioi uai oticue. Iaioina daidicue: Romano rímaci íaioi fibilla izói, afefue nitádimie íemo nitácamie uiécomo conímamo jofo eróicana nai úriñenia, nitácamiena fañédiaioi. Afe daí tánofue nitácamie ie abi ríduafuena finórede. ¹⁷ Ie jira afémaci benomo billa llezica, raire afe jiáiruido cue jicánoranomo ráinazaidicue. Ráinazaillano afe cómena atítaticue. ¹⁸ Mei íadi afémiemo nitádimio cue comeci daina izói nitáñediaioi. ¹⁹ Daa íemo íaioi nitácafue fia íaioi ínogafuiáimo jaináidifue. Daje izói da Jesudo úritiaioi. Afémiena tíide daidíaioi; mei íadi Pablo “Caade” daide. ²⁰ Mei aféfuena onóñedicueza. Nie izói aféfuena níbaíticue, daidicue. Jira Páblomo jicánoticue: ¿Jerusalemo meine jáiacadio dínomo omo nitácafuiái ñue jicánollena? ²¹ Mei íadi afémie

jamánomo ocuédillaíma Augusto íemo jicánollena jicade. Ie jira nai íena zuitáñedicue. Iena rairuídicue jiáiruido afe caifóidillaímamo ie cue oréllena, —daide.

²² Jira Agripa Féstona daide:

—Cue jiái daje izói afe iima uaimo cacáreacadicue, —daide.

Jira Festo uai ote:

—Uire jiti cácaítio, —daide.

²³ Afe jítiramo, Agripa Berenice diga dúciillano, áillue gairíraco nana jofo jáidiaioi, naa llaizíraini illáiniri, naa jofue rímaciri. Ua aillo ebire finóbillano jofo jáidiaioi. Dínomo Festo Pablo jírítade. ²⁴ Afe mei Festo illaíma Agrípama daide:

—Illaíma Agripa, nana cairi benó gairídínori, omoi cácarei. Bímiemo omoi eroi. Aillo judúuai afémiedo cuemo úritiaioi. Benó Cesaréamo cuemo úritiaioi; daje izói Jerusalemo izire cuemo jicádiaioi. Jaca fáinocaiñeno ie titácanafuena cuemo llotíaioi. ²⁵ Mei íadi afémiemo comeci facádicue, íadi ie cue titálluenua íñede. Mei caifóidillaíma Augusto íemo jicánollena dama jicade. Jira afémiemo íena oréllena mamédicue. ²⁶ Mei caifóidillaímamo afémie rafue cue cuellífuena íñede, ¿níffue mei cúeiticue? Ie jira, Agripa, bímie o uiécomo atídicue íemo omoi jicánollena. Afedo caifóidillaímamo cue cuellífuena ónoíticue. ²⁷ Mei cue comeci daide: Da llavécamié cue oréadi, íemo íaioi nitácafueña óñoñenia, níbai afefue tánofue, —daide.

Illáima Agripa uícori

Pablo abi ríduafue llote

26 Jira afe Agripa Páblona daide: —O dama o abi ríduafueña llórena, —daide.

Iemona Pablo como fueñe íaioimo úrite; daide:

²—Ilaima Agripa, cue abi rídollifue o uícomo cue llólleri ióbidicue. Nana judíuai cuemo nitaca tánofuíai jino jaícina llóiticue. ³Nana judíuai fibílla-fuíaina ñue onódioza. Daje izói conímamo cai úrillafuena onódio. Aferi iere ióbidicue. Ie jira fñaicana cue úrillamo o cacárellena jicádícue.

**Pablo íemo itifue méiduafue
uícomo finócafuiai**

⁴‘Nai cue úruenamona dama cue éniemo, daje izói Jerusalemo íaiói cígiri nana judíuai cue illáfueña onódiaíoi. ⁵Daje izói cue jitócomenanomona fariseo ímiena cue íllana onódiaíoi. Afémaci jitaia aféfuena jino llóredicue. Cai ñnogafuíaimo afe fariséuai jamánomo riire jaináidino. ⁶Íaiói ñnogafue izói Juzíñamui tíidino meine abido cáatallifueño ínoticue. Juzíñamui daje afe cáallifue cai jáiairagimamo llote. Afefue ícoínia birui bie jicánollifueño cuena atídiaíoi. ⁷Cai Israel doce nairai afe uícomo llogáuui fuizájillinomo úiñoidiaíoi. Ie jira mona naio díga Juzíñamuimo ánozillano caimare úritiaíoi. Afe izói íemo táijidiaíoi. Ilaima Agripa, afe bie daje úiñogafue ícoínia, judíuai fñénidifuíai birui cuemo nitádiaíoi. ⁸¿Ñibái mei daíí comeci facádiomoi? ¿Ñibái mei afe Juzíñamui tíidino meine abido cáatallifueño buna ínonide, daidíomoi?

**Pablo nauí Jesucrístomo
ínotino rácafue**

⁹‘Nazaret ímie Jesús mámecimo jaináidino duere cue finótallena, nauí aféfuemo comeci facáoidicue. ¹⁰Iemona Jerusalén imácina duere finótaticue. Lletáriraini illaini ríibiaído aillo Jesumo ínotinona llavéracomo fbaicotadicue. Comini afe llavécamací titáacana llezica aféfuena fairíoticue. ¹¹Díga icaíño

íaióina duere finódicue, íaiói ñnogafue féitallena. Afe duere finótafue naga llófueriracuaido daíí finódicue. Afe ínotinona jamánomo fñéniruidicue. Ie jira afémacina onínemaci jófuemo racádícue.

**Pablo íemo itifue
méidoinafue nane llote**

(Hch 9.1-19; 22.6-16)

¹²‘Bie daíí comeci mamérrillafuedo Damasco jófuemo jáidicue. Lletáriraini illaini ríibiaído comini llaitállena orécacue. ¹³Mei íadi jaíciri ia iodo jáidicueño, jamánomo monámoma riire cuemo egáíñoacide. Afe egáíñua jítoma egáíñua baimo meáirede. Cue abimo egáíñoacide naa cuedo jáidinori. ¹⁴Iemona nana éniemo baíídicaí. Hebreo uáillaido monámoma cuena dañana cacádícue; cuena daide: “Saulo, Saulo, ¿ñibái mei cue racádío? O dama o abi fñeni finódio. Aillue juráreto jíurainomo ite jáirede razi. Afe rázimo juráreto záitacailla jilla izói, afe izói dama abi daíí finódío” daide. ¹⁵Jira uai oticue: “Ocuíraima, ¿mei o búdíio?” Jira afémie cuena daide: “O racácamié Jesúdicue. ¹⁶Mai náidacaillano macácana jai. Jae cuedo o táijillena omo cíocaidicue. Afemona birui o cíónafueño uai nabáiraimana íitio. Ie meífomo jíáiruido jíáífuiai omo ácataiticue. Aféfuiaimo nane uai nabáiraimana íitio. ¹⁷Ja judíuaimona jíáie jicáneziemo ona orédicue. Dinomo ona lláitaitiaíoi íadi ona jíllotaiticue. ¹⁸Dinó afeno imácimo ona orédicue, íaiói comeci o zuitállena. Afemona, jíitífoto íaiói macáñeno úzefodo íaiói macállena o orédicue. Daje izói nana íaióimo ona orédicue Taife íaiói náamatañellena, mei íadi Juzíñamui díbéfomo íaiói jaináillena. Afe izói íaióimo ona orédicue cuemo íaiói íñollena. Iemona íaióimo ite

fiénidifuiái dóficaite. Afe fiénidifuiaina dóficaidino íaiói feci raa máiñoitiaíói naa jíáie Juzíñamui ñue finócamaciri,” daíí Jesús cue ocuide.

**Nicai anado Jesús íemo
ocuícauai Pablo jeire ote**

¹⁹Mei jira, illaíma Agripa, monámona cue cacánafuena jámairuñedicue; mei íadi áfena jeire uano fueñe Damasco imácimo afe úrilla uai jino lloticue. ²⁰Afe meífomo Jerusalén comínimo daje izói nana judea éniédo llócaidicue. Afe izói jíái judíoñedinomo llócaidicue. Nana íaíoimo itífuíai íaíói meídollena riire lloticue. Iemona Juzíñamui díbenemo íaíói íficaillena íaíói llófueticue. Ñúefuíaído íaíói macállena lloticue íaíoimo ite meídogafue jino ácatallena. ²¹Afe bífuíai cue llua ícoínia, judíuai Juzíñamuimo gairíracomo cuena llaitada fáiacadiaíói. ²²Mei íadi Juzíñamui cue cánuado nai biruimo ñue jáicadicue. Naga cómemo, illáicomini naa jamai comíniri Juzíñamuido úricaidicue. Moisés llua izói lloticue. Jaiái uai jino llóraini llua izói llófueticue. Nana íaíói lloga caímo ífícaítífuíai jino lloticue. ²³Jaiái ninomo uícomo llotíaíói: “Cristo duere finólleza,” daídíaíói. “Afe meífomo tíite; tíillano meine abido cááite. Afe daíí fueñe tíidímiemona meine abido cáaitímiena maméllimieite.” Daíí aféfuena daídíaíói. Afe emódomo jíáífue daíde: “Cristo cáaillemona, comini jíllloíllífué jino llóite. Ua caí náiraímo llóite. Daje izói jíáie náiraíaina fídítaite,” —díno Pablo úrite.

**Pablo Agripa Jesucristo
díbenemo jáináillena llote**

²⁴Daíí Pablo afe abí ríiduaífué llua llezica, Festo caíllóicana daíde:

—¡Pablo, o uáiritaidio! Aillo rábiai o facáduamona o ífoci uáiritaide, —daíde.

²⁵Jira Pablo uai ote:

—Fígomie Festo, cue uáiricoñedicue. Mei jíáífodo cue daináuai ñue comécido facádorede. Aféfuíai uafue. ²⁶Benori illaíma Agripa ite, bífuíai ñue onódimie. Ie jira comeci mánainafuedo afémie uíécori úriticue. Afémie nana bífuíai ñue onónana ñue onódicue. Afémie nana bífuíai báinino izúgumo lloñégaza onode. ²⁷Illáima Agripa, ¿uai jino llóraini llogáuaimo ínotio? O íinuana onódicue, —daíde Pablo.

²⁸Jira Agripa daíde:

—¿Jesucristomo afe díbenemo cue jáináillena raíre cuena ífícaítaacadío? —daíde.

²⁹Jira Pablo íena daíde:

—Raíre Crístomo jáináidímiena o ífícaíadi, o are íllamona Crístomo jáináidímiena o ífícaíadi, nai birui Juzíñamui uailái ñue jeire o ollífué jícadícué. Afe izói dama óieñedeza mei íadi cue Jesucristomo ínuá izói nana cue úrillamo cacáreidino Crístomo ñue ínotínona jítaídicue. Mei íadi llójeina cue máína izói ómoina maítátaacañedicue, —daíde.

³⁰Pablo aféfuíai llua meífomo, illaíma Agripa caífo náidacaíde, afe caífoídílláima Festo díga. Afe llezica íe aí Berenice nana díno ráíiedino díga caífo náidacaidíaíói. ³¹Náidacaíllano baí eneno jáidíaíói aféfuíaído úrillena. Dínomo jofo conímána daídíaíói:

—Baíe cómemo íe títállífuena íñede. Daje izói llavéracomo íe llavéíllínona íñede, —daídíaíói.

³²Jira Agripa Féstoná daíde:

—Bímie nauí jamánomo ocuídílláima íemo jícanollena jícañeniadi ja birui zuitárede, mei íadi báíllaímamo jícádeza zuitánide, —daíde.

Pablo Rómamo oréinafue

27 Pablo Itáliamo oréillifue mo maméritiaioi. Iemona Pablo naa jáie llavécamiiairi jabóidillaíma Júliomo izájidiaioi. Afémie Augusto llazíraíni igüéllimo jainaide. ²Iemona Adramitio ígobemona áillue nocaedo jáizaidicai. Afecae nana Asia énie ígobiaido zjícana ja jáizaide. Daje llezica Tesalónica ímie Aristarco caído jaide. Tesalónica Macedonia énie jofue. ³Afe jítiramoidiruido Sidón ígobemo dúcidicai. Afégobemo Julio iere caimare Páblomo úrite. Iemona Páblona rairuñeno ie onógamiaina uáiduajitade. Afe daí ie onógamiaina Pablo jitaica raana fecárediaioi. ⁴Sidón ígobemona jáidicai. Jaillano monáillai cigi idu Chipre jarífzimo fíeoicaidicai, mei jairifo jáífodo cai ñuitáocaillamona. ⁵Dinómona Cilicia énie áinodo Panfilia énie diga baido monaillai cigido jaitádicai. Afe mei Licia éniemo ite Mira ígobemo zjídicai.

⁶Dinomo llazíraíni illaíma Alejandríamona bite, Itáliamo jáizaide áillue nocaena cíozaide. Afécaemo afémie caina nana jofo orede, afénomona afécaedo cai jáillena. ⁷Dinómona diga irui fíaicana juare jáidicai. Icoímo Gnido jofue féifenemo dúcidicai. Mei jairifo nai jáífodo oni cai ñuitáocaillamona monaillai cigi idu Salmón féifenado jáidicai. Ie jira monaillai cigi idu Creta onido nefícana jáidicai. ⁸Afe monaillai fue áinodo fíaicana juare jáidicai. Icoímo Buenos Puertos mámeciredinomo dúcidicai. Afégobe Lases jofue áinori ite.

⁹Jae diga iruillai fia fíaicana jáidicai. Iemo ja uáicimo áinozidicai. Iemona monaillai cigido cai jaitalle jamánomo jacírede. Ie jira Pablo íaioina izire llote; ¹⁰daide:

—Cuemo úrillamo omoi cácarei. Bie cai ruica cai jaille onódicueza iere jacírite. Cai uiga ráaniai niné táinocaite. Cai jaille nocáe daje izói táinocaite. Daje izói cai ñibai coróbaizaiticai, —daide.

¹¹Mei íadi llazíraíni illaíma nocáe naama jáiacanafue Pablo dinafue baimo jeire ote. Daje izói afecae illaíma daina uai llazíraíni illaíma jeire ote. ¹²Afégobe uáiciai úñoñlloca figo jínoñede. Ie jira nana comécido daidíaoi: “Ñibai Fenice ígobemo jáidicaina figora izoide,” daidíaoi. Afégobe Creta énie mona icoi dibénemo ite. “Afe dinomo uáici záillena úñoñiticaí,” daidíaoi.

Monáillaimo jamánomo riírede jairifo noci diga jáíñuafue

¹³Afe jáíruido mona átue dinena jairifo fíaicana fúuoide. Jira afemo ínotiaioi ruica íaioi jáitallena. Afemona jáizaidicai. Afe Creta énie áinodo jáidicai. ¹⁴Mei íadi due afe meífodo riírede jairifo cai jailla nocáe riire ñúitaibite. Ua afecae riire aiñóicaide. ¹⁵Mei cai jáiacananomo jáinina jira, “Dama jairifo niné uigacai,” daidíaoi. ¹⁶Iemona duera monaillai cigi idu Claudia jinófenado jáidicai. Dinomo jairifo caina riire fúuoñede. Ie jira cai abido uiga dúceae, fíaicana juare caífo bitádicai. ¹⁷Dúceae bita meífomo, áillocae jéerie ñécigaido riire jofo mozidicai. Afe mei guamáeaimo íaioi bíjizai dáii jacíruitiaioi. Afe guamáeai mámece Sirte. Afe jágiedo íaioi ñuite vela daina áillue iniroi ana zúicoidiaioi, cai nocáe fia jairifo fíaicana úillena. ¹⁸Afe jáíruido afe jairifo riire jaiñode. Ie jira íaioi uiga ráaie como fueñe afécaemona monáillaimo dócoidiaioi. ¹⁹Ja daruíamani íllamo nocáe ero tájjina ráaniai dani cai ónoido monáillaimo fádoídicai. ²⁰Aféruillaído diga irui jítoma naa úcuai diga cíónena. Dinomo afe riírede jairifo llavécamiiaí izói duere

cai finode. Iemona nana jilloillena cai comécinafuiai niné táinocaide.

²¹ Ja diga iruillai güiñeno iticai. Ie jira Pablo íaioi cigimo naidáillano daide:

—Nana omoi cácarei. Nauri Crétamona jáiñeiticai cue daina uaina jeire onédiomoi. Afe cue daina uaina ñue finotiomoinia bie izói duere zefuñedicai. Daje izói nana cai atica ráaniai niné táinocaiñede. ²² Mei íadi, birui omoi jacríuñeno iri. Bie nocaena niné táinocaite mei íadi ómoimona buna tíñeite. ²³ Mei ja naio Juzíñamui oreca ie abi ímie cuemo daiízaibite. Afe Juzíñamui jaináidimiedicue. Afe izói íemo táijidimiedicue. ²⁴ Afe oreca abi ímie cuena daide: “Pablo, jacínaiñeno iri. Romano jamánomo ocuídillaíma uícomo náidazaitioza. Ie jira o illa ícoina nana nocaedo odo jáidinona Juzíñamui tñilínomona jillotaite.” Dinó Juzíñamui oreca ie abi ímie cuena daide. ²⁵ Ie jira abí omoi mameri. Juzíñamui uaimo finoticueza. Ie oreca ie abi ímie cuena daina izói bie cai duere zefuñlafue-mona ñue jino jáiticaiza. Afe bífuena ñue onódicue. ²⁶ Mei íadi benómona daa monaillai cigi ídumo jairifo caina nétaite, —daide Pablo.

²⁷ Mena semana cai jailla meífodo daa naio Adria monaillai cai illa llezica, rífrede jairifo meine abido caina úioicaide. Iemo dáaferui illa llezica, marinéruai éniemo cai ánozillana comécido onódiaioi. ²⁸ Jira nié dinó afórede dainano facádiaioi. Facádiaioimo treinta y seis metros afórede. Nane afe baimo dáanomo facádiaioi. Ja veintisiete metros afórede. ²⁹ Nofíciaímo íaioi ñáijizaillana jacríuillano moi dibécaemona cuatro diga nocáe cuinara lloéloici monaillai anamo dotádiaioi. Afe mei comeci jacríuioicana mona monaillai úiñotiaioi. ³⁰ Afe llezica afecae marinéruai “Bie áillocuemona mai cai botalli” dani

conímana daidíaioi. Afe daií íaioi botácanamona emódomo bitaca dúecae ana jáinoimo agüínetiaioi. Afe llezica jáíamacina jífueacana daidíaioi: “Bie dúecaedo áillocae ifo dibécaemo jáíae cuinara lloéloici dotaiticai,” daidíaioi. Daií afe nocáe ana agüíniado jífueriacadiaioi. ³¹ Mei jira Pablo llaizíraini illáimamo naa ie llaizírainiri lluno daide:

—Baimaci bie nocaemo fiébiñeno botáadi ómoimona buna jilloñeilleza, — daide.

³² Ie jira llaizíraini dúecae agüina ñéicgai jaitádiaioi, afecae illemo baiíllena.

³³ Afe monáidemo Pablo íaioina daide:

—Mai omoi güiri. Ja mena semana güiñédiomoiza; iníñediomoi. ³⁴ Izire ómoína güitátaticue. Afe omoi güille jítárede ñue omoi jilloillena. Uafue ómoimona buna córobaiñeite. Daje izói omoi abímona minícana due jiza báiiñeite.

³⁵ Daií dainano, Pablo daa pan llínuano nana comini eróicana Juzíñamuina “Iere figura” daide. Daií ñiano afe pan ditade güite. ³⁶ Afemona nana náireficaidiaioi. Afe daje llezica jáíano güitáioi. ³⁷ Afe áillocuemodo scientos setenta y seis dígamiedicai. ³⁸ Ja íaioi güíacaga güille güilla meífodo, fiébide trigo illemo dotádiaioi, afecae féecocaillena.

Afecae buíllafue

³⁹ Jae monáidemo, afe éniena onóñediaioi, mei íadi guamai diga ñue itízugaina ciódiaioi. Onóñegaza afénomo íaioi zíjizaillena mamértiaioi. ⁴⁰ Iemona afecae cuinaina lloéloici igai jaitádiaioi. Afe lloéloici monaillai anamo fiébicaide. Afecae datara jairábíai zuitádiaioi. Afe mei afecae uite iniroi ífófeceamo caifo jairífomo jóonetiaioi. Iemona afecae oni guamáemo ánozioicaide. ⁴¹ Mei

íadi mena meine ábiedo totnúaímo dúcídíai. Iemona afecae afénori ite guamáemo bǵjide. Ifófecae afe guamáemo jamánomo riire bǵjide. Mei íadi móifecae nai ñue fairídemo, monaillai bagua niné llaizéraga. ⁴²Jira afécaemo ite llaizíraini llavécamiiai fáiacadíaioi, “ǻhǻi bótaitiaioi” dainano. ⁴³Mei íadi afe llaizíraini illaima Julio Páblona jíllotaacade. Mei jira íaioina fatátañede. Jiáifodo ocuide nana íiana onóđino illedo ícana raire uícomo dúciillena. ⁴⁴Jiáimaci íiana onóñedino afe nocáe lláicoizillabici emódodo jáitate. Daíí nana oni fuédamo dúcídíai. Afe daíí ñue jíllodiaioi.

Pablo monaillai cigi idu Máltamo dúcinafue

28 Nana ari éniemo ñue jíllobicaidicaímo, afe monaillai cigi idu, comíni cai llúamona Máltana mámecirenana onóđicai. ²Afedu nairai ñue caina llínotiaioi. Aillue irai bonóđiaioi noci jáiñua rozírena jira. Aferai bónuana nana caina: “Mai omoi agáizaibi” daide. ³Afe llezica Pablo záfegai llínota aféraímo jóoniaide. Aferai uzire cácanamona titade jaio jino billano Pablo onoi ainide. ⁴Afedu nairai afe jaio ie ónoímo agüfnana cióillano, conímamo llotíaioi:

—Nibai baie iima come fáfiredimie. Meiti monáillaimona ñue jillode íadi, Juzíñamui jaícina jóidífue nana comínimo onótaiacanamona íena raamo jíritate ie jílloiñellena, —daíí daidíaioi.

⁵Mei íadi Pablo afe jaio iraimo jaidínota dotade; íena ñie izói nibáñede. ⁶Nirui íena fáitaite dainano áfemo nana ocuírídíai. Jiáifodo nino llezica íena ana dotada títaite daidíaioi. Mei íadi íena ja are úíñodiaioímo nie izói íena nibáñede. Ie jira nano comécido íaioi daináuai

jiáifodo meídotiaioi. Iemona bie Pablo Juzíñamui izóidímie daidíaioi.

⁷Afe áinori afedu illaima Publio illánuiái ite. Dinomo daruíamani afe Publio caina ñue llínote. Cai jitaica raana ñue caímo fecade. ⁸Aféruillaído afe Publio moo irárede. Bírallumo diga irui bífírede, ie abi cuaríllari. Iemo jamánomo lluide. Afénomo Pablo íena uáiduaide. Dinomo Juzíñamuímo íena jicade. Daíí ie jica mei Pablo onoi íemo bitade. Iemona afémie jíllobi-caide. ⁹Afena íaioi fidínamona nana afédumo ite iráredinuiái Páblomo atídíai. Iemona nana jíllozítiaioi. ¹⁰Aferi íóbillano aillo ñúefuíaí caímo nitádiaioi. Afe mei nane dánomo cai jáiacanaruímo, nana cai jitaica ráaniaí caímo atídíai.

Pablo Rómamo dúcinafue

¹¹Afe monaillai cigi ídumo dauíamani iticai. Afe meífodo, jíáie nocaena cióizaidicai. Afecae nauí bie ídumo uáici zaille dino úíñote. Dinómona afecae jáillado ruica jáidicai. Afecae Alejandría jófueмона bite. Afecae ífomo mena taino juzíñamui uíecona cuega. Afe íaillinoi mámece Castór Pólux. Afecae aféíllinoína náamaredena mameide. ¹²Dinómona Siracusa ígobemo dúcidicai. Afégobemo daruíamani iticai. ¹³Dinómona fueda áinodo Regio ígobemo jáidicai. Afe jíáíruido jairifo mona ádue dinena bíllamona Régiomona jáidicai. Ja ménarui íllamona Puteoli ígobemo dúcidicai. ¹⁴Afénomo ite ámatiai cióizaidicai. Íaioi diga da semana cai íllena jícadíaioi. Afe mei ja Rómamo jáidicai. ¹⁵Jae Rómamo ite ámatiai cai billáfuena uícodo fidídíai. Ie jira io anamo conímamo caímo dúciillena uícomo bitíaioi. Conímamo íaioi dúcinano “Foro de Apiona” mameide. Jiáifodo daina, Apio íomo ite fecáriraco. Jiáino mámece “Tres Tabernas.” (Afe

mámeci dobáiñuano daina Daámani Dúcirachupi.) Afénuiaimo Pablo éroicaillano Juzíñamuimo “fere figura” daide. Iemona Pablo comeci caimare íficaide.

¹⁶Je mei Rómamo dúcidicaimo llaizíraíni illaíma Julio ie uiga llavécano rairuídino illáimamo izájide. Mei íadi Pablo oni eneno dama ícomo uiga. Aféno mo daa llaizíraíma íena rairuide.

Pablo Rómamo Juzíñamui uai jino llote

¹⁷Rómamo íaioi dúcinamona daruíamani íllamona Pablo Roma judíuai íllaini jíiritade. Íaioi gairilla llezica Pablo íaioina daide:

—Amataí, judíuaimo fiénidífue lloñédicue. Afe izói cai jaiáidígima fibíllafuena uáitaíñédicue. Mei íadi Jerusalemo romano comínimo lláítano izájigacue. ¹⁸Dinomo cuemo íaioi jícanua mei, cuena zuitáacadiaioi cue íaioi titállifue íñena jira. ¹⁹Mei íadi judíuai jíáfodo cuena zuitáañediaioi. Ie jira romano jamánomo ocuédillaíma cuemo jícanorena daidicue. Mei íadi afe llezica cue náiraímo cue jítállifueña íñede. ²⁰Mei jira omoi díga cue úrillena jíriticue. Mei cai bie daje Israel náiraídicaí. Daje cai Mesías bíllífue mo comécíidicaí; daje izói meine abido cai cáillífue mo úíñoídicaí. Afe cai úíñoígafue ícoiniadi birui benó llavécamie cue llavéinana ja cíodíomoíza.

²¹Jira íena daídíaioi:

—Jaca daabe o finócafuíai lluabe caímo dúcíñede. Daje izói aféno mo na bite ámatiaí judíuai o mámeceído fiénidífuaína nítaíbíñediaioi. ²²O comeci fácafuíaimo cacáreacadicaí. Mei náganíaimo afe bie comue Jesumo jáinaídínona onódicaíza uáitaíodiaioi, —daí íena daídíaioi.

²³Ie jira meine íaioi cacáíllirui mamédaíaoi. Afe maméinaruimo aillo nairai Pablo íllácomo nane gairízaíbitiaioi. Jítiramoná ua nauzáidemo Pablo Juzíñamui íllámana íllafue íaioímo llote. Moisés ocuica uáíllaido Pablo Jesús díbenemo íaioina ínotaacade. Afe llezica Juzíñamui uai jino llóraini cuega uáíllaido Jesumo íaioina ínotade. ²⁴Dárie Pablo llogáfue mo ínuaidiaioi, ie mei jíáimaci ínoíacañediaioi. ²⁵Mei íadi nana dáafue mo comécííñenamona raíítiaioi. Como raííacadaíaoímo Pablo íaioina daide:

—Ñuera Joreño cai jaiáidígímacímo uai jino lloraima Isaíado ñue úrite. Afémie daide:

²⁶Baimácímo bífue llujíri, daide:

Omoi uafue aféfuena cácaítíomoi íadi áfena ónoñeítíomoi.

Omoi uáfuena cíóítíomoi íadi ñue fídíñeítíomoi.

²⁷Mei bie comíni comeci meine fiéní rírenamona bie ñúefuena óíacañediaioi.

Íaioi ífoci jáíainamona fiéní cacádiaioi.

Íaioi ujíai nítaíodiaioi dani íaioi uído áfena íaioi cíoi daíi.

Daje izói íaioi jefodo cácañeíllena jefo íbáidiaioi.

Afe izói comécído cacáacañediaioi.

Daje izói meine cuemo bíacañediaioi, íaioi cue jíllotallena, —daí Isaías daide.

²⁸Bífue omoi onoiri: biruímona bie Juzíñamui lloga jíllóíllífue judíoñedímacímo llujíga. Aféfuemo afémaci ñue cacáreítiaioi, —daide.

²⁹Pablo daí dáínamona, judíuai aillo comímano úricana jáidiaioi.

³⁰Aféno mo Pablo ie íbaca jofomo mena fímona fuitade. Nana íemo ráfuíai jícanuai bífiredínona ñue caimare llínofírede. ³¹Aféruíllaido Pablo Juzíñamui ílláimana íllafue jino

uáfodo comínimo llote. Afefue ie jino llófuerite. Aféruillaido ie llófuerilla
lolle rairuide cómena iñede. Daje buna llótaidoñede. Mai. Jae niie.
izói Ocuíraima Jesucrístodo diga irui

ROMA COMÍNIMO SAN PABLO ORECAE

*La Carta del Apóstol San
Pablo a los Romanos*

Pablo Rómamo ite Jesumo ínotinomo cuete

1 Cue Páblodicue; Jesucristo ocuífregamedicue. Juzíñamui cuena uáiduano eneno cuena nizede ie jállona uai jino llóllena. Ua afémie orécacue; Juzíñamui mamécamedicue.

²Afe bie jállonafue Juzíñamui jaiiai ninomo uícodo ñuera Cuegáuaimo, ie uai llórainido jino llotátate. ³Afe jállonafue cai Ocuíraima Jesucristodo úrite. Afémie Juzíñamui Jitó. Iemo jiái afémie cai come izóidimie. Afe Jesucristo jaiiai illaíma David méifoidigimamona jocócamie. ⁴Mei íadi Ñuera Joreño dibénemo afe Cristo uáfodo ríinorede Juzíñamui Jitona cíotaga, mei dama tíllanomona afémie meine cáatateza. ⁵Juzíñamui Jesucristodo, ñúefuena cuemo itátate. Aferi iere ióbidicue. Afefue cuemo illano, iere cuena canode, ie mámecido oni jiáinomo ie orécamierna cue íllena. Bie cue ióbillafue ie mámecido oni jiáinomo cue oréllena. Afe cue orénamona naga náiraíaido aillo Jesumo ínotinona iite. Daje izóí ie uaina jíeruitinona iite. ⁶Afémacimona Crístomo ínotinona itómoiza. Ie jira Jesucristo íeiena omoi íllena, Juzíñamui eneno omoi nizede.

⁷Mei jira nana ómoimo cueticue Roma jófuemo itínodiomoi. Juzíñamui izíruigamacidiomoi. Afémiemo omoi ñue jaináíllena eneno uáidogamacidiomoi. Iemo ite caimátaíllafue, naa comeci caimare

uái illafue diga ómoimo fécaiteza. Nana bífuiai cai Moo Juzíñamui cai Ocuíraima Jesucristo diga, ómoimo mámeiteza.

Pablo Rómamo macáacade

⁸Nana ómoiri fueñe Jesucristodo “tere figura,” cai Juzíñamuina daiífiredicue. Ua daií daidicue mei nágagobíaido ómoimo ite ñuera ínogafuedo úritiaíoi. ⁹Jaca nana cue comécido Juzíñamuimo táijidicue, ie Jitó ñuera uai jino comínimo llóllena. Nane daje izóí Juzíñamuimo comécido cue úriadi, ómoimo uibíoifiredicue. Aferi Juzíñamui cue uai nabáidimie. ¹⁰Bie icoí iruimo ómoimo cue jáíllena Juzíñamuimo jíacífredicue. Ua Juzíñamui comeci jitaia, ñibai ñibéfodo ñue cuena óreite, ómoimo cue mácajillena. ¹¹Mei ómoína cíóacadicue, Crístomo omoi ínogafuiai cue cánuamona, ñue riire jaícina omoi íllena. ¹²Ua bie ínogafue cuemo íteza ja ómoimo ite. Afe Juzíñamuimo cai ínogafuedo conímamo cai úrillamona, conímaiaína comécina caimare náiretaítaíai.

¹³Juzíñamuimo ínote ámatiaí, diga icaiño omoi diné cue jáiacanafue ómoína cue cíóíllena, ómoimo fidítaacadicue; mei íadi nai jaca jáinidicue. Omoi diné jáiacadicue ómoimona jiáimacina Jesumo jaináitallena. Ua jeede ria llízie jofo ua izóí, afe izóí Jesús uaimo ínotinona itátaacadicue. Oni jiáigobíaimona dáarie cue itata izóí, daje izóí, ómoimona itátacadicue. ¹⁴Mei cue naga cómemo ñúefuena cue llóllena iere jitáirede. Ua iere baitádinomo llóredicue; daje izóí abina onóñedinomo daa fiéñeno llóredicue. ¹⁵Iemona afe izóí cue dibénedo nana afe jíllóílluai ómoimo jino ñue lluaíbiacadicue, jica Rómamo itómoí íadi.

Núefue riiede

¹⁶ Bie núefue uai jino cue llólleri meáiruñeiticue, mei aféuaimo ite Juzíñamui rño nana áfemo ñnotino jilloillena. Nano fueñe judúuaina jillotaite, ie mei daje izói judúuainédinona jillotaite. ¹⁷ Bie jllonauai Juzíñamui anamo ñue jaícina cai llana caina fidtate. Dama Jesumo cai ñnogafuiaido Juzíñamui anamo ñue jaícina fíticai. (Abi diné jiáiena iñede.) Jaiai Cuegáuai daí daide: “ñnogafuedo Juzíñamui anamo ñue jaícina itímie, ziiñona cáate.”

Nana énie nairai íaioi fiénidifuiái ícoinia ite

¹⁸ Mei monámona bite Juzíñamui iere izire duere ñnuafue nana fiénidinomo, naa comécina jaícinañédinomo jaiai zúillana, ja birui fidídicaí. Dani íaioimo ite íaifuedo ua ráfuena ónuana rairuícaciaioi. Daje izói afémaci jiáimacina ua ráfuena onóillena jerudíai. ¹⁹ Cai onoiga Juzíñamui dibénemo itífueña daje izói ñue onódiaioi; mei dama afémie íemo itífueña nana caimo cótateza. ²⁰ Juzíñamuimo ite ie cióñena raa, ie finócafuiáido caimo ónorede. Jaca énie ñnuaruimona afémie nahí Juzíñamui nana uáfodo ónorede. Daje izói afémie jaca rínoredeza uáfodo ónorede. Bífuiaina comini náfueñediaioi; ímona dani íaioi ícoinia daí ite. ²¹ Mei Juzíñamuina onódiaioi íadi, íemo nitárede núefuina íemo nitáñediaioi. Daje izói íena “Figora” daíñidíai. Mei jiáfodo ráifñede raamo comécidíai. Íaioi abina onótatañede comeci jítifomo fiébicaide. ²² “Nimáirainidicaí” daíñirediaioi íadi, abina onóñedinona jáidiaioi. ²³ Ziiño Juzíñamuimo ite ebíredífueña ziiñoñede come jánaraina méidotiaioi. Afe baímo figóñede jánaraina finódiaioi. Féedinuiaí jánaraina finódiaioi. Jaizai

jánaraina finódiaioi. Táicaide rille jánaraina finoda jeire otíaioi.

²⁴ Ie jira Juzíñamui íaioimo ite fieni comeci óiacanafuemo íaioina zóofete. Daí afémaci dani jofo conímamo méaifuiái finódiaioi. ²⁵ Juzíñamuimo ite ua ráfuena ñnoñeno tánofuiaí jeire otíaioi. Afe emódomo ie finoca raamo núefue nitádiaioi, mei íadi fueñe afe finode Juzíñamuimo núefue nitáñediaioi. Daje izói ie finoca raamo caímare ánozioidiaioi, mei íadi nahí Juzíñamuimo cáimadoñediaioi. Bie Juzíñamuina jaca ninomo cáimadoaredicaí. Daí íteza.

²⁶ Mei jira Juzíñamui jiáie meáire comeci óiacanafuemo íaioina zóofete. Ringóniaí daa íaioi ini diga llana féitatiaioi; féitano aillo méaifuiái jiáinori otímaci. Juzíñamui ringóniaí jóonia izói íacañeno afe jóoniafuena uáitatiaioi. ²⁷ Daje izói íñiaí daa ringo diga ñue llana féitatiaioi. Féitano fieni illáfuedo íaioi abí bóobicaide, conímaíaimo fieni finóllena. Afe íñiaí conímamo méaifuiái finódiaioi, ímona dani afémaci abímona comuídifueri duere zefuídíai. Bie izói Juzíñamui íaioina duere finótate, dani íaioi comeci ífue jaícina jóiñena ícoinia.

²⁸ Ja mei Juzíñamuina onócañediaioi, jira íaioi comeci jaícina jóiñenafuemo Juzíñamui zóofegaiaioi, Juzíñamui rairuícáfuiái finódimaci íaioi llana. ²⁹ Afémaci naga íaifuiaimo itíaioi; comeci jaícinañenafuemo itíaioi. Daje izói jiruírenafuemo itíaioi; fieni jítainafuiaimo itíaioi; naga ráaniaina óiacanafuemo naa fiénidifuiái diga itíaioi. Daje izói afémaci úradoríñedino; come titáñedino. Fuiríllafuedo úritiaioi. Jífuemaríñedíai; ñúeodo jáiñedino. Táinona conímamo fieni úríñedino. ³⁰ Afémaci jiáima jánana fieni úritiaioi. Juzíñamuina éoidiaioi. Daje izói ríimacimo náfueñediaioi. Tánofuiaimo

comécidino. Daje izói fieni abi finotino. Fiénidifuiamo comeci facada finófirediaioi. Iaioi úruiai móotiai ocuícafuena jeire onédiaioi. ³¹ Afémaci abina onócañediaioi. Iaioi daina izói finófinidiaioi. Buna dueruiñediaioi. Caimare uáduano iba óñellena onóñediaioi. Daje izói afémaci jiáimamo dúecañediaioi. ³² Juzíñamui ocuállana ñue onódiaioi, íadi óiacañediaioi. Afe nana bie fiénidifuiamo itino jaca zíñona duere finólliaioiza, áfena jiái onódiaioi. Onódiaioi íadi aféfuaiaina féitañeno nai úcadiaioi. Nane bie emódomo jiáimaci afe fiénidifuiái fnua llezica, íaioina: “Caimare bie izói cai illi,” daidíai.

Juzíñamui nahí uafue daina izói comínimo riire jicánote

2 Jiáima fieni illafue riire o jicánollena inede. Naga come “Cue nífuenidicue” daínidiaioi. Nana omoi dáafuemo itíomoi. Mei jiáimamo ite fieni illafue riire o jicánua llezica, dama o abi duere finótaitio. Aféfuena riire jicánotio íadi, o jiái dáafuiamo itio. ² Mei jii, bífuaiamo itino Juzíñamui duere finótaja llezica, afémie nahí uafue daina izói riire jicánoteza, áfena onódicai. ³ Mei o, jiáima fieni illafue riire o jicánua llezica, o jiái daje izói dáafuiamo itio. Daí o illa llezica “Juzíñamui ie duere finóllifue mona nibai cuena jilloite,” ¿daidio? ¿jilloñeitio! ⁴ ¿Juzíñamui omo zíñona fuiñede dúecaillafuena jámairutio, naa omo ie járitañenafue diga? Afe bie Juzíñamui omo dúecaillafuedo, afémie o comeci ífuena ñúefue dibénemo méidotaacadeza, ¿afe jaca o comécimo úibicaiñedeza, ero ua? ⁵ Mei o, comécina iere ríredioza. O comeci ífuena méidoacañedio. Iemona o duere finóllifuiaina aillo ofítaoicaidio. Ua Juzíñamui cíocaizaibilliruimo o

jaícina jóoide duere fnuafue jino omo llóite. ⁶ Aféruido naga come dani íaioi finócafuiái izói, íaioimo íbátaite. ⁷ Aféruido ebíredifue jenódinomo, zíñona cáataitino íaioimo iite. Daje llezica, nana Juzíñamui íaioimo ñúefue nitállena jenódinomo, naa zíñona illa raa jenódino diga, Juzíñamui zíñona cáataitino íaioimo fécaite. Aféfuaiaina jenódiaioi, mei nágarui féitañeno ñúefue dibénemo ífirediaioi. ⁸ Mei íadi aféruillaído nana fieni abi finotinona, Juzíñamui duere fínoite. Daje izói nana ua ráfuena jeire óiacañedinona Juzíñamui ie rífuedo duere fínoite, fiénidifuiái jeire íaioi ua jira. ⁹ Nana fieni mácafiredinomo aillo duere zefuállifue iite, naa jamánomo íaioi comeci zúunaillifue diga. Nano fueñe daí judúuaimo iite; ie mei jiái daje izói judúuaiñedinomo cómuite. ¹⁰ Mei jiáifodo ñúefuiái finódinomo, Juzíñamui íemo ite ebírenafue íaioimo iite, naa comeci caimare uái illafue diga. Daje llezica Juzíñamui íaioimo ñúefue nítaite. Nano fueñe daí judúuaimo iite, ie mei jiái daje izói judúuaiñedinomo cómuite.

¹¹ Comínimona dámie jiáie come baimo Juzíñamui gáigamie inede. ¹² Nana fieni itino Moisés ocuícafuena nai onóñena llezica, ico nine tánocaitiaioi, aféfuena nai onóñenano. Daje izói nana jiáie fieni itino Moisés ocuícafuena onódiaioi íadi, afe daje bie ocuícafuedo riire jicánolliaioi. ¹³ Mei ocuícafuena táinona cacádino Juzíñamui anamo ñue jaícina inédiaioi, mei íadi ocuícafuena jeire otino Juzíñamui anamo ñue jaícina itíai. ¹⁴ Dáarie ocuícafuena onóñede judúuaiñedino afe ocuilla daina izói dani íaioi comécido jeire otíai. Iemona afémaci dani abi lletádinona itíai. ¹⁵ Mei jii, íaioi ñue mácafuedo íaioi comécimo ocuica

uai cúeinana ácatafirediaioi. Afe llezica íaioi comeci úrilla uai ñue íaioi uaina nabaide. Daje llezica íaioi ífoci úrillafue fiénidífue íaioi finóadi, áfena íaioimo llóite. Fiénidífue nai íaioi finóñenia, ¹⁶ Juziñamui comínimo riire jicánolliruimo íaioi ífoci úrillafue íaioina ráiruite. Aféruillaído naga comini báinino finoca raana Jesucrístodo Juziñamui riire jicánoite, cue lloga jilloilluiai daina izói.

Judúuai Moisés ocuífafuemo figo náfuenediaioi

¹⁷ Mei ja birui, “Judío ímiedicue” daidío. O jilloillena, Moisés ocuífafuemo ínotío; o Juziñamui dibénemo fiéni abina ínotío. ¹⁸ Juziñamui comeci jítáinafue onódío; afe ocuífafue omo llotte: “Nana o nícidogafuemo ñuera díga o nizeri”. ¹⁹ “Uínidino izóidino ífóllena, ñue uáfuenta onódicue,” daidío. “Daje izói jítifodo macádinona ñue egáñollena onódicue,” daidío. ²⁰ “Abina onóñedinona llófueredicue,” daidío. Daje izói, “Urue izóidinona jaícina llófueredicue,” daidío. “Ua nahí ráfuena onótate uai afe cai ocuífafuemo ite,” daífiredío. Afe izói, “Nana ífócido onóigafue caimo ite,” daidío. ²¹ Mei jíaimana llófuetío íadi, ¿nibái mei dama o abina lletáñedio? Omoí meríñeno iri daícadío íadi, ¿nibái mei meríñiredío? ²² Omoí jiruñeno iri, dama daícadío íadi, ¿nibái mei jiruñeredío? Jánaraiaina éoidío íadi, ¿nibái mei íaioi illácomo ite ráifide ráaniai o mériano ráaredimiena jáidío? ²³ Ocuilla uai dibéfodo iere abi ínotío; mei íadi Juziñamuina jámairutío, afe daje ocuífafuena jeire o oñena ícoinia. ²⁴ Meita Cuegáuai ñue daide: “Judíuainédino omoí ícoinia Juziñamuina fiéni úritiaioi.”

²⁵ Moisés ocuífafue jeire o oíadi omoí finófírena bacano icoi quétafue uáfuenta omo ráifite. Mei íadi afe uai figo

o íñoñeniadi, jaca quétañegamie izói íitío. ²⁶ Mei jíáifodo, daa bacano icoi quétañegamie ocuífafue daina izói jeire oíadi, afémie bacano icoi quétacámie izói facádoga, quétañega íadi. ²⁷ Afe bacano icoi quétañegamie, mei íadi ocuífafue jeire otímie, ona riire jicánoite, bacano icoi quétacámiena o íadi, daje izói cuega ocuífafue omo ite íadi, mei áfena jeire onédioza. ²⁸ Judíona jáillena dama jinófenemo cóide ráaiñede. Daje izói bacano icoi quétacámiena jáillena fia abimo cóide ráaiñede. ²⁹ Mei íadi nahí ráfuiai jíáifodo jóide. Nahí jáidimie ie comécimo áfena jaide. Daje izói nahí bacano icoi quétafue comécimo dúide. Cuega ocuilla uaimo jaináñede; mei íadi come joréñodo ie comécimo ite. Bie izói ítmie comínimona jíeruñegaza, mei íadi Juziñamui jíeruiga.

3 Judío ímiena cue íllemona ¿minica mei nibénemo ráifide? ¿Bacan quétafue mei nibénemo ráifide? ² Judío ímiena cue íllamona áillofuiai ícoinia ñue íitícue. Daje izói quétafuemo aillo ráifinafue ite. Nano fueñe Juziñamui ie comeci úrilla uai Judíuaimo orede. ³ Iaiomona dáarie íaioi íinogafuena féitatiaioi. Féitatiaioi íadi, Juziñamui lloga uai jáanonide, mei afe Juziñamui jaca féitafinidimie. ⁴ Ie íaioi féitaja éna nie izói nibáñede. Mei jíáifodo íteza: nana comini taino llóñiredino ille llezica, Juziñamui nana ie jetácaigafuena nai uáfuenta jaícina finode. Daí Cuegáuai úrite:

O daina uáillaimona jaícinaidimiena o íllana ónoítiaioi.

Riire o jicánua mei, comini ñue íinogamiena íitío.

⁵ Mei caimo ite fiénidífuedo Juziñamui jaícinaidimie illáfuena jino uáfomo cíotaiadi ¿nie izói dáiticaí? ¿Mei Juziñamui cai duere finóllena jaícinaidimie? (Jamai come úrilla izói úritícue.) ⁶ Mei íeñedeza. Mei Juziña-

mui comécina jaícina íñeniadi, ¿nie izói nana énie comini riire jicánoite? Afémie jaca ninomo comécina jaícina jóidimie-namona, nana náiraina riire jicánorede.

⁷Mei cue táinofuiaido Juziñamui uafue nai jamánomo cue ebíruiadi, ¿nibái mei fiénidimiedicue izói Juziñamui riire cuemo jicánote? ⁸Bie uáfueña, núefue bíllena nibái mei fiénidifueña finóñedicaí. Afe bie izóidifue llófuiana dáarie caimo jítádiaoi. Bifue caimo jítádino comeci fiéni jítainafuedo úritiaoi. Bie izói itino duere finólliaoi.

Nana caimo ite fiénidifue ícoinia

⁹¿Mei níifue? ¿Cai bie judíuai jíáie comini baimo ñuera? Mei ua íeñede. Ja como fidítaticai judíuai naa jíáie comini diga riírede fiénidifue anamo itíaioi.

¹⁰Jaii Cuegáuai daí daide: Buna jaca íaifuenidimiena íñede. Jaca ninó daa núemiena íñede.

¹¹Daje izói jaca ninó núefueña onócadimiena íñede. Daje izói Juziñamui daa jenódimiena íñede, ie diga íllena.

¹²Nana Juziñamuimona onido jáidiaoi. Afémaci dani fiénidimacina jáidiaoi. Buna ninó núefue finóñena.

Jaca ninó daa íñede.

¹³Iaioi úriragoi íbaíñega raiafo izoide, mei iere íáire úritiaoi.

Iaioi fuedo jífuemarífrediaoi. Iaioi fuemo ite úrilla jaio aifoi izoide, mei jíáima jánana iere fiéni úritiaoi.

¹⁴Afémaci daa faidórafuiaido úritiaoi, naa íáirede uáillaido.

¹⁵Come titállena jarire áizicaidiaoi.

¹⁶Iaioi fiéni illáfuedo aillo jíáimaci táinocaitadiaoi.

Daje izói comínina zúnaitadiaoi.

¹⁷Afémaci comeci caimare uái illáfueña onóñediaoi.

¹⁸Daje izói afémaci Juziñamui ñue jacírenafueño due jiza comeci facáñediaoi, —daí jaii Cuegáuai daide.

¹⁹Nana jaii ocuífueña daina uaina, afe ocuífueño anamo itínomo dúide. Bífueña ñue onódicaiza. Daí Juziñamui mamérite, nana comini úrillana lífcaitallena; daje izói naga nairai Juziñamui riire jicánollifueño anamo íaioi itábi-caillena. ²⁰Ocuica uai jeire cai úado, buna Juziñamui anamo ñue jaícina íñeite. Ocuífueña caina jíllotañeite; daa caimo ite fiénidifueña caina onótate.

Jíllollifue cai ínogafuedo comuide

²¹Mei birui, jácara ocuífueño oni eneno fíiano, Juziñamui anamo ñue jaícina cai íllena afémie cómfueña caimo onótate. Bie cómfueña uai lloraini cuegánico facádoiadi ónorede. Daje izói ocuilla uai cúeinanicomona jíáí ónorede. ²²Juziñamui anamo ñue jaícina cai illifueño bífueño ite. Dama Jesucrístomo cai ínuado bie izói íticaí. Nana ie uaimo ínotinona afémie daje izói fínoite; dáamie jíámie baimo gáñeno nana dájerize jaícina jóneite.

²³Mei naga come fiénidifueña; jíllotaite Juziñamuimona nana jica itíaioi.

²⁴Mei íadi Juziñamui caimo dúecailanona, ía íbatañeno ie anamo ñue jaícina caina itátate. Mei dama ie jító Jesucrístodo caina jíllotate. ²⁵Cai finoca fiénidifueño íbana Juziñamui Jesucrísto tíllamo dane ote. Iemona íafueña dog

izoí iticaí. Bie múínuafueño cai ínogafuedo caimo dúciite. Bifue daí íficaide Juziñamuina jaícinaidimie daíllena. Mei jaii finoca fiénidifueño íbana raire otáñede; afémie comécina járidoñedimie. ²⁶Daje izói daí íficaide birui Juziñamui jaícinaidimie daíllena. Nana Jesumo ínotinona Juziñamui nai birui afémie anamo ñue jaícina itátate.

Iemona Juzíñamui nai jaícinaidimiena íoicaite.

²⁷ Ie mei ¿come abí ínuafue mei nie izói ite? Afe abí ínuafue oni eneno fiébi-caite. Ocuícafuiai jeire íaioi úado nai fieni abí ínuafuemo itíaiói. Mei íadi Jesucrístomo ínogafuemo fieni abí ínollifuenta íñede. ²⁸ Nana cai llogáfuiaimona bifue jino llúana ñue baite. Dama Jesumo ínotímie Juzíñamui anamo ñue jaícina írena. Ocuica uailai afémie jeire ua oni jíáifodo joide. Afena Juzíñamui náfuene, dama íemo ínuana náfuete.

²⁹ ¿Meita Juzíñamui dama judfúai íena? Ieñede. Daje izói afe Juzíñamui judfúaiñedino ie. ³⁰ Mei jíi Juzíñamui damade. Afémie baimo jíáiena íñede. Afémie nana íemo ínotinona ie anamo ñue jaícina itátate. Afémaci bacano icoi íaioi quétajana náfuene. Daje izói quetañenana náfuene. ³¹ Ie mei nibai dámie jíánoite. ¿Meita cai ínogafuedo ocuilla uaina uáitaiticai? Ieñedeza; úaitañeíticai. Mei jíáifodo Jesuna cai ínuado afe ocuilla uaina uáfuenta jíeruiticai.

Abraham Juzíñamuimo ínuua izói cai ínollena cai onótate

4 Mei áfemona cai jaiáidigima Abraham dibénemo jíáifue jícanoíticai. ¿Afe Abraham mei nie ñúefue ote? Daina uai jeire ie ófirenamona abí díne nífuena oñede. ² Mei Abraham ie finócafuiaido Juzíñamui anamo ñue jaícina ie itábicaíadi, afémie abi ínoredede. Mei íadi Juzíñamui uícori afémie abi ínonide. Ie finócafuiaido Juzíñamui anamo ñue jaícina itañaega. ³ Mei jíáifodo Cugáuai daina izói, “Abraham Juzíñamuimo ínote.” Iemona Juzíñamuimo ie ínuado Juzíñamui íena “Íaifuenidimiedio” daide. ⁴ Da come táijjadi, afe táijina iba fia íemo dúecaillano ínega; afe táijitatímie íena íbarede. Mei íadi

cai jíllloillifue cai táijicanado iba llínua izói llínonide. ⁵ Mei jíáifodo, dámie jíllona táijina finóñeno, ie jíllloillena dama Juzíñamuimo ínoredede; mei Juzíñamui íemo ínote íaifuiairedimiena llínofiredeza. Mei íemo Juzíñamuimo ie ínuado, Juzíñamui íena: “Íaifuenidimiedio,” dáite.

⁶ Dama David come cáimafuiaido úrite. Dámie ie uímodo finócafuiaina Juzíñamui náfuene. Ua náfuene, mei íadi íemo ie ínuado Juzíñamui íaifuiainide dainámiena afe ínotímie jaide. Afe daiítadímie iere caimare ite. ⁷ David daináuai daide:

Iaioimo ite fiénidifuiaina Juzíñamui dogánona iere íobidiaioi. Daje izói íaifuiaina oni féitagamiiai iere íobidiaioi.

⁸ Daje izói íaioimo ite fiénidifuenta náfuene gano iere caimare itíaiói.

⁹ ¿Meita bie cáimafuiái dama bacano icoi quetaca judfúaimo duide? Ieñedeza; nana comini íena mameide. Jira bacano icoi quetañaega judfúaiñedimacimo daje izói afe cáimafue íaioimo duide. Jae llotícueza Abraham Juzíñamuimo ínuado Juzíñamui íena: “Íaifuiainidimiedio,” daide. ¹⁰ Mei íadi ¿níruído daí íena daina? ¿Bacano icoi quetaa mei daí daina? ¿Nibai quetañenia daí daina? Jíi, uáfueza, nai quetañena llezica daí íena daina. ¹¹ Afe: “Íaifuenidimiedio,” daina méifodo, Abraham bacano icoi quétafuena Juzíñamui ocuide. Bie quetaínafue onóillena jóonega raa izoide, Juzíñamui ja bímie ie ínuafuedo íaifuenidímie daíllena. Daí Abraham nai quetañena llezica Juzíñamuimo ie ínuamona, nana judfúaiñede ínotino moonna jaide. Iemona Juzíñamui daje izói nana afémacina: “Íaifuenidiomoi,” daide. ¹² Uáfueza. Abraham nana afémie dama ie ínuua izói ínote

quetácano moo. Mei nanoide cai moo Abraham ie bacano icoi nai quétañega ia, ñue Juziñamuimo ñnoteza.

Juziñamui jica ia raire llogáuai comini ñnuamona ñue ícoimo fuitaca

¹³ Mei jii, Juziñamui Abrahamana ñuera jica ia raire fidítuauai daide. Aféuui lloite: “O nana o erófene igímaiairi nana éniena máíñoitiomoi.” Abraham Juziñamuimo jaijai uécodo ñnuua jira, Juziñamui bíuui femo lloite. Fia ocuilla uai ie jeire úado Juziñamui daíí íena daííñede. Ua, dama Juziñamuimo ie ñnuado Juziñamui íena: “Íaífuenidimiedio,” daide.

¹⁴ Mei dani ocuilla uai jeire otino ñúefuena íaioi maiñóadi, íemona ñnogafue comínimo ñigo jínoñede. Daje llezica Juziñamui jica ia raire llogáuai ráifinano niné feide. Mei íadi daííñañedeza jíáfodo joide. Juziñamuimo cai ñnuafuedo ie caimo lloga ñúefuena maiñóredicai.

¹⁵ Ocuilla uai llóina meífodo aféuui jeire oñédino duere ñnotalliaioi. Mei íadi ocuilla uai nai lloñena llezica, aféuui náfuenide.

¹⁶ Afe Juziñamui Abrahamo jica ia raire llogáuai, Juziñamui ñue riire mamede, nana ie erófene igímaiaí afe ñúefue jeire íaioi óllena. Mei jira, afe Juziñamui lloga ñúefue, fia fecaca raa izóí comini Juziñamuimo ñnuado íaioimo írede, mei áfena íaioi ñé-fina cígimona ónidiaioiza. Bífue daííñacade, Juziñamui uécodo raire llogáuai daa ocuilla uai jeire otino íeñedeza, mei íadi nana Abraham ñnuua izóí ñnotino ie. ¹⁷ Iemona Abraham Juziñamui eróicana nana cai moonaa jaide. Abraham afe Juziñamuimo ñue ñnote. Jaijai Cugáuaido Juziñamui Abrahamana daíí daide: “Aillo náiraijai moonaa ona jóneticue.” Afémie daíí daííñede, mei Juziñamui tídinona meine abido cáatatarezeza. Daje izóí íñede ráaniaina Juziñamui itátarede.

¹⁸ Aféfuiaimo Abraham fáicanocaiñeno ñnoide. Ua comini daína izóí Abraham jamánomo jónaiteza, ja úruenide. Abraham daíí úruereíllinona úíñonina llezica nai Juziñamuimo ñnuano úíñoide. Afe daíí Juziñamui íena daína izóí, Abraham “aillo náiraijai moonaa” jaide. Juziñamui bie izóí íena daide: “O uícoide erófene igímaiaí aillo jébuitiaioi,” daide. ¹⁹ Abraham cien fimónamo ánozide íadi, ie ñnogafue jaca féíñede. Afémie jónailla izóí ie ai jónaillana onode. Ua afengo iere jónaillamona tíiacade. Jae úruena comútanide. ²⁰ Mei íadi afe llezica Abraham jíziñeno Juziñamuimo ñnofírede. Juziñamui jica ia raire llogáuaina ruíffruíñeno nai íemo ñnoicaide. Mei jíáfodo Abraham áfena féítañeno iere izire ñnote. Jaca comeci rairuíñeno Juziñamuimo úrioicaide. Juziñamuimo íóbioicana úrite. ²¹ Afémie daide:

—Nana jaijai Juziñamui jica ia raire cuemo lloga rafue Juziñamui uáfueña cuemo zúítaite, —d-aide. ²² Iemona, íemo ie ñnuado Juziñamui íena daide: “Íaífuenidimiedio,” daide.

²³ Bie Juziñamui Abrahamana daína “Cuemo o ñnuado jae íaífuenidimiedio” daa Abrahamo cúeñegaza, ²⁴ mei íadi nana caimo cuela cai ñnollena. Mei jira tíllanomona cai Ocuíraima Jesús cáatate Juziñamuimo birui ñnoticai. Iemo cai ñnuado caina: “Íaífuenidinodiomoi,” dáíite. ²⁵ Afe Jesús caimo ite ñfenidífue ícoinia duere ñnotagamienna jaide. Afe mei Juziñamui anamo ñue jaícina nífuenino cai íllena afémie cáataga.

Juziñamui “Nífuenidimiedio” daína meífomo ñue cai illífue

5 Mei afe jira, dácaíño Juziñamui anamo ñue jaícina nífuenino cai illa mei, meine abido Juziñamuina

jáciruiñeiticai. Afe comeci caimare uái illafue cai Ocuíraíma Jesucristo ie tíllado cáiena ote. ²Mei jii, cai ínuado bie afémie cai cánuafue dibénemo jóonegacai. Aferi izire jaináidicai. Iemona íobifiredicai, mei Juzíñamuimo ite ebíredemona cáiena oni máinoiticaiza. Afemo ocúriticai. ³Daa bie cai ocúirillamo íobíneiticai, mei daje izói duere cai zefuúllifue mo íobiticai. Mei onódicaiza duere cai zefuúllifue cai comeci járitañenafue caimo comuide. ⁴Iemo afe comeci ígomie dáinana caina jáitate. Iemo ígomie dáinana mei Juzíñamui cáimafue mo úiñoifireiticaí. ⁵Iemo bie úiñoinafue caina zúucaitañeite, mei Juzíñamui caina ie izíruillafue ñue caimo llóteza. Bie caina ie izíruillafueña ie oreca Ñuera Joréñodo onódicai.

⁶Dani cai ñéfina cígimona jíllonidicai. Daíí cai illa llezica, Juzíñamui jica ia mamécaruimo, Jesucristo nana fiénidino ifomo tízaibite. ⁷Bíniemo comécina jaícina jóidimie tílla ifomo tíitimiena inede. Mei nibai jamánomo ígomie ifomo, daa tírede. ⁸Mei jíáfodo cai fiene illa llezica, Cristo cai ifomo cai jíllloillena tízaibite. Afedo Juzíñamui caina ie izíruillafue caimo cótate. ⁹Iemona ja birui Cristo tíllamona Juzíñamui anamo ñue jaícina itícaiza, ie jira írairuimo ite duere ínuafue-mona, Cristo cai rairuúllado, jamánomo oni eneno íredicai. ¹⁰Nai afémie bacáuai imácina cai illa llezica, ie Jitó cai ícoinia tíide. Daíí ie tíllamona, Moo Juzíñamui comécina jáciruitañegacai. Ja birui cai comeci íena jacíruíñenamona, birui ie cáanado jamánomo ñue jíllloredicai. (Ua caade Cristo Juzíñamui uícomo caído úrite. Afe daíí ie úrioinado, ico bite duere cai finóllifue-mona jíllloiticai). ¹¹Daa bífueñedeza, nane bie emódomo cai Ocuíraíma Jesucristodo Juzíñamuimo íobioiticaí, mei

afe Crístodo Juzíñamuina cai jacíruíñenafueña otícaiza.

**Nanoide Adán caimo
comuítagafue-mona Juzíñamui
caina éoicaide; mei jíáfodo
Cristo caimo comuítagafuedo
Juzíñamui caimare caído eróicaide**

¹²Mei onóigaza, dáamiemona fiénidifue nana comínido jaide. Ie mei afe fiénidifue-mona tíllafue daje izói naga cómemo comuide, mei naga come fiénidifuiaredeza. ¹³Moisés ocuilla uai nai inena llezica, fiénidifue jaca comínido ite. Mei íadi ocuilla uai nai inena llezica, afe fiénidifue comínimo nítañega. ¹⁴Mei íadi jaii Adán illágimamona Moisés illágimamo fiénidifuii finódino tícoizifirediaioi, mei titade ríino anamo itíiaioiza. Juzíñamui jóonega íaioi comeci ñue úrilla uaimo náfueñediaioi. Daíí náfueñenamona íaioi fiénidifue comuide. Mei jíáfodo Adán fiénidifue Juzíñamui uáfodo lloga rairuica uai jeire ie onénamona comuide. Mei íadi bie Moisés uícodo itino fiénidifue jíáinodo comuide. Adán finoca fiénidifue izói comuñede. Afe Adán uire biite Cristo jana.

¹⁵Adán náfueñegafue Juzíñamui caimo fia iga cáimafue izóiñede. Mei dama Adán náfueñegafuedo nana comini tímáritiaioi. Mei íadi Juzíñamui raiñoñeno caimo fecaca jíllonafue jamánomo baimo ñuera. Dama Jesucristodo aillo comini canócaiaioi. ¹⁶Dáamiede finoca fiénidifue jaca Juzíñamui caimo fecaca jíllonafue izóiñede. Mei afe daade Adán náfueñegafue-mona cai duere finóbillifue zúide, mei jíáfodo Juzíñamuimona caimo lloga jíllonafuedo, Juzíñamui raiñoñeno aillo comínina ie dibénemo ñue jaícina itábicaitate, aillo íaioi náfueñegafuii

íaiõimo ite íadi. ¹⁷Mei jii, daa come náfuēñenamona titáfiredede ríino anamo nana comini are ninomo itíaiõi. Mei jíáífodo dáamiede Jesucristodo nana Juzíñamui anamo rainõñeno ñue jaícina jóonegano, jamánomo baimo ñuera zíiñona íaiõi ille ríino óitíaiõi.

¹⁸Mei dáii Adana náfuēñegafuemonona duere finóbillafulue nana comínimo comuide. Daje izóí Jesucristo nífuenide comécimona tífizabillafuluemonona, duere finóbíñenafue nana comínimo zuide. Daje llezica zíiñona cai illifue caimo comuide. ¹⁹Bie daide: dáamiede jeire õñegafuemonona nana comini fiénidifuiairedinona jáidiaiõi. Mei íadi dáamiede Jesucristo jeire ogáfuemonona aillo comini Juzíñamui anamo nífuenidinona ñue jóonegaaiaioi. ²⁰Mei jaiiai Juzíñamui cai ocuilla uai caimo lloga, caimo ite fiénidifue jino uáfodo cai onóillena. Ua, ocuilla uai llua mei caimo ite fiénidifuiiai aillo jebuide. Mei íadi daje llezica Juzíñamui caimo dúecaillafuiiai daje izóí afe fiénidifuiiai baimo aillo jamánomo jebuide. ²¹Iemona, fiénidifue caimo íllamona afe riirede fiénidifue caina titárede. Daje izóí Juzíñamui caimo izire dúecaillano, Juzíñamui anamo nífuenino ñue jaícina cai illa llezica, cai Ocuíraima Jesucristodo, afémie caina zíiñona cáatarede.

Comini fiénidifuiaimo íllamona tíidino izóidiaiõi, mei íadi daje llezica afémaci Crístono íinuamona cáadiaiõi

6 Nana bie caimo llógamona ¿nie izóí dáaiticai? ¿Mei nibai fiénidifue finócana uiticai, Juzíñamui jamánomo caimo ie dúecaillafue caimo ácatallena? ²¡Mei íeñedeza! Cai bie ja fiénidifue dibénemo tíidinodicaiza ¿mei nie izóí, fiénidifuemo nai íoicaiticai? ³¿Nai bífuena onõñediõimo? Nana cai

ie báutizaillaruiomona Jesucristomo uáfueña jainaina llezica, dáaruido afe Cristo tíilla dibénemo jaináitagacai. ⁴Mei jii, cai báutizaillaruiomona Cristo diga dáafomo raigacai izóidicai. Iemona aféruimo tíidinona maméidicai. Ua tíidinona mamécacai, áfemona Cristo ie tíllanomona meine abido cáadimiēna jailla izóí, birui cáadena cai jáillena. Daíí cai jaillano cómofuemo íocairedicai. Mei jii, Cristo ie Moomo ite jamánomo ñuera ríinodo meine cáadimiēna jáitaga, íemo daje izóí afe daje ríinodo cómofuemo íocairedicai.

⁵Uáfueña dáaiticue, Cristo tíilla izóí tíidinona jae mamécacai. Iemona daje izóí ie meine abido cáadimiēna jailla izóí, dani cai tíllanomona meine cáataga izóí cómofuiaimo íredicai. ⁶Cristo cruzmo coraica llezica nauí fueñe cai illafue dáanomona titácaza onóidicai. Uafue, afefue titaca, nanómona cai comécimo ite fiēni gáinano caina anáfenoñeillena. Iemona fiénidifue dibénemo rairuícanona íñeíticai. Daje izóí riire táijitatimiemo jainaina izóí, fiénidifuemo jáinaíñeíticai. ⁷Mei jii, Cristo diga tíidimie ja íaífuemonona oni jírecaide. ⁸Iemona dácaíño Cristo tíilla izóí dáanomona afémie diga, cai comeci fiēni óiacanafue tíide izóí féitaga. Nauí daíí ie diga cai tíillamona, daje izóí biruíllaido afémie diga cai íllana ua onóidicai. ⁹Mei onóidicaiza, Cristo dácaíño tíllanomona meine abido cáadimiēna jaide. Daíí meine jaillano ja meine abido dánomo tííñeite. Afémie ja ménacaíño tíinide. ¹⁰Mei Cristo ie tíillaruimo, fiénidifue dibénedo dácaíño tíide, jaca ninomo nane tííñeillena. Mei íadi afémie meine cáadena jaillano ie cáanano Juzíñamui duede. ¹¹Daje izóí, mai fiénidifue dibénemo tíidino izóí omoí iri. Mei jíáífodo Juzíñamui íēna cáadinona mai omoí iri. Afemo

izire comécimo mai omoi facáoiri, mei cai Ocuíraima Jesucrístomo dájena jaináidiomoiza.

¹² Ie jira fiénidifuena omoi abina náamatatañeno iri; afe fue omoi ziiñona iñena abi ana úillemona abí omoi rairuiri. Mei Taife comútaga caimo ite íaifue cai abi fieni jítainafue jino déillena ocufoideza. Afemona izire abi omoi rairuiri. ¹³ Dani omoi abina fiénidifuena finótañeno iri. Mei jiáifodo dani omoi abina Juziñamuimo omoi jaináitari; ua, tñillanomona meine cáadena jaide izóidino afémiemo omoi abi jaináitari. Ie jira nana omoi abina Juziñamui núefue finóllena, omoi jaináitari. ¹⁴ Ja benómona fiénidifue ómoina ana úiñeite. Mei ocuilla uai anamo ja íñedicaiza; mei jiáifodo Juziñamui cairi dúecaillafuemo itícaiza.

Comini jacire riire rairuillarumona daa ráfuenta caina onótate

¹⁵ Ie mei ¿nie izói íitícaí? Mei ocuilla uai anamo iñédicaiza mei jiáifodo Juziñamui cairi dúecaillafuemo itícaiza; íemona ¿meita fiénidifue finóredicaí? Ieñedeza, finónidicaí. ¹⁶ Nue onódiomoiza, ómoimona nágamíiai riire ocuídillaimamo fecaca llezica, aféllaíma ocuillana ñue jeire órediomoi. Daje llezica aféllaímamo izire jaináidiomoi. Bie izói caimo ite fiénidifuiái, jacire ocuídillaima ana uilla izói, nana caina ana uite. Afemona tñillafue naga cómemo comuide. Mei íadi Jesumo cai íinua llezica jiáie cai ocuídillaima Juziñamuimo dúidicaí, comécina jaícina ñue jóidímacina nágarui cai íllena. ¹⁷ Mei íadi ómoiri Juziñamuina: “fere figora,” daídicue. Mei nauí fiénidifuemo izire rairuicanona omoi illa llezica, ómoimo lloga llófueinafuenta ja ñue jeire otíomoiza. ¹⁸ Afe fiénidifuemona oni omoi jírecailla mei, jiáie ocuiraíma

Juziñamui rairuicanona jáidiomoi. Iemona comécina jaícina ñue jóidínona nágarui írediomoi. ¹⁹ (Ua omoi onoiga comini ráfuiáido úriticue, mei omoi ifoci déiñenamona bífuiaina ñue cacánidi omoi.) Nauí fieni illáfuiáimo omoi abina jaináitafirediomoi. Nane afe baimo jiáie jamánomo fieni abi fñuamo abina finótadiomoi. Nauí daí abina omoi finota izói, mai birui comeci jaícinaínaífuemo abí omoi jaináitari, dama Juziñamui íena oni eneno ñue mamécana omoi íllena.

²⁰ Nai fiénidifuiáimo riire rairuicanona omo illa llezica, comeci jaícina jóinaífuemo jaináíñediomoi. ²¹ Nauí omoi illáfuiáina birui meáiruitiomoi. Mei aféfuiaimona ¿nie cánuafuiái otíomoi? Oñédiomoiza; tñillafue díne jaca ómoina uite. ²² Mei íadi fiénidifuemona oni eneno omoi jírecaillamona, ja birui Juziñamui rairuicanodiomoi. Iemona birui afémiemo ñue jaináidiomoi. Bie izói omoi íllamona, Juziñamui íbana ñue caímare ómoina cánoite. Ua afémie íeiena ómoina oni eneno ñue fñoite. Iemona afe ícoimo ziiñona illáfuenta óitíomoi. ²³ Fiéni cai íllamona daa tñillafue óitícaí. Mei íadi Juziñamui raíñóñeno ía caimo íga raa, cai ziiñona íllifue. Bie ziiñona cai íllifue dama cai Ocuíraíma Jesucrístomo dájena cai jaináinamona caimo íga.

Hima áireinamona ringo iníreinamona daa ráfuenta cai onótate

7 Amatíai, onódiomoiza, da come dama nai ie tñiñeniadi, ocuilla uai nai íemo dúide. ² Ja omoi onóigafue jino llóitícué, áfedo jiáífuena omoi onóíllena. Da inírede ringo, ie ini caana llezica, ocuilla uaido ie inimo cuinaca izói jainaide. Mei ie ini tñilla mei, afe íemo jaináitate ocuilla uáimona afengo jae oni jírecaide. ³ Afe llezica afengo

jiáie íímamo ínirena ñuera. Afengo daií ínireilla jiruíreñede. Mei íadi ie ini nai ítemo afengo jiáie íima diga illa afengo iere jiruírede.

⁴Cue ámatiai, birui Jesucristo abímo dájena jaináidicai; ua íniredingo inímo jainaina izói jaináidiomoi. Afe Crístomo omoi jaináinamona, ie tíllado tíidinona mamécaomoi. Ie jira ocuilla uai dibénemo tíidino izói iticai. Fueñe bie ocuilla uaimo, ringo inímo jainaiilla izói, jaináidicai. Mei íadi ja birui tíidino izói cai íllamona afe ocuilla uaimo jaináínedicai. Dama tíllanomona meine abido cáadimierna jaide Crístomo jaináidicaiza. Afe bie Crístomo cai jaináinana Juzíñamui caimo comuítate. Ua comuítate caido ie comeci jítainafue ñue ícoimo cai fuitállena. ⁵Mei nanómoma comini comécimo itifue dibénemo cai ífirena llezica, afe ocuilla uai cai abímo ite fiene óiacanafuiaina cazítate. Aféfuiai caina ana tíllinomo uite. ⁶Mei íadi ja birui afe ocuilla uai dibénemo tíidino izóidicai. Fueñ afe ocuilla uai anamo riire iticai, mei íadi ja birui afe uáimona ñue oni jírecaidicai, Ñuera Joreño cómuena méidoga caimo itífuedo Juzíñamui ocuícamacina cai íllena. Jai-iai cuega ocuilla uaido Juzíñamui ocuícamacina ínidicai.

Cuomo ite íaifue cue caimare íllafue llótaidote

⁷Iemona ¿mei nie izói dáititicaí? ¿Ocuilla uaina fiénidifue daiíredicai? ¡Daiínidicai! Mei íadi afe ocuilla uaido fiénidifue onótagacue. Afe uai nai jino lloñena llezica fiénidifue onóñedicue. Ja omoi onóigafue jino llóitícue, áfedo jiáifue omoi onóíllena. Ocuilla uai nai cuena dáíñeniadi, aino come raana óiacanana onóñedicue. Mei íadi afe daií llua mei fiene óiacanana onódicue. ⁸Afena cue onónamona, bie ocuilla uai llúado, cue comécimo ite naga

fiene jítainana uáfodo cazítaga. Mei ocuilla uai nai cuemo lloñena llezica, fiénidifue tíide izói uái íllano figo onóñedicue. ⁹Nauídíruimo, ocuilla uai cúemona nai oni eneno illa llezica, cue comeci úrilla caimare ite. Mei íadi ocuilla uai ja llúaíbillado fiénidifue meine abido comuide. Afefue meine comuíllamona fállena cue orede. ¹⁰Dinómoma bie izói cuemo zúide. Daje cuena ñue zíñona íllífuemo úirede uailai, ñue íllífuemo cuena uíñede. Mei jiáifodo cue dibénemo, cuena ana tíllanomo uite. ¹¹Mei jii, fueñe fiénidifue cuemo íñede daidícue. Mei íadi ocuilla uaina cue fídiamona, cuemo ite fiénidifuiaina onódicue. Afe ícoinia Juzíñamui fáiacagamiena iticue.

¹²Afemona onoiaga, afe ocuilla uai iere ñuera. Daje izói lletara uai jamánomo ñuera. Afe uai ñue jaícina jóidiuai. ¹³¿Meita bie ñuera ocuilla uai cuena ana tíllinomo úirede? Ñue onóigaza, úinide. Mei jiáifodo cuemo ite fiénidifuedo ana tíllinomo uigacue. Afemona uáfuea cóttagaza, bie fiénidifue ua nahí fiénideza. Afe cuena ana uíllafue ñuefuedo finoca. Daií Juzíñamui ocuilla uai, nana fiénidifuiái jamánomo íaire nana caina onótate.

¹⁴Afe ocuilla uai Juzíñamui Ñuera Joreño dúidifue. Afena onó dicaiza. Mei jiáifodo nanómoma cue comécimo itifue Ñuera Joreño dúiñede. Mei izire rairuícamié izóidicue. ¹⁵Birui cuemo íficaidifue onóñedicue. Ñue cue comeci jítainafue finóñedicue, mei íadi cue comeci éoíllafue afena finóíredicue. ¹⁶Mei cue comeci jítaiñenafue cue finóadi, afe cue finócafue fiéninana onódicue, mei Juzíñamui Ocuilla uai cuena áfemona rairuídeza. Iemona afe bie ocuilla uaina nahí ñuera daidícue. ¹⁷Mei daií afena dama finóñedicue, mei jiáifodo cuemo ite íaifue aféfuemona co-

muide. ¹⁸ Mei onódicueza, dama cuemo ñúefuena iñede. Bíedo daiíacadicue, nanómona cuemo itífue ñúeñede. Mei jii, cue comeci ñúefue finóacade, mei íadi áfena jaca finónidicue. ¹⁹ Cue jitaiga ñúefuena finóñedicue; mei íadi cue jítaiñega fiénidifuiaina finócadicue. ²⁰ Iemona cue finóacañega fiénidifue cue finóadi, dama cuñedeza, cuemo ite fiénidifueмона comuide.

²¹ Daií jaca bie izói cuemo íoicaide: mei ñúefue cue finóacania, áfena baiñeno dama cuemo ite íaifuiái báifiredicue. ²² Mei jíáifodo cue comécido Juziñamui ocuilla uaina gáidicue. ²³ Mei íadi afe llezica cue comécimo ite jíáie niné cue úiacade uaina comécido onódicue. Afe uai cue ifoci úrilla ñúefuena niné féitaoide. Afe bie fieni cue rairuíoide uai cue abímo ite. Afe uai cuena llavéoide.

²⁴ ¡Nai iere ióbiñedimiedicue! Bie ana tñillamo cue uite abímona, ¿bu oni cue jírecaitalle? ²⁵ Dama Juziñamui ie Jitó cai Ocuíraima Jesucristodo bífueмона cuena oni jírecaitarede. Iemona, ja birui Juziñamuina “Iere figura” daidicue. Iemo cue illafue bie izói ite: Juziñamui ocuilla uai anamo cue itábicaillena dama Juziñamui jónega cue comeci ñue úrillado finóredicue. Mei íadi dama cue abi dibénedo nanomo cuemo itífuedo llavécaigacue. Dinómona fiénidifue cuemo íoicaide. Ioicaillamona fiénidifuiaina jaca finóicaidicue.

Juziñamui Ñuera Joreño úicaigamie illafue bie izoide

8 Mei ja benómona, nana Jesucristo dájena jaináidinomo duere finótaituái jaca iñede. Afémaci Juziñamui Ñuera Joreño ríinodo afe Joreño illa izói ífirediaioi. Dáanomo afémaci nanómona comécimo itífuiái izói comécíñediaioi. Daje izói nánorafuiaina náfueñediaioi. ² Juziñamui Ñuera Joreño cai

rairuilla uai, dájena Jesucristomo cai jaináinamona, caina ñue cáataite. Afe llezica caina rairuide Ñuera Joreño uai, afe nanómona cue rairuilla fiénide uáimona cuena oni jírecaitade. Afemona fiénidifue ana tñillinomo cuena úíneite. ³ Moisés ocuica uáimona finónidifueмона, Juziñamui daade ie Jitó ana óriano áfena finode. Afe caimo ite fiénidifueмона oni cai jírecaillafue Moisés ocuilla uáimona finónide, mei nanómona cai comécimo fiénidifuiái illado, afe uai ríinonideza. Iemona afe uai figo jínoñede. Ie jira Juziñamui cai oni jírecaitallena, daade ie Jitó jamai cómena bie éniemo jécitade. Afe mei, cai fiénidifuiái ícoinia cai ifomo Juziñamui ie Jitó fatátate. Bie izói daina daiíacade, biniemo ite fiénidifuiairedino comínina íaioi illa izói, afe izói Juziñamui ie Jitó ana biniemo orede. Afe bie izoide ória mei, afémie abi, cáie izói eroide, mei íadi afémie íaifuenide. Afe izói ie íllamona afémie biniedo ua náfuenidimiena jáicaillado nana caimo ite fiénidifuiaina anáfenode. ⁴ Mei ocuica uai jeire cai óllena, afémie nana bie izói finódeza, mei ja nano cai comécimo comúidifuiaimo comécíñedicaiza. Afena ja náfueñedicaí. Mei jíáifodo Juziñamui Ñuera Joreño ífuiaimo comécíioidicaí; aféfuiaína ñue náfueticaí.

⁵ Nano comécimo fieni comúidifuiaimo comécíidino, daa bie cai abi ífuiaimo izire comécido llícioidiaioi. Mei jíáifodo Ñuera Joreño ífuiaimo comécíidino afe Ñuera Joreño daináuaimo izire comeci fáioidiaioi. ⁶ Da bie cai abi ífuiaimo comeci izire cai llícioia, ana tñillinomo caina uite. Mei jíáifodo Ñuera Joreño daináuaimo izire comeci cai fáioia, zíiñona illífueмо caina uite. Iemo daje izói caina caimare uái illínomo uite. ⁷ Daje bie cai abi ífuiaimo izire comeci llícioidino, Juziñamui uáitatimacina jáidiaioi,

mei afémaci, nana comini Juziñamui ocuilla uaina gáñediaioiza. Afémaci áfena gáñenamona afe uai anamo índiaioi. ⁸Ie jira nano cai comécimo comuídfuiaimo jaináidino Juziñamuina ióbitanidiaioi.

⁹Mei íadi Juziñamui Ñuera Joreño ja ómoimo íllamona, comécimo fieni itfúiaimo, cuinaca izói, izire jaináñediomoi. Mei jíáifodo Ñuera Joreño dájena iere jaináidimoi. Cristo Ñuera Joreño ina inédimie Cristo íeñede. ¹⁰Cristo ómoimo íllamona ómoimo ite joreño caade. Ua, Juziñamui anamo ñue jaícina itábicaillamona omoi joreño cazítaga izoide. Mei íadi afe llezica caimo ite fiénidífue cai abina ana tíllinomo uite.

¹¹Mei jíáifodo Jesucristo tñillanomona Juziñamui Ñuera Joreñodo meine abido cáadimiena jáitaga. Iemo afe Cristo cáadena jáitate Juziñamui omoi tíifirena abina nane meine cáadena jáitaite. Ua ómoimo ite Juziñamui Ñuera Joreñodo Juziñamui cáadena jáitagamacina ómoína fñoite.

¹²Amatai, mei daíí cai comécimo fieni ífiredífuaímo comécíñellena, izire ocuícánodicaí. ¹³Da bie omoi abí ífuaímo omoi comécíoiadi, tíllinomo ana ómoína uite. Bie cai comécimo itífue jaca fiénidífue caina finótate. Mei íadi afe ómoína finótate fiénidífue Ñuera Joreñodo omoi anáfenoíadi jaca ninomo cáaitiomoi.

¹⁴Nana Juziñamui Ñuera Joreño ífócamaci, Juziñamui úruiaí. ¹⁵Mei jíí, ómoimo iga Ñuera Joreño, jacire ráiruite joreñoñede. Daje izói ómoimo ite Ñuera Joreño ómoína meine jacíruitañede. Mei íadi afe ómoimo iga Ñuera Joreño Juziñamui jíitóiaina ómoína mamede. Afe Joreño Juziñamuina “Cue Móodio” caina daítate. ¹⁶Da bie Ñuera Joreño caimo ite joreño díga, dájena nabáizaíbite “Juziñamui jíitódicaí” caina daíí-

lena. ¹⁷Afe daíí ie jíitóiaina cai íllamona, Juziñamui raire úcodo caimo lloga feci raa izoide cáimafue maíñoredicaí. Afe cáimafue dama Cristo ie, mei afémie Juziñamui nahí Jitoza. Mei íadi ja birui áfena daane afémieoiri maíñoredicaí. Afe Cristo duere zefuilla izói, daane birui duere cai zefuíaí, Juziñamui caina cíoite. Iemona Juziñamui ebíredífueña íemo nitalle izói, afe izói caimo nítaite.

¹⁸Iemona ja biruíllaido duere cai zefuilla figo ráañenamomeceí facádícue. Afefue ráañenari ióbidícue. Ua afe aillónedeza áfena lloñédícue: mei afe uire caimo cómuíte ñue ebíredífue jamánomoideza. Afe ebíredífue duere zefuillafue baimo jamánomoideza, afe duere zefuillafueña úibiñoñeiticaí. ¹⁹Nana Juziñamui finoca cómena maméñedinuiai, Juziñamui jíitóiái meine cáadino jaillano jino cótallíruimo iere izire úiñoidiaioi. ²⁰Ua comínimo ite fiénidífue ícoína, nana afe Juziñamui comuítaganuiai zuure fíallífueño mamécaiaioi. Dani íaioi jíitainamona aféfuemo mámeñegaiáioi. Mei íadi Juziñamui daíí íaioína mamede; afe ie comeceí jíitaina ízoi mamécaiaioi.

²¹Mei afémie nana ie finócanona riire ocuícáfueñona oni jíreñoiacade. Daje izói ie finócanona niné táinocaitífueñona oni jíreñoiacade. Afe íaioi jírenollífueño Juziñamui ñue comécíide. Daíí íaioi oni jírecaitaite, Juziñamui jíitóiáioiri ebire jaícina joide cáimafueña íaioi maíñórilla. ²²Onódicaíza, jaiái fiénidífue bíníemo tainéinanomona, nana Juziñamui finoca cáadínuaí abí izírenari murífírediaioi. Ua jaíáimona nai biruimo, ringo úrue jocóacana llezica izínaila izói, nana ie comínina mámeñega comuítaganuiai izi cácadiaioi. ²³Daa afémaci izi cácañenaza; daje izói cai izi cácaillano, afe caina jaícina ñúeitallíruído izire

ocúriticai, Juziñamui Ñuera Joreño caimo ite íadi. Juziñamui icoi aillo caimo fecalle caimátaillifuiaimona, bie Ñuera Joreño fueñe raire uícode caimo iga. Mei íadi nai biniemo iere zuure murífredicai; mei Juziñamui jitótiai maméidicai íadi, móonidiza jiáie come íena náamataja izói, cai ie náamatalliriuimo ocúriticaiza. Aféruimo nana fiénidifuiaimona, naa jiáie cai rairuíoide íaifuiairi, Juziñamui cai abina oni jirecaitate. ²⁴ Afe bie cai jillollifueмо úiñoidicai. Jesucristo daí caimo llogáuaimo afe jeire cai úamona, áfemo úiñoidicai. Afemo daí izire cai úiñoinado jillotagacai. Cai úiñoga raana cai cionamona, jae áfemo úiñoñeiticai, mei jae íteza. ²⁵ Mei jiáifodo cai cióñena raamo cai úiñoiadi, ja áfemo raire jaritañeno úiñoredicai. Iemona Juziñamui Ñuera Joreño, Juziñamui jitótiaina cai maméinamo uaina nabaide.

²⁶ Daje izói Juziñamui Ñuera Joreño mei nifue Juziñamuimona cai jicállena ñue caina cánuaibite. Juziñamuimona jaícina ie jitaille izói cai jícajana onóñedicai. Mei daí cai illa llezica, Ñuera Joreño come uaido jino llónide murilla uaido Juziñamuimo caído izire jicade. ²⁷ Juziñamui naga come comeci ífueña ñue onóillena izire jicánofiredimie. Afemona Ñuera Joreño caído daífacanana Juziñamui ñue onode, mei Ñuera Joreño, Juziñamuimo jaináidinodo Juziñamui comeci jitaille izói izire íaioimo jicádeza.

Nana zuure íaifuiaimona caifófecairedicai

²⁸ Onódicaiza, Juziñamui nana cómemo ífcaitifuiaina ñue jaícina mamede, nana íena izíruitino ñue illena. Ua Juziñamui comeci jítaina izói, ie jírigano ñue íaioi illena, Juziñamui illa dígamieмо cómutifuiaina ñue jaícina

zúitafirede. ²⁹ Mei Juziñamui nana ie uícode onóigano nanómona mamede, ie Jitó illa izói íaioi illena. Bie izói íaioi íllamona Juziñamui Jitó ámatiaina itíaioi. Afemona aillo ite ámatiai cígimona Jesucristo dama námiena jaide, Juziñamui jai ai uícode mámia izói. ³⁰ Nana daí ie mamécana, daje izói íaioina jírite. Nana ie jírigana, daje izói ie anamo ñue jaícina itábicaitate. Daje izói, nana daí ie anamo ñue jaícina itábicaítaganomo Crísto nitaca ebíredifueña afe izói íaioimo nitade.

³¹ ¿Bífuena nie izói dáititicaí? Juziñamui cai dibénemo íadi, ¿mei bu caina anáfenolle? ¿Cai anáfenoitena íñede! ³² Juziñamui dama ie daade nahí Jitona cáimona rairuíñede. Mei jiáifodo nana ñue cai jilloillena, ie daade Jitó titál-lena jeruíñeno fecade. Iemona onódi-caiza, nana jiáie cai jitaille ríduana naa ie Jitóoírri nágarui caimo fecáfireite. ³³ Juziñamui nizécamacimo, ¿bu fiénidifueña nitárena? Afe izói nitaitimie íñede, mei afémaci nífuenidinona Juziñamui jae jino uáfodo llógaza. ³⁴ Afe Juziñamui nizécana, ¿mei bu duere finótarena? Íaioina duere finótaitimie jae íñede, mei Jesucristo íaioi ícoina tízaibiteza. Afe baímo Jesucristo tífillanomona meine abido cáadimiena jaillano, Juziñamui nabézimo ráinazaide, dinómona Juziñamuimona cai ie canóllifueña izire jicállena. ³⁵ Cristo cai ie izíruillana, ¿bu mei féitarena? ¿Meita duere cai zefuadí, Cristo caina izíruillana féitaite? Féitanide. ¿Meita llotáiredifui ai caina ie izíruillana féitaite? Féitanide. ¿Meita fiéni caina finóacadino caina ie izíruillana féitaite? Féitanide. ¿Meita júbi-etallafue caina ie izíruillana féitaite? Féitanide. ¿Meita ínícuiironinafue caina ie izíruillana féitaite? Féitanide. ¿Meita jícifui ai caina ie izíruillana féitaite? Féitanide. ¿Meita tízaillafue caina ie

izíruillana féitaite? Féitanide. ³⁶ Juzíñamui Cuega Uai bie izói dáideza: Nágaruillai o ícoinia tíllanomo ánozitagacai, mei íadi tíñedicai. Daje llezica caina titalle ovéjaiai izói mamédiaioi.

³⁷ Mei íadi nana bie zúuredifuiaimona, caina izíruitimie Jesucristodo, caifófeicaidino baimo ñue jino jáidicai. ³⁸ Iemona ñue onódicueza, Juzíñamui cai ie izíruillana ráruitena ñede. Naga raamo cai jíriadi Juzíñamui féitañeno caina izíruioide. Cai tíllifue Juzíñamui caina izíruillana cáimona feitañeite. Daje izói biniemo cai cáanafue caina ie izíruillana cáimona rairuínide. Daje izói Juzíñamui abi imaci caina ie izíruillana cáimona rairuínide. Daje izói fieni rñorede joríaiai caina ie izíruillana cáimona rairuínide. Daje izói biruido comuídifuiiai caina ie izíruillana cáimona rairuínide. Daje izói uire cómutifuiiai caina ie izíruillana cáimona rairuínide. ³⁹ Daje izói Juzíñamui abi imácimona ríillaini caina ie izíruillana cáimona rairuínide. Daje izói Taifemo jaináidino ríillaini caina ie izíruillana cáimona rairuínide. Ua nana Juzíñamui finócanuaimona buna Crístodo caimo jino cótoga izíruillana cáimona rairuínide.

Juzíñamui jaiiai uícodo Israel nairai nize

9 Ja birui jáífue ómoimo llóiticue. Crístomo cue jaináinamona táinona llóñeiticue. Daje izói Juzíñamui Ñuera Joreño nabáioicaigacueza cue comeci urilla uai ñue jino deide. Afedo bie cue llollifue nahí ua ráfueza, onódicue. ² Be ñiie: nana cue nairai comíniri iere zúuruiticue. Afémaci Crístomo ññoñenamona zúufueri comécina cuidíridicue. ³ Iemo mei cue dánamona nibai afémacina jíllotareníadi, Juzíñamuina, “Mai fieni cue faido,”

nibai raire dáíticue. Mei íadi cue daina izói Juzíñamui cue faidódena, cue nairai imácina cánoñeite. ⁴ Afémaci jaiiai Juzíñamui nizécamié Israel, méifomo comuícana jáidino. Daje izói afémacina Juzíñamui daide:

—Bimaci cue nairai, —daide. Afe mei íaioi cígimo ie illado íemo ite áillue ebírede rñino Juzíñamui íaioimo jino ciótate. Daje izói íaioina ie ñuera finólifuiiai Juzíñamui íaioimo llote. Iemo Juzíñamui Moisédo ocuica uaina llogáiaioi. Daje izói Juzíñamuina nahí caimátaítajana onótogaiaioi. Daje izói Juzíñamui lloga caimare íaioi illíuai íaioimo íteza. ⁵ Bimaci mámeicina jica jalleide judíuai jaiáidigimamona comuítagano. Iirainomo íaioi náiraimona Cristo cómena jócuabiga. Bífuiaimona Juzíñamui naga ráfuiiai jamánomo ocuállana onódicai. Iemona nana náiraíaimona illa dígamíiai Juzíñamuina jaca ninomo fáicanocaiñeno íóbitarediaioi. Mai daí íteza.

⁶ Diga ñúefuiiai cue náiraímo duide; mei íadi Crístona náfueñediaioi. ¿Mei níbaí? ¿Níbaí Juzíñamui uícodo lloga Israelna ñuera daináuai figo déizaibiñede? Daí daíñedicueza. Jáífodo jóide. Nana Israel náiraína maméidinomona dáarie Juzíñamui nizeñegano. ⁷ Daje izói Abraham méifomo comuídino dáarie ie nahí úruiañediaioi. Jaiiai uícodo Juzíñamui Abrahana daide:

—Dama Isácimona cómutino o uáfueña méifomo comuídinona jaille, —daide. ⁸ Bie uai jáífueña cai onótateza: Dámie ñuera náiraímo jócuado, dama áfedo “Juzíñamui jítoídicue” daíñide. Mei jáífodo Juzíñamui uícodo daina uai fúitamona jocócano, dama afémaci ie uáfueña méifomo comuídinona mameina. ⁹ Juzíñamui Abrahana uícodo daina uai be ñiie: “Uire afe nauí cue mamécaruimo meine bíiticue; íemo o ai Sara jíto jócoite,” daide.

¹⁰ Iemo nai jiáifuena ite. Rebeca jitó íaillinoi dáamiena móorediaillinoi. Iailinoi moo cai jaiáidigima Isaac. Afe jitó íaillinoi guarázailinoi. ¹¹⁻¹² Mei íadi íaillinoi nai jocóneniadi, afe ménailinoi nai nífuenina illa llezica, Juzíñamui Rebécana daide: “O jitó nánoramie ie méifoide ama anamo jabóidimiena íte.” Juzíñamui daíí daide, bifuena cai onóillena: Afe iaillinoimona dáamiena Juzíñamui nizéllena dama Juzíñamui comeci jítaina izói mamede. Afe Juzíñamui íaillinoimona dáamie níziafue íaillinoi finócafuemona comuñede. Dama Juzíñamui mámiadona íaillinoimona dáamie nizécamierna jaide. ¹³ Juzíñamui Cuegáuai bie izói daide: “Jacob cue nizécamierna, íemona cue izíruigamierna, mei íadi Esaú cue ruifruigamierna.”

¹⁴ Iemona dáarie nibai dáiiitaiói: “Juzíñamui daíí dáamierna fia ruifruillano jiáimie nizeda máinua jaícina jóinède.” Mei íadi bie comini daináuai uáfueñede; jaícina jóinédifuena Juzíñamuimo jaca inède.

¹⁵ Mei Juzíñamui Moisená ja dáideza: “Daa cómemo cue dúecaianeniadi, afémiemo dúecaíticue. Daje izói daa cómena duéruillano riire íbana cue óiacañeniadi, íemo íbana óñeíticue.”

¹⁶ Bie Juzíñamui daina uáimona onódicaiza: Juzíñamui dáamie eneno nízia afe come óiacanamona daingo comuñede. Daje izói afe come riire fínuamona Juzíñamui níziafue comuñede. Juzíñamui afémie nízia dama cómemo Juzíñamui dúecaicanamona comuide. Daje izói afe íimana ie canóacanamona comuide.

¹⁷ Mei jii, Juzíñamui ie Cuegáuaido, Egipto illáimana daide: “Ja illáimana o jónetícue, cuemo ite áillue ríino jiáimacimo odo jino cótallena. Afe llezica iere duere o cue finólledo cue mámecei naga náiraiáido jica jalléitaitio,” daide. ¹⁸ Ie jira onódicaiza:

Juzíñamui dama ie óiacana izói, daa cómemo dúecaite; íemo Juzíñamui dama ie óiacana izói jiáie come comécina ríreitaite.

¹⁹ Bífuiamona daa come nibai cuena jicánoite: “Mei Juzíñamui afe ie óiacana izói finófiredeza, jiáifodo ínidi-cai. Iemona ¿nibái mei fiénidífue ícoina caimo nitáfirega? ¿Bu mei Juzíñamui óiacanafuena uáitarena?” ²⁰ ¡Aci! ¡Daíí dainámie cacai! ¿O iere ua ímedicue daidio, Juzíñamuimo riire júfidollena? Mei nana Juzíñamui comuítagacaiza bie jiáifuemo coméciiri. ¿Mei nibai nogo, afe nogo niráingona dáiiite: “¿Nibái mei cuena bie izói nitio? ¡Dáiiñeite! ²¹ Nogo niraingo daingo ie comeci óiacana izói afe nogórainá nírede. Afe daje nógorafella átuédo daa ebire eroide ícfruna nírede, íemo daje nógorafella enéfenemona jamai nogócirina nírede.

²² Iemona daje izói Juzíñamui finócafuiái ñúeraza, onódicaí. Afémiemo íinoñedinona Juzíñamui duere finótaacade, íemo ite fiénidífue gáñenana jino ácatallena. Afe llezica íemo ite aillo ñuera ríino jino comínimo onótaiacade. Mei íadi afémaci fierni illafue íbana raire otátañede. Ie ícrafue anamo ítnomo, Juzíñamui raire comeci járitañede. Iaióimo dúide niné táino-caitallifuena nai are ocuñede. ²³⁻²⁴ Daje izói Juzíñamuimo ite jamánomo ñuera ebíredinona comínimo jino onótaiacade. Iemona Juzíñamui dáarie judíuai, daje izói dáarie judíñoñedinona nizeda íaióimo dúecaide. Dúecaillano íaiói fierni illafue íbana oñeno íaiói jillotate. Afe ie dúecaillado nizécánodicaí. Afémie jaiái uícodo, íemo ite ebíredífueмона afe cáiena oni cai maiñóllena caina mamede. Daíí fínuamona, íemo ite jamánomo ñuera ebíredífuiái Juzíñamui caimo jino fidítate. ²⁵ Jaiái Juzíñamui uai jino llóraíma Oseas cuegánicomo Juzíñamui bie izói daide:

Cuemo jaináinède comínna “Cúeiena” náamataiticue.

Daje izói nauí cue izíruinega náiraina “Cue izíruigamacina” mámeiticue.

²⁶ Daje izói batí jíáie éniemo itónona Juzíñamui daina “Cue comíninedio-moi,” afénomo itónona “Cáataite Juzíñamui jitótiaína mamélliaioi,” —daifí Oseas daide.

²⁷⁻²⁸ Mei íadi Israel nairai dibénemo Isaías daide: “Israel comini iere aillo jebuúdiaioi, ua monáillai fuédamo ite facádonide guamájjai izói, jamánomo áillomaci. Mei aillo jebuúdiaioi íadi, afe náiraimo Juzíñamui raire duere finótalle mei, daa dúemacina fiébitiaioi. Dani afe dúemaci jíllotiaioi. Mei jíi, Juzíñamui ie daina uai izói náiraina duere zefuúllifue jino zuftaite.” ²⁹ Dáamie Isaías afe duere zefuúllifue uícodo llote:

Mei jamánomo ríinorede Juzíñamui, caina due méifomo cómuitinona níiriniadi, Sodoma íemo Gomorra diga jofue nairai niné táinocaila izói niné táinocaiticai, —daide.

Jesucristo cai jíllotalle núefue daje izói Israel comínimo dúide

³⁰ Cai lloga uailai bie izói daíacade. Be níie: Judíoñedino Juzíñamui anamo ñue jaícina íaioi illínona figo jenóñediaioi, mei íadi Juzíñamuimo íaioi ínu-amoná, Juzíñamui anamo ñue jaícina itátagaiaioi. ³¹ Mei jíáifodo afe Israel nairai, (judíuaina maméidino) Juzíñamui anamo ñue jaícina íaioi itátaite ocuilla uáillaina jenódiaioi, mei íadi afe uáillaina ñue ícoimo figo dúcítañediaioi. ³² ¿Níbai mei afeno baiñédiaioi? Mei Juzíñamuimo ínuado íaioi comeci ñue jaícina jóillifueña jenóñediaioiza. Dani íaioi nícidogafuaimo comécidi-aió. “Níbai aféfuiaido Juzíñamui anamo ñue jaícina íiticaí,” daidíaió. Ie jira Juzíñamui oreca jíllotaitimiemo, níie Jesumo, uíeco riire finódiaioi; ínuano

Juzíñamui anamo ñue jaícina inédi-aió. Come iodo jáiadi éicitaila izói, Jesumo éicitaidiaioi. Afémie iomo éicitaitate nofici izóidimie mei afémie núemie, mei íadi ruifruigamie. ³³ Juzíñamui Cuegáuai afémie dibénedo bie izói úrite: Omoí cácarei, judíuái iomo éicitaitate nofici izóidimiena jóneticue.

Afemo comini éicitailano oni níbéfodo báitiaioi.

Mei íadi nana íemo ínotino íena méairuineitiaioi.

10 Cue ámatiaí, nane ómoina daíiticue: Cue nairai israelitas imaci jíllotilla, nana cue comécido izire óiacadicue; íemo áfena Juzíñamuimo jíacíredicue. ² Bie núefue afémacimo nitáredicue: Juzíñamui comeci jítainafuemo nágarui iere járidofirediaioi. Mei íadi áfena ñue jaícina íaioi fidíñenamona daíí táinomo járidotiaioi. ³ Comini Juzíñamui anamo ñue jaícina ie itátallifueña, íaioi ífócimo ñue denóñede. Mei jíáifodo Juzíñamui anamo itábicaíñeno dani íaioi mameca comeci ñue jaícina jóitaitifueño járidotiaioi. Ie jira Juzíñamui lloga ñue jaícina itátaitifueña maíñóñediaioi. ⁴ Mei jíi, Cristo billano nana íemo ínotino Juzíñamui anamo ñue jaícina itátagaiaioi. Ie jira comini Juzíñamui eróicana ñue íaioi íllena, Moisés ocuica uaimo dani íaioi níciduafueña Cristo jae féitate.

⁵ Ocuica uai jeire úado Juzíñamui anamo ñue jaícina cai illifue dibénemo Moisés bíena daide: “Nana ocuica uailai dáamie ñue ícoimo fuitáadi, áfede afémie are iite.” Mei íadi afe uáillaina ñue jeire otímiena inede. ⁶ Mei jíáifodo, Jesumo cai ínogafuedo Juzíñamui anamo ñue jaícina cai illífueña Juzíñamui Cuegáuai bie izói daide: “O comeci anado bífueña daí jícanoñoeno iri: ¿Bu mei caifo monamo jaille, Cristo ana cai jíllotataíbillena?

⁷Daje izói bie jáiífue daiñeno iri: ¿Bu mei ana tíidino illánomo jaille, afénomona Cristo caina caifo jílloataibillena?” ⁸Juzíñamui Cuegáuai bie izói daide. Be niie: “Aci, Juzíñamui jílloataja uaina ja cacádiomoi. Ie llógamo ja comécidiomoi.” Bie uailai ómoimo cai lloga omoi ínollifue. Be niie: ⁹O fúedo jino comínimo “Jesús cue nahí Ocuíraima,” o daiíadi, nane daje llezica afémie tfillanomona meine abido cáadimiena Juzíñamui jáitagamiemo o comécido o ínoiadi, ua jílloitio. ¹⁰Mei Juzíñamui anamo ñue jaícina cai itábicaillena, afémiemo comécido ínoredicai; ie mei Jesucrístomo nahí cai jaináinafueña, cai fúedo jino comínimo llóredicai, áfedo ñue cai jílloillena.

¹¹Juzíñamui Cuegáuai daide: “Nana íemo ínotino íena meáiruñeite.” ¹²Jesucristo nana náiraímo daje uaido úrite. Judíoñedinona énenoruiñeno daje uaido íaioímo úrite, naa judíuai diga. Nana nairai Ocuíraima daade Jesucristo; nana afémiemo jicádinomo afémie jaca dúe-caífirede. Ja ie jira íemo ite jamánomo ñúefuaimona íaioímo fecáfirede. ¹³Mei Juzíñamui Cuegáuai daií dáideza: “Nana cai Ocuíraima Jesucrístomo jícaítino jílloítiaioi.” ¹⁴Mei íadi Crístomo nai íaioi íñoñeniadi, ua afémiemo jicánidiaioi. Daje izói afe jíllole uai nai íaioi ñue cácañeniadi áfemona nai ínonidiaioi. Iemo afe uai jino llóraíma nai íñeniadi, afe uaina ua cacánidiaioi. ¹⁵Afe izói, uai jino llóraímana nai íaioi ocuñeniadi, afe ñúefue uaina ua jino llónide. Jira Juzíñamui Cuegáuai bie izói llote: “Núefue llúaíbitimie billa iere ñuera.”

¹⁶Mei íadi nana cue nairai imaci, Cristo daina ñúefueña jeire oñédiaioi. Jaiái uai llóraíma Isaías dama bie izói daide: “Ocuíraima, cai llúaíbigafueña jaca buna íñoñena!” daide. ¹⁷Aféfuaimona bie izói onódicai: ñúefue fidínamona comini ínotinona jáidiaioi. Iemo

dáamie Cristo daina uai jino llúaíbillamona, comini afe ñúefueña fidídiaioi.

¹⁸Mei íadi jicánoticue: ¿Mei níbai nana judíuai afe ñúefueña fidíñediaioi? ¡Ieñede! Ja fidídiaioi. Juzíñamui Cuegáuai daje izói llote:

Afefue llóraini úrilla uai nana énie náiraíaido cácaaide.

Iaioi daináuailai nana énie fuédamo jica itñuiaimo ñue jalleide, daide.

¹⁹Dánomo nane jáiífueña jicánoticue: ¿Mei níbai afe cacánafue Israel comini ífócimo nai figo déíñede? Dáamie Moisés, Juzíñamui dibénedo fueñe uai ote. Moisedo Juzíñamui daide:

Ua comíniñedimacimona ómoina úradoitaiticue.

Daje izói abina onóñede nairai ícoina ómoina ícítitaiticue, daide.

²⁰Afe mei Isaías jacíruíñeno Juzíñamui dainafue llote. Be niie:

Cuena jenóñedino ja cuena baitíaioi.

Cuena jicánoñedinomo dama cue abina ja onótaticue, daide.

²¹Israel nairai dibénemo Juzíñamui daináuai Isaías llote. Be niie: “Nágaruillaido cue uaina náfueacañedinona uáidotitue. Mei íadi fairíoñediaioi. Daje izói cuena uáitaoidinona uáidotitue, mei íadi náfueñediaioi,” daide.

Israel náiraímona dáarie jílloítiaioi

11 Iemona nane jicánoticue: ¿Ja níbai Juzíñamui ie nizeca Israel náiraína ruífruga? ¡Jaca íeñede! Mei cue dama Israel nairai ímiedicue. Daje izói Abraham izíedicue. Iemo Benjamín comínimona comuídicue. ²Jaiái ninomo uícomo íeiena onoiga Israel comínina birui ruífruiñeite. Uáfueza, uai llóraíma Elías daina uaina onódiomoi. Aféuai Juzíñamui Cuegánicomo ite. Juzíñamuimo Elías jícaja llezica, Israel nairai fiene finócafuiaí íaioímo riire jítade. Daide: ³“Cue Ocuíraima, o uai jino llórainina fatíaioi. Daje llez-

ica o ióbitalle illánuiaina niné táino-caitataiaioi. Afemona dama cue fiébilla. Iemo daje izói nane cuena titáacadiaioi,” daide. ⁴Mei íadi Juzíñamui ie uai fairíote: “Siete mil dígamaci eneno cúeiena ja níríticue. Afémaci afe taino juzíñamui Baal jánarai anamo caiñici ifodo dújuñediaioi, ie ióbitallena,” daide. ⁵Ie jira daje izói birui judúuaimona ñnote dúemacina eneno mamécaiaioi. Juzíñamui nana comínimo dúecaillano daa bimácina oni eneno nizede. ⁶Bie níziafue Juzíñamui caimo dúecaillamona comuide. Iemona come finóacanamona comuñede. Mei íadi cai níziafue come finóacanamona comuñdeniadi, Juzíñamui caimo dúecaillafue nahí caimare dúecaillafueñede.

⁷Bie daináfue ¿mei nífueña cai llote? Be ñiie: Israel comini íaioi jenoca Juzíñamui anamo ñue jaicífueña baiñediaioi. Mei íadi Juzíñamui nizeca dúemaci afe íaioi jenócana otíaioi. Ie mei baiñedimaci Juzíñamui íaioi comécina rñiretade. ⁸Juzíñamui Cuegáuai daí daide: “Bimácina Juzíñamui comécina tíidino izói ñinode. Uina cóiñedino izói íaioina ñinode. Daje izói jefona cacáñedino izói íaioina Juzíñamui ñinode. Nai afémaci jaca biruíllaimo bie izói itíaioi.” ⁹Iemo jíai David Juzíñamuimo jícajano daide: Juzíñamui ióbitallena íaioi ñinoca güilláfuiái táinona ñinódiaioi.

Afe jira Juzíñamuina daidicue: Mai duere íaioi ñinoiri.

Iemona aféfuiaí tácofo izói íaioimo jáiteza; daje izói llójeji izói jáiteza. Afe táinona finócafuiaimo éicitailano izói duere finólliaioiza.

¹⁰Daje izói uina nírídino izói mai mei íaioi jáilleza, Juzíñamui ñúefuiaí íaioi ónoñilleza.

Iemo nágarui iere baizídaitaganona íiti-aioiza, daide.

Judíoñedino jíllotafue

¹¹Ja birui nane jícanoticue: ¿Ja ñibai judúuai íaioi éicitailamona niné nana táinocaitalliaioi? ¿Jaca íñédeza! Mei jíáfodo judúuai Juzíñamui lloga uaina cacáacañena llezica, judíoñedino aféuai cacáillano íaioi jíllóillifue maiñódiaioi. Afe íaioi máñua Israel comínina úradóitate, afe jíllonafue otino illa izói íaioi íllena. ¹²Iemona judúuai ñinoñenafue írainomo nana náiraiaina canode. Afe judúuai ícoimo fuitáñeno zóofenocaillafue, judíoñedinona ñue canode. Mei íadi judúuai meine abido Jesumo íinu-ailla llezica, nana náiraiaí jamánomo ñue ézicilliaioi.

¹³Ja birui judíoñedinomo úriticue. Mai omoi cácarei. Mei judíoñedinomo ñúefue llujállena Juzíñamui orécacueza, afe bie cue llócaillífueño iere járitairéredicue. ¹⁴Ñibai afemo riire cue táijnamona, cue nairai comini, omoi illa izói íacaitiaioi; afe izói íaioi íllena jítaídicue. Afemona afémacimona dáarie ñue jíllóbicaitiaioi. ¹⁵Mei Juzíñamui judúuai ruifíruillamona nana jíaíe nairai Juzíñamuimo comeci caimare uái illáfueña llogáiaioi. Iemo uire judúuaina íaioina Juzíñamui caimare dáanomo uáidua llezica, iere jamánomo caimare nana íiticaí. Ua aféruimo tíide meine abido cáadena caimare illa izói caimare íiticaí. ¹⁶Mei jíi, Abraham Juzíñamuimo dúinamona, nana ie anamo comuíoicaidino Juzíñamuimo dúidiaioi. Daje izói da amena jáinao Juzíñamui íeiena maméiadi, daje izói nana afe amena ícairuai Juzíñamuimo dúide.

¹⁷Mei íadi dáarie Abraham anamo comúidino íaioi ñinoñenamona Juzíñamui comínina íñeillena ruifíruigaiaioi; íemo ie uai jeire omoi úamona Juzíñamui comínina itátagaomoi. Afe ruifíruigamaci ífomo jae jónegaomoi; jónefi-

caillano Juzíñamui Abraham imácimo lloga ñúefuiai daje izói llínorediomi. Ie jira judúuai ñuera olivo amena naa ie ícairuai diga izóidiaioi. Iemo omoi nano fueñe jazici amena ícairuai izóidiomi, mei judíoñediomoiza. Jae judúuaimona dáarie íaioi ñinoñenama amena ícairo jaitaina izói jaitácaiaioi. Afe mei omoi ñnuamona afe jaitácacairuai méfomo jónegaomoi. Ua, jaiai jaitaca ícairuai jíáie aménamona méfomo zicóllena jónegano izóidiomi. Birui daje moi ícoraímo jaináidiomi. Afe ñuera olivo fjido cáadiomi. ¹⁸ Ie jira abina ñinoñeno iri. “Olívomona jaitaca ícairuai izóidimaci baimo ñúeracue” daíñeno iri. Afe izói daíñidiomi, mei ñuera olivo moi ícoraíaina cáatañediomoiza; dani jíáina-mona zicóllena jónega ícairuai izóidiomi. Mei uáfueza, dani Juzíñamui nizeca comínimo birui omoi jaináinamona ie lloga ñúefuiai llínorediomi.

¹⁹ Nibai dáamie dáite: “Dáarie afe ñuera olivo ícairuai jaitácaiaioi, afe méfomo cue jónellena”. ²⁰ Jíáinamona ñuera olívomo zicódiomoinia ñuera, mei íadi jaitaca izóidimaci jíáifo joide: Juzíñamuimo íaioi ñinoñenamona jaitácaiaioi. Dani omoi ñnogafuemona jónegaomoi. Iemona áfedo dani abina ñnonidiomi. Mei jíáifodo omoi jaitábiza abina ñue omoi rairuri. ²¹ Mei Juzíñamui nano nizécánona figo íaioi ñinoñenamona jizíñeno íaioina ruífruite, afémie daje izói omoi figo ñinoñeniadi, amena ícairo jaitaina izói, jizíñeno raire ómoina ruífruiteza. ²² Mai bífuego omoi coméciiri. Juzíñamui daí omoi jóniano iere ñuera. Afedo afémie ómoimo dúcaifirenana fidíidiomi. Mei íadi nane afémie iere riire jaícina ocuídime, mei ie uaimo náfueñedimacina afémie iere duere ñnode. Mei jíáifodo afémie ómoiri dúcaifirede. Iemo fáicanocaiñeno ie

uaina jeire omoi oíadi, ie dúcailla dibénedo íífireitiomi. Afefue jeire omoi óñenia, jíái ómoína afémie jáitaite. ²³ Mei jíáifodo judúuai nane abido ñnoia, afémaci abido dáanomo jofó jónelliaioi. Mei Juzíñamuimo meine íaioi jónelle riino ite. ²⁴ Mei omo judíoñediomoiza, jica ite oníemaci izóidiomi; Juzíñamui comínimo due jiza dúñinediomi. Daí omoi illa llezica Juzíñamuimo omoi ñnuado, afémie ie comínina ómoina itátate. Ie jira nano fueñe ie nizécamacimona oni nibéfodo baíídino íaioi ñnoiadi, abido daje ie comínina itátallena, Juzíñamui dibénedo jamánomo juánide.

Iirairuillaído Israel nairai jíllóitiaioi

²⁵ Amatiai, omoi cacai. Afe olivo amena ráfuenta ja ómoimo lloticue, uáfodo ónoñega Juzíñamui mamécáfuenta comécido omoi onóillena. Juzíñamui nanómona comécido mamérillafuenta ómoina fidítaiacadicue. Aféfuenta ónoillano Juzíñamui comínina omoi itátagafuedo abina ñnoñeitiomi. Juzíñamui mamérillafue bie izói joide: Juzíñamui Israel nabémacina comécina riire ñnode, mei íadi nano íanori íaioi comécina ríiretade. Íaioi comeci ríireta mei, Juzíñamui nana jíáie náiraina caimare uáidote, íaioimona nana Jesumo ñnotino nizéllena. ²⁶ Nana Juzíñamui óiacana dieze íemo ñnotimaci ofille mei, nana Israel nairai jíllóiziitiaioi. Mei Juzíñamui Cugáuai daí daide:

Cai Jíllotaraima dani cáimona cómuite. Afémie Jerusalén jófuemona biite. (Afe jofue jíáifodo Síóna mameide.) Jacob meifo igímaiai íaifuiaina afémie múiñoite.

²⁷ Íaioi ñenidifuiái oni cue dolle mei nana uícodo cue lloga ñúefuiai ñue fuite, daide.

²⁸ Nana comíni jíllóille uai dibénedo judúuai fairíoñediaioi. Iemona judúuai

Juzíñamui ruiffruigaza, ie bacáuai imácina jáidiaioi. Ie bacáuai imácina íaioi íllamona Juzíñamuimo cai nabáirillino comuide. Mei íadi Juzíñamui nai íaioina izíruite, íaioi jáiáidigimaiai ie nízia jira. ²⁹Mei uáfueza. Juzíñamui ja ie fecaca raana abido bairóñede. Daje izói cai ie uáiduafuena jaca jiáífodo méidoñede. ³⁰Nauí Juzíñamui uaina fínoñediomoi; mei íadi jiái birui judíuai daje izói íaioi fínoñenamona Juzíñamui ómoiri dúecaizaide. ³¹Ja birui nano áinori judíuai Juzíñamui uaina fínoñediaioi, Juzíñamui ómoimo dúecailla izói íaioimo dúecaillena. ³²Bie uáillaímona bífuena onódicai: Nana jiáie comini ie uaina dájerize fínoñediaioi. Ie uaina cai fínoñenamona fíénidífuiai fínofíredicai. Iemona Juzíñamui nana caina dájerize cai gaiga fíénidífuiaimo llaveca izóidinona jóonete. Afémie bie izói caina daide, afe méifomo afémie nana caimo dájerize dúecaillena.

³³¡Diga Juzíñamui ebírede comeci ífuiai caimo ie dúecaillena, naa ie onóigafuiai diga! ¡Afémie iere ráfuena baitádimie! Uícodo ie mamérrillafuiaiina cai jino llónidicai. Daje izói eneno dáarie comínina ie níziafuiaiina, onóñedicai. ³⁴Cai Ocuíraima comeci úrillafuiaiina buna onóñede. Daje izói afémiena bu lló-fuetimie íñede. ³⁵Iemo jiái cai Ocuíraimamo raana izájitimie íñede, afe raa íba llínollena. ³⁶Mei nana ráaniai Juzíñamui comútaga. Nana afémie finoca; daje izói íeiena nana finode. Jaca zíñona Juzíñamuina íobioitaredicai. Aqué izói íteza.

Juzíñamuimo ñue jaícina cai dúina uai

12 Cue ámatiai, birui Juzíñamui caina dúecaillamona, ómoimo izire jicádicue. Dani omoi mai Juzíñamui anamo itábicaíri. (Dani

omoi comeci gáinafue finóñeno, mai Juzíñamui comeci jítainafue omoi finori, cai ie ocuilla izói.) Juzíñamui íóbitalle rille jaiái íemo jaiái feca izói, nai omoi caana llezica, Juzíñamui anamo dani omoi mai ñue itábicaíri, íena ie ñue facátagamacina omoi íllena. Afe llezica dama íeiena eneno ñue finócamaci omoi íllamona, omoi ie ocuilla uai, mai jeire omoi óíri. Nana bífuiai ñue cai fínuamona, cai joréñodo Juzíñamuina caimátaitadicai. ²Bíniemo ite comini comeci táinomo facáoidiaioi. Mai, afe izói omoi íñeno iri. Mei jiáífodo, omoi comeci ífuiai, mai jiáífodo méidori. Daíí omoi comeci ífuiai omoi méiduamona afe izói Juzíñamui nana o íllafue cómofuena méidoite. Afemona Juzíñamui comeci ñue jítainafue ónoíticai. Daje izói ie jítaina ñúefue ónoíticai, naa ie cai íóbitallífuiaíri. Daje izói ie ciona jaícina jóidífuiaiina ónoíticai.

³Juzíñamui cuena dúecaillano cuemo jóonegafuedo, nana ómoina dáitícticue. Juzíñamui cai bíbitajafuemo da comécina facáredicai. Afedo abí cai fínolle ñuera. Mei íadi afefue baimo táinodo fínonidicai. Iemona nana ómoimona dámie, afefue baimo dama ie abina fínoñeno iri. Mei jiáífodo illa dígamie comécina ñue jaícina facárede, Juzíñamui íemo lloga ie comécimo Juzíñamui comútaga fínuafue daina izói. ⁴Da come abimo aillo táijide ráaniai ite. (Onoi jiáífodo táijide. Daje izói idai táijina jiáífoide. Daje izói fue táijina jiáífodo joide. Daje izói jefo táijina eneno jiáífodo joide.) Mei íadi daade cai abí íadi. Naga cai abimo ite raa eneno jiáídofoodo caina canode. Daje táijnamo íñediaioi. ⁵Daje izói, áilloziena Jesumo fínoticai. Aillo cíoidicai íadi, daade abí izóidicai. Ua, Crístimmo dájena cai jaináinamona, dáamiede abina íticai. Dáamacidicai.

Afe llezica dáamiedicai abimo ite táijide raa izói, dani conímamo dájena jaináidicai.

⁶Naga cómemo Juzíñamui jóonega táijjinana fibíllafue jíáifodo joide. Juzíñamui comeci óiacana izói, afémie naga cómemo fecade. Bie táijjinana fibíllafue ñue jeire óredicai. Dáamiemo Juzíñamuimona onoiga uailai jino llóllena fibítaga. Afemona áfena afémie rairuíñeno jíeruirede. Nano ie ínogafue íllaze jino llófuere de. ⁷Jiáimaci cai canófireille fibíllafue Juzíñamui caimo jóoneiadi, áfede rairuíñeno canóredicai. Daje izói llófuiana fibítagamie, afe ie llófuiefirenamo ñue járitairede. ⁸Afe izói jíáima comécina náiretallena fibítagamie, áfemo afémie ñue járitairede. Daje izói comini canolle raa fécafiredimie, afe ibana ie maiñóllemo coméciinide. Fia íaioimo dúecaillano fecádenia ñuera. Afe izói comini jetállifuena ocuídímie caimare abi rairuíoicana ocuírede. Duéredino canófredimie, caimare íaioina canórede.

Jesumo ínotino finórede uai

⁹Táinona lloñeno conímama izírui. Íaifue bai oñeno iri, mei íadi ñúefue jeire omoi óiri. ¹⁰Jiáimana caimare nahí ama izói izírui. Afémiemona raire úcoficaiñeno iri, mei jíáifodo méifomo fiéñeno raire íena o úcodo o otátari.

¹¹Ráiraieñeno jiere omoi iri. Ñue naire cai Ocuíraimamo omoi táijiri.

¹²Cai ocuíraínefemona caimare omoi ífireiri. Duere omoi zefuíadi, áfemo raire járitaiñeno, fáicana caimare úriri. Juzíñamuimo úrillana jaca féitañeno iri.

¹³Jesumo ínotino jitaiilla raana, íaioi canóllena jeruíñeno fecari. Nana omoi jofomo uáiduaíbitinona caimare uáidori.

¹⁴Omoi fieni finódinona ñue caimá-taitari. Íaioi ibana fieni faidóñeno, íaioi cáimafuíai Juzíñamuimona jicari.

¹⁵Caimátaidino diga caimare omoi iri. Daje izói raamo jíridinomo omoi dúecari. Eedino diga omo eeri, íaioi írallena.

¹⁶Conímama úradoiñeno iri, dájena illa dígamiemo ñue coméciiri. Daje izói fieni abina íinoñeno iri, mei jíáifodo comécina mánaidino izói omoi iri. “Tere baitádimiedicue” comécido daiñeno iri.

¹⁷Da come fieni omo finóadi, afe íbana afémiena fieni finóñeno iri. Mei jíáifodo, nana comini eróicana íba oñeno ñue o finori. ¹⁸Omoi illa dino, nana comini comeci jacíruiñenafuedo caimare uái omoi iri. ¹⁹Cue izíruiiga ámatiai, fiénidífue comuíadi, íbana omoi oñeno iri. Mei íadi aféfuena fáicanocairi. Afémie Juzíñamui duere finólleza. Mei jíi, Juzíñamui Cuegáuai daide: “Duere finóllífue cuemo dúideza. Daje izói cue íba ólleza. Daí cai Ocuídímie daide.” ²⁰Nane dánomo daide: “O bacáuai ímie júfíruia, ícñeno íena ecari. Iemo afémie jíróacaniadi, íe o jírótari. Bie izói íe o fínuamona, izire íena méaicaitaitio,” Juzíñamui Cuegáuai daí daide. ²¹Fiénidífue omoi anáfenuamona abí omoi rairuiri. Mei jíáifodo ñúefue jeire omoi úado, fiénidífueña mai omoi anáfenori.

13 Nana comini omoi jamánomo ocuídillaima ocuica úiñotillaini anamo ñue omoi itábicairi, mei nana ocuídillaini Juzíñamui jóonegaza. Afémie jóoneñega ocuídímiena íñédeza. ²Iemona afe úiñotillaimana uáitaidímie Juzíñamui jóonegamiena uáitate. Nana daí uáitatino, afe íe uáitaja ícoina afemacina Juzíñamui duere finótaite. ³Mei jíi, ñúefuena jeire ófiredino ocuídillainina jacíruiñeitaioi; mei jíáifodo fieni finódino jacíruiñella jóonegaíaoi. ¿Meita ocuídillaimana jacíruiñedímiena íacadio? Mai ñúefuena jeire o óiri. Iemona aféllaime “Facátagamiedio” ona dáite; ⁴mei

afémie Juzíñamui táijitagamieza, ñúefue dibénemo o jaináillena canóllena. Mei fiénidífue o finóadi, aféllaimana jacíruiredio, mei afémie duere finótalle rño tainomona ñnegaza. Uafue, afémie Juzíñamui táijitagamie nana fieni itino duere finótallena. Nana íaioi fieni finócafue ñlaze ñue jaícina íaioina duere finótaite. ⁵Ie jira ocuídillaini anamo itábicairediomoi, daa duere omoi fñobiñeillena, mei íadi daje izói Juzíñamui jónega omoi comeci úrilla uai jeire omoi óllena. ⁶Afe bie izói ñue omoi ñllena, ocuídillaini lloga gobiérmomo íbárede úcubena íbáfirediomoi. Mei jñi, aféllaini Juzíñamui táijitagano. Afe íaioi táijinamo izire járitaioidiaioi.

⁷Iemona naga cómemo dúide raana, mai jeruíñeno ñue íemo ine. Gobiérmomo cai jaináinamona, íaioi ocuica úcube llñinoraíma lloga gobiérmomo dúide úcubena mai omoi fecari. Daje izói gobierno caímo jicana oga raa, emódomo rainócana áfena mai omoi ibari. Naga ocuídillaimamo dúide ñúefuedo jacíruioinafue, áfedo ñue íena omoi jacíruiri. Daje izói naga jamánomoidillaimamo dúide ñúefuena, mai áfena íemo omoi nitari. ⁸Omoi záitainéga íbállifuea bumó itáteñeno iri; jáífodo daa ñue íbállifue ite. Afefue jáíimana cai izíruillifue. Afemona dani conímaíaina izíruiredicai. Mei naga conímana izíruitimie, áfedo Juzíñamui ocuica uaina ñue jaícina fuitádeza. ⁹Jaiái Juzíñamui ocuica lletara uaillai daide: “Jiruífuea finóñeno iri, cómena titáñeno iri, meríriñeno iri, jáíimamo táinona lloñeno iri, jáíimiemo ite ráaniairi úradoiñeno iri.” Mei íadi bie ocuica uaillai naa jáíie lletara uaillai daa bie dáinamo dájena itaíoi: “Dama o abina o izíruilla izói, afe izói o abí cómena izíruiri.” ¹⁰Izíruitimie ie abí cómemo fiénidífuea finóñede; íemona

izíruillafuedo Juzíñamui ocuilla uaillai ñue jaícina jino zuitárede.

¹¹Nana bífuiaímo jeire omoi ua llezica, birui cai illáruillaímo ñue mai cai uibíoilli. Ja iere abí cai rairuillíruimo ja dúcidicai. Afemo ñue omoi comécioiri. Mei Jesucristo caina jíllotajeno uire jáíruído caina uáibiteza. Afe ie cai uáibillíruimo ja áinozide. Fueñe Jesús uaina cai ínua llezica, afe cai ie uáibillíruiri bai jica ite, mei íadi birui ja aféruimo ítícaiza. ¹²Bie énie fiénidífue árera naio izoide. Afe bie árera naio ja monáiacade. Jítinomo finoca fiénidífuea ínua ja fáicanocairedicai. Fuiríraíma ie abí rídua llojeco jítaja izói, afe izói íaí-fue cai fñoñeillena cai comeci rairuillafuena jeire óredicai. Ie mei ñúefuedo, úzefomo itino izói macáredicai. ¹³Ua, úzefomo itino izói, mai ñue jaícina cai macallí. Jífaífírenafuemo mai cai íñeilli, naa fiénide aillo güillárenafuiairi. Afe izói nana jírúfuiaímo mai cai íñeilli, naa jáíie comeci meáire óiacanafuiairi. Daje izói dájena comécíñedimaci izói íñeno omoi iri. Iemo jáí fiénide júfídogafuedo mai cai úriñeilli, naa úradoillafuiairi. ¹⁴Mei jáífodo Jesucristo ñue illa izói, ie cánuado afe ñue illáfuemo mai omoi iri. Omoi comécimo ite fieni óiacanafuemo, áfemo mai omoi comécíñeno iri. Daje izói, afefue omoi finóllemo mamériñeno omoi iri.

O ama jánana fieni úriñeno iri

14 Juzíñamui uai como fueñe jabo ínotimiena, ñue jofo omoi cígimo llñinori. Afémie ínogafuena féitaiacaniadi íena caímare uáidori. Ua, ie ínoga onóñega uáillaímo aillo omoi úridoñeno caímare íena omoi uáidori. ²Mei jñi, “Naga raana íáíruíñeno güíredicai,” daífíredínona ite. Daje izói dáarie Juzíñamuimo jabo ínotino “Ríllena ríñeno da ría llizíllana güíredicai,” daífírediaioi.

³Ie jira naga raana güitímie mai afe ríllena fímairitímiena jámairuiñeno iri. Afe izói, fímairitímie, mai naga raana güitímiemo comeci fieni facáñeno iri. Mei Juzíñamui afe íaillinoi, íemo ínuamona, ie comínina caimare íaillinoina uáidoteza. ⁴Afémaci Juzíñamui ocuífamaciza, íaioina fiénidifuedo jicánonidio, mei afémaci óieñedeza. Dani íaioi ocuídimiemo uai orédiaioi. Iaioi illafue riire jicánollena dama íaioi ocuídimiemo dúide. Ocuífamie illafue ñúenia, ie ocuide Juzíñamui uícomo méairuiñeno náidaite. Ie illafue fiénia, ie ocuide Juzíñamui duere íena fínoite. Mei íadi afémie ñúefue dibénemo féitañeno íite, mei cai Ocuíraima Jesucristo rífnoredeza, afémiena ñúefuemo jaícina jaináitallena.

⁵Daje izói, dáamie nágaruillai baimo daa illirui eneno rairuide, Juzíñamuina caimátaillena aferui judíuai ráfuenta jira. Jiáimaci naga mona daje izói ñúeruillai, daidíai. Illa dígamie dama ie comeci úrillafuenta ñue onótaredeza. ⁶Daruina eneno ráruitímie, cai Ocuíraima íóbitallena íeiena íllamona, aféruina eneno rairuide. Daje izói nana raana güitímie cai Ocuíraima íóbitallena íáiruiñeno güífírede, mei afémie afe güílleri Juzíñamuina “Iere figora” dáideza. Daje izói cai Ocuíraima íóbitallena fímairitímie fímairillano Juzíñamuina “Iere figora” daide.

⁷Nana cáimona buna dama ie comeci íóbioillena ínide; daje ízoi buna dama ie comeci íóbillena tíñede. ⁸Cai caana llezica cai Ocuídimiemo jaináidicai. Daje izói cai tíadi, nai íemo jaináidicai. Iemona cai caana llezica, mei nibai cai tílla llezica, jaca cai Ocuíraima íédicai. ⁹Mei jira Cristo tízaiíbillano, meine abído cáadimiena jaide, cáadino náamata izói, daje izói tíidinona náamatallena.

¹⁰Mei íadi comínina náamañedio. Iemona ¿nibái mei o ama jánana fieni úrillano íena riire jicánotio? ¿Nibái mei íena izíruiñeno jámairuitio? Mei jii, nana cai Cristo uíecomo ácatallícaí. Afénomo afémie caimo itífuenta riire jicánoite. ¹¹Juzíñamui Cuegáuai llote: Uáfuenta jaca ninomo cáadimiena cue íllana onódiomoiza; afe izói uáfuenta nana comini cuemo eróicana íaioi cañici ífodo dújuzaíbitaioi.

Daje izói nana comini jino uáfodo ñúefuenta Juzíñamuimo nítaítaioi, daide.

¹²Iemona jae onódicaiza, cáimona illa dígamie dama ie illáfuenta afe Juzíñamuimo jáanoñeno jino íemo llórede.

O ámana ñúefuemoni nibéfodo baítañeno iri

¹³Ie jira benómona mai conímaiaina comécido fieni úriñeno iri. Mei jíáfodo, nágarui omoi finócafuaíaido conímana fiénidifueo omoi baítañeno iri afemo mai ñue omoi mamériri. Daje izói omoi illáfuedo afémiena fieni facátañeno iri. Afemona abí omoi rairuiri.

¹⁴Jae onódicueza, nana güille naa rílleniairi, dama íainideza. Ua, cai Ocuíraima Jesumo cue ínuamona, ie daína izói, cómena íáiruitaite güille íñedeza, ñue onódicue. Daa “Bíena cue güfadi cuena íáiruitaite” comécido daidímiemo, afe raana afémie güíadi íena íáiruitarede. ¹⁵Mei jíáfodo, o ama comécíilla rairuica güille o güíllamona o ama o rítaíadi, íena ja figo izíruiñedio. Mai daade o güíacaga güíllado, Jesumo o ínote ama íaífueo féiraitañeno iri; mei afémie jíllóillena Cristo tízaiíbiteza.

¹⁶Omo ite ñue finócafuaíaido jíáimacina fieni úritañeno iri. ¹⁷Mei jii, daa cai güíga raado Juzíñamui comínimo jaináíñedicai; daje izói daa cai jiroca raado afémacimo jaináíñedicai. Mei jíáfodo Juzíñamui anamo ñue jaícina

cai illamona Juzíñamui comínimo jaináitagacai. Daje izói Ñuera Joreño caimo comuítaga caimare comeci uái illáfuedo, afe dibénemo jaináitagacai. Daje izói ferí cai ióbioillafuedo, dájena ie comínimo jaináitagacai. ¹⁸ Cristo lloga iodo jailla llezica, nana bífuaiaina jeire otámie Juzíñamuina ióbitade. Afe llezica afe izói finófredino comini ñue facátagamaci.

¹⁹ Iemona, naga come conímama caimare uái itátatifuaiaina nágarui mai cai jenófireilli. Daje izói conímama Juzíñamuimo baimo izire jaináitaja raa, mai cai jenófireilli. ²⁰ Daa o óiacaiga güülledo, dani omoi cígiri Juzíñamui comuítaga caimare dájena omoi jaináinana, mai fia táinomo fáifitañeno iri. Uafue, nana Juzíñamui finoca güille güürede, mei ja ñúeraza. Mei íadi daa o güiga güülledo jiáimana ñuera iómona oni nibéfodo o baiítaiadi, afe fiénide. ²¹ Daje izói rille o ríamona jiáimana fiénidífue o baiítaiadi, ríllena o ríñeille, afe baimo ñuera. Afe izói vino o júruamona íena ie finogafue o uáitaiadi, vónona o jirónena afe baimo ñuera. Daje izói nana o finuafuiamona jiáima finogafue jabo o féitaiadi, afe o finócafue fiénide. Mei íemona afefue o finóñedionia jamánomo ñuera, o ama finogafue o féitañeillena. ²² Iemona bie güillafue, nibai güíñenafue dibénedo o ñuera finogafue fáicanocaiñeno, Juzíñamui eróicana dama óiena ñue o mameri. O comécido mamérimamona finóacagafuiái dibénedo ñuera o daiñeniadi, áfedo caimare itio. ²³ Mei íadi dámie Juzíñamuimo figo íñoñenamona ie güille jizíreocana güíadi, afémie fiénidífue o báíide. Mei Juzíñamuimo ínuamona cai onoiga íena ióbitallifue cai finoca ñuera, mei íadi nana aféfuíai jinomo cai finócafuiái fiénideza.

Dama o abina ióbitañeno o ínote ámana ñue ióbitari

15 Nane Jesumo ínotinuiamona dámierie ñue rínorede. Jiáimaci figo comécina náinidiaoi. Cai ja comécina rínoředinodicaí, íemona nai comécina ríinidinona canóredicaí. Afefue caimo llonódacaigafue. Afedo dani cai abina ióbitanidicaí. ² Cáimona illa dígamie ie ínote ámana ióbitarede, afémie ñue íllena. Daje izói íena Juzíñamuimo aillo ínotaredicaí. ³ Mei Cristo dama ie abiri ióbillena jenóñede. Mei jiáifodo Juzíñamui Cuegáuai íemo zúilla. Afe uai daide: “Afe báínoředino Juzíñamui jiáima báíñoia cuemo baite.” ⁴ Nana jaiái uícodo Juzíñamui Cuegáuillai cai llófuellena cuega. Aféuaimo cai comeci fíraja uai baiticaí. Afe izói bíuai cai facáduamona comeci járitañenafue caimo comuide. Iemona Juzíñamuimo ico cai nabáirizailliruiamo ocuúridicaí. ⁵ Juzíñamui afe comeci járidoñenafue llotímie. Daje izói afémie, cai comeci fírajano caina náiretade. Iemona omoi ie canóllena afémiemo jicádicue, illa dígamie jiáimaiairi dájena caimare omoi íllena. Mei Cristo Jesús daíí caina dáideza. ⁶ Afe llezica, dájena omoi comécillena íemo jicádicue, cai Ocuíraima Jesucristo Moo Juzíñamuina dáuaido omoi caimátaitallena.

Judíoñedinomo Juzíñamui ñúefue jae llujáiga

⁷ Mei daíí Cristo caimare cai uáidua izói, afe izói conímama caimare omoi uáidori, Juzíñamuimo ebíredífue nitállena. ⁸ Mei bie cue daina uai: Cristo judíuai ñue fínuaibite. Nana Cristo tájjina fueñe judíuaimo dúide, cai nanóidigimama daina uai ñue fuitállena. Afedo Juzíñamui ie méidoñega llogáuaina caimo jino ácatate; mei Juzíñamui afe ie daina

uai jaca jiáifodo méidofinideza.

⁹Daje izói judíoñedino Juzíñamuimo ióbillena Cristo ana bíniemo bite. Iemona Juzíñamui íaioimo dúecaillari ióbidiaioi. Juzíñamui Cuegáuai jaiái ufcodo daí daide:

Le jira afe izói judíoñede náiraiái cígiri omo caimátaiticue.

Omo ñúefue cue nitalle rua afémaci cígimo róititcue.

¹⁰Ie mei jiáinomo Cuegáuai daje izói daide:

Judíoñede náiraiái mai omoi cáimacairi, naa Juzíñamui imáiciairi.

¹¹Nane jiáinomo Cuegáuai daje izói daide:

Naga judíoñede náiraiái, cai Ocuíraima ióbiri.

Mei afe Juzíñamui jamánomoidimeza, femo omoi ióbiri.

¹²Mei daje izói Isaías cuete:

Isaí (illaima David moo) ie méifomo comuídigimamona jamánomoidillaíma cómuite.

Afémie nana judíoñedino cígiri illáimaite.

Afe comini afémiemo ocuírítiaioi, daide.

¹³Juzíñamui caina femo ocuírítaitaite.

Ie jira femo omoi fínuamona ñue cáimafue jeire omoi óllena, afémiemo jicádícue, daje izói omoi comeci caimare uái illafue jicádícue. Afe llezica Juzíñamuimo omoi nabáirizaillena birui jabo ocuírídiomoi. Afemona Ñuera Joreño rínodo ñue izire omoi ocuírillena Juzíñamuimo jicádícue. Mai mei daí Juzíñamui ómoína ñue ézicíteza.

¹⁴Cue ámatiai, ñue onódicueza, ñuefuiaina jeire otómomi naa omoi fibítainafuiari. Daje llezica illa dígamie jiáimacina caimare llófuiana onódiomoi.

¹⁵Mei íadi bie cue cuegábedo, bíuailai ómoimo iere jino uáfodo cueticue, afe uáillaina omoi féitañeillena. Juzíñamui cuemo dúecaillano cuemo jóonenocaiga-fue jino lloticue. ¹⁶Bie cue táijinafue:

Juzíñamui lloga cai jílloillifue ómoimo cue llujállena. Afefue ómoimo lloticue, Juzíñamui íena omoi maméillena, mei judío imáciñediomoiza. Ie mei, Juzíñamui ómoína caimare uáidoite, mei omoi ja Ñuera Joreño ñue finócaomoiza.

¹⁷Mei daí dama Jesús cue fínuamona, Juzíñamuimo cue táijinafueri ióbillano caimare iticue. ¹⁸Dama Cristo cuedo finócafuiari llócaiticue, mei áfedo judíoñedino Juzíñamui uaina jeire otátaticueza. Jiáimie táijinafueña jaca jino llócañeiticue. Afe íaioi Juzíñamui uailai jeire ua, cue daina uáillaido jino ñue ícoimo fuitádícue. Daje izói cue ñue táijinado íaioína ñue jaícina finotadicue. ¹⁹Afe izói jino cue ciotaga uaido comuítaga ciórainina ráamona femo jiáie onóillena finócafuiari, íaioína ñue jaícina finotadicue. Daje izói Ñuera Joréñoite ite rínodo íaioína ñue jaícina finotadicue. Bie izói cue fínuamona Jesucristodo cai jílloillifue llujállena ja ñue ícoimo fuitádícue. Ua Jerusalémoma oni jica nágagobiaido aféfuena llócaidícue. Ua ícoimo lírico éniemo záitajidícue. ²⁰Afe daí, nai jaca Cristo mámecina cacáñedinuíaimo, afe ñuera cai jíllonafue llócaidícue. Daí oni jicado llócaidícue, jiáima jae llógamo dánomo nane cue llóñeillena. ²¹Mei íadi Juzíñamui jaiái Cuegáuai daina izói:

Juzíñamui ífueña nai lloñéganuiai afémiena ñue ónoítiaioi.

Daje izói jaca íena cacáñedino nane aféfuena como fdiítiaioi, daide.

Pablo Rómamo jáillena comeci facade

²²Diga icaiño omoi uáiduaillena comeci facáfiredicue, íadi jaca jáinidicue. Mei como ómoimo cue lloga oni nágagobiaido cue llócaigafuemo záitaiacadícueza; bínidicue. ²³Mei ja birui bígobiaido cue táijicana ja

fuitádicueza. Jaiai diga fimónaiiai omoi diga íacadícue. ²⁴Ja birui Espáñamo cue jáizaiilla llezica ómoína méiñuabiacadícue. Omoi cígiri cue illa llezica, iere caimare ííticue. Afe mei Espáñamo cue jáiacana llezica, omoi cue canóllena jítaiticue. ²⁵Mei íadi birui fueñe Jerusalemo ite ámatiai canolle raa úíticue. ²⁶Macedonia énie imaci, naa Acaya énie comíniri, Jerusalemo ite dúeredino canolle úcube ofitallena maméritiaioi. Afe íaioi ofitaga úcube cuedo Jerusalemo óreitiaoí. ²⁷Afe bie úcube oréllemo ñue coméciidiaioi. Mei jii, afeue ñue jaícina joide. Uafue benó ítmaci afémacimona aillo comeci cáimafuiai íbáñeno ítaíaoi. Iemona birui Jerusalemo ite ínotinomo raire íballe ite. Ua judúuaimo ite Jesumo ínotino, íaioimo ite comeci cáimafuiai, jae judúuaíñedinomo dájeze fecádiaioi. Iemona benó Macedóniamo ite ínotino naa Acaya ínotinori, judúuaimo ite ínotinona, afe íbana íaioimo ite úcubedo canóacadiaioi. ²⁸Bie íaioi afémaci cánua mei, afe izóí íaioi jónega úcube cue izájille mei, Espáñamo jáíticue. Ua omoi uáidocana afénomo jáíticue. ²⁹Ñue onódicueza, omoi cígiri cue dúciille llezica, nana Cristo uáimona comuide cáimafuiai ómoimo llófueredicue.

³⁰Amatai, cai Ocuíraima Jesucristo mámecido izire ómoimo jicádicue. Daje izóí Ñuera Joreño caimo comúitaga izíruillafuedo izire ómoimo jicádicue. Mai, cue diga dájena omoi iri, Juziñamui cue canólleza, mai izire omoi jicari. ³¹Dinó Judea éniemo ite íñoñedino cue íaioi llaitáacanamona cue ie zuitálleza izire Juziñamuimo jicari. Afe llezica bie cue uiga Jesumo ínotino canolle úcube caimare íaioi llíinolleza, daje izóí Juziñamuimo omoi jicari. ³²Bie Juziñamuimo omoi jicáfireillifuiiai ómoimo

jóonenocaidícue, Juziñamui comeci jítaina izóí omoi illánomo caimare cue dúciillena. Afe mei omoi cígiri nano áinori cue illedo cue comeci ñue náireite. ³³Mai, comeci caimare uái illáfuena fecade Juziñamui omoi ñue nábaiteza. Daiítadeza.

Pablo ie onóigamaci uáidote

16 Birui cai Jesumo ínote miringo Fébena, ómoína caimare uáidotadicue. Afengo Cencrea jófuego ite Juziñamuimo gairídimaci canófiredingo. ²Cai Ocuíraima mámecido aféngona caimare omoi llíinori. Mei nana Jesumo ínotino illa dígamie jíáimana daíí caimare llíinofiredeza. Daje izóí nana afengo jitailla raana aféngomo omoi fecari. Afedo aféngona canórediomoiza, mei afengo jaiai aillo comínina canófiredeza. Iemo jíái daje izóí cuena canódeza.

³Iemo Aquílamo ie ai Priscila diga, uai orédicue; mei afe íaillinoi Cristo Jesús uaimo cue tájjicana llezica cuena nabáidiaillinoi. ⁴Jácinomona cue íaillinoi jllotado íaillinoi illafue jacire fiébide. Aferi afe íaillinoína “fere figura” daidícue. Dama cue daíí daíñenaza, nana judúuaíñedinomona gairífirede ámatiai daje izóí “fere figura” daííaoi. ⁵Daje izóí Aquila Priscila jofomo gairífirede cai ámatiai uáidori. Daje izóí cue izíruiga nabai Epeneto uáidori. Afémie fueñe Acaya éniemona Crístoimo ínotimie. ⁶Afe izóí ómoido iere tájjifiredingo María omoi uáidori. ⁷Iemo llavéracomo cue llaveina llezica, cue diga llaveca cue nabai Andrónico, Junias diga, daje izóí afe íaillinoi omoi uáidori. Cáizie ímie íaillinoi. Jesús orécamacimona mámecina jica jalleide íaillinoi. Afe íaillinoi nai Crístoimo cue íñoñenia, raire úfudo Crístoimo ínotiaillinoi.

⁸Afe izói cue izíruiga nabai Amplias uáidori, mei cue izói cai Ocuíraimamo jaináideza. ⁹Iemo Cristo Jesumo cue táijina llezica, cue nabai Urbano uáidori. Daje izói cue izíruiga Estaquísmo uai orédicue. ¹⁰Afe izói Apeles uáidori, mei diga ícaño Crístomo ie ínogafuena afémie jino comínimo cíotateza. Daje izói nana Aristóbulo comini uáidori. ¹¹Cue nairai ímie Herodiómo daje izói uai orédicue, naa cai Ocuíraimamo ínote Narciso comíniri. ¹²Daje izói Trifena ie ai Trifosa diga uáidori. Afe íaillinoi cai Ocuíraima táijnamo táijifirediaillinoi. Daje izói cai izíruiga miringo Pérsida uáidori, mei afengo cai Ocuíraima táijnamo táijifiredeza. ¹³Iemo mámecina jica jalleide Ocuíraimamo ínotimie Rufo uáidori, naa ie ei diga. Afengo aillo cuena ie izíruillado cue ei izoide. ¹⁴Daje izói Asíncritomo uai orédicue. Iemo Flegonte, íemo Hermas, íemo Patrobas, íemo Hermes, daje izói íaioiri ite ámatiai uáidotícue. ¹⁵Daje izói Filólogo, Julia, Olimpas, Nereo, naa ie miríngooiri uáidori. Iemo nana íaioiri ínote ámatiai uáidori.

¹⁶Mai, illa dígamie Crístomo izíruillamona conímana caimare uáidori. Daje izói benó Juzínamuimo gairfracuai imaci ómoimo uaillai orédiaioi.

¹⁷Amatai, bifue jeire omoi óllena izire jicádícue. Conímaiana éoitadinomona abí omoi rairuri. Afémaci jíámmana fieni écitailla izói finódiaioi, omoi ñue ínogafue féitallena. Baimáci jíámmana énenoruitaitaioi. Bie íaioi lloga uai, nauí omoi cue llófuiafuena uáitaacadeza. Afémacimona oni jicado omoi iri. ¹⁸Afe izóidino cai Ocuíraimo comeci jitaina izói íñédiaioi. Dani íaioi comeci gáinanomo táijidiaioi. Afe llezica íaioimo ite caimare ebírerie urilla uaido, comécina

nífuenidinona jífuetiaioi. ¹⁹Nana jíáie comini Juzínamui uai jeire omoi úana fidídiaioi. Iemona áferi íóbídícue. Iemo ñúefue dibénedo iere baitádimacina omoi íllena jitáidícue. Mei jíáífodo fiénidífue fínua dibénedo nífuenide onóñedimacina omoi íllena jitáidícue. ²⁰Mei onódicaiza, comeci caimare uai illafue lloté Juzínamui Taife uaina anáfenoiteza, omoi ie áífedoñeillena. Mei cai Ocuíraima Jesucristo ómoina ñue éziciiteza.

²¹Cue diga táijiacade nabai Timoteo ómoimo uai orede. Daje izói cai nairai ímíiai Lucio, íemo Jasón, íemo Sosípater diga ómoimo uaillai orédiaioi.

²²Pablo ocuica rabe cúeraimadicue; cue mámecí Tercio. Daje izói Jesumo cue jaináinamona uai ómoimo orédicue.

²³Benó ite Gayo ómoina uáidote. Birui afémie jofomo itícue. Daje izói nana Juzínamuimo gairíacadínomo íaioi dúciillena, afécona nano íanori íaioimo fiede. Daje izói cai jófuemo ite úcubemo táijidimie Erasto, uai ómoimo orede. Iemo cai ama Cúartona mámeçiredimie uai ómoimo orede.

²⁴Mei cai Ocuíraima nana ómoina ñue íllena éziciiteza. Daiítadeza.

Iraicaiño Juzínamuimo caimátaillafue Pablo úrite

²⁵Juzínamuimo mai cai caimátailli, mei afémie omoi ínogafuena iere izire ínotaredeza. Cue ómoimo jino lloga cai jíllolle uai daií dáideza. Daje izói Jesucristodo omoi cue llófuiafue daií dáideza. Juzínamui jaii ie comécido mamérilla izói, ja birui judíoñedino comécina ñue náiretade. Ua, bínie nai cómuíñenia, bífuena jica ia daií comécido mamede. Ja diga fimona jaide íadi, aféfuena báinino íteza, nai jino comínimo uáfodo llóñega. ²⁶Mei íadi ja birui Juzínamui uai llócaidino cáiena fieca Cuegáuaido, afefue jae jino

denoca. Bifue ziiño Juziñamui ocuilla izói caimo íficaide. Bie fueñe báinino Juziñamui comécido mamérillafue, ja birui nana náiraiaimo jino cíotaga, aféfuena íaioi onóillena. Daje izói afefue jae jino íaioimo cíotaga, comécido ínnota afe uaimo ñue jeire íaioi óllena.

²⁷ ¡Daade jamánomo baitade Juziñamui ebírede ñúefuiai nítaiticaiza! ¡Daí afémiemo Jesucristodo ziiñona jaca ninomo llóiticaiza! Mei daíitadeza; jae ñie.

NANOIDE SAN PABLO CORINTO IMÁCIMO ORÉCABE

*Primera Carta del Apóstol San
Pablo a los Corintios*

Coríntomo ite Jesucristomo ñnotinomo Pablo cuete

1 Cue Páblodicue. Ñúefue llujállena Juziñamui comeci jitaina izói Jesucristo jónegamedicue. Bie izói daina Jesucristo orécamedicue. ²Cue, cai ama Sóstenes diga, Corinto jófuemo ite Juziñamuimo gairífiredino uáidoticoco. Afe llezica bibe ómoimo cueticue. Omoimo Jesucristomo dájena jaináinamona Juziñamui iédiomoi. Juziñamui íena omoi jáillena afémieoiri ómoina jírite. Nágagobiaimo ite cai Ocuíraima Jesucristo mámeçido jíçáfiredino, daje izói Juziñamui íeiena uáidogaiaioi. Afe Ocuíraima Jesucristo afémaci ie, daje izói cáie. ³Cai Moo Juziñamui, cai Ocuíraima Jesucristo diga, íaillinoina ñue uái illifue dibénemo ómoina jóneiteza. Daje izói afe íaillinoi ómoina ñue éziciiteza.

Jesucristomona comuide caimare illafue

⁴Nágarui ómoiri Juziñamuina iere fígora daífiredicue, mei Juziñamui Jesucristodo ñue caimare ómoina itátate. ⁵Mei jíi, Jesucristomo dájena omoi jaináinamona, Juziñamui nana ie cáimafuiaí ómoimo orede. Nana ie caimare úrillafue Juziñamui ómoimo llote. Daje izói ie onóigafuiaína ómoina onótate. ⁶Mei daí Juziñamui Crístodo daina uai ja ómoimo bie nahífuena ite. ⁷Bíemona cai Ocuíraima Jesucristo çocaiza-íbillruimo nai dúciñena llezica, nana Juziñamui lloga uaina ómoimo íteza; abí diné jíaie uaina jítaíneitiomoiza.

⁸Afémie ico íirairuimo ómoina náiretaite. Iemona cai Ocuíraima billíruimo dúciille dino buna ninó íénidífueña ómoimo nitáñede. ⁹Juziñamui uíçodo ie dáinana jaca ñue íçoimo fuitáfiredede. Afe íinofírega Juziñamui ie jíto Jesucristomo cai nabáirillena caina uáidote. Afe Jesucristo cai Ocuídímie.

Crístomo gairífiredino dájena íñeno oni eneno comeciidaioi

¹⁰Amatiai, omoi cacai. Cai Ocuíraima Jesucristo mámeçido izire ómoimo jíçadicue. Dájena omoi jainairi. Daje izói eneno omoi bozíetaíñeno iri. Mei jíaífodo jíaimana énenaruíñeno ñue dájena omoi iri. Daje izói dáafuemo comeci fáçaitiomoiza, íemo daje izói dáafuemo omoi maméritiomoiza. ¹¹Cue ámatiai, bifue ómoina daidicue, mei Cloé comínimona dáarie cuemo llotíai, omoi çígiri jíaimana ruífruillano oni enénorie itíai, daí daidíai. ¹²Bie izói cue cacánaçuodo ómoina daíaçade. Omoimona illa dígamiai jíaífodo úritiomoi. Dáarie cue Pablo iédicue daide, jíaimaci cue Apolos iédicue daide, jíaimaci cue Pedro iédicue daide, jíaimaci cue Cristo iédicue daide. ¹³Mei íadi nana omoi Cristo abí izóidinodiomoi. ¿Meita afe Cristo abí énenorie fecaca? Daíñañede. ¿Meita Pablo omoi méífomo cruzmo coraica? Córaiñega. ¿Meita Pablo mámeçido omoi báutizagaomoi? Daíñañede. ¹⁴Cue mena come Crispo Gayo diga báutizadicue. Omoimona abí dine jíaimacina báutizañedicue. Aferi Juziñamuina “Fígora,” daidicue. ¹⁵Iemona ómoimona buna “Cue bie Pablo mámeçido báutizagacue,” daíníde. ¹⁶Iemo jíai daa Estéfanos comini báutizadicue, mei íadi cuemo úibicaíñedeza, abí dine jíaimacina báutizañedicue. ¹⁷Mei Cristo cuena “Comini o báutizari,” daíñede. Cuen

“Cue ñuera jállona uai o llócairi,” daide. Mei íadi cue abi ñnotade comini bacácido cuena llotátañede, Cristo cruzmo tállana cue ráifitañellena.

Cristo llogáfuemo Juzíñamui ríino ite naa ie baitácafuiairi

¹⁸ Afe bie Cristo cruzmo tállafue, nana nine táinomo báitino dibénemo ráifñede taino uallai izoide. Mei íadi ñue jállotino dibénemo, Cristo cruzmo tállado cai comeci illafue méidorede, mei afe uaimo Juzíñamui ríino íteza. ¹⁹ Jaiai Juzíñamui Cuegáuaido afémie bie izói daide:

—Iere baitádino onóigafuiaina niné táinocaitaiticue.

Daje izói fibídino fibíllafuena ráifitañeiticue, —daide.

²⁰ Ja biniemo fibídime ¿mei ññufuemo cánoite? Comini comeci ífuena ñue méidoñede. Daje izói fia fibíllafue llófueraima canóñede. Afe izói bnie ráfuiái júfidotimie canóñede. Mei nana biniemo fibíllafuiái Juzíñamui ja jíáfodo méidoga. Ráifñede taino uállaina méidoga. ²¹ Juzíñamui nana ie finóllifuiaina onófirede. Iemona “Fia bnie comini báitajafuedo cuena onóñeitimoí,” afémie daiñocaide. Mei jíáfodo Juzíñamui íaioimo lloga uallai íaioi ínuado afémacina jállotaacade, afe bie lloga uai jíáimacimo ráifñede taino uai izoide íaioimo cíocaide íadi.

²² Iemo Judúuai fia dánamona comuide cíórainina ráaniaina cíóacadaíaoi. Iemo judíoñedino iere báitajafue jenódiaíoi. ²³ Mei cai, cruzmo coraica Cristo rafue jino llófredicai. Ie mei judúuai afefue llófuiana meáruitiaíoi. Iemo judíoñedino aféfuena “Ráifñede taino uallai,” daidíaoi. ²⁴ Mei jíáfodo Juzíñamui jállloillena mainócano dibénemo afe Cristo cairi tiilla llogáfuemo Juzíñamui ríino ite. Daje izói afémaci íena afe

llogáfuemo Juzíñamui baitaca uai ite. Daa Juzíñamui jírigamie judío ímie íadi, bifue afémiemo ráifide. Daje izói Juzíñamui uáidogamie judíoñedimie íadi, bifue dájerize íaillinoimo ráifide. ²⁵ Mei jíi Juzíñamui lloga uai, ráifñede taino uai izói comínimo cíoide, mei íadi afe uai énie comini baitácafue baimo iere baitade. Daje izói Juzíñamui finócafue rínonina izói comínimo cíoide, mei íadi comini máirie baimo jamánomo ríirede. ²⁶ Amataíai, mai Juzíñamui omoi jíirillafuemo uibóicairi. Omoimona baitádinona figo íñede, mei íadi nai ie comínidimoí. Daje izói ómoimona ríillainina figo íñedeza. Iemo ómoimona jica jalleide comínina figo íñede, mei íadi nai Juzíñamui izíruigamacidimoí. ²⁷ Mei jíáfodo, bnie comini daina abina onóñedino Juzíñamui jae nizeca, ráfuiaina baitádino méaicaillena. Daje izói bnie comini daina ríinidimaci Juzíñamui jae nizeca, nana “Mairídicue” daidino méaicaillena. ²⁸ Iemo biniemo ite jica jalléíñedino naa jámairuigamacidiga Juzíñamui jae nizede. Nana bie Juzíñamui nizécano jamai comini. Juzíñamui bie izói jamai comini nizede, abi ínota “Aillomiedicue” daidino ríinitallena. ²⁹ Iemona buna Juzíñamui uícomo abina ínonide. ³⁰ Mei dama Juzíñamui ómoína Cristo Jesumo dájena jaináitate. Daje izói Juzíñamui, Jesucristo cai ifoci déitatimiena jónete. Iemo Crístodo, Juzíñamui anamo ñue jaícina cai íllena, afémie caimo jónete. Afe llezica Juzíñamui íeiena Crístodo caina ñue finode. Afe bie Crístodo daí jállodicaí. ³¹ Afémie daí finode, Juzíñamui Cuegáuai daina izói jaícina jino fuitállena. Afe uai daide: “Dámie abí ínoiacania, cai Ocuíraímado abí íñori,” daide.

**Dama coraica Cristo rafue
Pablo comínimo lloste**

2 Birui ómoimo cue llua izói, afe izói nauí Juzíñamui ua rafue ómoimo cue lluaíbillaruído, cue baitaca féirede uaido ómoimo úriñedicue, “Iere ráfuiaina baitádimiedio” cuena omoi dáiiñeillena. ²Mei nauí omoi cígiri cue illa llezica daa Jesucristo ráfuenta naa ie coráiafue diga, abi diné jiáífuenta ómoina onótaacañedicue. ³Aféruillaido ómoiri ríinidimie izói iticue. Ie jira benena cue jácieri cuidíridicue. ⁴Omoimo jino cue llua llezica fia énie come baitaca uaido ómoina jíeruitañedicue. Mei jiáífodo Juzíñamui Ñuera Joreño jéruitadicue. Daje izói Juzíñamuimo ite ríinodo: “Bífuenta omoi jíeruirí,” daidicue. ⁵Daíí ómoina daidicue omoi íinogafue, Juzíñamui ríino díbénemo íllena; daje izói omoi íinogafue bínie comini onóigafuemo jáinaiñeillena.

**Juzíñamui da ie Ñuera
Joreño onoiga**

⁶Mei íadi ómoimona Juzíñamuimo íinogafuemo ñue móonaitínomo cue baitaca uaido úriticue. Bie cue baitaca uai bínie comini íeñede. Daje izói bínie uíñote ríillaini uáíñede. Afémaci naa íaioi uáillairi niné cíocaiñeítiaioi. ⁷Jaiái uáfodo óñoñega Juzíñamui fibíllafuaido úriticai. Afémie jaiái énie comuíacana úcodo báinino maméíllafuedo úriticai. Aféruillaido caimo zííñona fuíñeite jíllollifue caimo mamede. ⁸Nana bínie uíñote ríillainimona bífuenta buna onóñede. Bífuenta onódiaioina cai ñuera Ocuíraíma Jesucrístona coráíñediaioi. (Aféfuenta íaioi onóñenado íena coráídiaioi.) ⁹Mei íadi Juzíñamui cáiena mamécáfue ie Cuegáuai daina izói ite. Afe uai daide:

Bínie comínimona jaca buna cíóñena ñuera raa Juzíñamui íena izíruitino íaioiena jóonete.

Afe izóidena comini jaca cacáñediaioi. Daje izói áfemo jaca buna comeci facáñena.

¹⁰Afe bífuiaina Juzíñamui ie Ñuera Joreño caimo llotátate, mei afe Ñuera Joreño nana Juzíñamuimo ite uáfodo óñoñega ráfuiaina onóillena izire jícanofiredeza. Iemona afémie cai fídítate.

¹¹Bíniemo ite comínimona, ¿mei níimie jiáíma comeci ifue onona? Dama afémiemo ite joreño ie comeci ífuenta onona. Afe izói dama Juzíñamui Ñuera Joreño Juzíñamui comeci ífuenta onona.

¹²Bínie comini fieni coméciíllafuiai úicaiñegacai, mei íadi Juzíñamui caimo oreca Ñuera Joreño úicagacai. Juzíñamui ie Ñuera Joreño caimo orede, aillo jeruíñeno caimo ie fecaca ráfuiaina cai onóillena. ¹³Juzíñamui Ñuera Joreño caimo llófuega uáillaido afe bífuiaido ómoimo úriticai. Dani cai fibíllafuemono cai onoiga uáillaido ómoimo úriñedicai. Afe daíí Ñuera Joreño úicaganomo Ñuera Joreño lloga ua ráfuiái jino ñue lloticai.

¹⁴Mei jíi, Juzíñamui Ñuera Joreño úicaiñegamie afe Ñuera Joreño lloga ráfuiaina jeire onede. Mei afémiemona bífuiái ráííñede taino uailái izóideza. Aféfuiai afémiemo jánaide, mei bífuiái cómemo dama Juzíñamui Ñuera Joreño llófuegaza. ¹⁵Mei íadi Juzíñamui Ñuera Joreño igámie naga ráfuiaimona nífue ñuena, nífue fíénina daíírede. Mei jiáífodo Ñuera Joreño íñegamie afe izói daííñide. Iemona Ñuera Joreño íñegamie Joreño igámie jaca níífuenta jícanonide. ¹⁶Mei Juzíñamui Cuegáuai daide: “¿Bu mei cai Ocuíraíma comeci fácafuenta onona? ¿Mei níimie Juzíñamuina

llófuereña?” Mei íadi ie Ñuera Joreño do Cristo ifoci úrillafue caimo ite.

Dájemo táijidino izói Juzíñamui ocuica uai llujállena canódicai

3 Amatai, bie lloga Cristo comeci fácafue nai ómoimo figo jóobiñede. Iemona Ñuera Joreño úicaigano izói nai ómoimo úrinidicue. Mei jiáfodo Ñuera Joreño mo nai figo jaináñedino izóidiomoi. Crísto mo jaináñedino díbenemo nai figo onóñede úruiai izóidiomoi. ²Iemona nauí ómoimo féinino llófueticue. Nai monoi jirode úruiai izóidiomoi; jáiaide güille nai ómoimo dúñede. Iemo afe izói ñue baitácafue nai ómoimo jaca dúñede. Nai aféfuena jeire ónidiomoi. ³Mei nai Ñuera Joreño mo jaináñena llezica jamai come izóidiomoiza. Nai birui jááimana úradoidiomoi, íemo icírafuena jenófirediomoi, íemo nai jááimana énenoruidiomoi. Iemona bíniemo ite Juzíñamui Joreño na íñegano izóidiomoi. Nana íaioi eneno bozíetaillafuina nai jeire otíomoi. ⁴Omoimona dáarie “Pablo iédicue,” daide. Jáámaci “Apolos iédicue,” daide. Bie izói omoi illa, nai bíniemo ite Juzíñamui Ñuera Joreño úicaiñega comini izóidiomoi.

⁵¿Mei níimie Páblona? ¿Mei jáí níimie Apólona? Coco bie daa Juzíñamui ocuicamedicoco. Daa cócodo cai Ocuíraimamo ínotiomoi. Cai Ocuíraima cuemo jóonega táijinamo táijidicue. Daje izói Apolos dama íemo jóonegamo táijide. ⁶Cue bie fueñe ritímie izóidicue. Ie mei Apolos afe rigaji jáinoia riáitatímie izoide. Mei íadi afe rigaji zicótatímie daade Juzíñamui. ⁷Iemona cue bie fia ritímiedicue. Iemo Apolos fia riáitatímie. Bie coco jabóidímiedicoco. Mei íadi Juzíñamui jamánomoidímie, mei afémie afe rigaji zairítaiteza. ⁸Nana ido ritímie, afeji jáinoia riáitatímie ná-

gaillinoi daje Juzíñamui ocuicamie íailinoi. Mei íadi illa dígamie nano ie táijina dieze Juzíñamui íbaite. ⁹Coco bie dama Juzíñamui jetácamo dájemo táijidicoco. Ie mei omoi Juzíñamui riga jacafai izóidiomoi.

Nane jááie raa izóidiomoi. Juzíñamui como nicana uiga jofo izóidiomoi. ¹⁰Cue bie jofo níraini ocuídímiedicue. Juzíñamui cue ocuilla izói, bico jáállirai riire naidánetimie izóidicue. Iemo jáámie afe jáállirai acónimo ticáidímie izoide. Ie jira naga ticáitimie rairuídicue, fieni ie ticáñeno ñue ie ticáilleza.

¹¹Mei jii, abi diné jáámie riire naidaide jáálliraina naidáñenide. Afe jae riire naidáñega jáállirai izóidímie Jesucristo.

¹²Mei naga come bie jáállirai caifófemo ie illónona nírede. Afe bíena daiírede mei naga come illafue bie nillico izóideza. Dámie afe jáálliraina mameide Jesucristo caifófemo oro izóidedo ie illónona nírede, jáámie quenírede llojefe izóidedo ie illónona nírede, jáámie ráífide noñciai izóidedo ie illónona nírede, jáámie amena iedo ie illónona nírede, jáámie fia uifzaido ie illónona nírede, jáámie zicicai izóidedo ie illónona nírede. ¹³Iemo ico jááiruido

Cristo comínimo itífue riire jicánuai-billiruimo naga come ie nigano uáfori cíoite. Aféruído Juzíñamui cai táijina fácaite. Irai izóidedo naga come nigánuai Juzíñamui fácaite. ¹⁴Irai cúaritañega raado nitímie Juzíñamui ie táijina íbaja raana jirídoite. ¹⁵Mei jiáfodo cúarirede raado nitímie minícana jirídoñeite. Nana ie táijina niné táinocaiteza; dama táinori llégüite. Mei íadi dama afémie jilloite. Ua, jofo bóoamona nana raaie uzilla mei, dama come jillona izói, afémie jilloite.

¹⁶¿Omoi bie Juzíñamui jofo izóidiomoi nai onóñediomoi? ¿Daje izói Juzíñamui Ñuera Joreño ómoimo íllana onóñediomoi? ¹⁷Afe bie Juzíñamui ico íafuenidico. Iemona ómoimona

dámie bie Juzíñamui jofo eneno botáadi, afe cómena Juzíñamui jíái niné táinocaitaite. Omoi bie íaifuenidico izóidiomoi.

¹⁸Nane daa come dama abi jífueiza áfemona abí omoi rairuiri. Omoimona dámie “Bínie ráfuena iere baitádimiedicue,” daiíadi, afémie meine abido finoñedino daina izóí ráfuena baitañedimiena jáirede, Juzíñamuimo ite nahí rafue baitállena. ¹⁹Mei bínie comíni baitácafuiái Juzíñamuimona ráifiñede taino uaillai. Ie Cuegáuai daide: “Iere baitádinona Juzíñamui dani íaioi bífueinamo írebaimo jilla izóí jíitate.” ²⁰Nane dáanomoi daide: “Baitádinó comeci fácafuiái ráifiñenana cai Ocuíraima onode.” ²¹Ie jira jíáimamo jaináillado jaca buna abina íinonide. Afe omoi dáamiemo jaináilla uai jíáfodo jóide. Nana omoi canódino ómoimo jainaide. ²²Daa cómemo jainaiñeno nana bimaci ómoimo jainaide: Pedro, Apolos diga ómoimo jainaide, cue jíái Páblodicue ómoimo jaináidicue. Daje izóí nana bíniemo ite ráaniai Crístodo ómoiena Juzíñamui mamede. Daje izóí Crístodo Juzíñamui ómoína cáatate. Iemo omoi tífadi, Crístodo afe tíllana jáciruiñeitiomoi. Iemo biruíllaido Crístodo caimare írediomoi. Iemo uire jíáiruido ómoimo ífcaitifuemo Crístodo jáciruiñeitiomoi. Nana bie ñúefuiai ómoie. ²³Iemo Cristo íédiomoi, ie mei Cristo Juzíñamui ie.

Jesucristo orécano táijinafue

4 Iemona Cristo canódino omoi caina daiírediomoi. Daje izóí uáfodo ónoñega Juzíñamui lloga uaillai jino comínimo llófuetino omoi caina daiírediomoi. ²Mei jíi, táijinana jóonegamie ie ocuídímie íinofirenana afémiemo jino cótarede; ie ocuállana ñue ícoimo fuitárede. ³Mei íadi cúemona, omoi cuemo itifue

jicánodoiari járitañedicue. Daje izóí dáarie cuemo itifue jicánodoidino cuena dáinana figo náfueñedicue. Afe izóí cue itifue dama cue jicánoiadi áferi járitañeiticue. ⁴Mei cue comeci úrilla níífueña cuemo nitáñede. Mei íadi afe izóí cue comeci úria, nai ua Juzíñamui eróicana ua nífuenidímiedio cuena daiíñede. Mei cuemo itifue jicánotímie dama Jesucrístoza. ⁵Mei jira, Cristo nai biñena llezica jíáima táijinafueña riire omoi jicánodoiñeno iri. Daa cai Ocuíraima jicánuaibillirui omoi ocuíriri. Aféruido afémie jíitífono báinino itínona bai úzefomo uáfori cótaite. Daje izóí aféruido cai Ocuíraima naga come comeci mamérrillafuiái uáfodo onótaite. Iemona Juzíñamui naga come nano ba íemo dúide dieze ñúefuiai íemo fécaite.

⁶Amatíai, mei ñue omoi íllena bífuiaido omoi o úriticue. Omoi canódimie Apolos ifue dama cuefue diga jae ómoimo lloticue, omoi ñue dájena comécíillifue uáfodo omoi onóíllena. Bífue ómoimo lloticue ómoimo coco cótagafuiaido Juzíñamui Cuegáuai baimo omoi comécíiñeíllena. Afe uai caina daide: Dáamie dibénemo gáífiñeno omoi iri. Daje izóí jíáimiena jámairuiñeno dájeze nana íaioimo omoi ínori. ⁷¿Mei nie come jíáimaci baimo ómoína ñue ífnua? Nana omoi onoiga ñúefuiai Juzíñamui fecácaza. Jaca Juzíñamui fecáñegana íñede. Iemona ¿nibái mei dáamiedo abina íinofirediomoi? Abina íinofiredímie: “Cue comeci jíitaina izóí cuemo fecácaza,” daiífirede. Mei íeñedeza. Omoi dani fécañegaza. Mei jira áfedo abina íinonidiomoi. Nana caimo ite ráaniaimona dani cai ocuilla izóí íñede. Nana Juzíñamui caimo fecaca.

⁸Birui ja “Nana Juzíñamui caimo fecácagafuiái ja cai ógaza,” daií comécíidiomoi. Nana omoi jítaica

ráaniai nibai ja omoi oga. Nana omoi onóacaga ífuiaina nibai ja ñue baitádiomoi. Nibai ómoína cai canóñenado ja illáicomínina jáidiomoi. Mei íadi táinodo abi finotiomoi. Iemo afe llezica cai bie jalléinédicai. Mei íadi ómoína: “Ua illáicomínina omoi ii,” daidícue. Afe daíí cai bie omoi diga dájena illáimaiticai. ⁹Cai bie Cristo orécamiái jino firainomo Juzíñamui fécacai. Cai bie lláviano títino izóidicai. Jira cai bie nana énie nairai acárilla raa izóidinona jáidicai. Iemona nana comini naa Juzíñamui abi imáciri caimo éroitiaioi, mei afémaci abi fáiacaitadinodicaiza. ¹⁰Cristo rafue cai llócaillamona caina jíáimaci “Abina onóñediomoi,” daidíaiói; mei afe llezica “Cristodo ráfuiaina baitáidinodicaí,” daidíomoi. Omoi ríredinona illa llezica, cai bie ríinidinodicaí. Caina comini jámairuilla llezica ómoína ñue jacáruitiaioi. ¹¹Mei jaiái nai biruimo júbieri duere zefuédicai. Daje izói cai jirolle jainoi inénari jíái duere zefuédicai. Daje izói figo incuironidicai. Daje izói comini caina fieni finódiaioi. Uái cai illino inede. ¹²Aillo cai táijinamona iere llégidicai. Iemo comini cairi jainónaitimaci; mei íadi íaioína Juzíñamui canolle uaido fairíoticaí. Caina fieni finóllena racádiaioi; mei íadi ocuédicai. ¹³Cairi fiénidífuedo úritiaioi; mei íadi afe comínina comeci mánainafuedo fíaicana llófueticaí. Afe llezica oni dotaca íáirede raa dota izói, afe izói caina ráifíñedinona caina mámiano náfueñediaioi. Nai biruimo cuidoda oni faiga íáirede raana caina mamédiaioi.

¹⁴Bífuaiaina omoi meáidaillena cueñédicue, mei jíáfodo omoi ñue illena rairuúllano, llotícue, mei cúemona izíruiga jitótiai izóidiomoiza. ¹⁵Mei cómemona facádonide Cristo ráfueña llófuetino ómoimo ite íadi, nai omoi

finogafue tainédimie daade. Cristo Jesumo omoi finollena, omoi moo izói omoi comuítatimiedícue, mei cai jíllona uaina ómoimo llotícueza. ¹⁶Ie jira ómoimo cue cótoga cai ñue illífuedo omoi jáillena, izire jicádicue. Daje izói cue llogáfuedo omoi jairi daidícue.

¹⁷Afedo omoi jáillena, Crísto mo omoi finotaga Timoteo ómoimo orédicue. Afémie cue izíruiga jitó izóidimie. Afémie, Crísto mo omoi finuamona cue lloga ñue cai illáfueña ómoimo úbicaitaite. Afe bie afémie ómoimo llujáillífue izói, afe izói nágagobai mo ite Juzíñamuimo finotimacimo, cue jíái llófuefiredicue. ¹⁸Omoimona dáarie abina finuano, daidíaiói: “Pablo caina éroizaibíñeite,” daidíaiói. (Afe izói dáinado cue uaina uáitaacadiaioi.) ¹⁹Mei íadi cai Ocuíraíma Jesucristo comeci jítaiadi raire omoi cue méinuaillena ocuídícue. Iemo cue billíruimo afe abina finotimaci nie ñúefue jíáimacimo finódiaioiza, afefue cue onóillena fácaíticue. Afedo íaioi ñuera ríino ite, nibai inédeza, ónoíticue. ²⁰Mei jíí, fia cai úrilla uaido, Juzíñamui illáimana illáruimo jaináitañegacai. Mei jíáfodo Juzíñamui Ñuera Joreño ríinodo cai comeci itífue méiduano ie illáimana illáruimo jaináitagacai. ²¹¿Mei nie izói óiacadiomoi? ¿Mei nibai ómoína duere cue finuáibillana óiacadiomoi? ¿Nibai izíruillafuedo comeci mánainafuedo ómoimo cue éroizaibillana óiacadiomoi?

Pablo fiénide meáfue finódimie duere finóllena llote

5 Ja birui omoi cígimo ite iere fiénide jíruífueña comini cue fidítatiaioi. Omoimona dáamie ja ie moo ogango dama ie aina ote. Afefue iere jamánomo meáirede. Afe izoide fiénidífueña Juzíñamuina

ónoñedimaci jaca rairuídiaioi. ²Mei íadi bie izói ómoimo illa llezica ¡nai omoi iere abina ínofirediomoí! (Afe izói omoi illa iere figóñede.) Mei jíáifodo áferi iere zuure írediomoí. Daje izói áferi meáidairediomoí. Bie izói jiruédimie omoi cígimona mai oni ore. ³Náamiena omoi diga dama cue inédicue, mei íadi afefue dibénemo cue comeci facáoinana ñue onódiomoiza. Ie jira afe bie jiruédimie ie duere finóllena jae cai Ocuíraima Jesucristo mámecido ocuídicueza. ⁴Iemona Jesucristo mámecido dáanomo omoi gairizailla llezica, íemo cue comeci facáoinamo ñue omoi uibóicailla llezica, íemo jíái cai Ocuíraima Jesucristo omoi cígiri ríinorena llezica, ⁵mai afe íimana ómoimona jino dótano Taífena náamataga comínimo íena omoi zóoferi, ie abí fieni jítainafuiai niné táinocaitallena. Afemona cai Ocuíraima Jesús billíruimo afémie joreño jíllobicaiteza.

⁶Afe íaifue nai ómoimo illa llezica omoi ñue íáininana illa izói abí ínotiomoí. Afe abí ínuana figóñede. “Mei daa cómemo ite íaifue aillo ie abimo itímacina íáiretaiteza.” ¿Comini daína uaina onóñediomoí? Afe uai daide: “Pan finóadi afe aillo fáitate raa tamédiaioi. Due jiza fáitatená jóonega íadi, nana afe magáfecina aillo fáitate.” Afe izói daa come finoca íaifue aillo ie abimo itímacina íaire finode. ⁷Iemona ómoina fieni finode come ómoimona oni jica oreri, mei afémie jácaie pan fáitara izóidimieza. Ie jira afe fiénide méaifue ómoimona ñue muiñori, ñue jácina íaifuenidimacina omoi íllena. Iemona fáitatená jóoneñega comue pan izóidimona íitiomoí. Ja onódicueza, afe bie izóidino ua itíomoí, mei Cristo nana cai ícoinia fagámiena jáideza. Afémie cai ífomo fatá Juzínamuimo fecaca

oveja jiza izóidimie, caimo ite íaifue oni dóllena. Afémie pascua rafue illa llezica cai uibóigamie. Ie jira bie íaifue oni omoi fáinocai; mei íaifuemona muiñócanona cai íllena, Cristo tídeza. ⁸Iemona nágarui cai illáfumo táinona úriñede comécido mai cai illi. Daje izói ñúefuíairede comécido mai cai illi. Afe izoide comeci fáitate raa jóoneñega comue pan izoide. Mei jíáifodo íáirede comécido cai íadi, daje izói éoicaide comécido cai íadi, afe izoide comeci jácaie pan fáitate raa izoide. Afe izói mai cai íneilli. ⁹Nauí ómoimo cue cuezábemo ómoina daidicue: “Bie izói jiruérede comínimo nabáiriñeno iri.” ¹⁰Bíniemo jaca jiruédino ite, daje izói iere ráanaiacadino ite, íemo merífríredino ite, íemo jánarai íóbitadino ite. Bimaci diga omoi nabáiriñeillena lloñédicue. Aféfuena rairuídicuena bíniemo oni jáirediomoí. Mei íadi afe izói ocuñédicue. Mei íadi onódiomoiza, afémaci illa izói ínidiomoí. ¹¹Mei ómoina cue daíacanafue jíáifo jóide. “Cristomo ínote omoi ámadicue” daidímie íadi afémie jiruériadi, afémie diga nabáiriñeno iri. Daje izói afémie iere ráanaiacania afémie diga nabáiriñeno iri. Iemo dáamie jánarai íóbitaadi, íemo afémie jíáimana fieni úrifireia, ie jíaireia, íemo ie merífrífireia, afe izoide “Cristomo ínote omoi ámadicue” daidímie diga nabáiriñeno iri. Iemo jíái bie izoide come diga omoi güñeno iri. ¹²⁻¹³Bíniemo ite ínoñede fiénidinomo itífue riire cue jicánolle cuemo dúñede. Mei íaioimo fieni itífuiai dama Juzíñamui riire jicánoteza. Mei jíáifodo omoi dani ómoimo jáináidinona riire jicánorediomoí. Ie jira afe bie fiénidifuiáiredimie omoi cígimona oni oreri.

Juziñamuimo finotino júfidogafuai oni finoñedinomo lluájinide

6 Dani ómoimona dámie jiáimamo júfidogafue comuádi, ¿nibái mei oni jiáimacimo afefue záitallena jáidiomoi? mei afémaci cai finogafuemo jaináñedinmaci. Dani omoi cígiri ite Juziñamuimo dúidinomo jicárediomoi, o júfidogana jaícina záitallena. ²¿Nai onóñediomoi Juziñamui iédino nana bínie comini itfufuena riire jicánoitiaoio? Mei uire bínie comini riire jicánoitiaoioza, ¿nibái mei omoi cígiri ite dúfufuina raire záitanidiomoi? ³Iemo jiái, ¿nai onóñediomoiza Juziñamui abi imaci, ángeles dainámaci, itfufuina riire jicánoiticaí? Mei uafue Juziñamui abi imaci itfufuina riire jicánoitiaoioza, ómoimo ite bínie ífuiái raire záitallena ómoimona juánide. ⁴Bie cai illáfueмона comuide júfidogafuai ómoimo comuádi, ¿mei nibái mei Juziñamuimo gairídino dibénemo inédinomo lluájifirediomoi, afefue jaícina ómoimo finóllena? ⁵Bie izói ómoína daidicue omoi méaicallena. ¿Mei nibai omoi cígiri ámatiaimo comuádfuena jaícina fñuana baitádimie ñede? ⁶Ja birui da ama jiáimamo júfidogafue comuádi, Juziñamuimo finoñede jaícina finóraima uícomo lluájifirediomoi. ¿Meita bie izói írede? ¡ñide!

⁷Uáfodo onóigaza, nanómona daa júfidollifue omoi cígiri comuádi, jiáie o ñue illáfue tainomo fáifitaite. (Daje izói o júfidogafue Juziñamui ífueña jámairuitade.) Daa cáimona dámie fieni o finóadi, afe iba o óñeille baimo ñuera. Daje izói daa come cue raa jífuiano bairóadi afe meine cue óñeille iere baimo ñuera. ⁸Mei jiáífodo fiénidifue fáicanocaiño, dani omoi ámatiaimo fieni finódiomoi, íemo

jiái omoi ámatiaina jífuiano raana bairófirediomoi.

⁹⁻¹⁰¿Nai onóñediomoiza? nana jiáimana fieni finódino Juziñamui illáimana illfruiamo dúciñeítiaoio. Omoi jífuefiñoeno iri, mei naga fiénidino Juziñamui illáimana illfruiamo jáinaiñeítiaoioza. Daje izói áreiñoeno jiáie ringo jetáidino dúciñeítiaoio, íemo jánaraina íóbitadino, íemo jiruífueredino, íemo jiáie iima diga fieni ítmíai, íemo merífiredino, íemo iere ráanaicadino, íemo jifáífiredino, íemo jiáimamo fieni úritino, íemo jífueña bairófiredino; nana éniemo ite bie izoide comini Juziñamui illáimana illfruiamo dúciñeítiaoio. ¹¹Nai ómoimona dáarie bie izoide. Mei íadi ja birui Jesucristo ñue iáinino finócaomoi. Daje izói Juziñamui íeiena ñue mamécaomoi. Afe izói Moo Juziñamui Ñuera Joréñodo, íemo jiái cai Ocuíraima Jesumo omoi fñuado Juziñamui anamo ñue jaícina itábicaidiomoi.

Cai abi Juziñamui eróicana iere ñúeraza áfena íaidonidicaí

¹²Comini daiífirediaoio, “Cue bie cue comecei jitaila izói íredicue.” Afe uafue, mei íadi naga íaioi comecei gáinafue íaioina ñue finóñede. Uáfueza daa come dama ie comecei jitaila izói írede, mei íadi afe comecei jitáillafue íena anáfenotanide. ¹³Mei uáfueza: cai güille, cai jébegoi ie; daje izói cai jébegoi güille íena finoca. Mei íadi jiáiruido Juziñamui nágaillinoi güille naa jébegoi diga jiáífodo méidoite. Mei íadi “Bie cai abina jirufue íena mameca,” daiñide, dáarie daií daiífirediaoio íadi ¿mei afe uáfueñede! Bie cai abi cai Ocuíraima ie. Afe íbana cai Ocuíraima cai abimo dúide, cai ñue rairuíoicaillena. ¹⁴Iemo Juziñamui cai Ocuíraima Jesús cáadimienna jáitate. Afe daií ie fñua izói, afémie dama ie ríinodo cáadimacina caína mámeite.

¹⁵ ¿Onõñediomoiza ómoimona illa dígamie ie abi dama Cristo abimo dúide? ¿Meita Cristo abimo dúidmie jiruíredingomo dájena jóoneredicue? ¡Jaca jóonenide! ¹⁶ ¿Mei nibai jiáifue onõñediomoiza, dáamie jiruíredingo diga íadi afémie abi daa afengo abi izóicaide? Mei jii Juzíñamui Cuegáuai áirenafue dibénemo bie izói daide: “Hima ie ai diga afe íaillinoi dámiena ja mameide.” ¹⁷ Afe izói dáamie cai Ocuíraimamo dájena jaináidi, afémie dájena joréñoredimiena jaide.

¹⁸ Iemona mei jiruífuemona oni omoi iri. Nana jiáie cai finoca fiénidifue cai abina figo íaiñede, mei íadi áireiñeno jiáie ringo diga jiruífue cai finóadi, cai abina bácadicai. ¹⁹ ¿Mei onõñediomoiza, omoi abi Juzíñamui caimo iga ie Ñuera Joreño illano? Iemona afe Ñuera Joreño jaca omoi diga íteza. Omoi abi dani ómoieñedeza, Juzíñamui ie. ²⁰ Mei omoi abi Juzíñamui jamánomo ráifidena íbácaza. Mei jira cai abido Juzíñamuina íóbitaredicai, íemo jiái daje izói caimo ite joréñodo íena íóbitaredicai, mei afe bie cai abi naa cai joreño diga Juzíñamui íeza.

Pablo come áirenafue llófuete

7 Ja omoi cuemo jicánoga uailai afe íbádiuai llóiticue. Uáfueza dámie áireiacañenia dama illa figura. ² Mei íadi aillo jiruífue íteza, naga iima áirede. Daje izói naga ringo inírede. ³ Airedimie dama ie ai afémie diga íacana dieze, afémie írena. Iemo daje izói iníredingó ie ini afengo diga íacana dieze, afengo írena. ⁴ Iníredingó “Cue abi daingo cuemo dúide,” daíñide. Afengo abi ie ini íeza. Daje izói áiredimie “Cue abi bie dama cuemo dúide,” daíñide. Ie aimo jaináideza. ⁵ Hima ie ai diga íacania ráiruñeno jieruiri. Daje izói ringo ini diga íacania ini ráiruñeno jieruiri. Mei íadi nibai jiáiruído da come ie ai

diga nano nígarui iere Juzíñamuimo íaillinoi comeci facáacana llezica, aféruilaido dájena inédiaillinoina ñuera. Afe mei nane raire meine dájena írediaillinoi. Mei are dájena íaillinoi jáicañenia, abi jitáinafuena ocuíninamona fienu íllena Taife íaillinona facátaiteza.

⁶ Bífuiui caimare ómoie íllena lloticue. Riire lletara uai daina izói lloñédicue. ⁷ Cúemona nana comini cue áinino cue illa izói itíaioina, ñuera. Mei íadi Juzíñamui illa dígamiaimo jiáifoide ocuilla ríino fecade. Dámie áinino dama illa ocuúde. Jiáimie áinino dama illa ocuínide.

⁸ Ja birui áinidinomo naa fecínguai diga úriticue. Damádimie dama cue illa izói itíaioina ñuera. ⁹ Mei íadi dámie ie abi jitáinafuena ócuíñenia afémie raire áirede. Daa come ie abi jitáinafuena anáfenoa fiénide, íemona raire áirena ñuena.

¹⁰ Mei íadi áiredino iníredino diga afémacina bie izói ocuúdicue. Iníredingó ie inina jaca dotánide. Bie ocuilla uai dama cúeieñedeza, cai Ocuíraima Cristo ie. ¹¹ Mei íadi iníredingó ie ini dotáadi afengo daingo írede; mei jiáifodo afengo afe daí íacañenia, afengo meine ie ínimo abido bírede. Daje izói áiredimie ie aina jaca fáicanocainide.

¹² Iemo jiáifue dibéfodo cai Ocuíraima úriñedeza, dama cue ñue fibíllafuemona úriticue. Daa Jesumo ínotimie mo nai íñoñede ai íadi, íemo afengo nai afémie diga íacana llezica, afémie afengo diga írede. Afémie afe ie aina dotánide. ¹³ Daje izói daa Jesumo ínotingó ie ini nai Jesumo íñoñede íadi afémie afengo diga íacana llezica afengo afémie diga írede. Afengo afe ie inina dotánide. ¹⁴ Mei jii, Jesumo íñoñede áiredimie Jesumo ínote aimo jaináillamona Juzíñamui ñue finócamiena jaide. Daje izói Jesumo íñoñede iníredingó ie Jesumo

ñnotimiemo jaináillamona, Juzíñamui ñue finócangona jaide. Afe izói inéniadi, omoi jitótiai ññoñedino úruiai izói itíaiói. Mei íadi afe izói jóoiñede. Afémaci Juzíñamui ñue finócaiaíoi.¹⁵ Mei íadi Jesumo ññoñedimie izire ie aina oni oréacania, dama daiítadeza; orérede. Daje izói Jesumo ññoñedingo izire ie ini fáicanocaiacania, dama daiítadeza; fáicanocairede. Aféfuena júfidoñeno iri, mei Juzíñamui “Nágarui uái omoi ífireiri,” caina dáideza. Bie izói ífciaíadi Jesumo ñnote ama naa ñnote miringo diga rairuínino afe ññoñedimiemo jaináitanide.¹⁶ Mei íadi Jesumo ñnote iníredingo cácarei. Nai ónoñegaza nibai odo o ini jilloite. Daje izói Jesumo ñnotimie cácarei. Nai ónoñegaza nibai odo o ai jilloite.

¹⁷ Iemona illa dígamie dama Juzíñamui íemo jóonia izói, afe izói nágaruillai írede. Iemo, fueñe Juzíñamuimo cai ñnua llezica aféruimo cai táijina izói, afe izói nai birui táijiredicai. Bie izói nana Jesumo gairídina ocuídícue.¹⁸ Dáamie Juzíñamuimo ñnua llezica ie bacano icoi quetátañenia, dama daiítadeza; quetátañeno iri. Daje izói jiáimie Jesumo ñnua llezica jaiái quetácaza dama daiítadeza; jiáífodo júfidoñeno iri.¹⁹ Dáamie ie bacano icoi quetaca nibai quetañega áfena náfuñeno iri. Mei jiáífodo Juzíñamui comeci jítainafue jeire cai olle iere ráifina.²⁰ Illa dígamie fueñe Juzíñamuimo ie ñnua llezica aféruimo ie illa izói, afe izói nai birui írede.²¹ Aféruimo jiáima jeruicamiena o ia, áfemo járitañeno iri. Mei íadi afe ímmamona oni o jáillino o báia, áfena maiñori.²² Mei jii, dáamie como fueñe Juzíñamuimo ie ñnua llezica, aféruído afémie jiáima ocuífíregamie. Ja ie ñnua mei Juzíñamui dibéfomo afémie bu ráiruñegamiena jaide, cai Ocuíraima táijinafue ie finóllena. Mei daje izói jiáimie como fueñe Juzíña-

muimo ie ñnua llezica, aféruído afémie bu ráiruñegamie. Ja ie ñnua mei Cristo izire ocuífíregamiena jaide.²³ Juzíñamui iere ráifidena íbácaomoiza. Iemona jiáima riire ocuífíregamiena omoi ineno iri.²⁴ Amataíai, omoi cácarei, ómoimona illa dígamie como fueñe Juzíñamuimo ie ñnua llezica, nanómona ie táijina izói, Juzíñamui eróicana áfemo táijífireiri.

²⁵ Mei birui nahí ánidino naa iníndingotiai diga afémaci ífue llóitícue. Afémaci cue lletalle uaina cai Ocuíraima cuemo lloñede, mei íadi cue fibíllamona cue onoiga uai llóitícue. Mei Juzíñamui cue cánuado cue lloga uaina ñnoredeza.²⁶ Mei birui iere jacírediruillaiza, cúemona bifue ñue cioide: daa come birui ie illa izói jiáífodo méidoñeno írede.²⁷ Mei birui ja áiredio, afe mei ánidimiena abina maméñeno iri. Mei daje izói, birui nai ánidioza, mai ringona oñeno iri.²⁸ Mei íadi o áirenia, afefue fiénidífueñedeza. Daje izói daa jitaingo inírenia, fiénidífueñedeza. Mei íadi biruillaído naga áiredimie naa iníredingotiai diga íaiói illafue ánidimaci baimo iere Juárezde. Afe bie Juárezdifuaímona ómoina rairuífacadicue.

²⁹ Amataíai, ómoina cue daiíacanafue bie izói jóide. Bíníemo Juzíñamuina cai íóbitallirui aréíñede. Ja benómona cai illífuena jiáífodo maméredicai. Birui áiredimie, ánidimie izói írede, raire jiáimaci jacíredífuemona cánuaillena.³⁰ Daje izói come tíllamo zúunaitino birui zúunaiñedino izói írediomoi. Daje izói caimare iráizaidino ja birui caimátaiñedino izói írediomoi. Daje izói nana ráaniai íbáritino ja birui íaiói íbaca raana “Cáieíñede” daiífírediomoi.³¹ Iemo bíníe ráaniai fecáfíredino, daje izói afe ráaniairi caimátaidino ja birui afe ráaniaimo figo jaritainidiomoi. Mei bie cai ciona énie naa ie ráaniairi ja fúioicaideza.

³²Omoi gágudifuiaimona oni ómoina óiacadicue. Dáamie nai áinina llezica, cai Ocuíraima ífuiaimo járitairede, cai Ocuíraima ióbitallena. ³³Mei jiáifodo áiredimie ie ai ióbitallena, bínie ráaniairi járitaifirede. Iemona afémie mena ocuídímie anamo ite izóidemona, ie finóacagafuiaina finónide. ³⁴Ringóniaimo jiái daje izóidífue ite. Nai inínidingo cai Ocuíraima ífuiaimo járitaite. Afengo joreño naa ie abi díga Juzíñamui íena iere íacade. Mei íadí iníredingo ie ini ióbitallena bie énie ráaniairi járitaide.

³⁵Ñue omoi illena bífuiái ómoimo llóiticue. Omoi áireiacanafuena rairuíacañedicue. Mei jiáifodo comini eróicana ñue jaícina omoi illífuena jitáidicue. Iemo jiái cai Ocuíraima Jesús ocuífue jizíñeno jeire omoi óllena, bífuiái ómoimo llóiticue.

³⁶Mei ómoimona daa come comécido daiía: “Cue jicánogango dibénedo ñue jaícina finóñedicue,” íemo afe llezica afengo are dinó jitáingoñeiteza, afémie comeci ñue faca izói, izire ie áireiacana izói áirede. Ie jicánogango ie olle fiénidífueñedeza, afe faillinoi áirena rairuínide. ³⁷Mei íadí jiáimie jiáifodo comeci facáadí, mei afe ñuera. Ie jicánogango ie aina ie óiacañenia daje izói afefue jiái ñuera; mei afémie ie jicánogango raire óñeillena ie comeci ñue daina izói, jica ia ñue mamédeza. Afe izóidífue íaifueñede. ³⁸Nana bíuailaimona bie izói onódicai. Jicánogango otímie ñúefue finode, íemo jicánogangona onédímie afe baimo ñúefue finode.

³⁹Iníredingo, ie ini nai caana llezica, ie inimo cuinaca izói jainaide. Mei íadí ja ie ini tiilla mei, afengo bumo jaináñede. Jesumo ínote afengo gáigamiemo iníreirede. ⁴⁰Mei íadí cue comeci faca izói, afengo meine nane iníreíñedenana baimo caimare iite. Bie

uai ómoimo cue llua llezica, Juzíñamui Ñuera Joreño cuemo ite izoide daidicue.

Jánarai íena mameca rílleniai ífue San Pablo llote

8 Ja birui omoi jicánoga jiáifue llóiticue. Jánarai ióbitallena fia fecaca rille ífue llóiticue. Iere uáfueza, bífuiaimo fibídicaiza. Mei íadí cai onóigafuemona cai abi fiéni íinuana aillo comúfate. Mei jiáifodo jiáimana cai izíruillafue nana comínina náirecaitate. ²“Baitádimiedicue”

daidímie Juzíñamui ie onótaacanaze nai onóñede. Nai abina onóñede. ³Mei dáamie Juzíñamui izírúia, afe íbana Juzíñamui ñue afémiemo éroite.

⁴Mei ja birui jánarai ióbitallena fia fecaca rille ífue llóiticue. Omoimona dáarie bie izói daidíai: “Afe rílleniai rííri” daidíai. Jiáimaci “Ríñeno iri” daidíai. Fueñe bífuiaimo omoi cácarei. Mei ñue onóigaza bie jánarai nahí ráañede, ráíñede fia raaza. Daje izói ñue onóigaza jiáie Juzíñamui jaca íñede. Juzíñamui jaca daade. ⁵Mei comini, monamo aillo ite juzíñamuillai daííadí, daje izói bíníemo jiái aillo juzíñamuillai ite íaii daííadí, íeñede. ⁶Mei íadí cáimona cai Moo Juzíñamui jaca daade. Afémie baimo jiái juzíñamui íñede. Uáfueza comini juzíñamuina mameca taino juzíñamuillai aillo ite. Daje izói íaii mameca Juzíñamui jabóidíllaini aillo ite. Mei íadí cai onoi ga daade Moo Juzíñamui naga ráaniai finódimie. Iemo bie cai afémie íena iticai. Iemo jiái cai Ocuídímie daade; afémie Jesucrístona. Afémiedo naga raa comútaga. Cai jiái daje izói afémiedo comútagacai.

⁷Mei íadí nana comini nai bífuiaina onóñediai. Dáamierie nai jánarina ióbitajana fibídíai. Afémacimona taino juzíñamuimo fecaca güíllena, “Bie güille cai juzíñamuillai ie” comeci anado daidíai. Daí íaii comécilla

mei áfena ritíai. Iemona afe taino juzínamuillai güllado íai. ífoci úrillana bácadiaí. mei íai. ínogafuena nai figo baitáñediaí. ⁸Mei uáfueza, fia cai gügado Juzínamui caimare caina uádoñede. Cai güia, nibai cai güñeniadi áfena Juzínamui lloñede. Cai güfadi, afémie íena caina caimare fñoñeite. Daje izói güñeíticai íadi, caina fieni fñoñeite. ⁹Iemona ja onódicaiza rairuñeno güredicai. Mei íadi áfemona abí omoi rairufoicari, mei dáarie íai. ínogafuena nai figo baitáñediaí. Jánaraimo fecaca rille o ríana íai. ífidíadi, afémacina fiénidifuemo baítatio. Afemona abí omoi rairuiri. ¹⁰Afe bie güille ráruíñegaza onódio. Iemona jánaraimo dúide güirácomo güizájidio. Afe llezica ínogafuena nai figo baitáñedimie o güllana cióadi, afémie dáite: “Cue jíai cue güizájiticue,” dáite. Mei íadi afémie dibénemo, taino juzínamuillana jacíruillano afémacimo fecaca güille güite. Daí ie íllamona dama ie comeci úrilla bácade. ¹¹Iemona o ñue onógafuedo, figo baitáñede o ama fiénidifue diné féiraitadio. Mei íadi Cristo jíai afémie jíllollena tíide. Jira o afémie féiraitalle fiénide. ¹²Afe jira, ínogafuena nai figo baitáñedimie fiénidifuemo afémie o ífóadi, áfedo Cristo fieni finódio. ¹³Ie jira rille cue ria ícoinia cue ama fiénidifuemo cue baítaiza, ja benómona jaca ríllena rñeíticue. Daí cue illa jamánomo ñuera, afémie fiénidifuemo cue báítañeillena.

Jesucristo orécamié buna ráruíñega

9Ñue onógaza, nana jíai Jesús jíainomo orécamiíai izói, rairuínidicue. Mei cai Ocuíraima Jesuna afémaci íena ciona izói, íena jíai ciódicue. Iemo jíai omoi dani Jesumo ínogano cai Ocuíraimamo

cue táijnamona comuide. ²Jíaimaci, “Bie Pablo Jesús oreñegamié” nibai cuena dáítiaí. Mei íadi afe izói cuena dáínidiomoi, ómoína cai Ocuíraimamo ja ínotadicueza. Iemona omoi dani Jesumo ínuamona, cuena bie uáfueza Jesús orécamié daítaite.

³Omoimona cue uáitativo uaina bie izói óitíicue. ⁴Juzínamuimo gairídino cuemo fecaca güille naa jirolle diga áfena cue llínolle bu cúemona rairuñede. ⁵Daje izói jítaidicueña jíai Jesús orécamié fínua izói, Jesumo ínotingona cue aina óredicue, cue diga jáicaillena. Iemo afengo jítaile güille daje izói ómoimona llínoredicue. ¿Ero ua? Ua, cai Ocuíraima Jesús ámatiai naa Pedro diga, ringo ua izói, cue jíai afe izói ringona óredicue. Iemona afengo ómoimona ecárede. ⁶¿Mei omoi nie izói comeci facádiomoi? ¿Níbai coco dáillinoi cue nabai Bernabé diga, nanómona coco ónoído táijnafuena fáicanocainidícoco, ñúfue coco llujállena? Mei íeñedeza. ⁷Mei daje izói ¿nie fuirraima dama ie güille diga jáirena? Jáinide. Jaca afénomo ecácaza. ¿Nie come jíricona ríadi áfemona afe llizállajina afémie riéñede? Jaca afe izóidimie íñede; jaca afémie aféjiaina riéfirede. ¿Mei nie ovéjaiai úínotimie ie úíñoga oveja monoi omida afémie jíróñede? Jaca afémie áfejí jírófirede. ⁸Fia come dáina izói bífuiai cue llua daí omoi comécíñeno iri, mei jaiiai Moisés cai ocuilla uai daje izói dáideza. ⁹Afe ocuilla uai cuiánicomo daide: Arroz izoide trigo, juráreto gájirillena záizia llezica, áfemona íai. í güllleza fue maíñeno iri. Ñue onógaza, bífuena Juzínamui dama juráreto jíicana dáíñedeza, ¹⁰mei jíáfodo biedo Juzínamui cai llote. Bie ocuilla uai cai ñue íllena cuega. Mei jíi, jacafai tíeraima afénomona llizide raana otá gürede. Daje izói trigo gájirillena

juráreto zaizítatimie áfemona otá güürede. Afemona afe íaillinoi güüllena caimare ocuírídiailinoi. ¹¹Iemo ritímie rífriga izoide Juzíñamui uaillai ómoimo fueñe lloticue. Ie mei birui ómoimo ite bínie ráaniai abido cue maiñolle figura. ¿Mei nibai ómoimona bie áillue izói cíoide? ¹²Mei jíáie llófueraíni ómoimona íaioi güüllena ófrédiaioiza, ie mei bie cai afémaci baimo fia ecáregacai.

Mei íadi bie daina izói cai güüllena ocuñédicai. Mei jíáifodo ómoimo ñúefue lluaíbiticue. Nana cue jitaiga ráaniai dama cue íbaca. Omoimona minícana fia oñédicue, cue lloga Cristo daina uaina omoi ruifruiza daii. ¹³Mei jíi, jíáifue ñue onódiomoiza, nana Juzíñamuimo gairíracomo táijifiredino afeco ie güülledo írediaioi. Bifue bie izói daiñacade; nana Juzíñamui íóbitallena fecaca rille jobáiranomo táijifiredino, afénomo fecaca ríllemona come jitáillaze otá rírediaioi. ¹⁴Mei birui cai Ocuíraíma daje izói ocuide. Nana jíllona uai llócaidino, íaioi llófuega comínimona güüllena otá güürediaioi. ¹⁵Mei íadi cue bie daina izói jaca finóñedicue. Daje izói bie cue cuezábedo ómoimona minícana fia jicáñedicue. Güille ómoimona cue jicáñenamona júbieri tñidicuenta, afe figo cuemo ráifñede. Raiñóñeno bie ñúefue cue llujíri iere íóbidicue. Afe bie cue íóbillafue cue tñilla baimo jamánomo ráifide.

¹⁶Jíllona uai cue llócaillado abina ínonidicue, mei afe llócaillena jónegacueza. Bifue llócañedicuentia ñii duere cue zefuilla! ¹⁷Ie jira, dama cue comeci jitailla izói bífuena cue llócaíadi, Juzíñamuimona jírdoredicue. Mei íadi afe izóiñedeza. Juzíñamui cue níziano bie ñúefue cue llócaillena cue jónete. Afena cue jaca jamairuínidicue. ¹⁸Iemona daíí cue llócailla jírdúa jíáifodo jóide. Nie afe cue jírdoga

daiñtana fia cue íóbillafue; mei raiñóñeno bie ñúefue cue llujíllari iere íóbidicueza. Nana cuemo dúide tájijnana íbatañedicue. Uai llóraíma izói cue tájijnamona, cuemo dúide ráaniai ómoimona raiñóñeno fia oñédicue. Aferi iere íóbidicue.

¹⁹Mei comínimona buna ráiruñeñegacue, mei íadi nana comini ocuñlimiena abí mamédicue, baimo aillo comínina Crísto cue jaináitallena. ²⁰Judíuai cígimo cue illa llezica, judío ímiena abido jáidicue, afémaci Crísto cue jaináitallena. Bie izói daina, Moisés ocuica uai anamo ítñona Crísto cue jaináitallena, afe Moisés lloga uai anamo abí jóneticue. Mei íadi uáfueña afe ocuica uaimo dúíñedicue.

²¹Iemo jíáinomo, afe Moisés ocuica uai anamo íñédinona Crísto cue jaináitallena, íaioi izóidimiena jáidicue. Mei íadi uáfueña Cristo uai anamo cue íllamona Juzíñamui uai anamo iticue. ²²Juzíñamuimo ínogafueña nai figo baitáñedino cígimo cue illa llezica, afémaci izói abí mamédicue, afémaci Crísto íaioi ínogafue cue móonaitallena. Bie izói daina, nana comínimona illa dígamie íaioi illa izói íacadicue, mei nibai jíáifodo íaiomona dáarie cue jíllotallena. ²³Nana bífuiaína finófrédicue cai jíllona uai jica jalléillena. Daje izói bífuiaí finódicue, ñuera cai jíllotate uai caimo onótaga núfuiaína cue maiñólleza.

²⁴Ja onódiomoiza, jíáimacimona aillo comini áizia, illa dígamie fia jírdoga raana oñede. Dáamie jírdote. Mai riire omoi aizi, jírdolle raa omoi jírdolleza. ²⁵Nana jífánuafuemo maméritino, jífánoiaca uíodo abina náñitade raana ífmaidiaioi. Afémaci iere abina ífmaidiaioi, raire zábifrede raa íaioi jírdollena. (Mei aféruillado íaioi jírdoga rábiai finoina ífo icuífoi are íñeno raire etúdeza.) Mei íadi jíáimaciri fuíríenaila izói, riire nícdotícaí, jaca

ninomo zábínide raa cai maiñóllena.
²⁶ Cue dibénemona uñidímie izói ebena aizíñedicue. Iere níciduano, come jana fatímie izói táinona fañédicue, mei íadi comini ñue ñinotallena riire nícidotícue.
²⁷ Mei jíáifodo abi fimailla izói cue abina duere finódicue. Daíí abi cue rairuúllamona dama cue abina ñue jíáimaci cue llócailla mei, ruifíruillano Juzíñamui jino cue dótañeillena.

Jánaraimo caimátáifiredino lleta uai

10 Cue ámatiai, bífuena ómoina fidítaacadícue. Nana cai jaiáidigima Juzíñamui jónega mona uilliena eroide raa anado jáioicaidiaioi. Daje izói nana afémaci Jáairede Monáillaina ruica jaitádiaioi. ² Daíí íaioi jáillamona afe mona uílliedo, daje izói monáillaido dájena Moiséoiri jaináitagaiaioi. ³ Daje izói nana afémaci Juzíñamui monámona cocítaga güille güífirediaioi. ⁴ Iemo nana afémaci afe Juzíñamui noñicimona totátaga jainoi jirófirediaioi. Mei íaioi jáioicailla llezica afe íaioi nabáioicaide jamánomo riirede noñici llócuca jiródiaioiza. Afe noñici daina Cristo. ⁵ Mei íadi afémaci nabézie Juzíñamuina ióbitañede. Iemona zaféredizicimo tícoizitiaioi.

⁶ Nana bífuiai cai onóillena daíí íficaide, afémaci gaiga fiénidifuiaina cai gáíñeillena. ⁷ Afémacimona dámierie jánaraimo caimátáilla izói omoi caimátáñeno iri. Juzíñamui Cuegáuai íaioi finócafuena bie izói daide: “Afe comini fia ráinaillano güífirediaioi, jirófirediaioi. Afe mei náidacaillano rafue finoda záífirediaioi.” (Daíí íaioi jánaraimo caimátáitiaioi.) ⁸ Afémacimona dáarie jiruúrena izói, mai cai íñeilli. Daíí íaioi jiruúrenamona afémacimona daje monado veintitrés mil dígamie titácaiaioi. ⁹ Afémacimona dáarie Juzíñamui afémacimo raire járitañenafuena ná-

fueñeno, fiene íena facátatiaioi. Afemona díga comini Juzíñamui oreca jaió ainica íaioi tíilla. Mei jira, afémaci Juzíñamui fiene facátaja izói mai íena cai fácatañeilli. ¹⁰ Daje izói Juzíñamuimo omoi ríriiñeno iri. Mei afémacimona dáarie Juzíñamuimo ríriillano úrioidino titade Juzíñamui abi ímie titácaiaioi.

¹¹ Nana bífuiai cai jaiáidigimamo íficaide, áfena cíoillano comini bífuiaimona ñue abi cai rairuúllena. Afe mei, cai onóillena Juzíñamui afe bífuiai ie Cuegánicomo cuetátate, afe izóidifuiamona cai bigímaiai ñue abi cai rairuúllena. Mei ja birui írairuúllaimo itícaiza. ¹² Mei áfemona, “Ñue ínotícue” daidímie daítadifuemona ñue abí rairuiri, afémaci izói cai báíñellena. ¹³ Omoimo comuide facátaina duere zefuúllafuiai, daje izói nana jíáimacimo comuide, dani ómoiñedeza. Mei íadi Juzíñamui jaca ínofiregamie. Mei onódicaiza, Juzíñamui caimo ite márie baimo, riirede facátafuedo caina fácatañeite. Mei jíáifodo facátafue comuilla llezica Juzíñamui áfemona omoi jíllonilla ómoina onótaite. Afemona afe facátafuena ja ñue ocuúrediomoi.

¹⁴ Ie jira, cue izíruiga ámatiai, jánaraimo caimátáillamona oni omoi jirecairi. ¹⁵ Ráfuena baitádinomo úrilla izói ómoimo úritícue, íemo ómoina cue daííllifuemmo dani ñue comeci omoi facari. ¹⁶ ¡Cácarei! Cai Ocuúraima tíllamo cai úbicaillena, ñue finoca comunióon illácurimona cai jiróadi, Cristo díena dájena caimare mamécacai. Daje izói afe illa dígamie fecaca comunióomo jainaide pan, cai güiadi, Cristo abina dájena caimare mamécacai. ¹⁷ Aillomaci cai íadi, daje pan cai güíllamona daade come abina iticai.

¹⁸ Mai Israel nairai finoca ráfuiaimo comeci omoi facari. Juzíñamuimo fecaca rílleniai ritino, afe fecaca

ríllemo dájena mamécaiaioi. ¹⁹ Bie cue dánamona jánarai ua raaza dáiiacañedicue. Daje izói, afe jánaraimo caimátaillena fecaca rille, jiáie rille baimo ráifideza dáiiacañedicue. ²⁰ Cue daina bie izoide: Juzíñamuina onóñedino fia iga raa afe jánaraimo íaioi feca llezica, afémaci Juzíñamuimo fecáñediaioi; mei fiénide jóriaimo fecádiaioiza. Afe fiénide joríaí anamo dájena caimare omoi itábicaíri, daiñedicue. (Daiítademona ómoina rairuíacadíe.) ²¹ Fiénide joríaí ichécoimona omoi jírúa llezica cai Ocuíraima ichécoimona jirónidiomoi. Daje izói fiénide jóriaimo mameca rílleníai omoi ria llezica, cai Ocuíraima mameca comunióna güinidiomoi. ²² ¿Meita cai Ocuíraimana ríicaitaacadiomoi? Jaca daí íacañedícaí. ¿Meita cai Ocuíraima baimo ríirediomoi, afémie duere omoi fíñoñellena? Jaca daí ríinidícaí.

**Crístromona comuide
conímana cai izíruillafue cai
rairuíninafue baimo ñuera**

²³ Uáfueña daina. Dámie ie comeci jítaina izói fínuana rairuíníde. Mei íadi afe izói illa cómena canóñede. Mei uafue, dámie ie comeci jítaina izói írede, mei íadi afe ie comécina mánaitallena ñue canóñede. ²⁴ Dani omoi ñue illifue jenóñeno, jiáimaci ñue illifue jenórediomoi.

²⁵ Fecáriracomona nana fecaca güílleníai jiáífodo o ifoci úrillado jicánoñeno uái daí omoi güíri. ²⁶ Mei nana bíníe Juzíñamuimo dúideza naa áfemo ite rílleníari.

²⁷ Mei jiáíruido Juzíñamuimo fíñoñedímie ona: “Güizaíbi” daííadi, jaillano jiáífodo ifoci úrillado jicánoñeno nana o ie écajana uái daí güíri. ²⁸ Mei íadi dáamie: “Bie lícíai jae jánaraimo fecácaza,” ona daííadi,

áfena riñeno iri; daíí daidímie comeci fiéni o fíñoiza. Daje izói afémie ifoci úrilla o úaitañelleza. ²⁹ O ifoci úrillana lloñédícueza, afémie ifoci úrilla o záñoñeillena, daíí daidíe.

Mei nibai dáamie jicánoite: “¿Nibái mei jiáie come ifoci úrillado rairuícacue? ³⁰ Nana cue güígari Juzíñamuina: Figora cue daífa, nibái mei jiáima cue güíllari fiéni úrite,” daíí afémie dáíte. ³¹ Iemona bizóidífue ñuera: Omoi güilla llezica, omoi jírúa llezica, nana omoi jetáacaigafue jeta llezica, mai nana afe omoi finóacaigafuíaina Juzíñamui íóbillena finori. Afe daíí aillo ñúefue íemo nítaitiomoi. ³² Ninó jiáimana oni nibéfodo fiénidífue o illáfuedo baiítañeno iri. Ua, judíuaina baiítañeno iri, daje izói judíñoñedinona baiítañeno iri. Iemo Juzíñamuimo fínotinona baiítañeno iri. ³³ Cue dibénemona, nana comínina nana cue finócafuíaido íóbitaacadíe. Dama cue ñue illifue jenóñedicue, mei jiáífodo nana jiáimaci ñue illifue jenódíe, ñue íaioi jíllóillena.

11 Cristo cíótaga ñúefuedo cue jailla izói, ómoimo cue cíótaga ñue illáfuedo omoi jairi.

**Juzíñamuimo cai caimátaífírena
llezica, ringóníai jaca
jiáimacina lletánidiaioi**

² Cue ámatíai, ómoimo ñúefue nítaitíe mei cuemo uibíoífredíomoi. Daje izói omoi cue llófuiana jeire uano áfede jáífredíomoi. ³ Mei íadi ja birui jiáífueña omoi onótaacadíe. Bífue bie izoide. Cristo nana ííñíai ifoci izói Ocuídímie. Iemo nana ringo ie ini ocuica; afémie afengo ífódimie. Afe izói Juzíñamui Cristo ífode. ⁴ Iemona dáamie Juzíñamuimo úrilla llezica, ie ifoci íbaía, afe ie ífócina meaire fínoide, mei ifoci íbaílla jiáie come ocuilla anamo íllana llóteza. Daje izói Juzíñamuimona onoi ga uai afémie llua llez-

ica, ifoci ibaiilla ie ifócina meaire finode. ⁵Mei jiáifodo, daa ringo Juziñamuimo úrilla llezica, íemo Juziñamuimona onoiga uai llua llezica, afengo ie ifoci ibáiñenia, afe afengo ifócina meaire finode. Afe ibáiñena afengo ifo itirai nana cuidoca izoide. ⁶Daa ringo ifoci ibaiacañeniadi mei dáaruido nácina cuidórede. Mei nácina cúidocana, ifoci ibáiñena daje izói meáirede. Mei íadi ringo ie ifoci naado cúiduana meáiruiadi, afengo ifoci ibáirede. ⁷Íñiaí íaioi ifócina ibáinidiaioi, mei iima Juziñamui jánana eróideza. Daje izói iima Juziñamui ñue ocuilla rínona jino cíotatimieza. Mei íadi ringo iima ñue ocuilla rínona jino cíotaite. Uáfueza, Juziñamui íñiaí anamo íñena izói, afe izói íñiaí ringóniaí anamo íñede. ⁸Mei iima Juziñamui fñua llezica, ringómoma finóñedeza. Mei jiáifodo ringo ímamona finócaza. ⁹Íma jitailla jira ringo finoca; mei íadi ringo jitailla jira iima finóñega. ¹⁰Afe jira ringóniaí ifócina ibáirede, afengo ie ini ñue ocuícana anamo illa daiñllena. Daií írediaioi mei Juziñamui abi imaci eróicana itíaiioiza. ¹¹Mei íadi Crístoma cai jainaina dino iima ringónino ínide. Daje izói ringo ímanino ínide. ¹²Mei uáfueza ringo ímamona finoca, daje izói uáfueza naga íñiaí ringo jéiciga. Iemo nana Juziñamui comuítacacai.

¹³Bíemona ¿nie izói comécidiomoi? conímamo omoi daini. Ringo ifoci ibáiñeno Juziñamuimo úriadi, meita figora, nibai figóñede. Mai daini. ¹⁴Nanómoma omoi izóidino griego imaci onóigaza: íma ifótiirena baiñede; meaire cíoiideza. ¹⁵Daje izói afe abina cai onónafue jiáifuena dáanomoma cai llote. Ringo ifótiirena ñue baite, mei áfedo aféngomo ñúefue nitaitaioi. Jaca afe ringo ifoci ibáillena, ie ifótií áretiina comuítaga. ¹⁶Mei dáamie bizóidifue jufidoacaniadi, bie cue llógamo mai

cacai, mei Cristo orécamaci cue diga jiáifoidifuena náfuñedicai. Daje izói Juziñamuimo ínotino bifue baímo jiáifo maméñediaioi.

Cai Ocuíraimamo cai uibíñoga güilla rafue jiáimaci bácaca

¹⁷Bie izói cue dánado ómoimo ñúefuena nítañeiticue, mei omoi gairíllafuiaimo ñue íñeno, conímama fieni finódiomoi. ¹⁸Fueñe bifue llóiticue. Dámierie omoi illáfuena cue fíditataioi. Juziñamui cáimacaillena omoi gairilla llezica, jiáimama énenoruidiomoi, daidíaioi. Afémaci cuemo llógana jabo ínoticue. ¹⁹Afe eneno bozíetaillafue comuífiredeza, nibézie Crístoma nahí ínotinona, nibézie íñoñedinona jino uáfodo daiñllena. ²⁰Conímama omoi énenoruillamona, bie izói zúide. Gairíllano omoi güillafue omoi bácacaza, ja birui áfena cai Ocuíraima íeñede. ²¹Mei güizájillamo dúcina llezica, illa dígamie dama ie atica güille güizájillena járitafiredede. Iemo dáarie jufíruilla llezica, jiáimaci jífáizaíbitaioi. ²²¿Meita birui omoi jofónidiomoi, afénomo güitá omoi jiróllena? Bie izói omoi íllado Juziñamuimo nahí ínotinona jámairuitiomoi. Afe dáaruido güllenidinona meáiruitadiomoi. ¿Mei nie izói ómoina dáiiiticue? ¿Mei ómoimo ñúefuena nitáredicue? ¿Aferi ómoimo ñúefuena nitánidicue!

Cai Ocuíraima firaicaíño güillamo cai uíbicaillafue

(Mt 26.26-29; Mr 14.22-25; Lc 22.14-20)

²³Uáfueza, cai Ocuíraimamo cai uibíñoga güillafue fieni omoi fñuamona, ómoimo ñúefue nitánidicue. Mei nauí ómoina cue daína izói, bie omoi cue llófuiafuena dama cai Ocuíraima llotátacacueza. Afefue be ñie: Cai Ocuíraima Jesús afe ie Judas fécaja naio, pan llínote. ²⁴Llínuano

Juziñamuina: “Iere figura” daide. Daina méifodo fécano daide: “Mai omoi güi. Bie cue abi; omoi ñue íllena ditaca izói ómoimo cue fecácaza. Bífuedo cuemo omoi úbicaifireiri,” daide. ²⁵Daje izói íaiói güilla méifomo, jiróracuri llínota daide: “Afe bie jiróracuri eromo ite íji, ómoimo cue comuítalle cómofuena ómoina onótate. Afe bie Juziñamuimo dájena omoi jaináitalle cómofuena cue die uáfueña ífcaitate. Diga ícaño bie íjmona omoi jiróadi áfejido cuemo omoi úbicaifireiri,” daide. ²⁶Nana bífuiaí jira, Jesucristo nai meine ana bíñena llezica, nágaruillai bie pan omoi güíadi, íemo bie jiróracuri ero íji omoi jiróadi, áfedo Jesús cai ícoina tíllana jino uáfodo llóitiomoi.

**Afe bie cai Ocuíraimamo
cai úbicaillafue jaca ñue
coméciillamona finórede**

²⁷Mei jira, nie come bie paana Juziñamuimo núefuena nitáñeno güíadi, daje izói afe jirócaji afémie fiene jiróadi, afémie cai Ocuíraima abi naa ie die diga fiene finode. ²⁸Ie jira, illa dígamie nai afe pan güíñena llezica ie ífoci úrillana ñue onórede; daje izói áfeji ie jiróacana llezica áfena onórede. ²⁹Mei onóigaza afe pan Cristo abina caina onótate. Dámie aféfuena ñue náfueñeno ebena güíadi, afe daí ie güíllamona dama Juziñamui íena duere fínoite. Daje izói dama Juziñamui ie duere finóllíji jírúa izoide. ³⁰Daí omoi íllamona ómoimona aillo irárediaíoi. Jiáie comini náinidiaíoi. Iemo daje izói dáarie tídiaíoi. ³¹Mei jiáífodo dani cai ífoci úrillana ñue cai náfueña Juziñamui caimo riire jícanoñeite. ³²Mei íadi cai Ocuíraima riire caimo jícanoíadi, afe jícanuado afémie izire caina lletade bíniemo ite Juziñamuimo íñoñedino diga cai duere fínoibíñeillena.

³³Mei cue ámatiai, bie izóideza: Comunióñ güitállena omoi gairíadi, dámie raíre güíñeno dájena omoi güitálleza conima omoi úíñori. ³⁴Dámie ie juffruiaí dama ie jofomo güízájirede, fiene omoi gairíllado Juziñamui duere omoi fínoiza daí. Ico omoi cue eróizaille llezica, omoi jíca ca jíáífuiaí jífcina jóneiticue.

**Juziñamui Ñuera Joreño illa
dígamie Juziñamuimo cai
táijinana fibíllena caimo fecade**

12 Amatai, Juziñamui Ñuera Joreño illa dígamiemo fecaca Juziñamuimo táijinana fibíllena ómoina fídítaacadíue.

²Ñue onódiomoiza, nai Juziñamuina omoi onóñena llezica, úrinide jánarai anamo íllena cuinada zonóicaigamoi. ³Iemona: “Bífuena omoi onoiri,” daidíue. Jesuna faidódimie jaca Juziñamui Ñuera Joréñodo úrinide. Daje izói Juziñamui Ñuera Joréñodo úriñedimie jaca uáfueña, “Cue Ocuíraima Jesús” daíñide.

⁴Illa dígamiemo afe fecaca jíáíforie Juziñamuimo táijinana fibíllena ite. Mei íadi aféfuiaí daade Juziñamui Ñuera Joreño fecácaza. ⁵Illa dígamie jíáíforie conímana canóredicaí, Juziñamui ocuícamacina cai íllena. Mei íadi daade cai Ocuíraima anamo iticaí, ie cai íóbitallena. ⁶Illa dígamiemo cai illafue ñue jífcina jóíllena, Juziñamui diga jíáíforie caina ocuíoide. Mei íadi daade Juziñamui nana comínina ocuíoide. ⁷Juziñamui Ñuera Joreño caido jíacanana cai ónoíllena facáfirena raana illa dígamiemo Juziñamui fecade, nana jíáímaci cai canóllena. ⁸Ie jira Juziñamui Ñuera Joreño dáamie iere baitádimiema jííllena íena fibítate, jíáímaci llófuellena. Iemo jíáímiena daje Ñuera Joreño nímaíraima úrífirena izói úrillena íena fibítate. ⁹Iemo jíáímaci

afe daade Ñuera Joreño do jamánomo Juzíñamuimo ínotagaiaioi, áfedo jiáie Juzíñamuimo ínotino ñue canóllena. Ie mei jiáimaci iráredino jíllo taraimana fibítagaiaioi. ¹⁰Iemo dáarie uaido dáinamona comuide raa fínuana fibítagaiaioi. Iemo jiáinona Juzíñamui daina uai uáfodo jino llóllena fibítagaiaioi. Iemo jiáimacina nie ua Ñuera Joreño do úrillana daje izói nie taino joríaido úrillana onóllena Juzíñamui fibítate. Iemo jiáimacina nai llófueñega jiáiforiede uáillaido úrillana onóllena fibítagaiaioi. Iemo nai jiáimaci afe daina uailai ñue jino dobáinuana onóllena fibítagaiaioi. ¹¹Mei íadi nana bífuiai daade Juzíñamui Ñuera Joreño fecaca. Ua dama ie óiacana izói, illa dígamie jiaiforiede fibíllafuina fecade.

Nana cai bie dáamie abimo dúidicai

¹²Bífuiai nana bie izói jóide, mei Cristo íemo ínotino díga, daade abí izóideza. Afe daade abimo jaináidinuiaina aillo ite. Mei aillo ite íadi, nai afe abí daade. ¹³Afe izói aillo jiáifoidinona cai lllamona, nibai judíodicai, nibai griégodicai afe jaca mámeñega. Mei daade Ñuera Joreño do nana cai daade abina jaináitagacaiza. Daje izói nibai rairuicanodicai, nibai ráiruñeganodicai daje abina iticai. Ua daade Juzíñamui Ñuera Joreño daade abina finóccai. Afe daade Juzíñamui Ñuera Joreño úicaitagacai.

¹⁴Cai abí daje izóinède, mei díga ráaniai daade abimo jainánaza. ¹⁵Mei jii, come eiba: “Cue bie ónoñedicueza daje abí inédicue,” daííadi, daíí dáinado daje abimo ie jainánana uáitanide. ¹⁶Daje izói come jefo: “Cue bie újjiñedicueza daje abí inédicue” daííadi, daíí dáinado daje abimo ie jainánana uáitanide. ¹⁷Mei cai abí nabáinino daa újji íadi ¿nie izói cácaiticai? Daje izói cai abí nabáinino daa jefo íadi ¿nie izói

jálliana cácaiticai? ¹⁸Mei íadi nana cai abimo jaináidinuiaina, afe abimo ñue baitínuiamo, Juzíñamui ie comeci jítaina izói jóonete. ¹⁹Nana cai abí dáadeniadi afe nabáñiai illino inède. Ua abí inède. ²⁰Mei íadi ja onódiomoiza, dáamiemo jaináidinuiaina aillo ite, íadi jaca ie abí daade.

²¹Daje izói nane jiáifue, cai ui ónoina: “Ona jitañedicue” daíñide. Daje izói ifoci efbana: “Ona jitañedicue” daíñide. ²²Mei jiáifodo cai abimo ite mairínedino iere jamánomo jitaírede. ²³Daje izói cai abimo ite figo coméciñegano áfena iere ñue uíñoticaí. Iemo cai abimo jino uáfodo cíotanidinona, áfena iníroido ebire finode. ²⁴Mei íadi cai abímona uáfori cíoidino cíotanidino izói ebire finónidiaioi. Bie izói Juzíñamui cai abimo itínuiaina dájemo jofo ñue zorode, cai figo coméciñeganomo ñuefuena jamánomo cai nitállena. ²⁵Juzíñamui daíí zorode, cai abímo itínuiái conímmana énenorúñeillena. Mei íadi jiáifodo illa dígano conímamo comeci úrede. ²⁶Come abímo itínuiaimona daano izi cácana llezica, nana jiáinuiái daje izói duere zéfuitaioi. Daje izói dáanomo ñuefue nítano caimare íadi, nana jiáinuiái dájena caimare itíai.

²⁷Mei jira bie izói nana omoi Cristo abídiomoi. Omoi mona illa dígamiái daa ie abímo itínuiái izóidiomoi. ²⁸Afe jira Juzíñamui jiáifodo tájijnana dáarie íemo ínotinomo jóonete. Nano fueñe Cristo orécamaci jóonete. (Afémaci jiáifo mameina ie apóstoles.) Afe mei jiáinona Juzíñamuimona ogáfuiai uáfodo jino llotino jóonete. Afe mei nane jiáinona ie uai llófueraini jóonete. Iemo uaido dáinamona raana comúitatino jóonete. Iemo iráredino jíllo taitino jóonete. Iemo jiáimacina canóñiredino jóonete.

Iemo jiáimacina ocuífíreitino jónete. Iemo nai llófueñega jiáizie uáillaido úritino jónete. ²⁹¿Meita cai nana Cristo orécanodicai? Ieñedicai. ¿Meita nana cai bie Juzíñamuimona ogáfuiái uáfodo jino llotínodicai? Ieñede. ¿Meita nana cai ie uaina llófuétinodicai? Ieñede. ¿Meita nana cai bie uaido raana finódinodicai? Ieñede. ³⁰¿Meita cai bie iráredínona jíllotaredicai? Jíllotanidicai. ¿Meita cai bie nana nai llófueñega jiáizie uáillaido úritinodicai? Ieñedicai. ¿Meita cai bie nana aféuai dobáñuano jino uáfodo llóredicai? Jaca nana llónidicai. Dámierie dobáñorediaoi. ³¹Mei ie jira, nana bie fibíllafuiaimona baimo ñuera fibíllafuiaina Juzíñamuimona omoi óllena afe omoi nícidori. Mei íadi afe fibíllafuiái baimo, jiáie ñúefuena ómoimo llófueiticue.

Jiáimana cai izíruillafue

13 Mei uáfueza, nai llófueñega jiáizie uáillaido úrillana cue fibíadi, íemo afe baimo Juzíñamui abí imaci úrilla izói úrillana daje izói fibídícue ia, mei íadi jiáimana cue izíruiñeniadi, fia taino ficírede juai izóidícue. Iemo jiáie taia ficírede lloéturu izóidícue. ²Daje izói Juzíñamuimona ogáfuiái jino llúana cue fibíadi, íemo nana nai uáfodo onóñegafuiái llúana cue fibíadi, íemo jamánomo nimáiraimana cue jáiadi, íemo idu jáinua Juzíñamuimo ínogafue cuemo íadi, mei íadi jiáimana cue izíruiñenia, táinomo fáifítícue. ³Daje izói, nana cuemo ite ráaniai jiáimaci canóllena fia cue fecáadi, íemo Juzíñamui ióbitallena dama cue abí cue jobáitaiadi, mei íadi afe llezica jiáimana cue izíruiñenia, nana cue finócafuiái cuemo ráifíñede.

⁴Mei jiáífodo, jiáimana izírúitímie jaca járitaiñede. Afémie dúecaífirede.

Daje izói úradoifínide, íemo afémie uí-cofíñede, íemo fiéni abí íinoñede. ⁵Daje afe jiáimana izírúitímie meáiredi-fuena jaca lloñede, íemo afémie ie abina jacire maméñede, íemo afémie jaca rí-caífinide. Jiáima fiénidífue íemo finóadi, fiéni comécíñeno raire féítate. ⁶Afe jiáimana izírúitímie jiáimaci fiénidífuiái fñuari zúureite, mei jiáífodo ua ñúe-fueri ióbífirede. ⁷Nana íemo comúdi-fuiári caimare ocuide. Raire járitaiñeno aféfuaiamo ñue úiñooidé. Juzíñamuimo izire fñuano aféfuaiári jacínaiñeno ñue ocúride.

⁸Izíruillafue zíñona jaca záíñeite. Mei íadi Juzíñamuimona uícodo onoi ga rá-fuiái záite. Daje izói jiáimaci uáil-laido úrilla llícaite; íemo daje izói ífócido onóigafuiái záite. ⁹Mei birúil-laido cai ífócido onóigafuiái ñue ícoimo baitáñedicaiza, jabo onódicai. Daje izói Juzíñamui uícodo onoi ga ráfuaiimona due jino llotícaí, mei due onódicaiza. ¹⁰Mei íadi uire Juzíñamui nana ráfuaiái caimo baitálliruímo afe ícoimo ñue báitáñegafuiái fáicanocaille.

¹¹Nai cue úruena llezica úruiaimo itífuiáido úritícue. Urue comeci fácaja izói, comeci facádícue, íemo úrue ífoci úrilla izói itícue. Mei íadi ja cue móon-ailla llezica, úrue illa izói cue il-láfuiaina fáicanocaidícue. ¹²Daje izói biruí Juzíñamui díbénemo cai onóiga-fuiái jaicuíbicaide. Dámie jáiáira acáran-imo figo cóiñena izói afe izói Juzíña-mui ífuiaina biruí figo baitáñedicai. Mei íadi íco jiáíruido nana ñue báitaiticai. Biruí cue ífoci úrilla figo déíñedeza, jabo onódícue, mei íadi aféruido nana ñue ónoítícue. Jíí, Juzíñamui cuena onona izoi ñue jaícina ónoítícue. ¹³Mei daí Juzíñamuimo ínogafue, íemo jiái ocuírí-nafue, íemo jiái izíruillafue jaca zíñona féíñeite. Bie daámanidemona izíruilla-fue iere jamánomoide.

14 Mei ie jira, afe izíruillafue iere jeire omoi oiri. Afe ua llezica Juzíñamui Ñuera Joreño fecaca jiáiforie táijjinana fibíllena izire omoi jenori. Omoi jenolle llezica, Juzíñamuimona onoiga uai jino llua baimo izire jicari. ²Mei íadi dámie nai llófueñega jiáizie uaido úriadi, dama Juzíñamuimo úrite. Comínimo úriñede; mei afémie úrillana buna canóñenaza. Afe óñoñega uaido úritimie Ñuera Joreñodo úrite, mei íadi afémie daina uai uáfodo onóñena báinino jóoide. ³Mei jiáfodo afe Juzíñamuimona onoiga uai llotímie, comínimo úrite íaioi joreño dibéfue mo íaioi ñue móonaitallena; daje izói ñue íaioi náireillena, íemo jiái íaioi caimare fírrallena. ⁴Afe jiáizie uaido úritimie dama ie joreño dibéfue mo móonaite; mei íadi afe Juzíñamuimona onoiga uai llotímie, Juzíñamuimo jaináidinona ñue móonaitaite.

⁵Afe nai llófueñega jiáizie uaido úrillana nana ómoiena jitáidicue. Mei íadi Juzíñamuimona onoiga uai jino omoi llóllena iere baimo jitáidicue, mei afe onoiga uai jino llua, jiáizie uaido úrilla baimo ráifide, Jesucrístomo ínotino aillo móonaitallena. Mei íadi afe jiáifoide uaido úritimie úrilla dobáño-raima íadi, afefue ñuera; mei áfedo nana Juzíñamuimo jaináidinona dani íaioi joreño dibéfue mo daje izói ñue móonaitaioiza. ⁶Ie jira ámatiai cácarei. Uire omoi cue uáiduaibia omoi cígiri Ñuera Joreño úritate jiáizie uaido cue úriadi, cue úrilla ómoimo due jiza ráifíñede. Mei jiáfodo Juzíñamui caimo onótaga-fuiaido cue úriadi afefue ómoimo ráifide. Daje izói omoi ífoci ua uaina cue déitaiadi afefue ráifide. Iemo daje izói Juzíñamuimona onoiga uai ómoimo jino cue lloia afefue jiái ráifide. Daje izói omoi cue llófuia ráifide.

⁷Mai nana omoi rúado taiga raamo ñue coméciiri, áfemona ñue onóillena.

Afe raa jaca comécinideza. Be totíbacui, íemo arpa, íemo juai díga caimare ficire úrite, mei íadi jiáima fieni taia, áfena cacáidino afe úrilla uaina óñoñeitiaioi. ⁸Daje izói comini jobáiriacana llezica, uáidua juai táíñeniadi comini figo áfemo mámeriñeitiaioi. ⁹Afe izói ómoimo íficaide: dáamie jiáifoide ónonide uaido omoi llófueia ie dáinana bu onóñena. Afémie táinomo úrite. ¹⁰Uáfodo onóigaza; bie éniemo díga jiáie nairai uaillai ite. Afe uáillaina onódinomo nana aféuaillai ñue baite. ¹¹Mei íadi cuemo úritimie uaina cue óñoñenia, afémiemona jicánemiedicue. Daje izói afémie cúemona jicánemie. ¹²Ie jira, afe Ñuera Joreñomona fecaca táijjinana fibíllena omoi iere gaina llezica, mai Juzíñamuimo jaináidinona ñue móonaitallifuiaina iere izire omoi jicari.

¹³Afe jira nai llófueñega jiáizie uaido úritimie afe ie daina uaina ñue jino llúana fibíllena Juzíñamuimo jicárede.

¹⁴Mei jiáizie uaido Juzíñamuimo cue úriadi, ua cue joreñodo úriticue, mei íadi cue ífoci úrilla, táijjñeno oni eneno ite izoide. ¹⁵Mei íemona ¿ñifue fñoiticue? Cue joreñodo naa cue ífoci úrillado Juzíñamuimo úriredicue. Daje izói cue joreñodo naa cue ífoci úrillado afémiemo róredicue. ¹⁶Mei jii, dama o joreñodo Juzíñamuimo o úriadi o áñori ite, áfemo fibítañega cacáreidimie, Juzíñamuina figura o daiífrenafue dibénemo ínide. Mei o dáinana onóñedeza. ¹⁷Mei nibai Juzíñamuina figura o daiífrena Juzíñamuimo ñue cacaide, íadi jiáimana dama ie joreño dibébedo ñue móonaitañede. ¹⁸Nana omoi baimo jiáizie uaido úriredicue. Aferi iere Juzíñamuina figura daidicue. ¹⁹Mei íadi Juzíñamuimo jaináidino gairífrena llezica, óñoñega jiáfodo jóide uaillai baimo, jubeba díga ñue onoiga uai cue dáinana gáidicue, jiáimaci cue llófuellena. Mei íadi diez

mil féirede jiáizie uai afémaci cígimo cue úrillana gáñedicue.

²⁰ Amatiái, úruiai comeci faca izói, afe izói comeci omoi facáñeno iri. Mei jiáifodo éicomini izói comeci omoi facari. Mei íadi fiénidifue dibénemo jézainidino izói omoi iri. ²¹ Jaiái cai ocuilla uai cuegánicomo Juzíñamui femo cacáañede Israel náiraina bie izói daide:

—Bie náiraina jiáie uáillaido úritinodo duere fñoiticue; onínemacido íaioi llétaiticue.

Mei íadi afe bie uaido nai cuena náfueñeitiaioi.

Daíí cai Ocuíraima daide, —aqué izói ie uai llote.

²² Mei daíí afe jiáizie uaido úrillana fibillafue Juzíñamuimo fñoñedinomo dúide, jiáie onótate raa izói íaioina onótallena. fñotinomo dúíñede. Mei íadi Juzíñamuimona onoi ga uai jino llúana fibillena Juzíñamuimo fñotinomo dúide, jiáie onótate raa izói íaioina onótallena. ²³ Mei jira nana Juzíñamuimo jaináidino dánomo gairilla llezica, femo nana omoi jiáizie uaido omoi úriadi ie mei áfemo fñbitañega fñoñedinomo omoi cígimo bíadi, nibai “Uáiritaidino izóidiomoi,” dáititiaoí. ²⁴ Mei jiáifodo Juzíñamuimona onoi ga uai jino omoi llua llezica, femo fñbitañega fñoñedimie omoi cígimo bíadi, ie comécimo ite fiénidifueña uáfodo ónoite. Nana omoi dánana cacáillano afémie dama ie comécina méñotaite. ²⁵ Afe daíí dama ie comeci onóigafuiai jino cfocaillamona, cañícido ana dújullano Juzíñamuina cáimadoite. Iemona: “Uáfueña, Juzíñamui omoi cígiri íteza” dáíite.

Omoi gairilla llezica nana omo llollfuiái jaicuñeno jaícina lloiri

²⁶ Mei jira, ámatiai, omoi gairíllifuiái bie izói írede: Omoi gairilla llezica

ómoimona dáarie Juzíñamuimo rollfrua jino llóiacade. Iemo jiáimie llófueacade, femo jiáimie Juzíñamui éna onóttagafue jino llóiacade, femo jiáimie jiáifoide uaido úriacade, femo jiáimie afe jiáizie uaido úrilla jino dobáiñoiacade. Nana bífuiai ñuera. Mai bífuiai daíí íteza, Juzíñamuimo jaináidino ñue móonaillena, daje izói femo nai fñoñedinomo fñotallena.

²⁷ Jiáizie uaido omoi úriadi mena come dáaruido úrinide. Jiáimie úrilla llícailla méifomo úriri. Daámani come daíí úrerede. Naga come jiáifoide uaido úrilla füllamo ie lloga uai dobáiñorede.

²⁸ Mei íadi uai dobáiñoitímie íñeniadi, mai nie izói jiáifoide uaido daííñeno iri. Dámie úriacania dama ie comécido Juzíñamuimo úriri. ²⁹ Daje izói afe Juzíñamuimona onoi ga uai llotínomona damieámani úrerede, íadi daje llezica úrinidiaioi. Llotímie fuilla méifomo femo cacáreidino fairíorediaioi, ie dánana ja Ñuera Joréñomona comuide, nibai íeñede daííllena.

³⁰ Mei íadi dámie uai jino llua llezica, Juzíñamui jiáie ana ráiidimie omoi jiáífue éna onótaiadi afémie raire fueñe úritarede. Nano fueñe úritímie ie úrillana fáicanocairede. ³¹ Afe daíí nana omoi Juzíñamuimona onoi ga uai llotino llórediaioi. Uafue dámierie jino llórediaioi, áfedo nana omoi onóicaillena; daje izói áfedo nana omoi comeci náirecaillena. ³² Nana afe Juzíñamuimona onoi ga uai llotino dani íaioi joréñona rairuédiaioi, nai jiáimie úrilla fuiñena dino. ³³ Mei Juzíñamui caimare uái illifue comuítatímie; femo, úrillana féitate gáguana afémie comuítañede.

Nana jiáinomo ite Juzíñamuimo jainaide gairíidino fñua izói birui ómoína fñótaiticue. ³⁴ Juzíñamui íóbillena omoi gairilla llezica, cígimo ite ringóniai úrilla rairuédrede, híñiaina ie llófuellena.

Juziñamui ocuilla uai daina izói, aféngotiai iima anamo caimare írediaioi. ³⁵Aféngotiai daa rafue onóacania, jino jofomo íaioi inimo jicánorede. Daa ringo comini gairilla cígiri úria meaire cioide.

³⁶Mai cácarei, ¿Meita Juziñamui uai dani ómoimona comuide, daí comeci facádiomoi? ¡Daíñede! Daje izói aféuaina dani ómoimo llógaza comécineno iri; mei diga jíaimaci fena, daje uaina jae llogáiaioiza. ³⁷Daa come Juziñamuimona onoiga uai jino llotímedicue daífadi, bie ómoimo cue ciegáfuiuai cai Ocuíraima Jesucristo cai ocuilla uai afémie daífrede. Daje izói daa come Ñuera Joréñodo úritímedicue daífadi, afémie cue cueda dibénemo Jesucristodo cai ocuilla uai daífrede. ³⁸Iemo afe cúegana ailli cue daina bie izói daííacañedimie omoi náfueñeno iri.

³⁹Cue ámatiai, bíemona Juziñamuimona onoiga uai jino llua jeire omoi oiri. Iemo da come jíázie uaido úria, rairuíñeno iri. ⁴⁰Mei íadi afe llezica, omoi lllóuaina jaicuñeno daje fuémona jíaimamo meaire cótañeno lloiri. Daje izói nana omoi jetaca raana jaicuñeno ñue jaícina maméfireiri.

Jesucristo tiilla meine abido cáadímie illafue

15 Cue ámatiai, ómoimo cue lloga jíllona uai ómoina uibíñotaadicue. Afe uaina jae jeire otíomoi. Iemo bie uaido ñue itíomoi. ²Daje izói cue lloga uai omoi náfueia bie Juziñamui uai omoi úado jíllotagaomoi. Mei íadi nauí nibai táinona omoi íñoia jae jíllónedíomoi.

³Cue onoiga jamánomoidifue nauí ómoimo lloticue. Juziñamui Ciegáfuiuai daina izói, Cristo cai fiénidífuiaí muiñóllena tíillafuena jae omoi llófueticue. ⁴Iemo nane afe Ciegáfuiuai daina izói, Cristo raiga daruíamani

íllamona meine abido cáadímiena jáillana ómoina llófueticue. ⁵Iemo afe Cristo Pédro mo cíocaide; afe mei nana jíáie ie orécamacimo cíocaide. ⁶Nane afe mei dáaruído quinientos baimo íemo ínotinomo cíocaide. Afémacimona aillo nai itíaioi, íadi dáarie jae tídiaioi. ⁷Nane afe mei Santiago mo cíocaide, íemo nane nana ie orécamacimo cíocaide.

⁸Nana jíaimacimo cíocailla mei, íirainomo afémie cuemo cíocaide. Iemona úrue jíáfodo jocoína izóidímiedicue, mei Crístomo cue dóbaicaillafue jarire cuemo íficaideza. ⁹Mei Jesús orécamacimona jofófenemo ráifidímiedicue.

Juziñamuimo jaináidino fállena cue racáfrenamona, nauí ie orécamié cuena daíñide. ¹⁰Mei íadi Juziñamui ñue cuemo íllado, bie izói iticue. Afémie cuemo dúecaillano afémie cue cánuana táinomo fáifitañedicue. Mei jíáfodo jíáie ie orécamací baimo, iere riire táijidicue. Mei íadi afe izói dama táijinidicue. Juziñamui cuemo dúecaillano cue diga jáicaillado daí táijiredicue. ¹¹Mei birui, afe ñúefue nibai cue lloga, nibai afémaci lloga, afe llúáfueña náfueñedicue. Mei íadi bie ñúefue ja ómoimo cai llogafue, daje izói afefue omoi ínogafue.

¹²Mei bie ómoimo cai llogafue Cristo tíllamona meine abido cáadímiena jailla. Afe llogafue bie izói ítena, ¿mei nie izói ómoimona dáarie: “Tíidinomona buna meine abido cáadinona íñeite,” daidíaioi? ¹³Meita íaioi daina izói tíidinomona buna cáañenaza, daje izói meita dama Cristo cáañeite. ¹⁴Iemo meita Cristo cáañedeza cai llócaiga uai ráifíñede. Daje izói omoi ínogafue ráifíñede. ¹⁵Iemo afe baimo, cai bie Juziñamui dibénemo taino llotínodícaí, mei Juziñamui Cristo meine abido cáatate daidícaiza. Meita tíidino

meine cáañenaza, daje izói Juziñamui Cristo meine cáatañeite. ¹⁶ Mei tíidino meine abido cáañeniadi, meita afe Cristo cáañeite. ¹⁷ Iemo meita Cristo cáañedeza, omoi ñnogafue ómoina ñue ñnóñede. Nai ómoimo ite ñénidifuiamo nai jaináicaidiomoi. ¹⁸ Meita íaioi daina izói Cristo cáañedeza, Crístomo ñnote tíidino táinomo fáifidiaioi. ¹⁹ Meita Crístomo cai ocúrinafue daa birullaido bíniemo cai illa llezica caimo dúideza, nana comini baimo cai duere ñnócanodicai.

²⁰ Mei íadi afe izóiñede. Cristo tñillanomona meine abido cáadimiena jailla ñue onóigaza. Amena llizíllajimona jotáiritíj fueñe uailla izói, Cristo nana tíidinomona meine abido caadino ifódimie. ²¹ Mei bie izói daa cómemona, Adán dainámiemona tñillafue fueñe bíniemo comuídeza; daje izói tíidino meine abido cáailifue daa cómemona comuide. Afémie Jesucristo. ²² Afemona nana comini Adamo jaináideza, títiaioi; íemo daje izói nana Crístomo jaináidino meine abido cáaitiaioi. ²³ Mei íadi nana nairai daje llezica meine abido cáañeitiaioi. Nágamiiai íaioimo dúide dieze, íaioi cáatalliruido cáaitiaioi; raire uícodo oga llizíllají óina izói, Cristo fueñe meine abido cáadimiena jaide; afe mei Cristo billíruimo dama Cristo íédino cáaitiaioi. ²⁴ Iemo íirairuimo dúciite. Aféruimo Cristo nana bíniemo ite riírede illaini naa monamo ite ríinoredinuiari niné táinocaitaite. Afe mei nana ie illáimana illa ríino naa ie anamo itñuiari ie Moo Juziñamuimo fécaite. ²⁵ Mei jíi, Cristo nai illáimana írede, Juziñamui nana íena éoidino Cristo anamo itábicaítalle dino. ²⁶ Come tñillafue caina anáfenocade caina éoidimie izoide. Mei íadi afe cai titade ríinona Cristo íirainomo niné táinocaitaite. Afe mei jíaie táinocaitallimiena

íñeite. ²⁷ Mei Juziñamui nágaíuaina Cristo anamo jóonete. Cristo ñue afémaci ocuállena. Juziñamui Cuegáuai bie izói daiíadi, Juziñamui Cristo anamo íñénana uáfodo onóigaza, mei Juziñamui naga raa Cristo anamo jóonetimieza. ²⁸ Iemo nágaíuiai Cristo anamo itábicailliruiamo, dama afe Cristo Juziñamui Jitoza ie Moo anamo itábicaíteza. Juziñamui nágaíuiai Cristo anamo itábicaítaitimie. Aféruimo bífuiaido naga ráaniai dibénemo Juziñamui jamánomoidimiena íite. Naga ráfuiiai naa ie comuítaga ráaniairi ñue jaícina afémiemo dúite.

²⁹ Nane jíáfue “Tíidinona meine cáañeite” daiífredinona dáititue. Dáarie tíidino dibénedo báutizatatio ite. Meita tíidino meine cáañeitiaioiza, ¿nibái mei daií báutizatataioi? Iemo tíidino dibénedo báutizafue ¿minícamo ráífide?

³⁰ Iemo cue, cue nabáíñiai diga, Juziñamui ñuefue ícoínia, nágaruillaido iere caina titáacade jácifueo ífiredicai. Meita tíidino meine abido cáañeíteza, daií cai íadi ¿minica caimo ráifilla? ³¹ Nágarui cue titállena mamédaioiza jácinomo ititue. Uáfuenta daií ititue. Cue ámatiai, cai Ocuíraima Jesucrístomo omoi íinuari uáfuenta iere íóbicue. Afe uáfuenta cue íóbilla izói, daje izói uáfuenta nágarui titáacagacue. Iemona tíidino meine abido calle uáfodo onóigaza. ³² Iemo meita tíidino meine cáañeíteza, jamai cómena cue illa, Efésomo ite illáirede rille izóidimaci diga naui cue fuiríllamona ¿minica cuemo ráifilla? Mei afe izói cue illa cuemo ráíñede. Meita uáfuenta tíidino meine cáañeíteza, afe taino llotino ñue jaícina daidíaioi. Afémaci daina bie izói jóide: “Mai raire cai güilli, güillano cai jirolli; mei úreitíruimo raire títicaíza afe mei nine íñeíticai,” daidíaioi.

³³ Jiáimamo omoi jífuefiñeno iri. Abina ñue onona uai uáfodo jóideza: “Fiénide nabáiñiai ñue illáfuiaina niné táinocaitate.” ³⁴ Mei jiáifodo, ñue abina omoi onoiri. Omoi illafue ñue jaícina jóneri. Fiénidifuena finóñeno iri. Mei ómoimona dáarie Juzíñamui nai figo onóñedeza. Omoi méaicaillena bie izói ómoína daidicue.

Tíidino meine abido cáadinona illena abi Pablo llote

³⁵ Nibai birui ja dáarie jicánoite: ¿Mei nie izói tíidino cáaitiaioi? ¿Mei afémaci abi nie izói éroite? ³⁶ Afe izói jicánua abina onóñedimie úrilla izoide. Mei daa ríifregaji cai ríadi, afeji tíide izói énie anamo fiébirede, áfemona ie iroci zicóllena. ³⁷ Eniemo riga raa, afénomona zicódirociñede, mei jiáifodo dama ie iji ríina. Iemo diga jiáiforiede íjjai ríina: bellaji ríina, íemo mazácaji ríina, íemo arroz iji daje izói ríina. ³⁸ Afe ríinaji zícua llezica ie ciona izói Juzíñamui comuítate. Dani aféjjai dúina izói zicótate. (Bellájimona bellari zócaja, íemo mazácajimona mazácarí zócaja.) ³⁹ Mei afe izói naga cáadinuiai abi jiáiforie eroide. Come abi jiáifoide, íemo rille abi jiáifoide. Daje izói féedino abi jiáifoide, íemo chámuniaí abi jiáifoide. Nana daje izói eróñede. ⁴⁰ Iemo jiái monamo ille abi ite, íemo jiái éniemo illa abi ite. Biniemo illa abi ebírede, mei íadi monamo ille abi ebire eroína jiáifoide. ⁴¹ Jitoma egáiñua fiui egáiñuana eróñede; jiáifodo egáiñote. Daje izói ucudu egáiñua izóiñeno, jitoma jiáifodo egáiñote. Iemo jiái daa ucudu jiái ucúdumona egáiñua jiáifodo cfoide. ⁴² Tíidino meine cáailifue bie izói jóide. Rífaite íeizi éniemo raiga, íemo tíñeitinona meine abido cáate. ⁴³ Jámaruiga abi éniemo raiga, ie mei ebire cíoitaga abi meine cáate. Daje izói nane ríinide abi éniemo raiga ie mei

ñue íocírede abi cáate. ⁴⁴ Biniemo cai jocoína abi éniemo raiga, ie mei mona dibénemo dúide abi cáate.

⁴⁵ Mei daí Juzíñamui Cuegáuai llote: “Nanóidimie Adana cáadimiena íficaide. Iiraie Adán daina Cristo zíñona cáatata joréñoredimie,” daide. ⁴⁶ Juzíñamui dibénemo cai comuítatimie nano fueñe cómuítañega, mei jiáifodo biniemo cai nanóidimie Adán fueñe comuítaina. Afe méifomo Juzíñamui dibénemo cai comuítatimie cíocai. ⁴⁷ Nanóidimie énie ie finóinaza éniemo dúide. Méifoide Adán daina Cristo mona ie. Afémie cai Ocuíraima. ⁴⁸ Afe énie finóinamie izói, nana bínie comini ie abi izóidiaioi. Daje izói Jesumo ínuamona monamo dúidino afe monámoma bitímie izóidiaioi. ⁴⁹ Iemona énie ie finócamiena cai eroína izói, afe izói mona ímiena éroiticaí.

⁵⁰ Amatiai, omoi cacai, ómoína dáititicae, nana bínie dúide cai abi die diga jaca Juzíñamui illáimana illánomo jofo jáinide. Daje izói raire táinocaitaitifue zíñona illánomo dúñede. ⁵¹ Mei íadi nanómoma uáfodo onóñega ráfuenta ómoína onótaacadicae: nana tíñeíticaí; mei íadi nana jiáifodo méidoficaíticaí. ⁵² Uáfuenta, Juzíñamui íraie vudugoi fúnua llezica, jarire ui bótacailla izói raire jiáifodo méidoficaíticaí. Afe vudugoi ficire cáacaillamona tíidino meine abido jaca tíñeillena cáatalliaioi. Afe llezica cáimona cáadimaci jiáifodo méidoficaíticaí abido tíñeillena. ⁵³ Mei caimo ite raire féitífue zíñona féíñeítífuenta méidoficaírede. Daje izói cai tíite abi zíñona tíñede abina méidoficaírede. ⁵⁴ Iemo afe bie caimo ite raire féitífue zíñona féíñeítífuenta méidoficailla llezica Juzíñamui Cuegáuai daina ñue jaícina zúite. Daje izói cai tíite abi zíñona tíñede abina

médoficailla llezica afe Cuegáuai ñue jacína zúite. Afe Cuegáuai daina bie izói jóide:

Caimo ite tállifue,
caina éoidimie anáfenoina izói,
anáfenoga; ja táinocaide.

⁵⁵ Cai títaitifue caina izi cácatafirena ríno jae ñede.

Caina nie izói ñbaiñeite,
mei ie molleroi izoide raa ja birui ñédeza.

⁵⁶ Nana comínimo fiénidifuiái íllamona, títaitifue caina jacíruitade. Iemo jaiái Juzíñamui cai ocuilla uai llúamona cai fiéni finócafuiái duere finórede. Iemona tállifue cai anáfuenuana jaca jacíruitacái. ⁵⁷ Mei Juzíñamui cai Ocuíraima Jesucristodo áfemo caina anáfenotañenamona íena iere figora daiífiredicái.

⁵⁸ Ie jira, cue izíruiga ámatiai o íinogafuena jíáifodo méidoñeno ñue jeire omoi oiri. Juzíñamui ocuica táijinafuemo nágaruillai iere omoi náfuefireiri. Mei ñue onódiomoiza, cai Ocuíraimamo dájena cai táijinafue, jaca táinomo fáifiñeiteza.

Dúerede cai ámatiai canóllena úcube eneno ofítafue

16 Crístimo ínote ámatiai canóllena úcube omoi jicánoga eneno ofítallifue llóiticue. Galicia éniemo ite Juzíñamuimo jaináidino cue llófuia izói, afe izói omoi ofítari. ² Naga semana táinariuimo, ómoimona illa dígamie omoi oga úcubemona due jiza Juzíñamui íena oni eneno jóneri. Nano omoi llínua dieze oni eneno jóneri. Daií uícodo omoi ñue eneno énofireiri, cue billíruimo afe úcube ómoído cue íraíñeillena. ³ Uire cue bille llezica omoi nizada dani baillímiedo afe úcubena Jerusalémo óreiticue. Afe llezica omoi cuelle útímiái mámece íllábedo íaioina óreiticue. Afe bie izói omoi ofítaga úcubena Jerusalémo ite ámatiaimo óre-

iticue. ⁴ Onoñegaza, cue jíeruia afémaci diga dane jáiticaí.

Pablo jíáinomo jáillena mamérite

⁵ Cue jáiadi Macedonia éniédo jáiacadicue. Afe méifodo daií Coríntomo dúciiticue. ⁶ Mei nibai nano nié dino omoi cígiri íiticue. Nibai ónoñegaza bie rozírediruillaina omoi cígiri záitaiticue. Afe mei oni jíáinomo cue jaille llezica cuena canórediomoi. ⁷ Mei ómoimo fia jarire érocaillano jáiacañedicueza, cai Ocuíraima comeci jítaia, omoi cígiri are íacadicue. ⁸ Mei íadi Pentecostés rafue dúciille dino, benó Efeso jófuemo íiticue. ⁹ Mei iere ñue Juzíñamui uaimo cue táijilliruimo itécueza. Aillo comini birui aféuaimo jíeruia cadiaioi. Mei íadi afe llezica aillo afe uaina uáitatino ite.

¹⁰ Timoteo ómoimo bíadi, mai omoi cígiri caimare íena omoi itátari. Afémiena omoi áfedeñeno iri. Mei afémie daa cai Ocuíraima ocuícamo cue izói táijideza. ¹¹ Ie jira ómoimona buna afémiena jámairuñeno iri. Mei jíáifodo cue ie éroizaibilleza caimare afémiena omoi canori. Mei naa jíáie ínote ámatiaioiri fena ocuífiredicue.

¹² Cai ama Apolos dibénemo llóiticue. Naui íemo izire jicádicue, jíáie ámatiaioiri omoi éroizaillena. Mei íadi afémie birui jáiacañede. Uire ie jáiacalliruimo jáite.

Iraicaiño uáidonocailla uai

¹³ Mai abina ñue omoi onoiri. Crístimo omoi íinogafue jíáifodo méidoñeno jeire omoi oiri. Jacíruíñeno ñue íociredimie izói omoi iri. ¹⁴ Nana omoi jetáacagafuiái, comímana izíruillafuedo finori.

¹⁵ Amatai, birui onódiomoiza, Estéfnas mámece redimie comini, nano fueñe Acaya éniemo ñúefuemo dóbaicaidino. Dóbaicaillano jíáie Crístimo ínote ámatiai canóllena

ja maméritiaioi. ¹⁶Jira afémaci, naa jíáie afémaci izóidinori anamo omoi caimare itábicaillena iere jitáidicue. Daje izói jíáinona canófiredino, naa jabo ocuúdinori anamo mai caimare omoi itábicairi. ¹⁷Ja Estéfanos, Fortunato, Acaico diga bíllari iere ióbídicue, mei cúemona jica itómoiza cuena canónidiomoiza. Mei íadi afémaci ómoimona féiredifue cuemo finódiaioi. ¹⁸Afémaci cue comécina iere náiretadiaioi; daje izói ómoina náiretadiaioi. Afe izoide comínimo ñue omoi jíeruiri.

¹⁹Benó Asia éniemo ite Juzíñamuimo jaináidino ómoimo uailai orédiaioi. Daje izói Aquila ie ai Priscila diga naa

íallinoimo gairídinori, cai Ocuíraima mámedido uai ómoimo orédiaioi. ²⁰Nana benomo ite ámatiai oreca uailai, mai omoi llíinori. Daje izói conímama caimare uáidori.

²¹Cue Páblodicue. Dama bie cue ónoido cuega uai ómoimo orédicue.

²²Ninó dámie cai Ocuíraima Jesucrístono izíruiacañedimie Juzíñamui faidólleza. ¡Cai Ocuíraima, mai raire biri!

²³Cai Ocuíraima Jesucristo ómoina ñúefuena éziciiteza. ²⁴Nana omoi Jesucrístomo jaináinado, ómoina cue izírulla uai orédicue. Daiítadeza. Jae ñie.

MÉIFODO SAN PABLO CORINTO IMACIMO ORÉCABE

*Segunda Carta del Apóstol San
Pablo a los Corintios*

Coríntomo ite Juzíñamuimo jaináidinomo Pablo cuete

1 Páblodicue. Juzíñamui comece jí-taina izói Jesucristo orécamedicue. Timoteo cue diga illa llezica, Coríntomo ite Juzíñamuimo jainaide ámatiaimo bibe cueticue. Daje izói Acaya éniemo ite nana Juzíñamuimo dúidinomo bibe cueticue. ²Cai Moo Juzíñamui, cai Ocuíraima Jesucristo diga ómoína ñue ézicíteza. Afe llezica ñue uái illano dibénemo Juzíñamui Jesucristo diga ómoína jóoneiteza.

Pablo duere zefuállafue

³Cai Moo Juzíñamuina ióbitaredicai, mei afémie caina dúeruite Mooza. Daje izói afe Juzíñamui iere caimo dúecaifirede. Afémie cai Ocuíraima Jesucristo Moo. ⁴Nana duere cai zefuilla llezica, afémie caimo dúecaifirede. Afémie caimo dúecaide, afe izói jíáie duere zefuáidinomo cai dúecaillena. Afemona Juzíñamui caimo lloga dúecaillafue jíáimacimo llóredicai. ⁵Mei Cristo duere zefuállafue dibénemo cai nabaia izói, afe izói Crístodo caimo iere ie dúecaillafue jeire óiticaí. ⁶Ie jira, nibai dama duere cue zefuía, bie ómoína cue canóllena. Iemo nibai Juzíñamui cuemo dúecaiadi, áfedo daje izói dúecaillafue, naa jíllonafue diga óitiomoi. Iemona daje cuemo comuide duere zefuállafue ómoimo comuíadi, raire járitaiñeno áfemo fia ocúrirediomoi. ⁷Omoi dibénemo uáfodo onóigafuemo ñue ínoticue, mei ñue onódicueza daje

zefuállafue dibénemo omoi illa dieze, afe izói Juzíñamui fecaca dúecaillafue óitiomoiza.

⁸Amatiaí, Asia éniemo cuemo comuide féiredifuiaina ómoimo fidítaiacaducue. Afénomo cuemo comuide riírede facátafue iere jamánomoideza, áfena ocuínidicue. “Nibai bífuemona jílloneno benó títicueza,” daiífiredicue. ⁹Aféruimo méinellena llavécamié abi izói cue abi cacaide. Mei íadi tíidino meine abido cáatate Juzíñamuimo cue ínuana cue onóillena, afe zuufue cuemo comuide. Dama cue abí ínoñeillena cue llófuete. ¹⁰Aféruimo Juzíñamui afe iere jacírede tñillafuemona cuena jíllotote. Afémie nai birui jaca cuena jíllotaicaide. Daje izói úreitiruillaido afémie aféfuemona cue jíllotallemo ocúricaidicue. ¹¹Uáfuenta, cuedo Juzíñamuimo omoi jícáfiriadi afémie cuena jíllotaite. Aillo comini cuedo Juzíñamuimo úriadi, aillo íena ióbitaitiaioi. Juzíñamui cue ézicia ñúefuiaiíri íena ióbitaitiaioi.

Pablo Coríntomo jáiñenafue llote

¹²Daa cue comécido onóigafueri iere ióbidicue. Afefue bie izói jóide: cue comece úrilla uai nífuenino bíniado cue mácajana llote. Daje izói Juzíñamui eróicana jíáimana jífueñeno cue mácaja llote. Omoi cígiri bie izói riire iticue. Juzíñamui caimare cue cánuado daí iticue. Dama cue fibíllafuedo daí íñédicue. ¹³Omoimo cue cuegábiamo báinino lloga uaina íñede. Omoi facádoia onóille raa ja uáfodo cuega.

Nane jíáifuena ñue omoi onóillemo ocúridicue. ¹⁴Aféfuena jabo onódiomoi. Afefue bie izói dáiacade: Cai Ocuíraima Jesús billíruimo ómoíri caimare abi cue ínuana izói, afe izói cueri caimare abi ínoitiomoi.

¹⁵Nana bífuiai iere cue jíeruillamona, omoi eróizaillena fueñe mamériticue.

Daíf ménacaiño omoi cue éroizailleri ióbitiomoi. ¹⁶Macedonia éniemo cue jaille llezica omoi jarire cue méiñonocaillena começi facádícue. Afe mei Macedóniamona abido cue bille llezica nane dáanomo omoi cue éroizaillena mamériticue. Afe daíf afe méifomo judéamo cue jaille llezica cuena cánoitiomoiza. ¹⁷Bie cue mamérrillafuiai começi cue faca llezica, ¿cuena nibai jiáfodo raire méidofiredimie izoide daidíomoi? Bie éniemo ite fiénidino mamérrilla izói nibai cuena mamérite daidíomoi. Afémaci “Jii” daidíaioi; íemo méifodo daje llezica “Dama ite” daiífirediaioi.

¹⁸Mei íadi Juziñamui uáfueña daiífiredimie illa izói, afe izói táinona “Jii,” íemo “Dama ite” dáaruido ómoina daiífinidícue. ¹⁹Mei Juziñamui Jitó Cristo Jesús jaca táinona “Jii,” íemo “Dama ite” dáaruido daiífinideza. Iemo Silvano, Timoteo, íemo cue, Cristo daina uaillai omoi cígiri lloticai. Nana Cristo lloga uai táinoñedeza, ua uai. Ie dainana méidofinide. ²⁰Mei afémiedo nana Juziñamui úcodo llogáuai ñue jaícina zúideza. Ie jira Juziñamuina cai ióbitaja llezica, Cristo Jesudo “Daiítadeza” daiífiredicai. ²¹Iemo jiái Juziñamui ómoina naa cairi Crísto ríire jaináitate, nana cai ínogafuemoni oni jiáfodo cai báiiñeillena. Daje izói afémie ie táijnafuemo ñue caina jónete. ²²Juziñamui ie Ñuera Joreño caimo íllado caina dama íeiena mamede. Afe ie Ñuera Joreño caimo íllamona ico jiáiruido Juziñamui caimo fecállifueña cai llíinollena uáfodo onódicai.

²³Mei jiáifuemo omoi coméciiri. Ómoina duéruitícueza, ómoina duere cue fñoñeillena, úcodo cue mamérrilla izói nai ómoimo biñédícue. Juziñamui afe bie cue uaina nabáillena jicádícue, aféuai uafue daiíllena. Cue daina

uai uáfueñena, Juziñamuina abí fatátaitícue. ²⁴Omoi ínogafueña ríire ocuácañedicue, mei omoi ínogafuedo Jesucrístomo ñue ríire jaináidiomoiza. Mei jiáfodo conímamo táijina izói, omoi iere aillo ióbillena ómoina canóacadicue.

2 Ie jira omoi cue zúucaitaibiñellena mamériticue. ²Mei omoi zúucaitadicuena ¿mei bu cuena ióbitalle? Cue zúucaitadino dani cuena ióbitalle, mei íadi cue dinena ómoina zúucaitaacañedicue. ³Ie jira nauí ómoimo cue cuegábemo cue daina izói cueticue. Ómoina zúucaitaibiacañedicue. Mei jiáfodo cuena ióbitarediomoi. Mei nauí aféruimo uáfueña onódícueza, cue caimare illarui omoi caimare ítíomoi. ⁴Omoimo nauí cue orécabe cue cuia llezica, iere cue começi zúurenari éedicue. Mei íadi omoi zúucaillena afébena cueñédícue. Mei jiáfodo ómoina iere cue izíruillana omoi onóillena cueticue.

Fieni finófredimie ie illafue múiñua mei, meine caimare uáidua

⁵Mei íadi ómoimo ríire úricañedicueza bie izói dáitícue. Dámie fieni illa dama cuena zúnaitañedeza, mei jiáfodo cue baimo nana ómoina zúnaitade. Daíf daidícue iere ríifueña jáiñeilleza. ⁶Omoi gairilla llezica afe cómemo omoi mameca duere finóllifue ja figo báiteza. ⁷Mei benómona afémiemo jiáfodo úrerediomoi. Nauí ie finoca fiénidí fue omoi féitano caimare íena omoi uáidori. Daje izói íena dúcairediomoi, aillo ie zúnaimonana afémie jamánomo anado fieni jáiñeilleza. ⁸Ie jira ómoimo izire jicádícue, afémie omoi izíruilla meine abido íemo omoi onótallena. ⁹Nauí úcodo bifue dibénedo ómoimo cueticue. Nauí omoi cue llófuiana nibai

jeire óitiomoi, nibai jeire óñeitiomoi; áfena cue onóillena ómoimo cueticue. Daje izói, omoi comeci ifue onóillena afébedo ómoina facátaticue. ¹⁰Mei ja benómona, ómoina fieni finódimie omoi caimare uáidoia, cue daje izói caimare íena uáidotícue. Meita afémie fieni finuado cúemona nino féitalle fiénidino íadi, aféfuena féitaticue. Uáfueza ñue ómoina canóllena Cristo eróicana aféfuena féitaticue. ¹¹Mei afe zúunaitagamie raire abido íena caimare uáidoredicaiza, afe zúufuedo Taife raire íena ana úiñeillena. Mei Taife comínina bíbfuefirena uailai ñue onódicaiza.

Pablo Tróasmo uái iñénafue

¹²Jesucristo lloga uai Troas jófue mo jino cue lluaíbilla llezica, cai Ocuúraima áillomaci cuena jíeruitajamona Juziñamui cue ocuilla táijinafuena uáfodo caimare fuitáredicue. ¹³Mei íadi Coríntomona bíacade cue ama Tito afémie cue cióñenamona cue comeci uái iñede. Mei jira Troas imácina facádonocaillano, oni Macedonia éniemo íena jénuaidicue.

Jesucristomo cai jaináinamona buna anáfenoñegacai

¹⁴Juziñamuina iere figura daiífredicai; mei Cristo nana éoidinona anáfenua izói, Juziñamui dáfeodo, Cristo diga, nágaruillaído caina úicaiteza. Afe llezica ziórede raa caimare jállia izói, afe izói Juziñamui Crístona onóillifuena caído nágagobiaído jica jalléitate. ¹⁵Cristo Juziñamuimo fecaca ziórede uguci izóidinodicai. Nana jíllaitinomo jallédicai, daje izói niné féiraitinomo jallédicai. ¹⁶Afe niné féiraitinomo titade jucui izói iáire jállecaide. Mei íadi jíllaitinomo caimare íocire cáatate jállia izói jállecaide. Bie Juziñamui ebire mamérrillafue, ¿bífuena bu mei ñue lláinorena? Juziñamui cuena cánua izói canóñenia jaca buna figo lláinon-

ide. ¹⁷Juziñamui uailai jíáimacimo fécano úcubena lláinoñedicue. Afena jaca raiñóñeno llócaidicue. Jíáimaci úcubé óllena afe uai jíáífodo méidua izói méidoñedicue. Mei jíáífodo Juziñamui orécamié izói, afémie eróicana jíáima jí-fueñeno uáfodo úriticue.

Juziñamui comue ñue finóllifue bie izói daide

3 Bie izói cue úrilla, ¿ómoimona nie izói cacaide? Nibai ¿dama cue abi finollena meine dáanomo ñue úriticue? Mei íadi daiítañede. ¿Nibai cue ñue illánona onótatibiai ómoimo izájirede? Mei nibai jíáimaci finua izói, ¿ómoimona cue ñue illánona onótatibiai jícarede? ²Mei daiítañedeza. Dani omoi cue ñue illánona onótatibe izóidiomoi. Omoi baimo jíáie onótatibena jítañedicue. Cue comécimo joide come ñue illánona onótatibe izóidiomoi. Aféuaina nana comini cúemona onórediaioi. ³Dama Cristo cuela onótatibe izóidiomoi. Cuedo cuegábiai izóidiomoi, mei cuedo ñúefuena llotátagaomoiza. Jamai títado cuegabe izóiñediomoi; mei jíáífodo caade Juziñamui Ñuera Joréñodo úicaiganodiomoi. Daje izói Moisés nofícomo cuegáuai fia comini eróicana jeire onéidiomoi, mei íadi omoi comeci úrillado Juziñamuina íóbitaacadiomoi.

⁴Nana afe bie ñuera cue dáinana jacíruiñeno daiífedicue, mei Crísto Juziñamuimo daa uai fiéñeno íinofíredicueza. Uáfueza, nana cue dáinana afémie ómoimo zúitaiteza. ⁵Mei íadi nana cue jetácagafuiai finolle ríino dama cúemona comuñedeza; mei jíáífodo nana cue finócafuiái Juziñamuimona comuide. ⁶Ie lloga comue finóllifue mo cue táijillena, afémie ñue cuena ríinoretade. Afe Juziñamui comue finóllifue, jaiái

cuega ocuícafue jeire cai úado caimo zuitánide. Mei jiáifodo Ñuera Joreño comuítaga cai comeci ziiñona cáatatino caimo íllado, Juziñamui comue finóllifue caimo zuitárede. Afe cuega cai ocuilla uai cai titállena llote, mei íadi Ñuera Joreño cai comécina cáataite.

⁷Afe Moisés lloga ocuilla uai nifici finóinabícimo cuega. Aféuai lluaíbilla llezica, iere riire ebíredifuiaido lloga. Aféruido Israel nairai, mei Moisés uíeco jiáifodo iere quenire eróideza, afémiemo eróinidiaioi. Mei íadi afe riire ebíredifue fíaicana dúioicaide. Iemona afe ícoimo cai titalle ocuilla uai lluaíbilla llezica iere ebíreia, ⁸Ñuera Joreño caimo lluaíbiga uai, ua afe titade uai baimo jamánomo ebírede. ⁹Bífue bie izói dáiiacade: mei cai fiénidifuiamona cai titállena llote ocuilla uai iere ebíreia, birui aféuai baimo nífuenino cai íllena Juziñamui llogafue jamánomo ebírede. ¹⁰Afe ocuilla uai nau iere ebírede, mei íadi Juziñamui como finoca jamánomo ebíredifue comuillamona, afe nanoide ocuilla uai jae figo ebínide; ja birui ráañede. ¹¹Iemona nau lloga are iñeno raire zátifue ebíredenia, afe ziiñona záineitífue nau llogáuai baimo jamánomo ebírede.

¹²Ie jira afe bífuemo ocuírillano, jacfruiñeno caimare úriticue. ¹³Mei íadi cue bie Moisés fínua izói finóñedicue. Afémie uíeco quenire cioina are iñeđeza féibicaide. Ie jira afe quenire cíoide dúillana Israel nairai cíoineíllena, Moisés ie uíeco iníroina ibaide. ¹⁴Mei íadi dama Moisés uíeco íbaina llezica afe nairai, uina ciónedino izói, íaioi ífoci úrilla figo déiñede. Birui afe jaiái llogafue íaioi facádua llezica, afe íbaille iniroi izóidífue íaioi onóillífueña jánaide; mei afe íbaille iniroi izóidífue nai oni ónegaza. Afe jizítatífue dama Cristo oni órede. ¹⁵Nai biruimo Moisés cuegáncuái íaioi facádoia, afe íbáiraroi

íaioi ífoci úrillana féitaoicaide. ¹⁶Mei íadi dáamie cai Ocuíraimamo ínoia, afe íbáiraroi oni oga. ¹⁷Cai Ocuíraima afe íaioina ziiñona cáatate Ñuera Joreño. Afe ie Ñuera Joréñomo jíeruitímie fiénidena fínua mona ráiruinegamiēna jáite. Daje izói afe Ñuera Joréñodo cai Ocuíraimamo ínote come, Moisés ocuica uáimona ráiruinegamiēna jaiide. ¹⁸Mei íemona cai uíeco íbáillaroi izóidífue iñeđeza, uáfori cíoide acáraní izóidinodícaí. Afemona, cai Ocuíraima ebíredifueña acáraní egáíñua izói, jíaimamo ja cíótaticai. Afe daí cai bie Cristo izóioicaídícaí, mei nágaruillaido ie ebíredifueña jamánomo náamatafiredícaíza. Bífue cai Ocuíraima finócafue. Afémie Ñuera Joreño.

4 Afemona cue bie jaca comécina náinidino izóineedicue, mei Juziñamui cuena dúecaillano bie táijinafue cuemo jóneteza. ²Báinino jíáima jífuefírenana ruifíruiticue naa jíáie meáiredífuiári. Daje izói jíáima caimare bífuia uaido úriñedicue. Afe llezica Juziñamui uaina méidota jíáifodo lloñedicue. Mei jíáifodo jaca uáfuedo úriticue. Afedo Juziñamui eróicana nana comini comeci ñue úrillado afe cue lloga ua uaina íaioina jíeruitadicue. ³Mei íadi cai llócaiga jíllona uai comínimona nano nígamíemo nai ónonino cacaide. Afefue daí ite, mei afémaci dani nine íaioi táinocaillífueño jáideza. ⁴Mei afémaci Juziñamuimo ínoñenamona bíníe naama Taife, ui nirilla izói, íaioi ífoci úrilla uaina féítate, cue lloga comini jíllotate ebírede Cristo ñuefueña íaioi ónoñeíllena. Afe ñuefue ñue úzere egáíñote raa izoide. Iemo afe Cristo Juziñamuina jino uáfodo ñue onótate cáadímíe. ⁵Jino cue llócaína llezica, dama cue abí íena lloñedicue, mei jíáifodo afe Jesucristo cai Ocuíraima llócaídícaí. Iemo cue díbenedo Jesuna cue izíruillamona ñue omoi íl-

lena canódimedicue daiífiredicue. ⁶Mei Juziñamui énie comuítaja llezica, afémie “Mai batí jítino egáñuairi” daide. Afe daií daidímie, cue comécimo ie ñúefue egáñua izói jóonete. Afémie daií cuemo jóonete, Cristodo cuemo ácataga Juziñamui ebírede cáimafuena ñue cue onóillena.

Juziñamuimo ñue cai ñnuado cai illafue

⁷Mei íadi afe Juziñamui ráifide cáimafue cue zíñona íñeite abido onótacacue. Bie cue abi are íñeite énie nina iciru izoide; mei íadi afe ñúefuena méidotarede fino bie cue jamai abimo jóonega, afe ríino dama cúemona comuíñenana omoi onóillena; íemo jíáfodo afe ríino Juziñamuimona comuíllana omoi onóillena. ⁸Daií cue íllamona diga féirede finónidifuiuai cuemo comuíadi, jaca Juziñamui cánuado aféfuiai ñúeite. Daje izói aillo ónonidifuiuai zuure cuemo comuíadi, jaca nai ocuñíñedímie izói inédicue. ⁹Mei jíáimaci cuena duere finóllena cuemo racáadi, jaca zóofeñegacue. Fáinamona ana dotaca izói iticue íadi, jaca niné táinocaiñedicue. ¹⁰Náganuiaimo cue jailla llezica, Jesús íaioi fállena mámia izói maméfiregacue. Nágaruillaído afe titállena mamécamié izói cue illa llezica, afémie ñue cuena náiretade, birui ie cáananona jino comínimo cue onótallena. ¹¹Mei nai cue caana llezica, nágaruillaído Jesús ícoinia jacire titállena mamécacue, Jesús cáanana, are íñeno títe cue abido cíotafireillena. ¹²Daií cue zefuállamona cue dibénedo títaigamiena jáitícue, mei íadi omoi dibénedo dáaruído omoi cáataganona jáitíomoi.

¹³Juziñamui Cuegáuaimo dáamie duere ie zefuñbicaila llezica daide: “Juziñamuimo íñoticue ie jira úritícue.” Mei daií cue jíái afémie íñua izói íñoticue, ie jira Juziñamui

ñúefuedo úritícue. ¹⁴Ñue onódicueza, afe títe Cristo meine abido cáatate Juziñamui, afe cáataga Jesúoíri nane cuena cáataite; íemo daane cue, naa ómoíri, ie illánomo úite.

¹⁵Nana bífuiai ñue omoi íllena daií ífi-caide. Iemona nai aillo jíáiie comínina Juziñamui ñue éziciite. Aillo ie ézicia izói afe dieze aillo comini jamánomo ñúefue íemo nítaitiaioi.

¹⁶Mei íemona cue jaca comécina náinidino izói inédicue. Meita cue abi náinioicaide íadi, cue comeci dinena jaca nágarui náireioicaide. ¹⁷Mei íemona biniemo cue caana llezica duere cue zefuállafuiuai figo ráañede. Raire llíicaite. Ie méifomo afe zuufue baimo ite aillo ninomo fúíñeite ebírede cáimafuiuai cuemo cómuite. ¹⁸Ie jira úido cue cíonamo ébicaiñedicue; mei íadi cue cíóñenafuiaimo ébicaiñedicue, mei afe ciona raana are íñeno raire táinocaiteza. Mei íadi afe cíóñena raa jaca zíñona íite.

5 Ja ñue onódicueza, cue caana abi are íñeno zabide jofo izoide. Iemo jíái onódicueza, bie cue abi táinocaille llezica, Juziñamui cúeiena monamo zíñona zábiñeítico ja nite; afeco come ónoido níñega. ²Uáfueza, cue caana abido cue illa llezica, monamo itícomo íere cue jáiacana comécido éefiredicue. ³Afénomo jáiániacadicue, mei afeco iniroi come abi jífua izói, cue joréñona ñue jífoiteza. Afemona come abimo íñede joréñona íñeíticue. ⁴Bie jofona mameca abimo cue illa llezica íere zúunaillano comue abina izire óiacadicue. Mei, bie cue jácaie abina, iniroi come abímona duíñua izói, cue joréñomona duíñoacañedicueza; jífoñega joreño izói íacañedicueza. Mei jíáífodo iniroi jita ízoi, comue cue abi cue joréñomo jítaacadicue. Daií cómuena méidoacadicue, bie cue táinocaite abi, comue cue cáailinodo nine féitallena. ⁵Dama Juziñamui bie izói abi cue méidollena cuena

mamede. Iemo birui ie Ñuera Joreño afémie cuemo fecade. Afe ie Ñuera Joreño cuemo illado ñue onódicueza, nana Juziñamui cuemo fecalle ñue llínoiticue.

⁶Mei afemona, comue méidoga abi cue llínollena áfena ñue cue onónamona caimare ocuúridicue. Nai bie abido cue illa llezica, onódicueza, monamo cue illícomona jino iticue. Bie izói daina cue Ocuúraima diga inédicue. ⁷Afe llezica birui fia cue cionafuedo ínidicue, mei jiáifodo Juziñamuimo cue ínoga-fuedo íredicue. ⁸Mei jira uáfueña cue llínollena ñue cue onónamona caimare ocuúridicue. Bie cue illa abina fáicanocaiacadídicue, monamo jaillano cai Ocuúraima diga cue illena. ⁹Ie jira bie éniemo afémie diga cue inena llezica, daje izói afémie diga cue illa llezica, jaca íena cue íobitallena jamánomo nícdoticue. ¹⁰Mei comini finócafue Cristo riire jicánoranomo nana cai afénomo ácataredicaiza. Afénomo illa dígamie biniemo illa abido íaioi fnua dieze, nibai ñúefue nibai fiénidífue, áfeze jirídoitiaioi.

Juziñamui meine caina caimare uáiduafue

¹¹Ie jira afe naga come Juziñamui riire jicánollemo ñue jacíruioicana comeci facádicue. Afemo cue coméciillamona naga cómena Juziñamui llógamo jíeruitaacadídicue. Mei íadi cue illáfueña Juziñamui onode. Afe izói cue ñue illáfueña omoi onóillemo ocuúridicue. ¹²Dáanomo dama ñue cue illáfuedo úriñedicue. Mei jiáifodo cuedo caimare omoi úrillena bie izói ómoína daidídicue. Afemona jínoidífuedo abí ínotino uai omoi ollíuai íteza. Afémaci jofo comécimo itífueña náfueñediaioi. ¹³Mei nibai comínimona dáarie cuena daña izói, uáiritaidímie izói iticue

íadi, Juziñamui íena daí iticue. Mei jiáifodo uáiritaiñedicueza ñue omoi illena canódicue. ¹⁴Mei ñue onódicuiza dama Cristo daínámie nana comini meífomo tíide. Afe caina ie izíruillamo coméciillano, nana afémiemo ínotino íaioi fiénidífuiái tíidena mámano áfena fáicanocaidiaioi. Afemo cue coméciillado Cristo caina izíruilla ñúefueña cuena izire llócaitate, ñue omoi illena. (Daje izói bie Cristo caina izíruilla, ñue illáfuedo cue jáillena cuena ocuóideza.) ¹⁵Uáfueza, Cristo nana comini meífomo tíide, nana cáadino dani íaioi jitailla izói íneillena; mei jiáifodo, afémaci dibénedo tíillano meine cáadímie Cristo comeci jitailla izói íaioi illena. ¹⁶Ie jira biniemo comini jínoidífuedo comeci faca izói, nino bummo comeci facáñedicue. Mei naui uícodo Crísto biniemo comini comeci faca izói, comeci facádicue, mei íadi ja birui daí afémiemo comeci facáñedicue. ¹⁷Mei daí, Crísto dájena jaináitagamie comue cómena jaide. Jaiái ie illáfuiái fiénocaillano nágafuiái cómofuiaina méidoga.

¹⁸Nana bífuiái Juziñamui mámi-mona Juziñamui dama afémiemona Crísto meime caimare cuena uáidote, íemo jíái nana comini afémiemo meime caimare úritallena cuena ocuúñocaide. ¹⁹Bie izói daíacana: Juziñamui ie Jitó Crísto nana comínina íena meime caimare uáidotade. Aféruimo, comini finoca fiénidífue féitano caimare íaioína uáidote. Afe dáruido Juziñamui meime comínina caimare uáiduafue oni llujáillena cuena jóonenocaide. ²⁰Afemona Cristo íena uai llotínona ómoímo biticue. Ie jira birui ómoína cue daña uai, dama Juziñamui ómoímo cuedo jicaca uai izoide. Mei jira Cristo dibénedo ómoímo izire jicádicue. Mai, meime abido Juziñamui caimare uáidori. ²¹Afe Cristo jaca íaífueña finóñede. Mei

íadi cai meífomo Juzíñamui afémiena fiénidifuiairedímie izói duere finode. Daií éna finode, Juzíñamui anamo ñue jaícina illáfuemo cai íllena; mei ie ñue illa izói cai íllena Juzíñamui jitáideza.

6 Afe daií Juzíñamui táijinamo afémiena nabáidicue. Ie jira afémie ómoimo lloga ñuera cáimafuiái táinomo omoi fáifitañoeno iri. ²Mei Juzíñamui ie Cuegáuaimo daide:

Comínimo caimare cue uáidollena cue mamécaruimo ona cacádicue.

Daje izói jíllonaruiimo ona canódicue.

Ja birui Juzíñamui caimare o uáiduarui.

Daje izói birui o jíllonarui.

³Iemona Juzíñamuimo cue táijina llezica, buna llótaidonidicue, cue táijinafuemo fiéni íaioi úriñeíllena.

⁴Mei jíáifodo nana cue jetáacagafuiaido Juzíñamuimo táijidímie cue íllana ácataacadicue. Duere zefuídicue íadi comécina raire járidoñoeno fia ocuídicue. Afedo Juzíñamui éna cue íllana jino ácataticue. Daje izói cue jitaica raa íñena llezica, íemo llotáiredifuiái cuemo comuilla llezica áferi járidoñoeno ocuídicue. ⁵Daje izói cuena zechénuano llavédiaioi. Cue duere finóllena jacire lléjellejedino cígiri iticue; íemo iere riírede táijinamo iticue. Diga ícaíño raire íniana onónedicue; daje izói jíái juffruiticue.

⁶Daje izói íáinidimiena cue íllado Juzíñamuimo ñue táijidimiena cue íllana ácataticue. Iemo diga jíáifuiaido daií cue íllana ácatafiredicue. Uafue uaina cue onónado ñue cue illáfuena cíotaticue. Iemo cue járitañenafuedo naa cue dúecaifirenafuiaido áfena cíotaticue. Iemo jíái Ñuera Joreño cuemo íllado, naa jíáimana jífueñoeno cue izíruifírenado Juzíñamui éna cue íllana ácatafiredicue. ⁷Iemo ua uai cue llócaillado, naa Juzíñamui ríino cuemo íllado: nana bífuiaido Juzíñamuimo ñue táijidimiena cue íllana ácatafiredicue.

Afe llezica jaícina joide illáfuemo jíáifiredicue, mei áfedo fiénide uáíllaina oni caitáredicueza. Daje izói áfedo cue abina ríidoredicueza. ⁸Daruírie ñúefuiái cuemo nitádiaioi, mei jíáiruido fiénidifue cuemo jitádiaioi. Daje izói jíáiruido cuedo ñue úritiaioi, íemo jíáiruido cuena íairuitaioi. Iemo dárie cuena comínina bífuetimiena daidíaioi; mei íadi jaca uáfuaena úricaidímie itícueza. ⁹Iemo dárie cuena “Bu ónoñegamedio” daidíaioi; íemo jíáimaci “Ñuera cai cómedio” daidíaioi. Daruírie titácámie izói iticue, íadi nai cáaoicaidicue. Iere duere finócacue íadi méineñegacue. ¹⁰Zuure iticue íadi jíáifodo jaca íobidicue. Mei ráanidimiedicue íadi, aillo jíáimacina ráaredino izói ráanaitadicue. Dúeredino jofófemo dúeredímie izói cue íadi, nai ráaredímie izói nana ráaniairi íobidicue.

¹¹Coríntomo ite cue ámatiai omoi cacai. Omoi diga báinino úriñedicue, jaca uáfodo úrifíredicue. Cue comécimo itífuena uáfodo jino ómoimo lloticue.

¹²Omoína iere duéruíllano rairuñeno ómoína caimare uáidofiredicue. Mei íadi omoi dinena cuena ñue izíruíllana ráiruitiomoi. ¹³Urue Moo, ie úruena izire jica izói, afe izói ómoína izire jicádicue. Omoimo uáfodo jino cue llua izói, afe izói omoi comécimo itífuena jino uáfodo cuemo omoi llóllena izire jicádicue.

Caade Juzíñamui illaco izóidicai

¹⁴Juzíñamuimo íñoñedinomo dájena omoi jaináíñoeno iri. Omoi jaináíadi, dájena jaícina íñenafue comuídeza; ómoína jíáifodo itátaite. Mei ¿nie izói jaícinaidifue fiénidifue diga dánomo jaináírede? ¡Jaca jaináinide! ¿Mei úzefo naa jíitfo diga dájena nabáírede? ¡Nabáinide! ¹⁵¿Taife meita Cristo diga dájena caimare írede? ¡Jaca ínide! Juzíñamuimo ínotino íñoñedino diga

¿nífue dájena íaioimo dúina? Dáanomo dúítífue íñede. ¹⁶Mei dama Juzíñamui daina izói caade Juzíñamui illaco izóidiomoi. Afémie daide:

Íaioimo ííticue; íaioi cígido macácaíticue.

Cue be íaioi Juzíñamuíticue.

Afe izói cue comínina íítiaioi, daide.

Iemona Juzíñamui illaco jánarai diga ¿nífue dájena íaioimo dúina? Dáanomo dúítífue íñede. ¹⁷Ie jira cai Ocuíraima bie izói daide:

Juzíñamuimo íñoñedino cígimona oni omoi jai, afénomona oni omoi ii.

Íáiredífuiai dibénemo íñeno iri.

Iemona ómoina caimare uáidoíticueza.

¹⁸Afe llezica omoi Móoíticue.

Iemo dáaruído omoi cue úruiaina íítiomoi.

Afe bífuena jamánomo rírede cai Ocuide Juzíñamui daí daide.

7 Cue izíruiga ámatiai, Juzíñamui jai uécodo lloga cáimafuiai bie izói joide. Afe daí caimo íllamona nana jíáíforiede cai íaifuaimona muiñócana izói oni íredicai. Abi íaifuena daje izói cai joreño íaifuena fáicanocairedicai. Juzíñamuina ñue jacíruillano cai comeci íaininafue ie eróicana jaícina jóneredicai.

Corintio imaci comeci méidua

²¡Mai cuena caimare omoi uáidori! Cue bie jaca buna fieni finóñedicue. Daje izói buna íáire finóñedicue. Iemo ómoimona jaca buna jífueñedicue. ³Bie izói cue dánado ómoina íáire finóñedicue. Mei navi ómoina cue daina izói, nai cue caana llezica, nágarui ómoimo cue comeci fáioidicueza. Uáfueña dájena cue tñílliruimo ómoimo cue comeci fáioidicueza. ⁴Omoína iere caimare íñotícue; daje izói ómoiri ñue abí íñotícue. Iemona diga duere zefuílla-fue cuemo comuilla llezica cue comeci

jaca náirede, íemo jíái jamánomo caimare iticue.

⁵Mei daí navi cuemo comuídeza. Navi Macedonia éniemo cue jailla llezica afénomo uái cue illíruí jaca íñede. Mei jíáífodo náganuíaído féiredífuiai cuemo comuide. Cuena uáitatino nágefene cue cirfóidiaioi, íemo diga jíáífuiairi comécido jacínaioicaidicue. ⁶Mei íadi comécina náinidinona náicaitafrede Juzíñamui cuemo dúecaide; cuemo dúecaillano Tito dúcinado ñue cuena náicaitade.

⁷Daa ie dúcinari íóbiñedicueza, mei dáanomo omoi méidoga ñue illáfuedo afémiena omoi náicaitari íóbidicue. Afémie omoi iere cuena cíocanafue cuemo llote. Iemo jíái navi omoi cígimo comuídífuerei omoi iere zúunaillana Tito llote. Daje izói cueri omoi comeci llícitaiillari, naa cuemo omoi jíeruacanari íóbidicue. Bífuiaína cue fidínamona jamánomo íóbidicue.

⁸Mei navi ómoimo cue orécabe ómoina zúucaitate íadi, birui áferi zúucaíñedicue. Mei níbai navi áferi zúucaidicue, mei íadi birui Tito cuemo llua izói afebe are ómoina zúucaitañenana fidídicue. ⁹Iemona birui íóbidicue. Omoi zúucaillari íóbiñedicue, mei jíáífodo afe omoi zúucaillafuedo omoi comeci ífuena méiduari íóbidicue. Bie zúucaillafue ñue omoi ocuíllado Juzíñamuina íóbitade. Iemona ómoimo riire cue cuegabe ómoina fieni finóñede. ¹⁰Mei uáfue, Juzíñamui íóbilla ñue cai ocuíoiga zúucaillafuiai cai comeci ífue ñúefuena méidotade. Iemo afe ñúefuena méiduado jíllóiticaí. Mei íadi bíniemo ite íñoñedino zúucaillafue íaioína ana tñíllinomo úíte. ¹¹Omoimo comuide zúucaillafue ñue omoi ocuíllari Juzíñamui íóbide. ¡Iemo birui omoi cígimo ñue comuídífuiaimo omoi éroi! Afe zúucaillafue navi

ómoimo ite fiénidifue mo riire ómoína ñue coméciatade. Iemo afe zuufue omoi finoca fiénidifueña jino uáfodo llotátate. Daje izói afe zuufue dani ómoína ríicaitade; íemo ómoína jacíruidade. Afe méifomo iere cuena cióacadiomoi. Afe llezica omoi cígiri ite fiéni finódimiēna duere finótaiacadiomoi. Nana bifuiamo omoi nífueninana jino ñue ciotatiomoi. ¹² Mei daíí afe orécabe cue cuia llezica afe fiéni finódimiēmo figo coméciñedicue. Daje izói duere zefuídimiēmo figo coméciñedicue. Mei jiáífodo ñue omoi illífue mo coméciidicue, cuemo omoi comeci ñue fáiana, Juzíñamui eróicana, omoi onóillena. Ie jira afebe ómoimo cueticue. ¹³ Iemona bifuiaido cuemo caimare dúecaídiomoi.

Mei íadi omoi cuemo dúecailla baimo Tito iere caimare illari jamánomo ióbidicue. Mei nana omoi afémie ñue uái illena íena canódiomoiza. ¹⁴ Naui omoi dibénedo Títomo cue úrilla uai meáiruñeno jaca ñue cuemo baite. Omoiri abi cue ínuana afémiēmo lloticue. Ja birui, nana ómoína cue daina uai uáfueña jailla izói, afe izói ómoiri Títoma cue daina uai uáfueña jaide. Iemona nauí afémiēna cue daina uai táinomo omoi fáifitañenari iere ióbidicue. ¹⁵ Ja birui Tito ómoína iere izíruite, mei nana ómoimo ie dáinado cue ocuífufuiai jeire omoi úamo afémie caimare uibóideza. Daje izói jacíruiocana caimare ie omoi llínuamo nai comécioidē. ¹⁶ Iemona ómoína jaícina ñue cue ínuari ióbidicue.

Jeruñeno fecáredicai

8 Amatiai, birui Macedonia éniēmo ite Juzíñamui mo jaináidinomo afémie dúecaífirenamona íaioi jeruñeno diga raa fecáfirenafue ómoimo llóiacadicue. ² Mei íaiomoi comuide féiredifuiiai iere íaiomoi jacire facátate íadi, caimare

itíaioi. Daje izói iere duérediaioi íadi, ráaredino izói raana jeruñeno fecáfirediaioi. ³ Mei dani íaioi comeci ñue jítaina izói nana íaiomoi ite dieze jeruñeno fecádiaioi, íemo afe íaioi írede úcube baimo nane fecáfirediaioi. Aféfuemo uaina nabáidicue. ⁴ Bie Macedonia imaci Judéamo ite ámatiai íaioi canóllena cuemo izire jicádiaioi. ⁵ Íaiomoi comeci cue faca baimo fecáfirediaioi; mei fueñe Juzíñamui comeci jítaina izói, “Juzíñamui ocuilla raire fñoiticaí,” dainano afémiēmo ñue finotiaioi. Afe mei daje izói “O ocuilla raire fñoiticaí,” cuena daidíaioi. ⁶ Afémaci daíí daina jira, Títomo izire jicádicue, afémie nauí omoi cígiri taineca omoi jeruñeno fecaca úcube iráiafue birui ñue ícoimo fuitállena. ⁷ Mei nágafuiai dibénemo iere ñue finódiomoi: ínogafue dibénemo jamánomoidiomoi. Iemo ñue llófuiana jamánomo baitádinodiomoi, naa ifoci úrillafuiai. Daje izói ráiraieñeno íocirenafue dibénemo jamánomoidiomoi, naa cuena omoi izírui llafueri. Daíí omoi íllamona, mai bie jeruñeno raana fécafue dibénemo daje izói jamánomoidinona omoi iri.

⁸ Bie fécafueña ómoína finótañedicue. Daa jiáimaci raire raana fecáfirenafueña omoi onótaacadicue, áfena omoi fidínamona íaioi feca dieze raire omoi fecállena. Afe daíí raire omoi fecácanado omoi izírui llafueña jiái uáfueña dáíitiomoi. ⁹ Mei cai Ocuíraima Jesucristo caimo dúecaillana ñue onódiomoiza. Afémie fueñe monamo illa llezica bínie comini ráanailla baimo jamánomo ráaredimie. Mei íadi biniēmo bíllamo caina izírui llano dama abina dúeredimienā finode, ie dúerenado Juzíñamui dibénemo caina jamánomo cai ráanaitallena. Mei uáfueña, nauí Cristo monamo illa izói, afémie caina itátaiacade.

¹⁰ Bie jiáimacimo fecáfírenafue dibénemo omoi ñue íllena, cue comécimo ite cue fácaja ñuera uai llóiticue. Naui jaide fimónamona nai biruimo afe jeruíñoeno fécafúena ñue tainédiomoi. Daa due jiza fécaítino izói, tainéñediomoi, mei jiáífodo íocire caimare fecáfírediomoi. ¹¹ Jira benómona mai ñue ícoimo omoi fuitari. Nano fueñe omoi táinia llezica, omoi íocire caimare fecáfírena izói, afe izói áfena ñue ícoimo fuitari. Omoimo ite dieze, jeruíñoeno fecáfíreiri. ¹² Dámie uáfúena Juzíñamuimo fecáacania, afémie Juzíñamuimo fecaca raa Juzíñamui caimare llíñoite. Mei uáfúena comínimo ite dieze Juzíñamui caimare llíñofíredeza. Afe baimo cómemo íñédena afémie táinona jicáñede.

¹³ Jiáimaci omoi canófirenado ómoína dúeredinona finócañedicue. ¹⁴ Mei jiáífodo illa dígazie dájerize omoi ráareri, daídícue. Jiáiziena jamánomo baimo ráareri, daíñedicue. Birui íaioi jitailla raana omoi ñue fecárediomoi. Iemo uire omoi jitáílliruimo omoi jitailla raana afémaci ómoimo fecárediaioi. Afe bie izóidemona afémaci naa ómoiri jaícina dájerize ráareitiomoi. ¹⁵ Jaiái afe monámona Juzíñamui oreca maná daina pan izóidena dibénedo Juzíñamui ciegáuái daje izói daíí dáídeza: “Aillo ofítatimiemo minícana fiébiñede. Iemo figo ofítañedimiemo ie jitaica raana íñede.” Iemona nana dájerize ráareitiomoiza.

Tito naa ie nabáñiairi

¹⁶ Ja jiáínodo Juzíñamuina “Figora” daíífredícue. Mei omoi ñue íllena ómoimo cue comeci úina izói, afe izói Juzíñamui Tito comécina ómoimo jónetadeza. ¹⁷ Afémiemo cue jónenocaigana afémie ñue

jiéruite. Iemo dama ie comeci ómoimo járitaífirenamona, ja birui dama ie comeci jítainado omoi eróizaide.

¹⁸ Tito diga daa ñue mámecina jica jalléidimiena orédícue. Nana gairífirede Juzíñamuimo jaináidinodo ie mámecei jica jalleide. Jíllona uaimo afémie iere ñue táijnado ie mámecei jica jalleide.

¹⁹ Daa bífueñedeza, mei jiáífodo Juzíñamuimo jaináidino afe bie caí ama nizé-diaioi cue diga jáillena. Daje izói cue canóllena afe ñue ínotimiena nizédiaioi. Afe jiáimacimo omoi dúecaille úcube cue fecállemo afémie cuena cánoite. Cai Ocuíraimamo ñuera uai nitállena bie izói finódícue. Daje izói íemo jiái omoi íocire comínina canóacanana ácatallena, bie izói mamédícue. ²⁰ Bie úcube cue iráiamo buna fieni úriñeillena bie izói finódícue. ²¹ Bie izói ñue jaícina uáfodo canóacadícue, Juzíñamui eróicana ñue cue íllena. Dama Juzíñamui eróicana daíí íñédícueza, daje izói jiái comini eróicana daíí íticue.

²² Afe íaíllinoído jiáie caí izói ínote ámatiaimona dáamie orédícaí. Afémie íocire ie mamérellana diga jiáífúiaído ácatate. Iemo birui ómoimo iere ñue ie ínuado, ie íocire mamérellana jamánomo jino ácatate. ²³ Daa come “¿Mei bu Títóna?” daííadí, “Jadíe omoi cue cánuamo cue nabáífredimie,” omoi daííri. Iemo afe Títodo jaide íaíllinoímo comini jicánoiaí, “Cristomo jaináidinomona orécaíallinoí,” omoi daííri. Afe llezica “Bie come íaíllinoí ñúefue Cristomo nitáfírediaíllinoí,” omoi daííri. ²⁴ Iemona bie oreca íaioímo, uáfúena íaioína omoi izíruífirenana ñue íaioímo ácatari, nana Juzíñamuimo jaináidino onóilleza. Afe izói bie orécamaci ñue omoi llínuado, ómoído abí cue ínuana, uafue daíítaitiomoi.

Amatiai iena úcube iraiica

9 Juzíñamuimo ínotino, cai amatiai izóidino íaiोजना úcube iráia dibenedo, ómoimo uáfuea cúenidicue, ²mei omoi fecállena raire mamérfirenana ñue onódicueza. Omoi Acaya énie ímácidíomoi. Nauide fimónamona omoi fecalle raamo raire mamérfirenana Macedonia énie comínimo jaca caimare llófredicue. Macedonia comínimona nabézie, omoi íocire mamérrillana fidíllamona comécido náicaidiaioi. ³Mei íadi bie úcube iráia dibenedo ómoido cue lloga ñúefue táinomo fáifíneillena, bie cai amatiai ómoimo orédicue. Daí íaiोजना uícodo orédicue, naui cue daína izóí áfemo ñue omoi finóbillena. ⁴Macedonia imácimona dáríe cuedo jaia, nai omoi finóbiñenana baizájillena gáíñedicue. Daí omoi íllana íaiói baizájiadi, afe cuena meáidaitade, mei áfede nano uícodo omoi ñue cue ínuana táinomo fáifítaitíomoi. Iemo jíái afémaci daí omoi íllana cíocaizaíbiadi daje izóí dani ómoína meáidaitaite. ⁵Afe bíemona nano uícodo ómoimo bie cai amatiai cue orelle iere jítaíredeza, daí comeci facádicue. Iemo daje izóí afémaci naui uícodo omoi mameca aillo úcube iráiana ñue ícoimo fúitana cánoítiaioi. Bimaci omoi cánuamona afe úcube iráiana fúitano, afe úcube caimare omoi fecállemo ñue finóbitíomoi. Iemona afe omoi fecalle cue riire ocuínidicue. Dani omoi comeci ñue jítainana ácataitíomoi.

⁶Ja cue llollífueo omoi uibíoiri. Due ritímie jaca due jofo ote. Iemo daje izóí aillo ritímie aillo jofo ote. ⁷Ie jira illa dígamie ie comeci caimare mamérrilla izóí ie úcube írede. Jeruílano éoinamona fecánide. Daje izóí jíáima ocuíoillamona ínide. Mei Juzíñamui caimare fecáfiredimiena

izíruiteza. ⁸Cai Moo Juzíñamuimo nana jíáifoide omoi cáimacaitade ráaniai iere aillo íteza, facádoñeno jamánomo ómoimo fecárede. Daí nana dani omoi jítaica ráaniaina ómoimo nágarui ífireite. Mei íadi dani ómoieñedeza, mei jíáiífoto ómoimo aillo ite ráamona, nana jíáiíforiede raado jíáímacina jeruñeno canórediomoi. ⁹Juzíñamui Cuegáuai bie izóí daide:

Dúeredinomo afémie jeruñeno aillo fecade.

Comínimo afémie ñue finócana jaca are iite.

¹⁰Iemo afe daade Juzíñamui omoi rillena jíáie ríamo llizítano ómoimo fecáfírede. Daje izóí afe riga zícuaamona, Juzíñamui áfemona omoi güille raana comúitano ómoimo fecáfírede. Iemona nana omoi jítailla ríllena afémie ómoimo fécaite; íemo dánomo omoi rigánuiaina jamánomo aitátaite; áíllamona jamánomo aillo óítíomoi. Daí omoi jamánomo óllemona jíáímaci canolle raa diga icaiño ómoimo íiteza. ¹¹Afemona diga jíáiíforiedena ráareítíomoi, jíáímacimo jeruñeno aillo omoi fecáfíreillena. Iemo cue uire omoi orelle úcube cue izájillamona jíáie cai amatiaína Juzíñamuína “Íere figura” dáítaite. ¹²Mei jira afe bie cánua Jerusalemo ite cai amatiaímo cai feca llezica, daa íaiói jítaica ráaniai íaióimo fecáñedicaiza, mei íadi afémacina Juzíñamuína “Íere figura” daítaticai. ¹³Iemona dani afémaci Juzíñamuido ñue úrtiaioi, mei bie cánua Cristo ñuera uaina omoi jíeruillana íaióimo jino ácatate. Daje izóí afémacimo íemo naa jíáímacimo jeruñeno aillo omoi fécajana íaiói cíónamona, Juzíñamuimo ñuera uaina jóoneítiaioi. ¹⁴Iemona ómoína iere duéruillano, afémaci afe íbana ómoíena Juzíñamuimo jícaítiaioi. Juzíñamui ómoído jino cíotaga aillo dúecaífirenamona afémaci

ómoido Juzíñamuimo úrifireitiaioi.
¹⁵Ie jira Juzíñamui afe caimo lloga áillo dúcaifirenana jamánomo ñúenamona, fia iga raa izóideza, áfena jino uaido jaícina llónidicaiza. Afe caimo dúcaifirenari Juzíñamuina “Iere figura” mai cai daiilli.

**Cristo orécamierna illamona
 Pablo ocuilla ríino ite**

10 Cue Páblodicue. Cristo caimo dúcaifiredeza, íemo jái afémie iere cáimamieza cue daje izói izire ómoimo jícaiticue. Omoimo riire cue úrizabiñeillena ja birui jicádicue. Dáarie cuena uáitatino bie izói cue dibénedo daiífirediaioi: “Pablo omoi cígiri illa llezica afémie iere comécina mánaidimie, mei íadi afémie jica jíáinomo illa llezica afémie abido riire ocuídímiena dóbaicaide,” daidíaioi.
²Mei jáífodo, omoi cue eróizaibilla llezica, rírede uaina ómoimo cue úrizabiñeillena izire jicádicue. Mei ómoimona dáarie cuemo fiénide uai jítádino ite. Afe íaioi jítaca uai bie izói joide: “Nana ie finócano daa bínie comini jítaina izói finoca,” daí daidíaioi. Iemona afémaci cue úritaja, rírede uáillaído íaioimo úriredicue. Mei íadi afe izói cuena úritaño iri.
³Mei uáfueza, ua cómedicue, mei íadi bínie comini fuirífirena izói fuiríñedicue.
⁴Fiénidifuiái oni cue caitalle raa, bínie comini fuirilla raa izóiñede. Mei jáífodo cue fuirilla raa Juzíñamui rínona rínorede, abi ríidollena riire finócauai izóidena cue táinocaitallena.
⁵Mei áfedo cuemo fiéni jítácana oni caitádicue; daje izói cuena íaioi cáitajana oni féitadadicue. Nana uáitaiacadino íaioi abi ínuano jíáimaci Juzíñamuina raire onóñeillena jízítáfirediaioi. Ie jira nana íaioi comeci faca uallai Cristo anamo itátaiticue, afe Crístona íaioi comeci

jiéruillena.
⁶Cue llógana omoi jiéruilla ñue ícoimo dúcille llezica, nana jáie uáitáfiredinona duere fñoitícue, íaioi jíeruiñena ícoínia.

⁷Daa jínofene cioide ráaniaimo eróidiomoi; uáfueza, náinidímiena cue eróinamo eróidiomoi. Ninó dámie “Uáfueza cue bie Cristo iédicue,” daííadi, bífuemo afémie úfbicaitarede: Cristo íena ie illa izói, daje izói cue Cristo iédicue.
⁸Mei diga icaíño, cuemo ite rínodo cue llóíadi nai áferi méaidaiñeiticue. Mei cai Ocuíraima afe ríino cuemo jónete, áfedo Juzíñamui dibénemo ñue omoi cue móonaitallena. Omoi niné cue táinocaitallena cuemo íñega.
⁹Fia rabedo ómoina jácidotímie izói íacañedicue.
¹⁰Dárie cue cuezábiaído daidíaioi: “Jamánomo riire ocuífiredé; mei íadi afémie comini eróicana úrilla llezica, afémie ríimieñede. Afe llezica ie úrilla uaina iere jáimairuiredé,” daidíaioi.
¹¹Afe izói úritímie bie izói onótarede: Jícana rabedo riire cue úrilla izói, afe izói omoi cígiri cue ille llezica riire úritícue. Nane afe dáaruído afémacina riire ócúiticue.

¹²Afémacimona dáarie dani íaioiena ñue caimare úritiaioi. Táinomo abi ínuado úritiaioi. Afémaci illa izói jaca mamériñedicue. Dani táinomo íaioi comeciillado conímamo comeciídiaioi. Ñuera come daíllena dani conímamo facádiaioi. Daíí fácajamona abina onóñedimacina jáidiaioi.
¹³Cuemo dúíñede raado abina íñoñeiticue, uai cue llócaillena mózizaillinona llotímie, Juzíñamui. Afémie ñuera uallai cue llócaillena omoi illánomo cuena dúcitate. Uáfueza Corinto dínomo cuena jáitate.
¹⁴Ie jira cuemo dúide tájinafue baimo jáíñedicue. Mei nauí Cristo ñúefue fueñe ómoimo jino dénuaiíbíticueza. Iemona afe omoi cígiri cue tájille cuemo dúide. Nano fueñe lluaíbiñedicuena afe

táijille cuemo dúiñede; mei íadi daiñañede. ¹⁵Jiáimaci táijinana cúeiena abímo maiñóñedicue. Afedo abina ññoñedicue. Mei jiáifodo Juzínamuimo omoi ñnogafue ñue móonaille dinori, omoi cígiri jamánomo cue táijillemo ocuúridicue. Mei íadi cuemo dúide táijinafuedo táijifreiticue. ¹⁶Iemona afe méifomo omoi illa batífenemo jica itínomo jílona uai llujáiredicue. Mei íadi afe llezica jiáima taineca táijinamo táijineiticue, ie táijnado abí cue ññoñeillena.

¹⁷Mei jiáifodo daa come abí ñnoia-cania, cai Ocuíramado abí ñnoiteza. ¹⁸Dama ie abido ñue úritimie, ñuera come daiífrenamierna jáiñeite; mei jiáifodo daa Juzínamui ñue úrillamie, ñuera come dainámiena jaille.

Cristo óreñega taino Ilotino Pablo diga

11 Abina onóñedimie izói due jiza úriticueza. Raire cue uai oñeno ñaicana cue úrillamo ómoína cacáretaacadicue. Mai ñaicana abí cue ñnuamo omoi cácarei. ²Omoína iere uróifredicue. Afe omoi cue uróilla Juzínamuimona comuide. Dámie ie áireiacania jétañega jitaingo óllena jica ia mámano jicánote. Afe jicánogango daa afémiemo ínreirede. Mamécaruimo afengo moo aféngona izájite. Afe izói Crístomo ómoína cue izájillena ja Crístodo mamédicue. Ie jira ómori iere uróidicue. ³Mei comini nánoidingo Evana jaio bífuiano jífua izói, afe izói jiáimaci ómoína bífuiana jacíruiticue. Afemona figo abí omoi ráruñenia jífufetiomi. Iemona Crístomo ñuera comécido omoi coméciillana oni jiáifodo féitaitiaioi. Daje izói Crístona nahí omoi izíruillana féitaitiaioi. Afena jacíruiticue. ⁴Cue llócaiga Jesús izóñedimiena ómoímo llotiaioi. Afemo ñaicana caimare ñue

cacáreidiomi. Afemo nibai omoi ñnollena jacíruiticue. Iemo naui ómoímo cue lloga o maiñoca Ñuera Joreño izóñedena jiáifoide joréñona abímo maiñódiomi. Iemo jiái úcodo cúemona omoi cacana ua jílona uai izóñedena jiáifoide uai jeire otómoi. ⁵Birui baie omoi cígido jáillamaci “Cai bie Cristo orécamací baimo ñúemacidicai,” daidíaoi. Mei íadi afémaci jofófenemo ráifñedimiedicue, daí comécidicue. Iemona ¿nibái mei cuemo cacáreñeitiomi? ⁶Mei nibai cue úrilla uai figo jinoñeniadi, nai cue onoiga rafue jino llúana dibénedo iere baitádimiedicue. Nana ómoímo cue llócaillado afe bie cue onógafuina jaca nágarui jino ómoímo ácatafiredicue.

⁷Jílona uai ómoímo rainóñeno cue llúado, omoi anamo cue abina itátaticue. Daí iticue cue baimo ñúefuedo omoi jalléillena. Daí cue illa ¿nibái ñéñide? Daiñañede. ⁸Jiáie Juzínamuimo jaináidino omoi cue canolle úcube ibádiaioi. Omoi cígiri cue íllena afe úcube cue llínua afémacimona cue bairoca izoide. ⁹Omoi cígiri cue illa llezica, cue jitaica raana ite. Mei íadi afena jaca ómoimona rainóñedicue. Aféruillaído Macedóniamona bite cai ámatiai, cuemo íñede raana fecádiaioi. Afe daí cue abina rairuídicue, omoi cígimo nana cue finócafuaí ómoímo juare zúñeillena. Iemo naui cue illa izói, afe izói omoi cígiri jaca daí ífreiticue. ¹⁰Cristo ñúefue ua cue onona izói, afe izói nane jiáifuenta ua onódicue. Afefue bie izói daide: Nana Acaya éñiedo rainóñeno táijifreiticue. Afe cue táijina cue rainóñenari cáimacaiticue. Iemo afe cuemo ite cámafue buna cúemona bároñeite. Afena uáfodo onódicueza. ¹¹¿Nibái mei daí úriticue? ¿Nibai ómoína cue gáñenado daí

úriticue? ¡Ieñede! Omoína iere cue gáinana Juzíñamui ñue onode. ¹²Mei íadi jaca cue fñua izói finóicaiticue, cuena uáitatino abí finotañeilla. Jaca ómoimo rainóñeno tájifireiticue, baie abí finotino íaioi abí fñua raa cue bairóllena. Afémaci úcubena ómoimona izire jicáfirediaioi Cristo ua orécamienua cue illa izói íaioi íllena. Mei úcube íaioi ófirenamo finotiaioiza, áfede “Cristo orécanodicai” daíllena. Ie jira afe íaioi fñoga uai oni caitáacadicue. Iemona jaca rainóñeno ómoína canófireiticue. ¹³Baie afémaci Cristo óreñega iere taino llotino. Daje izói afémaci jíáimacina jífuefiredino. Iemo jíái afémaci come jifeia jíáifo eroína izói, Cristo orécamacina comínina íaioimo coméciitaacadiaioi. ¹⁴Afe bie jíáifodo afémaci eróinafue cáimona jánañede, mei dama Taife egáñote Juzíñamui abí ímiena eróillena méidoficaideza. ¹⁵Ie jira, Taifemo tájitagano ie méidoficailla izói méidoficaifirediaioi; afe jíáifoide raa izoiñede. Iemona jifeide come eroína izói bimaci ñue ite comínina eróillena abina jíáifodo méidotiaioi. Mei íadi íaioi finócaiga fiénidifue dúina dieze afémaci táinocaitiaioi.

Cristo orécamienua ie íllamona Pablo duere zefuide

¹⁶Nane dáanomo ómoína daíiticue: Bie jabo abí cue fñuamona cue úrillamona bu cuena “Uáiritaidimiedio” daíñeno iri. Mei íadi daa come daí comécido daííadi, dama uáiritaidimie izói úriticueza fia omoi eroiri, áfede jabo abí cue fñollena. ¹⁷Afe bie abí cue fñua uaina, cai Ocuíraimamo ite ríinodo cuena daíí daíñañede. Mei jíáifodo dama uáiritaidimie izói úriticueza. ¹⁸Mei dani íaioi daina ñuera uaido abí finotinuiaí aillo íteza; afe íaioi taino abí fñuana izói, afe izói abí fñoiticue. ¹⁹Omoi zánuano daíiticue,

omoi jamánomo baitádinodiomoiza, mai uáiritaidimie izói cue úrillamo caimare fñaicana omoi cácarei. ²⁰Mei ómoína baie riire tájitatino caimare fñaicana cacáreidiomoi. Iemo jíái ómoimo ite raana báiruáibitino uaimo caimare fñaicana cacáreidiomoi. Iemo jíái ómoína náamataíbitino uaimo fñaicana caimare cacáreidiomoi. Iemo jíái omoi jámairuitinomo caimare cacáreifirediomoi. Iemo omoi uécona fatade izóidino, afe nii ómoína fieni úritinomo fñaicana caimare cacáreidiomoi. ²¹Bie izói cue daina cuena meáruitade, mei íadi dama cue jámairuillado daíiticue, cue bie afémaci fñua izói, cue finóllena figo ríinidicue.

Mei íadi aillo jíáie comini jacíruiñeno daíífiréna izói, cue jíái jacíruiñeno daíiticue, mei íadi áfede uáiritaidimie izói úriticue. ²²¿Meita afémaci hebreo imaci? Cue jíái daje izóidicue. ¿Meita afémaci Israel nairai íédiaioi? Cue jíái daje izóidicue. ¿Meita afémaci Abrahámona comuídino? Cue jíái afémaci izóidicue. ²³¿Meita afémaci Cristo tájitagano? Cue bie afémaci baimo Cristo ocuícamiedicue. (Bie izói cue dáinado uáiritaidimie izói úriticue.) Cue bie afémaci baimo jamánomo tájigidicue. Cue bie afémaci baimo zéchedogacue. Daje izói afémaci baimo llavécacue. Iemo diga ícaíño titáacagacue. ²⁴Cinco dífgacaíño judío nairai duere cue fñua llezica, cuena zechénotadiaioi. Nágari duere cue íaioi fñua dáruido treinta y nueve dífgacaíño cuena zechénotiaioi. ²⁵Iemo dacaiñoámami cuena ragúizido fatíaioi. Iemo dácaíño nofciaina cuena nójidiaioi. Iemo dacaiñoámami cue jaiilla áillue nocáe buide. Iemo dácaíño cai buíllamona daa naio daa mona diga afórede monaillai cígimo iticue. ²⁶Dáanori uái íñeno iere macáfiredicue. Iemo diga imani

jacíredinuiamo iticue, íemo jacírede merírifiredino cígimo iticue, íemo dama cue comíniri jacíredifuiái cígiri iticue naa jicánemaciri. Iemo áillue jofue cígimo ite jacíredifuiái cígimo iticue. Daje izói áillue nairai jinomo ite jacíredifuiái cígimo iticue, íemo jíái monáillaimo jaci cácadicue. Iemo jíái taino ámatiaí cígimo jaci cácadicue. ²⁷Daje izói juárede táijinamo iticue naa féiredifuiári. Diga ícaíño mona naio diga ínñeno táijidicue. Daje izói iere jufi cácadicue, íemo jíái jainoi ínñenari duere zefuídicue. Diga ícaíño Juzíñamuimo começi fácano güíñeno jáicadicue. Daje izói rólliemo duere zefuídicue. Daje izói ínícuiironino jáicadicue.

²⁸Nane bífuiái baimo jíáífuiái cuemo comuide. Nágaruillaido náganuiaimo ite Juzíñamuimo jaináidinomo cue começi úicaide. Iaiñoína abóidicue izói duere zefuídicue. ²⁹Iemona daa come figo Juzíñamuimo ie ínñoñenamona duere zefuádi, afe cuena duere zefuítate. Daje izói dámie íaifueemo começi nine féiacaniadi, cue começi niné féizaila izoide. Iemona afe cuena meáidaitade; daje izói cuena rícaitate. ³⁰Mei afémaci táinodo cuena abí ínnotaadi bie izói dáititue: Cue mairíñenana jino ácatate raado ñue cue úrillena baimo gáidicue. ³¹Cai Moo Juzíñamui bie cue daina ua uaina onode. Afémie cai Ocuíraima Jesucristo Moo; íemo jíái afémie jaca ninomo íóbioitaregaza. ³²Nauí Damáscomo cue illa llezica afe nairai jabóidillaíma naga nazemo úiñorainina jónete, llaitada cue llavéllena. Afe nairai nahíllaima Areta mámeciredimie. ³³Mei íadi jíáie Juzíñamuimo ínnotino, eróirafomona cirígaido cuena ana agúínetiaioi; mei afe jofue onífene cirínua raa caífo jicado íteza. Daí afémacimona botada jíllodicue.

Juzíñamui Páblomo nicai anado ua ráfuedo úrite

12 Dámie dama abido caimare úria minícana oñede. Ie úrilla jíáie raamo ráíññede. Afefue ñue onódicue ia, cai Ocuíraima nicai anado cuemo ácataga raa jino llóredicue. Afe llezica úicodo nai buna ónoñegafuiái cuemo lloste. ²Afe cuemo ácataruimona ja catorce fimona jaide. Aféruimo Crístromo cue jaináinamona caífo tercera monamo Jesucristo illámonamo uigacue. Onóñegaza nibai caana abido uigacue, nibai íeizinino uigacue. Afe dama Juzíñamui onoiga. ³Cue úinaruimo nibai abí diga uigacue, nibai daa cue joreño úina, áfena onóñedicueza; dama Juzíñamui onoiga. ⁴Juzíñamuimo ínnote tíidino jáillinomo uigacue. Afénomo Juzíñamuimona dama cuemo duide ebírede uáillaina cacádicue; afe uáillaido Juzíñamui rairuídeza birui úrinidicue. ⁵Afe cuemo ácataga raado abina ínoredicue, mei íadi áfedo abina ínnoñeiticue. Dama cue abina ínnoñeiticue. Mei jíáífodo cue mairíñenado ñue cue úrillena iere gáidicue. ⁶Mei dama abido cue úriacaniadi, afe abina onóñeno úrilla izóiñede, mei jaícina uáfuenta úriticue. Mei íadi áfedo úriñeiticue, mei cue ciona izói comini cuemo coméçillena jítáidicueza. Afe izói cúemona íaioi cacana izói áfeze cuemo íaioi coméçillena jítáidicue. Afe baimo aillo jíáíforie cuemo íaioi coméçillena jítáíñedicue.

⁷Afe cuemo jino onótaga raa iere jamánomo ebire cioide. Ie jira áfedo jamánomo abina cue ínnoñeillena, duere zefuítagacue. Afe duere cue zefuilla come abimo eedo llúina izoide. Afe eedo, Taífe come izi cácatate raa izói, cuena duere ínuaíbite. ⁸Bie duere cue zefuilla raa cai Ocuíraima oni oréllena dacaiñoá-

mani íemo jicádícue. ⁹Mei íadí cai Ocuíraíma cuena daíde: Cuemo ite o cue cáimadofírena nana omo comuide duere zefuilla o ocuílleña ñue cánoite. Mei daa come náinina llezica, cuemo ite ñuera ríno afémiedo ñue jino ácatarede,” daíde. Ie jira cuena náinitade raari íóbidícue, afe daíí Crístomo ite ríno cuedo jino ácatallena. ¹⁰Mei jira cue náininari íóbidícue, íemo comini cuena báñuari íóbidícue. Daje izói raana cue jitáillari íóbidícue. Afe izói cue duere íaiói finóacanari íóbidícue. Iemo Cristo ícoínia féiredífuíai cuemo comuillari íóbidícue. Mei jamánomo íaiói cuena uáitaacana llezica, afe llezica Juzíñamui cue cánuado comécina jamánomo íociredimiena jáidícueza.

**Coríntomo ite Juzíñamui
jaináidinomo Pablo
comeci úicaífirede**

¹¹Dama cue abi ífuedo cue úricaillamona uáiritaidimiena jáidícue; mei íadí daíí cue úrillena cuena ocuíoide izói itíomoi. Mei dani omoi ja birui cuedo ñue úriredíomoi; mei ráifíñedicue ia, omoi cígido jaide Cristo óreñega jamánomoidino jofófenemo ráifíñedicueza. ¹²Nauí omoi cígido járitaiñeno fíaicana táijidícue. Afe cue táijicaillaruimo jíáiena onótate raana finódicue naa ciórainina ráaniari. Afe dáaruído ebire cáimacaitate ráaniaina finódicue, nana bífuiaído Cristo ua orécamedícue daíllena. ¹³Jiáie Jesumo jaináidino cígiri cue illa llezica, cue jitaica raana rainódicue; mei íadí omoi cígiri afe izói íñédícue. Daa bífuedo jíáie fínotino jofófenemo ómoimo comécíidícue. Afe ómoimo cue rainóñena díbenedo ómoimo fieni cacáíadi áfemona meine caimare cue uáídorí.

¹⁴Ja birui dacaiñoámani omoi cue eróizaíbillena finóbidícue. Iemo

omoi cígimo cue íllena ómoimo juare fínoñeítícue; mei ómoimo ite úcube cúeiena máíñuaíbíñeítícueza. Mei jíáífodo dani omoi Juzíñamui ñue jaináitallena bíítícue. Mei uafue, éicomini úruíai íena úcubena ofítarena. Uruíai ie moo íena ofítanide. ¹⁵Omoi começi ñue íllena dama cuemo ite díga caimare fúítaitícue. Daje izói ómoiri cuemo ite máiriena jeruñeno fúítaitícue. Omoína jamánomo cue izíruíadi ¿afe íbana meita omoi jofófenemo cuena izíruiredíomoi? Daíítañede mei íadí birui afe izói ómoimona dáarie cuena daíí finódiaíoi.

¹⁶Nana ómoína cue llótaídu-aíbíñedicue. Afena ñue fairíotíomoi; mei íadí afe méífomo dámerie jíáífodo daídíaíoi: “Irebaimo jíita izói caina bífuiano úcube ote,” daídíaíoi. ¹⁷Nauí ómoimo cue orécamacimona, ¿meita cuemo izájillena dáme ómoína bífuiano úcube ote? ¡Oñede! ¹⁸Omoi méíñuallena Tito izire jicádícue. Afémiedo daa jíáie ama orédícue. ¿Meita afe Tito úcube óllena ómoína jífue? ¡Daíítañede! Tito, ie nabai, íemo cue, cue macáfírena izói, daje izói nana macádicai, ¿ero ua? Dájena ñue comécíillado táijífíredícaíza, ¿ero ua?

¹⁹“Caido abi ríídotío,” níbai caina comécido daídíomoi. Mei íadí afe izói jóíñede. Mei jíáífodo Juzíñamui eróicana Crístomo jaináitagame izói úrticai. Mei cue izíruíga ámatiaídíomoi, nana bie izói cue daina omoi começi Juzíñamui díbenedo ñue móonallena llotícue. ²⁰Mei omoi díne cue bille llezica cue começi óiacana izói íñédíomoi cue cíoizaíbillena jacíruitícue. Iemo afe íbana omoi começi óiacana izói íñédícue cue omoi baizájillena jacíruitícue. Iemo dájena ñue omoi jaináíñenamo jacíruitícue. Daje izói omoi fíradoífirenamo jacíruitícue; íemo

jiáimana omoi ícífírenamo jacíruiticue. Iemo afe llezica jiáimana duéruíñeno dani abí omoi úicoficaillari jacíruiticue. Iemo jiáima uaita uai omoi llófírenari jacíruiticue. Iemo jiáimaci jánari omoi úrifírenari jacíruiticue. Daje izói fieni abí omoi fínofírenari jacíruiticue. Iemo ocuícana náfuñedino izói fieni ebena omoi fírenari jacíruiticue. ²¹Iemo jiái uire omoi cue érozabille llezica omoi daií illari cue Juzíñamui ómoído cuena meáidaitalleri jacíruiticue. Iemo afe llezica nibai aillo ómoiri cue éiari jacíruiticue, mei jaiari ninómona diga fiénidifuiari omoi fínuari éedicueza. Mei ómoimona aillo nai íaioimo ite íaifuiari féitañediaioiza. Daje izói íaioimo ite jírúfuena fáicanocaiñediaioi, íemo íaioi comécina jíríoide fieni finócafuiaí oni nine féitañediaioi.

Pablo íraicaíño íaioi uáidua uai, íaioimo llonódacaiga uai diga lloste

13 Naui ménacaíño omoi méiñuaidicue. Ja birui nane meine omoi méiñuaibiticue. Onódiomoiza, naga júfidoga rafue mena, nibai daámani uai nabáiraini daje izói úriadi, afe júfidogafue ñue záide. ²Naui méifodo omoi cue méiñuaibilla llezica, nana naui úcodo fieni itínona duere cue finóllena llonódacaidicue. Birui benó jica cue illa llezica dáanomo naui ómoína dama cue dainana llóiticue: “Uire nane omoi cue méiñuaibia naui úcodo fieni itínona naa ómoiri dúecaíñeno duere fñoiticue,” daidicue. ³Iemona omoi jenoca Cristo cuedo úrilla onótafírena raana ñue ónoitiomoi, mei áfena jenófirediomoiza. Omoiri Cristo náinidimie izóiñedeza, afémie ríinorede, Cristo omoi diga jifánoñedeza, ríiredimieza. Omoína ñue rairuíoide. Omoi cígiri íemo ite ríno jino cíotate. ⁴Uáfueza, Cristo

náinidimie izói cruzmo coraica, mei íadi birui afémie Juzíñamui ríinodo caade. Afe daií Cristo náinina izói dájena náinidicue, mei íadi dájena afémiemo cai jaináillado Juzíñamui ríinodo íiticue, omoi ñue cue finófireillena. ⁵Mai dani ñue abina omoi onoiri. Afemo, mai ñue comeci omoi facari, Juzíñamuimo ñue finoga uai iere jeire omoi úana omoi onóllena. Omoi comeci ifue facada ñue jóonefíreiri. Jesucristo ómoiri íllamo ¿meita áfemo comécíñediomoi? Mei nibai jiáifodo jóide. ¿Meita táinona fínotiomoi? ¡Afe daií íñeiteza! ⁶Mei uáfueza, cai bie táinona llotímiñedicue. Afemo ñue omoi comécioicaillemo ocuúridicue. ⁷Iemo afe llezica fiénidifue omoi fñoñeillena Juzíñamuimo jicáfiredicue. Daa ñúefue dibénemo omoi íllena jicádicue. Mei íadi ñue jaícina llófuefíredimie cuena daiíllena jicáñedicue. Dámie “Jaícina lloñédio” dáiiadi áfena llóñeiticue. Núefuemo omoi ille comini cueri dainana baimo ráifide. ⁸Jaca ua uai jeire omoi oíadi úaitañeiticue; ómoína lletánidicue. Mei jiáifodo afe uaina nabáiredicue. ⁹Ie jira ómoína cue lletáninamona náinina cue cíoiadi, áferi caimare íobidicue, mei afe llezica omoi ñue comécina náirediomoiza. Iemo nífuenino ñue jaícina omoi íllena jaca jicáoiíreiticue. ¹⁰Nai omoi cue méiñuaibiñena llezica, bibe úcodo ómoimo cueticue, uire ómoimo cue bíadi omoi diga riire cue íñeillena. Uáfueza, omoi riire cue lletalle ríno Juzíñamui cuemo iga. Mei íadi omoi cue táinocaitallena cuemo íñega. Mei jiáifodo Juzíñamui dibénemo omoi comeci ñue cue móonaitallena cuemo iga.

¹¹Cue ámatiai, ñue ítímoiza. Dani nífuenino jaícina omoi illínomo omoi comécíiri. Bie ómoimo cue lloga uai náfuiano, conímana omoi

náicaitafireiri. Conímamo dájéize
caimare omoi coméiifireiri. Daje izói
jáiái dájena ñue uái illífue omoi
iri. Iemo cai uái illifue comúitate
Juzíñamui omoi dígá ífireite, íemo
ómoína ie izíruifirenana ónoitiomoi.
¹²Caimare conímama omoi uáidori.

¹³Nana benó ite dájena Juzíñamuimo
ínote cai ámatiai ómoimo uai orédiaioi.

¹⁴Ja birui cai Ocuíraíma ómoína ñue
fñoiteza. Daje izói Juzíñamui ómoína
izíruifireiteza. Iemo Ñuera Joreño
ómoína nabáioicaiteza. Daiítadeza. Jae
niie.

GALACIA ENIE IMACHIMO SAN PABLO ORECAE

*La Carta del Apóstol
San Pablo a los Gálatas*

Pablo, Galacia éniemo ite Juziñamui uaimo ñinofiredinomo cuete

1 Cue Páblodicue. Juziñamui ñúefue llujállena orécamedicue. Dani comini cuena jóoniamona llujáñedicueza. Daje izói comini cue óriamona llujáitagamieñedicue. Mei íadi dama Jesucristo llujáitagamedicue. Daje izói afe Jesús tíidinomona meine abido cáatate Moo Juziñamui llujáitagamedicue. ²Nana Galacia éniemo ite Juziñamuimo gairífiredimacimo bibe cueticue. Daje llezica nana cue diga ite ámatiai uai orédiaioi. ³Moo Juziñamui fecaca comécina uái illafue dibénemo mai omoi iri. Cai Ocuíraima Jesucristo afe bífuiai daje izói caimo lote. Aféfuiai dibénemo mai omoi iri. ⁴Mei afémie, cai fiénidífuiai dóllena, titállimiena dama ie abina izájide. Daií cai Moo Juziñamui jitaina izói, afémie ie abina izájide, bie fiénidíruillaimona oni cai jírecaitallena. ⁵Juziñamui daií cai jíllojamona, afémiena “Jamánomo cáimamedio” mai cai daiilli. ¡Afémie jaca daií íteza! ¡Mai!

Abí dine cai jílloille uaina jaca ñede

⁶Juziñamuina raire omoi zóofiailla uai, cuena fáigacaitade. Zóofiano, ja jiáie táinomona lloga jiáifodo joide fia daina jállona uaimo íacadiomoi. Aferi fáigacaidicue. Mei Juziñamui, Cristo caina izíruillado omoi jílloillena, jae caimare ómoína uáidoteza. ⁷Uáfueña dáititue: abi diné jiáie jállona uai jaca ñede. Mei íadi dáarie ómoína áife-dotimaci, cai bie Crístomo ñinuamona

cai jállona uaina, jiáifodo feire méidoacadaiaioi. ⁸Mei íadi jiáie come afe cai jállona uaina uáitajano, jiáifoidífue ómoimo llóyadi, mei dama Juziñamui afémiena fáidoiteza. Nibai dama cue daií jiáifodo llóyadi, Juziñamui faidólllicueza. Daje izói monámona biite Juziñamui abi ímie daií llóyadi, mei Juziñamui íena fáidoiteza. ⁹Nauí ómoimo cue llua izói, birui nane daje izói daidicue: Dinó omoi jiáifodo llófueacadino cáimona omoi cavana jállonafuena afémaci uáitaiadi, mei afémaci Juziñamui faidólliaioiza.

¹⁰Bie riire cue dáinado ¿mei nibai comini bífueticue cue íaioi cáimadol-lena? ¡Mei íeñede! Dama Juziñamuina ióbitaacadícue. ¿Mei nibai comini uícori fígomierna íacadícue? ¡Daje izói íeñede! Comini uícori fígomierna nai cue íacaiadi, mei Cristo táijitagamierna ínidicue.

Pablo Juziñamui ñúefuena lluájitimiena jáillafue

¹¹Mei ámatiaína ja maméidiomoiza, ja bífuena nane omoi uíbitaticue: Cue lloga jállona uai comínimona comuñede. ¹²Daje izói aféuaina comínimona cacáñedicue. Ua áfena bu llófueñegacue. Mei jiáifodo aféuaina dama Jesucristo onótacacue.

¹³Nauí judíuai ñnogafuaimo cue jainaina llezica, cue illáfueña jae onódiomoi. Aféruido Juziñamuimo gairífiredinona iere duere íaioi cue finóllena riire cue rácajana fidídiomoi. Daje izói nana íaioína niné cue táinocaitallinona onódiomoi. ¹⁴Afe llezica, cue uzútiai daináuailaimo iere izire cue jaináiacanamona, judíuai ñnogafuemo baimo baitádimierna jáidicue. Aféfuemo comécina iere fígomierna jáidicue. Ua aillo cai judíuaimona, daane cue comuíllagimamona baimo fibídimierna jáidicue. ¹⁵Mei íadi nai cue jócoñenia, Juziñamui cuena nizede. Daií níziano, iere cuena ie izíruillamona, cuena

uáidote. Cue ie uáidua mei, ie óiacana izói, ie Jitona cue onótate. ¹⁶Ua, ie Jitona cue onótate, afe Jitó cue onónamona Juzíñamui ñuera jállona uai judíoñedino cígimo cue llujállena. Daií Juzíñamui cue uáidotemo, bumo nífuena “Mai cue llofue” jicánoñeno, dama oni Arabia éniemo raire jáidicue. ¹⁷Ua, Jerusalemo ite nano cue uícomo uáidoga Jesús ñúefue llujáitinomo úrizaineno, raire oni Arábiamo jáidicue. Diga irui dinomo cue illa mei, abido Damáscómo biticue.

¹⁸Afe llezica Jerusalemo are nai jáiñedicue. Dafimonaámani dinomo cue fuita mei, Jerusalemo jáidicue, Pedro diga cue úrillena. (Afémie jíáifo mameina Cefas.) Aféruimo dama Pédróna ñue onódicue. Quince dígarui ie diga nabáiricadicue. ¹⁹Aféruillaido jíáie Jesús ñúefue llujáitimacimona dámie ciódicue; afémie Santiago, cai Ocuíraíma ama. ²⁰Juzíñamui eróicana úriticue: Bie ómoimo cue cuega nahí uáfueza, daidicue.

²¹Afe méifodo Siria éniemo naa Cili-cia énie diga jáidicue. ²²Judea éniemo ite Crístomo gairírfiredino nai cue uí-cona onóñediaioi. ²³Dáafuena fidídiaioi. Afefue bie izói daide: “Jaiái cai fállena cai racádimie, ja birui cai finollifue llo-cana uite. Jaiái jíáíruido aféfuena afémie nine táinocaitaacade.” ²⁴Iemona cuedo Juzíñamuimo ñúefue jónetiaioi.

Jiáie Jesús orécamaci ja Pablo caimare uáidotiaioi

2 Catorce fimona fuilla mei, Bernabé diga meine Jerusalemo jáidicue. Afe dáaruído Tito uiticue. ²Juzíñamui cuena daina izói dinomo jáidicue. Dino Jerusalemo Juzíñamuimo ínotino ocuífiredo jalléidino dáarie ite. Iaióiri oni eneno fueñe dáanomo gairídicue. Dinomo judíoñedinomo cue llófirega jállona uai íaioimo jino lloticue. Bie

izói íaioimo llujáidicue, nana cue lló-caigafue táinomo fáifíñeillena; daje izói birui jino cue llogafue táinomo fáifíñeillena. ³Aféruído cue nabai Títóna judíuái lloga uai izói, finóñediaioi; afémie judíoñedino íadi, ie bacano icoi quetátañediaioi. ⁴Afe llezica dáarie táinona llote ámatiaí, báinino cai cígimo dúcidiaioi. Afémaci Tito bacano icoi quetáacadiaioi. Afémaci cai cígimo uíñoðoimaridiaioi, rairuínino cai íllana onóillena. Mei ja birui Jesucrístómo cai jaináinamona, Moisés ocuica uáimona uáfodo jirénogacaiza. Afémaci nane abido áfemo caina izire rairuícáno izói finóacadiaioi. ⁵Mei íadi íaioi llógana naado jeire onédicai, mei oni íaioi taino llujáfue mo abina uitátañedicaiza. Daií íaioina jíeruiñedicai, mei ua jállona uai jaca jeire omoi óllena, iere jitáidicaiza. ⁶Mei íadi afe Jerusalemo ite ocuífiredo jalléidino comue jíáifuena cuemo lloñediaioi. Afémaci jalléinafuena figo ná-fueñedicue, mei onódicueza: Juzíñamui, fia jinofe ífuena riire jicánoñede. Mei jíáifodo afémie naga cómemo dájerize ñue jaícina jicánoite. ⁷Ua, jíáie cómofuena cuemo lloñeno, dama cue llujáigafue ñue jíeruitiaioi. Ñuera jállona uai, judíoñedinomo cue llócaillena Juzíñamui cuemo jóniana como fidídiaioi. Afe uícomo daje ñuera jállona uai judíuáimo Pedro jino llócaillena fidídiaioi. Afe táijina Juzíñamui Pédro mo jónete. ⁸Mei uáfueza, Pedro ória izói, cue jíái orécacue. Daje Juzíñamui Pedro judíuái cígimo oreca. Ie mei daje Juzíñamui judíoñedino cígimo cuena orede.

⁹Aféruillaido Santiago, Pedro, Juan diga nanoide ocuífino. Bie ñuera táijinafué Juzíñamui cuemo jóniana íaioi fidínamona, cócona Bernabé diga caimare uáidotiaioi. Daií cócona finódiaioi, ja nana dáamacidicai daiíllena. Iemo, afémaci judíuái cígimo táijiza-illa llezica, coco jíái oni judíoñedino

cígimo tájjizairedicoco. Daí cócona daírediaioi. ¹⁰Daa rafue cócomo jicádiaioi: “Mai jaca féitaño, duéredinomo comeci ómicoi uíbifireiri,” daidíai. Afefue cue finóllena jaca járitaifiredicue.

**Antioquía jófuego
Pablo Pédróna lletade**

¹¹Mei jáiruido Pedro Antioquía jófuego dúcia mei, íemo eróicana íena riire lletádicue, mei rairuíredifue ie fínua jira. ¹²Fueñe afémie judíoñedino diga güizájjifrede. Mei íadi Jerusalemo ite Santiágo jaináidino dúcina llezica, afe Pedro judíoñedino diga dáanomo abído güizáñede. Iaiomona járecaillano oni eno ífiredi; mei Jerusalémona bite bacano icoi quétafue llotínona Pedro jacíruiteza. ¹³Afénomo Jesumo ínote jáíe judíuai ite. Pedro oni eno jáillana íaioi cíoillano, afémaci daje izói judíoñedino cígimona oni járecaidiaioi. Íirainomo jáí Bernabé íaioi fiénide oni járecaillamona daje izói járecaide. Afe fue jáíamaca jífueoicaide. ¹⁴Mei íadi, ñuera jállona uai ua daina izói íaioi íñénana cue cíoillano, nana dáanomo gairídino eróicana Pédróna daidicue:

—O judío, mei íadi benomo judíoñedino illa izói itio. Benomo judío illa izói íñedio. ¿Ñibái mei birui judíoñedinona judíuai illa izói jóneacadio? —dino Pédróna lletádicue.

**Nana jáíe comini izói,
judíuai Crístono íaioi
íinogafuedo jállorediaioi**

¹⁵Cai bie jaca jocóinanomona judíuaidicai. Juzíñamuimo coméciifiredicai. Judíoñedino Juzíñamuimo comécina facáñediaioi. Iemona fiénidifuiaredinona itíai. Cai afémaci izóiñedicai. ¹⁶Mei

íadi onódicaiza: Moisés ocuica uai iere ñéfinamona, buna Juzíñamui anamo ñue jácina índe. Mei dama Jesucrístono dánirie íaioi ínuado illa dígamie daí jácina írede. Iemona judíoñedino izói, cai daje izói, Jesucrístono ínoticai, afe íemo cai íinogafuedo Juzíñamui anamo ñue jácina cai íllena. Uafue, Moisés ocuilla uai iere ñéfinamona buna ñue jácina índe.

¹⁷Birui cai judíuai cígimona dámie Crístono ie íinogafuedo Juzíñamui anamo ñue jácina íacaniadi, bie izói daífrede: “Judíoñedino izói fiénidimiena iticue” daífrede. ¿Meita bífueomona “Crísto fiénidimacina caina itátate” daífrede? ¡Daíñide! Mei Crísto jaca buna fiénidimiena itáñedeza. ¹⁸Mei jáífodo, navi niné cue táinocaitaga Moisés ocuífue, meine abído jeire cue óiaciadi, ua cue fiénidena uáfori jino cíotaiticue. (Mei afefue iere cue ñéfinamona Juzíñamui anamo ñue jácina índicueza.)

¹⁹Afe Moisés ocuífue ja cuemo dúñede. Da afe uai jeire cue oñenamona cuena titade izói finode. Afe Moisés uaimo cue dúñenamona, ja Juzíñamui díbenemo, tíllanomona meine cáadimie izói iticue. ²⁰Crísto navi cruzmo coraica tílla izói, ja birui tíide izói finócamiedicue. Iemona ja birui cue cáanano dama cúeñede; Crísto cuemo íllado cáadicue. Afe bie éniemo ite bie cue cáanano, dama Juzíñamui Jitomo cue ínuado ófiredicue, mei afémie cuena izíruillano, dama ie abina cue meífomo cruzmo tízaideza. ²¹Juzíñamui cue jállloillena caimare cue cánuafuena jaca ruifruiacañedicue. Mei dámie Moisés ocuica uai jeire úamona Juzíñamui anamo ñue jácina ítenia, Crísto tílla ráíñede.

**Moisés ocuica uai comini
ñinogafue abido joide**

3 Aii, Galacia comini, iere abina onóñedinona itíomoi. ¿Bu aima izói omoi bífuia, ua uaina omoi jíruiñeilla? Nauri ómoimo cue lluaruido, coraica Jesucristo jino uáfodo ómoimo fidítaticue. ² Mai bifue cuemo omoi lloíri: ¿Nífuedo afe Ñuera Joreño ómoimo ite? ¿Meita Moisés ocuica uai jeire omoi úado ómoimo ite? ¡ñiega! Mei jíáifodo, ¿omoi cacana uai omoi ñnuado afe Ñuera Joreño nibai ómoimo ite? Jii, áfedo ite. ³ ¿Nibái mei iere abina onóñedinona itíomoi? Jesumo omoi ñnuai mei, Juziñamui Ñuera Joreño nanómona ñue omoi canode. Afémie ómoína canode ñue jaícina omoi ñllena. ¿Meita ja birui afe cánuana zóofiano dama ómoimo ite rñinodo nibai ñue fúitaitíomoi? ¡Jaca fuitánidiomoi! ⁴ ¿Nana omoi duere zefuillafue jaca ómoimo nibai ráifíñede? ¿Nibai taino abiri aféfuiai ómoimo daíí ificaide? Aféfuiai táinona ñllamo coméñedicue, mei daííñañedeza. ⁵ Nauri Juziñamui ie Ñuera Joreño ómoimo fecade. Iemo Juziñamui omoi cígiri uaido finoca cíorainina raana comuítate. ¿Mei nibái bífuiaina Juziñamui ómoimo finode? Ocuica uai jeire omoi úamona, afémie aféfuiaina finóñede. Mei jíáifodo dama cúemona omoi cacana uai omoi ñnuamona afémie bie izói finode.

⁶ Abraham Juziñamuimo ñnote; íemo ie ñnuamona comécina ñue jaícina jóidimiena Juziñamui íena caimare uáidote. ⁷ Ja bífuemona onóredimoiza: Nahí Abraham erófene igímaiai Juziñamuimo ñnotino. ⁸ Juziñamui nana uire ie finóllifuiaina raire uícode onode. Iemona ie Cuegáuaido aféfuiaina afémie jino llote. Nana íemo uire ñnotino judíoñedino íadi, Juziñamui anamo ñue jaícina itáitallifuea Juziñamui raire

uícode onode. Afena ie onónamona bie ñúefuiai jaiai uícode Abrahana daide: “Naga náiraiai ómona ñúefuemo ézicilliaioi,” daide. ⁹ Mei daíí nana Juziñamuimo ñnotino dájena Juziñamuimo ñnote Abrahámoiri ñúefuemo ézicilliaioi.

¹⁰ Nana íaioi jíllloilla Moisés ocuica uaimo ñnotino ja fiendi faidócaiaioi. Mei daíí Juziñamui Cuegáuai dáideza: “Nana Cuegáñicomo ite ocuica daínafuena, nágarui ñue fuitáñedino ua fiendi faidócaiaioi.” ¹¹ Bífuemona ñue onódicaiza: Ocuica uai iere ñéfinamona buna Juziñamui anamo ñue jaícina jóoneña. Mei jíáifodo Juziñamui Cuegáuai daide: Juziñamuimo ie ñinogafuedo Juziñamui anamo ñue jaícina jóonegamiena jáidimie, afe daa ie ñinogafuedo are ziiñona íite. ¹² Afe Moisés ocuica uai comini ñinogafue abido joide. Búuailaina ñue ícoimo fuitácadimie, aféuailaido írede.

¹³ Ocuica uai cai faidóllifuemona Cristo caina oni jírecatide, mei afémie cai ícoina faidóbideza. Juziñamui Cuegáuai bie izói daide: “Naga aménamo agúineta fagámie faidócaza.” ¹⁴ Bífue daíí ificaideza, judíoñedino ñúefuemo ézicillena. Ua Juziñamui Abrahamo lloga ñuera ézicirafue daíí Jesucristodo judíoñedinomo fecaca. Bífue daje izói ificaideza, Juziñamui uícode lloga Ñuera Joreño cai ñinogafuedo caimo ñllena.

**Moisés ocuica uai, Juziñamui
Abrahana daínana oni caitánide**

¹⁵ Cue ámatiai, naga come onógafuemona dafue ómoimo llóitícué: Dámie contrato llínoiadi, ie mámece afébemo cuega, íemo afe ja cúegana buna oni caitánide. Daje izói afe cuega baimo buna jíáiuaina zotánide. ¹⁶ Ja onódicaiza: Afe ñuera uícode lloga uailai Abrahamo Juziñamui jaiai llote;

daje izói Abraham erófene ímiemo lloga. Aillo ie erófene igímaiaimo Juzíñamui Cuegáuai daiñede, mei jiáifodo “O erófene ímiemo llóiticue” daide. Afe dainámie Cristo. ¹⁷ Cue llogafue bie izói joide: Juzíñamui riirede méidoñega uai Abrahamo lloste. Afe llezica afefue féiñeilla Juzíñamui afe uaina riire jónete. Afe lloga uai contrato izóidiuai; jiáifodo méidonideza. Ie jira cuatrocientos treinta diga fimona záilla méifodo Moisés lloga ocuica uai, uícodo Abrahamo lloga uaina oni caitánide. Daje izói méifodo ocuica uai, uícodo Juzíñamui lloga uaina ráifitanide. ¹⁸ Juzíñamui dainamo ie ínuamona Abraham jíllode. Afe bie méidonide Abraham jílloilluaina Juzíñamui raiñóñeno íemo fecade. Iemona afe jíllona uai, Moisés ocuica uaimo jaináñede. Moisés ocuica uaimo jaináiadi, aféuai ja uícodo lloga jaca raiñóñeno iga raa izóiñede. ¹⁹ Iemona, Moisés ocuica uai ¿niemo ráifide? Afe ocuica uai méifodo bai nabaica, comini íaioi finoca fiénidifuiaina onótallena. Afe nabaica uai are ñede. Núefuena lloga Abraham erófene ímie Cristo bíllamo, afe nabaica uai záide. Afe ocuica uai monámona Juzíñamui abi imácido lloga. Iemo íaioi llua mei, Moisés aféuaina jino comínimo lloste. ²⁰ Juzíñamui Abrahamo úrilla llezica jiáimado Abrahamo lloñede. Dáamie daií uáfodo úriadi, jiáie llóitimiena jítaiñede. Bie Abrahamo úritimie daade Juzíñamui.

**Moisés ocuica uai ¿nié
izói comínina canode?**

²¹ ¿Mei nibai bifue daiíacade Moisés ocuica uai, Juzíñamui lloga núefuaina uáitaacade? ¡Ieñedeza! Uáitaacañede. Mei cáataite ocuilla uai ígadenia, aféuai jeire cai úado Juzíñamui anamo ñue

jaícina íredicai. ²² Mei jiáifodo Juzíñamui Cuegáuai daina izói, nana fiénidifue mo llavécanodicai. Daií Juzíñamui uícodo mamede, nana Jesucrístomo ínotino jíllobicaillena. Uafue, Juzíñamui afe bie izói mamede Crístomo ínotino íaioi ínogafuedo Juzíñamui lloga ñuera jíllonafuena íaioi óllena.

²³ Jesumo cai ínogafuena nai jino déiñena llezica, ocuica uai caina llavécanona finode. Aféruillaído Jesumo cai ínollifue jino déillemo ocúridicai. ²⁴ Iemona Juzíñamui afe ocuica uaina caimo mamede, cai ñue rairuíllena. Ua úruiai ñue fibítatimie izói caina rairuide. Daií afe ocuica uai caina úiñoide; nai Cristo bíñeille dinó. Afe daií Cristo bílle mo afémiemo cai ínuado, Juzíñamui anamo ñue jaícina íredicai. ²⁵ Birui ja Jesumo cai ínollifue déideza, ja afe Moisés lloga fibítatiuai díbenemo dúiñedicai.

²⁶ Mei Jesumo omoi ínogafuedo, ja omoi nana Juzíñamui úruiaidiomoi, ja Cristo Jesumo dájena jaináidiomoiza. ²⁷ Omoimona báutiza mei Cristo Jesumo dáena jainaide dieze, nana omoi afémie comeci ífuena ja jeire otíomoi. ²⁸ Ja biruímona cai cígiri bie judíona dainámiena ñede, bie Griego dainámiena ñede. Daje izói llavécamienna ñede. Oni eneno jirénoga dainámiena ñede. Afe izói ringo iima diga oni jiáifodo mámeñega. Ja Cristo Jesumo cai jaináinamona nana cai dáamacidicai. ²⁹ Ja Cristo íediomoiza, Abraham erófene igíma izóidinona jáidiomoi. Iemona Juzíñamui Abrahamo uícodo lloga ñuera jílloillifueña, feci raa máiñua izói, máiñoitiomoi.

4 Bie izói cue daiíacanafue: Daa come jitó móonaillano, ie moo tilla mei, moo raana náamatarede. Mei íadi afémie nai úruena llezica mainónide. Afémie nai jofe eromo ocúfiregamie izoide, afémie nana afeco

raana maiñoreite íadi. ²Afémie nai úruena llezica, íena úiñoitino ite, ie moo jíáifodo ie úiñotinomona oni olle dino. Daje izói ie jetállifue ocuídino ite. ³Jaca bie izói caimo comuífiredede. Cai jílloilluiuai nai déiñena llezica, nai úrue illa izóidicai. Aféruillaído aillo bínie comini nícidogafuiai anamo, izire ocuícana izói, iticai. Dáarie cómemona ocuica uáillaído llavécacai. ⁴Mei íadi nana Juzíñamui mamécafuiai ñue zuilla mei, jaiai úcodo ie mámiarui dúciamó, Juzíñamui ie Jitó Jesús orede. Afémie ringómona jococa. Moisés ocuica uai anamo judío izói comuízaibite. ⁵Afémie daí bite, nana Moisés ocuica uáillaído llavécano aféuaimona oni jírecaitallena. Daí cai jírecaillamona Juzíñamui dama ie jitótiaína cai jáillena cai mámano, caimare caina uáidoite.

⁶Iemona, ie jitótiai omoi íllana omoi onóillena, Juzíñamui ie Jitó Jesucristo Joreño omoi comécimo orede. Afe caimo oreca ie Joreño riire daíffiredede: “¡Cue Moo!” daide. ⁷Mei daí o ja Juzíñamui jitódio. Ja riire ocuícamiñedio. Ie jitona o íllamona, ie úcodo lloga ñuefuiaina Juzíñamui Crístodo omo fécaite.

Pablo Juzíñamuimo íñotimacimo comeci úide

⁸Nai Juzíñamuina nai omoi onóñena llezica, taino juzíñamuillaímo izire ocuífreganodiomi. Afe omoi llaveina juzíñamuillaí ua juzíñamuíñede; fia jífuia juzíñamuillaí. ⁹Mei birui ja ua nahí Juzíñamuina onódiomi. Mei jíáifodo ñue daina, Nahí Juzíñamui ja ómoína onode. Ja íena omoi onónamona, ¿níé izói meine abido afe ríinide jílloñenafuiaiina jeire óiacadiomi? Dáanomo íaiói llavéinanomo ¿meita abido jáirediomi? ¹⁰Diga iruillaí oni jíáifodo nai comeciífirediomi. Daje izói diga fiúllaí eneno jíáífo comeciífirediomi,

nai diga fimónaiári. ¹¹Ñibai nana omoi cígiri cue táijiacana táinomo jífanofide izóideza áfena jacíruiticue. (Afe cue comécina llícioide.)

¹²Amatai, izire jicádicueza: Cue comeci ifue illa izói, mai meine afe izói omoi iri. Mei cue omoi illa izói jae itícueza. Mei omoi cuemo minícana fiénidífueña finóñediomoiza. ¹³Cue omoi cígiri nano illáfueña onódiomoiza. Aféruillaído, cuemo comuide duícori duere cue zefuillamona afe jíllona uai jino ómoimo lloticue. ¹⁴Afe cuemo ite duico cue facátaina, mei íadi afe jira cuena jámairuñediomi. Daje izói cuena ruifíruñediomi. Mei jíáifodo Juzíñamui abi ímie izói caimare cuena llínotiomoiza. Ua Jesucristo omoi llínnolle izói cuena caimare llínotiomi. ¹⁵¿Nee mei afe omoi cacana cáimafuiai? Afe cue irárenaruimo cuena iere izíruillano, dani omoi ufjina jirénota cuemo fecácadiomi, íadi fecánide. Afe ñuefue omoi dibénemo nitáredicue. ¹⁶Ja ua uai ómoimo cue llúamona ¿Meita ja birui omoi bacáuai ímiena jáidicueza? ¡Ieñedeza!

¹⁷Afe baie jicana bite comini ómoimo iere caimare comeciídiaíoi. Mei íadi comeci ñue jítaillamo comeciñediaíoi. Omoi bífuellena caimare úritiaíoi. Afémaci cúemona ómoína bairóacadiaíoi, uire íaíoi omoi jaináillena. ¹⁸Jíáimacimo ñue íllena caimare comeciíllana ñuera. Mei íadi cue illa llezica daje izói cue íñena llezica come comeci ñue jítaillamo daí comeciírede. Daí-tadeza. Nai omoi cígimo cue illa llezica, afe onínemacido daí jífuefiñediomi; mei íadi birui omoi cígimo cue íñena llezica nágarui jaca daí jífuegao-moi. ¹⁹Cue úruiai, ringo úrue jocóacania duere zefuilla izói, nane ómoiri duere zefuídicue. Ua Cristo comeci ifue nai omoi ñue ónoñeille dino, nai ómoiri duere zéfuiticue. ²⁰Birui izire omoi

cígiri íacadícue, jíáifodo ómoimo cue úrillena. Onóñedicueza, nié izóí ómoiri coméiciticue.

Abraham ai Sara, ie oga jíáingo Agar íainguai ñúefuena caina onótate

²¹ Ja birui Moisés ocuica uai anamo íacadinomo úriticue. Mai bifue cuemo omoi llone: ¿Afe ocuica uai dáinana cacáñediomoi? ²² Afe uai daide: Abraham mena jítorede. Daa jító ie táijitafiregango ie. Jíáie jító ie nahí ai ie. Afengo buna ócuíñegango. ²³ Ocuífiregango jocócato nana bíníemo ite úruiai jócua izóí jococa. Mei jíáifodo nahí ai jocócato Juzíñamui uícodo daináuai fuitállena jococa. ²⁴ Bifue cai onoiga ráamona Juzíñamui cai fidítafue. Afe mena ringo mena contrátomo táijina izóidiainguai. Iainguaimona daa Sinaí idu ie contrato izoide. Afe ocuífiregango jítótíai ocuífireillinona jocócaiaioi. Afe ocuífiregango mámece Agar. ²⁵ Afe Agar Juzíñamui Sinaí ídumo lloga uai izoide. Afe Sinaí idu Arabia éniemo ite. Afénomo Juzíñamui contrato comínido finode. Biruillai Jerusalén jofue afe jaiiai Sinaí idu izoide, (mei Moisés dibénemo íacadino afénomo gairífirediaioiza.) Ie ocuica uai anamo llavécanona itíaiói, naa aféfuemo jaináiacadinori. Ocuífiregango Agar úruiai izóidiaioi. ²⁶ Mei íadi monamo ite Jerusalén comini lláveñegaiaioi. Afe jofue cai ei izoide, mei cai bie afe Jerusalemo jaináidinodicaiza. ²⁷ Juzíñamui Cuegáuai bie izóí daide:

Oiniño, úruenidío íadi, mai caimare o iri;

Urue jócua izírenafuena onóñedingo, mai caimare o róiri.

Mei úrue jocóñena jira dotácango, ñue ogángo baimo jítótiaireitío, daide

²⁸ Amatiai omoi cácarei, cai bie Sara jító Isaac izóidinodicai. Juzíñamui uícodo lloga jítótiaidicai. ²⁹ Mei jaiiai aféruillaimo íaillinoi illa izóí, birui

afe izóí iticai. Aféruimo come comeci jítainamona jocócamie Ismael, afe Juzíñamui Joréñodo jocócamie Isaacina fiénidifuena racade. Biruillai afe izóí iticai. ³⁰ Mei Juzíñamui Cuegáuai ¿nié izóí daide? Afeuai daide: “Afe jofu ero ocuífiregangona ie jító diga oni oreri. Mei ocuífiregango jító, afe ócuíñegango jító diga dájena jofu naama feci ráaniaina mainónideza.” ³¹ Amatiai, bífuemona onódicaiza: Cai bie ocuífiregango jító izóíñedicai, mei jíáifodo cai bie buna ócuíñegango jító izóidicai.

Izire ocuíñena dibéfuemo omoi ífireiri

5 Cristo afe ocuica uáimona oni eneno jírénogacai, lláveñeganona cai íllena. Afe dibéfuemo ñue jaícina omoi iri. Meine dáanomo izire ocuilla uai anamo abina maitátaiñeno iri, mei lláveñeganona itíomoiiza.

² Cuemo omoi cacáreiri. Omoi llotímie Páblodicue; jira ómoina dáíiticue, bacano icoi quétafue jeire omoi óiadi, Cristo ómoimo ráifíñeite. ³ Nane ómoina dáanomo daííacadícue: Omoimona dámie ie bacano icoi quetátaadi, nana jíáie Moisés ocuica uáillaina ícoimo fuitárede. ⁴ Moisés ocuica uai jeire omoi úamona Juzíñamui anamo ñue jaícina omoi íacaniadi, jae Cristo dibénemo dúíñediomoi. Daje izóí Juzíñamui caina izíruillafuemoni oni eneno itíomoi. ⁵ Mei cai jíáifodo onódicaiza: Juzíñamui Ñuera Joréñodo, daje izóí ie uai ñue cai ínuado, Juzíñamui anamo ñue jaícina cai íllífuemo úiñoidicai. ⁶ Iemona daíí Jesucristomo ñue jaináidicai. Iemo cai jaináiaidi, afe quétafue caimo ráifíñeite. Cai quetátaiadi, nibai cai quetátaiñeniadi, daje izóí ráifíñeite. Mei jíáifodo afémiemo cai ínogafue ua ñue ráifide. Afe bie cai ínogafue jíáie cómena naa Juzíñamui diga

cai izíruillena canode; áfemona Juzíñamuimo cai ínogafue iere ráifide.

⁷ Fueñe Juzíñamuimo ñue ínofiredio-moi. Mei íadi birui, ¿bu afe ua uaina ómoina fáicanocaitaga? ⁸ Juzíñamui áfena ómoina fáicanocaitañede! Afémie ómoina caimare uáidofiredeza. ⁹ Bífueña féitañeno iri: Pan finóadi afe aillo fáitate raa tamédiaioi. Due jiza fáitate raa jónega íadi, nana afe magáfecina aillo fáitate. ¹⁰ Juzíñamuimo cue ínuano, afémie ómoina ñue rairuillena onódicue. Ja onódicueza, cue daináfueмона oni jíáfodo comeci fácañeitiomoiza. Bífueмона omoi comécina oni nibéfodo féitaitimiena Juzíñamui duere fñoiteza. Afefue llotímiena Juzíñamui raa dáííñeite, afémie nibai illaíma, nibai jamáimie.

¹¹ Amatiai, cúemona jíáfue llóiticue. Mei bacano quétafueña nai ocuídicuena judúuai nibai cuena fállena rácañeiti-aioi. (Mei íadi cue íaioi fállena rácana onódiomoi.) Afe izóí cue llóíadi, Cristo cruzmo tñilla ñuera rafue íaioina rícaitañeite. ¹² Mei íadi afe onina bite omoi gáguaibitino dani íaioi jíñjina, comini meróniai ie ñetaina izóí ñétaiti-aioiza. (Afémaci méaicaillena Pablo daí daide.)

¹³ Amatiai, mei jíáfodo uáidoga-macidiomoi, ráruíñeganona omoi íllena. Ua ja birui ráruíñeganona itíomoiza, mei íadi afe o rairuíñe-namona, comécimo fieni itífuiaina finóñeno iri. Mei jíáfodo afe ómoimo ite izíruillafuedo ñuera ocuífiraganona omoi iri; daí conímama cánoitiomoiza. ¹⁴ Mei nana jíáie ocuilla uaillai daa bie ocuica uaimo dájena itíaioi. Be ñíuai: Dama o abina o izíruilla izóí, afe izóí o abí cómena izíruiri. ¹⁵ Mei íadi ómoimona dani conímama fue erodo omoi éoia, daje izóí úradoillano conímamo omoi rícaíadi, ómoina niné

táinocaitaiteza; afe izóidemona abí omoi rairuiri.

**Come comécimo fieni
itífuiai Juzíñamui Ñuera
Joréñomona jíáfodo jóide**

¹⁶ Omoina cue dainafue bie izóí jóide: Juzíñamui Ñuera Joreño dibénemo mai áfemo omoi illafue jónefireiri. Afedo omoi comeci fieni finóacanafuai fñoñeitiomoiza. ¹⁷ Mei dani cai comécimo comuide fieni finóacanafuai Juzíñamui Ñuera Joréñona uáitafirede. Nane abido dájena Juzíñamui Ñuera Joreño cai comeci fieni finóacanafuiai uáitafirede. Afe ménafue jaca conímama uáitaofirede. Iemona omoi comeci jítaina izóí fígo finónidiomoi. ¹⁸ Mei íadi Juzíñamui Ñuera Joreño ífócaomoi íadi, Moisés ocuica uai anamo íñeitiomoi.

¹⁹ Comini comécimo fieni itífuiai dibénemo jaináidino íaioi finócaigafuai jino uáfodo onórede. Be ñífuie: Afémaci jíruifue íemo íaifue finófirediaioi; jíáie fíénidifue rairuilla uaina náfuñediaioi. ²⁰ Afémaci jánaraimo caimátaifirediaioi. Daje izóí fue boréfueña finódiaioi; daje izóí jíáimana éoifirediaioi. Dájena caimare íñediaioi; úradoifirediaioi; ráaiñederi raire iere rícaifirediaioi. “Fueñe dama cúeiena fñoiticue” daíifirediaioi. Comínina bozfetaítataioi; jíáimana énenoruidiaioi. ²¹ Afémaci jíáima raari úradoifirediaioi. Daje izóí afémaci cómena titáfirediaioi. Jífairediaioi; fieni jéerie íaioi güilla llezica conímamo riire lléjellejediaioi. Bizóidifuiaina afémaci jaca finóicaide. Naui uícodo omoi cue lloga rairuilla izóí, nane birui ómoina ráruíticue. Bie izóidifuiái finódino jaca Juzíñamui illáimana illáruimo jáinaiñeitiaioi.

²² Mei jíáfodo Juzíñamui Ñuera Joreño cai comécimo bífuiaina cómuite. Aféfuiai bie izóí jóide: Izíruillafue, íóbillafue, comeci uái illifue, comeci

mánaicana úrillafue, comeci cáimafue; jeruñeno fecáfirede. Jiáima dáinana raire jeire ófirede. ²³ Afémie comeci mánaifirede; comeci daina izói ie abi járitaiñeno ñue fáicana ocuífiredede. Bífuiaina rairuide ocuilla uaina iñede. ²⁴ Nana Crísto ja jaináidino, íaiói comécimo nanómona itífuiaina, faga izói, féitátiaíoi, naa íaiói comeci fieni finóacanafuiai. ²⁵ Iemona Juzíñamui Ñuera Joreñoodo íredicai. Daií cai íllamona, mei nana cai jetáacagafuemo, afe Ñuera Joreño aféfuemo caina ífoiteza.

²⁶ Cai bie abina fieni finonidicai. Afe izói cai íadi, conímaíai diga ícriticai, mei íadi afe izói mai cai íneilli. Daje izói jiáimari úradoñeno cai illi.

Conímana omoi canófireiri

6 Amatíai, ómoimona dámie fiénidifue mo baiízaidenia omoi cióadi, ómomona Ñuera Joreño dibénemo izire jaináidino afe baiídimiéna omoi canori, meine ñúefue dibénemo ie ílleza. Jaca comeci mánainafuedo íena canori. Naga come afemo báíiredeza, ie jira illa dígamie afe baiífrenafuemo abina rairuírede. Taífe cai facátafue naga cómemo comuífiredeza. ² Illa dígamíai conímana canófireiri, áfedo jiáimamo zuufue comufadi ie comeci náirecailleza. Bie izóidedo Cristo ocuilla uaina ñue ícoímo fúitaitiomoi.

³ Jamáimie illa llezica dámie abi finota “Jamánomo ímedicue” daiíadi, afémie dama ie abi jífue. ⁴ Omoimona illa dígamie dama ie abi áadori. Mei aféfuena o jíeruadi, dama o abi ífuedo íóbitaitio; mei o illafue ñuera daiíllena jiáima illafue dibénedo abina fácañeitioza. ⁵ Illa dígamierie dani caimo itífuiaimo náfuefireitícaí.

⁶ Juzíñamui uáillaina llófuegamie nana íemo ite ñuera ráaniaina dieze, meine ibana afe ie llófuetimiémo írede.

⁷ Mai jíáífuerei omoi jífuefiñeno iri; jaca Juzíñamui buna báíñuano jífueñegaza. Naga come ie rífirega raa ríadi, afe llizíllana dama jofóite. ⁸ Nanómona cai comécimo itífuiái íóbitaitífue cai finóadi, afe cai comécimo itífuiaimona cai tíllífue óitícaí. Mei jíáífodo Juzíñamui Ñuera Joreñoona cai íóbitaadi, afe Joreñoomona zíñona cai illífue óitícaí. ⁹ Ie jira ñúefue cai fñuana, mai cai zefuífueñeilli. Mei afemo fáicanocaiñeno comécina náiredinona cai íadi, uire Juzíñamui mamécaruimo riga ófirena izói, ñúefuena maiñóriticaíza. ¹⁰ Afe jira, ñúefue fñua llezica nana comínimo, nana cai abi ie máíriedo ñúefuena finóredicai. Iemo Juzíñamuimo finote cai ámatíaimo, baimo aillo ñúefuena finóredicai.

Abí rairuíllauai, íraícaíño uáidufue diga

¹¹ Mai ómoímo bie jéerie cue cúegamo omoi eroiri. Afe bie dama cue ónoído cue cuela. ¹² Afe quétafuena omoi ocuídino ñúefuedo lloñédiaíoi. Dama comini uícomo ñue íaiói íllena daií daídíaíoi. Daií ómoína ocuídíaíoi, Cristo tílla ícoínia jíáimaci afémaci rácaíza daií. ¹³ Mei afe quetácano, nana Moisés ocuica uai ñue ícoímo fuitáñediaíoi. Mei íadi ómoína quetáacadiaíoi, omoi íaiói quetátafuedo abi íaiói ínollena. Afe quétano omoi abimo íllado iere abi ínotiaíoi. ¹⁴ Mei cúemona dama cai Ocuíraíma Jesúsucristo tíllado abi ínoticue. Abi diné jíáífodo abi cue ínollena iñede. Mei Cristo cruzmo tíllado, nana bíníemo ite fiénidífuiái faga izói cuemo dúíñede. Afe ibana cue aféfuíaimo faga izói jaináíñedicue. ¹⁵ Mei Crísto májéna cai jaináínamona, ja afe quétafue ráífiñede. Daje izói íemo cai jaináínamona quetáñenafue jíái ráífiñede. Mei jíáífodo

cómuena meine abido jocócamiena cai illa, iere jamánomo ráifide.

¹⁶Bie izói daináuai jeire otínomo comecei caimare uái illafue íteza. Daje izói Juzíñamui ómoimo dúecaillafuemo ítímoiza. Bie izói daináuai jeire omoi óiadi, Juzíñamui ua comínina jáitímoí. Mai mei, Juzíñamui ie ua comínina ñúefuemo éziciíteza.

¹⁷Ja biruímona buna cuena áifedu-aibiñeno iri, daidícue. Cue abimo ite boáfiai méifuai, cai Ocuíraima Jesús táijitagamiéna cue íllana onótate.

¹⁸Daje Juzíñamuimo ínote cue ámatíai, cai Ocuíraima Jesucristo nana ómoína ñue éziciíteza. Mai daiítadeza. Jae ñíe.

EFESO IMACIMO SAN PABLO ORECABE

*La Carta del Apóstol
San Pablo a los Efesios*

Pablo Efésomo ite Juzíñamuimo ínotino rabedo uáidote

1 Cue Páblodicue. Juzíñamui comeci jitaina izói Jesucristo orécamiedicue. Bie izói daina ñúefue llujállena, ie ocuícamedicue. Efeso jófuemo ite Juzíñamuimo jaináidino bie rabedo uáidotícue. Afémaci Jesucristomo ñue ínotino. ²Cai Moo Juzíñamui ñue éziciga dibéfuemo omoi iri. Daje izói ie caimare illáfuemo omoi iri. Cai Ocuíraima Jesucristo daje izói ómoina bie ñúefuiaimo jóoneiteza.

Crístomo cai jaináinamona cai comécina náiretatífuiuai Pablo jino llote

³Cai Ocuíraima Jesucristo Moo Juzíñamuina ióbitaiticai, mei Jesucristomo dájena cai jaináinamona, afémie monámona nana cai comécina náiretate ñúefuiaiina jae caina éziciteza. ⁴Nai énie comuñena llezica, Juzíñamui Jesucristodo caina nize, ie erócana nífuenino ñue finócamona cai llena. ⁵Jaiái uícodo caina izíruillano ie comeci jítaina izói, Juzíñamui caina náamatade Jesucristodo ie jítótaiina cai jállena. ⁶Iemo ie izíruiga jítóoiri dájena cai íllamona, afémie caimo dúecaifrede. Afe jira nágarui Juzíñamuina ióbitaredicai, caimo ie dúecaillana iere figura cai daiífireillena. ⁷Caímo iere dúecaillano, Juzíñamui ie Jitó tállado, ie die tóillado caina jállotote, mei áfedo Juzíñamui cai fiénidifuiaina féitateza. ⁸Afémie cai ifoci ñue dénuamona, ie caina iere

dúecaillafuena, afémie jamánomo ñue caina onótate. ⁹Juzíñamui jaiái uícodo mameca ónoñega ie comeci óiacanafue caina ja fidítate. ¹⁰Bie Juzíñamui uícodo mamécáfue ie fácaruimo dúcia, ñue ícoimo fúitaite. Aféruimo Juzíñamui dáanomo nana éniemo ite náiraiaina ie Jitó Cristo anamo itábicaítaite, naa bíníemo ite rílleniai, naa jíáie ráaniairi. Daje llezica monamo ite rínoledino Cristo anamo íitiaioi naa afénomo ite jíáie ráaniairi.

¹¹Jaiái uícodo Juzíñamui caina nize, Jesucristomo dájena cai jaináinado ie comínina cai llena. Nana bífuiai jica ia Juzíñamui mamérilla izói ñue joide. Juzíñamui ñue onona dieze, afe izói afémie ñue finófirede. ¹²Ja cai bie nanómoma Crístomo ínotinodicaiza. Juzíñamui daí caina ñue nize, afémiemo ite áillue ebíredifuiaido ñúefue íemo cai nitállena. ¹³Daje izói uáfueña lloga, omoi jíllolle uaina cacádiomoi. Cacáillano afe uaina omoi ínuamona Jesucristomo jaináitagaomoi. Daje llezica Juzíñamui jaiái uícodo llua izói Ñuera Joréñona igáomoi, dama Juzíñamui íeiediomoí daiíllena. ¹⁴Afe Ñuera Joreño caimo íllado, ico jíáiruido Juzíñamui dainafue cai mainóllena, uáfueña onódicai. Afe ie lloga dainafue cai mainólliruimo nai dúciñede. Mei íadi nana íemo jaináidinomo, fiénidifueño jaca due íaioi jáinaíneillíue afémie llóite. Daí ie llua mei nana afémie cáiena lloga dainafue máínoíticai. Ie jira afe Juzíñamuimo ite áillue ebíredifuiaido íena ióbitaredicai.

Pablo Juzíñamuimo ínotino ifoci ñue denóllena Juzíñamuimo jicade

¹⁵⁻¹⁶Iemona cai Ocuíraima Jesumo omoi ínogafuena cue fidínamona, Juzíñamuimo ómoiri “Iere figura” fáicaíñeno daiífiredicue. Daje izói

nana Juzíñamuimo jaináidinona omoi izíruillana cue fidínamona, nane figora daiífiredicue. Afe llezica Juzíñamuimo cue jicáfírena dáaruído ómoimo jaca uibóifiredicue. ¹⁷ Juzíñamui ómoimo jino llogáuaina ñue comécido omoi baitállena jicáfiredicue. Ua, cai Ocuárama Jesucristo ebírede Moo Juzíñamuimo jicáfiredicue, Juzíñamuina ñue omoi onóillena. ¹⁸ Daje izóí Juzíñamui omoi ifoci ñue denóllena jicádicue. Afemona Juzíñamui uáidogano úiñoga ñue cómutifuiaina ñue ónoitiomoi. Daje izóí Juzíñamui omoi ifoci denóllemona íemo jaináidinomo, Juzíñamui fecalle ñuera ebírede cáimafuiaina ónoitiomoi. ¹⁹ Iemona bie izóí ónoitiomoi: Juzíñamui iere ñúefuiaina rínoledimie. Afe bie íemo ite áillue ríno ja birui nana íemo ínotinona ñue comécido íaioina canode. ²⁰ Naui Juzíñamui, daje bie íemo ite áillue rínona cai onóillena, Cristo tñillanomona meine abido cáatate. Daií íemo ite áillue rínona comínimo jino iere uáfori ciótate. Afe daje rímodo Cristo cáatajanona, monamo ie nabézimo Juzíñamui íena rainade. ²¹ Dinomo jamánomo ocuídillaimana Juzíñamui íena jónete. Iemona nana jíáie rínoledinuiái Cristo anamo itíaiói, naa jíáie ocuífiredinuiári. Daje izóí nana illaini Cristo anamo itíaiói naa jabóidillainiári. Daje izóí nana mona eromo ite rínoledinuiái, Juzíñamui ie aillo rímodo Cristo anamo dájena jónete. Nana jíáie mameca rínoledino cai comeci facáacana dieze, daje izóí Cristo anamo itíaiói. Nana biruimo itínuiai ie anamo itíaiói, naa ico jíáiruillaido ítinuiári. ²² Afe dáaruído Juzíñamui nana ráaniaina Cristo anamo jónete. Daje llezica nana Juzíñamuimo dájena jaináidinomo, Juzíñamui Cristo ifócina mameide. Iemona ifoci

cai abi ocuilla izóí afémie íaioina ocuífiredede. ²³ Mei jíi, Jesucristomo dájena jaináidino ja Cristo abina mamécaiaioi. Afe jira afémaci nana Cristo comeci ífuiaina iere jeire otíaiói. Mei dama Cristo nana ráfuiaina ñue ícoimo fuitátatimieza.

Juzíñamui caina izíruillado jíllodicaí

2 Omoi fiénidifuiaimona nai tñidino izóí omoi illa llezica, Juzíñamui Cristo tñillamona meine abido cáatajado afe dáaruído ómoina cáatate. ² Naui afe fiénidifue dibénemo are itíomoi. Biniemo ite fiénide nairai illa izóí are itíomoi. Afe llezica omoi áinodo lláifoide fiénide joreño jítaínafue finófrediomoi, mei afe joreño nana fiénide joríaí nahí ocuáramaza. (Afe daje fiénide joreño Taiíe.) Juzíñamuimo jíeruñedinona afémie riire ocufoide. ³ Naui jíáiruillaido nana cai afe izóí fiéni iticaí. Cai abi fiéni jítaínafuiái jeire ófiredicaí. Afe nanómona cai comécimo ite cai óiacaiga fiénidifuenta fáicanocaiñeno ícoimo finóoicaífredicaí. Daje izóí cai comeci fia fácafuíaina jeire oticaí. Iemona nana jíáimacina duere finóllemo dúina izóí, Juzíñamui iere duere finóllifueмо dúidicaí. ⁴⁻⁵ Mei íadi Juzíñamui iere caina dúecaillano, nai cai fiénidifuiaimona tñidino izóí cai illa llezica, afémie caina izíruillano Cristo cáatajado dánomo tñillanomona caina cáatate. Mei jíi, dama Juzíñamui ómoiri dúecaillano jíllotagaomoi. ⁶ Uafue, Cristo Jesús cáataja llezica, Juzíñamui afémie díga daane caina cáatate. Afe mei Juzíñamui Cristo abimo monamo caina rainade. ⁷ Juzíñamui daií finode, nana ico ninomo illáruillaido ítinuiáimo afémie iere caina izíruillafuena onótallena. Ua, Juzíñamui daií finode afémie Crístodo caina dúecaillafuena

nana uícomo cómutinomo fidíllena. ⁸Mei jii, Juzíñamuimo ite ómoina izíruillafuedo afémie iere ómoina dúecaide. Ie jira, íemo omoi ínuado jíllotagaomoi. Afe jíllonafue dani ómoimona comuíñede, mei jíáifodo afefue Juzíñamui ómoimo comuítaga. ⁹Ñúefuemo are cai ñéfinamona afe jíllonafue caimo fécañega. Ie jira áfedo buna abina ínonide. ¹⁰Mei jii, Juzíñamui nano fueñe comini ínuua izói, afémie ie joréñodo como jéiciganona ja cai finode. Iemo ja birui, jaiiai uícodo ie mámia izói, Crístodo Juzíñamui meine caina cáatate, ñúefuiai cai finóllena.

Ñue uái cai illífue Cristo caimo lloga

¹¹Iemona nauí omoi illáfuemo mai omoi comeci uibóiri. Judío nairai íeñediomoi. Ie jira judíuai “Bacano ícoi que táñegamacina” ómoina mamédiaioi. Dani afémacina cai bie “Íeizina quetácanodicai” daídíaioi; mei jaiiai íaioi finófirena izói, íaioimona nágamiiai íaioi bacano ícoi quetácaza. ¹²Nauí omoi ínoñena llezica, Crístonona oni eneno itíomoi. Israel náiraimo Juzíñamui nizécanomo jaináíñediomoi; íemona Juzíñamui íaioimo lloga ie ñuera finóllifuiiai fidíñediomoi, naa uícodo ie lloga cáimaduafuiiai diga. Aféruillaido Juzíñamuina onóñeno, bíniemo zuure itíomoi, mei caimare omoi ocúríllifue íñédeza. ¹³Nauí Juzíñamuimona iere oni jica itíomoi; mei íadi ja birui Cristo cairi tíllamona, ie die tóillamona, Juzíñamuimo ánozitagomoi. Ja Crístomo dájena jaináídiomoi. ¹⁴Cristo jíáimana cai ícínénafue comuítatímie, mei dama afémie judíuai judíoñedino diga dáaziena finode. Iemona íaioi bacáuai imáciñediomoi. Nauí ómoina oni eneno itátate éoinafuena ja Cristo niné féitate. ¹⁵Dama ie abi izi cácanado, ua ie tíllado, ocuica uai ñue ícoimo

fuitade. Fúitajano, áfena záitate. Afe ocuica uai iere rairuide. Ie mei Cristo mena náiraimona, judíuai judíoñedino diga, dáaziena comue náiraina finode. Afe ménade náiraiiai ja dama Crístomo dájena jaináitagaiiai. Afedo afémie cai conima diga cai ícínénafue nana caimo comuítate. ¹⁶Afe bie izói, Cristo cruzmo ie tíllado, bie mena nairai dáamacina ínuano, nauí íaioi fuírífrenafuena záitate. Afe llezica, Juzíñamui díbénemo ñue uái íaioi illífue Cristo afémacimo jino denode. Dénuano, íaioina jeire otátate. Afemona comínimo Juzíñamui caimare eroide.

¹⁷Cristo afe ñue uái cai ille uaina nana comínimo lluíbíte. Onínemacimo Cristo afe uaina lluíbíte. Omoi afe onínemaci izóidiomoi. Daje izói áinori ite judíuaimo, afe uaina afémie lluíbíte. ¹⁸Iemo Cristo cai jíllotajamona, mei níbai judíuaidicai, mei níbai judíuaiñedicai íadi, nana cai afe daje Ñuera Joréñodo, Moo Juzíñamuimo ánozifiredicai. ¹⁹Afe jira, Juzíñamui díbénemo ja onínemaciñediomoi. Daje izói dani íaioi illánomo dúíñedino izóíñediomoi. Mei jíáifodo nana Juzíñamuimo jaináídiño jainaiia izói, uafue íemo jaináídiomoi. Dájena Juzíñamui náiraidiomoi.

²⁰Nana omoi ebírede niga jíailliraina dallíraide anáneco izóidiomoi. Cristo oréfiregamaci llófueinafuena iere baitádinona ja jáidiomoi. Ua jíaillirai jáicina mairi naidánia izói, aféfuemo ja riire jóonegomoi. Afe bie Cristo orécamací Juzíñamui uai jino llóraini. Dama Jesucristo afeco nahíllirai izóidímie. ²¹Bie Nahílliraimo izóidímiemo nana afeco Juzíñamui nicana uite. Afe izói afemo nana jofócaiai ñue jáicina jónega. Jofócaiai dallíraidemo dúina izói, daade Jesucristomo jaináídiomoi. Afeco nilla fuilla mei, jae Juzíñamui ñuera íraca

jáidiomoi; ñuera gairíraco izóidiomoi. ²²Daje izói Crísto má dájena omoi jaináinamona, nana jiáie Crísto má ñnotinomo dájena jaináidiomoi, daaco náiraina Juzíñamui íena, omoi jáillena. Iemo Juzíñamui Ñuera Joreño ómoimo íllado Juzíñamui ífirenaco izóidiomoi.

Jíllona uai judíoñedinomo llujállena Juzíñamui Páblomo jóonenocaide

3 Iemona Juzíñamuimo ómoiri iere cue comeci facáfiredicue. Omoina izíruite Páblodicue; Cristo Jesús ñúefue ómoimo cue llujállena jira llavécamedicue. Omoi judíoñediomoi, íemo ómoina ñue íllena cue cánua jira llavécacue. ²Ja nibai Juzíñamui cuemo jóonega bie táijinana fidídiomoi. Jií, Juzíñamui ie cáimaduafuiai ómoimo cuena llotátate. ³Juzíñamui ie nai jino lloñega nanómona mamérrillafue cuena fidítate. Ie mei cuemo lluno aféfuemo iere baitádimiena Juzíñamui cuena jóonete. Afe ie mamérrillafuedo ja nano íanori due ómoimo cueticue. ⁴Aféfuena omoi facáduamona, afe nai jino lloñega Cristo díbene ílláfuemo iere cue báitajana ónoitiomoi. ⁵Afe báinino comeci ie fácafue nauí jiáiruillaído bumo Juzíñamui jino lloñede. Mei íadi birui Juzíñamui ie Ñuera Joréñodo, ie eneno nizeca íainide orécamacimo aféfuena jae onótate. Daje izói jiáie ie uai jino llórainimo fidítate. ⁶Afe jaii jino raire lloñegafue bie izói jóide. ¡Cácarei! Jíllona uaina ínuamona, judíoñedino naa judíuairi daje Juzíñamui cai cáimaduafuiai dájena máíñoitiaioi, mei dáamiemo jaináidiaioiza. Ua Crísto má, dáaziena jaináidiaioiza. Daje izói Juzíñamui lloga Cristo Jesús caína ñue íñóllífue judíuaimo dúina izói, birui judíoñedinomo ja dúide.

⁷Cue jamáimiedicue, mei íadi Juzíñamui dama ie ríinodo, cue

canóllena mamérite. Iemona afe bie ñúefue jiáimacimo llujállena jóonegacue. ⁸Nana Juzíñamuimo jaináidinomona iere erófenemo iticue. Mei íadi Crísto má ite facádonide aillo cáimaduafuiai judíoñedinomo llujájitimiena Juzíñamui mamécacue. Afe bie cue llujáille iere cuemo ráifide. ⁹Juzíñamui jaii ninómona jino llóñega mamérrillafue nana comínimo jino llóitimiena dama Juzíñamui jóonegacue. Afe Juzíñamui nana ráaniai finóraima. ¹⁰Juzíñamui nana bífuiaina daií ífcaitade, nana íemo dájena jaináidinodo, nana monamo ite ríinoredino Juzíñamui iere jamánomo naga ráfuiaina báitajana onóillena. ¹¹Juzíñamui jaii ninomo uícodo comeci mamérrilla izói, nana bífuiaina cai Ocuíraima Jesucrístodo ñue ícoimo fuitade. ¹²Iemo Crísto má dájena cai jaináinamona Juzíñamuimo ja ánoziredicai, mei cai ínuamona afémiemo meáiruíñedinona itícaiza. ¹³Ie jira izire ómoimo jícadícuera: Birui omoi abiri duere cue zéfuidícuera, mai náinidimaci izói omoi íñeno iri; mei jiáífodo caimare omoi comécíioiri; mei afe ómoiri duere cue zéfuia afe ómoimo ebírede nitaina izóidífueza.

Cristo iere jamánomo caína izíruitimiena íemo ínotino onóillena Pablo Juzíñamuimo jícade

¹⁴Ie jira cai Ocuíraima Jesucristo Moo anamo caíñcído ana dújullanona nana ie comini íena íemo izire jícadícuera. ¹⁵Nana éniemo ite ie comini, naa monamo itínuiai díga, afémiemona comúidiaioi. ¹⁶Cai Moo Juzíñamuimo jamánomo ñuera ríino ite. Afe ie ríinomona, ie Ñuera Joréñodo, iere omoi comeci ñue náireíllena izire íemo jícadícuera. ¹⁷Afe llezica omoi ínogafuemona Cristo omoi comécimo nabáirifíreíllena

Juzíñamuimo jicádicue. Daje izói Juzíñamuina iere omoi izíruillena jicádicue. Iemo afe izíruillafuemo izire omoi jaináillena jicádicue. Nane dáanomo omoi ínogafuiai jeire oga uaina ñue omoi ífócimo denóllena Juzíñamuimo jicádicue. ¹⁸Daje izói Cristo caina izíruilla omoi ónoillena jicádicue, naa jiáie íemo jaináidinori. Mei afe ie izíruillafue monáillaji aillona izóideza. Afe monáillaji rucafene jica íllana bu onóñede. Mei íadi afémie caina izíruillafue iere ruica are illa izóinana omoi onóillena jicádicue. Daje izói áillue imani erai iere fuiri jica illa izói, afe caimo facádonide Cristo caina ie izíruillafue omoi onóillena jicádicue. Afe izói Cristo caina izíruilla iere monáillaji ana jica afórena izoide. ¹⁹Mei jii, afe bie izíruillafue ñue omoi fídíillena jicádicue. Nana cai onórede aillo ráfuiai baimo, bie izíruillafue jamánomo áillue. Afefue omoi fídínamona, nana Juzíñamuimo ite aillo ñúefuiaina ñue jácina orúziiitioi. Mai, daí íteza.

²⁰Ja birui ie aillo ñuera ríno, cai comécimo ífirenamona nana cai comeci fácarenafuiai baimo, afémie iere jamánomo ñúefuiiai caimo finórede. Daje izói nana cai jicárenafuiai baimo afémie iere finórede. ²¹Ie jira aillo ebíredifuiiai afe cai Juzíñamuimo mai cai nitalli, mei Cristo Jesumo dájena jaináitagacaiza. Mai mei Jesucristodo jaca ninomo naga cómuítigimado aillo ñúefuiaina Juzíñamuimo cai nitalli. Daíítadeza.

Juzíñamui Ñuera Joréñodo dáamacina maméidicai

4 Nana bífuiaimona, omoi jácina ñúefuedo macállena riire ómoimo llóiticue, mei cai Ocuíraima Cristo ícoinia llavécamedicueza. Ua Juzíñamui uáidogamací maca

izói, omoi macállena izire ómoimo jicádicue, mei uafue ie uáidogamací itíomoiza. ²Nana omoi, mai jiba abina ínoñedinona omoi iri; daje izói comécina mánaidimacina omoi iri. Dani conímána izíruillano illa dígamie jiáimamo comeci járitaño omoi iri. Afe izói conímána omoi dúcaifireiri. ³Afe llezica mai Ñuera Joreño ómoimo comútaga dájena jaináinafue ñue rairúfireiri. Ua, omoi dáaziena dani conímána comécina jacíruíñenafuedo dáamacina jaináifireiri. ⁴Daa cómemo da abi illa izói, daade abi. Afe abi Cristo ie. Afe daade come abi izóidicai. Afe izói Ñuera Joreño daade. Daje izói Juzíñamui nana caina daa uire ñue finóllifueмо úiñotagacai. ⁵Cai Ocuíraima daade. Daje cai ínogafue jeire oticai. Daje izói dáafueмо báutizagacai. ⁶Iemo Juzíñamui daade; afémie nana íemo ínotimaci Moo. Afe izói afémie nana comini Naama. Afémie nana íficaidifuiiai díbénedo ie comeci jitáinafue finode; nágafuiaimo jetáfirede.

⁷Mei íadi Cristo comeci jitaina izói, cáimona illa dígamieмо jiáíforiede ñúefue finolle rínona, Cristo caimo fecade. ⁸Juzíñamui Cuegáuai daí úcodo daide. Be niie:

Caífo monamo jailla llezica aillo nauí llaveca izóidino afémieoiri uite. Iemo fia iga jiáimaci cánuafuiaina comínimo fecade, daide.

⁹Afémie caífo jailla daina uai jiáí-fue caina onótate. Afedo nauí úcodo fueñe afémie monámona ana bíllana fídídicai. Aféruido bie fienidifuiarede éniemo afémie monámona iere jica ana bite. ¹⁰Afe ana bitímie, abido nana caífo ite monáiaí caífófenemo jáidimie dáamiede. Dínomo jaide, afénomona nana ie finócanuiaimo illáimaillena. ¹¹Iemo afe bie Cristo illa dígamiena ñue rínoñetade jiáíforiede ñúefuiaina finól-

lena. Dámierie ie orécamacina afémie jóonete. Jiáimacina Juzíñamui mona oga uailai jino llóramana afémie mamede. Iemo jiáimacina cai jllonafue uaina llotátate. Nai jiáimacimo ie comínina ñue úíñollena ocuide, íaioi llófuel-lena diga. ¹²Afe daíí cai Ocuíraima nana íeiena ñue fibítate, ie ocuica táijina ñue íaioi jetállena, íemo nana Crísto jaináidinona móonaitallena; mei afémaci Crísto abi izóidimaciza. ¹³Afemona cai íinogafue dibénemo ñue dájena maméidimacina jáiticaí. Daje izóí Juzíñamui Jitona cai onona dibénemo ñue dáamacina fíticaí. Afe daíí ñuefuiaina ñue izire jíeruitinona fíticaí. Uafue, nana ñúefuiaina Crísto izire jíeruilla izóí, afe izóí ñúefuiaina rairuíñeno iere jíeruiticaí. Jíeruillamona ñue móonaiticaí. ¹⁴Ja úrue izóidinona íñeíticaí. Mei íadi jífueacadino comue llófueinafue llúamona, úrue izoide nai figo baitáñedinona jífueítiaíoi. Íaioi comeci ñue fácajana raire jíáifodo méidoítiaíoi. Bie jífuetino ebire lloga taino lluáfuedo bie úrue izóidino íinoga ñúefuiaina niné féitátiaíoi. ¹⁵Mei íadi conímama izíruillano, íemo uáfuea cai úrilla llezica, mai Crísto dieze cai móonailí. Crísto izire jaináillano nana ie comeci ítfúiaí mai jeire cai ófíreillí, mei Crísto afe cai jainaina abi ífoci daínámie. ¹⁶Afémie, ífócina íllamona, nana caina caimare ocuíoide; ñue daa cómena caina jaináítate, mei illa dígamie jíáimemo ñue dúinaza. Nana afe Crísto dáamiena jaináitagamací caimare dani jíáimaciri táijina llezica, caimare ítíaíoi. Ua Crísto jainaide, daade abi izóidino naari conímama izíruillafuedo móonaioicaide. Móonailano caimare íte.

Crísto májena cai jaináinamona comue illáfuedo macáredicaí

¹⁷Iemona bie ómoína cue daííllifue izóí, cai Ocuíraima mámedido ómoímo

jóonenocaidícue. Ja biruímona, Juzíñamui onóñegano illa izóí, mai omoi íñeno iri. Íaioi taino comeci úrilla uai daína izóí ífírediaíoi. ¹⁸Íaioi comeci úrilla uai onóñeno jítfíomo fíébicaidiaíoi. Juzíñamui comuítaga comue illafue afémacimo íñede, mei íaioi comeci rírenamona ja abina onóñedimacina jáidiaíoi. ¹⁹Ja íaioi comeci meáfuea lloñédiaíoi. Iemo nana íaífuiaí illa díno, áfemo aillo gáinafuedo iere jeire otfaioi. ²⁰Mei íadi afe daíí, Crísto llófueñegamoí. ²¹Mei nibaí, uáfuea Crísto íllafue omoi cacana mei, íemo íte uafue uai dibénedo afémiedo llófuegamoí. ²²Ie jira nauí omoi fíénide illafue dibénedo izire ómoína dáíítícue: Afe nanómoma ómoímo ítfúiaí, mai zabide íniroi oni dúíñua izóí omoi meídori. Afe nauí ómoímo ítfúiaí jaca ómoína fíeni fínode; mei omoi fíénide gáinafuaí jífuegaomoí. ²³Mei jíáifodo biruí cómuena méidorediomoí; nana omoi comeci óíacanafuaí méidorede. Nana omoi ífoci úrillafuaí méidorediomoí. ²⁴Afe llezica comue comeci ítfúiaí, comue íniroi jíttaja izóí, mai jeire omoi oíri. Afe comue ítfúe Juzíñamui illa izóí Juzíñamui comuide. Iemo aféfuena jeire omoi úamona, omoi uáfuea íaidonide ñue íllafue otfomoí. Daje izóí afe omoi comue comécimo ítfúiaí omoi úamona, ñue jáfcina jóide ílláfuedo jáítioí.

²⁵Iemona táínofuaí lloñeno iri. Mai jíáifodo illa dígamie conímamo uáfuea úriri, mei nana cai dáaziena daje abimo jaináídicaí. Afe abi Crísto íe.

²⁶Omoi ícíríbicaiadi, afe ícíráfue ana fíénidífueo ómoína uitátáñeno iri. Daje izóí daaruí náaruído are ícíríñeno iri. Raire féitari. ²⁷Due jiza omoi comécina Taife ílláímaíllimo “Jíí” daííñeno omoi iri.

²⁸Nauí meríriraíma baíródímie diga, mai abido meríríñeno iri. Mei jíáifodo zefuíruíñeno táíjizairi. Iemo ñue táíjifer-

enamona o tájjina iba óitio; áfedo o jitaille ráaniai íbaitio. O iba mei, ua dúeredimacimo íaioi jitailla raa íaioimo fecáredio.

²⁹ Fiénide uáillaido íaire úriñeno iri. Mei jíáifodo ñuera uáillaido úrifireiri. Cacádinona comeci náiretalle uaido omoi úrifireiri, íaioina ñue ézicitalle uai diga. ³⁰ Daje izói Juzíñamui Ñuera Joréñona zúuretañeno iri; mei afémie ómoimo íllado, jae Juzíñamui íeiena mamécaomoi. Ua biruímona Juzíñamui illánomo ñue jaícina ómoina jíllotal-liruimo, afe Ñuera Joréñodo Juzíñamui íena ñue mamécaomoi.

³¹ Nana comécimo ite éoinafuiaina oni mai omoi féitari, nana rífuiuai diga. Daje izói nana ícírillamona comuide riire úril-lafuiuai lloñeno iri, naa jíáie báíñua-fuiuari. Nana illa diga fiénidifuiuai niné féitari.

³² Iemo jíáifodo, illa dígamié jíáímiemo dúecaillano comeci mánaidimiena iri. Cristo íena omoi íllamona, Juzíñamui omoi fiénidifuiuai íbana oñede. Afena féitateza. Afémie féitaja izói, afe izói illa dígamié jíáima finoca fiénidifuenta omoi féitafireiri.

Juzíñamui úruiai izói cai íllena Pablo caimo llote

5 Juzíñamui izíruiga úruiai omoi íllamona, mai afémie illa izói omoi iri. ² Cristo caina izíruilla izói jíáimana omoi izíruifireiri. Mei jíi, caina ie izíruillamona Cristo cai jíáinona fecácamié. Afémie Juzíñamui íóbitallena titada fia fecaca rille izóidimie. Aferi Juzíñamui íóbide. (Afémie díbenemo afefue ñue ziórede uguci izoide.) Mai afe izói conímána omoi izíruillado Juzíñamuina omoi íóbitari.

³ Ja bie omoi Juzíñamuimo jaináidimoiza, mai ómoimona ninó dáamié áinina llezica jíáie ringona jetáñeno iri. Daje izói nana jíáie íaifuiaina finóñeno

iri. Jaca jíáie cómemo ite ráaniaimo úradoñeno iri. ⁴ Íairede méaifuiaina bumo lloñeno iri. Daje izói táinodo úril-lafuiaido úriñeno iri. Iemo jíáímamo fiénide llagüeroilla uaina oréñeno iri. Mei bie izóidifuiuai Juzíñamui úruiaimo íeñedeza. Mei jíáifodo Juzíñamuina iere figura omoi daiífireiri. ⁵ Jae cue lloga iima ringomo finoca fiénidifue bie izói jóide. Daa come nai áinina llezica, ringo jetáadi, fiénide. Daje izói ja ringo ua mei, jíáie ringo jetáadi, figóñede. Iemo íaifue naa úradoillafue diga finóadi, figóñede. (Afe úradoífiredimie jamai já-narai íóbitadimie izoide.) Ja onódio-moiza bie izoide fiénidifuiuai fñuana fibídime, Cristo Juzíñamui diga illáimana illíruimo jaináinide. ⁶ Jíáimana taino uáillaido omoi jífueñeno iri. Mei afe bie fiénidifuiuai fñuamona, nana ie uaina cacáacañedinona, Juzíñamui iere duere fñoiteza. ⁷ Iemona, bie izói ite comini diga omoi nabáiriñeno iri.

⁸ Naui nai omoi íñoñena llezica, jíti-fomo itíomoi; mei íadi birui cai Ocuíraimamo dájena omoi jaináinamona, ja úzefomo macádiomoi. Iemona ñue uáfodo macádino izói mai omoi ífireiri. ⁹ Cai Ocuíraima Jesucristo egáñote raa izoide. Iemona cai comécina ñúeitate. Iemo ua uaido caina úritade. Daje izói cai jaícina ñue illífue comú-tate. ¹⁰ Cai Ocuíraima ñue íóbitallifuenta, mai iere omoi onóocairi. ¹¹ Báinino macádino finoca táinofue díbenemo íñeno omoi iri. Mei jíáifodo afe báinino íaioi finócafuena uáfomo omoi cótari. ¹² (Mei íadi afémaci báinino finóca-fuiuai izói cai úriadi, caina meáiruitaite. Ie jira benomo rabedo jino ómoimo llóñeíticue.) ¹³ Mei íadi nana íaioi illafue jino uáfodo cótamona, afe fiénidifuiuai iere íáirenana nana comini ónoitai-ai, mei Cristo egáñua úzefo, nana comínimo ua comécimo itífuiaína jino cótate. ¹⁴ Ie jira bie izói daina:

Inídiöza, mai cazi.

Tíidinomona mai náidacairi.

Iemona Cristo ie úzefomo ñue má-caitimiena ona jáitaite, daide.

¹⁵Mei íemona, nágariui omoi illáfue mo izire comeci omoi facáoiri. Naga fiénidifuiamona abi omoi rairuiri. Abina onóñedino izói omoi iñeno iri, mei jiáfíodo ñúefuena baitádinona omoi iri. ¹⁶Biruido aillo fiénidifue íteza, o illafue táinomo fáifitañeno iri; ñúefuiái omoi finófireiri. ¹⁷Táinodo úritino izói iñeno iri. Cai Ocuíraima comeci jítainafuena ñue omoi baitáocairi.

¹⁸Jifáiñeno iri. Mei, afe jifáillafue come comécina aillo íaifue mo ana uitátate. Mei jiáfíodo Ñuera Joreño abí omoi úicaitari. ¹⁹Illa dígamie jiáimamo Juzíñamui uáillaído caimare omoi úriri, naa Juzíñamui rúairi. Daje izói Juzíñamui Ñuera Joreño lloga rúanaiái omoi roíri. Daíí omoi rúado cai Ocuíraimana iere ióbitaitiomoiza. ²⁰Illa dígaruillaí cai Ocuíraima Jesucristo mámecido Moo Juzíñamuina naga ráaniairi figora omoi daíífireiri.

Crístomo ñinotina caí illamona Pablo caí jofó eromo caí illafue llote

²¹Illa dígamie jiáima anamo caimare omoi iri, mei Juzíñamui daíí cai ocuúdeza.

²²Cai Ocuíraima anamo cai itábi-cailla izói, naga ringo ie ini anamo itábicairede. ²³Mei naga ringo ie ini ocuífrega, íemo jiáí ie ini ñue úiñogaza. Afe izói nana Crístomo ñinotino, Cristo ocuúcaiaioi; daje izói Cristo ñue úiñogaiaioi. Afémie afémaci illaima. Daje izói afémie íaioi Jíllotaitimie. Afémiemo ñinotino íemo dájena jaináinamona, ja ie izóidiaioi; ja dáamiede abi izóidiaioi. ²⁴Iemona Crístomo dájena jaináidinona afémie anamo illa izói, naga inírede ringo ie ini anamo írede.

²⁵Cristo íemo jaináidinona izíruilla izói, mai naga iima ie aina izírui. Crístomo jaináidinomo Cristo ie abina fecade. ²⁶Afémie daíí ie abi fecade ñue íeiena íaioi íllena. Daje llezica afémie íaioimo ite íaifuiái jáinoimo jococa muilla izói, ie uaido íaioina muiñode.

²⁷Cristo daíí caina muiñode ñuera nífuenidinona ie uiécomo cai cíocaizail-lena. Uafue, nana mallizai izói abímo comúdena duano ebire eroide, lliríñede abi ígoína caina finode. Jaca due jiza fiénidifueña fiéñede. Nana íaioina íeiena iere ñue finode. ²⁸Afe izói naga iima dama ie abina izíruilla izói, ie aina izíruirede. Ie aina izírui timie dama ie abina izírui. ²⁹Bu jaca dama ie abina éoiñede. Mei jiáfíodo cai abina ñue ecádicaí, ñue úiñoticaí. Afe izói Cristo íemo dájena jaináidinona ñue rairuide.

³⁰Mei afémaci dama íeieza; ja daa ie abi izóidiaioi. Cai bie afe abímo jaináidicaí. ³¹Bífuiaimona Juzíñamui daina izói, dámie ie moo, ie ei diga, fáicanocail-lano, ie ai diga dájemo jaináicaite. Jáinaicaillano, daade come abi izói itíail-linoi. ³²Bie daade come abi izói ífi-caillafue, jaiáimona áillue báinide rafue. Mei íadi afefue Crístomo dúide; daje izói íemo dájena jaináidinomo dúite, daidicue. ³³Mei íadi daje llezica ómoimona illa dígamie omoi abina izíruilla izói omoi aina izírui, daíícadicue. Iemo naga inírede ringo ie inina ñue jacíruiredeza, daidicue.

6 Uruiaí, omoi cacai. Crístomo ñinotino odiomoiza, o moo uai jeire omoi olle iere jitáirede, mei afe bifue Juzíñamuimo jácina jóideza. ²Bie lletara uai llua mei, Juzíñamui dáanomo ñue cai illifue llote. Daíí nana ie lletara uáimona dama búaido Juzíñamui cai ñue illifue llote. Afe létaja uai bie izói daide: “O moo, o ei diga, ñue jacírui, ³áfedo caimare o íllena, daje izói bie éniemo are o íllena.”

⁴Ja úruiairedino, mai omoi cácarei. O úruiaína comécina rícaitañeno iri. Mei jiáifodo riire llétaja uaido ñue íaioina llófuefireiri. Daí íaioina ñue omoi móonaitari, cai Ocuíraíma Jesumo ñue íaioi ínollena.

⁵Ocuífiregano, mai omoi cacai. Bñiemo ite omoi ocuídímie dáinana ñue jeire omoi oíri. Cristo ocuíllamo o táijina izói o táijitatímie mo ráairuíñeno ñue táijiri. Afémie ocuíllana ñue jacíruiri. O táijitatímie uaina nibéfodo oñeno iri. ⁶O ocuídímie eroille llezica ñue táijiri, daje izói afémie íñena llezica náamonaze ñue táijiri. Dama ocuídímie eroille llezica, íocire táijidímiena íñeno iri. Afe izoide táijide come jamai come íóbitade. Afe izói íñeno jiáifodo omoi iri. Cristo táijitagano izói, Juzíñamui comeci jitáinafuena izire omoi fñori, afémie omoi íóbitallena. ⁷Comeci ñue jitaina izói caimare omoi táijiri. Jamai come íena táijíñeno, cai monamo ite Ocuíraíma íena ñue omoi táijiri. ⁸Mei ja onódiomoiza, illa dígamie ie ñue táijifirenado cai monamo ite Ocuíraímamona ñúefuena jirídoite. Rairuícámie, ráiruíñegámie diga dájéize nano íaioi táijínaze jirídoite.

⁹Ocuífredino, mai daje izói omoi táijitaganomo ñue dúecaífireiri. Afémacina fñeni omoi jácidoñeno iri. Daade cai Ocuíraíma anamo nana dájena itícaiza, omoi úibicairi. O táijitagano monamo ite Ocuíraíma anamo illa izói, o jiái daje Ocuíraíma anamo itio. Afémie da cómena eneno maméñedeza. Illa dígamie dájéize mamede. Aféuemo omoi úibicaífireiri.

Jesumo íñotino comeci náireitalle abi ríidua uai Pablo llote

¹⁰Mei ámatiai, cai Ocuíraíma Crístomo ite ríinodo benómona mai riire omoi iri. Cai Ocuíraíma Jesumo omoi jaináinamona riire abí omoi

mameri. Mei, afémie jamánomo ríiredeza. ¹¹Juzíñamui lloga abi ríidua uai, ñue jeire omoi oíri, naa ie ñuera ézicigafuairi. Mei jii, dáarie comini abi ríidollena ñue fuiríllena llojécuiroi jitádiaioi. Afe íaioi jita izói, nana Juzíñamui cai ríidua uai, mai jeire omoi oíri. Afe uaido Taife jífua uaina uáitarediomoi. ¹²Jamai abina mairide come diga fuiríñedicai. Mei jiáifodo fñénide joríaí diga fuirídicaí. Afémaci caífo cai acónimo táifodo macádiaioi. Afe cai diga fuirífirede joríaí nana bñiemo ite jítifodo jaide fñénidimacina fñeni ocuíoide. Bñie comínina “Cáiediomoí” daíioicaídiaioi, mei “Omoi náamadicaí” daíífirediaioi. ¹³Ie jira Juzíñamui lloga abi ríidua uáillaido abí omoi rairuiri. Afe bie uaido jobáirillaruiño ñue abina ríidoitiomoi. Daí abina ríidoitiomoiza are ñue rñinoredinona íitiomoi. ¹⁴Ie jira riire omoi iri. Fuiríraíma ciraigi ífe riire tírnua izói jizíñeno ñue ie fuiríllena, afe izói Juzíñamui lloga ua rafue jeire omoi oíri. Daje izói ñue jaícina omoi íllado nágarui ñue abí omoi ríidofireiri. Afe bie omoi jaícina illafue, fuiríraíma jogobe ríidollena jítaca llojeco izoide. ¹⁵Afe fuiríraíma fuirízaílla llezica ie ídaí ico riire maíga izói, áfedo riire ie naidáíllena, afe izói Juzíñamui comécina jacíruíñeno uai jeire omoi oíri. Afedo abina riire mámiano, fñénidifuena ómoina anáfenóñeíteza. ¹⁶Iemo illa dígaruillaido Juzíñamuimo omoi íñogafuena féítañeno iri, mei áfedo Taife caimo mameca fñénidífuiaína oni caitárediomoi. Omoi íñogafue jae fuiríraíma abi ríidollena úífirega llojeco fñoina escudo izoide. ¹⁷Iemo Juzíñamui lloga jíllona uai jeire omoi oíri, mei aféuai, ífo ríidollena jítáfíregá ífo ico llojeco izoide. Iemo nana Juzíñamui uáíllaina mai jeire omoi oíri, mei afe Juzíñamui uai, Ñuera

Joreño ómoimo fecaca fuirira llojébici izóideza. ¹⁸Nana bie cue ocuífafuiai, mai Juzíñamuimo jícano finori. Jaca Ñuera Joréñodo izire Juzíñamuimo omoi jicáfíreiri. Bie izói omoi íllena, nana bífuaiaina fáicanocaiñeno ñue abí omoi rairuíoicairi. Daje llezica nana Juzíñamuimo jaináidinomo Juzíñamuimo omoi jicáfíreiri. ¹⁹Daje izói jíái cuemo jicáfíreiri; náiraímo cue úria, Juzíñamui cue uai nabáilleza. Iemo jacíruiñeno íocire íaioimo cue úrillena, Juzíñamuimo omoi jicari, nauí báinino lloga jíllona uai jino comínimo cue fidítallena. ²⁰Bie ñuera uaido comínimo úrillena Juzíñamui orécamiedicue. Afe uai ícoinia, ja birui llavécamedicue. Iemo, bífuedo ñuera llujítimie izói jacíruiñeno naire cue úrillena, mai Juzíñamuimo omoi jicari.

Iraicaiño uáidua uailai

²¹Cai izíruiiga ama Tíquico, cai Ocuíraima Jesumo táijinana

fáicanocaiñeno canófredimie. Afémie nana cuemo itífuiaina ómoimo jino llóite, naa jíáie cue finócafuiái diga. ²²Jira, bímie ómoimo orédicue, cue illafue ómoimo jino llóllena. Iemo jíái áfedo omoi náireficaillena, íena ómoimo orédicue.

²³Moo Juzíñamui, cai Ocuíraima Jesucristo diga, cai ámatiaimo ñue começi uái illifue ómoína ñue onótaiteza. Daje izói Juzíñamuina ñue omoi izíruiillena jicádicue. Ie jira Juzíñamui omoi íinogafuena aillo móonaitaiteza daidicue, afe bífuiai omoi maiñóllena. ²⁴Nana cai Ocuíraima Jesucristona féitañeno izíruintona, Juzíñamui ñue íaioína éziciiteza. Mai; jae ñie. Daií íteza.

*FILIPO COMÍNIMO
SAN PABLO ORÉCABE*

*La Carta del Apóstol
San Pablo a los Filipenses*

**Filípomo ite Jesumo ñnotinomo
Pablo llavéracomona cuete**

1 Cue Páblodicue. Cue nabai Timoteo diga bibe ómoimo cuetícoco. Jesucristo táijitagamedicoco. Nana Filipo jófuego ite Juzíñamuimo jainaide ámatiaimo cuetícoco. Daa bibedo omoi cígiri ite ocuídillainimo, naa eno mameca canódinomo, cuetícoco. Cristo Jesumo nana dáaziena jaináidiomoi. ²Cai Moo Juzíñamui ñue ézicigafuego omoi iri, naa comeci caimare uái illafue diga. Daje izói cai Ocuíraima Jesucristo ézicigafue dibénemo omoi iri, omoi ie lloga comeci caimare uái illafue diga.

**Pablo Jesumo ñnotinori
Juzíñamuimo comécido úrite**

³Naga ómoimo cue úbicaifirenaruido, cai Moo Juzíñamuina: “Iere figura” daiífiredicue. ⁴Juzíñamuimo comécido cue úriadi, jaca nana ómoiri caimare jicáfiredicue. ⁵Mei fueñe tainéinaruimona ua biruimo Juzíñamui ñúfuedo dáafuego naa ómoiri táijifiredicaiza. Afena figura daiífiredicue. ⁶Juzíñamui nauí omoi comécimo ñúfueña déitate. Afe ñúfueña déitallifue tainédimie ua Jesucristo billíruimo fácanocañeno déitaocaite. Afefue taino daiínideza onódicue. ⁷Mei ómoina iere izíruillano nana ómoiri daií comeci cue fácafue iere jaícina jóide. Afe izói daje cuemo iga ézicigafue, jeire otómoi. Llavécamedicue íadi, omoi cúeoiri jeire oga ézicigafue, ñúfue cue llujállena canode. Iemona cai jílloillifueña comínimo uáfueña ñue fidítaticue. Daje

izói bífueña iere nahífueña daiítaticue. Afe izói bie ñúfueña uáitaacadino uíecomo daa bífuedo cai jílloillifuedo jaícina ñue úriticue. ⁸Jesucristo ómoimo dúecaillano izíruilla izói, omoi cígiri iere cue íacanana Juzíñamui ñue onode. ⁹Juzíñamuimo comécido cue úrillado ómoiena jicádicue. Dani conímana aillo jamánomo izíruillana jicádicue. Daje izói nana ñue fibíllafue abina omoi onóillifue diga, jicáfiredicue. Ua daií ómoiena jicádicue, ñúfueñai omoi níziana omoi fibíllena. ¹⁰Afe bifue jeire omoi óiadi, omoi comeci ifue íainite. Daje izói Cristo billíruimo nífuenidínona íitiomoi. ¹¹Daií Jesucristo omoi illáfueña mámeite. Ua ria llizilla jofo úaina izói, ómoína mámeite. Ua aillo ñue finócafueñai omoi illáfueño Jesucristo mámeite. Afedo Juzíñamuimo ñúfue ebíredifue diga nítaitiomoi.

**Cristo jítainafue cue fínuamona cue
comeci ifue ráifide**

¹²Amatai, omoi cácarei, cuemo zúidifueña omoi fidítaticue. Aféñueñai Juzíñamui cai jílloillifueñai jino llúana nahí uáfueña canode. ¹³Benomo cue llavénamona, nana nahíllaima jofo abí úñoraini, ñúfuedo cue llavéñana onódiaoi; ua Cristo ñúfue jeire cue úamona ja llavécamedicueza, áfena nana onódiaoi. ¹⁴Llavécacueña íaioi ciónamona, ja nana ínote ámatiaimona nabémaci iere náicaidiaoi, Juzíñamui uai jino llóllena. Ua meáruñeno uáfori jino llotíaioi. Daje izói cue llavéñamona cai Ocuíraimamo jamánomo ñnotiaoi. ¹⁵Uáfueña dámerie cuemo úradoillano Crístodo úritiaioi. Afémaci énenoruillano cue baímo jamánomoidimieña íacadiaoi; mei íadi jíámíai comeci ñúfuedo jino llotíaioi. ¹⁶Dáarie dani íaioi comeci óiacanafueñaido Crístona jíáño úritiaioi.

Cue llavébillafue baimo jamánomo raamo cuena jíritaiacadiaioi. ¹⁷ Mei jíáimaci cuena izíruillano Juzíñamui ñúefue jino llotíaioi, mei nai benó llavéracomo cue íllana onódiaioi. Ua Juzíñamui jíllloilluui cue uáitañena jira llavécacueza onódiaioiza. ¹⁸ Mei íadi ¿cúemona nñbai? Dáarie jaícina Crístodo úritiaioi; jíáimaci Crístodo jíízireoicana úritiaioi. Mei daje ábiedo Crístodo íaioi úriadi, cuena jaca íóbitade.

Afe cue íóbilla baimo jamánomo nai íóbioicaiticue. ¹⁹ Mei nana bífuai-mona nífuenino záiticueza onódicue. Ua cueri Juzíñamuimo comécido omoi úril-lado ñue jíllloiticue. Daje izói Jesucristo Joreño cue cánuado ñue jino jáiticue. ²⁰ Jesucristodo meáiruiñeno cue úril-lena cue comeci jítaillafue. Afe daje bífuego iere ocuúridicue. Birui cue il-láfuedo jíáimaci Crístomo aillo ñúefue nitádiaioi. Afe bie nita baimo, nai jamánomo íaioi nitállena jítaidicue. Nibai cáaiticue, nibai tíiticue dama mei áfena lloñédicue. Dama Jesucrí-stomo ñúefuiaina nita daidicue. ²¹ Nai tíiñeno cue jáicaiadi, Cristo comeci jí-tainafue cue fñuana jamánomo naga raa baimo gáidicue. Iemona nai cue cáana-fue ñuera; íemo jíái cue tíille jamánomo baimo ñuera. ²² Mei íadi bie cue abido nai cue caana llezica, cai Ocuúraima comeci jítainafue bíniemo jino denól-lena táijífireiticue. Meita bie mena cuemo itífueмона nífue nizeda óiticueza onóñedicue. ²³ Nai feire jánaideza, bie ménafuedemona nífue óiticue. Aféfuena ñue cue onuille féirede. Mei jíáifodo caifo Cristo diné cue jáillena tíiacadicue; bie izóidífue cúemona jamánomo ñuera. ²⁴ Mei íadi jíáie izói omoi cígido bie caana abido cue jáicallena, ómoiena iere jítaírede. ²⁵ Mei daa bífuena jaícina onódicue; omoi díga nai cue ícaillena ñue onódicue. Omoi díga cue íllena

jítaírede, omoi ñue ínogafue nágarui jeire omoi cue otátallena. Ua ómoiri cue illa jítaírede, jae jeire omoi ua izói afe baimo jeire omoi óllena. Daje izói omoi ñue ínogafuedo omoi íóbioicallena, omoi cígiri cue ícaillena nai jítaírede. ²⁶ Mei daíí nana omoi cígiri ííticue. Afe uire cue bílledo Jesucrístona jamánomo aillo íóbitaitiomoi.

²⁷ Cristo ñúefuiái úbicaillano, afe izói nágarui omoi illafue ñue jaícina jóoneri. Nibai omoi cue érozaiadi bifue jeire omoi úamona, omoi illa ñúefuena fidíacadicue. Daje izói ómoimona jica iticue íadi, daje omoi illa ñúefuena onóiacadicue. Afe bie izoide ñúefuena fidíacadicue: dáaziena caimare omoi jaináil-lana onóiacadicue. Daje izói jíllloilluui-mona lloga ínogauaimo izire omoi nící-duana fidíacadicue. ²⁸ Daje izói omoi bacáuai ímíiaina due omoi jácicaíñe-nana cuemo omoi lloiri, daidicue. Afe omoi jácicaíñenafue, niné íaioi táino-caillifueña uáfodo jino llotátate. Mei íadi daje llezica omoi jíllloillifueña uáfodo jino llote. Bie omoi onóitainafue Juzíñamui dibénemona bite. ²⁹ Mena rafue Juzíñamui ómoimo mamede. Náno-rafue daide:

Cristo uaina iere jeire órediomoi.

Nane jíáifue daide:

Cristo ñúefue jeire omoi ua méifomo, afémie ícoiri duere zefuífirediomoi.

³⁰ Cue naa ómoiri daje fuirilla izóidífueño iticai. Naui cue fuirídimie izói íllana ciódiomoi. Ja birui fuirídimie izói, nai cue jáicana ráfuena onódiomoi.

**Cristo jamánomo uáitagamiena
jaide ie méifomo Juzíñamui
jamánomo ñue ébifue íemo nitade**

2 Ja birui Cristo ómoína náicaitarede. Afémie ómoína izíruillano, comeci zúurenamona omoi comécina cáimacaitarede. Ie Ñuera Joreño omoi díga ite. Conímana izíruillafue

dúecaillafue diga afe dibénemo itfomoi. Nana bífuiaina omoi onónamona, mai cue omoi ióbitari. ²Ua caimare ñue omoi illáfuedo cuena ióbitari. Afe izói daje izíruillafuemo omoi jaináinamona cuena ióbitari. Afe mei dájemo comeci jitáinafue jeire omoi úado cuena omoi ióbitari. Afe emódomo dáafuemo omoi comeciinado cuena omoi cáimacaitari. ³Dani omoi comeci jitailla izói mamériñeno iri. Fia abi ñnuafuedo nífueña lloñeno iri. Mei íadi comeci mánainafuedo omoi mamériori. Omoimona illa dígamierie omoi aino cómena o baimo comécina ñuera, omoi daiífieri. ⁴Dani omoi ñue illáfueña jenóñeno iri. Mei íadi nana jíaimaci ñue illáfueña omoi jenori.

⁵Cristo Jesús comeci mámia izói, dájemo comeci omoi mameri. ⁶Nano fueñe ie illa llezica afémie daa Juzíñamui izoide. Juzíñamui izói ie illa rño afémiemo ite. Mei íadi ie fiénocaiga rñona “Raíre meine cue ollí” daiñede. ⁷Mei íadi afémie Juzíñamui izoina llezica afe íemo ite rñona oni eneno fiénocaide. Fiénocaillanona jiba iima jécia izói Cristo jéciga. Daií ie jéciamona fia jamai táijitagamie bie éniemo jíicana izói jáicade. ⁸Jamai cómena ie illa llezica jamánomo comécina mánaidimiena abí mamede. Daií mámano ie Moo Juzíñamui dainúai jeire uano dama tízaide. Ua aillo meáire cruzmo tízaide. ⁹Ie jira Juzíñamui jamánomo aillo ñuefue íemo nitade. Ua afemona nana jíaie mámechai baimo jaléidicina Juzíñamui íemo jítade. ¹⁰Daií bie mámechina Juzíñamui íemo jítade, nana comini ie anamo dújuillena. Ua afe Jesús dainácina íaioi cacánamona nana monamo itnúiai, bie éniemo itnúiai, daje izói énie anamo itnúiai cañcído ie anamo dújuitiaioi. ¹¹Daií dújuillano nana comini comécido íena ónuano, Jesucristona nahí Ocuíraimana daíitiaioi.

Daií dainado Moo Juzíñamui ñuefue nítaitiaioi.

Cristomo jaináidino bnie egáñotino izóidiaioi

¹²Mei jira, cue izíruiga ámatiai, naui omoi cígiri cue illa llezica jaca ómoimo cue llogáuaina jeire otfomoi. Ja birui ómoimona jica itícuemo, naui omoi úana izói, afe baimo aillo jeire omoi oíri. Dani omoi jllonafuemo comécina mánaidimie izói jacíruioicana áfemo omoi comécioriri. Aféfuena nana comínimo ñue jino omoi denóoicairi. ¹³Mei Juzíñamui afe ñuera comeci óiacanafuai ómoimo fecádimie. Afémie dama ie comeci ñue jítainafuedo ómoina canófirede, omoi comeci ñue óiacanafuai jino denóllena.

¹⁴Bífuiai jino omoi denolle llezica nana omoi jetácafuai fieni úriñeno omoi finori. Daje izói afena júfidoñeno omoi finori. ¹⁵Iemona bie izói omoi iri nina jíaimaci ómoimo íaifue jóneñeilena. Daií nífuenino omoi iri, afemona íaifuenidina omoi ílleza. Mei daií omoi íllamona, comécina íaifue fétate figóñede comini cígiri, Juzíñamui úruiaina maméllimoiza. Iaiói cígiri, ucudu caifona bie jítirede énie egáñua izói, ie izói comini comeci jítirenana egáñoitioi. ¹⁶Afe egáñuado zíñona cáataite uai íaioimo jino llóitioi. Daií Cristo billíruimo ómoiri meáldaiñeno caimare abí ínoitícuemo. Daje izói omoi ñue illáfuedo naui ómoiri iere cue táijnafue táinomo jífanofñenana onódicue. ¹⁷Naui ñuefuena omoi ñnuaruimo dani omoi illáfueña Juzíñamui llotfomoi. Birui nai omoi ñnogafue ñue jáicina cue jóoniamona, nibai benó cue tíadi, áferi cáimacaitícuemo. Afe llezica omoi cánuaibiga ióbillafueri ióbidicue. ¹⁸Daje izói caimare omoi iri; cue cáimacilla díbfuefue jeire omoi oíri.

Timoteo Epafrodito diga Filipos comínimo oréillifue

¹⁹ Cai Ocuíraima Jesús comeci óia-cania, Timotéona omoi eróizaitaiticue. Omoi illafue afémie abido cuemo lluáibi-adi, iere áferi cáimacaiticue. ²⁰ Cue comeci faca izói, comeci facade jiáie cómena ñede. Dama Timoteo cue izói comeci úrilla. Dama afémie omoi ñue illfufuemo uáfueña comeci facáoifrede. ²¹ Nana jiáimaci dani íaioi comeci jí-tainafue jenódiaioi. Cristo Jesús dibé-fueña lloñédiaioi. ²² Afémie cuemo rái-finafueña náganuaimo jino ciótagaza onódiomoi. Núefue jino cue llócaillado afémie cue diga, jitó izói jái-caide. Ua moo ie jitó diga táijicana izói cue diga táijicaide. ²³ Cuemo ite itfúiaí jino déillana ñue cue onóadi, bie Timotéona omoi méiñOtaacadicue. ²⁴ Cai Ocuíraima ñue ñnoticue. Iemona nibai ómoina raire dama eróizaibiticue. ²⁵ Daje izói cúemona uáfodo jóideza, cue ama Epafrodito omoi cígimo jáirena. Afémie cue táijinana nabáifredimie. Daje izói fuirilla izói cue llócaigafue nabáifredimie. Mei íadi nauí cue jitaica raamo táijillena omoi cuemo orécamié, abido ómoimo orédicue. ²⁶ Mei afémie nana ómoina izire cióacade. Ie irárenana omoi fidínamona afémie comeci iere járitaide. ²⁷ Uáfueña iere irárede; tñllanomo figo dúcide. Mei íadi Juzíñamui íemo dúecaillano íena jíllotote. Dama afémiemo dúecaíñedeza; mei jiái daje izói cuemo dúecaide. Ua Juzíñamui cuemo dúecaide, cuemo ite zúufuiaí baimo jiáie aillo comeci zúufuiaí cuemo bíñeillena. ²⁸ Iemona íena iere oréacadicue, raire afémiemo omoi érocaillano iere omoi ióbicaillena, cue zúucaillafue raire niné féilleza. ²⁹ Bie Epafrodítóna mai jamánomo caimare omoi uáidori, Juzíñamuimo izire jainaide ámaza. Nana ie illa izóidimíiaí

caimare jacíruiocana íaioimo mai omoi cacáreiri. ³⁰ Ua afémie Crístomo táijinafuedo tñllanomo figo dúcide. Dama ie cáanafue jacíredifueño afémie jónete cuena canóllena. Ua omoi bñnamona afémie cue cánuaibillena iere jamánomo nícidote.

Uáfueña Juzíñamui ióbilla cai ñue jaícina illafue

3 Cue ámatiaí, mai cai Ocuíraima omoi ióbioicairi. Cue cuezafue meine ómoimo cue lolle cuena áfedua izói íñeite, mei íadi ómoina iere ñue canode. ² Íairuiga jiba jico izói fñénidifueño itímacimona abí omoi rairuiri. Omoi bacano icoi quetátafrediaioi. ³ Cai bie ua quetácamacinaza. Cai bie cai joréñodo Juzíñamui ióbillamacidicai. Fia jínofenemo cioide raana íñoñedicai. Cristo Jesús íeiena cai íllari caimátáidinodicai. ⁴ Bífuiamo aillo cue ínoregafuiaí ite íadi, áfena lloñédicue. Cue baímo buna aféfuiaímo ínonide. ⁵ Cue jocóinamona ocho dígarui íllamona cue bacano icoi quetádiaioi, mei nahí israelita nairai ímiedicueza. Cue bie Benjamín izíemo jaináidimiedicue. Cue jocóinanomona hebreo ímiedicue. Ua hebreo ímie jitódicue. Judfuai ocuífueño jino cue dobáíñuamona cue bie fariséodicue. ⁶ Jacire ocuíoídimie izói Crístomo jaináidino fállena íaioina racádicue. Judfuai ocuífueño lloga ñue jaícina illafue dibéfuemo, jaca nífuenidimiedicue. Bu úaitañegamiedicue. ⁷ Mei íadi nana bie nauí cúemona aillo ráifidifuiaina, ja birui aféfuiaína Cristo ícoinia náfueñedicue. Ua aféfuiaína jamai ráifíñedifuiái izói áfemo coméiidicue. ⁸ Afe baímo aillo jíáifueño coméiidicue. Cue Ocuíraima Jesucrístona cue onóillifue, nana cuemo itfúiaí baimo aillo ráifide.

Iemona cuemo itífuiaina féitaticue. Cristo ícoinia naga cuemo itífuiaina cue féitaga. Ua aféfuaiaina oni dotáacaiga raa izói coméciidicue, afe ibana Cristo cue náamatallena. ⁹Daje izói cue afémiemo jaináiacadicue. Ocuícafueña cue ínuamona ñue illáfueña llínoticue. Mei íadi afe ñue illáfuedo Crísto jaináicue. Jesumo ínotinomo Juzíñamui iga nahí ñue illáfuedo Crísto jaináicue. ¹⁰Cue comeci jítainafue Cristo cue onóillena. Daje izói ie tíllanomona meine abido cáatate rínona, “Cuemo iri,” daidicue. Afémie duere zefuilla izói duere zefuácadicue. Afe daií ie tíllaruimo ie illa izói íticue. ¹¹Afemona tídinuiai meine cáallifueño ocuúridicue.

**Cristo fueñe cue ocuilla izói
cue jáillena, fuirilla
izói izire nícidocana uiticue**

¹²Ja nana afe bie mamérrillafue oticue daiñedicue. Daje izói comeci jáicua ñue jóidimedicue daiñedicue. Mei íadi Cristo fueñe cue ocuilla izói íacadicue. Ie jira nágarui aféuaimo nícidocana uiticue, afémie cuena daina izói cue jáillena. ¹³Cue ámatiai, bífuiaimo ja dúcidicue dama daiñedicue. Mei cue nahí finóacaigafue jíáifodo jóide. Naui cue illáfueña féitaticue. Afe llezica nahí como cuemo déioicaiticueño riire coméciidicue. ¹⁴Aizídino raire mózizailla izóidinomo dúciacadicue. Juzíñamuimona fia jirídolle raa izoide cue llínuaibillena, Juzíñamui monámona cuena uáidote. Crísto cue jaináinamona afe jirídolle raana máíñoiticue.

¹⁵Cáimona nana ínogafuedo ñue móonaitino, mai bie izói cai comécioilli. Jíáifodo omoi coméciadi, Juzíñamui áfena ómoína fidítaite. ¹⁶Mei íadi bifue mai cai náfuelli: cai onóigafue izói mai ñue cai illi. Daje izói ñue jáicua mai cai comécioilli.

¹⁷Cue ámatiai, naui omoi cígiri cue íllana cíodiomoiza, afe izói omoi iri. Omoimo cue cíotagafue jeire otónimo izire comeci omoi facáoiri. ¹⁸Ja aillo Cristo tíllafueña uáitino íteza. Iemona diga icaíño afémacido ómoimo lloticue. Nane zuere ébicaillano dáonomo ómoimo llóiticue. Afémacimona abí omoi rairuiri. ¹⁹Bie izói itino írairuimo niné táinocaitiaoi. Dani íaioi abí jítainafuina daidíaoi:

—Bie cue juzíñamui, —daidíaoi. Meárede raana meáruíñediaoi. Mei íadi áfede abí ínotiaoi. Fia bie énie ífueño comécidiaoi. ²⁰Mei íadi cai nana caifo mona imácidicai. Cai nana, cai jíllotade Ocuíraima Jesucristo monámona bíllemo úínoticai. ²¹Cai zííñoñede abina afémie méiduaibite, afémie ie abí ebire cioina izói cai íllena. Afémiemo ite ríinodo naga raana náamatade. Iemona afe daje íemo ite ríinodo cai abí ífueña méidoite.

**Jaca cai Ocuíraimamo
caimátaioicairi**

4 Cue izíruiga ámatiai, mei ómoína iere cíoiacadicue. Omoi cue íobioinamacidiomoi. Iemo cue jirídolle raa izóidiomoi. Ua cue izíruigamacidiomoiza; mai cai Ocuíraimamo jáicua riire omoi comécioiri.

²Evódiana mámeciredingo íemo Síntique diga, izire jicádicue, dáafueño ómingo coméciiri. Mei cai Ocuíraimamo jaináinamona ebúñona maméidiomingoza. ³Daje izói jíáimieño úriticue. O, cue táíjinado jaca ñue cuena nabáidío. Ua cue ínoga nábaidío. Jira bie cai miríngotiaína o canótaiticue. Mei afe íaínguái cúeoiri afe jíllona uai cue llócaínado nícidocaidiaínguái. Bíaínguái, Clemente diga naa jíámieoiri cúeoiri táíjicadiaoi. Nana afémaci mámecei ja

Juzíñamui zíiñona illino óitino mámecei cúeinanicomo cuega.

⁴Nágaruillaído cai Ocuíraimamo mai omoi caimátaioicairi. Nane dáanomo daidícue, mai caimátaioicairi. ⁵Omoi comeci mánaina naga cómemo, mai có-taitiomoiza. Cai Ocuíraima billíruimo áinozideza. Cai áinori íteza.

⁶Omoi comeci nífue mo járitaitañeno iri, mei jáífodo naga ómoimo comuídfuuiaina Juzíñamuimo úrilla llezica, afémiemo mai omoi lloiri. Daje izói omoi jitailla raana jicari. Afe llezica “Iere figura” mai omoi daífireri. ⁷Ie mei Juzíñamui comeci caimare uái illafue ómoimo íteza. Bie comeci uái illafue comini onoi ga táinofue baimo ñuera. Afe caimare uái illafue omoi comécina ñue ráiruite. Daje izói omoi comeci jarire úrillafuena ñue manánaitaite. Mei Cristo Jesumo daane jáinaitiomoiza.

Ñúefuiaimo comeci omoi facóiri

⁸Cue ámatiai, íraicaño omoi llóitícue. Nana nahí uáfuiamo omoi coméciiri. Daje izói nahí caimare jacíruioigafuiaimo omoi comécioiri. Daje izói nana jáicina illáfuiamo omoi coméciiri. Afe izói nana íainidífuiamo omoi coméciiri. Daje izói nana ióbillafuiaimo omoi coméciiri. Daje izói nana caimare jalléinafuemo omoi comeci uibóiri. Nana bie ñúefuiaimo omoi comécioiri. Daje izói nana ñúefuena nitáfireganomo afémacimo omoi uibóiri.

⁹Omoi cue llófuia izói mai omoi iri; ómoimo cue lloga lletárafuiaimo mai omoi ínori. Cue dáinana omoi cacana izói, cue finócana omoi ciona izói, afe izói mai omoi iri. Iemona comeci caimare uái illafue fecáfiredé Juzíñamui omoi diga ífireite.

Filipo imaci fia fecaca raa Páblomo orédiaioi

¹⁰Meine nane cuemo omoi coméciilari cai Ocuíraimado iere ióbidícue. “¿Nibái mei cuena féitatiomoi?” ómoina daífacañedícue. Cue omoi canóacana raa átiitimie íñédeza, onódicue. ¹¹Cue ráaninari ómoina fieni úacañedícue; cuemo ite raari cue ióbillana ja fibídícue. ¹²Duere cue íllana fibídícue. Daje izói aillo cue jitaica ráaniai íllana fibídícue. Nifue cuemo comuíadi, afe izóidífue cue ocuállana ja fibídícue. Nibai jeíredícue, nibai juffruitícue; afe izói caimare cue íllana fibídícue. Güiga alla cuemo íadi, mei cuemo íñeniadi daje izói ñuera. ¹³Naga cuemo eróicana comuide raana ocuúredícue; mei Cristo cuena ríduado ocuúredícue. ¹⁴Mei íadi cue dúerena llezica cuemo omoi dúecaillamona, cue omoi cánua ñuera. Diga icaiño duere cue finóinari omoi zúunailla cuena náicaitade.

¹⁵Omoi Filipos imácidioimoiza, daje izói bífuena onódiomoi. Nano fueñe jíllona uai cue llócaina llezica, daade cue canófiredinodiomoi. Ua Macedóniamona oni jáínomo cue jailla llezica daade cue canode Jesumo finotinodiomoi. Fia fecaca ráaniai cuemo oréfirediomoi. Afemona comínimo cue feca izói, íemo íaioimona cue llíinua izói, afe dájemo naa ómoiri táijidinodícai. ¹⁶Nai Tesalónicomo cue illa llezica, omoi diga ícaño, fia fecáfíreiga ráaniaina cue jítaicaniaina cuemo orédiomoi. ¹⁷Fia ráaniaina cue llíinoiacanamo coméciñedícue; mei íadi cue comeci jítaillafue, Juzíñamui uiécomo ómoimo aillo ii, daidícue. Iemona daí aillo omoi ofítaga raana uire maiñóritiomoi. Afemo coméciidícue. ¹⁸Mei nana jae cue llíinoga. Afena cue jitaica ráaniai baimo ja llíinotícue. Epafrodítodo cuemo omoi

oreca ráaniai figo baite. Baimo cue jitáillena iñede; ja aillo íteza. Cuemo fia omoi oreca ráaniai iere Juzíñamuina ióbitade. Daií cuena omoi cánuado, Juzíñamui comeci jítaina finódiomoi. Aferi Juzíñamui ióbicaillano afémie áfena jeire ote. ¹⁹Cue ínoga Juzíñamui nana omoi jitaica raana ómoimo fécaite, mei nana Cristo Jesús ebire comuítaga ráaniai Juzíñamuimo dúideza. Ie jira íemo aillo ite ráaniai izói, afe izói ómoimo fécaite. ²⁰Mei ñuera ebíredífue cai Moo Juzíñamuimo jaca íoicaideza. Daiítadeza.

Iiraicaiño uáidonocailafue

²¹Cue dibénedo nana Juzíñamuimo jaináidino Jesucristo mámevido omoi uáidori. Cue diga ite cai ámatiai ómoimo uai orédiaioi. ²²Nana benomo ite Juzíñamuimo jaináidino daje izói uai ómoimo orédiaioi. Romano nahíllaima jofomo itino iere ómoina izire uáidoiacadiaioi.

²³Cai Ocuíraima Jesucristo nana ómoina ñue éziciiteza. Mai daiítadeza; jae ñie.

COLOSAS IMÁCIMO SAN PABLO ORÉCABE

*La Carta del Apóstol
San Pablo a los Colosenses*

Pablo Colósamo ite Juzíñamuimo ínotinomo cuete

1 Cue Páblodicue. Iemo cue nabai Timoteo diga ómoína uáidotícoco. Juzíñamui comeci jítaina izói Jesucristo orécamiedicue. Afe orécamiedicue daiíacana uai, Jesucristo ñúefuena llujítagamiedicue. Cue ama izóidimie Timoteo diga, ²Colosas jófuego ite féitañoeno ínofirede ámatiaimo bibe cuetícoco. Omoi daje izói Crístomo jaináidiomoi. Cai Moo Juzíñamui ómoimo caimare eróicaiteza. Afe llezica Juzíñamui dibénemo icríñoeno uái illifue Juzíñamui ómoimo fécaiteza.

Pablo Jesumo ínotinona Juzíñamuimo úrite

³Omoiena Juzíñamuimo coco úrilla llezica jaca cai Ocuíraima Jesucristo Moo Juzíñamuina “Figora” daiífiredicoco. ⁴Mei Cristo Jesumo omoi ínuana cócona ja fidítatiaioiza. Daje izói Juzíñamuimo jaináidinona omoi izíruillana cócomo llotíaioi. ⁵Afe bie izói itíomoi, mei monamo ómoimo éenoga maiñolle raamo ñue ocuíritimoiza. Afe ómoimo lloga ua uai omoi cacánamona, ñue ocuíritagamo. Afe lloga ua uai ñuera jílona uai. ⁶Afe daje lloga uai náganuiaimo llócaillado oni aillo móon-aioicaide. Ua, ríganiai llizilla izói, iere jebuide. Mei daje izói afe uai omoi cacana mei, omoi cígiri aillo jebuideza. Juzíñamui caina izíruillana omoi cacana mei, afe izíruillana ua ráfueza ja omoi onónamona, afe ñúefue ómoimo aillo oni móonaitagaza.

⁷Cai izíruiga ama Epafras bie ñuera uai ómoimo llófuete. Afémie nauí cai méifomo afe uai llúamo tájjide. Ie jira afémie ómoiena Cristo ñue ocuícamié, mei afe llezica afémie Crístomo féitañoeno iere ínofiredimieza. ⁸Afémie Ñuera Joreño ómoimo comuítaga cuena omoi izíruillafue cuemo llúaíbite.

⁹Jira áfena cai fidíñaruimona biruimo jaca fáicanocaiñoeno ómoiena Juzíñamuimo úrifredicoco. Juzíñamui comeci jítainana ñue omoi onóillena afémiemo jicáfiredicoco. Daje izói nana jáíforie ifoci úrillaena omoi onótallena jicádícoco, naa Juzíñamui dibénedo onóigafuiari. ¹⁰Afe bíemona cai Ocuíraima Jesumo jaináidino illa izói, ñue írediomoi. Mei afe izói omoi ille jítáiredeza. Daií omoi íllamona afémiena nágarui íóbítaitiomoi. Afe afémie íóbilla raa be ñie: Riga llizíllajiai aillo illa izói, omoi finoca ñúefuiaina aillo omoi jebuítallena; íemo jáí Juzíñamuina jamánomo ñue omoi onóillena. ¹¹Daje izói nana cai ebírede Juzíñamuimo ite ñuera rímodo omoi ñue náireillena afémiemo jicáfiredicoco. Daií jicáfiredicoco nana ómoimo cómuitifuiaina járitaiñoeno ffaicana omoi ocuíoillena. Daje izói caimare aféfuiaina omoi ocuíoillena ómoiena jicádícoco. ¹²Nane daií omoi comeci náireillamona caimare cai Moo Juzíñamuina “Iere figora” omoi daiífireillena jicádícue. Mei nana afémiemo dúidínomo ie fecalle zíñoena illifue ómoiena batí Juzíñamui illa úzeredínomo omoi maiñóllena, afémie ómoína ñue finódeza. ¹³Mei uáfueza, Taife ocuífrega jítifomona Juzíñamui caina jíllotate. Jílluano ie izíruiga Jitó illáimana illánomo caina jóonete. ¹⁴Mei afémie Jitó tíllado, caimo ite íafuiari féitajano, Juzíñamui caina jíllotateza.

**Cristo tñillado Juzíñamui diga
icírfuemo dájena uái iticai**

¹⁵Afe bie cai Moo Juzíñamui jaca ciónenamie íadi, comini ciónamie izói ie Jitodo ana bite; íemona afe Jitó Juzíñamui ñie ua izóidena caina onótate, naa ie começi ífuiari. Afe Jitó nana comuítaga ráaniai baimo jamánomoidimie. ¹⁶Juzíñamui ie Jitodo nana monamo itñuiaina finótate, naa éniemo itñuiari. Cioide ráaniai naa cñoena raa diga, nana afémiedo Juzíñamui finoca. Mei uáfueza, daa fiéñeno, nana afe cai cñoena rñoredinona naa ocuídillainiri, íemo jíái Juzíñamui abi imaci diga, dáamiedo finócaiaioi. Nana afe ie Jitodo finoca. Daje izói afémie íena finoca. ¹⁷Mei afe Cristo nana ráaniai nai íñenia afémie jaca íteza. Daje izói dáamiedo nana ie finoca ráaniai oni féiraiñeno ñue jaícina itíaiioi. ¹⁸Afe baimo Cristo nana afémiemo jaináidino afe ífo dainámie. Iemo nane afémiemo ínotino ie abi dainámaci. Afémie afe bie ie abi daina ínotinona ziiñona cáatatimie, mei afémie tíidinomona fueñe meine cáadimienaza. Afémie daíí fueñe meine cáadimiena jaide, nana itífuiai baimo jamánomoidimiena íllena. ¹⁹Nana Juzíñamui ziiñona illa izói, nana afe izói Cristo íllena Juzíñamui jitaide. ²⁰Nane daje izói afe Cristo tñillado, Juzíñamui nana afémie comuítaganuiaina icírafuenino dájena caimare uái illífuemo jóneacade. Mei uáfueza, nana bíniemo itífuiai naa comini diga, íemo jíái nana monamo itñuiari, Cristo cruzmo tñillado Juzíñamui éoiñeno dájena caimare uái itátaacade.

²¹Nauí diga íaífuiai omoi fñuamona Juzíñamuimona iere jicánemaci izóidiomoi. Daje llezica omoi comécido Juzíñamuina éoidinona itíomoi.

Mei íadi ja birui Juzíñamui afémie diga ómoína icírafuenino dájena uái illífuemo jónete. ²²Cristo tñizailla llezica ie abi izi cácanado, Juzíñamui daíí ómoína caimare dájena uái illífuemo jónete. Afémie bie izói finode, íaífuenidinona, daje izói níífuenidinona afémie uíécomo cai ie jóneillena. Uáfueza, afémie bie izói finode íeiena cai íllena. ²³Bie izói uáfueña omoi íllena, fáicanocaiñeno jaca finorediomoi. Afe izói amena ana jica jainade riire illa izói, riire írediomoi. Daje llezica ñuera jíllona uaina omoi cacánamona omoi maíñoca caimare ocuírillafuena fáinocainidiomoi. Afe bie ñuera jíllona uai ja nágagobiaído llócaiga. Iemo afe izói afe llócaigamo cue jíái canódicue, mei afe uai llócaíllena Juzíñamui jóonenocaigacueza.

**Pablo Jesumo ínotino
cánoitimiena jónega**

²⁴Birui omoi ícoínia duere cue zefuíllari ióbidicue. Mei áfedo Cristo abi daina afémiemo ínotinori nana uícodo lloga nai duere cue zefuíllana ñue ícoímo fuitáredicue. ²⁵Mei omoi ñue íllena Juzíñamui cuemo jónenocaigafuedo nana afémiemo ínotino cánóitimiena jáidicue. Mei uáfueza, Juzíñamui nana comínina llóicaiga uai, afe uai jino cue llúana ícoímo fuitállena jónenocaigacue. ²⁶Afe bie ñuera uai jaiái ninómona ua biruimo comini figo onóñedi-aiói; diga ígímaiaí záilla méífomo afe uai nai retáiruiga raa izói joide. Mei íadi ja biruimo íeiedinomo ja jino báífitate. ²⁷Juzíñamui ja judíoñedinomo afe bie nauí báinino ite uai ñuera áíllue cáimafuena jino ómoímo onótaiacade. Bie báinide uai daina, Cristo ómoímo illa llote. Iemo íco jíáíruido ñue caimare omoi illífuemo omoi ocuírillena afémie jino dénoite.

²⁸Cai bie Crístona jino uáfodo lloticaí. Afe llezica nana comínina ñue rairuídicaí. Daje izói nana ñúefuiaí ñue íaioí onóillena afémacina nana llófiredicaí. Afe izói naga come Crístomo dájena jaináillamona afémie dibénedo ñue íaioí móonaillena llófiredicue. ²⁹Bie cue fuitállena, nana Cristo cuemo iga máriedo fúirienaila izói nágarui Juzíñamuimo izire jicáfiredicue.

2 Mei bífuenta ómoína fidítaacadicue. Jaca ómoiena iere fuirilla izói Juzíñamuimo riire jicáfiredicue; daje izói Laodicea jófuego itino íena, íemo jíái nana cue uíecona ciónedino íena riire jicáfiredicue. ²Afémaci comeci náireillena fuirilla izói Juzíñamuimo riire jicáfiredicue. Iemo afe comeci náireillamona conímána ñue íaioí izíruillena riire níciduano jicáfiredicue. Mei daí dájena omoi jainaina jira, bie nauí figo báitañega uai Cristo omoi ínuua mei, omoi diga íllana ñue jaícina onóredimoiza. Afe daí uáfori jaícina afémiena ñue omoi onóillena, riire níciduano nágarui Juzíñamuimo izire jicáfiredicue. Mei jíi, nana bie riire nícidoticue, figo ónoñega Juzíñamui ñuera uaina ñue omoi onóillena; mei afe báinega Juzíñamui uai daína dama Crístoza. ³Mei uáfueza, nana comeci jamánomo úrillafuiaí naa onóigafuiaíri afémiemo ite. ⁴Bu ómoína ebírede uáillaido bífueñillena, nana bífuiaí ómoimo llóiticue. ⁵Cue abi omoi cígiri íñede íadí, benómona jícana izire ómoimo coméciidicue. Iemona daí cue fídia izói dájena caimare omoi íllari íóbidicue. Daje izói fáicanocaiñeno Crístomo omoi ínuuari íóbidicue.

⁶Jae cai Ocuífiredede Jesucrístomo ñue omoi ínuamona ie lloga iodo jáiredio-moi. ⁷Afe bie daíacade, amena riire jáinaja izói, Crístomo riire jaináredio-moi. Iemo jíái daje llezica jainónide jáailli-

raí izói omoi íllena, nágarui Cristo uail-lai jeire omoi ua baimo jamánomo jeire ófireiri. Mei afe izói llófuegaomoiza. Iemo afe llezica nágarui Juzíñamuina “fere figora” mai omoi daífireiri.

Crístomo cai jaináinamona cai comeci cómuena méidoga

⁸Mei birui ñue abí omoi rairuiri, baimaci omoi jífueacadeza. Afémaci táinodo ífoci úrillado, daje izói íaioí lloga taino uáillaimo jífuebiñeno iri. Mei afémaci Cristo dibénemo íñédiaioiza. Mei jíáfodo jaiái ninomo comini lloga taino uai dibénemo jaináidiaioí. Daje izói dama bínie raa dibénedo comini coméciillafuiaimo jaináidiaioí.

⁹Mei íadí nana Juzíñamui zíñona ñue illa dieze, afe izói Crístomo nana ñue jaícina ite. ¹⁰Iemona Crístomo dájena omoi jaináinamona, Juzíñamuina oruide comini izóidiomoi. Afe Cristo nana monamo ite ocuídillainina, naa cai ciónena ríinoredinona ocuífiredede. ¹¹Iemo nane daje izói Crístomo dájena omoi jaináinamona ja bacano icoi quetácano izóidiomoi. Mei íadí ua quetañegaomoi, mei jíáfodo nanómona omoi jocoina llezica ómoimo ite íaífuemona ja jíllodiomoi. Mei ua, bacano icoi quetaja izói, omoi fíenidífuemona quetaca izói jíllodiomoi. Afe bie quetáfirena Crístonamona comuide. ¹²Iemo nane jíáfue-mo cacáreiri. Mei omoi báutizanamona Cristo éniemo ana raia izói ja raigáomoi. Bie nanómona omoi fieni finócafuaí titaca izói, ja fáicanocaitio-moiza. Iemo Juzíñamuimo ite áillue ríinomo omoi ínuamona Cristo izói cómomiena afémie diga ja cáadimacina itóomoi; mei Juzíñamui dama íemo ite ríinodo Cristo tíide meine cáatateza. ¹³Nauí jíáiruido ómoimo ite íaífuiaimona comeci díne tíidino izóidiomoi. Daje izói quetatañena judúuaiñedino omoi illa llezica, omoi fíenide óiacana-

fue jeire omoi úamona, comeci dine ónonino tíidino izóidiomoi. Mei íadi birui Juziñamui nana omoi fiénidifuiái féitajano, dájena Cristo diga ómoina abido cáatate. ¹⁴ Caimo ite íaifue íballe raa izoide. Afe cai íbañenia tíiredi-cai. Mei íadi Cristo tíillado Juziñamui cai íbácana záitate. Afe cai íbácana Juziñamui fiébiñeno ñue íbaja Cristo cruzmo coráiado ácatate. ¹⁵ Mei afe llezica Cristo cruzmo tíillado, monamo ite ocuídillainina, naa cióñena rí-noredinona afémie ríinitade. Afémie uáfori íaioi illáiena báiruado, nana afémaci baimo ie jamánomoidimie íllana ácatate.

Monamo ite ñúefuiaina omoi jenori

¹⁶ Mei bíemona ninó dáamie omoi güille dibénedo omoi jánana júfidoiadi, áfemo mai náfueñeno omoi iri. Daje izói omoi júrua dibénedo ninó dáamie fiéni ómoina úriadi, áfemo náfueñeno mai omoi iri. Iemo jíái dáarie judíuai lloga ráfuiaimo eneno omoi coméciiñe-nado, ninó dáamie omoi jánana júfidoiadi, áfemo mai náfueñeno omoi iri. ¹⁷ Mei nana bífuiái, uire Cristo billifue dibénedo comini ñue onóil-lena canódeza. Mei íadi Cristo billamona afe cai onótatífuiái jítaiñega, mei dama Crístomo nana uafue raa báifideza. ¹⁸ Iemona nino dáamie ómoina fiéniruiadi, mei afémie táinona mánaidimiena íllana ómoimo ácatateza, áfemo náfueñeno omoi iri. Daje izói afémaci diga Juziñamui abi imaci ómoina íóbitafireiadi, áfemo náfueñeno omoi iri. Mei afémaci ónoñega nicai anado cióñirena raado úrifirediaioiza. Afémaci jiba come comeci fácafuiáido abi iere ínofirediaioi. ¹⁹ Afémaci Crístomo dájena jaináñeno itíai. Mei jíáfodo Cristo nana íemo ínotino ífódimie. Afe ífo izói mamécemie nana ie abi écaja izói comécina náiretajamona afe abina

móonaitade. Afe izói nana ie abímo jaináidino conímamo dájena jaináita-jamona, ie abína móonaitade. Afémie Juziñamui mamérilla izói nana bífuiái ocuífiredede.

²⁰ Mei Cristo tíillaruiimo afémie diga tíidino izói jáidiomoi; bie daiíacade nanómona omoi fiéni finócafuiái titaca izói omoi fáicanocaigaza. Afe llezica bie énie ocuífiredede cai cióñena rí-noredinomona zuitácamací izói jáidio-moiza. Iemona ¿ñibái mei nai bíniemo dúidino izói ífrediomoi? ¿Ñibái mei ie ocuífufuemo jeire otíomoi? ²¹ Dáarie bie íaioi ocuica fimairilla uáimona bie izói daide: “Bie riñeno iri,” íemo jíái “Afeniaina güiñeno iri,” íemo nane jíái “Baie jetáñeno iri,” daide. ²² Nana bie rairuífllafuiái bie éniemo ite jétamona fúioicaite güílleniáimo dúide. Jira afé-fuiáimo náfuenidiomoiza. Nana afe íaioi ocuica uaillai fia jiba comini daina uaillai. Daje izói fia jiba comini lló-fuega. ²³ Mei uáfueza, afe bífuiái báita-fuiái izói cacáreide, mei afe ocuídino, “Bie cai daina izói monamo itánona mai omoi caimátáifireiri” daí daidíai. Daje izói fia comini daina comécina mánaidínona ómoina oréacadiáioi. Iemo jíái comini íaioi abi táinona duere zefuítatíai. Mei íadi nana bie íaioi ocuífuiái cai comécimo ite fiénide óiacana-fuiái rairuífllena canóñede.

3 Iemona, Cristo diga meine abido cáatagamaci omoi illa jira, mai mei mona dibénemo ite raa omoi jenori. Mei afénomo Jesucristo Juziñamui nabézi-mona illáimana íteza. ² Daje izói mona dibénemo ite raamo comeciillano áfemo omoi járitáifireiri. Mei jíáfodo bíniemo ite ráfuiáimo izire comeci uitáñeno omoi iri. ³ Mei Cristo tíillaruiimo afémie diga jae tíidinona jáidiomoi. Jae omoi jai-iai fiéni finóacagafue titaca izói afe omoi fáicanocaiga. Iemo ja birui Crísto-mo dájena omoi jaináinamona omoi

uáfueña cáatagano; íemo jíái Juzíñamui dínomo rairuícaomoi, mei Cristo daje izói Juzíñamuimo dájena jaináideza. ⁴Dama Cristo cai uáfueña cáatagano. Iemo afémie cíocaille llezica, afémie diga cíocaitiomoi. Afe llezica afémiemo ite jamánomo ebírede ñúefuiai mona ómoíena máínoítiomoi.

Cai jaii illafue méiduanu cómfuedo jáiredicai

⁵ Ie jira nau bie éniemo omoi jainaina jira, ómoimo diga fieni óiacanafuii ite. Aféfuiai titalle izói mai omoi fáicanocairi. Naga áinidimie ringo diga jaca íñeno o iri. Iemo jíái, áiredimie ie áíñedingo diga jaca íñeno o iri. Iemo daje izói jíáie cómemo íaifuiaido comécíñeno omoi iri, íemo jíái omoi abámona comuide jiruífueña omoi finóñeno iri. Daje izói omoi comeci fieni óiacanafueña jeire oñeno omoi iri. Iemo nane jíáie cómemo úradoíñeno omoi iri, mei úradoíñeredimie diga raa óiacanamona jánaraimo caimátaidimie izóideza; Juzíñamui ífuii baímo jamai bínie raana izíruíteza. ⁶ Ie jira nana bífuiaimona íemo cacáñedinona Juzíñamui iere duere finófirede. ⁷ Iemo jaii Crístomo omoi íñoñena llezica, nana bie izóidífuii finófirediomoi. ⁸ Mei íadi ja birui nana bie fáicanocairi: Jáimamo icíñeno omoi iri, íemo rírede uallai bumó lloñeno omoi iri. Daje izói jíáie fienidífuii finóñeno omoi iri. Iemo jíáima jánana úríñeno omoi iri. Daje izói jíáima zanóllena fienide uállaido íaire úríñeno omoi iri. ⁹ Conímamo táinona lloñeno omoi iri, mei omoi jaii fieni illafue jae méidogaza. Daje izói nano omoi finófirega jae fáicanocaigaza. ¹⁰ Iemo ja birui comue íniroi jita izói ñue illáfueña ja méidotiomoi. Iemo afe comue illafue comútatimie Juzíñamui. Ie jira ie illa izói afémie caina cómuena

finótacana uite. Iemona afémiena ñue ícoímo ónoíticai. ¹¹ Afe jira afe cómomaci judío ímiena ie íllana náfuenidiaíoi. Iemo jíái judíoñedimiena ie íllana daje izói náfuenidiaíoi. Iemo jíái afémaci bacano quetácamienna ie íllana náfuenidiaíoi; daje izói quetañegamienna náfuenidiaíoi. Afe izói afémaci onínemaci íllana, íemo jíái onóñedino íllana, íemo jíái izire ocuífregano íllana, íemo jíái ócuífinigano íllana náfuenidiaíoi. Mei jíáfodo afémacimo Cristo iere jamánomo ráifinamona dama afémiemo náfuefirediaíoi. Mei Cristo naga íemo ínotinomo ífiredeza.

¹² Iemona bífueño cácarei: Juzíñamui ómoína izíruíte. Izíruillano afémie ómoína nizede ie íaifuenide comínina omoi íllena. Mei ie jira bie ñúefuiai izói omoi ífireiri: Jáimacimo dúecaífireiri. Jeruíñeno canóñeredimiena omoi iri. Comécina mánaidimiena omoi iri, cáimafuiaido úrífireiri, járidoñeno omoi iri. ¹³ Conímamo jaca járidoñeno fíaicana omoi canori. Daa come jíáimamo icíriadi afémiemo ñúefuedo omoi jicari, áfedo icírafue záillena. Omoi íaífue ícoinia Cristo oni féitaja izói, afe izói jíáimie omo fieni finóadi afe ícoinia oni o féitafireiri. ¹⁴ Nana bífuiai emódomo iere omoi izíruífireiri. Mei afe izíruíllafue cómena dájena jaináitateza, jíáimaci diga. Afe daí jíáimacina cai izíruíllamona, nana afe ñúefuiai jáicina caina finótate. ¹⁵ Iemona Cristo comútaga caimare uái illafue omoi ífoci úrillana ífoíteza. Mei dáamaci izói íemo cai jaináinamona afe bie izói cai íllena Juzíñamui caina uáídoteza. Afe llezica jaca Juzíñamuina “Figora” omoi daífireiri.

¹⁶ Mai mei nana omoi comécido Cristo daínauai jeire órediomoíza. Afe mei aféuiai ñue omoi onónamona conímama omoi llófuerei. Iemo daje llezica áfedo conímama ñue onóicana comécina omoi

náiretari. Iemo jiái Juzíñamui ióbitalliruai omoi rófireiri, jiáie íena caimátailiruai diga. Daií ruano omoi comécido Juzíñamuina “Figora” omoi daiífireiri. ¹⁷Mei jii, nana omoi jetáacaga raa, íemo jiái ómoimo ocuica caimánidifue diga, naa omoi daiíllifuiari cai Ocuíraima Jesús mámecido omoi finófireiri. Afe llezica Moo Juzíñamuina afémiedo “Figora” omoi daiífireiri.

Crístomo ínotinomo dúide comini diga finófirega uai

¹⁸Daje izói bie jiái lloífufemo omoi cácarei. Íniredingotiai, mai omoi inítiai anamo ñue ífireiri, mei Crístomo ínotinguaina omoi illa jira, afefue ínoredeza. ¹⁹Daje izói inítiai omoi áitaiña ñue izírui; afénguaina íéniruiño omoi iri. ²⁰Uruiai, omoi móotaiña nágaufemo omoi cacáreiri, mei afe daií omoi íllamona cai Ocuíraima ióbide. ²¹Móotiai, omoi úruiaña ícidoño omoi iri, afémaci jacnáillamona minícana finónide daií íaioi íneilla. ²²Ocuífiregano, bíniemo ite omoi ocuídina nágaufuimo ñue omoi cacáreiri. Daa afémaci ñue ómoimo comécilla afémaci ía eroina llezica ñue cacáreño, mei íadi jiái daje izói afémaci éroiña llezica ñuera comécido omoi cacáreiri, mei Juzíñamuina ñúfuedo jacruítaiza. ²³Daje izói nana omoi finóacaiga raa, ñúfuedo finori. Comini dibéneo izói táijño, Juzíñamuimo o táijña izói omoi finori. ²⁴Mei ja onódiomoiza, Juzíñamui ómoimo lloga omoi jirídolle zíñona illifue afémie ómoimo fécaiteza. Mei uáfueza Cristo ocuícamacina maméidiomoiza. Afémie omoi ua Ocuíraima. ²⁵Mei íadi fieni finódimie afe íbana íe fieni íñua dieze duere finóbite. Mei Juzíñamui jaca dáamie oni énenorie maméñede. Nana daje dieze jaícina duere ínoite.

4 Ocuíraíni, omoi anamo ite ocuífireganomo ñue jaícina omoi eroiri. Afémaci jitaica raamo uibóicana omoi ocuífireiri. Mei monamo omoi Ocuíraima íena onórediomoiza.

²Mai fáicaiño Juzíñamuimo omoi úrífereiri. Jaca afémiemo cáoina izói úriri. Afe llezica “Figora” Juzíñamuina omoi daiífireiri. ³Daje izói cáena Juzíñamuimo omoi jicáfireiri, cai Ocuíraima uailai ñue cai llócailla. Juzíñamui bie izói caina itátallena omoi jicari. Daje izói nauí comini figo ónoñega Cristo dibéneo uai, uáfuri cue llófuellena omoi jicari, mei daií llófuerecúeza. Nauí afefue cue llua jira ja birui llavébidicue. ⁴Mai omoi Juzíñamuimo jicari, bie ñúefue cuemo dúina izói, onóreocana jino cue llóllena.

⁵Crístomo ínoñedino cígimo jaca ñue onódimie izói omoi ífireiri. Nágarui Cristo illafue afémacimo raire omoi ácatafireiri. ⁶Nágarui cámafuiado úriredio. Daje izói jaca ñue oíacanado o úriri, illa dígamie uai ñue o óllena.

Íraicaiño uáidufue

⁷Cai izíruiiga ama Tíquico, cuemo birui itifue ómoimo llujíte. Afémie fáicanocaiño íere cue canófredimie. Daje izói afémie cai Ocuíraima cue diga ocuífiregamiena ite. ⁸Íe jira afémiena ómoimo óreiticue, birui cai illafue ómoina onótallena; íemo jiái omoi comece náiretallena. ⁹Afe llezica jiáimie Onésimo mámeciredimie Tíquico diga jáite. Afémie cai izíruiiga ama, íemo jiái íere ínofiregamie. Afémie ómoimaci íe. Afe íaillinoi nana benomo ífiredifuiari ómoimo llóitaiillinoi.

¹⁰Iemo cue llavébilla llezica cue nabai Aristarco, uailai ómoimo orede. Daje izói Bernabé enaize Marcos uailai ómoimo orede. Marcos dibéneo jiáie llufuíai ja onódiomoiza. Afémie omoi

méiñuiaiadi, caimare fena omoi uáidori. ¹¹Iemo jiái Jesús ómoína uáidote. Afémie jiái Jústona mámeciredimie. Juziñamui illaima illano díbenedo cue táijina llezica, daa afe bimaci judíuaimona Crístomo ínotino cue canódino. Afémaci iere daa cue ióbitadino. ¹²Iemo jiái Epafras uaillai ómoimo orede. Afémie ómoimaci ie. Daje izói Cristo ocufiregamie. Afémie ómoiena jaca izire Juziñamuimo jicáfiredede, fáicanocaiñeno Juziñamuimo omoi ínollena. Daje izói Juziñamui díbenedo ñue omoi móonaillena íemo jiái nana Juziñamui comeci jítaina izói jaícina ñue omoi finóllena, afémie Juziñamuimo jicáfiredede. ¹³Afémie iere ómoimo comeciillana uaina nabáifiredicue. Daje izói afémie jiái Laodicea jofue comínimo iere comeciifiredede, naa Hierápolis

jofue comíniri. ¹⁴Iemo jiái izíruiga manóriraima Lucas uai orede, daje izói Demas.

¹⁵Iemo jiái Laodicea jófuego ite ámatiai uáidori. Daje izói Ninfas daínámie omoi uáidori, naa ie jofomo gairífirede ínotino diga. ¹⁶Bie rabe omoi nana facádua mei, Laodicea Juziñamuimo gairíracomo facádollena omoi oreri. Daje izói Laodicéamo cue oreca rabe omoi diné dúciadi, nana omoi facádori. ¹⁷Jiái Arquípomo lloiri: “Mai cacai, Juziñamui omo jónega ie táijina mai ñue jaícina o fuitari,” daiíri.

¹⁸Cue Páblodicue. Afena uafue daiíllena, bie uáidua uai dama cue ónoido ómoimo cueticue. Onóitiomoiza, cue mei llavébidicueza; ie jira Juziñamuimo cue díbenedo úriri. Juziñamui ñue ómoido eróiteza. Mai daiítadeza. Jae ñie.

NANOIDE SAN PABLO TESALONICA IMÁCIMO ORÉCABE

Primera Carta del Apóstol San Pablo a los Tesalonicenses

Tesalónicamo ite ñnotimacimo Pablo ie nabáñiairi rabe cuetíaioi

1 Cue Páblodicue. Bie rabe Tesalónica jófuemo ite Juzíñamuimo gairide ámatiaimo cueticue. Benó cue diga ite cue nabai íaillinoi Silvano Timoteo diga dáabemo cai uai cueticue. Moo Juzíñamuimo dájena jaináidiomoi. Daje izói cai Ocuíraima Jesucristomo dájena jaináidiomoi. Cai Moo Juzíñamui ézicigafuemo caimare omoi iri. Daje izói Juzíñamui fecaca comeci ñue uái illáfuemo omoi iri. Afe izói ie jító cai Ocuíraima Jesucristo comeci ñue uái illáfuemo omoi iri.

Tesalónica imaci íaioi Jesumo ñnuafue ñue jino ácatatiaioi

²Nana ómoiri Juzíñamuina “Figora” daiífiredicai. Daje llezica Juzíñamuimo cai úrillamo nana ómoina uibíoidicai. ³Cai Moo Juzíñamui uíécomo ómoina uibíoidicai, jamánomo ñnuafuedo omoi táijina jira. Afe llezica aillo izíruilla-fuedo comínina canócana táijifrediomoi. Ie emódomo cai Ocuíraimamo omoi úñnuafue jaca fáicanocañediomoi. ⁴Cai ámatiai, Juzíñamui ómoina izíruite. Afe Juzíñamui nizécamacidiomoiza onódicai. ⁵Meita naui jíllonafue ómoimo cai lluaíbillaruido aféfuena fia daina uáillaido lloñédicai, mei íadi Ñuera Joreño rínodo lloticai. Daje izói afefue uáfuena ñue cue onóigamona áfena uai jizíñeno jino ómoimo lloticai. Omoi cígido cai ñue illáfuena, áfedo omoi comeci ñueillenona onóidiomoi.

⁶Omoimo cai jino cíotaga illafue izói ja dani ñue macádiomoi. Daje izói cai Ocuíraima Jesucristo maca izói macádiomoi. Afe llezica cai llogáuaina ñue jeire otíomoi. Ua Ñuera Joreño fecaca cáimafuedo afe uai jeire otíomoi, afefue ícoinia duere finócaomoi íadi. ⁷Iemona ñuera illafue jino cíotatinona íficaidiomoi. Ua nana Macedonia éniemo ite ñnotimacina, daje izói Acaya éniemo ite ñnotinona fidítatiomoi. ⁸Mei jira Ocuíraima Jesucristo llogáuai ómoimona nana Macedóniamo énie Acaya énie diga jica jalleide. Ie mei afe baimo Juzíñamuimo omoi ñnogafue jae náganiiamo jica jalleide. Ie jira jae cai jíáifodo daiíllifue íñede. ⁹Mei afeno imaci omoi ñue caina llíñnuafue llotíaioi. Ie emódomo jánaraimo omoi ñnuafue fáicanocaillano caade Juzíñamuimo omoi ñnollena llotíaioi. Afe ua caade Juzíñamuimo omoi como fueñe táijinafuedo úritiaioi. ¹⁰Ie baimo tñllanomona Juzíñamui cáataga Jitó, monámoma meine bíllena ie omoi úñnuafue llotíaioi. Afe meine abido cáataga Jesús, cai jíllotaraima; ua uire biite cai iere duere finóllifuemona, afémie caina jíllotaite.

Pablo Tesalónicamo táijinafue

2 Amatai, naui ómoido cue illafue fia táinomoi baiíñede, dani áfena ñue onódiomoiza. ²Afe cue billa uícodo Filipos jofue comini caina baíñota duere caina finódiaioi. Mei íadi Juzíñamui cai cánuamona afe ñue jíllonafue uáfodo jacíruiñeno ómoimo jino lloticue, jíáimaci caina uáitaoidiaioi íadi. Afena onódiomoi. ³Cai comeci jífueinamona ómoimo cai llogáfuiái lloñédicai. Daje izói ñeni ómoina maméñedicai. Daje izói ómoina jífueacañedicai. ⁴Omoimo cai llogafue jíáifodo joide. Cai ígomiellena Juzíñamui facátagamacidicai. Nue jíllonafue uai

Juziñamui ómoimo caina llotátate. Mei jira daií ómoimo jino lloticaí. Comini baimo Juziñamuina ióbitadicaí, afémie cai comeceí ífuiái eroille jira. ⁵Ebírede uáillaído ómoína fia bífueñedicaí. Afena onódiomoiza. Iemo fia úcube cai óllena táinofuiaina lloñédicaí. Juziñamui bífuemo uai nabáiraimana afefue uáfuellena. ⁶Comínina ñúfuiaina caimo nitátañedicaí. Mei íadi omoi onódiomoiza; daje izói jiáimaci onode, cai Cristo orécamacidicaí. Afemona ocuilla ríino caimo ite, omoi cai ocuállena. Aféfuemo ómoína izire cacáreitaredicaí. Mei íadi afe izói ómoína ocuñedicaí. ⁷Jiáifodo ómoína icíñeno fíaicana omoi cígimo llófueticaí. Ua úrue ei úruiai comúitaja úiñua izói, ómoína dúecaillano izíruiticaí. ⁸Omoína jamánomo izíruiticaí. Iemona Juziñamui lloga ñúefue ómoimo llóllena ñue ja finóbidicaí. Afe baimo nana cai comeceí ífuiái ómoimo fecáacadicaí, ómoína iere cai izírullamona. ⁹Amatiai, nauí cai jitaica raa cai óllena izire cai táijina, uibídiomoi. Ua daií riire cai níciduana áfemo uibíoidiomoi. Mona naio diga táijifiredicaí ómoimona bu abina jafue fñoñeillena. Mei afe llezica Juziñamui lloga ñuera uai ómoimo jino lloticaí. Afe uaina jai finotimacidiomoi.

¹⁰Jaca omoi uíécomo íaifuenino macádicai. Daje izói buna jífueñeno macádicai. Nana omoi Juziñamui diga áfemo uai nabáifirediomoi. Daií buna caimo nífueña nitánidiaioi. ¹¹Mei illa dígamie omoi comécina náiretadicaí, onódiomoiza. Daje izói úrue moo ie úruemo dúecaillano fñraja izói ómoína fíradicaí. ¹²Juziñamui íeiena omoi maméinamona omoi jaícina nágarui ñue macállifue jítaírede. Afefue nauí ómoimo ocuídícue. Juziñamui ie náamataganona jírite ie illáimana illánomo omoi jáillena, afe

llezica Juziñamui ebírenafuena omoi onóillena.

¹³Bífuerei iere Juziñamuina “Figora” daiífiredicaí. Cáimona omoi cacana Juziñamui uai dibénedo, “Afe uai jiba come uai” daiíñediomoi. Mei íadi aféuai illa izói, dama Juziñamui nahí uai jeire otíomoi. Afe Juziñamui uai ja omoi finotino comécimo ñúfuiaina déioicaide. ¹⁴Amatiai, cácarei. Omoi comínimona duere omoi finóbiadi, jae judéamo ite Juziñamuimo gairídino izói íficaidiomoi. Afémaci Jesucristomo daje izói jaináidiaioi; mei íadi íaioi éniemo ite judíuaimona daje duere finóinafuemo duere zefuídiaioi omoi zefuilla izói. ¹⁵Afe judíuai duere finódino cai Ocuíraima Jesuna fatíaioi. Jaiái ninomo dani íaioi Juziñamui uai jino llóraini fatíaioi. Afe judíuai dáarie jófuemona caina jino jíúdiaioi. Afémaci Juziñamuina ióbitañediaioi. Daje izói nana comínina uáitaoidiaioi. ¹⁶Mei judíoñedinomo bifue cai llóiacaniadi caina rairuácadiaioi. Daje izói aféfuemona afe judíoñedino jíllollena, cai lloi dáii caina rairuácadiaioi. Afe ícoínia íaioi fíenidífuiai aillo offoicaide. Mei íadi birui ícoimo aféfuiai ícoínia Juziñamui íaioína jamánomo duere finode.

Pablo meine Tesalónica comini eróizaiacade

¹⁷Amatiai, ómoimona nano nié dino oni jáidicaí. Mei conímána cíóñedicaí íadi ómoimo comeceí facáoidicaí. Afe jira izire ómoína cíoizaibiacadicaí. ¹⁸Omoi illánomo cai jáillena mamériticaí. Cue dama diga ícaíño iere jáiacadícue. Mei íadi naga cai jáiacanaruillaído Taife llótaidogacai. ¹⁹Mei ie jira ¿Minica mei cai úiñoigafuena? ¿Minica cai ióbil-lafuena? ¿Minícamona cai caimátailla-fue comuide? ¿Minícamona cai comeceí zuitáinafue comuide? Mei cue llófuega

Juziñamui uaina ñue ñnotiomoiza. Ie jira cai Ocuíraima Jesucristo billíruimo dani omoi, daa bie cai comeci ióbil-lafuena. ²⁰Uáfueña, omoi cai comeci zuitáinafuena, cai cáimafue diga.

3 Mei jira afe baimo are cue úiñonidicue. Ie jira benó Aténasmo dama cue illífuena mamériticue. ²Afe llezica cai ama Timoteo ómoina eróizaitadicue. Afémie Juziñamui ñue táijitagamie. Afémie cai diga Jesucristo ñúefue jino llúamo táijide. Omoi ñnogafuemo ómoina ñue riire naire itátaite. ³Iemona ómoimona buna baie duere omoi finóinamona omoi ñnogafuena féitañede. Mei afe bie zúufuiaido duere cai finóbille jítáirede. Afena onódiomoiza. ⁴Afe emódomo nauí ómoiri cai illa llezica afe duere cai zefuillífué ómoimo lloticai. Afe daí ómoimo ja íficaide. Ja onódiomoiza. ⁵Ie jira áfena ja iere cue ocuñenamona, omoi ñnogafuedo mácajana jicánotadicue. Mei Taife ómoina fiénidífue mo baiñtate izóinamona cue comeci jacruioide. Daí cai táijina táinomo jifánofide izoide.

⁶Mei íadi ja birui Timoteo Tesalónica-mona meine dúcide. Afémie ñue omoi ñnuafue izíruillafue diga cai lluaíbite. Caina izíruillano caimo omoi uibóina-fue Timoteo lluaíbite. Ie mei ómoina cai cióacana izóí caina iere cióacadiomoi; daí Timoteo caimo lluaíbite. ⁷Iemona aillo duere cai finóinafue illa llezica omoi ñnogafuedo ñue jaícina omoi má-cajana fidídicue. Aferi cai comeci iere ñue fñazite. ⁸Cai Ocuíraimamo ja birui ñue jaináidiomoi. Afena cai onónamona caimo cómofuena comuide. ⁹Ua ómoiri iere ióbidicai. Juziñamui uiécomo caina iere ióbitadiomoi. Afe aillo cáimafueri Juziñamuina ibana “Iere figora” fáicanocaiñeno daíredicai. ¹⁰Mona naio diga conima uiécomo eróicana ómoimo cai úrillena Juziñamuimo izire jicádi-

cai. Afe llezica omoi ñnogafuemonai naí fiévide uai jaícina cai fuitállena Juziñamuimo jicádicai.

¹¹Omoi cai eróizaillena daa cai Moo Juziñamui naa cai Ocuíraima Jesucristo cai canóllena jítáidicai. ¹²Omoi ñnogafue oni móonaillena cai Ocuíraimamo jicádicue. Afe izóí conímana omoi izíruillena jicádicue; daje izóí naa jíaimacaiari. Omoina cai izíruilla izóí mai nana jíaimacina omoi izírui. ¹³Omoi comeci jaícina jóonellena jicádicue. Daje izóí cai Moo Juziñamui uiécomo omoi nífuenillena ñue finócafue jicádicue. Iemona cai Ocuíraima Jesús billíruimo méairuiñeitiomoi. Aféruimo nana íemo jaináidino afémie diga bené biite.

Juziñamui ióbitade illafue

4 Cue ámatiai, omoi cácarei. Birui cai Ocuíraima Jesús mámeçido izire ómoimo jicádicue. Daje izóí izire ómoina llétaiticue; nauí ómoimo cai lloga Juziñamui ióbillá illafue daí omoi iri. Aféfuena afe emódomo aillo omoi móonaitaocairi.

²Cai Ocuíraima Jesús ríifuedo ómoimo lloga llétafuena onódiomoi. ³Juziñamui dama ie nabaina finócamacina omoi jáillena afémie jítaide. Ie jira nana omoi jiruñeño iri. Dama nahí ai diga illa figona. ⁴Ua Juziñamui eróicana áireri. Afengo ua mei íena jámairuiñeno íena o izírui. ⁵Juziñamui onóñedino fia íaioi comeci fieni óiacanafuedo áirenaza, mei íadi afe izóí omoi iñeno iri. ⁶Daje izóí izire ómoina dáititue, o abi come ie áina jífueña bairóñeno o iri. Daje izóí o abi come ie inina jífueña meríñeno o iri. Afe bie izóí itínona cai Ocuíraima Jesús, afémacina iere duere fínoite, ómoimo cai llua izóí. ⁷Juziñamui íaifuenidínomo nágarui cai íllena caina ocuide. Afe daí ie nabaina finócamacina cai íllena ocuide. ⁸Ie jira

bie llogafue jámairuitimie jiba cómena jámairuiñedeza; mei íadi Juziñamuina jámairuite. Daje Juziñamui ie Ñuera Joreño caimo fecaca. Afe bie Ñuera Joreño Juziñamui íeiena caina ñue finode. (Afémie íena ñue finódogacai.)

⁹ Juziñamui ómoina llófuete conímana omoi izíruillena. Ie jira jíáie ámatiaina omoi izíruille cue llóllena jitáinide. ¹⁰ Mei jíi, afe daíí nana Macedonia éniemo ite ámatiaina ñue izíruitiomoi. Mei íadi omoi izíruillafue aillo móon-aiocaillena izire jicádícue. ¹¹ Caimare ñue illáfue mo mai riire omoi iri. Daje izói dani omoi nícdogafuiai izire omoi llínori. Naui omoi cai llua izói mai ñue izire omoi tájjiiri. ¹² Afemona onínemaci omoi uáillaimo ñue cacáritiaioi. Afe llezica omoi ñue tájjinamona minícana jítaiñeitiomoi.

Cai Ocuíraima billafue

¹³ Amatiai, tíidino íficaillafuena omoi onóñenana jítáñedicue. Aféfuena omoi fidíadi zúucañeitiomoi. Jíáie cáail- fuemo comécíñedino zuure jáitiaioi. ¹⁴ Afe Jesús tíillano meine abido cáana- fuemo cai ínua izói, afe daje izói Juziñamuimo ínotino tíidiaioi íadi, Je- sucristodo Juziñamui íaioi cáatallífuemo ínoticai.

¹⁵ Ie jira cai Ocuíraima cai llófueinafue ómoimo llóiticue. Afémie billíruimo cá- mona cáadímaci tíidímacimona uícofi- caiñeiticai. ¹⁶ Mei dama cai Ocuíraima riire ocuille uaido úricana monámona ana biite. Afe llezica Juziñamui abi imaci illaima uai cacacaite. Daje llez- ica Juziñamui ficírede vudugoi cá- cacacaite. Iemona Jesucristomo ínotino tíidímaci nano fueñe cáaitiaioi. ¹⁷ Afe mei aféruimo caade ínotino afe cáataga tíidino diga daane úillie cígimo itábi- caiticai. Ua dínomo nana dáanomó itábi- caiticai, cai Ocuíraima Jesucristo diga caifo táífomo cai cóizaillena. Afemona

cai Ocuíraima diga jaca ua ninomo zíñona íiticai. ¹⁸ Ie jira búuaido coní- mana caimare omoi fírari.

5 Mei íadi afe íirairuillaido cue ómoimo cuelle jitáinide. ² Afe afémie billíruina ñue onódiomoiza. Omoi due jiza úíñoillirui mo cai Ocuíraima dúciite onódiomoiza. Ua merízaibitímie naio billa izói biite. ³ “Comeci ñue uái illafue nana caimo ite. Cai jacíruillafue íñede,” comini daina llezica niné íaioi táinocailífué ónonino íaioimo raire zúite. Ua ringo úrue jocóacana llezica ero izírena izói, afe táinocailífué íaioimo zúite. Afemona jaca buna oni jíllonide.

⁴ Mei íadi, ámatiai, omoi cácarei. Jítífomo íñédiomoiza, cai Ocuíraima bíllemo jácicaiñeitiomoiza. Ua, meríri- raíma jacínaila izói jácicaiñeitiomoiza. ⁵ Mei nana omoi úzefomo jáináidínodio- moi. Daje izói monánemacidiomoi. Naio imáciñedicai; daje izói jíitífo imáciñedi- cai. ⁶ Ie jira jaca íninidímacidícai jíái- maci ínia izói. Afe jira cai abina ñue onó- nafuedo cáaoiredicai. ⁷ Ínídino jaca naio inídiaioi. Jífaííredino jaca naio jífaííre- diaioi. ⁸ Mei íadi monánemacina cai íl- lamona abina ñue cai onónafuedo cai íllana jítáirede. Jesumo cai ínuafuedo abina dani rífdoredicai. Daje izói jíái- mana cai izíruillafuedo abina dani rí- fdoredicai. Ua fuíríraima ie jogóbemo jítaca llojécodo ie abi ríduia izói, afe izói bífuiaido dani cai abina rífdoredicai. Afe jíáífue, cai jílloillemo cai úíñoína- fue ua ífomo jítaca ríduia llojeco izoide. Afedo fuíríraima ie ífona rífdote. ⁹ Mei cai duere finóbillena Juziñamui caina maméñede. Mei íadi cai Ocuíraima Je- sucristodo jíllonafuemo cai dúcinana Juziñamui caina mamede. ¹⁰ Jesucristo cairi tíide daane afémie diga cai íllena; ua daje izói cai caadi cai tíiadi, afémie diga iticai. ¹¹ Ie jira uáillaido conímana omoi náiretari. Afe izói mai dani omoi

comeci riíretari. Ja birui afe bifue omoi fñua izói, baimo omoi finóicairi.

Pablo ámatiai cáimafuedo lletade

¹² Amatai, omoi cígimo Juzíñamui uáillaído táijidino mai uaimo ñue omoi cacáreiri. Dai izire jicádícue. Mei afémaci cai Ocuíraima Jesucristo uai ómoína jeire otátatíai. Jesucristo mámecido ómoína lletádiaoi. ¹³ Iaiói caimo táijinamona, íaiói dáinana ñue cai cacárellena jitáirede. Daje izói íaióina cai izíruillena jitáirede. Conima comécina omoi jacíruiñeno iri.

¹⁴ Daje izói, ámatiai, ómoimo jíáie uai jóonenocaidícue: Afe uailai daií bie izói ite. Táijiacañedinomo íaiói táijilleza riire omoi lloíri. Comécina náinidinona mai omoi náiretari. Juzíñamui uai como jabo fñotinona mai omoi canori iere íaiói fñollena. Naga cómemo o comecei járidoñeno mai omoi úriri.

¹⁵ Dámie fiene omoi finóadi afe iba úamona abi omoi rairuiri. Mei abido dájeicana jíáfodo ñue omoi finori. Conímamo ñue omoi finori. Afe omoi finóllifue izire omoi jenori. Daje izói nana jíáimíaido ñue omoi finori.

¹⁶ Jaca caimare omoi iri. ¹⁷ Fáino-caiñeno Juzíñamuimo úriri. ¹⁸ Nágariuí ómoimo íficaide raana, mai Juzíñamuina “Figora” omoi daiíri. Mei Jesucrístomo fñotimacina cai íllamona, afe izói cai daiífirenana Juzíñamui óiacade.

¹⁹ Juzíñamui Ñuera Joreño cómemo úritallifueña rairuíñeno omoi iri. ²⁰ Juzíñamui úritagamiíai llogáfueña jámairuíñeno omoi iri. ²¹ Nana daináfuiái omoi facátari Juzíñamui llogafue ieniadi onóillena. Facátajamona ñuefueña jeire omoi óri. ²² Nana figóñedífuemona mai oni omoi iri.

²³ Ja birui Juzíñamuimo jicádícue. Juzíñamui cai comecei ñue uái illafue caimo fecáfiredede. Daje Juzíñamuimo, nana omoi ñue íeiena maméillena íemo jicádícue. Daje izói benómona cai Ocuíraima Jesucristo bíllemo, Juzíñamui omoi joreño, omoi comecei, omoi abi diga, nana jaca íaidoñeno ñue úiñollena jicádícue. ²⁴ Omoi Ocuíraima Jesús dáinana jaca oni jíáiuaimo úinide. Afémie nana bífuiaina dúcitaite.

Iiraicaiño uáiduano ézicite

²⁵ Amatai, mai Juzíñamuido caimo omoi jicáfíreiri.

²⁶ Ñue cáimaduano nana ámatiai omoi uáidori.

²⁷ Cai Ocuíraima ríífuedo ómoimo uai jóonenocaidícue bie cüegabe nana ámatiaimo jino omoi facádollena.

²⁸ Cai Ocuíraima Jesucristo ómoína ñue éziciiteza. Jae níie. Mai, daiítadeza.

MÉIFODO SAN PABLO

TESALONICA IMÁCIMO ORÉCABE

Segunda Carta del Apóstol San Pablo a los Tesalonicenses

Tesalónicamo ite Juzíñamuimo ñnotimacimo Pablo ie nabáñiairi rabe cuetíaioi

1 Cue Páblodicue. Bie rabe Tesalónica jófuemo ite Juzíñamuimo gairide ámatiaimo cueticue. Benó cue diga ite cue nabai íaillinoi Silvano Timoteo diga dáabemo cai uai cueticue. Cai Moo Juzíñamuimo jaináidiomoi. Daje izói cai Ocuíraima Jesucristomo jaináidiomoi. ²Ñue cai Moo Juzíñamui ézicigafuiaimo omoi iri. Daje izói Juzíñamui fecaca comeci ñue uái illáfuemo omoi iri. Cai Ocuíraima Jesucristo fecaca ézicigafuemo daje izói caimare omoi iri, ie comeci ñue uái illafue diga.

Jesucristo billa llezica, Juzíñamui éniemo ite fiénidinona duere fñoite

³Amatiai, ómoiri Juzíñamuina “fere figura” daiífiredicai. Daií ómoina cai daiíllifue ñue jaícina jóide, omoi ñnogafue oni aillo móonaiocaila jira. Dani conímaiaina jamánomo ñue izíruioicaidiomoi. Iemona áferi Juzíñamuina “Aillo figura” daiífiredicai. ⁴Ua omoi iere ñnogafue jiáie Juzíñamuimo gairídinomo aféfuerei ióbioicana úriticai. Jiáimaci, Jesumo ññoñedino, jacire omoi duere ñnóllena racádiaioi. Mei íadi afe duere omoi zéfuillafue cígiri, ñue comeci jaríreñenafue jino cótatiomoi naa ñue omoi ñnogafuiairi. ⁵Ja duere ñnotagamacidiomoi, mei íadi Juzíñamui ómoimo ñue comécide

ie illáimana illíruimo ñue ññfuenino omoi dúciillena. Bífuemona Juzíñamui jicánuafue ñue jaícina jóinana jino náiraimo cótate. Afe Juzíñamui illáimana illíruido duere ñnoçaomoi.

⁶Mei Juzíñamui ñue jaícina ñnódimie, omoi duere ñnóдино ibana duere íaioina ñnótallena. ⁷Ua cai izói duere ñnócamacidiomoi, mei íadi Juzíñamui cai izói ómoina caimare ocózinaitaite. Ua cai Ocuíraima Jesucristo bíniemo cfocailliriuimo, afémie caina caimare ocózinaitaite. Aféruimo afémie ie jamánomo riírede abi imácri monámona cíocaite; ua réiciai izoide cígido cíocaitaioi.

⁸Juzíñamuina onóacañedino Jesucristo íaioina duere ñnótaibite. Daje izói cai Ocuíraima Jesucristo ññefuena jeire óiacañedino duere ñnótaibite.

⁹Nana afe fiénidimacina jaca ninomo jilloñoeno duere íaioina ñnótaite. Ua cai Ocuíraima uíecomona jica ninomo dótaite. Afémie ebire illánomona jica ninomo íitiaioi. Ie rínona ónoñeitiaioi.

¹⁰Aféruido Jesucristomo jaináidino íena “fere fígomie” dáíitiaioi. Daje izói nana ie uaimo ñnotino íena caimare ióbitaite. Ja ómoimo cai llogáfueña ñue ñnotiomoiza.

¹¹Bifue jira ómoiri Juzíñamuimo comeci úrifiredicai. Omoi ññfuenino illafue Juzíñamuimo jicáfiredicai, Jesucristo jírígamacina omoi illa jira. Daje izói nana omoi comeci jitaina ñue illifue, ñue ícoimo Juzíñamui rínodo fuitállena jicádicai. Afe izói Juzíñamui uai omoi jeire úamona ñnócafuiái fuitállena Moo Juzíñamuimo jicádicai.

¹²Bífuemona cai Ocuíraima Jesucristo mámece omoi ñncidogafuedo ñue caimare úbicaitaite. Afe ibana cai Moo Juzíñamui cai Ocuíraima Jesucristo diga ómoina izíruillamona ññefuiaí ómoimo nítaite.

Iere fiénidifuiaina oruúdimie billifue

2¹⁻² Amatai, birui jae cai Ocuíraima Jesucristo billifuenta ómoína nauí cue fidítagafue emódomo uai nabáiacadicue. Afe izói afémiemo dáanomo cai gairíllifue emódomo ja ómoímo llóiacadicue. Dáarie taino llotino cai Ocuíraima billirui ja dúcidez daidíaiói. Afemona omói coméiinafuenta raire jiáifodo meídoñellena izire jicádicaí. Daje izói jiáie taino llogafue ite. Afe taino llotino dáíifrediaíoi:

—Cai llogafue Juzíñamui Joreñomona oga. Cristo ja bíteza, —daidíaiói; mei íadi aféfuéri jacínaiñeno omói iri. Afe izói omói cacana fia júfidogafuéri jacínaiñeno omói iri. Ie emódomo nie rabe omói llínoia cai úrilla izóidibe, aféberi jacínaiñeno omói iri. ³Niémona táinofuemo jífuefiñeno abí omói rairuiri. Ua Jesucristo billa uícodo, Juzíñamuina comíni uáitallifue uícómo cómuíte. Aféruillaido iere fiénidifuiaina oruúdimie cíocaíte. Afémie dama nine táinocaille. Daií Juzíñamui íena mamede. ⁴Bímie Juzíñamuina bacáuairedímie. Nana Juzíñamuido mameca ráaniaína bímie uáitano niné táinocaitaíbite; daje izói nana Juzíñamuímo caimátaidinona anáfenuaíbite naa jiáie caimátailla ráaniairi. Afémie Juzíñamuímo gairíracomo, afeco naama Juzíñamui izói, ráinazaíbite. Dámie “Cue bie Juzíñamuídícue” daíllie.

⁵¿Nauí omói diga cue illa llezica bifue ómoímo llotícue, íadi aféfuemo úibicaíñediomói? ⁶Afe fiénidifuiairedímie nai bíñeíllena jizilla raana onódiomói. Afémie billirui raire cíocaiñellena Ñuera Joreño nai rairuide. ⁷Afe jiáínomo lloñega fiení illa maméinafue bie éniemo ja comuíde. Aféfuena rairuúdimie cai cígímona oni ógana fiénidifuiái jamánomo

jebuíoicaíte. ⁸Aféfuena rairuúdimie oni ollíruímo afe jamánamo íaíbadímie cíocaíte. Iemo cai Ocuíraima Jesús ana billano, ie fuemo ite faidórafuedo afe íaíbadímiena títaíte. Ua ie billa meáirenado afémiena niné táinocaitaíte. ⁹Afe jamánomo fiénidímie Taife táíjinafuedo bite. Aillo íemo ite rño ácataíte. Afedo aillo cíórainina uaido finoca ráaniaído táinona jífueíte naa jiáie taino onótate ráaniaí diga. ¹⁰Iemona afe íaíba naga fiénidifuiáido niné táinocaitallimacina jífueíte. Jae niné táinocaitallimaci, Juzíñamui ua núefuena jeire óiacañedíno jaca jílloneítiaíoi. ¹¹Afe jira Juzíñamui íaíoi fiénidífue ínuamona íaíoina íaíbado jífuetáíte. Daje izói táinofuiaina íaíoina ínotáíte. ¹²Mei fiénidifuiái Juzíñamuina núefue baímo íaíoi gáínamona, Juzíñamui íaíoina duere finótaíte.

Jíllóíllena nizécano

¹³Mei cai benómona jaca ómoíri Juzíñamuina “Iere figora” daiíifredícaí. Jae cai Ocuíraima izírúiga daje ámatiaídicaí. Jaca jae nanómona Juzíñamui jíllóíllena nizécamacídiomói. Mei ua núefue omói jeire úamona Juzíñamui ómoína nizede. Daje izói caina núeítate Joreñodo Juzíñamui ómoína nizede. ¹⁴Afe jira cai ómoímo lloga ñuera jíllona uaido Juzíñamui ómoína jííríte, cai Ocuíraima Jesucristo illa ebíredífue díbenemo omói íllena.

¹⁵Amatai, mai bífuemo jaícina omói coméiiri. Omói cígiri dama cue llogáfuiaina, ie emódomo nana rabedo ómoímo cue cugáuaina féitañeno omói iri. ¹⁶⁻¹⁷Mai birui cai Ocuíraima Jesucristo cai Moo Juzíñamui diga omói comeci caímare náíretari. Mei jira cai Moo Juzíñamui ie comeci cáímafuedo caina izírúíte. Afe llezica afémie cai comeci zúurenafue cáímafuenta

méidofirede jaca ninomo caimare cai illena. Daje izói Juzíñamuido ñue cai illifue cai úiñoillena afémie caimo jino llote. Afe izói omoi comecei jaícina Juzíñamuimo jóillena jicádicue. Afemona bie nana ñúefuiai daiírediomi. Daje llezica afe ñúefuiai jino comínimo ácatarediomi.

“Cairi Juzíñamuimo omoi jicari”

3 Amatiai, íraifue ómoimo llotícueza. Cairi Juzíñamuimo omoi jicari, cai Ocuíraima llogáuai nágagobiaido raire dúciiteza. Afe emodo aféuai omoi jeire ua izói, afémaci jeire ólleza. ²Juzíñamuimo mai jiáifodo omoi jicari. Bie íairede fiénidino cígimona cai zúitailleza, mai Juzíñamuimo omoi jicari. Mei nana comínimona nai nana íñoñediaioiza. ³Mei íadi cai Ocuíraima jaícina uafue llotímie. Afémie jiáino fiénidifue omoi báiiñeillena ómoina riire jaícina mozíoide. Daje izói íaifuiamona ómoina rairuíoide. ⁴Cai Ocuíraima ñue ínogamie ícoina, naui ómoimo cai ocuífaijai jeire omoi úana ñue onódicai. Iemona daje izói aféfuaiaina uire nágaruillaído jeire omoi óllena ñue onódicai. ⁵Mai cai Ocuíraima ómoina cánoiteza, Juzíñamui ómoina izíruilla-fuena omoi onóillena. Daje izói Cristo comecei járidoñenafue ómoimo illena jicádicue.

Naga come dani íaioi táijinamo táijirede

⁶Amatiai, birui cai Ocuíraima Jesucristo mámeçido ómoina ocuídicaí. Naga táijiacañede ámamona oni omoi iri, mei afémie ómoimo cai llogáfuijai afe dibéfuemo íacañedeza. ⁷Mei naui omoi cígiri ómoimo cai cítotaga táijina izói, afe izói omoi illena onódiomi. Cai omoi cígiri fia táijineno inédicaí.

⁸Daje izói omoi güillena ibáñeno fia güiñédicaí. Mei jiáifodo mona naio diga ocózinaiñeno táijifiredicaí, ómoimona daa cómena cai llégitañeillena. ⁹Ua afe omoi caina canolle daií cai jicalle ríino caimo ite, mei íadi táijifiredicaí ñue illáfueña ómoimo fidtallena, bie ómoimo cue cítotagafue izói omoi illena. ¹⁰Naui omoi cígiri cai illa llezica, bie lletara uai ómoimo lloticaí: Táijiacañedimie jaca güiñeiteza. ¹¹Mei jiáimaci caimo llotiaioi ómoimona dáarie táijinediaioi. Táijineno fia illa llezica jiáie comini illáfuiaimo afémaci gágutajifirediaioi. ¹²Afe daií ite comínina cai Ocuíraima Jesucristo ríinodo ocuídicaí. Afe llezica íaioina riire daidicaí: Mai ñifue lloñeno omoi táijiri dani omoi jitaica ráaniai omoi ólleza, daidicaí.

¹³Amatiai, omoi jetaca ñuera raana zefuíruineno omoi ñedóocairi. ¹⁴Ninó dámie bie rabedo cai daináuaina jeire onéniadi, bu mei afe uaina íñoñedimienaza mai mei omoi eróiri íena onóillena. Ie mei afe cómemona ifo oni omoi fánocairi, ie meáidailleza. ¹⁵Mei íadi afémiena uáioagai ímiena maméñeno omoi iri. Afémie ama izói ñue omoi llófueri.

Íraicaíño Pablo afémaci caimare uáidonocailafue

¹⁶Mai cai comecei ñue uái illafue llófirede Jesús, nágaruillaído, íemo náganuiaído afe comecei ñue uái illáfueña ómoimo llóiteza. Afe izói cai Ocuíraima ómoina nabáifireiteza.

¹⁷Mai, cue Páblodicue. Bie uáidua uai dama cue ónoido cueticue; bie cueticue cue mámeçi diga. Nana cue cuezábiamo daií jónefiredicue. Bie izói cuezafiredicue. ¹⁸Cai Ocuíraima Jesucristo ézicigafueño íitiomoiza. Jae ñie. Jae daiítadeza.

**NANOIDE SAN PABLO
TIMOTÉOMO ORÉCABE**

*Primera Carta del Apóstol
San Pablo a Timoteo*

Pablo Timotéomo cuete

1 Páblodicue. Jesucristo ocu-
camiedicue. Cai Jíllotaraima
Juzíñamui cai Ocuíraima Jesucristo
diga íaillinoi daina uaido orécacue.
Afe Jesucristodo cai ñue illifue abi
úñoticue. ² Juzíñamui uai coco
ñnogafuemo nahí cue jitó izóidío. Ie jira
bibe omo cueticue. Cai Moo Juzíñamui
íemo ñue cai Ocuíraima Jesucristo diga
o ézicillena iere jitáidicue. Daje izói
afe íaillinoi omo dúecaillena jitáidicue.
Iemona afe íaillinoi o comeci ñue uái
illena óiacadicue.

**Jíaimaci íaioi taino lluáfuiado o
jífueñellena abí o rairuiri**

³ Naui Macedóniamo cue jailla llez-
ica Efeso jófuemo o fiébillena izire
jicádicue. Aféruido afénomo o fiéno-
caidicue, afénomo itñuiaimona dáarie
taino llófuiana íaioina o rairuillena.
⁴ Daje llezica íaioi jaiái ninomo lloga rá-
fuiái naa jagai diga, áfena íaioina júfido-
tañeitioza. Iaiói jaiáigima lloga fuiñede
ráfuiái llúana ráruitioza. Nana bífuiái
taino lluáfuiaimo cai comécina uite.
Mei íadi nana bífuiái Juzíñamui caimo
jónega íemo cai ñnogafuena ñue í-
coimo fuitátañede.

⁵ Juzíñamui caimo jónega lluájilli-
fue bie izói joide: Illa dígamie coní-
mana ñue izíruiredicái. Afe bie izíruilla
íainide comécimona comuide. Daje izói
afe izíruilla comeci ñue úrillamona
comuide; bie izíruilla afe izói jíái-
mana jífueñede Juzíñamuimo ñnogafue-
mona comuide. ⁶ Bie ñue izíruillafue
díbenemona dáarie oni táifodo jáidíaiói.

Afe taino llua ínota oni jíáifodo féi-
raitíaiói. ⁷ Afémaci Juzíñamui lletara uai
llófuetinona jáiacadíaiói, mei íadi dani
íaiói daina uaina onóñediaíói. Iocire lló-
fuetíaiói íadi íaioi llócaiga uaina ñue
baitáñediaíói.

⁸ Juzíñamui lloga lletara uai ñúeraza
onódicái. Búaido Juzíñamui naga
come lletállena mamérite. Dámie
Juzíñamui mamérilla izói afe uaimo
comécíadi ñuera. ⁹ Afe lletara uai
ja ñúefuiái finófiredinomo llónega.
Afena ñue onódicái. Mei jíáifodo
fiénide comínimo mameca. Bie izoide
comínimo Juzíñamui lletara uai
dúide. Afe comini illaima lloga uaina
uáitafiredíaiói. Ocuícana náfueñediaíói.
Fiénidífuenta finófiredíaiói. Daje
izói fiéniruidinona itíaiói. Afe izói
Juzíñamuina jacíruíñediaíói. Daje
izói Juzíñamuimo ñnogafuemo
náfueñediaíói. Iemo Juzíñamui lletara
uai, moo ei diga fatínomo dúide. Daje
izói comínina titáfiredinomo dúide.
¹⁰ Afémaci naga ringomo fieni comeci
fácajano íaire finófiredíaiói, afémaci
áiredíaiói íadi. Daje izói jíáie ímana
íaire finódíaiói. Juzíñamui lletara
uai nana bie izoide comínimo dúide.
Daje izói cómena llaitádinomo dúide.
Táinona úrifiredinomo dúide. Daje izói
uafue daiillena táinomo Juzíñamui
mámeci llínotinomo dúide. Iemo
Juzíñamui lletara uai nana jíáifodo
jífueñede llófuiafuenta uáitafiredinomo
dúide. ¹¹ Afe bie jíáimacina jífueñede
llófueinafue Juzíñamui cuemo llogafue
daje izói jóoide. Juzíñamui cuemo lloga
uai nana comini ñue jíllona uai. Afe uai
oni comínimo cue lluájillena, iere ñuera
Juzíñamui jónegacue.

**Juzíñamui cuena dúecaillari
iere figura daidicue**

¹² Cai Ocuíraima Jesucristona
“Figora” daidicue, mei afémie ie

uai jino cue llujille rínona cuemo ígaza. Juzíñamui cuemo comécido facade: O tájina fáicanocaiñeno ñue fuitáfiredio, daide. Jira bie uai llujille tájillena Juzíñamui cuemo jóonete. ¹³Jaiai uieécodo Juzíñamuina íaire daiífiredicue. Daje izói femo ínotinona duere finóllena racáfiredicue. Afe llezica cue uaido Juzíñamuina icídícue. Bífuiaido Juzíñamuina duere finódicue íadí, ja birui afe Juzíñamui nana bie ñúefuiai cuemo jóonete. Jaiai aféruillaido ie uaimo cue ínoñena jira Juzíñamui iere cuemo dúecaide. Daje izói cue fínuafue cue onóñena jira cuemo dúecaide. ¹⁴Iemona cai Ocuíraima iere ñue cuena ézícite. Daje llezica Cristo Jesumo dájena cai jaináinado aillo femo ínogafue naa ie izíruillafue diga caimo comuide.

¹⁵Bie izóidífue iere uafue. Nana áfemo ínoredicai. Bífue bie izói daide: Cristo Jesús fiénidino jíllotallena ana bíniemo bite. Afe fiénidinomona cue iere jamánomoina. ¹⁶Mei dai íticue íadí Juzíñamui iere cuemo dúecaide. Are íllamona Juzíñamui cuemo dúecaillado náiraímo Jesucristo ie ñue comeci mánainafue cuedo jino íaioímo cíotate. Iemona comínimo ñúefuiai ja cíotatimiena jáidícue, mei fiénidífuiarede Páblodicuemo Juzíñamui iere dúecaideza. Jesumo cue ínuamona cue comeci ífuenta méidotícue. Afena onóíllamona nana zíñona illífue óiacadino, cue comeci ífue méidua izói, afe izói afémaci afémiemo ínota íaioi comeci ífue ñúefuena méidoitiaioi. ¹⁷Ie jira jaca tíñede buna cíóñena Juzíñamuina íóbitacadicai. Afémie daade Juzíñamui, daje izói nana ráfuiaina onódimie. Afe zíñona Jamánomoidillaimamo ñue ebírede uai jaca nágarui femo jóonetícaí. Daií jóoide.

¹⁸Cue jító Timoteo, bifue omo jóoneticue. Ríire fuirídímie izói o iri. Naui Juzíñamui mámevido odo úritino, ñue o illífue llotíaioi. Afémaci daína izói mai birui o ínori. O comeci úrillafue ñue o jóoneri. ¹⁹Dámierie íaioi comeci úrillafuena náfueñenamona nocáe buíllamona táinocailla izói, íaioi íinogafuemoni oni táinocaidiaioi. ²⁰Himenéomo Alejandro diga afe izói comuide. Ie jira afe íaillinoi Taífemo izájidícue, Taife anamo íaillinoi daií zefuíllena. Dinomo Juzíñamui jánana úríñeíllena ónoitiaillinoi.

Juzíñamuimo cai úrilla lluaíue

2 Fueñe ona dáíitícue: Mai nana comini íena Juzíñamuimo o jicáfíreiri. Afena Juzíñamuimo ínotinona o lloiri. Iemo jíái, izire comínimo ie dúecaílleza mai jicari. Daií nana comini íena Juzíñamuimo o úrifíreiri. Afe llezica nana comínido afémiena iere figora o daiífíreiri. Daií féitañeno nana comínido Juzíñamuimo ñue úrifíreiri. ²Gobierno oreca omoi úínotímie íena Juzíñamuimo jicáredío, naa jíáie jaboide illaini diga. Afémaci íena izire o jicari, áfedo nífuenino caimare cai íllena. Daje izói comeci ñue uái illáfueimo íredicai. Afe daií cai jícama nana cai illáfuenta Juzíñamuimo ñue mámeíticai. Daje izói conima diga comécina ñueíticai. ³Bífue iere ñuera, cai jíllotafírede Juzíñamuina ñue íóbitade. ⁴Mei afémie comeci jítaínafue nana comínina jíllóiri, daide. Daje izói afémacina ua ráfuenta onóiri, daide. ⁵Cai Juzíñamui jaca dáadeza. Daje izói Juzíñamui eróicana caina ñue finódimie caido úritímie daade. Afémie Jesucristo. Afémie íafuenidímie íadí, cai izóidímie. ⁶Juzíñamui mamécaruimo dúciamona Jesucristo ie abína éeruíñeno nana cai jíllóillino íbana izájiga. ⁷Iemona nana

judíoñedinomo afe Juzíñamuimo ñinolle ua ñúefue cue llófuiaillena orécacue. Daií jállona uai llujáñifredimiena jóonegacue. Crístomo cue ñinuamona táinofue lloñédicueza, uafue lloticue.

⁸ Ie jira nágagobiaido naga cómena: Juzíñamuimo omoi úrifireiri, daidicue. Ñue nífuenide comécido omoi jicari. Jiáimamo ríicañeno comécido Juzíñamuimo omoi úriri. Daje izói dani ómoimo júfidoñoeno comécido íemo omoi jicáfíreiri. ⁹ Daje izói ringóniai iniroi jítállifue llóiticue. Jabóidingo ringo jita izói, naga ringo jítaiteza. ñima jiruídollena jítaca abina cíoitate iníroina, jítáñeno iri. Daje izói comini cíodollena ifótirai jamánomo ebire ñinóñeno iri. Jabo ifo jua figona. Daje izói quenírede raana aillo jiróñeno iri, naa jamánomo ráífide iniroi diga. Jámaicuro jítáoiarena. ¹⁰ Mei jiáífodo comínimo dúecailla ñúefuiaido naga ringo ñinóbiri, naa jiáie caimare uáiduafuiai diga. Mei nana Juzíñamui íeiena ñue ñinódogango bie izói íteza. ¹¹ Ringóniai llófueinamo uai oñoeno cacáreitiaoiza. Comeci mánainafuedo afe uaina onóicaitiaoi. ¹² Nairai cígiri ringo llófuellena rairuídicue. Ringo íimana anáfenotañedicue. Mei jiáífodo, ringo ñima anamo úriñoeno uái iri, daidicue. ¹³ Mei Juzíñamui nano fueñe Adán ñinódeza, afe méifomo Eva ñinode. ¹⁴ Adán jífueñega, mei íadi ringo Taife jífuega. Iemo jífuefillamona afengo ñinídifuemo baíide. ¹⁵ Mei íadi naga ringo Juzíñamuimo ñinogafuemo jeire oíadi, íemo ei ocuífafuiai ñue ícoimo fuitáadi afengo jilloite. Afe llezica afengo naga cómena izíruirede. Iemo comece ñue ñinuafue dibénemo írede. Daje izói ñue jaícina macállifuemo írede.

Ocuídillainimo jítáirede ñue illafue Pablo lloite

3 Ja cue lloñifue iere ua rafue. Dámie izói táijiacanafue ñuera. ² Ie jira afe izoide ócuitillaima mamécamié jaícina ñue írede. Afémie nífuenino macárede. Afe daií afémie mácafue jiáimie lletánide. Afémie daango ótena figura. Ménango ónide. Afémie comínimo lloga uaido jífánodoinide. Daje izói ráfuenta ñue baitádimiena írede. Naga come afémiena caimare jacíruirede. Daje izói nana afémiemo mácaibitínona afémie jiáífodo comécíñoeno ñue caimare uáidorede. Iemo jiáimacina caimare llófuere. ³ Afémie jaca jífáinide. Daje izói afémie fuirínide. Come jífuiamona oga úcubena, afémie lláinonide. Mei jiáífodo jeruñeno raana fecáfírede. Iemo comece ñue uái illafue dibénemo írede. “Aillo úcubena cue olli” daiñide. ⁴ Dama ie jofo ero comini ñue ocuírede. Dama ie úrue ñue raire cacáfíreillena lletárede. Daje izói ie úrue jiáie eicomínina ñue jacíruitarede. ⁵ Dámie ie jofona ocuállana ónoñeniadi, ¿mei nie izói Juzíñamuimo gairíracona ócuíte? ¡Ocuínde! ⁶ Ie jira como fueñe Juzíñamuimo ñinotímie, Juzíñamui ico ocuídillaimana ínide. Como fueñe Juzíñamuimo jaináitagamié raire illáimana jóoniamona afémie iere abina ñinoite. Iemo fieni abi ñinuamona, Juzíñamui Taife ana duere ñinóllifuemo dótaja izói, afe izói bímie daií zéfuite. ⁷ Afe Juzíñamui ico ocuídillaima ñue jacíruigamiéna írede. Afémie daií íllamona, Crístomo nai ñinoñedino ñue íena úritiaioi; ie jánana fieni úrinidiaioi. Afémie afe izói írede, meáifue dibénemo ie íneillena; daje izói Taife uai íena jítáñeillena.

Jabóidillainimo jitáirede ñue illafue

⁸Daje izói comini dinena nana jabóidillaini ñue jacíruiganona írediaioi. Daje izói ie úrilla uai jiáifodo méidonide. Iemo afémie jifáinide. Daje izói come jifuiamona oga úcubena llínonide. ⁹Afe izói cai finollena jino lloga ua ráfuenta afémie fáicanocaiñeno jeire órede. Daje llezica afémie comeci úrilla uai nífuenino írede. ¹⁰Afémaci ñuera daiñllena facátagamacina írediaioi. Facata mei íaioi nífuenta jabóidillainina írediaioi. ¹¹Daje izói aféllaini finódogango ñue jacíruigangona írediaioi. Daje izói aféngotiai jiáimamo fiénidífuenta íaioimo llónidiaioi. Iemo lloga uaido jiáimamo jifánodoindiaioi. Aféngotiai nana ocuica raana fáicanocaiñeno fuitárediaioi. ¹²Afe jabóidillaini dáangona áiredena figura. Ménango ónide. Daje izói íaioi úruiaina ñue ocúrede, naa íaioi jofo ero comíniri. ¹³Naga jabóidillaima íaioi táijiana ñue fuitáidino ñúefuena otíaiioi. Comini iere ñúefue íaioimo jóneitiaioi. Daje llezica íaioi Cristo Jesumo ínogafuena jamánomo meáiruiñeno llórediaioi.

Cai ínoga jaii báinino llogafue ja jino uáfodo denode

¹⁴Raire o éroizaillena coméciidicue. Nai cue biñena llezica, bibe omo cueticue. ¹⁵Mei nai are cue biñéna llezica, Juzíñamuimo jaináidimie jitaiga ñue illífuenta o onóillena llóiticue. Afe Juzíñamuimo jaináidino caade Juzíñamuimo ínotino. Afémaci Juzíñamui ua ráfuenta ñue riire úínotiaioi. Jofo riire mozíoide jáillirai izóidiaioi. Ie jira afe rafue uaina oni caitánide. ¹⁶Jaii báinino lloga cai ínogafue iere jamánomo ebírede; nana comini ja uáfodo onoga. Be níuui:

Juzíñamui cai cígimo cómena jéiciaibite. Ñuera Joreño afémiedo úrite; daide: Bímie comécina jaícinaidimie, daide. Afémie Juzíñamui abi imácimo ácatagamie. Diga náraiaido ie illafue llócaide. Bínemo aillo comini íemo ínotiaioi. Afe mei afémie caifo monamo abido uiga.

Juzíñamuimo ínogafuena féitaitino ífue

4 Ñuera Joreño jino caimo uáfodo llote, írairuillaído dámierie íaioi ínogafuena féitaitiaioi. Féitajano cómena jífuate jóriai jitáinafuiai jeire óitiaioi. Daje izói Taifemo jainaide fiénide jóriaimona onóigafuemo ínoitiaioi. ²Afe izói, comeci ífuenta jiáifo jóidino llógana cacáreitiaioi, naa táinona úrillafuiai. Afe bie jífuefiredino ja íaioi ifoci úrillafuena ja niné féideza. Uzírede llojedamo uzide onoi cacáñena izói, bie comini itíaiioi. ³Bie Juzíñamuimo ínogafuena féitate comini jiáimaci árenana rairuítiaioi; daje izói ringona: “Ínireiri,” daiñnediaioi. Daje izói ñuera cai gülllemona dáarie: “Güiñeno,” daidíaioi. Mei íadi afe bie güille Juzíñamui comútaga, íemo ínotino ecállena, naa ñúefuena onóidinori. Afe güllleri íóbillano Juzíñamuina “Íere figura” íemo jaináidino daiñrediaioi. ⁴Mei nana Juzíñamui finoca güille ñúeraza, bacánide. Iemono afémie caimo fecaca raana oni fáinidicai. Mei jiáifodo Juzíñamuina “Íere figura” dainano, nana ñue llíñoredicai. ⁵Juzíñamui uai afe güillena ñue finode. Daje izói íena figura cai daiñfírena afe cai güillena ñue finode.

Jesucristo ñue ocuícamié bie izóí írede

⁶Bífuiái cai ámatiaimo o llófueia Jesucristo ñue Ocuícamiéna ítío. Afe bie llófueinafue jeire o oía bie ínofíregá uai dama ñue ona comécina náiretaite. O jeire oga uaido ñue riire ítío. ⁷Mei íadí bie fiénide énie ie ráfuiaina ná-fueñeno o iri, naa jíáie taino jagai izóidífuiári. Juzíñamui illa izóí o ía-canamo áfemo nágarui o comeci llíci-tairi. Afedo riire íitioza. ⁸Cai abi cai ríreta, daa bínie ífueмо caina canode. Mei jíáifodo Juzíñamui illa izóí illena cai nícidoia naga ñúefueмо caina canode. Daíí cai íllemona biruíllaído caina canode, íemo dajé izóí uire bíitífueмо jaca caina cánoite. ⁹Bífue iere nahí ua ráfueza, nana áfemo ínorediaioi nana cáioiri. ¹⁰Afe bifue jira iere comeci fácaíticai. Iemo áfemo zéfuidicai. Ua zegóruioicana ñéfídicai. Mei ñue cai íllena caade Juzíñamuimo ocuírídicaíza. Afe caade Juzíñamui nana comini jíllotaíbite. Iemo ínotino ja Jíllotatimie.

¹¹Bífuiáido nana comini o ocuífíreiri. Daje izóí aféfuiai o llófueiri. ¹²O fia jítócomena jira comini o llófuiáfue jíáimana jámairuitatañeno iri. Mei jíáifodo ñue Juzíñamui izóí illafue Juzíñamuimo ínotinomo jino cfoítaitimieña ítíoza. Ñue o úrillafuedo afémacina onótaitioza. Daje izóí comini eróicana ñue o mácafuedo íaioina onótaitioza. Iemo naga cómena ñue o izíruillado íaioina ñue cánoítioza. Cristo izóí o íllamona ñue íaioina llétaitioza. Daje izóí Juzíñamuimo izire o ínogafuedo llófueítioza, naa o comeci íáinidífuiári. ¹³Nai cue dúciñena llezica, Juzíñamui cuega uail-lai comínimo o facádoíreiri. Daje izóí cai ámatiaína o íociretari. Afémacimo ñue o llófueíreiri. ¹⁴Juzíñamui omo iga o fibíllafuiái fáicanocaiñeno o iri, mei nauí Juzíñamuimo gairííredino ocuídíl-

laini Ñuera Joreño daina izóí, íaioi onoi omo bitádiaioiza.

¹⁵Bífuiaina fáicanocaiñeno o finóíreiri, o jamánomo jíáino baímo íaioi onóilleza. ¹⁶O illafue ñue abí o rairuiri, naa jíáino o llófuiáfueiri. Fáicanocaiñeno riire abí o mameri. Ñue ímana o comuílleza. Bie cue daina izóí o íadí, o jíllóitio, naa o uaimo cacáreidinori.

Crístomo ínotino uíécomo ñue o illífue

5 Eicomemo lléjecañeno o iri. Mei jíáifodo o moomo o llófuiá izóí fíaicana o lloíri. Jíáie jítócominina nahí o ama izóí llófueiri. ²Ringóniaína jéengotiaína dama o ei izóí llófueiri. Daje izóí jítaíngotiaína nahí o miringo izóí o llófueiri. Iaioimo ñue comeci o facáfíreiri.

³Uáfueña raana jitaide fecíngotiaína ñue o canori. ⁴Mei íadí jíáie jítórede daje izóí enáizeñorede fecínguái ite. Afe úruiaí íaioi éítiaína uzúngotiaína fueñe ñue úiñorediaioi. Daje izóí nahí ie enáizeño dani íaioi uzúngona úicairediaioi, mei naga jíto enáizeño diga íaioi móotiaína izíruirediaioiza. Afe bie izóí illáfuemo Juzíñamui ñue íóbideza. ⁵Ie mei cómenide ua fecingo, dango Juzíñamuimo ñue ie finóllífue ocuíríde. Daje izóí Juzíñamuimo ie úrillafueña naio mona diga afengo fáicanocaiñede. ⁶Dango ie comeci gaina izóí fecingo ite. Caade íadí Juzíñamui díbenemo tíide izoide. ⁷Bífuiaina íaioi o ocuiri, lletánidíngotiaína íaioi ílleza. ⁸Dámie ie nahí come úicaíllana ráairuia ie ínogafue táinomo jífánofide. Dama nahí comínimo ite duéredinona úicaícañedimie, Juzíñamuimo ínoñedino fíénina baímo, afémie fiénide.

⁹Fecíngotiaí íena mámece illabe fínoítio. Bie izóí ñuera fecíngotiaí mámece afébemo cúerena. Sesenta fimona ite fecingo mámece cúerena.

Afe bie fecíngotiai, daje izói dámienna iníredíngona írediaioi. Afe izoidíngona mámecei cóerena. ¹⁰Iemo jíái ie illafue núeinamona jalléidíngona afengona mámecei cóerena. Iemo jíái úruiai ñue comúatíngona mámecei cóerena. Jicana jíáima ie jofomo dúcia caimare uáidofíredíngona mámecei cóerena. Iemo jíái Juzíñamuiño finotínomo rairuñeno comeci mánainado canófríredíngona mámecei afébemo jóonerena. Mei afengona naga jíáima cánuana idai jócuia izóidena caimare finófiredeza. Iemo jíái duere zefuide comini canófríredíngona mámecei cóerena. Daje izói nana jíáie núefuiai finóidíngona mámecei jóonerena. Bie izóidifuiái nana daje fecíngona finórede; íemona afengona mámecei cóerena.

¹¹Mei íadi sesenta fimona jofófénemo ite fecíngona mámecei jóoneñoeno iri. Mei aféngotiaimona dáarie dani íaioi comeci óiacanamona nibai Crístona zóofeitiaioiza. Zóofiano nane meine iníreiacadiaioiza. ¹²Daí íaioi illa dani íaioi íoinia daí ite. Mei fueñe íaioi Jesucristodo jáillena mamérrillafue ja fáicanocaidiaioiza. ¹³Afe baimo naga comini jofodo jáicaidiaioi. Jáicaillamona, “Fia táijíñeno daí cue illi,” daidiaioi. Afe llezica jíáimana úridoicana jáidiaioi. Iaióimo dúñede jíáimacimo itífuiamo gágutajifírediaioi. Comínimo ñue ínedifuedo úrioifírediaioi. ¹⁴Ie jira nai fecínaite jítáingona daidícue: Abido iníreiri. Iníreillano úruereiri. Daje izói jofona náangona ñue o iri, Taífemo jaináidíno ómoína úridoíñeilleza, daidícue. ¹⁵Mei fecíngotiaimona dáarie, Juzíñamuina féitano Taífedo jáidiaioiza.

¹⁶Crístomo finotínomona daa cómemo úcaille fecíngona íadi, afe fecíngona dama afémie úcairede. Afe fecíngona Juzíñamuiño gairífríredínona úcaitañoeno iri. Mei afe gairífríredíno ua cómenide fecíngotiaína úcairediaioiza.

¹⁷Jesúmo gairídíno ñue ocuide éicomini, ñue táijídiaioiza ménacaiño íbárediaioi. Daje izói ñue íaioi táijínamona mai caimare íaioína omoi jacíruiri. Iere comini ñue llófuetino, iere ñue lletáidíno diga jíáie come iba baimo íbárediaioi. ¹⁸Mei Juzíñamui Cuegáu daide: “Arroz izoide trigo, juráreo gájirillena záizia llezica, áfemona íaioi gülleza fue íbáñeno omoi iri.” Iemo jíáinomo jíáifodo daide: “Naga táijítagamie ie táijínado ñue íbárede.”

¹⁹Fia da come ocuide éicomemo fiénidifue jóoneiadi, áfena náfueñoeno o iri. Mei íadi mena nibai daámani uai nabáidímie afe izói afe cómemo llóíadi, áfemo cacáreiri. ²⁰Ocuide eicomínimona dáarie fiénidifue finóadi, nana comini eróicana afémiena o áadori, nana jíáie comini ñue abí jacínaíficaillena. ²¹Juzíñamui eróicana, daje izói caí Ocuíraima Jesucristo eróicana bifue omo jóonetícue. Daje izói Juzíñamui nízece ie abí imaci eróicana omo jóoneitícue. Nana bie omo cue lloga lletara uai ñue o náfuere. Nana comínimo dájerize jáicina o lloiri. Dámie oni eneno mámeñeítioza. ²²Dámie ie illafue nai figo onóñena llezica, ocuídillaimana ie o maméllena raire íemo o onoi bitáñoeno o iri. Bie izói o íllado jíáimamo ite fiénidifueña raire nábaizaíñeítio. Naga faífuiaimona oni o iri.

²³Mei o ero izírefíreia daa jainoi jiróñoeno o iri. Iemo due vínona o jirori.

²⁴Nai íaioimo riire jicánoñena llezica, comínimona dáarie íaioimo ite fiénidifuiái uáfori cóide. Iemo jíáimacimo ite fiénidifuiái íaioi duere finoille mámia méifomo onórede. ²⁵Daje izói jíáie cómemo ite núefuiai uáfodo cócaide. Iemo jíáimacimo ite núefuiai cóñoena íadi, dínó íaioi diga báinino íñeite.

6 Táijítafíregano íaioi ocuídímiaína ñue jacíruirediaioi, jíáie comini Juzíñamui mámeceido fiene úríñeillena.

Daje izói cai llófueinafueña fiñi íaioi daiñeilla. ²Afe izói Crístomo ñnote ocuífiredimíaina ñue jacíruediaioi. Juzíñamuimo ñnogafuemo daje ámana íaioi maméiadi, nai ocuídímie ocuícámie diga conímana caimare jacíruediaioi. Mei jíáifodo afe Juzíñamuimo ñnote ámamo, jíáimaci baimo, riire táijirediaioi. Afe riire táijina ñnotino, afe ocuídino izíruiga ámatiai. Afémaci dáamaci. Dájena Crístomo ñnotino. Bífue o llófueiri. Daje izói áfedo o lletámairi.

Juzíñamuimo cai ñnogana, “Figo baite” cai dáinana canode

³Afe bie cai Ocuíraima Jesucristo lloga jaícina jóide llófueinafueño comécíñedímie, oni jíáifodo táinofuiai llófuete. Daje izói cai ñnoga ñuera uaina afémie figo jeire oñede. ⁴Daiítade come nífuena onóñedeza, táinodo abi ñnote. Afémaci fia fiénide uáillaímo júfiduana iere gáidiaioi. Afe júfidogafuemono aillo úradoillafue comuide. Iemo dájena caimare inénafue comuide, íemo jíáimana éoinafue comuide, íemo jíáimana caimare uáidoñenafue comuide. ⁵Dáanomona féitañega fuirillafuiai, jíáifodo oni comécina jóidimacimo comuide. Bie comini ua ráfuena onóñediaioi. “Fia cai ñnogafuedo iere cai ráanailli,” táinona comécíndiaioi. Bie izoide comínimona oni o iri. ⁶Ua onóigaza, cai ñnogafue jamánomo ráifide. Juzíñamui caimo fecaca raana “Figo baite” daidímie, ie ñnogafue ñue ráifide. ⁷Mei jíi, biniemo fueñe cai jocoina llezica minícana atñedicaí. Afe izói uire cai tía minícana úiñeíticaí. ⁸Mei biruimo cai caana llezica caimo ite güílleri, daje izói caimo ite iníroiri “Figo baite” daiñedicaí.

⁹Mei jíáifodo aillo ráanaiacadino fiñi comeci fácafue dibénemo jáidiaioi. Afé-

maci aillo fiñi comeci óiacanafuíaímo raamo jíride izói itíaioi. Bie izoide fiñi óiacanafuiai cómena fiñi ñnote. Daje izói íaioi illafue niné táinocaitate; jofo zabilla méino izói niné táinocaitate. ¹⁰Mei jíi, úcubena izíruillafue nana fiénidífuiái comuíllano aféfuiai jillaci. Dáarie iere izire úcubena óiacanama, Juzíñamuimo íaioi ñnogafuemono oni nibéfodo jáidiaioi. Afémaci dani íaioi illáfueña táinona iere duere finódiaioi.

Juzíñamuimo cai ñnogana, fuirilla izói riire íredicaí

¹¹Mei íadi o Juzíñamui nizécamedioza, bie ailli cue lloga izóidífuiaimona oni o iri. Ñue comécina jaícina illáfueño o mamériri. Juzíñamui illa izói mai o iri. Afémiemo ñue o ñnofireiri. Jáie comínina ñue o izíruiri. Comeci járidoñeno o iri. Comécina mánaidímiena o iri. ¹²Mai Juzíñamuimo ñnogafuemo fuirilla izói nágaruillaído riire o iri. Juzíñamui omo iga ziiñona illafue ñue jeire o oíri, mei áfemo Juzíñamui uáidogamedioza. Afe Crístomo o ñnogafueña comini cóicana jino llotio. Afe bie o llúamo o uai nabáidinona aillo ite. ¹³Ja birui Juzíñamui eróicana ona ñue ócuiticue. Afe Juzíñamui nana biniemo itínuiaimo íaioi cáananona fecade. Daje izói Jesucristo eróicana ona daiíticue. Afémie daje izói ñúefue jino uáfodo llote. Poncio Pilato uícomo ie illáfueña jáanoñeno llote. Daií Moo Juzíñamui, Jesucristo diga íaillinoi uícomo ona ócuiticue. ¹⁴Omo cue ocuícana, jíáifodo méidoñeno, ñue jeire o oíri. Aféfuena ñue jeire o oíri, jíáima ona llétañeíteza. Bífuiái ua Jesucristo billíruimo jeire o ófireiri. ¹⁵Juzíñamui jaiai uícodo mamécaruimo dúcia, Jesucristo cócaizaibíteza. Afémie daade cai iere ñuera rínoñede Juzíñamui. Daje izói afémie nana illáicomini

ie Illáimaza. Daje izói afémie nana ocuífiredino Ocuídillaíma. ¹⁶Dama afémie jaca ziiñoza, tíñede. Afémie illano jamánomo meáire egáñnoteza, buna áinozinide. Afémiena jaca bu cióñede. Caade come jaca fena cióñide. ¡Jaca ninomo ñúefuiai afe Juzíñamuimo nitácaza! ¡Aillue ñuera ríno jaca ninomo afémiemo dúideza! Aquíe izói íteza.

¹⁷Bie éniemo aillo ráaredino abi íaiói ñinoñeilleza ñue o lloiri. Daje izói íaióimo ite raamo ócuiñeítiaíoiiza, mei afe ráaniai are íñeítiaíoiiza. Mei jíáífodo: Dama Juzíñamuimo omoi ocuíriri, o daíri. Mei afe Juzíñamui ua cáadímie. Afémie jeruíño nana cai jitailla raana cai cánuano caimo fecade. ¹⁸Afe ráanaitino ñue íaiói ílleza íaióimo ocuiri. “Omoi ñue íñoítifuiái ráanaitiomoiza,” íaióina o daíri.

“Omoimo ite ráaniaimona jeruíño jítáidinomo jíáífodo coméciiño fecari,” daí íaióina o daííreiri. ¹⁹Daí íaiói íllamona, ico cómuitifue nahí raana máíñoítiaíoi. Afe maiñóllena comécido ñue onódiaíoi. Afe dáaruido ziiñoza illífuena óítiaíoi.

Iiraicaiño Timotéomo jóonenocaigafue

²⁰Timoteo, nana bie omo cue lloga ñúefuiai ñue o rairuiri. Biniemo ite táinona úrioinafuiáimo cacáreiño o iri. Daje izói Juzíñamuina uáitafuemo cacáreiño o iri. Mei íaiói: “Íere baitádicue,” daina uai taino uaiza. ²¹Mei bie izóidífuiái ínote comini ja baie Juzíñamuimo ínogafuiáimona oni nibéfodo jáidiaíoiiza.

Mai, Juzíñamui ona ñue éziciíteza. Jae ñie. Mai daítadeza.

**MÉIFODO SAN PABLO
TIMOTÉOMO ORÉCABE**

*Segunda Carta del Apóstol
San Pablo a Timoteo*

Pablo Timotéomo cuete

1 Cue Páblodicue. Jesucristo ñúefue llujillena orécamiedicue. Juzíñamui comeci jítaina izói orécamiedicue. Daje izói úcodo lloga zíñona cai cáailifue llujitagacue. Cristo Jesumo dájena cai jainánamona afe cáailifueña óiticaí. ²Cue izíruiga jító Timotéomo bibe cuetíceua, ona Juzíñamui ñue éziciíteza, daiíacadicue. Daje izói: Juzíñamui omo dúcaíteza daidícue. Iemo: Cai Moo Juzíñamuimona oga comeci ñue uái illáfuemo íitioza, daidícue. Nana bie ñúefuiai cai Ocuíraíma Jesucristodo óredio.

Pablo Crístomo uai nabáiacade

³Juzíñamuimo nágarui comécido úrifiredicue. Mona naio diga Juzíñamuimo cue úrilla llezica omo comeci uibífredicue. Omo cue úbicaillano Juzíñamuina: íere figora, daidícue. Cue uzútiai Juzíñamui ióbitallena ie ocuífíregana ñue ínuua izói, afe izói íáinide comeci úrillafuedo ie ocuífíregana ñue ínofiredicue. ⁴O comeci zúucaifírenamo uibíoidicue; íemona ona íere jaca cóiacadicue, áfemona caimare cue íllena. ⁵Taino lloñeno ñue Juzíñamuimo o ínuafuemo uibíoidicue. Afe birui Juzíñamuimo o ínogafue nano fueñe o uzungo Loida ínoga. Daje izói o ei Eunice ínoga. Iemo bífuena o jaca ñue ínofíredioza, ñue onódicue.

⁶Ie jira bie izóidena o ócuiticue. Naui omo onoi cue bítajamona Juzíñamui omo lloga llófuella ríno féítañeno o iri.

Niné ona féiza afefue nágarui meine riire o uibíoicairi. Irai dúzaide meine boota izói o uibíoicairi. Afemona jamánomo o llófuelleza. ⁷Mei Juzíñamui comeci jacíruillafuena caimo fecáñede. Mei jíáfodo comeci meáiruñenafue Juzíñamui caimo fecade; íemo jíáimana cai izíruillafue, íemo abina ñue cai onónafue diga, caimo fecade.

⁸Ie jira cai Ocuíraíma, Crístomo uai nabáillana meáiruñeno o iri. Daje izói ie uai ícainia llavécacueza, cuena meáiruñeno o iri. Mei jíáfodo ñuera jíllona uai ícainia comuide duere zefuillafuena ruifíruñeno o iri. Omo cómuite duere zefuillafuena rairuñeno o llíinori. Mei Juzíñamuimo ite ríinodo cai comécina caimare fíraíteza. ⁹Juzíñamuimo cai jaináillena afémie ñue caina jíllotate, daje izói caina uáidote, ie íaifuenide comínina cai íllena. Dani ñue cai illáfuedo Juzíñamui íena ínidicaí. Mei jíáfodo dama Juzíñamui jaiái uí-codo mamérillado íeiena iticaí. Daje izói Jesucristomo cai jaináillado Juzíñamui caina izíruite. Daí caina ie izíruillado íeiena iticaí. Mei jaiái ninomo naí énie comuñena llezica, Juzíñamui caina izíruite. ¹⁰Mei bie caina ie izíruillafue, cai Jíllotaráima Jesucristo ana bíniemo bíllado, afefue caimo jino onótate. Afe Cristo cai tíllafuena ja jacínitate. Daje izói jíllona uai llúado, zíñona cai illafue jino uáfomo cótate. Ua, íemo ínotino zíñona itátallena afe Juzíñamui uáfodo caimo onótate. Afe bie zíñona cai illafue buna jaca niné táinocaitainide.

¹¹Bie ñuera uai llujillena Juzíñamui jóonegamiedicue. Judíoñedino llófuellena, Juzíñamui orécamiedicue. ¹²Iemo afe bíedo nana bífuiai duere zefuídícue. Mei íadi áfena meáiruñedicue. Cue ínoga Juzíñamui comeci ífuena ñue cue onónamona, jacíruñedicue. Mei afémie cuemo jóonenocaigafue jaca féíneíteza. Afe bífue Juzíñamui dama Cristo bil-

líruimo ñue úiñoite, mei afémie iere rí-noredeza. Afena onódicue.

¹³ Naui jaícina joide llófueinafue o cue llófuia izói, áfena o llófuefireiri. Juzíñamuimo cai ínogafuena jeire o oíri. Daje izói Jesucristomo dájena cai jaináinamona caina ie izíruillafuemo o iri. ¹⁴ Cai diga ite Ñuera Joreño canócaza Juzíñamui omo lloga ñuera rafue féitañeno o iri.

¹⁵ Ja onódioza: Nana Asia énie comini ja cuena zóofetiaioi. Afémacimona bie mena iima íaillinoi: Figelo, íemo Hermógenes. ¹⁶ Mei íadi bie afe jíámie Onesíforo dibénedo nana ie comini diga, mei cai Ocuíraima afémacimo caimare dúecaiteza. Mei afémie diga ícaño cue jitaica raana atífirede. Llavécacue íadi jaca meáruíñeno cuemo atífirede. Iemona Juzíñamui afémie comécina náicaitaiteza. ¹⁷ Uafue, Rómamo afémie illa llezica cuena are jénua ícoinia baite. ¹⁸ Cai Ocuíraima cai comeci ifue riire jicánollíruimo afe Onesíforomo dúecairi, Juzíñamuina daidicue. Ja ñue onódioza, Efésomo cai illa llezica, afe Onesíforo diga ícaño caina canode.

Jesucristo dibénemo itímie ñue fuirídímie izoide

2 Cue jitó Timoteo, Jesucristomo dájena cai jaináinamona Juzíñamuimo ite ñúefuiaimo iticai. Afedo ñue o náireiri. ² Cúemona o cacánafuemo cue uai nabáidinona aillo íteza. Iemona afe fue mai oni jíáie ñue ínofiredimíiaimo o jóoneri. Afémaci daje izói oni jíímacimo llófuiailleza.

³ Duere zefuillafue omo comuádi, Jesucristo dibénemo ñuera fuiríraima izói abí riire o mameri. ⁴ Naga jíáimiena anáfenocade fuiríraima fuiríllena maméroide. Iemona uícodo nana jetáacaigafue fáicanocaite; afémie jae náamatagaza. Fáicanocaillano daa ie ocuídillaíma anamo itábicaite, afe

ie jíritillaíma íóbitallena. ⁵ Daje izói naga jífánora raamo jífánotímie ñue jaícina jífánorede. Jífánua ocuide uai daina izói jífánorede. Afémie fieni jífánoia, minícana jíridoñeite. Táinomo jífánoteza. ⁶ Jacafai rillamo izire táijidímie afe ie riga llizilla jeia llezica, afe ritámie fueñe ótena figura. Dama íeiena fueñe jofo óite. ⁷ Omo cue llógamo ñue comeci o facari, íemona cai Ocuíraima ona nana ñue fibítaiteza.

⁸ Mai tíllanomona meine abido caade Jesucristomo o úbicairi. Daje izói afe Cristo cai jaii illaíma David úicoidigimamona comúdímie. Afémiemo ñue o comécíiri. Cue lloga ñue jíllona uai aci bie izói joide. ⁹ Bie ñúefue ícoinia duere zefuítacacue. Jíi, fienidífue finódino izói maíano duere finócacue. Mei íadi Juzíñamui lloga ñuera uai jaca buna llavénide. ¹⁰ Ie jira Juzíñamui nizécamací cue cánua ícoinia duere zefuídícue, mei íadi áferi zúucaíñeno jaca caimare iticue. Afémaci ñue jíllobicailena duere finócacue. Afe Jesucristomo dájena cai jaináinamona comuide jíllonafue iere ebírede. Iemo jaca zíñona fúíñeite.

¹¹ Bífue táinoñedeza, iere uafue:

Afe Cristo tílla izói cai tíadi, afémie meine abido cáadímiena jailla izói, afe izói dani cai meine cáaillano afémieoiri fíticai.

¹² Afémie ícoinia duere cai zefuádi ie illáimana illánomo jáinaíticai.

Afémiena cai jáanoíadi, afémie jíái caina jáanoite.

¹³ Afémiemo cai ínoñeniadi, afémie jaca ie daina izói nai finófirede;

Mei Juzíñamui dama ie abina jáanonideza.

Ñuera daiíllena facaca táijiraíma

¹⁴ Bífuaímo jíáimacina ñue o comécíitari. Daje izói bífuaí cai Ocuíraima eróicana íaíoimo jóoneri. Íaíoi rái-

fiñede júfidofirega uáillaimo mai afémacina júfidotañeno o iri. Afe bie izoide júfidofirenafue ráifiñedeza, buna canóñede. Afemo cacáreidinona jíáfodo oni comécina jóitate. Daje izói íaiói ñinoga ua uaina niné féitateza. ¹⁵ Juzíñamui uícómo figura daiñllena facaca táijiraima izói o iri. Iemo afe llezica jíáífodo lloñeno daje izói o illáfuaena ñue jaícina o jóonefireiri. Daiñ ñue facácamié ie meáicaillafue iñede. Daiñtade come Juzíñamui ua ráfuena jaícina comínimo llófuete. ¹⁶ Bíniamo ite táinona úrioinafuemonona oni o iri. Daiñ táinona úrifiredino jamánomo fiénidifuaiaimo baiídiaioiza. Anábaitagano izói ífcaidíaiói. ¹⁷ Fieni íaiói llófueina uai raire jica jalleide. Come abimo comuide fiénide ñozagi jarire oni móonaiocailla izói, bimaci llófuega uai oni jalléicaide. Afe bie izói ja Jimeneo Fileto diga, bimaci izói, fieni llófuetinona jáidiaillinoi. ¹⁸ Afe íaillinoi Juzíñamui ua uáimona oni nibéfodo jáidiaillinoi. Juzíñamui tíidino meine abido cáailifue dibénedo llotíaiillinoi: Ja záide, daidíaiillinoi. Daiñ jíáie comini Juzíñamuimo ñnogafuena uáitacana jáidiaillinoi. ¹⁹ Mei íadi cai ñinoga uai oni cáitañeillena, Juzíñamui áfemo jíáie rífrede uaina nabaide. Iemona féitañeno afe Juzíñamuimo ñinoicaidícai. Afemona cai bie riire mozíoiga jáillirai izóidícai. Juzíñamui nabaica uai Juzíñamui dama íeiena caina mameide. Afe uai bie izói jóoide: Cai Ocuíraima nana dama ie nahí comínina ñue onode. Iemo afe Juzíñamui nabaica uai jíáífodo bie izói daide: Nana “Cristomo jaináidícue,” daidino fiénidifuaena féitano, aféfuemonona ja oni írediaioi. (Bie ie nabaica uaido, Juzíñamuimo cai ñnogafuena afémie riire fiñode.)

²⁰ Aillue jofo eromo diga raa ite. Ráífide oro ie finoina raa ite. Daje izói ráífide plata ie finoina raa ite.

Iemo jiba ráifiñede amena finoina raa ite, naa nogóramona finoca raa diga. Dáarie bie ñuera rairuica jiróracuaido jicana bitínona jirótafiredícai. Jíáie figo jinoñede jiróracuaido jalleide illáimana ecáñedícai. ²¹ Afe izói naga jíáimaci canóñllena Juzíñamui nizécamié, jaca comécina íaifuenino írede. Afémie jaca íaifuemona oni írede. Iemona afe cómena Juzíñamui íeiena ñue finóbitade. Ebena ñuera táijinanomo Juzíñamui raire íena óreite. Mei afémie íáinide ráífide oro finoina jiróraco izóidímieza.

²² Jitócomena llezica comeci fieni óiacanafuaiaimona oni o iri. Mei jíáífodo come ñue jaícina illáfuedo o jairi. Daje izói Juzíñamuimo o ñnofireiri, íemo jíáimana o izíruiñfireiri, íemo comeci mánainafuedo naga cómena o uáidofireiri. Iemo, nana comeci íaifuenino Juzíñamuimo úrifiredino diga o nabáiriri. ²³ Daje izói táinomo comécilla uáillaina náfueñeno o iri. Mei ja onódioza, bie izoide úrillafuai fúirienailafue comúitate. ²⁴ Juzíñamui ocuífiregamie jaca jíáima diga icírínide, íemo jíái fuirínide. Mei jíáífodo afémie nana comini diga caimare írede. Daje izói jíáimacina caimare llófuere. Iemo afémie jíáimamo jarire úriñeno, ffaicana úrrede. ²⁵ Daje izói Juzíñamui ocuífiregamie naga ie llófueinana náfueacañedinona comeci manai finuano, íaioina lletárede. Afémie daiñ íaioina lletárede, íaiói comeci ifue Juzíñamui méidotalleza. Iemona daje izói ua ráfuena Juzíñamui íaioina onótaitenza. ²⁶ Bie izoide llógana jámairuitino Taiñe írebaimo jiilla izói itíaiói. Iemo afe Taiñe ie comeci óiacana izói afémacina ócuite. Mei íadi ua ráfuena íaiói onónamona jíllorediaioi. Afénomo jíizaidinona oni bairórede. Afémaci inídmie como cazilla izói, abina onótiaioi; íemona Taiñe anámoma jíllorediaioi.

Comini íirairuillaido illifue

3 Ja bífuiaina o onótaiticueza. Íirairuillaido jacírediruina caimo mónaite. ²Aféruimo comini dani íaioi abina fieni ízíruiítiaioi, íemo úcubena iere duéruítiaioi, íemo iere fieni abí ínoítiaioi. Daje izói “Jamánomoidimiedicue” dainano, cómena canóñede tánofuíaímo comécíítiaioi. Iemo Juzíñamuimo fieni úritiaioi, íemo íaioi móotiaíai ocuilla uaina náfueñeítiaioi. Iemo jíáimana “Iere figora” daíñeítiaioi. Daje izói Juzíñamuimo ínogafuena náfueñeítiaioi. ³Afémaci jíáimana ízíruiñeítiaioi, daje izói féítañeno íaioimo duere finódimiemo dúecaíñeítiaioi, íemo jíáimacimo fieni úritiaioi. Iemo íaioi comeci fieni óiacanafuena “Dama ite” dáííñeítiaioi. Iemo jíáima íaioi icíadi núefuedo ínóacañeítiaioi. Daje izói comínina iere izi cácataitiaioi. Nana núefuíaína bacáuai ífueña mámeítiaioi. ⁴Afémaci daní íaioi nahí comínina jíáie comínimo fállena fécajíñeítiaioi. Iemo “Dama cue íacana izói íredicue,” daííñeítiaioi; íemo tánomo comécíillano “Iere jamánomoidimiedicue,” dáíítiaioi. Daje izói Juzíñamui jenóñeno dani íaioi comeci gáinafuíaína jénoítiaioi. ⁵Diga jinófene íuaido “Cue bie ñuera Juzíñamui uaina ínotimiedicue,” dáíítiaioi. Mei íadi jofona íaioi comeci ráatailla mei, afe ínogafuemo ite méidolle ríinona jáanotiaioi.

Afe bie izoide comini diga nabáir-íñeno o iri. ⁶Mei bimácimona dáarie, jíáimaci jofomo jaillano comécina ríínide ringóniai jífueñeítiaioi. Afe ringóniai íénidífuíaína oruide. Afe ringóniai nana fieni óiacanafuíaína anáfenogaíai. ⁷Diga ráfuíai onóiacadaíai mei íadi Juzíñamui ua ráfuena baitánidiaioi. ⁸Jaii Moisés

illáruillaido mena aimá Janes, Jambres diga, Moisés daina uai uáitaitiaioi. Afe íaillínoí uáitaja izói, bie comini íirairuillaido ua uaina uáitaitiaioi. Íaioi ífoci úrillafue oni níbéfodo jóoide. Juzíñamuimo ínogafuena fáicanocadaíaoiza; áfemo índiaíai, tánofue ínotiaioi.

⁹Mei íadi bimaci are jíáimacina jí-fuecana úíñeítiaioi. Mei íanori íllamona nana comini íaioi jífueñeítiaioi. Jaii Moisés uáitáite íaillínoí tánona úrilla uaina comini fídía izói, nane afe izói bimaci tánona úrilla uaina nana comini fídíítiaioi.

Íraícaíño Pablo Timotéomo jóonenocagafue

¹⁰Mei íadi o cue llófuiana ñue jeire otio. Cue maca izói jaca ñue macáíio. Iemo cue mamérilla izói ñue maméríñeítiaioi. Iemo Juzíñamuimo cue ínuia izói, afe izói iere ínofíñeítiaioi. Cue comeci jarire úríñena izói, afe izói íñeítiaioi. Jíáimana cue duéruilla izói duéruítio. Diga juáredífuíai cuemo comuide, íadi fáicanocaiñeno Juzíñamui núefue llócadicue. Afe cue ocuilla izói ñue ocuíoíio. ¹¹Comini duere cue finóllena cuena racadaíai, mei íadi áferi jacínaiñeno caímare íticue. Nauí Antioquía jófueño duere cue zefuíllana onóíio; daje izói Íconio jofue, Lystra diga cuemo íaioi finócafueña onóíio. Nana racada duere cue íaioi ínuafuíaína onóíioza. Mei íadi caí Ocuíraíma nana aféfuíaímona ñue cuena jíllotata. ¹²Uafue onóígaza, nana Jesucrístomo jáináímona ñue jáícaína illáfuemo íacadino, nai íñoñeítiaioi duere zéfueítiaioi. ¹³Iemo afe llezica íénide jíáimana jífueñeítiaioi jamánomo íénidífuíaímo ana jáítiaioi. Jíáimacina íaioi jífuía llezica, dani jíáimaci íaioína jífueítiaioi.

¹⁴Mei jiáifodo omo llófuegafuiaimo riire o comécioicairi, mei aféfuiaimo iere ñue ñnotioza. Iemo afe bífuiaina o llófuetimiena onódio. ¹⁵Daje izói o dúemiediomona Juziñamui ñuera Cuegáuaina fueñe onóicaidio. Aféuaimona llófuegao, jíllonafue o mainóllena. Afe jíllonafue Cristo Jesumo o ñnuado o oga. ¹⁶Nana Juziñamui Cuegáuai, Juziñamui afe cueraini comécimo úrilla izói ñue jaícina cuega. Bie uai iere ráfide comini ifoci déllena. Aféuaido comini llófuerega; íemo afe bíuaido táinomona lloga uaina uáitarede; íemo áfedo jíámacina lletárede; daje izói aféuaido jaícina comini ñue illífuena íaioimo llórede. ¹⁷Afe daí Juziñamui Cuegáuaido Juziñamui ocuícami ñue baitádimiena írede. Iemona afémie ñue ñnóbide, nana ñúefuiai ie ñnóllena.

4 Juziñamui eróicana, cai Ocuíraima Jesucristo diga, Juziñamui uailai o llófireillena iere omo llonódacaidicue. Mei Jesucristo bíniemo illáimana bille llezica, afémie nana caade comínina, naa tíidino diga íaioimo itífuenta riire jicánoiteza. ²Afémie raire bíacana jira, riire ona dáiticue: Nágari Juziñamui uailai jino o llófireiri. Afemo riire o maméioiri. Comini aféfuena cacáacana llezica, daje izói aféfuena afémaci cacáacañena llezica, nana afémacina jaca daje izói Juziñamui uai riire o llófireiri. Ñue riire llófireiri Juziñamui nai ñnoñedino aféuaina íaioi jíeruillena. Daje izói afémaci illafue figóñedeza, bíuaido íaioina lletari. Iemo ñúeodo íaioi jállena, mai riire íaioimo lloiri. Nana bífuiaina, nana comeci járitañenafuedo ffacana o llófuefireiri. ³Afe daí llófuefireiri, mei diga irui íllamona, comini ua llófueinafuemo cácañeitiaioza. Mei jiáifodo dani íaioi ñieni gaina izói dani íaioi cacáacana izói, íaioi llófueitinona aillo jénoitiaioza. ⁴Juziña-

mui ua ráfuena fáicanocaillano, nana jagai izoide táinomona llogáfuaímo náfueitiaioi. ⁵Mei jiáifodo o iri. Cáadimie izói ñue abina o onoiri. Zúufue omo comuádi, áferi jacínaiñeno abi riire o mameri. Iemo jíllona uai o llóllema maméioiri. Juziñamui omo jónega táijina ñue ícoimo o fuitari.

⁶Ja íanori íllamona Juziñamui íóbitallena fatá fecaca rille izói, fécajigacue. Cue titáillirui ja ánozide. ⁷Ñuera fuiríraima izói, ñenidífue anáfenua izói táijinana jae riire ñue ícoimo fuitádicue. Iemo jífanotimacimona riire aizida goal orédimie izói, afe izói cue táijina fuillánomo dúcidicue. Iemo Juziñamuiimo cai íinogafuena fáicanocaiñeno, ja ñue ícoimo ínoticue. ⁸Iemona ja birui cai Ocuíraima cuemo fecalle fia jíridoga raa izóidífueimo ocuúridicue. Afe ie billíruimo, Juziñamui anamo ñue ññfuenidimacimo dúide zíñona illáfuenta afémie cuemo fécaite; mei afémie comínimo itífuenta ñue jaícina jicánoitimieza. Dama cuemo fécañeiteza, mei íadi daje izói nana ie billíruimo caimare ocuúridinomo jíridorede zíñona illáfuenta afémie fécaite.

Dama Páblomo dúidífuiai Timotéomo llote

⁹Timoteo, mai raire cue eróizaíbiri; riire áfemo o maméiri. ¹⁰Mei cue nabai Demas, bínie ráaniaina jamánomo gáinamona jae cuena zóofeteza. Zóofiana jae Tesalónica jófueimo jaide. Iemo jíáie cue nabai, Crescéntena mámeciredimie, jae Galacia éniemo jaide. Daje izói jíái Tito oni Dalmacia éniemo jae jaide. ¹¹Dama Lucas cue diga íiébilli. O billíruimo, mai Marcos jénuailano cue diné ómicoi biri, mei afémie benó cue táijina cuena iere cánoiteza. ¹²Cue nabai Tíquico, Efeso jófueimo jae cue

oreca. ¹³O billíruimo cue fieca emódomo jítáraroi o atíri. Naui Troas jófuego ite Carpona mámeciredímie jofomo cue fieca. Daje izói cue rabénicuai o atíri. Iemo jíáie cuega rábiai féitañoeno o atíri, mei afébiaina iere jítáidicueza.

¹⁴Nauí Alejandro aillo fiénidifuiyai cuemo nitade. (Afémie lloéfiai fñuamo táijifiredímie.) Nana fieni ie úrilafuiyai dieze cai Ocuíraima afémiemo iba óite. ¹⁵Afe Alejándromona abí o rairuíocairi, mei afémie cai lloga uaina iere uáitaacadeza.

¹⁶Nano fueñe cue abi ríidollifue, ríillaini uícomo cue llua llezica, bu cuena nabáñede. Nana cuena zóofetiaioi. Juzíñamui afefue iba íaioimo óñeillena afémiemo jicádicue. ¹⁷Mei íadi nauí abi cue ríiduaruimo cai Ocuíraima cuena canode. Afémie cuena ñue riire finode, jílona uai oni nana judíoñedinomo cue llujállena. Afémie afe llujállafue ñue ícoimo cuena fuitátate. Afe daíí cai Ocuíraima iere jacíredifuemona ñue cuena jílolate. ¹⁸Daje

izói nana jíáie fiénidifuiyai mona, afémie cuena jílolate, íemo dama íeiena cuena ráiruie, monamo ite ie illáimana illánomo cue dúciillena. Ñuera ebíredifue jaca ninomo íemo íteza. Daíítadeza.

**Iraicaiño uáiduafuiyai
naa ézicigafuiyai diga**

¹⁹Mai, Prisca, Aquila diga caimare uáidori, naa Onesíforo comini diga. ²⁰Erasto Corinto jófuego fiébide. Cue nabai Trófimo ie irárenamona, Mileto jófuego cue fieca. ²¹Mai raire rozírediruillai nai dúciñena llezica benó o biri. Benómona jíáimaci omo uai orédiaioi, be níimaci: Eubulo, íemo Pudente, íemo Lino, íemo Claudia. Daje izói nana Crístomo jainaide ámatiai o uáidotiaioi.

²²Cai Ocuíraima Jesucristo nágarui ómoimo nabáirifireillena Juzíñamuimo jicádicue. Daje izói Juzíñamui nana omoi ézicillena jicádicue. Mai daíítadeza; jae ñie.

SAN PABLO TÍTOMO ORÉCABE

La Carta del Apóstol San Pablo a Tito

Pablo Títomo cuete

1 Páblodicue. Juzíñamui táijitagamedicue. Jesucristo orécamedicue. Juzíñamui nizécanomo finotalle uai cue llujillena ie orécamedicue. Daje izói cai finoga ua uai, íaioi onóillena orécacue. ²Afe bie cai finoga ua uai, jaca ninomo ñue cai illínomo cai ocuínanomo móirede. Nai énie cómuiñenia uícodo, Juzíñamui afe zíñona cai cáaillinona llote. Juzíñamui jaca táinona llófinide. ³Ja birui ie llóiacaga uaina, ie mamécaruimo cuemo jónega llófuecaillado caina onótate. Uafue, cai Jíllotaraíma Juzíñamui afe daje uai cue llófuecaillena cue ocuide. ⁴Tito, daje izói Juzíñamuimo finoticoco, íemona nahí cue jitó izóidío. Jira bibe omo cueticue. Afe llezica, cai Moo Juzíñamui cai Ocuífiredre cai Jíllotaraíma Jesucristo diga o ñue ézicillena jitáidicue. Daje izói omo dúecaillena jitáidicue. Afe dáaruido caimare uái ñue o illena jicádicue.

Tito Crétamo llófuete

⁵Monáillai cigi idu Crétamo o cue fiénocallaruido, nai figo finóbiñede raa ñue daje dine jaícina o finózillena ona fiédicue. Aféruido naga diga jofue illánuiaimo ite Juzíñamuimo jainaide gairídnimo íaioi ócuitimiena o jóneri daidicue. Ñue ócuite eicomínina jenoda o jónetadícue. Afe izói nauti uícodo omo llonódacaidicue. ⁶Naga ñue ocuide éicome nífuenino írede. Daje izói afémie daa ringo otámie írena. Daje izói ie úruiai Juzíñamuimo ñue finorediaioi. Afe úruiai fiénidífuenta jóneñegazana írediaioi. Ocuilla uaina

náfueñedino izói inidiaioi. ⁷Iemo naga ócuitillaíma Juzíñamui dibénemo ocuicaiaioi. Ie jira afémie nífuenino jaícina ñue írede. Daje izói afémie “Cue bie iere ríimedicue” daíñide. Daje izói afémie comécina éocainide. Daje izói afémie jífaifinide. Daje izói afémie illáiredimiena índe. Daje izói afémie fia Juzíñamuimo táijnado úcube otímiena índe. ⁸Mei jíáfodo, afémie ie jofomo mácaibitínona jíáfodo coméñeno caimare llínofiredimiena írede. Afémie ñue caimare finófredimiena írena. Afe izói dama ie abina ñue ocuídímiena írena. Afe izói afémie comécina jaícina itímiena írena. Afe izói afémie Juzíñamuimo ñue jaináidímiena írena. Afe izói afémie dama ie abina lletádimiena írena. ⁹Afémie ñue finofírega íemo lloga uaimo iere coméñirede, jíáimaci comécina náicaitallena. Iemo jíái afémie daí írede, nana uáitatinona uafue daíitallena.

¹⁰Mei uafue, aillo ocuícana náfueñedino ite. Judúuaimo ite nabene. Afémaci táinodo úritiaioi. Afe llezica comínina jífuetiaioi. ¹¹Afémaci úrilla llícaitarede, mei dáarie afézie nana íaioi ñue finogafue dobáñotadiaioiza. Afe llezica llófuerainina uaido llófuefirediaioi, meáirede fnuado úcube óllena.

¹²Afe Creta énie imácimona daade uai jino lloraíma, ie nabáitaido úrite. Daide: “Creta imaci táinofuerediaioi, íemo jazici ie ríllenai izóidiaioi, íemo iere güillárediaioi, íemo jaca iere ráraiediaioi,” daide. ¹³Afémie uafue daide. Ie jira riire íaioina lletari, Juzíñamuimo íaioi finogafuena féitañeno ñue jeire íaioi óllena. ¹⁴Iemo daje izói ñue íaioina lletari, judúuai dani uibica uáillaimo íaioi náfueñeillena. Iemo jíái, ua uáimona oni jícaidino comútaga ocuilla uaimo íaioi cácareñeillena.

¹⁵Nana comécina íaifuenidimiemo naga raa íaifuenide. Mei jíáfodo

íadi nana Juzíñamuimo ínoñedino íaífuiairedinoma naga raa íaífuiairede. Daje izói íaíoi ífoci uibíllafue íáirede, nana íaíoi comeci úrilla uai diga. ¹⁶ Afémaci “Juzíñamuina onódicai” daídíaíoi, mei íadi íaíoi finócado Juzíñamuina jáanotiaíoi. Mei afémaci íáiruigamacina jáidiaíoi. Iemo náfuenedino izói itíaioi; íemo due jiza ñuera raana finónidiaíoi.

Ñuera uafue llófueina uai

2 Tito, o daiille uallai ñue uafue llófueina izói jaca jaícina jóirede. ² Nana écomini jaca jífaífinidinona írede. Daje izói ñúefuiaido jacíruiregaiaíoi. Iemo, abina ñue onódimiaina írediaíoi. Daje izói Juzíñamuimo íaíoi ínogafuemo íránífinidímie izói írediaíoi. Daje izói nágaruillaido ñue izíruicana ífirediaíoi, íemo jíái jaca comécina járitaífinidiaíoi. ³ Daje izói eiringótiai úrioinide; íemo ñúefuedo jacíruiregaiaíoi. Afe izói táinona llófinidiaíoi. Iemo jíái jaca jífaírado jífaífinidiaíoi. ⁴ Daíí ñue íaíoi íllana ácatarediaíoi, jíáie ringóniai jítaínguai afe izói íllena. Afedo íaíoi ínítiaina izíruillena lollíaioi. Daje izói jítaíngo íaíoi úruiai gáíllena llófueregaiaíoi. ⁵ Afe izói íaíoi abina ñue onóíllena llófueregaiaíoi. Daje izói íaífuiaínidinona íaíoi íllena llófueregaiaíoi. Afe izói jofuero finocara ñue úíñollena llófueregaiaíoi. Daje izói ílláinidingo izói íaíoi íllena llófueregaiaíoi. Afe izói íaíoi ini ocuícana jíeruífíreíllena llófueregaiaíoi. Be daíí írediaíoi, buna Juzíñamui lloga fieni úridoíñeíllena.

⁶ Daje izói jítócomini ñue íaíoi íociretari, abina ñue íaíoi onóíllena. ⁷ Iemo jíái, naga o jetáacaga díbénedo o ñue ílla izói íaíoi íllena ácatari. Íaíoina o

llófuelle llezica, taino jífueneño llófuefíreiri. Daje izói jífánodoíñeno lloiri. ⁸ Daje llezica táinodo úrinidío, buna o jánari úríñeíllena. Afe daíí o uáitaacadino meáiruítiaíoi, mei ja odo fieni úrinideza.

⁹ Iemo jíái, nana ocuícana íaíoi ocuídino anamo ñue íllena o llófuefíreiri. Daje izói cáimamacina íaíoi íllena lloiri. Iemo uai ófíreíñedinona írediaíoi. ¹⁰ Afe izói íaíoi táijina llezica íaíoi ocuídino ráaie meríñedinona írediaíoi; mei jíáífodo naga táijinana jetátagamie ñue ínofíregamiena írede. Afe izói írediaíoi, cai Jíllotaraima Juzíñamui lloga uai íere ebíredeza, dani afémaci abido onótallena.

¹¹ Mei jíí, Juzíñamui caimo ie dúceailana caimo cíotate. Afe caimo ie dúceailado nana éniemo itino jíllorediaíoi. Afe jíllorenafue Juzíñamui jae caina onótate. ¹² Afe caimo ie dúceailamo cai coméciaídi fieni íllafue cai fáicanocailena caina onótate. Afe izói bie énie imaci óiacaga cai fáicanocailena onótacai. Iemo jíáífodo biruíllaido cai íllafue ñue úíllena caimo llote. Jaca abí ñue cai ocuífíreina caimo llote, íemo cai íllafue ñue jaícina cai jóneíllena cai llote. Afe izói Juzíñamuimo dúide uaina caímare finóredicai. ¹³ Iemo daje izói Juzíñamui úfcodo lloga uai, caímare zúíllemo ocuífíreíredicai. Mei aferui íere ríñoredímie Juzíñamui, cai Jíllotaraima Jesucristo caímare bíllíruiza. ¹⁴ Afémie cai ícoínia tííllinomo uigámie, nana fíénidífuiaímona cai jíllóíllena. Daje izói nana cai íaífuiai muíñóíllena uigámie. Afedo afémie íena caina mamede, ñúefue íere íocire cai finóíllena.

¹⁵ Be nie o llófuereina uai. Nana náinide comini comécina nácaítari, íemo lletáredino omo íte ocuille ríno díeze íaíoina lletáfíreiri. Buna ona jámairuitañeno íri.

Juziñamuimo ñinotino bie izói írediaioi

3 Jesucristomo ñinotino énie illaíma anamo íaioi írena uibíñotari, naa ocuúdinuiai. Daje izói aféllaímai ocuica uai íaioi jíeruillena uibíñotari. Afe llezica ebena ñúefuiai fñuamo iere jécairediaioi. ²Daje izói jíáima jánana fiene úrinide. Afe izói afémaci comécina caimare uái ítnona írediaioi, íemo ílláinidinona írediaioi. Iemo daje izói nana comínina omoi uáidua llezica, comécina mánaidimiena o illa jino íaioimo onótari.

³Mánaidimiena íredicai. Mei naui úicodo daje izói cai bie jaca abina onóñedinodicaiza. Juziñamui lloga uaimo cacáreñedicai. Aféruimo niné féiraitino izói ífiredicai. Daje izói nana cai comeci fiene gáinafuiaimo riire ocuúcanodicai; íemo jíái cai íóbitade raamo riire llavécanodicai; jaca nágarui fiene ífiredicai, íemo jíáimamo úradoífiredicai. Iemo comécina éoidicai, daje izói conímama éoicaífiredicai. ⁴Mei íadi cai Jíllotaraíma Juziñamui íemo íte cáimafue jino caimo cíotate, íemo nana náiraiaina íe izíruífirena diga. ⁵Afémie caina jíllotaacade, mei íadi jaca nanómona cai daina ñúefuena cai fñuamona Juziñamui caina jíllotañede. Mei jíáifodo dama afémie caimo dúecaillado caina jíllotate. Caimo íte íaífuiai dama íe múíñuado caina jíllotate. Afe llezica Juziñamui Ñuera Joreño afe múíñuado, meine como jéciganona caina finode. Iemona daje izói afe Ñuera Joreño como comútaga ñúefuedo caina úicaite. ⁶Cai Jíllotaraíma Jesucristodo, Juziñamui íe Ñuera Joreño jeruíñeno caimo fecade. ⁷Afe daí Juziñamui caina dúecaillano, nífuenidinodicai izói caimo caimare éoide. Afémie daí caina ítatate,

cai ocuúrina zíñona cai illino cai mainóllena.

⁸Bie uailíai íere uáfueza. Daje izói nana bífuiai jeire íaioi ólleza ona íaioina íere llotátaticue. Daí ona llotátaticue Juziñamuimo ñinotino bie ñúefuiaimo nágarui íaioi jíeruillena. Comini canóllena bífuiai nana ñuera. ⁹Mei íadi abina onóñedino júfidogafuemoni oni o jíicari. Daje izói jaiáidígima díbenedo lloga íaioi comuilla táinofuiaimona oni o jíicari. Afe izói jíáimana uáitafirenamona oni o jíicari. Iemo jíái, Moisés lloga uaimo íte féiredífuiaido fuirídinomona oni jíicari. Nana bie izóidífuiai cómena canóñede. Daje izói bífuiai ífócina úríñedinomona comuide.

¹⁰Juziñamuimo dájena jaináidino cígiri dámie eneno bozítaiacania, íena uáidota ménacaíño lletari. Daí lletaca cacáacañeniadi, omoi cígimona íena ruífrui. ¹¹Uáfueña íena ruífrui, mei ja áfemona afémie fiénidimiena onóredeza. Afémie ñúefuemoni níbéfodo fiénidífueño baíídimie. Iemo dama íe finoca fiénidífuedo duere finóbide.

Pablo naa íe nabáiñiari mamérilla uai

¹²Artémama mámeciredimie, níbai Tíquicono mámeciredimie omo cue óreiadi méifomo, Nicópolis jofue illánomo raire cue eróizaíbiri. Afénomo o jáillena raire mamériri, dínomo dáanomo conímamo dúciiticoza. Mei afénomo rozíredíruillai záitaicadicueza. ¹³Iemo nane jíáífue, Zénana mámeciredimie Apolos diga nana omo íte díeze íaíllinoína canori. Afe Zena jíáimado ñue úrifíredimie. Íaíllinoi jáille llezica jitaica raana íaíllinoímo fecari, mínícana íaíllinoi jítaíñellena. ¹⁴Iemo daa cai Juziñamuimo jaináidino ñue lloíri, ñúefuiaimo íaioi táijífirilleza; daje izói jíái come jítaíadi, íaioi jítailla

raana fecari. Iemona íaioi illafue ñue ráifiteza.

**Iiraicaiño uáiduano ñue íaioi íllena
Pablo Juzíñamuimo jicade**

¹⁵Nana cue diga itino omo uai orédi-
aioi. Cai izíruiga nabáíñiai daje Juzíña-

muimo ínotino o uáidori. Mei Juzíña-
mui nana ómoína ñúefue dibénemo itá-
taiteza. Daiítateza. Jae ñie.

SAN PABLO FILEMÓMO ORÉCABE

*La Carta del Apóstol
San Pablo a Filemón*

Pablo Filemomo cuete

1 Cue Páblodicue. Cristo Jesús ícoinia llavécamedicue. Cai ama izóidimie Timoteo cue diga illa llezica, Filemomo bibe cueticue. O coco táijinamo izíruiga nabáifredimedio. ²Afe llezica Juzíñamuimo ñinotingo cai miringo izóidingo Apiamo cueticue, íemo jíái Juzíñamui uaimo iere cai nícidogafuemo nabáifredimie Arquípomo cueticue. Iemo jíái Filemón jofomo gairífirede Juzíñamuimo jaináidinomo cueticue. ³Mai birui cai Moo Juzíñamui cai Ocuíraima Jesucristo diga, ñúefue dibénemo ómoina itátaiteza; daje izói caimare uái illifue ñue ómoimo itátaiteza.

Pablo Filemón Jesucristona izíruilla íemo ie ñnuana lloste

⁴Juzíñamui diga cue úrilla llezica omo uíbicaidicue. Uíbicaillano, jaca Juzíñamuina “Figora” dáifiredicue. ⁵Mei o ñue o finócafue fidídicueza. Cai Ocuíraima Jesuna o izíruillana íemo o ñnuana diga, fidídicue. Daje izói nana Juzíñamuimo jaináidinona o izíruillana fidídicue. ⁶Juzíñamuimo o ñnuado jíáimaci afémie uai jeire o otátallena Juzíñamuimo izire jicádícue. Afémaci o diga nana Cristo Jesúmona comútaga cai ñue ñnofirenafuiai, ñue onóillena jicádícue. ⁷Afe daí jicáfiredicue, mei ja o izíruillado ióbidicueza, daje izói áfedo cue comeci íociredeza. Daif ori ióbidicue, mei Crístomo ñnotino odo comécina ñraicaiaioiza.

Riire ocuícamié Onésimomo Filemón dúcaillena Pablo íemo jicade

⁸Iemona ja birui, Cristo orécamiéna cue illado omo dúide finolle raana riire ocuiredicue. ⁹Mei íadi afe izói ócuíneiticue. Riire ocuilla baimo caimare jícana gáidícue. Iemo conímana coco izíruillamona omo jícaiticue. Ua ja cue éiromadicue, íemo jíái Cristo Jesús llavécamedicue. ¹⁰Daif cue íllamona, daa cue onóigamiemo o dúcaillena jicádícue. Benó cue llavéjina llezica afémie cue jitó izóidimienajade, mei afémie comécina Jesucristomo ñnuua mei afémie jaináitaticueza. Afémie Onésimo. (Jesucristomo ie ráifidimienaa omo íllana jaca comécíñedio.)

¹¹Nauí Onésimo omo ráifíñedimie izoide. Mei íadi birui cue o diga afémie ráifidimie izói táijirede. ¹²Meine abido íena omo orédicue. Afe ie cue ória cue iere izíruiga úrue ória izoide. ¹³Nai benomo ñúefue ícoinia cue llavébillaa llezica, afémienaa “Benó cue diga fiebi” uáfuenta daífacadicue, o méifomo afémie cue canóllena. ¹⁴Mei íadi nai o jii dáíñenia minícana ocuífacañedicue. Daif daidícue, o cue jícajana ocuilla izói ñneillena. Mei jíáifodo dama o comeci jitailla izói cue jícajana o ñnuana jitaídícue. ¹⁵Ñibai Onésimo nauí fia nígarui fidi oni o abímonaa jaide, meine billano biruímonaa o abimo afémie jaca ninomo íllena. ¹⁶Iemona birui riire ocuícamié izóíñeno, mei jíáifodo izíruiga ama izóidimienaa afémie o diga írede. Afe jira nauí riire ocuícamié baimo ñnemienaa o diga írede. Afe bímie iere izíruiticue, mei íadi o cue baimo íena izíruiredio. Birui daa afe ñue táijitallimie izói íena izíruinidio, mei afe baimo cai Ocuíraimamo jainaide ámana o izíruilla izói, afe izói íena izíruiredio.

¹⁷Iemona uáfuenta cue nabáidimie o íadi, cue o llínuua izói, afémie o

llíñori. ¹⁸ Nibai nano afémie fiénide raa omo finóadi, íemo jiái nibai mínica omo íbañenia, cuemo jica, cue íbállena. ¹⁹ Ona uafue cue daiítallena cue ónoído cueticue: Afena íbaiticue. Cue Páblodicue. Mei jiáífodo cue ona uibíñotaredicue, dama o ñue méidoga abi cuemo dúide, mei Juzíñamuimo ona ínotadicueza. ²⁰ Ua mií, cai Ocuíraimamo o ínuamona, afe bímie o llíñuado caimare cue itátari. Crístomo dájena jainaide ama izói cue começi ffrari.

²¹ Omo cueticue mei o jíeruifirena ñue onódicueza. Jiái onódicue, cue ocuica baimo finóredio. ²² Afe llezica cue iníl-

lico uieúdo raire finori. Mei bie izói ocuíridicue; Juzíñamuimo omoi jicállemona, Juzíñamui omoi cue eróizaibil-lena cuena óreite.

Iiraicaiño uáidua, caimare ñúefue dibénemo omoi itátallena

²³ Cristo Jesús ícoinia cue diga llavécamie Epafras uai omo orede. ²⁴ Daje izói jiáie cue tájinamo canódimaci Marcos, Aristarco, Demas, Lucas diga omo uai orédiaioi.

²⁵ Mai mei cai Ocuíraima Jesucristo ñúefue dibénemo ómoina itátaiteza. Daiítadeza. Jae niie.

HEBREO IMÁCIMO CUEGABE

(Daa bimaci jiáifodo
mameina Judúuai)

La Carta a los Hebreos

Juzíñamui ie Jitodo ja
comínimo úrite

1 Jaiái ninomo cai judúuai jaiáidigi-
mamo Juzíñamui úrite. Ua, ie uai
llórainido diga icaiño, diga jiáifodo
jóoide uáillaido úrite. ² Mei íadi ja birui
firairuillaído Juzíñamui ie Jitodo caimo
úrite. Bie Jitó uaido Juzíñamui jaiái bie
éniena naa úcuairi finode. Iemo naga
raa íeiena náamatalena Juzíñamui íena
mamede. ³ Afe Jitó ie Moomo ite ebíre-
dena jino ciotatimie. Daje llezica afémie
jino náiraímo ciotaga; ua daje Juzíñamui
izóidimie. Nana finoca ráaniaína afémie
dájena jaináitano ie ñue rírede uáillaido
nágarui ñue jaícina finócana uite. Bímie,
cruzmo dama ie die tótajado cai fiénidi-
fuiái ñue múiñua mei, caífo monamo ite
Juzíñamui nabezi dibénemo ráinazaide,
dinómona nahí illáimaillena.

Juzíñamui Jitó Juzíñamui
abi imáciai baimo figomie

⁴ Afémie afe jamánomo ríredinomo
jáillamona, nana Juzíñamui abi imáciai
baimo figomiéna jaide. ⁵ Juzíñamui
ie abi imácimona dáamie jaca “Cue
jitódio” daiñede. Ua, “Cue Jitódio, ja
birui illáimana o jóoneíticue” jaca daje
izóí íaioina daiñede. Mei íadi ie Jitó
Jesucrístona daí daide. Daje izóí ie abi
imácimona dáamiéna “O mooná íitícue”
daiñede. Dáanomo “Cue jitóitio”
daiñede. Mei íadi Jesuna daí daide.
⁶ Ua Juzíñamui ie izoide daade Jitona
bie éniemo comútajano daide:

Mai, nana Juzíñamui abi imaci, bie
cue jitona jacíruioicana ñue omoi
ióbitari.

⁷ Mei íadi abi imácina Juzíñamui daide:
Bimaci cue abi canórainina íllamona,
íaiioina ocuífiredicue. Iemona jair-
ífo raire náidacailla izóí, bimaci cue
ocuícana raire jetáfirediaíoi.

Afe izóí nana cue canófirede cue abi
imaci jacírede boode irací izóí,
íaiioina ocuífiredicue, —daide.

⁸ Mei jiáifodo ie Jitona daide:
Juzíñamui o íllamona, o illáimana illirui
jaca ninomo zíñona íite.

Ñue comécina jaícinainafuedo jaca
illáimaifireitio.

⁹ Ua, comécina jaícinainafuena izíruitio,
mei íadi fiénidifuiáimo éoicana
eróidio.

Iemona Juzíñamui, ua o Juzíñamui, jae
ona ióbitade.

Nana Juzíñamui uaina jíeruite o
nabáíñiai cáimadua baimo,
cáimatagao, —daide.

¹⁰ Jiáinomo ie Jitona Juzíñamui daide:
O Ocuíraimadio.

Naga ráaniai o táinia mei, bie énie
finódio.

Nana monamo ite naga úcuai o ónoído
finócana.

¹¹ Afe énie naa úcuairi niné táinocaiti-
aíoi, mei íadi o jaca zíñona íitio.

Aféñiai jácara iníroillaí zabilla izóí
zábitiaíoi.

¹² Iemo inícuíro dócoíano oni jóonia
izóí, oni eneno íaioina jóoneítio.

Iemona iníroi jíáiroina abímo
jíta izóí, bínie naa ucúduairi
méidoficaitiaíoi.

Mei íadi o jaca méidoñellioza, dinó
námieitio.

Omo itífue jaca zíñona íite.

¹³ ¿Ñie mei ie abi ímiemo Juzíñamui
llogámie:

O fairíconi o anamo cue anáfenotalle
llezica mai benó cue nabézimo il-
laima nabai izói ráinazaibi?

Daií dainámiena iñede. Dama ie
Jitó Jesuna daií daide. ¹⁴Nana afe
Juzíñamui abi imaci Juzíñamui ocuica
canófirede jóriaiai. Ua Juzíñamui
orécaiaioi, afémiedo jílloitino ñue
rairuúllena.

**Cristo caimo lluaíbiga jíllona
uaimo ñue úiñoredicai**

2 Ie jira Juzíñamui Jító, Jesucristo daií
naga illaima baimo jáidimienna illa-
mona, nana Juzíñamuimona cai cacana
uallai jeire cai olle iere jitáirede; omoi
jefóniai ñue jinéoiri. Aféuaimo ñue omoi
cacáreiri, oni nibéfodo fiénidifue mo
báiñeillena.

²Mei Juzíñamui jaiiai ie abi
imácido llogáuai jaca oni caitánide.
Naga aféuaina jeire oñédino naa
cacáfinidinori raire iere duere
finócaiaioi. Mei afe fiénidifue
finuamona Juzíñamui íaioimo jaícina
ibana ote. ³Mei íadi birui aféuai
baimo jamánomo ñue riírede uaina
cacádinodicai. Ie jira bie Crístonona
cai cacana uáillaina jeire cai óñenia,
¿nífuedo jaícina iba uáfue mo
jílloiticai? ¡Jíllonidicai! Afe baimo
ñue riírede uai nano fueñe Ocuíraima
Jesucristo caimo llogáuai. Ie mei ie
dánana cacádinodo aféuai jae cai uafue
daiíllena llotátaga. ⁴Afe íaioi daina
uaimo onótate raado Juzíñamui ñue
uai nabáitate. Iemo jíai jacírede raado,
aillo ciórainina raa diga afémie ñue
uai nabáitate, íaioi daináuaimo ñue
cai finollena. Afe llezica Juzíñamui ie
jitáinafue izói, ie Ñuera Joreño ñúefuiai
finolle ríino, illa dígamierie íaioimo
fecade, daje izói caimo.

**Jesucristo Juzíñamui Jító íadi afémie
cai illa izói, fia cómena íficaide**

⁵Cai úrifirena ñuera uíreitiruúllaido
námie illáimaillena, Juzíñamui ie abi
imácina: “Illáinina jáitiomoi” daiíñede.
⁶Mei jíaífodo comínina illáimaitaacade.
Jaiiai Juzíñamui Cuegáuaimo David
Juzíñamuina daide:

¡Ñii naga come Juzíñamui dibéneo
jamáimiiaina!

¿Nibái mei íaioimo coméciidio?

¿Nibái mei íaioi jitótiaimo járitaitio?

⁷Mei uáfue mo due jiza o abi imaci
jofófenemo comínina comútatío.

Illaima ebírenano naa ñúefue diga
íaioimo nitáidio.

⁸Naga raa íaioi anamo o itátatio.

Daií naga raa iima anamo itábicaillam-
ona, jae minica ie anamo itábicaíñedena
iñede. Mei íadi ja birui iima dibéneo
naga raana náamatañega. Afe
izóiñedeza; afémie nahí náamañede.

⁹Mei íadi jíaífodo birui Jesuna cai
onónamona íemo coméciidicai. Afémie
nana íanori due jiza Juzíñamui abi
imaci jofófemo jónegamie. Aféruido
afe Jesús nano cai jíainona, tiilla
onóillena facade; mei afe llezica nana
comini fiénidifue ícoinia Juzíñamui
zóofegamieza. Ie mei tiide meine abido
cáanamona jamánomoidimienna jaiide.
Afe mei afémie, illaima izói, ñúefue mo
nitácamie, jae ebire finócamie, mei nau
ie tíllaruimo iere duere ie zefuúllamona.
Juzíñamui cairi dúecaillano, nana
comini niné táinocaitañellena cai
ícoinia Jesuna daií zefuítate.

¹⁰Juzíñamui daií ie Jító duere
finoille caimare íemo jóbide. Ie
jira Juzíñamui íaioina jíllotaite
ifódimie duere zefuúllafuedo nana
cai jíllonafue mo ñue fuitade. Mei
jíi, naga raa Juzíñamui íeiena ie
finuamona ja birui itíaioi. Afémie nana
comínimona aillo jitótiai jíllocade

ie caimare ebírenanomo dánomo íaiói dúcizaillena. ¹¹Mei Juzíñamui dibénemo oni jóonetimie Jesús, nana Juzíñamui dibénemo oni jóonegamaci diga daje Juzíñamuina móorediaíoi. Iemona, cai baimo jamánomoidimie íadi, Jesús “Cue ámatiaídiomoi” daíí dánana meáiruñede. ¹²Afémie Juzíñamuina daide:

O mámecei cue ámatiaímo jino llóiticue. Nana omo gairírdino cígiri rocana ñúefue omo nítaiticue.

¹³Jiáinomo Cuegáuaimo daide:

Cue Juzíñamuidio. Omo ínoitícue.

Ie mei jiáinomo daide:

Be, benó iticue, Juzíñamui cuemo iga naa úruiairi.

¹⁴Onódiomoiza, nana cai jae cómena comuítagacai. Daíí cai íllamona, daje izói Jesús dama cómena comuíbicaide. (Ua, fia come izói jéiciga.) Afe mei come abi íemo íllamona, ie tíllado cai títaite Taifena ríinitade.

¹⁵Jaiáimona nana tílle jágiedo Taifemo rairuícamacidicai. Mei íadi Jesús jae cai jacíruíñeillena nane ñue cai finode. Ja ráiruíñeganona afémie daíí cai ñue orede, nana nauí cai caana llezica tíllena jacíruiticai íadi. ¹⁶Mei uáfodo onóigaza: Jesús ie bíllado Juzíñamui abi imácina cánuaibiñedeza, mei íadi cómena íficaillano nana Abrahámona comuídígimana cánuaibite naa jiáie Juzíñamuimo ínotinori. ¹⁷Afémie cai cánuaibilemona ie ámatiai nana íaiói illa izói afémie íficaillana iere jitáiredeza, mei dúecaífirede nahí comínimona Juzíñamuimo comínido úritíllaimana jáideza. Ua ínofirega Juzíñamuimo úriraimana jáiacade, afe daíí ie tíllado comínimo ite fiénidifuiái oni muiñóllena. ¹⁸Mei Jesucristo íaífue fiéni facátáfuiáimona duere zefuide, aféfuemo baíñede íadi; íemona ja birui fiéni Taífe facátagamacina cánua ríino Crístomo íteza, ja caina ñue canórede.

Jesús Moisés baimo jamánomoidimie

3 Ie jira, cue ñue ámatiai, Juzíñamui uáidogamací dibénemo jaináídiomoiza, Jesumo izire comeci omoi facari; ua cai jeire oga ñúefue lluaíbitagamiemo ñue comeci omoi facari. Iemo nane Juzíñamui dibénemo caido ñue úritimiemo, mai íemo comeci omoi facari. ²Bie Jesús íena daíí mamédimie ocuica uaina jaca nágaruillai ínofirede; ua, jaiáidimie Moisés nana íemo llogáuaina jeire ófirena izói, afe izói bímie nana íemo ocuica uaina jeire ófirede. ³⁻⁴Jae onódiomoiza naga jofu come niga; dama abina niñédeza. Mei íadi naga ráaniai íinódimie Juzíñamui. Iemo daje izói ja onódiomoiza, naga jofu niraíma afe nigaco baimo ñúemieza. Afémiemo jamánomo ñúefue jóonerede. Ie izói afe bie Jesús Moisés baimo ñúefuena nitáregamie, mei naga raa afémie comuítagaza; íemo jiái daje izói Juzíñamuimo cai jainánana Jesús comuítateza. ⁵Ua, afe Moisés nana Juzíñamui íemo llogáuái, Juzíñamui dibénemo tájjiacadimie izói, aféuaina ñue jaícina Juzíñamui eneno nizeca Israel náiraímo llotátate. Afe daíí afémie ie méífodo bite llófuellifue uai nabáitate. ⁶Mei íadi Cristo, jofona náamataga Jitó izói, nana ie anamo itónona ñue jaícina ocuíoide. (Afe daíí Cristo Moisés báífene ímienaza onódicai, mei naga jitó, jofu ero tájjiiraíma baimo itímiénaza.) Iemona Cristo dánana, cai ínuafue ñue riire itífuedo are illa ícoímo jeire cai oíadi, Juzíñamui comínidicai. Afe llezica afémiemo caimare cai úíñuana jitáirede.

Juzíñamui comini comeci caimare uái illafue

⁷Ie jira Juzíñamui Ñuera Joreño jaiái Cuegáuaido daide:

Birui Juzíñamui daináuai omoi cacana llezica omoi coméciai ríretaño iri.

⁸ Jaiai énie zaféredinodo Israel comini facátaruimo afémaci íaioi comeci riire fínuano Juzíñamuina uáitataioi.

Jíi, afe izói omoi íñeno iri, daide.

⁹ Iemo nane Juzíñamui daide:

Aféruillaido jaiai omoi uzútiai Judíuui cuemo íñoñoeno fiene facátafuedo cuena facátataioi.

Cuarenta diga fimónado nana íaioimo cue finócafuiaina ciódiaioi íadi, cuemo fiene coméciidiaioi.

¹⁰ Ie jira afe bigima cuena rícaitate.

Afémacido daidicue: “Íaioi comeci cuemo figo jaináñenamona, cue lloga io onóñoeno oni nibéfodo jáidinona ítaioi.”

¹¹ Iemona áferi icríllano rírede uaido daidicue: “Jaca cue lloga caimare comécina uái ocózinallana óñeitiaioi,” daidicue.

¹² Amatiai, daje izói figóñede, nñefuena íáiruiga íñoñede comécimona mai abí omoi rairuiri, afe izói omoi íñeillena. Mei afe izóidimie cai caade Juzíñamuimona oni eneno jica íteza. ¹³ Mei íadi nágaruillaido, Juzíñamui ómoína nai uáidua llezica, Juzíñamui dibénemo ñue riire jainairi. Iemo dani ómoimona ñue lletari. Daí ñue omoi llóiri, fiénidifue ie abí jífuiafuedo buna ómoimona dáamie comécina ríreiñellena. ¹⁴ Mei nanóidemona caimo ite izire ínogafue, riire fáicanocaiño uáfueña cai onóadi, jae Cristo dibénemo jaináidinodicaí. Aféfuemo rairuñeno ñue omoi jíeruiri.

¹⁵ Juzíñamui Cuegáuai daí daide:

Birui Juzíñamui daináuaina omoi cacana llezica, jaiai Israel Juzíñamuina uáitajaruimo comeci ríreña izói, omoi comeci ríretaneño iri.

¹⁶ ¿Bu mei afe Juzíñamui uai cacáidino íadi, nane dánomo íena uáitate? Mei

nana Egíptomona Moisés bairócamaci Juzíñamuina uáitate. ¹⁷ ¿Mei nímaci cuarenta diga fimona Juzíñamuina icrítrate? Mei nana afe Juzíñamui uai íñoñoeno fiene finódino; ñi afémaci ícuruai énie zaféredinomo fiénocaiga.

¹⁸ ¿Ñi náiraina rírede uaido Juzíñamui daide: “Jaca cue lloga caimare comécina uái ocózinallinomo dúciñeitiaioi?”

Mei nana afe ie uaina cacáidinona íadi aféuaina jeire onéidinona daí daide.

¹⁹ Daí íaioína dainana íaioi íñoñenado jofo cáimanomo dúcinidiaioi. Ua daí nñenomo íaioi dúciñenana onóidicaí.

4 Ja birui Juzíñamui uafue caimo lloga caimare comécina uái ocózinallana cai olle uai caimo ite. Aféuani caimo illa llezica mai ómoimona dáamie aféuani comécimo óñeillena daí-tadífuemona mai abí omoi rairuiri. ² Mei uafue cai bie nñefuena llogámacidicaí. Ua afe jaiai Egíptomona bairócana nñefuena llóina izói nñefuena llogámacidicaí. Mei íadi íaioi cacana uai figo íaioína canóñede; mei íñoñediaoiza fia táinona cacádiaoiza. ³⁻⁴ Mei íadi Juzíñamui lloga caimare comécina uái ocózinallinomo nahí jofo jáidinodicaí, mei ie uaina ñue cai ínofrenado. Birui Jesumo cai ínuamona, caimare comeci jacríuñenafue dibénemo jónegacaí. Jira ocózinairanomo tájijñeno cai illa izói, jae caimare uái iticaí. Ie mei uire Juzíñamui illánomo ñue afémie diga caimare uái íiticaí. Jaiai íñoñedinona Juzíñamui daide:

Iaioimo cue rícaillano ñue rírede uaido daidicue, “Afe cue lloga caimare comécina uái ocózinallinomo jaca dúciñeitiaioi,” daidicue.

Daí Juzíñamui íaioína daide. Mei íadi ua íaioi caimare illifue Juzíñamui are uícomo mamécaza; mei jae are énie ie comútaruimona, nana Juzíñamui ie finócafuiái, naa caimare cai illífuiái, jae fuitádeza. Mei Juzíñamui jíáinomo

ie Cuegáuaimo afe ie ocózinaillaruido úrite; daide:

Juzíñamui seis dígarui tájjide; ie tájjina mei siete iruimo nana ie finócafuiaimona caimare uái ocózinaide.

⁵Afe mei jiáiruideo ie Cuegáuaimo Juzíñamui daide:

Cue lloga caimare comécina uái ocózi-naillinomo dúciñeitiaoi.

⁶Iemo ñúefuena nanoide cacádino ññoñenamona afénomo jofo íaioi jáinina méifomo, áfeo nai jiáimaci jáillena túide. ⁷Ie jira Juzíñamui diga fimona jailla mei, David roráncuaideo comini uáiduanomeine jiáie billirui íaioimo llote. Afécuaimo, due jiza illamona cue lloga izói, Juzíñamui daide:

Birui Juzíñamui daináuaina cacádiomoiza omoi comécina ríretañoeno iri, daide.

⁸Mei íadi Josué afe jaiáidinona nahí caimare come comeci jacíruiñenanomouiñede. Ie jira diga fimona illa mei Juzíñamui meine abido comini caimare illíruina úrite. ⁹Iemona afe nahí caimare come comécina uái ocózinaillafue nai ite, Juzíñamuimo jaináidimacina dani íaioiena maiñóllena. Afe ñue caimare cai illífue ocózinaillaruido cai ocózinailla izoide. ¹⁰Mei naga afe Juzíñamuimona oga caimare illífueña maiñódimie, dama ie jílluille naa ie nícidogano fáicanocailano, caimare uái ite. Ua Juzíñamui naga rániai ie fínua fuilla mei, ocózinaillano caimare uái ite. Afémie uái illa izói caimare uái iticai. ¹¹Ie jira afe caimare cai illífueña mai ñue omoi maiñori. Mai benómona daí omoi ífireiri, ómoimona buna jáairagima bífueña íaioi ññoñenado íaifueño baiílla izói omoi báiiñeillena.

¹²Nana Juzíñamui lloga uai, jaca íocire cáadimie izoide. Afe uai jaca ninomo ríredeza, buna oni caitánide uai. Aféuai comini ífóciaimo déifirede;

ua íaioi comécina zuitáfirede. Mei jii, jáire jicaica lloéfaido abi ñeta iere jofo ícurumo raire dúcizailla izói, afe izói Juzíñamui uai nana cai comeci ífuiái onótate. Uáfueña cai comeci facáduana naa cai comeci jítaillafuiáiri fídiano ñue uáfodo jáicina jino caimo onótate.

¹³Nana Juzíñamui finócafuiái íemona oni retáidonide. Ua, daa Juzíñamui cióñenamiena inede. Nana cai comeciillafuiái cai finócafuiái diga, uáfori cai nahí Jicánoraima ui anamo ite.

Jesús Juzíñamui dibénemo caido ñue úrifiredillaima

¹⁴Jae Juzíñamui Jitó, Jesús, mona úillie illano iere caifófenemo jaillano, Juzíñamui illánomo dúcide. Dúciillano Juzíñamuimo dibénemo caido ñue raire úriraimana jaide; ua afémie caido úrifiredillaimana jónega. Afe bie úriraima caimo illaza, mai nana afémiemo cai comeciilli; afémiedo cai ñnogafuiái fáicanocaiñoeno jáicina riire ñue íemo cai ínoilli. ¹⁵Afe caido Juzíñamuimo úrifiredillaima nana cai abi ríddolle ríino inénana onode. Ua afe cai ríino inénamona cai féirairerana afémie onode. Ie onónamona caimo dúecaifirede; mei afémie cai izoide cómena íficaillamona, nana fieni facátafuiaina cai cacana izói cacade íadi afe fiénidifuiaimo baiíñede. Iemona Juzíñamui dinena jáiredicai. ¹⁶Ie jira Juzíñamui illáimana illánomo cai úrizailli; mai omoi jacíruiñeno afe caido úrifiredillaimado Juzíñamuimo raire úrifireiri. Daí íemo úriredicai caina ie dúecaillano cai fieni finócafuiái iba caimo óñeillena; daje izói afémie cai jítaílliruido cai canóllena, afémiemo úriredicai.

5 Naga come dibéfodo Juzíñamuimo úritillaima comínimona nizada oga. Uano Juzíñamuimo comínido úrillena mamécamie. Daje izói afémie comini

dibéfodo Juzíñamui ióbitalle ráfuiyai finófireillena mamécámie. Iaiói Juzíñamuimo fia iga ráaniai afémie izájite. Daje izói íaiói fiénidífue iba otátañelle fia fállena fecaca tóica rílleniai afémie Juzíñamuimo izájite. ²Afémie ríinide cómena íllamona, íaiói illa izói abina onóñedimacina fíaicana comeci járitañeno daímare fíraizitaite. Daje izói oni nibéfomo baiídinona comeci járitañeno llétaite. ³Mei afe nizécámie cai izói ríinidímie. Iemona dama ie íaifuiyai muiñolle tóica rille jíáimaci fécajilla izói, afémie jíái fécajirede. Ua nana comini dibéfodo izáibilla izói, dama íeiena afémie izáibirede.

⁴Afe iere ñuera Juzíñamuimo úriraimana íllena, buna dama ie comeci jítaina izói ínide; dama Juzíñamui jóonegamie daíí írena. Afémie caímare jacíruigamie. Jaiáidiruimo daíí Juzíñamui Aarona uáidote. Uáiduano, Juzíñamui fena nizeda úritíllaimana jóonete. ⁵Afe izói Jesucristo Juzíñamuimo comínido úriraimana íllena raíre dama uícoficáñede. Mei íadi Juzíñamui daíí úritíllaimana ie jóoniacana llezica fena daide:

Cue jítoíio; ja birui ílláimana o jóoneíticue, daide.

⁶Te mei daíí daínámiena Juzíñamui jíáinomo nane daide:

Jaca ninomo Juzíñamuimo comini dibéfodo úriraimadio. Ua jaiái ninomo Juzíñamuimo úriraima Melquisedec izói jaca ninomo Juzíñamuimo comini dibéfodo zííñona úriraimana ítío.

Aquíe izói Juzíñamui ie Jitó Jesuna daide. ⁷Cristo cai come izói bie éniédo jáicailaruíllaido, izire éecana Juzíñamuimo comeci facade. Iemo dáaruido Juzíñamuimo izire jícade. Afémie daíí íena jíllotaredimíemo comécido úrite; daide: “Bie cue tíiacanafuemoná maí cue jíllota” daide. Iemo Moo Juzíñamui anamo afémie ñue

itábicaíllamona comécido Juzíñamuimo ie jícajana Juzíñamui cacade. ⁸Daíí Jesucristo Juzíñamui Jitó íadi, ie duere zefuíllafuíaído ocuilla uai anamo itábicaíllana fibide. ⁹Afemona afémie daíí nana cai jíllóíllífue ñue fuitállena jamánomo jáicína fibítagamiena jaide. Ie jira nana íemo ínotímaci dibénemo Jesús zííñona Jíllotaráimana jaide. Ua zííñona jíllonafue tainédimiena jaide. ¹⁰Mei jira Melquisedec izóidímie Juzíñamuimo comini dibéfodo zííño úrifireítimiena, Jesús jae Juzíñamui mamécámie.

Cai íinogafue meine abído cai jáanolle iere jacírede

¹¹Bífuíaido aillo úriacadicue, mei íadi iere cacáacañediómoi. Iemona nai figo baitáñedíno izói ítíómoi. Daíí omoi íllamona, bífuíai ómoímo jino cue llolle iere féirede. ¹²Nauí nano Crístomo omoi ínuaruímona jae díga fímona jaide. Iemona jae oni jíáimacímo omoi llófuerizaille iere jítaírede. Mei jíái-fodo ja birui meine abído Juzíñamui llogáuai tainéinafuíaina ómoímo jíáíma llófuéllé jítaírede. Nai monoi jírode úrue izói meine abído úruetaídiómoi; nai figo baitáñedíno izói ítíómoi. Ua llíciaina nai rínde izóidinona abído jáídiómoi. ¹³Mei jíí, naga monoi jírófiredíno, móonaiñena llezica nai dúetiru. Daje izói naga Juzíñamui anamo ñue jáicína caina móonaitade llófueinafue dibénemo baitáñedímie nai úrue izoide. Mei afémaci nai móonaiñeno úruíai izói baitáñediaíoi. ¹⁴Mei jíái-fodo dama móonáite éicomini llíciaina rírena. Afe izói juárede llófueinafue ñue onona dama comécína ñue jéedímacímo dúide; mei afémaci aillo facáfírenamona ñúefue fiénidífue baímo ñue onónana fibídiáíoi.

6 Ie jira afe nánoide Cristo dibéfodo llogáfuíai ómoímo llúana ja mozíño-

caidicue, jáiie cómfue ómoimo jino cue llólle. Omoimo cue lolle bie cómfue, Juziñamui llogáuailaido ómoína ñue jaícina móonaitaite. Aféfuiai mai jeire cai olli. Nano úcodo lloga ñuefue jillácina meine abido diga icaiño ómoína llófueñeiticue. Afe nanóidifuiiai bie izói daide: “Ómoína jillotañeite omoi nícidogafuiiai fáicanocaillano ñuefueña méidori. Méiduan, mai Juziñamuimo omoi ñinori,” daide. ²Iemo afe nanóidifuiiai báutizaafuedo úrite. Iemo dáanomo onoi cómemo bítafuedo úrite. Daje izói come tílle mei, afe tídinomona meine abido cáailfue llote. Afe emódomo, firairuimo Juziñamui nana comínimo jicánolle mei zíñona duere ñinótallifuedo úrite. ³Nana bie nanoide llogáfuiaina meine abido llófueñeiticue. Mei íadi, Juziñamui comeci jitaina izói, afémie cue canólledo, ñue móonaitadifuiaina omoi llófueiticue.

⁴⁻⁶Daí birui ómoimo llófueacadicueza, mei nanóidifuiaina uáitajano oni jáiifodo féiraitimíiai íaioi illafue nano ñue ñnogafuena jaca méidonide; mei afe ñuefueña nai náfueñediaioiza. ¡Mai, abi omoi rairuir! Afe daíitadimaci naui dáaruina Juziñamui llófuegamaci izóidíai; ua Juziñamui dibénedo ífócina déitaganona itíai. Daje izói, monamo ite Juziñamui daína caimátallifueña facádíai. Iemo daje izói afémaci Juziñamui Ñuera Joreño úicaillana jae facádíai. Afe llezica Juziñamui ebírede daináuai cómena ñúetatifueña afe íaioi fácamona, ñúerana onódíai. Afe emódomo, Juziñamui Jitó uire illáimana illirui llezica, íemo ite comini cáimadolle ríinodo jae bimaci canócaiaioi. Jae nana bie núefuiaina fibídiái. Mei íadi afe mei Juziñamui ífuiaina móonaitaoiño, aféfuiaiana íaioi uáitaiadi ñuefueña méidofínidinona jáidíai; mei daí afémaci íllamona

Juziñamui Jitona cruzmo fatátatimaci illa izói afémaci dani itíai. Ua nairai uíecori éna jifánodoia izói éna meáidaitadíai. ⁷Bie izoide comini comue jacafai aiñena izoide. Juziñamui bíitaga noci naga éniemo diga ícaíño biide. Iemona afe éniemona ñue ria aite, afe éniemo táijidino güllena. Afénena Juziñamui ézicite. ⁸Iadi jíainomo noci biilla mei, daa figóñede éegiai ailla, naa zaie diga. Afe izóidínie ráifíñedeza; nibai íanori íllamona Juziñamui fáidoite. Irainomo afénie jobáillamo dúide, naa afénomo zicódínuari mei figóñedeza.

Cai úiñoigafue caina riire nabaide cai ñnogafue féinellena

⁹Mei íadi cue izíruiga ámatiaidiomoi. Jae cue lloga faidórafue baimo jamánomo ñuefuiiai dibénemo jaináidíomoi. Ua omoi jillonafuemona comuide cáimaduafuiiai mainófiredíomoi. Aféfuena ñue onódicue. ¹⁰Juziñamui comécina jaícina jóidímie. Iemona nana éna omoi izíruillamona omoi finoca Juziñamui comini cánua ráaniaina, afémie féitañede. Daje izói aféfuiaimo nai birui jíeruitiomoi. Ua Juziñamui jaináidinona izíruillano, ñue afémacina riire canófiredíomoi. ¹¹Ie mei birui afe izire omoi nícidua izói, daje izói ómoimona illa dígamierena Juziñamuimo ocúiriri daidicue. Iemona omoi ñnogafuiiai jeire ómoína otátaacadíicue, omoi úiñoigafue táinomo fáifíñeillena, mei jáiifodo ñue jaícina omoi fuitállena. Afemo ómoína nágarui izire comécíiri daidicue. ¹²Daí izire omoi comécíiillamona ráiraiedino illa izói íñeitiomoi. Mei omoi ñue comécíiillamona, jáiifodo daade Juziñamui lloga ua caimare illafue dibénemo itino illa izói ítíomoi. Afémaci íaioi ñnogafuedo íaioi abina ñue finóinafueña Juziñamuimona

otíai. Ua comeci járitaiñeno are illa ícoimo Juzíñamui úcodo íai. Lloga ñuefuena maiñoroidia. Illáfuemo ñue omoi comeciiri, íai illa izói omoi illena.

¹³ Mei jii, Juzíñamui iere ñofiregamie. Jaii Abraham illáruimo Juzíñamui uafue uai Abrahamo lote. “Aillo comini jebuítaitio” jaii úcodo íemo lote. Llua llezica uafue daiñena Juzíñamui dama ie mámecina llínote, aféfuena Abraham ñue ñollena. Ua Juzíñamui dama ie mámecina llínote, mei jíie baimo jamánomoidimiena iñédeza. ¹⁴ Daií Juzíñamui Abrahana daide: “Uafue iere ona ñue caimátaitaitie. Jae cue o jitóretallemona, o erófene igímana jamánomo iere jebuítaitie,” daide. ¹⁵ Imona Abraham comeci raire járitaiñeno, diga fimona áfemo úñoide. Daií ie ocúrina mei, afe Juzíñamui lloga caimare ie nairai jebuillifuena Abraham ñue maiñódeza. ¹⁶ Bínie comini cigimona dáamie uafuena daiñacana llezica, afémie baimo ríredimie mámecido uafue daiñate. Daií lloga uaina buna oni caitáñede. Nana dani íai júfidogana zátate. ¹⁷ Daje izói Juzíñamui ie lloga finóllifue, jíie ñue rírede uaido, aféfuena iere uafue daide. Afémie daií dáideza, mei ie úcodo lloga ñuefuena máñoitinomo, afefue ua jíáfodo méidonidena jino íai. ¹⁸ Daií Juzíñamui mena caitánide uállaido íai. ¹⁹ Afe ménacaiño ie daina dibénemo Juzíñamui táinona llónide. Afémie daií daide, áfemona cai comécina ñue íociretallena. Imona caimo ie lloga ñue cai jllonafuemo fáicanocaiño ñofiredicai. Mei jii, cai Jíllotaraíma Jesucrístomo jarire jaillano caina ie úñotaga comeci íaifue dóllena raire íemo jicádicai, caimo ite fiénidifue iba óñeillena.

caimare úñoidicai. Imona afémie caina daináuai cai comeci ñfuenina ñue mozíoitade. Ua cai úñoigafue caina riire nabaide cai ñnogafuai féñellena. Daií comeci docáiño ñue riire nabáitaga jacfruiñedinodicai. Mei cai jllotaite cai úñogamie Jesús, caifo monamo Juzíñamui nahí ie íranomo íteza. ²⁰ Afe Jesús, cai jáillio ífódimiena afénomo jae jaide. Daií íllamona afémie jae comñido Juzíñamuimo zíñona úritillaimana jaide. Ua, jaii Juzíñamuimo úriraima Melquisedec izóinado, Jesús jaca ninomo caido úrite.

Jesús, jaii Melquisedec illa izói comñido Juzíñamuimo úriraima

7 Afe Melquisedec Salem jofue illaima. Afe llezica afémie comini dibéfodo jamánomoide daade Juzíñamuimo úrifiredimie. Jaii illáruimo Abraham jíie aféniemo ite illáinina anáfenuaide. Iai. Anáfenuano Abraham meine bítemo, afe Melquisedec io anamo Abrahamo dúcizaide. Dúciillano Melquisedec, Abraham abi ñue finóllena Juzíñamuimo jicade. ² Afe llezica Abraham nana ie bairoca ñuera ráaniaimona, Juzíñamui íena eneno mameca ráaniaina, Melquisedécimo raiñóñeno fia fecade. Melquisedec nanoide daina mámecei “Comécina jaícinadillaima” fueñe daiñacade. Ie mei afémie nane jíici ote: “Salem Illaima.” Afeci “Comini comécina caimare uái itátatillaima,” daiñacade. ³ Afe Melquisedec moo mámecei jaca onónide, naa ie ei mámecei diga. Daje izói ie emódoigimá jíie óñoñega. Daje izói afémie jocóinarui óñoñega, ie tllarui diga. Imona afémiena comini “Zíñona ítmie” daide. Afe Melquisedec comini cigiri illáfuedo Juzíñamui Jitó zíñona cai dibéfodo úriraimana illáfuedo caina fidtate.

4-5 Mai bífuemo ñue omoi coméciri, Melquisedécimo ite jamánomoidífuenta omoi onóillena. Ua Melquisedec, cai nanoide jáiairagima Abraham baimo jamánomoidimie. Mei Abraham ie bairoca ráamona Melquisedécimo fecádeza.

Abraham enaize Jacob doce dígade jitórede. Iemo afe jitóniai cígimona Leví comuídeza. Afémie comini dibéfodo Juzíñamuimo úrillena Juzíñamui nizeda ogámie. Ie jira nana judíuai Juzíñamuimo úriraini Leví úicoidigimamona comuítagaiaioi. Afe Juzíñamui nizeca Leví náiraina, Juzíñamui Moisés ocuica uaido daide: “Nana jáie judíuai nairai imácimona Juzíñamuimo dúide ráaniaina órediomoi,” daide. Ua Leví náiraimo ibárede, nana jáie Israel nairai daa Abrahámona comuídino íadi. Ie jira Leví comini nana afe Juzíñamuimo dúide ráaniaina llínofirediaioi. ⁶Mei íadi afe Melquisedec, Leví nairai izie íeñede. Mei íadi afémie áfena llínoñeniadi afe Melquisedec, Leví emódoidigima Abrahámona Juzíñamuimo dúide ráaniaina uáfuenta llínote. Iemona Melquisedec Leví baimo jamánomoidimieza onódicai.

Afe ráaniai ie llínua llezica, Melquisedec Abrahamo úrite. Abraham Juzíñamui íemo ñue finóllifue, uicódo fidítagamie. Iemo ja birui Melquisedec afémie ñue éziciano daide: “Juzíñamui ona ñue cánoiteza,” daide. ⁷¿Nibémie mei jamánomoidimiena? ¿Ezicitimie mei nibai ézicigamie? Ua, ézicitimie baimo jamánomoina. Afefue buna jáanoñega. ⁸Nane jáífue llóiticue. Cai cígimona eneno nizeca Leví comini, Juzíñamui íena nano mameca ráaniaina llínofiredino. Mei íadi afémaci fia comíniza tíífirediaioi. Mei jáífodo afe jáie llínotimie Melquisedécina mámediredimie Juzíñamui Cugáuai

daina izói, tíñeno caade izóidimie. Ie jira Melquisedec jamánomo báimoidimie. Leví imaci nai Melquisedec jofófeneidino. ⁹Iemo jáífue Levido daífrede. Leví Abraham erófene igima. Mei íadi afe Juzíñamui íena eneno mameca raana llínofiredimie jaiai uicódo Melquisedécimo ie uzuma Abrahamdo Juzíñamuimo dúide raana ibade. Daí Leví comini, jaiai uicódo Juzíñamuimo dúide raana Melquisedécimo ibádiaioi. ¹⁰Mei Leví nai jocóñena llezica ie comúllino nai Abrahamo íteza. Ua Melquisedec ja Abrahamo dúcinaruimo, Leví jocóllino nai jaca ie nanoide uzúmamo ite. ¹¹Israel náiraimona eneno nizecazie Leví comini. Aféziemona nizeca nanoide Juzíñamuimo úriraima Aarón. Afémie naa ie erófene igímairi comínido Juzíñamuimo úriraini. Ie jira afe úrirainido Israel nairai Juzíñamui ocuilla uáillaina llogáiaioi. Mei íadi nana afe Juzíñamuimo úriraini finócafuiai comini ua zíñona jílloillena figo jínoinede. Comini comécina Juzíñamui jítaina izói nahí jácina jóoitañede. Aarón naa ie erófene igímairi finócafuiai figo jínóñena jira, jáie afémie izóíñede baimo jamánomoidimiena jítáidicai, afémaci méifomo jóonellena. Ua Melquisedec zíñona illa izóidimiena jítáidicai. (Ie jira afe Aarón comini meifo méidoitimiena Juzíñamui jae jino náiraimo cíotate. Afémie mámece Jesucristo. Ua Aarón comini méifomo jóonegamie Melquisedec izóidimie Jesús; afémie Aarón dibéfomo jaináñede.) ¹²Jae afe jaiai uicódo ite Juzíñamuimo úriraini nana dáanomo jíaiena íaioi méidua llezica, afe Moisés íaioimo ocuica uailai daje izói jáífodo méidorede. ¹³Juzíñamui Cugáuai daí dainámie cai Ocuíraima Jesucristo. Afe como jóonega Juzíñamuimo caido

úriraíma Jesús, Leví nairai ímieñede. Jíáziemona comúdimie. Ie nairai ímíiaina jaca nizéñega, Juzíñamuimo comínido úrillena. Ua comini fia fecaca tóica rílleniai naa ráaniai diga Juzíñamuimo izájillena, nízeñegaiaioi. ¹⁴Ñue onóigaza cai Ocuíraíma Jesús Judá náiraímona comúdimie. Moisés afe náiraímo Juzíñamuimo úrirainina íllena, jaca lloñede.

¹⁵Afe jíáie como jóonega comínido Juzíñamuimo úriraíma Jesús, jino cióíl-lamona, bífuiaina jino uáfodo baimo onódicaí; mei dama afémie Melquisedec izóinaza. ¹⁶Bímie dama ie ñue zíñona ífírenamona comínido Juzíñamuimo úriraimana jaide. Mei jíáífodo Leví náiraímona jaiái nizeca Juzíñamuimo úriraini ocuica uai dáinado úrirainina jáidiaioi. Afe uai ñíie náiraímona nizéllena lloste. ¹⁷Mei íadi como jóonegamie Jesuna Juzíñamui ñue rírede nabáitaja uaido daide:

“Melquisedec izói jaca ninomo Juzíñamuimo comínido zíñona úriraimana ja birui itfoza,” daide.

¹⁸Iemona afe úcodo ite ocuica uai jae oni caitaca, mei afe uai ríinideza. Iemo jíái, aféuai comini comeci nahí duáfueña figo jínotanideza. ¹⁹Afe Moisés ocuica uai buna comécina nahí jaícina finóñede. Mei jíáífodo jíáie aféuai baimo, ñuera cai jíllotaite úíñoigamie Jesucristo jae caimo cíotaga. Afémiedo Juzíñamuimo ánozifiredicaí, uáfodo Juzíñamuimo cai úrillena.

²⁰Afe Jesucristo Juzíñamui riire nabáirede uaido jóonega. ²¹Ie úcodo Juzíñamuimo úrirainina jáidino, rírede uaido jóoneñegaiaioi. Mei íadi Jesús comínido Juzíñamuimo úriraimana jáillaraimo, Juzíñamui riire nabaica uaido ja daíí mameca. Mei Juzíñamui ie Cuegáuaimo Jesudo úrite, daide:

“Cue Juzíñamuidicue. Bífue riire cue nabaica uaido daidicue. Cue comeci faca uai jaca jíáiuaina méidoñeiticue.

O zíñona comínido Juzíñamuimo úriraimana itio;

Ua Melquisedec izóidimiedio,” daide.

²²Ie jira Jesucristo, Juzíñamui jamánomo ñuera caimo comue finóllífue caina ñue onótate. Ua Jesucristo aféfuemo iere uafue daide. Afe finóllífue Moisés lloga nanoide finóllífue baimo ñuera. ²³Jesucristo úcoidirullaimo ite Leví náiraímona nizeca Juzíñamuimo úriraini ua aillo ite; mei íaioi tícoizifírenamona jaca jíáimiena méidofíregaaioi. ²⁴Mei íadi Jesús cai díbéfodo Juzíñamuimo úrillana, jaca jíáimiena méidonide; mei afémie jaca ninomo zíñona itímieza. ²⁵Iemona Jesús nana íedo Juzíñamuimo úrizaíbitinona, jaca ninomo jaícina ñue jíllotarede, mei afe Jesús, íaioiri Juzíñamuimo zíñona úriraimana íllaza.

²⁶Ua, afémie izoide Juzíñamuimo comínido úritillaimana jaiái ninómona jítaídicaí. Ñue cai jíllóillífue afémie caimo ñue zúítaitimie, mei afémie nahí ñuera nífuenidimieza. Afe llezica afémie nana fíenidimaci íaífue mona oni eneno rairuícamié. Ie mei afémie mona ero úcuai illa caifomo, Juzíñamui nahí illánomo uigámie. ²⁷Jaiái úcomo ite Juzíñamuimo úritillaini nágaruillaido tóica rílleniaina fatá Juzíñamuimo izájífirediaioi. Nano fueñe dani íaioimo ite íaífue ícoinia áfeniaina izájidiaioi. Afe mei comínimo ite íaífue ícoinia áfeniaina izájífirediaioi. Mei íadi Jesús afe izói fínuana jítaíñede. Afémie dácaíño nana comini íaífue ícoinia dama ie abí Juzíñamuimo fecade. Ua cruzmo ie duere zefuida tñillado abí fecade. ²⁸Afe Cristo uíécodo lloga ocuíllafuedo llotino, jíáie jamai figo nahí jaícina finóñañede comínimona

Juzíñamuimo úritillainina mamédiaioi. Mei jíáfodo, afémaci méifomo jóonega úritillaíma Jesucristo, Juzíñamui ñue riire nabaica uaido jóonega. Afémie jaca ninomo nahí jaícinaítaga Juzíñamui Jitó.

Juzíñamui caimo cómuena finóllifue, Jesús caimo jino denódimie

8 Nana cai daináfuiaimona llógana bie ñue nahífueña ómoimo llóiticue: Como lloga caimo ñue jóobide caido Juzíñamuimo úriraima birui ja caimo ite. Afémie caifo monamo ite Juzíñamui nabézimo ráinazaide. ²Dinomo Juzíñamui nahí illánomo Jesús illamona, jamánomo ñuera Juzíñamui uíecomo Jesús caido úricabite, cai jíllloillifue ñue caimo zúillena. Afe Juzíñamuimo cai nahí ánozirano comini fñoñega. Jaiai bñiemo ite Juzíñamuimo ánoziraco comini niga. ³Naga Juzíñamuimo úritillaíma, fia iga ráaniai, tóica rílleniai díga Juzíñamuimo fecáfíreitimiena mameca. Ie jira cai díbéfodo Juzíñamuimo úriraima Jesús, daje izói dama ie fécajille raa jítaírede. ⁴Bñiemo afémie nibai abido ie bia, afémie caido Juzíñamuimo due jiza úriraimañeite, mei Moisés ocuícuaí daina izói Juzíñamuimo caido úriraini bñiemo nai íteza. Daje izói bimaci nai benó Juzíñamuimo fia fecaca raana íemo izájífírediaioiza. (Ie jira caido ziiño úriraima Jesús, caifo monamo Juzíñamuimo cai ie canólledo úricabite.) ⁵Bñiemo ite Juzíñamuimo úriraini aillo ráfuiaido nícidotiaioi. Nana íaioi nícidogafuiái jánana mameide. Íaioi finócafuiái caifo monamo ite Juzíñamui nahífuiaina caina fidítate. Daje izói bñiemo ite jaiai Juzíñamuimo ánoziraco, Juzíñamui nahífueña cai fidítaraco. Afena onódicaiza, mei Moisés afeco

nitátaacanaruimo, Juzíñamui íena daide:

“Caifónedumo o illa llezica omo cue ácataga afécona o ciona izói, afe izói jaícina mai o niiri,” daide.

⁶Mei íadi bñiemo ite Juzíñamuimo úriraini nícidogafue iere afe baimo, cai caifo monamo ite úritillaíma Jesús caido jamánomo ñuefueña nícidote. Mei jíi, afe Jesucristo caimo zuitaca Juzíñamui ñuera cairi comue finóllifue, jaiai Moisés lloga finóllifue baimo ñuera. Mei Moisés ocuica uai baimo, Juzíñamui úfocodo lloga cómfue jamánomo ñuera uáimona comuídeza. ⁷Afe Moisés lloga nanoide finóllifue, comini jíllloillena ñue jínoiadi, jíáie uire iite ñue finolle uai jítaiñeítiaioi. Mei íadi afe naonide uai íaioi jíllloillena figo jíñoñede. ⁸Afe nano ocuica uai jeire otino nahí jaícinaidífueño figo dúciñediaioi. Dúciñediaioimona, Juzíñamui ie Cuegáuaimo íaioina daide:

“Uire jíáiruido nana Israel náiraimo comue ñue cue finóllifue ócuticue, naa Judá náirairi.

⁹Jaiai íaioi uzútiaimo cue daina ocuica uai izói, ócuíneíticue.

Jaiai aféruillaído Egipto éniemona afémaci billa llezica íaioina ifódicue:

Ua afémacina izire úcaidicue.

Mei íadi cue lloga ocuica uaina nano íanori fáicanocaillano, áfena figo náfueñediaioi.

Afe jira íaioina zóofeticue,” Juzíñamui daide.

¹⁰Nai nane íaioina lluno Juzíñamui daide:

“Uíreitiruillaído Israel imácimo bie izói cue ñue comue finóllifue ócuticue.

Aféruillaído cue ocuica uáillaina íaioi ifócimo jaícina déitaiticue.

Ua aféuaina íaioi comécido jeire íaioina otátaiticue.

Iemona afémacina dama cúeiena nane meine abido máínoíticue.

Afe llezica íaioi nahí Juziñamuina íitícué.

Iemo cue náiraina íitíaioi.

¹¹ Aféruillaído nana afémaci uáfodo ñue cuena ónodiaioiza, cuena íaioi onóillena abi diné jíáima llónide.

Iemona ie abi ímíiáimo buna Juziñamuina onótanide. Daje izói dámie ie ámamo Juziñamuina onóillena llóneite; mei nana cuena ónodiaioiza.

Naga jamáimie, íemo jíái naga jamánomoide riíredillaíma, nana daje izói cuena ónoítiaioi.

¹² Nana íaioímo cue dúecaillamona íaioi fieni finócafuiái ibana óñeíticué.

Nana íaioi comeci íaífuiáina jaca ninomo féítaiticué.

Aféfuiáina úibiñoñeíticué,” dinó Juziñamui daide.

¹³ Bie méifodo lloga Juziñamui finóllifue, cómofuena méiduamona, afe uí-codo Moisés lloga finóllifue jae jaiáiza feide. Afena Juziñamui daí uáfodo lloste. Iemo naga jaiái raa zabízaiillamona raire oni dotánocaiga; oni dotánocailleza cíóñelle.

Bíniemo ite Juziñamuímo áinozirano, jana izói jíáie monamo ite Juziñamuímo áinozirano cai fidítate

9 Afe nauí nano lloga finóllifue llua llezica, Juziñamui íemo áinoziraco nitátate. Afe nitátaja dáaruido, comini Juziñamuina íóbitalle uailái afémacimo daje izói lloga. ² Afe lloga Juziñamuímo áinoziraco Moisés nitátaga. Afeco ere ñíñeno jédaciede iníroina íbáicaco. Afe áreco ero ménaco titaca. Jinóidico Juziñamui Ñúeco daina. Afeco eromo áillue mechera izoide egáñora ite. Siete díga dájemona boode raa ite. Dáanomó Juziñamui dibénemo oni enénorie rairuica pan jóonerabani ite, naa afe páaniaíri. ³ Afe áinoziraco jofóidico Jamánomo Ñuera Rairuícaco

daina. Afe jofóidico daje izói jédaciede iníroina ruica diné eróicana nacona íbaica. Jédaciede jígaroi izóidena fetaca. ⁴ Afe fetaca jédaciroi abímo uguci jobáirabani ite. Bibani lláaide órona jinófene aífítaga. Bie jofóidico eromo daa áillue ráaniai éenora ite. Cajona eroide. Afe éenoraco nana jinófene órona aífítaga. Afe éenoraco eromo Juziñamui nofici íbícímo cuega ocuica uailái ite. Ie jira afeco nofbícímo cuega Juziñamui cai ocuilla éenuacona mameina. Iemo afénomo daa oro finoina nogo ite. Afégomo ite Juziñamui monámona cocítaga güille. Afe güille mámece maná. Daa afe éenoracomo Aarón jigüida izoide radozi ite. Afe idozi jamái jazici radozi óinaza dúididozi. (Zícorede juzítófe izóiñede.) Mei íadi Juziñamui afe idózina éniemo riñeno, fia táinomona zicótano raire ñue llizítate. ⁵ Afe éenoraco íbáirabici emódomo mena oro finoina Juziñamui abi imácina eroide jana naidáide. Mei íadi afe íaillinoi íáicorede. (Afe íaillinoi mámece ráimona “Querubines.”) Afe íaillinoi conima uíécomo eróidiaillinoi. íaillinoi naidaina cígímo Juziñamui cíocáifrede. Afe Juziñamuina cíóñenaza; dama ie abi egáñuana cíófirena. Afénomo faga tóinai díena recuífrediaioi. Daí recuífrediaioi, Juziñamui meine abido comínimo dúecaillano, íaioímo ite fiénidifue iba íaioímo óñeillena, ua afe ícoínia íaioina duere fínoñeillena. Nana afe dibénemo ite duera nícidogafuiáina ja birui benomo llónide.

⁶ Afe ocuica áinoziraco nilla mei, íemo naa ie jofó ero ráaniaíri fñua mei, comínido Juziñamuímo úiríraíni jinóidícomo jáíífrediaioi. Afénomo íaioímo ocuica comínido Juziñamui íóbitalle ráaniai finóífrediaioi. ⁷ Mei íadi afe jofóidícomo, dama Juziñamuímo úritíllaíma jáíífirena. Aféllaíma naga

fimónaiaido dácaiño afeco jofo eromo jáirede. Faga tóiniaí díena jaca jofo úifirede. Dama íemo ite onóñeno finoca fiénidífue ícoinia daí díena Juzíñamuimo izájide. Ie mei nane nana comini íaifue ícoinia jíaie díena Juzíñamuimo izájide. ⁸Bífuiaido Juzíñamui Ñuera Joreño daa jíaífuea cai fidítaiacade. Afefue daide: “Baie jinóidico nai illa llezica, jofóidico como jiba comini jaille nai rairuiredede. Ua aféruillaido jofo dama Juzíñamui illánomo jáinidiaioi. ⁹Nana bie Moisés illágimado nícidogafuiai birui cai onóillena canode. Ua comínimo ácatafirega raa izoide, aféruído Juzíñamuimo ánozillena nigaco, naa afe eromo íaioi nícidogafuiai, ñue jáicina caina onótate. Biruíllaido judíuiai aillo faga tóiniaí jíaie fia fecaca raa díga, Juzíñamuimo nai izájifrediaioi. Mei íadi afe bíedo íaioi comeci Juzíñamuimo ñue jáicina jóitanide, mei íaioi comécimo ite fiénidífueaí nai féitañegaza, fia ibaica izói íteza. ¹⁰Nana afe íaioi nícidogafuiai fia jinófene ífuiai. Ñie izói ítiaioi daide. Dárie íaioi güille, jirole díga fimairillafuedo úrite. Afe izói fia emódoide múiñuafuedo úrite. Nana bífuiai fia nano nié díno comínimo ocuica, mei Juzíñamui jíaífuea méidolliruimo nai dúcinedeza. Ie jira aféfuiai daa aféruillai íena ráifide.

¹¹Mei íadi caido Juzíñamuimo úrifreitillaimo Jesucristo, jae caimo dúcide. Afémiedo ñuera cáimafuiai caimo zúide, mei ua nahí Juzíñamuimo ánoziracomo afémie jáináideza. Afe jaii bíniemo ite comini niga Juzíñamuimo ánoziraco jaboide. Afécomona cai íóbillafue baimo, Jesucristo jamánomo ñuera jíllonafue, caifo monámona ana caimo zúitaíbite. Afémie afe nahí Juzíñamuimo ánoziracomo dúide; afeco bínie comini

nínega. Dama ie nahico monamo ite. ¹²Nana comini íena, dácaiño afeco eromo ite jofóidico como afémie jaide. Ie jailla llezica chivo die, juráreto jiza die díga uíñede; mei jíaífodo dama ie die uite. Mei jíi, afémie íaifuenidimiena íllamona, cruzmo cai ífomo tíllano, ie die tótado zíñona cai jíllonafue ote. ¹³Jaii Moisés daina izói, íaicaillamie íemo ite íaifue bie izói muiñórede. Múíñoñegamie Juzíñamuimo dúide comini cígido macánide. Daje izói afémie Juzíñamuimo nabáirinide. Ie jira faga tóiniaí die atírede. Iemo jíaie Juzíñamuimo mameca juráreto jiza jobailla afe jízechoma atírede. Ie mei afe íaicaillamiemo aféchoma júdairede. Iemona afémie íaicaíñegamiena jaide. Mei jínofena muiñócaza. Ja Juzíñamui comínimo meine abido caimare úriredede. ¹⁴Mei jíi, Juzíñamui dánamona afe tóiniaí die ríirede, come jinóidífue muiñóllena. Afefue daítania, ua onódicaiza. Mei Jesucristo die jamánomo ríirede. Ua dama afémie ñue nífuenidimienado Juzíñamuimo ie abi dama izáíbite. Afe ziiño Ñuera Joreño ie cánuado Jesucristo dama ie abi Juzíñamuimo izájide. Iemona ie die tótamona nana cai comécimo ite íaifuiaina muiñótate. Ua nana cai jáiáimona nícidogafuiai caina zíñona cáatañede. Mei íadi Jesucristo díedo cai comeci múiñua mei, ua zíñona cáatagacai, afe jaca nahí caade Juzíñamui ocuicano ráiruñeno cai jetállena.

¹⁵Ie jira Jesucristo jae Juzíñamui comue finóllífue caimo jino zúitaitimie. Afémiedo nana Juzíñamui nízcáno uafue uícomo lloga zíñona cáimaduafuena maíñóritiaioi. Juzíñamui daí nana comini jíllóillífue uícomo mamede, mei dama Cristo tíllado comini fiénidífueaí Juzíñamui dote. Ua jaii uícomo lloga nanoide

finóllifue illa llezica, nana aféruimo afémaci fieni finócafuiai ja birui Cristo tñilla jírari, Juzíñamui dote; duano, nana íemo ínotinona jíllotate. Daií Juzíñamuimo zñiñona caimare nabáirillafue maiñódiaioi. ¹⁶⁻¹⁷ Afe maiñórrillafue, come tñilla méifome ítifue izoide. Dámie tñiadi ie fiévide feci raa jíaimie oni llíinoga. Afémie nai tñiñenia, feci raa oni llíinoitimie mínica raana nai llíinonide. Ie jira oni llíinoitimie íemo dúide raa maiñóllena, afe raa naama tñilla jítaírede. Daje izói Juzíñamuimo caimare nabáirillafue cai maiñóllena, Cristo tñilla jítaírede. ¹⁸ Afe jira jaii uícodo lloga Juzíñamui ñue finóllifue tániaruimo díena recuíñorediaioi. ¹⁹ Moisés nana afe ocuica uaillai nana comínimo jino llua mei, afe uaillai cuiábicimo faga tóiníai díena cuirínote. Daje izói afe mei nana comínimo cuirínote. Ua llua mei, Moisés duera “hisopo” daina raroci llíinote. Llínuano, afécimo jíairede oveja itíraina maíte. Iemo jáinoina jaicuica díedo afe rarócina riáitate. Rííaitano, ocuilla uai cuiábici naa comíniri díena cuirínote. ²⁰ Cuirínua llezica Moisés daide: “Juzíñamui ómoiena ocuica ie finóllifue bie die uafue daítate,” daide. ²¹ Daje izói aféruillaido Moisés íaioi iniroi finoina Juzíñamuimo ánoziracomo díena cuirínote. Daje izói nana afeco eromo ite Juzíñamui íóbifirena raamo díena cuirínote. ²² Ua, Moisés ocuica uai daina izói jamánomo díga raa, díedo Juzíñamui dibénemo dua izói ñue finoca. Iemona die tótañegana comini comeci íaifuiiai iba jaca órede.

**Cristo dama ie abi
Juzíñamuimo izájille comini
fiénidifuiaina muiñode**

²³ Afe comini niga Juzíñamuimo ánoziraco Juzíñamui ocuide, naa afeco

eromo ite ráaniairi. Iemona nana afeco eromo ite ráaniairi Juzíñamui dibénemo ite nahífuiaina jánana cai ciona izói caina onótate. Nana bñiemo ite afeco ero ráaniai Juzíñamui illánomo nahí itáfuiai jana. Ie jira bñiemo ite ráaniai dibénemo figura Juzíñamui daiíllena, bie die recuille jítaírede. Mei íadi Juzíñamui nahí illánomo jáifireitino dibénemo, bie die baimo ñuera Juzíñamuimo fia izájifireille raa jítaírede, afémacina Juzíñamui iere figura daiíllena. Ua tóiníai die baimo Jesucristo jamánomo ñuera die jítaírede. ²⁴ Iemona Cristo tñilla llezica, afe Cristo bñiemo ite comini niga Juzíñamuimo ánoziracomo eromo jofo jáíñede. Afe bico fia nahico jana. Mei jíáfodo Cristo, Juzíñamui nahí illánomo caido úrillena jae cíocaizaide. ²⁵ Afénomo Cristo dama ie abina, díga icaiño meine nane izájíñede. Mei íadi bñiemo ite Juzíñamuimo comínido úritillaíma, naga fimónado faga tóiníai die uillano, afe Juzíñamuimo jáiraco jofoide iere ñuera rairuíredicomo jaide. ²⁶ Afémaci jáifirena izói Cristo jáifiredena figóñede. Mei nibai afémie daií díga icaiño jáíadi, íemo énie fñuaruimona afémie afe izói díga icaiño meine abido tírede; mei íadi afe izóiñedeza. Afémie cai illáruillaido jaii lloga Juzíñamui finóllifue fuilla llezica, dácaíño fia cómena íficaillano caimo cíocaizaibite. Ua afémie bñiemo cai jíánona ie tñizaíbillado, nana caimo ite fiénidifuiiai niné féíllena oni dote. ²⁷ Ja onógaza, naga come bñiemo dácaíño tñide. Tñilla mei, íaioi illafue Juzíñamui jáícina jícanoite. Aféfuena daje izói ñue onódicai. ²⁸ Daje izói Jesucristo, comini fiénidifuiiai oni dóllena dácaíño tñizaíbite. Ie mei uire jíáiruideo afémie fiénidifuiaina duáibiñeite; mei jaii ie dógaza. Mei íadi afémie uafue meine dáanomo cíocaizaibite, nana íena

izire úiñoidinona jíllotano monamo ie illánomo úillena.

10 Mei jaijai Moisés ocuica uai naa ie lloga níciduairi, ico nirui bite caimare illífuiai jana. Afe ie lloga jáiaifue nahífueñede. Moisés bie ico zúitífue cai onóillena jana úicodo lloste. Iemona naga fimónaiaido faga tóiniaina íaiói úífrena, íaiói comécina figo jaícina jóitañede. Mei uáfueña, afe faga tóiniaí íaiói úífrena Juzíñamuimo ánozidino nahí íaifuenidinona jáitañedeza. ²Mei daíí uafue íaifuenidinona íaiói jáiadi, nibai afe tóiniaina izájífirenana fáicanocaidiaíoi; mei jiáífodo fáicanocaiñediaíoi, nai comécina jaícina jóoneñegaiáioiza. Daje izói áfede Juzíñamuimo ánozidino comécina íaifueña nahí nífuenidinona jáiadi, nibai jae íaiói fiénidífue izire íaíoimo iñede. Mei íadi íaiói fiénidífue jaca izire íaíoimo ite. Iemona onódicai, tóiniaí fecáfirena íaifueña figo doñede. ³Mei íadi afe fatá Juzíñamuimo izájitaga tóiniaina ciónamona, comini íaiói fiénidífue naga fimónaiaido úibicaitagaiaíoi. ⁴Mei jii, juráretuai, chívuai die diga, jaca come fiénidífuiai dónide. Mei áfemo ua dolle ríino iñedeza. ⁵Ie jira Jesucristo bíniemo bíacana llezica ie Moo Juzíñamuina daide:

Omo fia fecaca faga tóiniaina gáñedioza, comínina iere figura o daíllena.

Mei jiáífodo énie cómena ja cuena jécitaitio.

Afemona cue tílledo íaíoina óiena nífuenidinona jáitaiticue.

⁶Ua comini íaífue ícoinia jobaica tóiniaí ja birui ona ióbitañede.

⁷Ie jira cuegánico cuedo úrilla izói birui ona daidicue:

“Moo Juzíñamui benó bíniemo o comeci jitáillafue fínuai biticue,” daide.

⁸Nano fueñe afémie daide, nana afe Juzíñamuimo fia fecaca tóiniaí, íaífue ícoinia jobaica tóiniaí diga Juzíñamui

comécina zuitañede. Ua íena ióbitañede, nana afe nícidogafue jaijai ocuilla uai daina íadi. ⁹Afe emódomo Jesús daide: “Moo Juzíñamui, ja o comeci jitáillafue birui benomo fínuai biticue.” Daíí Juzíñamui nana afe jaijai ocuica nícidogafuina zóofete. Zóofiano, afe méifomo Cristo dama ie abi cruzmo izájillafue Juzíñamui jeire ote, ñue comínimo caimare érocaillena. ¹⁰Daíí Jesucristo, ie Moo Juzíñamui comeci jítinafue izói finode. Daíí ie fínuamona jae dama Juzíñamui nabaina ñue finócamacina jáidicai. Mei jii, Jesucristo dácaíño jaícina nana cai fiénidífue oni eneno féitate. Mei ninomo féineitena cruzmo dama ie abi Juzíñamuimo izájideza.

¹¹Naga judío Juzíñamuimo comínido úriraíma nágaruillaido naidáillano daje izói faga tóiniaina Juzíñamuimo izájífirede; mei íadi afe rílledo comini íaífue dónide. ¹²Mei jiáífodo Jesucristo dácaíño comini fiénidífue ícoinia duere zefuida, tízaíbite, afe izói dáonomo íneillena. Ie tílla mei meine abido cáaillano caífo monamo Juzíñamui nabézimo ráinazaide, nana comini íaífue múiñuana fuilla jira. ¹³Dinomo, nana ie fairíconi ie anamo íaiói itábicaillena afémie úiñoide.

¹⁴Mei jii, Jesucristo, dácaíño ie Moo Juzíñamuimo ie abina izájide. Afe izájillafuedo, nii cruzmo ie tíllamona, nana caina ie nabaina ñue finode. Jae nana cai comeci íaifueña ñue múiñuano jaca ninomo caimo caimare érocaide.

¹⁵Aféfue mo Juzíñamui Ñuera Joreño uaina nabáide, iere uafue cai daíllena. Ñuera Joreño Cuegáuaimo daide:

¹⁶Juzíñamui daide: “Uire jiáíruillaido cue comínimo bie izói jiáíe como cue finóllífue llóiticue, naa jiáíe cuemo fínotinori.

Aféruillaido cue ocuica uáillaina íaiói comécimo jaícina onótaiticue.

Ua afe uaillai íaioi ífócimo ñue jino denótaiticue,” daide.

¹⁷ Ie mei nane emódomo daide:

“Nana íaioi fieni finócafuiai ibana otátañeiticue.

Daí oñena llezica, íaioi comécimo ite íaifuiaina jaca niné féitaredicue.”

Dinori Juzíñamuimo daide. ¹⁸ Nana comini fiénidifuiái daí dua mei, jíái íaifue í-coinia dóllena fatá fecaca tóniaí jae jítaíñega.

Juzíñamuimo cai áinozillena jítaírede

¹⁹ Iemona, ámatiai, cácarei. Jae Juzíñamuimo cai jáillio uáfodo túide. Ua ie nahí illánamo, afe iere ñuera rairuícacomo caimare jacíruiñeno íemo úrizairedicai; mei Jesús cairi tízaíbillano caina Juzíñamuina éoitadifue oni muiñócaza. ²⁰ Afémie tuiñoca io ñuera rairuiredico jédaciede íbáiraroido joide. Jira Juzíñamui illánomo cómena cáataite comue io Jesús tuñuano, afe iodo afémie caina ífode. Afe io tuiñóllena dama ie abi izi cácatate, íemo cruzmo duere zefuírede.

²¹ Iemona Jesús nana Juzíñamuimo ínotínodo Juzíñamuimo Uritíllaimana jae jaide. ²² Afémie ja cairi úrioinamona, mai Juzíñamuimo jacíruiñeno omoi ánoziri, mei íemo ñue cai ínuamona jae meáiruiñedinona mamécacaíza. Ie jira jífuenide comécido, mai omoi ánoziri. Áinozillano, mai íemo caimare cai úrilli. Ua táinona lloñeno mai íemo comeci cai facalli. Mei nana cai íáirede comeci ícoinia afémie jae jáicina oni féitagaza; ua come abi ñue jáinoido jocoina izói comécina muiñócaí.

²³ Afe uáfodo jino comínimo cai lloga Juzíñamuimo caimare cai úrillafuena, mai fáicanocaiñeno áfemo izire cai ínofíreilli, mei afefue caimo llotímie Jesús jaca ínofíregamieza. ²⁴ Daje llezica illa dígamierie, mai

conímamo ñue cai coméciilli, conímama cai izíruillino cai jenóllena. Daje izói jíáimana ñuefuiaina rairuñeno jíeruillinona jenóredicai. ²⁵ Daje izói omoi Juzíñamuimo gairífirenafuena mai féitañeno iri. Dáarie aféfuena féitafirediaioi. Daí illa fiénide. Mei jíáfodo, Jesucristo meine billirui raire dúciacanana omoi onónamona, mai conímama ñue úrillauaido comécina caimare cai náireitalli, nana cai ínogafue féiñellena.

²⁶ Juzíñamui llogafue daide: Jaca dama Jesús tíllamo cai ínuamona jílloredicai. Aféfuena cai ie onótaja mei, mei íadi afe uaina nai cai ruífruioidi jae abi dine jíáie cai íaifue múiñoitena íñede. ²⁷ Daí ruífruioidimacimo jamánomo izire jácifue zúite, mei Juzíñamui duere íaioi finóllífueo jae ánozideza. Afémie iere íaioimo rícaillano iere boode jíáfodo joide iraimo íaioina duere zefuítaite. Ua nana Juzíñamuina bacáuairedinona irai amena cuarita izóidemo, Juzíñamui íaioina dinomo zíñona duere zefuítaite.

²⁸ Moisés ocuica uaina ruífruitimiena raire titádiaioi. Ua, mena nibai daámami uai nabáiraini daina uáimona, íemo dúecaiñeno íena titádiaioi. ²⁹ Mei Moisés ocuica uaina ruífruitimiena daí duere finóbiteza, Juzíñamui Jitona ruífruitimieo jamánomo izire duere finóllífue, afémiemo zúiteza. Afémie Jesús díena jámairuitimie. Afe tíllamo totaca díedo, afémie nauí dácaíño Juzíñamuimo oni eneno nizécamienna jaide. Mei íadi Jesuna ruífruitimie caimo dúecaífirede Ñuera Joréñona íaire daíífiredimiena jaide. Daí ítímiena iere Juzíñamui duere finórede.

³⁰ Ja birui daí ítmie fiénidifue iba ófiredimiena onódicai, níimie cai Moo Juzíñamuina. Afémie daide: “Afe iba ófiredimiedicue. Ua nana íaifuiái ibana duere finótaíredimediecué,” dáideza.

Jiáinomo Juzíñamui Cuegáuai daide: “Juzíñamui ie comini comeci ífuenta jaícina jicánoite. Jicánvano íaioimo dúide duere finóllifue ócuite,” daide. ³¹ Daí ie úrillana cai onónamona, caade Juzíñamuimo duere finóllena izájina jamánomo jacírede.

³² Mei íadi nauí fanori omoi illáfue mo uibíoiri. Aféruimo ñúefuena omoi onona mei, aillo duere zefuúdiomoi, mei íadi aféruimo omoi ínogafue fácanocaiñeno ñue ocuúdiomoi. ³³ Dáruillaído uáfori comini eróicana báinuano duere finócaomoi. Jiáruillaído daí finócamacimo omoi nabáillamona duere zefuútagaomoi. ³⁴ Afe llezica llaveca ámatiaimo dúecaifirediomoi. Afe baímo, ómoimo ite ráaniaina jiáimaci báruana caimare rairuúñediomoi, mei onódiomoiza, bíniemo ite raa baímo, jamánomo ñuera jaca bairónide raa ómoiena monamo íteza. ³⁵ Ie jira nauí izire omoi ínoga uaina mai birui omoi féitañeno iri. Aféuaina ñue omoi ínofireiri, mei ícoimo iere ñuera jirídoga ízoide raa máíñoitiomoiza. ³⁶ Juzíñamui jítainafuena omoi jíruilla llezica raire comeci járidoñeno írediomoi. Ua, omoi ínoga ñúefue, omoi are jaícina llocana uille mei, Juzíñamui uícodo lloga caimare jíllonafuena máíñoitiomoiza. ³⁷ Mei jii Juzíñamui Cuegáuaimo daide:

“Ja íanori íllamona, uícodo lloga bíitímie Jesucristo, jizíñeno raire dúcizaíbite.

³⁸ Afémie nai biñena llezica, nífuenidena cue mamécámie, cuemo ie ínuado nágaruillaído caimare ie illano, cuena íóbítaite.

Mei íadi afémie afe ie ínoga uaina meine abído féitaiadi, afémieri íobiñeíticue,” dinó Juzíñamui daide.

³⁹ Mei íadi meine abído féitatino dibénemo jaináíñedicai. Afémaci daí íaioí íñoñenamona jílloneítiaioi.

Mei jíáfodo cai bie Jesucrístomo ínotinodicai, daí dani cai jíllotagacai.

Juzíñamuimo cai ínuafue

11 Mei ¿minica ínuafuena? Ínuafue Juzíñamui daina uaina jeire cai uafue. Ínuamona cai úiñoga cámafue jeire cai ollónona onódicai. Daje izói Juzíñamuimo ínuamona, ie lloga cáiena mameca ñuera raa cióñena íadi, afefue ua íllana comécido ua onódicai. ² Ua, ínuafuedo judíuai jaiáidigimamona Juzíñamuimo jaináidimíai, Juzíñamui comeci jítaillamacina jáidiaioi.

³ Juzíñamuimo cai ínuamona, Juzíñamui ie úrilla uaido bínie ínuana onódicai. Daí ie ínuado nana bie cai ciona énie, táinomona Juzíñamui comúitate. Ua, minícana íñédeza cióñena ráamona naga ráaniai comúibicaide.

⁴ Juzíñamuimo ínuano Abel, Caín fecaca baímo, ñuera Juzíñamui íóbitalle raa fécaíbite. Iemona Abel Juzíñamui dibénemo jaícina itímiena jaide. Juzíñamui jíruigamienna jaide. Mei Juzíñamui Abel fécaíbiga raa llínuamona, Juzíñamui comeci Abelna jítainana onódicai. Daí Juzíñamui íena jíruíllafuedo Abel jaícinaidífue mo Juzíñamui uai nabaide. Afe Abel, jaiái uícodo Juzíñamuimo ie ínuado ñue illáfuedo jaide. Aféfuena cai fidiamona, afémie titácámie íadi, ie ínogafue, úrillauai izói caimo úrite. “Juzíñamuimo ñue cai ínolli,” caina daide.

⁵ Iemo Enoc Juzíñamuimo ie ínuado tíñeno caífo monamo uiga. Daí tíllana ie ónoñeíllena, cáanori monamo Juzíñamui uiga. Afe mei afémie bíniemo cióñenamie, mei afémie Juzíñamui úigaza. Afémie nai úiñega Juzíñamui íóbitadímie dainámie. ⁶ Mei jii, Juzíñamuimo cai íñoñenia jaca íena íóbitanidicai. Dáamie Juzíñamuimo ánoziacania, Juzíñamui nahí illánona

uícodo ie ñinolle jitáirede. Nane íemo nana izire íena onóiacadino, ñue íbana dama ie abi ífuena íaioina onótaite. Aféfuemo uícodo daje izói ñnorediaioi.

⁷Daje izói Noé, Juziñamui lloga raire biite nai cióñena duere ñinóllifuena fídiano Juziñamuimo ñue ínote. Ínuano áillue jofóredicae finode, áfedo nana dama ie comini daí jilloillena. Noé daí dama Juziñamuimo ínuado, nana jíáie ñinoñede comínimo duere ñinótatiuai jino íaioimo lloste. Afe izói Juziñamuimo ínuado Juziñamui comecei jitaina ní-fuenidimiena jaide.

⁸Afe mei jaiáidíruimo Juziñamui Abrahana jíirite, jíáie éniemo jaiánillena, áfeniena ico jíáiruido íeiena maiñóllena. Abraham Juziñamuimo ínuamona afe jíirilla uaina cacáillano, raire ie illániemona oni jíáinomo jáizaide, ie dúciillino nai ónoñega íadi. ⁹Abraham nai Juziñamuimo ínuamona, Juziñamui íemo fecáacaiga éniemo fia jicánemiena diga fimona fia ite. Ua, iniroi niina úicaifirega jofomo aféniemo are íoide. Daje izói Abraham comuítaga jító Isaac, dinómona Jacob diga afénomo daje izoide iniroi nillácuaimo are itífaillinoi naa ie comíniri. Juziñamui daje éniema fecalle uaina Abrahamo lua izói, afe íaillinoimo uícodo lloste. ¹⁰Ua Abraham afe jamai illácuaimo dama íeieñede éniemo caimare íoide. Afémie caimare ite, mei Juziñamui dibénemo ite caimare táinocaitanide illínomo dúciillena afémie úiñoideza. Afe caimare illico Juziñamui mamérrillano dama ie uaido niga.

¹¹Daje izói Abraham ai, Sara, Juziñamuimo ínuamona, jamánomo jónaite íadi, fueñe úruerena ríino ote. Iemona daa jító jocode, mei Juziñamui aféngona aféfuena uícodo daina uai, afengo iere ñue ínoteza. Afengo bie izói daide: Bímie ie daina uaina jíáífo méid-

ofinidímie. ¹²Iemona Abraham iere jónaite íadi, iere aillo erófene igímaiaina jebuítate. Ua jamánomo diga nairai jebuide; ñi ja lloga monamo ite facádonide úcuai izói itíaioi. Nane monáil-lai fuédamo ite facádonide guamai izói jebuídiaoí.

¹³Nana cai lloga comini Juziñamuimo nai íaioi ínoina llezica tídiaioi; nana Juziñamui uícodo lloga ñúefuiaina nai llíñoñediaioi, tílla. Mei íadi afe lloga ñúefuiai ico jíáiruimo zúillena jicana fidídiaioi. Fídiano caimare aféfuemo ínuano coméciidiaioi, mei bniemo ónoñega jicánemacina íaioi illa raire méaicaiñeno llotíaioiza. Uáfuenta bniemo jaiánicana jáidiaioi. ¹⁴Nana daí llotino, dani íaioi nahí illínomo íaioi jáiacanana llotíaioi. Ua jíáie éniemo jáillana íaioi úiñoínana caina fidítate. ¹⁵Daí íaioi dáinamona, mei nibai jaiái íaioi illániemo coméciidiaioi. Daí íaioi coméciadi diga icaiño meine abido afénomo jáirediaioi. Mei íadi abido afénomo jáíñediaioi. ¹⁶Mei jíáinomo coméciidiaioi. Jíáie jamánomo ñuera illánomo, monamo ite Juziñamuimo nabáirizaillínomo izire úiñoidiaioi. Daí Juziñamuimo íaioi ínuamona, Juziñamui iere íóbite. Bie jaiánicana jáidino Juziñamuina dáiaidi: “O cue Juziñamuidio,” daí íaioi dáinari Juziñamui méaicaiñede. Mei íaioi jofue izoide ñuera illino, dinomo Juziñamui diga zíñona nabáirizaillena, Juziñamui jae finócaza.

¹⁷⁻¹⁸Nauí Isaac jocoina llezica Juziñamui Abrahana daide:

“O úicoitigima bie jító Isáacimona aillo jébutiaioiza,” daide. Diga iruill-lai íllamona Juziñamui dáaruimo Abrahana ínuafue facátate. Iemo Juziñamui ocuilla izói, Abraham nai Juziñamuimo izire ínuano, ie jító oni uite, titada Juziñamuimo fecállena. ¹⁹Mei Abraham Juziñamuimo ñue ínuano comecei fa-

cade: “Juziñamui jamánomo ñue ríi-noredimie; tíide come meine cáataite ríino íemo ite. Cue jító tíidena Juziñamui meine íena cáatarede,” daíí Abraham comeci anado daide. Iemo, Abraham ie jítone fáiacana llezica Juziñamui afémiemo raíre úrillano, ie daade jítone jíllote. Abraham ie jítone fañede. Ie jira jíáífodo daíírede, tíillanomona Abraham ie jítone meine abido ote.

²⁰ Daje izói Juziñamuimo ínuamona Isaac ie jító íaillinoi Jacóbomo Esaú diga uire Juziñamui orelle caimátaillifue ua llote.

²¹ Daje izói Juziñamuimo ínuamona Jacob, ie tíizailiruimo José jító íaillinoimo úrite. Urillano ie enaize íaillinoimo uire Juziñamui orelle caimátaillifue jino llote. Afe llezica ie macara jííüida llínota ie abí mozínuano caimare Juziñamuimo úrite, ie íóbitallena. ²² Daje izói Juziñamuimo ínuamona José ie tíizailirui ánozillano, Israel comini Egipto éniemona uire oni dani íaíoi éniemo jáillifue llote. Afe llezica ie ícuruai aféniemo fiéñeno oni úillena, uícodo uai íaíoimo jóonete.

²³ Diga fimona jailla mei, Egipto ríillaima nana Israel como jéciga jítótiaina fazítate. Mei íadi Moisés jocoina mei, ie moo íaillinoi Juziñamuimo ínuamona, illáimana jacríuñeno Moíseno retáidotiaillinoi. Dauíamani íena retáidotiaillinoi, afeza iere ñúezana jira. ²⁴ Aféllaima jiza Moíseno náamataya mei, Moisés móonalla llezica Moisés aféngomo dúillana ruífruite; mei afémi Juziñamui díbenemo jaináideza. Ie jira Juziñamuimo ínuamona Moisés afe mámece oni faite. ²⁵ Mei jíáífodo Juziñamuimo jaináidino cígiri íllana, afémi jamánomo gaide, nana duere zefuídiaíoi íadi. Daje izói ie comínina fiéni ie zóofiamona raíre féite jabo íóbillafue díbenemo íllana afémi gáíñede. Moisés Juziñamuimo ínuano ñue coméciide.

²⁶ Bíedo afémi coméciide: “Nana Egipto énie ebírede ráaniai baimo, Juziñamui díbenemo ie dámié illa jamánomo ráífié, duere afémi zefuíde íadi.” Afémi daíí comeci facade. Ua Moisés, Cristo ícoína zefuíllano, féitañeno daíí comécióifrede; mei Juziñamuimo ínuamona baimo ñuera féinide raa izóidifue afe ie jírdollena afémi onódeza. ²⁷ Iemona Moisés Juziñamuimo ínuamona, afe Egipto illáimamo ite ríinona jacríuñeno Egiptomona botade. Ua jacríuñeno afe Moisés oni jaide, mei buna cíóñena Juziñamuimo fáicanocaiñeno ñue nágarui coméciifredeza. Daíí ie comécinamona, uído cíónamiemo ínuo izói, Moisés Juziñamuimo iere ínote.

²⁸ Daje izói Moisés Juziñamuimo ínuamona, Juziñamui lloga pascua rafue como fueñe finode. Ua Juziñamui llua izói, Moisés íaíoi jófóniai naze fuédamo oveja díena jíritate. Daíí ínuamona, Juziñamui oreca títaite abí ímie nana Israel nano fueñe jococa jítótiaimona buna títañede, aillo Egipto imaci jítótiai tícoizítiaíoi íadi. ²⁹ Daje izói Juziñamuimo ínuamona nana Israel aillo comini “Jíairede” daina monáillai ñue zaférede íodo ruícafememo jaitádiaíoi, mei afe monáillai jainoi Juziñamui oni gaitácaza, íaíoi ruica jáillio tuíñóllena. Mei íadi Egiptomona racáidino afémaci jailla izói jáídiaíoimo, meine ío jáínoina íbáibicaillari coróbaitiaíoi.

³⁰ Iemo Israel comini Jericó jofue anáfenoacadiaíoi. Afe jofue riire naidároga noífbanina círnoga. Iemo Juziñamuimo ínuamona ie daina izói, siete dígarui afe riire íbaica jofue jinófenedo ífoina macáoidiaíoi. Iemona ícoi iruimo afe caífo nitaca noíci finoina jofue jinófene círnubani, Juziñamui ana éniemo caitade. ³¹ Daje izói Juziñamuimo ínuamona nauí uícodo fiénidingo, Rahab fañega,

nana jiáie afe jófuemo ite ínoñedino fazícaicíoí íadí; mei Juzíñamui comínimona oreca éniena ñue onóillena méinoitínona afengo caimare cánuano jofu uáidoteza.

³² Nai jino lloñega aillo ite jiáie jai-iai Juzíñamuimo ínofiredino. Bibedo íaioí illáfuiaina cue llóllena cue abi juánideza, nana llónidicue. Fia íaioí mámečiai jino llóiticue, íaioimo omoi ñue coméicioillena. Afémaci Gedeón, Barac, Sansón, Jefté, David, Samuel; daje izóí Juzíñamui uai jino llóraini ite. ³³ Bimácimona dámierie Juzíñamuimo ínuamona jiáie náiraina anáfendiaioí. Jiáimaci Juzíñamuimo ínuano Juzíñamui jaícina jóidifuena comínimo ocuide. Dáarie Juzíñamuimo ínuamona ie uícodo llua izóí, Juzíñamui canócaiaioí. Dáarie Juzíñamuimo ínuamona riírede jánallarillai fuena ibaica izóí ínode, íena íaioí rñeillena. ³⁴ Jiáimaci uzírede iraimo dotácaiaioí ia, nai Juzíñamuimo íaioí ínuado afe iráimona uzíñeno jino bitíaioí. Dáarie Juzíñamuimo ínuamona fuiríllafuiaimona otábiñeno jino ñue jíllodiaioí. Iemo jóbairo illa llezica Juzíñamuimo ínuamona dáarie mairíñedimíiai ñue máirimíiaina jaide. Daií Juzíñamuimo ínuamona onina bite fuirírainina abido rainódiaioí. ³⁵ Daje izóí Juzíñamuimo ínuamona dáarie ringóniaimona íaioí úruiai tíde íadí, meine abido íaioimo cáataga.

Mei íadí jiáimaci nai Juzíñamuimo ínuua llezica, íbátarede tíde jíllotafuena lloñediaioí, mei aféfuedo Juzíñamuina jáanotaiticai, daidíaioí, íadí Juzíñamuina jáanotanidiaioí. Ie jira iere duere zefuítano titácaiaioí. Daiítadena lloñediaioí; mei afémaci meine abido caana mei, jamánomo ñuera zíñona illáfuea méaicaiñeno mainóacadiaioiza. ³⁶ Nai jiáimaci

Juzíñamuimo ínuua llezica, fiénide zánonafuiaimona duere finóbidiaioí. Jiáimaci riire zechénogaiaioí. Ua dáarie Juzíñamuimo íaioí ínuamona cúinajano llavécaiaioí. ³⁷ Daje izóí jiáie Juzíñamuimo ínotino noficiaina níjcaiaioí; jiáimaci dáafemiiaido amena dera izóidedo ñetácaiaioí; jiáimaci caimare taino uáillaido bífuegaiaioí, íaioí ínuafue facátallena, íemo lloéfaido fagáiaioí. Jiáie Juzíñamuimo ínotino, íaioí ínroinina jira, tóica rille igóraini jitáoidiaioí. Daií fia macáoidiaioí, mei jofónidiaioiza. Ua iere ráanidiaioiza. Ie emódomo duere zefuítano iere fieni finócaiaioí. ³⁸ Daií finócaiaioí íadí, Juzíñamuimo íaioí ínogafuena fáicanocaiñediaioí. Iemona bimaci Juzíñamui dibénemo iere izíruigano; mei íadí bíniemo ite ínoñedino afe Juzíñamui uaina jeire otínona jámairuitiaioí. Ie jira ínotino afe ínoñedimaci cígiri íllena, ínoñedimacimo figo dúíñede, mei ínoñedimaci comeci iere íáredeza. Ínotinona jámairuillano, íaioina oni jiúífrediaioí. Iemona ínotinomona dáamierie zaféredizicimo jáidiaioí. Jiáimaci caifóneduai illánomo botádiaioí. Íaioí jaillánomo ite ífuaimo ífrediaioí, naa íduai ana ífuairi. ³⁹ Nana bimaci Juzíñamuimo ínuamona, ñue “figora” daínamacina jáidiaioí. Mei íadí nana Juzíñamui uícodo lloga caimare ñue illífuiaina figo mainóñediaioí; jabo mainódiaioí. ⁴⁰ Mei Juzíñamui jae uícodo cai canolle jamánomo ñuera cáimaduafue mamédeza. Afe jamánomo ñuera cáimaduafue Jesucristodo cai nahí cai jílloillifue. Daií jaiiai ua Juzíñamuimo ínotino naa cai díga, birui daánomo jaiiai Juzíñamui mameca nahí jílloillifueo dúciiticaí. Ua afémaci naa cai díga, Juzíñamuimo caimare nabáirillafuena jeire óiticaí.

Jesumo ñue jaícina omoi comécióiri

12 Ie jira, cue ámatiai, comécido ñue omoi facari. Ua aillo jamánomo Juziñamuimo izire ñnotino bñniemo cai ufcodo macáoidiaioi. Afémaci Juziñamui cai ióbitallifuenta caina ifode. Afémaci cai ñnogafuemo jaícina ifoite uai nabáiraini. Cai abido ífoina itáiaoí. Afémacimo cai coméciillamona, nana cai jizítacana uite fiénidifuiái mai oni cai féitalli. Ua, caimo ite fiénidifue, abi lló-taidote iniroi izói caimo jíide. Jñnamona jaca caina aruire itátate. Afena fáicanocaillano, Juziñamui ióbitallifuemo zefuíruiñeno mai izire cai nícidolli. ²Afe llezica duere cai zefuillano féitano, mai Jesumo comeci cai facalli; mei afémie Juziñamui ióbitalliodo, ñnuafuedo cai jáillena cai ifódímieza. Mei afémie ie Moo Juziñamuina féitañeno ie fáainaruimo nai femo izire ñnoide. Daií ie ñnuua, afémie izói jaícina cai ñnollena, afémie cai ifode. Iemona afémie cai ñnogafue ñue ícoimo fuitádimie. Ua, Jesús duere zefuide, íadi afe duere zefuilla méifomo íte cáimafuemo, afémie ñue coméciide. Afemo comécióillano uái dáii cruzmo tízaide; mei áfedo nana femo ñnotino caimare jlllobicaitiaioiza, afémie onode. Iemo afe meáirede tñllana náfueñeno, abido meine cáadimiena jaide. Afe daií jaillano caifo Juziñamui nabézimo Jesús ráinazaide.

³Ie jira, cai jíainona duere zefuítagamie Jesumo mai ñue omoi comécióiri, omoi duere ñnóbicaillamona omoi zefuiruiñeillena. Daje izói Jesumo ñue omoi uibóiri omoi comeci ñue náireillena. Mei afémie fáicanocaiñeno Juziñamuimo ñnoicaide, fiénidino íena uáitajano duere ie ñnódiaioi íadi.

⁴Fiénidifue omoi comécina jíirioide, íadi nágarui áfemona abi ráiruifrediomoi. Afemona abi

rairuillano iere juárede. Iemona jabo duere ñnoícaomoi. Mei íadi fiénidifuenta omoi anáfenocanamonana ñnoícaomoi. Dama Jesús ícoínia jabo duere zefuídíomoi. ⁵Afe llezica Juziñamui caimare llogáuaina nibai jae féitatiomoi. Aféuaido Juziñamui ie úruiaí izói, ómoína llófuete; ona riire daide:

“Cue jitó, o Ocuíraima Juziñamui omo oreca duere zefuítajafuenta jámairuiñeno iri, mei áfedo afémie ñue ona rairuillano lletádeza.

Daje izói fieni o ñnuamona afémie duere o ñnoíadi, comécina rñnidimie izói iñeno iri.

Mei jíáifodo, abi mámano, ie llétafuenta ñue jeire oíri, ññemiena o jáilleza.

⁶Mei Ocuíraima Juziñamui nana ie izíruiganona fáicana lletáfíredeza, íaifuenidínona íaioi jáillena.

Afe izói nana ie ua onoiga jítótiaína llorébai mailla izói due ízitate, mei afémaci dama íeieza,” daide.

⁷Omoína izíruillamona Juziñamui afe daií ómoína duere zefuítate, ómoimo llófuellena, baimo ñuera ie jítótiaína omoi jáillena. Ie jira duere zefuítagaomoi. Mei onódiomoiza, bñniemo ite moo llétañega jitó ñue móonaiñeiteza. Iemona afe moo nana ie jítótiaína llorébai mailla izói ízitate. ⁸Ie jira Juziñamui ízitañegamie nibai ie nahí jítóñedeza, móonidiza; mei nana nahí ie jítótiaí izi cácatagaaioiza. ⁹⁻¹⁰Afe emódomo cai bñniemo ite móotiaí nauí ñue cai móonaillena, ñue comeci íaioi fácamona, izire caina lletádiaioi. Ua nano íanori illáruillaído caina duere ñnuafuedo lletádiaioi. Ua izi cácatagacai. Afe llezica nai cai moona caimare jacfruiticai; jacfruiouillano ñue íaioi anamo itábicaídicaí. Daje izói cai monamo ite Moo anamo jamánomo caimare itábicairedicaí; mei afémiemo cai ñnuano, nahí ie jítótiaína comuítaga-caíza. Nana afémie duere cai ñnuafue

cai dibénemo aillo ráifide, afémie ebire ñuera illa izói, daje izói cai íllena. ¹¹ Ua, ja onódiomoiza nana izi cácatafuemo illa llezica, áfena gáíñedicaí. Mei íadi afe izi cácatafue záilla mei, áfedo lletácano, Juzíñamui anamo ñue jaícina íficaillano, comécina jacíruíñedinona caimare jáiticaí.

Juzíñamui uaina ruifíruilla iere jacírede

¹² Juzíñamui daíí omoi llétajana omoi onónamona, mai abí omoi mame. Ja abina náinidino izói omoi íñeno iri. Omoi zúurede comeci náiretari. ¹³ Afe llezica omoi duere zefuállafuemo, mai bífuemo jaícina comeci facádori. Aféfuedo daííri “Juzíñamui ióbillé jítótiaína móonaitagacaí.” Daíí o daínamona, jíáie ómoimona Jesumo íñogana féítaacadino, comécina caimare náiretaitio. Daíí ie náireillamona afémie meine abído Jesús uaina izire ínocana jeire óite.

¹⁴ Afe emódomo nana comíni cígiri, mai comeci rícaitañeno cáimafuemo omoi iri. Daje llezica, Juzíñamui ebire ñue illa izói, afe dibénemo mai omoi abí ífuiái nágarui méidocana uiri. Bie izóidífuemo omoi nai íñeniadi jaca buna Juzíñamuina cíoñeille. Mei íadi comeci íaininafuemo cai íadi, íena cíoiticaí.

¹⁵ Juzíñamui caimo fecaca cai ie cánuafue aillo ite. Bífue nana jeire omoi ófíreilleza izire omoi comécíiri. Daíí íllamona buna fíenidífuemo oni nibéfodo báííñeiteza. Daa daíí oni fíenidífué dibénemo baíídimie nana jíáimaci comécina fieni fínodo. Mei jíí, duere zefuállamona Cristo dibénemo figo jaináicañédímie, jucúrede juia izoide. Mei afe juia illemo totáa, nana áfejí jucúredíjina jaide. Daíítade come nana ie aino comínina daje izói figóruíñede. Afemona abí omoi rairuiri. ¹⁶ Daje izói nana jiruírenafuíaímona abí omoi rairuiri. Afe

llezica ómoimona dámie Esaú illa izói íñeno iri, mei afe Esaú jaca Juzíñamui jítainafuemo figo comécííñedeza. Aféfuena jámairuillano, afémie nánoramie íadi, íemo ite maííórille ríno, fia due jiza güille íbana fecade. ¹⁷ Afe Esaú ílláfuena ñue onódiomoiza; mai aféfuemo omoi comécíioiri. Ico írairuimo ie moo ézicirafuena Esaú maííóacade, íadi ie moo ja íena ruifíruite. Afémie comeci ífue méiduoano éecana ie moomo izire jícade; íadi “Jíí” daííñede. Afe nauí Esaú jámairuillafue jaca méidonide.

¹⁸ Ja birui Juzíñamuimo caimare nabáírillanomo dúcídiomoi. Jaiaí Juzíñamui comini áíllue caifónedumo áinozidiaíoi, Juzíñamui daina uaina cacáíllena. Afedu mámeceí Sinaí. Afedu náaduna irai izói boode, aillo úíllie díga. Afe llezica iere jacire nairíbicaide. Nairíbicaillano, jairifo riire jaíñode. ¹⁹ Aféruimo bainada izoide fíciere cacacaide. Afe llezica áíllue come úrilla uai íaíoimo fíciere cacacaide. Afe uai iere jacírede cacacaide. Afemona, áfena cacádino jíáie emódomo lletara uaina llónellena izire jícadíaíoi. ²⁰ Afe íaíoí cacana íaíoimo lloga lletara uai jamánomo iere juáredeza. Aféuai daide: “Bie óode íduna omoi jetáíñeno iri. Ní-nena daa rille bídumo bíadi, raire nofícaído fáiri. Daje izói ní-nena bí-dumo bite come fáiri,” daide.

²¹ Uafue, afe cacánafue naa cíoacaidífué díga iere jacírenamona, dama Moisés uai ua: “Aferi iere jacínaitícué. Jacíruíllano cuidírtícué,” daide.

²² Mei íadi, jae jíáííodo Jesucrístomo omoi ínuamona, ja birui Juzíñamuimo ite jacínide caimare nabáírillafue dibénemo dúcídiomoi. Ie mei ícoimo monamo ite jaca caade Juzíñamui úícomo úrizaitíomoi. Juzíñamui illa jofue, “mona ero ie Jerusalén” mámeceírede. Iemo jíáííodo “Síón Caifónedu” daina. Afémiemo ja omoi caimare nabáírilla-

mona diga íeza facádonide Juzíñamui abí imaci Juzíñamuina ióbioicana iráizitiaíoi. ²³Ua, omoi ínuamona Juzíñamui ómoina daide: “Ja cue daade Jitó Jesucristo izóidinodiomoi. Cuemo ie dúina izói, afe izói ja cuemo jaináidiomoi,” daide. Afemona nana Juzíñamui íena comuítagamacimo jae jaináidiomoi. Nana afe íemo jaináidino mámečiai jae monamo cuela. Ie jira nana Moo Juzíñamui ie comuítaganona, ñue jicánuana fibídimie izói, ñue íaioina rfidoite, mei afémie nana nairai Mooza. Jaiai ie anamo ñue itino, jae tídiaíoi, mei íadi íaíoi ñuera joreño nai figo caimare ínedíaiíoi. Ja biruflaido Cristo cairi tíllano caina jíllotate. Daí nana íemo ínotinona jíllotano, afe tíidino ñuera joréñuai ñue jaícina caimare itátagaíaiíoi. ²⁴Uafue, Juzíñamui comue caimare caimo fecállifue caimo llóiacade. Afefue caimo lluaíbitimie Jesús, mei ie cruzmo ie die tótajado caimare íafuenidínona finócacaiza. Ie jira ie die, úrilla uai izói jamánomo ñúefue cai ífócimo denode. Mei jíáfodo Abel die tóilla afe izói caimare ñúefuaií caimo lloñede.

²⁵Nana bie caimare Juzíñamui caimo llotátagafuiaina jae onódiomoi. Afena omoi onónamona, afefue ómoimo llotímie mai omoi ruífruiñeno iri. Afe íena ruífruillamona abí omoi rairuiri. Mei jaiai bíniemo Juzíñamui jónega lletárima dáinana ruífruitino, duere íaíoi finóinamona jaca jíllonediaíoi. Afe baimo birui monámona caimo llotímie dáinana cai ruífruiadi, daje izói ua jíllonéticaí. ²⁶Jaiai aféruimo ie úrilla uai éniena diga icaiño riire docáitate. Mei íadi birui afémie uafue llotite: “Nane afe emódomo dáacaíño éniena riire docáitaiticue, naa caifo ite monániari,” daide. ²⁷Afémie dáina “Nane afe emódomo éniena dáacaíño docáitaiticue” Juzíñamui íraíruillaido

finóllifue caina daide. Aféruimo nana ie finoca raa, ranítado izírilla izói níraidoite. Afe níraiduado nana nírairede ráaniaina, afémie oni niné táinocaitaite. Mei íadi nírainide ráaniai jaca méidonide; fiébillano zíñona íitiaíoi. ²⁸Ja birui Juzíñamui méidonide illáimana illánomo jaináitagacai. Iemona íena “Íere figura” cai daiífireilli. Afe llezica caimare úrillafuedo mai íemo cai ióbilli. Ua, ñue jacíruioicana ie uáillaimo mai ñue cai cacáreilli. ²⁹Mei jíi, cai Juzíñamui, irai amena cuarilla izói, nana íaífuereidinona jaca zíñona íaioina duere ífnoite.

¿Nie izói Juzíñamuina ióbitaredicai?

13 Amatai, mai conímana omoi izíruiíreiri. ²Daje izói onina bitínona mai dúecaillano ñue caimare uáidori, mei daí dáríe jíáimana íaíoi caimare uáidofirenamona ónonino Juzíñamui abí ímíiaina jofo llínotiaíoi.

³Iemo Jesumo ínuamona llavécamacimo ñue omoi úbicairi. Ua dájena llavécano izói, mai íaioimo comeci omoi facari, íaioina omoi canóllena. Daje izói duere finoca Jesumo jaináidimacimo, mai omoi ñue comécíiri, mei daní omoi abina jíáimaci duere zefuítarede; íemo bimaci diga daí zéfuitioimoiza. (Dáamacidiomoiza.)

⁴Daa come daje ringona áireia ñuera. Afémie dama ie ai abina onona ñuera. Íima dama ie ai jeta ñuera. Mai bifue íáiñeno ñue omoi ífmairi. Mei Juzíñamui nana jíruíredínona izire jicánuano íaioina duere ífnoiteza, naa dama áireíñeno ringo diga ítnori.

⁵Daje izói omoi comeci ífuena ñue onoiri. Ucubena aillo jítailla fiénide. Afemona abí omoi rairuiri. Mei jíáfodo ómoimo due jiza ite ráaniairi júfidoñeno caimare uái iri, mei Juzíñamui uafue dáideza: “Ona fáicanocaiñeiticue.” Daje izói jaca ona zóofeñeiticue,”

daide. ⁶Iemona minícana jizíreñeno daiíredicai:

“Juzíñamui cuena canófiredimie; íemona fieni cue finóacadimiena jáciruñeiticue.”

⁷Iemo mai Juzíñamui uai ómoimo nano fueñe jino llófuetinomo ñue omoi uibíoiri, mei ñueodo ómoina ifódi-aioiza. Iaioimona comuide ñuefuiamo, féitañeno mai ñue omoi comécioiri. Afémaci Jesús ícoinia titácaiaioi, mei íadi afémaci fáicanocaiñeno Jesumo ñnuva izói, afe izói féitañeno mai omoi ñnofireiri.

⁸Mei jii, Jesucristo nanómona ie illa izói, ja birui jiáifodo méidoñeno dáamieoicaide. Ua afémie jaca ziiñona dáamieite. ⁹Ja birui diga jiáifodo ca-caide onina bite ónoñega fieni llófueina-fuiái ite. Aféfuiai ñueomona oni ñibé-fodo omoi baiítaiacadeza; áfemona abí omoi rairuiri. Juzíñamui cairi dúceail-lano cai cánuano cai comeci náirecaitate. Afe ie cai comeci náiretaja ñuera. Mei íadi afe jicana lluáibiga güille rairuí-nafuiaina jeire cai óiadi, caina ñue cánoñeite. Daje izói afe uai jeire otónona canóñede.

¹⁰Jesucristo cai ifomo fécafue Juzíñamuimo caimare cai nabáirillena dani caimo dúide. Nana Judfuaído Juzíñamuimo úriraini, ie jaiái gairíracomo aillo Juzíñamuimo ánozille nícidogafuiái finódiaioi. Mei íadi afémaci Jesús dibénemo ite cáimafuiaina llínonidiaioi.

¹¹Judfuaimona comínido Juzíñamuimo úritillaima dáacaño naga ñmona afe faga rille die Juzíñamui icomo uite. Afe Juzíñamui icomo ite jofoido ñue rairuícacomo comini íaifue ícoinia díena uite. Mei íadi afe faga rille, comini illácuai jinomo jobáifrediaioi. ¹²Afe izói Jesús Jerusalén jinomo duere zefuide, dama ie die tóillado nana comini fiénidifue oni dóllena. Daií

duano íaioina Juzíñamui íena mamede. ¹³Ie jira nana Judfuaí Juzíñamuimo ánozille nícidogafuiaina féitajano, mai dama Jesumo jaca cai ínolli. Ua, daií íemo caimare cai jaináinamona jilloiticaí. Ie meáire duere zéfuilla izói, duere cai zefuíadi, áfena náfueñeno nai caimare íemo jáinaiticaí. ¹⁴Ja bñiemo ñuera méidoñega illano caimo iñede; mei íadi Juzíñamui finoca monamo ite méidonide cai illñomo izire úiñoidicaí, caimare ziiñona ie diga cai nabáirizaillena. ¹⁵Iemo, Jesús caído Juzíñamuimo nahí úriraimana íllamona, mai Jesudo nágaruillai Juzíñamuimo ñuefue cai nitalli. Ua, cai fuemo ite uaido Juzíñamuina caimátaitaredicai. Cai Ocuíraíma Jesús mámecido cai úriadi, jaca Juzíñamuina ebire ióbitaredicai. ¹⁶Daje izói nágarui jiáíma canolle ñuefue jeire o úana, mai féitañeno iri. Aféruido jitáidinomo ómoimo ite raana jeruíñeno fecari; mei aféfuiaína Juzíñamui iere ióbideza.

¹⁷Omoi illaini llogáuaimo ñue omoi cacáreiri. Aféuai anamo ñue omoi itábi-cairi; mei omoi comeci ñue íllena aféllaini nágarui ómoina rairuífiredi-aioiza. Ua aféllaini ómoína rairuilla nie izói íadi, afémaci Juzíñamuimo jino llórediaioi. Ie jira íaioi táijinana omoi daidóñeno iri; mei jiáifodo ñue íaioi anamo omoi itábicaíri. Afedo aféllaini Juzíñamui ocuica táijinana caimare finoite. Mei íadi afémaci afe táijinana zúurecana finóadi, figo cánoñegaomoi.

¹⁸Mai birui caído Juzíñamuimo omoi úriri, afe Juzíñamui cai canólleza, mei cai comeci ífue íáinideza. Mei jii, nágaruillai náganuiaimo illa dígamie íaioi eróicana ñue jaícina figomiena íacadicaí. ¹⁹Ua, cuedo Juzíñamuimo comécido omoi úrillena izire jicádicue, raíre meine abído omoi cígimo Juzíña-mui cue orélleza.

**Iraicaiño uáidota ñue
ézicinoçailafue**

²⁰ Ja birui Juzíñamui ñue omoi ézicillena jicádicue; Moo Juzíñamui, comécina uái illafue comínimo fécaitimie. Iemona cai Ocuíraima Jesuna tñillanomona Juzíñamui meine abido cáatate, mei Jesús ie die tóillado nana caimo ite fiénidifuiaina muiñódeza. Múíñuano zíñona Juzíñamuimo cai nabáirillafue cáiena mamede. Ua, Jesús jamánomo ñuera ovejai úiñoraima izoide. Afémie ovejai rairuilla izói, caina úiñofirede, comécina uái cai ñlena. ²¹ Afe bie Juzíñamuimo omoi comeci náireillena jicádicue. Ua nana ie ñuera rñinodo omoi comécina ñue jaícina caimare náireillena jicádicue. Afe bie cue jicácado ie jitáinafueña ñue comini eróicana fñoitiomoi. Afe llezica

Juzíñamui comeci óiacana izói dani caimo zúillena izire íemo jicádicue. Mei daí jamánomo ebírenafue Jesucrístomo, ninomo fúñeítana nitáredicaiza. Mai, daí íteza.

²² Amatiai, nana bie ómoimo cue cueda lletárafuiaimo járitaño fia omoi coméciiri. Afena izire ómoiena jicádicue, mei bie ómoimo cue cuedaúi íanorideza. ²³ Iemo jáífueña ómoimo fidítaacadíe. Jae cai ama Timoteo llavéinanomona jae jino zuitaca. Omoi dine nai jáñeíticuemo, afémie cue illánomo raire dúciadi, nibai daane omoi éroizaíbiticoco.

²⁴ Nana omoi llófueite illáinina cuedo ñue uáidori, naa afénomo ite Jesumo ínotinori. Itáliamona benomo cai bite ámatiai ómoimo uailai orédiaioi.

²⁵ Juzíñamui nana ñue omoi ñlena ñue éziciteza. Mai.

Daítadeza. Jae ñie.

SANTIAGO CUEGABE

La Carta de Santiago

Ráidozitinomo Santiago cuete

1 Cue Santiágodicue. Juzíñamui táijitagamiedicue. Daje izói cai Ocuíraima Jesucristo táijitagamiedicue. Israel náiraimona doce dígzacie nana éniedo ráidozitinona uáidotucue.

Juzíñamuimona oga onónafue

²Cue ámatiai cácarei, niie facátafuiai ómoimo jíriadi iere caimare omoi iri. ³Mei jii omoi ínuafue facátafica- iadi áfedo baimo comécina járidoñena- fuena onótalliomoi. Mei áfena onódio- moi. ⁴Afe comécina járidoñenafue ñue jeire omoi móonaitari. Afedo jaícina jé- tagamacina ítíomoi; omoi jítáillífueña íñeite.

⁵Omoimona dáamie figo onónenia, Juzíñamuimona onónafue mai o jicari. Iemona Juzíñamui áfena afémiemo fécaite, mei jii Juzíñamui jeruñeno nágamiimo onóillífueña fecáfirede. Afémie icíriñeno comínimo fecáfirede. ⁶Mei íadi ínuafuedo o jicari. Daií jítáirede; minícana o comeci anado ígicaiñeno jicari. Naga uaina ígiciredimie jorai bagua izói jairífodo dóbaidobaicaide. ⁷Daiítadimie Ocuíraimamona minícana óllena comécimo facáñeno iri. ⁸Aféfueña onóigaza. Níimie birui bie raa óiacade, uire jíaiena óiacade, ñue jaícina macánide.

⁹¡Ráanide ama, caimare o iri! Juzíña- mui caifófenemo ona jóonelle jira. ¹⁰Ráaredimie, o anáfeficaiaidi, áfena ná- fueñeno caimare o iri. Mei ráaredino ráitíe záfia izóideza. Afe záfia are íñeite. ¹¹Jitoma bíllamona íena iere llirítaite. Caigáíllamona afe záfia ana júide. Daií

ie ebírenano fuite. Daje izói ráaredimie ie nícidocaigafuiai cígiri táinoquite.

Facátafuiai fiénidemo baiítafuiai diga

¹²Dáamie facátafuiai járitaño lliñoiadi afémie caimare ite. Facátafuemono ñue oni jaillano ícoinia fia iga raa jíridoite, ñue facátaoicailla jira. Afe ícoinia fia iga raa ñuicirai izóidífue. Afe iga raa ua Juzíñamui ie illa zlíñoa cáataitnona. Ua Juzíñamuina izírúitnomo uícodo lloga zlíñoa cáataitnona íaioimo fécaite. ¹³Dámie íaifueño baiítafuena cacáadi, afe Juzíñamui orécaza comécina facáñeno o iri, mei jira afe daiítadífue Juzíñamui jaca jítáíñede. Daje izói Juzíñamui bumo afe íaifueño baiítafuena comuítañede. ¹⁴Mei afefue jíaífodo bite. Dámie dama ie comeci fiene jítainafuiaiido comeci óiadi, áfedo íaifueño báite. Afe izói dáamie ie fiene jítainafuiaiido jífueficailla; íemo afe jífuiafuedo afémie meine íaifueño báite. ¹⁵Afe bie comeci fiénino jítainafuiaiimona íaifue comuide. Ie mei afe íaifue jae oruíficaillamona tíllafue comuide. ¹⁶Cue izírúiga ámatiai jífuefizaiñeno iri. ¹⁷Nana ñuera caimo iga raa, nana caimo jaícina jóobidífuijai diga, caifona Juzíñamuimona bite. Afémie nana monamo ite egáíñotinona finode. Juzíñamui jaca dáamie; afémiemo jíaífodo meídogafuena íñede. ¹⁸Afémie uáfueña úrilla uaido cáatatnona caina comuítate. Afena finode ie finócafuiaiimona como fueñe oga llízie izói cai íllena; mei ie comeci jítaina izói finode.

Uáfueña Juzíñamuimo cai comécinafue

¹⁹Ie jira izírúiga ámatiai cacai. Omoimona nágamiiai jaca jefo jinéoiri, mei íadi íaicana o úriri, daje izói íaicana ríicari. ²⁰Mei jii,

rúcaidímie Juzíñamuina ióbitañede. ²¹Mei daí nana íáiredífuaí omoi fáicanocairi, jamánomo móonaioicaide fiénidífuaí diga. Omoi comécimo lloga uai Juzíñamui úrilla uaina comeci mánainafuedo jeire omoi óiri. Mei jii afe úrillauai ríinorede omoi joreño jílloillena.

²²Jira úrillauai ómoimo lloga ráfuenta fino. Fia aféfuemo táinona cacáreñeno. Fia táinona omoi cacáadi dani abi jífueitiomoi. ²³Afe úrillafue fia táinona cacádimie aféfuena iere cácañenia, afémie acáranimo uiéco ciona izóidímie. ²⁴Afémie ie izóidena ciode, mei íadi raire jailla llezica, ie izóidena féitate. ²⁵Cacánafuena féitañedímie jamánomo ñuera ocuífafuena jeire ófirede. Afe jamánomo ñuera ocuífafue caimo rairuíñenafuena itátaga. Aféfuemo méidoño afémie íoide. Afe ocuífafue afémie ínota finode. Daí finódímie nana ie finócafuaíaido caimare ite.

²⁶Dámie Juzíñamuimo coméiidímie comeci facáoiadi, mei íadi fuena rairuíñeno úriadi, afémie dama abi jífue. Afémie coméiinafue táinobicaide. ²⁷Nífuenide coméiinafue, Moo Juzíñamuimo eróicana íainidífue bie izóí ite; ñue Juzíñamuimo coméiidímie móonidizaíai íemo éinidizaíai diga, íaioina duéruillano canófirede. Daje izóí fecínguaina íaioi duéruillano canófirede. Afe llezica éniemo ite Juzíñamuina éoidímie íáfuaíaido ñúemie abina íaidoñede.

Conímana énenoruiño iri

2 Cue ámatiai, cai ebíruigamie Ocuíraíma Jesucrístomo ínotimacídiomoi. Daí omoi ínuu llezica comínimona dáarie enéotaño iri. ²⁻³Acatagafuedo dáitícue: Omoi gairíllanomo queníredena onoi icuíforedímie, ráífide ínícuro jítáoidímie bíadi, afémiena daíífrediomoi: “Bie

ñúenomo ráii.” Mei íadi afe llezica dúeredímie tíbaizarodo bíadi, afémiena jíáífodo llínnota níbai dáitío: “Batí naidai,” o níbai dáitío: “Ana benó éniemo ráii.” Daí ráanaitímiena raire ñue llínotiomoi, mei íadi dúeredímie buna náfueña. ⁴Ie jira daí dani ómoimona dáarie énenorúdiomoi. Daí cómemo jicánotímiena dani omoi abi mamédiomoi, mei íadi fiénidemo coméiinafuedo abi mamédiomoi.

⁵Cue izíruiga ámatiai, bíemo omoi cácarei. Bie éniemo úcubenidínona Juzíñamui nizede, íaioi ínuafue jamánomo jebuíllena. Daa afe izóí íaioina Juzíñamui nizede, feci raa izóí ie illáimana illáruina maiñóllena. Juzíñamui ie uí-codo lloga uai daina izóí afe illáimainanona íena izíruitimacimo fécaite. ⁶Mei íadi dúeredimacina meáidaitídiomoi. ¿Uáfueñede, ráaredimaci ómoína llégítáfirediaíoi? Jii, uafue. ¿Ráiredimaci uícomo ómoína gugúroicana uitíaiíoi? Jii, uitíaiíoi. ⁷¿Ñie afe ráanaitímie Crístona íairuioidíno? Jii, nímaci. Mei íadi afémie ñue izíruiga mámedido Crísto íédiomoi.

⁸Cuegáuaimona lloga jamánomo ocuífafue omoi jíruíadi ñue finódiomoi. Afefue daide: “O aino cómena izíruiri, dama o abina o izíruilla izóí.” ⁹Mei íadi conímana dámie omoi énenorua, íaífue o baiídiomoi. Juzíñamui ocuífafue omoi ícoína jae daí ite. ¹⁰Dámie naga ocuífafue iere cacáadi, mei íadi dáallegoi ocuífallegoi nai fuitáñeniadi dama afémie ícoína daí ite. Uafue nana ocuífafuaí fuitáñedímie zefuille izóí dáallegoi fuitáñedímie daí daje izóí zéfuete. ¹¹Mei daje Juzíñamui daide: “Jíruíreño iri,” afémie daánomo daide: “Cómena titáño iri.” Daa come jíruireñenia mei íadi cómena fáíadi, jae ocuífafuena iere cacáñede. ¹²Jira ñue o úriri; o illafue jaícina o jóoneri. Caimo rairuíñenafue itá-

taite ocuífafuedo jicánollicai, ie jira ñue cai íllana jitáirede. ¹³Mei jii, nana jiáimacina duéruíñedino, afe íbana duéruíñeno, jicánolliaioi. Mei íadi jiáimacina duéruitino nie izói nfbaiñegaza ñue jáite, duéruillafue jicánollífue baimo ñue illa jírari.

Ínuafue níciduafue diga jitáirede

¹⁴Cue ámatiai cacai. Dáamie ñúefuena finóneniadi, mei íadi “ínoticue” daííadi ¿níífueña ñuera? ¿Afeue ñúeñeite! ¿Afe daina ínuafue jíllotaite? Jíllotañeite. ¹⁵Acatagafuedo dáaiticue. Incuironide güllenide ama miringo izóidino omoi cígimo íadi, ¹⁶mei íadi ómoimona dáamie fia uaido daííadi: “Ñue o iri. Rólliemona jíforiri. Mai güiri,” mei íadi aféruimo ie abimo jitaica raa o fecáñeniadi, ¿nie izói ñue ite? ¿Ñúeñeite! ¹⁷Cai ínuafuemo daje izói ite. Dáamie ie ínuafuemo níciduafuedo ácatañenia afe ínuafue jae nine táinocaide, afe ie ínuafue nabáinina jírari.

¹⁸Mei nibai, dáamie cuena dáite: “Ínuafue omo ite mei íadi cue nícidofiredicue.” Mei jira cue uai óiticue: ¡O ñue níciduafue eneno o ínuafuena cuemo ácatari! Afe llezica cue ínuafuena cue ñue níciduafuedo omo cótaiticue. ¹⁹Daade Juzíñamui íllana ínotio. Afe dinomo o ínuafue ñue baite. Mei íadi aféfuena fiénide janábaiai daje izói ínotiaioi. Iemona afe jácierí cuidíridiaioi. ²⁰Abina onóñedimedio. ¿Jaícina jáidífueña onóacañedio? Dáanomó dáaiticue: Ñue níciduafuedo cótañega ínuafue jaca nine táinocaide. ²¹Cai jaiáigima ímie Abrahana ie íáífuenidímie izóinado Juzíñamui ñue íena jíéruite. Ua Juzíñamui íáífuenidímiena íena ñue llínote. Mei ie jitó Isaac titada Juzíñamuimo fecaca raana izói fecácana jira, daí íena llínote. ²²Jira

Abraham ínuafuemo bie uáfueña cíodio. Abraham ie níciduafuedo ie ínuafuena ñue jino cíotate. Daje llezica afe bie níciduafuedo ie ínuafue ñue jaícina mónaioicaide. ²³Daíí Cuegáuai dáinana ñue fuitade. Aféuai daide: “Abraham Juzíñamuimo ínote. Ie jira Juzíñamui íemo comeci facade: Afémie cuemo ínuafue ñue baite íena íáífuenidímiena cue llínollena, —daide.” Mei Abraham Juzíñamui nabaina mamécamie.

²⁴Mei áfemona come níciduafuedo Juzíñamui íena íáífuenidímiena llínuafuena ónoitiomoi; dama ie ínuafuemona llínoñedeza. ²⁵Afe bifue izói Rahábamo daíí íficaide. Afengo jirúredingo. Mei íadi énie fidítaraini caimare llínuamona, íaioina canode oni jaiáigodo ñue íaioi jáillena. Afe íaioimo nícidua jira Juzíñamui aféngona íáífuenidíngona izói ñue llínote. ²⁶Mei daíí omoi ónoigafuemona llóiticue. Naga jorénonide abí tíide, afe izói níciduafuedo nabáinide ínuafue nine táinocaide.

Cai fue rafue

3 Cue ámatiai cacai. Omoimona aillo llófueraímana íacadino izói íñeno omoi iri. Mei jii, nana llófuéridino, cue izóidino baimo izire jicánollicai. Afena onódiomoi. ²Nana cai aillo fiénidillegoi finódicai. Dáamie minícana fiénidillegoi ie daináfueño íñeniadi, afémie ñue comécina fígomie, ñue jaícinaidímie. Afémie nana ie abí rairuállana onode. ³Mozíñoragai caballo fuemo cai jóoneadi caina iere íaioi ínollena, ie ífo oni datállena finóredicai. Afemona nana ie abí diga dájade. ⁴Daje izói áillue jofóredicaemo comeci omoi faca. Afecae jamánomo áillue íadi, afe llezica rírede jairífoto ñuitáicaide. Mei íadi datáraima duera jiza datárañeodo ie jáiacana diné datáicaide. ⁵Afe izói

cai fue ite. Cai abi aillona mei íadi fue duera. Mei íadi afe fuedo jamánomo áillue ráfuiai finórede. Uafue duera jiza réicimona áillue icáiena bóotate. ⁶Jae come fue irai izoide. Afe fuemo jamánomo facádonide íaifuiai ite. Afe bie fue Juzíñamui cai abimo finoca; mei íadi afe fue nana cai abina íaire finode. Fieni comini duere finóllirai ite; afe iráimona uneca izói cai fuemo fieni úrioidino ite. Iemona nana cai caana llezica finótagafuiai bóobicaide. ⁷Ímado nana riire rilleniai tóirede, féedino, jaióniari, naa buináizairi. Nana áfeniai fibítagaiaioi. ⁸Mei íadi fuena buna fibítanide. Cai fuedo bite íáirede raana jaca buna llícaitanide. Aillo fieni úritadino, titade juia izói cai fuemo ite. ⁹Afe daje fuedo cai Moo Juzíñamuimo caimátaioidicai; ie llezica Juzíñamui finoca cómena faidódicai. Uafue Juzíñamui dama ie eroille izói cómena finode. ¹⁰Daje fuedo caimátaillafue jino bite faidórilafuiai diga. Cue ámatiai, cacai. Bifue izói omoi iñeno iri. ¹¹¿Daje jainoi ifómona toráfomona ñúeji erérediji diga jino tórede? ¡Tónide! ¹²Cue ámatiai, cacai. ¿Noménamona comáijina órede? ¡Onide! ¿Jíriconamo cineci llizírede, meita áfena? ¡Llízinide! Afe daje izói cúerediji naimérediji diga daje jainoi ifómona toráfomona jaca jino tónide. (Ie jira omoi fue rairuiri, fieni úrillafue o fuedo jino bíñeillena. Mei jira Juzíñamui imácidíomoi.)

Uáfuena ñue onónafue

¹³Omoimo dáamie onódimie, ñue baitádimie íadi, afe ie onóigafue nágarui ñue ie illáfuedo ácatari. Ua ie fibíllafuedo fecaca comeci mánainafuemo ie finócafuiiai ciotari. ¹⁴Mei íadi omoi comécimo izire úradoillafue íadi, afe llezica omoi finoca ráfuiaina járidotíomoi; bie omoi fibilla abi ínuafuemo comécíñeno omoi iri.

Afe izóidífuiai táinofuiai, uáfuena jáante. ¹⁵Afe izoide fibíllafue Juzíñamui mona biñede, mei íadi afe fibíllafue bínie comini comeci úrillafue; Juzíñamuina éoidimaci onóigafue; dama Taífe ífue. ¹⁶Aillo úradoillafue, jarire uícdodo máíñuafue diga illánomo, afénomo aillo júdaízitífue ite naa fiénidífuiairi. ¹⁷Mei íadi Juzíñamuimona fibíllafue otímaci nano fueñe nífuenino macádiaioi. Ie mei afémaci mánaidimaci; rífuedo ocufñediaioi; jáímiemo uícdodo comécitadiaioi. Afémaci dúecaillafuena oruídino; ñúefuena finófrédiaioi. Afémaci uáfodo úritimaci; jífueriñediaioi. ¹⁸Comeci ñue uái illáfue mo comútatino afefue rigájiai izói comínido fecádiaioi. Afemona ria llizilla izoide comeci jaícina ñúeitaitino llíñotiaioi.

Eniemo ite Juzíñamuina éoidimacimo nabáirillafue

4 Omoimo ite fuiríllafuiai ¿ñinena bite, júfiduafuiai diga? Omoi fieni comeci óiacanafuiaimona bite. Aféfuiai omoi comécina jaca éoitade. ²Omoi daa raana jitáiaidi, áfena ómoimo llínonina jira fatíomoi. Jáíe raamo omoi úradoiadi áfena ónidíomoi, jira fuiríllano jóbairitíomoi. Omoi jitaiga raa oñédíomoi, Juzíñamuimo jicáñena jira. ³Afémiemo omoi jicáadi llíñoñediomoi, íaire jica ícoina. Mei jii áfena óiacadiomoi fia omoi caimare íacanafuiaimo dotállena. ⁴Jiáfodo fiénidimacidiomoi. Biniemo ite Juzíñamuina éoidimacimo nabáiriacadino Juzíñamui fairíconina jáite. ¿Omoi meita bífuena onóñediomoi? Níimie éoidimacimo nabaina maméidimie Juzíñamui fairícomana dóbaicaide. ⁵Cuegáuai taino lloñede. Aféuai daide: “Juzíñamui ie Ñuera Joreño caimo fecade cai diga íllena. Afe Joreño uríoina izói caina izíruiite,” daide. ⁶Mei íadi Juzíñamui caina ríduafuedo

baïmo caina cánuaibite. Mei jii Cuegáuai daide: “Juziñamui afe abi ñnotinona rairuide; mei íadi comécina mánaidimacina íaioina ríduafuedo íaioina cánuaibite.”⁷ Juziñamui anamo mai omoi itábicaïri. Taifemo omoi mameri, íemona ómoimona oni bótaíteza.⁸ Mai Juziñamuimo ánozillano caimare omoi úriri; afe íbana afémie ómoimo caimare úrite. Íáífueredino, mai omoi comeci íaífuiai doíri. Juziñamuina izíruicadino íemo dáanomo íena éoidimacina izíruitino, mai omoi comeci íáinitari.⁹ Omoi zúurefícaïri; omoi cáillicailli eeri. Omoi zadáilla jeme; jiáífodo meídocaïri. Afe izói omoi cáimafue zúucaillano méidori.¹⁰ Cai Ocuíraïma Jesucristo uíécomo omoi manánairi, íemona afémie ómoina caïfo naídáneíteza.

Cai ama finócafue fieni jicánufue

¹¹ Amatiai, jiáimana fieni omoi úriñeno iri. Amana fieni úritímie daje izói ocuífafuemo fieni úrite. Afe izói ámana fieni jicánotímie, daíí ocuífafuemo fieni fairíote. Mei jira ocuífafuemo fieni o fairíoadi, jira ocuífafuena íere cacáñedimiedio. Jae jicánoraïmana íítio.¹² Mei íadi daade ocuífafue llotímie; afe llezica afémie Jicánoitímie. Dama afémie cai jíllo taraïma, jiáie izói afémie cai táinocaitaraïma. Mei, o, çníimiedio jiáimamo itífuiai o jicánodoillena?

Uíreitirui mona monáillirui onónide

¹³ Mai bíemo omoi cacai, omoi úrilla uaina daidino. Bie izói daíífredio-moi: “Birui ñibai uire jítiramo jiáie jófuemo jáiticaï. Dinomo daa fimona fecárizaiticaï, úcube cai óllena,” daidíomoi.¹⁴ Mei íadi due onóñedíomoi uire jiti caïmo íitífueña. Mei jii çmínica mei cai cáatatinona? Cai cáatátino daallu çfocaizaibite úillie izói. Iemona

afe úillie ñine táinocaide.¹⁵ Bífue izói omoi daíírede: “Juziñamui jítaiadi íiticaï. Iemona aféfuena ñibai jiáífuena fínoíticaï.”¹⁶ Mei íadi afe íbana, o dáinana meídoiacañeno nai abi ínocana úritíomoi. Nana afe abi ínuafue fiénide.¹⁷ Núefuena fínuana onódimie afefue finóñenia afémie fiénidífue mo báide.

Ráaredimaci llétafue

5 ¡Ráaredimaci, bífuemo omoi cá-carei! Cáillicailli eeri, aillo duere finóbillífuiai ómoimo íteza. Aféfuemo duere zéfuitíomoi.² Omoi ebírede ráaie jae rifaide. Omoi ñuera ínroillai ícuai güiga.³ Omoi úcube quenírede ráaniai diga jae éezite. Afe éeiafue fiénidífue ómoimo nítaite, ie mei bie éeiafue omoi comeci duere fínoite; irai amena cuarí-taoina izói ómoina fínoite. Afe birui írairuimo omoi ráaïeniai jae ofítatio-moi.⁴ Omoi güillena óinaruillaido tájji-tagamací úcube jeruídíomoi. Afe jeruica úcube ómoimo riire jiáífodo dájecana úrite. Nana nairai illaïma Juziñamui bie tájji-tagamací éecana dáinana cacade.⁵ Bie éniemo jamánomo ñue ebírede ráaniai ómoimo ífiredo. Dani nana omoi comeci jitailla izói ífiredíomoi. Fia güillárenamona mero izói farédíomoi. Afe llezica fazíllirui dúcizaide.⁶ Nano fueñe nífuenidimacina titátatiomoi, ie mei afémacina fatíomoi. Afe nífuenidino ómoimo abi zoófetaïoi, mei íadi íaioimo dúecañeno fatíomoi.

Comeci járidoñenafue

⁷ Ie jira, ámatiai, cai Ocuíraïma Jesucristo billíruimo comeci járidoñeno omoi iri. Jacáfaimo tájjidímie ráífide llizíllaniaina járidoñeno úíñote. Ua nano fueñeide uáici mei nai úíñoide. Iraie uáici mei afe llizíllaniaina óite.⁸ Daje izói omoi járidoñeno. Omoi comeci mame; cai Ocuíraïma billíru jae ánozideza.⁹ Amatiai, conímamo

rírriñeno omoi iri, jicánollimacina omoi ñneillena. Mei jii, Juzíñamui dama Jicánoraima; afémie cai finócafuiyai jicánollirui jae ánozide. ¹⁰Cue ámatiai, uai llórainimo comeci uibíoiri. Iaiói nágarui ñue illafue caimo ácataiteza. Juzíñamui mámecido íaiói úrillamona iere duere zefuídíaiói, mei íadi jaca járidoñediaói. ¹¹Duere zefuillafuemona zefui cácañedino caimare itíaiói daiífiredicai. Jáiaigima Job ie járidoñenafuena cacádiomoi. Afe llezica Juzíñamui íemo írainomo finócafuenta onódiomoi. Mei jii, Juzíñamui cai Ocuíraima caimo dúecaifirede, fiénidifuiyai iba are ninomo caimo óñeite.

¹²Cue ámatiai cacai. Jamánomoidifue llóiticue. Juzíñamui mámecei uafue daiíllena táinomo llíñoñeno iri; afe daií mona mámecei énie mámecei diga táinomo llíñoñeno iri, ñie jíáie raana táinomo llínuano uafue daiíllena daiíñeno iri. “Jii” o daiíá ñie izói íteza. “Teñede” o daiíá íeñeiteza. Afe izói mai omoi úriri Juzíñamui duere omoi fñoñeilleza.

¹³Omoimona dáamie duere zéfuia afémie dama Juzíñamuimo úriri. Dáamie caimare íadi afémie ñúefue nitada róiri. ¹⁴Dáamie iráreia, gairíraco

imácimona eicomínina jírízairi, afémieri Juzíñamuimo íaiói úrillena. Afe llezica afémiemo Juzíñamui mámecido cáiredijina jóneitiaói. ¹⁵Ínuafuedo Juzíñamuimo íaiói úriadi iráredimie jíllobicaite, ie mei Moo Juzíñamui íena náidacaitaite. Íáiredifuiaimo nauí ie baiíadi, afe íaifuiyai oni dófinamona, ñue nífuenidimiema Juzíñamui íena llíñoite. ¹⁶Ie jira omoi íaifuiyai jofo conímamo omoi lloiri. Afena jáanoñeno iri. Afe mei conímamo Juzíñamuimo omoi jicari, íemona ñue omoi jíllolleza. Fígomie izire Juzíñamuimo úrillafue iere rínorede. ¹⁷Uai lloraima Elías jíba cai izóidimie. Juzíñamuimo ie úrillado noci bíñeillena Juzíñamuimo jicade. Jícamona jae dafimonaámani átuado éniemo nocina bíñede. ¹⁸Ie mei dáanomo Juzíñamuimo jícamona meine bíizaide; áfemona énie naa llízieri zicode.

¹⁹Cue ámatiai, ómoimona dámie ua uáimona oni fiéni nibéfodo jáiadi, jíáimie íena meine abido atídema ñuera.

²⁰Bífuenta omoi onóilleza. Fiénidimie ie íáirede íomona meine atídime afe fiénidimie joreño tíillanomona jíllotaite. Afe llezica aillo íaifuiyai oni dóficaite. Jae ñie.

SAN PEDRO NANOIDE CUEGABE

Primera Carta del Apóstol San Pedro

Jesumo ñnote ráidozitinomo Pedro cuete

1 Cue Pédrodicue; Jesucristo orécamedicue. Bibe Jesumo ñnote ráidozinaitinomo cueticue. Ua omoi éniemona oni Ponto éniemo, Galacia éniemo, Capadocia éniemo, Asia éniemo, Bitinia éniemo jae áfeniaido júdaizitagaomoi. ²Mei íadi Moo Juzíñamui nizécamacidiomoi. Jaiai ie mamérilla izói, ja ie nizécanoiomoi. Ie Ñuera Joreño jae íeiena mamécaomoi, Jesucristo uaimo iere ñue omoi cacáreillena; afe emódomo Jesucristo díedo íaifuenidimacina Juzíñamui eróicana omoi jáillena, jae mamécaomoi. Mei Juzíñamui ómoina aillo éziciíteza, íemo comecei caimare uái illafue ómoimo llóíteza.

Juzíñamui daina ñue uáfuenta zúitifuemo caimare coméciífiredicai

³Cai Ocuíraima Jesucristo Moo Juzíñamuina mai cai ióbioitalli. Mei nano fueñe afémie jamánomo caimo dúecaide. Dúecaillano como meine nane caina jécitaacade. Ie jira Juzíñamui Jesucristona tídinuiaimona meine abido cáatate. Afe Jesús meine cáanamona Juzíñamui ua como meine jécigacai. Afe bie cai comue dáanomo jécinafue ñue Juzíñamui caimo fecállifuemo caina nágarui úíñotate. (Afefue cai zíñona illífue.) ⁴Afefue amena záfia izóíñede. Amena záfia jaca llirífrede, mei íadi afefue zíñona jaca ninomo lliríñede. Ua, Juzíñamui ómoina dainafue, monamo ite ñuera feci raa izóidena ómoina onótate. Afena

Juzíñamui ómoina jóoneoide, omoi como meine jéciamona ico jáíruido omoi mainóllena. Afe feci raa izóidena, jaca niné táinocaitanide. Daje izói afe raa jaca íaidonide. ⁵Juzíñamuimo omoi ínuado íemo ite ñuera rínodo ómoina ríidote. Ua ómoina ríidote, íemo ite jíllonafue dibénemo omoi dúciillena. Afe omoi zíñona jíllonafue afémie ñue ínode, írairuillaido jino ñue onótallena.

⁶Bífuiaido omoi jamánomo caimare itíomoi. Mei íadi dáaruirie jáífodorie duere zefuírediomoi. Afefue nibai jabo jítárede. ⁷Omoimo ite Juzíñamuimo ínogafue, oro izoide. Naga oro iraimo facaca, bie ua oro daiíllena. Afe izói ómoimo ite Juzíñamuimo ínogafue facárede. Caimo íficaifrede facátafuiai oro zia irai izoide. Nana bie facátafuiaimona nibáinino ñue jino bite Juzíñamuimo ínogafue, aillo ráífide. Ua afe ñue ínogafue oro baímo jamánomo ráífide, mei afe oro fúíteza. Mei jira ja daií facátagamie íemo ite ie ínogafue ñuera. Ie ínogafue ja nibáinino ñue jino jailla, áfemona ja figura. Jesucristo cfocaizaibilliriuimo afémie ñue facátagamiena jáite. Dáaruina Juzíñamuimo ite ebírenafue llíñoite. Daje llezica aféruimo ñúefuena Juzíñamui íemo nitárede.

⁸Jesucristona cióñnediomoi íadi, íena izíruitiomoi. Afémiena cióñnediomoi íadi íemo ínotiomoi. Afe omoi ínuamona jamánomo caimare itíomoi. Afe cáimafue ñue omoi comécina zuitade. Ua afe aillo cáimafueri omoi daiílluai íñede. ⁹Omoi ínogafue ícoinia omoi comecei jíl-lona máíñoitiomoi.

¹⁰Jaiáidígima illáruillaido Juzíñamui uai jino lloraini afe bie jíllonafue riire jicánotiaioi. Afe dáaruido bie jíllonafuena uáfodo onóillena jicájicanodiaioi. Afe uai lloraini Juzíñamui ómoimo ínóllífue uícodo llote. Ua uire Juzíña-

mui ómoimo dúecaillano ómoimo fecállifuiái raire úcodo llotíaioi. ¹¹ Cristo Joreño afe uai llórainimo Cristo uire duere finóbillifue raire úcodo fidítate. Afe dáaruído Crístomo ebire nitállifuenta íaioimo daje izói fidítabitte. Afe íaioimo ite Joreño íaioimo llúaíbigafuiái ñue onóllena, comécido jenódiaioi. “Bie llúaíbigafue ¿bumo dúide?” daidíaioi. Afe emódomo: “¿Niruido bie llogáfuiái zúitte?” daidíaioi. ¹² Temona Juzíñamui jíáfuenta íaioimo fidítate. Afefue daide: “Íaioi úcodo llogáuaido aféruido itínuiaina figo canónediaioi. Mei íadi nana caina ñue cánoítiaioi.” Daí Juzíñamui íaioimo llote. Jae biruíllaido ómoimo llogáfuiái afe bie jaiai llogáuai izói jóide. Birui ñue omoi jílloilíuaina llotino, Ñuera Joreño rínodo úritiaioi. Afe Ñuera Joreño monámona ana oreca. Afe bífuiaina Juzíñamui abi imaci dani comécido onóacadiaioi.

Juzíñamui íaifuenino cai íllena ocuide

¹³ Mei jira nana omoi jetáacaga raamo ñue comeci facari. Omoi comeci ñuefuedo omoi úrífireri, mei Juzíñamui íco níirui íeiena ómoína uáidoíteza. Ua Jesucristo cócailliruido Juzíñamui ómoimo dúecailluaimo daa áfemo izire omoi comécíiri. ¹⁴ Ocuíllana jíeruite úruiaí izói omoi iri. Jaiai Juzíñamuína omoi ónoñena llezica ómoimo ite comeci jitáíllafue izói, omoi íñeno iri. ¹⁵ Mei birui jíáfodo ñue omoi iri. Nana omoi jetáacagafuaimo, jamánomo ñue íaifuenino mai omoi iri, mei ómoína uáidote Juzíñamui íaifuenidímieza. ¹⁶ Mei Juzíñamui Cuegáuai daí daide: “Cue íaifuenidímiedicueza, cue izói íaifuenino omoi iri,” daí Juzíñamui daide.

¹⁷ Juzíñamui illa dfgamie íaioi illáfuiái riire jícanoíte. Ua illáicomínimo, jamáicomínimo dámie fiéñeno daje izói nana riire jícanoíte. Ja birui afe bie

Juzíñamuína “Cai Moo” daidíomoi. Afemona afémiena mai caimare omoi jacírui. Ua bie éniemo omoi ille dinó bie izói omoi iri. ¹⁸ Mei Juzíñamui omoi illa tánofuíaímona ja ómoína jíllotateza. Afe ómoimo ite tánofuíaí omoi jaíáidigimamona otómoi. Afe jíllonafue ráifinana ñue onódiomoi. Bie ráifina órodo íbánide. Daje izói plátado íbánide, naa jíáie úcubetunido. ¹⁹ Afe jíllonafue dama Cristo ráifide ddedo íbátarede. Mei Jesucristo cruzmo, íainide boáfenide ovéjatirui izóidímie, Juzíñamuimo fállena fecaca. ²⁰ Jaiai ninomo bie énie nai cómuítañenia Cristo daí mameca, mei íadi are illa ícoimo, benó cai illa llezica, afémie cócaizaibite ñue omoi íllena. ²¹ Afe bie Crístodo Juzíñamuimo ínotiomoi. Tíidímacimona Juzíñamui bie Crístona meine cáatate. Afe méifodo Juzíñamui ñúefue íemo nitade. Afemona afémiedo Juzíñamuimo ínotiomoi. Afe izói ja Juzíñamuimo izire comécíidíomoi.

²² Ja birui ua llogáuaina Ñuera Joréñodo omoi jíeruillamona omoi comeci íaifuiái muiñódiomoi. Afe omoi comeci íaifue múíñuamona omoi ámatiaína uáfuenta nahí izíruirediomoi. Afe daí conímana mai omoi comécido, naa omoi rínodo izírui. ²³ Mei jíi, como meine jíeícigaomoi. Come móomona meine jíeicíñegaomoi mei títiaíoiza. Mei íadi Juzíñamui uaido meine jíeícigaomoi. Afémie uai jaca ninomo féíñeno zíñona ite. ²⁴ Jaiai Juzíñamui Cuegáuai daje izói llote. Aféuai daide:

Nana bíniemo ite náiraimona illa dfgamie jaca ráítiaí izoide.

Íaioi jamánomo jalléinafue ráítiaí záfia izoide.

Afe ráítiaí dúífiredé; dúíllamona íe záfia uaide.

²⁵ Mei íadi cai Ocuídímie uai féíñeno jaca zíñona ite.

Afe bie uai, ua ómoimo lloga ñue jállona uai.

2 Mei jira nana ómoimo ite éoicana finócafuiai fáicanocairi. Daje izói jiáimana o jífueacanafue abido oñeno fáicanocairi. Comeci iáirena mei, emodo ífuedo comínina ñue úritimie izóidifue omoi féitari. Daje izói jiáimamo omoi úradoñeno iri. Afe mei naga jiáimana ebena úacaillafuiai mai omoi féitaziri. ²Mei afe méifodo como jococa úrue izói comece náiretaite jirolle jenori. Ua, monoi ii jírúa izói Juzíñamui lloga iáinino, juánide uailai mai izire omoi jenori, nágarui áfemo omoi coméciillena. Afedo ñue riire móonaitio-moiza. Daje izói aféuaido nanómona omoi ñinoia, jílloitiomoi. ³Ua daií omoi jenori, mei cai Ocuíraima comécina ñué-nana onódiomoiza.

Jesucristo cómena zíñona cáatate nofici izóidimie

⁴Ie jira cai Ocuíraimamo mai omoi áinoziri; afémie cómena cáatate nofici izóidimieza. Afémie comínimona fiénide nofici ruífiruillano oni dotaca izóidimie. Mei íadi Juzíñamui dibénedo afémie iere ráifide nizeca nofici izóidimie. ⁵Afe izói omoi cáatate nofici izóidimacidiomoi. Iemona Juzíñamui ómoína óiacade, ie ciónena ua ífrenaco níllena. Afemona abina omoi rairuñeno iri. Daje izói Juzíñamui íeiena mameca, Juzíñamuimo comínido úrirainina dáaziena ómoína jóoneacade. Daií omoi jáillmona, uaido Juzíñamui ióbillena fecáca-fue íemo Jesucristodo fécaitiomoi. Afena Juzíñamui jeire óiteza. ⁶Cai Ocuíraima Jesucristo bie nofici izóidimie. Ie jira Juzíñamui Cuegáuai úfcodo daje izói llote; aféuaido Juzíñamui daide: Afe cue irácomo, ñii Sión dainácomo, dámie jónetice.

Afémie iere ráifide nizeca ñue riire mozíoide nofici izóidimie.

Nana afémiemo ínotino meáidaiñeno táinomo fáifíñeitiaioi, daide.

⁷⁻⁸Ja birui afémiemo ñue ínotimacidiomoi. Omoiri bie nofici izóidimie jamánomo ráifide. Mei íadi afémiemo íñoñeite comini, éicitaila izói, afémiemo baiídiaioi. Ua Cuegáuai benomo daina izói ja íaioimo zuide. Aféuai daide:

Afémie éicitaitate nofici izói ite.

Ua áillue noficimo écitaide baiilla izói afémie íemo íñoñedinona báitite.

Mei afe llogáuai jeire oñenamona, éicitaidimie izói baiídiaioi. Afe íaioi baiílle jaii ninomo daií mamécamaci. Daje izói afe ñue riire nofici izóidimie íaioi íñoñenamona nane jiáie daináuai íaioimo zuide. Íaioi íñoñegamie dibénedo aféuai daide:

Jofo níraini oni dotaca nofici jae ua riire mozíoide nofici izói jaide.

Juzíñamuimo jaináidimacidiomoi

⁹Mei íadi nizécaziediomoi. Afe izói Jamánomoidillaima Juzíñamui iédiomoi. Juzíñamui ocuífrega afémiemo comínido úrirainidiomoi. Afe emódomo Juzíñamui ñue finoca ie ocuífrega náiraidiomoi. Daje izói dama Juzíñamuimo jainaide comínidiomoi. Bífuii bie izói jóide, Juzíñamui cai jílloillena uaido jamánomo ebire finócafuiai jino comínimo omoi llóllena. Afe bíedo Juzíñamui, omoi jítifomona jino ie jamánomo ebírede úzefomo, ómoína jíríte. ¹⁰Jaii illáruido Juzíñamui ómoína daide: “Cue comíñinediomoi,” mei íadi ja birui Juzíñamuimo jainaide náiraidiomoi. Jaii ómoimo buna dúecañede, mei íadi birui Juzíñamui duéruigamacidiomoi.

Afe jaináidino Juzíñamui táijitaganona itífaioi

¹¹ Izíruiga ámatiai, Juzíñamuimo fínoñedino cígiri itífoimoiza, jicánemaci izóidiomoi. Ie jira izire jicádicue, bie éniemo ite táinomo come abi jitaila fiénidifuiaimona mai abí omoi rairuiri, mei afe abi jitáinafuiiai omoi comécimo bacáuaina íoideza. ¹² Juzíñamuimo fínoñedino cígiri omoi illa dinó ñue illa dibénedo mai omoi iri. Mei birui afémaci fiénidimacidiomoi izóí, ómoína uáitaoidiaioi. Mei íadi afe ómoína uáitaoidino, omoi ñue illáfuena íaioi cionamona, nibai íaioi comécimo ite fiénidifuiiai ñúefuiaina méidoitiaioi. Iemona Juzíñamui íaioina dúecaizaibilliriuimo afémaci daje izóí Juzíñamui ióbioitaitaioi.

¹³ Cai Ocuíraimana ícoinia, nana comini jóonega ríimaci anamo, mai omoi itábicaire. Daje izóí jabóidillaíma nahíllaíma anamo omoi itábicaire. Afe nahíllaíma jamánomo ocuídímie. ¹⁴ Afe nahíllaíma oreca jabóidillaini, fiénidinona duere fínoitiaioi, mei íadi ñúefue dibénemo itínona ébitaitaioi. Iemona íaioi anamo ífíreiri. ¹⁵ Mei jira Juzíñamui ñue illáfuemo omoi íllana jitaide, áfedo abina onóñedimaci, comécínino úritimaci diga íaioi táinodo úrillauai omoi fáinocaitallena.

¹⁶ Ráiruínegamaci izóí ñue omoi macari. Mei íadi afe omoi rairuínafuedo fiénicana abina omoi fínoñeno iri. Dáarie afe rairuínafuedo abí ínuamona fiénidifue finóacadiaioi. Afe izóí omoi íñeno iri. Mei íadi Juzíñamui izire rairuica táijitaganona izóí omoi macari. Daíí omoi íadi iere ñuera. ¹⁷ Dáamie jámairuíneno nana íaioi íllaze ñue caimare jacíruioiri. Nana ámatiaína daje izóí omoi izíruiri. Juzíñamuimo ñue izire omoi jacíruioiri.

Daje izóí nahíllaímana uáitañeno ñue omoi jacíruioiri.

Cristo nauí duere zefuíllafue afe izóí cai íllena caimo cíotote

¹⁸ Táijitagamaci, omoi ocuídímiaína ñue jacíruioicana íaioi anamo mai omoi itábicaire. Omoimo dúecaífirede caimare ocuídímiaína, mai íaioi anamo itábicaire. Daje izóí jíáie riire táijitate ocuídímiaína anamo mai omoi itábicaire. ¹⁹ Nágamiiaína taino abiri duere zefuítaadi, mei íadi afe llezica Juzíñamuimo comécínamona afémaci nai caimare ía, afe Juzíñamuína íóbitade. Juzíñamui ñue facátainafue afémacimo jóoneite. ²⁰ Mei jíáifodo fiénidifue omoi finóadi, íemona ómoína duere íaioi finolle llezica nai járidoñeno omoi ía, onóígaza afefue figo jínoñeite. Mei íadi ñúefue omoi fínuamona ómoína duere íaioi zefuítaadi nai járidoñeno omoi ía, ja omoi illafue Juzíñamui eróicana figura. ²¹ Ua afe daíí omoi íllena Juzíñamui mamécamacidiomoi. Mei jíí omoi ícoinia Cristo iere duere finócaza. Afe íe duere zefuíllafue omoi fidítate, afémie illa izóí omoi íllena. ²² Afémie jaca due fiénidifue finóñede. Daje izóí jaca buna jífueñede. ²³ Fiénidíuailái Jesumo íaioi nita llezica, íba olle fiénidíuailaína afémie lloñede. Izire íena zefuítatíaoimo, Jesús riire íbana otátañede; mei íadi dama afémie Juzíñamuimo dama íe uai jóonete, mei Juzíñamui ñue jáícina jóoneífirede riire jicáno-raímanaza. ²⁴ Daje Cristo cruzmo illa llezica, dama íe abido cai fiénidífuiaína abíocaiga izóí uite. Ua afémie cai fiénidífuiaína uiga, aféfuiaína dibénemo tídinuiaína izóí cai íllena. (Daíí aféfuiaína fínoñeíticai.) Mei afe méífodo, nífuenino Moo Juzíñamui ío dibénemo ñue jáícina íredicai. Afémie aillo bofécamiaína jaide ñue jíllotagamacina omoi jáíllena. ²⁵ Nauí tíñoñega júdaizite ove-

jai izói ebena macádiomoi; mei íadi birui Crístomo ja meine abído dúcidiomoi. Ovejai úinoraima izói afémie ómoína úinofirede. Afe izói afémie omoi comeci rairuítagamie.

**Airedino iníredino diga
íaiói ñue íllena llétafue**

3 Nana rímaci anamo cai itábicailla izói, nana ómoimona iníredingotíai dani omoi inítíai anamo ñue omoi itábicaíri. Mei omoi inítíaimona nibai dárie Juzíñamui llogáuaina nai íinoñediaioi; mei íadi omoi ñue illáfueña íaiói ciónamona, íaiói comeci ífue nibai ñúefueña méidotaite, jíáie uáíllaina nai omoi llóñeniadi. ²Ua omoi íaiói anamo ñue íáinino itábicaíllafue áfena íaiói ciónamona, daje izói Jesumo íinoítíai. ³Jamáingotíai fíerilla izói mai omoi fíeriri. Mei aillo jino abímo jíitaca raa izóidedo fíeríñediaioi. Mei jira fia abi fíédua ráífide oro finoina raana jíitáñeno omoi iri. Afe izói jamánomo féirede ífótíi níllo fíeríñeno iri. Daje izói aillo ráífide iníroína jíitáñeno iri. ⁴Mei íadi omoi comécina ebire fíerilla izói ñue omoi finori. Afe omoi comécina mánainafueña járidoñenafue diga omoi fíerita afe iere ñuera. Afe bie féíñede ebíredífue Juzíñamui eróicana jamánomo aillo ráífide. ⁵Afe daíí jáíáidinomo ite Juzíñamuimo íinofirede íáífuenidingotíai comécina ñue fíeritadiaioi. Afe llezica íaiói inítíai anamo ñue itábicaídiaioi. ⁶Ua daíí Sara Abraham daináfueña jeire ote. Afe daíí úamona afengo íena: “Cue ocuáíramadio,” uáídoífirede. Ja birui nífuemo omoi jacínaiñeno, ñúefue omoi jeire oía, Sara izóidingotíaina jáítíomoi.

⁷Afe dánomo nana ómoimona áiredimíai cácarei. Caimare omoi áítíaimo comécíillano, dani íaíoimo dúide ñúefueña íaíoimo nitari. Mei ringóníai iima jofófemo jabóicana

mairídeza. Daje izói Juzíñamui ómoímo dúecaíllano fecaca zííñona illífue, dájeze ringóníaimo fecaca. Afemona cáímafuedo íaíoimo úriredíomoi. Afe izói omoi iri, omoi Juzíñamuimo úrilla uai jíziñeílleza.

**Ñue omoi illa ícoínia
duere zefuítagaomoi**

⁸Nana bífuiaimona daa ráífidíuaido nana ómoímo úritícue. Mai dáafuemo comeci fácano, conímána caimare omoi canori. Daje izói conímána omoi duérui. Ua nahí ámatíai izói conímána omoi izírui. Come dúecaíllano comécina mánaidímacina omoi iri. ⁹Daje izói fíénidífue comuía afe íbana oñeno iri. Afe izói báíñuafue comuía, íbana báíñoñeno iri. Mei jíáífo dájecana ñúefue íba íaíoímo oírí; Juzíñamui ómoína íe ñúefue llínollena mamédeza. ¹⁰Mei jíí; Juzíñamui Cuegáuai bie izói daíde:

Biruíllaido ñue illáfueña izírúitímíe, caimare are íacadímíe diga, fieni úríllafue mona mai íe fue ráíruíteza.

Afe izói dáímíe caimare íllado are íacade íe fue ráíruíteza.

Iemo daje izói táínofuíaina mai afémíe llóñeíteza.

¹¹Fíénidífúíai afémíe fáicanocaíllano mai ñúefuemo comécíteza;

Iemo conímána comeci caimare uái illafue jenórede.

Afe mei afémíe nágarui áfeodo jáíredeza.

¹²Mei cai Ocuáíraíma comécina jáícina jóídimacina ráíruíllano ñue úíínoteza.

Daje izói afémíemo íaíoí úríadi, íaíoímo cacáreide.

Mei íadi fíénidífue fínóíinomona íe uíéco oni jíícaide.

¹³Jíáímamo ñue fínóllino jaca ízire omoi jenóadi, íraamo omoi jíítítímíena íñeíte! ¹⁴Mei íadi omoi jáícina ñue illáfuedo omoi duere

zefui daií, caimare ítiomoi. Buna jacríuñeno iri; daje izói áfedo comeci llícitaiñeno omoi iri. ¹⁵Mei íadi Cristo omoi comécido nahí Ocuídillaimana mai omoi mameri. Mai uícomo ñue omoi finóbiri, ómoimo ite úiñogafue jicánótimaci uai omoi ólleza. Mei íadi jacríuoicana comeci mánainafuedo afe fairíoina uai omoi ófri. ¹⁶Omoi illafue ñue jaícina mameri, omoi comeci úrillafue nífuenino uái llena. Ja Crísto omoi finuamona, omoi illafue ñuera. Afe omoi ñue illáfuedo fieni úritino ite. Ie jira ua omoi abi illafue ñue jaícina jónefireiri, ómoimo fieni úritino dani íaioi fieni úrilla uáillairi meáidallena. ¹⁷Juzíñamui jítáiadi ñúefue ícoinia duere omoi zefuíadi afefue ñuera. Juzíñamuina ióbitade. Mei íadi omoi fieni finócafue ícoinia duere omoi zefuíadi afefue figo jínoñede. Afefue Juzíñamuina ióbitañede.

¹⁸Mei dama Cristo cai fiénidífue ícoinia, dama abido tíñellinomo, dácaño duere zefuillano tíide. Afémie iere figomie, mei íadi cai fiénina ícoinia cáiconi duere zefuízaibite, Juzíñamui illánomo cai jáillena. Ie abi feizi dibénedo titácamié, mei íadi Juzíñamui Joréñodo meine abido cáadimie. ¹⁹Ie mei Cristo ie joréñodo, nai meine caifo náidañena llezica, jíainomo fbaicoga tíidino joréñuai afémie llétajide. ²⁰Bimaci jaii ninomo Noé illáruido llogáuina jíeruñedino. Aféruillaido áillue nocáe Noé fínua llezica, fiénidino duere finólliruiamo Juzíñamui comeci raire járidoñeno, ffaicana áfemo úiñoide. Afe áillue nocaedo nana dane ocho dígamié jíllodiaioi. Ua Juzíñamui izire comini duere fínuaamona, afe aillo jainoi cígimona jíllodiaioi. ²¹Afe jáinoimo cai uibíllano, íaioi jílluafue caína onótate. Ie jira afe jainoi báutiza jainoi izoide;

mei báutiza jáinoido fiénidífue mona cai jílluana onóttagacaiza. Bautismo ráifinafue fia abi íaifue duáfueñede. Mei íadi ñue íainide comeci úrillafue Juzíñamuimo cai jícafue dibénemo bautismo ráifinafue comuide. Afe íainide comeci úrillafue afémio jicáredicai, mei Jesucristo tíide meine cáanafuedo jíllotagacaiza. ²²Afémie meine cáillano monamo jaide. Jaillano Juzíñamui nabézimo ite. Nana Juzíñamui abi imaci, jae Jesús anamo itíaioi, naa jíaie rímaciri. Ua nana máirimaci baimo afémie rínorede.

**Juzíñamui caimo fecaca
eróicana, come máirie illa
dieze, íemo táijiredicai**

4 Mei jira, Cristo dama ie abido duere zefuilla izói, dani omoi abina Crísto duere zefuillena daií finóbirediomoi. Afena rairuíño omoi iri. Mei Cristo ícoinia abina izi cácatagamié abido fiénidífuiaina finóacañede. ²Iemona nana ie cáanaruillaido Juzíñamui comeci jítainafue izói iite. Afémie bie éniemo jaináidino comeci jítáioinafuiaina fuitállena jénoñeite. ³Afe Juzíñamuina onóñedino gáinafuiái izói jamánomo jaii ninomo are omoi illa ja daií itíomoiza; meine daje izói iñeno omoi iri. Naui aféruillaido fiénidífue diné jaináidiomoi. Omoi comeci fieni jítainafuiaimo íoidiomoi. Daje izói jamánomo fiénidiji omoi jíruamona jífáifirediomoi. Omoi dáanomo aillo güilláruillaido fiénidífuiari faillíñáifirediomoi. Daje izói jánaraimo gairífirediomoi, afe jánarai ióbitallena. Daií gairíllano aillo bie izoide íaifuiái finófirediomoi. ⁴Ja birui bie Juzíñamuina onóñedino, ja aillo jamánomo íaifue dibénemo itíaioi. Iemona íaioi omoi fieni nabáñenari, fáigacaidiaioi. Iemona ómoimo fieni

úrítiaioi. ⁵Mei íadi afe fiénidimaci íaioi comeci ifue jino Juzíñamuimo llórediaioi naa íaioi finócafuiairi. Ua cáadino tíidino diga afémie íanori íllamona iere riire jicánoite. ⁶Mei jii, Juzíñamui daina jíllona uai tíidimacimo uícodo llotátaga, afe tíidino joreño dibénedo Juzíñamui illa izói íaioi íllena. Jiái íemo baimaci, nana bínie comini tñilla izói tñítiaioi íadi, ja Juzíñamui illa izói cáaitimacina írediaioi.

⁷Ja naga ráfuiyai fuizáíllinomo áinozide. Mei jira nñufuemo coméciidimacina omoi iri. Afe izói Juzíñamuimo ñue úrillafuemo jifánodoíñeno izire omoi facáoiri. ⁸Omoi finoca naga jiáie raa baimo, conímana iere omoi izíruiiri; mei izíruiillafue aillo íaifuiaina enínaitaga izói niné féitateza. ⁹Conímaíaina ómoimo mácaíbitinona diga, omoi jofomo comécido ruifruíñeno caimare llínofíreiri. ¹⁰Illa dígamaci Juzíñamui ómoimo iga táijina ríino daina izói jiáimana canórediomoi. Afe izói omoi íllamona Juzíñamui ómoimo fecaca jiáífodo onóigafuiaina ñue dájerize fecárimacina ítíomoi. ¹¹Dámie uaillai jino llóiacania, comini llófuellena, Juzíñamui daina uaillai jino llórede. Dámie jiáimana canóadi, Juzíñamui fecaca ríinodo canórede. Nana omoi táijinafuedo nñufue Juzíñamuimo nitárediomoi. Jesucristo cai diga íllamona daí Juzíñamuina íóbitaredicai. Mei afe Crísto nana ebirede nñufue, daje izói ríino diga jaca afémiemo zíñona dúideza. Aqué izói jóideza.

**Jesucristo cai jainaina
ícoinia duere finócanodicai mei
íadi meáiruiñedicai**

¹²Izíruiga ámatiai, ómoimo cómuite izire facátainafueri fáigacaiñeno iri. Aféfuaiaina jánaídifue daíñeno

iri. ¹³Mei jiáífodo aféfuemo omoi caimátaioiri; ja Cristo duere zefuíllafuiyai dibénomo dúirediomoi. Afe izói omoi íadi, Jesucristo ebire bíllana omoi cóillemona jamánomo íóbicaítíomoi. ¹⁴Cristo ícoinia omoi íaioi báíñoia, cáimafue dibénomo ítíomoi; mei Juzíñamui ebírede Joreño úicaigaomoiza. Omoi báíñotino Crístori fieni úrítiaioi, mei íadi omoi dibénomona nñufuedo íemo úrítíomoi. ¹⁵Omoimona dámie duere zefuíaí, come fáíredimie, mei nibai merííredimie dibéfuemo duere zefuíñeno iri. Daje izói íáíbadimie, jiáie come ífuemo gágutajidimie dibénomo duere zefuíñeno iri. ¹⁶Mei jiáífodo, Crísto ínotinona omoi mameina ícoinia, duere omoi zefuíaí, áfena meáiruiñeno iri. Ua meáiruiñeno aféfuerei Juzíñamuina omoi íóbioitari.

¹⁷Mei ja Juzíñamui cai lletáíllíruimo dúcizaide. Ua dani Juzíñamuimo jaináidinomo jaícina llétafue fueñe táiniaide. Mei afe jaícina llétafue daí caimo tainéiadi, ¿nie izói Juzíñamui llogáuaina jeire onédino, íraíruimo dúcille llezica, ítítiaioi? Afémaci lletáíllífué jamánomo riire zúite. ¹⁸Fígomaci dibénomo jíllóillífué juare ia, Juzíñamui ñue jacruíñedino jíllóillíno iere féirede. ¿Nie izói nibáílliaioi? ¡Níbaíñeítiaioi! ¹⁹Ie jira Juzíñamui comeci jítailla izói duere zefuídino, naga nñufuiaina finócairediaioi. Afe llezica íaioi coméciai Juzíñamuina rairuítarediaioi. Mei Juzíñamui méidoñeno ínofíredimieza, íaioi comuítatimieza.

Crísto ínotino llóina uai

5 Omoi gairífirena cígimo ite ocuide eicomínimo cue llóina uai llóitícué; cue ja afémaci izói eicómedícuéza. Daje izói Cristo duere zefuilla uai nabáídimiedícué. Ico nñrui Cristo bille

llezica ie ebredifue cfocailliruimo, afe ie ebi omoi cácaille izói, afe izói ie ebi cácaiticue. ²Nana omoi uai anamo itínuiái ñue íaioina omoi úíñori, oveja úíñoraíma ie ovejaíai úíñua izói. Ráairuíño, Juzíñamui jitailla izói, omoi comeci figónamona íaioina omoi úíñori. Jááima izire ocuilla izói íaioina omoi úíñoñoeno iri. Dama úcube óllena úíñua izói íaioina omoi úíñoñoeno iri. Dama omoi comeci óiacana izói caimare omoi táijjiri. ³Omoi uai anamo itínona rírerie comécina éoide comini úíñotimie úíñua izói omoi úíñoñoeno iri. Mei jááfodo omoi illafue ñue jaícina omoi mameri, omoi illa izói íaioi ílleza. Mei daí ñue illafue fueñe íaioimo jino llotímiediomoiza. ⁴Afe jira Nahí Uíño-raíma Cristo cíocailliruimo ebírede ñuefue ómoimo nítaite. Afefue jaca ninomo féiñeite. (Comini dibénemona cómemo fecaca raa, jamánomoidimie daíllena, fia rábiai finoina ifo icuifoi. Afécuifoi etuda niné táinocaite, mei íadi omoi mainóredifue jaca niné táinocaiñeite.)

⁵Afe daje izói, jitócomini, mai omoi ocuide éinamací ñuera ríuui anamo itábicaíri. Ua nana omoi conímana comeci mánainafuedo daje anamo dájena itábicairediomoí. Mei jaiái Juzíñamui Cuegáuai daide:

Juzíñamui, nana fieni abí finotinona uáitaoide; ua íaioimona ie uíeco oni jíicaide.

Mei íadi nana comécina mánaidinona afémie dúecaífirede.

⁶Mei jira Juzíñamui ñue ríirede uai anamo ríriñeno comécina mánaidimiena omoi iri. Afemona ie comeci daílliruido afémie ómoína jamánomoidimiena jóoneite. ⁷Nana omoi izire comeci llícidifuiái Juzíñamuimo uáfodo lloíri; mei afémie ómoína iere rairuídeza.

⁸Ñue cáadimie izói abi omoi rairuíoiri; mei caí bacáuai ímie Taife

caína jenódeza. Ua juffruite jánallari rille júnea izói afémie caína jenódeza. Ua jenode caína fiénidifueмо ífóllena. ⁹Afémieмо omoi íinogafuedo izire uáitaocana abí omoi mameri. Mei nágaboaímo ite omoi ámatiaí dáafueri duere zefuódiaioiza onódiomoiza. ¹⁰Mei íadi nano íanori duere omoi zefuilla mei, Juzíñamui meire abido caimare duere zefuñena dibénemo ómoína itátaite. Afe llezica íaífueмо comécina féitanide cómena ómoína mámeite. Ua dáaruido ómoína riire nibáinino nabéfuena náretataite. Afe daje Juzíñamui fiénidifuemona abi rairuíllafuena cai ite, naa jáíe canóinafuiáiri. Dáamie íemo ite ziiño ebírenafueмо ebi caí cácaíllena, afémie áfemo caína mamede; mei Jesucrístomo cai jáináíllamona, áfemo ebi cácaítaícaí. ¹¹Uafue, afe Crístomo nana ebirede ñuefue, ríino díga jaca ziiñoína dúide. Aqué izói íteza.

Íraífuena facádua uai

¹²Bie íanori cue ciegabe Silvánodo ómoimo orédicue. Afémie ñue ínofirede ámaza comécido onódicue. Afe bibedo ñuefueмо omoi íllena omoi llófueticue. Ja aillo Juzíñamui ézicigafuiáina jeire otímoí. Iemona afémie ómoína iere izíruíteza ua onódiomoí. Aféfuedo riire nibáinino ómoína mamédicue, uáfodo omoi onóíllena. Bífue nágarui jaícina jeire omoi oíri.

¹³Babilonia jófueмо ite Juzíñamuimo gairídino, Juzíñamui omoi izói eneno nizécano, ómoimo uailai orédiaioi. Daje izói cuedo jáicadimie Marcos ómoína uáidote. ¹⁴Nahí ámana izíruilla izói caimare conímana omoi uáidori. Nana omoi Jesucrístomo jáináidinodiomoiza, mai caimare uái omoi iri. Mai; jae ñie.

SAN PEDRO MÉIFODO CUEGABE

Segunda Carta del Apóstol San Pedro

Jesumo ñinotínomo Pedro cuete

1 Cue Simón Pédrodicue. Jesucristo ocufíregamiedicue. Daje izói ie oréfiregamiedicue. Iere ráifide ñinuafue jeire otínomo bibe cueticue. Omoi ñinogafue daa cai ñinogafue izói ráifide. Aféfuena ja fairfotiomoi, mei cai Jíllotatimie Jesucristo Juzíñamui diga comécina ñue jaícina jóidimieza. ²Cai Ocuíraima Jesús, Juzíñamui diga, omoi onónamona diga éziciafuiyai, daje izói comecei caimare uái illáfuiai dibénomo omoi iri.

Crístomo jaináidinomo ite nie izóidifuiyai

³Nana cai comecei jitaica raa, Juzíñamui iodo caimare cai jáillena Juzíñamuimo ite ríinodo caimo fecaca. Afémie cai ie fidítamona bífuiaina caimo ite. Ua dama íemo ite ñúefuiaido afémie caina íemo ñinotade. Daje izói ie fáigacailla ebire finócafuiaido íemo caina ñinotade. ⁴Iemona ie jífueñeno fecalle uai caimo llote. Bie caimo llogáuai iere aillo ráifide uai. Afe uáillaído Juzíñamui illa izói íitíomoi. Nana comini íaifue dibénomo fieni comecei jítainafuiaido uigámaci; mei íadi Juzíñamui ómoimo llogáuaido afe íaifuemona jae jíllodiomoi. Iemona Juzíñamui ñue illafue dibénomo íitíomoi. ⁵Mei ie jira omoi ñinogafuemo, nágarui Cristo ñue illáfuedo omoi íocire jáillafuena aillo nabáicana uiri; afe omoi ñue jáillafuemo caimare fibíllafue daje izói nabáicana omoi uiri; ⁶afe caimare fibíllafuemo, dama abina rairuíllifue omoi nabáicana uiri; afe dama abina rairuíllafuemo comecei

járidoñenafue omoi nabáicana uiri; afe comecei járidoñenafuemo Juzíñamuimo caimare coméciillifue dájemo nabáicana uiri; ⁷afe Juzíñamuimo caimare coméciillafuemo ámatiaina duéruillafue dájemo nabáicana uiri; afe ámatiaina duéruillafuemo nahí izíruillafue mai izire dájemo nabáicana uiri.

⁸Nana bie izói daináfuiyai jeire omoi óiadi, afe llezica aféfuiai ñue omoi móonaitaiadi, omoi illafue táinomo báiiñeite. Daje izói cai Ocuíraima Jesucristona omoi onónafue táinoñeite. ⁹Mei íadi bífuiaina jeire onédino únidimie illa izói ite; jica cióneno áinori ciódimie izói ite. Jaiái ie finoca fíenidifuiyai dóinamo ja coméciñede. ¹⁰Mei jira, ámatiai, Juzíñamui uáidota eneno nizécamacidiomoiiza onódiomoiiza. Iemona jíeredímaci izói omoi iri, aféfuiai omoi comécimo riire amena jáinao izói íllena. Afe izói omoi íadi, jaca Cristo íomona oni nibéfodo jáiñeitiomoi. ¹¹Bifue daina izói omoi íadi, cai ocuide Jíllotaraima Jesucristo zíñona illáimana illánomo, rairuíñeno caimare jofo uáidolliomoi.

¹²Mei íemona bífuiaimo omoi comécioitaiticue; aféfuiai onódiomoi íadi. Daje izói afe ómoimo birui ite ua uai jeire otíomoi íadi, nai jaca jaícina comécioitaiticue. ¹³Bie ñue llóinafue uáfodo ómoimo cue lletalle nai cue jáicana llezica, cúemona ñue jaícina cíoide. ¹⁴Mei jii, nauí cai Ocuíraima Jesucristo benó illa llezica, raire cue tíllano bie éniemo cue íneillena cuena daide. Afémie cuemo llua izói ja raire íficaite. ¹⁵Ie jira birui nana cue ríinodo llófueríticue, cue tílla méifomo bífuiaimo jaca ñue omoi coméciillena.

Pedro Cristo jamánomo ñuera ébífuena ciónana jino llote

¹⁶Nauí cue nabáiñiai cue diga cai Ocuíraima Jesucristomo ite ñuera ríino

ífuena omoi llófueticaí, ie meine abido billífue diga. Nana afe llófueinafuiaí dani cai comécimo comuídífueñede. Táinofuena lloñédicaí, mei íadi dani cai uído ie jamánomo ñuera ébífueña ciódnodicaí. Iemona uafue lloticaí. ¹⁷ Ie Moo Juzíñamui íemo ñúefue nítana, jiáie ebíredífue íemo fécana dani cai uído ciódnicaí. Juzíñamui ebire ie uaido daide: “Bie cue izíruiuga jító. Afémieri iere ióbioidicue,” daide. ¹⁸ Aquíe izói monámona Moo dáinana dani cai je-fodo cacádicaí; mei afe ñue eneno nizeca ídumo afe cai Ocuíraímaioiri jáidicaíza.

¹⁹ Bie como cai llogafue baimo, jiáie nahí ua llogafue ite. Bie nahí ua-fue jaiái uícodo uai jino llóraini lloga cuegáuai. Afe cuegáuai cai llogáuaina nabaide. Bínie nai jítífomo illa llezica búuaina ráruíñeno iere jeire órediomoi. Aféuai mechera naio bóua jítífo egáíñua izoide. Ua aféuai nai mona mónaiñenia, jítífo egáíñua izói omoi comécina egáíñote. Afe mona monailla llezica monáiracudu izóidímie billano, omoi comécina ñue jaícina déítaite. ²⁰ Mei fueñe bífuemo omoi coméciiri: Cuegáuailaimo ite uícodo jino lloga daináfuiaí dama afe uai lloráimamona llóñega. ²¹ Mei onódicaíza, uai llóraini jaca dani íaioí comeci jítainafuiaido úriñediaioí. Mei jiáífodo afe Juzíñamui íeiena maiñócamaci afémie dibéfodo úritiaioí; mei Ñuera Joreño ífócaíaoíza.

Táinofuiaina llófuefiredino

(Jud 4-13)

2 Mei íadi afe dáaruillaído Israel comini cígiri táinofuiaí jino llóraini ite. Afe izói omoi cígiri táinofuiaido llófueritino íite. Afémaci dani fieni finode ifoci úrillafuena báinino omoi llófueítiaioí, comini Juzíñamuimo íaioí ínogafue féitallena. Daí aféuaido íaioína jíllotaite Ocuíraímana jáanoítiaioí. Afemona íaioí niné raire

táinocaillífue dani íaioímo zúite. ² Iaióimo ite fiénidífue dibénedo aillo comini jáítiaioí. Dani afémaci ícoína cai ua ñue jaille iori fieni úritiaioí. Bie ñue ua cai jaille io Juzíñamui ñúefue. ³ Iaióí aillo úcube llínoiacanamona, táinofuiaido omoi íaioí jífuiado úcubena llínoítiaioí. Mei íadi íaioí niné táinocaitaimie, íaioí finócafuiaina cíollano daí íaioí táinocaillífueña fáicanocaiñeno maméoi. Mei jaiái ninomo íaioí duere finóllena mamécaíaoíza.

⁴ Juzíñamui abi imácimona dáarie fiénidífue mo baíidiaioí. Afémaci íaifueña Juzíñamui doñede. Doñeno duere zefuille iraimo íaioína orede. Jítífomo íaioína fiénocai. Dinomo ico izire jicánollirumo bai óllena cuinácaíaoí.

⁵ Daje izói Noé illágima llezica fiénide comini íaifueña Juzíñamui doñede. Mei íadi jamánomo áillue jáinoido afe fiénidinona Juzíñamui nana fiéñeno fuitade. Afe fiénide náiraimona dama Noéna naa siete diga ie comíniri Juzíñamui jíllotate. Afe Noé jaícina ñúefuedo íaioína lletade íadi jamáiena faitíaioí.

⁶ Bífue mei, daje izói Juzíñamui Sodoma jofue, Gomorra jofue imaci diga niné táinocaitate. Ua nana íaioí jofue bóua mei, daa imuícaí fiébilla. Ua daí izire niné táinocaitate, ie méifodo fieni íitino, bífuena cíollano, Juzíñamui fiénidino izire duere finófirede daíllena. ⁷ Afeno bóocuamona Lot dainámie comeci ñuénado íena jíllotade. Lot afe íairede comini fieni illáfueña ie cíonamona ie comeci jamánomo zúucaide. ⁸ Bie comécina ñúemie Lot, nágarui fiénide comini cígiri ie íllari, íaioí fieni finócafuiaina cíode; íaioí fieni úrillafuiaina cacade. Aféfuiaí ie ñuera comécina zuure finode. ⁹ Daí cai Ocuíraíma nana íena ñue jacíruitino íaioí comeci fieni

facátafuiaimona íaioi jílloillena ñue onode. Daje izói afémie nana fiénidino ico íiracaiño iere jicánolliruimo duere finóllena oni eneno jóoniana ñue onode.

¹⁰Nana íaire comeci jítainafue jeire óiacadinona Juzíñamui iere duere fñoite. Cai Ocuíraima rñinona jámairuitinona daje izói duere zéfuitaitiaioi. Afémaci llétana cacáacaiñedino. Illáimana jacríuñedino. Daje izói monamo ite jóriai izoide rñinoredinona báinuana jacríuñediaioi. ¹¹Juzíñamui abi imaci afe fiénidino baimo rñinorediaioi. Daí íaioi illa íadi, afémaci afe jóriai izoide rñinoredinona fiene daíñediaioi. Ua cai Ocuíraima uíecori afémacina báinuafuedo “Duere zéfuitiomoi,” daíñediaioi.

¹²Afe fiénidino rñllenai izói abina onóñediaioi. Afe rñllenai da ebena il-láfuemo itíaioi. Ñúefue dine comeciñediaioi. Fia llaitada fállena jocócaiaioi. Bie izói itímíai ónoñegafuedo fiene úritiaioi. Mei íadi afémaci jiba rille izói títiaioi. ¹³Jíáie comini duere íaioi zefuítado duere finóbitiaioi. Ianori caimátaillufuedo jíáie iere ióbitadinodicaí, daíñediaioi. Afémaci meáidaitadimaci. Comeci fiene finode raa izói omoi cígiri itíaioi. Daje llezica omoi finoca ráfuiáido nabáiriacadiaioi ómoina íaire finóllena. Táinona jífuate caimátailla raado jifánotiaioi.

¹⁴Afémaci nana ciona ringomo fia érocaíñeno llaitada jiruifue finócadiaioi. Afémaci fiénidifue fñuana iere gáidiaioi. Afena fáicanocaiacañediaioi. Comécina náinidinona bífueta íaifuemo uitíaioi. Naga raana izire máinuana iere fibidiaioi. Afe izoide comini íaire faidócano. ¹⁵Afémaci Moo Juzíñamui ñuera íomona oni fiénidiodo jáidiaioi. Jaiái uai llóraima Balaam ífuedo jáidiaioi. Afe Balaam Beor jító. Afe Balaam fiénidifuiái ie fñuado aillo úcubena llínoiacade. ¹⁶Mei jíáfodo áfemona uáinide burra

Balaam fiénidifuiái diné íena lletade. Afe burra come izói úrillano, Balaana uáiritaidimie úrilla izói rairuillano íena úritañede.

¹⁷Nana bie táinofuena llófueridino jainoi iñeno jainoi orano zafénailla izóidiaioi. Jairífodo oni niné ñaitacamoná uíllie izóidiaioi. Jamánomo jítirede jítinomo zíñona íllena riire faidócaiaioi. ¹⁸Mei aillo abi fñua uáillaido naa taino uailái diga, ñúemacina jífuecana uitíaioi. Iáioi íaifuiaido, comini abi jítainafuiái diga jíáimacina bífuetiaioi. Ua íaifue dibénemo itínomona uáfueña jíllodinona meine íaifuemo nane bífuiáidiaioi. ¹⁹Uícodo raire llotíaioi: “Uafue ráiruíñega comini izói íitiomoi,” daíñediaioi. Mei íadi afe daina llezica, dani afémaci íaifue dibénemo izire jaináitaganona itíaioi. Iemona afémaci fiénidifue fñuana fáicanocainidiaioi. Illa dígamie íena anáfenode raa íena náamatade. Iemo áfemo izire jaináitagamiéna jaide. ²⁰Mei cai jíllotate Ocuíraima Jesucrístona onódimaci, éniemo ite íaifuiaimona oni jíllodiaioi. Bimácimona dáarie íaioi jíllua mei nauí íaioi anáfenogafue mo abido íaioi baííadi, nano íaioi illa baimo, jamánomo fígoñeite. ²¹Juzíñamui ñuera iona íaioi onóñenia afefue afémacimona fígoñede. Mei íadi ja Juzíñamui iona onona mei, íaioimo iga ñuera lletárafuiaina féitaadi, afefue jamánomo fiénide. ²²Jaiái daina ua uai como afémacimo zúilla. Aféuai daide: “Jico ie cicúecana abido guízajide. Daje izói mero abina ñue jococa nane dama íe íaíbimo nane jabíjabiízaide,” daide.

Cai Ocuíraima billifue

3 Cue izíruiga ámatiai, omoi cácarei. Bie méifoidibe ómoimo cueticue. Ménacaiño ómoimo cue orécabedo ómoina abi jífueñeno

bífuemo coméciitaacadícue. Ñue llófueinafuedo ómoina coméciitadícue. ²Afe jira jaiái ñuera uai lloraini caimo llogáfueemo omói uibíoiri. Daje izói Cristo orécamaci ómoimo lloga jíllotate Ocuíraima lletara uaimo féitañeno áfemo omói coméciiri.

³Nano fueñe bífuemo omói uibíoiri: ico írairuillaído Juzíñamui lloga ñuefuiaina zanófiredino bíitiaoiza. Afémaci daní íaioi comeci fieni óiacana-fuiaido itíaoi. ⁴Afémaci ómoimo zanda jícanoítiaioi: “¿Ninomo ite ómoimo lloga meine bite Cristo? ¿Néemei afe? Cai jáiaigima tilla méifomo naga raa daje izói ite. Ua énie comuállarui-mona naga rafue daje izói jáioicaide.”

⁵Daí llóitiaoí, mei jaiái ninomo monana Juzíñamui ie uaido fínuafueemo coméciacañediaoiza. Afe izói Juzíñamui uaido ocuállamona, zocade raa zocai ízoi, bínie jáinoimona comuide. Iemo jainoi cígido bínie Juzíñamui ie uaido riire itábicaítate. Aféfuena náfueñeno bie zanófiredino onóacañediaoí. ⁶Afe mei daje izói énie anábaitade áillue noci aféruillaído bie éniemo ite cáadinuiaina niné táinocaitaíbite. ⁷Mei íadi birui ite mona énie diga daje Juzíñamui daina uaido táinocaitalle irai íena oni jó-neoiga. Afe irai fíénidinuiái niné táinocailiruimo ico íraicaíño iere jícanol-liruimo afe bíniena naa mona diga cuarítaite.

⁸Izíruiga ámatiai, bie emódomo ífueña omói féitañeno iri. Cai Ocuíraimamona daa mona mil fimona izóideza. Daje izói afémiemona mil fimona daa mona izóideza. ⁹Cai Ocuíraima ie daináfuiái fuitálliruimo dúcia bai jíáiruimo dúiñoñeite. Dámierie afémiena jíáiruimo dúiñoite daíífirediaoí. Mei íadi afémie cairi járitañede. Afémie buna oni fáiaacañede, mei jíáifodo caimo ite fíénidifuiái ñuefuena méidollena

afémie iere jitaide. Afémie aféruina bai jíáiruimo dúiñoñeite. Féitañeno ie mamécaruimo zúite.

¹⁰Cai Ocuíraima billirui meríriraíma naio billa izói, nai due ócuiríñeítiaioimo déizaíbiteza. Afe billíruimo mona naa íemo ite ráaniairi jacire niné táinoficaite; áfena iere ficire cácaite. Nana afe mona fínua ráaniai naa úcuairi iraimo niné táinocaitaite. Afe llezica bínie naa íemo ite ítfnuiári cúarite.

¹¹Ja nana daíí táinocailifueña omói fidínamona, nana íaífuemona abi omói rairuállifue iere jítaírede; benómona afémiena caimare íóbitaredicai. Ua Juzíñamui íeiena omói illifue iere jítaírede. ¹²Mai Juzíñamui ie nahí illáimana cíocaizaibilliruimo omói úiñori. Uíñua llezica, omói onóigafuedo aféruina raire mai omói járidori. Aféruillaído mona ero iraido niné táinocaitaite. Nana énie fínua ráaniai iraimo niné íbina jáitiaoí. ¹³Mei íadi Juzíñamui uícodo caimo lloga comue monamo comue éniemo ocuídricai. Afe comue éniemo mona diga, nana raa ñue jaícina jóite. Naga raa níífuenite.

¹⁴Izíruiga ámatiai, mei benómona nai bífuemo omói úiñoína llezica, nana ómoimo ite rínodo omói illafue jaícina jóoneri. Daíí omói comeci caimare uái illafue dibénemo íllamona Juzíñamui ómoimo eróicaizaibilleza. Afe izói omói comeci íaicaíñeno nífuenino Juzíñamui ómoimo cíozaiabilleza. ¹⁵Nane jíáífuemo omói comécioiri. Afefue daide: Cai Ocuíraima comínimo járitañenafue, ua cai jíllóillifue. Daa búuai cai izíruiga ama Pablo ómoimo cuete. Juzíñamui íemo lloga comeci jaícina fibíllafuedo cúefirede. ¹⁶Nana afémie orécabiamona daa bífuiaí llote. Mei íadi dáarie ie uailái ñue onóíllena iere féirede. Abina onóñedino afe féireduaina jíáifodo mamédiaioí. Afe izói jabo ínotino aféuaina jíáifodo

dobáiñotiaioi. Daje izói jiáie Juzíñamui Cuegáuai lloga uáillaina oni jiáifodo áifedotiaioi. Afemona afémaci dani abi niné táinocaitaitiaioi.

¹⁷ Izíruiga ámatiai, nana bífuiaina ja uícodo onódiomoiza, mai fiénidinomona abí omoi rairuiri, afémaci jífuerillafuedo meine abido íaifuemo omoi báiziza; omoi jeire oga ñúefuena niné féiza.

¹⁸ Mei jiáifodo, cai jíllotate Ocuíraima Jesucrístona, mai jamánomo ñue abina omoi onoiri. Caina ie duéruillafuemo, omoi comeci ifue aillo oni móonaitaocairi. Iere ebire ñúefue dama Jesucrístomo mai birui omoi nitari. Daje izói zíñona ebíredifue afémiemo mai omoi nitáfireiri. Mai. Jae niie.

NANOIDE SAN JUAN CUEGABE

Primera Carta del Apóstol

San Juan

Cáatate úrilla uai

1 Nana raa nano taineina llezica itímiedo ómoimo cueticai. Afémie Jesucristo. Afémiemona cai cacánana lloticai. Dani cai uído cai ciónana lloticai. Afémiemo eróidicai. Afémiena dani cai ónoido jetádicai. Afémie Juzíñamui-mona uaillai lluáibitímie. Afémie uai caina cáatate. ²Afe cáatatena itímie cai onóillena caimo cíocaide. Afémiena cíoillanona íemo uai faiticai. Afémie fecalle zíñona cáananona ómoimo jino lloticai. Nanómona afémie Moo Juzíñamui diga ite, ie mei caimo cíocaide. ³Jira cai cacánafue cai cíonafue diga uáfuea jino lloticai, daaco comínina omoi cai diga íllena. Ua afe izói uáfuea Moo Juzíñamuimo dájena jaináidicai. Daje izói ie Jitó Jesucristomo jaináidicai. ⁴Jira aféfuiaina ómoimo cueticai aféuaido jamánomo caimare ñue omoi íllena.

Juzíñamui nairai comeci egáioidímie

⁵Bie úrillauai Jesucristo caimo llogáuai. Afena jino ómoimo lloticai: Juzíñamui comécina egáioidímie. Afémiemo jaca jítinona íñede. ⁶Dájena afémiemo jaináidicai cai daiíadi, íadi afe llezica jítifodo cai macáadi, taino lloticai. Daje izói táinona finódicai. ⁷Mei íadi Juzíñamui úzefomo illa izói, daje izói úzefomo cai macáadi, ua dájena conímamo jaináidicai. Iemo ie Jitó Jesucristo ie cruzmo tállamona, ie die tótajamona nana cai fiénidifuiái dote.

⁸Cai fiénidifue íñede cai dáiiadi, cai abi jífueticai. Táinofuefiredimacidicai.

⁹Mei íadi Juzíñamui ñue jaícina finóllifueo áfemo ínoredicai cai fiénidifuiái jino cai llóíadi, uáfuea afe fiénidifuiaina afémie dóite. Nana íemo fieni cai finócafue ibana caimo óñeite. ¹⁰Cai fiénidifuiái finóñedicai cai daiíadi, Juzíñamui táinofueredena cíotataiticai. Ie úrilla uaina uáfuea jeire oñédicai.

Cristo cáiconi ñue úriraima

2 Cue jítótiai, bífuiái ómoimo cueticue, íáiredifuiaimo omoi báiiñellena. Mei íadi dámie íáiredifuiái finóadi, Moo uíecomo cáiconi ñue úritímie ite. Afémie Jesucristo. Ñue jaícina itímie. ²Jesucristo cai fiénidifuiái ícoinia fagámie. Dama cai ícoiniañedeza, mei íadi nana énie comini fiénidifuiái ícoinia.

³Juzíñamui ocuífuiái iere cai cacáreadi íena onódicaiza fídiiticai.

⁴Mei íadi dámie “íena onódicue” daiíadi ie ocuífuiái iere cácareñeniadi, afémie taino lloraima, ua táinofuefiredímie.

⁵Mei ie ibana Juzíñamui ocuífuea finódimie, jae Juzíñamuina nabéfuea izíruite. Daií áfedo íemo cai jainánana fídídicai. ⁶“Juzíñamuimo jaináidicue” dámie daiíadi Cristo maca izói ie macállino jítáirede.

Comue ocuífue

⁷Cue izíruigamaci, comue ocuífue ómoimo cueñédicue. Afefue nanómona ómoimo itífue. Afe jaiái rafue daje omoi cacana úrillafue. ⁸Mei íadi ómoimo cue cuegafue comue ocuífue izói ómoimo íficaizaibite. Bie ocuífue Crístomo nahí ua ráfuea ite. Afe izói bie ocuífue ómoimo nahí ua ráfuea íite. Afefue ua nahífue, jítino oni jáioicaideza. Jae ua comécina egáioíllena ñue egáioinaza.

⁹Dámie “úzefomo iticue” daiíadi, íadi jíáimana nai éoia, afemie nai jítifomo

ite. ¹⁰ Ie ámana izíruiitímie úzefomo ite. Afémiemo minícana fiénidifuiiáimo baítaitena inéde. ¹¹ Mei íadi ie ámana éoicaidímie nai jítifomo ite; ua jítifodo macade. Niné jáideza onóñede, jítino uina cíoitañena jira.

¹² Jitótiai, jómoi cacai! Juziñamui Jesucristo titáinanomo omoi fiénidifuiiai ibana ote. Ie jira bifue ómoimo cueticue. ¹³ Móotiai, ómoimo cueticue, nano tainéinanomo itímiena jae omoi onona jira. Jitócomini, ómoimo cueticue, Taifena omoi anáfenua jira.

Jitótiai, ómoimo cueticue, ja Moona omoi onóicailla jira. ¹⁴ Móotiai, ómoimo cueticue, nano tainéinanomo itímie omoi onóicailla jira. Jitócomini, daje izói ómoimo cueticue omoi riíredimacina jira; omoi comécimo Juziñamui úrilla uai jeire omoi ua jira; Taifena omoi anáfenua jira.

¹⁵ Bíníemo ite Juziñamuina bacáuaredino finócafuiaina izíruiñeno omoi iri. Daje izói íaioimo itífuiaina cacáreiñeno omoi iri. Dámie afémaci finócafuiaina izíruiadi, afe llezica Moo Juziñamuina izíruiñeite. ¹⁶ Nana íaioimona lloga ráfuiái minícana Juziñamuimona biñede. Fia dani íaioi cígimona comuide. Comécina íáiredemona fieni óiacanafue bite. Cai ui ióbicailla jítaillamona jáíe fieni óiacanafue bite. Caimo ite ráaniaimona fieni abi ínuafue bite. Nana afe billáfuiái bíníemo ite Juziñamuina bacáuaredino llóolloga. ¹⁷ Afena bacáuaredino fúioicaide, naa íaioimo ite fieni óiacanafuiái diga. Mei íadi Juziñamui jitáinafue finódimie jaca ninomo zíñona ite.

Uafue táinofue diga dájemo jaináiñede

¹⁸ Jitótiai, jae írairuimo dúcideza. Cristo uáitaoidímie bíllana cacádiomoi. Ja birui aillo Cristo uáitaoidino cíocaide.

Ie jira birui írairuina onódicai. ¹⁹ Afémaci cáimona jino jáidiaioi. Mei íadi uáfuenta cáieñediaioi. Uáfuenta cáiena íaioi íadi, cairi fiébite. Ua afémaci cáimona jino jáidiaioi nana cáieñeitiaioiza uáfodo daí áfedo onóillena.

²⁰ Mei íadi Cristo Ñuera Joréñona igáomoi; íemona afémiedo onótaogaomoi. ²¹ Omoimo cueticue mei, uáfuenta omoi onona jira. Uáfuenta omoi onóñenamona cuéñédicue. Uáfuemona jáíe daa táinofuenta comuínide. Jae onódiomoiza.

²² ¿Bu táinofueredímie? Jesuna Crístoñede daidímie, afémie dama táinofueredimiena. Nímie Crístona uáitaoidímie. Afémie Moo Juziñamuina jáanote. Afe izói ie Jitona jáanote. ²³ Jitona jáanotímie afémiemo daje izói Moona inéde. Mei íadi Crístona jíruiitímie daje izói Moona onode.

²⁴ Ie jira, nanómoma omoi cacana úrillafue omoi comécimo ñue omoi jóoneoiri. Jira nanómoma omoi cacánafue ñue omoi comécia Juziñamui Jitomo dájena íitiomoi. Afe llezica cai Moori dájena íitiomoi. ²⁵ Jesús uáfuenta uí-codo llote, zíñona cáananona caimo fecállena.

²⁶ Omoi jífueiacadinodo bifue ómoimo cueticue. ²⁷ Mei íadi Jesucristo ómoimo fecaca Ñuera Joreño ómoimo ite. Ie jira daí buna ómoimo llófuenidiaioi.

Daje Ñuera Joreño nana ráfuiaina ómoina llófullofuede. Afémie llogafue uafue; táinofueñede. Jira daí Crístomo dájena omoi iri, Ñuera Joreño ómoimo llua izói.

²⁸ Jitótiai, mai birui Crístomo dájena jaináicairi, afémie cíocailliruimo ie daínana ñue cai ínollena. Daí ie bíllemo ie uíecona méairuiñeiticai. ²⁹ Ja onódiomoiza Jesucristo ñue jáicina finódimie. Afemona daje izói nana jáicina finódino Juziñamui jitótiaiza ónoitiomoi.

Juzíñamui jítótiai

3 Mai ¡comécimo faca! Nii jamánomo Juzíñamui caina izíruilla. Iemona ie jítótiaina maméidicai. Jae áfedicai. Ie jira éniemo ite Juzíñamuina éoidino cai izói comécíñediaioi, mei Juzíñamuina íaiói onóñena jira. ²Izíruiga ámatiai, jae Juzíñamui jítódicai. Iirairuimo cai ífi-caillifuenta nai caimo ácatañega. Mei íadi onódicaiza, Jesucristo cócaia afémie izói fíticai, ie illa izói námiena cai ciona jira. ³Nana afémiemo daí coméciidimaci dani dáamací nana íaífuiaimona ñue dóficaitadiaioi, mei Jesucristo íaí-fuenidimie illa izói fíticai.

⁴Mei íadi nana fiénidifue finódimaci Juzíñamui ocuícáfue uáitajano jámairuite. Mei jira fiénidifue ocuina ráfuenta uáitaoina. ⁵Jae Jesucristo bie éniemo cai fiénidifue oni duáibillana onódiomoi. Daje izói afémiemo nifue iñénana onódiomoi. ⁶Mei jira nana afémiemo dájena jaináioicaidimaci fiéni macánidiaioi; mei íadi nana fiéni macáfiredimaci afémiena jaca cióñediaioi; íena onóñediaioi. ⁷Cue jítótiai cacai. Buna ómoina jífueñellena nane dáíitice; ñúefue finófredimie ñúemie, Jesucristo ñúemiena illa izói. ⁸Mei íadi fiéni macáfiredimie Taifemo jaináidimie, mei nanómona Taife fiénidifuiaredimiena ite. Uafue Juzíñamui Jító Taife finócafuiái táinocaitaíbite.

⁹Juzíñamui jítótiaimona jaca buna figóñeno macáoicaiñede, Juzíñamui íemo iga cáanano íemo illa jira. Afémie fiénidifuenta finófnide, Juzíñamui jitoza. ¹⁰Afedo bu mei Juzíñamui úruiaínaza, bu mei Taife úruiaínaza onódiomoiza. Uafue ñímierie ñúefuenta finóñenia, ie ama íziruíñenia, afémie Juzíñamui dibénemo itámieñede.

Conímana cai izíruillafue jítáirede

¹¹Mei jii nanómona omói cacana úrilla uai, be nie uai: conímana cai izíruillafue jítáirede. ¹²Caín izói omói iñeno iri. Afémie Taife dibene ímie, íemona ie ama titade. ¿Ñibái mei íena titade? Caín úradoillano ie ama titade, Caín finócafuiái figóñena jira; mei íadi ie ama finócafuiái ñuera.

¹³Cue ámatiai, Juzíñamuina bacáuiredino ómoina éoinamona fáigacaiñeno iri. ¹⁴Jae tízaille íomona ziiñona cáaillio mo dóbaicaidicai. Afena onódicai, Jesuna ínotinona cai izíruilla jira. Mei íadi izíruíñedimie tízaiillio do jaide. ¹⁵Nágamie ie abi cómena éoidimie cómena titádimie izói ite. Iemo come titádimie comécimo ziiñona cáanano iñénana onódiomoi. ¹⁶Jesucristo ie cáanano cáiconi iga; áfedo nana izíruillafuiaina onódicai. Afe izói cai cáananona lloñeno Jesuna ínotinori daí abina zóoferedicai. ¹⁷Dámie ie illínomo jítáirede raa ítemo, ie aino come jitaica raa iñénana cióillano, mei íadi íemona jeruide, ¿ñie izói Juzíñamuimo izíruillafue ie comécimo íteza? ¡ñede! ¹⁸Cue jítótiai, ¡fia fuenta daina uaido mai cai izíruíñeno iri! ¡Mei íadi ñue finóllifuiaido uafue izíruillafuedo mai conímana cai izíruiri!

Juzíñamui uiécomo ñue íena ínofirenafue

¹⁹Jira daí uáfuemo jaináidimacidi-cai onódicaiza; nane aféfuemona Juzíñamui uiécomo ñue íena ínofiredinodicai. ²⁰Cai comeci cai ícoínia llóiadí, Juzíñamui cai comeci baimo aillo ñúemienaza onódicai. Afémie nágafuiái onode. Iemona afe ícoínia caimo íbana óite. ²¹Mei jira, izíruiga ámatiai, cai comeci cai ícoínia lloñeniadi Juzíñamui uiécomo ñue íena ínofiredinodicai.

²²Nana íemo cai jicaca raana fécaite, ie ocuífauiaina jeire cai úamona; ua íena cai íóbitamona áfeniaina caimo fécaite. ²³Afémie ocuífafue daide: “Te Jitó Jesucristomo cai íñori. Afe emódomo cai conímána cai izíruiiri afémie cai ocuilla izói,” daí daiñocaide. ²⁴Te ocuífauiaina iere cacáreidimaci afémieoiri itiaioi. Daje izói afémie nágarui íaioiri ite. Afémie jaca caimo íllana onódicai. Ua áfena afémie caimo iga Ñuera Joréñodo onódicai.

Ñuera Joreño Crístona uáitafirede jóriaina anáfenocade

4 Bie énie tánofuiai llotínona oruízaideza. Afémaci “Juzíñamuido úriticai,” daííai. Izíruiiga ámatiai, jomoi cácarei! Naga “Juzíñamui dibéfodo úriticai” daíímiéna íñoñeno iri. Mei íadi íaioina facátari, ñie joreño íaioimo íllana onóillena, Juzíñamui ie, ñibai íeñede. ²Juzíñamui Joréñona itímie omoi onóillífue llóiticue. Nágamie Jesucristo ua cómena bíniemo bite jino onótatimie, afe cómemo Juzíñamui Joreño ite. ³Mei íadi daí jino onótañedimie Juzíñamui Joréñoedimie. Afémiemo Crístona uáitafirede jóriai ite. Afe izóidena fiénide jóriai bíllena ja cacádiomoi. Mei afe jae bie éniemo ite.

⁴Jitótiai, omoi Juzíñamui iédiomoi. Omoiri itímie baímo ríñorenamona, afe tánofiredinona jae anáfenodiomoi, mei íaioi daínúfuiai omoi íñoñena jira. Bíniemo ite tánofiredinori itímie jabóidimie. ⁵Afémaci Juzíñamuina bacáuairedinomo jaináidino, ie jira Juzíñamuina bacáuaido úritiaioi. Iemona bíniemo ite Juzíñamuina íñoñedino afémacimo cacáreidiaioi. ⁶Mei íadi cai Juzíñamui iédicai. Juzíñamuina onódimie caimo cacáreide. Mei íadi Juzíñamui íeñedimie caimo cacáreíñede. Afedo uafue uaina

llófueinafueña onódicai; daje izói jífuetena llófueinafueña onódicai.

Juzíñamui izíruiitimie

⁷Izíruiiga ámatiai, conímána cai izíruiilla jitáirede; izíruiillafue Juzíñamuimona bíteza. Nana izíruiillafuairédino Juzíñamui jitótiai. Afe llezica Juzíñamuina onódiaioi.

⁸Juzíñamui jamánomo izíruiillafuina oruídimie, ie jira izíruiillafuenidimie Juzíñamuina onóñede. ⁹Juzíñamui daade ie Jitó ana éniemo orede afémiedo cáananona caimo íllena. Afedo ie caina izíruiillafue caimo ácatate. ¹⁰Afe óriado uáfueña izíruiillafueña cai fidátate. Juzíñamuina cai duérui nahí izíruiillafueñede. Mei íadi afémie caina dúecaillano cáiconi ie Jitó ória, afe nahí izíruiillafue. Ua Juzíñamui cai fiénidífuiái ícoínia cai jáiínona duere finóllimieña ie Jitó orede.

¹¹Izíruiiga ámatiai, Juzíñamui daí caina izíruiillamona, afe izói conímána cai izíruiillafue jitáirede. ¹²Juzíñamuina jaca buna cióñena; mei íadi conímána cai izíruiía Juzíñamui cai comécimo ite. Afe illa dáaruido Juzíñamui izíruiillafue caimo ñue riire comuíoicaide. ¹³Juzíñamui dibénemo cai íllana, cai comécimo Juzíñamui íllana ónorede. Afena ie Ñuera Joreño caimo fecáinado onódicai. ¹⁴Moo Juzíñamui ie Jitó orede afémiedo comini jíllloillena. Iena dani ciódicai. Afena jino uáfodo lloticai. ¹⁵Nágamierie Jesús Juzíñamui Jitona onótatimie, jaca Juzíñamui diga ite. Daje izói Juzíñamui afémie comécimo ite.

¹⁶Daí Juzíñamui caina izíruiillana fidítacai. Aféfueña íñoticai. Juzíñamui jamánomo izíruiillafuina oruídimie. Izíruiillafueño itímie Juzíñamuimo ite. Afe izói Juzíñamui afémie comécimo ite. ¹⁷Daí jamánomo ñuera izíruiillafue caimo comuíoicaide.

Iemona íirairuimo facátalliruido ñue íena íinofiredinona íiticaí. Mei Jesucristo bie éniemo ñue cáimamiema illa izóí afe izóí iticaí. ¹⁸ Izíruinafue mo jacíruillafue íñede. Mei jira ñue jaícina izíruillafue jácífueña jino orede. Mei jácífue mo duere finótajano ite. Ie jira jácínaitimie ñue jaícina izíruioicaíñede.

¹⁹ Cai Juzíñamuina izíruiticaí, nano fueñe caina ie izíruilla jira. ²⁰ Dámie daíñadi “Juzíñamuina izíruiticue” mei íadi afe llezica ie daano cómena éoia, afémie táinofueredimie. Uafue dámie ie ciona daano cómena izíruíñede, afe llezica ciónena Juzíñamuina izíruinide. ²¹ Juzíñamui caimo iga daa ocuícáfue. Afe bie ocuícáfue daide: “Juzíñamuina izíruitimie daje izóí ie aino cómena izíruiri,” daide.

Cai dinena bíniemo ite fiénidifuiaina anáfenoiticaí

5 Nágamie Jesús Crístona ínotimie Juzíñamui jító. Dámie come moona izíruitimie afe izóí afe moo jítótiaína izíruite. ² Moo Juzíñamuina cai izíruia, afe llezica ie ocuícáfueña cai finóadi, Juzíñamui jítótiaína cai izíruillana ja ónoiticaí. ³ ¿Minica Juzíñamuina izíruillafueña? Mei ie ocuícáfuiaina jeire cai ua. Ie ocuícáfuiái llégienide; ⁴ mei naga Juzíñamui jító éniemo ite fiénidifuiaina anáfenorede. Ua cai ínuafuedo éniemo ite fiénidifuiaina anáfenodicaí. ⁵ Dama Jesús Juzíñamui Jitona ínotimie éniemo ite fiénidifuiaina anáfenorede.

Juzíñamui Jitomo uai nabáillafue

⁶ Jesucristo jainoi die diga ciócaizaíbitimie. Ie báutizaillarui mo Juzíñamui Jitona comini fidítagaiaioi. Afe izóí ie tízaiillarui mo, dama ie abi zóofiano, ie die tóillamona áfedo comini onótagaiaioi. Fia jáinoíñedeza, íadi jainoi die diga bite. Jesús Juzíñamui Jitónafue mo

Ñuera Joreño uai nabáiraima. Ñuera Joreño llogafue uafue. ⁷ Afe Jesús Juzíñamui Jitónafue mo damieámami uai nabáiraima monamo ite: Moo Juzíñamui, Juzíñamuimona Uaillai Lluáíbitimie, Ñuera Joreño diga. Bie daámami come daináuai dáamiemo jainaide. ⁸ Eniemo daje izóí daámami uai nabáiraima ite: Ñuera Joreño, íemo Jesús báutizaja jainoi, íemo ie tíllaruimo totaca die diga. Bie daámanide dane dáamiemo.

⁹ Comini uai nabáillafue llíinofiredicaí, mei íadi Juzíñamui uai nabáillafue jamánomoide, ie jira ie Jitori uai nabáillafueña cai ínolle iere jítáirede. ¹⁰ Juzíñamui Jitona ínotimie bie uai nabáillafue dama ie comécido úicade. Juzíñamuimo ínoñedimie Juzíñamui táinofueredena cótate, Juzíñamui ie Jitori uai nabáillafue dainana ie ínoñena jira. ¹¹ Afe daináfuedo Juzíñamui daide: zíñona cáanano afémie caimo iga. Afe cáanano ie Jitodo bite. ¹² Juzíñamui Jitona comécido llíinotimiemo afe zíñona cáanano ite. Mei íadi Juzíñamui Jitó comécido llíinoñedimiemo afe cáanano íñede.

Juan íraicaiño lluáfuiái fuizáillafue diga úrite

¹³ Ja Juzíñamui Jitona ínotiomoi. Jira bifue ómoimo cueticue zíñona cáanano ómoimo íllana omoi onóillena.

¹⁴ Juzíñamui uáfueña caimo cacáfírenana ínofiredicaí. Daa minicana cai jicáadi ie comeí jítaina izóí, afémie cai daina cacana onódicaí. ¹⁵ Mei jira afémiemo cai úrillana Juzíñamui cacáfírenana onódicaí. Afena onónamona cai jicácana afémie caimo fécana daje izóí onódicaí.

¹⁶ Cómena títañeite fiénidifue ite. Dámie ie aino come afe fiénidifue ínuana cióadi, Juzíñamuimo afémieri jicari. Iemona Juzíñamui cáananona

íemo fécaite. Títade fiénidifue ite. Afemo Juzíñamuimo omoi jicari daiñedicue. ¹⁷Nana fiénidifuiái íaifue; come comécina titade. Mei íadi jíáie íaifue ite; afefue cómena títañeite.

¹⁸Juzíñamuina Móoredimie íaifuedo macáñedeza onódicai; mei Juzíñamui Jitó íena úiñoteza. Ie jira Taiíe íena ocuñide.

¹⁹Juzíñamui íedicaíza onódicai. Afe izói nana bínie comini Taiíe ocucafue anamo itíaióiza onódicai.

²⁰Juzíñamui Jitó jaiái bíllana onódicai. Afémiedo ua nahí Juzíñamuina onótagacai. Afe Uámiemo jaináicana iticai. Afefue daiíacade Juzíñamui Jitó Jesucristo dibénemo iticai. Afémie nahí Juzíñamui. Afémiemo jaináicana cai íadi zíñona caina cáataite. ²¹Jitótiai, mai jánaraimo caimátaiñeno omoi iri; daje izói nana jíáie jífujete jóriaimona abi omoi rairuíri. Jae níie.

MÉIFOIDIBE SAN JUAN CUEGABE

Segunda Carta de San Juan

Uafue íemo izíruillafue diga llóitícue

1 Ja éicomedicue; ocuíraimadicue. Jae Juzíñamui nizeca cue miringo izóidingodio. Bie rabe ómoimo cuetícue naa o úruiairi. (Bimaci iglesia daina Juzíñamuimo gairífredino.) Naa o diga afémacina uáfueña izíruitícue, mei dama cúeñedeza. Nana uáfueña onóдино daje izóí afémacina naa ori izíruitiaioi. ²Ñue uafue ícoina ómoína izíruitícue. Afe uafue cai comécimo ite; ie mei afefue jaca ninomo cairi iite. ³Moo Juzíñamui ie Jitó cai Ocuíraíma Jesucristo diga, ómoína cáimacaitaite. Afémie dúecaillano jamánomo izíruillafueña ómoimo llóite, naa comeci cáimare uái illafue diga. Izíruillafueña uáfueña nana aféfuiaína cai onótate.

⁴O jitótiaímona dáarie uafue daina izóí mácana fidídícue. Afefue cuena ióbitade, mei Moo Juzíñamui daíí cai ocuídeza. ⁵Miringo izóidingo cacai. Ja birui omo izire jicádícue conímana cai izíruillena. Bie omo cuegafue comue ocuícafueñede. Mei íadi afefue nanómona caímo ite. ⁶Bie izíruillafue daííacade Juzíñamui ocuilla izóí cai finól-

lena. Ja nanómona omoi cacana izóí afe ocuícafue daide: “Izíruillafuedo omoi macari.”

Jífueriraini ifue

⁷Mei jii, aillo jífueridino bie éniado macádiaioi. Afémaci Jesucristo ua come izóí bíllana uáitatiaioi. Daiítadímie jífueriraima. Afémie Crístona uáitaoide. ⁸Afémie mona abi omoi rairuíoiri o táijina mona oga comeci ñúefue táinocaiñeilena. Iemo jíái afémie mona abí omoi rairuiri nana o táijina iba ñue Crístomona jaícina óllena.

⁹Níímie Crísto llogáfueño comécíñeno nibéfodo jáidímie, afémie comécimo Juzíñamui íñede. Mei íadi Crísto llogáuaimo comécíidímie comécimo Moo Juzíñamui ite, ie Jitó diga. ¹⁰Dámie ómoína llófuaíbiadi, íemo bie Crísto llogáfueña atíñeniadi, íena uáidoñeno, jofo eromo llíñoñeno omoi iri. ¹¹Iena uáidotímie, afémie lloga íaífue dáafueña llíñoiteza.

Fuizájidiuai

¹²Omoína aillo daííacadicue, mei íadi rabedo cúeiacañedicue. Omoi dani coníma uíécomo cue úrizaillena úíñoitícue. Afe daíí cai cáimafue jaícina íficaite. ¹³Omoi ebuño izoide benomo ite iglesia daina Juzíñamuimo jaináidino daje izóí Juzíñamui nizécamací. Afémaci omo uai orédiaioi. Jae níie.

IIRAIÑE SAN JUAN CUEGABE

Tercera Carta de San Juan

Gáyodo ñuefuena úritimaci

1 Ja éicomedicue, ocuíraimadicue. Cue izíruiga nabaimo bibe cueticue. Bímie mámeçi Gayo. Afémiena uáfuena izíruiticue.

²Cue izíruiga ama, ori Juzíñamuimo jicáfiredicue áfedo nana o finócafuiái ñue móonaillena. O abi caimare náireil-lena jicádicue, o joreño ñue nífuena izói. ³O ñúefuedo macáfrenafue dáarie ámatiaimona cue fídiamona, afe cuena iere ióbitade; mei ua onódicueza o jaca ñúefuedo macáfiredio. ⁴Ua ie baímo cue ióbillena ñede. Afe cue caca-cana cue jitótiaí uáfuemo coméçidiaioi; áferi jamánomo ióbidicue.

⁵Izíruiga ama, o illánomo ite ámatiaína o canóllena figura. Ie mei oni jíáinomona bite ámatiaína o canóllena jamánomo ñuera. ⁶Juzíñamui mámeçido gairídímaci uícomo íaioína o izíruillafue jino llotíaioi. Izire daidicue: Mai íaioi cano; íaioi jáilliruimo jitaica raana íaioimo ine; áfedo caimare íaioi jáilleza. Ua Juzíñamuimo ióbillena izói íaioi cano. ⁷Mei jira afémaci Jesucristo táijinafuedo jáizaidiaioi. Afe cánuana Juzíñamuina ónoñegamacimona llínoñediaioi. ⁸Ie jira íaioi jitaica raana cai finóredicai, afémacina cai canóredicai. Afedo íaioi uáfuena llúana canódicai.

Diótfrefes fiénino mácafue

⁹Juzíñamui mámeçido gairífiredinomo cuegafue lluabe nauí orédicue, mei íadi Diótfrefes cai ocuilla rínona óiacañede, íaioi cígimo úicofiacadimie illa jira. ¹⁰Ie jira cue jáiadi ie fienu mácafue jino uáfodo onótaiticue, nana ie fienu úrioinafue, ie táinofuerena caina uáitaoinafue diga. Ie mei afe baímo bitino ámatiaína afémie llínoñede. Afe llezica afe bitino llínoacadimacina rairuillano, afémie gairídímacomona íaioína jino jiude. ¹¹Izíruiga ámatiaí, fienu onótarafuíaido jáiñeno iri. Ñúefue finori. Ñúefuena finódimie Juzíñamui ímie, mei íadi íaifuiái finódimie Juzíñamuina jaca onóñede.

Demetrio ñuera onótáfue

¹²Nana comini Demétriori ñue úritiaioi, mei afémie ñue mácafue uáfori cíóideza. Dani cai nane aféfuemo ñue uai nabáiraímacidicai. Iemona uáfuena cai daiífrenana onódiomoi.

Uai Fuizájillauai

¹³Ona aillo daiífacadicue, mei íadi rabedo cúeiacañedicue. ¹⁴Ona raire cóillena úínoticue. Aféruído conima uícomo eróicana úriticoco.

¹⁵Comeci caimare uái illáfuemo o iri. Benomo ite nabáñiaí omo uai orédiaioi. Izire daidicue nágamierie coco nabáñiaímo conima uícomo o uáidori. Jae ñie.

SAN JUDAS CUEGABE

*La Carta del Apóstol San Judas Judas
Juzíñamui uáidoganomo cuete*

1 Jesucristo táijitagamie Júdadícue. Santiago ámadícue. Bibe Juzíñamui mamécanomo cueticue. Ua cai Moo Juzíñamui uáidoganodiomoi, feiena ñue finoda maiñócanomo omoi llená. Jesucristomo omoi jaináinamona ñue eneno rairuícanodiomoi. ²Mei Juzíñamui jamánomo aillo caimo ie dúecaillafue, íemo jiái ñue uái omoi illifue, íemo jiái ñue izíruillafue, dígafue ómoimo llóiteza.

Táinofuiaina llófuefiredino

(2 Pe 2.1-7)

³Izíruiga ámatiai, cai comeci jíllloillfuedo izire ómoimo cúeiacadícue; mei afe jíllloillena Juzíñamuimo cue íñua izóí, afe izóí iere íñotiomoíza. Mei íadí ómoína jíáífuedo rabedo llóredícue. Táinofuiái lluíáibitino omoi jeire ogáfueña féitaiacadiaíoíza; ie jira izire ómoína daidícue: Ríire abí omoi mameri. Iaiói díga fuirilla izóí omoi iri, omoi íñogafue íaiói féitañeilleza. Afefue nauí nana Juzíñamuimo jaináidinomo dácaíño iga. ⁴Mei omoi cígimo ninena dámerie táinofue lluíáibitaiói. Afémacina Juzíñamui Cuegáuailai jaiái uícodo íaiói olle duere finóllifueña llote. Afémaci íáibaníai. Afe íñíai daide: “Juzíñamui ñúefueña jeire óíticai;” mei íadí afe dáinado rairuíñeno fiénidífueña iere nícidotíaiói. Afémaci daade cai Naama Juzíñamuína ruífrutíaiói. Daje izóí cai Ocuíraíma Jesucristo llogáuaina uáítatíaiói.

⁵Mei ja onódiomoi íadí, como cue daííacanafuemo ómoína uibíoitaacadícue. Juzíñamui Israel

comínina Egipto éniemona oni orede. Oni uano daíí nana íaiíoína ñue jíllotate. Mei íadí, íaiói cígimona dáarie íñoñena jírrari, Juzíñamui afe íñoñedinona jíáíruido niné táinocaitate.

⁶Afe izóí Juzíñamui abi imácimona dáarie Juzíñamui anamo ñue íaiói illáfueña fáicanocaiacadiaíoí. Afe mei dani íaiói illánona fáicanocailano oni jíáinomo jáidíaiói. Ie jira Juzíñamui íaiíoína ico izire íraicaíño iere jícanoliruímo íaiíoína maitá jae íbaíca. Afémaci jae jítinomo iere zábíñede llójeína maigáíaiói.

⁷Daje izóí Juzíñamui Sodoma jofue íemo Gomorra jofue díga bóotate, naa afe ánnori ite jófueníari. Mei afécuai comini Juzíñamui abi imácimona fiénina jira dáarie llavécamací izóidiaíoí. Afe bimaci jamánomo dani jofo conímari ébecotafírediaíoí. Naga Juzíñamui comínimo mameca ñue illáfueña jíruíreillena uáítafírediaíoí. Daíí íaiói íllamona ziiño iraimo duere finócaíaiói. Afe bifue, afémaci izóí cai íñeillena, caimo cíotaga.

⁸Afe emódomo bie taino lluíáibitino íaiói táinomo coméciíllafuíaido dani íaiói abina bácadiaíoí. Daje llezica cai Ocuíraíma rínona uáítatíaiói. Caífo monamo ite jóriai izoide ríñoredinona íáire dáíírediaíoí. ⁹Mei íadí Juzíñamui abi imácimona illáima Miguel, Taífe díga fuírízaiilla llezica ñúefodo úrite. Tíide Moisés abina júfidotíailinoi. “¿Buna náamareite?” daidíailinoi. Aféruimo Miguel íáirede uaido íena faidóñede, mei íadí fia íena daide: “Ocuíraíma Juzíñamui ona izire llétaíteza,” daide. ¹⁰Mei bie táinodo llotíñuíai íaiói ónoñega ráfuedo fiéní úritíaiói. Mei íadí comécina onóñede rílleníai izóí itíaiói. Fia íaiói abi jítaina ráfueño comécioidiaíoí. Daíí coméciillano áfeodo jáíllamona dani íaiói niné táinocaitallíaiói.

¹¹ ¡Ñi íaioina dúerena! Caín dibéfuedo jáidiaioi. Aillo úcube óiacanamona Balaam izói oni íaifue mo baiúzaidiaioi. Daje izói jaiái ite Corena mámeciredimie, Moisés dotáacanamana niné táinocaite naa femo jaináidinori. Afe izói birui omoi cígiri ite fiénidifuiái llotino llícaitiaioi. ¹² Omoi finoca conímana izruilla ráfuiái cígiri meáire finódinona itíaiói. Juzíñamuina jacíruineno omoi cígiri caimare güillano jifáizabitiaioi. Jiáimacina ñue úiñoñeno dani íaioi abi úiñotiaioi. Jairifo oni niné ñaitaca mona úillie izóidiaioi. Ríaniaimona daana llizllaruimo dúcide íadi llizíñede zena izóidiaioi. Afe izói bie comini itíaiói. Afe amena are llizíñenia dúilla llezica añoda dotácaza. (Daje izói bimaci ráifíñenamona táinocaitiaioi.) ¹³ Monáillai jacire bagua izói itíaiói. Iaióimo ite meáire fiénidifuiái bagua mulle izói, comini eróicana jino ciotafirediaioi. Daje izói úcuai íaioi iómona oni jáiómo féirailla izói itíaiói. Jamánomo jítirede jítinomo ziiñona íllena riire mamécaiaioi, dinomo duere zefuñllena.

¹⁴ Ua bimáciri jaiáidigima Enoc úrite. Adán jitó dinómona ie jitó, dinómona nane ie jitó, siete dígafue daíí illa emódomo, bie Enoc mámeciredimie jocoína. Afémie bie taino llófuetinodo úcodo úrite. Juzíñamui Joréñodo úrillano daide: “Cai Ocuíraima jamánomo aillo ie abi náirairi bíllana ciódicue. ¹⁵ Afémie nana fiénide comínimo ite fiénidifuiái iere riire jicánuaibite. Daje izói nana íaioi íaire illáfuiái iere jicánuano duere íaioina finótaitaite. Fiénidino riire daináuaido cai Ocuíraimana uáitaoidiaioi; bífue mona daje izói duere zé-fuitalliaioi.” Daíí Enoc bie fiénidimacido úrite. ¹⁶ Afémaci iere fieni cáillirediaioi; ñue caimátaiñediaioi. Dani íaioi comeci fieni jitáinafuiái jino denóllado úritiaioi.

Urillano aféfuiaina uáfue na finódiaioi. Dani abi íaioi ínua uáillaido ficire úritiaioi, “Aillo jácimacidicai,” daííllena. Daje izói caimare comínimo úritiaioi, íaioina bífuellena.

Crístomo ínotino ñue llela uaillai

¹⁷ Cue izíruiga ámatiaí, cai Ocuíraima Jesucristo orécamací ómoina daináfue mo coméciiri. ¹⁸ Afémaci ómoina daide: “Íco írairuillaido ñúefuiaina zánoitinona íteza. Iaiói comeci íaire óiacanafuiaido ítiaioiza.” ¹⁹ Bimaci dánomo ñue itínomona oni eneno bózietaidiaioi. Dani íaioi abi óiacanafue jeire otíaiói. Mei afémaci Juzíñamui Joreño úicaiñegaiaioiza.

²⁰ Mei íadi izíruiga ámatiaí, omoi jeire Juzíñamuimona ogáfue mo riire omoi jaináicairi. Daje izói Ñuera Joreño ríinodo Juzíñamuimo omoi úrifireiri. ²¹ Juzíñamui omoi izíruillafue dibéfue mo omoi iri. Cai Ocuíraima Jesucristo caimo dúecaillano ziiñona cai illíruimo omoi úiñoiri.

²² Nai jabóicana jizire ínotinona jaícina llóiri, ñúefue na jeire íaioi ólleza. ²³ Íraimona bairoca izói íaioina jíllotari. Jiáimacimo omoi dúecairi; mei íadi íaioimo ite íaifue mo jíricaiñeno omoi iri. Afe fiénidifue íairede iniroi izoide. Iaiói abimo jíideza; áfemona iere abi omoi rairuiri.

Juzíñamuimo íraicaíño cai caimátaillafue

²⁴⁻²⁵ Cai daade Juzíñamui jamánomo nágafuiái baitádimie. Afémie Jesucristodo cai Jíllotaraíma. Iemona cai fiénidifue mo báiiñelle rairuilla ríino íemo ite. Daje izói afémie caina íaifuenino caimare dama ie ebírede uiécomo caina izájirede. Afe Juzíñamuimo ebire ñúefuiái íteza. Jamánomo ñuera ébifue íemo íteza. Daje izói nana ñuera ríino íemo íteza.

Daje izói nana riire ocúllafuiai íemo uire daí jaca ninomo, Juzíñamuimo
íteza. Nana bífuaiaina cai Ocuíraima dúicaiteza. Mai. Jae niie.
Jesucrístodo nauí, íemo biruí, íemo jíái

IIRAIRUILLAĪDO IITFUIAI JINO CĪOTAINA

Juziñamui San Juaamo Jino Cĳotagafue

EL APOCALIPSIS

O Revelación a San Juan

Jesucristo jino onóitagafue

1 Bifue uire ítifuiái jino cĳotaina-fue. Juziñamui bífuiaina Jesucris-tomo cĳotate, afémie ie ocuífireganomo ácatallena. Daíf Cristo uáfueña raire ífi-caitífueña jino íaioimo ácatate. Jesu-cristo ie ángel daina abí ímiedo bie jino cĳotagana ie ocuífiregamie Juaamo onó-tate. ²Afe Juan nana ie cĳonana uáfueña jino llote. Daje izóí afémie Juziñamui lloga uaina nabáífirede. Afe Juziñamui lloga uai Jesucristodo ñue jaícina lló-caiga. ³Bie Juziñamuimona oga uaina jíáímacimo facáduana cacádino caimare itíaiói. Daje izóí bie rabénicomo cuega uaina cacáillano ñue náfuetino caimare ióbitiaioi. Mei bie rabénicomo llogáfuiái zúitirui ja áinozideza.

Siete dígade iglésiai daina Juziñamuimo gáirifiredinomo Juan cuete

⁴Asia éniemo ite siete dígade iglésiai daina Juziñamuimo gáirifiredinomo cueticue. Cue Juáadicue. Mai Juziñamui ñúefuiái dibénemo, naa ie caimare uái illafue dibénemo omoi iri. Mei afe Juziñamui birui itímieza, íemo jaca nanómona jaiái itímieza, íemo uire jaca ninomo íitimieza. Daje izóí ie ráíirano uícomo siete dígade ñuera jóríai ite. Afe jóríai Juziñamui Ñuera Joreño jana. Afémie ñúefue dibénemo omoi iri. ⁵Iemo daje izóí Jesucristo lloga ñúefuiái jeire omoi oíri. Afémie jíáífo méidofínide uai nabáiraima. Daje izóí afémie nano tĳillanomona abido

meine tĳíñellena cáatagamie. Iemo jíái afémiemo bínie illáicomini ocuilla rĳino ite. Afe Cristo caina izíruillano ie totaca díedo cai fiénidífuiaina oni dote. ⁶Iemo nane illáicomínina caina itátate ie Moo Juziñamuimo cai jaináillena. Daje izóí comínido Juziñamuimo úrifiredinona caina jónete. Afe Juziñamui íena jóonegacái. Ie jira jaca ninomo áillue ébífue naa ocuilla rĳino diga afémie íena íteza. Aquíe izóideza.

⁷¡Ero, Cristo mona uílliedo bite! Nana comini íena cĳoitiaioi. Daje izóí ie fatino íena cĳoitiaioi. Iemo nana bínie nairai afémie bíllana cĳoillano éenaitiaioi. Jíi, uafue daítadeza.

⁸Cai jamánomo riire Ocuídímie bie izóí daide: “Nana ráfuiái nai có-muiñenia uícodo itímiedicue. Daje izóí fuizájillanomo itímiedicue. Abecedario A-do táinia izóí nánoramiedicue. Daje izóí abecedario Z-mo fuizaila izóí íiraimiedicue,” daide. Afémie birui itímie, íemo jaca nanómona itímie, íemo uire jaca ninomo íitimieza.

Ébírede Cristo nicáírilla izóí ciona

⁹Omoi ama Juáadicue. Omoi duere zefuilla izóí daane duere zefuídícue. Daa omoi izóí Juziñamui illáimana illánomo jaináidícue. Iemo Jesucristo omoi úíñotaja izóí daa omoi diga úíñotagacue. Jesucristodo fairĳotaga Juziñamui ñuera uai jino cue llócailla jira llavécacue. Pátmosmo mámeçirede monailai cigi ídumo llavécamedicue. ¹⁰Iemo aféno mo cai Ocuíraima cai ocózinaitaruimo Juziñamui Ñuera Joreño náamatagacue. Afe llezica vudugoi fúunua izoide ficírede uaina cue méífomo cacádicue. ¹¹Afe uai cuena daide:

—Naga ráfuiái uícodo itímiedicue. Daje izóí fuizájillanomo itímiedicue. Abecedario A-do taineca, íemo Z-mo fuilla izóidímiedicue. Mai nana o ciona

diga daa rabénicomu cúdeiri. Cuiano, Asia éniemo ite siete dígade iglésiai daína Juzíñamuimo gairífredinomu o oreri. Afe jófueniai mámecciai: Efeso, íemo Esmirna, íemo Pérgamo, íemo Tiatira, íemo Sardis, íemo Filadelfia, íemo Laodicea, —daide.

¹² Bu cuemo úrilla daiíllena abido gírecaidicue. Gírecaillano, siete dígade oro finoina mechérana ciódicue. ¹³ Afe cígimo cómemona comuídimiena eróidena ciódicue. Afémie jitáoigaroi éiba ícoimo dúcide. Ie jogóbemo lláiidife oro finoina. ¹⁴ Afémie ífótirai iere úzerede, jaiillici úzerena izói úzerede. Iemo jíái nieve izói úzerede. Ie ui irai bóua izói cíoide. ¹⁵ Afémie éiba ñue queníretaga bronce izói quenírede. Ua bronce iraimo ruílla llezica jamánomo quenírena izói, ie idai quenírede. Iemo aillo imánillai nofíco tua ficírena izói ie uai ficírede. ¹⁶ Afémie onoi nabézimo siete diga ucudu llíide. Ie fuémoma iere jáirede llo-jéfaí izoide raa jino billa; afefai nágafene jáirede. Ie uíeco jitoma iere riire egáiñua izói riire egáiñote.

¹⁷ Afémiena cíoillano, ie anamo tíidimie izói baíidicue. Mei íadi afémie ie nabezi cuemo bícano cuena daide:

—Jacíruíñeno o iri. Cue bie nanóidimiedicue; dáamiedicue fuizájillanomo íitimiedicue. ¹⁸ Birui cáadimiedicue. Mei nauí tíidicue, mei íadi birui jaca ninomo cáaiticue. Tíilla zuitara llave izoide raa cuemo ite; daje izói tíidino illano lláveniai cuemo ite. ¹⁹ O ciona diga mai cúdeiri; birui itífuiai cúdeiri, íemo uire cómutífuiai cúdeiri. ²⁰ Cue nabézimo o ciona siete dígade ucúduai rafue nauí báinino ite. Ja birui jino uáfodo llórede; daje izói siete dígade mechera rafue llórede. Afe siete dígade ucúduai siete dígazie Juzíñamuimo gairírdino uai llócaítino jana. Iemo afe siete dígade mechera

siete dígazie Juzíñamuimo gairífredino jana, —daí afémie cuena daide.

**Siete dígade iglésiai daína
Juzíñamuimo gairífredinomo
llollíuui: Efésomo ite
ñnotinomo llogáuui**

2 Cue ciónamie dáanomo cuena daide: Efésomo ite Juzíñamuimo gairírdino úñnoraimamo bíuai cúdeiri: “Afe nabézido siete dígade ucúduai llíidimie daje izói siete dígade oro finoina mechera cígido macáfírede. (Afémie mechera cígido mácafírena izói, comini ñue úññolle jana.) Afémie afe úñnoraimana bie izói daide: ² Nana o finócafuiaina onódicue. O riíredemo táijidízoa onódicue, naa o comeci járitaiñedeza. Daje izói fiénidino fienu illáfuiaina iere izire o rairuíllana onódicue. Iemo jíái táinona “Jesucristo orécanodícaí” daidínona facátatízoa onódicue. Afemona afémaci taino llúana baitízoa. ³ Jaca o comeci járidoñedio, íemo iere cuedo o táijina llezica cue ícoinia iere duere zefuídízoa. Afe llezica zefuíruiñeno ñue táijidí. ⁴ Mei íadi daa figóñedífuena omo ite. Nano fueñe cue o izíruilla izói birui cuena izíruíñedio. ⁵ Ie jira ninómona oni nibéfodo baíidízoa comeci uibi. Mai omo itífuie méidori. Fueñe o illa izói o iri. Bífuena o méidoñenia omo raire bíitícué, omo ite egáiñote raa oni óllena. ⁶ Mei jíáiífodo, daa ñúefuena nai omo ite. Afe nicolaítas fienu finócafuiaimo naa íaioi fienu jíáiífodo llógamo éoicana eróidí. Cue daje izói áfena éoídicue. ⁷ Ñuera Joreño Juzíñamuimo jaináidínona dáinamo cacáacadimie áfemo cacai. Afe Ñuera Joreño bie izói daííacade: “Fiénidena anáfenodínona jáidímacina Juzíñamui nífueninanomo ite cáatate amena llizíllana güitátatícué,” daide.

Esmírnamo ite ínotinomo llogáuai

⁸Daje izói Esmírnamo ite Juziñamuimo gairídino úiñoraimamo búuai cúeiri: “Nanóidimie dáamie íraimiena ómoimo úrite. Nauti bíniemo tídimie, íemo meine abido nane cáadimiena jaide. Afémie ona daide: ⁹Nana o finócana onódicue. Daje izói o duere zefuflana onódicue, naa o ráanina diga. Mei íadi uáfueza Cristo dibénedo iere ráaredio. Jiáimaci fieni omo úrillana onódicue. Afémaci, “Juziñamui nizeca Judíodicaí” daidíaiói, mei íadi íeñediaíoi. Afémaci dani Taife dibénemo jaináidino. ¹⁰Duere o zefufllema jacínaiñeno o iri. Mei ómoimona dámierie Taife llavéracomo llavétaiteza, nana omoi facátallena. Daíí omoi comeci ífue onóillena facátalliomoi. Diez dígarui duere zefuñediomoi. Mei íadi o tíllinomo zóofeñeno ínofireiri. Daíí o íadi ziiñona cáallena o jirídotaiticue. ¹¹Ñuera Joreño Juziñamuimo jaináidinona dáinamo cacáacadimie mai áfemo cacai. Afe Ñuera Joreño bie izói daííacade: “Fiénidena anáfenodinona jáidimaci nane méifodo tíllamo raamo jiríneitiaíoi,” daide.

Pérgamomo ite ínotinomo llogáuai

¹²Daje izói Pérgamomo ite Juziñamuimo jaináidino úiñoraimamo búuai cúeiri: “Afe nágafene jáirede lloefai llídimie bie izói ona daide: ¹³Nana o finócana onódicue. Afe izói Taife ocuícano cígimo itífoza onódicue. Afénomo itio íadi zóofeñeno cuemo ñue o ínuana onódicue. Daje izói cuemo o ínuana fáicanocaiñedio. Afe izói Antipas mámeciredimie cue ñue jaícina cue uai nabáífredimie. Afémie omoi cígiri fatíaiói. Ie fáinaruido, cuemo omoi ínuana zóofeñediomoi, Taife illánomo itífozoi íadi. ¹⁴Mei

íadi cue lletárafuiaina ómoimo ite. Ómoimona dáarie jadí Pérgamomo Balaam llófuiana fáicanocaiacañediaíoi. Afe Balaam jaiái Balacna llófujete Israel comini fieni fínuailleña. Afe Balac Balaam llófuimona Israel comínina jánaraimo fecaca rílleniaina ritátate. Afe dáaruído afémacina iere jiruñetade. ¹⁵Nane jáíe cue lletárafuena ómoimo ite. Omoi cígimo dáarie afe nicolaítas lloga uaina féitaiacañedio ite. Afémacina éoidicue. ¹⁶Ie jira mai omoi comeci ífue méidori; mei íadi omoi méidoñenia, raire omoi diga fuírizaíbiticue. Uáfueza cue fuémoma bite jáirede lloéfaiído omoi fieni finódinona fáziaíbiticue. ¹⁷Ñuera Joreño Juziñamuimo jaináidinona dáinamo cacáacadimie, áfemo cacai. Afe Ñuera Joreño bie izói daííacade, “Fiénidena anáfenodimiena jáitímie afe báinino ite maná dáina monámoma cocide güllena güitátaiticue. (Bie maná Juziñamui íaiói comécina náiretailleña jana.) Iemo afémiemo úzerede noñítofena fécaíticue. Afe noñítofemo buna ónoñega comue mámecei cuelle. Dama afe noñítofe llínoitímie áfena onuille.” Aquíe izói daide.

Tiatíramo ite ínotinomo llogáuai

¹⁸Daje izói Tiatíramo ite Juziñamuimo jaináidino úiñoraimamo búuai cúeiri. “Juziñamui Jitó ómoimo úrite. Afémie ui irai bóua izoide, íemo ie éiba ñue queníretaga bronce izói quenírede. Afémie bie izói ómoína daide. ¹⁹Nana omoi finócana onódicue. Cuena omoi izíruillana onódicue, naa cuemo omoi ínuana diga. Daje izói cue dibénedo ñue omoi táijicaillana onódicue, naa omoi comeci járitaiñena diga. Fueñe omoi táinia baimo birui jamánomo finócaidiomoi. ²⁰Mei íadi ómoimo daa cue lletárafuena nai ite. Afe Jezabel mámeciredingo llógana

rairuñediomoi. Afengo, “Juziñamui dibénedo úriticue,” daiífiredede, mei íadi fieni ie llócaigafuedo cue ocuífíreganona jífúete. Afe jífuia uaido íaioina iere jiruítetade. Daje izói jánaraimo fecaca rílleniaina íaioina ritátate áfemo caimátaillena. ²¹ Aféngomo are úiñoidicue afengo comeci ifue méidollena. Mei íadi afengo áfena méidoacañede. Afengo ie jiruífúena fáicanocaiacañede. ²² Mei jira birui afémaci afengo finócafúena fáicanocaiñenia, aféngona iere izire iráretaiticue. Daje llezica nana afengo diga jiruífiredinona duere zefuítaiticue. ²³ Afengo úruiaina títaiticue. (Afe úruiai daína afengo llógamo jíéruitino.) Afemona naga come ifoci úrillana, ie comeci ifue diga ñue ícoimo cue onónana, nana Juziñamuimo gairídino fídiítiaioi. Iemo ómoimona illa dígamié fieni omoi fínuaze ómoína duere fñoitícue. ²⁴ Mei íadi ómoimona Tiatíramo ite jiáimaci afe Jezabel omoi llófuia fiénide uaina náfueñediomoi. Afe Jezabélmo jaináidino íaioi llófueinana daidíaioi, “Cai llófueina uai Taife ie, iere báiñide nai uáfodo ónonidífuiai,” daidíaioi. Afe llófueinana onótañegaomoi. Iemo ómoimo ite nauí cue lloga baimo jiáiena ómoína ócuíñeíticue. ²⁵ Daa bie llóitícue: Omoimo ite ñúefuiai ñue rairuri, nai cue bíñeille dino. ²⁶ Fiénidena anáfenodinona jáitinona náiraiai ócutimacina jóneíticue. Afémaci cue jítainana ñue ícoimo fuitáidino. Ocuille ríño íaioimo jóneíticue, ²⁷ mei daií cue Moo cue ocuille ríñona cuemo jóneteza. Iemona náiraiaína rífrede lloébici izóidedo riire ócutiaioi. Íaioimo cacáreacañedinona ícírui lláia jéenino llairúngotaila izói, afe izói íaioína duere fñoitiaioi. ²⁸ Daje izói monáracudu iere ebire egáiña izói, afémacina ebire fñoitícue. ²⁹ Ñuera

Joreño Juziñamuimo jaináidinona dánamo cacáacadimie mai áfemo cacai.” Aquíe izói daide.

Sárdismo ite fñotinomo llogáuai

3 Daje izói Sárdismo ite Juziñamuimo jaináidino úiñoraimamo bíuai cúeiri: “Afe siete dígade Juziñamui jóriairedimie, nii afe Juziñamui Ñuera Joreñoredimie Cristo, íemo afe siete dígade ucúduai llífidimie dáamie. Afémie bie izói ona daide: Nana o finócana onódicue. Crístomo o jainaina izóinado jica jalleide, íadi onódicueza tífidimie izói itio. ² Come cazilla izói mai abina onoiri. Nai omo due jiza fiébide fñogafuiaína meine riire finori, mei aféfuiai jae táinocaiacadeza. Eróidicuemo o finócafúiai cue Juziñamui eróicana ñue jaícina jóiñedeza. ³ O fueñe fñoga íaioi llófuiamo uibóicairi. Afena jeire o oíri. Afe llezica o comécimo itífue ñúefuena méidori. O abina ñue onóñenia, merírifiredimie ónonino billa izói, duere omo fñuabiíticueza. Cue billíruina ónoñeítio. ⁴ Mei íadi ómoimona jadí Sárdismo dáarie comécina ñúemacina ite. Afémaci iníroína íáiñedinó izoide. Afémaci úzecuiruai jítada cue diga jáitíiaioi, mei afe daií íaioimo dúideza. ⁵ Fiénidena anáfenodinona jáidino úzecuirona jítaitiaioi. Iemo zíñona cáaitino mámecei cuiánicomona íaioi mámeциаína dóñeíticue. Iemo daje izói cue Moo Juziñamui uícomo “Bie cúemaci” dáitícue; daje izói ie abi imaci ángeles daínamací uícomo “Bie cúemaci” dáitícue. ⁶ Ñuera Joreño Juziñamuimo jaináidinona dánamo cacáacadimie mai áfemo cacai.” Aquíe izói daide.

Filadélfiamo ite fñotinomo llogáuai

⁷ Daje izói Filadélfiamo ite Juziñamuimo jaináidino úiñoraimamo

búuai cúeiri: “Afe níifuenidímie omo úrite. Afémie uáfuea úrifiredímie. Afémiemo jaii illáima David naze tuiñora llave ite. Afémie Juzíñamui illáimana illano tuiñóadi buna ibáinide. Daje izói afémie ibáia, buna zuitánide. ⁸Bímie bie izói ona daide: Nana o finócana onódicue. Buna ibáinide túide naze o uíecori jóneticue. Mei figo mairíñedio, íadi cue uaina náfuetio; cuena jaca jáanofinidio. ⁹Iemona Taifemo jaináidinona o anamo caiñícido ana íaioi dújutano óreiticue. Afémaci táinona úrillano bie izói daiífirediaioi: “Cai bie Juzíñamui nizeca judfuaidicai” daidíaiioi, mei íadi íeñediaioi. Nana baimaci o anamo dújutaiticue, íemona ona cue izíruillana fídiitiaioi. ¹⁰Cue ocuica uai jeire o úamona aféuai daina izói comécina járidoñedio. Ie jira nana bíniemo bite facátalliruimona ona ñue ráiruiticue. Aféruido nana bíniemo ite comini facátalliaioi. ¹¹Raire biticue. Omo ite ñuefuiái ñue rairuiri, o jiríddolle raá bu báiroñeilleza. ¹²Fiénidena anáfenodinona jáitínona cúeiena máíñoitícue. Máínuano cue Juzíñamui gairíracomo ite mairide jáillirai izói íaioina óreiticue. Iemona Juzíñamui illánomona jaca jino jáíñeitiaioi. Iaióimo cue Juzíñamui mámecei cúeiticue. Daje izói cue Juzíñamui jofue mámecei íaioimo cúeiticue. Afe jofue mámecei “Comue Jerusalén.” Afe jofue cue Juzíñamuimona caifo monámona ana bite. Daje izói afe fiénidena anáfenodinomo cue comue mámecei cúeiticue. ¹³Ñuera Joreño Juzíñamuimo jaináidinona dánamo cacácadímie mai áfemo cacai.” Aquíe izói daide.

Laodicéamo ite ínotinomo llogáuai

¹⁴Daje izói Laodicéamo ite Juzíñamuimo jaináidino úiñoraímamo búuai cúeiri: “Uáfuea llotímie omo

úrite. Afémie jaícina uai nabáífredímie; daje izói jaca méidoñeno uáfuea úrifiredímie. Afémie nana Juzíñamui finócana tainérima. ¹⁵Afémie bie izói ona daide: Nana o finócafuaiaina onódicue. Ráairuillano figo o íñoñenana onódicue. O ínoga ñue uzírediji izóiñede. Daje izói o ínoga caimare mánaidiji izóiñede. Ñue o uzírenana jitáidicue, nibai jáíífodo o mánaiana jitáidicue. ¹⁶Mei íadi jabo uzírediji izóidío. Iemona jabo uzírediji jino tua izói ona jino dótaíticue. ¹⁷Bie izói daiífiredio: “Ráaredimiedicue,” daidio. Iemo “Nana cue illafue ñue jóide. Cue jitaica raana íñede,” daiífiredio. Mei íadi jáíífodo o íllana onóñedio. Juzíñamui eróicana bu cáimadoñegamedio. Iemo daje izói iere duere zefuítgao, íemo iere dúredimiedio, íemo uina cíoiñedímie izóidío. Iemo jáí inícuironino emuíromade izóidío. Afe bie izói o íllana jaca onóñedio. ¹⁸Mei jira omo llóitícue, “Iraimo ñue finoca órona cúemona iba, uáfuea ráaredimiena o jáillena. Daje izói cúemona úzerede inícuirona iba, o meáire emuíromana íbáillena. Daje izói ui manórajina cúemona iba, o uimo jóoniamona ñue o cíoilena. ¹⁹Nana cue izíruiganona lletádicue; daje izói íaioina duere finódicue ñue íaioi íllena. Mei íemona Jesucrístomo izire o jaináicaillano, iere o ínofíreiri. O comeci ífuiái méidori, ona duere cue fínoiza. ²⁰Ero cacai, come comeci naze ízoínamo iticue. Dínómona jíríticue. Cue uaimo cacáreitímie ie naze tuiñóadi cue llíñollena, afémie illánomo jofo jáitícue. Jaillano dájena afémie diga nabáiritícue. Daje izói conima diga caimare úritícoco. ²¹Fiénidena anáfenodinona jáitínona, illáimana cue ráíranomo afémiena cue diga ráíitaiticue. Mei daíí fiénidena cue

anáfenuamona cue Moo illáimana ráiiranomo ráinazaidicueza. ²²Ñuera Joreño Juziñamuimo jaináidinona dáinamo cacáacadimie, mai áfemo cacai.” Aqué izói daide.

Monamo Crístopmo lloga cáimafuiai

4 Bie méifomo éroidicuemo, monamo ite naze túinana ciódicue. Fueñe cue cacana uaina meine nane cacádicue. Afe uai vudugoi ficírena izói cacaide. Afe uai cuena daide:

—Caifo benomo bi. Bífuiái méifomo raire cómutifuiaina omo ácataitícue, — daide.

²Afe llezica Ñuera Joreño anamo itábicaidicue. Iemona monamo ite illaima ráiiranona ciódicue. Afénomo dáamie ráiinana ciódicue. ³Afémie iere quérede ‘jaspe’ daina ráifide nofíji izói éroide. Aféjina jíáifo daina ‘cornalina.’ Afe ráiirano abido rózigüeo nágafene ífoina ite. Afe rózigüeo ‘esmeralda’ daina ráifide nofíji quenírena izói quenírede.

⁴Iemo afe ráiirano abido veinticuatro diga jíáie illaima ráiiranuaina nágafene ífoina íllana ciódicue. Afénuaimo veinticuatro diga mona ero ocuide éicomini ráiidiaioi. Afémaci úzerede ínroillai jítdiaioi. Iaiói ífomo oro finoína illaima jítdífiregacuífoi jífiena. ⁵Afe áillue ráiiranomona aillo boride. Afe llezica afénomona iere ficire mona gría cácaide. Iemo afe ráiirano uícomo siete dígade áillue bobáieniai bóoide. Afe siete diga bóoide bobáieniai Juziñamui Ñuera Joreño jana. ⁶Dáanommo afe ráiirano uícomo, daa monáíllaina eroide illa. Afe monáíllai anáfenemo ñue cóide vidrio izoide.

Afe ráiirano abido cuatro diga cáadimiiai ífoina itíaiói. Afémaci erófene dibénemo aillo uíjiaí ite. Daje izói emodo dibénemo ite. ⁷Bimácimona daa jánallarina eroide. Iemo jíáie juráreto íitona eroide. Iemo jíáie uíeco,

come uíecona eroide. Iemo jíáie feede máajaiñona eroide. ⁸Afe cuatro diga cáadimiiai illa dígamie seis diga íáicuai ite. Afe íáicuai erófenemo uíjiaína oruide; daje izói emodo dibénemo ite. Afémaci mona naio diga llíicaiñeno úritiaioi; Juziñamuina daiíoidiaioi:

¡Jere íaifuenidio! ¡Jere íaifuenidio! ¡Jere íaifuenidio!

Jere ñuera cai Ocuíraimadio.

Jamánomo ríinorede Juziñamuidio.

Jaca nanómona ítimiedio,

Iemo nai birui ítimiedioza,

Iemo uire jaca ninomo zíñona íitimiedioza, —daií daiíofirediaioi.

⁹Illa dígacaiño afe cáadimaci, ráiiranommo ráiide Moo Juziñamuimo ebíredifue nitáadi, íemo ñúefue jóoneadi, íemo jíái figora íena dáiiadi, ¹⁰afe llezica afe veinticuatro diga ocuide éicomini áillue ráiiranommo ite Juziñamui anamo dújufirediaioi. Iemo afe jaca ninomo zíñona ítimiena caimátaidiaioi. Afe llezica íaiói oro finoína illaima ífo icuífuai ráiirano uícomo jóonefirediaioi. Jóneta daiífirediaioi:

¹¹Cai Ocuíraima Juziñamui,

Jere ebíredifue omo nitáregaza,

Daje izói ñúefuiai omo jóonefíregaza.

O jamánomo ríinorenana omo nitáregaza.

Nana aféfuiai ona náamaredeza.

Mei naga ráaniaí o comútaga.

Iemo o comeci jítaina izói itíaiíoiza.

Daje izói o comeci óíacanamona finócaiaioi.

Aqué izói daiífirediaioi.

Ráiidimie llíiga rabéniconna ciódicue naa Cordero dainámie Cristo diga

5 Afe méifomo illaima ráiiranommo ráiidimie nabézimo ite rabéniconna ciódicue. Afénico ferínoga rabe. Erófenemo cuega, daje izói jinófenemo jíái cuega. Afénico siete diga sello

daina ñue ibaira raado ibaica. ²Iemo riírede ángel daina Juzíñamui abi ímiena ciódicue. Afémie ficírede uaido jicánofirede; daide:

—¿Bie sello mei cuatállena bu ñuena? ¿Bumo ñue dúide binico tuiñóllena? — daide.

³Mei íadi afénico tuíñoitimiena íñede. Caifo monamo íñede. Bíniamo íñede, íemo bínie anamo tíidino illánomo jíái daje izói íñede. Daje izói afénicomo buna eróinide afe facádollena. ⁴Afénico tuíñoite comécina ñúemiena baiñéna-mona iere éedicue. Daje izói afénico facádoitimie íñenamona, íemo jíái afénicomo eróillano ónoitimie íñenamona, iere éedicue. ⁵Iemona veinticuatro diga eicomínimona dámie cuena daide:

—Mai benómona éeñeno o iri, mei Judá nairai illaíma Jánallarina mamécamie, fiénidena jae ñue anáfenotateza. Afémie jaiái illaíma David erófene igí-mamona comuídimie. Afe ie anáfenua-mona afémie binico tuiñolle ríno ote. Daje izói afe siete dígade sello cuatalle ríno íemo ite, —daide.

⁶Iemona afe ráiirano cígimo, íemo afe cuatro diga cáadimiíai cígiri, íemo afe veinticuatro diga éicomini cígimo, Cordérona mameca Crístona ciódicue. Afémie táiiide, mei íadi Juzíñamuimo fia fecállena ie íaiói fáina meifo cíoide. Afe Cordero siete diga zícairede, íemo ie ui siete dígade. Afe siete dígade uíjiaí naga éniíaimo oreca Juzíñamui Ñuera Joreño jana. ⁷Afe Cordero illaíma ráiirano raiidimie nabézimo ite rabénicono llínuaide. ⁸Afémie afénico llínuua llezica afe cuatro dígade cáadimiíai, íemo afe veinticuatro dígade ocuide éicomini afe Cordero anamo dújudiaíoi. Afe eicomínimona illa dígamie ‘arpa’ daina rua roia taiga raa llíiediaíoi. Daje llezica afémaci oro finoína ugúciaina oruide ichecoí llíidiaíoi. Afeniaí Juzíñamuimo jaináidino afémiemo jicara uail-

lai jana. ⁹Afe éicomini bie comue rua rotíaíoi:

O iere comécina ñúemienamona bie rabénico llínota tuiñolle omo dúide.

Mei nauí Juzíñamuimo fatá fecácamedioza.

Caina o die tóillado Juzíñamui íena ibádioza.

Uáfueña nágaziemona,

Iemo nana jíáiífo úritinomona,

Iemo naga comini jófuiaimona,

Iemo nana náiraiaimona Juzíñamui íena caina ibádioza.

¹⁰Cai Juzíñamui ie illáinina caina jáitatio;

Daje izói comínido Juzíñamuimo úrifire-itinona caina jóonetio;

Iemona énie náiraiaina ócuticai.

Aquíe izói rotíaíoi.

¹¹Afe mei eróidicue. Iemo aillo afe illaíma ráiiranomo ífoína ite ángeles daina Juzíñamui abi imaci úrilla uaina cacádicue. Daje llezica afe cuatro diga cáadimiíai uaina cacádicue. Iemo dáaruido éicomini uaina cacádicue. Afe Juzíñamui abi imaci iere jamánomo aillo itíaiói. Ua millones y millones dáinaze itíaiói. ¹²Afémaci ficirerie úritiaíoi; daidíaíoi:

Fatá Juzíñamuimo fecaca Cordero comécina iere ñúenamona ñuera ríno maiñolle afémiemo dúide.

Daje izói aillo ráifide ráaniaí dáamiemo dúide.

Iemo ifoci déillafuiaí dáamiemo dúide.

Iemo nana ñuera máirie dáamiemo dúide.

Iemo nitárega ñúefue dáamiemo dúide.

Iemo ñuera ébifue dáamiemo dúide.

Iemo aillo afémiemo caimátaille uai afe Cordéromo dúide.

¹³Afe llezica nana Juzíñamui comútaganuaí úrilla uaina cacádicue: nana monamo itínuiaí, daje izói éniemo itínuiaí, daje izói énie anamo

itñuiai, daje izói monáillaimo itñuiai, naa afénuiaimo itñuiai úrilla uaina cacádícué. Daidíaiói:

Nana caimátaille uailai illaima ráii-ranomo ráiide Moo Juzíñamuimo íredeza,

Daje izói jíái Cordéromo íredeza.

Afe izói ñúefue afe íaillinoimo nitáre-deza, naa ñuera ébífue díga,

Iemo ñuera ríino íaillinoimo íredeza.

Nana aféfuiai íaillinoimo nana fimónaiaido, jaca ninomo ziiñona daií daiírenaza.

¹⁴Iemo afe cuatro díga cáadimiiai aiáirilla izói daidíaiói:

—¡Daiítadeza! —daiíoiírediaíoi.

Iemo afe veinticuatro dígade éicomini ana dújuillano, jaca ninomo ziiñona cáadimiemo caimátaióifrediaíoi.

Siete dígade sello daina rabénico íbaira rafue

6 Cordero afe siete dígade séllomona nánora tuíñuana ciódicue. Daje llezica cuatro dígade cáadimiiaimona dáamie dáinana cacádícué. Ie úrilla uai, mona gíría ficírena izói ficírede. Daide:

—Mai eróizaíbi, —daide.

²Cue eroilla llezica úzerede cabállona ciódicue. Afe emódomo ráiicaidimie zicuirá llícaide. Iemo illaima ífo icuífoina ie jítdiaíoi. Jita mei afémie naga nárainá anáfenocana jaide. Ie mei nágaruillaido afémie íaioina anáfenofírede.

³Méifoide séllona Cordero cuata llezica, tóróna éroide cáadimie úrillana cacádícué. Afémie:

—Mai eróizaíbi, —daide.

⁴Afe llezica jíairede caballo jino bíllana ciódicue. Afe emódomo ráiicaidimiemo féitalle ríino afémiemo iga. Afémie nana nairai caimare uái illa féitáite, comíni conímána fazítallena. Afe llezica áillue lloébicina afémiemo iga.

⁵Iemo Cordero nane jíáie tercer daina sello cuata llezica, jíáie cáadimie úrillana cacádícué. Afémie:

—Mai eróizaíbi, —daide.

Jira eródicue. Eródicuemo daa jíitirede cabállona ciódicue. Afe emódomo ráiicaidimie mérenana onóillena facara raa llícaide. ⁶Iemo cáadimiiai cígimona dáamie úrilla uai cacádícué. Aféuai daide:

—Daa kilo trigo daa mona táijina fidi. Iemo daámáni kilo cebada daa mona táijina fidi. Iemo aceite vino díga jaca jeruíredeza, mei afe íballe úcube íñédeza, —daide.

⁷Afe mei Cordero jíáie ‘cuarto’ daina sello cuata llezica, cáadimiiaimona íraimie úrillana cacádícué. Afémie:

—Mai, eróizaíbi, —daide.

⁸Eródicuemo borárede cabállona ciódicue. Afe emódomo ráiicaidimie titáfiredimie dainámie. Afémie óodana tífidino illano jana maméidimie bite. Enie cuatro díga fecácamona dáanie íemo iga, afénomo riire ocuállena. Afénomo comínina fuiríllado íaioina tícoizitaite. Iemo daje izói júbiedo íaioina tícoizitaite. Iemo dúicuaido íaioina tícoizitaite. Iemo éniemo ite illáirede ríllenai íaioina tícoizitaite.

⁹Afe mei Cordero jíáie ‘quinto’ daina sello cuata llezica, ‘altar’ daina Juzíñamui caimátaitarano anamo ite, titaca comíni coméciaína ciódicue. Afémaci Juzíñamui uai llócailla ícoina titácaiaíoi. ¹⁰Afe bimaci ficire úrtiaíoi; daidíaiói:

—Íaifuenide cai Ocuídímie, uícodo o llógana méidoñeno ñue fuitáfiredio. Eniemo ite cai titádino iere jícanota duere o finóllena, ¿níé dinó nai mozíñoitio? Cai fatino iba o ollírui, ¿nígarui nai bai dúiñoitio? —daidíaiói.

¹¹Mei jira afe altar anamo itímaci úze-cuiruaina ígáiaíoi. Afe llezica nai nano íanori ocózinaitagaiaíoi. Mei nana íaioi

tílla izói uire titállino, Juzíñamui mámi-anomo nai dúciñede. Afe titállino, nauí íaiói titaca ámatiai izói, Cristo uaimo táijifirediaíoi.

¹² Cordero nane jíáie ‘sexto’ daina sello cuata llezica, eróidicuemmo, énie iere jacire docaide. Iemo jitoma zúunaillana, jitaca jítiroi izói éroide. Afe llezica fiui náauina jíairede die izói méidoficaide. ¹³ Afe dáaruído mona ero ucúduai cocídiaíoi. Ua, higuera daina amena llizilla, jairifo riire begúñua-mona cócia izói, afe izói ucúduai ana bíñiemmo cocídiaíoi. ¹⁴ Afe llezica, rabe jofo feríroicailla izói, mona feríroicaide. Iemona cióbicaíñena. Iemo dáaruído nana caifóneduai naa monáillai cigi íduai íaiói illánomona oni jírecaide. ¹⁵ Iemona nairai illaini caifóneduai anamo ite ífuaimo, naa jéerie nofíciái cígiedo retáiritiaíoi. Afénomo jamánomoidino daje izói retáiritiaíoi. Iemo aillo ráanaitino, íemo fuiríraini illáicomini, íemo iere riiredinuai, íemo nana jacire rairuícano, daje izói buna ráiruiñegano, nana afénomo retáiritiaíoi. ¹⁶ Afémaci caifóneduaina jéerie nofíciaina daiífirediaíoi:

—¡Mai caimo baii! Mai caina jíita, baie illaima ráiiranomo ráiide Juzíñamuimona caina rétaido. Cordero finolle jacire cai duere finóllifuemona caina rétaido, —daiífirediaíoi. ¹⁷ Mei jíi, iere jacire comini duere finóllirui jae dúcidezca. ¿Bu mei áfena mozíñorena?

Israel náiraimona náamana onóillena cuegamaciai

7 Bie méifomo bínie fuédaiaimo cuatro dígade ángeles daina Juzíñamui abi ímiiái, naidáienana ciódicue. Afémaci nágafeniaimona jairifo jáiñuana mozíñotiaíoi. Afe éniemo jairífona jaiñótañediaíoi, daje izói monáillaimo jaiñótañediaíoi, íemo jíái aménaiaimo jaiñótañediaíoi. ² Iemo jíáie Juzíñamui abi

ímiena mona móimona bíllana ciódicue. Afémie caade Juzíñamui íeie daiíllena sello daina jóonelle raa llícabite. Afémie ficire úrite. Enie fuédaiaimo cuatro diga naidáidimíaimo úrite. Afémaci bínie fiene íaiói finolle, naa monáillai diga ríinona igámaci. Afémacina bínie daide:

³—Cai Juzíñamui ocuífíreganomo, íaiói ozócimo náamana onóillena mámece nai jóoneñena llezica, nai bíniena duere finóñeno iri. Daje izói monáillai naa aménaiaí raire duere finóñeno iri.

⁴ Jóonia mei, nígamaci náamana onóillena mámeceina jóonegano íaiói número na cacádicue. Nana Israel náiraimo itíziaimona afe cuegano ciento cuarenta y cuatro mil dígade.

⁵ Judá izíemona doce mil diga cúefide. Iemo Rubén izíemona doce mil diga cúefide.

Iemo Gad izíemona doce mil diga cúefide.

⁶ Iemo Aser izíemona doce mil diga cúefide.

Iemo Neftalí izíemona doce mil diga cúefide.

Iemo Manasés izíemona doce mil diga cúefide.

⁷ Iemo Simeón izíemona doce mil diga cúefide.

Iemo Leví izíemona doce mil diga cúefide.

Iemo Isacar izíemona doce mil diga cúefide.

⁸ Iemo Zabulón izíemona doce mil diga cúefide.

Iemo José izíemona doce mil diga cúefide.

Iemo Benjamín izíemona doce mil diga cúefide.

Aillo dáanomo úzecuiruai jíitada gairídino

⁹ Afe méifomo eróillano jamánomo aillo comínina ciódicue. Nana

náiraiaimona dáanomo bitíai. Daje izói nágaziemona bitíai. Iemo daje izói jíáifo úritinuiaimona bitíai. Iemo daje izói naga jófuiaimona bitíai. Nana bimaci illaima ráirano ucomo naidáidiai. Daje izói Cordero ucomo naidáidiai. Aféno aillo itíai. ¹⁰Nana fíererie daidíai:

Cai jíllonano, illaima ráiranomo ráide cai Juzínamuimona comuide.

Daje izói cai jíllonano Cordéromona comuide, daidíai.

¹¹Afe llezica nana Juzínamui abi imácai, illaima ráirano onido ífoina naidáediai. Daje izói veinticuatro dígade éicomini onido ífoina naidáediai. Iemo jíái cuatro diga cáadimiai onido ífoina naidáidiai. Afémaci afe ráiranomo ráiidimie anamo éniemo fueco diné bíjicaidiai. Bíjicaillano Juzínamuimo caimátaidiai. ¹²Daidíai:

¡Bie izóideza! Núefuai nitalle cai Juzínamuimo dúide, ñue ebíredifui dai.

Daje izói nana ñue onóigafue íemo dúide, naa figora daifírena diga.

Daje izói afémiemo nitárede núefue dámiemo dúide, naa áillue máirie diga.

Nana bífui dai Juzínamuina jaca ninomo zíñona daí daírenaza.

Aquíe izóideza, —daidíai.

¹³Afe mei afe eicomínimona dáamie cuemo jícanote:

—¿Baie buoi úzecuiruai jítaína? ¿Afémaci mei ninena bitíai? —daide.

¹⁴Jira íena daidíe:

—Afena onóñedicue. O ñue onódio, —daidíe.

Iemo afémie cuena daide:

—Bimaci aillo duere zefuilla ícoimo jino bitino. Afémaci comécina iere

íafíuenino íai. Ilena ja Cordero díedo muiñócaza. Afémaci iere úzecuro inícuero illa izói itíai. ¹⁵Ie jira Juzínamui ráirano ucomo itíai. Afe

llezica nágaruillai, mona naio diga, Juzínamui gairáco ero ie ocuállana finófredia. Iemo afe ráiranomo ráide Moo Juzínamui, íai diga íllado jícfuemona íaína ráiruite.

¹⁶Afémaci jaca júbiemona duere finóbiñeitiai. Daje izói jíracanari duere zéfuñeitiai. Iemo jítaína jíái úzitañeite. Daje izói uzíredíruimo mona uzírena íaímo uzire cácañeite.

¹⁷Mei illaima ráirano abimo ite Cordero, ovejai uñua izói íaína uñoteza. Afe llezica ñuera jaino jino toránuaído íaína ífoicaite. Afe jaino zíñona cáatatí. Iemo afémaci éeadi Juzínamui íai ui jeme nana oni dóite.

Iraie sello cúatajana cioide, oro finoína uguci uillítara diga

8 Iemo Cordero líga rabénicomo ite íraie sello daina íbaíide raa cuata llezica, daa hora átuedo mona tí daíñocaide. ²Afe mei siete dígade Juzínamui abi imaci Juzínamui ucomo naidáienana cíodicue. Afémaci siete diga vudugoí izoide raana ígaíai.

³Afe mei jíaie ángel dainámie Juzínamui abi ímie oro finoína uguci uillítara líficabillana cíodicue. Afémie altar daina Juzínamui caimátaíranano ucomo naidaide. Iemo aillo ugúcai afémiemo fecácaza, áfena Juzínamuimo uillítallena. Mei nana Juzínamuimo jaináidino afémiemo íai jícfírena uillai llua llezica, bímie dáanomo afe ugúcai Juzínamuimo uillítateza.

Afe Juzínamui ráirano ucomo ite oro finoína ie caimátaíranomo, bímie afe ugúcai jutade; íemo afe llezica afe Juzínamuimo jaináidino jícfírena uillai llócaigaza. ⁴Afe uguci uillíe, Juzínamui abi ímie áfena

altarmo juta mei, Juzíñamui uícomo caifo uillfoicaide, nana Juzíñamuimo jaináidino jicáfirena uallai diga. ⁵Afe mei Juzíñamui abi ímie uguci uillítara raa lláinote. Llínuano altármona oga caade iráiciaina áfena orúitate. Daií fínuano ana éniemo dotade. Afe dota llezica mona jacire giride naa ficíriede raari. Iemo aillo améuai llairide. Iemo énie jacire docaide.

Siete dígade vudúgoina eroide raa

⁶Iemo afe siete dígade vudúgoina eroide llíde Juzíñamui abi imáciai afe vudugoí fúunollena maméritiaioi.

⁷Nanóidímie fúunua llezica, jéerie nocíjiaí éniemo cocítate. Afe dáaruido réici diga die taméricaide éniemo cocítate. Afe cóciamona éniemona jarífenie boode. Daje izói nana aménaiaimona jarífenaiaí boode. Daje izói nana caade ráitiaimona jarífene boode.

⁸Afe meifo Juzíñamui abi ímie ie vudugoí fúunua llezica, boode áillue íduna éroide raa monáillajimo dotaina. Iemona monáillajimona jarífeido díena jaide. ⁹Afemona nana afénomo ite caade chámuniaimona jarífeniaí aillo tfoizitiaioi. Daje izói afénomo ite jéerie bárconiaimona jarífenedo aillo niné táinocaidiaioi.

¹⁰Iemo jíaie Juzíñamui abi ímie ie vudugoí fúunua llezica, áillue ucudu monámona éniemo baíide. Afe ucudu bobaie izói boode. Afe bóodicudu nana imánillaimona jarífemanimó baíide. Daje izói éniemona jainoi jino toránuaiimo baíilla. ¹¹Afe ucudu mámece Eríredicudu. Iemona nana imánillaimona jarífemanillai eríriede. Iemona afe jainoi erire jáillamona aillo comini tídiaioi.

¹²Ie mei nane jíaie Juzíñamui abi ímie ie vudugoí fúunua llezica, jítómamona jarífetomado jítirecaide. Daje izói fiuúmona jarífeuido jítirecaide. Iemo

jíaí ucúduaimona jarífecududo daje izói jítirecaide. Ie jira nana afémacimona jarífenedo jítirecaide. Naga mona naio diga jarífemonana egáíñoñediaioi.

¹³Afe méifomo caifo monamo éroidicue. Afe mona erodo feede Juzíñamui abi ímiena cacádicue. Afémie ficire úrioicaide. Daide:

—Aii. Eniemo ite comini níi dúerena; mei Juzíñamui abi imáximona daámami nai fiévide vudugoí fúunollena. Afémaci fúunua llezica énie imaci, ¡Níi duere zé-fuitiaioi! —daide.

9 Iemo nane jíaie Juzíñamui abi ímie ie vudugoí fúunua llezica, daa ucudu monámona éniemo baiillana ciódicue. Iemo fiénide jóriaí ibáirafo zuitara llave afe ucúdumo iga.

²Afemona afécudu aféfona tuiñode. Tuíñuamona aféfomona jacafai bóua uíllia izói caifo uillide. Aféfomona caifo uillide uíllie jítómama dúitate. Afe llezica mona erona jítire finode.

³Afe uílliemona bíniedo feede fiuai comuide. Afémaci, éniemo ite acáiduai izói molléroirediaioi.

⁴Afémaci ráitie güíllena rairuícaiaioi. Daje izói nana amena rábiaina guitátañegaiaioi, naa jíaie mócore zicode ráaniaí diga. Daa comini duere finóllena orécaiaioi. Mei íadi dani Juzíñamui ie daiítate mámece ozócimo cúeñeganona, afe fiuai duere fñoitiaioi.

⁵Mei íadi afe fiuai comínina títatañegaiaioi. Mei jíaífodo afémaci cinco diga fiui comínina izi cácataitiaioi. Afe fiuai mailla, acaido come mailla izói izíreite.

⁶Iemona aféruíllaido comini, “Raire cue tñilli” dáíitiaioi, mei íadi tíñeitiaioi. Iere tíiacaitiaioi íadi, titáfiredo raa afémacimona oni jica jáite.

⁷Afe fiuai jóbairizaillena mamérilla cabállona eróidiaioi. Iaiói ifócimo oro finoina illaíma ifo icuífoina éroide jíina. Iemo íaiói uíeco come uíeconona éroide.

⁸Iaiói ifótii ringo ifótiina éroide. Iaiói

ízie 'león' daina jánallari íziena éroide. ⁹Iemo llojécuiroi izoide abi ríidote icogi íaioi jogóbemo jíide. Íaioi féeoína jamánomo ficírede. Uafue, jóbairizailla caballo zonóicaiga 'cárroniai' ficírena izói ficírede. ¹⁰Iemo afémacimo ite ooda acaido ooda izói molléroirede. Afe óodamo cinco díga fiui comini duere finolle ríno ite. ¹¹Afe fíuái illaíma ite. Afémie fiénide jóríai íbáirafo úínotímie. Afémie mámeçi hebreo uaido Abadón; íemo griego uaido Apolión. Afeci daífade "Niné táinocaitaitímie."

¹²Nanoide jacire izi cacánafue jae záaide. Mei íadi nai mena fiévide.

¹³Iemo nane jíáie Juzíñamui abi ímie ie vudugoi fúunua llezica, Juzíñamui uícomo ite oro finoína altar daina afémiemo caimátairanomona úrilla uaina cacádícué. Afe uai afe caimátairanomo ite cuatro dígade caífo fáíide zicai cígimona cácacaide. ¹⁴Afe uai jae vudugoi fúunote Juzíñamui abi ímiena daide:

—Afe cuatro dígade Eufrates imani abímo cuinaca ángeles izóidino mai zuitari, —daide.

¹⁵Jira zuitácaiaioi, nana comini jarífenairaido titállena. Mei aféruimo dúcinamona bai óllena eneno mamécaiaioi. Daje izói biruimo dúcinamona mamécaiaioi. Daje izói bie fiui íena mamécaiaioi. Iemo daje izói bie fimona íena mamécaiaioi. ¹⁶Afe cuatro díga ángeles ocuflino aillo ite. Nana afémaci cabálloniai emódomo ráiiediaioi. Iemo afémaci dígdiaioi dáinana cacádícué. Afémaci doscientos millones dígdiaioi.

¹⁷Bie izói éroide cabálluai nicaido ciona izói ciódicue. Afe cabálluai emódomo ráiidino jogóbiaímo llojeco jítaóidiaioi. Afe llojécuiromo jíaire, mócore, borare cuega. Íaioi cabálluai ífo 'león' daina jánallari ífona éroide. Afémaci fuémoma irai izói jino bite, íemo uíllie bite, íemo daje fuémoma

nairai iere uzire cóonaitalle raa jino bite. ¹⁸Afe cabálluai fuémoma bite daámami jacire táinocaitate ráamona aillo nairai fuite. Uafue, nana comínimona jarífenairai tídiaioi. ¹⁹Daje izói afe cabálluai óodamo jacire títaite ríno ite, mei afe ooda jaiona eróideza; ífóredeza. Afedo comínina ainízicana uite.

²⁰Mei íadi tídinomona fiébidino, baie daámami jaciredemona tíñedino, íaioi finófireiga fiénidifuiái féítaacañediaioi. Daje izói fiénide jóríaimo caimátaitajana fáicanocaiñediaioi, naa jíáíforie finoca jánaraiaína. Dáarie afe jánaraiai oro finoína, jíáie plata finoína, jíáie bronce finoína; íemo jíáie nofici finoína, íemo jíáie amena finoína. Nana bie jánaraiai jaca cíñede; daje izói minícana cacáñede, íemo daje izói macáñede. ²¹Afe fiébidino jíáímaci méiniana fáicanocaiñediaioi. Daje izói jíáíma fue gáiana fáicanocaiñediaioi. Daje izói íaioi jíruírenana féítañediaioi. Daje izói íaioi merírifrenana féítañediaioi.

Daa ángel dainámie Juzíñamui abi ímie duera rabénico llíide

10 Afe méifodo rírede Juzíñamui abi ímie monámona ana bíllana ciódicue. Afémie uíllie cígido bite; íemo afémie ífomo rózígüeo izoide jíina. Ie uíeco jitoma egáíñua izói quenírede. ²Afémie daa duera rabénico tuiñoda llíide. Ie idai nabezi monáíllaimo bitade, íemo ie jarífezi éniemo bitade. ³Iemo jánallari ficire irilla izói ficire úrite. Afémie úrilla mei, mona siete dígcáiño giride; ie gíría come úrilla izói cácacaide. ⁴Afe siete dígcáiño mona gíría llíicailla mei, íaioi daina uaíllai cúeiacadícué. Mei íadi cúeiacadícuemo monámona daa uai cuemo úrillana cacádícué; daide:

—Afe siete dígacaiño mona gría uaillai rabemo cueñeno iri; báinino comécimo o jóoneri, —daide.

⁵Afe mei afe monáillaimo naidaide, éniemo naidaide Juziñamui abi ímie, ie onoi nabezi monamo zitáoides. ⁶Afe llezica ziiñona ite Juziñamui mámecei llíinuano riire úrite. Afe dáaruido énie comútatimie mámecei, daje izói monáillai comútatimie mámecei, íemo nana afénomo ite cáadinuai comútatimie mámecei llíinota riire daide:

—Benómona jaca ja móziñoñelleza.

⁷Jabe siete dígademona íiraimie Juziñamui abi ímie ie vudugoi fúunolliriuimo dúcille llezica, Juziñamui jica ia comécido báinino mamécáfue, ñue ícoimo zaite. Daí Juziñamui ie uai jino llórainimo jaiái uícodo llote. Afémaci dani ie ocuífíregano, —aquí izói daide.

⁸Nauí monámona cue cacana uai nane meine cuemo úrite. Cuená daide:

—Afe éniemo monáillaimo naidáidimie ónoimo ite túide duera rabénico mai llíinuai, —daide.

⁹Jira afe Juziñamui abi ímiemo afe duera rabénico jícajidicue. Jicádicuemo afémie cuena daide:

—Llíinota mai güi. Afe duera rabénico o fuemo cíji naimérena izói cácaite, mei íadi o jébemo erire cácaite, —daide.

¹⁰Mei jira Juziñamui abi ímie ónoimona afe duera rabénico llíinota güitícuemo. Güitícuemo cue fuemo cíji izói naimere cácaide. Mei íadi afe ja cue güilla méifodo cue jébemo erire cácaide. ¹¹Afe mei cuena daidíaiói:

—Juziñamui daina aillo comini jófuiáimo cómutifuiái, meine dánomo llóredioza. Daje izói aillo náiraiaina Juziñamui dánana llóredioza. Iemo daje izói jíáiforie úritinona Juziñamui dánana llóredioza. Iemo jíái aillo illáinina Juziñamui dánana llóredioza, —aquí izói daidíaiói.

Uai nabáífirede íaillinoi

11 Afe mei ápera rázina cuemo itíaiói. Afezi jofo facáradozina eroide. Afezi cuemo fécano cuena daidíaiói:

—Mai náidacaillano dama Juziñamui gairíraco nie dinóride fácaji. Daje izói Juziñamuime caimátairano o fácaji nie dinóride. Afe llezica afénomo nieze afémiemo caimátaidimacina ite mai fácado. ²Mei íadi afeco jinófebiri facáñeno o iri; mei afeno jícanemacimo dúideza. Afémaci Jerusalén daina íaifuenide jófuená cuarenta y dos díga fiuido fieni anáfenoitíaiói. ³Iemo cue dibénedo úrillena uai nabáífirede íaillinoína óreitícué; come zuure ía jítaça jíticuero, jítaítailinoi. Afe íaillinoi mil doscientos sesenta dígaruillai cuedo úritíaillinoi. (Afe mil doscientos sesenta dígarui, cuarenta y dos díga fiui.)

⁴Bie cue uai nabáífirede íaillinoi ménade olivo amena izóidiaillinoi. Daje izói afe íaillinoi bíníe comútate Juziñamui uícomo jónega mená boode áillue lámpara izóidiaillinoi. ⁵Dáamie íaillinoína fieni finóacaniadi, afe íaillinoi fuémóna irai orédiaillinoi, afe íaillinoi fáiacadinóna náamiéna cuarítallena. Nana íaillinoína fieni finóacadinóna daí títaíteza. ⁶Bie cue uai nabáífirede íaillinoímo monámona noci bítañede ríino ite. Afe íaillinoi Juziñamui dibénedo úricaille díno, nocina bítañeítiaillinoi. Daje izói jainoi díena ória ríino íaillinoímo ite. Iemo jíái comini duere fínoite nana jacírede duico comútaja ríino afe íaillinoímo ite. Afe íaillinoi comeci óiacana díno comínina duere finórediaillinoi. ⁷Mei íadi afe íaillinoi táijina fuilla mei, iere jacire éroide caade rille afe fíénide jóriái íbáirafomóna jino bite. Jino billano afe íaillinoi díga fúirite. Fuiríllano íaillinoína anáfenoite.

Anáfenua mei íaillinoína títaite.
⁸Íaillinoi tílle mei, cai Ocuíraima coráinanomo, nii afe Jerusalemo, afe áillue jofue cigi iomo, íaillinoi tíde abi fiénoçagaiaillinoi. Afe jofue mámeçi, fiéni íllana onótate uaido Sodoma daina. Daje izói jíái Egípto daina. ⁹Iemo daruíamani átuédo díga jófuiái nairai afe íaillinoi abi tíllamo acáritiaioi. Iemo íaillinoi abina raitátañeítiaioi. Daje izói dígaze íaillinoi abi bñnamo acáritiaioi, naa jíáifodo úritinuiairi. ¹⁰Bíniemo ite comini afe íaillinoi tíllari iere íóbidiaioi. Daje izói caimare íitiaioi. Afe caimare íaioi íllamona conímamo ráaniaina raiñóñeno féçaitiaioi. Mei afe íaillinoi Juzíñamui díbénedo úricailla llezica, bimácina iere duere zefuítatiaillinoiza. ¹¹Mei íadi daruíamani átuédo jailla méifomo Juzíñamui afe íaillinoína meine abido cáatate. Iemo meine abido íaillinoína macátate. Iemona íaillinoímo acáritino jamánomo jacínaitiaioi. ¹²Afe mei afe uai nabáífirede íaillinoi monámona ficírede uaina cacade. Aféuai íaillinoína daide:

—Caifo bené bi, —daide.

Jira íaillinoína éoidino éroidemo, caifo mona uílliedo monamo jáidiaillinoi. ¹³Afe íaillinoi jailla llezica énie iere riire docaide. Afe riire docáillamona afe áillue jofue diez díganodemona dáagobe nana jáicoizite. Afemona siete mil comini tícoizitiaioi. Afemona fiébidino iere jacínaitiaioi. Jacínaillano monamo ite Juzíñamuína caimátaidiaioi.

¹⁴Méifoide iere jácifue ja záide, mei íadi íiraie bille ja rairedo.

Siete dígade vudugoi fúnotinomona ja íiraimie fúnote

¹⁵Siete dígade ángeles dainámaci Juzíñamui abi ímíiaimona íiraimie ie vudugoi fúnote. Fúnua llezica,

monámona díga ficíre úrilla uaillai cácaçaila; daidiaioi:

—Nana bínie illaini illáimaillano naa íaioi ocuçuanuiairi ja dájena cai Juzíñamuimo, íemo ie Crísto mo jaináitaga.

Iemo afe Crísto jaca ninomo zíñona ócuífereite, —daidiaioi.

¹⁶Iemona Juzíñamui uçcomo ráiide veinticuatro dígade éicomini íaioi illaíma ráiiranomona ana bñçicaidiaioi. Uáfueza, afe úrilla llezica éniemo fueco diné bñçicaillano, Juzíñamuína caimátaidiaioi. ¹⁷Iena daidiaioi:

Ona figora daidicai.

Jamánomo ocuide Juzíñamuidioza.

Birui itímiedioza, íemo jaiái nanómoma itímiedioza, íemo jíái jaca ninomo zíñona íitimiedioza.

Figora ona daidicai, mei o áillue rño maiñódioza.

Máiñuano ja nane como ocuízaidioza.

¹⁸Náiraiai icrínaizitiaioi, mei íadi íaioi duere o finólliruimo ja dúçizaide.

Daje izói tídino iere riire o jicánol-liruimo ja dúçizaide.

O díbénedo úrite o ocuífíreganomo íaioiena o mameca ñuefuiaina íaioimo féçaitio.

Daje izói o uaina ñue ínofírede ñue finócanomo íaioimo dúide ñuefuiaina féçaitio;

íemo daje izói o mámeçina jífanodoíñeno ñue llínotinomo íitio.

Uáfueza, jamánomoidimiemo,

daje izói jamáimiemo íaioimo dúide raana íaioimo ífíredio.

Daje izói bínie ñuemacina fiéniruitadino o tánocaitalliruimo ja dúçizaide.

Aquíe izói afe éicomini daidiaioi.

¹⁹Iemona monamo ite Juzíñamui gairíraço túijçaide. Afénomo Juzíñamui comini díga caimare úrira raa uáfóri çoçaide. Afe úrira raa emodo órona ibaica çaja. Afe eromo Juzíñamui

lloga uaillai éenotiaioi. Afe gairiraco túijicailla llezica améuai riire llairide, íemo ficíriede ráaniai cacaide; íemo mona ficire giride; íemo énie iere riire docaide; íemo iere mairide nocíjiai cocide.

Ringo íemo jacírede zicínaimana eróidímie díga monamo cíocaide

12 Afe mei monámona jacírede onótate raa cíocaide. Afénomo ínórido ferínua izóí, jítómado ferínoga ringo cíoina. Afengo idai anamo fiui cíoina, íemo afengo ífomo doce dígade ucudu illácuífoi, illaíma jítáfiregacuífoi izoide jítáoi. ²Afe ringo úrue jocóacade izínailla. Afe iere izírenari caillícade; mei afengo úrue jéiciacana llezica iere duere zefuídeza. ³Afe méífodo jíáie jacírede onótate raa monamo cíocaide. Afénomo áillue jíáirede jacírede zicínaimana eróidímie cíocailla. Afémie siete díga ífórede. Iemo afémie diez díga zícairede. Afe ífóciaímo illa dígcimo illaíma jítáracuífoi jíina. Daa ie mámece Taife. ⁴Ie óodado monamo ite úcuaimona jarífecuduna aillo dánomo jainánote. Jainánuano afécuduaina ana éniemo dotade. Afe ‘dragón’ daina zicínaimana éroidímie, afe úrue jocóacade ringo uíécomo jóoneoide, afe ie jocóacaga úrue jócua llezica raire ríllena. ⁵Iemo afe ringo ííza jocode. Afémie uire móonaia nana náiraíaina llojébici izóidedo riire ócuífireite. Afe úrue jócua méífodo Juzíñamui bairoca. Bairoda ie illáimana ráíiranomo uiga. ⁶Afe llezica afe ringo táizicimo botade. Afe dínomo afengo retáirillino uícodo Juzíñamui fínoca. Afénomo mil doscientos sesenta díga mona afengo ecáecaille.

⁷Afe méífodo áillue fuíríacana caífo mona eromo comuide. Afénomo Juzíñamui abi imaci illaíma Miguel naa jíáie Juzíñamui abi imáciari afe dragón díga

fuirídiaioi. Daje izóí afe dragón naa ie abi imáciari fuírídiaioi, ⁸mei íadi afémaci Miguel náiraína anáfenonidiaioi. Iemona dragón imaci illino monamo íñede. ⁹Afe ie illino íñena jira afe riírede dragón monámona ja jino dotaca. Afe jaiai ninomo ite jaio dainámie jíáfodo mameina Taife, íemo Satanás, íemo dáamie nana náiraína jífuefiredímie. Afémie naa ie abi imáciari ana éniemo dotácaiaioi.

¹⁰Afe méífomo monámona ficírede uaina cacádicue. Afe uai daide:

—Cai Juzíñamui bínie comini jíllolilena mámiaruímo ja dúcide. Daje izóí íemo ite ríino facálliruímo ja dúcide. Iemo daje izóí illáimana ie illíruímo ja dúcide. Daje izóí ie jító Cristo riire ocuíliruímo ja dúcide. Mei cai ámatiaímo fiénidífue nitáfiredímie ja jino dotácaza. Afémie nágaruillai, mona naio díga cai Juzíñamui uíécori afémacimo fiénidífue nitáfírede. ¹¹Cai ámatiaí Cordero díedo fiénidífue ana anáfenodiaioi. Daje izóí íaioi jino meáiruíño lloga Juzíñamui uáillaido caifófeficaídiaioi, mei jíáfodo jaca tíllemo ñue finóbidaíoaiza. ¹²Iemona, mona naa afénomo ite cáadinuíari mai omoi íóbiri. Mei íadi éniemo itino níi dúerena, naa monáillaimo ífnuíari, mei Taife ómoímo ana iere icírrillano jíáideza. Afémie nano íanori ie íllena onódeza.

¹³Afe dragón ana éniemo ie dótajana onóillano, nauí ííza jocódingo racade. ¹⁴Mei íadi afe ringo mena áillue máajaiño íaícona íga, áfedo afe jaio dainámie dragómona jíca táizicimo afengo féelena. Afénomo daámami fímona átuedo afengo ecáecaíga. ¹⁵Iemo jaio dainámie áillue jainoi ie fuémona orede, imánina comuíllena, mei afe imánido afe ringo coróbaitallena. ¹⁶Mei íadi énie ringona ríidote, mei afe dáaruído énie bócocailano, afe dragón fuémona oreca imánina naítateza. ¹⁷⁻¹⁸Afe bíemona afe dragón

ringomo iere rícaide. Rícaillano aféngomona fiévide ie erófene igímaiai diga fuirízai. Afémaci Juziñamui ocuica uaillai jeire otíai. Daje izói afémaci Jesucristo lloga ua ráfuenta fáicanocaiñeno nágarui jeire ófirediaioi.

Mena áillue jacire eroide rille cíocaide

13 Monáillai fuédamo cue naidáillano monáillaimona iere jacire eroide rille caifo bíllana cíódicue. Afémie ifo siete dígade, daje izói afémie diez diga zícáirede. Afe illa diga zícáimo illaima jítaracuifoi jíina. Afémie ifóciaimo Juziñamuina fieni daina mámecei cúeina. ²Afe cue ciona jacírede rille jánallarina eroide. Ie ídaiai oso ídaina eroina, íemo ie fue león fuena eroide. Bímiemo dragón íemo ite ríno naa ie illáimaillano diga afémiemo fecade. Afe llezica riire ocuífírenafue afémiemo lloga. ³Afe jacírede rille ifóciaimona daaci titade áillue boáfena eroide illa. Mei íadi afe titáacade áillue boafe raire jacaide. Iemona nana énie náiraiai áferi iere jacínaitiaioi. Jacínailano afémiemo ínotiaioi. ⁴Afémaci dragón uícomo éniemo fueco diné bíjicaillano íemo caimátaidiaioi, mei dragón riire ocuille ríno afe jacírede ríllamo ígaza. Iemo daje llezica jacírede ríllamo caimátaidiaioi. Caimátaillano daidíaioi:

—¿Bu mei bie jacírede rille izoina? ¿Bu mei afémie diga fuirírena? ¿Afémie anáfenonide! —daidíaioi.

⁵Afe llezica afe jacírede rille afémie úrilla bu llétañega. Iemona Juziñamuina íaire daina uaina llote, naa fieni abi ínuafuiairi. Afe izói cuarenta y dos diga fiui, daíí ie ocuilla buna ráiruiñega. ⁶Iemona afémie bie izói finode; Juziñamuina uáitano, ie mámeceina íaire daiíoi. Daje izói Juziñamuimo úriranona íaire daiíoi. Iemo monamo itínuiaina daje

izói íaire daiíoi. ⁷Iemo jíai daje izói Juziñamuimo jaináidino diga ie fuirilla buna ráiruiñega. Daje izói afémaci ie anáfenolle buna ráiruiñega. Iemo nágazie ocuille ríno afémiemo fecaca. Daje izói nana comini jófuiiai ócuífíreite, íemo daje izói nana jíáfodo úritínuiaiai ócuífíreite, íemo daje izói nana náiraiaina ócuite. ⁸Nana bíniemo itino afe jacírede ríllamo caimátaidiaioi. Afémaci mámeceiai zíñona ítino rabénicomo cúeñega. Ua énie taineina llezica baimaci mámeceiai afénicomo cúeñega, mei afémaci ínoñena jira. Afénico naui titaca Cordero ie.

⁹Bífuemo cacáacadimie mai bíemo cácarei. ¹⁰Jíaimacina maitá uitino méifodo nane maitá uille. Iemo jíai lloéfado jíaimacina titáidino méifodo afémie daje izói lloéfado titalle. Mei jira Juziñamuimo jaináidino comécina járidonidiaioi; daje izói jíai ñue ínorediaioi.

¹¹Afe méifodo jíai jacire eroide rille éniemona caifo bíllana cíódicue. Afémiemo mena zicai ite; cordero zícaina eroide. Mei íadi afémie dragón úrilla izói úrite. ¹²Naui monáillaimona bite nanoide jacire éroide ríllamo ite riire ocuille ríno, daje izói bie méifoidimie ite. Iemo nanoide jacírede rille uícori, bímie íemo ite ríno ácatate. Ie ríno ácata llezica afémie nana éniemo itínuiaiai, nanoide jacírede ríllamo caimátaillena ocuide. Afe nanóidimie ífomo ite áillue boafe raire jacáidimie. ¹³Iemo afe méifoidimie daje izói iere jácimie daiítate raana cíotate. Mei uafue, afémie nana comini eróicana monámona iracai ana éniemo cocítate. ¹⁴Iemo afe nanoide jacírede rille uícomo buna ráiruiñega ie finócaigado nana bíniemo itínuiaina jífuete. Afémacina jífuiano afe aillo bofédaite jacírede ríllena eroide jánaraina afémacina finótate. Afe bofédaite jacírede rille lloéfado

aillo bofeca, mei íadi nai caade. ¹⁵Iemo afe méifoide jacírede rílemo, afe jánarai cáatalle ríino íemo iga. Iemona afe jánaraina cáatano, afémie afe jánaraina úritade. Daje izói nana afe jánaraimo camátaiñedinona afe jacírede rille jánarai íaioina fatátate. ¹⁶Nana afe baimo, nana náiraiaina bie izói itátate; nana jabóidimaci naa jamánomoidimíiai diga, nana ráaredino naa dúredino diga, nana ráiruñegano naa rairuícano diga, íaioi onoi nabézimo daa onótate número jóonetade. Afe onótate número nabézimo jóoneñenia íaioi ozócimo jóonerede. ¹⁷Naga afe onótate número naa cúeñegamie jaca ibárinide, daje izói raana fecánide. Afe número nanoide jacírede rille ie. Afe número afémiemo dúide mámece daiíacade. ¹⁸Bifue onóillena iere báitajamo dúide. Afena onódimie, mai afe jacire eroide rille número faca. Afémie número iima ie. Afe número seiscientos sesenta y seis.

144,000 dígadino roga rua

14 Afe méifomo Cordero Sión mameina idu emódomo naidáinana ciódicue. Afénomo afémie diga ciento cuarenta y cuatro mil comini naidáiede. Afémaci ozócimo Cordero mámece naa ie Moo mámece diga cúeina. ²Iemo monámona ficírede raana cacádicue. Afe ficírena aillo imánillai nofico tua ficírena izoide. Jiái riire mona gría ficírena izoide. Iemo jiái aillo arpa daina, rua roia taiga ráaniai ficírena izoide. ³Afe llezica illaíma ráirano uícomo afémaci comue rua rotíaiói. Daje izói cuatro diga cáadimíiai, íemo éicomini uícomo rotíaiói. Afe rúana jaca buna ónide. Dani afe ciento cuarenta y cuatro mil diga éniemona jílode comini afe rúana onona. ⁴Afe bimaci ringomo jíriñedino, mei afémaci jaca íaifuenidino; dani

íaiói abi rairuídíaiói. Daje izói afémaci Cordéromo jaináitagamaci. Afémaci comínimona jílloitagamaci, Juzíñamuimo nanóidino ie dúidimacina íaioi íllena. Daje izói Cordéromo nanoide dúidino itíaiói. ⁵Afémaci jaca táinona úriñediaíói, mei afémaci Juzíñamui illáimana ráirano uícori íaifuenino itínoza.

Daámami ángeles dainámaci Juzíñamui abi ímíiai llócaiga uai

⁶Afe mei jiáie Juzíñamui abi ímie mona dáafenedo féiana ciódicue. Afémiemo zíñona jíllolluai illa, bíniemo itínomo llóllena. Nana énie náiraiaimo llórede, íemo nana jiáiziemo. Daje izói nana jiáífodo úritinomo llórede, íemo daje izói nana comini jófuiaido. ⁷Afémie ficírede uaido daide:

—Juzíñamuina ñue omoi jacíruiri; ñúefuiaina afémiemo omoi nitari, mei afémie iere riire jicánollruimo ja dúcidez. Mai mona finódimie, daje izói énie finódimie, íemo monáillai finódimie, íemo éniemona jainoi jino torano finódimie; afémiemo omoi caimátaiñeiri, —daide.

⁸Iemo nane jiáie Juzíñamui abi ímie méifodo cícaide; afémie daide:

—Ja jáicoizite, ja jáicoizite. Afe áil-lue Babilonia jofue jáicoizite. Mei aillo fiénide jiruífuiái izoide íaifuiái omoi finofirenado, nana nairai jífáidino izói itátatiomoiza, —daide.

⁹Afe méifodo íraie Juzíñamui abi ímie ficire daiíocaide:

—Dáamie jacírede rílemo caimátaiadi, íemo jiái afe jánaraimo caimátaiadi, íemo daje izói afe rille mámece ozócimo ninena ónoimo cuetátaiadi, ¹⁰afe izóidino Juzíñamui lloga jamánomo duere finóllinomo orélliaíói. Mei afe izóidinomo afémie iere rúcaide; rúcaillano afémie duere

íaioi finolle, féinellena riire íaioimo mamécaza. Iemo Juziñamui abi imaci uícomo, daje izói Cordero uícomo, iraido íaioina iere izi cácatalliaioi. Iemo daje izói nairai iere uzire cóonaitalle raado afe izóidinona iere izi cácatalliaioi. ¹¹ Duere íaioi zefúitate irai uíllie jaca ninomo llícaíneno caifo uíllífoide. Afe jacírede ríllemo caimátaitino mona naio diga afe duere finóinamona jaca ócozinaiñeitiaioi. Afémaci naa afe ríllena eroide jánaraimo caimátainori, íemo jíái ie mámecina onótate número otino diga nana jaca ócozinaiñeitiaioi. ¹² Mei jira Juziñamuimo jainaide ie ocuica uaimo jíeruitino, naa Jesudo fáicanocaiñede jáidino diga, comécina járidonidiaioi.

¹³ Nane afe méifomo monámona daa uai cuemo úrillana cacádícue; daide:

—Bie cúeiri: “Benómona cai Ocuíraimo fínote títino caimare íitiaioi.” Afena Juziñamui Ñuera Joreño “Jii” dáideza, mei afémaci íaioi táijinamona ocózinaitiaioiza. Daje izói íaioi finócano, jíáima diga nabáirilla izói féitañegaza, —daíí daide.

**Ria llizilla óina izói, énie
comini jofo ollíruimo dúcide,
Juziñamui duere íaioi finóllena**

¹⁴ Afe mei eróillano úzerede mona ero uílliena ciódícue. Afe uíllie emódomo Nanoide Hima Jitona Jesuna éroidímie ráiina. Ie ífomo oro finoina illaíma jítáracuífoi jíina. Daje izói hozna mámecirede arroz izoide llízíe ñetara llíide. (Afe raa jofo icuífoina néfide jáirede lloefai izoide.) ¹⁵ Iemo nane jíáie Juziñamui abi ímie ie gairíracomona jino billa. Afémie ficírede uaido uíllie emódomo ráiidímiena daide:

—O llíga llízíe ñetara raado táijíiri. Ja jeede diga mai jofo ono. Ja jofo ollíruimo dúcideza. Énie comini finóca-

fuíai ja jeede ríaniai izói fiénidífuenta iere oruídeza, —daide.

¹⁶ Afe mei uíllie emódomo ráiidímie ie llíga llízíe ñetara raado énie comínimo táijizaide. Afedo fiénidífuenta oruídino jofo ote.

¹⁷ Afe mei jíáie Juziñamui abi ímie monamo ite Juziñamui gairíracomona jino bite. Daje izói afémie jáirede llízíe ñetara raa llíicabite. ¹⁸ Afe llezica jíáie Juziñamui abi ímie Juziñamuimo caimátairanomona jino bite. Afémiemo jobáitalle ríinona ite. Iemo afémie, jáirede ñetara raa llíidímiena ficíre jíirillano daide:

—Mai omo ite jáirede ñetara raado táijíiri; éniemo ite jíricoillai ollíruimo ja dúcideza. (Afe jíricoillai fiénide comini jana.) Mai jofo ono, mei afe jíricoillai ja iere jiduídeza, —daide.

¹⁹ Iemo afe jíáie Juziñamui abi ímie, ie jáirede ñetara raado énie comínimo táijizaide. Afedo éniemo ite jeede jíricoillai izoide fiénidíno jofo ote. Uano áillue iduíríraco izóidínomo jofo díte, afénomo riire iduíllena. Bie iduilla Juziñamui bie izói duere afémacina finolle jana. ²⁰ Afe jíricoillai izoide fiénidíno áillue comini jofue jinomo iduica. Afe iduíracomona aillo díena tote. Afórede imani izoide; áfeji caballo táia ie fue illa dínorí afórede. Daje izói áfeji trescientos kilómetros díno tote.

**Íiraie siete dígade jacírede
duere finóllífuiái Juziñamui
abi imaci mameca**

15 Iemo monámona jíáie jacínaitade áillue raa jánana ciódícue. Siete dígade Juziñamui abi imaci íiraie siete dígade jacírede duere finóllífuiái lluíbitiaioi. Afedo Juziñamui ríicaillana záaite.

² Daje izói, vídriona finóinana eroide monáillajina ciódícue. Afeji réici diga taméricaide; daíí eroide. Jacírede ríllena anáfenodíno afe fuédamo

naidáiediaioi; daje izói ie jánaraina anáfenodino; íemo jíái afe ie número mámecina ozócimo cúeñegano diga. Nana dáanomo afe vídriona eroide monáillai fuédamo naidáiediaioi. Nana bimaci Juzíñamui íaioimo fecaca ‘arpa’ daina rua roia taiga raa llíedíadiaoí. ³Afémaci Juzíñamui jaiái ocuífregamie Moisés rua rotíadiaoí. Daje izói jíái Cordero rua rotíadiaoí. Aférua bie izói daide:

Ocuíraima, nana o finócanuiai iere ebíriede.

Jamánomo ríinorede Juzíñamuidio.

Náiraiái Illaíma, nana o jáifirena io uáfuaena jáicína jóide.

⁴Ocuíraima, ona ñue jáciruíñeitímiena íñede.

Daje izói omo ñúefuena jóoneñeitímiena íñede.

Mei dama o íaifuenidímienaza.

Naga náiraiái omo caimátaizabítiaioi, mei o jáicína finófiregafuíaína cíodíadiaoíza.

Aqueé izói rotíadiaoí.

⁵Bie méifodo, monamo ite Juzíñamui gairíraco túijicaillana cíodícue. Afeco noffíbicimo cuega Juzíñamui ocuica uailai éenorano. ⁶Afécomona Juzíñamui siete dígade abi imaci jino bite. Afémaci siete dígade jacírede duere finóllifuiái uite. Afémaci ráifide íáinide queníredicuiruai jítaóidiaoí. Iaiói llaitáoiga oro finoina ciraigi ífe jogóbemo dúcide. ⁷Ie mei cuatro dígade cáadimiíaimona dáamie afe siete dígade Juzíñamui abi imácimona illa dígamíemo oro finoina íchecoí fecade. Afécheoí jaca ninomo zíñona ite Juzíñamui ocuica duere finóllifuenta oruide. ⁸Iemo afe Juzíñamui gairíraco uílliena oruide. Afe uíllie Juzíñamui jamánomoidímiena íllamona, daje izói ie iere ríinorenaimona comuide. Afe llezica afécomo buna jofo jáinide. Nai afe siete dígade Juzíñamui abi imaci

siete dígade jacírede duere finóllifuiái záiñena llezica buna jofo afécomo jáinide.

Juzíñamui duere finóllifuenta oruide íchécuaí

16 Afe mei Juzíñamui gairíracomona jino bite ficírede uaina cacádicue. Afe uai siete dígade Juzíñamui abi imácína daide:

—Juzíñamuimona bite siete dígade duere fínuana oruídichecuaí ana éniemo tótaji, —daide.

²Nanoide Juzíñamui abi ímie jaillano, afémiemo ite íchecoí ana éniemo totade. Afemona nana jacírede rille mámecina cuegánomo jacírede duico comuide. Afémacimo izírede jíllotañede ñozagí izoide duico comuide, daje izói afe rille jánaraimo caimátaífiredinomo.

³Iemo méifoide Juzíñamui abi ímie afémiemo itícheoí monáillaimo totade. Tótamona afe monaillai jainoi tíidímie die izói jaide. Iemona nana monáillaimo ite cáadinuiai tícoizite.

⁴Iemo nane jíáie Juzíñamui abi ímie afémiemo itícheoí imánillaimo, daje izói éniemona jainoi jino toránuaímo totade. Iemona afeno jáinoillai díena jaide.

⁵Afe mei jainoi fieni finótate Juzíñamui abi ímie dáinana cacádicue; daide:

—Ocuíraima, íaifuenide Juzíñamuidio. Bie izói comini duere o finóllena iere comécína jáicína jóidímiedio. ⁶Mei omo jaináidinona tíitano íaioí díena nauí totádiaioíza. Daje izói o díbénedo úritino díena totádiaioíza. Iemo biruí afe íbana o afémacína díena jírótatío, mei daíí afémacimo dúideza.

⁷Afe mei nane Juzíñamuímo caimátaíranomona dámie dáinana cacádicue; daide:

—Jíí, uáfueza, caí Ocuíraíma, o jamánomo ríírede Juzíñamuidio.

Uáfuenta ñue jaícina iere riire jicánotio, —daide.

⁸Ie mei nane jiáie Juziñamui abi ímie afémiemo itícheçoi jítómamo totade. Afemona afe jítoma comini cóonaitalle ríno iga. ⁹Iemona nana comini jamánomo cóonaizitiaioi. Mei íadi íaioi comeci itífuai na méidoñediaioi. Daje izói Juziñamuimo caimátaiñediaioi. Mei jiáifodo afe jacírede duere finóllifui ai ocuádmiena faidófrediaioi.

¹⁰Iemo nane jiáie Juziñamui abi ímie afémiemo itícheçoi jacire eroide rille illáimana ráiiranamo totade. Afe llezica afémie náamataga illano jítirecaide. Iemona nana comini afe úcodo íaioimo comuide dúicuai izírenari dani abi ainízitiaioi. ¹¹Mei daí itíai oi íadi, íaioi finoca fiénidífuiai fáicanocaiñediaioi. Mei jiáifodo, izi íaioi cácana ícoina, daje izói jacire íaioi ñozánailamona, monamo ite Juziñamuina íaire daidíai oi.

¹²Iemo nane jiáie Juziñamui abi ímie afémiemo itícheçoi áillue Eufrates mámeçirede imánimo totade. Afemona afe imani zafénaite, áfedo illaini raire ruica bille io tuiñóllena. Aféllaini naa íaioi fuirírainiri jítoma caífo biránomona bitíai oi.

¹³Afe mei dragón dainámie fuémoma, daje izói jacire eroide rille fuémoma, daje izói taino uai jino llófredímie fuémoma daámanide cúuraicina eroide fiénide jóriai jino bíllana ciódicue. ¹⁴Afe daámanidino Taife jóriai. Afémaci ciórainina raana ciotafiredino. Bie damieámanidino nana énie illaini naa íaioi fuirírainiri dáanommo gairítaite, jamánomo ríinorede Juziñamui díga fuiríllena. Aferui Juziñamui aillo íba ollirui.

¹⁵Aféruído monámona Cristo úrillana cacádícu; daide:

—Ero, cacai. Merízai bitímie billa izói, comini nai cuemo coméçínedi-

aióimo déizaibíticue. Cue bille llezica iníño cuemo comeci facáoidímie caimare íite. Daje izói emuíroma mácañeilena iníroina ñue úíñotímie izói, íaífue mona abina ráiruitímie méairuíneite, —daide.

¹⁶Iemo afe daámanide fiénide jóriai, nana illáinina dáanommo gairítate. Afeno mámeçi hebreo uaido daina Armagedón.

¹⁷Iemo siete dígademona íraie Juziñamui abi ímie afémiemo itícheçoi caífo táifommo totade. Tota llezica monamo ite gairíracomona ficírede uai cácaçaide. Afe uai illaima ráiiranomona jino bite; daide:

—Ja fuite, —daide.

¹⁸Afe méifodo, améuai llairilla. Mona gíría naa ficíriede ráaniai díga cácaçaide. Afe llezica énie iere riire doçaide. Nanómona bíniemo comini ía docáifirena baímo, jamánomo riire doçaide. ¹⁹Iemona afe áillue comini jofue daámami díeze bójjicaide. Jiáie bíniemo ite jofue jáicoizite. Afe llezica Juziñamui áillue Babilonia jófuemo úbicaide, duere íaioina finóllena. Afe duere finóllifue comini títaite ríjii jírúa izói íite. Afémie rícaillano daí íaioina finoite. ²⁰Afe dáaruído nana monáillaji cigi íduai naa jiáie caífoneduairi niné táinoçaide. ²¹Afe llezica aillo jéerie nocíjiaina monámona comínimo cocide. Aféjjai mona dáarie cuarenta kilos méere de. Iemona afénommo ite comini afe áillue nocíjiaí cóçiaí Juziñamuina íaire daidíai oi, mei afe bimaci duere fnua iere jamánomoideza.

Jamánomo jiruédíngo duere finóinafue

17 Afe méifommo siete dígachecoí llíide Juziñamui abi imácimona dáamie cuemo úrízaibite. Cuena daide:

—Eróizaibi. Jamánomo jiruérede izoide íaífueredíngo duere finóinana ommo ácataiticue. Afengo monáillajil-

laimo ite. Afe bie izói daiíacade aillo nairai afengo anamo itíaiói. ²Bínie illaini afengo diga aillo fiénide íaifuiái finófirediaíói. Iemo bínie comini afengo íaifuerenamona jííáifiredino izói íáire jáidiaíói, —daide.

³Afe mei Juzíñamui Ñuera Joreño nicáírilla izói cuemo ácataja llezica, daa Juzíñamui abi ímie táizicimo cue uite. Afénomo daa ringo jáirede jacire eroide rille emódomo ráiinana ciódicue. Afe ríllemo diga Juzíñamui íáire daina uail-lai cúeina. Afe rille siete diga ífócirede, daje izói afémie zicai diez dígade. ⁴Afe ringo jítaoigacuiro jáirede, íemo morádonna eroide. Afengo oro finoina íena ebire finóbide, íemo ráifide ñue finoca nofíciaina, íemo ‘perla’ daina zíriona finóbide. Iemo afengo oro finoina ichecoí llíide. Aféchechoí íáirede raana oruide, íemo jíái afengo jíruírena llezica finoca íaifuiaina oruide. ⁵Afengo ozócimo cuetá jónega ónonide mámece illa. Afeci bie izói daide: “Aillue Babilonia jofue, nana fiénidifuiái jillaci, aféfuíai ei daina izói mameide. Iemo nana bíniemo ite éoigafuiái ei daina izói mameide.” ⁶Iemo diga Juzíñamuimo jáináidino afe ringo ícoinia fazícaiaíói. Afémaci Jesús uai llócaína jira afengo titácaiaíói. Iaiói fazícanori afengo, come jííáifirena izói, iere íóbide. Afena cóoillano iere jacire fáigacaidicue. ⁷Ie jira Juzíñamui abi ímie cuena daide:

—¿Minícarí jacínaitio? Afe ringo ónonino daiíacanafue jino omo onótaiticue. Daje izói afengo uífirede jacírede rille maméinafuena omo onótaiticue. Afe rille ifo siete dígade, íemo diez diga zícairede. ⁸Afe o ciona jacírede rille jaiái nino itímie, mei íadi ie tállla mei jae íñede. Mei íadi afémie íraicaiño ie tállle uícodo meine abído fiénide jóriái íbárafomona caífo biite. Mei íadi billano zíñona ie duere finóllinomo orelle. Eniemo ite

comínimona zíñona ille rabénicomo énie taineina llezica mámeceina cúeñegano, afe ríllena cóoillano iere jacínaiícaítiaíói, mei afémie jaiái íteza, íemo biruí jae íñedeza, íemo meine abído uire bíteza.

⁹Biruí cai uaina féiruñedínomo nai benó jíáie llollífuena ite: Cácareí. Afe siete dígade ífóciái baie ringo ráiina siete dígade caífneduai jana. ¹⁰Iemo afe llezica afe siete dígade ífoci daje izói siete dígade illaini jana. Afe siete dígade illáinimona cinco diga ja dotácaiaíói. Afe mena fiébidemona daa nai illáimana ite. Iemo jíáimie nai illáimaizaíbíñede. Afémacimona íraillaima bíadi are íñeno táinocaite. ¹¹Nauí caade íocirede rille, tíide íadi, nane biruí caade illaíma. Afémie siete dígademona afémaci emódoídillaima. Mei íadi afémie siete dígademona dáamie. Afe mei afémie íraicaiño ie tállinomo jáite.

¹²Afe o ciona diez dígade zicai, diez dígade nai illáinina jáíñedino jana. Mei íadi jacírede rille diga dáaruido afémaci nano íanori dieze illaini ocuífirena ríno llíinoítiaíói. ¹³Bie diez dígade illaini conímamo daje izói coméciidiaíói. Iemo íaíoimo ite ocuille ríno jacírede ríllemo fécaítiaíói. ¹⁴Iemona Cordero daina Jesucristo diga fúiritiaíói; mei íadi Cordero íaíoína anáfenoite. Mei afémie nana ocuídinomona Jamánomo Ocuídímieza. Daje izói afémie nana illáinimona Jamánomoidillaimaza. Afémie diga jáicadino Juzíñamui nizada jíírígano. Daje izói afémaci fáicanocaiñeno Juzíñamuimo ñue ínofiredino, —daií afémie cuena daide.

¹⁵Juzíñamui abi ímie nane dánomo cuena daide:

—O ciona monáillajillai, ñíí afe íaifueredíngo illano, afe monáillajillai aillo jófueniaí jana. Daje izói aillo comini jana, íemo jíáíforie úritino jana, íemo aillo náiraiaí jana. ¹⁶Jacire eroide

ríllemo o ciona zícainiai jíáie illáimaiai jana. Afémaci bie jiruúredingona éoitiaioi. Eoillano aféngona zóofeitiaioi, íemo jíái aféngona emuírogi óreitiaioi. Afe mei afengo íeizina rúitiaioi. Iemo jíái aféngona iraimo cóonaitaitiaioi.¹⁷ Juzíñamui comeci jíaina izói afe ringona duere íaioi finóllena ónonino íaioi comécimo úrite. Ie jira dájena coméciidiaioi íaioimo ite jacire ocuille ríno jacrede ríllemo fecállena. Iemona afémie jamánomo rírede. Daií Juzíñamui daina uáillaina fuillíruimo dúcia llezica finófrediaioi. Iemona afémie daina uaina ñue ícoimo záitatiaioi.¹⁸ Afe naui o ciona jiruúredingo, nana énie jamánomo ocuífiredillaima illágobe jana, —aquíe izói daide.

Babilonia jofue táinoicailla

18 Bie méifodo monámona jíáie ángel dainámie, Juzíñamui abi ímie ana bíllana ciódicue. Afémie aillo ríno diga bite. Afe llezica ie quenire bóodedo bínie egáínote.² Afe llezica afémie ficire úrite; daide:

—Aillue Babilonia jofue ja jáicoizite, ja tánoicaide. Taiife ocuífregano illánona jaide. Daje izói nana jíáiforiede íairede joríaí uíñoracona jaide. Afe izói nana íaire féedino jilláillinona jaide, naa jíái cai éoiga féedinuairi.³ Mei aillo fiénide íaifuiai afengo finófirenado, nana nairai jífáidino izói itaioiza. Iemo naga énie illaini afengo diga aillo jiruífue izoide íaifuiaina finófrediaioi. Bíníemo ráaniai fecáfiredino iere úcuberedinona jáidiaioi. Mei uafue, afe áillue jofue comini izire jicaca táinomo faitátate ráaniai íaioi jícáfrenamona bi-maci aillo úcubenaidiaioi.

⁴Afe mei monámona jíáie uaina cacádicue; daide:

—Omoi cúeiediomoiza bie jófuemona oni omoi jai; íaioi finoca fiénidífue afé-

maci finua izói omoi fínoñeilleza. Daje izói íaioimo zúite jacíredífuiai ómoimo jíiriñelleza.⁵ Mei afémacimo ite fiénidífuiai ofilla ja monamo dúcidaza. Íaioi finoca fiénidífuiaimo Juzíñamui ja uíbicaideza.⁶ Iemo Juzíñamuina daide:

—Jíáímacimo íaioi feca izói, afe izói íaioimo fecari. Íaioi fiéni finua izói, afe baimo ménacaíño afémacimo finori. Afémaci núemacimo eríredena jóoneta jirota izói duere íaioina finódiaioi. Afe íaioi finua izói, afe íbana ménacaíño afémacimo riire duere íaioina finori.⁷ Aillo táinodo abi íaioi finua dieze, íemo cómena canóñedemo fáifífiréna dieze, áfeze afémacina duere finori; afe izói íaioina duere zefuítari. Mei bie ringo izoide jofue comini afengo ie comécido daiífíredeza: “Benomo illáingona ráiidicue. Jaca fécinaiñeíticue; jaca dúeníticue,” —afengo daide.⁸ Ie jira bie izói úrillamona, dáaruído omo dúide jacíredífuiai cómuíte: tñilla íemo duere zefuilla, íemo júbie. Iemo iraimo cóonaitio. Mei o duere finótate Juzíñamui jamánomo rínoíredeza. Afémie jaca cai Ocuíraima.

⁹Afengo diga jiruúrede bínie illáicomini, daje izói afengo diga cómena canóñedemo fáifidino aféngori iere éenaitiaioi. Mei uafue, afengo cónailla uílliena cióillamona aféngori cáillicaiilli éeitiaioi.¹⁰ Afengo iere duere finóinari jacánaillamona oni jica íitiaioi. Afemona dáíitiaioi:

—¡Aíi, nii o dúerena! Jamánomo rírede Babilonia jófuedio, ¡nii duere o zefuilla! ¡Mei raire dáaruído o duere finoina comuíbicaide! —dáíitiaioi.

¹¹Bínie ráaniai fecáfiredino aféngori cáillicaiilli éenaitiaioi, mei ja íaioi atica ráaie íbaitino íñede.¹² Íaioi atífírega ráaniai, be níie: Oro, plata, ráífide nofíciai, ‘perla’ daina ráífide zírío, ráífide úzecuiro, íemo jáirede ‘sédacuiro,’ morádonna eroide seda

diga, íemo jiái diga jiáifodo zióriede aménaiai, íemo ebírede ‘marfil’ daina elefante zicái finoína ráifide raana, íemo ráifide amena finoína raa, íemo ‘bronce’ daina borárede lloébici finoína raa, íemo jamai lloébici finoína raa, íemo ‘marmol’ daina nofici finoína raa, ¹³ daje izói ‘canela’ daina gülllemono faiga raa, íemo jiáiforie ráifide ziórede raa, íemo ziórede uguci, íemo ‘mira’ daina ziórede raa, íemo come abi jilláiraniai, íemo ‘vino’ daina jirórají, íemo cáiredijí, íemo ñuera pan finófirena harina, íemo trigo, íemo daje izói abífirede cáadino, íemo ovéjaiai, íemo cabálluai, íemo ‘carros’ daina arínellai, daje izói jacire rairuica comínina fecádiaioi. Bie izói daina cáadino iima ringo diga jiáimacimo fecádiaioi riire íaioi ocúllena. ¹⁴ Afe jofue comínina dáitíiaioi:

—¡Baie omoi gaiga caimárede amena llizíllaniai izoide ráaie jae íñede. Nana omoi ofítaga ebíriede ráaniai ja táino-caide! —dáitíiaioi.

¹⁵ Afe ráaniai fécajano iba úcube ófiredino bie áillue jofue comínimona otíaioi. Uano aillo úcuberediaioi. Mei íadi aféruído afe jofue iere duere finóinari jacínallamona oni jica íitíiaioi. Afénomona aféngori cáillicaiilli éeitíiaioi. ¹⁶ Iemo dáitíiaioi:

—¡Aii. Áillue jófuedio nii dúerena! Naui ñuera ráifide úzecuiro jítádingo izóidío. Daje izói o comini jáirede ráifide iniroi, íemo morádonna eroide ráifide iniroi jítáfirediaioi. Afe llezica oro íena finóritíiaioi; daje izói ráifide nofici finoína raana finóritíiaioi, íemo jiái ‘perla’ daina zíriona jítáfirediaioi. ¹⁷ Iemo dáaruido naado aillo ráaniai niné táinocaide.

Daje izói nana ‘barco’ daina áillue nocáe ocúdíllaini, naa afécaedo jáidino diga, áfena jacíruillano oni jícarie itíiaioi; daje izói afécaedo táijidinori naa jiái-

fodo monáillajimo táijide comíniri oni jícarie itíiaioi. ¹⁸ Iemo afe jofue bóua úlliana cíóillano caillídiaioi:

—Bie izoide naui áillue jófuena, ¿Ninomo cíotícaí? Bie izoide jofue jaca íñeite, —daidíiaioi.

¹⁹ Iere zúucaillano íaioi ífomo énie jú-daidíiaioi. Daíí ñiano cáillicaiilli éediaioi. Daidíiaioi:

—¡Aii! ¡Áillue jofue nii dúerena! Nana monáillajido ráaniai fecáfiredino afe ráaniai o comini úamona afémaci aillo úcuberediaioi. ¡Mei íadi dáaruido afe áillue comini jofue ja niné táinocailla! —daidíiaioi.

²⁰ Afe mei áfena cíódimie daide:

—Monamo itínuiai, mai afe áillue jofue táinocaillari omoi íóbiri. Uáfueza, Jesucristo orécano, naa Juzíñamui díbénedo úritinori mai íóbiri, naa Juzíñamuimo jaináidino diga. Mei Juzíñamui afengo niné táinocaitajado, omoi duere zefuítaja ñue jaícina iba ote, —daide.

²¹ Afe mei riírede Juzíñamui abi ímie áillue nofici caifo raiñode. Afeci áillue ‘molina’ daina trigo llaira mérede nofici finoína eroide. Caifo ráiñuano afécina monáillajimo dotade. Dótajano daide:

—Afe bie izói áillue Babilonia jofue ana cáicoizite, íemona jaca ninomo meine cíóñeille. ²² Benómoma jaca o cígido joide iomo ‘arpa’ daina rua roia taiga raa rúaniaina meine cácaíñeille. Daje izói totíbacui uai naa bainada uai diga ja meine cácaíñeille. Afe izói nana jiáiforie táijiana baitádinomona buna fiébiñena. Iemo daje izói dobérilla ficíreña izói ‘molina’ daina nofici uaina cácaíñeille. ²³ Afe daje llezica o jófuiai eromo bóófirede mechera izói boode ráaniai abído bóóñeite. Iemo aféruimo áirena llezica íráizie caimare fícirerie íaioi úrilla uáillaina meine jaca cácaíñeille. Mei naui omo ite ráaniai fecáfiredino bínie comínimona

jamánomoidiaioi íadi, ja birui afe caimárede uailai cácaíneille. Naui aféruimo aima bífuefírena uai izóidedo náiraiaina jífuefiredio; mei íadi afe jífuefírena ona nabáiñede.

²⁴Mei uafue, afe o jofue cígimo Juzíñamui dibénedo úrifiredino díena ciona. Daje izói Juzíñamuimo jaináidino naa jíáie bíniemo fagano díena afénomociona. Afe ciona die, afe jofue comini jíáimaci títaja ícoina daí illa jana, —daide.

19 Afe bie méifomo monamo ite aillo comini ficírede uáillaina cacádicue. Daidíaioi:

¡Aleluya! Cai jíllonano cai Juzíñamuimo dúide.

Daje izói iere ebíredifue afémiemo mamérede, íemo naa ñuera rño díg.

²Mei afémie ñue jaícina ua uaido iere riire jícanofiredeza.

Afe iere jíruíredingona afémie riire duere finótateza.

Afengo iere ie jíruírenado énie comínina íáire finode.

Juzíñamuimo tájíttagano tíilla íba aféngomo oga, daidíaioi.

³Nane dáanomo daidíaioi:

—¡Aleluya! mei afengo jobailla uíllie jaca ninomo llícaíñeno uillífoite, —daidíaioi.

⁴Afe llezica veinticuatro dígade éicomini, íemo jíái cuatro díga cáadimiiai díga, ana éniemo bíjicaillano, Juzíñamuimo caimátaidiaioi. Illaima ráiiranomono ráiide Juzíñamuimo caimátaillano daidíaioi:

—¡Daiítadeza! ¡Aleluya! —daidíaioi.

⁵Nane afe mei illaima ráiiranomona jíáie uaina cacádicue; aféuai daide:

—Cai Juzíñamuimo nana afémie ocúcano afémiemo ñúefuiai omoi mameri. Daje izói íena caimare jacíruitino, illáicomini naa jíba comíniri, ñúefuiai afémiemo jónefireiri.

Cordero daina Cristo áirena rafue

⁶Nane daje izói aillo comini uailai izóidena cacádicue. Afe uailai aillo imánillai ficírena izói ficírede, íemo jíái afe uailai ficire mona gíria ficírena izói ficírede. Afe uailai daide:

¡Aleluya! Jamánomo rírede cai ocuide Juzíñamui nane meine como ócuite.

⁷Mai cai íóbilli; daje izói iere caimare cai illi.

Afémiemo ebíredifue cai mamelli.

Mei Cordero áirena izóidíruimo ja dúcideza.

Afémie ai izóidínona jáitino ja ñue finóbidiaioi. Afémaci Crístomo ua ínotimaci.

⁸Ráifide úzecuiirona jíárediaioi.

Mei uafue, íainino queníredíroi Juzíñamui afémacina jíátaga.

Mei afe ñuera ráifide úzecuiro Juzíñamuimo jaináidino comécina jaícina jóoina jánaza.

⁹Iemo Juzíñamui abi ímie cuena daide:

—Mai cúeiri: Cordero áirena ráfuemo uáidogano ja caimare itíaioi, —daide.

Nane cuena daide:

—Bíuai Juzíñamui lloga ua uai, —daide.

¹⁰Iemona afe Juzíñamui abi ímiemo cue caimátaillena ie anamo dújudicue. Mei íadi afémie cuena daide:

—Cuemo daí íñeno, mei o izói cue Juzíñamui ocúcamiedicueza. Jíi, Jesús llócaiga ua uaimo féitañeno ínote o ámatiai izóidicue. ¡Cuemo caimátaíñeno; Juzíñamuimo cáimatai! —daide.

Mei afe Jesús llócaiga ua uai, Juzíñamui dibénedo lloga uailai jino llotino comecei úritade.

Uzerede cabállomo ráiicaidímie

¹¹Nane afe méifomo mona tuíñuana cíodicue. Afénomo úzerede caballo

ciócaide. Afe emódomo ráiicaidimie mámecei “Fiel” íemo jíái “Verdadero” dainámie. Mei afémie ñue jaícina illáfuedo ocuúdeza; daje izói áfedo fiénidino diga fuirítateza. ¹²Ie ui irai bóua izói quere cíoide. Ie ifócimo diga illaima jitáracuifoí jitáoiide. Daje izói afénomo dama ie onoiga mámecei cúeina. ¹³Afémie jitácauiro dfemo mutácaroi. Afémie mámecei Juziñamui Uai. ¹⁴Afe llezica nana monamo ite Juziñamui ocuica fuirídino afémie óodana jáidiaioi. Afémaci ráifide úzecuio jitáoidiaioi. Aferoi jaca íáinide. Baie nana afémiedo jáidino úzere de cabállomo ráiicaidiaioi.

¹⁵Afémaci ifódimie fuémoma jáirede lloefai jino bite, áfedo nana nairai bofél-lena. Afe llezica afémie lloébici izóidedo náiraiaina ócuite. Vino finóacanomo úvaiaí iduállena riire záizía izói, afe izói afémie afémacimo iere riire jicánoite. Iemo jamánomo ríinorede Juziñamui ríicaillamona cómuite iere duere finóillifue, vino jirótaja izói afémacina duere finótaiteza. ¹⁶Ie inícuiro emódomo jitácauiromomo cueba mámecei illa. Daje izói ie riázimo cueba. Afeci daide: “Nana illáinimona Jamánomoidillaima,” íemo jíái “Nana Ocuídinomona Jamánomo Ocuídimie.” Afémie nii cai Ocuíraima Cristo.

¹⁷Afe mei Juziñamui abi ímie jitoma riire egáñuanomo naidáinana ciódicue. Afémie nana mona erodo féedinuiaí ficire jírite; daide:

—Juziñamui finoca áillue güille nana dáanomo omoi riáibi, ¹⁸mei benomo illaini íeizi ríitiomoiza, naa fuiríraini illáicomini íeizi diga. Dáanomo íocirede fuirífredino íeizi ríitiomoi, naa caballo íeizi diga. Daje izói afe emódodo ráiicaidino íeizi ríitiomoi. Iemo nana fiébidino íeizi ríitiomoi. Buna ráiruiñegano, daje izói jacire rairuícano, íemo jíái jamáimaci íeizi, naa

jamánomoidimaci diga daje izói ríitiomoiza, —daide.

¹⁹Afe mei afe jacire eroide ríllena ciódicue naa bínie illáicomini naa íaioi fuirírainiaí diga. Nana bimaci fuiríllena dáanomo ofídiaioi. Afémaci afe úzere de cabállomo ráiicaidimie diga fuirízaibitiaioi. Afémie “Juziñamui Uai” dainámie. Daje izói afémie canode fuiríraini diga fuiríllena maméritiaioi. ²⁰Afe mei afe jacírede rille, taino uai jino llócaidimie diga ja llaveca. Afe taino uai jino llotímie, jacírede rille eróicana, jacínaitade ciórainina raa ciótate. Afé-fuiaido afe taino uai jino llotímie, nana afe jacírede rille mámeceina cuetá-taganona jífue. Daje izói afe jacírede rille jánaraimo caimátaidinona afémie jífue. Iemona ‘monstruo’ daina jacire eroide rille, daje izói taino uai jino llotímie, cáanori dáanomo duere finolle jorai izoide bóodiimo dotácaiaillinoi. Afe jorai izoide duere finóllino iere uzire boode. ²¹Nana áfemona fiébidino úzere de cabállomo ráiicaidimie fuémoma bite lloéfaido titácaiaioi. Iemona nana féedinuiaí bie titácano riáibillano íaioi íeiziri jérediaioi.

Mil diga fimona dino comini caimare íitiaioi

20 Bifue méifomo ángel dainámie Juziñamui abi ímie monámoma ana bíllana ciódicue. Afémie afe fiénide joríaí ibáirafo zuitara llave naa áillue llójeo diga llíicabite. ²Afe bie Juziñamui abi ímie ‘dragón’ daina jáiaira áillue jaio lláitano anáfenode. Afe jaio jíái-fodo mameina Taife, dáamie Satanás. Anáfenuano afémiena mil diga fimona llaveca. ³Ana fiénide joríaí ibáirafo mario íena llavede. Lláviano afe nazemo ‘sello’ daina “buna zuitánide” daide raa jóonete. Daí finoca náiraiaina mil diga fimona dinori jífueñeillena. Afe mil diga

fimona jaille méifomo, afémie nano íanori zuitalle.

⁴Afe mei illaini ráiiranuaina ciódicue. Afénomo ráiiedino iere riire jicánolle rínona igáiaioi. Afe dáaruido ífóciaina jáicoicano coméciaina ciódicue. Afémaci Jesús jáicina lloga Juzíñamui uai íaioi llócailla ícoina ífócina jaitácaiaioi. Afémaci afe jacire eroide ríllemo caimátaiñediaioi; daje izói afe jánaraimo caimátaiñediaioi. Daje izói afémaci ozócimo ie mámecei cuetátañediaioi, íemo daje izói íaioi ónoimo. Afémaci abi meine abido cáaillano mil fimona dino Cristo diga illáimaitiaioi. ⁵Afe bie meine abido cáadino, nanóidino meine cáaillirumo abido cáaitiaioi, jae cai daina Cristo diga illáimaillena. (Mei íadi jíáie tíidino mil diga fimona záíñena dino meine abido cáaiñeítiaioi.) ⁶Nana afe nanoide cáaillirumo meine abido cáaitino caimare itíaioi. Daje izói afémaci Juzíñamui ñue finócano. Afe meífoide tiille afémacimo jaca jíriñeite. Mei íadi afémaci comínido Juzíñamuimo úrifireítinona íítiaioi; daje izói Cristo íeiena zííñona íítiaioi. Iemona mil fimona dino afe Cristo diga illáimaitiaioi.

⁷Afe mil diga fimona záilla méifomo, Taife ie llavéinafomona zuitalle. ⁸Jáillano nana énie náiraiaina jífueite. Aféruido “Gogna” mámeceirede náiraina jífuaite, “Magog” daina náiraina diga. Afe náiraiaí fúiritinuiaina Taife dáanomo jofo óite, íiraicaiño fuiríllena. Afémaci monáillajimo ite guamai dígadeza facádonidiaioi. ⁹Afemona énie nániena afémaci iere oruíbicaite. Iemona Juzíñamuimo jaináidino illánona nágafene fállena cirínótiaioi. Afe illano Juzíñamui izíruiga Jerusalén daina jofue; áfena cirínótiaioi. Mei íadi Juzíñamui monámona irai afémacimo

orede. Afe iraido fiébiñeno cóonaitiaioi. ¹⁰Afe llezica afémaci jífueicaide Taife boode jóraimo dotaca. Afe jorai iere uzire boode. Afe dáanomo jacire eroide rille, íemo jíái taino uai jino llócaidímie nauí dotaca. Afénomo mona naio diga jaca ninomo zííñona iere duere finócaiaioi.

**Aillue úzerede ráiirano illaima
ie, íemo afe uícomo
iere riire jicánollino cioina**

¹¹Afe méifodo áillue úzerede ráiirano illaima íena ciódicue. Iemo afénomo ráiidímiena ciódicue. Afémie uícomona nana énie mona diga niné cióbicaíñena. Afe mona énie diga illino jae íñede; jae niné táinocaidiaioi. ¹²Daje llezica Juzíñamui uícomo nauí Juzíñamuimo íinoñeno tíidino naidáienana ciódicue. Afeno jamánomoidinori naa jamáimaciri dáanomo naidáiediaioi. Afe llezica comini finócafuiaí cuiánicuai túide. Daje izói afénomo jíáie zííñona íítino mámecei cuiánico túide. Bie tíidino íaioi finócafuiaí íllaze riire jicánogaiáioi, mei afe íaioi finócafuiaí cuiánicomo cúeina dieze riire jicánogaiáioi. ¹³Afe llezica monáillajimo báíide tíidino meine abido Juzíñamui uícomo caifo náidacaitagaiáioi. Daje izói nana jíáíforie tíidinuaí íaioi tíillanomona meine abido Juzíñamui uícomo caifo náidacaitagaiáioi. Afe nana náidacaitagano íaioi finócafuiaí íllaze afémacimo riire jicánogaiáioi. ¹⁴Afe mei ‘muerte’ daina comini tííllafue boode jóraimo dotaca, ie mei niné táinocaide. Daje izói dáanomo nauí tíidino íbáinaco afénomo dotaca. Dotaca mei niné táinocaide. Afe bie boode jorai, íiraie tííllana mameide. ¹⁵Iemo afe zííñona ítino mámecei cuiánicomo mámeceina cúeñegano afe boode jóraimo dotácaiaioi.

Comue mona comue énie diga

21 Afe méifodo comue mona, comue énie diga ciódicue. Mei nanoide mona nanoide énie diga ja niné cióbicaiñenaza. Daje llezica monaillai jae iñede. ²Afe llezica comue Jerusalén daina íaifuenide jofue, Juzíñamui uícomona monámona ana bíllana ciódicue. Afena ciódimiedicue, Júaadícue. Afe jofue, óllena jicánoga ringo ebire finóbina izói ebire cóide. ³Iemo monámona ficire dáinana cacádicue. Afe uai daide:

—Ero, comini cígiri birui Juzíñamui illa. Afémaci diga ífireite, íemo afémaci afémie comínina íítiaioi. Ja birui dama afémie afémaci cígiri íite, afémaci Juzíñamuina ie íllena. ⁴Juzíñamui afémaci ui jémene zafénaitaite. Aféruimo tílle íñeite. Daje izói eia íñeite, íemo jíái duere zefuillamona eia íñeite. Daje izói comini abi izírena íñeite, mei jai ai itífuiaí jae záaideza.

⁵Iemo illaima ráiiranomo ráiidimie cuena daide:

—Ero. Nana cómuena méidotícue.

Iemo nane daide:

—Bie uai iere ua uaiza, mai cúeiri. Daje izói bie uai iere ínofiregaza, —daide.

⁶Nane afe mei cuena daide:

—Ja ñue ícoimo finócaza. Cue bie naga ráfuiaina nai cómuñenia uímodo itímiedicue. Daje izói dáamiedicue fuillínomo itímiedicue. Abecedario A-mona táinia izóidimiedicue. Daje izói abecedario Z-mo fuizajilla izóidimiedicue. Jáinoina jirócadimie ñúejina jirótaja izói, afe izói ñúefuiaí díbenemo íacadimiemo rainóñeno afémiemo ziiñona illáfuenta ífireitícue. ⁷Fíénidena anáfenodimie nana bíena feci raa fia máíñua izói, máíñoite. Afe llezica afémie Juzíñamuitícue, íemo daje llezica afémie cue jítóite.

⁸Mei íadi nana íñoñedino díbéfodo duere zefuille afémacimo dúide. Uáfueza, ñúefuena jacíruitino daje izói íñoñedino, íemo jíáimana éoidino, íemo jíáimana titádino, íemo jíái jiruífuenta finófiredino, íemo jíáima fue gáiana fibídino, íemo jíái jánaraimo caimátaidino, íemo nana táinona úritino; nana bie izóidino boode jóraimo dotárediaioi. Afe jorai iere uzire boode. Afe bie boode jorai íiraie tíllana mameide, mei afénomo dotácana jaca ninomo Juzíñamuimona oni eneno duere finócanona íítiaioiza.

Comue Jerusalén

⁹Afe mei siete dígade ángeles dainamaci Juzíñamui abi imácimona daa cuemo úrizaibite. Afémie nauí Juzíñamui ocuica siete dígade íiraie jacírede duere fínuana oruide ichecoí uitímie. Afémie cuena daide:

—Ero, Cordero ai izóidena jáitinona óácataitícue, —daide.

¹⁰Iemo Juzíñamui Ñuera Joreño bie izóidena nicai anado cuena cótate. Afe Juzíñamui abi ímie áillue caifónedumo cue uite. Afénomo monámona Juzíñamui uícomona ana bite jamánomo ñuera Jerusalén jofue cuemo ácatate.

¹¹Juzíñamui abi ebire quenírena izói afe jofue quenírie cóide. Daje izói iere ráífide nofici quenírena izói queníriede. ‘Jaspe’ daina nofici vidrio enéfecomo cóina izói cóide. ¹²Afe jofue jinófenedo nágafene áillue cirínua bairo raa ite. Afe cirínogamo doce dígabe naze ite. Iemo illa diga nazemo Juzíñamui abi ímie naidaina. Iemo afe náziaimo doce dígade Israel nairai mámeciaí cúeina. ¹³Afe jofue náziaimona, fuirífenemo dazeámani ite. Iemo jíáie dazeámani onífenemo ite; íemo jíáie dazeámani féífenemo ite; íemo jíáie dazeámani afáífenemo ite. ¹⁴Afe jofue jinófene cirínua anamo nofici finoina mozóidibani doce dígade.

Illa dígabanimo Cordero nágagobiaimo orécano ‘apóstoles’ dainámaci mámečiai cúeina.

¹⁵ Afe cue diga úrite Juzíñamui abi ímie, oro finoina facáradozi lláide, afe jofue facállena. Daje izói ie náziai facállena, íemo jíái afe jinófene cirínua facállena. ¹⁶ Afe jofue fueda nagaámariede; nágafene daje dinóriede. Ie árrera dibene daje dinóriede; íemo ie ruica dibene daje dinóriede. Afe Juzíñamui abi ímie ie llíga radózido jofue facade. Facádemo dos mil doscientos kilómetros árrera. Daje izói ruica diné eróicana dos mil doscientos kilómetros. Iemo caifo diné eróicana jíái daje izói dos mil doscientos kilómetros. Nágafeniai daje dinóriede. ¹⁷ Afe mei jinófene cirínuabani facade. Facádemo sesenta y cuatro metros caifo ite. Afena Juzíñamui abi ímie come facáfírena izói facade.

¹⁸ Afe jinófene cirínuabani ‘jaspe’ daina nofici finoina. Afe jofue íáinide oro niina. Ñue enéfecomo cíoide vídriona eroide. ¹⁹ Jinófene cirínua anamo mozíoidibanillai nana jíáiforiède ráifide noficiáido ebire ñue finoca. Nanóidibani ‘jaspe’ daina noficiado ebire ñue finoca, íemo jíáibani ‘zafiro’ daina noficiado ebire ñue finoca, íemo jíáibani ‘ágata’ daina noficiado ebire ñue finoca, íemo jíáibani ‘esmeralda’ daina noficiado ebire ñue finoca, ²⁰ íemo jíáibani ‘ónice’ daina noficiado ebire ñue finoca, íemo jíáibani ‘cornalina’ daina noficiado ebire ñue finoca, íemo jíáibani ‘crisólito’ daina noficiado ebire ñue finoca, íemo jíáibani ‘berilo’ daina noficiado ebire ñue finoca, íemo jíáibani ‘topacio’ daina noficiado ebire ñue finoca, íemo jíáibani ‘crisoprása’ daina noficiado ebire ñue finoca, íemo jíáibani ‘jacinto’ daina noficiado ebire ñue finoca, íemo jíáibani ‘amatista’ daina noficiado ebire ñue finoca. ²¹ Afe doce dígade naze íbáirabici áillue perla. Illa dígaze daa

perla ie finoina. Afe jofue cígido joide áillue macárao íáinide oro finoina. Afe macárao enéfecomo ñue cíoide vídriona eroide.

²² Afe jofue eromo Juzíñamuimo gairíraco jaca ninó daa cíoñedicue; mei jamánomo ríinorede Juzíñamuimo ebena nágafeniaimo caimátaidiaioiza. Afémiena jíáifodo daina cai Ocuíraima. (Afe jofue gairíraco Juzíñamui abiza. Daje izói jíái Cordero abiza.) ²³ Afe jofue jítómado egáíñuamo dúíñede; daje izói fíuido egáíñonide. Mei afe jofue Juzíñamui abimo ite ebírede quenírededo egáíñogaza. Daje izói jíái Juzíñamui Cordero afe jofue egáíñogaza. ²⁴ Nana jíllotaga nairai afe jofue egáíñuado mácaítiaioi. Bínie nairai illaini afe jófuemo íaioimo ite aillo ebíriede illaima daíllena ráaniaina átiítiaioi. Atiano Juzíñamuimo, íemo jíái Crístomo izájítiaioi. Daje llezica afe jofue ocuídímie íaillinoimo aillo ñúefuena mámeítiaioi. ²⁵ Afe jofue naze jaca monari íbainelle. Iemo afénomo jaca mona náuíñeite. Jira náziai íbáillirui íñeite. ²⁶ Enie náraiaí íaioimo ite ebíriede ráaniaina afénomo átiítiaioi. Daje izói afénomo aillo ñúefuiai mámeítiaioi. ²⁷ Mei íadi comécina íáiredino jaca afénomo jofo jáinide. Daje izói comécina éoidino dinomo jofo jáinide, naa taino llotíñori. Dama zííñona ítino mámeçi cueránicomo mámeçina cuezámaci dani afénomo jofo jaille. Afénico Cordero daina Jesucrístomo ite.

22 Afe mei Juzíñamui abi ímie íáinide imánina cue ácatate. Afémiani jainoi cómena zííñona cáatate. Afeji vidrio enéfenemo uáfori cioina izói cíoide. Afe imani Juzíñamui illáimana ráíiranomona tote. Afe ráíirano daje izói Cordero ie. ² Afe jofue cígido áillue macárao illa. Afe macárao dáafenedo comínina

zĩĩnana cáatate aménaiai riina. Daje izói afénomo ite imani fuédado nágafene daje ie aménaiai riina. Afe aménaiai illa diga fiui llizífiredo. Iemo jiái afe aménaiai íbiai nairai ñue manóllena ite. ³Aféruillaído afénomo fadórafuena jae íñeite. Juzíĩnamui illáimana ráirano afe jófuego ite; daje izói Cordero ráirano afénomo ite. Ie ocuífregano daa afémiemo caimátaitaioi. ⁴Afe llezica afémaci Juzíĩnamuimo, meáiruĩño jofo conímamo éroitiaioi. Afémaci ozócimo afémie mámece cúeina. ⁵Afénomo mona jaca náuíñeite. Afénomo itino mechera izoide egáĩnuana jítaiñeitiaioi. Daje izói jítoma egáĩnuana jítaiñeitiaioi, mei cai Ocuide Juzíĩnamui íaioina egáioite. Iemo afémaci jaca ninomo zĩĩnana illáimaitaioi.

Jesucristo billirui ja áinozide

⁶Afe méifomo Juzíĩnamui abi ímie nane cuena daide:

—Bie uai iere ua uaiza. Daje izói bie uai iere ínofiregaza. Afe cai Ocuíraima nauí Juzíĩnamui uai jino llóraini comécimo úritimie. Afémie birui ie abi ímie orede, ie ocuícamacimo raire cómuitífuina onótallena, —daide.

⁷Iemo Jesucristo daide:

—¡Raire biticue! Binícomo cuega Juzíĩnamui uáillana jírúitímie caimare ite, —daide.

⁸Cue Juáadicue. Bífuiaina cacádicue, daje izói bífuiaina ciódicue. Bífuiaina cacáillano, íemo daje izói cue ciona méifomo, cuemo ácatate Juzíĩnamui abi ímie anamo dújudicue afémiemo caimátaillena. ⁹Mei íadi afémie cuena daide:

—Jadíe izói cuemo íño. O izói Juzíĩnamui ocuícamiedicue. Daje izói Juzíĩnamui díbenedo úrifiredo o ámatiai izóidicue. Iemo jiái binícomo cuega uáillana náfuetino izóidicue. Cuemo caimá-

taiño; dama Juzíĩnamuimo caimátaiñeirei, —daide.

¹⁰Nane dáanomo cuena daide:

—Binícomo cuega Juzíĩnamui uaina báinino o comécimo jóoneño o iri. Mei bífuiái ícoimo ñue fuizájillirui ja ánozideza. ¹¹Nai bie fuiñena llezica, fiénidimaci íaioi finófirega fiénidifuenta dama íaioi finócaza. Fia eroi, mei afe izói íaioi illado jamánomo duere finólliaioiza. Daje izói comécina íáiredino dama comécina íáireoicaideza. Fia eroi, mei áfede duere finólliaioiza. Mei íadi ñue itino íaioi illa baimo ñue iri. Daje izói Juzíĩnamui íena ñue finócamie fáicanocaiño afémie íena ífireiri, —daide.

¹²Iemo Jesucristo daide:

—Jii, raire biticue. Illa dígamie mo cue fecalle fia jírídoga izoide raa atídicue. Illa dígamie afémie finoca dieze fécaiticue. ¹³Nanóidimiedicue. Iemo jiái íiraimiedicue. Daje izói naga ráfuiái úcodo itímiedicue. Daje izói fuizájillanomo itímiedicue. Iemo jiái abecedario A-mona táinia izóidimiedicue. Daje izói abecedario Z-mo fuizájilla izóidimiedicue.

¹⁴Iaioi ínroina jocófiredino izói, comeci ífue íuérana méidotino caimare itíaioi. Íemona cáatate amena llizíllana güfrediaioi. Afe bie izói daífacade zĩĩnana íaioi íllena. Daje izói íaioi íniroi ñue jócuamona, afe jofue nazedo Juzíĩnamui illánomo jofo jáirediaioi. ¹⁵Mei íadi comécina íáiredino afénomo jofo jáinidiaioi. Iemo daje izói jiáima fue gáiana fibídino, íemo daje izói nana jiáíforiede jírúifue finódino, daje izói cómena méinetino, daje izói jánaraimo caimátadino, daje izói jiáie comínina iere jífuefredino, naa afe izoide fibídnori; nana bie izoide comini afe jófuego jofo jáinidiaioi; jáiño jino fiébitaioi.

¹⁶Cue Jesúdicue. Juzíñamuimo ua jaináidinomo nana bifuiái jino llóllena cue abi ímie ja cue orecá. Jaiái illaima David comuilla moi ímiedicue; dajé izói afémiemona jebuídino comuítagamiedicue. Iemo iere egáíñote monáiracudu izóidimiedicue, —daide.

¹⁷Iemona Juzíñamui Ñuera Joreño daide:

—Mai bi, —daide.

Dajé izói Cordero ai daína afémiemo ua jaináidino íena daide:

—Mai bi, —daide.

Dajé izói bíuailaina cacáidino afémiena:

—Mai bi, —omoi daiíri.

Iemo Cristo daide:

—Jiróacaitimie zííñona cáataite jáinoina ibáñeno mai fia júruaíbiri. Afe bie izói daiíacade zííñona illáfuena óiacadímie mai cuemo bi; rainóñeno omo fécaíticueza.

¹⁸Nana binícomo cuega Juzíñamui uaimo cacáreidínona bie izói llétaiticueza, cacai: Dáamie bie ráfuena baimo zotáadi, Juzíñamui binícomo cuega jacírede duere fínuaníaina afémiemo jóoneite. ¹⁹Dajé izói binícomo cuega Juzíñamui uáimona dáamie daa uai oni óiadi, Juzíñamui afe zííñona cáaitino mámecei cuiánícomo cuega afémie mámeceina oni óite. Dajé izói binícomo lloga nífuénide jófuemo Juzíñamui afémiena jofo jáitañeite. ²⁰Bífue jino llotímie nane dáanomo llote:

—Jii, raire biticue, —daide.

Afemona Juan daide:

—Aquíe izóideza. ¡Cai Ocuíraima Jesús, mai bi!

²¹Cai Ocuíraima Jesucristo nana ómoina ñue fínoiteza. Daiítadeza. Jae níie.